

BIBLIOTHECA THEOLOGICA



SEPTEM LIBRIS DISTINCTA.

I N Q V A

Exacto ordine reponuntur cuncta ad completam Sacrae Doctrinae, vel Theologiae notitiam spectantia, tam secundum se, quam secundum diuersa eius munera, *Deducendi conclusiones beneficio Artis Syllogisticae: vnde Scholastica, vel Argumentatiua: Ordinandi & explicandi locos Theologicos, vnde Positiua, siue Thetica, & Fundamentalis: Defendendi sua principia aduersus omnia infidelium genera, vnde Polemica: Dispouendi suas materias, vnde Methodica: Utendi metaphoris, vnde Symbolica: Prouocandi, vel dirigendi affectum in Deum, vnde Mystica.*

A V T H O R E

F. DOMINICO A SS. TRINITATE

CARMELITA DISCALC. PROVINCIAE PARISIENSIS.

TOMVS QVARTVS.

Complectens Libri III. in quo agitur de Sacra Doctrina, quo ad munus ordinandi, & explicandi locos Theologicos, Sectionem septimam de ratione naturali, disciplinisque Philosophicis in illa fundatis. & octauam de Historia: Ostenditurque quantum vnaeque referat ad perfectum Sacrae doctrinae studium, adducto breui illarum compendio.

Bibliotheca Sec.^{te}



Catalogus in scriptis

ROMAE, M. DC. LXVIII.

Ex Typographia Philippi Mariae Mancini.

SVPERIORVM PERMISSV.

1870

1870

INDEX

Librorum, Sectionum, & Capitum huius quarti Tomi Bibliothecæ Theologicæ.

LIBER TERTIVS.

In quo agitur de Sacra Doctrina quo ad munus ordinandi, &
explicandi locos Theologicos.

SECTIO SEPTIMA.



A. P. I. Quod ratio naturalis disciplineq; Philosophicæ in illa fundata sacre doctrinæ subleuire possint, ac debeant. Pag. 1.

Cap. II. Affertur generalis quædam scientiarum diuissio, seu Encyclopædia in qua brevis torius ferè scibilis idea ichnographice describitur. pag. 11.

Cap. III. Quanti Grammatica referat ad perfectum sacre doctrinæ studiū. pag. 22.

Cap. IV. Quanti referat ad sacre doctrinæ studium ars Poetica. pag. 24.

Cap. V. Quanti referat ad sacre doctrinæ studium Rethoricæ, eruditeq; eloquentiæ peritia, & notitia. pag. 40.

Cap. VI. Quanti referat ad sacram doctrinam Dialectica scientia. pag. 47.

Cap. VII. Quanti referant ad sacre doctrinæ studium Physicæ disciplinæ, & primum octo Physicorum libri. pag. 173.

Cap. VIII. Quanti referat ad S. doctrinæ studium secunda pars Physicæ, quæ est de corpore simplicis, cælesti, & elementari. pag. 176.

Cap. IX. Quanti referat ad S. doctrinæ studium tertia pars Physicæ, quæ est duorum librorum de ortu, & interitu. pag. 185.

Cap. X. Quanti referat ad S. doctrinæ studium quarta pars Physicæ, quæ est quatuor librorum Meteororum in *Biblioth. Theol. Tom. IV.*

quibus agitur tam de mixtis imperfectis, quam de perfectis, sed inanimatoris. pag. 199.

Cap. XI. Quanti referat ad S. doctrinæ studium quinta pars Physicæ de corpore animato, seu viuentē. pag. 224.

Cap. XII. Quantum referant ad S. doctrinæ studium libri de paruis naturalibus. pag. 257.

Cap. XIII. Quantum referant ad S. doctrinæ studium Magia naturalis, singuleque eius partes. pag. 267.

Cap. XIV. Quantum referat ad S. doctrinæ studium Medicina. pag. 302.

Cap. XV. Quantum referat ad S. doctrinæ studium Chimia, siue Alchimia. pag. 317.

Cap. XVI. Quantum referat ad S. doctrinæ studium Mathesis primaque eius species Arithmetica. pag. 319.

Cap. XVII. Quantum referat ad S. doctrinæ studium Musica. pag. 327.

Cap. XVIII. Quantum referat ad S. doctrinæ studium Geometria. pag. 334.

Cap. XIX. Quantum referant ad S. doctrinæ studium Vranoscopia, singuleque eius partes, seu species, Astro nomia, Cronoscopia, Gnomonica, & Astrologia. pag. 339.

Cap. XX. Quantum referant ad S. doctrinæ studium Cosmografia, singuleque eius partes Geographia, Idrographia, & Anemographia. p. 373.

Cap. XXI. Quantum conducant ad S. doctrinæ studium Architectonica, singuleque eius partes. pag. 392.

Cap. XXII. Quantum referant ad sacre doctrinæ

INDEX SECT. ET CAP.

- doctrinæ studium Optica, & Statica.
pag. 398.
Cap. XXIII. Quantum referat ad S. do-
ctrinæ studium Mechanica, siue Ma-
chinatiua. pag. 402.
Cap. XXIV. Quantum referat ad S. do-
ctrinæ studium Metaphysica. p. 403.
Cap. XXV. Quantum referant ad S. do-
ctrinæ studium Philosophia moralis,
singulæq; eius partes Monastica, Oc-
conomica & Politica, vbi etiam de
iure civili. pag. 424.
Cap. XXVI. Quantum referant ad sa-
cræ doctrinæ studium scientiæ facti-
uæ. pag. 457.

SECTIO OCTAVA.

De Historia.

- C**ap. I. Affertur quædam generalis
diuisio Historiæ, rerumque ad il-

- lam pertinentium notitia. pag. 460.
Cap. II. Quantum referat ad S. doctri-
næ studium Historia Plantarum. 469.
Cap. III. Quantum referat ad S. doctri-
næ studium Historia Animalium. .
pag. 476.
Cap. IV. Quantum referat ad S. doctri-
næ studium humana Historia ab or-
be condito vsque ad primam Monar-
chiam Babilonicam. pag. 486.
Cap. V. Quantum referat ad S. doctri-
næ studium Humana Historia sub
Monarchia prima Assyriorum. 487.
Cap. VI. Quantum referat ad S. doctri-
næ studium Humana Historia sub Mo-
narchia secunda Persarum. pag. 508.
Cap. VII. Quantum referat ad S. doctri-
næ studium Humana Historia sub ter-
tia Monarchia Græcorum. pag. 526.
Cap. VIII. Quantum referat ad S. do-
ctrinæ studium Humana Historia sub
quarta Monarchia Romanorum. 544.



I N D E X

Locorum Sacrae Scripturae, quae in hoc quarto Bibliothecae Theologicae Tomo continentur.

Ex Veteri Testamento, iuxta ordinem librorum eius.

GENESEOS.



- AP. 1. Terra erat inanis
& vacua. pag. 177.
Ibid. Et Spiritus Domini
ferebatur super aquas.
pag. 185.
Ibid. Masculum & fa-
minam creauit eos. Benedixitque illis
Deus, & ait: Crescite, & multiplica-
mini, & replete terram, & subijcite
eam. 187.
Ibid. Factum est vespere, & mane dies
vnus. 189.
Ibid. v. 19. Fecitque Deus duo Luminaria
magna: luminare maius, ut praesset diei,
& luminare minus, ut praesset nocti.
pag. 190.
Ibid. Posuit eas in firmamento caeli, ut lu-
cerent super terram. 191.
Ibid. Et sint in signa, & tempora, & dies,
& annos. 192.
Ibid. Germinet terra herbam virentem, &
facientem semen, & lignum pomiferum
faciens fructum iuxta genus suum. 195.
Ibid. Producant aquae reptile anima vi-
uentis, & volatile super terram sub fir-
mamento caeli. 198.
Cap. 2. Cessauerat ab omni opere, quod
creauit ut faceret. 181.
Ibid. Inspirauit in faciem eius spiraculum
vitalis. 257.
Ibid. Vocabitur Virago, quia de viro sum-
pta est. 296.
Ibid. Formatis igitur Dominus Deus de
humo cunctis animantibus terrae, & vi-
nueris volatilibus caeli, adduxit ea ad
Adam. 485.
Ibid. Dixit quoque Deus, producat terra

- animam viuentem in genere suo, iu-
mentia & reptilia, & bestias terra. 485.
Cap. 3. Terram comedes omnibus diebus
uitae tuae. 254.
Ibid. Nunc ergo ne forte mittat manum
suam, & sumas etiam de ligno vitae, &
comedas, & viuas in aeternum, emisit
eum Dominus de Paradiso voluptatis.
pag. 255.
Cap. 4. Et nomen fratris eius Iubal, ipse
fuit pater canentium cithara, & or-
gano. 372.
Cap. 6. Erantque dies hominis centum vi-
ginti annorum. 266.
Ibid. Gigantes autem erant super terram
in diebus illis. Postquam enim ingressi
sunt filij Dei ad filias hominum, ille-
que genuerunt, isti sunt potentes. 273.
Ibid. Trecentorum cubitarum eris longi-
tudo arca, quinquaginta cubitorum la-
titudine, & triginta cubitorum altitudo
illius. 338.
Cap. 9. Arcum meum ponam in nubibus,
& eris signum faderis inter me, & ter-
ram: cumque obduxero nubibus caelum.
pag. 219.
Ibid. Omne quod mouetur, & viuus eris vo-
bis in cibum, &c. 222.
Cap. 10. v. 8. Potens capis esse in terra,
& erat robustus venator coram Do-
mino. 488.
Ibid. v. 10. Principium Regni eius Baby-
lon. 488.
Cap. 11. Ostium domus inuenire non
poterant. 316.
Ibid. Venite faciamus lateres, & coquamus
eos igni, habueruntque lateres pro sa-
xis, & bitumen pro cemento. 396.
Cap. 16. Iudicet Dominus inter me, & te. 301.
Cap.

INDEX LOCORVM

- Cap. 17. Patrem multarum gentium con-
stitui te. 504.
Cap. 21. Ecce Gemini in utero eius. 256.
Cap. 30. Da mihi mandragoras. 316.
Cap. 36. v. 24. Iste est Ana, qui inuenit
aquas calidas in solitudine. 222.
Cap. 41. Quod autem uidisti secundo ad
eamdem rem pertineus somnium, firmi-
tatis indicium est. 500.
Cap. 49. Veniat qui mittendus est. 38.

EXODI.

- Cap. 5. Vt eamus viam trium die-
rum in solitudinem. 6.
Cap. 9. Dominus dedit tonitrua, & gran-
dinem, & discurrunt fulgura super
terram. 219.
Cap. 10. v. 13. Et extendit Moyses virgā
super terram Aegypti, & Dominus in-
duxit ventum urentem tota die illa, &
nocte. 391.
Cap. 12. Hic mensis principium mensium
primus erit in mensibus anni. 353.
Cap. 13. Erit quasi lignum in manu tua.
pag. 297.
Cap. 15. Quis sicut tu in fortibus Domi-
ne. 38.
Ibid. Nec poteram bibere aquas de Mara
eo quod essent amara. 222.
Ibid. v. 11. Quis similis tui in Dijs Do-
mine. 532.
Cap. 19. Ecce ceperunt audiri tonitrua, &
emicare fulgura. 219.
Cap. 20. Non facies tibi sculptile, neque
omnem similitudinem, quæ est in celo
desuper, & quæ in terra deorsum, nec
eorum, quæ sunt in aquis sub terra. 184.
Ibid. Non loquatur nobis Dominus ne for-
tè moriamur. 266.
Cap. 21. Si percusserit Mulierem in ven-
tre habentem, & egressus fuerit infans
eius figuratus dabit Animam pro Ani-
ma. 257.
Cap. 23. Solemnitatem quoque ages in exi-
tu anni quando congregaueris omnes
fruges tuas de agro. 353.
Cap. 31. Impleuit Beseleel spiritu Dei sa-
pientia, & intelligentia, & scientia in

- omni opere &c. 395.
Cap. 40. Mense primo prima die mensis
eriges tabernaculum. 352.

LEVITICI.

- Cap. 16. v. 7. Duos hircos stare facies
coram Domino in ostio tabernaculi
testimonij: mittensque super utrumque
sortem, unam Domino, & alteram ca-
pro emissario. &c. 299.
Cap. 17. Anima omnis carnis in sangui-
ne est. 256.
Cap. 19. v. 26. Non augurabimini. 289.
Ibid. Non facietis experimenta per figuras,
per baculos. 273.
Cap. 23. A vespere usque ad vespem ce-
lebrabitis Sabbatha vestra. 347.
Ibid. Septem dies festum celebrabitis, & no-
nissimus erit vobis sicut primus vene-
rabilis. 350.
Cap. 26. v. 1. Nec titulos erigetis, nec infi-
gnem lapidem ponetis in terra vestra,
ut adoretis eum. 389.

NUMERORVM.

- Cap. 5. Ingrediantur aqua multa in
ventrem tuum, & utero putrescen-
te putrescat femur. 255.
Ibid. v. 14. Locutusque est Dominus ad
Moysen dicens, loquere ad filios Israel,
& dices ad eos. Vir cuius uxor erraue-
rit, maritumque contemnens, &c. 300.
Cap. 11. Saporis quasi panis oleati. 38.

DEUTERONOMII.

- Cap. 4. Dominus ipse est Deus, in celo
sursus, & in terra deorsus. 183.
Cap. 5. Quid est omnis caro ut audiat vo-
cem Dei loquentis de medio ignis, sicut
nos audiuimus, & possit viuere. 266.
Cap. 8. Vecheler habet. 290.
Cap. 18. v. 11. Vir, sine muliere in quibus
Pytonicus, vel diuinationis fuerit spiri-
tus, morte moriantur, lapidibus obruent
eos: sanguis eorum sit super illos. 286.
Cap.

SACRAE SCRIPTURAE.

Cap. 23. Si acervo ut fulgur gladium
meum. 219.

I O S V E.

C Ap. 10. Sol, & Luna steterunt, &c.
pag. 181.

R E G V M.

L Ib. 1. cap. 4. Fractis cernicibus pe-
rjjs. 316.

Cap. 10. Insiluit in eum Spiritus Domini,
& prophetavit in medio eorum. 334.

Ibid. v. 12. Propterea versum est in pro-
verbium. Num Saul inter Prophetas?
pag. 334.

Cap. 16. Exagitabat eum spiritus nequus.
pag. 280.

Ibid. Quandoquidem Spiritus Domini ma-
lus accipiebat Saul, David tollebat cy-
tharam, & percutiebat manu sua, &
rescillabatur Saul, &c. 334.

Cap. 24. Iudicet Dominus inter me, & te,
& ulciscatur me Dominus ex te. 301.

Lib. 2. cap. 8. Es mensus est eos funiculo
coaguans terram, mensus est autem duos fu-
niculos, unum ad occidendum, & unum
ad vinificandum. 339.

Cap. 12. Filius Beisfabea septimo die mor-
tuis est. 316.

Ibid. Et traduxit eos in typo lateris. 396.

Cap. 13. Ita ut propter amorem eius agro-
raret annum. 316.

Lib. 3. cap. 4. Cumque caneret psalmes, fa-
cta est super eum manus Domini, & ait.
Hec dicit Dominus, &c. 334.

Ibid. Habebat autem Salomon duodecim
praefectos super omnem Israel, qui pra-
bebant annonam Regi, &c. 352.

Cap. 7. Domum suam edificavit Salomon
tredecim annos, & ad perfectum usque
perduxit. 398.

Cap. 10. Vs tanta esset abundantia argen-
ti in Hierusalem, quanta & lapidum. 318.

PARALIPOMENON.

L Ib. 1. cap. 12. Viri Gaddi, viri ro-
bustissimi, facies eorum quasi facies
Leonis. 296.

Cap. 16. Deus fundavit Orbem immobi-
lem. 184.

Cap. 24. Videat Dominus, & requirat.
pag. 301.

Lib. 2. cap. 13. Roboam filius Salomonis
rudis erat. 256.

Cap. 15. Maasias, & Banaias in nablis ar-
cana decantabant. 40.

T O B I A E.

C Ap. 2. Cum calida stercora incide-
rent in oculos suos, &c. 316.

Cap. 6. Cordis eius particulam si super car-
bones ponas, fumus eius extricat omne
genus Dæmoniorum. 278.

E S T E R.

C Ap. 3. Exiit mensis duodecimus,
qui dicitur Adar. 352.

Cap. 6. Assuernus noctem duxit in somnum.
pag. 316.

I O B.

C Ap. 1. Pelle, & carnibus vestisti me,
& ossibus, & nervis compegisti me. 315

Cap. 9. Sub quo curvantur qui portant
Orbem. 181.

Ibid. v. 6. Qui commouet terram de loco
suo, & columna eius concutitur. 184.

Ibid. Qui facit Arcturum, & Oriona, &
Hyadas, & interiora aëstri. 371.

Cap. 10. Es sicut caseum me coagulasti.
pag. 255.

Cap. 19. Quis mihi tribuas ut scribantur
sermones mei? Quis mihi det, ut exa-
rentur in libro stylo ferro? 457.

Cap. 20. Ossâ eius implebuntur visijs ado-
lescentia eius. 316.

Cap. 26. Qui appendit terram super ni-
hilum. 185.

Ibid. Qui ligat aquas in nubibus suis, ut
non erumpant pariter deorsum. 220.

Cap. 28. Celi solidi dicantur, & velas are
fusi. 181.

Cap. 37. Sonabit Deus in voce sua mira-
biliter. 218.

Ibid. Qui, Deus, in manu omnium homi-
num.

INDEX LOCORVM

<i>num signat, ut norint singuli opera eius.</i>	297.
<i>Ibid. Ab interioribus egreditur tempestas, & ab arcturo frigus.</i>	372.
<i>Cap.38. Concenium cali quis dormire faciet?</i>	182.
<i>Ibid. In similitudinem lapidis, aqua durantur, & superficies abyssi constringitur.</i>	221.
<i>Ibid. Nunquid coniungere valebis micantes stellas Pleyadas, aut gyrum arcturi poteris dissipare? Nunquid, &c.</i>	371.
<i>Cap.40. v.13. Ossa eius fistula aris.</i>	523.
<i>Cap.41. Per gyrum densum eius formido.</i>	523.

LIBRI PSALMORVM.

<i>P Salm.6. Inneterani inter omnes inimicos meos.</i>	316.
<i>Psal.8. v.8. In tribulatione inuocasti me, & exaudiui te in abscondito tempestatis.</i>	218.
<i>Psal. Eloquia Domini eloquia casta, argutum igne examinatum, probatum ter, purgatum septuplum.</i>	318.
<i>Psal.15. Dominus pars hereditatis mea, & calicis mei.</i>	299.
<i>Ibid. Funes ceciderunt mihi in praclaris.</i>	339.
<i>Psal.16. Custodi me ut pupillam oculi.</i>	256.
<i>Psal.17. Vs viderem vocem, &c. clamor meus introiit in aures eius.</i>	256.
<i>Psal.23. Quia ipse super maria fundauit eum, & super flumina preparauit eum.</i>	184.
<i>Psal.27. Refloruit cara mea.</i>	316.
<i>Psal.30. In manu tua sortes meae.</i>	300.
<i>Psal.35. Iustitia tua sicut montes Dei.</i>	23.
<i>Psal.37. Furor illis secundum similitudinem Serpentis, sicut aspidis furda, & obturantis aures suas, &c.</i>	272.
<i>Psal.44. Speciosus forma pra filijs hominum, &c.</i>	79.
<i>Ibid. v.3. Manus tua Domine gentes disperdit, & plantasti eas, afflixisti populos, & expulisti eos.</i>	435.
<i>Psal.73. Ne iradas bestijs animas consensientes tibi.</i>	501.

<i>Psal.77. Occidis in grandine vineas. 221.</i>	
<i>Ibid. Sorte diuisti eis terram in funiculo distributionis.</i>	339.
<i>Ibid. Es transiitit austrum de calo, & induxit, &c.</i>	392.
<i>Psal.79. Exterminauit eam aper de sylua, & singularis ferns depastus est ea.</i>	580.
<i>Psal.90. Non timebis à timore nocturno, à sagitta volapae in die, à negotio perambulante in tenebris, ab incurfu, & Demonio meridiano.</i>	276.
<i>Psal.92. Firmauit Deus Orbem terre, qui non commouebitur.</i>	184.
<i>Psal.102. Renouabitur ut aquila inuentus tua.</i>	266.
<i>Ibid. Secundum altitudinem cali à terra.</i>	183.
<i>Psal.103. Fundasti terram super stabilitatem suam, non inclinabitur in saeculum saeculi.</i>	184.
<i>Ibid. Bestias Syluae.</i>	276.
<i>Ibid. Hoc mare magnum, & spaciosum manibus, illic reptilia, quorum non est numerus.</i>	484.
<i>Psal.105. Comederunt sacrificia mortuorum.</i>	284.
<i>Psal.113. A facie Domini mota est terra à facie Dei Iacob.</i>	184.
<i>Psal.118. v.113. Quam dulcia faucibus meis eloquia tua super mel ori meo.</i>	47.
<i>Psal.121. Illuc enim ascenderunt iribus, tribus Domini.</i>	23.
<i>Psal.135. Quoniam in aeternum misericordia eius.</i>	37.
<i>Ibid. Qui fecit calos in intellectu.</i>	180.
<i>Psal.139. Qui firmauit terram super aquas.</i>	184.
<i>Psal.147. Nebulam sicut cinerem spargis.</i>	220.
<i>Ibid. Qui das ninem sicut lanam.</i>	221.
<i>Psal.148. Statuis ea in aeternum.</i>	180.
<i>Ibid. Laudate Dominum cali calorū.</i>	181.

LIBRI PROVERBIORVM.

<i>Cap.1. Nubes rore concrecunt.</i>	221.
<i>Cap.16. Sortes mittuntur in sinu, sed à Domino temperantur.</i>	299.
<i>Cap.17. Spiritus iustis desiccatur ossa.</i>	316.
<i>Cap.18. v.18. Contradictiones comprimit foris.</i>	

SACRAE SCRIPTURAE.

- sors, & inter potentes quoque dyndicas.*
pag. 300.
Cap. 23. *Sicut tineae vestimento, & ver-*
mis ligno, ita tristitia viri nocet cordi.
pag. 316.
Cap. 25. *Calum sursum, & terra deor-*
sum. 183.
Ibid. *Aqua frigida Anima sitienti.* 255.
Cap. 28. *Leo rugiens, & ursus esuriens*
Princeps impius super populum paupe-
rem. 520.
Cap. 30. v. 5. *Omnis sermo Domini igni-*
tus est. 47.
Cap. 31. *Quasiuit lanam, & linum, & ope-*
rata est consilio manuum suarum facta
est quasi navis initoris de longe por-
tans panem suum. 525.

LIBRI ECCLESIASTES.

- C**ap. 1. *Oritur Sol, & occidit, iterum-*
que ad locum suum reuertitur. 181.
Ibid. *Terra autem in aeternum stat.* 184.
Cap. 5. v. 5. *Multas curas sequuntur som-*
nia. 267.
Cap. 11. *Qui observas ventum non se-*
minat. 292.
Cap. 12. *Memento Creatoris tui in diebus*
iuventutis tuae, ante quam venias tem-
pus afflictionis tuae, & appropinquet
anni de quibus dicas, non mihi placent.
pag. 266.

CANTICI CANTICORVM.

- C**ap. 5. *Ego dormio, & cor meum vi-*
gilat. 266.

SAPIENTIAE.

- C**ap. 2. *Hac est pars nostra, & hac est*
sors nostra. 522.
Cap. 4. *Fascinatio nugacitatis obscuras bo-*
na. 281.
Cap. 7. *Coagulatus sum in sanguine ex se-*
mine hominis. 255.
Ibid. *Decem mensium tempore.* 256.
Ibid. *Ipse dedit mihi horum, quae sunt sciē-*
tiam veram, ut sciam dispositionem or-
bis terrarum. 391.

Biblioth. Theol. Tom. IV.

- Ibid. *In ventre matris mea figuratus sum*
caro. 257.
Cap. 8. *Scit praeclita, & de futuris asti-*
mas, signa, & monstra scit, ante quam
fiant, & euentus temporum, & saculo-
rum. 372.
Cap. 11. *Omnipotens manus tua, quae crea-*
uit Orbem terrarum ex materia inuisa.
pag. 180.

ECCLSIASITICI.

- C**ap. 2. *Omnis sapientia à Domino*
Deo est. 2.
Cap. 18. *Numerus dierum vitae hominis*
ut multum centum anni. 266.
Cap. 19. *Ex visu cognoscitur vir, & ex oc-*
cursu faciei cognoscitur sensatus. 296.
Cap. 23. *Cogitavi abstrahere à vino carnē*
meam, ut animum meum transferrem
ad sapientiam. 316.
Cap. 27. *Sicut in medio compaginis lapi-*
dum palus figitur, sic &c. 397.
Cap. 29. *Principium vitae hominis panis,*
& aqua. 255.
Cap. 31. *Somnus sanitatis in homine par-*
co. 266.
Ibid. *In omnibus operibus tuis esto velox,*
& omnis infirmitas non appropinquabit
tibi. 316.
Ibid. *Et si coactus fueris in edendo multū,*
surge à medio, euome, & refrigerabis te.
pag. 316.
Cap. 37. *Propter crapulā multi perierunt,*
qui autem abstinentes est adiciet vitam.
pag. 316.
Cap. 38. *Altissimus creauit medicinam de*
terra, &c. 315.
Ibid. *Honora Medicum propter necessita-*
tem, etenim illū creauit Altissimus. 315.
Cap. 39. *Non me à ligno indulcata est aqua*
amara. 222.
Cap. 43. *Vide arcum, & benedic eum, qui*
fecit illum valde speciosus est in decore
suo: gyrantq; calum in circuitu gloria
sua, &c. 220.
Ibid. *Gelu sicut salem effundes super ter-*
ram. 221.
Ibid. *Qui nauigant mare enarrant eius*
pericula. 458.

††

Ibid.

INDEX LOCORVM

- Ibid.* Et superficies abyssi confringitur.
pag. 221.
Cap. 46. Et post hac dormiuit, & notum
fecit Regi, & ostendit illi finem vite sue,
& exaltauit vocem eius de terra in
prophetia, &c. 275.
Cap. 47. Imminutus à prudentia Roboam.
pag. 256.

I S A I AE.

- C**ap. 1. Plaga tumens non est circum-
ligata. 316.
Ibid. Neomenia, & Sabbatha vestra odi-
nit Anima mea. 350.
Cap. 3. Sapientem de Architectis, &c. 395.
Ibid. Maledictus populus cui infantes, &
famina imperant. 440.
Cap. 5. Cantabo dilecto meo canticum di-
lecti mei. 35.
Ibid. v. 29. Rugitus eius ut leonis rugiet,
ut catuli leonum, & frendes & tene-
bit prædam, & amplexabitur, & non
eris qui eruat. 505.
Cap. 8. v. 19. Num requireret pro viniis à
mortuis. 288.
Cap. 9. Sed quadris lapidibus edificabi-
mus. 396.
Ibid. Sycomoros succiderunt, sed cedros im-
mutabimus. 398.
Cap. 10. Confortamini adhuc dies est ut
in Nobe stetur. 522.
Ibid. v. 13. Principes. 540.
Cap. 13. Meminerunt Lamiarum. 276.
Cap. 14. Corruisti in terram qui vulne-
rabas gentes, qui dicebas in corde tuo in
calum conscendam, & super astra Dei
exaltabo solium meum. 505.
Ibid. Ascendam super calum, super astra
exaltabo solium meum, similis ero Al-
tissimo. 506.
Ibid. v. 9. Gigantes. 540.
Cap. 16. His qui latantur super muros co-
eli lateris loquimini plagas suas. 396.
Cap. 18. Ite Angeli veloces ad gentem con-
culsam, & dilaceratam, ad gentem ex-
pectantem, & conculcatam. 339.
Cap. 25. Triturabitur Moab sub eo, sicut
teruntur palea in plastro. 458.
Cap. 28. Non enim in ferris tritabitur

- gith, nec rosa plaustrum super cyminium
circuibit, sed in virga excutietur gith, &
cyminium in baculo. 458.
Cap. 29. Ut somnias famelicus se comede-
re. 267.
Cap. 30. Erit lux Luna sicut lux Solis, &
lux Solis erit septemplexiter. 180.
Cap. 34. Nudauerunt Lania mammæ
suas. 279.
Cap. 38. Vlcus Ezechia sanatum est cata-
plasmate ex ficis. 316.
Cap. 40. Qui sedet super gyrum terra.
pag. 183.
Ibid. Qui autem sperant in Domino, mu-
tabunt fortitudinem, assumunt pennas,
ut aquila volabunt, & non deficient.
pag. 266.
Cap. 41. Ego posui te quasi plastrum tri-
turans nouum habens rostra serran-
tia. 458.
Cap. 43. Ab Oriente adducam semen tuum,
& ab Occidente congregabo te, &c. 500.
Cap. 44. Ego sum Dominus irrita faciens
signa diuinorum, & ariolos in furorem
vertens, &c. 293.
Cap. 45. v. 1. Hac dicit Dominus Christo
meo Cyro, cuius apprehendi dexteram,
ut subijciam ante faciem eius gentes, &
dorsa Regum vertam. 518.
Ibid. Thesuros absconditos, & arcana se-
cretorum. 518.
Cap. 47. Defecisti in multitudine consilio-
rum tuorum, stent, & saluent te augures
calis, &c. 293.
Ibid. Contaminasti hereditatem tuam.
pag. 316.
Ibid. v. 10. Sapientia tua & scientia tua
hac decepit te. 502.
Cap. 49. In manibus meis descripsi te. 395.
Cap. 51. Celi sicut fumus liquefcent. 181.
Cap. 55. Quomodo descendis imber, & nix
de celo, & illuc ultra non reuertitur,
sed inebriat terram, &c. 47.

I E R E M I AE.

- C**ap. 4. v. 7. Ascendes Leo de cubili
suo, & prædo gentium se leuabit. 505.
Ibid. Ecce quasi nubes ascendet, & quasi
tem-

SACRAE SCRIPTURAE.

- tempestas currus eius, velociores aquilis equi illius.* 506.
Ibid. *Velociores fuerunt persecutores nostri aquilis.* 506.
Cap. 5. v. 7. *Calix aureus Babylon in manu Domini inebrians omnem terram, de vino eius biberunt gentes, & ideo commota sunt.* 503.
Cap. 10. *Iuxta vias gentium nolite discere, & à signis cali nolite metuere, quia timent gentes; quia leges populorum vana sunt.* 293.
Cap. 13. *Si mutare potest Aethiops pellem suam, & pardus varietates suas, & vos poteritis bene facere.* 537.
Cap. 18. v. 7. *Sicut ventus urens dispergā eos coram inimico, &c.* 391.
Cap. 23. *Bibe post eos.* 40.
Ibid. *Numquid non verba mea sunt quasi ignis? & quasi malleus conterens petram.* 47.
Cap. 33. *Sicuti enumerari non possunt stellas caeli, & metiri arena maris: sic multiplicabo semen David serui mei.* 370.
Cap. 48. *Ecce quasi aquila volabis, & extendet alas suas ad Moab.* 506.
Cap. 50. v. 2. *Capta est Babylon, confusus est Bel, victus est Merodach, confusa sunt sculptilia eius, superata sunt idola eorum.* 491.

BARVCH.

- Cap. 6.** *Quasi possint sentire qui non habent motum.* 256.
Ibid. v. 24. *Mulieres autem circumdatae funibus in vijs sedent, succedentes ossa olivinarum, &c.* 279

EZECHIELIS.

- Cap. 1.** *Splendor ignis, & de igne fulgur.* 291.
Cap. 13. *Ipsē edificabat parietem, illi autem lineabant cum luto absque paleis: Dic ad eos, qui liniunt absque temperatura quod casurus sit, &c.* 397.
Cap. 16. *Non est praeputius umbilicus tuus.* pag. 256.
 Biblioth. Theol. Tom. IV.

- Cap. 21.** *Stetit enim Rex Babylonis in binio in capite duarum viarum divinationem quaerens, commiscens sagittas interrogavit idola.* 290.
Cap. 43. *Metiantur fabricam, & erubescant.* 338.
Ibid. *Figuram domus, & fabricae eius exitus, & introitus, & omnes descriptiones eius, &c.* 395.

DANIELIS.

- Cap. 1.** *Pueris autē dedit Deus scientiam, & disciplinam in omni libro, & sapientia, Danieli autem intelligentiam omnium visionum, & somniorum.* 2.
Cap. 2. *Somnium tuum, & visiones capitis tui tu Rex cogitare coepisti.* 256.
Ibid. v. 21. *Tu folio regali impoens Reges, eosdemque inde deturbas.* 435.
Ibid. v. 31. *Tu Rex videbis, & ecce quasi statua una grandis: statua illa magna, & statua sublimis stabat contra te, &c.* pag. 487.
Ibid. v. 37. *Tu es Rex Regum, & sub ditione tua universa constituit Deus, tu es ergo caput aureum.* 502.
Ibid. v. 32. *Pectus autem, & brachia de argento.* 518.
Ibid. v. 39. *Et post te consurget Regnum aliud minus te.* 518.
Ibid. *Per ventrem, & femora ex gre.* 526.
Ibid. v. 36. *Et Regnum tertium aliud ereum quod imperabis universa terra.* pag. 534.
Ibid. *Per tibias ferreas, pedesque ex parte ferreos, ex parte fictiles.* 544.
Ibid. v. 46. *Et Regnum quartum erit velut ferreum.* 577.
Ibid. v. 43. *Sicuti ferrum misceri non potest testa.* 578.
Ibid. v. 41. *Regnum partim erit solidum, & ex parte contritum.* 379.
Cap. 4. *Post finem duodecim mensium in aula Babylonis deambulabat.* 352.
Ibid. v. 19. *Tu Rex magnificatus es, & magnitudo tua pervenit usque ad caelos, & potestas tua ad terminos universae*

INDEX LOCORVM

- uerſe terra. pag. 502.
 Cap.7. v.2. Videbam in viſione mea no-
 ſte, & ecce quatuor venti cęli pugnabāt
 in mari magno. Et quatuor beſtia
 grandes aſcendebant diuerſe inter ſe.
 pag. 487.
 Ibid. Throni poſiti ſunt, & antiquus die-
 rum ſedis. 519.
 Ibid. v.5. Et ecce beſtia alia ſimilis Vrſo
 in parte ſtetit, & tres ordines erant in
 ore eius, & in dentibus eius; & ſic di-
 cebant eiſurge, comede carnes plurimas.
 pag. 520.
 Ibid. Per pardum quatuor alas, & qua-
 tuor capita habentem. 526.
 Ibid. v.6. Poſt hac aſpiciebam, & ecce alia
 quaſi pardus, & alas habebat quaſi anis,
 quatuor ſuper ſe, & quatuor capita
 erant in beſtia, & poteſtas data eſt ei.
 pag. 537.
 Ibid. Per ferociſſimam, & terribilem ad-
 modum beſtiam dentibus ferreis om-
 nia deuorantem, & comminuentem.
 pag. 544.
 Ibid. v.7. Poſt hac aſpiciebam in viſione
 noctis, & ecce beſtia quarta terribilis,
 atque mirabilis, & fortis nimis, den-
 tes ferreos habebat magnos &c. 579.
 Ibid. v. 17. Ha quatuor beſtie quatuor
 ſunt regna, qua conſurgunt de terra,
 pag. 577.
 Ibid. v. 8. Conſiderabam cornua, & ecce
 cornu aliud paruulum ortum eſt de me-
 dio eorum, & tria de cornibus primis
 euulſa ſunt à facie eius, &c. 579.
 Cap.8. v.3. Et ecce Aries vnus ſtabat an-
 te paludem, habens cornua excelsa, &
 vnum cornu excelsius altero, atque ſuc-
 crefcens &c. 524.
 Ibid. Per Hircum cornu magnum. 526.
 Ibid. v.5. Ecce anſem hircus caprarum ve-
 niebat ab Occidente ſuper faciem totius
 terra, non tangens terram, habens cor-
 nu inſigne inter oculos &c. 540.
 Cap.9. Vno anno Darij Regis. 530.
 Cap.10. Facies eius velut facies fulguris,
 pag. 219.
 Cap.11. v.2. Tertius: Ecce adhuc ſtabunt
 tres Reges in Perſide, & quartus, diſa-

- bitur opibus magnis pra omnibus, cum-
 que praluuerit opibus ſuis excitabit
 omnes contra Regnum Gracie. 511.
 Ibid. v.14. Cum ſtetierit, conteretur Regnū
 eius, diuidetur in quatuor ventos cali,
 ſed non in poſteros eius, neque ſecundum
 poteſtiam illius &c. 526.
 Ibid. v.34. Surget verò Rex fortis, & do-
 minabitur, poteſtate multa, & faciet
 quod placuerit ei, & cum ſtetierit con-
 teretur Regnum eius. 544.

O S E AE.

- Cap.4. v.12. Populus meus in ligno
 interrogauit, & baculus eius an-
 nuntiauit ei. 290.
 Cap.13. Occurrat eis quaſi Vrſa raptis
 catulis, & dirumpam interiora iecoris
 eorum, & conſumam eos ibi quaſi Leo.
 pag. 520.

A M O S.

- Cap.1. Eo quod trituraueris in plan-
 ſtris ferreis Galaad. 458.
 Cap.4. v.6. Vnde & ego dedi vobis ſtupo-
 rem dentium in omnibus vrbibus ve-
 ſtris. 523.
 Cap.7. Hamus tua funiculo metietur.
 pag. 339.
 Cap.15. Quomodo ſi fugiat vir à facie
 Leonis, & occurrat illi vrſus. 520.

N A H V M.

- Cap.3. Propter multitudinem furni-
 cationū maretricis ſpecioſa, & gra-
 ta, & habentis maleſicia. 279.

H A B A G V C.

- Cap.1. v. 10. Ipſe de Regibus trium-
 phabit, & Tyranni ridiculi eius
 erunt. 503.
 Ibid. Ego ſuſcitabo Caldeos gentem ama-
 ram, & velocem, ambulantem ſuper
 latitudinem terra, vt poſſideat taber-
 naculum.

SACRAE SCRIPTURAE.

- macula non sua, &c.* 506.
 Ibid. *Leniores pardes equi eius.* 537.
 Cap. 2. *Lignum quod inter iuncturas adificiorum est respondebis.* 397.

ZACHARIAE.

- C** Ap. 6. *Isti sunt quatuor venti cali.* pag. 501.
 Cap. 9. *Exilit ut fulgur iaculum.* 219.
 Cap. 10. *Super pastores iratus est furor meus, & super hircos visitabo.* 540.

MACHABAEORVM.

- L** Ib. 1. cap. 1. *Constituit praelia multa, & obtinuit omnium munitiones, & interfecit Reges terra, & pertransiit usque ad fines terra, &c.* 534.
 Cap. 1. *Et post hac decidit in lectum, & cognouit quia moreretur, & vocauit pueros suos nobiles, qui secum erant nutriti à iuuentute, & diuixit illis Regnum suum, cum adhuc uineret.* 539.
 Cap. 2. *Nunc ergo filij amulatores estote legis, & date animas uestras pro testamento patrum uestrorum, quia fecerunt in generationibus suis, &c.* 532.
 Cap. 12. *Commiscebuntur humano semine.* pag. 579.
 Lib. 2. cap. 7. *Nonem mensibus te in utero portanti.* 256.

Ex nouo Testamento, librorum eius ordine seruato.

MATTHAEI.

- C** Ap. 2. *Vidimus stellam eius in Oriente.* 8.
 Cap. 4. *Hac omnia dabo tibi, si procidens adoraueris me.* 273.
 Ibid. *Cum ieiunasset 40. diebus, & 40. noctibus.* 349.
 Cap. 10. *Dignus est enim operarius, &c.* pag. 2.
 Cap. 12. *Sicut fuit Ionas in ventre Ceti tribus diebus, & tribus noctibus, sic eris &*

- filius hominis in corde terra tribus diebus, & tribus noctibus.* 349.
 Cap. 15. *Omne quod in os intras in ventrem vadit, & per secessum emittitur.* pag. 198.
 Cap. 16. *Vespere facto dicitis, serenum erit rubicundum est enim calum, & mane, hodie tempestas, rutilas enim tristis calum.* 223.
 Cap. 20. *Et egressus circa horam tertiam vidit alios, &c.* 347.
 Cap. 24. *Sicut fulgur exiit ab Oriente, & paret usque ad Occidentem.* 219.
 Ibid. *Eris enim tunc tribulatio magna, qualis non fuit ab initio Mundi usque modo, neque fiet; & nisi breuiati fuissent dies illi, &c.* 582.
 Ibid. *Miser Angelos suos cum tuba, & voce magna, & congregabunt electos eius à quatuor ventis.* 500.
 Cap. 27. *A sexta autem hora tenebra factae sunt super uniuersam terram usque ad horam nonam, & circa horam nonam clamauit Iesus, &c.* 347.
 Cap. 28. *Vespere autem Sabbathi, quia lucescit in prima Sabbathi.* 350.

M A R C I.

- C** Ap. 15. *Erat autem hora tertia, & crucifixerunt eum.* 347.

L V C A E.

- C** Ap. 2. *Exiit edictum à Caesare Augusto, ut describeretur uniuersus orbis.* 504.
 Cap. 4. *Socrus Simonis tenebatur magnis febribus.* 316.
 Cap. 6. *Factum est in Sabbatho secundo primo.* 350.
 Cap. 10. *Videbam Satanam sicut fulgar de calo cadentem.* 219.
 Ibid. *Infundens oleum, & vinum.* 316.
 Cap. 12. *Cum videritis nubem orientem ab occasu, statim dicitis, nimbus venit, & ita fit: Et cum austrum stantem, dicitis quia aestus erit, & fit.* 222.
 Cap. 13. *Spiritus infirmitatis.* 281.
 Cap. 17.

INDEX LOCORVM

- Cap.17. Sicut fulgur coruscans de sub calo, in ea, qua sub calo sunt fulget. 219.
 Cap.23. Erat autem fere hora sexta, & tenebra facta sunt in vniuersa terra usque ad horam nonam. 347.

IOANNIS.

- C**ap.4. Hora autem erat quasi sexta. pag. 348.
 Cap.6. Et nos credidimus, & cognouimus quia tu es Christus filius Dei. 6.
 Cap.10. Ego sum pastor bonus. 35.
 Cap.11. Si dormis saluus erit. 266.
 Ibid. Nonne duodecim sunt hora diei, &c. pag. 348.
 Cap.19. Exiuit ex latere aqua. 315.
 Ibid. Erat magnus dies ille Sabbathi. 350.
 Cap.20. Resurrexisset una Sabbathi. 349.
 Ibid. Una Sabbathi venerunt mulieres ad monumentum. 350.
 Ibid. Cum sero esset die illa una Sabbathorum. 350.

ACTVVM APOSTOLORVM.

- C**ap.7. Et eruditus est Moyses omni sapientia Aegyptiorum, & erat potens in verbis, & in operibus suis. 2.
 Cap.17. Ipsius, & genus sumus. 3.
 Ibid. In ipso enim viuimus, mouemur, & sumus. 26.

EPISTOLARVM PAVLI.

- A**d Rom.cap.8. Vnico concubitu cocepit. 256.
 Ad Corinth. 1. cap.1. Diuites facti estis in omni verbo, & in omni sapientia. pag. 46.
 Cap.3. Secundum gratiam Dei, qua data est mihi, ut Sapiens, & Architectus fundamentum posui. 395.
 Cap.10. Fidelis autem Deus est, qui non patietur vos tentari ultra id quod potestis, sed faciet etiam cum tentatione prouentum, ut possitis substinere. 274.
 Ibid. Nos socios fieri Demoniorum. 277.
 Ibid. Petra autem erat Christus. 502.

- Cap. 15. Corrumpunt bonos mores colloquia mala. 2.
 Ibid. Tu quod seminas non uiuificatur, nisi prius moriatur.
 Cap.26. Perdam, idest irritam faciam sapientiam sapientum, non utique meam in eis perdam sed illam, qua eorum. 6.
 Corinth.2. cap.2. Sermo meus, & praedicatio mea, non in persuasibilibus humana sapientia verbis, sed in ostensione spiritus, &c. 9.
 Ad Galat. cap.3. O insensati Galatae, qui vos fascinauit non obedire veritati. 281.
 Cap.4. Dies obseruatis, & menses, & tempora, & annos; timeo vos, ne forte sine causa laborauerim in vobis. 285.
 Ad Ephes. cap.5. Nolite inebriari vino, in quo est luxuria. 316.
 Cap.6. Aduersus principes, & potestates. pag. 277.
 Ad Philipp. cap. 1. Oro ut charitas vestra magis, ac magis abundet. 198.
 Ad Timoth. 1. cap.5. Vtere modico vino propter stomachum, & suas frequentes infirmitates. 316.
 2. Cap.3. Omnis scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, &c. 47.
 Cap.4. Reddet illi Dominus secundum opera sua. 301.
 Ad Titum cap.1. Cretenses semper mendaces, ventres pigri male bestia. 2.
 Ad Hebræos cap.2.v.5. Nō subiecit Deus Angelis orbem terræ futurum. 273.
 Cap.4. Viuus est sermo Domini, & efficax, & penetrabilior omni gladio ancipiti. pag. 47.
 Cap.13. Deus pacis eduxit de mortuis pastorem magnum ouium Iesum. 35.

EPISTOLAE IACOBI.

- C**ap. 1. Quia si quis auditor est verbi, & non factor, hic comparabitur viro consideranti vultu natiuitatis suæ in speculo: Considerauit enim se, & abiit, & statim oblitus est qualis fuerit. pag. 401.

APO-

SACRAE SCRIPTURAE.

APOCALYPSIS.

C Ap. 6. *Vsquequo Domine non indicas, & non vindicas sanguinem nostrum de his, qui habitant terram.* 301.
 Cap. 13. *Ne quis possit emere, aut vendere, nisi qui habet characterem, aut nomen bestia; aut numerum nominis eius.*

Hic sapientia est, &c. 39.
 Cap. 17. v. 24. *Et alius consurget post eos, & ipse potentior eris prioribus.* 581.
 Cap. 19. *Habet scriptum in vestimento, & in femore suo, Rex Regum, & Dominus Dominantium.* 504.
 Cap. 22. *Qui iustus est iustificetur adhuc.* 198.
 pag.


Erratorum index omittitur, quia nulla in sensu, pauca in ortographia, quæque facile à benigno Lectore animaduerti, & corrigi poterunt.



Imprimatur,

Si videbitur Reuerendissimo Patri Sacri Palatij Apōstolici
Magistro.

M. Episc. Arimini Vicefg.



Imprimatur.

Fr. Hyacinthus Libellus Magister Sacri Palatij
Apostolici.

BIBLIO-



BIBLIOTHECAE THEOLOGICAE LIBER TERTIVS.

De sacra doctrina, quo ad munus ordinandi & explicandi locos Theologicos, vnde Positivæ, vel Theticæ, alias Fundamentales sibi nomen vindicat.

SECTIO SEPTIMA.

De ratione naturali, disciplinisque Philosophicis in illa fundatis.

CAPVT PRIMVM.

Quod ratio naturalis, disciplineque Philosophicæ in illa fundatæ, sacre doctrine subseruire possint, ac debeant.



IRCA præsentem locum à ratione naturali scientiisque in illa fundatis desumptum, duo sunt extrema viro Theologo accuratè vitanda :

Primum, ne solius rationis, scientiarumque naturalium & humanarum ductum sequatur, contempta auctoritate diuinæ reuelationis; aut præcipuum fundamen-

Bibliot. Theol. Tom. IV.

tum in ratione naturali ponens, eas tantum auctoritates recipiat, quas naturali lumine percipit, alias verò non admittat; in hoc enim sensu, vel alio simili, si de naturali ratione, Philosophicisque disciplinis loquamur in ordine ad supernaturales fidei sacræque Theologiæ veritates, obuia sunt innumera diuinarum Scripturarum, Conciliorum Generaliũ, Sanctorum Patrum loca, & sententiæ, quibus Philosophiam omnem, præsertim vero Dialecticam à Sacra doctrina

A

segre-

segregandam putant, velut insidiosam, & fallacem, minimèque cum negotio fidei coherentem, ut enim super illud Matth. 10. *Dignus est enim operarius &c.* docet D. Hieronymus, *Huiusmodi virga, & baculus arundineus est, quem si paululum presseris frangitur, & manum perforat incumbentis.* Nimirum *frangitur*, propter impotentiam luminis naturalis ad percipienda supernaturalia diuinæ fidei mysteria: *perforat*, propter periculum ea negandi, si scilicet talia voluerimus expendere mysteria ad trutinam rationis, scientiarumque in illa duntaxat fundatarum, non rationem ad trutinam mysteriorum: De quo argumento plura videri possunt apud Petauium in prolegom. Theolog. Dogmat. à cap. 3. Antonium Peres in Laurea Salmantina certamine 2.

Alterum extremum fugiendum, est, ne quis rationis naturalis, disciplinarumque illius homini innixarum præsidium, ac ministrum profusus abijciat; quàm enim illarum usus est malus, ac pestilens; cum ad fidem sic admoventur, ut ei præcant, ipsa verò subsequatur; quod tunc agitur, cum sola credendi ratio in humana sapientia, & dialectica constituitur; adco ut nulli assentiri dogmati libeat, quod sola auctoritate constat; nisi humana ratiocinatione capi, probarique potuerit. Quod eius, quem carnalem & animalelem sapientem vocat Apostolus, proprium est. *Humana mens*, inquit D. Hilarius lib. 8. *hoc solum sapit quod intelligit: & mundus hoc tantum quod potest credit, secundum eleuentorum naturas id tantum possibile existimans, quod aut videret, aut ageret.* Quàm, inquam, talis usus scientiarum naturalium est malus, illumque acriter reprehendunt, ut dixi, omnes Sancti Patres; tam supposita semel fide ex sola Dei auctoritate causas habent, quæ quidem idoneis ad sui significationem notis ac argumentis illuxerit, dicendum est magnam earundem scientiarum opportunitatem esse, vel ad ornandam, vel ad tuendam, vel ad formandam diuinarum rerum cognitionem

ac scientiam; quod satis infra constabit discurrendo per omnes, & singulas scientias, & ostendendo quantum vnaquæque sacræ doctrinæ prosit; unde nunc generalia tantum ad hoc probandum, adducemus argumenta tam ex diuinarum litterarum, Sanctorumque Patrum auctoritate, quàm etiam ex ratione desumpta.

Primum igitur Ecclesiastici cap. 2. dicitur quod, *Omnis Sapientia à Domino Deo est*: constat autem quod nomine omnis sapientiæ humana subintelligitur post sapientiæ diuinam; igitur eo ipso quod scientiæ etiã naturales sunt à Domino Deo, non est cur negetur illas subseruire posse, ac debere doctrinæ sacræ tanquam ancillas dominæ.

Deindè, dum in sacris litteris ita, apertè cõmendatur & extollitur sapientiæ humanæ studium, etiam in illis, qui diuinarum Scripturarum amantissimi fuerunt, non est leue argumentum magnam ex illa fieri posse, & ad ornatum, & ad usum ac commoditatem sacræ doctrinæ, accessione. Ita de Moyse act. Apost. cap. 7. dicitur; *Et eruditus est Moyses omni sapientia Aegyptiorum: & erat potens in verbis & in operibus suis.* Similiter Sap. 7. & 3. Reg. cap. 4. legitur de Salomone quod Deus illi infudit noticiam rerum naturalium, stellarum, elementorum, bestiarum, virgultorum, idque à cedro Libani vsque ad hyssopum quæ crescit in pariete. Daniel etiam & socij eius Daniel. cap. 1. commendantur ob susceptam à Deo humanæ etiam scientiæ cognitionem. Ita enim dicitur: *Pueris autem his dedit Deus scientiam & disciplinam in omni libro, & sapientiæ.* Danieli autem intelligentiam omnium visionum, & somniorum.

Tandem D. Paulus non leue conclusionis nostræ veritati testimonium reliquit: cum tot in epistolis suis eruditionis humanæ monumeta inseruit. Etenim 1. ad Corinth. cap. 15. inducit Melandri illud, *Corrumpunt bonos mores colloquia mala.* Et ad Titum 1. illud Epimenidis siue Callimachi, *Cretenses st-*
per

per mendaces, venres pigri, mala beſtia.
Et a. 17. teſtem vocat Aratum ad-
ducens illud ex eo, *ipſus & genus ſu-*
mus, & illud de ignoto Deo, eodem in
capite.

Secundo probatur ex Conciliorum,
Summorumq; Pontificum decretis; Nā
in Concilio Viennenſi ſub Clemente V.
& reſertur in Clementina; conſtitutum
fuit vt in monaſterijs ſingulis idoneus
aliquis eligatur Magiſter qui Monachos
diligenter inſtituat in primitiuis ſcien-
tijs intelligēdo per primitiuis ſcientias,
naturales dumtaxat diſciplinās: Con-
cilium etiam Trident. ſeſſ. 5. cap. 1. de re-
format. Statuit vt ad catholicæ fidei de-
fenſionem & incrementum, & ad ſanæ
doctrinæ conſeruatiōem & propaga-
tiōem, inſtituantur extraneæque gym-
naſia in quibus publicè non ſolū Theo-
logia, ſed etiam reliquæ bonarum artiū
litterarumque profeſſiones tradantur, &
à peritioribus magiſtris diſcentur.

Clementis Papa I. epiſt. 5. ad ſuos di-
ſcipulos & reſertur eap. relatum eſt no-
bis, diſtinct. 37. frequentia pro ſecularis
eruditionis ſcientiarumque humanarū
ſuffragio ſcripſit; Cum ex diuinis Scri-
pturis integram quis & firmam regulam
veritatis ſuſceperit, absurdum non erit, ſi
aliquid ex eruditione communi ac libera-
libus ſtudijs quæ forte in pueritia attigit,
ad aſſertionem veri dogmatis conferat. Et
Eugenius II. vt reſertur cap. 12. de qui-
buſdam diſtinct. 37. diſtinctè præcepit
vniuerſis Episcopis plebibuſque ſibi ſub-
iectis, vt omnem adhiberent eura-
pro idoneis inquirendis, tradendiſque
plebi magiſtris, qui liberarum littera-
rum ſtudia aſſiduè docerent.

Tertio locupletiffimos huius verita-
tis teſtes habemus omnes Sanctos Pa-
tres qui in vnoquoque vixerunt ſeculo,
quorum multi primo non obiter ſed ex
inſtituto ſcripſerunt integros libros ad-
uerſus Gentiles, & in iſdem libris nihil
ferè aliud quam Philoſophiam, aut Poë-
tarum Carmina, aut hiſtoriam humanā
propoſuerunt, vt liquet ex operibus La-
ctantij, Arnobij, Clementis Alexandri-

Bibliot. Theol. Tom. IV.

ni, Eusebij, Tertulliani, Sancti Iuſtini
Martyris, & aliorum. Secundò pluribus
etiam ſuorum operū locis ſcientias na-
turales, & humanas laudibus extulerūt,
vt pote quæ non decorem tantum, & or-
natum aſſerunt ſacræ doctrinæ: ſed vſū
etiam, ac præſidium ſingulare, penitus-
que neceſſarium.

Placet hac in re primum audire Cle-
mentem Alexandrinum qui in plerique
Stromateon libris perfectū numeris om-
nibus exemplar informans Chriſtiani ſa-
pientis, hoc eſt Theologi quem Gnoſti-
con appellare ſolet, inter alia quæ in
illo requirit ornamenta lib. 6. vnum eſt
doctrinarum omnium complexio, non
ſolum magnarum ſed etiam mediocriū.
Vbi etiam quid ex quaque doctrina ca-
pere debeat, illi præſcribit. Sed non
ſunt omittenda verba eiufdem libri ſex-
ti quæ etiam quomodo vti illum diſci-
plinis oporteat, pulchrè & ad mentem
noſtram explicant: *Gnoſticus, ait, in pri-*
mis ac præcipuis ſemper animum occupatū
habet. Quod ſi quando illi otium eſt, &
remittens à primarijs ſtudijs animi tem-
pus, Græcam attingat Philoſophiam tan-
quam bellarium aliquod poſt canam ar-
rodens. ita quidem vt meliora non negligat:
ſed illa quatenus ſatis eſt, aſſumat.

Clementi ſuccedat Origenes homil.
2. in Exod. *Communis, inquit, iſta ratio-*
nalis ſcientia omnes inſtruit, omnes fouet:
& ſi quis in ea virilis animi fuerit, & vo-
luerit celeſtia querere ac diuina ſectari,
veluti medicus & ſotus, per huiusmodi
eruditionem ad diuinorum intelligentiam
paratior venit.

Tertullianus lib. de idolatria cap. 10.
ait, *Quomodo quis inſtitueretur ad pru-*
dentiam interim humanam, vel ad quem-
cunque ſenſum vel actum (ſupple ſine li-
teratura) cum inſtrumentum ſit ad omnem
vitam litteraturæ? Quomodo repudiamus
ſecularia ſtudia, ſine quibus diuina non
poſſunt.

Diuus quoque Hilarius lib. 12. ait;
Fidem non nudam Apoſtolorum, atque ino-
pentem rationis reliquit: quæ quamuis poſſi-
ſima ad ſalutem ſit, tamen niſi per doctri-

nam infirmatur, habebis quidem inter aduersa tutum refugiendi recessum, non etiã retinebis constantem obviandi securitatẽ, erisque ut infirmis sint post fugam castra, non etiam ut arma habentibus ad sis interitua fortiundo.

Basilii Magni homil. 24. de legendis libris Gentilium sequentia verba notatu digna profert. Si nostrorum sermonum ac Gentilium vlla est connexio, nobis illorum valde conferet notitia. Sin minus, eos saltem simul conferendo differentiam discere licebit, cum ad melioris optionem, atque delectum non parum comparatio faciat, & inferiora sape collata sint potioribus ornameto. Veluti plantis, quibus propria virtus est fructu pulcherrimo scateri, folia nihilominus ramis coniuncta quendam ferunt ornatum. Sic & animis, cui præcellens quidem veritas fructus est, non abs re tamen veritatis sapientia circumdatur, sicut folijs quibusdam umbram fructui ac aspectum non intempestivum præbentibus.

Basilium certè Gregorius Nazianzenus prædicat orat. 20. quod artes omnes, atque doctrinas humanas apprimè calleret. Quis, inquit, in Philosophia, excelsa procul dubio scientia, & sursum gradiente doctior, sine eam partem spectes, qua in actione, & speculatione posita est, sine eam qua in logicis demonstrationibus, aut oppositionibus, & concertationibus versatur, quam Dialecticam vocant: in qua adeo excelluit, ut ipsi qui cum eo disputabant facilius esset à labyrinthis se se extricare, quam argumentorum eius laqueos effugere.

D. Hieronymus tomo 2. epistola ad Magnum Oratorẽ quæ est numero 84. respondens, & explicans illi quærenti, cur in opusculis suis secularium litterarum exempla misceret, ait. Nec statim prava opinione fallaris contra gentes: quia omnes penè omnium libri, exceptis istis, qui cum Epicuro litteras non didicerunt, eruditionis doctrinaeque plenissimi sunt. Et quâso, suadeas ne vescendum dentibus edentulis innideas, & oculos caprarum talpa cõsemmas. Similiter in epistol. ad Dama-

sum, quæ incipit, *Beatitudinis tua interrogatio est*, paulò ante medium, ad præfens institutum accommodat allegoriam quamdam ex muliere captiua ab Israelite in uxorem ducenda desumptam. Huius sapientia typus, & in Dentronomio cap. 21. sub mulieris captivæ figura describitur; de qua divina vox præcipit: ut si Israelites eam habere volueris uxorem, calvitium ei facias, ungues præfeces, & pilos auferat: & cum munda fueris effecta tunc transeat in viitoris amplexus. Hæc si secundum litteram intelligimus, nonne ridicula sunt? Itaque & nos facere solemus, quãdo Philosophos legimus, quando in manus nostras libri veniunt sapientia secularis: si quid in eis vtile reperimus, ad nostrum dogma convertimus, si quid verò superfluum de idolis, de amore, de cura secularium rerum, hac radimus, his calvitium inducimus, hac in unguium morem, ferro acutissimo defecamus.

Tandem D. Augustinus lib. 2. de doctrina Christiana ait: Philosophi autem qui vocantur, si qua forte vera, & fidei nostræ accommodata dixerunt, maxime Platonici, non solum formidanda non sunt, sed ab eis etiam tanquam iniustis possessoribus in usum nostrum vendicanda. Sicut enim Aegyptij non solum idola habebant, & onera gravia, qua populus Israel decestaretur & fugeret, sed etiam vasa atque ornamenta de auro, & argento, & vestem, qua ille populus exiens de Aegypto, sibi potius tanquam ad usum meliorem clanculo vendicauit, non auctoritate propria, sed præcepto Dei ipsi Aegyptijs nescienter commodantibus ea, quibus non bene utebantur: sic doctrina omnes gentilium non solum simulata, & superstitiosa figmenta, grauesque sarcinas supernacanei laboris habet, qua unusquisque nostrum duce Christo de societate gentilium exiens, debet abominari atque deuicare; sed etiam liberales disciplinas usui veritatis aptiores, & quadam morum præcepta utilissima continent, deque ipso uno Deo colendo nũnulla verba inveniuntur apud eos.

En quomodo iuxta cõmuncem Patrum consensũ ex ratione naturali, humanæque

que ſapientię cōmercio fructum Theologia percipit: vt ab iſtis non ſolū cultior, elegantiorque, ſed etiam inſtructior exiſtat; & eūdem ad integritatem, tūm ad tutelam, ac ſalutem per magnas opportunitates hauriat; quod amplius infra patebit diſcurrendo per ſingulas artes & ſcientias, quarum varietate non minus ſacra doctrina, quam Eccleſia debet eſſe circumamicta in ſimbrijs aureis.

Tertiò probatur Concluſio rationibus. Ita enim doctrina Sacra eſt prior omnibus alijs ſciētijs philoſophicis prioritate antiquitatis, ſue temporis, prioritate originis, prioritate omnibus modis dignitatis, veritatis certitudine, authoritatis magnitudine, ſubiecti nobilitate, finis vtilitate, vani enim ſunt omnes homines, quibus non ſubeſt ſcientia Dei, Sap. 13. cloquij ſecunditate, perfectionis integritate; ita, inquam, ſacra doctrina omnibus his modis eſt prior omnibus alijs ſciētijs humanis, vt tamen ordine doctrinæ ſit illis poſterior, ſi quidem non eſt prius notum ſemper ordine doctrinæ quod eſt prius in natura, ſed illud à quo eſt facilior doctrina; vnde quia ſacra doctrina de occultiſſimis eſt nobis, eſt enim de eis, quæ ſoli Deo cognita ſunt, & omnem naturalem intellectum creaturæ excedunt; hinc ſequitur ita eſſe priorem alijs ſciētijs ex natura rei, vt tamen ſit illis poſterior ordine doctrinæ; Ea igitur ratione qua cognitio imperfecta, eſt diſpoſitio quædam ad cognitionem perfectam, tanquam via ad ſuum terminum; dicendum eſt etiam rationem naturalem, ſcientiaſque philoſophicas in illa fundatas poſſe, ac debere ſubſeruire doctrinæ ſacræ, ad cuius notitiam illa, quæ in talibus ſciētijs traduntur ſunt manuſducentia, vt mox explicabitur.

Secūda ratio deſumitur ex hoc quod omnes aliæ ſcientiæ ordinantur ad doctrinam ſacram, indè enim manifeſtè ſequitur illi ſubſeruire poſſe ac debere; ita autem rem ſe habere probatur, quia in eis quæ ordinantur ad eundem finem, illa quæ imperfectè conſequentur finē, ordiuntur ad illud, quod perfectè ipſū

conſequitur, vt docet Philoſophus in principio Ethicorum; ſed omnes aliæ ſcientiæ cum doctrina ſacra ordinantur in eundem finem diuinæ cognitionis, ita tamen vt ſcientiæ naturales imperfectè tantū illum conſequantur, perfectè autem doctrina ſacra, diuiniſque inſpirata, quantū poſſibile eſt homini pro præſenti ſtatu viæ; ergò dicendum omnes alias ſcientias manuſducenti ordinari ad iſtam, tam ex parte noſtra, quam ex parte rei. Ex parte enim noſtra, doctrina illa ordinatur ad aliam, à qua nobis eſt facilior via deueniendi in notitiam alterius; ordo ſi quidem diſciplinæ noſtræ requirit, vt ab imperfecto, ad perfectius, & à nobis magis noto ad minus notum aſcendamus; ſed omnes aliæ ſcientiæ philoſophicæ docent nos deuenire in cognitionem Dei, & rerum ſpiritualium diuinarum imperfectam, ſcilicet quo ad communia ſcibilia de ipſis, quæ facultatem humanæ rationis non ſuperant, & illa docent per nobis magis nota, vt per creaturas, in quibus elucent ſicut cauſæ in effectū; doctrina autem ſacra docet de eiſdem propria ſcibilia, quæ Deo ſoli naturaliter de ſe ſunt cognita, quæque facultatem naturalis rationis excedunt, & docet illa modo nobis minimè noto & connaturali, ſcilicet via fidei, quæ eſt obſcura; ergò loquendo ex parte noſtra omnes aliæ ſcientiæ ordinantur ad iſtā, quia per illas eſt nobis facilior, & notior via diſciplinæ deueniendi in cognitionē iſtius. Quod eleganter expreſſit Hugo Viſt. in prologo celeſtis Hierarchiæ: *Philosophia, inquit, tres partes continet Logisticam, Ethicam, Theoricam. Theoricæ autem ſunt tres partes, Mathematica, Phyſica, Theologia, quarum Mathematica ſpectatur viſibilitium rerū viſibiles formas. Phyſica verò viſibilitium rerum inuiſibiles cauſas. Theologia verò inuiſibiles ſubſtantias & inuiſibilitium ſubſtantiarum inuiſibiles naturas. Et eſt in eis quaſi progreſſio quædam, & proſectus mentis ad cognoscendum verum. Per viſibiles enim viſibilitium formas peruenitur ad inuiſibiles viſibilitium cauſas, & per inuiſibiles viſibilitium cauſas aſcen-*

6 Bibliothecæ Theologicæ Lib. III.

ascendimus ad inuisibiles substantias, & earum cognoscendas naturas, hæc autem Philosophia summa est, & veritatis perfectio, quia nihil altius esse potest animo contemplantis.

Quod etiam ex parte rei omnes aliæ scientiæ ad Theologicam ordinentur, sicut non principales ad principalem, satis patet ex hoc quod omnes illæ attingunt imperfectè, quod ista consequitur perfectè, nihil enim aliud requiri videtur ad hoc ut ex parte rei una scientia ordinetur ad aliam.

Tertiò probatur ex hoc quod sacra doctrina quamplurimas Theologicas conclusiones deducere non potest, nisi accipiat aliquas propositiones à philosophicis disciplinis, non quidem ex necessitate, nam ex utraque præmissa de fide, Theologicus discursus est perfectissimus: neque ut à superioribus, sed ut ab inferioribus & ancillis, quia præmissis naturalibus, coniunctis cum præmissis de fide utitur ad maiorem manifestationem suorum principiorum, quæ habet immediatè à Deo per revelationem; ergò dicendum est sacre doctrinæ non esse aspersandum philosophicarum disciplinarum contubernium; consequentia patet, probatur antecedens; Tum ex innumeris argumentis, quæ in toto decursu Sacre doctrinæ efformantur ex una præmissa ad fidem, & altera ad philosophiam, pertinente; tum etiam quia, ita est in omnibus scientijs ordinatis ad unam, tanquam principalem, quod licet illi assumere, & in usum suum convertere, quidquid utile in alijs scientijs sibi subiectis inuenerit, quia propter ipsam, & eius finem & principia tractatur principaliter quicquid in illis tractatur, quare cum ex statim dictis sacra doctrina principalis sit omnibus modis principalitatis super omnes scientias, ideo eius est ab eis exquisita & benè considerata in suum usum assumere, & in principia sua reducere, & ad suum finem ordinare; Vnde Exodi 5. super illud, *Vt eamus viam trium dierum in solitudinem*, dicit Glossa ordinaria, *Horum trium dierum iter pro-*

ficiscimur, si rationalem, moralem, naturalem sapientiam de rebus mundialibus auferentes ad instituta diuina conuertimus.

Quia autem assumere Philosophica, & miscere inter sacra scripta potest Theologus dupliciter. Vno modo antiquam planè instructus sit in sacra doctrina, volens per vera à philosophicis dicta interpretari supernaturales fidei veritates. Alio modo veritatibus sacre doctrinæ prius perfectè pertractatis, & intellectis, deinde illa tanquam vtilia & declaratoria adducere. Primum non licet omnino, hanc enim disciplinæ celestis, ac diuinorum rerum percipiendarum hominibus viam Christiana præcipit religio; uti credendarum rerum rationem non ab intelligentiæ luce repetant, nec argumentis, ac probabilibus inuentis humanæ sapientiæ; vel argumentorum subtilitate, aut demonstrandi necessitate moueantur ad assensum, sed autoritate sola testificantis Dei; vnde ut innumera alia præteream SS. Patrum testimonia, super illud Ioannis 6. *Et nos credimus, & cognouimus quia tu es Christus filius Dei.* Cyrillus Alexandrinus lib. 4. commentar. in Ioannem, rectum hunc esse ordinem adnotat, ubi prior sit fides, qua credimus, quàm cognitio. *Nam post fidem cognitio sequitur, non illā antecedit: quemadmodum scriptum est: si non credideritis, non intelligetis. Postquam enim basis instar constituta fuerit in nobis simplex, nec curiosa fides, super hac deinceps ac paulatim cognitio struitur: qua nos ad mensuram atatis, qua in Christo est, attollit, & ad virum perfectum, ac spiritualem.* Conuenit in hunc eundem sermonem Basiliius to. 2. homil. in Psalm. 115. & Augustinus in epistola 222. *Vt ergo in quibusdam rebus, inquit, ad doctrinam salutarem pertinentibus, quas ratione nondum percipere valeamus, sed aliquando valebimus, fides præcedat rationem, qua cor mundatur, ut magna rationis capiat, & perferat lucem; hoc utique rationis est. Et ideo rationabiliter dictum est per Prophetam: Nisi credideritis non intelligetis. Vbi procul dubio discre-*
uit

Sectio VII. Caput I.

7

ut hac duo, deditque consilium, quo prius credamus, ut id quod credimus intelligere valeamus. Proinde ut fides præcedat rationem, rationabiliter visum est.

Quod quidem communiter Patres docuerunt oppositè ad Philosophorum, mundi que Sapientum institutù, quibus ceterum erat & firmum, nulli rei temere fidem adhibendam esse, nisi quam humana ratio, ac prudentia consequi posset: quæque vi argumentorum, ac probationum, viam sibi ad assensionem faceret. *In homine carnali, inquit idem Augustinus serm. 147. de tempore cap. 1. tota regula intelligendi, est consuetudo cernendi. Quod solent videre, credunt: quod non solent, non credunt.* Er Hilarius lib. 8. in fine, *Humana mens hoc solum sapit quod intelligit, & mundus hoc tantum quod potest, credit.* Hinc Christianos irridebant Etnici; & eorum disciplinam, professionemque carpebant; tanquam clausis, quod aiunt, oculis quodlibet sequerentur, sola credulitate freti, unde & Pistorius, hoc est fideles per ludibriù appellabant, ut fusius infra dicetur libro huius operis 5. His etiam de causis antiqui Patres, qui Chistianos ab illorum calumnijs vindicabant, eatenus Philosophicas disciplinas aliquando reiecerunt, & à fidei, eiusque doctrinæ consortio procul amandandas esse putauerunt, ut non duces haberentur, & magistræ credendi; sed ancillulæ, & pedissequæ: non quæ meliori assistas luce mentes regerent, ac quo vellent ducerent: sed obsequerentur potius ac præsto essent ad tutelam, ac ministerium. *Hæc humana artis peritia, inquit Petrus Dam. opusc. 36. cap. 5. si quando tractandis sacris eloquijs adhibetur non debet ius magisterij sibi met arroganter arripere: sed velut ancilla domina quodam famulatus obsequio subservire: ne si præcedis oberrat: & dum exteriorum verborum sequitur consequentias, intimæ virtutis lumen, & rectum veritatis tramitem perdat.*

Vel etiam dicendum eos tantum Theologos reprehendere Sanctos Patres, dum Philosophicarum disciplinarum

usum in Theologia damnate videntur; qui plus nimio illis indulgent. Noluerunt enim illi, quos occupationibus gravissimis maximèque necessarijs oportebat esse distractos, eos Philosophiæ studijs præpediri. Vtrumque proinde vitium reprehendendum supra monuimus & eorum qui philosophiam eiusque studium euangelij præferre videntur, quibus Auerroes Paulus est, Alexander Aphrodisæus Petrus, Aristoteles Christus, Plato non divinus, sed Deus; & eorum, qui cum omni rerum naturalium cognitione vacui sint, ubi primoribus, quod aiunt, labris sacras litteras degustarint, tum se Theologos absolutissimos profitentur, tum Philosophiam quasi rebus Theologicis tractandis ineptam negligunt.

Tandem cum in omnibus alijs scientijs, quas doctrinæ sacræ subservire oportere, non dominari docuimus ex Patribus, quædam sint noxia, & falsa, quædam vera, sed vana, quia nullum usum ad sacram doctrinam habent, quædam denique vera, & huic scientiæ aliquo modo proficua; satis patet prima nunquam debere à Theologia assumi, nisi ut improbentur, secunda omnino esse negligenda, tertia verò cum opus est usurpanda; ut egregiè docet D. Augustinus lib. 14. de Trinitate cap. 2. ubi horum trium distinctionem tangit. *Non quicquid sciri ab homine potest in rebus humanis, ubi plurimum supernacæ vanitatis, & noxiæ curiositatis, huic scientiæ tribuendum, sed illud tantummodo quo fides saluberrima, quæ ad veram beatitudinem ducit, gignitur, nutriunt, defenduntur, roboratur.* Secundum quod etiam dicit Hieronymus super epistolam ad Titum, *si quando cogimur litterarum secularium recordari, & aliqua de his dicere, quæ olim omisimus, non est nostra voluntatis, sed, ut ita dicam, gravissima necessitatis.* Quasi velint illi Sancti ea tantum, secutè ex alijs scientijs à sacra doctrina posse usurpari, quæ illi possunt esse proficua & utilia; quæque consequenter non tam voluntate affectant, quia vanitas quædam, & ostentat

ostentatio esse videtur, quàm necessitate compellente assumuntur. Et hoc sufficiat ad explicationem tertie rationis, in qua diximus plerumque sacram doctrinam in vsum suum habere assumere aliquas veritates, quæ in alijs scientijs traduntur.

Quarta ratio potest desumi ex hoc, quod sæpe ingruit necessitas agendi cū Paganis, cum Atheis vt omnes adducantur ad Deum; at cum ipsi nec Scripturās sacras, nec traditiones, vel authoritatē Ecclesiæ recipiant; nihil tunc prodesset disputatio, nisi ex principijs naturalibus quæ ipsi admittunt, & negare non possunt Theologo cum illis agere liceret: Igitur vt ex D. Chrysostomo homil. 3. super 1. cap. epistolæ ad Titum, S. Paulus electionis vas, egregiusque Gentium Apostolus & conquistor, vt omnes lucrificeret, omnes & omnia omnibus effectus est; scilicet Iudæis Iudæus: & his qui sine lege erant, tanquam sine lege: vt ipse primæ Corinth. 9. testatus est; ad aucupandum enim aliquas etiam aues colorem atque speciem avium callidus & doctus venator debet inducere: nam quisque allicitur ad speciem suorum. Ob eandem etiam causam, nec non vt veritas sacræ Scripturæ testimonijs aduersariorum congruere appareat, vt docet D. Hieronymus super epistola ad Titū; & tandem vt per vera, quæ ex illis assumuntur falsa ibidem cōtenta euidentiùs improbentur, secundum quod dicit Augustinus lib. 13. contra Faustum cap. 15. tomo 6. & refertur distinct. 37. cap. Si quid. Si quid veri de Deo Sibyllæ, vel Orpheus, alijsque Gentilium vates, aut Philosophi prædicasse perhibentur, valet quidem ad paganorum vanitatem reuincendā, non tamen ad auctoritatem complectendā; Ob has, inquam, & similes causas poterit aliquando, & debet Theologus gentilium disciplinis uti, vt sic facilius ad veritatem fidei amplectendam adducantur.

In hunc finem Isaïæ cap. 8. præceptum à Domino est, vt conscriberet stylo hominis, quæ ipsi ad homines in-

struēdos docendosque dictabantur. Sic super illud Matth. 12. *Vidimus stellam eius in Oriente*, docet Chrysostomus homil. 6. ad medium, *Ad maiorem Dei gloriam pertinuisse, si virtus eius etiam inimicorum testimonio panderetur: & si ipsi quoque gentilitatis magistri consonam proferrent de veri Dei potestate sententiam; Et paulò inferius reddens rationem cur Deus, non quidem per Angelos aut Prophetas, sed tantum per stellæ signum vocare voluerit Magos ad sui cognitionem, & studium, in typum vocationis gentium ad fidem; Per ea, inquit, illos vocat, quæ familiaria eis consuendo significabat; quia enim unusquisque consuetudinis sue amicitia ligatur, missi ad totius orbis salutem magistri de ipsorum cuiuslibet more gentis modos sibi assumunt docendi, sicut Paulus gentibus scribebat in medium testimonium proferens Poetas, sicut patet act. 17. Iudæis adhuc sub lege viuentibus de sacrificijs posuit initium doctrina, sicut patet in epistola ad Hebræos. Quod idem docet D. Hieronymus tom. 2. epistol. 84. *Quis enim, ait, nesciat, & in Moyse, & in Prophetarum voluminibus (adde & in epistolis Pauli) quædam assumpta esse de Gentilium libris; nam vt idem Hieronymus agens de Paulo inferente humanas inter factas litteras perpendit; Ne parum hoc esset, ductor Christiani exercitus, & orator innictus, pro Christo causam agens, etiam inscriptionem furtiuam arte torquet in augmentum fidei. Didicerat enim à vero David, extorquere demonibus hostiū gladium, & Golia superbissimi caput proprio mucrone truncare, &c. Diuus quoque Augustinus ait lib. 2. de doctr. Christiana cap. 40. Nonne aspicimus quanto auro, & argento, & veste suffarcinatus (scilicet eruditionis externa) exierit de Aegypto (scilicet de Gentilium Philosophorum codicibus) Cyprianus Doctor suauissimus & Martyr beatissimus? Quanto Lactantius? Quanto Victorinus, Optatus, Hilarinus? vt de vniuersis saccam: quanto innumerabiles Graeci: Quod prior ipse fidelissimus Dei famulus Moyses fecerat, de quo scriptum est, quod eruditus fuerat omni sapientia Aegyptiorum.**

At

At dicet aliquis, Apostolos non fuisse humanis litteris eruditos, nec eis vsos fuisse ad Gentium conuersionem, quin imo D. Paulus varijs in locis docet sapientiam huius mundi stultitiam esse apud Deum; non est ergo cur Theologus Christi miles humanarum disciplinarum presidij egeat, vt fidei aduersarios possit euincere. Id quod exemplo Niceni Concilij facile demonstratur, vbi Philosopho superando plus valuit simplicis hominis sincera fides, quam omnes omnium Dialecticorum & Philosophorum argutia.

Respondetur primò esse falsũ, quod ipsorum quoque Apostolorum doctrina, & exemplis non fuerit in Theologiam inuictus rationum naturalium, scientiarumque humanarum vsus; satis enim constat tam ex his quæ de D. Paulo statim diximus, quam ex tota historia Evangelica, quomodo hoc medio fuerint etiam ab illis adducti exteri ad fidem, confirmati fratres, inuitati dociles, repulsi repugnantes; Quando igitur Diuus Paulus sapientiam huius mundi stultitiam apud Deum appellat; debet intelligi de sapientia humana quo ad ea, quæ in illa sunt noxia & falsa, vel quo ad ea, quæ sunt quidem vera, sed vana, quia nullum vsum ad sacræ doctrinæ finem habent, vt supra diximus; vno verbo de sapientia humana, quo ad id quod est humana; in hoc enim solũ quandoque infirmitatem in se habere potest, nam in eo quod continet veritatem ad diuinorum notitiam aliquomodo conducentem, diuina magis est, vnde Glossa interlin. super illum locum 1. Corinth. cap. 6. ait; *Perdam, id est irriam faciam sapientiam sapientum, non utique meam in eis perdam, sed illam qua eorum.* Non enim vera sapientia, & vera prudentia, perditur à Domino, sed falsi nominis scientia, quam sibi thesaurizat lingua mendacij.

Secundò responderi potest, verum esse quidem, quod Apostoli non ita frequenter vsi fuerint rationibus naturalibus, Philosophorum disciplinis etiam.

Bibliot. Theol. Tom. IV.

quo ad ea quæ in illis vera continentur; sed nudam tantum sententiam, quæ de fide bonis operibus custoditur, tradiderint; secundum quod dicit Apostolus 2. Corinth. 2. *Sermo meus, & prædicatio mea non in persuasibilibus humane sapientie verbis, sed in ostensione spiritus, & virtutis vestra, vt fides nostra non sit in sapientia hominum, sed in virtute Dei.* Non tamẽ inde sequitur disciplinas istas Theologis nullo modo esse vsurpandas: si quidem cum sacri Apostoli prima tunc temporis Ecclesiæ Catholicæ fundamenta conijcerent, oportuit tunc eos reprobare disciplinas humanas, quæ veluti scrupuli sunt, hoc est leuissimi ac tenuissimi lapides, tanto sane erigendo consolidandoque ædificio prorsus inepti: At cum iam moles Ecclesiæ altissimum, editissimumque subierit gradum; cum iam tot homines propositis rebus fidei assensu fuerint, ac fide suscepta Christiani iam esse cœperint, non est cur ad eam tuendam, illustrandam, persuadendam, & docendam non possint ac debeant scientiæ naturales vtiliter assumi. Quod Origenes in homil. *quomodo Abraham Cethuram accepit uxorem eleganti allegoria ex hoc petita coniugio declarat.* Sane, inquit, *præter hoc quod ex lege Dei edocemur, si etiã ex his eruditionibus, quæ extrinsecus videntur esse in saculo, aliquas contingimus, verbi causa, vt est eruditio litterarum artis Grammaticæ, vt est Geometrica doctrina, vel ratio numerorum, vel etiam dialectica disciplina, & hac omnia extrinsecus quæsita ad nostra instituta perducimus, tunc videbimur ex alienigenis in matrimonium sumpsisse; vel etiam concubinas, & si de huiusmodi coniugijs disputando, disserendo, contradicentes redarguendo, conuincere aliquos poterimus ad fidem, & suis eos rationibus, & artibus superantes ad veram philosophiam Christi, & veram pietatem Dei suscipere suaserimus, tunc ex dialectica, & rethorica videbimur quasi ex alienigena, quadam vel concubina filios genuisse.*

Quinta ratio ducitur ex perfecta luminis naturalis & supernaturalis inter se

B

con-

concordia, vtrumque enim est à Deo, nec gratia tollit naturam, sed perficit, nec natura gratiam repellit, sed suscipit; Igitur ea ratione qua veritates fidei ita sunt supra omnem humanæ naturæ cap-
tum, vt tamen non sint contra, sed il-
lius lumini valde conformes; non est
cur sacra doctrina omnem humanæ na-
turæ rationem, philosophicarumque di-
sciplinarum vsum abiciat, quarum veri-
tates eo ipso quod sunt à Deo, quæcum-
que enim sunt vera in tantum sunt vera,
in quantum imitantur primam veritatē,
& falsa in quantum ab eius imitatione
deficiunt, tales, inquam, veritates quæ
Deum etiam habent authorem, à quo
nullus error esse potest, non possunt nō
esse manu ductiæ ad veritates Theolo-
gicas, gradusque ad perfectam illarum
notitiam. Vnde rationes quæ videntur
ex principiis Philosophicis constructæ,
contrariæ veritati fidei & sacræ doctri-
næ, non ex veris principiis philosophicis,
sed solum per errorem humanæ indu-
striæ constructæ dicendæ sunt, secundū
quod etiam multa sibi met contraria Phi-
losophi in Philosophia senserunt, quia
humanis sensibus, & humanis ratiocina-
tionibus ista quæserunt, vt dicit August.
18. de ciuit. Dei cap. 41. Et ideo quia,
non sunt efformatæ ex principiis Philo-
sophiæ omnes verè dissolubiles sunt: &
sicut per errorem naturalis rationis sunt
constructæ, vel circa verā Philosophiæ
principia, vel illa male extendendo vltra
id, quod extendi deberent, sic per dire-
ctionem naturalis rationis non quidem
secundum se, & præcisè sumptæ, sed
vt adiutæ, vel excitatæ superiori lumine
fidei, quo supernaturalia cognoscuntur,
omnes possunt euidenter dissolui, vt in-
fra suo loco dicemus lib. 5.

Hanc rationem vno aut altero Diui
Augustini testimonio placet illustrare.
Epistola 7. ad Marcellinum; Si ratio,
inquit, contra diuinarum Scripturarum
authoritatem redditur: qualibet acuta sit,
fallit verisimilitudine, nam vera esse non
potest. Rursum si manifestissima certa-
que rationi velut Scripturarum sacrarum obij-

citur authoritas, non intelligis quæ hoc fa-
cit, & non Scripturarum illarum sensum,
ad quem penetrare non possit, sed sum-
mus obicit veritati. En quomodo non
quidem Sophisticæ, sed verè Philosophi-
cæ rationes perfectam cum veritatibus
diuinæ Sapientiæ concordiam habent
ex D. Augustino; vnde idemmet epist.
222. ad Consentinum ait; Illa ratio quæ
persuasit in ea Trinitate, Deum filium
non esse Patri coæternum, & alterius esse
substantia, atque aliqua parte dissimilem,
& eo modo inferiorem, Non ideo quia ra-
tio, sed quia falsa ratio, canenda & dete-
standa dicenda est. Nam si ratio vera es-
set, non vtiq; errasset. Quapropter sicut
non ideo debes omnem vitare rationem,
quia est, & falsa ratio, hoc & de sapientia
dixerim, neque enim propterea sapientia
vitanda est, quia est, & falsa sapientia.
Quo certè nihil clarius ad præsens in-
stitutum afferri potest, nam hoc dicit
Augustinus contra Consentinum quia,
epist. 221. asserbat; Quod in eis quæ
sunt fidei, & sacra Scriptura, non rationi
sed authoritati credendum est, quia heretici
non errassent, si Scripturis sacris ma-
gis quam suis rationibus accommodare fi-
dem mallet.

Sexto tandem & vltimò probatur,
ex eo quod nihil sit fere cuius in Scri-
ptura sacra non fiat mentio; Et vt omit-
tam, quod sacra doctrina mores naturæ
moderationi consentaneos præscribit,
vitia rationi contraria refutat; comper-
tum est multa etiam in illa haberi, quæ
Philosophiæ, Arithmeticæ, Geometriæ,
Geographiæ, Astronomiæque subsidij
indigent, cum sæpe alias, tum maxime
vbi rerum naturalium, quasi miracula,
quæ in disciplinis humanis explicantur,
à Salomone, Dauid, Iob, ac cæteris Pro-
phetis, in diuinæ potentie, vel sapien-
tiæ cōmendationem afferuntur; ea igitur
ratione qua perfectæ diuinari Scri-
pturarum intelligentia ad Theologum
pertinet quis neget scientias humanas
illi non solum viles, sed etiam necessa-
rias esse; quamuis non omnes eodem
modo, parique passu, vt satis constabit
infra

Sectio VII. Caput I.

I I

infra discurrendo per singulas, nunc pro generali regula tenendum in omni scientia rerum tanto plus illam vnamquamque valere ad vsū doctrinæ sacræ, quanto plura, & apertiora de Deo, & rebus diuinis tractauerit; & ideo vt vidimus superiori libro sectione 6. D. August. 8. de Ciuit. Dei cap. 9. in tractandis sacris litteris vtilitatem Philosophiæ Platonice cæteris Philosophis anteponebat.

En quomodo inter duos etiam alios extremos errores, vnum eorum, qui vsque adeo argumentis à ratione ductis, Philosophorumque dictis, & sententijs addixerunt se, vt siue disputent, siue scribant, Scripturam sacram, Sanctorumque Patrum libros ne legisse quidem videntur; & alterum multo peiorem illorum, qui Philosophicas omnes disciplinas amandandas esse voluerunt à fidei, & Christianæ pietatis consortio; quales fuerunt Lutherus potissimum, & Cornelius Agrippa, quorum primus nō modo asseruit Philosophiam esse Theologo inutilem & noxiam, verum etiam omnes speculativas disciplinas errores esse. Secundus verò vir post hominum memoriam vanissimus, in suo illo libro, qui de vanitate scientiarum inscribitur, non philosophiæ solum, sed omnibus etiam alijs humanis disciplinis, & diuinis bellum indixit; non alia certè ratione nisi, quemadmodum Epicurus Dialecticam reiecit, Mahometes Saracenos procul ab omnibus disciplinis adduxit, quoniam intelligebat disciplinas atque omnes rationales, doctrinæ peruersæ esse contrarias; ita impijssimi illi duo viri, eorumque Sæctatores, nequando à discipulis errores eorū absurdissimi deprehenderentur, voluerunt eos ab omni cognoscendi ratione seuocare. Quod & olim tentauerat Iulianus, quando Christianis lege interdixit studia bonarum, artium, vt referunt Socrates lib. 3. Histor. Ecclesiast. cap. 12. & 16. & Sozomenus lib. 6. Historiæ tripart. cap. 37.

Inter hos, inquam duos errores media incedimus via, asserimusque licere viris Catholicis, maximè verò Theolo-

Biblioth. Theol. Tom. IV.

gis, omnibus scientijs incumbere, & mirabilia Dei opera scrutari, non solum, quia per ipsa elementa mundi tanquam per publicas paginas, diuinæ voluntatis significationem accepimus, vt S. Leo sermone 6. de ieiunio decimi mensis habet, non solum quia Philosophia est catechismus ad fidem iuxta Cyrillū lib. 1. contra Iulianum, non solum quia mundus codex est Dei, in quo iugiter legere debemus, inquit Bernardus serm. in hæc verba, *Audiam quid in me loquatur &c.* sed etiam vt omnem impietatem aduersus Deum se se erigentem retundant, & opprimant; vt argutè docet Clemens Alexandrinus 1. Stromatum libro inquitens: *Non per ablationem Philosophiæ perimitur veritas, sed ad eam cooperatrix, & adiutrix inuenitur: sicut primus & secundus gradus ei, qui ascendit in canaculum, & Grammatices eis, qui est philosophaturus. Nam & visus & auditus confert ad veritatem, mens autem est, quæ eam apponit, & naturaliter cognoscit. Perspicuitas etiam opem fert ad tradendam veritatem: & dialectica ne prosternamur ab heresibus. Es est quidem per se perfectæ seruatoris doctrina & nullius indiga, cum sit Dei virtus & sapientia. Accedens autem Philosophia non veritatem facit potentior, sed debilem aduersus eam efficit sophisticam argumentationem: & propulsas dolosas aduersus veritatem insidias, vinea est sepes, & vallum.* Hactenus Clemens; & certè cum veritas veritati nunquam, aduersetur, consentiat semper & subleuiat, iure ac merito sanctissimi Patres humanas omnes scientias, tanquam ancillas ad arcem & ministerium veræ ac diuinæ sapientiæ aduocandas esse voluerunt.

C A P V T I I.

Afferitur generalis quadam scientiarum diuisio, seu Encyclopædia, in qua breuiter cuius serè scibilis idea ichnographice describitur.

C Vm in sequentibus demonstraturum quæ quanti referat vnaquæque scientiæ

B 2

scien-

scientia, vel disciplina naturalis ad perfectum sacre doctrinæ studium, opere-pretium duxi prius in hoc capite generalem quamdam omnium scientiarum diuisionem adducere in Sermocinales, speculatiuas, morales, & factiuas: Est enim per ordinem ad diuersa multæ alię generales afferri possent scientiarum diuisiones, omnium tamen facillima mihi semper uisâ est illa, qua per respectû ad hominem, qui omnium scientiarum quasi centrum ac finis cui est, supradicta quadripartita diuisione distinguntur. Homini enim, pro ut etiam à cæteris animantibus differt, quadruplex indita est à natura facultas, intellectus scilicet, & voluntas, sub unico rationis nomine à Philosophis significata, & comprehensa, & uariisq; interpretes sermocinatrix uerbo aut scripto, lingua aut calamo, uel etiam nutibus, & ministræ manus. Quatuor his ornatu eum præsidij Deus, quæ cæteris animantibus denegauit, ratione ad inuentionem, sermone ad auxilium & conuictum, manibus ad perfectionem; ratio enim manus est animæ, rationis oratio, uariisq; manus quæ iussa faciunt, & exequuntur: ratio tandem artium omnium ars est & officina, ars ante omnes artes, & scientias, manus uero organum ante omnia organa; nam cum nullum sit eorû, quæ particularia sunt, omnium tamen est capax, & ut de anima pronuntiavit Philosophus, potestate quodammodo est omnia. Ideo Anaxagoras quidam Physicus animaduertens quanta cum ratione, & quam scitè hoc membrum fabricata esset natura, dixit non posse ad uillarum rerum effectiorem excogitari organum magis affabile, aut accuratius perfectum, nec dubitauit ut refert Plutarchus en tais cherfin tin artian tithesthai tis anthropinis sophias, id est manibus adscribere sapientiæ humanæ ortum, & causam. Quod tamen non est probandum, non enim ideo sapientissimû est animal homo, quia manus habuit, sed quia est sapientissimum animal, idcirco manibus à Deo instructus fuit: manus enim ho-

minem artibus non instituerunt, sed ratio, suntque manus tantum rationis, ac sapientiæ executrices & ministræ. Ad has igitur quatuor facultates hominis perficiendas, ordinantur quatuor supradicta scientiarum uel artium genera, quarum breuem ideam in sequentibus tradituri sumus, in ordine ad perfectam sacre doctrinæ rerumque in illa contentarum, & ab illa traditarum intelligentiam, tanquam ad finem cuius gratia.

Quod igitur pertinet ad primum genus, Sermocinatrici facultati perficiendæ incumbunt Grammatica, Rhetorica, & Logica siue Dialectica; Grammatica ut rectè, & congruè, Rhetorica ut ornatè & uenustè, Logica tandem siue Dialectica, ut uerè & arguè loquatur homo. Primæ enim scilicet Grammaticæ proprium officiû est ac munus congruum ab incongruo discernere, & cuiuscumque idiomatis contextum docere, litterarum, syllabarum, dictionumque determinationem in hunc finem referendo. Rhetorica uero uenustum ab inuenusto distinguit, & persuasionem docet, est enim persuasio, cum quis dicendo, hoc est uenustè & secundum Rhetoricæ leges orationem habendo inducit aliquem in suam sententiam. Denique Logica uerum à falso internoscit, & omnem argumentationis rationem modumque præscribit, cæteraque omnia, ut terminorum proprietates, diuersasque propositionum passionem ad hunc scopum dirigit: Grammaticæ autem & Logicæ cum tanta sit necessitas, ut sine eis aliæ scientiæ non possint perfectè haberi, tanta utilitas ut earum præsidio in cæteras omnes disciplinas pateat aditus, Grammaticæ enim ut iam diximus sermonem docet, quo omnis disciplina traditur, & alteri communicatur; Logica uero ratiocinandi normam, ac regulas quibus in omni scientiarum genere ueritas comprobatur, non mirû si eiusmodi sermocinales artes & scientiæ omnibus alijs præmitti debent.

Ad hoc idem scientiarum sermocinalem genus pertinent Poëtica, siue oratio

oratio stricla, & Historica: Quamuis enim Poësis ex illa parte, qua certo genere, numero, atque ordine siue harmonia pedum alligata est oratio, rectè vocetur à Philoſopho in Poëtica cap. 1. & 2. pars numeri; nemini tamen dubium eſſe poteſt quin propriè loquendo ſub Grammatica contineatur, aut ad illam reduciue pertineat tanquàm determinata orationis ſpecies, quā striclam, ſeu numeroſam ſolemus appellare. Vnde illud Senecæ epiſt. 88. *Grammaticus circa carum ſermonis verſatur, & ſi latius enagari vult circa Hiſtorias. Iam ut longiſſimè ſines ſuos proferas circa carmina.*

Secundum genus eſt ſcientiarum, ſpeculatiuarum, ſeu intellectualium, hoc eſt earum, quæ ad intellectum perficiendum in ordine ad cognitionem veri ſpecialiter à natura inſtitutæ ſunt; & iuxta triplicem à materia abſtractionem ſingulari videlicet, ſenſibili, & intelligibili ſolent diuidi in Phyſicas, Mathematicas, & Metaphyſicas, ſeu Theologicas diſciplinās.

Phyſicæ diſciplinæ tractant de rebus motu, ſenſibiliq; mutationi ſubiectis, ideoque ſolum abſtrahunt à materia ſingulari, & completuntur ſub ſex quatuor principales ſcientias; quarum prima rectè ſibi nomine generico *Phyſica* nuncupata, verſatur circa corpus naturale, aut ens mobile. *Secunda* dicitur *Magia*, & agit de corpore, pro vt effectus admirandos, & inſolitos per occultas cauſas, & qualitates producit, & etiam ſignificat, vt pater in *Phyſionomia*. Quamuis enim hoc *Magiæ* nomen ob abuſum, quo fere cuncta ſaluberrimis orta initijs degenerarunt, hodie exuſum ſit; Perſico tamen idiomate tantum exprimit ſapientiam, & apicem perfectionis *Philophiæ naturalis*. Nam idem erant *Magi* apud Perſas, ac apud Græcos *Philophi*, apud Indos, *Bracmanes* & *Gymnoſophiſtæ*: apud Gallos, *Druiddæ*, *Bardi*, & *Semnothej*: apud Siculos, *Galeotæ*: apud Aegyptios, *Sacerdotes*: apud Italos, *Hetruſci*, *Haruſpices*: apud

Latinos, ſapientes: apud *Cabbaliſtas*, *Prophetæ*: denique apud *Babylonios*, & *Aſſyrios*, *Chaldæi*, vt alias iam notaui-mus.

Tertia eſt *Alchemia*, quæ verſatur circa coagulabile, & diſſolubile corpus, ſequiturque principaliter ad eam partē *Phyſicæ*, ſeu *Philophiæ naturalis*, quæ agit de mineralibus, propter diuerſitatem metallorum, & tranſmutationem ipſorum ad inuicem in ſuis mineris, & tranſmutationem ſuorum principiorum diuerſam factam à natura, in generationibus diuerſarum rerum, in quibus ars mirabiliter adminiſtrata conatur ſequi & imitari naturam in tranſmutationibus metallorū; indeque ſibi *Alchemiæ* nomen vendicauit, *Chimia* enim Græcè, maſſa dicitur Latinè, quod per hanc ſcientiam, metallorum principia, cauſæ, proprietates & paſſiones radicis cognoscantur, vt quæ imperfectæ, incompleta mixta, & corrupta ſunt admodum cuiuſdam rudis indiæ eſtque maſſæ, virtute medicinæ ſeu *Elixiris Philoſophici* in perfectius metallum tranſmurentur.

Quarta tandem, & vltima eſt medicina, quæ reſpicit corpus ſanabile, ſeu mobile ad ſanitatem, non à natura, ſed per artem, cuius tamen principium eſt in natura, quatenus ex aliqua naturali virtute ſanitas proficiſcitur auxilio artis medicinæ. Quod corpus ſanabile, ſeu mobile ad ſanitatem per artem, cum non ſit pars ſubiectiua corporis naturalis, ſed illi differentiam tantum accidentalem addat; Medicina illud conſiderans, non eſt propriè pars *Phyſicæ*; ſed illi ſubalternatur, non ſecus ac *Alchemia*, quæ ſimiliter imperfectis metallis, quali egris corporibus ſanandis per miniſtrationem artis incumbit. Vnde relinquatur quod *Phyſica*, ſeu *Philophia naturalis* ſecundum ſe, & ſecundum omnes eius partes ita ſit ſcientia ſpeculatiua, vt tamen aliquæ operatiuæ ei ſubalternetur.

Secundus ordo eſt *Mathematicarū* diſciplinarum, quæ ſi in ſua puritate conſiderentur agunt de quantitate vt abſtrahit à motu, ſiue materia ſenſibilibus acciden-

cidentibus vestita; vt *Arithmetica* & *Geometria*, quarum prima quantitatem discretam, secundam continuam considerat, non curando vtrum eiusmodi quantitates sint albæ vel nigræ, frigidæ vel calidæ &c. non tamen abstrahunt à materia intelligibili, quia non considerant quantitatem absque substantia materiali, cui inest, & à qua tam in esse, quam in sui cognitione dependet. Dixi Mathematicas in sua puritate consideratas abstrahere ab omni materia non solum singulari, sed etiam sensibili, intelligendo per materiam sensibilem, omnes qualitates quæ sensibus percipiuntur, vt color, frigus, sonus, odor & similia; quia si considerentur quod sunt impuræ per aliquas sciētias tam *Arithmetica*, quam *Geometria* subalternatas, quæ contemplantur quantitatem aliquo sensibili accidente concretam, vt sunt *Musica*, quæ respicit quantitatem discretam, seu numerum, vt est sonorus, concentibusque iungitur, & *Harmonia*, *Perspectiua*, *Astronomia*, *Cosmographia*, & similes quæ principia Geometrica ad materias sensibiles applicant; sic abstrahunt solum à materia singulari, sicut ens mobile, quod est obiectum Philosophiæ, ex quo nascitur, vt rectè notauit Diuus Thomas 22. quæst. 9. artic. 2. ad 3. quod si principia considerentur, quæ habent rationem formæ, scientias istas cū Mathematicis connumerari debere; si verò conclusiones, seu materiam propriam spectemus, magis conuenire cum naturali; & hac de causa scientiæ istæ solent etiam appellari mediæ, quia nimirum participant de vtraque abstractione, si quidē in eis principia aliter abstrahunt, & aliter conclusiones.

Sicut autē duæ tantum dantur Mathematicæ extremæ, seu puræ, quarum principia possint ad materias extraneas applicari, sic duæ tantum dantur huiusmodi scientiæ mediæ, seu Mathematicæ impuræ, licet varia nominum significatione distinctæ. Prima est, quæ principia *Arithmetica* applicat ad materias sensibiles; potestque pro vt illas omnes

comprehendit, appellari *Arithmetica*, naturalis, quæ dum talia principia applicat ad sonos dicitur *Musica*, dum vero ad alias materias (si quæ sint, quibus hæc principia possint applicari) sortietur alia nomina. Altera verò est, quæ principia *Geometriæ* applicat ad materias sensibiles, potestque communi nomine dici *Geometria naturalis*; quæ dum talia principia applicat ad visum dicitur *Perspectiua*, seu *Optica*: dum ad Cælos & altra, *Astronomia*; dum ad mundum & eius partes *Cosmographia*: dum ad terram & eius provincias *Geographia*: dum ad singularem locum, aut ciuitatem *Topographia*, dum ad aquam & maria, *Hydrographia*; dum ad bellica instrumenta, & alias machinas *Machinatura*; & sic de alijs nominibus quibus sciētia ista potest appellari, secundum quod applicat principia Geometrica ad peculiare aliquas materias sensibiles.

Quæ doctrina non solum est conformis principijs Philosophicis, iuxta, quæ, solum tot sunt constituendæ species scientiæ, quot sunt principia in ratione luminis diuersa, seu habentia diuersam vim illuminandi conclusiones: vnde cum principia omnia ex quibus procedunt scientiæ mediæ, sint tantum duo in ratione luminis, vel enim sunt *Arithmetica*, vel *Geometrica*, vt supponimus, hinc fit duas dumtaxat scientias medias esse propriè constituendas iuxta duas principiorum species in esse scibilis nempe *Arithmeticonum*, & *Geometricorum*. Hæc, inquam, doctrina, non solum est consentanea dictis principijs, sed etiam communi Mathematicorum sensui, qui quatuor tantum Mathematicas admittit vt patet ex Ptolomeo in *Almagesto*, & ex illis verbis septem artes liberales continentibus.

Lingua, tropus, ratio, numerus, tonus, Angulus, astra
vel

Gra loquitur, Dia vera docet, Rbe verba colorat,

Mus canit, Ar numerat, Geo ponderat, As colit astra,

Vbi quatuor tantum numerantur Mathematicæ; duæ extremæ scilicet, *Arithmetica*, & *Geometria*, designatæ per numerum & angulum; & duæ mediæ nempe *Musica*, & *Astrologia* significatæ per tonum & astra. Propter quod etiam Mathematicæ disciplinæ ab antiquis vocabantur *Quadrinium*; sicut tres artes sermocinales in iisdem versibus recensite, *Trinium*, quasi tribus vijs in vnum finem, scilicet sermonis notitiam, cōtendentes.

Tertius tandem & vltimus ordo est Theologicarum disciplinarum, quæ abstrahunt ab omni materia non solum sensibili, sed etiam intelligibili, quod tractent de rebus, quæ sine materia prima esse possunt; vel quia nunquam sunt in materia, vt Deus, & Angeli; vel quia in quibusdam sunt in materia, in quibusdam verò non; & ideo secundum se ab illa non dependent, vt substantia, & qualitas, actus & potentia &c. & huiusmodi sunt *Metaphysica*, & *Sacra Theologia*, siue *Doctrina*; cum ista tamen differentia quod *Metaphysica* quasi via inuentiois, creaturas contemplando, naturalem solum de Deo notitiam acquirit, & per earum pulchritudinem, ac varietatem quasi per scalam ad supremum opificem conscendit, quæ propterea Theologia naturalis, & prima Philosophia nuncupatur; at sacra doctrina ex superiori lumine fidei procedit, iamque non amplius factis, sed dictis Dei, non creaturarum libro, vt aliæ scientiæ, sed Scripturarum diuinarum authoritati innititur; & ideo respectu *Metaphysicæ*, ita omnes aliæ eiusdem ordinis scientiæ se habent vt famulæ, aut ancillæ, vt etiâ *Metaphysica Sacræ Theologiæ*, seu doctrinæ subscribere debeat; adeo verum est omnem nostram quantumuis perfectâ, & exactam creaturarum cognitionem esse mancâ, & vanam, tristitiæque potius, quam letitiæ gignendæ aptam, quæ nos ad Deum, diuinæque non conducit. Non enim, vt ait D. August. de vera relig. cap. 29. frustra & inaniter inueniri oportet pulchritudinem celi, & ordinem syderum, candorem loci, dierum ac noctium vicissi-

tudines, luna mensura, curricula, anni quadrifariam temperationem, vim seminum, species numerosque gignentium, & omnia in suo genere modum naturamque seruantia. In quorum consideratione non vana, & peritura curiositas exercenda est, sed gradus ad immortalia, & semper permanentia faciendus.

Tertium genus est scientiarum moralium, tertia enim facultas hominis propria est voluntas, seu appetitus rationalis, cui rectificando operam nauant scientiæ illæ quæ vocantur morales, siue actiue. Quamuis enim huiusmodi scientiæ subiectiue sint in intellectus, tanquam in principio dirigente, terminatiue tamen, & finaliter sunt in voluntate. Moralis siquidem scientia illa est, quæ mores hominum in vniuersum considerat, præscribitque finem vltimum, seu beatitudinem, Philosophis naturalem, Christianis supernaturalem acquirendâ per media proportionata, quæ sunt fuga vitiorum, & virtutum cultura.

Philosophiæ autem moralis quatuor sunt non tam species, quàm partes. Prima est propriè *Moralis*, quæ exponit generatim honestam actionem. Secunda *Monastica*, quæ moderatur actiones virtutis, quatenus referuntur ad utilitatem, & bonum eius solius, qui honestè agit, siue quod idem est, quæ hominem in se per virtutes monasticas, & particulares perficit. Tertia *Oeconomica*, quæ contemplatur honestas actiones, quatenus referuntur ad familiæ bonum, docet illius felicitatem, illiusque acquirendæ, conseruandæ, & amplificandæ modum; dirigit societatem in familiâ, coniugalem viri & vxoris, paternam parentum, & liberorum, herilem domini & seruatorum. Quarta tandem & vltima est *Politica*, quæ easdè actiones honestas considerat, quatenus ordinantur ad rempublicam, & ciuitatem, instruitque hominem vt sit felix prudentia ciuili, seu politica, & statum, seu formam reipublicæ administrandæ, gubernandæque bonam præscribit, quæ aut est Monarchica, aut Aristocratica, aut Democratica. Rursus Monarchica,

diui-

diuiditur in Ecclesiasticam cuiusmodi est Pontificia, & laicalem cuiusmodi est Imperatoria, Basilica, & Ducalis. His verò subiicitur ars Bellica, seu militaris, quæ *Tactica* vocatur, cum acies instruit, & exercitus ordinat, *Stratagematica* si prudentia & arte hostem superet. Ad scientiam moralem pertinet, imo illa continetur tam in iure Canonico, quàm civili, ex hoc quod vtrumque mores dirigat, ius canonicum virorum Ecclesiastici ordinis, ius verò civile, seu Cæsareum reliquorum civium Ecclesiasticæ sorti minime adscriptorum, cum in toto, tum in particulari.

Sub quarto tandem genere continentur omnes artes, quas alias scientias factiuas siue Mechanicas appellamus, nõ ea ratione, quod omnes artes sint seruales, multæ enim illarum viros etiam nobiles decet, sed ex eo quod sint opetum effectrices, quæ ingenio simul, animique solertia, & manibus exercentur, Michanaomai enim vnde hæc dictio Mechanica deriuatur, molior, machinor, inuenio, & excogito significat.

Quod spectat ad numerum, vel diuisionem artium, sicut ad diuersa possunt referri, sic etiam plures admittunt diuisiones. Aliqui enim 1. ratione perfectionis, & imperfectionis, diuidunt illas in seruales, & liberales. 2. Ratione termini in eas, quarum actione transacta manet aliquod opus externum, cuiusmodi sunt Architectura, Sculptura, Pictura, & similes, post quas remanet ædificium, statua, tabella; & in eas quæ sic operantur, vt nihil post se transacta actione relinquunt, vt artes cytharizandi, saltandi, equitandi, &c. 3. Ratione finis diuidi possunt artes in necessarias, quales sunt Agricultura, Pastoritia, & similes vitæ inferuientes, in viles quales sunt Sutoria & Sartoria; in delectabiles aut eas quæ spectant ad ornatum, vt pictura & statuaria, cæteræque ad illas pertinentes; denique in nugatorias, seu ludicras, & recreativas, quales sunt Circulatorum, Petauristarum, Funambulorum, Neurobatarum &c. quarum Eutrapelia

videtur esse virtus moderatiua; ordinaturque ad refocillationem fatigationis animalis prouenientis ex viribus sensitiuis; sicut enim homo indiget corporali quiete ad restaurandas corporis vires, quia non potest continuo laborare, eo quod finitam ac limitatam habeat virtutem: ita etiam opus habet recreatione ad refocillationem animæ, cuius etiam virtus finita est, & ad determinatas circumscripta operationes, vnde si quis ultra modum circa illas tendat, cum defatigari necesse est; eamque ob causam remissione aliqua, & recreatione indiget, ad quam potissimum ordinantur artes omnes nugatoriae, nec non etiam verba quædam & dicta ridicula, siue ad risum, & animi hilaritatem cum moderatione prouocantia.

Quartò, Hugo Victorinus lib. 2. Didact. cap. 21. D. Bonauentura opuscul. de reductione artium ad Theologiam, septem artium Mechanicarum, seu luminis quod illuminat ad figuras artificiales, species assignant: quæ sunt scilicet, Lanificium, Armatura, Agricultura, Venatio, Nauigatio, Theatrica, Medicina; quarum sufficientiam sic explicat D. Bonauentura. Quoniam omnis ars Mechanica, aut est ad solatium, siue sit ad excludendam tristitiam, siue indigentiam: aut est ad commodum; siue illud prodest, aut delectat, secundum illud Horatii:

Aut prodesse volumus, aut delectare poeta.
Et iterum

Omne tulis punctum, qui miscuit utile dulci.

Si est ad solatium & delectationem, sic est Theatrica, quæ est ars ludorum, omnem modum ludendi continens: siue sit in cantibus, siue in organis, siue in significationibus, siue in gesticulationibus corporis. Si verò ordinatur ad commodum siue profectum, secundum exteriorem hominem, hoc potest esse, aut quantum ad operimentum, aut quantum ad alimentum, aut quantum ad vtriusque adminiculum. Si quantum ad operimentum, aut illud est de materia molli & leni,

est, sic est lanificium: aut est de materia dura & forti; & sic est armatura; siue ars fabrilis: quæ continet omnem armaturam fabricatam; siue ex ferro, siue ex quocumque metallo; siue ex lapide; siue ex ligno. Si verò iuuat quantum ad alimentum, hoc potest esse dupliciter: quia cibamur vegetabilibus, & sensibilibus. Si quantum ad vegetabilia sic est Agricultura. Si quantum ad sensibilia sic est venatio. Vel aliter, quia iuuare quantum ad cibum, potest esse dupliciter, aut quantum ad ciborum genituram, & multiplicationem, & sic est agriculture: aut quantum ad ciborum multiplicatorum præparationem, & sic est venatio: quæ continet omne genus præparandi cibos, & potus, & sapores, quod pertinet ad pistores, cocos, & caupones. Denominatur autem ab vnius parte solum, propter quamdam excellentiam, & comparabilitatem. Si autem ad vtriusque adminiculum, hoc est dupliciter, aut defectum supplendo, & sic est nauigatio, sub qua continetur omnis mercatio, siue pertinentium ad opus, siue ad alimentum: aut remouendo impedimentum, aut nocumentum, & sic est medicina, siue quæ consistit in confectioe electuariorum, siue potionum, siue vnguentorum, siue curatione vulnerum, siue decissione membrorum, sicut Chirurgia. Theatrica autem est vnica. Et sic patet sufficientia.

Quintò relictis pluribus alijs artium diuisionibus, omnium facillima & optima est illa, qua ratione materię circa quam versantur, vel secundum ipsa opera artificialia diuersa distinguuntur; vt autem ferè omnes materiam operis suorum, & obiectum exercitij sui principale, à Grammaticis & Physicis disciplinis mutuauerunt, ideo secundum eas commodissime primùm diuiduntur in *Grammaticas*, & *Physicas*, hoc est, circa res *Grammaticas*, & *Physicas* versantes.

Facultates, seu artes circa res Grammaticas versantes, sunt circa litteras figuris vel consuetis, seu calamo, seu typo; vel insuetis seu propere & compendiose,

Biblioth. Theol. Tom. IV.

seu testè & occultè exprimendas. Facultas quæ versatur circa litteras consuetis figuris eleganter calamo exprimendas vocatur *Calligraphia*, ad quam simul referendæ facultates Scribarum varij generis, *Exceptionum*, *Amanuensium*, & similia, tanquam certe quædam eius propagines. Quæ versatur circa easdem ipsarum figuris consuetis typo exprimendas, est *Typographia*; ex qua oritur *Libraria typis descripta* aut compingens, quod *Bibliopegorum*, aut recondita suis thecis seruans; quod *Bibliothecariorum munus*, & officium.

Circa litteras inconsuetis figuris propriè, & compendiose exprimendas est *Brachygraphia*; nouos & scriptu faciles characteres, pro litteris, tum singulis separatim, tum pluribus voces crebro seu terminatibus, seu integrantibus, coniunctim confingens; confinisque vtens. Sic Trithemius in sua *Polygraphia* non femel testatur Ciceronianis notis seu characteribus *Psalterium Latinum integrum*, & pulchrè descriptum, vidisse, in *Bibliotheca maioris Ecclesiæ Argentinenfis*, falsò tamen à quodam sic inscriptum; *Psalterium in Armenica lingua*; cum sic potius fuerit scribendum; *Psalterium Latinum conscriptum characteribus Ciceronianis*; quorum quilibet vnā dictionem integram representabat. Etenim Marcus Tullius inuenit modum scribendi *Sinensium ritui simillimum*, pro singulis dictionibus singulos, & particulares characteres excogitans, quibus si necessitas postulare, orationem quantumuis prolixam cū paucissimis signis, celerrimè scriberet. Tanta verò in hac ipsa nouitate vsus est copia, vt rebus penè cunctis in mundo eius sufficere posset inuenio. Nihilominus S. Marcy Cyprianus Carthaginensis Ecclesiæ presul, ipsa Ciceronianæ institutionis documenta magnopere ampliavit, & vt Christianorum vsibus deferuiret, quæ nostris defuerant moribus, adiunxit.

Circa easdem litteras ipsarum inconsuetis figuris testè, & occultè exprimendas versatur *Hieroglyphica*, & *Cisfraria*.

C seu

seu ars Cyphearum, qua duo pluresve ex compacto clam inter se scriptis ea communicant, quæ nulli alteri lecta volunt. Quod duobus modis fieri potest, primò ratione materiæ, quæ inuisibilem facit scriptionem; secundò inuerso litterarum aut ordine, aut figura, aut potestate; ut videre est apud Ioannem Baptistam Porta, qui quatuor de hac materia libros conscripsit, quorum primis duobus docet modos aliquid occultè significandi, duobus verò postremis occultè significata percipiendi. Ad hanc eandem artem reduci potest, *ars nutum*, siue loquendi per nutus, de qua curiosum opus lingua Italica cõposuit Bonifacius quidam inscriptum, l'Arte de' Cenni.

Omnibus hisce facultatibus Grammaticis subordinantur & inserviunt plures aliæ, tam instrumentorum, quàm materiæ in qua & ex qua litterarum præparatur. Primum scribendi instrumentum fuit stylus ferreus, quia primæ Hebræorum litteræ ex Iosepho lib. 1. Antiq. c. 4. saxis & laterculis incisæ; successit ferreo stylus ossis, iuxta illud Tit. Quintil. Vetussum vomerem in cetera, mucroneque aremus osseo. Sed horum omnium ferè usus exoleuit, postquam inuentus est calamus, penna, & pennicillus; de quorum origine nihil constat certius, quam quod recentior sit inuentio chartæ & membranæ: neque enim penna, quæ caua est; neque calamo, qui pulposam medullam habet, scitè arari potest cerâ; aut villo modo calari possunt tabellæ aut saxe: deinde pennæ & calami nisi coloribus intincti nõ valent ad scriptionem; ut ait Quintilianus lib. 10. cap. 3. In ceris autem, & saxis, & tabellis sufficiebat incisio sine affusione coloris, quæ necessaria tamen ad inscribendam chartam aut membranam. Præter hæc instrumenta, quæ vicem obeunt solius styli, sunt quedam etiam subinde vsurpata, quæ faciunt pro stylo, & simul pro materia ex qua litteræ sunt. Huiusmodi sunt, rubrica, creta, carbo, plumbum; quæ etiam prisce fuere consuetudinis.

Materia in qua exceptæ litteræ, pro-

ut successu temporis fuit diuersa, primum enim fuerit saxe & lateres, deinde folia arborum, cortices arborum, tabellæ lignæ nudæ, vel ceratæ, plumbeæ laminæ, vel volumina, membranæ, chartæ, iuxta hanc, inquam, variam in qua olim scriptum materiam, diuersæ etiam fuerunt artes illius præparatiuæ; quod etiam dicendum respectu materiæ ex qua scriptio siue litteræ: Ex quo enim calami, pennæ, & pennicilli adhibiti scriptioni, ex eo etiam litteræ distinctam habuerunt suam materiam, ex qua, seu qua pingentur. Communis maximèque vulgata est atramentum Melantria, ab atro colore dictum. Inuenta deinde Miltum, Minium, Cinnabaris, & Sinopis, quæ omnia tubi sunt coloris, aliaque huiusmodi de quibus omnibus vide Hermanum lib. de origine scribendi, Theatrum vite humanæ verbo Scriptura, & scriptio; ubi plures alios citat.

Quod pertinet ad alterum diuisionis membrum, artium, videlicet, seu facultatum circa res physicas versantium, hæc sunt circa vel *Elementa*, Ignem, Aërem, Aquam, Terram; vel *Elementata*; Et vtrinque iterum, vel circa ea ipsa, vel circa eorum qualitates.

Quæ versatur circa ignem in genere *Pyrotechnia* dici potest: in specie circa eum artificiosè eliciendum, fingendum, conservandum, alijs commodè proficiendum, communicandum &c. versantur omnes illæ artes *Bellicæ* Bombardarum, Pulueris tormentarii, Pyrobolidi, quatenus aliquo horum aliove modo circa ignem occupantur. Item artes luminum artificialium; nec non hypocautorum, furnorum, & similium igni conservando commodèque communicando inserviientium.

Quæ versatur circa aërem in genere *Aerotechnia* dici potest, cuius etiam diuersæ sunt species, secundum quod citæ cum concitandum, placandum, insiciendum, purgandum, & folibus spirandum, diuersimodè versantur.

Quæ circa aquam in genere non tam est *Hydrographia*, quam *Hydrotechnia*; cuius

cuius similiter variae sunt species; secundum enim quod circa eam in suis repagulis per aggeres extructos continendam occupatur, *Aqua receptoria*; ex loco in locum derivandam, sursum agendam, *Hydrogogia*; innandam, *Nasatoria*; ad tempus quasi inhabitandam, *Vrinatoria*; nauigandam, *Nauigatoria*, seu *Nautica*.

Facultates quae versantur circa terram, eae sunt vel circa illam arandam, vnde *Aratoria*; vel occandam, vnde *Occatoria*; vel fodiendam, vnde *Fossoria*; aut alijs modis preparandam; vnde etiam aliae denominationes.

Quae versantur circa elementorum qualitates, eae sunt circa qualitates, vel *Primas*, vt calefactoria, frigefactoria, siccatoria, humectatoria; vel *Secundas*, vt Solidatoria, Liquefactoria, Attenuatoria, Condensatoria, Rarefactoria, & similes.

Circa qualitates Elementorum, eae sunt vel circa colorem, vel sonum, vel saporem, vel odorem. Circa colorem versantur *Pictoria*, *Tinctoria*, *Fucatoria*. Circa sonum *Musica instrumentalis*, quae pro instrumentorum diuersitate varia est; nempe *Chelicina*, *Psaltricina*, *Organicina*, *Lyricina*, *Cytharadicina*, *Panduricina*, *Nablicina*, *Tibicina*, *Tympanicina*, *Cornicina*, *Vtricularicina*, &c. Circa saporem est *Culinaria*, precipue verò *Cupedinaria*, circa odorem sunt *Suffitoria*, & *Coronaria*, quatenus herbas ad fragrantiam compingit.

Facultates circa elementata versantes sunt vel circa *inanimata*, lapides, metalla, mineralia mediae naturae; vel circa *animata*. Circa lapides, sunt circa eos vel *pretiosos* *Gemmaria*, *Quadrigaria*, *Gemmiculatoria*; vel *viles*, eosque tuum *naturales* fodiendos, liquefaciendos & instar aris fundendos, dolandos, exlandos, vnde *Effoditoria*, *Liquefactoria* & instar aris *Fusoria*, *Dolatoria*, & *Celatoria*; cum *coctiles*, circa quos *Lateraria*, *Figulina*, *Calcearia* seu *Cementaria*, & *Muraria*.

Versantes circa metalla in genere sunt *Metallarium* in fodinis laborantium, *Bibliot. Theol. Tom. IV.*

vt *Fossoria*, *Lauatoria*, *Exploratoria*, *Dilcretoria*, *Excoctoria*, *Politoria*. In specie autem sunt, vel circa *aureum* & *argentum*, vt, *Bractearia*, *Aurifabrilis*, in qua *Inauratoria*, *Celatoria*, *Annularia*, *Monetaria*; vel circa *as*, vt *fusoria* *gramentorum*, *Campanarum*, *Tormentorium* *bellicorum*, &c. vel circa *ferrum*, vt *ferrifabrilis* *qualiscumque*, *Claustraria*, *Machetopolia*, *Calcarialia*, *Loricaria*, *Armamentaria*, *Cultraria*, *Falcearia*; vel circa *cuprum*, vt *Cupraria*, vel circa *stannum*, vt *stannaria*, vel denique circa *plumbum*, vt *Plumbaria*.

Facultates circa mineralia mediae naturae versantes tot distingui possunt, quot sunt huiusmodi mineralium species & differentiae; sic circa *salem* excoquendum preparandum est *Salaria*, circa *Vitrum*, *Vitraria*; circa *Sulphur*, *Sulphuraria*, & sic de alijs.

Quae versantur circa *res animatas*, eae sunt vel circa *plantas*, seu *res animatae* tantum vegetatiuae viuentes, vel circa *Brutia* vitam sensitiuam insuper habentia; vel denique circa *homines* vitam rationalem praeditos. Circa plantas iterum sunt circa, *herbas*, *fruges*, *viues*, *arbores*.

Circa herbas versantur *Hortulana*, *Herbaria*, *Aromataria*, & aliqua ratione facultas coqui & *Coronarij*. Circa *fruges* primum seminandas & in spica curandas *Agricultura*, metendas *Messoria*, colligandas *Colligatoria*, trituras *Trituratoria*, subigendas *Molitoria*, *Pistoria*, *Cereuisaria*. Circa *vites*, *Vinitoria*, *Putatoria*, *Panpinatoria*, *Vindemiatoria*, *Torelutoria*; circa *arbores*, *Frondatoria*, *Insitoria*, *Pomaria* quoad fructus; & omnis generis *lignifabrilis*, *Arcularia*, *Naupgeica*, *Tornatoria*, *Vectoria*, *Statuaria*, *Arcuaria*, *Carbonaria*, quo ad lignum. Et cum plantis annumerentur etiam *Cannabis* & *Linum*, huc etiam pertinent quaevis circa illam hodie occupationes, nimirum *Restiaria*, *Linearia* & similes.

Facultates circa animalia bruta versantes, sunt vel circa *Aerea*, *Aues*, vel *Aquatica* *Pisces*, vel *Terrestria* *Pecudes* & c.

& Feras. Circa *aves* tam capiendas, quæ seruandas & condocendæ faciendæ est Aucupiariorum variorum generis; Circa *pisces* facultates piscandi fundis, fagenis, retibus, gurgustijs, tragulis, nassis, iaculis, sportis, excipulis, hamis aliisque instrumentis, quæ vno nomine dicitur Piscatoria; seruandi item in piscinis aut viuarijs, vnde Piscinaria, & Viuariorum.

Quæ versantur circa *pecudes*, sunt circa eas vel pascendas, vt Bubolice, Opilionaria, Capraria; vel Saginandas & mactandas, vt Saginaria, Lanionia; vel alijs vsibus applicandas, quæ Iumenta; vt Equifonia, Agafonia, Mulionia, Aurigaria, ad quas pertinent etiam artes ipsarum subseruientes, vt iumenta vel necessarios instruunt, nimirum Ephippiaria, Scytomiaria, Clitellaria; vel morbidæ curent, vt Veterinaria, quæ est pars medicinæ de morbis & sanitate plantarum & animalium potissimum pertractans. Tandem circa *feras* canibus, plagis, tenedulis, sepimentis aliisque similibus instrumentis capiendas, inque viuarijs seruandas est ars Venatoria.

Facultates circa hominem versantes, sunt circa corpus eius vel vestiendum; vel ad agilitatem exercendum; vel sanandum; vel purgandum; vel recreandum. Si circa corpus vestiendum, quo ad caput est Pileonaria; quo ad manus Chirotecara; quo ad pedes, Sutoria, tam Calcearia, quam Crepidaria, cui Cerdo etiam coria subministrat, vnde Coriaria. Quo ad reliquum corpus sunt Pellionaria, & Sartoria, aliæque omnes quæ materias corpori vestiendi & ornando præparant, vt Sericaria, Globularia, Lanificaria qualiscumque ad quam pertinet omnis operariendi, retorquendi, confuendi; quidquid sit instrumentum, colo, fuso, acu, pectine, calamistro, gurgillio, alabro, subula, in materia Lini, Lanæ, Cannabis, Suberis, & similibus.

Circa corpus ad agilitatem exercendum, sunt Luctatoria, Pugilatoria, Cursoria, Pilaria, Saltatoria, &c. circa sanandum sunt Chirurgica, Latomica, Vnguentaria, Pharmaceutica, quæ medi-

cina subministrant. Circa purgandum sunt Balneatoria, & Barbitionaria. Denique ad hominis recreationem pertinet ars Theatrica omnesque eius species. Et hæc breuiter dicta sufficiant pro instituti nostri ratione circa generalium scientiarum, tum artium diuisionem, nunc in sequentibus capitulis de singulis agetur, quatenus ad perfectum sacre doctrinæ studium aliquantulum conducere possunt.

CAPVT III.

Quanti Grammatica referat ad perfectum sacre doctrinæ studium.

Cum homo sit animal sociale, communicat animi sui conceptus medijs sensibus, auditu nimirum & visu, ita vt auditus obiectum sint voces colloquendum, visus autem scribentium litteræ tanquam sensibiles quædam notæ insensibilium conceptuum, quas Græci grammata vocant vnde Grammatica dicta, quæ nihil est aliud secundum Arist. lib. 6. Topicor. quam ars, vel scientia scribendi, & cognoscendi quod profertur, aut secundum alios Grammatica est ars litteraria, quæ in emendatè loquendo, scribendoque consistit, vt litteræ suas custodiant voces, & depositum reddant legentibus, & audientibus. Sic igitur veluti ratione materiæ, totuplicem dari Grammatices artem possumus concipere, quot dantur diuersi modi loquendi, diuersaque in orbe terrarum idiomata; quamuis veluti ratione formæ non sit nisi vnica; quatuorque præcipuis partibus componitur, nimirum litteris, syllabis, dictionibus, & oratione; ex litteris autem sunt syllabæ; ex syllabis dictiones; ex dictionibus oratio; litteras exornat Orthographia, syllabas Prosodia, dictiones Ethimologia, orationem syntaxis.

Quod pertinet ad litteras, quæ sunt prima totius artis Grammatices elementa, relictis varijs illarum diuisionibus vnicuique linguae proprijs ac singularibus, duæ generales & omnibus linguis communes

Sectio VII. Caput III. 21

munes assignari possunt. Prima est illa, qua partiuntur in vocales, & consonantes; hoc est seorsim non sonantes, sed solum vocalibus iunctas; impossibile est enim dari aliquam linguam solis consonantibus constantem; vnde quando dicitur singulas linguæ Hebraicæ, Chaldaicæ, Arabicæ & similium litteras esse consonas, non debet intelligi quasi eiusmodi linguæ suis careant vocalibus, aut punctis vim vocalium habentibus, sed ita dicitur ad distinctionem linguæ Latinæ, & Græcæ, aliarumque similium, in quibus vocales ita pinguntur & scribuntur, vt consonantibus semper interiectæ vnâ eandem cum ipsis lineâ efficiant; at in lingua Hebraica, suisque similibus, præterquam quod nonnunquâ in scribendo vocales omittuntur, solæ etiam consonantes litteræ ita scribuntur, vt vocales, seu puncta, quandò adhibentur, non eandem cum illis lineam efforment; sed habent diuersum ab illis sitû, secundum quod vnaqueque pro sua qualitate & natura, petit subiici, vel superponi consonantibus quas mouent, & tunc quibus syllabam componunt.

Alterâ diuisio est illa, qua vniuscuiusque linguæ, seu idiomaticis litteræ, per ordinem ad quinque principalia quibus pronuntiantur, organa, distinguuntur in Gutturales siue Vuales, in Palatinas, in Linguales siue Sibilantes, in Dentales, & in labiales.

Similiter in syllabis cuiuscumque idiomaticis, secundum quod syllaba apertæ syllabancin dicta, nihil est aliud, quam plurium litterarum inter se vnitarum collectio, tria principaliter possunt considerari, toni videlicet, spiritus & tempus; quæ tria ab alijs vnico prosodie, siue accentus nomine solent appellari. Toni respiciunt intentionem vocis, qua syllabæ sigillatim proferuntur; suntque numero tres, acutus, grauis & circumflexus. Spiritus, quo spiritu proferende sunt vocales, ostendunt; tenuis, hoc est, naturalis, an aspirato, vel denso; dantur enim duo tantum spiritus tenuis & aspiratus, quamuis inter illos

duos medius facile posset efformari. Tempus denique est spatium, seu intervallum, quo syllaba pronuntiat, & est triplex, longum, breue & commune.

Sicut syllaba nihil est aliud, quam plurium litterarum inter se vnitarum collectio, ita & dictio ordinariè loquendo nihil est aliud, quam plurium syllabarum vnio, dixi ordinariè loquendo propter aliquas dictiones monosyllabas. In qualibet autem grammatica dictione cuiuscumque idiomaticis, vel lingue, primum ac veluti fundamentum ceterorum quæ consideranda occurrunt, est significatio: voces enim seu dictiones non pertinet ad Grammaticam secundum suam realem entitatem, in quantum scilicet sunt quidam soni in aere causati, sed secundum quod impositæ sunt ad significandas res, & vt medijs ipsis, lingua vel calamo, verbo vel scripto proprios conceptus sensibilibus exprimimus. Vnde entitas realis vocum se habet vt materia, significatio verò vt forma ratione cuius illæ considerantur à Grammatico. Quæ significatio, seu modus significandi in dictionibus est multiplex. Quemadmodum enim gestus dissimiles in hominè denotant dissimiles etiam animi motus, ita vt alius sit irati, alius timens, alius amantis, &c. ita vocabula omnia seu dictiones diuersos quasi gestus in cõpositione & oratione habent, quos modos significandi appellamus, suntque octo in vniuersum Nomen, Pronomen, Verbum, Participium, Aduerbum, Coniunctio, prepositio, & interiectio.

Tandem vt syllabæ ex litteris, ex syllabis dictiones, ita etiam ex dictionibus componitur sermo, vel oratio, cuius sũt tres precipuæ proprietates, & passionis, constructio, congruitas, & perfectio. Constructio definitur, quod sit constructibilium vnio ex modis significandi, & intellectu causata, ad exprimendũ mentis conceptum compositum finaliter adinuenta. Congruitas, quod sit partium orationis debita vnio, ex modorum significandi cõformitate ad aliquam speciem constructionis transitiuam, vel in-

transituam requisitorum derelicta, *Perfessio* denique nihil est aliud quam passio sermonis tertia, & vltima ex debita constructibilium vnione derelicta, cum sufficientia exprimendi mentis conceptum compositum secundum, & generandi perfectum sensum in animo auditoris.

His breuiter circa Grammaticam, eiusque partes premisiss, primum dico multum referre ad perfectum sacræ doctrinæ studium, variarum linguarum, Latinæ præsertim, Græcæ, Hebraicæ, Syriacæ & Chaldaicæ notitiam, quam non nisi artis Grammaticæ opera comparari posse satis constat. Ea enim ratione, qua Scripturæ sacræ his omnibus linguis editam habemus, nemini dubium esse potest, quin earum peritia plurimam utilitatis & adiumenti possit asserre ad completam sacræ Scripturæ intelligentiam. Nec refert quod sola vulgata editio Latina qua Ecclesia vititur, sit autentica, & integra; nam vt diximus supra Sectione prima huius libri, ita præposita est vulgata ceteris omnibus sacrorum codicum editionibus, vt tamen non fuerint ab Ecclesia exclusi fontes originalium Scripturarum in sua puritate considerati; ob innumeras inde provenientes commoditates.

Primum ad tollendas quorundam nominum & verborum equiuocationes. Secundò ad eas dictiones explicandas, quæ magnam tum apud Hebræos, tum apud Græcos emphasim & proprietatē anuatam habent; Tertiò ad quasdam voces siue Hebræas, siue Chaldaicas, siue Græcas facilius percipiendas, quæ in ipsa editione Latina, vel consilio Spiritus Sancti seruatae sunt, vt lectores ad percipiendas linguas allicerent: vel propter sanctiorem antiquitatis auctoritatem, vel quod in alienam linguam commodè transferri non poterant, nisi paraphrastice ex D. August. lib. 3. de doct. Christ. Quarto ad plures sensus ex eadem sententia originali euendos, præsertim eum vox Græca, vel Hebraica ambigua esse soleat, & polylimos. Quin-

tò ad festiuas quasdam vocum allusiones in Scriptura intelligendas, quæ in alienam linguam conuerti non possunt, vel conuersæ nullam habent gratiam, aut venustatem. Sextò ad percipienda, vel significantius, & clarius exprimenda, quædam loca, quæ ab interprete reddi poterant, vel breuius, vel apertius, vel magis Latinè & propriè: Pro vt hæc omnia diuinarum Scripturarum expositores innumeris demonstrant exemplis, quorum plurima cum iam in vnum collecta reperiantur apud Salmcronem tomo 1. Prolegom. 13. Dominicum Grauiua lib. 4. de Verbo Dei scripto controuersia 10. artic. 8. libenter superfedeo illis referendis.

Insuper sacra Scriptura in vnaquaque lingua suas habet phrasas, suos idiotismos, & sua etiam prouerbia, quæ cum non nisi artis Grammaticæ beneficio plenè intelligi possint, satis inde sequitur quantæ sit utilitatis illius peritia ad perfectam diuinarum Scripturarum intelligentiam, *Habet*, inquit D. Augustinus loquendo de sacra Scriptura tract. 10. in Ioannem propè init. *linguam suam, quicumque hanc linguam nescit, turbatur & dicit, unde fratres Domino? num enim Maria iterum peperit? absit: inde capit dignitas virginum. Illa femina mater esse potuit, mulier esse non potuit. Dicta est mulier secundum femineum sexum, non secundum corruptionem integritatis; & hoc ex lingua ipsius Scripturæ. Nam Eua statim facta de latere viri sui, nondum contacta à viro suo, nō sit quia mulier appellata est, & formauit eam in mulierem. Vnde ergo fratres cognati Maria fratres Domini? de quolibet gradu: unde probamus? Ex ipsa Scriptura frater Abraham dictus est Loth, qui filius erat fratris ipsius: lege & inuenies quia Abraham patruus erat Loth, & dicti sunt fratres: unde nisi quia cognati? Iacob Laban Syrum habebat annculum: frater enim erat Laban Matris Iacobid est Rebecca uxoris Isaac. Lege Scripturam & inuenies quia fratres dicuntur annculus, & sororis filius. Quia regula cogniti, inuenies omnes sanguines Maria fra-*

Sectio VII. Caput III.

23

fratres esse Christi. Haftenus Augustinus ad significandum, quam necessaria sit linguarum, & phrasium vniuscuiusque peritia ex arte Grammatices ad sacros Scripturarū sensus rectè eruendos. Quare Clemens V. in generali Concilio Vienuesi statuit, vt in generalibus studijs Romano, Parisiensi, Bononiensi, Salmanticensi, & Oxonijs, in quibus reliquæ omnes disciplinæ tradebantur, linguarum quoque Hebraicæ, Arabicæ & Chaldaicæ professores constituerentur, qui eas discere volentes edocerent.

Incipiendo igitur à Lingua Hebraica omnium maximè necessaria, quoniā omnes Scripturæ tum veteris, tum noui testamenti auctores ferè Hebræi fuerūt, plures sunt in ea Phrasæ, plures idiotismi, modique loquendi, sine quorum notitia veri ac perfecti Scripturarum sensus haberi non possunt. Primum occurrunt idiotismi circa nomina, etsi enim nomina Hebræa tam masculini, quàm, & feminini generis, distinctas & peculiare habent terminationes, quibus vel pluralem vel singularem numerum denotent: in utroque tamen numero non insistantur per casus, nec varias terminandi formas habent vt in Græcâ, & Latina lingua contingit. II. quia Hebræi genere neutro carent, hinc ad illud supplendum vtuntur interdum genere masculino, vel feminino. III. frequenter ex substantiuo adiectiuum efficere solent: & præsertim cum duo nomina substantiua coniungunt, quorum primum sit in nominandi; & alterum in gignendi casu; posterius enim illud genitiui casus, vim habet adiectiui & rationem; vt homo pacis, viri diuitiarum &c. IV. quia Hebræi carentes comparatiuis, positiuis pro eis vtuntur. V. cum superlatiuo careant, solent illud explicare, vel per additionem aduerbij valde, nimis &c. vel vt alij volunt per nomē Dei, vel domini substantiuo additum: vt Psal. 35. *Iustitia tua sicut montes Dei*, id est montes editissimi; vel etiam bis repetendo adiectiuum. VI. quando idem nomen substantiuum in numero singulari vel

plurali ponitur in nominatiuo casu cum genitiuo pluralis numeri, excellentiam quamdam, & singularitatem designat, vt Deus Deorum, Dominus Dominorum, id est, summus Deus, & Dominus. Cælum Cælorum, hoc est supremū &c. VII. geminatio eiusdem nominis in eodem casu distributionem significat, vt Pl. 121. *Illuc enim ascenderunt tribus, tribus Domini &c.* id est, quælibet tribus. VIII. Nomina abstracta, quæ qualitates, vel habitus designant, vel etiam verba, ab Hebræis plerumque poni consueuerunt non tantum pro qualitate illa, vel actione, quam prima facie præ se ferunt, sed etiam pro obiectis circa quæ versantur. IX. familiare est etiam Hebræis abstractum, quod vocant, nomen, ponere pro concreto.

Idiotismi circa pronomina sunt, primo quod redundat sepe in Hebræo relatiuum, siue pronomen, ita vt ab interprete expressum reddat sententiam obscuram. II. relatiua solent interdum præcedere suæ antecedentia. III. Antecedens ipsum pro relatiuo ponitur, maxime si sit nomen proprium, vt eundem esse, de quo est sermo, dubitari non possit. IV. frequenter singularis numerus ponitur pro plurali, & pluralis pro singulari. V. Genus Masculinum concipit in se femininum, ea ratione, quia id quod perfectius est, continet imperfectum. VI. Magna est vis & potestas articulorum Hebræorum, & Græcorum; qui voci, cui apponuntur, aut rem insignem, & illustrem significari denotant, aut rem illam determinant, & vt certam præscribunt, ne ita in vniuersum accipiat.

Post nomina, & pronomina, circa verba & participia Hebræis vsurpata, phrasæ, vel idiotismi nonnulli traduntur obseruatione dignissimi; quos inter primum tenet locum verbum substantiuum, quod plerumque in Scripturis supprimitur, & necessario supplendum est. II. frequens Hebraismus est præsens ponere pro futuro, & futurum pro præsentis; præteritum quoque pro præsentis ponitur. & sic de alijs. Tandem circa parti-

particulas indeclinabiles, quæ in præpositionibus, aduerbiis, interiectionibus, & conjunctionibus distribuuntur, cū multa sint obseruanda, quæ peculiarem requirunt tractationem, tam de illis, quàm de omnibus alijs præter supracitatos auctores consuli possunt, Arias Montanus in idiotismis ad linguam sanctam, Driedo, Sanctes Pagninus, & alij; sufficit enim dicta breuiter attingisse ad ostendendum pro instituti nostri ratione, quanti referat ad perfectam sacræ doctrinæ studiū artis Grammatices, linguarumque, præsertim Hebrææ notitia; si quidem in ea sacræ litteræ per Hebræos homines pro maiori parte conscriptæ sunt, & ex Hebræo fonte, in Græcum sermonem per LXX. viros Hebræos translata, & ex illis postea latino sermone redditæ: inde enim fit, quauis lingua, vel idiome reperiuntur editæ, non posse non habere plures phrasas, pluresq; idiotismos Hebræis tritos, & familiares.

Quod de Hebræa, idem proportionaliter tam de Græca, quàm de latina lingua dicendum esse, plura demonstrat diuinarum Scripturarum vtrique lingua editarum exempla, & loca, ad quæ intelligenda, non solum vtriusque linguae præcepta ad congruentes noscendas, formandasque orationes, verum & permissiones licentiasque acceptas à Grammaticis, vel à Grammatica oblatas oportet, vt calleat nouitius, ne dum doctor Theologus sacer Scripturæ interpret. Quare Paulus Papa V. omni quæ potuit adhibita diligentia satagit, vt per orbem Christianum floreret trium harum linguarum studium; in Bulla enim de Magistris lata anno 1610. inter alia hæc decernit, ac statuit, quibus placuit hoc caput sigillare. *Omni diligentia procurare debemus vt predicatorum & doctorum verbi Dei, & opus Dei operandum, instrumti reddantur in dies magis, & partes suas quantum cum Domino fieri potest, ad gloriam eius, & utilitatem animarum quotidie melius, & melius adimpleant. Cui rei plurimum conducere constat linguarum cognitionem Hebraica præsertim, Græca & La-*

cina. Statinque de iisdem linguis subiungit. Ac si unquam reliquarum trium linguarum notitia, in Ecclesia Dei utilis fuit, diebus nostris profecto utilissima est: hostis enim humani generis, linguarum scientia, singulari dono Dei hominibus tradita, ad ipsius largitoris contumeliam, & fidei suæ Catholica detrimentum, nunc usum maxime abutitur.

Quippe cernebat sanctissimus ille Pontifex, quia sedulitate his Sæctarij inuigilent studijs ad sacrarum Scripturarum corruptionem, nec vt par est, alumnos Ecclesiæ his perdiscendis nauare operam, ad eorum pertinaciam retundendam. *Quamobrem, inquit, fel. record. Clement. Papa V. prædecessoris nostri, quantum conditio temporis patitur, vestigijs insistentes, motu proprio, & ex certa scientia, maturaque deliberatione nostris, de Apostolica nobis attributa potestate plenitudine, hac nostra perpetuò valitura constitutione, sancimus, statuimus, atque ordinamus, vt in cuiuscunque ordinis & instituti regularium, tam mendicantium, quàm non mendicantium, etiam quomodolibet exemptorum &c. Studijs omnibus, trium linguarum eiusmodi &c. Doctores, Regulares quidem, & eiusdem ordinis, si in illarum linguarum notitiam sufficientem habentes sint; si minus saculares, aut alterius ordinis regulares, qui illas atq; diligenter doceant habeantur. Vide Petrum Garsiam Galarza lib. 1. institut. Euangelicæ cap. 10. Vbi duodecim refert ex linguarum vsu utilitates ad Scripturæ intelligentiam.*

CAPVT IV.

Quanti referas ad sacræ doctrinæ studium ars Poëtica.

Priusquàm carmineas Scripturæ partes enumeremus, indeque probemus quanti referat ad sacræ doctrinæ studium ars Poëtica, non abs re proposita esse duximus, vt superiori capite de Grammatica; ita & in præsentī nonnulla de nomine, natura, origine, præstantia, perfec-

perfectione ac diuisione Poësis referre, quæ est Grammaticæ pars.

Poësis igitur si nominis etymologiâ spectemus, à verbo Græco ποιεîn, quod iuxta Eustathij sententiâ significat emmetros cantare, vel scribere, & iuxta alios, fingere, deducta, aut vt alij volunt à verbo Chaldaico pijcet, est ars, quæ suis præceptis perficitur, ars, inquam fabularum consciendarum, vel, facultas versibus seu stricla, & numerosa oratione aliquid imitandi; vel, quod idem est, *Habitus organicus videndi in actionibus & moribus humanis, quod appositum est ad representandum, aut ad fabulam conformandam.* Ita vt obiectum artis Poeticæ, quatenus est pars specialis Grammaticæ, non sit quicumque sermo, aut oratio congrua, sed oratio congrua ficta, & fabulosa, siue fabulam continens, ordinata secundum propositionem dictionum, & tempora pedum, ac numerum eorum; vbi tamen fabula non sumitur, pro vt significat fictionem, aut à vero recedit, sed fabula hic appellatur actio, seu actionis imitatio, & figurata ipsa rerum compositio cum officium Poetæ in eo potissimum situm sit, vt ea quæ verè gesta sunt, in alias species, obliquisfigurationibus, cum decore aliquo conuersa transducatur. Sic igitur duo sunt de ratione poëscos, versus scilicet, aut metrica oratio, figurataque rei alicuius per illam representatio, vel imitatio. Quæ duo ita inter se comparantur, vt primum se habeat tanquam ratio formalis, aut obiectum formale, secundum verò vt materiale, seu materia circa quam respectu artis Poeticæ.

Poësis, sicut alix scientiæ, vel artes, duplicem habet originem, naturalem, vnam, quæ est ipsamet natura, artificiosam alteram, quæ est ipsamet ars poetica. Naturalis iterum est duplex, imitatio, & harmonia: etenim homini naturaliter insita est imitatio, videmusque omnes ex ea delectationem & voluptatrem percipere: puerique ipsi quamprimum matris, vel nutricis mores, & actiones ab ipsa natura edocti imitari, & re-

Biblioth. Theol. Tom. IV.

presentare student. Nec solum imitatio homini naturalis est, sed etiam harmonia, quæ ad humanæ vitæ labores tolerandos illi à natura concessa est. Sic in omnibus operibus molestis, ac laboriosis, modulatione aliqua etiam rudi labores alleviari, fatigationem minui, hominemque iucundum, & hilarem reddi, quotidiana docet experientia. Poësis ergo ab ipso mundi primordio, ab his, qui natura apti erant ad imitationem, & harmoniam, orta est; ac deinde præcepta, obseruatione adhibita, successu temporis, tradita sunt, quibus suam paulatim adepta est perfectionem.

Quod spectat ad huius artis dignitatem & præstantiam, multa sunt præstia capita, ex quibus non mediocriter commendari potest. *Primum*, quod semper in maxima veneratione, maximoque pretio apud Reges & Principes habita fuerit. *Secundò*, quod illam antiqui primariam quamdam philosophiam esse tradiderunt, quæ à cunabulis viuendi formulam doceret, quæ mores, quæ affectiones ostenderet. Quapropter ciuitates Græcorum eruditissimè liberos in poëticis primùm instruebant, solum Poëtam sapientem esse dicentes. *Tertiò* cū cæterarum rerum studia præceptis consent, atque doctrina. Poetæ soli ipsa natura potissimum valent, & mentis viribus excitantur, & quasi diuino quodam spiritu inflammantur. Vnde Plato lib. 3. de legib. scribit Poetarum genus esse diuinum, ipsosque diuino instinctu quodam citatos sua carmina componere, & canere solere. *Quariò* quoniam in metrica compositione paucis verbis, ac breuissimè plurima complectuntur, quæ alias in prosa longissimam orationem desiderarent. Verborum insuper elegantia, linguæ proprietates, suaves verborum translationes, sententiarumque licentia, quæ orationem quasi stellis quibusdam ornant, à solis Poetis inuenta, suisque locis collocata, ac distincta sunt. *Quinò* quod nullibi maior vis, & energia dicendi reperitur, quàm in carminibus, quæ artus nostros, atque animos intrin-

D

secè

secè demulcendo movent, excitant, ac pericundè intentos faciunt, immo planè dociles, atque citissimè flexiles reddunt, vt docent Christostom. homil. in Psal. 1. & Augustin. lib. 9. Confess. *Secundò*, quia oracula, seu vaticinia diuinis apud veteres reputata similia, vt plurimum carminibus pronuntiata fuere; cuiusmodi sunt celeberrima Sibyllarū vaticinia. *Septimò*, cū in alijs scientijs & artibus, mediocritas etiam placere soleat, sola Poesis vt placeat eminens esse debet iuxta illud Horatii.

hoc tibi dictum

Tolle memor: certis medium & tolerabile rebus

*Rectè concedi: consultus inris & actor
Caussarum mediocris, abesse virtute distanti.*

Messala, nec scis quantum Castulus Aulus

Sed tamen in pretio est: Mediocribus esse poësis

Non homines, non Dij, non concessere columna.

Octauò carmina sunt maximè accommodata, & aptissima ad laudandum, ad agendas gratias, ad recolendum aliquod beneficium, ad alicuius amplitudinem, & maiestatem illustrandam, atque etiam ad deplorandam aliquam calamitatem; magis enim ad viuū hæc omnia versibus, seu stricta, quam soluta oratione, exprimuntur, altiusque auribus ac mentibus audientium infiguntur. *Nonò* artis Poeticæ studia, vt scribit Cicero adolescentiam alunt, senectutem oblectant, secundas res ornant, aduersis solatium præstant: oblectant domi, non impediunt foris, pernoctant nobiscum, peregrinantur, rusticantur. *Decimò* carminibus delectatur Deus, vt inquit D. August. in 6. suæ Musicæ, cū enim carmen numerum, & ordinem pedum contineat, & pedes numerum, & ordinem syllabarum, & rursus syllabæ numerum & ordinem temporum, secundum quod sunt longæ, & breues, maximam certè harmoniam, musicamque proportionem efficit dulcissimam & gratissimam Deo,

qui cum omnia fecerit in numero, pondere & mensura, vt habetur Sapient. 2. illa sub quadam harmonia, & musica, proportionem constituit; de quo vide Iacobum de Valentia Episcopum Christopolitanum in suo prologo in Psalterium, *Vndecimò* tandem, & vltimo, quodque cæteris omnibus antecellit, Spiritus Sanctus sacras ac diuinas Scripturas à Canonicis Scriptoribus poeticè exarari voluit vt suo loco supra diximus; insuper poetarum etiam prophanorum versiculi diuinæ Scripturæ inserti reperiuntur, ac Apostol. cap. 17. vbi D. Paulus. apud Athenienses in Areopago, hoc est, Martis curia agens illud Arati Poëtæ, inducit in ipso enim *Viniuius, mouemur, & sumus.* Idem Apostolus in sua epistola ad Titū c. 1. illud Parmenidis Poëtæ citat, *Cretenses semper mendaces, male bestia, & ventres pigri.* Cuius rei fortasse exemplo in decretis quoque Virgilij versus asferuntur, vt in cap. *nunquam* de consecrat. distinct. 5. & ibidem in cap. *legimus* Horatius allegatur, nec non Lucanus in cap. *nec mirum s. magis* 21. quæst. 6.

Ex quibus omnibus satis patet non esse de Poësi vt sic, aut de omnibus Poëtis accipiendum, quod vulgo fertur, nempe vanos, mendaces, ac lasciuos esse, sed tantum de illis, qui relicta Poeticæ artis grauitate, ad turpia, obscena, satyrica, & mordacia transferunt stylum suum, qui præclarissimum hoc, & laudatissimum dicendi ac scribendi genus libidinibus deturpare, & profanare, audent, quos Plato, vt refert D. August. lib. 2. de Ciuitate Dei cap. 14. à bene instituta ciuitate pellendos esse censuit, & Philippus Imperator, ob eorum laxam licentiam, & garrulam linguam ab albo bonarum artium professorum expunxit, vt habetur in L. *Poeta* Cod. de professor. lib. 10. Si quidem hi non veritati, & utilitati, sed delectationi, sed libidinibus ac superstitionibus, suis verbis inseruiunt. Ideoque non mirum si acriter aduersus huiusmodi Sotadicos Poetas sæpius infurrexerint recti & honesti amantes viri. Hoc enim dicen di genus nobilissimū,

ae sapientissimum, cælestemque artem
supernis rebus explicandis maximè ac-
commodatam, sic venereis, & inestis
versibus misere prostituere, vt quid
monstruosum, & extraneum ipsius natu-
ræ sit, & nequaquam ei conueniens,
quod elegantissimè ostendit Hieronymus
Vida, & noster Ioannes Baptista Man-
tuanus sic scribens in 1. tomo suorum
operum.

*Sunt quibus eloquij datur aurea vena.
Poete*

*Sed cadit in sordes, inficiturque luto.
Nam Cypriæ curas, & olentia gaudia
ponunt,*

*Claræque iam fædo mergitur vnda
lacu.*

*Hoc decus, hoc animis carmen caelestibus
aptum*

*Rebus in immûdis degenerare nefas.
Dona Dei carmen nitidum, sacundia
præstans*

*Mittitur ex astris, à superisque datur
Est iuba Romana fidei, legumque Poësis
Quæ canat heros sacra, Deniq; pede.*

*Carmina quoque Sanctos Deus ipse parauit
ad usus*

*Impia mortiferi criminis arma facis.
Quid maculas turpi diuina libidine
do na?*

*Quid teris immundo munera tanta
pede?*

*Non ita Hieremias docuit, non Thra-
cius Orpheus.*

*Non ita Iessai regia musa senis.
Sancta prophætanæ scelus est delectabile
multo*

*Verbere, supplicio culpa pianda gra-
ui, &c.*

Hanc eandem Poeseos miseram sortem
non minus piè, & eleganter deplorat Vr-
banus Papa VIII. in suis poematibus,
poemate 1. cui titulus est, Poësis probis
& pijs ornata documentis primæuo do-
cori restituenda.

*Pro scelus! hanc turpi diffundunt car-
mine, priscis*

*Deterius, filios qui coluere Deos
Nomine posthabito Christi, ritusq; piorum
Dum fædis modulis flagitiosa canunt.*

Biblioth. Theol. Tom. IV.

*Cultores addunt Veneri, pubemq; pudicâ
Dedecorum satagunt commaculare
notis, &c.*

Aliquibusque versibus interpositis,

*Ab pereat castâ quisquis violare Poësim
Audet, & è myrio nectere fæta comis.*

Quod pertinet ad artis Poeticæ perfe-
ctionem; ad illam, sicut & in qualibet
aliare, quatuor principia, vel causæ re-
quiruntur, efficiens, materialis, formalis,
& finalis. Ad perfectionem Poeseos
ex parte causæ efficientis, requiritur in
Poëtis temperamentum melancolicum,
sicque nomine furoris Poëtici, & enthu-
siasmi, quo diuinitus ad compositiones
metricas excitari, & afflari dicuntur, iux-
ta illud Ouidij.

*Est Deus in nobis, agitante calescimus illo
& alibi*

*Est Deus in nobis, sunt & commercia cali
Sedibus æthereis spiritus ille venit.*

Huius, inquam, poëtici spiritus nomine
nihil aliud intelligunt aliqui, quam tem-
periem melancolicam, siue quod idem
est, humorem melancolicum Poetæ præ-
dominantem. Cum enim vtrius nullum
sit eminentis præ alio ingenij fundamen-
tum & argumentum, quam temperamē-
tum corporum, & inter omnia huius-
modi temperamenta, si Aristoteli & Ga-
leno credamus, primum obtineat locum
melancolicum, supposito quod Poësis,
siue compositio metrica, solius excellen-
tis ingenij partus esse possit, ab humore
melancolico originetur necesse est, at-
que adeò furor ille poëticus sine quo 2.
de oratore Cicero ait, bonum esse poetā
neminem, erit aliquando idem ac hu-
mor melancolicus, non quidem frigidus,
densus, aut feulentus, plumbei que co-
loris, quo præditi aliqui stoliditatem, ali-
quamque animi perturbationem præ se
ferre solent, sed calore decoctus, tali-
que decoctione subtilior effectus, ac
redditus.

Ad perfectionem poeseos ex parte
materiæ requiritur in primis ficta quæ-
dam & elegans ornatque cōpositio, seu
actionis propositæ representatio; cum
Poetæ officium sit in eo, vt ea quæ go-
sta

ita sunt verè, in aliquas species obliquis figurationibus cum decore aliquo conuersa traducat; verum enim sub artificiosæ fictionis cortice, vel vmbra prius occultum, semel reuelatum magis placere, ac delectare solet; Requiritur insuper ad perfectionem Poëseos ex parte materiæ, viuæ quædam & natiua motu animi, modorumque agendi vniuscuiusque expressio. Sicut enim pictores aut sculptores exteriora principaliter in rebus imitari conantur, ita Poetæ interiora, hoc est animi motus, & passionēs, vt amorem, odium, iram, dolorem, lætitiā &c. aliter enim debet fingi, quod loquatur amans, aliter quod loquatur iratus: aliusque est modus agendi ratione sexus, alius ratione cōditionis, alius ratione professionis, alius ratione ætatis, & sic de alijs: vnde etiam aliter repræsentari debent actiones virorum, & feminarum; aliter actiones liberorum & seruatorum, militum, & litteratorum, iuuenum & senum.

Perfectio poëseos ex parte formæ considerata consistit in hoc quod oratio sit metrica, hoc est iuxta diuersitatem versuum, quibus constat poema, certo quodam genere, numero atque ordine pedum alligata. Pes autem est pars versus certo syllabarum numero, atque ordine fiuit; & sic ex syllabarum tempore, seu quantitate diuersa, pedes diuersi in vnaquaque lingua cōponuntur. Suntque in vniuersum numero octo & viginti: simplices duodecim; compositi sexdecim; simplicium quatuor dissyllabi sunt; octo trissyllabi; Dissyllabi sunt *Spondæus* constans ex duabus syllabis longis, vt possunt; *Pyrrichius* ex duabus breuibus, vt *Deus*: *Choreus*, vel vt alij volunt *Trochæus* ex prima longa, & secunda breui, vt arma; *Iambus* ex prima breui, & secunda longa, vt parens. Simples trissyllabi sunt, *Molossus* ex tribus longis, vt pugnabant; *Trybrachus* ex tribus breuibus, vt facere; *Dactylus* ex prima longa, & duabus vltimis breuibus, vt corpora; *Anapæstus* ex duabus primis breuibus & vltima longa, vt animos; *Bacchius* ex pri-

ma breui, & duabus vltimis longis, vt dolores; *Antibacchius* ex duabus primis longis, & vltima breui, vt audisse; *Gregæus*, seu, *Amphimacer* ex prima longa, media breui, finali longa, vt audiunt; *Amphibrachus* ex prima breui, media, longa, finali breui, vt poema.

Pedes quatuor syllabarum ex superioribus compositi sunt, *Dispondæus* constans ex duobus Spondæis, vt oratotes; *Proclenmaticus* ex duobus Pyrrichijs, vt abierte: *Dichoreus*, vel *Ditrochæus* ex duobus Choreis, vt dimicare; *Dijambus* ex duobus Iambis, vt propinquitas: *Choriambus* ex Choreo & Iambo, vt nobilitas; *Antipæstus*, vel *Antipæstus* ex Iambo & Choreo, vt recusare; *Ionicus maior* ex Spondæo, & Pyrrichio, vt cantabimus; *Ionicus minor* ex Pyrrichio, & Spondæo, vt Lacedæmon. *Pæones* quatuor sunt: omnes ex tribus breuibus, & vna longa constantes hac lege, vt primus primam habeat longam, secundus secundam, tertius tertiam, quartus quartam; sic *Pæon I.* constat ex Choreo & Pyrrichio, vt aspiciat; *Pæon II.* ex Iambo, & Pyrrichio, vt potentia; *Pæon IV.* ex Pyrrichio, & Iambo, vt calamitas. *Epitritus*, seu *Hyppus* totidem sunt, sed Pæonibus contrarij; primus enim primam habet breuem, secundus secundam, tertius tertiam, quartus quartam; sic *Epitritus I.* constat ex Iambo & Spondæo, vt repugnant; *Epitritus II.* ex Choreo & Spondæo, vt comprobant; *Epitritus III.* ex Spondæo, & Iambo, vt discordia; *Epitritus IV.* ex Spondæo, & Choreo, vt fortunatus. Est & alius pes quinque syllabarum oratoricę compositioni maximè appositus, quę *Dochmius* vocant, constat Iambo & Amphimacro, vt reipublicæ, perhorrescerent.

Ad eandem Poëseos perfectionem ex parte formæ spectat 1. *Cæsura*, quæ est versus incisio, cum post aliquem pedem superest syllaba, quæ dictionem finiat. Quadruplex est: & cuiuslibet tanta vis, vt brevis interdum licentia quadam producatur, non tamen temere vsurpanda. Prima *Tribemimeris*, cum post

post vñ pedem syllaba superest, dictionem terminans. 2. *Penihemimeris* cum post duos pedes; 3. *Hepthemimeris*, cum post tres pedes. 4. *Ennehemimeris* post quatuor pedes. Secundò *figura poetica*, seu, carminibus deservientes, quæ duplices sunt, scilicet, *Prosodica* & *Orthographica*. *Prosodica* dicuntur quæ in dimetiendis versibus usurpantur. Hæverò sunt sex *Ekthlipsis*, id est, *elipsis* quæ litteram M. in fine dictionis vocali præcedente absomit sequente vocali; *Synalepha*, id est, collisio, cum vocalis, aut diphtongus in fine dictionis, à vocali vel diphtongo proximè sequenti absimitur. *Synæresis*, seu *Crasis*, cum contrahuntur duæ syllabæ in vnam, vt *aluaria*, pro *alvearia*. *Diaeresis*, qua vna syllaba dissolvitur in duas, vt *vitali* pro *vita*. *Synstole*, quæ syllabam naturæ longam coarctat. *Eclasis*, quæ è contratio producit syllabam naturæ brevem.

Figura Orthographica sunt, quæ litteram vel syllabam addunt, adimunt, aut mutant, hæc novè numerantur; *Prosthesis*, cum adijcitur littera, vel syllaba ad principium dictionis; *Epanthesis* cum ad medium, *Kavagoge* cum ad finem; *Apharesis* cum à principio dictionis aliquid aufertur, *Syncope* cum è medio, *Apocope* cum à fine; *Antisthesis* vel potius *Antistichon*, cum littera pro littera ponitur, *Metasthesis* cum littera transponitur; *Tmesis* cum vna dictio secatur, altera dictione interposita; vt Virg. 3. *Georgic*.

Talis *Hyperboreos septem subiecta Trioni*. Tertiò quidam versuum affectus, quos septem & quadraginta Ioannes Murmelius, Petrus Bendorianus lib. 4. *de re poetica*, Ioannes Buchlerus in *institutione poetica*, & alij annotarunt.

Ultimò tandem perfectio finalis Poëscos attenditur ex hoc, quod per illam homines ad perfectionem instituuntur. Adolescentes enim eantibus, & odis ad virtutem amplexandam, & vitium fugiendum præparantur, heroicorumque hominum mores & egregia facta carminibus exposita, ante oculos illis ponuntur, vt & seipfos, & alios eis in-

optima disciplina bene instruant; sicut enim picturis iuvenes edocentur ad bonum prosequendum, ita quoque Odís, atque Poematibus, vt ita facilius ac felicius ad rectam compositamque vitam perducantur; nullum enim quantum ad hunc finem inter artes & scientias versatur discrimen, sed tantum earum differentia consistit in hoc, quod diversis modis, diversisque vijs hominem ad illum perducant. Philosophia naturalis, V. g. rerù essentias ac proprietates edocendo, Moralis agenda præscribendo, Rethorica persuadendo, Historica narando, Poëtica denique fingendo, siue representando appositè ea quæ homines bonos & virtuosos, atque adeo felices & beatos efficere possunt; ex grat. introducendo modo sceleratum aliquem hominem digna suis sceleribus supplicia reserentem, modo virtuosum digna suis operibus premia, aut à Deo, aut ab hominibus reportantem. Qui modus, licet alijs videatur forsitan ignobilior, tantò tamen illis efficacior putandus est, quantò magis homines laboris impatientes à scientijs, virtutumque noticijs per illas comparandis sæpius abhorrent, ob nimiam quam præ se ferunt difficultatem; dum tamen absque vlla vel minima fatigationis umbrâ, libenter in poëticis operibus representari vident ea, quæ ad rectam morum institutionem pertinent. Præterquam quod, cum insit hominibus superbia, quædam animi libertas, ita à naturâ comparantur, vt exemplo potius, quod est proprium Poëscos instrumentum, quàm rationum vi, aut verborum persuasionem, ad ea quæ vel facere, vel fugere tenentur, excitari velint, atque moveri.

Circa Poëscos diuisionem; iuxta multiplicem qua considerari potest rationem, multipliciter etiam diuidi, & denominari potest; imo vnum idemque Poëma, vel examen diuersimodè consideratum ad diuersas etiam diuisiones pertinere potest. Primum igitur Poësis, aut carmina ab authoribus, seu inuencoribus suis, alia sunt *Alcaica*, ab *Alceo*, alia

Ana-

Anacreontica, ab *Anacreonte*, *Aristophanica* ab *Aristophane*, *Asclepiadea* ab *Asclepiade*, *Glyconica* à *Glycone*, *Hipponactea* ab *Hipponacte*, *Phalacia* à *Phaleo*, *Pherecratia* à *Pherecrate*, *Sapphica* à *Sappho* puella &c. Secundò ratione styli seu modi componendi, & representandi, diuiditur Poësis in *Drammaticam*, *Exegematicam*, & *Communiem*, siue ex utraque mixtam. *Drammatica* est illa in qua tacente Poeta, aliæ solùm personæ inter se colloquentes inducuntur, cuius præcipuæ species sunt *Egloga*, *Comædia*, & *Tragædia*. *Exegematica*, Latinis *Narrativa* dicta est illa in qua Poeta ipse sine interpolatione personæ loquitur, *Mixta* verò, aut *Communis*, ubi Poeta ipse loquitur, & introducit personæ, ut est *Virgilij Aeneis*.

Tertiò à materia, seu rebus quæ scribuntur, habemus carmen *Heroicum* quo Heroum res gestæ cum laude scribuntur; *Natalitium* quo virorum illustrium natalitia celebrantur, estque triplex primum dicitur *Genethliacum*, quo Poetæ præcinere solent felices puerorum cœtus, spem ostendendo de futura eorum virtute, ac felicitate, laudando maiorum ac parentum virtutes, in quibus simillimū fore infantem polliceantur, adhibendo præterea, si quæ sunt oracula, temporis ac diei circumstantias, quibus in lucem editus fuerit puer, indeque coniiciendo aliqua ad rem suam. Secundum *Geniale* vocatur à Genio inuocato, eo quod putarent Gentiles, unicuique hominum de nouo nascenti custodes assistere quosdā Deos, quos Genios appellabant à gignēdo, vel quia ut homines gignerentur curabant, vel quod vna cum illis gigni putarent, vel etiam quia homines semel genitos suscipiebant ac tuebantur. Quorum loco Poetæ Christiano in carmine Geniali tutelarisi Angelus esset inuocandus, quæ Deus Opt. Max. unicuique nostrū fidelissimum ab utero custodem dedit, commendando eius curæ, ac sollicitudini totum vitæ decursus illius, de quo tale carmen conscriberetur. Tertium, tandem retento sibi nomine generico *Natalitium* dictum, est illud quo præci-

sè natalis celebratur dies illustris cuiusdam personæ.

Nuptiale, quod veteres olim decantare solebant in nuptijs pariter illustriū personarum in honorem Hymenæi, quæ nuptiarum Deum vel præsidē putabant. Quod etiam carminis genus multiplex erat; & primum quidem appellatum est *Scholium*, quod in ipsa nuptiarum solemnitate decantabatur; secundum *Epithalamium*, quod continebat versus illos post solemne conuiuium cani solitos ad thalamum, hoc est commune vtriusque coniugis cubiculum. Tertium illud, quo nuptiarū ipsarum pompæ, virtutes sponsæ, eius à materna domo digressus, aliaque id genus dulcissimo cantu enarrabantur.

Elegiacum, quod seruiebat olim luctibus, & rebus solum tristibus; vnde, patet carmen Elegiacum se habere in plus, siue longè latius patere, quam carmen funebre; cum omne carmen funebre sit elegiacum, non autem è contrā; quamuis sæpè pro eodem vsurpari soleant, quatenus pro miserabiliiori hominum casu mors haberi potest. Carmen enim funebre in genere est illud quod veteres olim consueverant mortuis, quæ sibi caræ fuissent, personis, ad rogum, concinere, celebrando earum laudes, nec non & iacturam descendo; deplorantibus V.g. parentibus filiorum, familiaribus amicorum, patria ciuium mortem. Quod carmen si in laudem defuncti corpore nondum humato canebatur *Epicedium* appellabatur, aliter *Nenia*, à Græco *νηνία* vltimum, erat enim vltimum, quod in funere laudandi gratia canebatur ante cadauer sepultum; si iam humato corpore *Epitaphium* sic dictum quod *ἐπιτάφιος* hoc est sepulturæ inscriberetur. Pertinent insuper ad Elegiacum, aut lugubre carmen *Monodia* & *Threnus*; *Monodia* enim erat carmen lugubre quod ab aliquo voce subtristi canebatur ad mouendos affectus, & eliciendas lachrymas; *Threnus* verò græcè *θρήνη*, latinè luctus, sletus, lamentatio, fuit genus carminis, quo veteres descebant nō tam

tam hominum iacturas, quàm illuſtrium ciuitatum euerſiones, vt in diuinis litteris vatem ſanctiſſimum videmus deſſere caſum acerbum ciuitatis ſanctæ Hieruſalem, de quo infra.

Satyricum, ad carpenda hominum vitia inuentum; cuius duo ſunt genera, alterum antiquitas tam à Græcis, quàm à Latinis vſurpatum, & recentius alterū, quod ab antiquiore ortum eſt, & à Latinis tanedū excultum. Prius illud ſola varietate carminum conſtat, perſoniſque introductis, comēditæ par, ſed maioreſ laſciuit licentia, ſalibuſque & iocis abſoluit. Satyris enim nemorum Nominibus olim exſtimatis, non Heroibus, aut Regibus, quod tragici faciunt, ludēdi iocandique cauſa introducitur *Satyræ*, ſeu *Satyricum* carmen nomen accepit: quam appellatiōem recentior etiam Satyræ ſeruauit: & ex licentia illa veteri Satyrorum in apertam hominum reprehentionem, & oburgationem exiuit, mutato carminis colore & numeris; nam in hexametros aſſurgit, cū prior intra iambicos & eius generis verſus continetur.

Pæſtorinum, ſeu, *Bucolicum* carmen, eſt illud, quod ab antiquo, & oculo viuendi genere paſtorum ortum habuit, quoque recubantes ad viridem arboris vmbra, vel ſua quique concinebant ſtudia, vel etiam multi inter ſe concertabant de rebus ad ruſticam vitam ſpectantibus, per ordinem ad quas paſtorinum etiam, ſeu Bucolicum carmen multipliciter diuidi poteſt.

Epinictum carmen, quod olim in victoris laudem pronuntiabatur, ſicque à diuerſis ludorum, vel certaminum generibus aliud nuncupabatur Olympicum, aliud Nemæum, Piſthium, Iſthmium, Adonicum, &c. quæ ſub vnicō *Syluæ* nomine ab aliquibus comprehenduntur, ſumendo ſyluam pro tumultuario & temporaneo ſcripto, ſeu poemate in quacūque materia, quod Græci ſchematicum appellant, quippè qui ſoliti aliquando ſumus carmina quædam componere, quæ ſubitis quidam mentis ca-

lor, & impetus ex tempore ſuggerat. Sed de hac diuiſione ſatis, cuius innumera poſſent adduci membra, ſecūdum quod ſunt innumera iuxta varietatem humanarum actionum, carminum materie.

Quarto ab inſtrumentis, cum quibus aliqua olim carmina canebantur, iuxta eorum diuerſitatem, varias etiam carminum denominationes habemus, vt Lyricū, Pſaltericum apud Hebræos, &c. ſub quibus Pean, Ode, ſeu Canticum, Pſalmi, & Hymni continentur, quod omnia iſta, illiſque ſimilia carminum genera accommodatè ad concenſus muſicos, vel vocum, vel inſtrumentorum componerentur.

Quintò à crebriore ſeu prædominanti pede varia ſunt adhuc carminum genera, & nomina; vt *Daſtylicum*, cuius vſitatiores formæ ſunt, Hexametrum Heroicum, Pentametrum Elegiacum, Tetrametrum Alcaicū, primo loco Spondeum, vel Iambum recipiens, ſecundo ſolū Iambū cum ſyllaba longa redundante, ratione cuius vocatur Meſohypermetrum, id eſt in medio ſyllaba redundans; tertio & quarto daſtylū; Trimetrum Pherecratiū, primo loco Spondeum, aliquando Trocheum, Iambum vel Anapæſtum recipiens, ſecundo Daſtylum, tertio iterum Spondeum. Trimetrum Glyconicum, primo loco Spondeum, raro Trocheum, rariuſ Iambū recipiens, ſecundo & tertio Daſtylum. Dimetrum Adonicum ab Adone ita dictū conſtat Daſtylo, & Spondeo. Ad hoc idem Daſtylici carminis genus referuntur multæ alię carminum formæ, quorū vſus rarior eſt apud Latinos, vt Heptametrum Daſtylotrochaicum, Hexametrum Daſtyliambicum, quod alię Sapphicū Daſtylicum vocant, Iambodaſtylicum Hypercatalectum, Tetrametrum Daſtylicum Catalectum, Tetrametrum Daſtylicum Hypercatalectum, Trimetrum Daſtylicum Hypercatalectum, Dimetrum Hypercatalectum, de quibus omnibus carminis Daſtylici formis, earumque regulis & perfectione conſulendi ſunt authores, qui de re Poeti-

ca scribere, inferius citandi.

Daſtylico ſuccedit carmen Anapeſticum recipiens locis omnibus Anapeſtum, pedem ſcilicet proprium & eius vice Daſtylum, & Spondeum: raro proceleumaticum, pedes videlicet æqualium temporum; hoc carminis genus Tragicis familiare eſt præſertim Tetrametrum conſtans quatuor pedibus, cui nonnunquam poſt multos verſus Dimetrum inferunt, in quo Spondeo Daſtylus eleganter præponitur, & ſic non differt à Glyconico. Aliæ carminum formæ quæ ad Anapeſticum pertinent ſunt Trimeterum Anacreonticum, conſtans ex Anapeſto, Iambo, & Bacchio; Trimeterum Hypercatalecticum, quod recipit primo loco Anapeſtum, vel Spondeum ſecundo & tertio Anapeſtum, & in fine ſyllabam abundantem; Dimetrum conſtans primo loco Anapeſto, ſecundo Bacchio.

Carmen Iambicum ſic dicitur à crebriore pede Iambo, illius ſicut & Trochaici verſus aliter metiuntur Latini, quàm Græci; hi enim per dipodiam, hoc eſt, duobus pedibus ſimul iunctis; illi vero per monopodiam, id eſt ſingulos pedes accipiendo. Vnde quos Græci, Monometros, Dimetros, Trimetros, & Tetrametros appellant à numero menſurarum binos pedes comprehendentiũ, Latini vocant Binarios, Quaternarios, Senarios, & Octenarios, à numero pedum, quos tamen etiam per dipodiam metiuntur. Carminis Iambici quatuor fecere formas videlicet I. Monometrũ quod habet vnam menſuram, ſed pedes duos: vt *Virtus beat*. II. Dimetrum, duas menſuras, ſed pedes quatuor: vt, *Virtus beatos efficit*. III. Trimeterum, tres menſuras, pedes verò ſex: vt, *Ad gloriam virtus per alta nititur*. IV. Tetrametrũ quatuor menſuras, at pedes octo: vt, *Parant perennem gloriam virtus, & eruditio*. Cum autem loci verſuum duplices ſint, ſcilicet impares: videlicet primus, tertius, quintus, & ſeptimus. Et pares ſcilicet ſecundus, quartus, ſextus & octauus; Carmen Iambicum recipit omnibus locis Iambum, vt pote pedem

proprium, & ex eius reſolutione Tribachyn, excepto vltimo loco, qui ſolum Iambum recipit. At in locis imparibus admittit etiam Spondeum, Anapeſtum, Daſtylum, & aliquandò Proceleumaticum, pedes æqualium temporũ. Notandum eſt tamen carmen Trimeterum duplex eſſe; ſcilicet Rectum, & Claudicans; Rectum eſt quod ſexto loco ſemper Iambum recipit; Claudicans, ſeu Scæzon, & Choliambus eſt, quod quinto loco ſemper Iambum habet, ſexto Spondeum. Ex quibus omnibus carminis Iambici formis vſitationes ſunt Dimetræ in Hymnis Eccleſiaſticis: in Comædijs verò, & Tragædijs, Trimeteræ & Tetrametræ. Aliæ carminũ formæ quæ ad Iambicum reducuntur, ſunt Dimetrum Catalecticum Anacreonticum, primo loco recipiens Iambum vel Spondeum, vel Anapeſtum; ſecundo Iambum; Tertio Iambum, vel Spondeum, deinde ſupereſt ſyllaba. Deinde carmen Galliambicum (ita dictum à Gallis Cybeles Sacerdotibus, in prima ſede recipiens Anapeſtum, & interdum Spondeum, Creticum (id eſt Amphimacrũ) vel Proceleumaticum. In ſecunda Iambum, vel Anapeſtum, vel Tribachyn, vel Daſtylum. In tertia haud alium ferè quam Iambum. Quartæ & quintæ ſedi Daſtylus debetur, ſed ita vt vix vquã à quinta ſede dimoueat, de quarta ſæpe cedat Spondeo. Sextus qui vltimus locus eſt, habet Anapeſtum.

Carmen Trochaicum Hymnis, Comædijs, & Tragædijs aptum, vbique Trochæum recipit locis imparibus, id eſt, 1. 3. 5. & 7. neceſſarium, cuius tamen loco admittit vbique Tribachyn, excepta regione vltima, quæ Trochæum ſolum habere debet. At in locis paribus ſcilicet 2. 4. 6. & 8. eoſdem pedes recipit quos Iambicum in imparibus, præter Iambum, quem verſus Trochaicus nunquam recipit, ſicut nec Iambicus Trochæum. Sed de hac diuiſione facis, quæ plura volet carminum genera à crebriore, ſeu prædominanti pede deſumptæ, auctores inferius citandos adcat, præſertim

zim officinam Poeticam, in fine Parnassi Poetici, ubi reperiet varias quoque versuum compositiones exemplis illustratas.

Sexto à numero Syllabarum habentur versus Hendecasyllabi, qui habent vndecim syllabas, si absint collisio, & elisio. Septimo à compositione, carmen Monocolon, id est, vniforme, seu vnus membri: quod constat vnico genere versus; Dicolon, cum duo genera carminum miscentur; vt Hexametrum cum Pentametrum; Sapphicum cum Adonico &c. Tricolon cum tria genera. Octauo à reuersione, Distrophon, cum post secundum versum ad prius genus reuertimur, Tristrophon cum post tertium sit ad primum reductus, Tetrastrophon cum post quartum. Nonò à numero versuum, Disticon, Tetrasticon, Hexasticon, Ogdoasticon, Decasticon, Dodecasticon, &c.

Decimò à perfectione, Acatalectum, cui nihil deest, nec aliquid abundat: id est vltimum pedem, à quo nomen desumit, integrum possidet; videlicet Iambum, si carmen sit Iambicum, Trocheum si Trochaicum &c. Vndecimò, à defectu, vt Catalectum, cui deest vna syllaba, Brachycatalectum, cui duæ defunt.

Et canis } in syluis { venatur } & omnia { seruat }
Et lupus } nutritur } vastas.

VII. *Ecliptici* sic appellati, quod ad eorum sententiam assequendam, supplenda sunt præpositiones, *sub, super* secundum dispositionem dictionum superius, aut inferius positarum. VIII. *Echici*, seu Echrici, in quibus vltimæ syllabæ sonus congruit penultimæ, aut in quibus arte elaboratur extremæ vocis repetitio, vel tota, vel fracta, ab inexpectato plerumque responsans: aut materiz nouæ ansam ministrans, semper tamen præcedentis vocis imaginem representans; vnde & *Echo* ipsa ab Horatio lib. 1. Od. 12. v. 4. *iecosa imago dicitur, quasi imitatio.*

VIII. sunt versus *Reciproci*, vel *Retrogradi* seu *Recurrentes*, qui à fine oris, ordine retrogrado scribuntur: idque aut eodem carminis genere, aut diuerso. Vocantur *Διαμειν* à Scaligero lib. 1. Poet.

Bibliot. Theol. Tom. IV.

Duodecimò ab abundantia, vt *Hypermetrum* cui superest vna syllaba, sed quæ principio sequentis eliditur; *Hypercatalectum*, ubi superest syllaba nusquam interempta. Vide Iulium Scaligerum, lib. 2. Poet. cap. 2.

Vltimò tandem à versuum affectibus, quos septem & quadraginta esse, superius adnotauimus, tot diuersa carminum, aut versuum genera possent distinguui; selectiores tamen sunt illi, I. qui dicuntur *Pangrammatici*, id est omnes litteras Alphabeti continentes; II. *Intercalares*, qui in eodem poemate sæpius repetuntur. III. *παρρηχικοί*, qui continent omnes partes orationis. IV. *Aequidici*, quorum dictiones omnes ab vna incipiunt littera. V. *Correlatiui*, seu *Antistheti* sic dicti, quod relationes habent singularum dictionum præcedentis versus ad singulas sequentis vt illi de Virgine Decipara.

Sceptra, Deum, Venerem; Regina,
puerpera, Virgo
Concludit, lactat, terret; dextra, ubere,
voto.

VI. *Concordantes*, aut *coherentes*, in quibus dictiones quædam pluribus verbis communes reperiuntur: vt

cap. 22. & lib. 2. cap. 30. sumpto nomine à cursibus reciprocis equi in stadiodromo. Recurrentium autem versuum duo genera facit S. Sidonius Apoll. lib. 9. epist. 14. pro duplici recursus differentia, scilicet litterarum & vocum, vide ibi notas Sirmondi. Palmam ceteris præripuisse videtur, hoc in operoso labore, Andreas Mestranus Iurisconsultus Auenionensis in libro inscripto *Διαμειν* (in quo plurimi sunt huiusmodi versus & sententiæ Græcè, Latine & Gallicè) Auenione impresso.

IX. Versus *Serpentini* sic ab Hermogene & Hadriano Iunio vocati, quia in se recurrunt initio consentiente fini: vt Iuuenal.

Crescit amor nummi, quantum ipsa pecunia crescit,

E

Hoc

Hoc non tantum fit in vno verbo, sed etiam in Hemistichio, id est, versu dimidiato ut Ovidius 1. Eleg. 9.

Milias omnis amans, & habet sua castra Cupido

Attice crede mihi, milias omnis amans.

Composuit Turcius Rufus carmen simili arte elaboratum, quod habetur tomo 8. Bibl. SS. PP. Huius etiam generis multa scripsit P. F. Saluator Vitalis Minorita in Apodixi sanctitatis S. Francisci, Florentiæ impressa anno 1630.

X. sunt versus *Decussati*, in quibus prima pars versus refertur ad alterius postremam: & contra prima pars alterius ad prioris ultimam, ut illi Virgiliani 1. Aeneid. vers. 699.

Iamque ibat dicto parens, & dona Cupido

Regia portabat Tyrijs, duce latus Achate.

Ordo enim naturalis est,

Iamque ibat dicto parens, duce latus Achate

Regia portabat Tyrijs, & dona Cupido.

Huc etiam potiori ratione referendi sunt versus illi, qui decussatim, miraque arte disponuntur, quales illi sunt Rabani Mauri, de laudibus Sanctæ Crucis, & aliorum plurium auctorum.

XI. sunt versus *Acrostici*, cum primis aliquot versuum litteris nomē alicuius, vel alia quævis dictio, aut oratio exprimitur. Difficiliora poemata sunt illa, quæ non solum initio versuum sed etiā in medio, & sine id exprimunt, eisdemque penitus litteris astringuntur.

XII. est *Anagrammatismus*, quem Guillelmus Blancus Junior, libello quē composuit de ratione Anagrammatismi, definit esse *clausulam, quæ ex artificiosa litterarum omnium, neque plurium alicuius nominis transpositione componitur*.

XIII. sunt versus *Chronologici*, qui per litteras numerales certum quendam numerum reddunt quo tempus, vel annus significatur. Ex quibus litteris plures non debent esse in versu, aut sententia quam necessariz sint, ad eum numerum, quem cupis explendum. Solent

autē distingui litteræ numerales ab alijs diuerso charactere, aut colore.

XIV. sunt versus *Armigatici & Græphici* sic dicti quia sententiam implexā & obscuram continent. Multi enim Græphum cum Aenigmate confundunt. Distinctionis tamen causa, *Aenigma* dicitur, cum de re sermo fit; cum verò de voce quadam, aut nomine aliquo *Logogriphus*. De quibus omnibus vide auctores qui de arte Poetica scripserunt, præsertim P. Fr. Ludouicum Caualli Minoritam Obseru. in libro Ianua musarum referata inscripto Parisijs anno 1647. impresso, in cuius secundæ parte agit de varijs carminum generibus.

His ita circa naturam Poeseos prænotatis, satis patet quanti referat ad sacre doctrinæ studium, ex eo quod multa in Scripturis sacris poetice conscripta reperiantur; quæ consequenter nonnisi beneficio artis Poeticæ intelligi possunt. Primum ergo si consideretur secundum quod ratione styli, seu modi componendi & representandi diuiditur in Dramaticam, Exegematicam, & communem, seu ex utraque mixtam; numquid ut in Psalmis Davidicis, Exegematicæ, & Communis, ita & in Canticis Canticorum, Dramaticæ, id est, Dialogicæ & Interrogatiuæ perfectissima habemus exempla; de quo videri potest Origenes Homilia priori in Cantica.

Iterum si à materia, rebusque scriptis carmina alia sunt Heroica, alia Natalicia, Nuptialia, Elegiaca, ut Epicedium, siue Nænia, Monodia & Threnus; alia Satyrica, Pastorica, seu Bucolica, & Epinicia; hæc etiam omnia diuinis non desunt Scripturis. Imo puto nullum fortasse Poematis genus esse, cuius Psalmographus solus exemplum non præbuerit Græcis, & Latinis Poetis. Ipse Lyricus, Tragicus, Comicus, Satyricus, Heroicus, Dramaticus, Epithalamicus, atque Elegiacus: iam exultat lyra festiuus, iam tragædiam delapsi Adami, & generis humani miseriam lamentatur. Iam diuersas personas comedix instar loquen-

loquentes inducit. Iam in prauos & corruptos mores Satyricè inuehitur, iam regnum Christi, & gesta antiquorum Patrum heroicè narrat; iam sponsalicia Christi, atque Ecclesiæ personat, iam Christi mortem deslet.

Insuper ad Natalitium, seu Genethliacum carmen, pertinere potest canticū illud, quod multitudo exercitus Angelorum cecinisse dicitur Lucæ 2. Ad Nuptiale verò, seu Epithalamium, Canticum Canticorum, vnde Gregorius Nazianzenus Drama sponsale, seu nuptiale appellat. Et Basilii quoque in suis commentarijs super illud Isaia 5. *Cantabo dilecto meo canticum dilecti mei*; ait; Canticum Canticorum nuptiale est carmen dramatico opere prætextum: id quod ante istos asseruerat Origenes tam Homilia 1. ex duabus in Cantica, quam prologo homil. 1. ex quatuor; *Libellus hic*, inquit, seu Epithalamium, id est, nuptiale carmen, vel Canticum in modum mihi videtur Dramatis à Salomone conscriptus, quem cecinit, instar nubentis sponsæ, & erga sponsum suum, qui est verbum Dei Patris, & celesti amore flagrantis: Adamauit enim eum, siue anima, quæ ad imaginem eius facta est, siue Ecclesia.

Perfectissimā insuper Carminis Elegiaci formam habemus tam in Psalmodum libro, quam in Threnis, seu lamentationibus & fletibus Ieremiæ Prophetae. Vt enim optimè notauit Eusebius Cæsariensis ad Psalmum 15. & post illum Eusebius Nierembergius Societatis Iesu lib. 3. de Origine sacrae Scripturae cap. 5. & 6. nihil est aliud ille Psalmus, vt ex ipsius Psalmi inscriptione apparet, atque ex toto Psalmo, cuius omnia verba sunt animæ Christi Limbum ingressæ; quam Epitaphium, seu epigramma Sepulchrale, quod Dauid crexit Christo Domino præiusto mortuo. Similiter finis & scopus Spiritus Sancti, & Ieremiæ in Threnis conscribendis fuit, primò, parentare Hierosolymæ iam vastatæ, & quasi mortuæ. Celebrat enim ibi funus & exequias eius, vt potè patriæ

Biblioth. Theol. Tom. IV.

& matris suæ amantissimæ, coque simul lenit dolorem suum & ciuium suorum. Ad hoc enim inuentum est carmen funebre. Secundo etiam, hoc carmen est quasi Epitaphium, quod Hierosolymæ memoriam ad posteros transmittat.

Satyrici quoque carminis formam, seu stylum præferunt tam prouerbiorum, quam Ecclesiasticis libri, siue consideretur diuersitas rerum in illis contentarum ad morum institutionem, vitiorumque reprehensionem spectantium, Satyra enim, vt festus inquit, cibi genus fuit ex varijs rebus conditum: & lex multis alijs confecta legibus: & genus carminis vbi de multis rebus disputatur; siue etiam consideretur modus dicendi per breues gnomas, & quæ diuersas, & disparatas, sine villo connexionis ordinisue studio.

Carmen Bucolicum, siue Egloga, Pastoralis ab aliquibus nō immerito dicitur Canticum Canticorum: pastores namque personæ in illo loquuntur: *pastorales sunt*, quibus vtuntur similitudines, pastoralia & colloquia, vt potè de pascuis, de gregibus, de fontibus, de hortis atque de vineis. Et congruentissimè Pastoris assumpsit personam Salomon dum in Cantico isto personam ipse ageret Christi; dumque puissimos exponeret Dei amores erga Ecclesiam: nam & Christus pastoris nomen tanquā sibi proprium assumpsit, cū dixit Ioannis 10. *Egō sum pastor bonus*: coque vocabulo nominari maximè gaudet, quod intelligens Paulus in Epistola ad Hebræos, de illo loquens ait cap. 13. *Deus pacis eduxit de mortuis Pastorem magnum cuius Iesum*: Et ipsa pastoris personæ, aptissima præ omnibus est ad eximiam amoris vim exprimendam: tū quia pastores purius amant: tū quia corū vitæ genus est valde aptum ad vacandū amorī. Præter duas autem personas, quæ præcipuas huius carminis pastoritij partes agunt, ambas pastores, est insuper duplex aliud personarum genus, quæ in illo interloquuntur, sodales nimirum sponſi, pastores & ipsi, atque adoleſcentule

E 2 tula

tulæ focæ ipsius sponsæ, quas illa appellare solet filias Hierusalem.

Tandem quid aliud est Canticum illud Moyſis Exodi 15. quam elegantissimum carmen Epinicium de victo Pharaone, populoque Aegyptiaco; ita scribit Philo in lib. 3. de vita Moyſi: *Ob tantam, inquit, victoriam Propheta celebravit auctorem tanti beneficii; & Origenes in Homil. super hunc locum: Multa, inquit, cantica esse antiquitus facta legimus in sacris: omnium tamen primum est hoc Canticum Moyſi, quod Aegyptijs, & Pharaone submersis populus Dei post victoriâ cecinit. Moris quippe Sanctorum fuit, ubi hostes caſi eſſent, quod scirent non sua virtute, sed Dei gratia partam esse victoriam, hymnum Deo gratulationis offerre.*

Si etiam ab instrumento, cum quo canitur, solent distingui carminum varia & genera & nomina; talia sunt in divinis Scripturis tam veteris quam novi testamenti, Psalmi, Cantica, & Hymni accommodatè ad concentus musicos, vel vocum, vel instrumentorum composita, quorum diuersa reperimus genera, nimirum Tubam, Cytharam, Organum, Cymbalum, Psalterium, Tympanum, Chorum, &c. de quibus còmodius agatur infra ubi de Musica.

Quod pertinet ad alias carminum diuisiones, vel à prædominanti pede, vel ab eorumdem numero, nec non etiam versuum; etſi nunc omnino ignoretur, quibus quotve pedibus omnia S. Scripturæ poemata consent; vt in confesso est apud omnes fere illorū interpretes, rectèque ostendit Card. Bellarminus in insituit. Hebraic. Quod enim R. David Lahaſ libello de metris Hebraicis, quæ Latinum reddidit Gilb. Genebrardus, decem & octo numerat carminum genera, non tam ex sacra Scriptura fuisse deprompta, quàm ex Rabbinorum doctrina, & vsu; etſi, inquam, ita res se habeat, & antiqua poëſis Hebræorum nunc sit prorsus ignota, nō solum Christianis, sed etiam Rabbinis, quo ad pedum qualitatem, & numerum, illis tamē non caruisse apertè demonstrant plura

antiquorū testimonia, Eusebij in Chronico, D. Hieronymi præfat. in lib. Reg. & in Isaiam, ubi ait, Psalmos, & Lamentationes, esse diuerso metri genere composita, & præfat. in Iob, & epistola ad Paulam vrbicam ait, extremam partem lib. Prouerb. constare tetrametris Iambicis; Lamentationes Sapphicas, Adonicis, Heroicis. Didymus in Psal. 128. ex alterius dicto refert, *versus apud Hebræos fuisse ad metrum astrictos, & Hexametros, qui in Cantico Deuteronomij sunt, Psalmos vero trimetros, & tetrametros.* Iosephus verò de Dauid locutus lib. 7. antiq. cap. 10. ait: *Carmina in Deum, & hymnos composuit vario metro; alios namque trimetros, alios pentametros fecit.*

Genebrardus in Chron. ann. 1013. affirmat Moysem Spondaicis versibus repræsentasse Iobi historiam; alio vero loco circa annum 3 106, scribit, veterū sacra carmina, vt in Psalmis, Iob. Prouerbijſ esse disticha, licet à plerisque Hebræis scandendi ratio ignoretur. Marianus Victorius in annot. ad epistolam 112. D. Hieronymi, ait se inuenisse experimēto versus libri Iob esse Hexametros ex Spondeo, Daçtylo, & alijs pedibus, vt Trocheo, Iambo, & Proceleumatico currentes, non tam syllabarum quam temporum in eis habita ratione; attingit etiam de huiusmodi versuum & mensuræ ratione nonnihil ad epist. 117. & 155. Andreas Mafius in commentarijs super 10. capite libri Iosue ait, antiquam quidem Hebræorum poëſim nūc esse prorsus ignotam; viguisse tamen eam tempore Hieronymi, se autem curiositate quadam ductum mukum temporis, & studij posuisse in ea indaganda; sed nihil certi explorare potuisse; obseruasse tamen illa verba, quæ sunt in decimo capite libri Iosue, quibus narratur prodigium illud, quod Sol, & Luna iussu Iosue in medio celi steterunt: illa inquit verba esse versus iisdem numeris ligatos, quibus ligati sunt Iambici versus trimetri acatalectici, parua facta, quarumdam litterarum immutatione.

Quod igitur Augustinus Eugubinus in

in præfat. sua in Psal. contendit Hebraicam poemam dissimilem fuisse Græcæ & Latine, simillimam autem Italicæ: nam in Latina & Græca poëti observantur certi pedes; præterea certus numerus syllabarum, & earum quantitas, & tempus; in Italica verò nulla est ratio pedum, nec quantitatis syllabarum: sed Itali observant certum numerum syllabarum, & similes casus syllabarum, & versus; eodem modo fit in Poësi Hebrææ, in qua tantum servatur numerus syllabarum, & rithmus. Hoc, inquam, satis arguitur falsitatis ex dictis; deceptusque videretur, ut opinor, prædictus author, propterea quia ex Poësi, quæ nunc est apud Hebræos, fecit iudiciū de antiqua poësi; nam quæ nunc est in vsu, talis est, qualem ipse describit; antiqua verò talis erat, qualem describunt Eusebius, Hieronymus, & alij superius citati, & inferius citandi.

Sacræ etiam Poësis, sicuti non desunt plures figuræ Poeticæ, varique versuum affectus, ita etiam ad illam perfectè intelligendam non parum conducit, illorum peritia; quis enim non gravaretur statim frequentissima illa Psalmo 135. repetitione vnius & eiusdè verbi; *Quoniam in æternum misericordia eius*; si tantum verborum sonitum, corticemque solum attenderet? cum tamen si metricam cantilenam ausculetur, in illa mirabilem consonantiam inueniet. Lepidissima enim Poetica hic interuenit figura, quæ appellatur *Epistrophe*, vel *Epiphora* toties commissa, quoties in eadè verba plures sententiæ, & versus definiunt: Ex quo factum illud Martialis lib. 2.

Capto tuam, pudes heu! sed capto, Maxime, carnem

Tu captas alias: iam sumus ergo pares

Mane salutatnm venio, du diceris isse

Ante salutatnm: iam sumus ergo pares

Snm comes ipse snus summidique antambulato Regis:

Tu comes alterius; iam sumus ergo pares.

Et illud aliud lib. 7.

Si quid opus fuerit, scis me non esse rogandum

Bis nobis dicis, Bacchora, terque die

Appellat rigida tristis me voce secundus,

Andis, sed nescis, Bacchara quid sit opus.

Pensio te coram petitur, clareque palamque.

Andis, sed nescis, Bacchara quid sit opus

Esse queror gelidasque mihi, trisasque lacernas.

Andis, sed nescis Bacchara quid sit opus.

Hoc opus est subito fias, ut si de re mutus,

Dicere non possu Bacchara quid sit opus.

Vt igitur in concentu musicæ non absonat, sed dulcissimè consonat, quod musici omnes repetant, & iterent eandem conclusionis, vel rationis sententiā; esto absonaret id in eloquio vulgari: ita in prædicto Psalmo metrica illa iteratio, repetitioque eiusdè sermonis concentum potius, quàm dissonantiam, dulcedinem, quam acrimoniam infert auditui.

Tandè quia inter alias metricæ orationis affectiones, non infimum, ut vidimus supra, tenet locum, modus scriptionis, qui modus aliqua alia significare potest, quàm ipsa verba simpliciter proferant; non desunt doctores, qui præter simplicem tenorem sacri textus, asserant Scriptores sacros plura artificiosè scripsisse. Pro cuius intelligentia, notandum est arcana Hebræorū mysteria in scribendo ad tria principalia genera reuocari, quibus etiā lux subsunt species. Genera sunt Notariacōn, Gue-matria, & Temoura.

Notariacōn est mysterium, secundū quod primò singulè dumtaxat dictionū, aut versuum primæ litteræ sumuntur, & postea

38 Bibliothecæ Theologicæ Lib. III.

postea ex illis voces aliquæ efformantur ad propositum significantes. Et hæc species vocatur *Rasici tibet*, id est, *capita dictionum*; Græcis acrostychon; aut è cōtra vltimæ tantum litteræ sumuntur modo supra dicto, diciturque illa species *Sophi tibet*, id est, *finis dictionum*. Aut etiam tertio ex singulis dictionum litteris formantur singulæ voces, aut carmina, & hæc species cum sit vulgaris, ac nullius ferè artis, nomine generis retento vocatur *Notariæcon*.

Primæ speciei exemplū videtur haberi in voce *Macchabæus*, quo nomine Iudam insignitum legimus in Scriptura, eò quod præfatas litteras quasi pro tesfera, militari vexillo inscripsisset. Desumptæ autē sunt ex illo cap. 15. Exodi מִכְמָר כְּאֵלִים יוֹרָא, *quis sicut tu in fortibus Domine?* Huius etiam speciei insignē exemplum tradit Galatinus lib. 3. de arcanis fidei cap. 20. ex lib. *galerazaia* R. Iudæ Sancti, in illud vaticinium Genesios cap. 49. non auferetur Sceptum de Iuda &c. donec veniat qui mittendus est, sicut ipse erit expectatio gentium. (יָבֵא שִׁלָּה וְלוֹ) quarum vocum interceptarum virgulis primæ litteræ reddunt יֵשׁוּ *Iesum* nomen Messias; à priscis sæpe vsurpatum pro יֵשׁוּעַ, non contemptus gratia, vt faciunt Iudæastri huius æui, detrahentes y vt negent Saluatorem.

Secundæ speciei exemplum habetur in illo Exodi cap. 3. *Si dixerint* (mihi quod est nomen eius quid) dicam eis אֲמַר לָהֶם (אֲמַר לְיִשְׂרָאֵל שְׁמוֹתָי) vbi vocum interceptarum vltimæ litteræ reddunt יְהוָה. Vnde Cabalisticæ eleganti epicheiremate insinuant Deum eo ipso haberi compertum, quo ipso requiritur.

Tertiæ denique speciei exemplum occurrit circa illud numeror. cap. 11. vbi manna dicitur *Saporis quasi panis oleati* חֶמֶץ (חֶמֶץ לֶחֶם) כְּעֵץ (כְּעֵץ לֶחֶם), quæ vox intercepta redditur *Notarice* רֶבֶךְ שֶׁן רֶבֶךְ, *massa oleo melleue conspersa*. Agitur de sapore naturali mannæ.

Ad hunc eundem *Notarice*, seu *Acrostiche* scribendi modum pertinere potest, quod in quibusdam Psalmis, Ieremiæ

Threnis & in Salomonis prouerbijs c. 3. 1 obseruetur series Alphabeti Hebræi per versiculos digesta, etsi enim aliqui putent illud factum partim memoriæ causa; partim ornatus gratia. Et quia quemadmodum nos sententias aliquas numeris notamus, ita Hebræi litteris, quibus etiam pro numeris vtuntur, suas notare sententias consuevere: Nihilominus tamen plures alij non minus probabiliter putant aliqua mysteria in hisce alphabeti litteris latere, & ad carmen acrostichū pertinere, de quo vide Cornelium à Lapide prolegom. in Threnos Ieremiæ.

Alterum genus *Gemmatría*, vel vt alij volunt *Gemmatría* dictum, est æquiualentia sensus, ex æquiualentia numerica dictionum; siue litterarum vsus, quatenus signa Arithmetica sunt; hoc est, non solum quatenus signa prolationis oris, sed etiam numerationis, atque hoc vsu ad scribendum & significandum aliquid vsurpatur; qui mos vt apud Latinos olim incognitus, parumque familiaris, ita apud Hebræos & Græcos hac potissimum ratione vsitatus est, quod ipsorum litteræ singulæ numerum aliquem significant; secus verò Latinorum, quibus tantum septem sunt litteræ numerorum indices; id est, C. D. I. L. M. V. X. quarum I, vnitatem significat, V, quinquatum numerum, X, denarium: L, quinquagesimum: C, centesimum: D, quingentesimum: M, millesimum. Hoc autem scribendi genus fit duobus modis, aut simpliciter ex æquiualentia numerica litterarum, aut eadem multiplicando, aut addendo ad inuicem, & ex summa producta aliquid eliciendo ad propositum.

Exemplum primæ speciei, siue simplicis habemus in citato loco Gen. c. 49. *Veniat qui mittendus est*; יָבֵא שִׁלָּה, quæ voces valent numericè יְשׁוּעַ *Christus*; Vnde Onkelos Paraphrastes, R. Selomo, & Bahal tourim, diserte ponunt donec veniat Messias &c. Verum inter alia emicat illud egregium R. Iudæ Sancti in lib. *Galerazaia* quæst. 6. in quo deducit ex Ieremiæ cap. 33. Deum statuisse legem condendi ac gubernandi mundum in perpetuum,

Sectio VII. Caput IV. 39

rum, ob pactum, siue fides ברת id est propter וברית *Isus & Mariam*, vtraque enim æquivalent Arithmetice, nempe 612.

At quod plus est, videtur hoc scribendi genus à Sancto Ioanne in Apocalypsi firmatum, dum cap. 13. dixit Antichristum facturum: *Ne quis possit emere, aut vendere, nisi qui habet characterem, aut nomen bestia, aut numerum nominis eius. Hic sapientia est. Qui habet intellectum, computet numerum bestia. Numerus enim hominis est: & numerus eius sexcenti sexaginta sex.* Quamvis nihil inde certi definiri possit de nomine Antichristi, cum enim multa nomina fingi possint, quæ tam Hebraicè, quam Græcè & Latine, numerum illum sexcentorum sexaginta sex conficiant, quis vnquam diuinare poterit, quodnam ex tam multis Antichristi nomen futurum sit: donec veniat: de quo inde Blasium Vegam, & alios in c. 13. Apocal. comment. 2. sect. 1. Has etià obseruantias probauit aliquando S. Augustinus tract. 10. in Ioannem, exponens enim illud ex Euàgelio, *Quadragesima & sex annis edificatum est templum hoc*, ait, numerum quadragesima sex annorum ædificationis templi, significare ædificationem templi corporis, quod sibi Christus ædificauit ex carne Adæ, cuius nomen ADAM apud Græcos componitur ex litteris numerum quadragesima sex comprehendentibus, si quidem A, vnum significat, Δ, quatuor, A, vnum M, quadragesima; qui numeri simul iuncti faciunt quadragesima sex, tot enim diebus Christi corpus in utero Mariæ absolutum est. Plurimas alias huiusmodi sententias è Sacra Scriptura depromptas refert Iacobus Marchantius in Horto Pastorum, præsertim in Monili.

Exemplum secundæ speciei videre est in voce מתיח quæ idem valet seu significat, ac יהוה Deus. Itaque מתיח per se multiplicatus, id est 21. per 21. summa producta efficitur אמת veritas nempe 441. cui si rursus incorporetur יהוה siue 21. summa efficitur producta הנק Spiritus amoris procedens

nempe 462. sensus est; Deus patet se per se, si dicere liceat, plurificans, id est suum esse, absque multiplicitate filio communicans producit *veritatem*, id est, *verbum*. Quo cum principio conspirans, producit Spiritum Sanctum dictū amoris, cuius proprietas est, vt sit *procedens*. Porro de voce אמת veritas, amplius dicq. reddere numericè 441. cuius numeri summatio est 9. qui numerus (mirabile dictu sed verum) in tantum sui vniformitate gaudet, vt quotieslibet addas, aut multiplices 9. producta summa nihil reddet præter 9. adeo sibi vna veritas, & eadem v.g. bis 9. sunt 18. ecce 9. ter 9. sunt 27. en 9. sexies 9. sunt 54. habes 9. nouies 9. sunt 81. ecce 9. & sic in infinitum.

Tertium genus *Temonra* dictum est Anagramma perfectū absque deductione, additione, immutatione. Ex quidem aliud simplex, vocatum simpliciter *Temonra*, aliud mysticum vulgo *Tseroph combinatio*, estque anagramma, in quo iuxta ritum 22. Alphabetorum mysticorum Hebræorum, quæ refert Thomas Dufour Ordin. S. Benedicti in fine suæ Grammaticæ Hebrææ Parisijs 1642. aliz pro alijs sumuntur litteræ, nec solet immutari ordo litterarum, vt sit in anagrammate simplici, sed eodem ordine litteræ suppositæ pro veris sumuntur. Exemplum primæ speciei occurrit in prima voce Genesios בראשית quam commentans R. Iacob author Halcurim, in omnes illam partes, haud infaceta per anagrammata versat. Ipsi verba sunt: *Littera Beresith ראש ביה, caput siue principium domus significans, quasi diceret domus Sanctuary primi; sicut dicitur solium gloriæ altitudinis à principio, locus sanctificationis nostra.* Alio modo littera ista intelligi possunt (aliter scilicet disposita) אברתי in primo mense Tisri creatus est mundus. Aliter בראשתי creauit duas: quia creauit duas leges scriptam & oralem. Aliter ירא שבת, coluit Sabbatum, veluti diceret quod propter merisim, & honorem Sabbati creatus est mundus.

In titulo quoque Psalmi noni Dauidem

dem vsum anagrammatismo observant Titelmanus, Ricardus Genomanus, Genebrardus & alij. Et pro *Nabal* dicunt scripsisse *Laben*, vt sic occultaret nomen inimici dicens, *pro oculis Laben*; non aperte, & clara appellatione *Nabal*, sicut Psalmo septimo dissimulauit nomē Saulis, vocans illum *Chusi*: aliter ab alijs anagrammata digeritur, & *Laben* scriptum dicunt pro *Nebel*, id est, *Nabla*, vt denotaretur instrumentum musicum, ad cuius sonum hic Psalmus concinere- tur: nam in lib. Paralip. 2. dicitur occul- ta cum nablis decantata: *Maasias & Ba- nais in nablis occulta decantabant*.

Exemplum secundæ speciei habetur Hieremix cap. 25. vbi cum gentium fini- timarum exterminium prædixisset, quas deleturus erat Rex Assiriorum, de eodem Rege; clarè & discretè adiungit; Et Rex [*ששן* Seshan] *bibes post eos*: agit de calice furoris diuini; vbi per *ששן* clarè intelli- git *בבל* Babel; per Alphabetum 22. sine vltimum *Athbash* dictum ex prima & altera eius combinatione; sic explicat hunc locum D. Hieronymus: *Sicut, inquit, apud nos Græcum Alphabetum vsque ad nouis- simam litteram per ordinem legitur, hoc est, α, β, γ, &c. vsque ad ω; rursumque propter memoriam paruulorum, solenus lectionis ordinem inuertere, & primis extrema mi- sere, vt dicamus α, ω, β, γ, sic apud Hebræos primum est א, ב, ג, vsque ad ex- tremam litteram ת, cui penultima est ש, legimus itaque אבש Estbas. Cumque ve- nerimus ad medium, ה littera occurrit ז. Et vt sic rectè legatur, legimus Babel; ita ordine commutato legimus Seshan*.

Sed de his satis, qui plura tam ad il- lorum, quam supradictorum omnium intelligentiam voluerit, præter interpre- tes vniuersiuiusque libri, vel partis Scri- pturæ metrica oratione compositæ con- suli poterunt Pineda in Salomonē, Bar- tholomæus Valuerdus cōment. 2. in Sa- lomonis Alphabet. Ioānes Fortius Hor- tensius lib. de mystica litter. significa- tione, Goropius in Hermathena, Euse- bius Nicrembergius lib. 5. de origine Sacræ Scripturæ, Rutilius Bensonius in

Magnificat; Alphonsus Mendoça pecu- liari quæstione; an Psalmi Dauidici sint vera carmina. Vide etiam quæ diximus supra sect. 1. huius libri cap. de Elemen- taria Scripturæ expositione.

CAPVT V.

Quanti referas ad sacra doctrinæ studium, Rethorica, eruditæque eloquentiæ peritia, & notitia.

Pœtica succedere deberet Histori- ca, quam ad Grammaticam redu- ctivè pertinere supra diximus cap. 2. hu- ius sectionis, verum quia inter decem locos Theologicos specialiter annume- ratur ille, qui ab Historia desumitur, & ideo in sectione sequenti de illa separa- tum, & distinctè acturi sumus, nunc ad rethoricam transeo, breuemque illius ideā præpono, vt indè clarius pateat, quan- tum utilitatis & commodi ad sacræ do- ctinæ studium, diuinarumque Scriptu- rarum intelligentiam conferat.

Igitur *Rethorica*, si nominis etymo- logiam spectemus apò tis rificios, id est à dictione dicta, nihil est aliud, quam *ars*, vel, *doctrina benedicendi*; benedicere autem, est optimis sententijs verbisque leuissimis dicere; sic proprium Retho- ricæ officium est dicere appositè ad per- suasionem: *finis* verò persuadere dictio- ne. Quæ duo ita inter se distinguuntur, vt in officio quid fieri; in fine quid offi- cio conveniat, spectandum sit. Quem- admodum medici officium esse dicimus curare ad sanandum appositè: finem ve- rò curatione, hoc est, arte medendi sa- nare. Itaque quid facere debemus, of- ficium dicimus; illud autem cuius causa facere debemus finem appellamus. *Ma- teria* subiecta Rethoricæ, siue oratori ad dicendum subiecta, est quæcumque quæstio proposita. Est autem quæstio duplex, infinita, & finita, seu definita; *Infinita*, quæ à Græcis dicitur *Thesis*, à Latinis tum consultatio, tum propositū, est illa, quæ rem generaliter proponit, re- motis personis, temporibus, cæterisque fini-

similibus, vt expetenda ne sit eloquentia? sit ne militaris ars reipub. salutaris? *Definita*, quæ à Græcis dicitur *Hypothesis*, à Latinis cōtrouersia & causa, est illa, quæ singulari aliqua persona, vel loco, vel negotio circumscribitur, vel quæ rem proponit certis personis, temporibus, ceterisque similibus circumscriptam, & definitam, vt sit ne Demosthenes Ciceroni præferendus? Et harum iterū questionum tria sunt genera, Demonstratiuum, Deliberatiuum, & Iudiciale; *Demonstratiuum* est illud, in quo aliquis laudatur, vel vituperatur. *Deliberatiuum* illud, in quo aliquid suadetur, vel dissuadetur. *Iudiciale* illud, in quo aliquis defenditur, vel accusatur.

Quod spectat modo ad Rethoricæ diuisionem ex parte formæ, & secundum quod est ars, quæ viam & rationem eleganter, & ornate dicendi tradit; quinque communiter assignantur illius partes, & quasi membra: inuentio, dispositio, elocutio, memoria, pronuntiatio. Oportet enim inuenire quid dicatur, inuenta disponere, deinde ornare verbis, post memoriam mandare, tum ad extremum agere. *Inuentio* est excogitatio rerum verarum, aut verisimilium, quæ questionem probabilem reddant. *Dispositio* est rerum inuentarum in ordinem distributio, *Elocutio* est idoneorum verborum, & sententiarum ad inuentionem, intellige ad res inuentas, accommodatio. *Memoria* est firma orationis perceptio. *Pronuntiatio* est ex rerum & verborum dignitate corporis & vocis moderatio. His adiecerunt quidam, vt Fabius lib. 3. c. 3. sextam partem, *Iudicium*, quod inuentioni subiecerunt; quod non inuenire solum quid dicat, sed etiam expendere, ac seligere debeat orator. Cicer. 1. de orat. Ira autem ex his partibus, earumque cōeūrsu perfecta coalescit eloquentia, totiusque operis oratorij vis atque virtus, vt elocutio sit cæteris anteferenda. Hanc enim nemo ausus est oratori eripere; illaque efficitur, vt cum quis ornate, distinctè, aperteque dixerit, eloquentia præditus meritis esse videatur. Hinc

Bibl. Theol. Tom. IV.

etiam quia difficillima operis pars, ex Quintiliano lib. 8. M. Antonius dicere, solitus erat (vt est apud Cicer. lib. 1. de orat.) à se quidem disertos visos esse multos, eloquentem autem neminem: quod idem Antonius disertos putabat dicere, quæ oportebat: ornate autem dicere, propriū esse eloquentissimi. Idem Cicero ex Quintil. ibidem de primis tribus Rethoricæ partibus hanc tulit sententiam: quod inuentio quidem, & dispositio prudentis sunt hominis: eloquentia oratoris. Porro eloquentia ex supradictis quinque partibus constata tribus maxime rebus comparatur, Natura, Arte, Exercitatione, ita tamen vt in inuentione, ac dispositione informanda primas obtineat natura, in elocutione excolenda ars, in acuenda memoria, pronuntiationeque limanda exercitatio.

Cum prima Oratoris cura eò collimet, vt inueniat argumenta, quibus auditori persuadeat, sciendum est *argumentum* esse probabile inueniendum ad faciendam fidem; vel aliter, esse rationem rei dubiæ facientem fidem. Diuiditur in, insitum, & remotum. Illud est, quod inest rei, de qua agitur: hoc quod extrinsecus assumitur. Ad eruenda argumenta proposuit Aristoteles quosdam locos, quos argumentorum sedes Rethores appellant. Sexdecim quidem ad argumeta insita; sex tantum ad remota. Nam argumenta insita, alia sunt à definitione, alia à partium enumeratione, alia à notatione, alia à coniugatis, alia à genere, alia à forma, alia à similitudine, alia à differentia, alia à contrarijs, alia ab adiunctis, alia ab antecedentibus, alia à consequentibus, alia à repugnantibus, alia à causis, alia ab effectis, alia denique à comparatione maiorum, minorum & parium. Argumenta verò remota, seu extrinsecus assumpta Quintiliano lib. 5. cap. 1. sunt sex, præiudicia, fama, tormenta, Tabulæ, iurandum, testes. Quorum omnium exempla videri possunt in authoribus, qui de arte Rethorices commentaria ediderunt.

P

Dispo.

Dispositio, quæ est secunda Rethorices pars, per quam illa, quæ inuenta sunt in ordinem quemdam rediguntur, est duplex: una, quam ars ipsa & rerum natura affert, ut primo loco sit exordium, inde narratio, quibusdam propositio, tertio confirmatio, quibusdam contentio, quod est idem, contentio enim continet disceptationem causæ, confirmans nostra, & confutans contraria; tandem peroratio, quam alij epilogum, alij conclusionem, & eumulum vocant. Hæ sunt enim quatuor orationis partes, per quas inuenta distribuimus, quarum duæ valent ad rem docendam, narratio & confirmatio: ad impellendos animos duæ exordium & peroratio. Alia dispositio est, quæ oratoris iudicio relinquitur: incidunt enim nonnunquam causæ, in quibus prætermisso exordio, à narratione, aut firma aliqua argumentatione incipiendum est: vel ubi narratio exordio & confirmationi melius subiungitur.

Elocutio tertia, & præcipua Rethorices pars, tribus potissimum rebus perficitur: Elegantiâ, Compositione, & Dignitate. *Elegantiâ* facit ut vnumquodque verbum purè & apertè dici videatur; diuiditurque in Latinitatem, & explanationem. *Latinitas* est, quæ sermonem seruat purum ab omni vitio remotum; *Explanatio* verò quæ reddit apertam & dilucidam orationem. Ea comparatur duabus rebus, scilicet verbis vtitatis & proprijs; vtitata verba ea sunt, quæ versantur in sermone & consuetudine quotidiana: Propria, quæ eius rei, de qua loquimur, verba sunt, aut esse possunt. *Compositio*, quæ est apta verborum, sententiarumque collocatio; tria pariter ad sui perfectionem requiritur. *Ordinè*, Iuncturam, Numerum. *Ordinis* observatio in verbis est singularis, & contextis siue coniunctis, hoc est sententijs. In his cauendū est, ne decreascit oratio, ne fortiori subiungatur aliquid infirmius, ut sacrilego fur, aut latroni petulans. Augeri enim debent sententiæ & insurgere. Est præterea naturalis ordo, ut quæ priora, atque nobiliora sunt, prius ponantur. *Inu-*

ertura est, per quam leuiter fluit, & nusquam claudicat, nusquam offendit oratio: ea in verbis, in incisus, in membris; in periodis consistit. Primo loco ponuntur verba, quia ex verborum combinatione fit comma, hoc est, incisum, vel articulus: ex commatibus colon, id est, membrum, & ex colis periodus. *Numerus oratorius*, qui & rythmus dicitur, est certa quædam temporis in syllabis observatio, quæ in principijs & clausulis periodorum potissimum adhibetur: nam media liberiora sunt, & ferè artem non desiderant. Differt autem hic rythmus à metro seu versu, quod versus & certum habeat ordinem, & finita spatia, à quo oratio abhorret vel maximè. *Dignitas* tandem est, quæ ornatam reddit orationem varietate eam distinguens, diuiditurque in verborum & sententiarum exornationem. Nam est quidam ornatus orationis, qui ex singulis verbis est, alius qui ex continuatis coniunctisque constat. Et ad utrumque pertinet tam verborum, quam sententiarum tropi, & schemata, quæ propriè vocantur figura; quibus cum oratio potissimum excolatur, & picturatur, de illis breuiter agemus.

Tropus igitur est verbi, vel sermonis à propria significatione in aliam cum virtute mutatio. Undecim numerantur; in vno verbo septem, *Metaphora*, *Synecdoche*, *Metonymia*, *Antonomasia*, *Onomatopœia*, *Catachresis*, *Metalepsis*; in oratione verò quatuor, *Allegoria*, *Paraphrasis*, *Hyperbaton*, *Hyperbole*.

Metaphora, est verbi à propria significatione in aliam propter similitudinem mutatio. Eius tota vis quadruplex est. Primo cum res animata, pro alia animata usurpatur: sic agnus sumitur pro viro mansucto. Secundo cum res inanimata pro alia inanimata accipitur, sic ponitur aui fomes pro cupiditate. Tertio cum res inanimata vice fungitur animatæ, ut cum ponitur fulmen belli pro viro forti. Quarto cum res animata vicem subit inanimatæ; ut cum ponitur caput æmnis pro principio.

Synec-

Synecdoche tropus eſt, in quo ex parte totum, aut contra, aut ex antecedentibus ſequentia intelliguntur. Quæ deſcriptio octo illos modos comprehendit quibus fieri poteſt *Synecdoche*. Primò cum pars ponitur pro toto. Secundò cum totum ponitur pro parte. Tertiò cum ponitur vnus pro pluribus. Quartò cum ponuntur plures pro vno. Quintò cum ponitur pro genere forma, id eſt, pars illi ſubiecta. Sextò cum ponitur genus pro forma. Septimò cum materia ponitur pro re fabricata ex materia. Octauò cum ex antecedentibus ſequentia intelliguntur.

Metonymia ſive denominatio, aliter *Hipallage* quinque modis fieri ſolet. Primò cum cauſæ ponuntur pro effectibus. Secundò cum effecta ponuntur pro cauſis. Tertiò cum id quod continetur, ponitur pro eo, quod continetur. Quartò eū id, quod continetur, ponitur pro eo, quod continet. Quintò cum ſignum ponitur pro re ſignificata.

Antonomafia, ſive pronominatio, eſt tropus, qui ponit aliquid pro nomine, vt *Apoſtolus* pro *D. Paulo*. *Onomatopœia* ſive nominatio, eſt nominis fictio. *Catachreſis* abuſio, cum pro certis & proprijs verbis vtimur ſimilibus & propinquis. Hinc à *Metaphora* differt, quod abuſio eſt, vbi nomen deficit, translatio vbi etiam aliud in promptu eſt. *Metalepſis* Latine *Transumptio*, ex alio in aliud velut viam præſtat; vt illud *Virgil.* in *Tyrito* :

*Poſt aliquot mea regna videns mirabar
ariſtas.*

Gradatim enim ab *Ariſtis* ad ſpicas, à ſpiciſ ad ſegetes, ab his ad ætates, ab ætatiſ ab annos accedit.

Allegoria, latine inuerſio, eſt oratio quæ aliud verbis, aliud ſenſu ſignificat. Ab ea duo tiouli emanant, *Aenigma*, & *Ironia*. *Aenigma* eſt obſcurior *Allegoria*. *Ironia* eſt oratio, quæ aliud verbis & contrarium ſenſu ſignificat. *Periphras* eſt, quando id quod vno, aut paucioribus verbis dici poterat, pluribus explicatur. *Hyperbaton*, id eſt, transgreſſio.

Eſt *liber. Theol. Tom. IV.*

ſio eſt, quæ verborum perturbat ordinē peruerſione, aut tranſiectione. *Hyperbole* denique eſt emittens ſuperiectio, cuius virtus tam in minuendo, quàm in augendo cernitur. Sed in vtroque genere *hyperbolis* meſura quædam ſeruanda eſt: quamvis enim *hyperbole*, ſemper ſit vltra fidem, tamen vltra modum nunquam eſſe debet. Hæc de tropis breuiter attingiſſe ſufficiat, nunc ad figuras tranſeamus.

Figura (ſicut nomine ipſo patet) eſt conformatio quædam orationis, remota à communi, & primò ſe offerente ratione. Differt autem à tropis figura, quia proprijs verbis figura fieri poteſt, quod in tropos non cadit. Illud tamen notandum coire frequenter in eadem ſententia, & tropum & figuram. Tam enim translatis verbis quàm proprijs figuratur oratio, vt, qui ſpem *Cæcilie* mollibus ſententijs aluerunt, coniurationemque naſcentem corroborauerunt. Vbi aluerunt, & corroborauerunt translata ſunt, & ſimiliter deſinentia, ſimiliterque cadentia. Tandem ſicut Tropus in verbis eſt, & ſententijs: ita pariter figura in vtriſque ſpectatur. Figuræ verborum ſelectiores ſunt ſexdecim, & tribus maxime ſunt modis, per adiectionem, per detractiōem, per ſimilitudinem; figuræ verò ſententiarum duodecim.

Figuræ verborum per adiectionem celebriores ſunt, Repetitiō, Conuerſio, Complexio, Conduplicatio, Traductio, Synonimia, Polyſindeton, Gradatio. *Repetitiō* Græcè *Anaphora* & *Epanaphora* ſit, cum ab eodem verbo ſæpius ducitur oratio. *Conuerſio*, quæ & *Anastrophe*, *Epitrophe*, vel *Antitrophe*, & ab alijs *Epiphora* appellata eſt, cum in fine orationis idem repetitur verbum. *Complexio*, quæ & *ſymploce*, ab alijs *Epanalepſis* & *Cænotes* eſt, per quam idem verbum in notis, tùm in fine orationis repetitur. *Conduplicatio* ſive copulatio, quæ & *Ploce*, à nonnullis *Anadiploſis*, ab alijs *Epanadiploſis* appellatur, eſt cū idem verbum geminatur; *Traductio*

F 2 Græc.

Græcè Ploce, Metabole, Epanodus, Tautologia, Polypoton, est figura qua idem verbum crebrius ponitur, diuerso tamen in casu, aut genere, aut numero, & non modo auditoris animus non offenditur, sed oratio etiam concinnior redditur. *Synonymia* est cum verba idem significatia congregantur. *Polysindeton* est schema quod coniunctionibus abundat. *Gradatio* denique ex alio ad aliud viam præstat.

Figure verborum quæ sunt per dectationem sunt *Asyndeton*, *Protozeugma*, *Synecdoche*. *Asyndeton*, quod & *Dialyton*, *Barchilogia*, Latine articulus vel dissolutio, est cum multa verba sine coniunctione proferuntur. *Protozeugma* latine adiunctio fit, cum plures sententiae ad idem verbum referuntur, quarum vnaquæque desideraret illud si sola poneretur. *Synecdoche* fit cum subicitur aliquod verbum ex cæteris intelligendum, unde ab alijs defectio, siue Eclipsis appellatur; patetque inde multum differre ab illo tropo, qui etiam *Synecdoche* vocatur.

Figure quæ sunt per similitudinem, sunt *Paranomasia*, similiter cadens, similiter desinens, *Compar*, *Antithesis*. *Paranomasia* seu *Prosonomasia* & *Paragrama*, Latine Agnominatio, & Adnominatio fit, cum verba per litteras, per syllabas, per casus, per quantitatem, per significationem paululum immutata ponuntur. *Similiter cadens*, Græcè Homoeoptoton, fit, cum plura verba in eodem casu incidunt. *Similiter desinens*, Græcè Homoioteleuton, fit cum plura verba similes exitus habent. *Compar* Græcè Colon, siue Ifocolon, id est, par membrum, exornatio est, quæ ex æqualibus ferè membris orationis efflorescit. *Antitheton* seu *Antithesis*, Latine contrapositum, vel ut quidam vocant, contentio, contrarium, est cum ex verbis contrarijs conficitur oratio.

Figure sententiarum digniores, sunt Interrogatio, Responsio, Subiectio, Apostrophe, Protopopeia, Hypotyposis, Ethopoia, Apopsiopsis, Exclamatio, Em-

phasis, Epiphonema, Prætermisio. *Interrogatio* figura est, quoties non sciscitandi gratia, sed alias ob causas interrogamus. Nimirum instandi, dolendi, indignandi, admirandi, imperandi, &c. *Responsio* figura est, cum aliud rogatur, aliud respondetur, vel ad rem augendam vel ad minuendam, vel ad penitus negandam. *Subiectio* Græcè Hypophora, & Antipophora est, cum orator vel interrogat seipsum, & respondet sibi: vel cum alium rogauerit, non expectat responsum. *Apostrophe* Latine auersio, siue conuersio fit, cum sermonem conuertimus ad absentem, vel etiam præsentem, vel defunctum, vel ad nosmetipsos, vel ad alia inuocanda. *Hypotyposis* est illustris rerum demonstratio, vel descriptio adeo expressa, ut res potius cerni videatur, quam audiri. *Ethopoia* est imitatio vitæ, ac morum alienorum, siue cum alicuius natura certis describitur signis. *Protopopeia*, Latine confirmatio, fit, cum aut res mutæ, aut mortui introducuntur loqui. *Apopsiopsis* Latine præcisio, interruptio, est cum dictis quibusdam, reliquum quod ceptum est dici, relinquatur in audientium iudicio. *Exclamatio*, Græcè Aïa, Anaphenesis, & Apostrophe, est, quæ conficit significationem doloris aut indignationis, aut admirationis, aut laudationis, per hominis, aut rei cuiuspiam compellationem. *Emphasis* latinis significatio, est, quæ plus significat quàm dicit. *Epiphonema* est rei narratæ vel probatæ summa acclamatio. *Prætermisio*, quibusdam occupatio, Græcis paralepsis; tunc fit, cum dicuntur præteriti ea, quæ maximè dicuntur.

Memoria quarta Rethorices pars, est duplex, vna naturalis, altera artificiosa. *Naturalis* est, quæ nostris animis insita, est, & in nobis sine multa cogitatione nata. *Artificiosa* verò ea est, quam ars, & exercitatio auget & confirmat. Prior à Rethorice partibus excluditur, cum cæteris quoque disciplinis cõmunis sit; & de illa agant Phisici; Posterior in Rethorice partibus continetur, cum à sola Rethorica excolatur. Quod fit duobus

mo-

modis locis videlicet, & imaginibus. Loca vel ſunt à natura, vel ab arte ſive manu. A natura vt mons, antrum, ſcopulus, aut conuallis aliqua. A manu, vt Aedes, Theatrum, Forum, Templum. Imagines ſunt formæ quædam & notæ & ſimulacra eius rei, quam meminiffe volumus, V. g. Equi, Leones, Afini, Lupi, Canes, Vulpes, Aquilæ &c. Quamquam ſine memoria naturali, & aſidua ediscendi exercitatione hæc omnia parum profunt. Qui ergo ad primam memoriæ laudem euadere conatur, abire diem nullum patiat, in quo aliquid non edifcat; Longiora edifcenda, per partes diuidat, & ordinet, diuiſa enim per partes facilius memoriæ inhzreſcunt; princepsque memoriæ ſubſidium eſt, ordo; ita vt qui ordinem negligit, laborem ſupra modum augeat, ægerimè ingerat, celerimè elapſura.

Quinta tandem, & vltima Rethorices pars eſt *Pronuntiatio* ſive *Actio* tantum cæteris præcellens, vt reliquæ ſine illa ſemper iaceant, viſcant, exſibilentur: illa ſine reliquis nonnunquam eloquentiæ gloriæ conſequatur. Sic Demosthenes interrogatus, quid eſſet in toto dicendi genere ſummum, Pronuntiationi palmam dedit. Partes eius (vt vult Martianus Capella) tres colliguntur. Vox, Vultus, Geſtus. Cicero autem, & Quintilianus duas tantum eius partes faciunt vocem atque motum, vt qui motum ſubdiuidere videantur in vultum & geſtum; pronuntiatio nomen accipit à voce, Actio à geſtu, quorum alter aures, alter oculos mouet, per quos duos ſenſus omnis ad animum penetret affectus. In vocis figura tria requiruntur, Magnitudo, Firmitudo, & Mollitudo. *Magnitudo* vocis eſt amplitudo canora, quam natura maximè comparat, curâ, augeat, & maximè conſeruat. *Firmitudo* vocis eſt perſeuerantia quædam decora, quam adaugere, & maximè conſeruat declamationis exercitatio, quodque orationis principia dicantur voce quàm maximè ſedata, ac depreſſa, nam læduntur artetice, ſi antequam leui voce premuſſæ ſint,

aeri clamore compleantur. Item ad firmitudinem vocis multum conducit, ſi interuallis longioribus vtamur: recreatur enim vox ſpiritu, & artetice reticendo acquieſcunt. Rurſus, ſi acutus vocis exclamationes euitabimus; vulnerantur enim artetice acuta, atque attenuata nimis acclamatione. *Mollitudo* vocis, eſt volubilitas quædam facilis, quam pro varietate orationis, ſeu rerum de quibus in oratione agitur, commodè poſſimus ſectere nunc tollendo, nunc deprimendo, nunc æquabili voce pronunciando; diuiditurque ab aliquibus in tres partes, ſermonem, contentionem, amplificationem. *Sermo* eſt oratio remiſſa, & finitima quotidianæ locutioni, quæ conuenit Procemio, Narrationi, & Diuiſioni. *Contentio* eſt oratio acris & vehemens ad cõfirmandum, & conſutandum accommodata; vnde etiam confirmationi, & conſutationi poſſiſſimum conuenit; diuiditurque in continuationem, & diſtributionem. *Continuatio* eſt oratio clamoſa, quæ nullis ſerè interuallis vititur, ſed ſemper acceleramus. *Diſtributio* verò eſt oratio frequēs cum raris interuallis acris vociferatione pronuncianda. *Amplificatio* eſt oratio quæ aut ad iracundiam inducit, aut ad miſericordiam trahit auditoris animum, & hæc conuenit perorationibus, diuiditurque in cohortationem, & conqueſtionem. *Cohortatio* eſt oratio, quæ aliquod peccatum amplificans auditorem ad iracundiam incitat. *Conqueſtio* eſt oratio, quæ incommodorum amplificatione, audientium animum ad miſericordiam inducit.

Quod pertinet ad corporis motum, ſive geſtum, quæ eſt altera pronuntiationis, vel actionis pars vocem ſubſequi debet, ſicque cum illius mutatione, rerumque varietate coherere: vt nihil abſonum auribus, nihil inuenuſtum oculis, nihil impolitum animis offeratur. Statim erectus, & ceſſus, rarus inceſſus, nec ita longus, excuſſio moderata, æque rara, mollitia ceruicis nulla, nullæ argutic digitum; brachij proiectiones in contentionibus, contractione in remiſſis

missis, pedis suppletionem in contentionibus, aut incipiendis, aut finiendis utendum est. Sed in ore sunt omnia; hæc est enim una pars corporis, quæ quot animi motus sunt, tot significationes & commutationes possit efficere. Hæc de totius Rethorices partibus, ac præceptis breuiter dicta sufficiant pro instituti nostri ratione, & ut ostendatur quantum eius peritia, & notitia, referat ad perfectum sacræ doctrinæ studium, cui seriam sanamque eloquentiam non deesse statim demonstrabimus.

Et si igitur inutilis & vana longè à sacris litteris absit eloquentia; ut potè quod illa verborum concinitas, lenocinia orationum, sermonum affectata dicacitas, non tantum est indigna litteris sacris, verum & sanis seriisque orationibus, dicente Seneca epist. 75. *Quis enim accuratè loquitur, nisi qui vult putidè loqui? non delectent verba nostra, sed prosint, non quaris eger medicum eloquentem, sed sanantem.* Quod idem repetit epistola 115. ad Lucillum: *Nimum anxium te esse circa Verba, & compositiones nolo: habeo maiora, quæ cures, quare quid scribas, non quemadmodum.* Cuiuscumque orationem videris sollicitam & politam, scito quoque non minus esse pusillis occupatum, magnus ille remissus loquitur, & securus. Item Cicero in Bruto mediocre genus dicendi effert, ut optimum; & in eo asserit emicuisse Demosthenem, eximiosque Græcorum oratores. Et si, inquam, res ita se habeat, quod verborum exquisitorum elaborata constructio non eloquentiæ sanæ, sed luxuriantis loquentiæ pars sit, quam proinde diuinarum Scripturarum grauitas minimè patitur; nihilominus si loquamur de vera, solidaque eloquentia, quæ in sententiarum grauitate, vtilitate, sublimitate, amabilitate, verborum, similibusque consistit, illa, fat, superque nitere, & mirum in modum sacras irradiari Scripturas sequentia demonstrant argumenta.

Nam primò si scitis, sanæque eloquentia est veræ sapientiæ pars; dicente Tullio lib. 2. de orat. cap. 4. *Eloquentia ne-*

mo unquam floruit, sine omni sapientia; quapropter ipse lib. qui dicitur oratorum. 9. negat veram illam & absolutam eloquentiam ab aliquo homine consecutam fuisse, ut potè quod nemo hominū hactenus sapientia claruit. Insuper si cōmuni sententia, contra Stoicorum, Academicorumque placitum, definitur orator apud Quintilianum lib. 1. instit. c. 1. *Vir bonus dicendi peritus, quia,* inquit, *benedicere non potest nisi bonus.* Cum inter omnes Scriptores, sacri maxime eniteant, tam sapientiæ laude, quam probitatis, non potest non ab eorum libris vera eloquentia desumi, & expeti.

Secundò, cum eloquentia definiatur à Cicerone particul. orat. num. 42. *Copiosa loquens sapientia;* vel id, quo humilia subtiliter, magna grauitate, mediocritate temperatè dicuntur lib. 3. de orat. sequitur perfectam diuinis Scripturis ineffabilem eloquentiam, de quibus ait D. Paulus 1. Corinth. cap. 1. *Diuites facti estis in omni verbo, & omni sapientia.*

Tertiò oratoris munus, supremæque eloquentiæ laus, & perfectio in eo consistit, ut doceat, delectet, & flectat; quorum trium docere, inquit D. Agustinus lib. 4. de doctr. Christ. cap. 4. est necessitatis: delectare suauitatis: flectere victoriæ. Horum item illud, quod primo loco positum est, in rebus ipsis constitutum est, quas dicimus: reliqua duo in modo docendi ea quæ dicimus. Vnde si quis etiam delectare vult eum, cui dicit, aut flectere, non id quocumque modo dixerit, faciet: sed interest quomodo dicat, ut faciat. Sicut est autem, ut teneatur ad audiendum, delectandus auditor: ita flectendus, ut moueatur ad agendum. Et sicut delectatur, si suauiter loquaris: ita flectitur, si amet quod polliceris, timeat quod minaris, oderit quod arguis, quod commendas amplectatur: quod dolendum exaggeras, doleat: cum quid lætandum prædicas, gaudeat: miseretur eorū, quos miserandos ab oculis dicendo constituis, fugiat eos, quos cauendos terrendo proponis: & quidquid aliud grandi eloquentia fieri potest

ad

ad commouendos animos auditorum, non quid agendum ſit, vt ſciant: ſed vt agant, quod agendum eſſe iam ſciunt. Docere ergo (inquit) eſt neceſſitatis, delectare ſuauiſſimè, ſpectare victoriæ. Ideo autem victoriæ, quia fieri poteſt, vt doceatur auditor, & delectetur, & tamen non aſſentiat. Oportet igitur eloquentem non ſolum docere, vt inſtruat, & delectare, vt teneat: verum etiam ſpectare, hoc eſt, mouere, vt vincat, id eſt, perſuadeat.

Sed ex D. Paulo 2. ad Timoth. c. 3. *Omnis Scriptura diuiniſ inspirata utilis eſt ad docendum, ad arguendum, ad corripiendum, ad erudiendum in iuſtitia: vt perfectus ſit homo Dei, ad omne opus bonum inſtruitus.* Secundò dicitur Plal. 118 v. 113. *Quam dulcia faucibus meis, eloquia tua ſuper mel ori meo.* Et rurſum ibid. v. 162. *Labor ego ſuper eloquia tua, ſicut qui inuenit ſpolia multa.* Tertio prouerb. 30. v. 5. *Omnis ſermo Domini ignitus eſt.* Et Hierem. 25. *Numquid non verba mea ſunt quaſi ignis? & quaſi malleus conterens petram? Et Iſaia 55. Quomodo deſcendit imber, & nix de celo, & illuc ultra non reuertitur, ſed inebriat terram: & inſundit eam, & germinare eam facit, & dat ſemen ſeruentis, & panem comedenti: ſic erit verbum meum, quod egredietur de ore meo, non reuertetur ad me vacuum, ſed faciet quacumque volui, & proſperabitur in his ad qua miſi illud.* Tandè Hebræor. cap. 4. *Vivus eſt ſermo Dei, & efficaç & penetrabilior omni gladio ancipiti.* Igitur ſi eloquentiæ ſumma in eo ſita eſt, vt doceatur, iſ apud quem dicitur, vt delectetur, vt moueatur. Conſequens eſt diuinis litteris maximam inſeſſe eloquentiã, quæ hæc tria perfectiſſimè præſtant. Adeo vt Ioannes Picus Mirandul. epiſt. ad Hermolaum dicat, *Non mouent, non perſuadent ſacra littera, ſed cogunt, agitant, vim inſerunt.*

Quarto tandem, & vltimò tam ad prædicatorum veritatem, quàm ad oſtendendum etiam, quantum ſit viro Theologo Rethorices peritiã ad ſacre doctrinæ ſtudioſum utilis, & neceſſaria, faciunt

innumeri tum verborum, tum ſententiarum tropi, & figuræ, quibus tanquam fulgentiſſimis eloquentiæ luminibus diuinæ reſplendent Scripturæ, vt vel oſcitanter legentibus illas patebit; poſſuntque de illis conſuli D. Auguſtinus lib. 4. de doct. Chriſt. cap. 4. & ſequentibus. Venerabilis Beda tomo 1. tractatu ſingulari de ſacre pagine ſchematicis litteris; Sanctus Pagninus in Iſagoge ad litteras ſacras cap. 26. & ſequentibus, vbi ſigillatim illarum figuras refert, & expendit; Petrus Garſia Galarſa lib. 2. Euangelicæ Inſtitut. Sylueſter Petra Sancta de Sacris Bibliorum Metaphoriſ, & quæ dicuntur infra lib. 5. huius operis, ſect. 2. cap. 4.

CAPVT VI.

Quanti referat ad ſacram doctrinam Dialectica ſcientia.

Quamuis ex dictis ſuperiori libro ſatis pateat, quã vtiliter ad Theologiam adiungatur ſubtiliter diſputans Philoſophia; nihilominus tam ad pleniorẽ illorum intelligentiam, quam ne inter cæteras artes, & ſcientias, quas ſacra doctrina tanquam ancillas vocat ad arcem, deſideraretur Dialecticæ compendium, placuit hic illud ſuo ordine collocare, paulò etiam ſuſius.

Incipiendo igitur à nomine exiſtentia & origine Logicæ, ſive Dialecticæ, ſic à verbis Græcis Logos, & Dialegomai nuncupatur, quod Logica artificialis (de naturali enim non agimus in præſenti) ſit habitus, ſeu facilitas intellectus dirigens illum, vt res perfectè, & ſine errore cognoſcat, atque adeò de illis verè & argutè diſcurrat. Omnes enim ſecundæ intentiones, de quibus tractat Logica, ſunt quidam modi, & inſtrumenta ſciendi, loquendi largo modo de illis, quibus ita diſponuntur res, & obiectiue applicantur ad intellectum, vt faciliè de ipſis veram aſſequatur ſcientiam; per quod etiam ens rationis logicum diſſert ab entibus rationis, quæ conſiderant

rant Grammatica, & Rhetorica.

Dari autem in rerum natura talem habitum facile demonstratur ex providentia naturæ, quæ ut nunquam abundat in superfluis, ita nec deficit in necessariis, maxime in ijs quæ ad intelligendū pertinent. Logica autem artificialis est summè necessaria ad rectè intelligendū, ut scilicet de rebus sine errore iudicemus, & discurremus; si quidem experientia compertum est eos, qui difficile prius, & cum errore discurrebant, postquam certis Logicæ præceptis, ac regulis sunt instructi, facile & sine errore discurrere; & hoc non semel, aut bis, sed permanenter in omnibus suis actibus; Natura igitur non debuit deficere in providendo de tali instrumento nostro intellectui, ita ut esset ab illo naturaliter acquisibile.

Itaque, licet certum sit in primis mūdi origine, Dialecticam, sicut & reliquas alias disciplinas Adamo fuisse per revelationem communicatas, à quo postea, ad filios, & posteros deriari transmittique potuerunt; iniuria tamen temporis ferè deleta logica, rursus experimēto potuit adinveniri, ad eum modum, quo aliæ scientiæ inuentæ sunt, hoc est occasionaliter; quatenus intellectus ex longa observatione, & diuturna reflexione supra suos actus, advertens quod aliquando definiebat, aut dividebat bene, aliquando malè, & quod in suis discursibus aliquando concludebat, aliquando non; motus est ad investigandam illius causam, qua cognita virtute Logicæ naturalis, potuit postea constituere præcepta aliqua bene definiendi, diuidendi, & argumentandi, sicque paulatim Logicā artificialem invenire.

Huic habitui Logicæ artificialis iniuriosè denegant aliqui rationem scientiæ, solo artis nomine contenti; sed quàm immeritò, patet ex diuisione illa, tam ab antiquis Philosophis, quàm à Sanctis Patribus communiter admissa, qua diuiditur Philosophia in naturalem, moralem & rationalem. Dicendum est igitur quod Logica sit verè & propriè scientia,

& ars simul, liberalis tamen. Ex illa enim parte qua habet actus demonstratiuos, reducendo conclusiones ad prima principia indemonstrabilia, V.g. cum probat contradictoria non posse esse simul verà ex illo principio, *quodlibet est, vel non est*; ostendit syllogismum in *Barbara*, & in *Darj* rectè concludere, quia perfectè saluatur in illo *dici de omni*; & sic de alijs; ex illa, inquam, parte Logica necessariò est habitus scientificus, non solum earatione generali qua quæcumque cognitio solet appellari scientia, sed etiam rigorosè loquendo de scientia provt solet definiri habitus per demonstrationem acquisitus. Quando ergo vocatur à Philosopho Logica modus, & instrumentū sciendi, debet intelligi quasi obiectivè, non formaliter; agit enim tanquam de obiecto, de modo sciendi, & de instrumentis necessarijs ad alias scientias acquirendas, ut sunt syllogismi, propositiones cæteræ que intentiones logicales, & ex parte huius obiecti differt ab alijs scientijs, quia aliæ agunt de rebus, ista de modo sciendi; ob quam etiam rationem dixit S. Thomas non contineri logicam principaliter sub Philosophia, quia non agit de rebus sicut illa, sed de modo cognoscendi res, quod videtur esse aliquid minus principale.

Ex alia vero parte qua Logica tradit certa & determinata præcepta construendi definitiones, diuisiones, & argumentationes, manifestè constat illam habere omnia essentialiter requisita ad rationē artis, liberalis tamen; nam sub regulatione artis, quæ solet definiri *recta ratio operum faciendorum*, non solum cadunt opera externa, quæ vocantur *factibilia*, circa quæ occupantur plerumque artes serviles dictæ, eo quod opera externa sunt magis servilia & despotica, hoc est imperio & directioni artis subiecta; sed etiam opera interna, quæ sunt magis libera, & minus servilia, & ideo artes, quæ illa dirigunt, sicut Logica, vocantur artes liberales. Nec in hoc vlla est contradictio, quod unus, & idem habitus sit simpliciter scientia simul, & ars liberalis:

lis : quamvis enim artes etiam liberales dicantur eſſe de ſingularibus, & contin- gentibus ex parte applicationis ad opus, & ob hanc rationem ſint ex D. Thoma 1.2. quaſt. 57. artic. 4. ad 2. in parte ani- mę opinatiua; non tamen ex parte regu- larum, quibus dirigunt; illę enim ſunt certę, & determinatę, & in vniuerſali, vnde & ars numeratur inter virtutes in- tellectuales ab eodem D. Thoma loco ſtatim citato quaſt. 57. Quare non repu- gnat ex hoc capite, quod vnus & idem habitus ſit ars liberalis & ſcientia. Simi- liter non repugnat ex alio capite, quo poſſet dici artem procedere modo com- poſitiuo & practico, ſcientiam verò mo- do reſolutiuo, & ſpeculatiuo. Non enim eſt de ratione artis vt ſic, quod pro- cedat modo compoſitiuo & practico; ſed quando eius opus eſt ſpeculatio, vt contingit in Logica, dirigit non com- ponendo, ſed reſoluendo, vt amplius de- clarabitur explicando quomodo Logica ſit ſcientia ſimpliciter ſpeculatiua, & nō practica. Igitur quando D. Thomas 1. Metaph. lect. 1. diuidit artem contra- rationem ſpeculatiuam non loquitur de arte liberali, & de illa maximè quę ver- ſatur circa opus internum rationis, ſed de illa quę ita eſt ars, vt non ſit ſcientia.

Cum in quolibet habitu ſcientifico duplex obiectum diſtingui ſoleat, mate- riale ſcilicet, & formale, materiale dicitur illud, quod non per ſe, ſed ratione obiecti formalis attingitur, ſeu conſide- ratur à ſcientia, vel potentia; at nomine obiecti formalis intelligitur illa formalitas, ſeu ratio vel determinatio, median- te qua aliquid habet attingi ab habitu. quę ſi ſit vltima, ita vt cętera ab ea de- terminentur, ſolet vocari obiectum *for- male quo*, ſeu *ratio ſub qua ſcientiæ*, quia ſub illa reliquę formalitates in tali ſcientia conſideratę conſiſtunt. Declarandū eſt breuiter quodnam ſit obiectum tam formale, quàm materiale habitus logici. Quidam ergo attendentes ad ſolas ope- rationes intellectus, quas primò, & per ſe dirigit Logica, ſimpliciter dicūt obiectum formale quo illius eſſe aliquid

Bibl. ſot. Theol. Tom. IV.

reale; quod tamen non eodẽ modo om- nes explicant, quidā enim aſſerunt ope- rationes intellectus, prout diſpoſitę ſunt in forma definitionis, diuiſionis, & ar- gumentationis, eſſe obiectum formale Logicę: ita vt non ſolū operationes ipſę, ſed talis etiam diſpoſitio ſit quid reale: alij verò videntes fortasſe diſpoſi- tionem illam in ipſis actibus non eſſe, quid reale, aſſerunt obiectum formale Logicę integrè intelligi ante talem diſpoſitionem, eſſeque ipſas operationes intellectus, vt dirigibiles ſolū media, ipſa diſpoſitione modi ſciendi.

Probabilius tamen eſt, quod dicunt communiter diſcipuli D. Thomę, mate- riam quidem dirigibilem à Logica tan- quam operationem eſſe aliquid reale; materiā denominabilem ab artificio lo- gico, tanquam obiectum, ſeu rem cogni- tam, eſſe quodcumque cognoscibile per illas operationes intellectus, ſiue ſit rea- le, ſiue rationis: formam verò tam re- ſpectu operationis dirigibilis, quam re- ſpectu rei cognitę, ſub qua pertinent ad Logicam, eſſe aliquid rationis, non purè fictum, ſed habens fundamentum in rebus. Loquendo igitur de obiecto for- mali, & immediato Logicę, eſt ens ra- tionis, non quidem in tota ſua latitudi- ne, nam de chimęra, & alijs eiufmodi entibus rationis purè fictis nihil agit, ſi- cut nec de multis alijs relationibus ra- tionis, quę ſunt cum aliquo fundamen- to in re, vt ſunt relationes quibus Deus reſertur ad creaturas & ſimiles; ſed eſt ens rationis per antonomasiam dictum. Logicum, ſiue ſecunda intentio, quę eſt veritatis oſtenſiua, vel modus ſciendi lazè ſumptus, prout comprehendit om- nes ſecundas intentiones logicales, etiā eas quę fundantur in vocibus, vt ſunt ſi- gnificatio, ſuppoſitio, appellatio, & ſi- milis, ſi quidem ſummopere iuuant, vt de qualibet re recta, & ſine errore noti- tia comparetur, & per ſe conducunt ad dirigendas operationes intellectus qui eſt finis Logicę; quod ſufficit vt dicantur contineri ſub obiecto adequato eius; quia tamen definitio, diuiſio, & argu- men-

G

men-

mentatio, & inter argumentationes demonstratio ex parte materiæ proximius attingunt finem Logicę, quàm alię intentiones minoris notę, ideo inter obiecta de quibus agit Logica rectè dicuntur obiecta principalitatis. At loquendo de obiecto materiali Logicę sunt res omnes, & voces secundum suum esse reale, non verò actus intellectus: illud enim dicitur obiectum materiale alicuius potentię, vel habitus, quod propriè loquendo suscipit denominationem obiecti formalis talis habitus: res autem sunt, quę propriè denominantur genus, species, subiectum, definitum, &c. non autem actus intellectus, nisi quatenus induunt rationem rerum; & sic Logica agit tantum de actibus intellectus propter secundas intentiones, quatenus scilicet sunt principia, & causę illarum, in quo sensu vocari possunt obiectum Logicę causaliter.

Quod totum colligitur ex Philoso-
pho 4. Metaph. cap. 2. vbi æquiparat Dialecticam cū prima Philosophia, scilicet, Metaphysica, quod Dialecticę, sicut & Metaphysicę sit considerare de omnibus. Cum igitur omnes res non conveniant nisi in ente, manifestum est, quod Dialecticę materia, siue obiectū materiale sit ens, & ea quę sunt entis, de quibus etiam agit Metaphysicus. Si igitur obiectū materiale Logicę est omne ens, proculdubio obiectum formale ipsius debet esse tale quid, quod possit inveniri in omni ente; sicut propter eādem rationem obiectum formale Metaphysicę debet esse quid inuentum in omni ente. Duo autem solum genera prædicatorum inveniuntur in omnibus entibus: alia sunt quę conveniunt illis à parte rei secluso intellectu, & hæc tantum sunt ratio entis, passionēque illius, & hæc sunt obiectū formale Metaphysicę. Alia verò sunt prædicata, quę cōveniunt omnibus entibus per operationem intellectus, vt esse subiectum, prædicatum, definitum, diuisum, genus speciem &c. quę proinde dicuntur secundę intentiones, & hæc necessario debent

esse obiectum formale Logicę. Sic ergo rectè quis illam definierit dicendo, quod sit *scientia secundarum intentionū, quę sunt veritatis ostensivæ, vel, modi sciendi latè sumpti*. Obiectum etiam Logicę quod est ens rationis habet abstractionem similem abstractioni Metaphysicę, id est, ab omni materia, non per depurationem actualitatis ab illa, sed per negationem omnis materię.

Quia scientiarum alię sunt speculatiuę, alię practicę, quarum primę respiciunt veritatem vt sciatur, secundę verò, vt fiat, & executioni mandetur in opere; videndum est breuiter, sub quo horum membrorum diuidentium habitus scientifici contineatur Logica. Pro quò dico Logicam essentialiter & ex vi suorum principiorum simpliciter & absolute esse scientiam speculatiuam: licet secundum quid & per quamdam analogiam possit denominari practica; vt habetur ex D. Th. 1. 2. quest. 57. artic. 3. ad 3. & 22. quest. 47. Ratio autem essentialis huius dicti sumitur tū ex parte principiorum, ex quibus Logica procedit, tū ex parte finis circa quem versatur. Ex parte quidem principiorū, quia principia quibus vtitur Logica in construendis syllogismis, v.g. *Quæcumque sunt eadem vni tercio, sunt eadem inter se; Dicit de omni, dicit de nullo*, sunt principia omnino speculatiua, sicut & illa, quibus procedit circa naturam generis, & vniuersalium, circa rationem, oppositionis, circa modum definitionis & diuisionis, vnde etiam alię scientię speculatiuę vtuntur illis, sicut notauit S. Thomas 1. Poster. lect. 20.; ergo ipsa Logica est etiam sciētia simpliciter speculatiua. Ex parte autem finis circa quem versatur Logica, idem proportionaliter probatur; quia finis Logicę sunt actus intellectus vt dirigibiles in ordine ad cognoscendum verū, atque adeo ipsum scire propter seipsum, ad hoc enim inuenta est Logica, vt ratio non procedat ignoranter, neque errone; ergo Logica non est scientia practica, sed simpliciter speculatiua; si quidem practica, & spe-

& speculatiuum in hoc essentialiter distinguuntur, quod speculatiuum, non solum ex parte intelligentis, & operantis actualiter, sed ex fine intento ex vi ipsorum principiorum, & regularum quibus vtitur, sit propter ipsum scire, seu ad cognoscendam veritatem; non vt faciat, sed vt sciat, & ignorantiam effugiat; ita vt ad scientiam speculatiua requiratur, quod vel materia eius, operabilis non sit, sicut quæ considerat Deum & Angelum, aut Cælum, & cætera huiusmodi; vel si sit operabile obiectum, quod non vt operabile, sed vt scibile, & tantquam verum quoddam attingatur. At practicum per oppositum respicit solum veritatem vt fiat, & constituatur in esse; ita vt ad scientiam practica necesse sit, quod obiectum, seu materia ipsius sit operabilis, & modo operabili attingatur. Et propterea principia speculatiua dicuntur resolutiua, quia solum respiciunt veritatem, vt in sua principia resoluitur; principia autem practica vocantur compositiua, quia respiciunt veritatem, vt ponendam in esse: de quo vide S. Thomam 2. Metaph. lect. 2.

Ex quibus colligitur, non repugnare, quod actus intellectus sint praxis, ex eo quod actus intellectus sint quomodocumque, sed ex eo quod speculatio sint, & tendant ad veritatem, ibique fiant, quod enim sistit in veritate, contemplatiuum est; & speculatiuum; vnde sola exterior actio, id est extra cognitionem vt præcisè sistit in veritate, spectat ad intellectum practicum; sicque actus intellectus, vt induunt moralitatem, & liberæ voluntatis motioni subiacent, possunt practici prudentiæ regulis dirigere, vocarique praxis, sicut actus aliarum virtutum, quia sic quodammodo dici possunt actus exteriores respectu cognitionis veritatis.

Illam diuisionem qua Logica distinguitur in docentem, & vtemem, seu à rebus auulsam, & rebus concretam, non est diuisionis, quasi duo sint habitus realiter & essentialiter distincti, cum procedant ex iisdem principiis secundarum intentionum.

Biblioth. Theol. Tom. IV.

num, nec requiratur actus vsus distinctum dictamen, addendo super doctrinam specialem difficultatem vincendam; quia tota difficultas directionis Logicæ consistit in cognoscendis ipsis secundis intentionibus pro vt fundantur in primis, hoc enim cognito, vsus, seu applicatio ipsa non habet specialem difficultatem, si quidem talis applicatio sit ad res cognitæ per actus naturali representatione, & tendentia respicientes obiecta; vnde nulla est difficultas in dirigendis actibus, vt eliciantur, sed in cognoscendis obiectis, quibus secundæ intentiones applicantur. Similiter etiam ex parte ipsorum obiectorum, cognitis semel regulis, ac præceptis Logicæ, quæ demonstratiue traduntur à parte docente, nulla superest difficultas vincenda in illis applicandis ad talem, vel talem materiam, sed solum indiget appositione materiæ, ad quam ipsæ regulæ sine noua difficultate superanda ex parte sui applicantur, & extenduntur. Sicut qui habet artem musicæ, vel cytharizandi, ex eisdem principiis artis potest digitos applicare ad quodcumque instrumentum, quod si digitos ita expedite mouere non potest, ad hanc difficultatem vincendam non indiget noua arte, sed exercitatione corporali, aut aliquo alio quo tollatur prædictum impedimentum, & sic qui expeditius mouet digitos non generat nouam artem, sed impedimentum eius aufert. Sic intellectus quando exercitatur in syllogizando, tam circa materiam propriam, quam circa alienam aliarum scientiarum, discurrendo probabiliter in illis ex aliquibus principiis secundarum intentionum, non acquirit nouam artem, seu habitum ab ipsa doctrina Logicæ; sed expeditiorem usum dumtaxat: Igitur Logica est vnus & idem tam numero, quam specie indiuisibilis habitus, qui pro vt præscribit regulas, & docet conficere syllogismum, & alia, dicitur *docens*, & pro vt regulis præscriptis vtitur, & talem syllogismum conficit, dicitur *vtemens*.

Ex quo apparet quanta sit disparitas inter prudentiam, & habitum Logicæ, quod

quod prudentia non solum indiget una virtute ad bene, & rectè iudicandum, quæ dicitur *Synesis*: sed etiam alia ad imperandum, & exequendum, quæ est ipsa prudentia, Logica verò non. Cuius ratio desumitur ex D.Thoma 2.2. q. 47. artic. 3. Vbi docet quod perfectio artis consistit in iudicando, non in præcipiendo; perfectio verò prudentiæ est conuersio; unde reputatur melior artifex qui volens peccat in arte, quasi habens rectum iudicium, quam qui peccat nolens. Sec. imprudentior vero, qui volens peccat, quasi deficiens in principali actu prudentiæ, qui est præcipere, quam qui peccat nolens. Quod præcipue verum, est in arte Logicæ, cuius finis sunt ipsi actus rationis dirigendi: tota enim difficultas intellectus est in iudicando, seu ordinando de aliqua veritate; quicquid verò superest, ut alij actus dirigantur ex ista veritate sic cognita, non habet specialem difficultatem, quia intellectus naturaliter tendit ad obiecta semel propo- sita. In moralibus autem post iudicatum, & cognitum bonum restat præcipua difficultas in applicanda voluntate propter eius libertatem, vel resistentiam ad bonum regulatum: unde requirit distinctum habitum, qui est ipsa prudentia.

Sic igitur frequens repetitio actuum Logicæ vtentis generat quidem facilitatem quandam per modum dispositionis, & expeditionis in applicatione materiæ, seu in exercitio artis, non tamen per modum nouæ artis, seu habitus, quia non indiget nouo motiuo, sed noua applicatione tantum; actus enim non generant nouum habitum, nisi nouam rationem formalem aut motiuam importent, si autem sunt secundarij, respiciantque solum applicationem materiæ, non oportet quod generent nouum habitum, & distinctam speciem scientiæ, sed aliquid imperfectum in genere habitus, quod ut diximus, est quasi dispositio, seu expeditio quædam in ipso exercitio artis.

Maiores difficultates est, an sicut Logica docens non solum reperitur in parte demonstratiua sed etiam in parte Topica,

& Sophistica, eo quod scientifico modo docet conficere tam demonstrationem, quam syllogismum probabilem, & apparentem; ita etiam dicenda sit vtens non solum respectu partis Topicæ, & Sophisticæ, sed etiam demonstratiuæ? Affirmatiuam partem tenent multi existimantes Logicam vtentem, sicut & docentem, per omnes Logicæ partes diuagari; quod tamen alij negant de Logica vtente respectu partis demonstratiuæ. Sed hoc pertinet potius ad questionem de nomine, quam de re, secundum quod vnusquisque pro suo beneplacito diuersimodè vsurpat illud nomen *vtens*, & *vtens*. Nam si sumatur *vtus*, aut *vtens* veluti passiuè, sic certum est Logicam docentem posse dici vtentem; si quidem ea vtuntur alie scientiæ. Iterum si sumatur *vtus* veluti actiuè, quatenus idem significat præcisè, ac præcepta semel tradita alicui materiæ indifferenter applicare, sic Logica respectu partis demonstratiuæ in materia propria dici potest vtens, tum quia multa demonstrat de suo obiecto vtendo principiis secundarum intentionum; sicut enim ex Diuo Thoma 4. Metaphysicæ lect. 4. *vtus* partis demonstratiuæ Logicæ in materia aliena consistit in vtendo principiis rerum, quæ ad scientias reales pertinent, non vtendo intentionibus Logicis, quæ sunt aliquid extrinsecum rebus; ita per oppositum *vtus* partis demonstratiuæ Logicæ in materia propria, debet consistere in vtendo principiis secundarum intentionum, quæ tali materiæ ut potè enti rationis sunt aliquid intrinsecum. Tum etiam quia Logica in parte demonstratiua non tradit regulas & præcepta nudè, ut ita dicam, & simpliciter; sed artificiosè, & scientifico modo ea per suas causas ostendendo, atque adeo in ipsa doctrina tradenda, exequendo eadem præcepta. Igitur si sumatur *vtus* actiuè præcisè pro eo quod est præcepta, ac regulas traditas alicui materiæ applicare, nemini dubium esse potest, quin etiã Logica dicatur vtens in parte demonstratiua respectu materiæ propriæ.

At

At si furatur Logica utens, quatenus præbet usum in alijs scientijs, seu materijs probabiliter disputandi sine hoc quod procedatur demonstratiue, & resolutiue vsque ad prima principia vt docet D. Thomas 4. Metaph. lect. 4. & opusculo 70. quest. 6. artic. 1. sic evidens est usum non pertinere ad partem Demonstratiuam, sed Topicam, quia talis usus non est demonstratio, si quidem non est resolutio cum plena certitudine in principia certa, & euidencia, sed tantum inquisitiue, & disputatiue procedit ad vtrumlibet, ex probabilibus parando viam ad necessarias conclusiones. Et si hoc faciat procedendo solum ex quibusdam principijs communibus, & probabilibus aliarum scientiarum, non admixtis aliquibus terminis secundarum intentionum, tunc talis usus pertinet ad Logicam solum directiue: at si hoc faciat præbendo propria principia tali discursui, & disputationi, cuiusmodi sunt loci topici à definitione, à diuisione, à coniungatis, & alijs, tunc talis discursus non solum directiue, sed etiam elicitue erit à Logica vrentes: quia non solum præbet modum disputandi, sed etiam materiam, seu principia. Pertinet autem ad aliquem habitum elicitue, quicquid ex proprijs principijs deducit, siue resolutiue, siue tantum disputatiue, & tentatiue id fiat. Ita tamen vt talis discursus sit tantum, actus secundarius, & imperfectus Logicæ; & ideo sic Logica docens, & utens sunt vnus & idem habitus scientificus, vt secundum quod est vter in parte Topica, & Sophistica degeneret, & recedat à modo scientiæ: usus enim in illis partibus est constructio syllogismi probabilis, & apparentis; in quibus licet forma, & illatio sint necessaria, materia tamen est contingens, & incerta.

Habitum Logicæ artificialis necessarium esse ad alias scientias maxime speculatiuas acquirendas, in confesso est apud omnes Philosophos, solumque est difficultas circa modum necessitatis, quibusdam existimantibus Logicam solum esse utilem, non simpliciter necessariam;

alijs vero esse necessariam simpliciter, sicut causa vniuersalis requiritur simpliciter ad omnes actiones, causæ particularis. Quæ duæ sententiæ facile possunt ad concordiam reuocari dicendo, ad scientias speculatiuas comparandas artificialem Logicam esse simpliciter necessariam, quantum ad statum perfectæ scientiæ, & quo ad eius conseruationem, & quasi nutritionem, non quo ad imperfectum esse, & quasi primam generationem scientiæ, ad hoc enim sufficit Logica naturalis: Quamuis enim Logica sit causa vniuersalis insuens in omnes scientias modum artificiosum procedendi, non tamen est causa vniuersalis per se primò, sed tanquam instrumentum, coadiuuans agens principale, quod est intellectus, quod de omni arte docet S. Thomas 1. p. q. 127. artic. 1. causa, autem vniuersalis instrumentalis non est ita simpliciter necessaria, quod sine ipsa, nullus effectus artis fieri possit, præsertim quando tale instrumentum virtualiter continetur in ipsa causa principali, & ex eius principijs deducitur, vt contingit in præsentibus, tunc enim loco illius causa principalis potest supplere defectum artis, & facere effectum artis sine arte. Sicut dicit Philosophus 9. Metaphys. textu 7. quod addiscens artem operatur actionem artis sine arte. quod explicat ibi D. Thom. lect. 7. in fine, quia potest homo aliquammodo exire in scientia, & virtutis actum, antequam habeas habitum scientiæ, & virtutis, quo adeptus perfectè operatur.

Ex omnibus huc vsque dictis facile colligitur quinam sit dicendus finis Logicæ artificialis, loquendo enim de fine proximo, erit cognitio sui obiecti, nempe secundarum intentionum, loquendo verò de fine remoto, comprehendit fines omnium aliarum scientiarum. Cum enim Logica Artificialis, sit ministra, quædam, non huius, aut illius scientiæ in particulari, sed generalis omnium, vnde ars artium appellatur, non intendit pro fine remoto, peculiarem aliquem huius, vel illius scientiæ finem, sed generale

nerale aliquid, & commune in quo omnes conveniant. Quare cū omnes scientiæ huc tendant, vt perficiant intellectū, & dirigant ad rectè operandum circa suum obiectum quod est verum, hinc sequitur, vt finis remotus Logicę sit perficere, & dirigere intellectū in suis operationibus, vt in quacumque materia, rectè & sine errore fiant. Et hæc breuiter dicta sufficiant circa naturam habitus Logicę, quā vt iam notauimus, sic quidditatiuè possumus definire; *Logica est scientia secundarum intentionum, quæ sunt veritatis ostensiva*, vel, *Logica est scientia modi sciendi latè sumpti*. Nunc ad illius partitionem accedamus.

Cum finis remotus, ac meta Logicę artificialis sint mentis operationes vt dirigibiles, non aliunde melius ipsius diuisio, ac partitio desumi potest, quam ex ipsamet operationum intellectualium multiplicitate, ac varietate; vnde cum iuxta omnium Philosophorum consensū tres sint intellectus operationes, simplex nimirum apprehensio, iudicium, & ratiocinatio, siue discursus; tres etiam sunt Logicę artificialis partes; ad primā spectant Porphyrij Isagoge de quinque vniuersalibus, & Aristotelis Categoriae, seu prædicamenta. Vniuersale enim, prædicabile, genus, species, Individuum, Vniuocum, Analogū, & similia de quibus agitur in supradictis tractatibus sunt termini secundæ intentionis, quorum notitia perficit, & dirigit primam operationem intellectus, in proprio modo operandi, hoc est in ordine ad cognoscendas res simplices, cuiusmodi sunt decem Aristotelis prædicamenta, quæ ad considerationem Logicam pertinent solum materialiter, & secundum quod sunt fundamenta secundarum intentionum iam dictarum: Sicut etiam & voces, si considerentur præcisè secundum suum esse reale, in quantum scilicet sunt quidam soni in aere causati.

Secunda pars Logicę sunt duo libri Perihermenias, id est de interpretatione: in his enim agit Aristoteles de oratione, & propositione principaliter; de-

inde de earū proprietatibus quales sunt oppositio, Aequipollentia, contingentia, possibilitas, & alie similes secundæ intentiones, quarum notitia perficit & dirigit secundam mentis operationem in proprio modo operandi.

Tertia tandem Logicę pars, sunt duo libri de priori Analysis, duo de Posteriori, octo Topicorum, & duo Elenchorū, qui omnes tertie mētis operationi perficiendæ, ac dirigendæ incumbunt. Premissa enim, maior, medium, syllogismus, figura, demonstratio, fallacia, & his similia sunt secundæ intentiones, quarum notitia dirigitur, & perficitur immediatè homo in discurrendo. Ad intelligentiam autem istius inscriptionis de priori, & posteriori Analysis, scias tales libros sic vocari, quia agunt de Analysis; quod est idem ac latine resolutio. Analysis autem, seu resolutio ex eodem Philosopho 3. physic. cap. 8. est regressus in ea principia à quibus res pendet, vel reuocatio alicuius rei ad suas partes; vnde secundum quod partium alie sunt Physicæ, alie logicæ, sic etiā Analysis est duplex, vna physica, & realis, vt quando compositum naturale resoluitur in materiam, & formam; alia logicalis & intentionalis, vt quando compositum rationis dissoluitur in suas partes. Et hæc Analysis Logicalis iterum est duplex. Sicut enim triangulus ligneus ex parte figuræ resoluitur in tres lineas, & linea in partes, & puncta quæ sunt principia eius; & ex parte ligni in elementa, quæ continet in potentia, suntque eius principia; ita similiter argumentatio, seu syllogismus, dupliciter quantum facit ad artem syllogisticam, potest resolui in sua principia; Primum ex parte formæ, seu consequentiæ, quando scilicet consequentia ad sua principia reducitur, examinando & probando quænam sint principia bonæ consequentiæ, quæ præmissæ rectè dispositæ secundum formam, ad inferendam conclusionem, & quibus debeat regulari legitima forma? Secundo modo potest syllogismus resolui in sua principia ex parte

parte materiæ, seu consequentis, quando nimirum reuocatur consequens ad sua principia, quæ sunt præmissæ continententes conclusionem. Ad utriusque ergo resolutionis notitiam ordinantur omnes supracitati Aristotelis libri. Cum autem resolutio ex parte formæ prior sit resolutione ex parte materiæ, sicut forma dignitate prior est materia, hinc duo primi libri in quibus agitur de resolutione syllogismorum ex parte formæ, inscribuntur priorum Analyticorum, seu de priori resolutione. Alij verò libri, qui supersunt pertinent ad posteriorem resolutionem, si quidem in eis differitur de syllogismis ex parte materiæ; unde omnes inscribendi essent de posteriori resolutione. Verum quia materia necessaria, ex qua constat demonstratio, posterior est, quam probabilis, & apparens, ex quibus constant syllogismus topicus, & sophisticus, ideo duo libri sequentes, in quibus agitur de demonstratione, titulum posteriorum Analyticorum, seu de posteriori resolutione sibi vindicarunt.

S V M M A

Eorum quæ in *Isagoge* Porphyriana continentur, siue prima pars *Logicæ*.

De secundis intentionibus earumque subiectis, quibus dirigitur prima operatio intellectus.

I *Sagoge* seu introductio Porphyrij, cui pro obiecto solet assignari vniuersale in communi sumptum pro secunda intentione, diuiditur in tres partes. Prima continet præmium, ostenditque necessitatem huius tractatus ad perfectam prædicamentorum notitiam acquirendam. Cum enim Prædicamentum, ex communi *Logicorum* sensu, nihil sit aliud, quàm series, seu coordinatio prædicabilem, secundam debitam subiectionem, vel prædicationem; necesse est prædicabilia esse partes prædicamentorum, atque adeo illorum notitiam valde conducere ad horum cognitionem.

Secunda de singulis quinque vniuersalibus per quinque capita differit.

Tertia omnia simul comparat, & in quibus cõueniant, in quibusve differant, sexto, & vltimo capite ostendit.

DE VNIVERSALIBVS in communi.

Vniuersale formaliter, si definatur in concreto, est natura vniuersalis, seu apta ad essendum in pluribus. vniuersalitas enim in abstracto est relatio, seu aptitudo rationis ad essendum in pluribus naturæ vniuers.

Quamuis à parte rei dentur aliquæ naturæ, quæ denominari possint vniuersales, non datur tamen à parte rei vniuersale formaliter, seu vniuersalitas; sed natura fit formaliter vniuersalis per comparisonem simplicem intellectus possibilis: est enim hæc differentia inter vniuersale Metaphysicum, & Logicum, quod licet vtrumque respiciat, seu connotet inferiora; Metaphysicum tamen respicit illa, vt terminum à quo relictum, Logicum verò, vt terminum ad quem comparatur, non quidem per modum compositionis, vel iudicij, sed per modum simplicis apprehensionis, qua cognoscitur natura cum ordine & respectu ad inferiora, quia autem respectus ille, triplex esse potest, primus aptitudinis ad essendum in inferioribus, secundus aptitudinis ad prædicandum, seu prædicabilitas ipsa positivè, & relativè accepta; tertius est relatio ipsius prædicationis actualis, qua prædicatum est, & non solum prædicabile, vniuersale logicum, siue pro secunda intentione sumptum essentialiter consistit in solo primo respectu.

Tres sunt proprietates præcipuæ vniuersalis, esse ingenerabile, & incorruptibile, esse æternum, esse prædicabile. Ita tamen vt duæ primæ conueniant vniuersali ratione materiæ, seu naturæ denominatæ, ipsæ enim naturæ vniuersales dicuntur, & sunt ingenerabiles, & incorruptibiles, & æternæ; Ingenerabiles & incorruptibiles, quia naturæ vniuersales,

pro

pro ut sunt in statu vniuersalitatis non existunt actu, & realiter, sed tantum obiectiue, quod autem non existit actu & realiter, propriè loquendo neque generatur, neque corrumpitur; Aeternæ, seu perpetuæ, quia naturis quæ vniuersales sunt, secundum se conueniunt quædā prædicata ira necessario & immutabiliter ut nunquam sine illis esse, aut concipi possint, & propterea solæ naturæ vniuersales possunt esse obiectum scientiæ, quia scientia dicitur esse certa, non potest autem esse certa, nisi sit de obiecto immutabili & necessario, atque adeo perpetuo & æterno, quod debet intelligi negatiue, vniuersalia enim non sunt perpetua secundum essentiam positiue, ita scilicet, quod ab æterno fuerint in aliquo gradu entis extra Deum. At tertia proprietas seu passio competit vniuersali ratione formæ, ipsa enim secunda intentio vniuersalis, est prima radix, & ratio cur naturæ reales prædicentur de inferioribus.

Celebri Logicorum consensu vniuersale est quintuplex, siue diuiditur in quinque prædicabilia, scilicet genus, speciem, differentiam, proprium, & accidens, ita ut diuisum huius diuisionis sit vniuersale vniuocè prædicabile, tam Logicum sumptum pro relatione vniuersalis, quam Metaphysicum sumptum pro fundamentis istius relationis, neque enim diuiditur relatio, nisi etiam proportionali modo diuidatur suum fundamentum; imo relatio per fundamenta diuiditur. Quare si modus prædicandi est diuersus, requiritur etiam quod detur diuersus modus identificationis cum illis, de quibus fit prædicatio, vnde necessarium est, quod iste diuersus modus non solum accipiat per ipsam comparisonem, & relationem ad inferiora, ut ad terminum ad quem, sed etiam penes aptitudinem ad essendum in inferioribus, atque adeo penes abstractionem; quæ istam aptitudinem fundat in vnitæ sic abstracta, & tali vel tali modo cum inferioribus identificatur.

Supradictam autem diuisionem vniuersalis esse exactam, & adæquatam,

colligitur ex ipsamet vniuersalis, seu vniuersalitatis natura, cuius proprium, & adæquatum subiectum est identitas, & connexio vnius extremi cum alio, unde illa erit adæquata diuisione vniuersalitatis, & prædicabilitatis, quæ est adæquata diuisione identitatis, & connexionis extremorum. Omnis autem identitas, seu extremorum connexio, vel est essentialis, vel accidentalis, intrinseca, vel extrinseca, necessaria vel contingens. Si essentialis vel explicat totam & integræ essentiam rei, id est omnia quæ ad definitionem essentialem spectant, vel solum partem. Si integram rationem essentiae, seu quidditatis, est *Species*. Si partem: vel partem potentialem, & per aliam, perfectibilem, vel actualement & perfectiuentem. Si potentialem, & perfectibilem, est *Genus*, & dicitur in quid incompletè. Si partem actualement est differentia, quia est prædicatum, quasi actus determinans, & qualificans. Si verò non conuenit essentialiter, sed accidentaliter, id est tantum quid extra constitutiuum essentiae, vel est prædicatum proueniens ex proprijs principijs, & necessariam habens connexionem cum illis, & sic est *Proprium*; vel conuenit ex communibus & extraneis, & sic est *Accidens*. Hinc apparet numerum vniuersalium seu prædicabilium, non desumi per ordinem ad prædicamenta absolutè; modi enim prædicabilium non sequuntur modum essendi absolutè, & secundum participationem entis, sed comparatiuum, quæ connectuntur inferiora cum Superioribus. Et sic prædicamenta distinguuntur in accidentia penes diuersum modum participandi, seu connotandi substantiæ; ipsa autem substantia per hoc quod habet esse per se. Prædicabilia verò penes diuersum ordinem vniuersalis ad inferiora, qui solum potest esse quintuplex ex dictis.

Quamuis aliqui existiment hanc diuisionem non esse generis in species; probabilius tamen est opposita sententia asserens vniuersale pro formali, seu secundo intentionaliter, esse verum & proprium

prium genus ad has quinque species, dixi vniuersale pro formali, seu secundò intentionaliter, nam vniuersale sumptū materialiter, & pro subtrato, non est vniuocum ad omnia prædicabilia, imo nec respectu vnius tantum, nam genus, V. g. potest habere pro materiali, quod denominat, & ens reale, & ens rationis, substantiam & accidens. Fundamentum sententiæ communis est, quia ista quinque prædicabilia, quantumcumque accidentaliter prædicentur, vt proprium, & accidens, verè & vniuocè prædicantur de multis, ex D. Thom. 1. contra Gentes cap. 33. vniuocè ergo sunt vniuersalia. Quidquid enim vniuocè prædicatur, vni simpliciter est, & de pluribus dicitur, atque adeo debet vniuocè habere, & participare vniuersalitatem. Vnde valdè notandum est, aliud esse, quod prædicatio aliqua sit secundum quid quantum ad entitatem, quam prædicat, aliud, quod sit secundum quid quantum ad vniuersalitatem, secundum quam prædicatur. Ad primum enim sufficit identitas accidentaliter inter prædicatum & subiectum, ad secundum verò requiritur quod id, quod prædicatur simpliciter non sit vni in multis, vel ex hoc quod non habeat vnitatem simpliciter, vel ex hoc, quod ea de quibus dicitur, non sint plura simpliciter. Licet ergo duo vltima prædicabilia dicantur accidentaliter, quod est dici secundū quid, ex parte rei quæ prædicatur, non tamen dicuntur secundum quid, quantum ad modum vniuersalitatis, quia in hoc retinent rationem vnitatis, quæ dicitur de multis.

Quod autem vniuersale in communi sit genus ad quinque prædicabilia, quorum vnum etiam est genus, non coincidit propterea diuifum cum membro diuidente. In istis enim intentionibus aliud est esse formaliter vniuersale, vel genus, vel species, aliud denominatiue. Et potest fieri, quod aliqua intentio sit formaliter genus, & denominatiue species, & formaliter vniuersale, & denominatiue genus. Neque hoc est idem esse essentialiter, & accidentaliter tale.

Bibliot. Theol. Tom. IV.

sub eadem ratione, sed secundum diuersa; quod oritur ex secunditate intellectus, qui reflectendo supra suos actus, ac denominationes potest intentionem intentioni superaddere; cum enim resulter aliqua intentio ex abstractione alicuius naturæ, rursus supra istam intentionem reflectit intellectus, & intentionem sic de nouo cognitam, tamquam rem quamdam, vel naturam, noua illa abstractione, & intentione afficit, ac denominat, & sic in infinitum. Quod non consistit in alio, quam in hoc quod est vnam intentionem, quæ denominat naturam, in qua fundatur, posse iterum cognosci tanquam rem, & naturam quamdam, atque adeo de nouo fundare aliam intentionem, quæ denominet ipsam. Et sic respectu naturæ, in qua fundatur, est forma denominans, quod est formaliter esse vniuersalitatem, ipsa verò concepta vt natura, est fundans, & denominata ab alia secunda intentione inde resultante. Vniuersale ergo in communi quod in quinque prædicabilia essentialiter diuiditur, non coincidit cum membro diuidente, quod est genus formaliter, & vt quo, sed denominatiue, & vt quod, id est vniuersale in communi non est forma, quæ aliquid est genus, sed quæ est vniuersale; illa tamen forma concepta, vt res quædam, suscipit in se denominationem generis respectu quinque prædicabilium, & sic denominatur à suo membro diuidente, vniuersalitasque, quæ erat superior ad genericitatem, & specificitatem, per illam intentionem generis constituitur in esse talis generis, & per consequens collocatur sub genericitate, sique indiuiduum eius. Et eadem ratione vnum membrum diuidens potest à suo opposito denominari, sicut genus potest dici species, id est intentio generis denominatur esse quædam species vniuersalis, & indiuiduum est species, id est intentio indiuidui, quædam species est intentionis.

Si autem inquirat aliquis num diuisio ista in quinque prædicabilia sit immediata, vel mediata? Respondent ali-

H qui

qui esse mediatam; ita vt vniuersale immediate diuidatur in vniuersale essentialē, & accidentale, non quidem sumendo essentialē, & accidentale absolute, sed pro vt inuenitur in ratione vniuersalis, quatenus scilicet vnum existens respicit multa modo essentiali, vel modo accidentali. Deinde modus respiciendi plura essentialiter, alius est in quid per modum generis, vel in quid per modum speciei, vel in quale per modum differentię. Et similiter modus respiciendi plura accidentaliter, alius est accidentaliter propriè, alius accidentaliter communiter. Dicunt alij vniuersale immediate diuidi in illas quinque species, cū essentialē, & accidentale vt sic non sint per se, & proprię differentię vniuersalis, si quidem extra prædicationem vniuersalem inueniuntur, sed solum essentialē & accidentale quatenus constituunt, vel imbibuntur in ipsa ratione generis, vel speciei, vel proprij, &c.

DE GENERE.

Relicta acceptione generis, quod à Grammaticis diuiditur in masculinum, femininum, & neutrum, à Rhetoribus in demonstratiuum, deliberatiuum, & iudiciale; tres sunt alię magis proprię acceptiones generis ad intentū logicale. Genus primo modo dicitur aliquorum hominum aggregatio, qui quidem ad vnum quidpiam & inter se, habent respectum, vt plures fratres respectu eiusdem patris; Plures conterranei ad communem patriam relati. Genus secundo modo sumitur pro principio generationis, quod quis à patre, vel à patria trahit, quo sensu Orestes à Tantalō, qui fuit eius atauus, & Pindarus à Thebis, quę fuit eius patria, genus dixisse dicuntur.

Tertiò sumitur genus pro eo, cui supponitur species, quod appellat Porphyrius genus Philosopherum, id est, Logicum, definitque esse *id quod prædicatur de pluribus specie differentibus in eo quod quid*; quę definitio est bona, nō

tamen essentialis, sed descriptiua, cum tradatur per prædicabilitatem, quę est passio vniuersalis; potest tamen reduci ad essentialē dicendo, *Genus est vniuersale respiciens* (vel aptum respicere, si fundamentaliter tradatur) *plura specie distincta in quid*. Vbi traditur definitio per prædicatum superius, seu genericum quod est *ly vniuersale*, & per differentiam intrinsecam, scilicet tali modo respicere, id est, *in quid*, & talem terminum habere, scilicet plura specie distincta.

Definitum autem formale, & quidditatiuum in hac definitione generis, idem dic de omnibus alijs vniuersalibus, nec est aggregatum, seu constatum ex natura, & secunda intentione; nec natura ipsa, vt subijcitur secundę intentioni; sed est secunda intentio in concreto significata, seu vt connotat naturam; ita, quod intentio ipsa sit res definita, natura verò connotetur ex modo significandi; quia autem ex modo significandi connotatur tanquā id, in quo exerceatur definitio, ideo ipsi entitati secundę intentionis secundum se non conuenit definitio, vt quod; sed tantum vt quo, ex modo tamen quo significatur in concreto, supponit pro natura, cui vt quod conuenit definitio; quęque ponitur loco generis, vel differentię, secundum quod genus, alięque intentiones prædicabiliū definiuntur in abstracto, vel in concreto; cum enim iuxta communem Metaphysicorū doctrinam in definitionibus accidentiū tam realium, quam rationis in concreto sumptorum subiectum ponatur loco generis; loco verò differentię, si definiuntur in abstracto; sintque genus, species & alia prædicabilia vera rationis accidentia; si definiuntur in concreto, debet in eorum definitionibus subiectum poni loco generis, si autem in abstracto loco differentię; subiectum autem horum accidentium est natura denominata, pōnenda est ergo loco generis, vel differentię, iuxta diuersum modum definiendi iam assignatum; dicendo V.g. genus est natura perfectibilis vniuersalis; genericitas est vniuersalitas nature perfectibilis, seu

con-

contrahibilis. Species est natura perfecta vniuersalis: specieitas est vniuersalitas naturæ perfectæ. Differentia est natura perfectiua vniuersalis: differentialitas est vniuersalitas naturæ perfectiue. Proprium est natura profluens ab essentia vniuersalis: Proprietateitas est vniuersalitas naturæ profluentis ab essentia. Accidens est natura extrinseca, seu contingens vniuersalis: Accidentalitas est vniuersalitas naturæ extrinsecæ, seu contingentis.

Plures dantur conditiones, & proprietates generis: *Prima* quod se habeat vt totum respectu inferiorum, intellige ex parte modi significandi, non autem ex parte rei significatæ, seu conceptæ, cum non explicet totam quidditatem, sed partem solum per aliam contrahibilem, illius rei de qua prædicatur. Quando ergo prædicatur animal de homine, id quod explicatur nomine animalis est ratio formæ sensitiuæ; modus autem quo prædicatur, est absolute dicendo totum quod est in homine, quia ita dicit formā sensitiuam explicando solam rationem sensitiui, vt non excludat omne aliud quod tali formæ sensitiuæ coniungi potest, & sic dicit quamcumque formam, quæ sensitiua est, siue solum sit sensitiua, siue aliquid animæ habeat. Et hoc quod est non excludere omne aliud, quod tali formæ sensitiuæ coniungi potest, est illud implicite continere. Si tamen forma illa animalis, vel generica significaretur cum tali præcisione, vt excluderet quodcumque aliud quod non est forma sensitiua, sicut quando significatur nomine abstracto animalitatis; tunc non posset prædicari de inferioribus in concreto.

Secunda, quod dicat partem naturæ magis potentialem, ratione cuius dicitur genus totum potentiale, non vt potentiale distinguitur à toto essentiali, quomodo dici solet quod totum potentiale diuiditur in partes potestatiuas de quibus non prædicatur totum autem essentialiter diuiditur in partes subiectiuas de quibus dicitur, sed vt potentiale oppo-

Bibliot. Theol. Tom. IV.

nitur toti actuali, quia non explicatur totum actualiter constitutum, sed partem illius ulterius actuabilem, & contrahibilem, atque adeo potentialiter se habentem. Sic genus potentialiter se habet respectu differentie contrahentis vltimæ, sicut materia respectu formæ, & respectu totius constituti, tanquam incompletum respectu completi. Rursus secundum diuersas consideraciones, dicitur, & totum potentiale, & pars potentialis. Ex parte quidditatis quam explicat comparatiue ad differentiam, pars potentialis est, respectu autem speciei inferioris, totum potentiale est, id est totum quod est in specie non totaliter designatum, & explicatū, sed indeterminatè acceptum. Cum enim gradus Metaphysici solum differant penes designationem magis vel minus determinatam, eiusdem rei, vt docet D. Thom. cap. 3. de ente & essentia, non possunt propriè importare partes, quæ realiter sint inter se distinctæ, vt contingit in compositione physica, sed idem totum magis, vel minus designatum, & magis vel minus determinatum, vnde eadem res, seu idem totum, vt exprimens, seu designans rationem animalis, quæ est minus determinata, & idem totum vt designans, & exprimens rationale, quæ est ratio magis determinata, componere dicuntur hominem, qui exprimit integram rationem quidditatis humanæ, Quo sensu intelligendus est D. Thom. in 1. distinct. 25. q. 1. artic. 1. ad 2. vbi dicit, quod homo non est ex animali & rationali, sed animal rationale, quia scilicet non est ex illis, vt ex partibus distinctis, bene tamen vt ex gradibus diuersimodè eandem rem designantibus, & exprimentibus.

Tertia conditio, & proprietas generis est, quod desumatur à materia, ita tamen quod per materiam non intelligatur materia prima nuda quæ est pars physica, sed materia vt habens esse imperfectum à forma. Ratio autem huius est, quia genus dicit naturam aliquam determinatam, licet nondum perfectā omni perfectione; materia autem secundū

H 2 sc

se sumpta nullum determinatum gradū dicit, nullamque determinatam aQualitatem, non potest igitur genus à materia nuda desumi, sed à materia informata, secundum rationem, & gradum imperfectiorem ad ipsam, ut perfectiori gradu & ratione informabilē; quia tamen primum in vnoquoque genere est mensura ceterorum, & materia prima est primum in genere potentialitatis, rectè potentialitas generis ad materiam, ut ad radicem deuoluitur, licet proximè desumatur nō à materia nuda, sed ab eo quod materiale est, respectu eius quod formalius atque perfectius.

Cum omnes illæ naturæ, quæ directè possunt esse in prædicamento, siue reali, siue rationis, siue sint accidens, siue modi, vel substantiæ, sint capaces secundæ intentionis generis; hinc fit multipliciter diuidi posse ratione eiusmodi naturarum pro vniuscuiusque placito; Omnium tamen celeberrima diuisio est illa qua genus diuiditur in Generalissimum, & Subalternum. Generalissimū est illud, supra quod nullum aliud omnino genus transcendit, siue quod ita est genus, ut non possit esse species; & hoc modo sunt decē suprema genera realia, hoc est in entibus realibus fundata, substantia, quantitas, qualitas, relatio, actio, Passio, vbi, quando, situs, & habitus. Genus autem subalternū est illud quod ita est genus respectu vnius, ut possit esse species respectu alterius, ut animal respectu viuientis, & hominis.

Quamuis aliqui existiment genus, ut genus solum & adæquatè referri ad speciem, ad indiuidua verò non referri per modum generis; melius tamen alij censent, immediatum quidem ac formale correlatiuum generis esse speciem, sed non omnimodè, nec adæquatè, nam etiā indiuiduum ei subiicitur. Cum enim sub specie contineantur indiuidua, & quidquid prædicatur *vniversaliter* de aliquo prædicatur de omni contento sub illo per principium dici de omni, consequenter genus prædicatur etiam de pluribus numero differentibus non tamē,

sicut species infima, quæ immediatè de illis prædicatur, sed solū mediatè, quod etiam verum est in prædicatione generis de indiuiduis genericis, ut quando prædicatur animal de hoc animali. Licet enim non repugnet talia indiuidua generica ad diuersas species pertinere ratione inclusionis earum, semper tamen de illis, quatenus indiuidua sunt, gradus genericus non nisi mediatè prædicatur, quia mediatè contrahitur, & conuenit indiuiduis mediante gradu specifico, et si aliquādo solus gradus genericus exprimitur omisso specifico.

DE SPECIE.

Omissis varijs specieí acceptionibus secundum quas aliter apud Rhetores, aliter apud Grammaticos, & aliter apud Iurisperitos sumitur: Species Logica definitur à Porphyrio *esse id, quod subiicitur generi: & de quo genus hoc ipso quid est, seu in eo quod quid prædicatur.* & iterum, *species est id, quod de pluribus differentibus numero, hoc ipso quid est prædicatur.* Cum enim species duplicem includat respectum, vnum subiicitibilitatis ad genus, alterum superioritatis ad indiuidua, ideo ad explicandam exactè huius secundi prædicabilis naturam, duplici etiam definitione vsus est Porphyrius. Et utramque bonam esse, communis est Logicorum sensus. Tota ergò difficultas est in duobus. *Primum*, quænam ex istis intentionibus cōstituat formaliter secundum prædicabile? *Secundum*, quomodo vna se habeat erga aliam? Circa primum existimant aliqui speciem in ratione specieí constitui formaliter per subiicitibilitatem ad genus, ad quam sequitur prædicabilitas, & vniuersalitas eius. Longè tamen probabilior est opposita sententia asserens, quod constitutum intrinsecum, & essentiale specieí, ut est secundum prædicabile conditum ab alijs prædicabilibus, sit vniuersalitas talis, quæ dicit respectum, & prædicabilitatem ad plura solo numero differentia. Ratio est. Quia spe-

species in tantum est vnum de quinque prædicabilibus in quantum participat rationem vniuersalis, si quidē ista quinque prædicabilia, vt supponitur, sunt species quedam vniuersalis, ergo constitutum eius debet esse intrā latitudinem, & rationem vniuersalis, atque adeo non per subijcibilitatem, sed per superioritatem debet formaliter constitui. Circa secundū variant similes auctores. Quibusdā asserunt, relationes istas non habere inter se ordinem passionis, & essentiae, nec vnā oriri ex alia, sed esse omnino diuersas; eo quod adueniant naturæ beneficio intellectus comparantis illam ad diuersos terminos, absque eo quod vna harum comparationum depe- deat, vel deriuetur ex alia: Non minus tamen probabiliter asserunt alij, subijcibilitatem in specie dimanare ab vniuersalitate non quidem præcisè accepta, sed quia vniuersalitas limitata est, & coarctata, alteri subordinata. Ex vniuersalitate enim, in linea & respectu vniuersalitatis respectus inferiora solum sequi potest id quod superioritatis, non quod inferioritatis, & subiectionis est, vnde in specie ex vi vniuersalitatis præcisè non sequitur intentio subijcibilitatis, sed quia vniuersalitas limitata est, & coarctata, nam ratione illius vt limitata, subijcibilitas sequi potest: sicut in creatura, alie passionis sequuntur, ex eo quod ens creatum est, vel quia tale ens est, v.g. substantia, alie ex eo quod est ex nihilo, v.g. quod sit defectibilis, peccabilis &c.

Sic iuxta hunc secundum dicendi modum istæ duæ intentiones subijcibilitatis, & prædicabilitatis in vna forma vniuersalitatis concurrunt, vt subijcibilitas ad vniuersalitatem limitatam, & subordinatam, ex parte subordinationis, & limitationis consequatur; ex parte verò vniuersalitatis prædicabilitas, & ita subijcibilitas in specie ad genus non con- ducit ad prædicabilitatem de indiuiduis absolute consideratam bene tamen ad prædicabilitatem vt limitatam, & dependentem, & in quantum infima præ-

dicabilitas est, hæc enim esse non potest sine tali subijcibilitate.

Quamuis, supposita sententia Diui Thomæ de impossibilitate plurium indiuiduorum intra eandem speciem esse Angelicam, probabile sit talem speciem esse subijcibilem solum, & non prædicabilem, cum videatur esse contra omnem rationem, quod aliquid sit prædicabile de multis, cui repugnat actualis ipsa prædicatio de multis. Non minus tamen, probabilis est opposita sententia asserens naturas Angelicas, hoc ipso quod datur in illis fundamentum, vt concipiuntur præcisè ab illa vnica indiuiduatione, & cum indifferentia, & potentialitate ad ipsam, subire posse intentiones vniuersalis, & prædicabilis, & sic natura composita triplici titulo est vniuersalis, scilicet ex modo concipiendi abstrahendo à singularibus, & ex indifferentia naturæ secundum se, & ex pluralitate indiuiduorum ad quæ potest terminari respectus vniuersalis. At natura Angelica duplici solum titulo, scilicet ex modo concipiendi, & ex ipsa indifferentia naturæ secundum se consideratæ, licet ex defectu multorum indiuiduorum exerceri non possit ista communicabilitas ad plura, & ita est vniuersalitas sine exercitio.

Loquendo tam de natura generica, quæ specifica physice, & quasi materialiter, id est, secundum realem entitatem quam dicunt, certum est genus posse in vnica specie conseruari, & speciem in vnico indiuiduo: nam solo Petro existēte, verè etiam existit entitas, & perfectio realis, quam actu dicunt homo, animal, viuens &c. cum omnia sint à parte rei in Petro vnica, & eadem entitas realis. At si considerentur natura generica, & specifica Metaphysicè, & quasi formaliter, vt scilicet sunt cōceptus quidam præcis, & gradus inter se diuersi; ex quibus alter, nempe genericus, est totum quoddam potentiale, & informe materiæ valdè simile; atque actō ultra perfectibile, & diuisibile per differentias formaliter diuersas; alter verò, videlicet,

cet, specificus est totū quoddam actuale, & perfectum, vltimoque in essentia constitutum; atque adeo solum diuisibile per differentias materiales, seu numericas. Sic se habent, vt ad conseruandum genus in ratione totius potentialis requirantur plures species, ad saluandā verò speciem non requiruntur plura indiuidua, sed vnicum sufficit. Ratio est quia materiam, atque adeo genus quod ob sui potentialitatem materiæ assimilatur, posse communicari pluribus, nihil aliud est quam posse recipere, & perfici à pluribus. Ergo potentialitas materiæ, & generis ad plura, ex ipsa pluralitate formarum, quæ possunt ipsam perficere oritur. At verò forma ex ipsa ratione formæ, quæ est actus, & perfectio, est communicabilis pluribus quantum est de se, quia bonum vt bonum est sui comunicatiuum, vnde nō ex pluralitate recipientium dependet, quod de se sit comunicabilis, sed id habet ex ratione formæ & actus, vt docet D. Th. 1. Metaphys. lect. 5. Cum ergo species sumatur à forma, & dicat essentiam formaliter completam, ex ipso modo concipiendi illam non repugnat concepi, vt communicabilem pluribus, licet ex defectu materiæ recipientis, & materialiter diuidētis non semper possit in exercitio comunicari, vt statim diximus de speciebus Angelicis. De se ergo quælibet species etiam quantum ad comunicabilitatem ad plura non dependet à pluribus indiuiduis, genus autē dependet à pluribus speciebus.

Species diuiditur in speciem infimā, seu specialissimam, & subalternam. Species specialissima est illa, quæ species est, & non genus, seu quæ alias in species nequit diuidi, prædicaturque de pluribus solo numero differentibus, vt homo. Subalterna verò est illa quæ tam genus quam species potest esse, non respectu tamen eiusdem, sed diuersorum, vt animal.

DE DIFFERENTIA.

Differentia in communi sumpta, nihil aliud esse videtur quam forma faciens differre, seu quatenus habet officium & munus faciendi differre. Pro quo nota aliud esse differre, aliud diuersum esse, & aliud esse diuersitatem, aliud differentiam. Ea enim dicuntur diuersa, quæ non per aliud superadditum, sed seipsis differunt, sicut ea quæ sunt primo diuersa. Ea autem dicuntur differre, quæ per aliquid superadditum differunt ab alio, & ita non se totis differunt, sed conueniunt in aliquo, & differunt in alio. Vnde in quacumque forma faciente differre nascitur duplex respectus, seu ordo, scilicet, ad subiectum, seu rem quam facit differre, & ad terminum, seu extrema à quibus facit differre. Et necessario debet intelligi in ipsa ratione differentię relatio aliqua, sicut in ratione conuenientię, quæ est eius oppositum intelligitur relatio aliqua respectu terminorum conuenientium, & similium.

Differentia sic in communi sumpta, solet diuidi in communem, propriam, & propriissimam. Quæ diuisio, cum tradatur per membra exhaustiua, & adquantia totum diuisum, ferè apud omnes constat esse adæquatam. Nam omnis forma faciens differre, vel est essentialis, & intrinseca rei, vel accidentalis: si essentialis est maximè propria: si accidentalis, vel illud accidens est separabile, vel inseparabile: si inseparabile, dicitur proprium, & facit differre propriè. Si separabile, est commune etiam alijs, & facit differre cōmuniter. In hac enim diuisione non dicitur differentia communis, quia actu inueniatur in vtroque extremo, scilicet in re quam distinguit, & in re à qua distinguit: hoc enim manifesta est implicatio, si quidem sectio v. g. non distinguit sedentem ab alio, vel à seipso sedente, sed ab alio, vel à seipso non sedente. Sed dicitur differentia communis, quia, non ita est affixa vni, & propria eius, quin possit in alio inu-

inueniri. Dicitur autem differentia propria accidentis inseparabilis, intelligendo per illam non solum proprietatem, quæ dimanat à principijs intrinsicis & quidditatijs, atque adeo virtualiter, seu illatiue facit differre propriissime: Sed etiam de accidente immobiliter inhaerente, licet non dimanet à principijs essentialibus.

Circà diuisum huius diuisionis, certum est non esse differentiam, quæ est tertium prædicabile; hæc enim est vnum ex membris diuidentibus, scilicet differentia maximè propria, quæ sola prædicatur in quale essentialiter. Difficultas ergo est, An diuisum huius diuisionis sit aliquid reale, vel rationis? pro quo dico quod in formis realibus, & quæ realiter faciunt differre, hæc formalitas, seu munus faciendi differre non sit sola intentio seu relatio rationis, sed vera & realis formalitas, quæ diuiditur in modum faciendi differre essentialiter, & accidentaliter; & rursus accidentalis differentia, in modum differendi separabiliter, quæ est differentia communis, & inseparabiliter quæ est propria, vbi etiã differentia penes propriam passionem, includitur, quæ est differentia accidentalis, licet inferat, vel præsupponat essentialitatem à qua originatur. Et includitur etiam differentia individualis, quia impossibile est, quin differentia individualis sit essentialis, vel accidentalis, cū ista membra sint immediatè opposita. Et licet quidam eam reducant ad essentialitatem, quia substantialis est, alij ad accidentalitatem, quia materialis, & dependens ab accidentibus signantibus materiam; tamen certum est sub aliquo istorum membrorum comprehendendi, licet certum est esse differentiam essentialitatem, vel non essentialitatem.

An ista diuisio sit Analoga, vel Vniuoca duplex est opinio. Solidiori tamen fundamento videtur inniti illa quæ asserit diuisionem istam esse Analogam. Diuisum enim huius diuisionis vel est ipsa differentia primo intentionaliter, seu physice accepta, quæ facit differre, vel est ipsa differentia secundo intentionaliter, seu

logicè accepta. Si primum, constat formam essentialiter, vel accidentaliter constituentem aut differre facientem non, posse vniuocari; cum munus faciendi differre non eodem modo reperiatur in vtraque, sed in essentiali simpliciter, secundum quid verò in accidentalibus; quidem essentialis differentia tollit identitatem, quod est oppositum differentia simpliciter: accidentalis autem secundum quid, si consideretur præcisè vt accidentalis est. Si autem consideremus differentiam logicè, seu secundo intentionaliter, multo magis constat non posse vniuocè conuenire differentia essentiali, & accidentalibus, nam essentialis sola constituit tertium prædicabile, quod prædicatur in quale essentialiter. Reliquæ non constituunt illud, quia prædicantur in quale accidentaliter. In ratione ergo constituendi tertium prædicabile, non possunt vniuocè conuenire.

Differentia Logicæ, quæ tertium prædicabile constituit, quod solum conuenit differentia propriissimæ quæ essentialis est; quinque definitiones tradidit Porphyrius. Prima, Differentia, est id, quo species genus excedit, vt rationale respectu hominis, sensitiuum respectu animalis. Secunda, differentia, est id, quod de pluribus, & differentibus specie hoc ipso quale quid prædicatur. Tertia, differentia est, quæ suapte natura ea quæ sunt sub eodem genere separatur. Quarta, differentia est id, quo singula differunt, scilicet secundum quidditatem. Quinta, differentia est, quæ non solum separat ea, quæ sub eodem genere collocantur, sed ad substantiam rationemque confert, & pars eius est cuius differentia dicitur esse. Circa quas definitiones vnica difficultas est inter Logicos an nimirum secunda definitio Porphyrij conueniat etiam differentijs infimis; negantibus enim id pluribus, affirmatiuam partem subeliter defendunt alij ponderantes non dixisse Porphyrium, differentiam prædicari de pluribus specie differentibus, sed de pluribus, & specie differentibus in quale quid. Vt quid enim interposuit illam particulam &?

nisi

nisi vt distingueret inter prædicari de pluribus absolutè, & prædicari de specie differentibus. & sic in illa particula *de pluribus*, omnes differentias prædicabiles includit siue athonas, siue subalternas, in illa verò additione, & *specie differentibus*, specialiter subalternas indicauit, quasi diceret differentia est, quæ de pluribus prædicatur in quale, etiam si illa plura sint specie differentia, & ita particula & æquiualeat particulæ *etiam*.

Quia autem ex supradictis definitionibus, triplicem habemus respectum ad Logicalem differentiam constituendam concurrere, scilicet respectum ad genus quod contrahit differentia, & super quod aliquid addit. Secundum, ad speciem quam constituit contrahendo genus, & segregando speciem à reliquis. Tertium ad inferiora de quibus prædicatur in quale quid, quæ sunt ipsamet inferiora speciei. Difficultas esse potest per quem ex his respectibus constituatur differentia in ratione vniuersalis, seu, tertij prædicabilis. Pro quo dico differentiam non habere rationem vniuersalis Logici formaliter per respectum ad speciem, sed ad inferiora, licet concomitanter habeat ordinem ad speciem tanquam ad vniuersale cum quo conuertitur. Vnde prædicatio illa, homo est rationalis, est tertij prædicabilis quasi materialiter, & metaphysicè, non formaliter & logicè, prædicatur enim de homine illa res, quæ est tertium prædicabile, non tamen sub formalitate, & relatione tertij prædicabilis, seu tertij vniuersalis, & sic est magis tertium prædicatum, quam tertium prædicabile. Illa autem inferiora tertij prædicabilis, siue per ordinem ad quæ constituitur tertium prædicabile, non sunt hæc, & illa differentia, v. g. respectu rationalis, hoc, & illud rationale, sed inferiora contenta sub specie, quam constituit, v. g. Petrus, & Paulus. Prædicabilitas enim tertij prædicabilis est in quale quid, vnde solum illa sunt constituenda vt eius inferiora, respectu quorum differentia se habet in quale, & prædicari potest in quale. Sed respectu hu-

ius, & illius differentia non se habet in quale, bene autem respectu indiuiduorum speciei, cum prædicetur de illis vt ratio qualificans naturam eorum, ergo illa sunt inferiora differentia, vt tertium prædicabile est.

Differentia Logicæ aliæ sunt superiores, & Genericæ, seu subalternæ, aliæ infimæ & vltimæ, seu athonæ, quæ cum speciebus conuertuntur. Quamuis loquendo in sensu materiali, & identico differentia infima includat subalternas, & ipsa genera cum quibus realiter identificantur; tamen si consideretur differentia infima, secundum perfectionem illam, seu gradum quem formaliter significat, non includit subalternas, atque adeo neque genera, sed est cōceptus simplex, per exclusionem compositionis *ex his*, seu passiuæ, cum sit irresolubilis in plures conceptus, non autem per exclusionem compositionis *huius*, seu actiuæ, quia est pars, seu per modum partis se habet, pars autem non est simplex, sicut actus purus simplicitate perfectionis; sed simplicitate negationis, quia scilicet non est plene perfecta. Sic prædicata superiora conueniunt differentijs infimis non in formali, & directâ lineâ, sed reductiue, & secundum quamdam habitudinem, seu connotationem. V. g. dicitur rationale substantia, vel viuens, non quia in se sit substantia vel viuens, sed quia forma à qua sumitur, est principium substantiæ, vel viuentis, vel alterius gradus. Hinc sequitur genus propriè loquendo non diuidi in differentias; si quidem differentia non includunt genus: sed per differentias diuidi in species. Vt autem id rectè fiat oportet summere differentias, quæ per se diuidant illud, nam si sint differentia per accidens diuisio non erit generis in quantum genus; & consequenter neque essentialis.

Quilibet differentia comparatiue ad genus est perfectior illo, admodum quo actus est perfectior potentia; ac proinde nulla datur differentia, quæ non addat generi aliquam perfectionem; quæ perfectio consistit in indiuisibili, seu non
suffici-

suscipit magis, & minus; illud enim secundum quod aliquid sortitur speciem, seu à quo accipit specificationem, oportet esse fixum, & ratum, & quasi indiuisibile, vt ita res specificata, habeat determinatam, & certam essentiam: cum ergò differentie essentialis sint constitutione rerum in propria essentia, & gradu certo entis, planum sit, consistere in indiuisibili illarum perfectione, ac proinde non suscipere magis, & minus.

DE PROPRIO.

Proprium hic sumitur, non pro vt opponitur improprio, sed pro vt opponitur comuni; sicque est quadruplex, primum conuenit soli, non omni, vt esse Philosophum respectu hominis. Secundum omni non soli, vt omni homini esse bipedem. Tertium soli & omni non semper, vt canescere toto capite. Quartum omni, soli, & semper vt esse risibile. Cuius diuisionis diuisum non est proprium quantum predicabile, sed ratio proprii communiter dicti, quæ consistit in relatione conuenientie ad vnũ, cum exclusionem consortij, seu communicationis alterius, quod enim mihi est proprium, ita est peculiare, quod non est alterius, nec illi commune. Sicque proceditur in hac diuisione, sicut in diuisione differentie in communem, propriam, & propriissimam; vnde sicut ratio differentie, quæ ita diuiditur, non est differentia sub conceptu predicabilis, sed sub conceptu facientis differre, qui simpliciter reperitur in differentia propriissima, secundum quid verò, & analogicè in alijs; ita ratio proprii quæ hic diuiditur, non est proprium sub conceptu predicabilis, sed accidens pro vt potest inducere, & fundare conditiones proprii, & relationem conuenientie ad aliquid sub formalitate proprietatis. Et quia formalitas illa proprii, & conditiones ad illam requisite, non ex æquo inveniuntur in omni proprio, sed simpliciter in quarto, & secundũ quid in alijs, ideo diuisio ista fit etiam Analogicè.

Biblioth. Theol. Tom. IV.

Proprium ergò quarto modo, quod est principale membrum diuidens, respectu proprii vt sic, seu communiter dicti, quod est proprium quasi physice, seu metaphysice consideratum, pro vt opponitur ei, quod est commune, primò intentionaliter, & secundum suum esse reale, seu vt est quantum predicatum, potest definiri, esse accidens quod à natura cui conuenit, necessario, immediatè, & adequatè fuit ratione differentie constitutione. Et ex singulis hinc, particulis manifestè colligitur, quomodo proprium distinguatur ab alijs accidentibus, nam proprietates necessario oriuntur, accidens contingenter, proprietates sequitur immediatè naturam, accidens consequitur indiuiduũ; proprietates fuit à natura tanquam à causa adequata, & sola; at accidentia sunt à causa aliqua externa. Denique ratione differentie constitutione, quia proprietates oriuntur à natura, seu essentia, iam determinata, & constituta per propriam differentiam, v.g. risibilitas ab homine constituto, per rationale, potentia sentiendi, ab animali constituto per sensum.

Solum proprium quarto modo acceptum, statimque explicatũ, vel quod ad illud reducitur, potest esse substratum intentionis quarti predicabilis, seu quod idem est, ratio quarti predicabilis conuenit solum proprio quarto modo. Quia autem proprium sic acceptum duplicem habet ordinem vnum ad speciem cum qua conuertitur, alterum ad indiuidua sub tali specie contenta, potest esse difficultas respectu cuius conueniat ei vniuersalitas quarti predicabilis. Pro quo respondeo iuxta superius dicta de differentia, quod proprium non induit rationem quarti predicabilis, nisi respectu indiuiduorum ipsius speciei, cum qua conuertitur. Itaque quantum ad Metaphysicam rationem propriæ passionis, scilicet rationem necessariæ connexionis, & conuertibilitatem cum eo cuius est proprium, totum hoc habet respectu speciei, cum qua dicitur ad conuertentiam, & est potius quantum predicatũ,

I quam

quam quantum prædicabile. Quantum verò ad rationem quarti vniuersalis logici sic necessariò debet respicere inferiora ipsius speciei cum qua còuertitur; dixi inferiora ipsius speciei, ad denotandum quod inferiora proprii nõ debeant esse ipsamet propria singularizata. V. g. respectu risibilis, hoc & illud risibile, sicut in simili diximus de differentia.

Sic proprium quarto modo secundo intentionaliter sumptum, seu secundum suum esse intentionale, est vniuersale, quod mediante proprio, & immediato subiecto, potest inesse multis specie, vel numero differentibus, tanquam accidens necessario fluens ab essentia, vel, est vniuersale quod potest prædicari de multis specie, vel numero differentibus in quale sed necessario. Dicitur esse vniuersale, quod potest inesse, vel prædicari de multis, quia constituitur vniuersale per respectum ad multa. Dicitur de multis specie, vel numero differentibus, quia non tantum dantur propria, quæ recipiuntur cum specie infima, sed dantur etiam quæ recipiuntur cum specie subalterna; prima dicuntur posse inesse multis, vel prædicari de multis numero tantum differentibus; secunda verò posse inesse multis, vel prædicari de multis specie differentibus. Dicitur inesse, vel prædicari in quale necessario, quia proprietas concipitur ad modum qualitatis necessario, & inseparabiliter adiacentis.

DE ACCIDENTE.

NOta quod accidens, primò sumitur physicè, secundo logicè. Accidens physicum est, quod distinguitur contra substantiã, & diuiditur in nouem genera, scilicet quantitatem, qualitatem, &c. propter quod appellatur accidens prædicamentale. Accidens verò logicum diuiditur contra essentiam, & comprehendit quidquid non est, nec pertinet ad essentia rei, sed se habet omnino accidentaliter, seu contingenter; siue entitatiuè sit substantia, siue accidens; siue ens rea-

le, siue rationis. Et in hac secunda acceptione agitur in præsentì de accidenti, vocaturque accidens prædicabile, estque vltimum ex quinque vniuersalibus.

Accidens ergò sic sumptum primò intentionaliter definitur à Porphyrio, quod adest & abest sine subiecti corruptione: vel quod eidem inesse, & non inesse potest. Qua in definitione verba illa, adest, & abest sine subiecti corruptione, nihil aliud significant, quam contingentiam accidentis, quod prædicatur, & indemnitate subiecti in sua quidditate, ex conuenientia, vel disconuenientia talis accidentis. Vnde quantum prædicabile neque consistit in hoc quod est adesse vel abesse, per realem præsentia, vel affirmari, & negari per prædicationem intellectus præcisè, sed in tali fundamento negationis, vel affirmationis, quod sine dissolutione quidditatis subiecti, & naturæ eius in prædicatis essentialibus possit aliquod accidens conuenire, vel disconuenire subiecto. Quod enim accidens sit separabile, vel inseparabile, non respectu speciei, & naturæ subiecti sumitur, sed respectu indiuiduorum, in quibus aliquando habet causam permanentem, aliquando transcurrentem. Et ita potest accidens conuenire; vel abesse à subiecto cum corruptione indiuidui, non tamen cum corruptione speciei, sed cum indemnitate illius. In quo distinguitur à proprio, quod si abest, id est, si non conuenit, neque connectitur cum specie, dissoluitur species in qua radicitur. Quod tamen nõ tollit quin de facto possit Deus propriam passionem separare à subiecto non quantum ad conuenientia, sed quantum ad existentiam. Et ex hoc constat quod indiuiduum dependere potest in sui conseruatione & existentia, imò in ipsa indiuiduatione ab accidentibus, species autem & quidditas à nullo accidente dependet. Et ita quæcumque affirmatio vel negatio, conuenientia vel disconuenientia accidentis ad subiectum semper est sine corruptione, seu cum indemnitate quidditatis, licet non sine corruptione ex parte indiuiduationis, vel

existentiæ, quæ indiuiduationem sequitur.

Solet hic inquiri, an omne accidens sit propria passio respectu alicuius subiecti ad quod sequatur? aliqui affirmatiuè respondent. Sed quicquid sit de hoc, aut illò accidenti in particulari, verius est non omnia accidentia esse proprias passiones, nec sequi ex principiis formalibus naturæ, sed quædam sequi ad principia materialia, & indiuiduantia. Et talia accidentia prius conueniunt indiuiduis quam speciei; è contrario autem proprias passiones prius conueniunt speciei quam indiuiduis, licet quantum ad inherentiam, prius sustententur ab indiuiduis, quæ sunt prima substantia.

Sic breuiter explicata natura accidentis communis primò intentionaliter sumpti, superest agere de illò secundo intentionaliter, seu pro vt induit rationem quinti prædicabilis. Et est difficultas respectu quorum inferiorum dicatur quantum prædicabile, an respectu suorum singularium, vt album respectu huius, & illius albi an respectu subiectorum? pro quo dico inferiora quinti prædicabilis esse ipsa subiecta de quibus dicitur denominatiuè, & accidentaliter, non ipsa constituta ex accidente & subiecto de quibus dicitur per se, & quidditatiuè. V.g. album de hoc & illo albo. Et ratio est, quia quantum prædicabile prædicatur in quale accidentaliter, seu contingenter, ergò oportet quod inferiora eius sint illa, ad quæ talem habeat ordinem; solum autem respectu subiectorum sic se habet, non autem respectu inferiorum, siquidem album respectu huius, & illius albi prædicatur essentialiter; quia dicit totam eorum quidditatem. Quare cum album dicat albedinem in concreto, vel potest respicere inferiora ipsius albedinis, quæ sunt inferiora ex parte formæ, vel inferiora ex parte subiecti, quod ab albo connotatur; si respiciat inferiora formæ dicitur essentialiter de illis, quia sicut hæc & illa albedo essentialiter participat albedinem, ita hoc & illud album essentialiter participat album ex parte

Biblioth. Theol. Tom. IV.

formæ. Si autem considerentur inferiora ex parte subiecti, sic accidentaliter participant rationem albi, atque adeo respectu illorum prædicatur in quale accidentaliter abstrahiturque ab illis non vt forma physica à subiecto, & vt abstractum à concreto, sic enim esset abstractio formalis, nec tunc abstraheretur album, sed albedo; sed vt denominatiuum à denominatis in concreto, quod se habet per modum abstractionis totalis ad vniuersale requisitæ.

In istis autem prædicationibus accidentalibus quinti prædicabilis, V.g. Petrus est albus, non ipsum nomen, sed res significata per nomen prædicatur denominatiuè tamen; ad hoc enim vt accidens sic dicatur de subiecto, sufficit quod sit idem cum illo, identitate denominatiuæ & concretiuæ, vt docet D. Thom. 1. part. q. 13. artic. 12. & in 3. distin. 5. in expositione litteræ, non verò est necessaria omnimoda, & essentialis. Sicque debet intelligi Philosophus cap. 5. in antepædic. quando dicit, quod eorum quæ in subiecto sunt nomen prædicari de subiecto nihil prohibet, rationem verò impossibile est prædicari; noluit enim excludere à subiecto prædicationem accidentis secundum rem, sed solum quod non dicatur de illo quidditatiuè, quia ibi *ly ratio* significat essentialiam.

Inquiret aliquis an solum prædicetur quantum prædicabile respectu subiectorum existentium, vel etiam respectu possibilium? quæ in resupponunt omnes tanquam certum prædicata accidentaliter, vt actu exercent prædicationem affirmatiuam, requirere tanquam conditionem existentiam subiecti. Ratio est quia in prædicationibus accidentalibus verbum substantiuum est, non absolutum à tempore, verificatur ergo dependenter ab existentia extremorum, pro vt fuerit prædicatio, præterita pro præteritis, præsentis pro præsentibus, futura pro futuris. Difficultas ergò est: an non solum exercitium prædicationis accidentaliter, sed etiam ipsa vniuersalitas, quæ est aptitudo ad prædicandum accidentaliter

ter, solum respiciat inferiora existentia & aliqui affirmant; oppositum tamen, verius videtur, scilicet, non destrui vniuersalitem quinti prædicabilis ex sola destructione subiectorum existentium, quia vniuersalitas consistit in aptitudine quantum est ex parte naturæ, vt prædicetur de multis. Quod verò illa multa de facto non existant, non est impedimentum intrinsecum illius aptitudinis, nec illi opponitur, sed solum opponitur ipsi exercitio prædicationis. Quod autem opponitur actui, seu exercitio non destruit aptitudinem, & potentiam. Itaque accidens in communi remota existentia subiectorum, habet aptitudinem vt prædicetur de illis contingenter, non quantum ad possibilitatem prædicando ipsam, sed quantum ad formam quæ contingenter potest conuenire, quando subiecta extiterint. Possibilitas enim, vt prædicata facit propositionem essentialem: possibilitas verò ex parte subiectorum de quibus potest prædicari forma accidentalis, non facit prædicationem essentialem, sed relinquit illam cum sua aptitudine, & potentia, vt possit contingenter prædicari, licet exercitium eius sine existentia subiectorum fieri non possit.

Sic ergo quintum prædicabile, siue accidens commune secundo intentionaliter sumptum, est accidens in concreto, quod potest esse in multis specie vel numero differentibus, vt quid contingens, & separabile secundum se, vel est vniuersale quod potest prædicari de multis specie, vel numero differentibus in quale differentibus. Intentio enim quinti prædicabilis per se est intentio vniuersalis, & per se postulat inferiora; sed non inferiora, quæ habeant perfectam in natura, & forma, quæ prædicatur, sed contingentiam. Et ita ei quod prædicatur accidentaliter de multis, conuenit per se, & essentialiter vniuersalitas, seu respectus ad multa, sicut opinioni per se conuenit versari circa propositiones contingentes, & libertati per se conuenit contingenter operari.

DE INDIVIDVO.

Individuum, seu singulare, quod communiter in omnibus generibus inuenitur potest considerari, vel primo intentionaliter, vel secundo intentionaliter, sicut & natura specifica quæ in illo reperitur; hinc fit, quod sicut natura specifica potest significari dupliciter, videlicet nominibus primæ intentionis, vt sunt *Homo, Leo, Equus, &c.* & nominibus secundæ intentionis, qualia sunt, *species, vniuersale, subijcibile, &c.* ita etiam natura particularis, & indiuidua potest dupliciter significari, nempe nominibus primæ intentionis, vt sunt, *persona, hypostasis, prima substantia, Petrus, hic homo, &c.* & nominibus secundæ intentionis, vt sunt hæc *Indiuiduum, singulare, particulare, & suppositum.*

Iuxta hunc ergo duplicem modum, quo natura singularis, seu indiuiduum considerari & significari potest, dupliciter etiam definitur, vel primo intentionaliter, vel secundo intentionaliter. Indiuiduum quantum ad primam intentionem, seu pro vt dicit ipsam singularitatem à parte rei inuentam, solet definiti esse id, quod ex proprietatibus constat, quarum idem aggregatum nunquam in alio fiet. Quæ sint autem istæ proprietates indiuiduantes continentur his verbis.

Forma, figura, locus, tempus cum nominibus, sanguis

Patria sunt septem quæ non habet, unus & aliter.

Aliter tradit D. Thomas definitiones indiuidui primò intentionaliter accepti, nam in 1. part. quæst. 9. artic. 4. inquit: quod indiuiduum est, indistinctum in se; & distinctum ab alijs, vel melius in 10. Metaphys. lect. 11. Indiuiduum est, quod non diuiditur ulterius, nec formaliter, nec materiali differentia. Quæ definitiones non solum conueniunt indiuiduis substantialibus, sed etiam accidentalibus. In prima autem definitione solum definitur indiuiduum substantiale,

con-

completum, & subsistens, cui soli conuenit habere collectionem istarum proprietatum.

Individui secundo intentionaliter sumpti duas definitiones tradit Porphyrius, primam ex parte predicabilitatis dicens, quod *Individuum est illud quod de uno solo predicatur*. Secundam ex parte subijcibilitatis dicens, quod, *Individuum continetur sub specie, species autem sub genere*. Ex his autem duabus relationibus rationis, subijcibilitas quæ est relatio individui ut inferioris ad sua superiora, principaliter ab individuo importatur, cum principalis ratio individui sit ratio inferioritatis ad vniuersale, opponitur enim individuum vniuersali, sicut inferiori superiori.

Individuum generatim sumptum est quadrex, determinatum ex nomine, determinatum ex demonstratione; individuum ex hypothesi, & individuum vagum. Individuum determinatum ex nomine est nomen proprium alicuius rei, ut Ioannes, Petrus. Individuum determinatum ex demonstratione est quod constat nomine communi, & pronomine demonstratio, ut hic homo, ille canis. Individuum ex hypothesi est quod absolute quidem dici potest de multis, facta tamen certa suppositione, de vno tantum potest affirmari, ut *Filius Sophronisci*, pro Socrate, supposito quod Sophroniscus vnicum habeat filium scilicet Socratem. Tandem individuum vagum est quod constat nomine communi, & signo particulari, ut aliquis homo.

Relictis tribus primis acceptionibus quæ nullam habent specialem difficultatem, circa Individuum vagum, seu incommuni sumptum sunt aliqua breuiter explicanda. Dico igitur individuum sic conceptum, importare aliquam rationem communem individui, non solum rationis. V.g. secundam intentionem subijcibilitatis ad superiora, sed etiam realem; ipse enim modus singularitatis inuenitur in re, & est aliquid positum, quod potest significari in communi, sicut etiã ipsa subsistentia, & personalitas, licet nõ

inueniantur nisi in singularibus determinate, & signatæ, ergo non repugnant dari conceptum communem realem ipsius individui, non solum ex parte nature, sed etiam ex parte indiuiduationis. An autem hæc ratio communis, sit vniuoca vel analoga? cum distinctione loquendum est, si enim abstrahamus conceptum indiuiduationis ab ipsis differentiis indiuidualibus, talis conceptus incompletus differentie indiuidualis in communi ad omnes differentias indiuiduales non est vniuocus sed analogus, cum sit transcendens & imbitus in ipsis differentiis: neque enim per alias differentias contrahitur, alioquin daretur processus in infinitum; & cum illæ differentie indiuiduales sint primò diuersæ non sunt resolubiles in duos conceptus, quorum vnus abstrahat ab alio, & includatur in ipso. Si autem sumatur indiuiduatio pro secunda intentione individui, scilicet pro relatione rationis est simpliciter vniuoca ad omnes relationes indiuiduationis. Relatio enim indiuiduationis est quædam species relationis rationis, scilicet subijcibilitas infima, quæ diuidi potest vniuocè in hanc, & illam relationem, quæ inuenitur in hoc, vel illo individuo per modum subijcibilitatis conceptu. Vnde habet distinctum fundamentum à reliquis relationibus, & distinctam speciem, quæ diuiditur in sua indiuidua, sicut alie relationes rationis.

Ex dictis facillè colligitur cur individuum vagum excludatur à ratione predicabilis simpliciter. Si enim sumatur tanquam aliquid complexum in vi duorum conceptuum, quorum vnus significat naturam scilicet *ly homo*, alter significat modum indiuiduationis scilicet *ly aliquis*; sic non potest dici simpliciter vniuersale, cum vniuersalia seu predicabilia sint quid simplex. Si verò sumatur Individuum vagum in vi termini incomplexi, cum non sit quid vniuocum, sed analogum, ideo non continetur in predicabilibus, in quibus tantum predicata vniuoca continentur. Vel certè solum in eis continentur ea quæ sunt vniuersalia

lia in prædicando, si quidem vniuersale est id quod diuiditur in quinque prædicabilia. Indiuuiduum autem, & si in cõmuni possit concipi, non tamen vniuersale redditur, quia indiuuiduum est, vniuersale enim ab omni indiuuiduatione abstrahit. Reducitur tamen ista prædictio indiuuidui ad prædicationem speciei, non quia prædicetur in quid sicut ipsa species, sed quia prædicat modum naturæ specificæ, qui est indiuuiduatio; modus autem reducitur ad rem cuius est modus, sicut substantia ad substantiam.

*Summa eorum quæ ad considerationem
Logicæ spectant in Categorijs
Aristotelis.*

Quamuis prima mentis operatio, quia simplex, per se non videatur regulatione aliqua indigere, sicut nec simplex visio exterioris potentia, tamen ex parte sui obiecti, seu propositionis sui obiecti magna eget ordinatione, eò quod res à sensibus ad intellectum valdè confusè & inuolutè perueniant, nam V. g. per oculos proponitur coloratum cum figura, quantitate, motu, substantia, alijsque rebus; vt ergo intellectus ad quidditatinam rerum cognitionem perueniret, sciretqua formare definitiones, & ex definitionibus proprietates demonstratiuè elicere, necesse fuit segregare res istas, & in sua genera quasi in classes distribuere, quas Philosophus vocauit prædicamēta Græcè categorias, id est, species seu coordinationes prædicatorum superiorum, & inferiorum in vnoquoque genere, vt inde vnicuique rei sua prædicata essentialia, & proprietates cõsignaremus.

De his igitur generibus, seu prædicamentis quibus omnes res creatæ distribuuntur, & continentur, acturus Aristoteles, non eorum naturas considerando, quod ad Metaphysicum spectat, sed solum coordinationem prædicatorum superiorum, & inferiorum, quod instituti logici est: totum librum in tres præcipuas partes distinxit. Prima vocatur antepre-

dicamentalis, eo quod quatuor capitibus contineat quædam quasi præambula, & prærequisita ad coordinationem prædicamentorum constituendam, & discernendam. Talia autem prærequisita sunt quatuor distinctiones, seu conditiones quas hic præmittit Aristoteles. Prima, distinctio, seu primum antepreedicamentum, est diuisio vniuocorum, æquiuocorum, & denominatiuorum. Secundum est distinctio complexorum, & incomplexorum. Tertium est distinctio eorū, quæ sunt in subiecto, & eorum, quæ dicuntur de subiecto. Quartum est distinctio eorum quæ ad rectam lineam prædicamentorum spectant, & eorum quæ ad latus, siue indirectè se habent.

Secunda pars appellatur prædicamentalis quasi ipsum corpus libri, vbi per quinque capita, explicantur decem genera, seu prædicamenta.

Tertia tandem pars quasi totius libri clausula post prædicamentalis dicitur eo quod in illa agatur per quinque capita, de quibusdam modis, qui vel ad omnia, vel ad plura genera consequuntur, & velut generales quædam passionēs sunt, sicut antepreedicamenta sunt quædam prærequisita, & præambula, ad fundanda prædicamenta, seu coordinationem eorum:

De primo Antepreedicamento.

Ratio primi antepreedicamenti, quod continet definitiones æquiuocorum, vniuocorum & denominatiuorum, est, quia ad intelligendam prædicamentorum coordinationem, triplex est ordo, seu respectus in illis considerandus. Primus est ad ea prædicata, quæ sunt supra omnia prædicamenta. Secundus est ad ea, quæ in eodem prædicamento coordinantur. Tertius est eorum quæ sunt in vno prædicamento, ad ea quæ sunt in alio. Respectus ergo prædicamentorum ad ea, quæ sunt supra prædicamenta, est respectus analogorum, vel æquiuocorū, quia non conueniunt prædicamenta in aliquo superiori vniuoco. Respectus ad

ea, quæ in eodem prædicamento ordinantur est vniucorum, quia est secundum eandem rationem, & non solum secundum idem nomen. Respectus vero vnius prædicamenti ad aliud est secundum denominationem, quatenus vnum accidentaliter se habet ad aliud, nam essentialiter non potest comparari vnum prædicamentum ad aliud. Ad hunc ergo triplicem respectum explicandum, sine quo prædicamentalis coordinatio, & adunatio nullatenus intelligi potest, opere pretium fuit primò agere de æqui-uocis, vniuocis, & denominatiuis.

Æqui-uoca dicuntur, quorum nomen solum commune est, ratio verò substantiæ, id est essentiæ tali nomini accommodata diuersa, vt canis latrabilis, cælestis, & marinus in nomine canis sunt æqui-uoca, non tamen in nomine substantiæ quod illis eodem sensu conuenit. Vbi nota quod nomen ipsum æqui-uocū (& idem proportionabiliter est de vni-uocis, ac denominatiuis) dicitur æqui-uocum æqui-uocans, res verò per tale nomen significatæ æqui-uoca æqui-uocata. Vnde constat, res ipsas secundum se non dici æqui-uocas, aut vni-uocas, sed pro vt nominibus significantur. Hæ enim intentiones sunt de genere earum, quæ immediatè fundantur in nominibus, propter quod eas definiens Aristoteles non dixit æqui-uoca sunt, vni-uoca sunt, &c. sed æqui-uoca dicuntur, vni-uoca dicuntur.

Porro æqui-uocum est duplex, vnum æqui-uocum purè, alterum Analogum, sub æqui-uocis enim comprehendit Aristoteles Analoga. Aequi-uocum purè, quod etiam solet appellari æqui-uocum à casu, & ita appellauit Aristot. i. Ethic. l. 7. apud D. Thom. dicitur illud quod sub vno nomine habet definitionem aliquo modo eandem, & aliquo modo diuersam.

Quia autem habere rationem aliquo modo eandem, & aliquo modo diuersam suæ partim eandem, & partim diuersam, tripliciter excogitari potest, quod mediet inter rationem omnino eandem,

& rationem omnino diuersam. Primò si æqualiter participet de vtroque extremo, ita vt simul sit simpliciter eadem & simpliciter diuersa. Secundò si magis declinet ad omnimodam identitatem, ita vt sit simpliciter eadem, & secundum quid diuersa. Tertiò si magis propendat in omnimodam diuersitatem, ita vt sit simpliciter diuersa, & secundum quid eadem. Hoc tertio modo analogum mediat inter vni-uocum, & æqui-uocum, ideoque exactè definitur analoga logica in communi, dicendo: Analoga sunt, quorum nomen est commune, ratio verò substantiæ secundum illud nomen, simpliciter est diuersa, & secundum quid eadem.

Hæc analoga Logica diuiduntur in analoga proportionis, & analoga proportionalitatis; Analoga proportionis, quæ etiam dicuntur analoga attributionis, analoga ab vno vel ad vnum, analoga secundum intentionem, & non secundum esse, sunt illa quorum nomen est commune, ratio verò substantiæ secundum illud nomen est eadem secundum terminum, & diuersa secundum habitudines ad illum. Vt sanum commune nomen est Medicinæ, vrinæ & animali; ratio verò omnium in quantum sana sunt, est eadem secundum terminum: quia eademmet sanitas est, quam respicit animal, in quo est; & Medicina à qua causatur; & vrina, quæ illam indicat. est verò diuersa secundum diuersas habitudines ad sanitatè; quia si quis assignet, quid est animal in quantum sanum, subiectum dicit sanitatis; Medicinam verò in quantum sanam, causam sanitatis, vbi terminus quidem idem est, nempe sanitas; sed habitudines diuersæ sunt nempe subiecti, causæ, & signi.

Analoga proportionalitatis, quæ etiā vocantur Analoga secundum intentionem, & esse sunt illa quorum nomen est commune, ratio verò substantiæ secundum illud nomen est similis secundum proportionem. Diuidunturque in analoga proportionalitatis propriæ, & proportionalitatis improprie, seu metaphoricæ.

rix. Quæ in hoc præcipuè differunt, quod in primis, ratio significata per nomen Analogum intrinsecè inuenitur in omnibus analogatis, vt patet in ente respectu substantiæ & accidentis. In secundis verò ratio significata intrinsecè est in vno, & extrinsecè in alio. Quomodo risus est analogum ad risum hominis, & viriditatem prati.

Præcipuæ conditiones & proprietates analogiæ proportionis sunt primò, quod fiat secundum denominationem extrinsecam tantum; ita vt ratio significata per nomen analogum tantum sit intrinsecè & formaliter in primo analogato; in alijs verò per extrinsecam denominationem. Secundò quod ratio significata per nomen analogum attributionis sit vna, non solum ratione, sed etiam numero saltem negatiue. Id est quod non multiplicetur realiter in analogatis sicut multiplicatur ratio significata per nomen vniuocum. Quia distinctio denominationis intrinsecæ; & extrinsecæ non sumitur ex parte formæ, sed ex parte subiectorum: & ita vnica numero forma realis causat in vno subiecto denominationem intrinsecam; in alio verò extrinsecam. Tertiò quod in ea primum Analogatum ponatur in definitione cæterorum nam cætera, non suscipiunt denominationem nisi per ordinem ad illud. Quæ omnes conditiones habent etiam locum in analogia proportionalitatis Metaphoricæ ferè coincidentis cum analogia proportionis. Ex quo fit commune illud Dialecticorum axioma, videlicet Analogum per se sumptum fiat pro famosiori significato, de his duabus Analogijs proportionis scilicet, & proportionalitatis metaphoricæ intelligendum esse.

Conditiones autem Analogiæ proportionalitatis propriæ per oppositum sunt, quod necessario fiat secundum denominationem intrinsecam vtriusque analogati: atque adeò quod vnum non definiatur per alterũ; sed definitio vnius proportionaliter sit definitio alterius, & quod ibi analogum sit quid superius

analogatis; & vt tale diuidatur, & prædicetur de illis: sitque medium demonstrationis.

Conueniunt tamen in hoc vtraque, analogia, quod ab analogis non possit abstrahi aliqua ratio, quæ simpliciter sit communis, & præcisa ab eis. Sed de hoc redibit sermo in Metaphysica cum de conceptu communi entis ageamus.

Vniuoca dicuntur quorum, & nomẽ commune est, & essentiæ ratio sub illo nomine in multis eadem. Vt animal est vniuocum ad hominem & brutum.

Porro vniuoca duplicia sunt, essentialia si prædicentur essentialiter, vt animal de homine, & bruto, & accidentaria, seu denominatiua, seu connotatiua si prædicentur accidentario.

Denominatiua dicuntur illa, quæ cū solum differunt casu, id est cadentia nominis, ab aliquo alio, scilicet à forma, denominante; ab illo tamen habent nominis appellationem: quia forma denominans est prima radix totius denominationis.

Ex hac definitione colligitur triplex denominatiuorum conditio. Prima vt ab alio trahant nomen & significationẽ, vt grammaticus est denominatiuum a Grammatica; non autem homo ab humanitate; ratio est quia materiale significatum grammatici nempe homo est aliud, seu habet aliam essentiã à grammatica, at materiale significatum hominis non habet diuersã essentiã ab humanitate, & hinc colligitur denominatiua esse prædicata accidentaria. Secunda, quod denominatiuum differat à forma denominante casu, id est cadentia nominis, seu secundum terminationem. hoc autem intelligendum est per se loquendo: per accidens enim contingere potest vtrumque nomen non differre casu, seu cadentia, vt patet in musica sumpta pro muliere, & pro arte. Quod tamen non tollit quin in priori significatione verè sit denominatiuum; cum hæc sit prædicatio quinti prædicabilis, Maria est musica. Tertia tandem conditio est, vt denominatiuum, & forma deno-

denominans non differant in re significata, sed sola cadentia, aut terminatione nominis. Vnde studiosus pro virtute prædico, non est denominatiuum à studio. Pro quo nota communiter assignari tres modos denominatiuorum; alia re, & non voce, vt studiosus à virtute; alia voce, & non re, vt studiosus à studio; alia re, & voce, vt albus ab albedine. Ex quibus hæc vltima propriè, & simpliciter sunt denominatiua.

Quamuis autem intentiones istarum denominatiuorum, & vniuocorum coincident aliquando in eadem re, denominatiua tamen formaliter quatenus talia, non sunt vniuoca, neque è contra. Et ratio est manifesta, quia album habet esse denominatiuum in ordine ad formam denominantem, à qua nominis appellationem recipit; esse verò vniuocum, in ordine ad subiecta inferiora, in quibus equaliter inuenitur. Quos respectus, & rationes esse inter se essentialiter diuersas, satis ex se constat, conuinciturque planè ex eo, quod ratio formalis denominatiuorum æque benè saluatur, tam in terminis vniuocis, quam analogis, tàm communibus, quam particularibus. E contra etiam ratio formalis vniuocorum æque benè reperitur tam in terminis denominatiuis, quam non denominatiuis. Quod euidentè est argumentum, intentiones constitutiuas denominatiuorum, & vniuocorum esse inter se essentialiter diuersas, & disparatas, materialiterque solum concurrere in vna & eadem re; ac proinde exigere diuersas definitiones iam allatas.

De secunda, & tertio antepredicamento, duplici nimirum diuisione.

Rerum, quæ per voces significantur, alia sunt complexæ, quæ scilicet pluribus cõceptibus intelliguntur, correspondentibus pluribus vocibus, per quas significantur, vt homo iustus; & alia incomplexæ, quæ scilicet vnicò cõceptu intelliguntur, correspondenti vni voci, per quam significantur, vt homo,

Biblioth. Theol. Tom. IV.

& iustus, si separentur, quæ pro vt sic simpliciter dicuntur vnæ, alia verò tantum secundum quid. Et ita diuisio est analogica.

Ens incomplexum, seu simplex est quadruplex, scilicet substantia secunda, seu vniuersalis, substantia prima, seu singularis, accidens vniuersale, accidens singulare. Quæ Aristoteles alijs verbis exprimit, primo quædam entia, inquit, dicuntur de subiecto, & non sunt in subiecto, id est dicuntur de inferioribus tanquam de subiectis prædicationis, nō tamen inherrent in subiecto scilicet inhesionis, vt sunt vniuersales substantiæ animal, homo, &c. secundo quædam, nec dicuntur de subiecto scilicet prædicationis, nec sunt in subiecto scilicet inhesionis, vt singulares substantiæ, Petrus, hic Leo &c. Tercio alia dicuntur de subiecto, scilicet prædicationis, & in subiecto sunt, scilicet inhesionis, vt vniuersalia accidentia. Quarto quædam, non dicuntur de subiecto, scilicet prædicationis, & in subiecto sunt, vt singularia accidentia v. g. hæc albedo. Quæ omnia faciunt hunc sensum: quæcumque res in prædicamento collocantur, vel sunt substantiæ vniuersales, vel substantiæ particulares, vel accidentia vniuersalia, vel accidentia particularia. Vnde hæc propriè non tam est vna diuisio, quam quædam entium enumeratio, in qua plures diuisiones inuoluuntur. Continentur enim ibi diuisio entis in substantiā, & accidens; diuisio substantiæ in vniuersalem, & particularem; & similiter diuisio accidentis in vniuersale, & particulare, quæ duæ sunt diuisiones subiecti in accidentia quædam rationis. Et tãdem continentur diuisio vniuersalis in substantiam, & accidens; & diuisio particularis in substantiā, & accidens: quæ sunt diuisiones accidentis in sua subiecta.

Præponuntur autem hæ diuisiones ab Aristotele vt dignoscantur quædam entia, & quo ordine ponantur in Cathogoria, sola enim incomplexa ponuntur, & prius quæ vniuersalia, posterius quæ singularia.

K

De

De quarto antepredicamento, seu duplici regula.

Prima est: quando aliquid predicatur de aliquo ut de subiecto quidditatiuè, quidquid predicatur quidditatiuè de predicato, predicatur etià quidditatiuè de subiecto. Ut si de Petro predicatur homo, & de homine predicatur animal, viuens &c. etiam predicabuntur de Petro. Ex hac regula elicitur modus arguendi, quem Cicero accrualem, Græci foritem, nostri verò vocant de primo ad vltimum; Quia si homo est animal; & animal viuens; & viuens substantia, de primo ad vltimum homo est substantia.

Secunda verò regula est; diuersa genera & non subalternata, id est quorum vnum non est sub altero, vel quia sunt in diuersis predicamentis, ut substantia, & quantitas, vel quia inter se condistinguuntur, & opponuntur sub aliquo tertio, ut animal & planta; necesse est ut habeant differentias essentielles, tam diuisiuas, quam constitutiuas formaliter diuersas. Quare si quando in diuersis predicamentis eadem nomina pro differentiis ponuntur, id fit, vel quia sunt differentia quedam accidentales, aut transcendentales pluribus communes, vel quia ignoramus proprias differentias, & loco earum substituimus alias, vel tandem quia talia nomina in rei veritate sunt equiuoca, & consequenter non significant vnam rationem, sed plures. Quod notauit expressè Aristoteles 1. Topicor. c. 13. adducens pro exemplo ly acutum, quod inuenitur in quantitatibus, & qualitatibus; dicimus enim angulum acutum, & vocem acutam.

Diuersa genera subalternata, quorū vnum est sub alio, possunt quodammodo habere easdem differentias, tam diuisiuas, quam constitutiuas: quia differentia constitutiuas superioris v.g. viuentis, est etiam inadæquatè, & remotè constitutiuas inferioris, v.g. animalis; & differentia diuisiua inferioris animalis,

sunt etiam inadæquatè, & remotè diuisiua superioris viuentis; per hoc tamen non excluditur, quod ista genera habeant proprias differentias, per quas proximè & adæquatè constituuntur; & diuidantur.

Ratio autem harum regularum præmittendarum Aristoteli fuit, quia in coordinatione predicamentorū necesse est cognoscere tam connexionem eorū quæ in recta linea ponuntur, ut sunt genera, & species, quam connexionem, vel separationem eorum quæ ponuntur ad latus, ut sunt differentia. Prima autem regula deseruit ad coordinationem directæ lineæ prædicamentalis intelligendā, quæ ex prædicatis superioribus, & vniuersalibus; & inferioribus sub illis contentis coalescit; secunda verò ad ea dignoscenda, quæ ponuntur ad latus, & indirectè.

DE PRAEDICAMENTIS.

Explicatis ijs, quæ ad predicamentorum notitiam erant necessario præmittenda, & propterea antepredicamenta meritò nuncupantur; iam in hac secunda parte libri breuiter agemus de predicamentis, quantum Logicum institutum ferre potest, relinquendo considerationi Metaphysicæ illa omnia quæ hic non necessariò, imò & intempestiue solent ab aliquibus admisceri, de natura, & essentia predicamentorum.

Predicamentum ergo, quod ad Logicam spectat, nihil est aliud quam vnus supremi generis, & eorum quæ sub ipso sunt naturalis dispositio, & quasi scala, quædam in cuius media, & recta linea ponuntur genera, & species, ad latus verò & extra lineam rectam differentia, pro fundamento autem cui cætera inniuntur indiuiduum. Sicut cernitur in figura vbique obuia, quæ sumpta denominatione ab arboribus, arbor prædicamentalis solet appellari.

Predicata communia omnibus Categorijs, vel multis dicuntur transcendentia, ut ens, res, verum, bonum, ali-

quid

quid, vnum, accidens, quæ omnia sunt aliquid analogum. Suprema Cathegarum genera non habent propriè genus, scilicet vniuocum, & consequenter nec propriè differentiam, cum differentia sit illa quæ ponitur in definitione cū aliquo genere vniuoco. Vnde fit vt suprema genera, quia nihil habent commune vniuocum, dicantur distingui se totis, esseque primò diuerfa, quia si definiantur, non definiuntur per aliquid cōmune vniuocum, sed sunt ipsæmet rationes differendi, & seipsis differunt sine aliquo superiori vniuoco in quo conueniant, siue cui se habeant ex superadditione, vt explicabimus in Metaph.

In Cathegoria, seu in recta linea Cathegoriæ ponuntur omnia entia realia, entia per se, seu non per accidens, incomplexa, vniuoca, finita, & completa, vt genera, & species: differentia verò ponuntur indirecè & ad latus, quæ sunt necessaria ad definienda, & diuidenda genera, quomodo enim intelliges animal, nisi sit sensitium, quæ est differentia ipsius constitutiuæ, & nisi noueris animal aliud esse rationale aliud irrationale; reduciue verò, & implicite ponuntur partes physicæ vt materia, & forma, & partes integrantes, vt pes, caput; iterum modi essentiales qui necessarij sunt, vt essentia sit completa entitatiue, vt substantia quæ est modus substantiæ, vno substantialis inter materiam, & formam, supposito quod dicitur, &c.

Dixi primò in Cathegoria poni entia realia, quia Cathegoria est ordinatio vnus supremi generis, & eorum quæ sub ipso sunt, quæ materialiter sunt entia realia. Dixi secundo entia per se, incomplexa, & vniuoca, quia Cathegoria est ordinatio generum, & specierum, & indiuiduorum, genera autem, & species cum sint vniuersalia, sunt quid vnum, per se, incomplexum & vniuocum, indiuidua etiam sunt aliquid vnum per se, & incomplexum, loquendo de incomplexo logico, imo etiam vniuocum, non quidem astrictiue, quomodo genera & spe-

Bibliot. Theol. Tom. IV.

cies, quæ vniuocè participantur à pluribus, sed passiuè quia indiuidua vniuocè cum alijs participant suum genus. Dixi finita, quia Cathegoria est ordinatio generis, & eorum quæ sub genere sunt, de quibus genus, quia genus, id est vniuocè prædicatur, at nihil potest prædicari quia genus, seu vniuocè, de ente finito, & infinito, quare neque Deus, neque Christus, quia Deus ponitur in Cathegoria, licet quia homo possit poni. Dixi completa, seu tota, non autem incompleta, seu partes, ens autem completum est illud quod si sit singulare, non venit in compositionem entis per se, si verò est commune prædicatur in quid de ente completo singulari; Incompletum verò est quod si sit singulare venit in compositionem entis per se, vel si sit vniuersale non prædicatur de singulari in quid est, sed in quale, vnde concipitur per modum formæ adiacentis, adiacere autem componendo, est proprium partis, cuiusmodi sunt differentia etiam essentiales quæ propterea excluduntur à recta linea prædicamenti; præterquam quod, cum superiora non prædicentur de ipsis, si quidem genus non prædicatur de differentijs, nec differentia sunt resolubiles in duos conceptus generis, & alterius differentia, alias esset processus in infinitum, discontinuant rectam lineam, & seriem graduum superiorum, & inferiorum, & sic ad latus ponuntur.

Quomodo autem res collocantur in prædicamentis; an scilicet, in concreto, vel in abstracto significatz; distinguendum est, nam in prædicamento substantia propriè, & per se collocantur concreta; abstracta verò non nisi per reductionem; & è contra in prædicamentis accidentium.

Vera, & communis sententia decem constituit prædicamenta. Quamuis autem sufficientia huius diuisionis non possit omnino conuincere ac proinde non sit querenda ratio, cui repugnari non possit; satis verosimiliter tamen ostendi potest numerum istum congruenter esse

se constitutum. Prædicamentum enim est series prædicabilem; unde tot erunt prædicamenta, quot fuerint coordinationes, seu series prædicabilem. Sed hæc sunt tantum decem; ut probat D. Thom. 5. Metaph. lect. 9. & 3. physic. lect. 5. ex diuerso modo prædicandi rerum, qui consequenter arguit diuersum modum essendi; vtiturque hoc discursu. Nam quidquid prædicari potest de subiecto, seu de prima substantia, solum tripliciter prædicari potest, vno modo tanquam pertinens ad substantiam, aut essentiam eius; alio modo, ut ad essentiam non pertinens, sed subiecto inherens, vel tertio modo, ut prædicatum desumptum ab aliquo extrinseco, unde sumit denominationem. Si primo modo, constituitur prædicamentum substantiæ. Si secundo modo, vel illud prædicatum inherens est absolutum, vel respectiuium, & ordinans ad alium terminum. Si est forma absoluta & inherens, vel consequitur ad materiam, vel ad formam, ut forma est, siue sit spiritalis, siue corporea. Si consequitur materiam est quantitas, quia hæc partes materiales ordinat, & extendit. Si consequitur formam, est qualitas, quæ in qualificando, & determinando modum formæ habet. Si verò est forma respectiua est relatio.

Si verò tertio modo fiat prædicatio, sumendo nimirum denominationem ab aliquo extrinseco à quo dependet, pertinet ad sex vltima prædicamenta, quæ sic colliguntur. Ea enim quæ denominando dependent ab aliquo extrinseco, vel illud extrinsecum, est causa, vel mensura, vel nudè, & extrinsecè applicatum sine mensuratione, vel causalitate. Si hoc vltimo modo fiat, est prædicamentum habitus, quo quis dicitur vestitus. Si verò fiat denominatio ab aliquo extrinseco, quod sit causa, illa non potest esse materialis, vel formalis, quia hæc intrinsecè constituunt, vel denominant, secundum intrinsecam vniionem. Unde causalitates earum non constituunt speciale prædicamentum, quia magis ordinantur ad perficiendum, & complendum ipsam

materiam, & formam, quæ per informationem & receptionem perficiuntur in se, quam ad perficiendum, & immutandum alia, sicut causalitas efficientis. Finalis autem causa solum habet causalitatem metaphoricam, & in eo, in quo est realis, coincidit cum causalitate efficientis. Restat ergò quod sola causa efficiens extrinsecum denominans sit, & tunc vel denominat subiectum, quod immutatur, & est passio, vel causam à qua dimanat effectus, & est actio. Si verò denominatio fiat ab extrinseco mensurante, vel illa mensura extrinseca, est locus, vel tempus. Si locus, vel mensurat secundum absolutam rationem essendi in loco penes diuersam distantiam, & sic est vbi, vel ratione ordinis partium in loco, & sic est situs. Si verò est tempus constituit prædicamentum quando, Nec sunt plures mensuræ extrinsecæ.

Multa alia possent hic de naturæ prædicamentorum tam in genere quam in specie breuiter explicari, sed quia, ut iam monui Metaphysici potius, quàm Logici instituti est, libenter illis supersedeo, breuè solum vniuersiuiusque prædicamenti coordinatione ob oculos ponendo.

Coordinatio Prædicamenti substantiæ,

Supremum genus est substantia; diuiditur in spiritualement, & corporalem. Spiritus in varias Angelorum species. Corpus in corruptibile, seu alterabile, & incorruptibile, seu inalterabile. Incorruptibile in varias species ætherum, & planetarum. Corruptibile in elementale, & mixtum. Quorum primum varias etiam habet species. Mixtum diuiditur in animatum, seu viuens, & inanimatum, seu non viuens. Viuens in sensibile, & insensibile, ut planta, sub qua variæ species arborum, & herbarum continentur. Animal tandem in rationale, & irrationale. Irrationale in varias brutorum species. Rationale in indiuidua, ut Petrus, & Paulus.

Ex quibus facillè colligitur diuisionem

nam substantiæ vt sic, in primâ & secundâ, non esse diuisionem substantiæ essentialem, sed tantummodo subiecti in accidentia: nam id quod prima substantia addit supra substantiam, vt sic, est modus quidam realis particulariter subsistendi: & id quod addit secunda substantia, est modus vniuersaliter subsistendi in intellectu: sed isti habent rationem accidentium respectu substantiæ vt sic: quando ergo substantia diuiditur in illos diuiditur subiectum in accidentia, quorum vnum est reale, & alterum rationis.

Coordinatio Prædicamenti quantitatis.

Quantitas, quæ est summum genus Categoriarum quantitatis, definitur accidens, cuius effectus formalis est extendere partes substantiæ in ordine ad se. Id est, ordinare partes in seipsis, alias extrâ alias constituendo, ita vt vna vni immediatè, alijs mediatè vniatur. Diuiditur in duas species, scilicet continuam, & discretam. Discreta diuiditur in numerum, & orationem vocalem. Oratio in varias species, & combinationes metri, & harmoniæ secundum longitudinem, & breuitatem prolationis diuiditur, quæ secundum aliquos magis sunt artificiosæ quantitates, quam naturales. Numerus diuiditur per omnes species numerorum, quælibet enim vnitas addita facit diuersam speciem numeri, vt binarius, ternarius &c.

Quantitas continua diuiditur in eam, quam consequitur figura, & situs; & possumus appellare figurabilem, seu situabilem; & in eam cui repugnat figura, aut situs; potestque appellari infigurabilis, & insituabilis: sic enim circumloquimur differentias essentielles harum specierum. Infigurabile, seu insituabile, constituit tempus, quod diuiditur in dies, menses, annos, olimpiadas, lustra &c. Quantitas verò figurabilis, seu situabilis diuiditur in lineam, superficiem, & corpus tanquam in species infimas, & in locum secundum aliquos, quia licet nō habeat distinctam extensionem à super-

ficie; est tamen diuerso modo mensura, sicque diuidi potest in diuersas distantias, & modos mensurandi, vt leuca, stadium, milliare, &c. in mensuras etiam quæ continendo, & quasi locando mensurant, vt modius, amphora, dolium, &c.

Sunt qui alio modo ordinent quantitatem continuam, ita vt diuidatur in continuam mensurantem intrinsecè, & mensurantem extrinsecè. Intrinsecè mensurans, sunt linea, superficies & corpus, quæ positionem habent in continuo. Extrinsecè mensurans diuiditur in permanentem vt locus, & successiuam, vt tempus.

Coordinatio prædicamenti qualitatis.

Qualitas, quæ est summum genus Categoriarum qualitatis, definitur accidens dispositiuium rei in seipsa, vel accidens imponens modum, seu determinationem substantiæ. Diuiditur in quinque genera immediatè, quæ sunt habitus, & dispositio, potentia, & impotentia, passio & passibilis qualitas, forma, & figura; & vnumquodque istorum generum diuiditur in varias species, quas priusquam assignemus, aduertendum, est, quod in duobus vltimis generibus tantum ponuntur corporales qualitates, quia tertia species, ex alteratione causatur, vel causat primò, & per se. Forma autem & figura ex terminatione quantitatis. In alijs verò primis generibus, & corporalis, & spiritalis qualitas potest inueniri.

Habitus ergo, qui definitur qualitas secundum quam res bonè, vel malè se habet, difficilè mobilis, potest diuidi in operatiuū & non operatiuum, vt gratia sanctificans, quæ supposito quod realiter à charitate distinguatur connumeranda est potius habitibus propriè dictis quam dispositioni. Operatiuus diuiditur in acquisitum, seu naturalem, & in infusum, seu supernaturalem. Sub infuso continentur fides, spes, charitas, lumen gloriæ, aliaque permanentia Spiritus

us Sancti dona, & virtutes, si quæ sunt alix, per se infusæ. Habitus acquisitus, seu naturalis diuiditur in intellectualem, & moralem; seu in habitum intellectus, & voluntatis: hic diuiditur in bonum, & malum. Malus, si verè est habitus, per omnia genera vitiorum, bonus per omnia genera virtutum moralium. Habitus, seu virtus intellectualis primo diuiditur in habitum, qui immediatè versatur circa singularia (qui necessariò erit practicus; nam singularia possunt quidè dirigi, & propriè operari, non autem cognosci) & in eum qui immediatè versatur circa vniuersalia. Sub primo genere continentur prudentia, & ars, quarum prima diuiditur in Monasticam, Oeconomicam, & Politicam; secunda verò in septem artes mechanicas: (nam liberales secundum quid tantum dicuntur artes) secundum rursus diuiditur in habitum circa principia, seu propositiones immediatas, qui dicitur habitus principiorum, & in habitum circa conclusiones, seu propositiones mediatas, & appellatur scientia. Habitus principiorum diuiditur in intellectum, seu intelligentiam, qui est habitus principiorum speculatiuorum, & in synderesim, quæ est habitus principiorum practicorum. Deinde scientia diuiditur in eam, quæ procedit lumine diuinæ reuelationis, scilicet, Theologiam; & in eam quæ procedit ex principijs lumine naturali cognitis. Quæ rursus paritur in practicā, & speculatiuam. Sub practica continentur Philosophia moralis, & Medicina. Speculatiua verò diuiditur in tria genera iuxta triplicem abstractionem, à materia singulari, vt abstrahunt physicæ disciplinæ, à materia sensibili, vt abstrahunt Mathematicæ, à materia intelligibili, vt abstrahit Metaphysica. Sunt tamen pro hac habitus coordinatione duo breuiter obseruanda, primum à nobis poni sub habitu acquisito habitum primorum principiorum, quia saltem est ita nobis à natura inditus atque cõgenitus, vt tamen non refutlet ad presentiam specierum intelligibiliũ virtute intellectus

agentis in intellectu possibili, nisi posita terminorum notitia extrinsecus acquisita medijs sensibus. Secundò, practicum & speculatiuum posita esse, vt differentias diuinas generum non subalternatim positorum: non quia possint talia genera eisdem differentijs diuidi, sed defectu nominum; sunt enim in rei veritate differentix omnino diuersæ; nam ratio practici, quæ cõuenit prudentiæ, & arti, ex natura sua postulat immediatè versari circa singularia, quæ verò conuenit synderesi, essentialiter respicit principia; quæ autem inuenitur in scientia, petit versari circa propositiones vniuersales mediatas, quæ rationes valde diuersæ sunt, quamuis eodem nomine significantur.

Sub dispositione, quæ pro vt ab habitu condistinguitur, definitur qualitas secundum quam res bene, vel malè se habet, facillè mobilis, continentur omnes dispositiones corporales, quia istæ simpliciter non sunt difficile mobiles, & huiusmodi sunt sanitas & ægritudo; pulchritudo & deformitas, & si qui sunt quasi habitus in membris corporis, vt facilitas acquisita saltandi, equitandi, pulsandi cytharam, aut alia opera corporalia exercendi. Ad hanc etiam speciem reducunt aliqui, ex spiritualibus illam qualitatem, quæ per primum, aut secundum actum virtutis relinquitur in voluntate, sed melius fortasse reduciue ponitur in prima specie.

Potentia est qualitas productiua: seu qualitas quæ simpliciter est principium actionis: intelligendo per actionem, seu productionem, non solum eas, quæ propriè sunt actiones, aut productiones alicuius effectus, sed etiam eas quæ habent modum actionis, licet nullum producant effectum, vt magna, vel parua, resistentia ad diuisionem; quarum sunt principia durum & molle. Quare primò diuiditur potentia in actiuam, & passiuam, seu melius resistitiuam. Potentia actiua est illa, quæ est principium actionis, quæ verè est productio alicuius effectus. Potentia resistitiua est, quæ est

est principium alicuius habentis modū actionis, cum tamen non sit vera actio. Et ad hoc genus pertinent durum, & molle; salubre, & valetudinarium, non pro vt significant, sanitatem & infirmitatem, quæ pertinent ad secundam speciem, sed robur, vel debilitatem corporis in sua constitutione, ratione quorum difficile, vel facili cedit infirmitatibus. Forte etiam ad idē genus pertinent grauitas, & leuitas, illa enim est principium resistendi motui sursum; ista verò motui deorsum. Potentia actiua diuiditur in corpoream, & incorpoream, sub corporea vitales, & non vitales: sub vitalibus sensitivæ, vegetativæ &c. vegetativæ vt nutritiua, generatiua, & augmentatiua, (quæ solent appellari à Medicis potentie principales, eisque annectunt alias ministras vt dicitur in libris de anima) sub sensitivis sensus interiores, & exteriores, & appetitus sensitivus. Sub incorporea voluntas, & intellectus.

Sunt qui alio modo coordinent potentiam actiuam, ita vt primò diuidatur in immanentem, & transeuntem. Sub hac continetur ex potentijs spiritualibus intellectus agens, ex corporalibus potentie generatiua, nutritiua, & augmentatiua cæteræque illis annexæ, & generaliter omnes potentie, seu virtutes naturales creaturarum, quæ ad producendum aliquem effectum in extranea materia à natura destinatæ sunt. Sub immanenti continetur potentia cognoscitiua, & appetitiua, illa diuiditur in sensitiuam, & intellectiuam; hæc verò in appetitum sensitivum, & rationalem, de quibus omnibus, & de vniuscuiusque speciebus agendum erit loco citato de anima. Aliqui etiam reducant ad hoc genus species impressas, quia complent potentiam cognoscitiuam; quamuis existiment alij verius spectare debere ad habitus, quando dantur permanentes; species verò expressas ad dispositionem; si quidem ex natura sua sunt facili mobiles.

Ad has duas species subalternas potentie pertinent quædam qualitates su-

pernaturales, quibus homines deputantur ad cultum Dei, secundum ritum christianæ religionis, quæ characteres appellantur. Nam character baptismalis pertinet ad potentiam passiuam, quia non ordinatur ad aliquam actionem; sed potius ad receptionem Sacramentorum. Character verò confirmationis, & ordinis pertinent ad potentiam actiuam, quia ordinantur ad actiones hierarchicas.

Passio, seu passibilis qualitas, differunt enim accidentaliter solum, & penes causas extrinsecas durationis, nam specificè eiusdem rationis sunt rubor causatus ex verecundia, qui cito transit, & causatus ex bono temperamento, qui diu durat, solet explicari quod sit qualitas sensibilis, seu obiectiua, id est constitutæ obiectum alicuius sensus. Sub qua comprehenduntur lux, color, sonus, odor, sapor, & qualitates tangibiles, scilicet, calor, & frigus; humiditas, & siccitas, & si quæ sunt aliæ qualitates, quæ sint obiecta sensuum. Ex quibus lux, & quatuor primæ qualitates sunt species infimæ, aliæ verò subalternæ; nam color diuiditur in albedinem, & nigredinem, & alios colores medios, sonus in acutum, & grauem, & alios medios, & sic de cæteris, de quibus redibit sermo in libris de anima. Asperum autem, & lene, rarum, & densum, licet videantur qualitates; propriè tamen pertinent ad prædicamentum situs.

Vltima tandem qualitatis species dicitur forma, & figura, non sumendo figuram pro signo, seu imagine alicuius, sed pro modo refultate ex terminatione quantitatis, nec formam, pro forma substantiali, aut quocumque alio actu informante, sed pro illa conuenienti dispositione, quam habent partes quantitatis in ordine ad se, à qua deriuatur denominatio formosi vel deformis, de qua dicitur, Psalm. 44. *Speciosus forma præ filiis hominum*, &c. sicque accidentaliter solum differunt figura, & forma: vel per hoc, quod forma significat istam speciem physicè & naturaliter, id est iunctam cum

cum alijs accidentibus sensibilibus, figura verò significat eandem speciem mathematicè, id est abstractam ab accidentibus sensibilibus. Vel per hoc, quod forma significat istam qualitatem, pro ut reperitur, & dat esse artificiat, quo sensu dicitur forma turris, domus &c. figura verò significat eandem qualitatem, simpliciter vel in rebus naturalibus.

Sic sub forma continentur qualitates constitutivæ artefactorum, ut turris, navis, domus, & similes. Sub figura verò, præter figuras animalium, & aliarum rerum naturalium, continentur omnes de quibus agit Geometria, quas commodius ordinabimus infra agendo de Geometria.

Coordinatio Predicamenti Relationis.

Supremum huius categoriæ genus est relatio realis secundum esse, cuius natura & definitio ita explicari potest, est accidens, cuius totum suum esse est ad aliud se habere. Diuiditur in quatuor genera immediata. Primum, quod fundatur in quantitate, extendendo etiam hoc fundamentum ad alia prædicamenta, in quantum induunt modum quantitatis, seu secundum quod in eis attenditur vnitas, vel multitudo; ad quod sufficit vnitas transcendentalis eorum. Secundum in actione. Tertium in passionem. Quartum in mensurabilitate.

Primum ergo relationis genus diuiditur in eam quæ fundatur supra vnitatem; & in eam quæ fundatur supra numerum. Sub primo membro continentur relationes omnes identitatis, & diuersitatis; æqualitatis, & inæqualitatis; similitudinis, & dissimilitudinis; præsentia, & absentia; propinquitatis & distantia, & si quæ sunt alia huius generis. Ita tamen ut identitas, æqualitas, similitudo, præsentia, & propinquitas fundentur in vnitate absolute sumpta, & non formaliter ut est principium numeri: quia in huiusmodi rebus attenditur ordo secundum id, in quo extrema conueniunt. Vnde ibi, formaliter loquendo, non at-

tenditur numerus, ut patet in Petro, & Paulo, qui fundant relationem identitatis in natura humana, formaliter secundum quod sunt vnum, seu ut habent principium conueniendi; non verò secundum quod causant numerum, seu ut sunt principia differendi. At alia relationes, scilicet, diuersitas, inæqualitas, dissimilitudo, absentia, distantia, & similes fundantur in vnitate, non absolute sumpta, sed ut est principium numeri, quia in huiusmodi rebus potius attenditur id, in quo differunt & sunt plura; propter quod dici posset huiusmodi relationes fundari in numero, qui est secunda pars huius primi fundamenti. Sed melius dicitur fundari in vnitate: ut est principium numeri: quia in his relationibus non inuenitur numerus ex parte alicuius extremi, tanquam ratio fundandi, sicut cernitur in proportionibus numerorum. Relatio fundata in numero nomine incomplexo appellatur proportio, diuiditurque in proportionem æqualitatis, & inæqualitatis. Quæ rursus est duplex, alia appellatur inæquale excedens, quia est à maiori ad minus; & alia dicitur inæquale excessum, quia est à minori ad maius; quarum species, ne eadem repetamus, commodius asseremus agendo de Arithmetica, ad quam pertinet exacta numeri consideratio.

Duo alia genera relationum, quæ scilicet fundantur in actione, & passionem, diuiduntur in relationes causæ, & effectus, actionis, & motus, seu mutationis, propinquitatis & recessus, secundum quod ista ex motu pendunt, & vnaquæque potest diuidi in varias species secundum varias rationes causæ, & effectus, sicut alia est relatio causæ efficientis, vel materialis, vel formalis, &c. & alia est relatio fundata in motu generationis, vel alterationis, &c. vno verbo duo hæc genera diuiduntur in varias species iuxta diuisiones ipsius actionis, & passionis, quas statim adducemus.

Quartum genus diuiditur in relationem ad mensuram, quæ est obiectum, vel quæ est exemplar, seu prototypus.

Re-

Relatio ad obiectum, in relationem potentiae, vel habitus, aut actus. Et unaquaeque in varias species, secundum quod est potentia actiua, vel passiua, cognoscitiua, vel appetitiua, & illa in varias species cognoscitui. Et similiter exemplaria diuersas relationes specie fundare possunt, pro ut diuerso modo exemplare & ideare dicuntur.

Coordinatio predicamenti Actionis & passionis.

Actio naturalis, passio, & motus ita inter se formaliter secluso intellectu iuxta probabiliorum sententiam distinguuntur, ut tamen in una entitate saltem modali identificentur, quae quatenus est actus agentis dicitur actio, quatenus vero est actus patientis, & receptio termini producti dicitur passio, quatenus est via ad terminum dicitur motus. Actio qua actio dicit formaliter respectu ad agens, qua passio ad patiens, seu ad subiectum, qua motus dicit tantum viam, & fluxum ipsius termini.

Actio igitur bene definitur causalitas agentis, actus secundus potentiae operariae, vel melius accidens a quo res constituitur actu producentis.

Passio vero actualis receptio termini, actus secundus potentiae passivae, siue accidens a quo res constituitur actu recipiens.

Motus vero definitur transitus, & fluxus ipsius termini, vel via ad terminum.

Actio ergo genus generalissimum, primo diuiditur in transeuntem, & immanentem, iuxta opinionem probabilis quod actio immanens non sit de predicamento qualitatis. Immanens in cognoscitiuam, & volitiuam seu appetitiuam, & utraque in corporalem, & spirituales. Corporalis cognoscitiua in actiones sensuum interiorum & exteriorum. Spiritualis cognoscitiua in intellectualem, qualis est in Angelo, diffusiuam qualis est in nobis, supernaturalem ut visio beata. Et quaelibet istarum in diuersas species iuxta diuersas

Biblioth. Theol. Tom. IV.

obiecta. Appetitiua corporea in varias passiones. Appetitiua spiritualis in varias species actuum naturalium & supernaturalium, & quilibet illorum iuxta diuersa obiecta in varias alias species. Actio transiens videtur primo diuidenda in artificialem, & naturalem. Artificialis per infinitas species artis, ut aedificare, pingere &c. Naturalis in substantialem, & accidentalem: substantialis est generatiua, quae per diuersos terminos suae productionis variatur. Accidentalis in augmentationem, alterationem, & motum localem, & unaquaeque in varias species athomas, ut motus localis in circularem, & directum &c. seu iuxta diuisionem ubi, quod est terminus eius. Alteratio in intensiorem, remissionem, &c. seu iuxta diuisionem primae & tertiae speciei qualitatis: haec enim solae producuntur per veram actionem, ceterae autem per emanationem.

In predicamento passionis eadem species ponendae sunt, quae in actione productiua ex subiecto. & sic si in generatione substantiali inuenitur vera passio predicamentalis, sicut inuenitur in alteratione, & alijs motibus, iam passio prima diuisione diuidetur in substantialem, & accidentalem, seu in generationem passiuam, & motum. Illa diuiditur iuxta diuisionem generabilium in arbore substantiae adductam; haec vero iuxta diuisionem motus in augmentationem, & alterationem, & lationem passiuam. Augmentatio passiuam est species infima; quia quantitas, quae est terminus eius, nempe corpus, est species athoma. Alteratio vero passiuam diuiditur iuxta diuisionem primae, & tertiae speciei qualitatis. Denique latio passiuam, seu passio, quae inuenitur in motu locali, diuiditur iuxta diuisionem ubi, quod est terminus eius. Vniuersaliter notandum est circa predicamentum passionis, ad ipsum solum pertinere illas, quae ex natura sua presupponunt, & sequuntur actionem predicamentalem, seu quae habet pro principio operandi potentiam operatiuam de genere qualitatis. Unde

L non

non datur vera passio huius prædicamēti, quando proprietates recipiuntur in essentia, neque quando alia accidentia, per accidēs producta recipiuntur in subiecto. Quæ etiam de causa creatio passiva creaturarum non est passio huius prædicamēti; quia creatio actiua Dei, quam per se præsupponit non est vera actio prædicamentalis. Dicitur fuit illas solas passiones pertinere ad hoc prædicamentum, quæ ex natura sua præsupponunt actionem prædicamentalem, quia si Deus per seipsum calefaceret, aut moueret localiter lignum, verè in hoc esset passio prædicamentalis, media quæ reciperet calorem, aut ubi; quamuis actio diuina, quam tunc præsupponeret, non esset prædicamentalis; quia hoc esset per accidens, quippe cum talis passio ex natura sua petat actionem causæ creatæ.

*Coordinatio Prædicamenti
Vbi.*

Genus supremum, quod est ubi, definiturque accidens resultans in corpore ex circumscriptione loci, vel latius, accidens quo res est in loco, diuiditur ab aliquibus in tres species scilicet circumscriptum, definitum, & supernaturale, seu sacramentale. Definitum ubi est præsentia spirituum creatorum in loco, ratione cuius sunt toti in toto, & toti in qualibet parte, cum sint substantiæ indiuisibiles, quæ præsentia secundum diuersos modos operandi in loco poterit variari. Sed iuxta probabiliorem sententiam ubi Angelicum non pertinet ad hoc prædicamentum: est enim præsentia virtutis, non præsentia locati, & vbicati. Si quæ tamen diuisio illi conuenit, potest esse in ubi actiuum, quo est in loco operando, & passiuum, quo est in loco per alligationem. Similiter ubi sacramentale, seu modus existendi in loco, quem habet corpus Christi Domini in Eucharistia non pertinet directè, & per se ad hoc prædicamentum; si quidem Christus in Eucharistia est per modum, quo substantia comparatur, aut contine-

tur à dimensionibus, non verò per modum, quo dimensiones comparantur, aut continentur à loco. Et ideo Christus per præsentiam sacramentalem, formalitet loquendo, solum fit præsens speciebus sacramentalibus non autem loco, aut spatio ipsarum: sed hoc habet per accidens, per ipsum ubi circumscriptum specietum. Et ita Christus in Eucharistia per accidens est in loco, & per accidens mouetur in illo: ac proinde per modum localem specierum non acquiritur, & deperditur ubi sacramentale, sed tantum ubi circumscriptum earum.

Sic ergo probabilius est, ubi circumscriptum esse genus supremum huius prædicamenti, cuius sex species constituit Arist. 3. physic. textu 45. Sursum, videlicet, & deorsum; antè, & retrò; dextrorsum, & sinistrorsum; quamuis alij tot species loci ponant quot sunt distantie.

*Coordinatio Prædicamenti
Situs.*

Supremum huius prædicamenti genus est situs in communi, qui definitur accidens disponens partes in loco, cuius duas species subalternas assignat Albertus Magnus; scilicet poni rectè, vel inflexè, seu æquè, & non æquè situatum esse. Sub positione inflexa continentur infinitæ species, ut fissionis, cubationis, genuflexionis &c. ponitur etiã asperum, & lene; rarum, & densum; secundum quod dicunt æqualitatem, vel inæqualitatem partium. Nam asperum est id, cuius partes sunt alie alijs eminentiores; lene verò cuius partes quasi in recto positæ sunt. Rarum similiter est, cuius partes distant; densum verò cuius partes prope sunt. Quæ omnia satis parent ad dispositionem partium in loco pertinere.

Sunt qui alio modo hoc prædicamentum coordinent, ita ut prima diuisione diuidatur in situm naturalem, & præternaturalem, seu ex appetitu & inclinatione animalis acquisitum. Constat enim

enim vnicuique corpori determinatum conuenire aliquem situm à natura, seu à natuiritate, vt homini, quod caput sit superiori loco; alie verò partes in loco magis, vel minus infimo. Quod non inuenitur in alijs corporibus. Nam planta habet caput, scilicet, radicem in loco inferiori; ramos vero in superiori. Animalia verò bruta quasi medio modo se habent. Et hinc sumi possunt diuersæ species situs naturalis. Præternaturalis etiam, seu ex appetitu animalis acquisitus, qualis est in homine, sedere, iacere, & similes, suas habet species. Nā sessio diuerso modo disponit partes in ordine ad locum, ac iacentia, non solum in diuersis corporibus, sed etiam in vno, & eodem.

Coordinatio Prædicamenti Quando.

Quando est id, quod ex adiacentia temporis relinquitur, siue, quando est accidens quo res est in tempore. Sicut enim ex circumscriptione extrinseca loci resultat in re locata Vbi, per quod formaliter dicitur esse in loco; sic ex insidentia extrinseca temporis mensurantis res temporales resultat in eis, quando, per quod formaliter dicuntur esse in tempore.

Qui existimant hoc prædicamentū esse durationem creatam, seu modum quemdam, aut accidens, quod facit rem durare, diuidunt illud in tempus æuum, modum æui, & modum æternitatis. Tempus diuiditur in continuum, & discretū, secundum motum continuum, vel secundum operationes diuersas. Aeuum conuenit rebus incorruptibilibus. Modus Aeni rebus instantaneis. Modus æternitatis visioni beatificæ, quæ immutabilis est ex natura sua. Qui verò existimant, & probabilius, quando solum esse adiacentiam temporis, etiam si sit vnum, ex diuerso tamen ordine, quem res mensuratæ habent ad diuersas partes ipsius, diuersas etiam species huius prædicamenti assignant; ita vt primò diuidatur in quando, ratione cuius res di-

cuntur fuisse in tempore; & in quando, ratione cuius res dicuntur esse; & in quando ratione cuius res dicuntur futuras esse. Secunda species dicitur, *hodie*, & est species infima, quia in tempore præfenti non sunt diuersæ partes vnde possint sumi diuersa quando. Alie duæ sunt quasi subalterne; & sub prima continentur, *heri*, nudius tertius, superiori anno &c. sub secunda vero *cras*, *postridie*, sequenti anno &c. sicut enim quælibet vnitas variat speciem numeri, ita quælibet differentia temporis variat species quando, quod est numerus successiuus. Quæ diuisiones dantur solum in re fundamentaliter, cum diuisio, & numeratio temporis actualiter fiat solum per intellectum.

Coordinatio Prædicamenti Habitus.

Habitūs, qui est supremum genus definitur, corporum, & eorum, quæ circa corpus sunt adiacentia, ita vt habitus dicatur mediare inter corpus, & ea, quæ circa corpus sunt per modum cuiusdam actionis & passionis, in quantum, medio illo, corpus ornatur, & ea, quæ circa corpus sunt, ornant; ac proinde hæc debent esse omnino extrinseca corpori; sicut locus est extrinsecus rei locatæ, & tempus rebus quæ ab eo mesurantur. Quam ob causam, vngulæ, cornua, pili, lana, cæteraque huiusmodi arma, & indumenta proportionata, quæ à natura acceperunt animalia irrationalia, non pertinent ad hoc prædicamentum, cum talia arma, & indumenta sint veræ partes animalium, & non aliquid extrinsecum.

Potest primò diuidi in habitum, qui resultat ex adiacentia armorum, ratione cuius dicimus res esse armatas, loricas, galeatas, & in eum qui resultat ex adiacentia vestium, seu in arma, & vestimenta. Arma in offensiuæ, & defensiuæ, quorū vnumquodque varias habet species. Vestimenta, in vestimenta hominum & bestiarum, quatenus in ordine ad humanos vsus aliquibus extrinsecis vesti-

bus indui solent. Sicut equi ornantur ephipio, fræno, armis &c. Vestimenta in varios modos induendi secundum diuersam adiacentiam, tam toti corpori, quam singulis ipsius partibus, vt tunica, calceamentû, pileus, toga &c. Quæ species non sumuntur penes materiam, vel artem qua fiunt vestes, sed ex diuerso modo quo vestiunt, & amictant. Reducuntur etiam ad hoc prædicamentum, ornamenta parietum, quæ propriè non sunt vestes.

De Postprædicamentis.

Hæc est tertia pars huius libri, in qua per quinque capita differit Aristoteles, de quibusdam modis, qui vel ad omnia, vel ad plura genera consequuntur, & velut quædam generales passionis sunt, sicut antepædicamenta sunt quædam prærequisita, & præambula ad fundanda prædicamenta, seu coordinationem eorum. Sunt autem isti modi quinque; scilicet *Oppositio, prius, simul, motus, habere*. Quorum ratio est, quia cum decem genera distinguantur, ad ea discernenda, & coordinanda necessario sequitur oppositio, super quam distinctio fundatur. Item coordinationem sequitur prius, & posterius, nec non etiam simultas saltem in tempore, sicut datur prius & posterius in ordine, causalitate & natura. Et hæc tria scilicet *oppositio, prius, & simul* omnia genera consequuntur. Motus autem, seu mutatio ad quatuor genera per se sequitur, scilicet ad substantiam quæ mutatur generatione, quantitatem, quæ augmentatione, qualitatem, quæ alteratione, Vbi, quod motu localis. Per accidens autem ad istorum mutationem omnia alia genera mouentur. Denique omnia genera, quæ accidentia sunt, aut habent aliquid, id est, proprietates & accidentalia prædicata, aut habentur à substantia, quæ illa recipit, & sic habere ad omnia genera sequitur, vel actiue, vel passiue.

De oppositione.

Oppositio dupliciter accipi potest, primo latè, pro vt idem est, ac repugnantia aliquorum ad simul conueniendum alicui, comprehenditurque disparata, quorum vnum non determinat sibi aliud cui repugnet, sed indifferenter repugnat omnibus à quibus in essentia distinguitur. Secundò sumitur oppositio propriè, vt condistinguitur à disparatis, & definitur determinata aliquorû repugnantia, ita vt propria ratio oppositionis addat supra repugnantiam vt sic, determinationem alterius extremi, seu termini cui repugnet.

Sic propriè sumpta oppositio diuiditur in oppositionem priuariam, contrariam, contradictoriam & relatiuam: quia, vel repugnantia, quam importat oppositio, est inter ens, & non ens, vel inter ens, & ens? Si primum, vel inter ens, & non ens simpliciter? & sic est oppositio contradictoria; vel inter ens, & non ens in determinato subiecto? & sic est oppositio priuatiua. Si secundum vel ens, & ens mutuo se expellunt? & sic est oppositio contraria, vel se respiciunt? & sic est oppositio relatiua.

De modis prioris.

Dantur quinque modi quibus aliquid dicitur esse prius alio. Primus est, quando aliquid est prius alio prioritate temporis. Secundus, quando aliquid dicitur prius prioritate consequentiæ: quia scilicet, ab eo ad aliud non valet consequentia, vt animal respectu hominis. Tertius, quando aliquid est prius prioritate ordinis; nempe quando habet habitudinem principij vel partis respectu alterius, vt litteræ respectu syllabæ, exordium respectu narrationis. Quartus est quo aliquid dicitur prius prioritate dignitatis, seu honoris. Quintus tandem modus est, quo aliquid dicitur prius alio prioritate naturæ, quare, nimirum, licet inter se conuertantur, ta-

men

men vnum est causa alterius.

Sunt qui præter hos modos ponant prioritatem originis in processione personarum diuinarum, in qua sine antecedentia durationis, vel causalitatis datur processio. Sed quia in diuinis, vt fides docet, nihil est prius, aut posterius, conuenientius vocatur ordo originis, quam prioritatis. Et ita absolute dixit S. Thom. 1. p. q. 42. artic. 3. *Quod in diuinis oportet esse ordinem originis, absque prioritate.* Per quod etiam patet, quibus modis possit aliquid dici posterius alio. Nam, priori formaliter opponitur posterius; non vero similtas vt statim dicemus.

De modis simul.

TRipliciter potest dici, aliquid esse simul cum alio. Primo similtate temporis, vt duo eodem tempore nati. Secundò similtate naturæ, quando scilicet, vnum cum alio conuertitur, & neutrum esse causa alterius, vt duo relata opposita formaliter considerata. Tertio tandem modo dicuntur esse simul differentie diuinae eiusdem generis, præcisè secundum quod cõparantur ad genus.

Notandum est, similtatem non opponi præcisè prioritati, nam priori formaliter opponitur posterius; similtas ergò directè solum opponitur successioni inter prius, & posterius, ideoque modi simul sunt tres tantum, quorum primus opponitur primo modo prioritatis; secundus opponitur secundo, & quinto, qui sunt prioritates naturæ. Tertius, scilicet similtas ordinis, seu diuisionis generis opponitur tertio modo prioritatis. Sed quarto modo prioritatis, scilicet dignitati non opponitur similtas, quia ibi non est successio, & tamen par dignitas potest in hoc modo dici similtas in dignitate.

De motu.

E Numerantur sex species motus, (non quia propriè sint species alius veti generis, cum sint viæ quæ-

dam, & entia incompleta, sed eo sensu, quo quælibet membra diuidentia cuiuscumque diuisi solent largo modo appellari species.) Dux primæ sunt mutationes substantiales, scilicet generatio, & corruptio. Dux sequentes sunt motus quantitatis scilicet augmentatio, & diminutio. Quinta est secundum qualitatem, scilicet alteratio. Sexta secundum locum, scilicet motus localis.

De modis habere.

HAbere sumitur in præsentī communiter, pro vt idem valet, ac possidere quocumque modo, siue per inhaerentiam, siue per relationem; habere enim, seu habitus in hac acceptione, solum consequitur prædicamenta, estque post prædicamentum; si quidem habere, seu habitus sumptus, vt est quoddam medium per modum actionis, & passionis inter habentem, & rem habitam, ratione cuius dicimur vestitos, aut armatos esse, constituit speciale prædicamentum habitus. Similiter habitus sumptus, pro vt significat id, quo res se habet bene, vel male, vel in seipsa, vel in ordine ad aliquid aliud. Quo sensu solemus inquirere: *quomodo te habes*; pertinet ad prædicamentum qualitatis, estque prima species eius.

Habere igitur primo modo sumptum solet ordinari per octo modos diuidi. Primò habere qualitates, vt virtutes, & vitia. Secundò habere quantitatem, vt tricubitam vel bicubitam. Tertio habere circumstantia nostra, vt vestes. Quarto aliquid in membro, vt anulum in digito. Quintò habere membrum ipsum, vt manum, aut pedem. Sextò habere aliquid in vase, vt vinum, vel triticum. Septimò habere possidendo vt agrum, domum. Octauò cohabitando, vt habere uxorem.

Summa intentionum Logicalium qua in vocibus simplicibus fundantur; spectantque ad directionem primæ operationis intellectus.

Cum obiectum formale Logicæ nõ solum sint secundæ intentiones quæ fundantur in rebus, sed etiam illæ quæ fundantur in vocibus, si quidem summo opere iuuant, ut de qualibet re, recta & sine errore notitia comparetur; postquam in superioribus breuiter egimus de secundis intentionibus principaliter fundatis in rebus: nam res sunt quæ propriè denominantur genus, species &c. Superest adhuc agere de secundis intentionibus fundatis in vocibus simplicibus, scilicet de terminis & eorum proprietatibus ad primam intellectus operationem spectantibus. Quia autem significatio est id, ratione cuius voces, aut scripturæ dicuntur termini, sub qua proindè consideratione pertinent ad institutum Logicum: opere pretium est, antequàm de ipsis terminis agamus, breuiter explicare quid sit significare, seu esse signum, & quor modis cõtingat.

De natura Signi in communi.

Signum in communi abstrahendo à signo formali, & instrumentali, definitur esse id quod repræsentat aliquid aliud à se potentiæ cognoscenti, nam vulgaris illa definitio, quæ ex D. Augustino circumferri solet; signũ est, quod præter species, quas ingerit sensui facit aliquid aliud in cognitione venire, solum instrumentali signo competir.

In definitione ergò allata signi in communi duo concurrunt. Primum est ratio manifestatiui, seu repræsentatiui. Secundum ordo ad alterum, scilicet ad rem quæ repræsentatur, quæ debet esse diuersa à signo, & ad potentiam cui manifestat, ac repræsentat rem à se distinctam. Et quauis manifestatiuum vt sic non dicat relationem, tum quia po-

test saluari in ordine ad se, & sine respectu ad alterum, vt quando aliquid obiectum videtur per se ipsum, tum etiam quia potest aliquid manifestare alterum sine dependentia ab ipso, imo potius per dependentiam alterius à se; sicut manifestant principia cõclusiones, Deus clarè visus, creaturas; quia tamen manifestatiuum signi inuenitur, & cum ordine ad alterum, quia nihil seipsum significat, licet se repræsentare possit; & cum dependentia, quia signũ semper est minus significatio, & ab ipso vt à mensura dependet; potest esse difficultas an formalis ista ratio signi consistat in relatione secundum esse primò & per se, sumẽdo pro modo relationem secundum esse, pro ea quæ purè relatio est, siue realis, siue rationis, & non aliquid absolutum; an verò in relatione secundũ dici, seu in aliquo absoluto, quod fundet talem relationem.

Qua in re diuisi sunt authores, existimantibus aliquibus rationem signi in communi non consistere in respectu secundum esse ad rem significatam, & ad potentiam, sed in respectu secundum dici, seu in aliquo absoluto fundante illam relationem; & assignant pro ratione signi, hoc quod est esse ductiuium cognitionis ad aliud. Verum alij probabilius putant rationem signi formaliter loquendo non consistere in relatione secundum dici, sed secundum esse. Dicitur formaliter loquendo, quia materialiter, & præsuppositiue dicit rationem manifestatiui, seu repræsentatiui alterius, quod sine dubio non importat solam relationem secundum esse. Formaliter autem ratio signi non consistit tantum in hoc quod est repræsentare, seu manifestare aliud à se, sed in tali modo repræsentandi, quod est repræsentare aliud tanquam quid inferius ad illud, vt minus principale ad magis principale, vt substitutum, & vices gerens, ad id pro quo substituitur, & cuius gerit vices, vt mensuratum ad suam mensuram, tantò enim melius signum significat quantò propinquius se habet ad signatum in se:
sed

sed relatio mensurati ad mensuram est relatio secundum esse pertinet ad tertium genus, ergo & relatio signi ad signatum.

Hinc apparet discrimen inter rationem manifestatiui, seu representatiui, & significatiui, quod manifestatiui, seu representatiui principaliter respicit potentiam, ut terminum ad quem tendit, vel quem mouet, quod sine aliqua relatione dari potest, quæ sit relatio secundum esse, ipsi enim obiecto per se, & directe conuenit representare, & tamen obiectum non consistit in relatione secundum esse ad potentiam: imo per se loquendo non respicit potentiam, aut ab ea dependet, sed potentia ab ipso tanquam à suo specificatiuo. At verò significare, seu significatiuum esse directe sumitur per ordinem ad signatum pro quo substituitur, & cuius vices gerit, tanquam medium, quo signatum ducitur & deferretur ad potentiam, in hoc enim ministrat, & deferuit signum ipsi signato, quod deferret illud, & præsentat potentie, tanquam deficiens representatiuum, suum principale representabile; Quemadmodum etiam in ministro, aut substituto alterius, duo sunt consideranda, subiectio scilicet, ad alterum cuius vices gerit, ut ad principale, & effectus pro quo ministrat, & cuius vices gerit. Sic ergo signum, quamuis in representando respiciat potentiam, ut ei signatū manifestet, quia ad hunc effectum destinatur, & in hac præcisa consideratione ad potentiam, non petat consistere in relatione secundum esse, tamen in subordinatione ad signatum, quatenus respicit ipsum, ut principale, & ut mensuram sui, necessario debet in relatione ad ipsum formaliter consistere.

Hæc autem relatio signi ad signatum, in qua essentialiter consistit ratio signi, in signis naturalibus realis est, & non rationis, quantum est ex se, & ex vi sui fundamenti, supponendo existentiam termini, cæterasque conditiones, quas ad relationem realem prædicamentalem requiri dicemus in Metaphysica.

At in signis ad placitum, in quibus etiam ratio signi per relationem ad signatum explicanda est, talis relatio est rationis; nec consistit tale signum in extrinseca denominatione, qua redditur impositū, seu destinatum à republica ad significandum, ut volunt aliqui, eo quod sine illa fitione intellectus per solam ipsam impositionem denominatur signum. Verum hæc impositio requiritur solum tanquam fundamentum relationis, & rationis signi, quia per illam habilitatur, & destinatur aliquid ut sit signum, sicut per hoc quod proportionatur, & connectitur aliquid signum naturale cū tali signato fundat relationem signi ad ipsum. Itaque ex denominatione illa extrinseca destinationis & impositionis confurgit veluti duplex relatio rationis. Prima communis omni extrinsece denominationi, quatenus concipitur per intellectum ad modum formæ, & relationis denominantis, ut esse visum ad videntem. Alia est relatio particularis, qua vna denominatio distinguitur ab alia; destinatio enim, & impositio reipublicæ ad varia munera esse potest, quæ non nisi relatione distinguuntur ad ea, ad quæ exercenda deputantur, sicut deputatur, & instituitur aliquis, ut sit præses, doctor, iudex, & aliqua ut sint signa, vel insignia horum munerum, & similiter voces destinantur, ut humanæ conuersationi deferuiant. Hæc munera ex destinatione, & impositione reipublicæ oriuntur, quæ denominatio extrinseca est. Cæterum distinguuntur, quia præses ordinatur ad tales subditos regendum, doctor ad instruendum, iudex ad iudicandum, quæ distinctiones per relationes explicantur, & non aliter. Idem dic de alijs signis ad placitum quamuis in denominatione extrinseca impositionis fundentur. Atque adeo cessante relatione dicuntur talia signa manere solum fundamentaliter, quatenus illa destinatio & impositio autoritate publica facta moraliter dicitur manere, aut virtualiter.

Disiunctum fuit statim relationem signi ad

ad signatum in signis naturalibus esse realem, quod intelligendum est ex ea parte præcisè qua respicit signatum, geritque vices obiecti, ex illa enim parte qua signum etiam præsuppositiue respicit potentiam tanquam obiectum, & quid prius ab illa cognitum, ut per illud tendat potentia ad signatum, quod contingit in signis instrumentalibus, respicit illam solum relatione rationis. Per quod facile soluitur illa difficultas, utrum in signis externis, & quæ prius cognoscuntur, quam ducant ad signatum, sit eadè relatio signi ad signatum, & potentiam. Si enim potentia, & signatum considerentur, ut termini directè attracti per relationem, necessariò exigunt duplicem relationem in signo iam explicatam. At si consideretur potentia, ut terminus solum in obliquo attractus, sic vnica relatione signi attingitur signatum, & potentia, & hæc est propria, & formalis ratio signi. Quomodo autem eadem relatio possit attingere in recto signatum, & potentiam in obliquo; reliquis varijs doctorum explicationibus, illa videtur adæquator, quod signum respicit potentiam in obliquo, quatenus in ipso signato includitur esse manifestabile potentia, & ita cum signatum nõ respiciatur, ut est aliquid absolutè in se, vel secundum alium ordinem, sed ut manifestabile potentia, necessariò ipsa potentia tangitur in obliquo ab illa relatione, quæ attingit signatum, non sub alia consideratione quam ut manifestabile potentia. Sicut est in amicitia ordo ad bonum quod volumus amico; nec enim terminatur ordo ille ad bonum volitum absolutè, sed ut est referibile amico, & amicus ut terminus illius boni in obliquo eandem relationem terminat; licet non ut obiectum directum, sed ut inclusum in obiecto directo, eo quod respicitur illud ut ad istud, & non absolutè.

Verum quidem est, quod ut signum respiciat signatum hoc modo, id est, ut manifestabile potentia, prærequiritur essentialiter, quod ipsum signum alia relatione respiciat potentiam, vel man-

quam obiectum apprehensibile, vel tanquam forma constituens ipsam apprehensionem, si sit signum formale, & sic deferuiat ad deueniendum in noticiam alterius, ut signum instrumentale, vel formale. Cæterum ista relatio signi ad potentiam, non est signi, ut signum, formaliter, sed ut obiecti vel formæ; præsuppositiue autem ad signum requiritur, quia etiam est obiectum mouens potentiam, & nisi moueat ut obiectum non manifestabit ut signum, sicque ita formaliter vna relatio distinguitur ab alia, ut tamen relatio ipsa signi formalissimè loquendo, ut signum est, vna & eadem existens, respiciat potentiam in obliquo, signatum verò in recto; quod est simpliciter habere vnum terminum.

Duo solum circa naturam signi in communi, seu secundum se, supersunt breuiter explicanda. Primum utrum significare sit formaliter causare aliquid in genere causæ efficientis? secundum utrum in brutis, & sensibus externis vera ratio signi reperiatur? circa primum certum est non esse difficultatem de signo, & significatione pro ipsa relatione, in qua formaliter signum consistit, cum relatio nullo modo sit effectiua, sed pure respectiua ad terminum, respicere autem non est efficere. Tota ergo difficultas est de fundamento signi, & significationis, quatenus repræsentat potentia cognoscitiua aliquid pro quo substituitur, & vices gerit in repræsentando ipsum potentia. An nimirum ista deductio, & exhibitio sui significati ad potentiam sit aliqua effectio? cui difficultati respondent communiter Discipuli D. Thomæ, significare, seu repræsentare nullo modo esse à signo effectiue, nec significare loquendo formaliter esse efficere. Itaque hæc propositio signum efficit nunquam est formalis, & in quarto modo per se. Nam quod Sacramenta V.g. dicantur efficere in quantum significant; aut quod in voce, ex doctrina D. Thom. 3. p. qu. 64. artic. 4. ad 1. sit virtus quædam ad excitandum animum alterius proueniens in voce, in quan-

quantum procedit ex conceptione loquentis, non est, quia in Sacramentis significatio sit formaliter effectio, sed quia significatio adiungitur, & alligatur efficientia, vel modo morali, quatenus practica sunt, & ab imperio Dei, & voluntate practica ministri procedunt non precise enuntiando, sed ad opus dirigendo, vel etiam modo physico, ex Dei imperio accipiendo virtutē ad producendam gratiam. Similiter illa virtus excitatiua in voce, cui S. Doctor loco citato comparat virtuosum illum motū quo Deus mouet, & virtus Sacramentis ad producendam gratiam, eo quod Sacramenta sunt sicut quædam signa, & voces Dei excitantis nos ad gratiam, ipsamque producentis; hæc inquam, virtus excitatiua in voce, non est ipsa significatio actualis seu significare vocis, cum potius ad hoc aliquis excitetur, vt ad vocis significationem attendat, sed est vsus ipse intellectus loquentis, & manifestantis per vocem suam conceptum, qui vsus est aliquid præter significationem, cum vocem ipsam significantem applicet vt alter attendat, & sic à proferente vocem, & vtente illa procedit effectiue talis excitatio, & excitatiua vis quasi energia quædam latens, à voce autem significante representatiue, & obiectiue mouente. Nec disputatur modo, an illa vis, & vsus vocis sit aliquid physice virtutis superadditum voci, vel quid morale, sufficit enim ad propositum, quod illa excitatio, vt effectiue se habet siue moraliter siue physice, non est ipsum significare, nec à signo, vt signum est, procedit effectiue, nisi quis fortè significationem ipsam, moraliter, seu metaphorice, aut potius grammaticaliter velit actionem, & efficientiam appellare.

Si ergo inquirat aliquis? quid sit manifestare, & significare, si neque est excitare, neque emittere species, neque producere cognitionem effectiue? respondendum est, quod est vice obiecti, seu signati reddere obiectum præsens potentie. Præsentia autem obiecti in

Biblioth. Theol. Tom. IV.

actu primo, vel secundo in potentia pendet à multis causis, à producente species, vel applicante obiectum effectiue; à potentia generante notitiam, etiam effectiue, ab obiecto se præsentante formaliter extrinsecè, seu specificatiue, à signo vt substituto vice illius in eodem genere causæ formalis extrinsecæ, non effectiue. Quod signum dicitur propterea instrumentale obiectiue non effectiue, id est vice obiecti significati, quod in quantum exerceat causalitatem obiectinam respectu potentie, & repræsentat se, non facit id effectiue, sed solum se habet, vt forma extrinsecæ, quæ ab alio efficiente, applicatur & præsens redditur per speciem ipsi potentie; sicut in naturalibus forma præsentiam sui exhibet in materia, sed pro vt à forma non est illa præsentia effectiue, sed formaliter, effectiue autem sit ab applicante, & vniente formam.

Circa secundam difficultatem vtrū in brutis, & sensibus externis sit vera ratio signi? certum est etiam, bruta & sensus externos non vti signis per comparisonem & collationem, quæ discursum exigit; controuersia ergo potest esse, an sine discursu detur propriè vsus signorum ad cognoscendum res significatas. Pro quo dico cum D. Thoma, q. 24. de verit. artic. 2. ad 7. quest. 9. art. 4. ad 10. 1. Metaph. lect. 1. Bruta animalia propriè vti signis, tam naturalibus, quam ex consuetudine non solum quantum ad sensus internos, sed etiam externos, loquendo de signo instrumentali, nam de signo formali pendet ex dicendis sequenti paragrafo, an species, vel actus cognoscendi sint signa formalia. Itaque ad rationem signi nihil aliud requiritur, nisi vt repræsentet aliud à se, & sit medium ducens ad aliud, siue quod ex vno cognito ad aliud cognitum deueniatur, quod verò fiat per discursum ex vna cognitione deueniendo ad aliam, aut comparando, & cognoscendo habitudinem vnius ad aliud non petit. Vnde in brutis, & in nobis reperitur ratio signi vniuoca, quia ratio signi non pen-

M dēt

det ex modo quo potentia vtitur illo discurrendo, vel comparando aut simplici modo attingendo, sed ex modo quo signum repræsentat, id est reddit præsens aliud à se obiectivè, quod eodem modo præstat, siue potètia simplici modo cognoscat, siue discursivo.

Ex dictis facilè colligitur, quæ conditiones desiderentur ad hoc, ut aliquid sit signum, essentialiter enim consistit in ordine ad signatum ut ad rem distinctam, potètiæ manifestabilem, & ita signatum, & potentia non sunt ex conditionibus requisitis, sed ex essentiali ratione. Requiritur similiter ratio repræsentatiui, sed ex parte fundamenti, ideoque repræsentatiuum ut sic non est relatio prædicamentalis, etiam si alterius repræsentatiuum sit, sed transcendentalis, & in signo fundat relationem mensurati ad signatum, quæ prædicamentalis est. Tandem consequuntur ad hæc tres præcipuæ conditiones in signo. Prima, quod sit notius signato, non secundum naturam, sed quo ad nos. Secunda quod sit inferius, seu imperfectius signato. Tertia, quod sit dissimile ipsi. Vnde vna imago non dicitur signum alterius imaginis, & vniuersaliter, quæcumque eiusdem speciei in quantum talia, non se habet vnū ut signum alterius, quia vtrumque est æque principale, & vnum simile dicitur repræsentare, seu manifestare aliud simile, ut correlatiuum, non ut repræsentatiuum, id est, ea generali ratione, qua vnum relatiuum dicit ordinem ad correlatiuum illudque includit, quia simul natura & cognitione sunt correlatiua, non ea speciali ratione, qua vnum repræsentatiuè se habet ad aliud, & munus exercet repræsentandi alia obiecti potètiæ.

Denique constat ex dictis quomodo signum & imago differant inter se. Nam in primis, nec omnis imago est signum, nec omne signum imago; siquidem potest imago esse eiusdem naturæ cum eo cuius est imago, ut filius cum patre in diuinis; & tamen non est illius signum; multa etiā signa non sunt ima-

gines, ut fumus ignis. Ratio ergo imaginis consistit in hoc quod procedat ab alio, ut à principio, & in similitudinem eius, potestque esse ita perfecte similis suo principio, ut sit eiusdem penitus naturæ cum ipso. De ratione verò signi non est, quod procedat ab alio in similitudinem, sed quod sit medium ductiuū illius ad potèntiam, & substituatur pro illo in repræsentando, ut aliquid eo imperfectius & dissimilius. quod tamen non debet intelligi quasi signum deficienter se habeat ad signatum, aut quasi deficienter & imperfectè repræsentet; deficient enim repræsentatio & imperfecta non est de ratione signi ut sic, sed accidit illi; sufficit solum quod ex se sit subseruiens signato, & vices gerens obiecti repræsentati, substituaturque loco illius, si quidem in quantum tale est semper quid inferius, & imperfectius eo, pro quo substituit. & sic debet intelligi secunda conditio signi statim allata.

De diuisione signi.

Signum cuius naturam in communi superiori capite breuiter explicuimus, primò diuiditur in signum formale, & instrumentale. Signum formale est illud, quod scipso, & absque præiua sui cognitione aliquid repræsentat; instrumentale verò, quod præsupposita cognitione sui, aliquid aliud repræsentat. Hanc diuisionem esse adæquatam concors est Philosophorum sententia, cum illius membra diuidentia reducantur ad contradictoria, sicque exhaustiant totum diuisionem; nam cum omne signum sit medium ductiuum ad aliud, vel tale medium est prius cognitum, ad hoc ut aliud cognoscatur, vel non; si est prius cognitum denominatiuè seu obiectivè, est signum instrumentale; si verò non est prius cognitum obiectivè, & tamen repræsentat aliud, quia est ratio qua illud redditur cognitum intra potèntiam, non extra, ut obiectum cognitum, est signum formale.

Maiores ergo difficultates est an prædicta

Et diuisio sit analogica, vel vniuoca; quidam enim existimant deesse signo formales condiciones essentialiter requisitas ad signum, quatenus non habet rationem medij, sed termini, vt patet in verbo mentali, quod est terminus intellectus; nec facit cognitionem mediatam, sed immediatam; nec ponit in numero cum obiecto, vt reddatur cognitum. Atque adeo colligunt signum formale non esse verè, & propriè tale, sed impropriè solum, & per quamdam analogiam. Nihilominus sententia opposita, tribuens signo formali veram rationem signi, probabilior esse videtur, & conformior menti D. Thomæ, quodlib. 4. artic. 17. vbi inquit, *quod vox est signum, & non signatum, conceptus autem est signum, & signatum, sicut & res*; quæst. 4. de verit. art. 1. ad 7. & quæst. 9. artic. 4. ad 4. Et si enim loquendo de signo respectu nostri, seu pro vt deseruit nostræ cognitioni, quatenus indiget manu ductione externa obiecti, deinde formatione per conceptus & formas intelligibiles, ratio signi proprius & principalis inueniatur in signo sensibili & instrumentali, quam formali vt docet S. Thomas in 4. dist. 1. q. 1. art. 1. quæstionum. 2. & 3. parte q. 60. art. 4. ad 1. loquendo tamen de ratione signi, secundum communem rationem ipsius, propriam quidem secundum se, sed non ita propriam pro nostro modo acquirendi cognitionem; reperiuntur in signo formales condiciones omnes ad rationem signi essentialiter requisitas, verè enim est representatiuum alterius à se, & ex natura sua ordinatur ad hanc representationem, tanquam substituens loco rei seu obiecti, quod reddit præsens intellectui, vt in conceptibus creatis patet, qui etiam sunt notiores obiectis non quidem obiectiue, & denominatiue, sed formaliter, quatenus reddunt obiectum notum & cognitum, quod sine conceptu latens erat, & non præsentatum intellectui, quæ ratione similiter dicuntur prius cogniti formaliter, id est, habere se, vt ratio, quæ obiectum redditur cognitum. Deinde signum formale, quod est con-

Biblioth. Theol. Tom. IV.

ceptus, seu verbum mentale est ita terminus cognitionis, vt tamen sit medium respectu obiecti acti, & cogniti quod est extra, facitque cognitionem mediatam non quidem mediatione obiecti cogniti, quod solum requiritur ad signum instrumentale, sed mediatione formæ informantis, & præsens redditus obiectum, sicque verificatur quod signum formale sit manu ductionum ad suum signatum formaliter, id est, vt forma representans, & vniciens obiectum potentie, non instrumentally, seu vt res prius cognita; tandem licet conceptus non videatur ponere in numero cum obiecto representato, seu cum ipsa re signata, vt reddatur cognita, quasi sint duæ res cognite, & representate; ponunt tamen, in numero quasi vnum representans & alterum representatum; nec enim conceptus in nobis, seu species expressa, quantumuis perfecta ad identitatem cum obiecto representato peruenire potest, sed semper se habet vt vicarium quid & substituens respectu ipsius, vnde semper remanet sufficiens distinctio inter rem significatam & ipsum significans. Aliud est in diuinis, vbi verbum, quia est summa representatio in actu puro, ex vi talis representationis peruenit ad identitatem cum essentia diuina representata, & ita amittit rationem signi.

Sic igitur ratio signi in communi, quæ essentialiter consistit in representatione signati, quatenus obiectum redditur præsens potentie, & illi coniungitur, diuiditur in hoc essentialiter, quod est seipso formaliter reddere alterum, præsens potentie, & in hoc quod est reddere præsens vt prius cognitum & obiectum potentie; diuersa enim est præsentia, diuersaque representatio essentialiter, per formam immediatè representantem, & per obiectum prius cognitum, atque adeo constituunt diuersa signa essentialiter, quorum primum dicitur formale, secundum verò instrumentale. Ita tamen vt vnum, & idem possit esse signum formale, & instrumentale respectu diuersorum, & diuersi mo-

di representandi non respectu eiusdem; v.g. phantasma fumi est signum formale respectu phantasie, & per illam representationem formaliter cognoscit fumū immediatē, & ignem mediātē vt cōtētum in fumo representato. Si vero intellectus reflectat supra illud phantasma fumi tanquam super rem cognitā, intelligit in phantasmate tanquam in signo instrumentali fumum externum, & ignem quem significat.

Priusquam ad aliam signi instrumentalis divisionē accedamus, inquirat aliquis, an species impressa, actus cognoscendi, & species expressa sint signa formalia. Pro quo dico primò speciem impressam non esse signum formale, & si enim species impressa sit representatiua similitudo sui obiecti, sub illo tamen conceptu quo est species impressa, id non habet per modum mediij manifestatiui, seu mediij in quo, quia non representat ipsi cognitioni, sed per modum formæ, & principij determinantis, & actuantis potentiam vt possit cognoscere; ad rationem autem signi formaliter loquendo requiritur indisposibiliter representatio manifestatiua, & per modū termini, & non sufficit solum actiua potentia ad cognitionem eliciendam. Sic quando D. Thomas vocat speciem impressam medium cognitionis, dicit esse medium *quo*, non in quo, medium autem quo est principium cognoscendi, non actū manifestantium obiecti, seu rei cognitæ. Ex eodem enim S. Doctore in 4. distinct. 49. artic. 2. ad 1. & quodlib. 7. artic. 1. datur triplex medium in cognitione: medium *sub quo*, vt lumen sub cuius illustratione res aliqua videtur; medium *quo*, scilicet species quæ res videtur; & medium in quo, scilicet in quo alia res videtur; quod medium iterum duplex esse potest, vnum veluti materiale, & extra potentiam, nimirum illud in quo est similitudo seu imago alterius, vt in speculo imago hominis; aliud verò formale & inuisibile, sicut species expressa, seu verbum mentis in quo res intellecta cognoscitur. Nota-

tamen signanter me dixisse, speciem impressam, sub illa ratione præcisè quæ fungitur munere speciei impressæ faciūdando intellectum in ordine ad cognoscendum, non habere rationem mediij manifestatiui, atque adeo nec signi formalis aut instrumentalis; quia si consideretur veluti in actū signato quatenus est similitudo representatiua alicuius obiecti, imo idem cum illo in esse representatiuo, tunc potest habere rationem signi instrumentalis, quatenus intellectus ex illa, tanquam ex re prius cognita, potest manuduci ad cognitionem obiecti ipsius in esse rei.

Similiter actus intelligendi pro vt distincti à specie impressa, & expressa, non sunt signa formalia in quacumque operatione intellectus sumantur; signū enim essentialiter est representatiuum, actus autem intelligendi, non sunt representationes, sed operationes, seu tendentiæ ad obiectum in actū secundo, sicut habitus & potentia, quibus actus debent esse similes, non sunt representationes, sed rationes tendendi in obiecta in actū primo. Idem dic de omnibus alijs actibus sensuum, etiam exteriorum; qui sunt notitiæ formales solum per modum cognitionis, quæ est tendentia potentia ad obiectum, non per modum representationis, quæ est forma loco obiecti substituens in potentia.

Tandem dico conceptum, seu speciem expressam ab intellectu propriissimè esse signum formale; directè enim repræsentat aliud à se potentia, v.g. hominem, quia est naturalis illius similitudo, & per sui informationem reddit intellectum cognoscentem in actū cognitione terminata, & non ex præexistente cognitione sui, seu, quod idem est, reddit intellectum formaliter intelligentem formaliter terminatiuè, non formaliter operatiuè: & hæc ratione constituitur verbum per intelligis & non per intelligere actiue, quia non pertinet ad ipsum in quantum est signum formale, esse formalem notitiam operatiuè, & actiue, sed

termin-

terminatiue, & secundum intelligi intrinsecum, quo res ipsa redditur intellecta, & representata intrinsecè; pertinet autem ad rationem signi representatio, non operatio, & esse formalem notitiæ representatiuam, non operatiuam.

Signum instrumentale rursus diuiditur in naturale, & voluntarium, seu ad placitum. Signum naturale est illud, quod ex sua intrinseca ratione, seclusa hominum voluntate, aliquid aliud representat, quomodo fumus est signum ignis, & omnis effectus suæ causæ. At signum ad placitum est, quod ex diuina, vel humana institutione aliud representat, quomodo sacramenta dicuntur esse signa ad placitum gratiæ sanctificantis sonitus cymbali signum lectionis, & omnes voces, rerum quas significant. Nam quod hæc vox, homo, significaret naturam humanam ex voluntaria hominum impositione processit. Talis autem impositio fieri debet autoritate publica; & est duplex, alia propria, cum scilicet vox sumitur iuxta propriam significationem, quomodo vox homo, significat hominem: Alia impropria, cum scilicet vox aliquid metaphoricè, & translatiue significat, v. g. *agnus*, significat Christum.

Circa bonitatē huius diuisionis quantum ad adæquationē nulla est inter Philosophos controversia, exaurit enim, per ista membra totum diuisum, & ad illa faciliè reducitur signum quod appellatur ex consuetudine. Si enim consuetudo fundetur in natura, est signum naturale, si verò fundetur in voluntate humana, est signum ad placitum; siue ut alij dicunt si consuetudo respiciat aliquid signum destinando illud, & proponendo pro signo, tale signum fundatum in consuetudine erit ad placitum; si verò consuetudo non proponat aliquid, vel instituat pro signo, sed dicat simplicem usum alicuius rei, & ratione illius assumatur aliquid ut signum, tale signum reducitur ad naturale, dummodo tamen illud quod sic assumitur habeat ea quæ concurrunt ad rationem signi, scilicet

esse ordinatum ad aliquid, quod ipsa consuetudine reddatur notius, non quia præcisè effectus est, sed quia frequentatus. Si enim vel non assumatur ut medium ad aliquid aliud, ut mappa ad prandium, vel ipsa frequentatione non reddatur notius, ut quod aliquis sit dominus canis, frequentatione sequendi ipsum, non erit signum ex consuetudine, licet consuetudo sit.

Tota ergo difficultas est, circa huius diuisionis qualitatem an nimirū sit vniuoca, vel analogica? pro quo breuiter dico, si hæc diuisio signi in naturale, & ad placitum materialiter, & entitatiue consideretur, analogica est, cum enim signum constituatur in genere relationis formaliter loquendo, & relationi reali, & rationis nihil sit commune vniuocum entitatiue loquendo; signo naturali quod essentialiter constituitur in ratione talis per relationem realem, & signo ad placitum quod constituitur in ratione talis per solam relationem rationis proculdubio nihil commune vniuocum attribui potest entitatiue loquendo. At si prædicta diuisio consideretur in genere representatiui, seu cognoscibilis vniuoca est, ita ut signum ad placitum sit verè signum in officio, mouendo & dicendo potentiam ad signatum simpliciter. Etsi enim in ratione entis non conueniant vniuocè id quod est reale, & rationis, tamen bene stat quod in ratione obiecti, & cognoscibilis ita conueniant, quando pertinent ad eandem specificam potentiam, vel ad scientias vniuocè conuenientes v. g. ad Logicam quæ agit de ente rationis, & Physicam quæ agit de ente reali. Aliæ namque sunt differentię rerum ut res, aliæ ut obiectum, & in esse obiecti, & quæ specie, vel plusquam specie differunt in vna linea possunt in alia non differre, vel ita non differre. Et sic cum ratio signi pertineat ad rationem cognoscibilis, cum sit vice obiectum, stabit benè quod in ratione obiecti, signum naturale reale, & ad placitum rationis, sint signa vniuoca: Nec obstat quod vox, seu nomen non significet nisi me-

mediante conceptu qui est signum naturale, talis enim dependentia est Philosophica non Logica, id est ut Physicè ponatur in exercitio una species vel aliqua eius operatio, potest dependere ab alia, sicut dependet superficies, à linea, mixtum ab elemento &c. non tamen est dependentia Logica, id est in participando rationem communem, & hæc dependentia causat analogiam, non autem primam. Quæ breuiter dicta sufficiant, de natura, & diuisionibus signorum.

Solummodò supereft explicandū, an voces significatiuæ, idē dic de Scriptura, eadem significatione significant conceptus, & res? & quidnam significant principalius, res, an conceptus. Circa primum existimant aliqui voces significare res, & conceptus duplici significatione; verum alij probabilius tenent voces vnica significatione significare res & conceptus, cum vtrumque significant eadem impositione, atque adeo eadem significatione; nec significant vtrūque æque immediatē, & vnum seorsum ab alio, sed vnum mediante alio, & ut subordinatum alteri, ut constat ex Diuo Thoma 1. parte q. 13. art. 1. & quæst. 9. de potentia artic. 5. vbi dicit quod voces immediatē significant conceptiones mentis, & illis mediantibus res. Quia autem significare vnum mediante alio potest intelligi tripliciter. vno modo mediante alio tanquam ratione formali, non tamen tanquam re repræsentata, sicut vox dicitur significare ex conceptu imponentis ut à quo suscipit significationem. Secundò, mediante alio, ut re repræsentata, tanquam primario, & immediato significato, sicut homo dicitur immediatē significare hominem in communi, & mediate Paulum qui est homo in singulari. Tertio mediante alio, non ut re significata, sed ut principali significante, cuius est substitutum, & quasi instrumentum; hoc modo voces dicuntur significare res mediantibus conceptibus, significareq; ipsos conceptus, quia nimirum, vice eorum subrogantur, ut suppleant id ad quod non pos-

sunt perungere conceptus, ut scilicet, tam sibi, quam alijs manifestent exterius: & ita voces habent veluti duplex officium, videlicet, substituere pro rebus, quas manifestant, & secundò substituere, pro conceptibus, qui ipsas res occulte, & interius significant, quod totum nihilominus fit vnica significatione, & impositione, qua eiusmodi signa sensibilia instituuntur ad manifestandū illud signum interius, in ordine ad res cogitatas; eo ferè modo quo minister regis eodem ministerio & officio substituitur regi, ut principali, in ordine ad res aliquas gubernandas, ut ad finem.

Circa secundum, quid voces principalius significant res, an conceptus? respondetur principalius significare res. Siquidem conceptus ordinantur vltimatē, & principaliter ad repræsentandas ipsas res, quarum sunt similitudines intentionales, ergo etiam voces quæ tantummodo sunt instrumenta conceptuum, ut eos sensibiles reddant, principalius ad easdem res repræsentandas, ordinabuntur: Etsi enim instrumentum principalius videatur respicere suum principale, à quo mouetur, quam effectum, quem facit, hoc tantum debet intelligi in ratione operandi, & agendi; non autem in ratione repræsentandi, si id quod principale est, etiam est repræsentatum rerum, & ad ipsam repræsentationem extendendam, & manifestandam alijs substituit sibi aliquod instrumentum, tunc enim præcipuum vtriusque significatū sunt res ipsæ, ut docet D. Thom. q. 9. de potent. artic. 4.

Aduertendum est tamen quod ipse conceptus potest significari dupliciter. Primò ut in se res est quædam in actu signato, & ut reflexe cognoscibilis alio conceptu; & hoc modo speciali nomine *conceptus* ad hoc imposito principaliter, sicut, & aliæ res, significatur. Alio modo significatur conceptus, tanquam interius quoddam signum, seu medium concipiendi res, à quo alia exteriora signa deriuantur, quibus interiora manifestentur, & hoc modo significatur conce-

Sectio VII. Caput VI. 95

conceptus à vocibus, vt exercentes hoc munus, atque adeo minus principaliter quam res.

De varjjs terminorum Definitionibus.

TErmini Logicales secundum quod multipliciter considerari possunt, primò quidem absolute, prout significant simplices intellectus, pertinentque ad materiam, seu partem posterioristicà Logice; eo quod prædicamenta, ad quæ secundum illam cōsiderationem spectare dicuntur, sint series prædicatorum, seu graduum superiorum & inferiorum, generum & specierum &c. quod totum se tenet ex parte ipsarum rerum, ex quarum connexionē, tanquam ex materia, conficitur demonstratio, vel opinio. Secundò veluti respectivè, pro vt nimirum sunt partes enunciationis, & syllogismi, atque adeò pertinent ad partem prioristicam, respiciendo fabricam, & constructionem enuntiationis & syllogismi. Iuxta hanc, inquam, multiplicem considerationem, diversimodè etiam definiti possunt Termini.

Terminus enim primo modo consideratus, quem terminum prædicamentalem, aut posterioristicum possumus appellare, definiti potest quod sit vox, seu dictio significatiua ad placitum rerum, vt coordinantur ad inuicem ab intellectu, secundum gradus superiores, & inferiores. Dicitur *vox significatiua*, vt excludantur non significatiuæ, sicut illas excludit Aristoteles in nomine, & verbo. Dicitur *ad placitum*, ad excludendas voces significatiuas naturaliter vt gemitus. Reliquæ tandem particulae ponuntur ad excludendos terminos enuntiativos & syllogisticos, secundum quod ingrediuntur compositionem, propositionis, aut syllogismi, pertinentque ad formam logicalem & prioristicam, resolutionem; qua ratione sumuntur solum pro signis, quibus tanquam instrumentis suarum compositionum utitur intellectus, & Logica.

Terminus secundum officium, seu respectum conficiendi enunciationem, consideratus, quem terminum enuntiativum possumus appellare, solet definiti ab aliquibus quod sit extremum propositionis. Verum, cum hæc definitio non comprehendat generaliter omnem terminum, sed solum principiores partes, & adhuc non omnes, sed tantum, quæ se habent vt subiectum, & prædicatum, potius conuenit termino syllogistico, quam enuntiativo, & ideo Philosophus tradidit illam definitionem de termino syllogistico, vt statim dicemus: Loquendo ergò de termino enuntiativo & vt præcisè respicit enuntiationem, & ideo magis in communi accipitur, rectè definiti potest, quod sit *vox significatiua ad placitum, ex qua simplex conficitur oratio vel propositio*, & vt comprehendit terminum mentalem & scriptum, quod sit *signum ex quo simplex conficitur propositio*; ad distinctionem ipsius propositionis seu orationis, quæ non est primum, elementum componens logicæ, nec pars primo, & per se, sed quoddam totum, compositum ex partibus; & sic aliquando componit, non simplicem, sed hypotheticam propositionem, vel syllogismum componit. Sic de ratione termini enuntiativi est, quod dicat ordinè ad propositionem, non solum vt extremum propositionis tanquam prædicatum & subiectum, sed etiam secundum rationem magis communem, quæ comprehendat verbum, & alias partes; ita, vt eius vltima formalitas sit esse partem enuntiationis, cum in hac sola ratione conueniant nomen & verbum, secundum quod habitudinem dicunt ad enuntiationem, vnde hæc sola constituere debet rationem communem nominis & verbi, quæ ratio communis vocatur terminus, seu dictio. Vt ex Aristotele colligit D. Thom. lib. 1. perihierm. lect. 1. & 18. §. excludit.

Denique terminus per ordinem ad syllogismum consideratus, quem propterea terminum syllogisticum vocamus definitur essentialiter per hoc quod sit extre-

extremum propositionis; dixit enim Philosophus in lib. 1. Priorum, terminū voco, in quem resoluitur propositio tamquam in subiectum, & prædicatum; qua in definitione non includit omnes partes enuntiationis; neque enim includit verbum, nec syncategoremata, aut negationes, & tamen, lib. 1. perih. vt notat D. Th. ibid. lect. 1. inter partes principales enuntiationis annumerat verbum; igitur loco citato lib. 1. Priorum definiendo terminum per hoc, quod sit id ex quo componitur, aut in quod resoluitur tamquam in subiectum, aut prædicatum propositio, non definiuit generaliter omnem terminum ex quo potest constare propositio, vt enuntiatio est, sed vt præcisè deseruit ad construendum ordinem syllogisticum. Ratio autem essentialis huius diuersitatis est, quia terminus enuntiativus, solum ordinatur ad construendam veritatem in enuntiatione, Syllogisticus autem ad inferendam; veritas autem non solum componitur ex extremis, sed etiam ex verbo copulante, aduerbijs, negationibus, alijsque syncategorematibus, à quibus sepe dependet veritas alicuius propositionis; & ideo omnia illa considerari debent in terminis, vt præcisè constituentibus propositionem; at verò syllogistica illatio, non vt vera, sed vt inferens, solum requirit tres terminos, duos qui se habeant, vt extremitates in conclusione inferenda, & tertium qui se habeat vt medium probans, & inferens, & inferendo coniungens; vnde solum extrema propositionum sunt termini syllogistici, atque adeo rectè definiuntur per hoc quod sunt extrema propositionum. Nec refert quod isti termini concurrere non possunt sine verbo copulante ad inferendam conclusionem; non inquam hoc refert ad hoc, vt verbum est, vt copulans dicatur terminus syllogisticus, tale enim verbum non requiritur ad coniungendum extremitates per modum illationis, & probationis, sed per modum enuntiationis, & quia enuntiatio prequiritur ad syllogismum, ideo etiam re-

quiritur verbum, sed non requiritur formaliter ad syllogismum, sed præsuppositiue ratione enuntiationis, non ratione illationis. Secus est si non se habeat solum vt copulans, sed vt extremum, vt si dicatur, Petrus est, id est existit.

Inquiret hic aliquis primò cur potius expressit Philosophus resolutionem in definitione termini syllogistici, quam compositionem, cum tamen eiusmodi terminus non solum habeat quidditatē & essentiam suam in terminando resolutionem syllogismi & propositionis, sed etiam in componendo; quia nihil resoluitur nisi in ea ex quibus constat, & construitur.

Respondetur Philosophum id ita præstitisse, tum quia hoc magis conducebat ad explicandam simplicitatē termini; melius enim, & distinctius simplicitas partis dignoscitur per id, quod remanet soluto composito, tum quia hoc expediebat ad cognoscendum modum procedendi analyticum, & resolutorium ex parte formæ, quem ibi traiebat.

Secundò inquiret aliquis, num voces significatiue extra propositionē, aut syllogismum sint dicendi termini. In quo partem negatiuam defendunt aliqui contententes quascumque voces significatiuas extra propositionem, aut syllogismum, propriè loquendo, non esse terminos, sed solum quando actu terminant vtriusque resolutionem, aut compositionem mediante actu intellectus resolvente, aut componente. Verum alij non minus probabiliter asserunt, quod voces significatiue, etiam extra propositionem habeant actu essentiam terminum, id est, partis propositionis, licet non habeant actu exercitium terminandi, vel componendi illam, nec sint prædicatum, vel subiectum, sed prædicabile, vel subiicibile. Ratio est, quia essentia actualis termini, est esse partē propositionis, ratio autem, & essentia partis consistit in hoc, quod sit compositiua, & constitutiua totius, non verò quod actu cōponat; vnde aliud est actu habere

habere essentiam partis; & actu habitudinem partis, aut exercitium respicienti totum, aliud habere actu exercitium componendi, vt patet in exemplo anime rationalis, quæ in statu separationis est pars, licet actu non componat. Ergo sicut anima rationalis existit realiter per se extra totum respiciendo illud actualiter per modum partis, non tamen quantum ad actuale exercitium compositionis, si quidem illud primum est intrinsecum & inseparabile à parte, quæ hoc ipso quod est pars respicit actu totum, non vt construens actu, sed vt constructiuum, sicut potentia respicit actu obiectum vt potens facere, non vt faciès ita similiter voces significatiue simplices, possunt cognosci separatim à suo toto, & quia ens rationis nō habet aliud esse quam cognosci, ideo possunt existere per rationem extra totum, retinendo actu ipsam rationem partis, ac termini, quamuis actu non component. Actu enim componere dependet ab applicatione, & existentia in toto; actu verò esse partem est habere entitatem & proportionem, ex qua fieri potest totum, quam entitatem & proportionem habent voces significatiue extra propositionem. Et sic verificatur commune dictum, quod verba in definitione posita non dicunt actum, sed aptitudinem.

De quibusdam supradictorum terminorum diuisionibus.

Termini superiori capite à nobis explicati prima diuisione possunt diuidi in mentales, vocales, & scriptos. Terminus mentalis est notitia, seu conceptus ex quo simplex conficitur propositio. Vocalis superiori capite est definitus. Scriptus, est Scriptura ad placitum significans, ex qua simplex conficitur propositio, quacumque in materia formetur, siue charta, siue ligno, siue ære, siue lapide, & quocumque instrumento, quæ diuisio est accidentis in substantia, facit enim hunc sensum, ratio termini, vel potest reperiri in actibus

Biblioth. Theol. Tom. IV.

intellectus, vel in vocibus, vel in Scripturis; quæ omnia habent rationem subiecti respectu formalitatis termini, quæ est quoddam accidens rationis.

Pulchro autem hæc tria coherent ordine, mens, vox, Scriptura, mentem enim primum, deinde vocem natura instituit, quia cum homo natura ciuilis sit ac socialis, neque possit alter alterius inueniri animum, datæ sunt ei à natura voces velut signa quædam, & instrumenta quibus exprimeret animi conceptus. At quia ad absentes, & eos qui futuris seculis nos secuturi sunt, vocibus vti non licet, quippe quæ ad eos pertingere non possunt, inuentæ sunt litteræ, quibus mentis cogitata ad posteros, vel absentes transmitterentur.

Rursus notitia quæ est simplex apprehensio, seu terminus mentalis diuiditur in notitiam intuitiuam, & abstractiuam. Notitia intuitiua est notitia rei præsentis; dicitur præsentis, non præsentatæ ipsi potentiæ, esse enim præsens pertinet ad rem in seipsa, vt est extra potentiam, esse verò præsentatam, conuenit rei, vt obiectæ ipsi potentiæ, quod omni notitiæ commune est. Notitia abstractiua est notitia rei absens, quæ opposito modo intelligitur ad intuitiuam. Secundò terminus mentalis ex parte conceptus diuiditur in vltimū, & non vltimū, siue vltimatum, & non vltimatum. Prior est qui habetur de re per vocem significatam, & dicitur vltimus quia ibi sistit intellectus. Posterior verò est, qui habetur de ipsa voce vt significante, & dicitur non vltimus, quia ibi non sistit intellectus, sed ad ipsam rem significatam transit. Tertiò diuiditur terminus mentalis, seu conceptus in directum, & reflexum. Conceptus directus est qui habetur de re, vel de voce; reflexus verò est cognitio præcedentis cognitionis; ad quod requiritur vtramque cognitionem esse in eadem potentia; si enim Paulus cognoscat Petrum, cognouisse, cognitio Pauli non est reflexa, sed directa.

Terminus vocalis de quo præcipue

N

agi-

agitur in Logica, quia ipso rectè intellecto, scriptum ac mentale illi correspondentem intelligere nullius est negotij, prima diuisione diuiditur in Cathegorematicum, Syncathegorematicum, & Mixtum. Terminus Cathegorematicus est qui aliquid per se significat; vbi ly *per se* coniungendum est, cum ly *aliquid*, id est significat aliquid, quod representatur vt aliquid per se, sicut cum dicitur homo, atque adeò quod potest esse in propositione integrum subiectum, aut prædicatum. Terminus Syncathegorematicus, est qui aliquid significat, vt aduerbium velociter, faciliter, signum omnis, nullus, vterque &c. & dicitur aliquid significare, non quia verè & propriè non significet, sed quia significatum eius non representatur vt res per se, sed vt modus rei, id est exercendo modificationem alterius rei, scilicet subiecti, vel prædicati, quia per se non potest esse subiectum, aut prædicatum, sed tantum illa modificate. Terminus mixtus est, qui ex Cathegoremate, & Syncathegoremate constat, vt nemo, id est nullus homo.

Deinde terminus Cathegorematicus diuiditur in incomplexum, & complexum. Incomplexus est cuius nulla pars separata significat, vt Homo, Leo, & omnes voces simplices. Complexus verò est cuius partes separatæ significant iuxta significationem totius, vt homo albus, atque adeo coincidit cum oratione imperfecta, diciturque secundum quid tantum terminus, quatenus cuiusmodi oratio potest habere rationem prædicati, aut subiecti in propositionibus.

Rursus terminus incomplexus est triplex. Alius vniuocus, qui sua significata eodem conceptu significat, vt homo. Alius æquiuocus, qui sua significata non eodem, sed pluribus conceptibus significat, id est, non vt conueniunt aliquo modo etiam proportionaliter, sed vt differunt simpliciter, sicut canis significat animal & sydes; & ideo non datur æquiuocatio in conceptu ultimo mētis, quia conceptus est naturalis simili-

tudo, & si est vnus, representatum eius est vnum; si autem plura attingit, est vt conueniunt in aliqua ratione vna, quod est proprium vniuocorum. Quare præfens diuisio propriè tangit terminum vocalem, in quo inuenitur æquiuocatio, id est vnitas vocis cum pluralitate significationis, quia significatio ad placitum est, non naturalis. Alius tandem est analogus qui significat sua significata, vt sunt vnum secundum quamdam proportionem, & non simpliciter, vt sanum respectu animalis, vrinæ, & medicinæ.

Iterum terminus Cathegorematicus diuiditur in varias subdiuisiones, quarum aliquæ non subordinantur ad inuicem, sed quasi ex æquo conueniunt termino. Prima est: terminus Cathegorematicus alius communis, alius singularis. Terminus communis est qui significat plura diuisim, id est communicabiliter ad plura, vt vox homo; ad distinctionem termini collectiui; V.g. populus, ciuitas, gens; qui non significat quemlibet hominem seorsim, & diuisim, sed omnes simul, qua ratione est terminus collectiuus; quia si populus consideretur, vt abstrahit ab hoc vel illo populo, verè est terminus communis, significando diuisim hunc vel illum populum. Potest autem subdiuidi terminus communis in transcendentem, & non transcendentem: iste est qui rem significat prædicamenti cuiuspiam ambitu coercitam, restrictamque, vt homo, animal; ille verò, qui decem prima rerum genera, vsque ad vltimas earum differentias sua significatione ita transcendit, vt verè de qualibet re mundi dicatur. Sub quo sex communiter enumerantur, scilicet ens, res, verum, bonum, aliquid vnum.

Terminus singularis est, qui tantum significat vnum, vt Petrus, aut plura coniuncta, vt Roma. Et est quadruplex: scilicet determinatus, qui vnum determinatè significat quodcumque sit illud, siue homo, siue equus, siue mons, fluuius, oppidum, regio, siue quoduis aliud, vt Petrus, Bucephalus, Atlas, Tyberis, Roma, Italia. Demonstratiuus, qui signa-

gno demonstratio afficitur, vt hic homo, hoc animal, nam & ex genere, & ex specie, singularis vox pronominis demonstratiui primitiue speciei accessione ex aequo confici potest. Dicitur pronominis demonstratiui primitiue speciei, quia deriuatiua communibus vocabulis adiuncta, non singulares voces efficiunt, sed communes relinquunt: vt liber meus, quemlibet à meis libris significat, vt quolibet ostenso, verè dixerim hic est meus liber. Ex suppositione qui nimirum, quamuis posset plura significare, suppositione tamen facta, vnū tantum significat. Quo modo, filius Mariæ Virginis, Christum Dominum significat. Et vagus qui scilicet significat vnum, sed non determinando, an sit hoc, vel illud, vt quidam homo.

Secunda subdiuisio; terminus Cathegorematicus, alius absolutus, alius connotatiuus. Absolutus idem est, quod apud Grammaticos; nomen substantiuum, & est ille qui significat per modum per se stantis, id est ad modum substantiæ. Connotatiuus idem valet, ac nomen adiectiuum; & est ille qui significat aliquid per modum alteri adiacentis.

Tertia Subdiuisio: Terminus Cathegorematicus, alius concretus, alius abstractus. Concretus est qui significat formam concernendo subiectum, vt album, quod significat albedinem in subiecto, & homo, qui significat humanitatem in supposito. Cauendum est tamen, ne quis confundat terminum concretum, & adiectiuum; nam concretum solum opponitur abstracto, & potest inueniri in termino absoluto, vt homo est concretum & absolutum. Quare, concretum definitur ab aliquibus, quod sit id, quod significat aliquid tanquam constitutum vt quod; abstractum verò quod significat aliquid, vt quo constituitur, seu formam tantum, vt albedo & humanitas. Istud quoque hic obiter adnotandum est duplicè esse apud Dialecticos vsitatum abstractorum distinctionem. Quædam enim vocantur ab-

stracta non vltima abstractione, vbi videlicet superest, quod iterum mentis consideratione abstrahatur: vt cum dicitur, albedo, abstractio facta est à solis subiectis. Quædam abstracta vocantur vltima abstractione, vbi videlicet non relinquatur abstrahendi locus, sed purè exprimitur rei cuiuspiam natura; vt dum fito à Dialecticis vocabulo, explicandæ naturæ albedinis gratia dicitur, Albedineitas.

Quarta subdiuisio est: Terminus Cathegorematicus; alius primæ; alius secundæ intentionis. Terminus primæ intentionis est vocabulum ex prima instituentium intentione destinatum ad rem aliquam significandam secundum id quod habet à parte rei, vel in suo proprio statu, siue ea substantia sit, siue accedens. Cuiusmodi sunt vocabula omnia ijs rebus tributa, quibus in familiariter conuersatione vulgus hominum passim vtitur, ad exponenda sibi mutuo mentis cogitata, vt homo, arbor, lapis, percutio, amo, &c. quæ aliàs nomina rerum appellantur. Terminus verò secundæ intentionis est qui significat rem secundum id quod habet ex consideratione intellectus, & in statu intellectus; præcipueque deferuit ad disciplinæ alicuius tractationem, vt nomen, pronomen, verbum, declinatio, coniugatio: item vniuersale, genus, species, indiuiduum, syllogismus, & similia quæ alias, vel vocabula artium, vel nomina nominum solent appellari.

Secundò potest diuidi Terminus vocalis in tota sua latitudine in finitum & infinitum. Terminus finitus, est dictio significatiua, non composita ex negatione vt homo. Infinitus verò est dictio composita ex voce significante, & vnica negatione, vt non homo. Istud enim aggregatum, non homo, indefinitè est significationis, & verè dicitur de omnibus rebus in infinitum excepto homine; sic lapis est non homo, lignum est non homo, &c. ita vt disiunctum ex nomine finito, & infinito, dicatur de omni re mundi; nam omnis res est homo, vel non homo, lapis, vel non lapis. Pro quo no-

tandum est duplicem esse negationem; aliam quæ tantum afficit terminum; & dicitur infinitans; quia ut vidimus reddit terminum infinitum, ut non homo; & aliam, quæ afficit copulam, ut lapis non est homo; & dicitur negatio negans, semperque reddit propositionem negatiuam; quia iuxta commune proloquium, negatio hæc est malignantis naturæ, & quidquid post se inuenit destruit, ac eius oppositum reddit.

Tertiò comparando terminos inter se, diuiduntur in impertinentes, & pertinentes. Impertinentes sunt, quorum vnus, hecque infert alterum, neque repugnat illi, ut album, & dulce, doctus, & iustus. Pertinentes verò sunt, quorum vnus vel infert alterum, ut homo, & animal, vel repugnat illi, ut homo, & leo. Primo modo vocantur pertinentes sequela, secundo verò, pertinentes repugnantia.

Rursus pertinentes sequela alij sunt conuertibiles, quorum scilicet vnus infert alium, & infertur ab illo, ut homo, & rationale, vel risibile. Alij sunt non conuertibiles, quorum scilicet vnus infert alium, non tamen infertur ab illo, ut homo, & animal, & generaliter nomen magis commune, & minus commune.

Pertinentes repugnantia, alij sunt, qui quamuis sint omninò diuersi, tamen non sunt propriè oppositi, ut homo & equus; & hi vulgo appellantur disparati; alij verò sunt propriè oppositi, & iuxta quadruplicem oppositionem iam in prædicamentis breuiter explicatam, sunt in quadruplici differentia. Alij opponuntur contrariè; ut calor, & frigus, alij contradictoriè ut homo, & non homo. Alij priuatiuè, ut visus & cæcitas. Et alij relatiuè, ut Pater, & Filius.

De alijs terminorum diuisionibus.

NOtandum est omnes supradictas diuisiones posse proportionaliter attribui Termino in tota sua latitudine,

& ut cōmuniter se habere possit secundum nostrum modum concipiendi ad illam triplicem considerationem, quam superiori capite explicauimus. Loquendo modo in particulari de termino enuntiativo ut tali essentialiter, diuidi potest, in nomen & verbum, de quibus agit Aristoteles 1. Periherm. & ut notat S. Thomas ibidem lect. 1. sola ista dua considerantur à Logico, ut partes orationis, prætermisiss alijs, quia solum istæ scilicet nomen & verbum de necessitate requiruntur ad enuntiationem, eo quod sine illis, nec simplex enuntiatio stare potest; vel etiam quia sola nomina, & verba sunt principales orationis partes, sub nominibus enim comprehenditur pronomina; sub verbo verò participia; alia autem quæ secundum Grammaticos dicuntur partes, sunt magis colligationes partium orationis, significantes habitudinem vnus ad aliam, quam orationis partes, sicut clausi, & alia huiusmodi, non tam sunt partes naui, quam partium eius coniunctiones. Quamuis ergo generali acceptione Terminus enuntiativus, seu dictio comprehendere posset omne genus partium propositionis, eo modo quo partes sunt, etiam aduerbia, & pronomina quæ sunt Syncategoremata; speciali tamen, & stricta acceptione comprehendit solum partes principales, id est nomen & verbum, & hoc non solum quando verbum habet rationem extremi, ut cum dicitur Petrus currit, vbi *ly currit* est prædicatum; sed etiam quando solum est copula, quia copula principaliter constituit compositionem, & significat affirmationem, per quam significatur veritas, & constituitur enuntiatum. Quare nomen & verbum sunt partes diuerso modo componentes in ratione partis, quia nomen componit enuntiationem vt extremum, verbum, tanquam vnians, & medium copulans.

Nomen autem definitur, quod sit vox significatiua ad placitum sine tempore, cuius nulla pars separata significat, finita, & recta. Dicitur vox significatiua, ut excludantur non significati-

uz:

uz: ad placitum, vt excludantur ſigna naturalia: ſine tempore, vt excludatur verbum quod ſignificat cum tempore, vt ſtatim dicitur, & ideo ly ſine tempore in nomine non excludit tempus, vt rem ſignificatam, ſed ſignificationem cum tempore tanquam modum ſignificandi, quia nomen ſignificat rem, vt extremū ſtans, verbū vt fluens, ſeu vniens & agens; omnis autem actio motu, & tempore decurrit. Dicitur cuius nulla pars ſignificat ſeparata, vt excludatur oratio; quamvis aliqui Ariſtotelem deferant in hac parte, & dicant quod aliqua nomina verè ſunt nomina, & tamen habent partes ſeparatim ſignificatiuas, vt hoc nomen ſignifer, reſpublica, proconſul, & alia compositæ figuræ in quibus partes verè, & propriè ſignificant ſeorſum & ſeparatè. Nihilominus in contrarium ſtat authoritas Philoſophi; vnde dicendum eſt, quod partes huiusmodi nominum compositæ figuræ ſignificant ſeparatè, quaſi materialiter & per accidens, non quaſi formaliter, id eſt, in ordine ad componendam illam vocè, cui imponenda eſt noua ſignificatio cõceptus ſimplicis cui ſubordinatur, ſub hac enim formalitate non componunt vt ſignificatiuæ, id eſt vt impositæ ad ſignificandum, ſed vt de nouo imponibiles, licet alias ſint impositæ; ita quod licet ſignum deponeretur à ſua ſignificatione in ſeipſo, adhuc ly ſignifer idem penitus ſignificaret. Finita ponitur ad excludendum nomina infinita, vt non homo, non quia non poſſint eſſe pars propoſitionis vt prædicatum & ſubiectum, ſed quia non habent modum nominis, qui eſt notare, & determinatum aliquid ſignificare, non quidem ex parte rei ſignificatæ, ſed ex modo ſignificandi, quia determinatus eſt, id eſt deſignatiuus eius quod ſignificat, vnde nomen dicitur quaſi notamen. Nomina autem infinita non ſignificant aliquid determinatum hoc ſecundo modo, nec enim notant, nec deſignant aliquid, ſed ſolum ſignificant quid non ſit, non verò quid ſit. Sunt qui hanc particulam,

tanquam ſuperfluam expungant à definitione nominis; ſed immerito, cum, enim in definitione nominis poſitum eſſet, quod ſit vox ſignificatiua, & nomen poſtulet ſignificare non quomodo cumque, ſed per modum notaminis, & designationis, vt explicaretur hoc munus, necelle fuit addere illam particulam *finita*. Nec etiam ſufficienter manebat excluſum nomen infinitum per illam particulam incomplexa, quia nomē infinitum non eſt complexum, ſed incomplexum cum non habeat duplex ſignificatū ſi formaliter accipiat, nempe poſitiuum quod de ſe ſignificat, & negationem adiunctam: Eſti enim in nominibus infinitis, ſicut & in alijs compositæ figuræ, ſi attendamus ad derivationem, plerumque ex ſignificatione, vnius deriuetur ſignificatio alterius, ſicut in nominum etymologijs, ſolet vnū nomen originari ex ſignificatione, vel ſignificationibus aliorum; tamen reſpectu compoſitionis nominis infiniti materialiter ſe habet illa vox non, & nomē adiunctum; illaque infinitatio, qua impeditur, & mutatur in oppoſitum ſignificatio poſitiua nominis, ſit ſolum à ſignificatione illius vocis negatiuæ, quaſi deriuatiuè, & efficienter, non quaſi compositiuè, quia infinitatio non eſt quomodocumque negatio, ſed negatio mutans, & impediens ſignificationem nominis, & ſignificatio illa, quæ reſultat ex tali impedimento, & infinitatione cadit ſuper vtramque vocem, tanquam ſuper vnum terminum compositæ figuræ, vnde illa vox non infinitando nomē, per accidens ſuam ſignificationem deſtruit. Ponitur tandem in definitione nominis particula recta ad excludendos caſus obliquos, eſti enim eiufmodi caſus eandem cū nominatiuo rem ſignificant, non exercent tamen ſignificationem eodem modo, ſed declinant & cadunt à proprio nominis modo quod eſt ſignificare per modum quid & per ſe ſtantis, obliqui autem ſignificant, vt alterius, & reſpectiuè ad alterum.

Similiter verbum definitur ab Ariſtote-

storele quod sit vox significatiua ad placitum cum tempore, cuius nulla pars separata significat, finita, & recta, & est semper eorum, quæ de altero dicuntur nota. Vbi particula *cum tempore* principaliter ponitur ad differentiam nominis; pro cuius intelligentia obseruandum est non esse idem, significare tempus, connotare tempus, & significare cum tempore. Illud enim dicitur significare tempus, quod est impositorium ad significandum tempus, vel aliquam eius partem, vt tempus, annus, mensis, dies &c. Illud verò dicitur connotare tempus, vel significare habitudinē temporis, quod significat respectum vnus temporis ad aliud, vel rem aliquā inferentem, & concernentē aliquid temporis; v.g. heri, hodie, cras significant differentias tēporis præteriti, præsentis, & futuri, & similiter prandium & cœna, aliæque similia connotant determinatam aliquā temporis partem, in qua illæ actiones ex communi vsu solent fieri. Illud autem dicitur significare cum tempore, quod significat aliquid pro vt subijcitur temporis, & quia res aliqua temporis subijci, aut à tempore mensurari non potest, nisi pro vt subest motui, aut mutationi, quæ primò & per se mensurantur tempore, hinc aliqua vox dicitur significare cum tempore, quæ significat per modum actionis, motus aut fluxus. Primum, & secundum conueniunt nomini: tertium verò soli verbo, & participio; & ita per illam particulam cum tempore differt essentialiter verbum à nomine; vnde significare cum tempore est ita intrinsecum & essentialē verbo, vt nunquam ab eo possit absolui, diciturque tantum in aliquibus propositionibus, cuiusmodi sūt propositiones æternæ veritatis, absolui à tempore, sed non à significatione cum tempore, quia ita vnit extrema independentē à tempore, vt tamen hoc ipsum significet per modum temporis. Cum enim ea quæ sunt æterna, & à tempore independentia, etiam per modum temporis intelligantur à nobis, ideo etiam, quando vnio, seu copu-

latio verbi absoluitur à tempore ex parte extremorum super quæ cadit, quia necessariam habent ad inuicem connexionem, adhuc intelligitur à nobis ad modum temporis, & ideo significat cū tempore, ex parte modi significandi, licet absoluaatur à tempore, quantum ad vnionem, & habitudinem extremorum, seu quod idem est ex parte vnionis consecutæ in extremis, & ex parte ipsius rei vnitæ. Quare verbum absolui à tempore in aliqua propositione, nihil aliud est, quam vnionem verbi, seu veritatem ipsam absolui à tempore, non autem significationem verbi; veritas enim significatur per verbum in quantum vnit extrema in propositione, vnde si veritas est independentis à tempore, etiam vnio extremorum à tempore non dependet, & consequenter verbum in quantum vnit, non dependet à tempore, quod est absolui ab illo quo ad exercitium vnionis & copulandi extrema quæ necessariā inter se connexionem habent, non contingentem & temporalem quæ à tempore dependeat. At verò significare cum tempore cōuenit verbo extra propositionem ex vi suæ propriæ significationis, sicut nomini significare sine tēpore.

Per vltimam particulam, & est eorum, quæ de altero dicuntur nota differt verbum à participio, quod ita significat cum tempore, vt possit poni in propositione tam ex parte subiecti, quam prædicati, nunquam tamen vt copula propositionis, seu vnio, & nota extremorum quæ in illa coniunguntur sicut verbum, quod formaliter sumptum vel semper significat ipsum prædicatū (si enim aliquando ponitur ex parte subiecti, vt verbum infinitiui modi, est quia tunc verbum accipitur in vi nominis, non per modum verbi) vel requiritur ad coniungendum prædicatum cum subiecto, & ideo est nota, id est signum eorum quæ dicuntur, id est quæ prædicantur.

Cæteræ particulæ ex dictis in definitione nominis notæ sūt, ponitur enim finita vt excludantur verba infinita, vt
non

non currit eadem ratioe qua & nomina infinita exclusa sunt à ratione nominis, eo quod determinatam significationem non habeant. Ponitur recta, vt excludantur alia tempora, & modi, præter præsens indicatiui, vel quia solum potest enuntiare veritatem independentè ab alio, cætera verò tempora dependent solum ab illo; inde enim hæc propositio de præterito *homo cucurrit*, est vera, quia aliquando de præsentī fuit vera; & idem est de futuro; vel quia, sicut in nomine illud dicitur obliquum quod à proprio nominis modo declinat, quod est significare per modum quid & per se stantis, atque adeò excluditur à nomine; sic in verbo obliquum, cuiusmodi sunt tempora alia & modi præter præsens indicatiui, dicitur quod cadit à modo proprio verbi, quod est significare cum motu, & actione, quando scilicet significat actionem de præterito, aut futuro &c. quia hæc simpliciter non est actio; sed tantum illa quæ est præsens, atque adeò per illam particulam rectè excluduntur à definitione verbi, verba obliqua.

Ultimo tandem terminus Syllogisticus in quantum talis diuidi potest primo per terminationem resolutionis posterioristice, vel prioristice; terminus posterioristicus est ille qui in compositione, vel resolutione syllogismi fundat connexionem necessariam respectu propriarum passionum, vel prædicatorum essentialium si sit demonstratiuus, vel connexionem contingentium prædicatorū si sit topicus; Terminus verò prioristicus est ille qui in compositione, vel resolutione syllogismi, respicit vniuersaliam, aut particularitatem, affirmationem vel negationem in ipso inuentā. Secundò terminus syllogisticus potest diuidi in maius, & minus extremum, & medium terminum, de quibus infra suo loco.

De varijs Terminorum proprietatibus.

EO modo quo termini superius explicati, & diuisi suam habent essentiam, suis etiam gaudent proprietatibus; quæ sunt numero sex, scilicet Suppositio, Ampliatio, Restrictio, Alienatio, Diminutio, & Appellatio.

Suppositio igitur, est positio, seu vsus termini loco alicuius, diuiditurque prima diuisione in materialem, & formalem. Materialis est positio termini loco sui ipsius, vt cum dicitur homo est nomen, ly homo supponit pro ipsa voce significatiua, non verò pro re significata. Formalis vero est positio termini loco rei significatæ, vt cum dicitur homo est animal. Porro suppositio formalis, alia est propria, alia impropria seu metaphorica. Deindè propria est duplex, alia simplex, & alia realis, seu personalis. Suppositio simplex est positio termini pro suo immediato significato tantum, quod contingit quando subiectum est terminus primæ intentionis, prædicatum verò secundæ, vt homo est species, ly enim homo non supponit pro Petro & Paulo, sed tantum pro natura humana in communi. Suppositio realis, seu personalis est positio termini, non solum pro primo, & immediato, sed etiā pro secundo, & remoto significato, vt in his propositionibus, homo est animal, homo est risibilis; vbi ly homo, non tantum supponit pro natura humana, sed etiam pro indiuiduis eius. Qui modus suppositionis non solum contingit in terminis communibus, vt patet in exemplis positīs, & tunc vocatur suppositio realis communis, sed etiam in terminis singularibus, vt cum dicitur Petrus studet, ly Petrus non solum supponit pro immediato, sed etiam pro remoto significato, scilicet natura humana, valere consequentia, ergo homo studet. Quæ suppositio realis discreta vocatur.

Præterea suppositio realis est duplex, alia accidentalis, & alia naturalis. Acci-

accidentalis est positio termini pro re existente secundum tempus per copulā importatā, si quæ talis suppositio quando propositio est in materia contingenti, ut cum dicitur, *homo currit*; Suppositio naturalis est positio termini pro omnibus suis significatis tam existentibus quā non existentibus; & contingit quando propositio est in materia necessaria; ut homo est animal, unde tales propositiones dicuntur absolui a tempore.

Rursus suppositio cōmunis est quadruplex, distributiva, copulativa, determinata, & confusa. Distributiva est quādo terminus accipitur pro omnibus suis significatis seorsim, & copulatiuè sumptis, ita ut prædicatum de omnibus illis in propositione copulativa verificetur. V.g. in hac enuntiatione homo est rationalis, ly homo dicitur supponere distributiue, quia supponit pro hoc & illo homine seorsim, & copulatiue, unde valet dicere hic homo est rationalis, & hic homo est rationalis &c. Suppositio copulativa est acceptio termini pro omnibus suis significatis, non seorsim, sed simul, & collectiue sumptis, ut in hac propositione Omnes Apostoli Dei sūt duodecim, ubi ly Apostoli non supponit pro his, vel illis Apostolis seorsim sumptis, sed pro omnibus collectiue. Suppositio determinata contingit, quando terminus accipitur pro omnibus suis significatis seorsim, & disiunctiue, ut aliquis homo est albus; non enim valet consequentia, in propositione copulativa; ergo hic homo est albus, & hic homo est albus; sed tantum in propositione disiunctiva; ergo hic homo, vel hic homo est albus. Tandem suppositio confusa, est acceptio termini pro omnibus significatis simul, & disiunctim: id est quando ita terminus sub disiunctione sumitur, pro hoc vel illo significato, ut non determinatè supponat pro aliquo: v.g. in hac propositione, oculus requiritur ad videndum, ly, oculus, non supponit ita determinatè pro vno oculo, sicuti si diceretur aliquis oculus; nec similiter supponit distributiue, non enim valet

ergo iste oculus requiritur ad videndū; sed supponit cum quadam confusione, pro omnibus simul, sub disiunctione tamen, & sic bene valet, ergo iste, vel ille oculus requiritur ad videndum.

Denique suppositio distributiva est duplex, alia completa, seu pro singulis generum, & est acceptio termini non solum pro omnibus speciebus, sed etiam pro omnibus indiuiduis earū, ut in hac propositione omne animal est viuens; alia dicitur incompleta, seu pro generibus singulorum, & est acceptio termini pro omnibus speciebus, non tamen pro omnibus indiuiduis earū, ut in hac propositione, omne animal fuit in Arca. Noc, reddit enim hunc sensum, quod ex omnibus speciebus animalis aliquod animal fuit in arca Noe.

Ampliatio est extensio termini à minori ad maiorem suppositionem; ut in hac propositione Petrus studebit, ly Petrus, non solum supponit pro tempore futuro, sed etiam ampliatur ad præsens, quia reddit hunc sensum, qui est, vel erit, studebit. Duplex autem est ampliatio alia temporū, quæ conuenit terminis singularibus, quando nimirum suppositio termini extenditur ad varias temporis differentias, ut in hac propositione, quarus expetit pecunias, pecuniæ ampliatur ad omnes differentias temporis, quæ apud Logicos sunt quinque præteritum, præsens, futurum, possibile, & imaginarium. Alia est ampliatio temporum, & suppositorum, quæ conuenit terminis communibus; quando scilicet suppositio termini extenditur non solum ad differentias temporis, sed etiam ad plura subiecta; ut in hac propositione, iusti in perpetuum viuent, ly iusti non solum ampliatur ad tempus præsens ratione illius verbi de futuro, sed etiam ad homines præsentis, præteritis, & futuros.

Restrictio, quæ ampliacioni veluti opponitur, est coarctatio, seu limitatio termini à maiori ad maiorem suppositionem. Quod quatuor modis fieri potest. Primò per copulam implicationis,

ut

vt homo qui est iustus, diligit Deum; ly enim homo restringitur ad solos iustos. Secundò per applicationem substantiui inferioris, vt animal homo studet. Tertiò per positionem adiectiui, ex parte eiusdem extremi, vt homo albus disgregat visum. Quartò per additionem casus obliqui, vt doctrina Diui Thomæ præstantior est alijs.

Alienatio est translatio termini à propria, ad impropiam significationem; vt in hac propositione, vicit Leo de tribu Iuda, vbi Leo transfertur à propria significatione, ad significandum Christum Dominum.

Diminutio est detractio partis suppositionis; vt si dicatur Aetiops est albus secundum dentes, ly albus non supponit pro toto homines, sed pro quadam eius parte, scilicet dentibus, & hoc solet appellari, dictum secundum quid.

Appellatio tandem est applicatio significati formalis vnius termini ad significatum siue materiale, siue formale alterius, cum in terminis concretis duplex significatum reperiatur, alterum formale, & est ipsa forma, quam concretum significat; vt humanitas est significatum formale hominis; alterum, verò materiale & est subiectum, seu suppositum quod concernit nomen concretum, vt persona est significatum materiale hominis. Propterea terminus qui applicatur dicitur appellans, debetque semper esse connotatiuus; ille autem, cui applicatur dicitur appellatus, & non est necessario connotatiuus, sed sufficit quod sit Cathegorematicus.

Huiusmodi autem appellatio est duplex, alia materialis, nempe quando applicatur significatum formale vnius termini supra significatum materiale alterius vt in hac propositione Petrus Philosophus est magnus, vbi magnitudo applicatur Petro non ratione Philosophiæ, sed ratione molis corporeæ; & alia formalis, quando scilicet applicatur significatum formale vnius supra significatum formale alterius; vt in hac propositione, Petrus est Philosophus magnus: ibi

Biblioth. Theol. Tom. IV.

enim magnitudo non appellat supra Petrum ratione corporis, sed ratione Philosophiæ.

De quibusdam regulis, terminorum suppositionibus, & appellationibus dignoscendis.

Cum terminorū suppositio, ex quorundam signorum, quæ vim terminorum Syncathegorematicorum habent, admixtione non mediocriter varietur, huiusmodi varietati dignoscendæ nonnullæ solent assignari regulæ; pro quarum intelligentia notandum est prædicta signa esse in triplici differentia. Quædam purè vniuersalia, vt omnis nullus. Quædam purè particularia, vt aliquis, quidam. Et alia mixta ex particulari, & vniuersali, vt vterque, id est, aliquorum duorum omnis; neuter id est, aliquorum duorum nullus; alter, id est, omnium duorum aliquis; atque etiam termini numerales, bis, ter &c. quæ omnia sunt signa mixta ex vniuersali, & particulari; sicut semper, aliquando, nunquam & similia miscentur ex cathegoremate, & syncathegoremate.

Sit ergò prima regula; quando terminus nullo afficitur signo, & propositio est in materia contingenti, supponit determinatè; quia propositio indefinita in materia contingenti æquivallet particulari si autem propositio fuerit in materia naturali, aut remota supponit distributiue, quia propositio indefinita in materia naturali, & remota æquivallet vniuersali.

Secunda regula; si terminus afficitur signo vniuersali, vel est affirmatiuū, vel negatiuum; si affirmatiuum distribuit terminos proximos, & confundit remotos, hoc est facit supponere subiectum distributiue, prædicatum verò cōfused, vt in hac propositione, omnis homo est animal; excipiturque solum ab hac regula suppositio copulata, quæ ratione signi vniuersalis non variatur, vt omnes Apostoli sunt duodecim, ly Apostoli non supponit distributiue, sed copula-

pulatè. Si verò signum fuerit vniuersale negatiuum, distribuit terminos tam proximos, quam remotos, scilicet prædicatum, & subiectum, vt in hac, nullus homo est lapis, vbi homo, & lapis supponunt distributiue.

Tertia regula; si terminus afficiatur signo particulari; similiter, vel est affirmatiuum, vel negatiuum; si affirmatiuum, facit terminum proximum supponere determinatè, remotum verò intactum relinquit, ac si nullum esset signum; vt aliquis homo est animal; si verò signum fuerit particulare negatiuum, terminum quidem proximum determinat, remotum verò ratione negationis distribuit, vt aliquis homo non est albus.

Quarta regula; si terminus afficiatur signis mixtis ex vniuersali, & particulari, eiusmodi signa partim distribuunt, & partim determinant terminos immediatos; magis tamen, & minus; secundum quod aliqua magis accedunt ad purè vniuersalia vt vtique, & neuter; alia verò ad pure particularia, vt alter; vnde v.g. alter binarium distribuit, & disiungit, si enim dicatur alter oculus est dexter, sensus est omnium duorum iste, vel iste est dexter. Similiter vtique binarium quasi determinat, & copulatiue distribuit pro hoc, & illo; si enim dicatur, vtique pes est claudus; sensus est aliquorum duorum pedum iste, & iste est claudus.

Quinta regula est pro mixtis ex termino cathogorematico, & syncathogorematico, de quibus eodem modo iudicandum est, ac si cathogorema, & syncathogorema forent distincta: vnde si signum in termino mixto inclusum sit vniuersale affirmatiuum vt *semper*, id est omni tempore, distribuit terminum cathogorematicum cui coniungitur, scilicet tempus; alios verò confundit: si verò signum sit vniuersale negatiuum, vt nunquam, distribuit tam cathogorema cui coniungitur quam alios terminos.

Sexta regula est, quod quilibet terminus, cui applicatur actio verbi, confunditur, vt cum quis dicit, bis recitauit

officium, ibi officium confunditur: quia cōfusus remanet sensus, an recitarit duo officia, vel bis recitarit idem. Vnde hæc signa solent appellari specialis confusionis.

Septima regula, si plura signa eodem terminum afficiant, tunc debet attendi signum æquipollens, & eo modo quo istud fecerit terminum supponere, eodem penitus efficiant alia duo.

Octaua regula, si quodlibet signum afficit suum terminum, in eo proprium exercet officium, & consequenter impedit alium, vt in hac propositione nullus homo est aliquis lapis, ly homo supponit distributiue, & lapis determinatè.

Quæ omnes regulæ sunt notatè dignissimæ, valentque non solum respectu terminorum qui ponuntur in recto, sed etiam in obliquo, vnde in hac propositione, omnis equus hominis currit, non solum equus, sed etiam ly hominis, qui est in regimine equi supponit distributiue.

Quemadmodum terminorum suppositio ex signorum admixtione variatur, ita & appellatio, secundum quod termini alij sunt concreti absoluti, & concreti connotatiui, vnde etiam pro appellationibus cognoscendis sequentes regulæ solent à Summulistis assignari.

Primus quando subiectum est terminus concretus, prædicatum verò connotatiuum; connotatiuum applicat suum significatum formale, supra materiale absoluti; qua de causa ista propositio est falsa Christus est factus; hæc autem vera, Christus est æternus.

Secunda regula, quando in propositionibus ex parte subiecti sunt nomen absolutum, & connotatiuum; & ex parte prædicati est aliud connotatiuum; istud appellat supra absolutum, seu substantiuium, quod est à parte subiecti: vt in hac propositione Petrus Philosophus est magnus. Si verò à parte subiecti sit tantum substantiuium, & à parte prædicati duo connotatiua, seu adiectiua, tunc vnū adiectiuium appellat supra aliud, estque appellatio formalis, vt in hac propositione

tio-

tione, Petrus est Philosophus magnus.

Tertia regula: verba aliquem actum siue internum, siue externum significantia, applicant illum supra significatum formale termini, cui iunguntur, & non supra materiale; vt cum dicis, vidi regem, sensus est te vidisse regem, dum erat rex.

Quarta regula, nomina numeralia primitiua, vt duo, tres, quatuor terminis substantiuis applicata, non solum appellant supra significatum materiale, sed etiam supra formale termini, cui iunguntur: & ideo vtrumque multiplicant; vt si dicas, video tres homines, sensus est, video tria supposita habentia tres humanitates. Si verò talia nomina applicentur terminis adiectiuis, solum appellant supra significatum materiale eorū, & illum tantum multiplicant; non vero significatum formale: vt cum dicis, vidi duo alba, sensus est vidisse duo subiecta habentia albedinem: essetque propositio vera, etiam si per impossibile vna, & eadem indiuisibilis albedo esset in vtroque subiecto.

Propter hanc regulam, istæ propositiones sunt veræ, in diuinis sunt tres æterni, tres omnipotentes &c. Si hæc nomina sumantur adiectiue, faciunt enim sensum quod in diuinis sunt tria supposita habentia æternitatem, omnipotentiam &c. non verò si sumantur substantiue, vt docent Theologi 1. p. q. 39. artic. 3.

Ob eandem pariter regulam docet Theologi 3. parte q. 3. artic. 6. & 7. quod si vna persona diuina plures assumeret humanitates, non dicerentur plures homines; sicut neque è contra si plures personæ assumerent vnā & eandem humanitatem, quamvis tunc possent dici plures humani; si quidem ad multiplicationem termini substantiui, requiritur multiplicatio tam significati materialis quam formalis, secus verò ad multiplicationem termini adiectiui, vbi sola suppositorum multiplicatio sufficit.

Et hæc breuiter dicta sufficiant de terminis, nec non & de alijs secundis in-

entionibus ad directionem primæ mentis operationis pertinentibus, circa quas iuxta diuisionem superius à nobis traditam versatur Prima pars dialecticæ.

SECUNDA PARS LOGICÆ

De secundis intentionibus quibus dirigitur secunda mentis operatio.

S V M M A

Eorum quæ ad hunc finem continentur in duobus libris Perihermenias, seu de interpretatione.

Breuiter explicatis secundis intentionibus simplicibus, tam in rebus, quam in vocibus fundatis, quæ ad primam operationem intellectus dirigendam pertinent; transeundum est ad propositiones quæ ex illis componuntur, & secundæ operationi deferuntur, quarum explicatio spectat ad hanc secundam partem Dialecticæ, quæ complectitur Aristoteles duobus libris Perihermenias sic inscriptis, quod omnia tractentur in ipsis per modum interpretationis, & significationis, commune si quidem Logicæ instrumentum est signum, quo omnia eius instrumenta constant; & ideo de signis ac significatione aliqua superiori parte præmissimus.

De Oratione.

Cum oratio sit quid superius ad propositionem, antequam ad ipsam accedamus, aliqua circa naturam orationis sunt prius breuiter explicanda. Oratio ergo definitur communiter quod sit vox significatiua ad placitum, cuius partium aliqua separata significat, vt dictio, non vt affirmatio, & negatio, vt homo albus &c. Primæ tres particulæ parent ex dictis de nomine, & verbo, cum quibus per illas conuenit oratio, differret verò per alias subsequentes, cuius aliqua pars separata significat; sumendo

hic, *significare* in rigore, scilicet vt conuenit termino cathegorematico, & distinguitur à cōsignificare, quod est proprium syncathegorematici: cum ad rationē orationis sufficiat vnam eius partem esse terminum cathegorematicum, ac proinde hæ sunt veræ orationes, omnis homo, nullus homo; iuxta quod debet intelligi, quod dicunt aliqui, scilicet, orationem esse plures voces diuersa significantes, vel vocem significatiuam, cuius partes separatæ significant: non enim est sensus quamlibet debere propriè significare, sed sufficit si vna significet, & alia cōsignificet. Vltima tandem particula, vt dictio, non vt affirmatio, & negatio, ponitur ad designandum quod partes orationis ad minus debent esse significatiuæ, vt dictio, id est, vt terminus, & non requiritur, quod sint affirmatio, & negatio, nam etiam si oratio sit hypothetica, habeatque aliquando partes ex affirmatione, & negatione constantes, tamen quia etiam affirmatio, & negatio est oratio, & debet resolui in partes significatiuas, quæ solum significant vt simplex terminus, & non vt affirmatio, aut negatio, idè in definitione orationis in communi, ponitur id quod omni orationi commune est, scilicet habere partes, quæ sint simplices termini, seu dictiones.

Forma autem essentialis orationis non est ipsa vnio, seu nexus partium Grammaticalis, quo partes vniuntur, loquendo de oratione vt est secunda intentio logicalis. Et si enim vnio sit quidem forma, & actus vnbilium, vt vnbilia sunt; non tamen est ipsa forma essentialiter constitutiva totius, sed applicatiua & copulatiua formæ essentialis ad suam materiam, seu subiectum. Forma igitur essentialis, sed partialis in oratione est prædicatum, vel aliquid loco prædicati respectu subiecti, quia vt docet D. Thom. 1. perih. lect. 8. oportet quod vna pars in oratione aliam determinet, & illa quæ determinat est forma. Forma verò totalis est ipsa significatio composita, & complexa, vt induit in-

tentionem, & respectum totius, sicque quasi relatiuè opponitur ipsi termino, qui est pars; quia sicut terminus dicit significationem, per modum partis artificialis, & hæc est eius essentialis ratio, ita oratio dicit significationem, complexam per modum totius, & hæc est eius forma essentialis totalis.

Diuiditur autem oratio sic definita prima sui diuisione in perfectam, & imperfectam. Perfecta est, quæ gignit perfectum sensum in animo audientis; quatenus non reddit suspensum intellectū, & quasi expectatē totum sensum orationis, sed perfecte complet, & exprimit integram sententiam; sicut cum dicitur homo est animal. Imperfecta verò est illa quæ non gignit sensum perfectum in animo audientis, quatenus nō integrum sensum explicat, sed quasi suspendit intellectum, vt cum dicitur Petrus disputans, homo albus; Quæ oratio sicut imperfectè participat compositionem, & diuisionem, ad secundam mentis operationem spectantem, ita etiam imperfectè, & quasi inchoatiuè cōpetit ipsi ratio secundæ operationis; quatenus vltra puram apprehensionem incipit transire ad compositionem totius, & in eo suspendit & non consummat sensum.

Deinde oratio perfecta, diuiditur in enuntiatiuam & non enuntiatiuam. Perfecta enuntiatiua est illa, quæ aliquid affirmat, vel negat; nomineque incomplexo solet appellari propositio, seu enuntiatio; vt homo est rationalis. Perfecta non enuntiatiua est illa quæ nihil affirmat, vel negat, quam diuisit S. Thomas 1. perih. lect. 7. in quatuor species scilicet orationem deprecatiuam, vocatiuam, optatiuam, & interrogatiuam.

Sunt tamen qui prima diuisione orationem distinguant, in enuntiatiuam, & non enuntiatiuam; ita vt sub non enuntiatiua contineantur omnes orationes in quibus non reperitur veritas, vel falsitas, siue illæ sint imperfectæ, siue perfectæ, cuiusmodi sunt tres modi sciendi, scilicet definitio, diuisio, & argumentatio

modo, de quibus aliqua breuiter attingemus, antequam ad propositionem explicandam transeamus; cum enim modus sciendi in genere non determinetur ad orationem perfectam, vel imperfectam sed in vtraque possit inueniri, antequam agamus de perfecta oratione determinate, cuiusmodi est maxime propositio, opportuna se se offert occasio tractandi de modo sciendi.

De Modo sciendi.

Modus ergo sciendi in communi definiri solet, oratio ignoti manifestatiua. Vbi notandum est, aliud esse manifestare, aliud significare: & si enim videatur signum rem suam significatam potentia manifestare; tamen aliud est manifestare, de quo agitur in presenti, aliud significare: manifestum enim dupliciter sumitur, vno modo, vt opponitur obscuro, alio modo vt opponitur incognito, & non applicato potentie cognoscenti. Primo modo manifestatio fit per aliquid notius, & magis clarum, quo tollitur obscuritas illa, & sic manifestare ignotum in intellectu nostro pertinet ad modum sciendi, dummodo id praestetur per orationem, manifestatio enim, quae fit per rationem, formalem simplici modo manifestantem, sicut autoritas dicentis manifestat credibilia, non est modus sciendi; quia non est oratio, seu explicatio complexa, id est ad scientiam ordinata, quae modum illatiui habet. Secundo modo manifestatio fit per aliquod medium applicans nobis obiectum non applicatum, & sic manifestare pertinet ad signum, seu ad representatiuum communiter loquendo.

Quando igitur res aliqua ignota, seu obscura, & in tenebris latens in palam adducitur, & explicatur per aliquam orationem, talis oratio dicitur modus sciendi, quia omnis talis manifestatio, scientia dicitur, aut ad scientiam ordinatur.

Cum autem modus sciendi non sit determinate oratio perfecta, neque im-

perfecta, siquidem in vtraque potest inueniri modus sciendi, argumentatio est oratio perfecta, definitio vero & diuisio imperfecta; inquireret aliquis quomodo oratio in definitione modi sciendi posita se habeat. Respondeo proprie loquendo non se habere per modum generis, sed materiae ex qua formatur modus sciendi, quia formalis ratio ipsius est, esse artefactum quoddam logicum per modum instrumenti ordinatum ad manifestandum ignotum, quod fit ex oratione, tanquam ex materia, sicut syllogismus ex propositione. Si enim oratio respectu modi sciendi se haberet per modum generis formaliter, deberet determinate poni sub aliqua eius specie, vt per se patet.

Modus sciendi sic explicatus est triplex scilicet definitio, diuisio, & argumentatio, cuius partitionis sufficientia, desumitur, ex ipsa diuisione ignoti per orationem intellectui manifestabilis; vel enim est aliquid incomplexum, vel aliqua veritas complexa. Id quod est incomplexum, vt homo, animal, &c. explicatur definitione quantum ad obscuritatem suae quidditatis, aut diuisione, quantum ad confusionem partium, aut multitudinis, quae in aliqua re continetur. Veritas autem complexa si sit obscura, aut dubia manifestatur per probationem, probatio autem fit per discursum, & consequentiam, & sic est argumentatio; Vnde modus sciendi adaequate diuiditur in definitionem, diuisionem & argumentationem, ex parte rerum manifestabilium. Qua ratione S. Thomas in 1. distinct. 19. q. 5. artic. 1. ad 7. dicit definitionem, & est idem de diuisione, pertinere ad primam mentis operationem, seu simplicem apprehensionem, scilicet ratione sui obiecti quod manifestant, quod est aliquid incomplexum; quamuis si attendatur modus manifestandi, cum fiat per orationem saltem imperfectam, coniungendo complexum, & si imperfectum, & cum suspensione partes explicantes naturam definiti, aut diuisi, tam definitio quam diuisio inchoa-

inchoatiue pertineant ad secundam mentis operationem; sicut & oratio imperfecta; unde etiam idem S. Doctor. 1. par. q. 17. artic. 3. docet, per accidens etiam in operatione intellectus, quia cognoscit quod quid est, posse esse falsitatem aut veritatem.

Nota me dixisse modum sciendi solum esse triplicem, sumendo modum sciendi in significatione quadam minus ampla; quia si modus sciendi accipiat secundum omnem extensionem quam potest habere; & idem sonat, ac modus recte, & sine errore intelligendi; seu norma; & via quæ ducit, & iuuat, ut recte & facile acquiratur scientia; sic omnes secundæ intentiones, de quibus tractat Logica, possunt recte appellari modus sciendi, si quidem omnes illæ sunt aliquo modo veritatis ostensivæ, iuvantque & conducunt ut de rebus acquiratur scientia; quod proprium est intentionum logicalium, & per quod ens rationis Logicum differt ab entibus rationis à Grammatica, & Rethorica consideratis. At loquendo de modo sciendi magis strictè, rectè diuiditur in definitionem, diuisionem, & argumentationem, quia sunt generalia quædam instrumenta sciendi, illisque specialibus, & perfectiori modo cõuenit esse veritatis ostensivas, scilicet manifestando ignotum, quod non habent aliæ intentiones logicæ. Imo si modus sciendi strictissime sumatur pro illa vltima dispositione & applicatione rerum in tali forma, ad quæ sequitur immediatè cognitio scientifica. Sic sola demonstratio potest appellari modus sciendi, pro ut illam appellauit Arist. 1. Poster. cap. 3.

De Definitione.

Relicta definitione quid nominis, quæ propriè loquendo non est definitio, sed sola significationis nominis explicatio, vel per aliud nomen clarius, vel per etymologiam eius, aut alio consimili modo; definitio quid rei definitur quod sit oratio explicans na-

turam rei. Quia in definitione nominis orationis debet intelligi oratio imperfecta, quæ materialiter coincidit cum termino complexo, si quidem definitio potest esse prædicatum in aliqua propositione categorica, officium autem prædicati in categorica solum euenit termino, aut orationi imperfectæ materialiter cum termino complexo eincidente: Potestque inueniri definitio extrapositionem, ut docet D. Tho. 2. Poster. lect. 2. §. quæ talis est &c. & lect. 5. cuius ratio est, quia vel definitio debet esse in propositione, ad hoc ut copulentur partes definitionis inter se, vel ipsæ partes applicentur subiecto definito, ita ut hæc applicatio requiratur ad rationem, & constitutionem essentialem definitionis; primum dici non potest, quia si partes definitionis coniungerentur inter se per copulam enunciativam, cum illæ partes sint genus & differentia propositio illa definitionis redderetur falsa, ut si in definitione hominis diceretur, animal est rationale; secundum etiam dici non potest, cum applicatio definitionis ad definitum non faciat, sed supponat definitionem, si quidem per illud complexum, quod applicatur definito, ad quæ explicatur natura ipsius eo quod contineat suum genus, & suam differentiam; talis ergo applicatio non potest pertinere ad constitutionem definitionis, sed solummodo ad actuale exercitium prædicationis eius.

Cum definitum sit res, quæ per definitionem explicatur, definitio verò quasi lux indicans esse rei, cuique correspondet definitum tanquam obiectum eius, quod cum ipsa conuertitur, breuiter explicandum est, quæ conditiones requirantur ut aliqua definitio sit bona, & ut aliquid sit definitum.

Pro bona igitur definitione quatuor solent assignari conditiones aut regulæ. Prima quod sit clarius suo definito, alias non esset oratio ignoti manifestatiua; quam tamen conditionem aliqui intelligunt de tota definitione, quod sit notior suo definito, non enim requiritur, quod

quod singulæ partes sint notiores, ut patet in definitione relatiuorum; quæ definiuntur per correlatiuum, si quidem correlatiuum non est notius relatiuo, quia sunt simul natura, & cognitione, quod autem est notius; est prius cognitione. Nisi quis velit dicere correlatiuum non esse quidem prius cognitione, & notius positiuè, quam suum relatiuū, esse tamen saltem negatiuè, quatenus sine ipso manet obscurum, & ignotum ipsum relatiuum. Ex qua conditione inferitur non debere definitum, ut definitum intrare definitionem, quia sic non redderetur clarius, sed magis perplexa definitio.

Secunda regula est, quod nec sit superflua, nec diminuta; si enim aliquid habet, plusquam definitum, vel minus, hoc ipso naturam eius non explicat, attribuit enim illi aliquid quod non habet, vel ab eo tollit quod non habet: Et ita definitio non potest alteri à definito conuenire, conuertunturque ad inuicem, quæ est tertia bonæ definitionis regula, & conditio.

Vltima tandem est, quod definitio debet constare genere, & differentia, intelligendo nomine generis aliquid commune, in quo definitum cum alijs conueniat, nomine verò differentie aliquid distinctiuum particulare; si enim sumatur genus, & differentia propriè, sic sola species, aut illud quod est vnum unitate specificæ, siue subalterna, siue infima, potest habere definitionem, ut statim dicitur.

Ob has regulas optimus est locus arguendi à definitione, ad definitum, & è contra tam affirmatiuè quam negatiuè & quidquid prædicatur realiter de vno, prædicatur etiam de alio; dixi realiter, quia loquendo de prædicatis intentionalibus, non valet definitio, est modus sciendi, ergo definitum est modus sciendi; nec similiter animal rationale est oratio: ergo homo est oratio.

Circa secundum tres etiam conditiones requiruntur, ut aliquid definiri possit. Prima quod sit vnum, per se,

id est vnam habeat essentiam, si enim plures essentias explicat non est vnum, definitum, sed plura. Secunda, ut definitum sit vniuersale cum sola quidditas, & natura definiri possit; vnde singularitas in tantum definitur in quantum per modum cuiusdam communis apprehensa, accipitur ut quidditas, & natura quædam. Tertia conditio est, ut omne definitum, si rigorosa & propria definitione definiatur, sit species aliqua contenta sub aliquo genere, eo quod omnis definitio propria constet genere, & differentia, atque adeo debet tradi de aliquo, quod verè & propriè contineatur sub genere. Vnde suprema genera, differentie, & alia quæcumque per modum partis, aut simplicis conceptus considerata, propriè non definiuntur, sed modo simpliciter explicantur, vel describuntur.

Definitio sic explicata multiplex est, secundum quod essentia rei multipliciter etiam potest explicari; definitio igitur quid rei, alia est essentialis, scilicet quæ explicat naturam rei per partes essentielles: quæ si fuerint metaphysicæ, nempe genus, & differentia, definitio dicitur Metaphysica, si verò fuerint Physicæ, nempe materia, & forma, definitio dicitur physica, vel etiam causalis intrinseca; quia datur per causas intrinsecas, materialem scilicet, & formalem. Alia est Descriptiua, quæ scilicet explicat essentiam per proprias passionem; ad quam etiam pertinet definitio causalis extrinseca, quæ sunt duæ, scilicet efficiens, & finalis, ut si definiatur homo quod sit creatus à Deo ad beatitudinem consequendam; ad cuius definitionis bonitatem debet semper assignari propria causa definiti. Alia tandem est accidentalis, in qua differentia sumitur ex aliquibus accidentibus communibus, quæ licet separatim sumpta conueniant alijs, tamen simul iuncta, & vnita soli definito conueniunt, ut si dicatur, homo est animal pulchrum, bipes, implume, habens caput erectum: Quamuis aliqui hanc definitionem ad descriptiuam reducant,

ducant, eo quod omnia illa accidentia communia, simul iuncta, & collectiue sumpta sunt propria definiri; quod ad quæstionem de nomine solum spectat. Quæ omnes definitiones non differunt ex parte rei definitæ, sed ex parte partium definientium, seu illorum per quæ traditur definitio.

Circa modum autem loquendi notandum est quod inquirenti quæ sit ista definitio, responderi debet, est essentialis, vel descriptiua &c. inquirenti verò qualis, responderi bona, vel mala, bona quidem si leges assignatas seruet, mala verò si illas transgrediatur. Nunquam verò definitio propriè loquendo dicenda est vera, vel falsa cum ex dictis non sit propositio, cuius est verum, vel falsum significare.

De Diuisione.

Diuisio, est oratio explicans multipliciter rei, seu totum in suas partes distribuens; quæ definitio est essentialis, & quidditatiua, eo modo quo definitio definitionis, & modi sciendi, traditur enim per id quod est proprium, & quidditatum diuisionis, nam loco generis, siue pro materia ponitur oratio, ceteræ particulæ explicant propriam ipsius differentiam, quia distribuendo, & distinguendo partes, manifestat confusionem alicuius totius: et si enim tam definitio, quam diuisio manifestent aliquid per partes, definitio tamen manifestat partes constitutiuas, vnde explicat definitum per partes non distribuendo, sed quasi constituendo; at diuisio manifestat partes quasi quantitatuas, vnde tollit confusionem diuisi, seu explicat diuisum non constituendo, sed distribuendo partes quantitatis, seu totalitatis quantæ quam respicit, sicut definitio respicit totalitatem quidditatis rei.

Cum diuisio ordinetur ad manifestandum per distributionem confusionem diuisi, aliquæ etiam regulæ pro bona diuisione solent assignari. Primæ

quod membra diuidentia seorsum sumpta sint inferiora diuiso, illudque coniuncta ita adæquent, vt non excedant: quia diuisio est totum, & membra diuidentia partes, totum autem licet excedat vnā partem, non tamen excedit omnes, neque exceditur ab eis, cum in toto non sit aliud, quam omnes sue partes simul.

Secunda regula est quod membra diuidentia habeant inter se oppositionem aliquam saltem formalem: alias non essent partes de quarum ratione est, se inuicem excludere sub illo conceptu quo sunt partes: vnde sequitur in qualibet diuisione ad minus debere esse duo membra diuidentia, quæ membra diuidentia possunt tradi per terminos negatiuos, siue contradictorios, ita vt vnum membrum diuidens negatiue, se habeat aliud verò positiue, vt in hac animal aliud rationale, & aliud irrationale, notandū est tamen in huiusmodi diuisionibus membrum negatiuum; V.g. *irrationale*, non esse intelligendum purè negatiue: sic enim non solum conuenit brutis, sed etiam plantis elementis, & alijs quæ nō continentur sub animali; sed priuatiue pro vt solum significat carentiam rationalitatis intra genus animalis; vt sic iuxta primam regulam assignatam membra diuidentia non excedant diuisum. Quāuis negent aliqui diuisionem posse tradi per terminos negatiuos, siue contradictorios, sed irrationabiliter, & contra communem vsum.

Species, seu modi diuidendi sunt plures, cum enim proprium sit diuisionis distribuere totum per suas partes; iuxta diuerfos modos totius, diuersæ etiam erunt diuisiones: quare sicut totum est quadruplex, scilicet essentialis, integrale, vniuersale, potentiale, ita etiam quadruplex erit diuisio, alia essentialis, alia integralis, alia vniuersalis, alia potentialis. Vtrum compendiosius diceretur duas esse diuisionum lineas, seu ordines: vnum diuisionum per se, alium diuisionum per accidens, seu accidentalem. In diuisione per se, quatuor

quor includuntur species. Res enim, quæ est totum comparari potest, aut ad partes quibus integratur, aut ad partes quibus essentialiter constituitur, aut ad partes sibi subiectas. Si primo modo, est diuisio integralis, vt hominis alia pars caput, alia manus &c. si secundo modo est diuisio essentialis Physica, vel Metaphysica in sua constituenta, vt hominis alia pars anima, alia corpus; vel hominis aliud extremum animal, aliud rationale. Si tertio modo, aut sit in partes sibi subiectas secundum prædicationem, aut secundum potestatem, si secundum prædicationem est diuisio vniuersalis, vnioca, vel analogica, seu generis in species, vel analogi in analogata: si fiat diuisio in partes subiectas, quæ se habent vt potentia, est diuisio totius potentialis vel potestatiui, vt si dicatur, animæ rationalis, aliud intellectuus, aliud appetituum. In linea autem diuisionum per accidens, & si multiplicari possint infinitæ diuisiones, quia de his quæ sunt per accidens certæ regulæ nõ dantur; frequentiores tamen sunt duæ: Prima est diuisio subiecti in accidentia, vt animalium aliud album, aliud nigrum; secunda verò accidentis in subiecta, vt album, aliud nigrum, aliud lac.

Circa diuisionem essentialem notandum est, quod etsi, quando aliquid diuiditur penes illud, quo vltimò & indiuisibiliter constituitur in sua essentia, nõ admittat nisi vnicam diuisionem essentialem; si tamen plures formalitates concurrant, quarum quælibet sit diuerso modo participabilis non repugnat aliquam rem essentialiter diuidi immediate pluribus diuisionibus essentialibus inæquatis, quæ est doctrina S. Thomæ 1.2. q.95. artic.4. & q.71. ar.2. & 4.

Quamuis ex parte matrice diuise solum per se spectet ad Logicum consideratio diuisionis totius Logici, seu prædicabilis in partes subiectiuas, tamen loquendo de artificio, & modo diuidendi, quæ est secunda intentio diuisionis. ad Logicum pertinet de omni diuisione agere, siue Physica, siue Metaphysica,

Biblioth. Theol. Tom. IV.

quia etiam quando aliquid sic diuiditur talis diuisio, est modus sciendi, siue artificioso modo, vnde pertinere debet ad Logicum; idem dic proportionaliter de definitione, & argumentatione.

Circa modum loquendi in diuisione, idem est obseruandum, ac in definitione, nam interroganti, quæ sit hæc diuisio, responderi debet, per se, vel per accidens &c. interroganti verò qualis sit responderi bona, vel mala, non tamen vera, vel falsa, cum diuisio sit oratio imperfecta, nec in propositione necessario reperiatur.

Superesset aliquid agere de modo arguendi in diuisione, sed commodius id præstabitur in tertia huius operis parte agendo de locis topicis: vbi etiam de argumentatione, quæ est modus sciendi, oratioque perfecta tertiam mentis operationem dirigens. Nunc ergò transeamus ad propositionem, quæ est oratio perfecta, principaliterque destinata, vt intellectus aptè, & sine errore procedat in diuidendo, & componendo.

De Propositione, siue Enuntiatione.

Licet S. Thomas 1. Poster. lect.5. & opusc.48. cap.1. officium propositionis distinguere videatur à simplici officio enuntiationis, quod propositio addit supra enuntiationem, quod proponatur ad inferendum aliquid in argumentatione; communis tamen vsus inualuit, vt pro vno, & eodem sumantur, Propositio igitur, seu enuntiatio definiti solet, quod sit oratio verum, vel falsum significans; verum hæc definitio solum est descriptiua, cum veritas, & falsitas sint ad summum propositionis passiones. Et ideo essentialis definitio propositionis, est quod sit *oratio enuntiativa*, siue oratio perfecta exprimens obiectum complexum, circa quod potest ferri iudicium, ex quo consequitur, quod significat verum, vel falsum. Per hoc enim quod sit oratio perfecta, distinguitur ab imperfecta, quæ suspensum solum generat, per hoc quod exprimat

P obic-

obiectum complexum &c. distinguitur ab alijs orationibus perfectis, quæ obiectum iudicij exprimere non possunt, vt sunt vocatiuæ, interrogatiuæ &c. quia autem in obiecto complexo super quod iudicium cadere potest, veritas vel falsitas reperitur, ideo dicitur enuntiatio, oratio significatiua veri, vel falsi; veritas enim est in enuntiatione sicut in signo intellectus veri, vel falsi; in mente, id est, in iudicio mentis, tanquam in subiecto, nam veritas non est in ipsa potentia immediatè, sed in actu potentie, neque in alio actu quàm iudicij; in obiecto autè sicut in causa, quia ab eo quod res est, vel non est, oratio vera, vel falsa est.

In qua definitione, vt possit esse communis tam categoricæ, quam hypotheticæ propositionis, nomine obiecti complexi intelligi debet tam complexus per copulam verbalem, quæ vnit prædicatum, & subiectum, quam copulam hypotheticam, quæ vnit propositiones categoricas.

Quamuis enuntiatio ratione verbi ex quo constat, & habeat vim copulandi extrema & habeat vim exprimendi iudicium assertiuum, atque adèò non repugnet aliquandò & iudicium, & enuntiationem quasi vnicò actu formari, vt cum dicitur, homo est animal exprimèdo per *ly est* tam copulationem quam assertionem: Enuntiatio tamen non consistit in iudicio seu assensu, sed distinguenda est propositio iudicatiua ab enuntiatiua, & de se iudicium potest esse posterius, & consequi ad enuntiationem. Iudicium enim est assensus intellectus circa aliquid, quod est capax talis assensus, & iudicij, vt per se patet; solum autem est capax talis assensus aliqua veritas complexa per enuntiationem significata, si quidem iudicium est id, quo determinatur intellectus assentiendo quod ita est, vel non est, non potest autè pronuntiare quod ita est, vel non est, nisi circa aliquid complexum quod connectitur per verbum, & hoc est enuntiatio; ergò actus iudicandi distinguitur à

formatione enuntiationis, priusque formatur, & apprehenditur enuntiatio, deinde iudicatur.

Vnde etiam significare, aut repræsentare verum vel falsum aliter inuenitur in iudicio, aliter in enuntiatione: in iudicio quidem assertiuè, in enuntiatione verò tantum complexiuè, seu per modum copulæ, & vnionis extremorum super quæ potest cadere iudicium; imò etiam aliquandò separatur significatio assertionis à significatione copulationis extremorum, vt quando prolata enuntiatione suspenditur iudicium, vel apprehenditur à nobis aliqua enuntiatio de rebus dubijs sine vllò iudicio.

Quare significare verum vel falsum in definitione propositionis enuntiativæ non debet intelligi assertiuè, sed quasi copulatiuè, nec etiam præcisivè, id est, quod in qualibet propositione præcisè debet inueniri illud disiunctum veri, vel falsi, sed accommodatiuè, quod ex vi obiecti complexi, quod significat, & per ordinem ad quod enuntiatio semper est determinatè significationis, cõsequi potest aliquandò verum, aliquandò falsum, siuè determinatè, & immutabiliter, siue non, pro vt fuerit materia propositionis. Neque hoc est definire propositionem per suam diuisionem, sed per suum obiectum quod est capax veri, vel falsi, siue vtriusque, siue alterius tantum, & sic non est inconueniens definire aliquid per opposita, non quasi simul eidem conueniant aut ipsum constituent, sed quia susceptiuum est eorum successiuè, ipso inuariato manente: sicut oratio enuntiativa eadem permanens potest mutari de vera in falsam, vt cum dicitur Petrus currit, ipso currente est vera, ipso non currente est falsa, & tamen propositio semper est eadem, significatque idem.

De diuisionibus Propositionis.

Omnes diuisiones propositionis, agendo solum de propositione, quatenus enuntiativa est, ad sex principales reducuntur. Prima diuisio est in pro-

propositionem Catheticam, seu simplicem, & hypotheticam seu compositam. Propositio cathetica est illa, quæ habet subiectum, copulam verbi, & prædicatum tanquam partes principales; Hypothetica verò quæ constat ex propositionibus catheticis tanquam partibus principalibus aliqua vnione vnitis, vt Magister docet, & discipulus audit. Sicque differunt Cathetica, & Hypothetica penes copulas, & penes extrema vnita, quia hypothetica non vnit verbo sed particula &, vel, si, & similibus, nec immediatè vnit terminos, sed propositiones. Quæ diuisio secundum aliquos est tantum analogi in analogata, non verò generis in species, cum enuntiare in quo sitam esse arbitrantur essentiam propositionis, secundum quid tantum conueniat hypotheticæ, non enim vnā propositionem de alia prædicat, sed illas tantum vnit inter se. Verum alij non minus probabiliter asserunt hanc diuisionem substantialiter esse generis in species, habereque solum quendam modum analogæ diuisionis. Propositio enim hypothetica in quantum talis habet omnia requisita ad essentialem rationem enuntiationis, si quidem est oratio perfecta, & non sub specie optatiuæ, vel interrogatiuæ aut aliarum, ergo enuntiatuæ; deinde significat veritatem, aut falsitatem distinctam à Cathetica, quia non solum fertur iudicium de qualibet Cathetica; sed etiā de ipsa coniunctione hypothetica, non quantum ad dispositionem illationis, vt in consequentia, sed quantum ad ita esse, vel non esse, vt patet in hac propositione, si homo haberet alas, volaret, nam de singulis catheticis formatur iudicium falsum, de tota autem hypothetica, verum; & similiter est in copulatiua; & disiunctiua, quamuis non requiratur quod semper importent ipsam veritatem nisi quando procedunt asserendo, & exprimendo aliquem assensum iudicij, sicut etiam oratio simplex nisi sit assertiua, & enuntiatua non habet veritatem formaliter. Quia tamen in

Biblioth. Theol. Tom. IV.

esse qualitatis, seu in esse entitatio, & physico cathetica, & hypothetica se habent tanquam vnum & multa, quæ secundum quid & vnitate ordinis sunt vnum, & vna per prius, & alia posterius talis diuisio dicitur habere modum analogiæ. Cæterum artificialiter, & Logice in ratione enuntiandi veritatem vnivocè conuenire probabile est, sicque in ratione artefacti enuntiabilis simpliciter est quid vnum & per se propositio hypothetica.

Secundò diuiditur propositio in affirmatiuam, & negatiuam; affirmatiua, propositio est, in qua prædicatum affirmatur de subiecto, & respondet iudicio intellectus, pro vt appellatur compositio; negatiua verò est quæ prædicatum à subiecto remouet, & correspondet iudicio pro vt appellatur diuisio. Quæ diuisio etiam verè est generis in species, cum tam affirmatiua, quam negatiua, participant æqualiter essentialem rationem enuntiationis, significare scilicet obiectum super quod potest cadere iudicium verum, vel falsum, contrahantque illam per differentias essentielles copulationis negatiuæ, & affirmatiuæ.

Tertiò ratione materiæ diuiditur propositio in necessariam, contingentem, & impossibilem. Quartò ratione quantitatis in vniuersalem, particularem, indefinitam, & singularem. Vniuersalis est cuius subiectum est terminus communis signo vniuersali affectus vt omnis homo est animal, nullus homo est animal. Particularis est cuius subiectum est terminus communis signo particulari affectus, vt quidam homo disputat. Indefinita est, in qua subiectum est terminus communis & nullo afficitur signo, quæ si fuerit in materia naturali æquiualeat vniuersali, si verò in materia contingenti, particulari. Propositio singularis est cuius subiectum est terminus singularis.

Quintò diuiditur propositio, in modalem, & de inesse. Modalis propositio est, in qua verbum seu copula afficitur aliquo ex his 4. modis scilicet ne-

P 2 cessa.

cessatio, contingenter, possibiliter, impossibiliter, quia isti modi afficiunt verbum quantum ad rationem, & modificationem componendi propositionem, & copulandi. Propositio autem de inesse est illa quæ sine talibus modis copulatur, & componit vnum extremum cum alio. Vt hæc propositio Petrus currit, est de inesse, Petrus contingenter currit, est modalis.

Sexto diuiditur propositio diuisione subiecti in sua accidentia, in veram, & falsam, propositio vera est, quæ dicit re sicuti est in se; falsa verò quæ, rem aliter ac est in se enuntiat.

Quæ omnes diuisiones præter tertiam, quartam, & sextam, videntur fieri ex parte copulæ, Cathégorica enim, & hypothetica penes copulam distinguuntur, quia Cathégorica constat copula verbalis, hypothetica coniunctione propositionum. Item affirmatiua, constat copula affirmata, negatiua, copula negata: Modalis constat copula modificata modificatione ipsam compositionem tangente & afficiente: propositio de inesse copula simplici, & absoluta.

Quibus omnibus diuisionibus posset addi diuisio propositionis in exponibiles, & exponentes, propositiones exponibiles sunt quæ ratione alienius in eis inclusi, obscurum habent sensum & ita indigent expositione. Quod sit per alias propositiones clariore: & ideo vocantur exponentes. Quia tamen propositiones exponibiles pluribus propositionibus necesse habent exponi seu declarari, dici possunt virtualiter hypothetica, & inter illas recenseri.

De Proprietatibus propositionis.

Proprietates propositionis sunt in duplici differentia, quædam sequuntur ipsa extrema, seu partes propositionis, cuiusmodi sunt, suppositio, ampliatio, restrictio, alienatio, appellatio, & de illis egimus supra; quædam verò sequuntur totam propositionem; sicut enim

ex habitudine quam vnus terminus in propositione dicit ad alterum resultant dictæ proprietates, ita ex comparatione vnus propositionis ad aliam resultant quædam earum passiones, nempe oppositio, æquipollentia, & conuersio, de quibus agimus in præsentia.

Oppositio igitur in communi potest definiri quod sit affirmatio, & negatio eiusdem, de eodem, siue repugnantia inter propositionem affirmatiuam, & negatiuam eiusdem prædicati, & subiecti, in nomine, in re significata, in integritate, in tempore, & in loco.

Diuiditur oppositio dicta in tres species scilicet in contradictoriam, contrariam, & subcontrariam. Oppositio contradictoria, si consideretur ex parte eius quod se habet quasi materialiter, inuenitur quando vna propositio est vniuersalis, & alia particularis, quarum vna affirmatur, altera negatur, vel duæ propositiones de subiecto singulari vna affirmata, altera negata. V. g. omnis homo est animal, aliquis homo non est animal. Petrus currit, Petrus non currit. Si consideretur autem dicta oppositio secundum suam rationem veluti formalem, est illa, quæ repugnat in veritate, & falsitate, ita vt duæ contradictoriæ nunquam possint esse simul veræ aut falsæ, sed si vna est vera, altera est falsa.

Similiter oppositio contraria, si consideretur ex parte rationis materialis, est quando ambæ propositiones sunt vniuersales, vna affirmatiua, altera negatiua, vt, omnis homo est animal; nullus homo est animal; si vero definiatur ex parte rationis formalis est illa, quæ repugnat in veritate, non tamen falsitate, ita vt duæ contrariæ nunquam possint esse simul veræ, bene tamen simul falsæ in materia contingenti, vt omnis homo est albus, nullus homo est albus.

Tandem oppositio subcontraria ex parte suæ rationis materialis, est illa cuius ambæ propositiones sunt particulares, vt aliquis homo currit; aliquis homo non currit; ex parte verò rationis formalis est illa quæ repugnat in falsitate,

tate, non tamen in veritate, ita vt ambæ poſſint eſſe ſimul veræ, nunquam tamen ſimul falſæ.

Sunt qui addant his tribus oppoſitionum ſpeciebus, quartam, oppoſitionem videlicet ſubalternam, quæ verſatur inter propoſitiones, quarum vna eſt vniuerſalis, & alia particularis; ambæ verò negatiuæ, vel affirmatiuæ; vt omnis homo eſt animal, aliquis homo eſt animal. Nullus homo eſt animal. Aliquis homo nō eſt animal. Sed hæc propriè loquendo, non eſt oppoſitio; cum non ſit affirmatio, & negatio. Poſteſt tamen ſecundum quid appellari talis, quia eſt inter propoſitiones habētes diuerſam quantitatem, & inter ſe per modum ſuperioris & inferioris ordinatas, vnde etiā oppoſitio relatiua poſſet vocari; ſic autē ſe habent huiusmodi propoſitiones ſubalternatim poſitæ, vt in materia naturali, ſi vna eſt vera, aliam ſit vera; & idem eſt de falſitate: at in materia cōtingenti vniuerſalis poſteſt eſſe falſa, particularis autem vera, ſed non eſt contra.

Inter hæc autem oppoſitionum ſpecies oppoſitio contradicōria eſt maxima; cum ipſa ſola abſolutè, & omnibus modis deſtruat ſuum oppoſitum; reliquæ autem oppoſitiones non ita abſolutè, & ſimpliciter deſtruant, ſed aliquid de illo relinquunt. Et ſi enim negatio vniuerſalis in oppoſitione contraria plus deſtruat quaſi extenſiuè, & quantum ad modum ſignificandi, quam oppoſitio contradicōria; non tamen intensiuè & in ordine ad deſtruendum totum quod ponitur in ſuo oppoſito, tam quo ad veritatem, quam quo ad falſitatem, & vniuerſalitatem, & particularitatem, ſic enim contradicōtio totum tollit, contrarietas verò aliquid relinquit, vniuerſalitatem, & falſitatem cum ambæ propoſitiones contrariæ debeant eſſe vniuerſales, poſſintque eſſe in materia cōtingenti falſæ, vnde aliud eſt plus deſtruere de ſuo oppoſito, aliud negationem diſtribuendo ad plura ſubiecta applicare, hoc ſecundum conuenit

contrarietati, non primum. Similiter ſubcontrarietas non tollit particularitatem, & conſequenter neque veritatem, ſed duæ propoſitiones ſubcontrariæ ſūt ſimul particulares, & poſſunt ſimul eſſe veræ.

Quæ doctrina non ſolum eſt vera in oppoſitione Logica ſeu propoſitionum, ſed etiam in oppoſitione reali, ſeu phyſica, quæ eſt quaſi obiectum oppoſitionis Logicæ; nam oppoſitio contraria Phyſica verſatur inter duas formas poſſitias quæ poſſunt eſſe in eodem ſubiecto, vel ſimul, ſi ſint in gradibus remiſſis, vel ſucceſſiuè, ſi ſint in intensis, ſicque vna forma contraria nō deſtruit totaliter aliam, nec conuenientiam ipſarū in ſubiecto; & ideo contraria dicuntur ſolum maximè diſtare in eodem genere, & intra vnum genus; contradicōria autem in omni genere, quia dantur per negationem purè & abſolutè, quæ eſt extra omne genus, & ita negat omne ens. Similiter oppoſitio priuatiua non tollit, ſed relinquit aptitudinem ad oppoſitam formam; vnde ſaltem ex hac parte relinquit aliquam conuenientiam cum ſuo oppoſito. Denique relatiua oppoſitio, non includit negationem, quæ vnum oppoſitum remoueat alterum, ſed potius ſupponit tale correlatiuum dari, cum relatiua ſint ſimul natura, & cognitione. At verò in contradicōrijs negatio vnius, ita eſt pura, & abſoluta malignantiſque naturæ, vt omnem penitus conuenientiam cum ſuo extremo negato tollat; & ita nec relinquit eſſe, nec aptitudinem, nec vniuerſalitatem nec particularitatem; vnde ſimpliciter & abſolutè eſt maior oppoſitio intensiuè tam in propoſitionibus, quam in rebus, & ex illa deriuatur oppoſitio tanquam ex principaliori ad reliquas oppoſitiones.

Obſeruandum eſt tamen, quando diximus propoſitiones contradicōrias rectè assignatas non poſſe eſſe ſimul veras aut falſas, non debere ita intelligi quaſi lex contradicōriorū ſit, quod vna ſit determinatè materialiter & in ſingulari vera, altera autem determinatè falſa; ſed

sed solum lex contradictoriarum petit, quod vna sit vera & altera falsa determinatè formaliter, id est, quod de facto nunquam vtraque sit vera, nec vtraque falsa, sed vna tantum: vt si vna est vera, altera sit falsa. Quod enim in indiuiduo ista sit vera determinatè præ alia, id non efficit contradictio, sed causarum determinatio præsertim diuina vt docet peritiores Theologi 1. par. q. 14. de sciētia Dei, in propositionibus de futuro contingenti, inter quas potest esse contradictio, & tamen vna non est determinatè vera materialiter, alia verò falsa, cum repugnet contingentie de futuro talis determinatio ex se.

Secunda propositionum proprietas est æquipollentia, quæ nihil est aliud, quam eadem vis duarum propositionū à diuersis signis proueniens; siue propositionum oppositarū penes variationem negationis æquiualentia, & eiusdem sensus significatio: Ad quod tria solent assignari præcepta hoc versu contenta,

*Præ, contradic; post, contra; præ, post-
que subalter.*

Primo enim vt duæ propositiones contradictoriæ oppositæ fiant æquiuales, præponenda est negatio subiecto cuiuslibet illarū, & hoc significat prima versus particula, præ, contradic; Secundo vt duæ contrariæ reddantur æquipollentes postponenda est negatio subiecto propositionis ante copulā; & hoc significat illa particula, post, contra. Tertiò vt duæ subalterne fiant æquipollentes, apponendæ sunt duæ negationes, cuiuslibet illarū, vna ante subiectum, & alia post subiectū ante copulam, quod significant illæ vltimæ particulæ; præ, postque, subalter. Pro subcontrarijs verò nulla datur regula, cum æquipollentiæ non sint capaces. Si enim præponatur negatio, redditur propositio vniuersalis, & consequenter non æquipollens particulari, vt, quidam homo currit, quidam homo non currit, si dicatur, non quidam homo currit, idem est ac nullus. Si postponatur negatio subiecto in affirmatiua, non fiet æquipollens sed formaliter negatiua, vt quidam

homo currit, si postponatur negatio fiet negatiua; quidam homo non currit, nō autem æquipollēs negatiuæ; si verò ipsi negatiuæ postponatur fiet repetitio inutilis, quidam homo non non currit.

Quia autem propositionum æquipollentia maximè proucnit ab æquipollentia signorum inter se quibus afficiuntur, memoriæ iuuandæ causa quinque sequentibus versibus huiusmodi signa solent à Dialecticis comprehendi.

*Non omnis, quidam non: omnis non,
quasi nullus.*

*Nonnullus, quidam: sed nullus non,
valet omnis.*

*Non aliquis, nullus: non quidam non,
valet omnis.*

Vterque non, neuter: neuter non, valet uterque.

Non alter, neuter: non alter non, est uterque.

Tertia tandem, & vltima propositionum proprietas est conuersio, quæ definitur transmutatio vnius extremi totalis, in alterum extremum totale, scilicet subiecti in prædicatum, & è contra, seruata qualitate, & veritate, id est, quod maneat copula affirmatiua, aut negatiua vtrobique, & vtraque sit vera; ad quod diligenter aduertendum est, vt sæpè integrum subiectum efficiatur integrum prædicatum, & è contra; alias nō erit bona consequentia; insuper vt seruentur omnes terminorum proprietates, excepta suppositione quæ prouenit à signis; nam defectu ampliacionis non valet, senex fuit puer: ergo puer fuit senex, sed inferendum est ergo quod fuit puer, est, vel fuit senex. Similiter defectu suppositionis nō valet homo est species, ergo, species, est homo.

Triplex est conuersio, scilicet simplex, seu mutua, per accidens seu non mutua, per contrapositionem, quæ etiā mutua est, sed penes extrema finita, & infinita. Conuersio simplex dicitur illa, in qua transmutatur prædicatum in subiectum, & è contra manente eadem quantitate, quomodo conuertuntur vniuersalis negatiua, & particularis affirmatiua,

tus, ut nullus homo est lapis, ergo nullus lapis est homo; quidam homo est albus, ergo quoddam album est homo. Conuersio per accidens, seu in partem est quando transmutatur prædicatum in subiectum non manente eadem quantitate, quomodo conuertuntur vniuersalis affirmatiua, & vniuersalis negatiua, propositiones enim, quæ conuertuntur simpliciter si sint vniuersales, à fortiori possunt conuerti per accidens, cum particularis contineatur sub vniuersali. Ut omnis homo est animal, ergo aliquod animal est homo; nullus homo est lapis, ergo aliquis lapis non est homo. Conuersio per contrapositionem est mutatio prædicati in subiectum variatis terminis penes finitum & infinitum, quomodo conuertuntur vniuersalis affirmatiua, & particularis negatiua, ut si dicas omnis homo est animal, rectè sequitur, ergo omne non animal est non homo: quidam homo non est albus, ergo non album non est non homo, quæ conuersio adinuenta est, ut suppleret conuersionem mutam in his quæ mutò conuerti non possunt secundum se. Et propriè loquendo non est conuersio terminorum, cum non maneant iidem termini, seu extrema, sed est conuersio secundum sensum mutatis terminis de finitis in infinitos.

Ad hæc autem omnia facilius retinenda quatuor vocales, scilicet, A. E. I. O. designatæ sunt à Dialecticis ad supradicta quatuor propositionum genera significanda. A. significat vniuersalem affirmatiuam. E. significat vniuersalem negatiuam. I. particularem affirmatiuam. O. particularem negatiuam, vnde sunt versus.

Afferit A, negat E, sunt vniuersaliter ambe

Afferit I, negat O, sunt particulariter ambe.

Deinde sunt alij duo versus comprehendentes omnes propositionum conuersiones.

Simpliciter FECI, conuertitur EVA per acci.

ASTO, per contrasit fit conuersio tota. Vbi ly FECI designat quod vniuersalis negatiua, & particularis affirmatiua simpliciter conuertuntur. EVA significat quod vniuersalis negatiua potest conuerti etiam per accidens, vniuersalis autem affirmatiua semper per accidens. ASTO significat quod vniuersalis affirmatiua, & particularis negatiua per contrapositionem conuerti possunt.

De modo quo inter nomina tam primæ, quam secundæ intentionis propositiones fieri, aut efformari possant.

Priusquam ad explicationem propositionum modalium, & Hypotheticarum specialem aliquam difficultatem præ se ferentium accedamus, operæ pretium duxi breuiter aperire quomodo in nominibus tam primæ, quam secundæ intentionis propositiones simplices affirmatiuæ veræ efformari possint. Pro cuius intelligentia notandum est.

Primò prædicationem, seu attributionem, quæ fit de aliquo mediante propositione, generali diuisione posse diuidi in identicam, disparatam, & mediam. Prædicatio identica, alia identica materialiter, alia formaliter; Identica simpliciter est illa in qua idem de seipso vel synonymum de synonymo enuntiat, ut homo est homo; Identica materialiter est, quando significationes quidem terminorū sunt diuersæ, sed realitas seu entitas est eadem, ut cum dicitur, actio est passio, & prædicatur vnum attributum de alio in Deo. Disparata, in qua prædicatum nullam habet connexionem cum subiecto, mediā verò in qua prædicatum, & subiectum habent sufficientem connexionem, sed non omnimodam identitatem. Quæ prædicatio mediā rursus diuiditur in directā, & indirectā. Directa est illa, in qua illud quod à parte rei habet rationem formæ ponitur in propositione ut prædicatum, & illud quod habet à parte rei

rei rationem materiæ, vt subiecti, cuius oppositum constituit propositionem indirectam. Vbi notandum est nomine subiecti, & formæ non solum intelligi id quod physice se habet vt forma, & materia, sed quod habet se quomodocumque vt actiuus, & actuable, vel superius, & inferius, dicitur enim superius forma inferioris, non quia gradus superior sit actualior, sed quia contrahibilis, & omne quod contrahitur, quasi recipitur ab eo ad quod contrahitur. Tandem prædicatio directa, seu formalis, quæ propriè loquendo sola est absolutè, & scientifica prædicatio, diuiditur in essentialiam & accidentalem; Essentialis est, quando prædicatum est de intrinseca ratione subiecti. Accidentalis, quando est extra illam. Vbi valde distinguendum est inter identitatem, & connexionem extremorum; Identitas enim pertinet ad coniunctionem, seu conuenientiam, & adæquationem extremorum, quæ ad omnem prædicationem requiritur, connexio autem ad habitudinem, qua extrema ordinantur vel essentialiter vel accidentaliter ad inuicem.

Vbi etiam diligenter adnotandum est, supradictam doctrinam habere locum siue propositiones sint affirmatiuæ, siue negatiuæ, siue veræ, siue falsæ. Aliud enim est prædicatio disparata, vel identica, aliud propositio disparata, vel idética. Propositio enim respicit veritatem, & falsitatem, prædicatio terminorum, habitudinem. Et potest esse prædicatio identica, & propositio falsa, vt homo non est homo. Et ista propositio homo non est lapis, est disparata, licet vera. Similiter hæc est directa, licet falsa: homo non est rationalis, & hæc est indirecta, quamuis falsa: rationale non est homo.

Secundò notandum est concreta accidentium eandem rem prorsus significare, ac eorum abstracta, ita vt differant solum in modo significandi talem rem. Nam abstractum significat formam accidentalem per modum substantiæ, seu per se stantis, concretum verò significat

eandem formam quasi alteri adiacentem, & connotando subiectum: & sic abstracta ex modo significandi sumuntur vt partes, & vt quo aliquid est, concreta autem vt tota; & vt quod habet formam; quod etiam est commune concretis, & abstractis substantialibus, cum hoc tamen discrimine, quod cum compositis, seu concretum substantiale sit ens per se & simpliciter vnum ac totum, componitur necessariò ex partibus, quæ simpliciter sint partes, & per consequens nunquam possunt esse simpliciter tota, sed tantum secundum quid. At verò compositum accidentale, quia est ens per accidens, secundum quid tantum est vnum, & totum; & per consequens partes eius secundum quid tantum erunt partes; simpliciter autem tota.

Tertiò aduertendum est quod, cum nomina tam primæ, quam secundæ intentiones alia sint abstracta, alia concreta, quatuor inter illa possunt fieri combinationes, atque adeò dubitari primò an concreta prædicentur de concretis, secundò an abstracta de abstractis; tertio, an concreta de abstractis; quartò an abstracta de concretis.

Pro quo dico primò propositiones, in quibus nomina concreta primæ intentionis de concretis prædicantur, siue concretum sit substantiale, siue accidentale, esse veras & concedendas, vt homo est substantia, album est coloratum. Et idem est quando concretum accidentale prædicatur de substantiali, vt homo est albus.

Secundò certum est, prædicationes quæ fiunt inter abstracta accidentium, quorum vnum est de essentia alterius, esse omnino veras, & formales, vt albedo est color, color est qualitas; sicut etiam certum est circa abstracta substantialia, omnes prædicationes in quibus abstractum, quod ponitur loco prædicati, non pertinet ad essentiam abstracti, quod ponitur loco subiecti, esse omnino falsas, vt humanitas est risibilis. Vt enim prædicatio accidentalis sit vera, prædicatum debet significari adiectiue,

tu

Sectio VII. Caput VI.

121

seu per modum alteri adiacentis, quod tamen non contingit quando prædicatum ponitur in abstracto. Quæ etiam ratio probat propositionem, in qua abstractum differentię prædicatur de abstracto speciei, vt quando dicitur *humanitas est rationalitas*, in sensu formali esse falsum. Idem dic de prædicationibus inter abstracta generis, & differentię; nec non inter abstracta differentię superioris, & inferioris, vt si dicatur, *rationalitas est animalitas*: rationalitas est sensibilis. Cum differentia nullatenus includat genus, nec etiam differentias superiores, & ex modo significandi vnū non significetur, vt adiacens alteri, vt fit quando prædicantur in concreto. Nihilominus quando abstracta substantia, ita se habent, vt vnum sit de essentia alterius, & prædicetur in quid, vt quando de humanitate prædicatur animalitas vel quilibet alius gradus genericus, probabilius est huiusmodi propositiones esse veras non solum in sensu identico, sed etiam in sensu formali. Dummodo tamen huiusmodi abstracta superiora non sumantur cum præcisione suorum inferiorum, siue vt alij volunt reduplicatiue, & vt explicant solum officium abstractionis formalis, sed vt cōfuse aliquo modo continent inferiora, explicantque solum naturam cum omni formali constitutio sub abstractione tantquam sub modo essendi.

Tertiō, quamuis in prædicatis generalibus, & diuinis abstracta verè prædicentur de concretis, & è contra. V.g. *Entitas est ens, & ens est entitas; Deus est Deitas, & Deitas est Deus*. Vbi abstracta in rei veritate non sunt partes respectu concreti, nec concretum includit aliquid præter abstractum propter transcendentiam, quam tam in concreto, quam in abstracto important; id tamen repugnat in alijs rebus creatis, & prædicatis particularibus, vbi concretum includit aliquid aliud præter abstractū, vnde hæ sunt falsæ prædicationes, homo est humanitas, albedo est alba, & è contra, homo enim præter humanitatem

Biblioth. Theol. Tom. IV.

includit personalitatem, seu suppositū; & album præter albedinem includit subiectum.

Loquendo modo de nominibus secundæ intentionis tam inter se quam respectu primarum, dico primò quod sicut accidentia in abstracto non prædicantur de substantia, non enim dicimus homo est color; ita secundæ intentiones, quæ habent rationem accidentium respectu primarum non prædicantur de illis in abstracto, bene autem in concreto, vnde falsum est dicere, animal est genereitas; homo est specieitas; verum autem animal est genus, homo est species.

An autem secundæ intentiones in concreto prædicentur de primis, tam in concreto, quam in abstracto loquendo generaliter, tam de substantijs, quam accidentibus; ita vt sicut est verum, *animal est genus*, ita etiam sit verum *animalitas est genus*. Et sicut è contra verum est *albedo est species*, ita etiam sit verum, *album est species*. Dico secundò sola concreta substantię, & abstracta accidentium propriè & simpliciter denominari genera, & species. Duo enim requiruntur in primis intentionibus, vt propriè & simpliciter denominentur ab his secundis generis, & speciei, scilicet esse entia completa, & esse entia per se, quæ duæ conditiones solum reperiuntur in concretis substantię, & in abstractis accidentium, abstractum enim substantię, licet sit ens per se, non tamen est ens completum, quia significatur, vt pars; concretum verò accidentis, licet sit ens completum, non tamen est ens per se, quia significatur, vt compositū accidentale.

Comparando secundas intentiones, inter se dico tertiō, vnā secundam intentionem, quando est de essentia alterius, optimè posse de illa prædicari tam in abstracto, quam in concreto; & in hoc nullum est discrimen inter secundas intentiones, & accidentia realia. Vnde sicut verè dicimus albedo est color, color est qualitas, & similiter album est colo-

Q

colo-

coloratum, coloratum est quale; ita etiã verè dicimus, *Genereitas est vniuersalitas*; Vniuersalitas est relatio rationis; similiter, *Genus est vniuersale*; vniuersale est relatiuum rationis.

Quantum ad prædicationes accidentales, seu denominatiuas quæ sunt inter ipsas secundas intentiones, discurrendũ est cum proportionem ad accidentia realia. Sicut enim in his quædam sunt inter se repugnantia, quæ scilicet eidem subiecto inesse non possunt, vt albedo, & nigredo, & inter hæc falsa est prædicatio tam in abstracto, quam in concreto. Alia verò sunt, quæ talem repugnantiam non habent, sed compatiuntur in eodem subiecto, vt albedo, & dulcedo, & inter hæc si fiat prædicatio in abstracto est falsa, vera autem in concreto. Ita inter secundas intentiones, quædam inter se pugnant, nec possunt eandem naturam denominare, vt intentio generis & differentie, & inter has falsa est prædicatio tam in abstracto quam in concreto, falsum est enim dicere *Genereitas est differentialitas*; & *Genus est differentia*. Aliæ verò sunt quæ non habent talem repugnantiam, sed possunt eidem naturæ attribui, vt intentio generis, & speciei subalternæ, & inter has falsa est prædicatio in abstracto, V.g. *Genereitas est speciestas subalterna*; vera autem in concreto, *Genus est speciestas subalterna*.

Nihilominus tamen cum vna secunda intentio in abstracto significata possit esse fundamentum alterius, & inducere rationem primæ respectu illius. Quid enim potest esse obiectum intellectus, potest etiam denominari à secundis intentionibus. Hinc fit quod quamvis in his intentionibus abstractum non prædicetur de concreto in prædicatis particularibus, vt dictum fuit de nominibus primæ intentionis, potest tamen optimè concretum prædicari de abstracto; in quo secundæ intentiones distinguuntur à primis; qua ratione verè; & propriè dicitur, vniuersalitas est genus, aut *Genereitas est speciestas*; si enim vniuersalitas, vt suo loco supra diximus,

diuisione vniuersalis, & essentiali, diuiditur in genereitatem, speciestatem &c. vniuersalitas verè est genus ad illas, illæque sunt veræ vniuersalitatis species.

De Propositionibus Modalibus.

Propositio Modalis propriè loquendo dicitur talis à modo qui determinat, & modificat ipsam compositionem, seu vnionem & conuenientiam prædicati & subiecti; qui modus est triplex, necessarius, impossibile, & contingens seu possibile correspondens tribus propositionum materijs. Nam materiæ naturali correspondet necessariũ, remotæ impossibile; contingentem verò possibile, seu contingens. Erit ergo propositio modalis illa, quæ aliquo ex his modis afficitur, seu quæ non solum exprimit prædicatum conuenire subiecto, sed etiam modum quo illi conuenit, vt si dicatur, *hominem esse animal esse necesse* qui modus si auferatur, propositio quæ remanet, appellatur de inesse, seu officians, in qua simpliciter denotatur prædicatum conuenire, & inesse subiecto, V.g. *homo est animal*.

Notandum est autem hos modos posse dupliciter sumi: primò nominaliter, vt possibile, contingens, necessariũ, & secundò aduerbialiter, vt possibiliter, contingentèr, necessariò, &c. priori modo in propositionibus modalibus modus ipse est prædicatum, & oratio illa infinitiui est subiectum; & appellatur dictum; vt patet, si dicas *Petrum currere* est contingens. Etiam si aliquando secundum voces modus anteponatur propositioni, dicendo contingens est *Petrum currere*, nam iuxta sensum semper modus est prædicatum; quando autem modus sumitur aduerbialiter, non est prædicatum, sed modificat vnionem prædicati, & subiecti, vt si dicatur *Petrus necessario est animal*.

Propositio Modalis sic explicata est duplex, quia duplici modo statim explicato potest affici, alia est modalis *diuisa*, alia *composita*: Modalis *composita*

fit

sita est, in qua modus sumitur nominaliter, atque adeo se habet, vt prædicatum, & ipsum dictum vt subiectum, vt *Petrus currere est contingens*. Modalis diuisa est, in qua modus aduerbialiter sumptus fertur in copulam, vt *Petrus contingenter currit*.

Et hinc ortum habuit celebris illa, sensus compositi, & diuisi distinctio in propositionibus; nõ enim quælibet propositio modalis indifferenter, aut quocumque modo disposita admittit vtrūque sensum, vt explicant aliqui Doctores extra scholam Sancti Thomæ, qui perinde distinguunt penes sensum compositum, & diuisum eandem propositionem, siue dicatur, *Prædestinatus non potest condemnari*, siue, *Prædestinatum condemnari est impossibile*. Sed sensus compositus sumitur ex modalis composita, & diuisus ex diuisa. Et isti sensus consistunt in hoc quod in sensu composito, significatur ipsa similtas, & vnio formæ in vno subiecto: in sensu autem diuiso significatur vnio, seu conuenientia duplicis formæ in subiecto, non simul, sed successiue, seu vna excludente aliam, hoc enim est diuisiue. Vnde nunquam valet à modalis diuisa ad compositam, seu à sensu diuiso ad compositum, sicut non valet à conuenientia, successiua ad simultaneam. Et ideo sensus compositus rectè significatur per modalem compositam, in qua eo ipso quod modus est prædicatum, & totum dictum subiectum, prædicatur modus de partibus eius simul sumptis, & per modum vnus, ac proinde significatur illa duo simul esse compossibilia in subiecto seu vniri, & conuenire simul formam prædicati & subiecti sub illo modo, in quo consistit sensum esse compositum.

Sensus autem diuisus significatur per modalem diuisam, in qua eo ipso quod modus solum afficit copulam, seu quod idem est interponitur partibus dicti, iam illa pars, quæ est prædicatum, quasi disiungitur ab alia, quæ est subiectum, & iuxta regulas appellationis applicat suum significatum formale, supra mate-

Biblioth. Theol. Tom. IV.

riale istius, denotaturque modum quidè illum conuenire subiecto, non autem, ipsis formis prædicati, & subiecti, in quo consistit sensum esse diuisum. Exemplum est si dicas: *Amansem odisse est possibile, ridentem flere est possibile*, in sensu composito significat, quod coniunctio amoris, & odij, ridendi, & flendi est possibilis, si autem dicatur *Amans possibiliter odit*, seu *potest odio habere*, significat in sensu diuiso, quod subiecto amanti conuenit potentia ad odium, non tamen ad amorem simul cum odio. Vnde quando in propositione modali per extrema dicti importantur formæ oppositæ, ita tamen vt vna forma non excludat potentiam subiecti ad recipiendā aliam, sed solum coexistentiam, & similitatem, tunc adhuc in sensu diuiso manet illa potentia, stante illa forma in subiecto, nec enim illa forma tollit potentiam aut ponit; Et sic cum dicitur: *Voluntas promota efficaci diuine gratiæ auxilio potest non operari, aut dissentire in sensu diuiso*, non significatur, quod diuidendo efficacem motionem potest non operari, vt perperam intelligunt aliqui, sed adhuc stante in subiecto efficaci gratiæ motione, manet potentia ad oppositum, sed non ad coniungendum oppositum cum forma efficacis motionis. Itaque sensus diuisus ponit potentiam in subiecto ad opposita successiue, compositus autem denotat potentiam ad opposita simul coniungenda, & vnienda.

Quod spectat ad propositionum modalium quantitatem, qualitatem, oppositionem, æquipollentiam, conuersionem & reductionem. Notandum est primò tres illos modos, impossibile, necesse, possibile, seu contingens secundum se importare quantitatem similem illis signis, omnis, nullus, quidam &c. ostendentibus quantitatem propositionum simplicium, iuxta illos duos versus.

Omnis, necesse valet: impossibile nullus.

Possibile, quidam: quidam non, possibile non:

Q 2 Ne-

Necessarium enim & impossibile dicunt vniuersalitatem, eo quod id quod conuenit necessario, semper & omnibus conuenit, quod verò impossibiliter, nulli & nunquam conuenit. Possibile autem, & contingens dicunt particularitatem, quia ad saluandum quod aliquid sit possibile, sufficit quod pro aliquo tempore, aut subiecto sit possibile, seu contingens; hic enim contingens accipitur pro eodem atque possibile, non autem pro defectibili, sic enim opponitur necessario, seu pro eo quod potest esse aliquando præsciendendo à defectibilitate.

Secundò notandum est circa harum propositionum qualitatem quæ attenditur penes affirmationem vel negationem, quod cum inueniatur in modali composita duplex copula, scilicet dicti & modi potest vel utraque affirmari, vel utraque negari, aut affirmari dictum, & negari modus, vel affirmari modus, & negari dictum; ita tamen ut sicut in propositione simplici, affirmatio vel negatio attenditur ex copula principali, ita etiam in modali composita, ubi modus prædicatur de dicto, affirmatio vel negatio attendatur penes copulam, qua modus ipse enuntiatur de dicto: & ideo quando modus est negatus propositio modalis est simpliciter & absolute negatiua, quamuis dictum sit affirmatum, & è contra. Idem dic circa quantitatem istarum propositionum, quæ absolute attenditur ex quantitate modi: & ideo illa propositio modalis appellatur simpliciter vniuersalis, cuius modus est vniuersalis; licet dictum sit particulare, & è contra: quamuis etiam ex quantitate dicti talis propositio secundum quid denominetur vniuersalis vel particularis, sicut ex affirmatione vel negatione eius dicitur secundum quid affirmatiua, vel negatiua.

Deueniendo modo ad oppositionem, & æquipollentiam harum propositionum aduertendum est tertio, quod sicut in propositionibus de inesse attenditur quantitas, ut fiat oppositio, ita etiam in mo-

dalibus quantitas modorum attendi debet; unde cum isti modi per omnia assimilentur supra dictis signis, consimili etiam modo contingit utrobique oppositio: & ideo sicut contrariantur *omnis & nullus*, ita *neceffe & impossibile*, & sicut subcontrariantur *quidam & quidam non*, ita possibile, & possibile non & sicut opponuntur contradictorie, *nullus & quidam*, *omnis & quidam non*, ita *neceffe & possibile non*, seu *contingens non*, impossibile & possibile seu contingens, ac tandem sicut *omnis*, & *aliquis*, *nullus* & *aliquis non*, seu *quidam non*, subalternantur, ita etiam *neceffe*, & *possibile*, seu *contingens*, impossibile & possibile non, seu *contingens non*.

Similiter sicut æquipollentiæ propositionum simplicium sunt per negationem præpositam aut postpositam, ita & æquipollentiæ sunt in modalibus per eandem negationem præpositam, aut postpositam, valentque pro illis tres regulæ illo versiculo contentæ.

Præ, contradic; post, contra: præ, post-que subalter:

ne autem quis in anteponendis, aut postponendis huiusmodi negationibus turbetur; sciendum est in his propositionibus modalibus tunc negationem anteponi, quando negatur modus; postponi, quando negatur dictum; anteponi, & postponi, quando utrumque negatur quod sit constituendo negationem, tam à parte dicti, quam à parte modi.

Vt autem hæc omnia facilius memorie commendarentur, adinuenerunt dialectici quatuor dictiones Purpurea, Iliace, Amabimus, Edentuli, quarum explicatio videri potest in authoribus ratio enim compendij non permittit ut in his diutius immoremur. Solum aduerto pro Modalibus diuisis, quod ut fiat oppositio, debet mutari quantitas modorum, ita ut in una sit vniuersalis in alia particularis v.g. Petrus necessariò est homo, eius contradictoria est, Petrus possibiliter non est homo. Quando verò modalis diuisa est de subiecto communi, debet etiam mutari quantitas dicti,

Sectio VII. Caput VI.

125

Ati, vt si dicatur omnis homo necessario est rationalis, eius contradictoria est, aliquis homo possibiliter non est rationalis.

Quarto generaliter loquendo conuersio propositionum fit ratione dicti, non ratione modi tam in modali composita quam diuisa, ac proinde seruantur eadem regulæ generales ac in propositionum Cathegoricarum conuersione: vt si dicatur, omnis homo necessario est animal, valet aliquod animal necessario est homo, &c. Quando tamen in propositione de necesse subiectum dicti est aliquod concretum accidentale, tunc necesse debet mutari in possibile, alias dabitur antecedens verum, & consequens falsum: vt Logicus necessario est homo, non valet, ergo homo necessario est logicus, sed debet pro necessario poni *possibiliter* dicendo, ergo homo possibiliter est Logicus, cuius ratio est, quia sepe vna res ex natura sua petit vniri alteri; cum tamen hæc non necessario petat cum priori coniungi. Similiter quando modi sunt negatiui, & dictum est vniuersale affirmatiuum, non potest propositio modalis conuerteri, si subiectum dicti sit superius prædicato, non enim valet, omne animal esse hominem est impossibile, ergò aliquem hominem esse animal est impossibile.

Quinto tandem, & vltimo reductio propositionum modalium, nihil aliud est quam probare, seu regulare veritatem illarum, per veritatem propositionis de inesse, vbi nota quod propositio de inesse dicitur dupliciter, vno modo quia caret modis afficientibus eam, & vt opponitur modali, alio modo, quia est de presenti, & opponitur propositioni de præterito, aut futuro, quæ dicitur de extrinseco tempore. Reducitur ergò modalis ad suam de inesse, formando propositionem de inesse, & ostendendo quod competit illi modus in propositione modali positus, vt si dicatur *Petrus possibiliter disputat*, reducitur ad suam de inesse sic, hæc propositio Petrus disputat, est contingens. Sic ad veritatem

& falsitatem propositionum modalium cognoscendam sequens regula perpetuò obseruanda est: quod nimirum tunc propositio de possibili seu contingenti est vera, quando sua de inesse est possibilis, aut contingens: Propositio verò de impossibili, tunc est vera quando eius de inesse est impossibilis, falsa verò quando eius de inesse non est impossibilis. Ecce tandem propositio de necesse tunc est vera, quando eius de inesse est necessaria; falsa verò quando eius de inesse non est necessaria. Et nota quod omnis modalis, si est vera, est propositio necessaria, & æternæ veritatis, sicut per oppositum omnis modalis falsa est impossibilis; cuius ratio desumitur ex ipsamet natura propositionis modalis, quæ non solum exprimit prædicatum conuenire subiecto, sed etiam modum proprium quo illi conuenit; vnde si dicatur Petrus currere est contingens, hoc ipsum est propositio necessaria, quia cursui Petri necessario conuenit contingentia. Et hinc colligunt aliqui quomodo prima causa potest causare in causis liberis contingentiam, & libertatem, operando infallibiliter, quia non solum causat res ipsas, sed etiam modos earum, & vnicuique modum suum tribuit, & ita ex causalitate diuina, nõ sequitur v.g. quod ambulatio Pauli, sit necessaria, sed quod ambulationem Pauli fieri liberè, & contingenter, sit infallibile & necessarium, quia illi ambulationi cõperit ab intrinseco, & necessario libertas, & contingentia.

De Propositionibus Hypotheticis.

Propositionis Hypotheticæ superius explicatæ tres solent assignari species conditionalis, copulatiua, & disiunctiua. Propositio conditionalis est illa cuius partes principales vniuntur media particula si, aut alia consimili; vbi non sumimus conditionalem illatiuè, & in vi præcise consequentiæ, cum ita pertineat ad tertiam mentis operationem, sitque vera argumentatio non propositio;

tio; sed sumimus illam merè concomitantem, ita scilicet, ut importet concomitantiam antecedentis, & consequentis propositionis conditionalis fundatam, non quidem in bonitate illationis secundum se, sed supposita aliqua affirmatione, aut promissione, vel alia causa, ratione cuius posito in esse antecedenti, poneretur etiam consequens ut patet in his conditionatis, si pro me apud regem intercesseris, dabo tibi centum nummos aureos: si heri venisses in domum amici, vidisses ibi Petrum; sic enim convenit illis definitio propositionis, habentque suam veritatem hypotheticam, ad quam sufficit, & requiritur, ut verè à parte rei existat fundamentum illius concomitantiz antecedentis, & consequentis. Ad hoc enim ut verè quis dicat, & asserat, si pro me apud regem intercesseris, dabo tibi centum nummos; necessarium est tunc adesse propositum dandi centum nummos, etiam si postea, mutato consilio, non det illos. Quod si promittens nō habuit tale propositum, propositio fuit falsa, etiam si postea, facta apud regem intercessione, donetur nummi.

Propositio copulativa est illa cuius partes principales vniuntur coniunctione copulativa, & ac, nec &c. ad cuius veritatem requiritur, quod utraque pars sit vera, ad falsitatem verò, quod utraque, vel altera sit falsa. Ut homo est rationalis, & equus est hinnibilis, est vera, quia utraque pars est vera, consistit enim veritas illius in copulatione veritatum, si autem dicatur, Petrus disputat, & lapis currit, tota est falsa, quia pars eius est falsa. Unde in defectu sequitur debiliorem partem; in effectu autem & bono requirit integram causam. Idem dic de possibilitate, & necessitate, ut enim sit possibilis, aut necessaria copulativa, requiritur quamlibet partem esse possibilem, & necessariam, ut autem sit impossibilis, vel contingens, sufficit alteram partem esse impossibilem, & contingentem. Inter impossibile autè, & contingentem, si una pars est contingens, alte-

ra impossibilis, tota dicitur impossibilis; v.g. Petrus est lapis, & Paulus ridet. Vbi notandum est, ut copulativa sit possibilis, non sufficere, quod utraque pars sit possibilis, sed requiri etiam ut sint copossibiles, hæc enim propositio, Petrus ridet, & non ridet, constat partibus quarum quælibet seorsim est possibilis; quia tamen sunt inter se incopossibiles, ideo tota propositio est impossibilis.

Disiunctiva est illa cuius partes principales vniuntur media coniunctione disiunctiva, vel aut, siue &c. ut si dicas, vel Petrus disputat, vel currit; ad cuius veritatem sufficit alteram partem esse veram; consistit enim veritas eius in separatione veritatis; & idem est de possibilitate, & necessitate, sufficit enim alteram partem esse necessariam, aut possibilem, ut homo est animal, vel Sol est tenebrosus, est vera & necessaria ratione vnius partis tantum. At vero ad falsitatem disiunctivæ, requiritur utramque partem esse falsam, & similiter ad impossibilitatem. Sic propositio copulativa sequitur semper debiliorem partem, disiunctiva fortiolem; fortior pars dicitur vera, necessaria, & possibilis; debilior dicitur falsa, contingens, & impossibilis. Ad vnius enim partis fortioris positionem, tota disiunctiva redditur vera, vel necessaria, vel possibilis; ad vnius verò debilioris positionem, tota copulativa redditur falsa, vel impossibilis. Denique ad contingentiam disiunctivæ sufficit alteram partem esse contingentem, dummodo nulla sit necessaria, nec omnes in falsitate repugnent, ut si dicas Paulus currit, vel homo est lapis.

Si autem inquirat aliquis, an sicut propositio disiunctiva est falsa, quando utraque pars est falsa, ita etiam sit falsa, quando utraque pars est vera: Respondendum est cum distinctione, secundum quod coniunctio disiunctiva dupliciter potest sumi, primò propriè, & in rigore distinctionis, quomodo virtualiter continet propositionem exclusivam, & reddit hunc sensum; alterum tantum isto-

rum

Sectio VII. Caput VI. 127

rum est verum; & sic propositio disiunctiua est falsa, cuius utraque pars est vera. Secundo solet interdum sumi coniunctio disiunctiua, non in rigore disiunctiuo, sed ut valet idem ac, scilicet, vel ad minus, reddendo hunc sensum: vnum saltem istorum est verum; & sic ad veritatem disiunctiuam non obest, quod utraque pars sit vera.

Quæ diximus de his propositionibus, debent proportionaliter applicari propositionibus de extremo disiuncto, vel copulato, ut quando dicitur *Petrus, & Paulus currunt*, *Petrus est albus*, vel *frigidus*, ubi prædicatum, vel subiectum sunt vnum copulatum, aut disiunctum; quamvis enim formaliter hypotheticæ non sint, virtualiter tamen sunt, & debemus illas resolvere, seu reducere ad copulatiuas, vel disiunctiuas, quibus correspondent, atque adeo de illis iudicare, sicut de præfatis hypotheticis.

Circa propositionum hypotheticarum affirmationem vel negationem, obseruant aliqui tunc esse affirmatiuas aut negatiuas, quando principalis earum copula affirmatur, aut negatur, siue partes ipsæ, hoc est, propositiones categoricæ ex quibus constant, sint affirmatæ, siue negatæ: vnde istæ sunt affirmatiuæ, si homo est animal, est sensibilis, si homo non est animal non est sensibilis; istæ verò negatiuæ, non si Petrus mouetur, non currit. Et sic iuxta hanc sententiam propositio hypothetica per se diuidi potest in affirmatiuam & negatiuam; talis nihilominus affirmatio & negatio est longè diuersa ab affirmatione & negatione quæ diuidit Categoricam, maximè si sit diuisio essentialis, cum genera non subalternatiua posita, cuiusmodi sunt propositio Categorica & hypothetica non possint diuidi eisdem differentijs essentialibus; deinde quia copulæ Categoricæ, & hypotheticæ sunt longè diuersæ, & ita non sunt capaces affirmationis, & negationis secundum eandem rationem; copula enim Categorica est verbum, copula autem hypothe-

ticalis est modus, ut ly &, ly vel, ly si.

Quamuis alij non minus probabiliter asserant hypotheticas non dici per se affirmatiuas aut negatiuas, nisi ratione, suarum Categoricarum, ex quibus cõstabit, nam ipsæ copulæ hypotheticarum propriè non negantur, sed copulæ verbales, ex quarum negatione propositiones hypotheticæ redduntur etiam negatiuæ; vnde quando in hypotheticis sunt contradictoriæ, negationes ponuntur in copulis categoricis, non in hypotheticis (nisi forsan negatio toti enumerationi præmittatur, ut statim dicemus) ut si dicas hanc copulatiuam *Petrus disputat*, & *Ioannes legit*, contradictoria eius erit, *disiunctiua hæc*, *Petrus non disputat*, vel *Ioannes non legit*, ubi copulæ hypotheticæ ly &, & ly vel utrobique non negentur.

Et idem ordinariè dicunt Dialectici de quantitate, hoc est vniuersalitate, vel particularitate, propositionum harum; cum enim hæc in propositionibus sumatur ex subiecto, & hypotheticæ ut tales non componantur ex subiecto, & prædicato ut patet, si quidem vna propositio non dicitur de alia, inde fit ipsas propriè non habere ratione sui quantitatem, siue non esse vniuersales, aut particulares. Propter quod etiam inter eas solum attenditur oppositio contradictoria. Per disiunctiuas autem contradicimus copulatiuis, si sint oppositæ qualitatis, ut si dicatur, omne lac est album, & omne lac est dulce, contradictoria eius est, aliquod lac non est album, vel aliquod lac non est dulce; cum enim copulatiuæ ratione ly &, quo copulantur, importent vniuersalitatem, disiunctiuæ verò ratione ly vel, particularitatem, rectè per disiunctiuas contradicuntur copulatiuis. In conditionalibus autem, siue sint causales, siue rationales, siue puræ conditionales, sunt contradictoriæ per negationem particulæ conditionalis, ut, si Sol lucet dies est, non si Sol lucet dies est, quia Sol lucet dies est, non quia Sol lucet dies est.

De Propositionibus Exponibilibus.

Propositiones aliz sunt exponibiles ratione materiæ, seu rei significatæ, vt verbum *incipit* quod exponitur dicendo, nunc est, & antea non erat; aliz ratione modi significandis de primis nõ agimus in præsentī, sed solummodo de secundis, quæ propriè pertinent ad Dialecticam, & definiuntur quod sunt illæ, quæ ratione alicuius dictionis aut termini importantis sensum explicabilē, pluribus propositionibus necesse habent exponi seu declarari. Sunt autem tres species, videlicet Exclusiuæ, Exceptiuæ, & Reduplicatiuæ. Propositio Exclusiuæ est illa, quæ modificatur dictione aliqua significante exclusionem, quales sunt tantum, solum, duntaxat, & similes. Si ergo tales particulæ apponuntur subiecto modificant totam propositionem, eamque efficiunt absolūtè exclusiuam, excludendo alia omnia subiecta à ratione prædicati: si verò iungantur prædicato, tunc propositio vocatur de exclusio extremo, excludendo à subiecto alia omnia prædicata.

Quamvis autē inter hos modos exclusionis magna sit differentia. Si enim dicatur, prædicamenta sunt tantum decem; propositio est vera, quia significat non esse plura neque pauciora si verò dicatur, tantum prædicamenta sunt decem: est falsa quia sensus est numerum denarium folis prædicamenti conuenire. Nihilominus tam propositio exclusiuæ, quam de exclusio extremo, exponuntur per duas Cathgoricas copulatiuè acceptas, quarum vna affirmat prædicatum conuenire subiecto, & vocatur propositio præiacens, id est, simplex, seu simpliciter prædicans vnum de alio alia negat prædicatum conuenire alteri subiecto, & sic est vniuersalis negatiua respectu cuiuscumque alterius subiecti; v.g. propositio, tantum homo est rationalis, exponitur sic, homo est rationalis, & nihil aliud ab homine est rationale. Prædicamenta sunt tantum decem, ex-

ponitur sic: Prædicamenta sunt decem, & non sunt plura quam decem. Deinde cuiuscumque iungantur hæ particulæ, siue subiecto, siue prædicato, nunquam excludunt ea quæ necessario illud comitantur, vnde si dicatur tantum Petrus currit, non excluditur hoc animal, hoc rationale à cursu, & sic de alijs.

Secunda exponibilis vocatur exceptiuæ, quia afficitur aliqua particula exceptiuæ, ratione cuius aliquid ex aliquo communi distributo excipit, vt si dicatur omne animal præter hominem est irrationale; vnde nisi detur talis distributio subiecti, non datur propria exceptio, vt patet in hac homo est albus præter Petrum, quæ impropiè dicitur exceptiuæ, huiusmodi propositiones exceptiuæ, si sint affirmatiuæ, habent tres exponentes copulatiuas, scilicet, suam præiacentem, & vniuersalem affirmatiuam, in qua terminus à quo fit exceptio, prædicatur de parte excepta; & negatiuam, in qua prædicatū negatur de parte excepta, sic exponentes propositionis statim allatæ sūt, omne animal quod est non homo, seu aliud ab homine, est irrationale, & omnis homo est animal, & nullus homo est rationalis. Sunt qui particulam exceptiuam præter exponunt, per particulam excepto, dicendo v.g. omne animal excepto homine est irrationale, vel per copulam implicationis dicendo, omne animal quod non est homo est irrationale; sed hoc propriè loquendo non est exponere, sed solummodo æquivalentes propositiones ponere in vno termino, qui etiam indiget expositione, nam ly excepto, æque indiget expositione ac ly præter.

Tertia exponibilis dicitur reduplicatiuæ, quia quasi duplicatum habet subiectum, aut prædicatum ratione alicuius particulæ illud duplicantis, quales sunt, vt, in quantum, quatenus, secundum, & similes. Quæ possunt dupliciter sumi, scilicet reduplicatiuè, & specificatiuè. Tunc sumuntur reduplicatiuè, quando reduplicant causam cur prædicatum inest subiecto, vt si dicas homo

in quantum rationalis est discursiuus, & huiusmodi propositiones exponitur optime per causalem dicendo, quia homo est rationalis est discursiuus. Tunc vero sumuntur specificatiue, quando reduplicant rationem formalem, cui adequatè conuenit prædicatum, quæ tamen non est causa eius, ut cum dicitur color in quantum color est obiectum visus, in hac enim propositione non significatur causa, sed natura, & species, cui conuenit adequatè prædicatum. & sic huiusmodi propositiones non exponuntur per causalem, sed solum per conditionalem, in qua prædicatum reduplicatiue ponitur ex parte subiecti, ut si est color, est obiectum visus; & idem est dicendum quando reduplicatur conditio, & concomitantia, ut si dicas, ignis in quantum applicatus comburit, homo in quantum existit operatur, exponuntur, si ignis comburit, est applicatus, si homo operatur existit.

Notandum est, ly in quantum, ly secundum quod, aliquando non sumi propriè reduplicatiue neque specificatiue, sed quasi diminutiue, & restrictiue, quia verificantur solum secundum quid de subiecto, & ratione partis, non autem absolute, ut si dicatur Aethiops est albus, secundum dentes, Christus in quantum homo est creatura. Vbi diligenter obseruanda est regula S. Thomæ 3. parte q. 19. artic. 8. quod quando aliqua indifferenter possunt conuenire toti, & parti, si solum conueniunt parti, non absolute denominant, sed secundum quid, & per ly in quantum. Ut quia albedo potest conuenire toti corpori, & parti, si solum conuenit parti, v.g. dentibus non dicitur absolute de toto. Non enim absolute dicimus, Aethiops est albus, sed secundum dentes: quando verò solum potest conuenire parti, & ratione eius toti, absolute dicitur de toto, licet conueniat soli parti, dicitur enim absolute, homo est crispus, quamuis crispitudo non sit in toto corpore, quia non potest ei conuenire, nisi secundum capillos. Et hæc breuiter dicta sufficiant circa se-

Bibliot. Theol. Tom. IV.

cundas intentiones logicales, ad secundam mentis operationem pertinentes, nunc ad tertiam & vltimam partem Dialecticæ transeamus.

TERTIA PARS LOGICÆ

De secundis intentionibus quibus tertia mentis operatio dirigitur.

S V M M A

Eorum quæ ad hunc finem continentur in duobus libris de priori Analyti, duobus de Posteriori, octo Topicorum, & duobus Elenchorum.

Quemadmodum oratio, propositio, oppositio aliaque huiusmodi sunt secundæ intentiones, quarum notitia dirigit secundam mentis operationem in ordine ad rectè componendum, seu affirmandum, & diuidendum, seu negandum; sic præmissæ, medium, syllogismus, figura, demonstratio, fallacia, & his similia sunt secundæ intentiones, quarum accurata notitia dirigitur ac perficitur tertia mentis operatio nempe discursus; & ideo in hac tertia Dialecticæ parte, breuem illorum omnium ex citatis Philosophi libris summam & explicationem tradituri sumus.

EX DVOBVS LIBRIS de priori Analyti.

De argumentatione in communi, eiusque partibus, ac speciebus.

Argumentatio est oratio explicans illationem vnius ex alio, siue in qua vnum ex alio inferri denotatur; ita ut ad argumentationem non sufficiat, quod vnum possit inferri ex alio, sed necesse sit, quod explicetur illatio; sicque ista non est argumentatio *Petrus currit, & mouetur*: quia ibi non explicatur motum inferri ex cursu.

R

Tres

Tres sunt argumentationis partes, antecedens, consequens, & consequentia seu consecutionis nota. Antecedens, est id ex quo aliquid inferitur, vel propositio quæ alterius probandæ causæ profertur. Atque hanc eo dici, antecedens asserunt aliqui, quod illationis notam antecedit. Verum perfectam non esse hanc nominis rationem, euidens est in argumentationibus quæ conditionales, & causales dicuntur, in quibus antecedens notam illationis sibi non præcedit. Vt in his exemplis si homo currit mouetur; quia homo est rationalis est admiratiuus. Quia autem antecedens nonnunquam est vnica propositio, vt in Enthymemate semper euenit, in exemplo frequenter, nonnunquam ex pluribus constat propositionibus, quarum prima dicitur maior, secunda minor seu assumptio, vt sit in syllogismo, & inductione perfecta; ideo antecedens solet ab aliquibus diuidi in simplex seu incomplexum, & in complexum, seu compositum.

Consequens est propositio quæ ex alia inferitur, vel cuius probandæ causa alia profertur. Consequentia tandem, seu consecutionis nota, est coniunctio qua vna propositio ex altera sequi denotatur; & sic quodplex est eiusmodi coniunctio, quæ vnus pronuntiat ex altero denotat consecutionem; totplex etiam distingui solet argumentatio. Hæc autem illationis nota triplex est, alia conditionalis, quæ fit media particula, si, vt si homo currit mouetur; alia rationalis, media particula ergo, vel igitur aliisque æquivalentibus; & alia causalis, quæ media particula quia, vel simili; atque adeo triplex etiam est argumentatio, scilicet, conditionalis, causalis, & rationalis; & si in Scholasticis disputationibus vtamur rationali tantum coniunctione (ergo) vel (igitur.)

Quæ rationalis argumentatio diuiditur in syllogismum, enthymema, inductionem & exemplum. Syllogismus est argumentatio constans tribus propositionibus, maiori, scilicet, minori, & cō-

sequentia. Enthymema est argumentatio constans duabus, nempe, antecedenti, & consequenti. Inductio est argumentatio, in qua ex pluribus singularibus inferitur aliquod vniuersale: vt hic ignis calefacit; & hic ignis calefacit; & sic de singulis; ergo omnis ignis calefacit. Tandem exemplum est argumentatio, in qua ex aliquo singulari aliud singulare simile colligimus; vt Deus pepercit Ninuitiis penitentiam agētib; ergo etiam tibi parceret, si penitentiam egeris.

Proprie tamen, & in rigore loquendo duæ tantum sunt species argumentationis, syllogismus videlicet, & inductio, quarum differentia essentialis non attenditur penes hoc, quod syllogismus descendat ab vniuersali ad particulare: inductio verò è contra ascendat à particulari ad vniuersale, si quidem tam ascensus, quam descensus ad illam pertinent, vt dicemus infra; sed sumitur adæquatè ex propria, & particulari forma vtriusque. Etenim in syllogismo, extremitates vniuntur cum medio in præmissis; ex vi cuius vniuntur inter se in conclusionem: ac proinde ibi proprie datur medium vniens extrema; siue quo probatur extremum de tertio, id est, de alio extremo. At in inductione non dantur proprie extrema inter se vnita, quæ prius coniungerentur cum aliquo medio: sed loco plurium terminorum singularium, qui sunt in antecedenti; ponitur in consequenti terminus communis æquiualens, quod est ascendere: vel è contra, loco termini communis in antecedenti positi; ponuntur in consequenti termini inferiores æquivalentes, quod est descendere. Vnde propria inductionis dispositio præcisè cōsistit in eo, quod substituitur in consequenti propositio æquiualens antecedenti, absque speciali illo, & proprio artificio, quod reperitur in syllogismo.

Ceterum enthymema, & exemplum distinguuntur solum ab his tanquam perfectum, & imperfectum intra eandem speciem; cum eadem dispositio præmissarum

Sectio VII. Caput VI. 131

larum quæ inuenitur in syllogismo, re-
vera inueniatur in Enthymemate: quia
ars syllogistica innititur illi principio,
quæcumque sunt eadem vni tertio, sunt
eadem inter se; ac proinde repugnat ex-
tremities vni inter se in conclusione,
nisi prius vniantur in præmissis cum me-
dio, ad quod necessariae sunt duæ pro-
positiones ex parte antecedentis: quan-
do igitur altera non exprimitur breuita-
tis causa vt contingit in Enthymemate,
re vera subintelligitur; atque adeò in re
est eadem dispositio syllogismi & enthymematis solumque inter se differunt tã-
quam perfectum & imperfectum intra
eamdem speciem, cum enim perfectum
sit id cui nihil deest; imperfectum verò,
cuius aliqua pars desideratur: consequens
est syllogismus intra propriam speciem
esse quid perfectum, quandoquidem
ei nulla præmissarum deest; enthyme-
ma verò quid imperfectum: vt pote cui
aliqua pars fuit detruncata; vnde à Boe-
tio definitur *esse orationem, in qua non
omnibus præmissis positis, cessantibus in-
fertur conclusio*. Et idem proportionaliter
est de inductione respectu exempli:
nam inductio ex pluribus singularibus
ad vniuersale contendit & progreditur;
à qua perfectione deficit exemplum; si
quidem ex debilitate antecedentis sin-
gularis solum colligit aliud singulare;
cum tamen si adderentur alia, iam col-
ligere posset vniuersale, fieretque per-
fecta inductio; ipsa ergò & exemplum
videntur eandem argumentationis for-
mam sortiri secundum speciem, cum
sola differentia penes perfectum, & im-
perfectum.

Diuiditur autem in istas duas spe-
cies argumentatio in quantum manife-
statiua est veritatis, in quo eius consistit
quidditas. Duæ enim solum sunt viæ
manifestandi veritatem, scilicet, vel di-
scurrendo ex principiis per intellectum
notis, vel ad sensibilia seu singularia de-
ducendo quia pro præfenti statu ibi est
origo totius cognitionis nostræ. Si fiat
primo modo est per syllogismum, aut
enthymema; si secundo per inductio-

Biblist. Theol. Tom. IV.

nem, & exemplum.

Rursus argumentatio diuiditur in
materielem, & formalem; vbi per argu-
mentationem formalem intelligunt ali-
qui eam, in qua consequens rectè sequi-
tur ex antecedente, seu cuius consequen-
tia est bona: per materielem verò illa,
in qua licet antecedens, & consequens
sint in se vera: consequentia tamen est
mala: quia vnum non inferitur ex alio.
Iuxta quam expositionem sola argumē-
tatio formalis, est propriè & simpliciter
argumentatio, materielem verò analogicè
solum, & per quamdam attributionem.
Similiter sola argumentatio formalis est
bona, materielem verò mala, quæ est alia
diuisio argumentationis ex parte quali-
tatis consequentiæ. Bona enim conse-
quentia est, in qua antecedens infert
consequens, taliter quod non potest an-
tecedens esse verum; & consequens fal-
sum. Mala autem consequentia est, in
qua antecedens non infert consequens,
licet videatur, seu significetur inferri,
ratione cuius significationis dicitur cō-
sequentia, sed mala, quia non infert,
sed datur antecedens verum, & conse-
quens falsum.

Verum alij melius per argumenta-
tionem formalem intelligunt illam, in
qua sequitur consequens ex vi artificij,
seu dispositionis in antecedenti inuētæ.
Quod accidit, quando nullus terminus
est in consequenti, qui non fuerit in an-
tecedenti, licet aliquis, videlicet medius
terminus, fuerit in antecedenti, qui nō
sit in consequenti. Per materielem ve-
rò intelligunt eam, in qua, licet conse-
quentia sit bona: quia consequens in
rei veritate sequitur ex antecedenti; nō
tamen sequitur ex vi dispositionis ter-
minorū, qui sunt in illo; indeque in cō-
sequenti est aliquis terminus qui nō fuit
in antecedenti; iuxta quam explicatio-
nem solus syllogismus est argumentatio
formalis, ceteræ verò materieles, sola-
que syllogismi consequentia dicitur valida,
& bona gratia formæ; Enthymematum
verò inductionum, & exemplorum gra-
tia materiæ. Consequentia enim valida

R 2

& bo-

& bona ratione formæ dicitur illa, quæ colligendi tam vim habet, vt quæcumque ipsi consimilis ex quibuslibet constituta tandumdem valeat; siue quæ in quacumque materia, & terminis eiusdem formæ bona est: V.g. omne animal est substantia, omnis homo est animal, ergo omnis homo est substantia. Hic mutantur pro arbitrio dictiones, & axiomata, sed modus retineatur, nunquam inefficax fiet consequentia. At consequentia valida ratione materiæ, est quæ ex ratione partium valet, quibus semel demutatis, non amplius valebit. V.g. si dicas, aliquis homo est rationalis, ergo omnis homo est rationalis, ista consequentia valet in ista materia, quia est in materia necessaria, in qua ex vna particulari, potest inferri vniuersalis, sed non valet ex vi formæ, quia in alia materia, & similis formæ, non tenet, vt si dicatur aliquis homo est albus, ergo omnis homo est albus.

Hinc sequitur, tam consequentiam formalem, quam materialem, iuxta hanc secundam explicationem, diuidi posse in bonam & malam, validam & inuvalidam; cum hac tamen differentia, quod consequentia formalis dicatur bona, & mala ratione formæ, seu prioris, ita, vt diuisio consequentiæ formalis in bonam & malam sit diuisio essentialis, analogica tamen; quia essentialis, & intrinseca forma consequentiæ, est connexio illatiua antecedentis cum consequenti, sed consequentia mala caret ista vi illatiua, ergo caret forma essentiali consequentiæ; atque adeo differunt consequentia bona, & mala, sicut homo viuens, & carens vita, qui analogice conueniunt in ratione hominis. Neque est dubium in consequentijs formalibus, quod habeant aliquam connexionem, & tamen aliquando possint deficere, & ideo dicantur malæ, nam forma quæ semel est defectibilis, & aliquando saltem instari potest ex vi consequentiæ, hoc ipso non est formaliter bona, vnde caret omni connexione formali, id est, dispositione requisita ad inferendum. Quare per ac-

cidens tantum, quandoque sequi potest consequens ex antecedenti, nunquam, tamen ex vi formæ, sed gratia materiæ. At consequentia materialis dicitur bona & mala posterioris, siue ratione materiæ, ita vt talis diuisio sit solum in ipsa accidentalis, eo modo quo propositio diuiditur accidentaliter in veram, vel falsam. Quatenus eadem penitus dispositione manente, mutata solum antecedentis materia, vna & eadem consequentia potest esse bona, vel mala.

Si autem inquiratur, cur consequentia diuidatur in bonam, & malam, non in veram, aut falsam. Respondetur quia consequentia non est propositio ad quã solum pertineat verum, & falsum, quia affirmat, & negat, sed est connexio illatiua propositiohum, ad quam pertinet debita dispositio, & conuenientia connexionis, conueniens autem, & inconueniens faciunt bonum, vel malum, non verum, aut falsum.

De legibus communibus argumentationum nec non & earum defectibus.

Cum argumentatio, seu consequentia ex dictis superiori capite sit solum duplex proprie loquendo, scilicet inductio, & syllogismus, vel possunt assignari regulæ, ac defectus proprii vnicuique eorum, vel communes. Proprie regulæ sunt illæ quæ requiruntur ad bonam inductionem, vel bonum syllogismum, sicut defectus proprii sunt quando aliqua ex huiusmodi regulis omittitur. Communes verò regulæ sunt illæ, quæ attenduntur penes vniuersalia quædam principia, nec non penes proprietates logicæ, sicut est suppositio, restrictio, ampliatio, appellatio, oppositio, conuersio; sunt enim istæ proprietates communes inductioni, & syllogismo; vnde communes etiam defectus sunt, quando est aliquis defectus in aliqua ex huiusmodi proprietatibus logicalibus. Et de huiusmodi legibus, ac regulis, nec non & defectibus in communi agimus in præfati.

Quin-

Quinque ergo leges omnibus argumentationibus communes solent assignari. Prima? si antecedens est verum, etiā & consequens; & è conuerso, si consequens est falsum, etiā antecedens. Cum enim in bona argumentatione ex vero semper sequatur verum, nunquam falsum sequetur ex vero; atque ita semper sequetur ex falso. Non autem valet regula, si consequens est verum, ergo & antecedens; neque similiter si antecedens est falsum, ergo & consequens. Cum ex antecedenti falso in bona consequentia aliquando sequatur verum, vt Petrus est equus, ergo Petrus est animal; aliquando falsum, vt Petrus natat, ergo habet alas.

Si autem querat aliquis, quomodo verum sit, quod ex falso inferatur verū, cum nunquam ex vero inferatur falsum; nec enim apparet, qua ratione verum possit in falso contineri, vt ex illo inferatur, falsum autem non possit contineri in vero, cum æquè pugnent inter se verum & falsum. Respondetur, quod ex falso dicatur aliquando sequi verum, nō ita esse intelligendum, quasi præmissæ falsæ influant veritatem in conclusionē, sintque causæ talis veritatis; cum impossibile sit causam virtute propria producere effectum nobiliorem se; sed, vel, quia præmissæ alias falsæ possunt ita disponi, vt ex ipsis sequatur consequens quod aliunde est verum, & non propter præmissas, vel quia stat benè cum assensu falsæ præmissæ, assensus veræ conclusionis: falsitas enim præmissarum non semper destruit omnem veritatem consequentem, nec enim malum destruit omne bonum. Vnde aliud est sequi verum ex falso, aliud est probari verum per falsum; hoc secundum stare nō potest, vt rectè docet D. Th. 2. Metaphysic. lect. 2. Cœterum si semel dantur præmissæ veræ hoc ipso, quod conceduntur, non potest dari consequens falsum, quia falsum non potest concedi, sed negari, negato autem consequenti, debet negari antecedens cum quo habet connexionem, si quidem idem est ne-

gare illud consequens, atque admittere oppositum eius; ex opposito autem cōsequentis, sequitur oppositum antecedentis, atque adeo debet admitti oppositum antecedentis, & negari ipsum antecedens; sic de primo ad vltimum, si ex concessione veri sequeretur falsum, idem antecedens concederetur, & negaretur. Per quod patet ad quæsitum.

Secunda, & tertia regula, quæ deducuntur ex prima, sunt, si antecedens est possibile, etiam consequens est possibile, & è contra, si consequens est impossibile, etiam antecedens. Si antecedens est necessarium, etiam consequens est necessarium, & è contra si consequens est contingens, etiam & antecedens. Notandum est tamen, vt ex necessario antecedenti dicatur semper inferri consequens necessarium, non requiri quod tale consequens sit omnibus modis necessarium, sed sufficere quod sit necessarium sub eo respectu, aut ratione, qua subest antecedenti, & in quantum inferitur ex illo, non autem, sub alia ratione, vt in illa consequentia, *Deus scit Petrum esse saluandum, ergo saluabitur*, consequens est contingens secundum se, & per ordinem ad causam proximam, infallibile vero vt scitum à Deo, & consequenter vt illatum ex antecedente; & hoc ideo quia nouit Deus non solum Petrum esse saluandum, sed saluandum liberè, & contingenter, vnde ex illo antecedente, & inferitur quod contingenter saluabitur, & quod est infallibile totum hoc, scilicet quod saluabitur liberè, & contingenter.

Quarta regula, quæ etiam ad bonitatem consequentiæ deseruit, est. Quidquid sequitur ad consequens bonæ consequentiæ, sequitur ad antecedens illius quod alijs verbis dici solet, valere consequentiam de primo ad vltimum.

Quinta regula quidquid repugnat consequenti in bona consequentia, repugnat & antecedenti; quod alijs verbis dicitur, si ex antecedente sequitur consequens in bona consequentia, ex opposito consequentis, sequitur oppositum

situm antecedentis. Fundamentum est, quia si ex opposito consequentis, non sequitur oppositum antecedentis, iam poterit stare oppositum consequentis, cum isto antecedente, si quidem non infert ex suppositione antecedentis oppositum, sed oppositum consequentis est falsum, supposito, quod ipsum consequens erat verum, id est, illatum ex antecedente vero, igitur poterit stare falsitas consequentis cum ipso antecedente; & sic dabitur antecedens verum, & consequens falsum in bona consequentia, quod est absurdum.

Sunt qui addant sextam regulam, quod in bona argumentatione semper conclusio sequatur debiliorem partem: hoc est, si aliqua præmissarum sit particularis, conclusio etiam debeat esse particularis; & si, aliqua præmissarum sit negatiua, conclusio debeat esse negatiua; sed hæc regula potius est propria syllogismi, quam argumentationis communis.

Quantum ad defectus omni consequentia, siue syllogistica, siue inductiua communes, primò sunt illi qui supradictis regulis aduersantur; secundo verò illi qui tenent se ex parte extrematum in modo inferendi conclusiones, quia non seruant proprietates logicales, vel debitam dispositionem in qualitate, quantitate, &c.

In suppositione ergò primus defectus assignari solitus est, si varietur in aliqua consequentia genus suppositionis. V. g. suppositio simplex in personalem, aut realem, non enim valet ista consequentia; Homo est species, Petrus est homo, ergo Petrus est species. Dixi si varietur genus suppositionis; saluum enim bonitate consequentia, variari potest species, vt si ex distributiva suppositione infetatur, determinata seu particularis dicendo, omnis homo est animal, Petrus est homo, ergo Petrus est animal. Secundus defectus est, à suppositione non distributa ad distributam, non valet consequentia, bene tamen è contra. V. g. non valet aliquis homo

disputat, ergo omnis homo disputat. Tertius defectus; à suppositione confusa tantum, non distributa, ad determinatam, non valet consequentia, bene tamen è contra, à determinata ad confusam, V. g. non valet omnis homo est animal, vbi ly animal stat confusè, ergò aliquod animal omnis homo est; bene tamen è contra.

In Ampliatione & restrictione. Primus defectus est, quando proceditur ab amplo ad non amplum, siue à non restricto ad restrictum (idem enim sunt amplum & non restrictum, sumiturque pro eo quod est superius, seu communius, sicut non amplum seu restrictum pro eo quod est inferius;) si procedatur sine distributione ampli, seu non restricti nunquam valet consequentia nec negatiuè, nec affirmatiuè; V. g. homo est albus, Petrus est homo, ergo Petrus est albus; terminus enim homo, qui habet rationem ampli non distribuitur; secundus defectus est, si procedatur ab amplo ad non amplum affirmatiuè, etiam si procedatur cum distributione ampli, si procedatur sine constantia, constantiam autem appellamus affirmationem de existentia alicuius subiecti; vt si dicatur omnis homo est albus, non licet immediatè inferre, ergo Petrus est albus nisi addatur constantia, & Petrus est, alioquin Petro non existente falso inferatur. In negatiuis tamen etiam sine constantia non ampli, valet illatio, V. g. nullus homo est albus, sine constantia infertur, ergo Petrus non est albus, quia ad negatiuam non requiritur suppositio & existentia extremorum. Tertius defectus est quando arguitur à non amplo ad amplum cum distributione ampli, est enim arguere à non distributo ad distributum, quæ argumentatio tam affirmatiuè, quam negatiuè semper est illegitima, vt si dicas, homo disputat, ergo omnis homo disputat, aliquis homo non disputat, ergo nullus homo disputat est falsa. Valet tamen consequentia si procedatur à non amplo ad amplum, sine distributione ampli, in affirmatiuis sine

siue constantia, in negatiuis cum constantia, vt bene valet, Petrus disputat, ergo homo disputat; Petrus non disputat, & Petrus est, ergo aliquis homo nō disputat; Vbi nisi adderetur constantia, posset consequens esse falsum, casu quo tantum Paulus esset in rerum natura, & disputaret, tunc enim omnis homo disputaret, & verum esset antecedens, quod Petrus non disputat, quia non est.

In appellatione omnes defectus reducuntur ad hunc: quoties variatur appellatio, siue sit realis, siue rationis, siue circa terminos actum animæ significantes, nunquam valet consequentia. V. g. Petrus est magnus Logicus, ergo est magnus, animal est genus, ergo homo, qui est animal, est genus; Papam vidi, ergo vidi Papam.

In definitionibus non est defectus, sed semper est bona consequentia à definitione ad definitū affirmatiuè, & negatiuè, & è contra, valet enim, est animal rationale, ergo homo, non est animal rationale ergo non est homo; & è contra.

In diuisionibus à membro diuidenti ad diuisum non valet consequentia, negatiuè, V. g. non est rationale, ergo non est animal, bene autem affirmatiuè, est rationale ergo animal. A diuiso vero ad quodlibet membrum diuidens valet negatiuè, vt non est animal, ergo neque homo, non autem affirmatiuè, est animal ergo homo. Cæterum à diuiso ad omnia membra diuidentia, & contra valet super consequentia tam affirmatiuè, quam negatiuè. Similiter à diuiso cum negatione, vnius, vel plurium membrorum secundum qualitatem diuisionis, ad affirmationem alterius membri restantis semper est bona consequentia, vt est animal, & non rationale, ergo irrationalis.

In oppositionibus, est prima regula pro contradictorijs, præsupposita veritate vnius sequitur falsitas alterius, & è contra. Secunda regula pro contrarijs, à veritate vnius, sequitur falsitas alterius, sed è contra est mala consequentia

à falsitate vnius ad veritatem alterius, si quidem ambæ possunt esse simul falsæ, non autem simul veræ, vt suo loco diximus. In subcontrarijs per oppositum, quia possunt esse simul veræ, non autem simul falsæ, à falsitate vnius, sequitur veritas alterius, non tamen è contra à veritate vnius sequitur falsitas alterius.

In Aequipollentijs nullus esse potest defectus, sed semper ab æquipollente, ad æquipollentem valida est, & legitima illatio.

In conuersionibus, non est bona, mutua consequentia conuersionis, nisi in conuersionibus simplicibus non autem in conuersionibus per accidens. Mutua autem consequentia vocatur, quando valet non solum à conuersa ad conuertentem, sed etiam è contra à conuertente ad conuersam, sic non valet aliquod animal est homo, ergo omne animal est homo, quæ est à conuertente, ad conuersam conuersione per accidens sed è contra valet, omnis homo est animal, ergo aliquod animal est homo.

In propositionibus hypotheticis conditionalibus prima arguendi regula est, à tota conditionali cum destructione consequentis ad destructionem antecedentis, vt si dicatur: si homo currit mouetur, ergo si non mouetur, non currit: secunda; à tota conditionali cum positione antecedentis ad positionem consequentis, vt si homo currit, mouetur, sed homo currit, ergo homo mouetur. Tertia, à conditionalis ad disiunctiuam constantem consequente, & contradictorio antecedente, vt si homo currit, mouetur, ergo vel mouetur, vel non currit.

In propositionibus hypotheticis copulatiuis: à copulatiua affirmatiua ad quamlibet eius partem formalis est consequentia; è conuerso tamen non est formalis consequentia à parte ad copulatiuam, vt bene sequitur, Petrus currit, & disputat, ergo Petrus currit, non è contra Petrus currit, ergo Petrus currit, & disputat.

In disiunctiuis. Primo à parte disiunctiua ad totam valet consequentia, vt Petrus est doctus, ergo vel est doctus vel iustus, non enim requiritur ad verificationem consequentis plus quam ad veritatem antecedentis; secundo à tota disiunctiua cum destructione vnius partis ad positionem alterius, legitima est consequentia, vt Petrus disputat, vel ambulat, & non disputat, ergo ambulat.

In propositionibus exponibilibus; primo valet consequentia ab exponibili ad omnes exponentes, & è contra, cum sit ab æquipollentibus. Secundo ab exponibili ad quamlibet exponentem copulatiuè bona est illatio, sed non è contra à qualibet exponente ad exponibilem; cum prima sit à copulatiua ad partem, secunda à parte ad copulatiuam. Tertio per oppositum à qualibet exponente disiunctiua, ad suam exponibilem bona est consequentia, sed non è contra.

De argumentatione conditionali, & causali, earumque regulis.

Argumentatio conditionalis est illa in qua vnum inferitur ex alio media particula conditionalis, si, vt si sol lucet, dies est. Et sumitur conditionalis in rigore pro conditionali illatiua, nam si sumatur tantum concomitanter, non tam est argumentatio de qua agimus in præfenti, quam propositio hypothetica vt diximus supra agendo de huiusmodi propositionibus.

Ad veritatem igitur argumentationis conditionalis, non requiritur quod aliqua pars sit vera, sed sufficit bonitas consequentis, seu quod ex ipsa natura antecedentis, circumscriptis alijs, sequatur consequens; siue ipsum antecedens & consequens sint in se vera, vel falsa; siue possibilia, aut impossibilia, siue necessaria, aut contingentia. Quia ratione ista propositio est vera, si Deus vult mori, morietur. Vnde etiam ad falsitatem sufficit quod consequentia sit mala. Quia autem consequentia, quæ secundum se est bona, semper est

bona, atque adeo necessaria, alioquin, si deficere potest, est mala; Et consequentia quæ secundum se est mala, semper est mala, atque adeo impossibilis; ideo omnis conditionalis illatiua vera, est necessaria; omnis autem falsa, impossibilis: ac proinde nulla datur conditionalis illatiua contingens.

Vnde apparet, quod cognitio rerum sub conditione, si sumatur in vi conditionalis illatiuæ, pertinet ad cognitionem necessariam, quia vel talis conditionalis est necessaria, vel impossibilis. Si autem non sumatur in vi conditionalis illatiuæ, sed concomitanter, tunc talis cognitio conditionatorum, est cognitio coexistentiæ, & proportionis vnius cum alio, seu positionis vnius cum positione alterius, debetque reduci ad aliquam causam coniungentem aut proportionantem vnum cum alio, & de facto fundantem veritatem illam, quæ de facto reperitur in propositione, quamuis extrema de facto non existant.

Argumentatio causalis est illa, in qua vnum inferitur ex alio media particula aliqua causali, vt, quia sol lucet, dies est; ad cuius veritatem non sufficit, quod consecutio sit bona, vt contingit in argumentatione conditionali; aut quod antecedens sit verum, vt in rationali, defectu cuius hæc est falsa, equus est homo, ergo est animal; sed ultra requiritur quod antecedens sit etiam causa consequentis, defectu cuius hæc est falsa, quia dies est, sol lucet.

De Inductione prima argumentationis rationalis speciei, eiusque legibus, ac defectibus in particulari.

Quamuis ex communi modo loquendi, inductio definiri soleat, quod sit à singularibus sufficienter enumeratis ad vniuersale progressio; propria tamen & essentialis eius ratio consistit in eo quod substituitur in consequenti propositio æquiualens antecedenti absque speciali illo, & proprio artificio, quod in syllogismo cernitur. Vnde eque inue-

inuenitur ratio inductionis in ascensu cū nimirum à singularibus ad vniuersale contenditur, ac in descensu, cū ab vniuersalibus ad singularia fit progressio.

Tam ascensus autem, quam descensus quadruplex est, copulatiuus, disiunctiui, copulatus, & disiunctus. Copulatiuus ascensus, & descensus est, quando singularia numerantur per propositiones copulatiuas, vt omnis homo est rationalis, ergò hic homo est rationalis, & hic homo est rationalis &c. disiunctiui, quando numerantur per propositiones disiunctiuias, vt aliquis homo est albus, ergò vel ille homo est albus, vel ille homo est albus; Copulatus ascensus & descensus est, quando terminus aliquis per singulares complexiue numeratos resoluitur, vt omnes Apostoli sunt duodecim, resoluitur sic, ille & ille &c. sunt duodecim, omnes in vna propositione enumerando. Disiunctus est, quando aliquis terminus resoluitur per sua singularia diuisim numerata in vnica propositione, vt si dicas omnis homo est animal, illud prædicatum animal resoluitur disiunctim sic, omnis homo est hoc, vel illud animal, ita vt totum disiunctum sit prædicatum.

Cum in omni ascensu, & descensu à singularibus ad vniuersale, & è contra progressio fiat, secundum diuersā quantitatem, & suppositionem termini, puta quod sit vniuersalis, vel particularis, determinatè, vel confusè supponens, diuersimode se habent & applicantur ascensus & descensus. Vnde duo sunt obseruanda. Primò quis ascensus, & descensus debeat isti, vel illi suppositioni. Secundò quis ordo sit, immediatè vel mediatè ascendendi, & descendendi sub aliquo termino, quod est resolvere illum.

Circa primum triplex solet regula assignari. Prima; termino distributiue supponenti debetur ascensus & descensus copulatiuus. Secunda; termino supponenti determinatè debetur ascensus, descensusque disiunctiui. Tertia termino supponenti confusè tantum copu-

latim, debetur ascensus, descensusque copulatus; supponenti verò confusè disiunctim, debetur ascensus, descensusque disiunctus.

Quantum ad secundum; quando in propositione reperiuntur plures termini diuersimode supponentes, non potest æquè immediatè descendendi, & ascendendi sub quolibet illorum: & sic ad hoc discernendum tres sunt regulæ. Prima, sub termino supponente determinatè in ordine ad distributiuum, prius debet ascendendi, quam sub termino distributo; potest tamen immediatè descendendi sub distributo: Ita vt ad descendendum semper sit aptior terminus distributus, ad ascendendum verò terminus determinatè supponens. Secunda regula sub termino supponente confusè disiunctim in ordine ad signum vniuersale antecedens, non licet descensus disiunctiui, antequam descendatur sub termino vniuersali; bene tamen ascensus. Vt si dicatur, *omnis homo est animal*, cum animal ibi supponat confusè disiunctim, non valet ergò omnis homo est hoc animal, vel illud animal &c. legitimus tamen est ascensus Omnis homo est hoc animal, vel illud animal, ergò omnis homo est animal. Tertia tandem regula. Si omnes termini supponant distributiue, vel omnes determinatè, tunc resolutio potest immediatè incipere à quolibet termino in ascensu, & descensu quantum est ex vi suppositionis, nisi aliundè sit impedimentum. Vt si dicatur distributiue nullus homo est lapis, vel determinatè, aliquis homo est albus, à quocumque termino incipi potest. Sic ergo resolutio terminorum quò ad ascensum, hunc ordinem seruat, vt prius resoluitur terminus supponens determinatè, secundò distributus; in ascensu verò immediatè potest incipi à distributo, à confuso autem non nisi post descensum sub distributo. Vbi notandum est ascensum & descensum semper debere fieri, inuariatis logicalibus proprietatibus, genere suppositionis, appellatione, restrictione, ampliacione, & similibus.

S

Quod

Quod pertinet ad defectus probationis, seu argumentationi inductiue proprios & speciales. Primò committitur defectus, si fiat ascensus copulatiuus affirmatiuus, non numeratis sufficienter singularibus, si quidem instari potest in non enumeratis.

Secundò, in descensu copulatiuo affirmatiuo, sine constantia demonstrante indiuidua, sub quibus descenditur, non est formalis consequentia, vt si dicatur, omnis homo fuit iustus, non licet inferre, ergò iste homo fuit iustus, v. g. Petrus, & ille homo fuit iustus, &c. nisi addatur, & iste homo v. g. Petrus, est vel fuit, quod est ponere constantiam, ergò Petrus fuit iustus, alias designato indiuiduo nondum existenti, sed futuro instatur consequentia.

Tertio defectus cōtingunt ex omissione supradictarum regularum pro ascensu, & descensu v. g. si termino supponenti determinatè nō detur ascensus, descensusque disiunctiuis; termino verò supponenti distributiue, copulatiuis; supponenti confusè tantum, disiunctus, aut copulatus. Item si termino non supponenti distributiue completè, detur ascensus & descensus copulatiuus cōpletè, si enim incompletè distribuit, debet etiam incompletè descendere, vt, omne animal fuit in arca Noe, non valet, ergò hoc animal, & illud, designando indiuidua, sed species.

Quarto occurrunt defectus, circa ipsam ordinē resolucendi terminos, quādo plures in eadem propositione reperiuntur, si non resoluantur iuxta ordinem suppositum. Vnde si prius ascendatur sub termino supponente distributiue, quam supponente determinatè, est defectus diuisus à pluribus determinatis ad vnicam, v. g. si fiat hic ascensus, homo non est hoc rationale, & homo non est hoc rationale &c. ergò homo non est rationalis non valet consequentia, quia terminus ille homo determinatè supponit respectu plurium singularium, quæ sunt plura determinata, omnia si quidem singularia sunt determinata; in

consequenti autem non supponit in ordine ad plura determinata, sed ad vnicū in communi. Qui defectus in materijs Theologicis plerumque contingit vt cū dicitur, homo potest vitare hoc peccatum veniale, & hoc peccatum veniale, ergò potest vitare omne peccatum veniale. In descensu verò est defectus si prius descendatur disiunctiue sub termino supponente confusè tantum, quam sub termino supponente distributiue; vt dictum est supra: Et vocatur iste defectus ab vnica distributione ad plures, eo quod descenditur sub termino non distributo, perindè ac si esset distributus.

De Syllogismo, eiusque materia & forma, diuisioneque; inde proueniente.

Syllogismus est argumentatio, in qua concluditur vnio extremitatum inter se, ex vi vnionis factæ cum medio in Præmissis, cumque sit artificialis quoddam compositum rationis, tam materia, quam forma constare debet. Quæ materia rursus est duplex; alia, proxima scilicet, propositiones ex quibus immediatè construitur: & alia remota nempe termini ipsi immediatè cōponentes propositionem, mediatè verò syllogismum. Hi autem termini in quolibet syllogismo sunt tres, ex quorum combinatione tres etiam formantur propositiones; duæ, quæ sunt præmissæ inferentes, tertia quæ est conclusio; vnde quilibet terminus in syllogismo positus bis repeti debet, habetque suum peculiare nomen; nam ille qui bis repetitur in præmissis appellatur medium; ex alijs verò duobus, is qui iungitur cum medio in maiori, vocatur maior extremitas, qui verò in minori, dicitur minor extremitas.

Forma syllogismi est illud artificium, seu dispositio ordinans, ac disponens materiam, vt debitè possit aliquid inferri, & concludi. Quæ etiam forma est duplex, pro vt correspondet duplici materiæ iā explicatæ. Prima correspondens terminis appellatur figura syllogismi, potestque defini-

Sectio VII. Caput VI. 139

definiri apta dispositio terminorum secundum subiectionem, & prædicationem. Secunda correspondens propositionibus dicitur modus, soletque definiri apta præmissarum, seu propositionum dispositio secundum quantitatem, id est universalitatem aut particularitatem; & qualitatem id est affirmationem; vel negationem.

Sic igitur iuxta multiplicem hanc materiam, & formam syllogismi considerationem, multipliciter etiam syllogismus diuidi potest. Primò ex parte materiam remotam diuiditur in communem & singularem, seu expositorium. Communis est, cuius medium est terminus communis; singularis verò, seu expositorius, cuius medium est terminus singularis perfectè & completè: ut si dicas Petrus est animal: Petrus est rationalis, ergo aliquod rationale est animal; & ideo omnes ferè syllogismi singulares & expositorii sunt in tertia figura, quia in ea medium subiicitur in utraque præmissa, & terminus singularis conuenientius subiicitur, quam prædicatur. Potest tamen etiam fieri in alijs figuris, seruata semper ubique affirmatione, vel negatione quam designant modi.

Secundò diuiditur syllogismus ratione materiam proximè in affirmatiuum, & negatiuum, Catheticum, & Hypotheticum, demonstratiuum, probabilem, erroneum, & sophisticum. Syllogismus affirmatiuus est ille cuius conclusio est affirmatiua; negatiuus, cuius conclusio negatiua; Catheticus, cuius omnes propositiones sunt simplices, & Catheticæ, hypotheticus cuius plures vel saltem aliqua propositio est hypothetica, Demonstratiuus cuius propositiones sunt necessariae, Probabilis, seu topicus, cuius propositiones contingentes: Erroneus cuius propositiones sunt in materia remota, Sophisticus, seu Elencticus cuius propositiones apparent quidè veræ, sunt tamè falsæ; & de istis quatuor syllogismis agit in libris Posteriorum.

Tertiò syllogismus ex parte formæ correspondentis terminis, quæ dicitur

figura primo diuiditur, per tres figuras. Cum enim figura syllogistica nihil sit aliud quam dispositio seu combinatio medij cum extremis secundum subiectionem & prædicationem, totuplex debet dari figura quotuplex datur combinatio vtilis medij cum extremis, triplex autem datur eiusmodi combinatio. Prima in qua medium semel subiicitur, & semel prædicatur. Secunda in qua medium bis prædicatur; tertia in qua medium bis subiicitur; sunt qui quartam enumerent in qua medium prædicatur in maiori, & subiicitur in minori, ut omnis homo est animal, omne animal est sensibile ergo aliquod sensibile est homo: propriè tamen loquendo non ponit in numero cum prima, sed ad illam reducitur transpositis præmissis; figuræ enim non diuiduntur, nisi per diuersum modum directum, & naturalem concludendi, non per indirectum, qualis est in quarta figura, cum hic ad directum pertineat, & reducatur & sic dantur tres solum figuræ distinctæ.

Deinde in qualibet figura sunt plures modi, scilicet sexdecim; quemadmodum enim inter terminos Syllogismi, nempe inter medium, & extrema, quantum ad prædicationem, & subiectionem tres combinationes, seu figuræ vtilis, & directæ possunt formari, sic etiam ex varia præmissarum combinatione, & dispositione secundum quantitatem, & qualitatem (in quo diximus consistere modum syllogismi, seu formam materiam proximè correspondentem, sexdecim modi in vnaquaque figura possunt similiter efformari, qui per tria, qui est numerus figurarum vtilium multiplicati, producant quadraginta & octo, Quorum tamen decem, & nouem solum sunt vtilis, & bonæ consequentiæ, qui his versibus continentur.

*Barbara, Celarent, Darij, Ferio, Baralipton
Celantes, dabitis, Fapesmo, Frisese-
morum,
Cesare, Camestres, Feslino, Baroco, Darapti.*

Felapton, Disfames, Darisi, Bocardo, Ferifon.

Primi nouem, qui duobus prioribus carminibus continentur, pertinent ad primam figuram; quatuor sequentes ad secundam, reliqui sex ad tertiam. In vnoquoque modo inueniuntur saltem tres vocales, quæ correspondent tribus syllogismi propositionibus: Prima, maiori, secunda, minori; & tertia, conclusioni. Er denotant tales propositiones debere esse quantitates designatæ per ipsas vocales, secundum quod supra dictum est, Asserit A, negat E, &c. vnde si aliquando in his modis plures inueniantur syllabæ, trium tantum priorum habenda est ratio; cû aliæ propter carminis metrum sunt additæ.

Quamuis autem omnes modi statim enumerati sint viles, & consequentia in illis facta necessaria; atque adeo negari non possit; aliqui tamen ex illis vocantur directi, aliqui indirecti; aliqui perfecti, aliqui imperfecti. Modi directi sunt illi in quibus directè concluditur, prædicando maiorem extremitatem de minori in conclusione; indirecti verò in quibus è cõuerſio minor extremitas prædicatur de maiori extremitate in conclusione, cuiusmodi sunt quinque vltimi modi primæ figuræ, *Baralipſon, Celantes, dabitis, Fapeſmo, Ferifeſomorum*, ceteri omnes tam primæ, quam secundæ, & tertiæ figuræ directè concludunt.

Modus perfectus est in quo saluantur perfectè præcipia regulatiua syllogismorum, quæ sunt, dici de omni, & dici de nullo: Imperfectus autem in quo ista præcipia non perfectè saluantur; ideoque reduci potest ad perfectum. Sic quatuor priores modi primæ figuræ appellantur perfecti, alij verò quindecim imperfecti. Quamuis aliqui existiment nullum syllogismum indigere reductione ad alium syllogismum perfectiorem, sed æquè immediatè regulari omnes illo principio, Quæcumque sũt eadem vni tertio sunt eadem inter se, vnde immediatè per istud principium, non autem per reductionem ad alium

syllogismum possunt ostendi, quia sicut in quatuor primis modis primæ figuræ inuenitur identificatio extremorum cû vno tertio, ita & in alijs secundæ & tertiæ figuræ syllogismis. Ceterum Philosophus in 1. Prior. cap. 7. expressè docet omnes syllogismos imperfectos reduci posse ad priores primæ figuræ. Et si enim tota ars syllogistica innititur huic principio, quod quæcumque sunt eadẽ vni tertio, sunt eadem, seu identificata inter se. Nihilominus vt clarè constet hæc identificatio cum vno tertio, requiritur, quod illud tertium, seu medium sit distributum, seu identificatum cum extremis secundum distributionem, mediante qua extrema ipsa contineat, & vniat in se; atque adeo quod talis identificatio medij reguletur per illud principium dici de omni, dici de nullo, quod quia in omnibus syllogismis non fit æquè euidenter sicut in quatuor primis modis primæ figuræ, vbi medium est subiectum in maiori, & prædicatum in minori, ratione cuius, cum ponatur vniuersaliter in maiori ex parte subiecti, postea in minori prædicatur de aliquo, adeo vt illud de quo prædicatur, statim designetur cõtineri sub ipso medio, hinc fit quod secundæ, & tertiæ figura indigent reduci ad modum primæ figuræ, & non solum immediatè probari, per illud principium, *quæcumque sunt eadem vni tertio &c.* excludendo principia dici de omni, & dici de nullo.

De Principijs quibus innititur ars Syllogizandi.

CUm discursus affirmatiuè concludens ad hoc ordinatur, vt inferat conclusionem, in qua duo coniunguntur extrema in vi alicuius medij, requiritur quod vniat aliqua inter se, eo quod vniuntur in aliquo medio. Et opposito modo si inferat negatiuam conclusionem, in qua vnũ negatur, & diuiditur ab alio, necesse est, quod aliquod illorum negetur & separetur ab vno tertio. Dantur duo quædam principia generalia quibus inniti-

innitur tota ars Syllogistica. Primum est; *Quacumque sunt eadem vni tertio, sunt eadem inter se*; id est, quando aliqua duo perfecte, completè, & adæquatè vniuntur cum aliquo tertio, seu medio, necesse est, vt vniantur inter se. Et hoc principium deferuit Syllogismis affirmatiuè concludentibus.

Secundum principium est: quæcūque sunt eadem inter se distinguuntur vni tertio, seu ab vno tertio; id est, quando aliqua duo perfecte, & completè vniuntur inter se, si vnum illorum distinguitur ab aliquo tertio, necesse est distingui, & aliud. Quod principium deferuit Syllogismis negatiuè concludentibus.

His autem duobus principiis inniuntur alia duo valde vsitata, quæ à precedentibus videntur solum distingui penes hoc, quod illa sumuntur in ordine, ad esse, hæc vero in ordine ad prædicari, appellanturque dici de omni, dici de nullo. Dici de omni reddit hunc sensum, quicquid vniuersaliter affirmatur de subiecto, affirmatur etiam de quocumque contento sub subiecto. Sicut si affirmatur de homine vniuersaliter quod sit rationalis, debet affirmari de quocumque indiuiduo hominis. Dici vetò de nullo, reddit hunc sensum; quicquid vniuersaliter negatur de subiecto, negatur etiã de quocumque contento sub subiecto, vt si negetur de homine vniuersaliter quod sit lapis, debet id negari de omni indiuiduo sub homine contento.

Et per hæc principia per se nota regulantur omnes syllogismi constantes medio cõmuni in quibus oportet quod discursus procedat in vi alicuius termini distributi, (nec enim deferuiunt ad syllogismum expositorium qui cõstat medio singulari) ita vt illi syllogismi dicantur perfecti qui immediatè regulantur per illa, imperfecti verò qui non ita immediatè, & ideo reducuntur ad perfectos, vt explicabimus infra.

De Regulis tam communibus trium figurarum, quam specialibus vniuscuiusque.

Regulæ ad bonum syllogismum requisitæ quædam sunt generales pro omnibus figuris, quædam speciales pro singulis; ita tamen vt omnes suam originem trahant à principiis suprapositis. Regulæ communes, & vniuersales sunt quatuor. Prima; quod medium in aliqua saltem præmissarum distribuatur, vt sic perfecte possit coniungi, vel diuidi ab extremitatibus; propter quod in, quacumque figura ex puris particularibus, aut indefinitis nihil sequitur ex vi illationis; quamuis aliquandò sequi possit ratione materiæ; vt aliquod animal est substantia, aliquis homo est animal, ergo aliquis homo est substantia.

Secunda regula in quacumque figura, nihil sequitur ex puris negatiuis. Ex hoc enim præscisc, quod aliqua duo distinguantur ab aliquo tertio, non sequitur distingui, aut identificari inter se, si quidem duæ res siue identificentur, siue diuersificentur inter se, possunt tamen esse omnino disparate respectu alicuius tertij, vt per se pater.

Tertia regula nullus terminus debet esse distributus in conclusione, qui non fuerit distributus in præmissis: alias talis terminus pro vt est in conclusione, excederet seipsum, vt est in præmissis, & argueretur à non distributo ad distributum.

Quarta regula, quod medium sub ratione medij non debet intrare conclusionem. Cum enim quilibet terminus his tantum ponatur in syllogismo; & medium sit iam bis in præmissis positum, non potest iterum poni in conclusione sub ratione medij; poterit tamen aliquando, si fiat etiam extremitas, vt cum dicitur, *omnis homo est animal, sed homo est homo: ergo homo est animal.*

Pro quinta syllogismorum in cõmuni regula & lege potest assignari quod conclusio semper sequitur debiliorem partem.



— — — — —

partem; ita vt si aliqua præmissarum sit particularis aut negatiua conclusio etiã debeat esse particularis aut negatiua. Ratio est quia dux præmissæ, sunt quasi dux causæ subordinatæ respectu conclusionis; in causis autem subordinatis effectus sequitur debiliorem.

Ex his legibus, seu regulis generalibus inferuntur aliæ tres particulares, pro vnaquaque ex tribus figuris. Prima est: pro prima figura, quod in quocumque syllogismo ipsius directè concludere, vt consequentia sit bona, maior non debet esse particularis; neque minor negatiua. quia si maior est particularis, medium quod debet subijci in maiori, & prædicari in minori affirmatiua non distribuitur: si autem minor est negatiua, inferet conclusionem negatiuam, in qua terminus aliquis distribueretur, qui in præmissa affirmatiua non esset distributus; contra primam & tertiam regulam generalem supra traditam. In modis tamen indirectè cõcludentibus potest maior esse particularis, quia in illis non subijcitur medium, & minor potest esse negatiua, vt in *Fapesmo*, & *Frisefomorũ*.

Secunda regula, pro secunda figura, si ambæ præmissæ sint affirmatiuæ nihil sequitur; quia cum medium in secunda figura sit prædicatum, si vtraque est affirmatiua non distribuitur. Similiter si in eadem figura maior sit particularis nulla est consequentia, quia iam in conclusione distribueretur aliquis terminus, qui non esset distributus in præmissis.

Tertia tandem regula, pro tertia figura est, quod si minor sit negatiua, nihil concluditur; quia tunc maior debet esse affirmatiua, ac proinde prædicatum illius non distribuitur, distribuetur autem in conclusione. Et propterea conclusio in hac figura debet esse particularis alias idem defectus accideret.

Ex quibus omnibus regulis, facile quis iudicabit, quinam in quacumque figura sint modi viles, seu consistentes, aut bonæ consequentiæ; qui verò inutiles, seu inconsistentes, aut malæ consequentiæ; vnde non est, quod hic ta-

bulam combinationum seu modorum, qui fieri possunt in tribus figuris, ostendentem, qui eorum sint viles, qui verò inutiles subijciamus.

Similiter, quinam dicendi sint defectus communes, & particulares syllogismi; communes enim illi sunt in quibus non seruantur regulæ generales superius traditæ, quibus addere possumus, primo si arguatur in quatuor terminis, cum enim tota ars syllogistica consistat in connexionem duorum terminorum inter se, illata ex connexionem cum vno tertio, non debent esse plura extrema, quam duo, nec plura media quam vnum. Secundo medium non debet tenere æquiuocè, sed eodem modo in præmissis, alioquin non posset esse ratio vniendi extrema inter se, vt non valet omnis canis est latrans, aliquod sydus est canis, ergo aliquod sydus est latrans. Defectus particulares sunt, si non seruentur particulares regulæ pro figuris syllogismorum suprapositæ.

De reductione Syllogismorum imperfectorum ad perfectos.

Reductio syllogismorum imperfectorum ad perfectos consistit in hoc, quod illi syllogismi, in quibus non ita perfecte, & euidenter apparet dici de omni, & dici de nullo, quæ sunt principia regulatiua artis syllogisticæ, reducuntur & probentur per illos in quibus perfecte & euidenter talia principia saluantur. Vnde cum tales sint quatuor priores modi primæ figuræ scilicet, *Barbara*, *Celarent*, *Darii*, *Ferio*; Omnes enim conclusiones inferribiles, vel sunt vniuersales affirmatiuæ, vel vniuersales negatiuæ; vel particulares affirmatiuæ, vel particulares negatiuæ; si vniuersales affirmatiuæ perfectissime inferuntur in *Barbara*, si vniuersales negatiuæ in *Celarent*, si particulares, seu singulares affirmatiuæ in *Darii*, si negatiuæ in *Ferio*; Omnes alij modi indirectè aut directè concludentes possunt ad istos quatuor reduci, & per illos probari.

Dupli-

Dupliciter autem fieri potest talis reductio, primo conuertendo ipsas propositiones syllogismi imperfecti, easque si opus sit transmutando, ut scilicet maior mutetur in minorem, vel è contrā. Et hæc dicitur reductio ostensiva; quia in eisdē propositionibus syllogismi imperfecti clariori & perfectiori forma dispositis, euidentius innotescit regulatio dici de omni, & dici de nullo, visque & necessitas consequentiæ, sine eo quod aliqua propositio de foris adducatur. Et totum hoc fundatur in illo superius tradito principio, quidquid sequitur ad cōsequens, sequitur ad eius antecedens. Secundo modo potest fieri reductio deducendo aduersarium ad concessionem alicuius inconuenientis, seu impossibilis nempe quod admittens maiorem, & minorem syllogismi imperfecti, & negans consequentiam, teneatur concedere duas contradictorias simul veras, assumendo ad hunc finem contradictoriam propositionis negatæ, & adiungendo vnam propositionē concessam; sic enim inferitur contradictoria alterius concessæ, atque adeo duo contradictoria simul vera; quod tamen est omnino impossibile; Et propterea hic modus conuincendi aduersarium appellatur reductio ad impossibile fundaturque in illo principio. In bona consequentia ex contradictorio consequentis, sequitur contradictorium antecedentis. Et ista reductione per impossibile possunt reduci omnes modi imperfecti, ad perfectos, si quidem in omni modo utili in quo negatur consequentia, debet concedi contradictorium eius quod negatur, ex qua contradictoria concessa, & altera præmissa concessa, sequitur cōtradic-torium alterius; quia tamen duo modi *Baroco* & *Bocardo*, alia ratione reducibiles non sunt ad *Barbara*, specialiter dicuntur reduci per impossibile; cum hac differentia solum, quod *Baroco* reducitur seruata maiori, & contradictoria conclusionis posita pro minori, ex quibus inferitur contradictoria minoris iam cōcessæ: *Bocardo* verò reducitur, è contra

seruata minori, & contradictoria conclusioni, posita pro maiori, ex quibus inferitur contradictoria maioris cōcessæ.

Vt autem facilius memoriæ mandari posset, qui modi reducantur ad alios, notandum est artificium quo facti sunt illi versus suprapositi, *Barbara*, *Celarent*, *Darij*, *Ferio*, &c. primi enim quatuor modi perfecti incipiunt à litteris consonantibus, B. C. D. F. & similiter omnes alij modi imperfecti, siue in prima, siue in secunda, siue in tertia figura, ad denotandum quemlibet modum imperfectum ostensiuè reducendum esse ad modum perfectum eadem littera, incipientem. Et ita ad *Barbara* ostensiuè reducitur *Baralip-ton* solum; *Bocardo* enim & *Baroco* non reducuntur ostensiuè ab *Barbara*, sed per impossibile. Ad *Celarent*, reducuntur ostensiuè, *Celantes*, *Cesare*, *Camestres*. Ad *Darij*, *Dabitis*, *Darapti*, *Difamis*, *Datifi*. Ad *Ferio*, *Fapesmo*, *Frisesom*, *Festino*, *Felapton*, *Ferison*.

Præter has autem consonantes initiales; reperiuntur alie quatuor nimirū S. P. M. C. intra ipsas dictiones modorū imperfectorū. Littera S. denotat propositionem significatam per vocalem antecedentem conuertendam esse simpliciter. P. conuertendam esse per accedens. M. verò denotat transmutandas esse præmissas, ita vt maior fiat minor, & è contra, seruata semper tamen conuersione, quam alie litteræ petunt. Solum est aduertendum, in dictione significante vltimum modum primæ figuræ, scilicet *Frisesomorum*, illam consonantē M. propter carminis metrum positam esse post tres syllabas, cum tamen collocanda esset ante tertiam, sicut fit in *Fapesmo*, & *Difamis*, vnde talis littera non est inter syllabas inutiles annumeranda; sed reuera significat transponendas esse præmissas. Et tandem C. in medio dictionis significat modum illum in quo inuenitur, non esse capacem reductionis ostensiuæ, sed per impossibile, qui tantum sunt duo, nempe *Baroco*, & *Bocardo*.

In reductione autem syllogismorum per impossibile, certum est omnes imperfectos, tam primæ, quam secundæ, & tertiæ figuræ reduci posse per impossibile, ad quatuor priores primæ figuræ, sed non similiter, sicut in reductione ostensiva, quælibet dictio reducitur ad similem litteram initialem quatuor illorum priorum modorum; exceptis Baroco, & Bocardo, quæ ex dictis supra reducuntur ad Barbara. Ut ergo reliqui omnes modi reducantur, semper attendendum est ad conclusionem illatam, & sumenda contradictoria illius, deinde ponenda est illa pro vna ex præmissis cum altera, sicque inferetur contradictorium alterius præmissæ concessæ.

Quando autem in reductione servanda sit maior syllogismi, & quando minor: & consequenter quando contradictoria consequentiæ negatæ debeat poni pro maiori, quando verò pro minori sequentes regulæ solent assignari. In modis imperfectis primæ figuræ sumi debet contradictorium conclusionis, & poni loco maioris, & maior concessa, poni loco minoris, & inferre contradictorium minoris concessæ. Excipitur Celantes, ubi contradictorium conclusionis, quia est particularis, debet poni pro minori & minor Celantes poni pro maiori, & sic in Darij inferre contradictorium maioris concessæ. In modis secundæ figuræ, sumenda est contradictoria conclusionis, & ponenda pro minori, & simul cum maiori syllogismi, inferenda contraria, vel contradictoria minoris concessæ. In modis verò tertiæ figuræ, sumenda est contradictoria conclusionis, & ponenda loco maioris, & cum eadem minori inferre contrarium, vel contradictorium maioris concessæ. Dixi contrarium, vel contradictorium, quia in Darapti, & Felapton qui sunt duo modi tertiæ figuræ colliguntur solum duæ contrariæ simul veræ; sicut in Baralipon, & in Fapesmo in prima figura; tamen ex eis possunt fieri duæ contradictoriæ simul veræ; nam si hæc propositio omnis homo est albus est vera;

etiam particularis sub illa contenta, scilicet, aliquis homo est albus erit vera; sed hæc est contradictoria alterius negatiæ, scilicet nullus homo est albus: ergo si hæc esset vera, iam darentur duæ contradictoriæ simul veræ.

Ut etiam pateret qui modi imperfecti ad quos perfectos essent reducendi inuenerunt Dialectici tres dictiones pro modis imperfectis trium figurarum videlicet, *nescibatis*, *odiebam*, *latare romanis*; prima quinque habet syllabas & correspondet quinque modis imperfectis primæ figuræ; prima Nes, Baralipon, secunda Ci, celantes, & sic de alijs. Secunda dictio, nempe *odiebam* habet quatuor syllabas eodem ordine correspondentes quatuor modis secundæ figuræ; & tandem tertia dictio *latare romanis*, habet sex syllabas pariter correspondentes sex modis tertiæ figuræ. In his autem dictionibus quatuor illæ vocales A.E.I.O. significantes quatuor modos perfectos, in qualibet syllaba trium dictionum, denotant modum imperfectum correspondentem illi syllabæ ratione explicata reducendum esse ad modum perfectum per eandem vocalem significatum.

De inuentione Medij.

Cum medium in syllogismo nihil sit aliud, quam terminus ille in cuius vi inferitur conclusio, inuentione medij, nihil aliud etiam erit, quam inuentione termini, in cuius vi data quæcumque propositio rectè possit concludi in aliquo syllogismo.

Quamuis autem ad hoc principalius valeat innata quædam, & à natura quibusdam indita animi solertia & sagacitas, nec non & longum studium, assiduaque disputandi exercitatio; non desunt tamen suæ regulæ, quibus etiam natura ab arte perficiatur. Pro quarum intelligentia notandum, quis terminus dicatur antecedens, seu inferior; quis consequens, seu superior, quis æqualis, seu convertibilis; quis extraneus, seu disparatus.

us. Terminus antecedens est ille qui alterum infert, cuiusmodi sunt omnia prædicata inferiora respectu superiorum. Terminus consequens est, qui ex altero infertur cuiusmodi sunt omnia prædicata superiora respectu inferiorum, bene enim valet *Est homo ergo animal*. Termini æquales & cōuertibiles simul sunt antecedentes & consequentes, cum se inuicem inferant, & inferantur. Tandem terminus extraneus est ille, qui alteri inesse non potest.

Cum ergo omnis conclusio inferenda, vel sit vniuersalis affirmatiua, vel vniuersalis negatiua; aut particularis affirmatiua, aut particularis negatiua; atque adeo terminus, qui assumitur pro medio, debeat communicari, & vniri extremis, vel ab aliquo illorum disiungi, ad hoc vt ipsa extrema vniantur, vel disingantur in conclusione, oportet pro medio vniri, aut diuisio vtriusque sumere terminum vel antecedentē, vel consequentem, vel æqualem, vel repugnantem, seu extraneum; pro quo quatuor sequentes regulæ statui solent.

Prima est, ad inferendam conclusionem vniuersalem affirmatiuam, quæ tantum potest inferri in primo modo primæ figuræ, sumendus est pro medio terminus, qui sit consequens respectu subiecti talis conclusionis, & antecedens respectu prædicati.

Secunda regula, ad concludendam propositionem vniuersalem negatiuam, (quæ tantum potest concludi in prima & secunda figura) sumendus est pro medio terminus consequens ad subiectū, & extraneus seu repugnans prædicato, si conficiatur syllogismus in *Celarent* & *Cesare*. Si verò conficiendus sit in *Camestres*, debet sumi pro medio terminus repugnans subiecto, & consequens ad prædicatum.

Tertia regula ad inferendam propositionem particularem affirmatiuam, quæ tantum potest inferri in prima & tertia figura, conueniens medium erit terminus consequens ad subiectum, & antecedens ad prædicatum, si syllogis-

mus fiat in prima figura, vt in *Darj*; si verò fiat in tertia, vt in *Darapti* & *Disamis*, medium debet esse terminus antecedens, tam respectu subiecti, quam respectu prædicati.

Quarta tandem regula, ad inferendam propositionem particularem negatiuam (quæ in omnibus tribus figuris concludi potest) si fiat syllogismus in prima figura, sumendus est pro medio terminus consequens ad subiectum, & extraneus ad prædicatum. Quod idem obseruandum est si fiat in tertio modo secundæ, scilicet, *Festino*. Si verò syllogismus fiat in quarto modo secundæ figuræ nempe *Baroco*, medium debet esse terminus extraneus à subiecto, & consequens ad prædicatum. Denique si fiat syllogismus in tertia figura medium debet esse terminus antecedens ad subiectum, & extraneus prædicato.

Quorum omnium exempla & rationes videri possunt apud Authores, maxime Diuum Thomam opusc. 50.

De modo & exercitio disputandi.

Cum inter omnia Dialecticæ munera, præcipuum habeat locum argumentatio, nec aliter argumentandi promptitudo, quam frequenti rem aliquam in disputationibus cū oppugnandis, tum defendendis exercitio comparatur, opere pretium duxi breuiter aliqua circa modum rectè instituendi disputationem ex authoribus adnotare.

Disputatio ergo nihil est aliud, quæ veritatis indagandæ causâ; vel mutæ exercitationis gratia de aliquo disceptatio, vt fit dum quis, vel tacita cogitatione, ac mentis veluti discursu quodam apud se ratiocinatur, vel cum alio, siue sermone, siue scripto. Sic in disputatione dialecticè rectèque instituta quinque sunt principaliter attendenda, Thema, Vfus, seu finis, leges, instrumentum, & authores.

Thema dicitur illud, quod tanquam dubium, incertumque in medium producit, quodq; in disputatione ab vno

T pro-

propugnatur, ab alio verò oppugnatur.

Vltus, seu finis disputationis est falsitatem euertere, veritatemque propositi thematis è tenebris, verborumque inuolucris in lucem producere. Argumentis enim rem obscurate velle Sophistarum proprium est, & argumentatione disputationeque abutentium.

Disputationi sicut, & omnibus alijs rebus, suæ etiam leges, ac regulæ præscribuntur. Prima est, quod voces ambiguae vitentur, quia vt vulgari versiculo dicitur,

Erroris mater fuit æquiuocatio semper. Proinde si in disputationis decursu, Amphibologia aliqua, aut æquiuocatio forte incidit, petendum erit à proponente qua significatione vtatur, ex multiplicitate enim significationum vnius, eiusdemque dictionis, aut orationis, vel maximè offunduntur disputationi tenebræ, vel certè à rerum pulcherrimarum investigatione, ad nugas, inanemque verborum pugnam, & concertationem delabatur necesse est.

Secunda regula tam pro arguente, quam pro defendente seu respondente est, ne falsum mordicis defendendo, aut verum temere oppugnando, ingeniosus quis, aut doctus videri desideret; sic enim disputationis finis, qui est veritatis inquisitio peruertitur. Quæuis enim exercitij gratia, manifestè verum aliquando impugnari, & manifestè falsum aliquando defendi possit. Tunc tamen res à seria, ad iocosam disputationem deducj videtur. Itaque si quis inter disputandum aliquod absurdum concedat, satius est palinodiam statim canere, quam falsum obstinatè defendendo ex vno in alios permultos, grauissimosque prolabi errores. Culpam enim reprehensam pertinaciter tueri, culpa est altera; concessoque vno absurdo; cætera sequuntur.

Tertia regula est, vt concertantium iudicia sint integra, nullisque affectionibus præuis perturbata, seinel enim perturbatis ira, aut simili affectione malæ animis, quidam rationi fumus offun-

ditur, quo veritatis perspicendiæ facultas altercantibus eripi solet: vt neque quid obijciatur, neque quid respondeatur animaduertant.

Quarta tandem in disputando regula est, scire quid in dubium præcipuè reuocetur, & de quo disputantes contendant: alioqui sæpius eos temere altercari, atque multa vltro citroque verba ridiculè iactare continget.

Quantum ad disputationis instrumentum est argumentatio, cuius species omnes & partes iam supra explicuimus, superest vt de authoribus disputationis, eorumque muneribus aliqua breuiter attingamus.

Duo igitur sunt disputationis authores oppugnans, videlicet, & defendens. Tria præcipua sunt oppugnantis officia, seu munera. Primum, contra defendentis thema argumentum inuenire, idque obijcere. Secundum, quod à defendente negatum est probare in forma, ita vt propositio negata sit consequens argumenti succedentis. Tertium solutione datam primum repetere, & mox alia obiectione impugnare, quod vulgo dicitur replicare.

At defendentis munus est quadruplex. Thema suum perfectè intelligere, ac difficultates illius omnes perspicuas habere. Attentè semper considerare quid contra ipsum obijciatur, & an hoc cum eius themate pugnet, nec ne. quod obijcitur clarè, & fideliter repetere. Ac tum demum maruo adhibito iudicio aptum dare responsum, ad maiorem, vel minorem concedendo si sint veræ, negando si sint falsæ, distinguendo si sint ambiguae, admittendo, seu permittendo, si fuerint argumento indifferentes, ita vt ad illud non intersit si sint veræ, vel falsæ. Quacumque tamen negata ibi cessare debet responsio. Si autem concedatur minor, repetetur consequens, quod nec concedi, nec negari potest, sed tantum distingui, & secundum, vel alterum eius sensum concedetur, vel negabitur consequentia, quæ nunquam potest distingui, sed tantum

con-

concedi, aut negari. Qui autem concessa maiori, vel minori negat consequentiam syllogismi, tenetur ostendere defectum illius, aut ex parte materiæ, aut ex parte formæ se tenentem, alias conuictus censendus est.

EX DVOBVS LIBRIS;
de posteriori Analyfi.

De prærequisitis ad demonstrationem, scilicet de præcognitis, & præmissis.

Cum obiectum horum librorum sit demonstratio, quæ est syllogismus scientificus, quatenus in ea considerantur conditiones materiæ ex qua debet constare, vt euidenter inferatur, aut probetur conclusio, conuincaturque intellectus ad illius assensum ex vi talis probationis, & medijs: primum quod occurrit explicandum, sunt prærequisita ad demonstrationem, cuiusmodi sunt præcognita, & præmissæ seu principia.

Philosophus igitur cap. 1. agens de his quæ prærequiruntur ad demonstrationem, primum tanquam fundamentum & radicem aliorum tradidit, quod omnis doctrina, omnique disciplina intellectiua sit ex præexistenti cognitione, quod celebre axioma licet posset intelligi de quacumque cognitione intellectus, tam simplici, quam composita; cum enim discursus fiat ex antecedenti iudicio, & iudicium præsupponat apprehensionem, & hæc requirat cognitionem sensum, semper verificatur quacumque cognitionem intellectus fieri ex alia præexistenti cognitione; nihilominus tamen solum loquitur Aristoteles de cognitione probatiua modo rationali & discursiuo, siue scientificæ, siue probabiliter, quæ propterea in magistro dicitur doctrina, & pro vt in discipulo disciplina. Si quidem Philosophus ibi solum intendebat probare aduersus Platonem, posse aliquid de nouo sciri, seu cognitionem acquiri, absque eo quod procedatur in infinitum in probationi-

Biblies. Theol. Tom. IV.

bus, fiatque circulus vitiosus probando vnum per aliud, & è contra; ad hoc autem solum conducebat loqui de cognitione, quæ per probationem, & illationem acquiritur, seu de cognitione probata, & probante, illata, & inferente, ita quod non sit necesse, vt cognitio probans fiat ex aliqua alia priori probante, cum possit aliqua cognitio probans esse per se nota, & non ex alia probatione antecedente, omnis autem cognitio probata, & demonstrata, vt talis præsupponit essentialiter aliam priorem ex qua probetur, seu demonstraretur.

Sic Aristoteles in assignanda scientiæ acquisitione, videtur eodem modo processisse, ac in physicis circa generationem rerum naturalium; quemadmodum enim probat ibi contra aliquos Philosophos, quod formæ substantiales non præexistunt actu in materia latitantes, sed ex potentia illius educuntur, & sic de facto generantur; ita in nobis scientia acquiritur circa conclusiones, non quia præsupponuntur actu cognitæ, & solum per reminiscenciam dicimur de nouo eas scire, vt volebat Plato, sed quod virtute, & potentia cognoscantur in principijs, ex ipsis autem medijs discursu reddantur cognitæ, & probatæ.

Supposito quod omnis cognitio discursiua fiat ex præexistenti cognitione, secundò statuit Philosophus tria antè demonstrationem, seu cognitionem scientificam esse præcognoscenda, scilicet subiectum, passio, & præmissæ quæ quia vnum integrum principium conclusionis efficiunt, non plura, sed vnum præcognitum appellantur; ita tamen vt de huiusmodi præcognitis duæ tantum questiones debeant præcognosci, scilicet *an sit, & quid sit*, quas appellat Aristoteles præcognitiones; aliæ enim questiones quas enumerat ipse 2. Poster. cap. 1. scilicet *quia est, & propter quid est*, per ipsam demonstrationem cognoscuntur; si quidem per eam scimus, quia passio conuenit subiecto, & etiam propter quid illi conueniat; vnde non oportet illas præ-

T 2 cognoscere

cognoscere; atque adeo ante demonstrati-
onem duæ tantum erunt præcogniti-
ones in generali, scilicet *an est*, & *quid est*,
quarum vnaquæque diuiditur in alias
duas; cum, *an est* possit inquiri, tam de
re simplici, quam de integra propo-
sitione, cuius existentia est aliquomodo
sua veritas. Et ideo *an est* potest diuidi
in *an sit reale*, seu *rei*; & in *an sit veri-
tatis*? Similiter quia, *quid est*? signifi-
cat definitionem, quæ diuiditur in defi-
nitionem *quid rei*, & *quid nominis*; ideo
præcognitio *quid est*, diuiditur in *quid
rei*; quæ, scilicet, sit essentia rei, & in
quid nominis, scilicet, quid nomen signi-
ficet.

Aduertendum est autem fundamen-
ta esse longè diuersa, vnde oritur, quod
aliquid sit præcognoscendum, ad acqui-
sitionem scientiæ, & quod præcognita
solum debeant esse tria, & præcogniti-
ones duæ; quod enim aliquid sit necessa-
riò præcognoscendum, prouenit ex illo
principio, quod non potest dari proces-
sus in infinitum nec viciosus circulus in
demonstrationibus. Indè enim necessa-
riò sequitur sistendum esse in aliqua
cognitione, quæ per aliam non proba-
tur, sed ad alia probanda & demonstra-
nda præcognoscitur. Quod verò duæ sã-
tum præcognitiones in generali, triaque
præcognita esse debeant, sumitur ex ip-
so obiecto demonstrabili, quod est ali-
qua conclusio, in qua propria passio præ-
dicatur & demonstratur cõuenire subie-
cto; propter vnionem factam cum me-
dio in præmissis; inde enim sequitur ne-
cesse esse quod antequam habeatur co-
gnitio conclusionis, præcognosci de-
beant præmissæ, subiectum & passio;
quorum trium præcognitorũ datur du-
plex modus præcognitionis in generali,
& quadruplex in particulari, hoc ordi-
ne; de præmissis cum sint quid comple-
xum, non præcognoscitur *quid sint*, sed
tantum *an sint vera*; de subiecto, cum
non ostendatur in conclusione *quid sit*,
& multo minus *an sit*, oportet præco-
gnoscere de eo *quid sit*, & à fortiori *an
sit*, quia quæstio *an est* in aptitudine de

qua loquimur modo, præsupponitur ad
quæstionem *quid est*, neque enim potest
cognosci quid aliquid sit, nisi præsuppo-
natur quod sit possibile. Tandem de
passione formaliter sumpta, quatenus
passio est, cum *an sit ipsius*, & *quid sit*
ostendatur per demonstrationem ob de-
pendentiam essentialem quam habet ex
proprio subiecto, præcognoscitur tan-
tum quid nominis; non enim potest sci-
ri *an aliquid sit* nisi sciamus quid nomen
eius significet. Vbi nota quod de subie-
cto, & principio, seu præmissis debet
etiam præcognosci quid nominum pro-
pter eandem rationem.

Tertio cap. 4. 7. & 8. 1. lib. Poster.
ponuntur conditiones, ex quibus debet
constare præmissæ ad demonstrationem
deseruientes. Primò quod sint veræ,
sicut enim conclusio demonstrationis ita
est vera, vt repugnet esse falsam, sic etiã
præmissæ, quæ sunt causa veritatis con-
clusionis.

Secundò quod sint primæ & immæ-
diatæ, seu per se notæ; etũ enim non
omnis demonstratio, formetur ex pro-
positionibus primis, & immediatis seu
per se notis; omnis tamen demonstra-
tio dependet ex illis, & resoluitur in il-
las. Tres autem istæ particule in re
non differunt. Nam propositio immæ-
diata in presenti est illa, qua non est alia
prior per quam probetur, seu quæ non
habet medium per quod cognoscatur,
& sic necessariò debet esse prima, quæ
enim est prima non habet aliam priorẽ,
& etiã propositio per se nota; hæc enim
est illa quæ seipsam notificat, neque eius
veritas per aliam manifestatur, quod idẽ
est ac non habere medium, seu aliam
priorẽ propositionem per quam probetur.
Nec indè colligat aliquis huius-
modi particulas fuisse ab Aristotele su-
perflue positas, ita enim significant vnã
& eandem rem seu propositionem vt
plura tamen eius muna explicet. Nam
eadem propositio dicitur prima compa-
ratione aliarum subsequentium quæ per
illam demonstrantur; immediata verò
in quantum caret alia priori per quam
demon-

Demonstratur, quod est illam explicare veluti negativè & per carentiam medij probatiui, probatione intrinseca, & à priori; dicitur tandem per se nota, quatenus ex ipsis terminis seu explicatione terminorum innotescit, quod est veluti positivè illam explicare.

Diuiditur autem propositio immediata, seu per se nota, à D.Th. 1. par. q. 2. art. 2. in per se notam secundum se, non verò quo ad nos; & in per se notam secundum se, & quo ad nos. Prima est, quæ secundum se nullum habet mediū, per quod manifestetur, quia nimirum prædicatum est de essentia subiecti, & immediatè consequitur ad illud; tamen à nobis non cognoscitur illa immediata connexio prædicati cum subiecto, nisi per aliud medium illam notificans. Propositio verò per se nota secundum se, & quo ad nos est illa cuius prædicatum & subiectum non solum habent immediatam connexionem; sed ipsa nota est nobis. Qua in diuisione Sanctus Thomas loquitur de propositione per se nota, nō solum secundum formalem rationem, propositionis ex parte conceptus, vel vocis significantis, sed etiam obiectiue, seu ex parte fundamenti, quod habetur in ipsa re significata; quod enim aliqua propositio sit demonstrabilis probatione intrinseca, & à priori per aliquod medium, vel careat illa, & ita sit immediata & per se nota, non oritur ex ipsa terminorum significatione, sed ex ipsarum rerum significatarum connexionem, ubi enim aliquod prædicatum conuenit subiecto immediatè, caret medio, quo tale prædicatum probetur de illo subiecto, atque adeò quantū est ex se fundat propositionem per se notam; quamuis respectu nostri non possit semper formari propositio per se nota, eo quod ipsa extrema, seu termini quibus illa propositio constat, non sunt nobis immediati, ita vt per solam illorum explicationem, eorum nobis connexio innotescat, sed supposito discursu manifestante terminos, & consequenter eorum connexionem, notificatur.

Tertiò præmissæ debent esse causæ conclusionis; non solum in cognoscendo, quatenus sunt id, quod assumit intellectus ad cognoscendam conclusionem, & per quod notificatur illi; sed etiā in essendo, quando est demonstratio propter quid, in qua intellectus assumit vt causā cognitionis id, quod est verè causa rei; ad huiusmodi tamen demonstrationem notandum est non requiri, quod causæ in essendo, sint formaliter causæ, & physicè, sed sufficit quod virtualiter, vel metaphysicè sint tales, ita quod vnū se habeat vt ratio alterius, et si non sit causans alterum, vt contingit in diuinis, vbi vnum attributum dicitur esse ratio alterius; v.g. immutabilitas, eternitatis. Ex hoc autem quod præmissæ sint causæ, vel in cognoscendo, vel in essendo conclusionis, sequitur illas debere esse notiores & priores, si quidem causa, æper est notior, & prior saltem prioritate naturæ suo effectui, secundum quod habet rationem causæ. Et licet conclusio identificetur aliquando cum præmissis ex parte rei cognitæ, quantum ad entitatem, & ita sit æque nota, eiusdemque certitudinis identicè cum illis, tamen in ratione veritatis est diuersa, & quia, vna se habet vt illata, & illuminata, alia vt illuminans, hæc saltem quoad nos debet esse notior. Vnde concludit Aristoteles intellectum firmitus, & perfectius, & magis assentiri præmissis quam conclusionibus. Nam si assentitur conclusioni propter præmissas, ergo magis assentitur ipsis præmissis, iuxta vulgatum axioma, *propter quod vnumquodque tale, & illud magis* cuius veritas reducit ad quatuor conditiones. Prima, quod distinguantur causa, & effectus, nec sit eadem forma vtriusque. Secunda quod causa & effectus communicent in eadem denominatione, & dicatur vnum effectus, tale propter aliud, non quomodo cumque, sed quia aliud etiam est tale, ita, quod ex denominatione vnius nascatur denominatio alterius. Tertia, vt fiat vnius ordinis, seu in eodem genere causæ. Quarta vt illa ratio in qua communicant

nicant causa & effectus, suscipiat magis & minus, seu vt alij volunt quod vnum sit causa alterius essentiali ordine causæ, quia sic non solum est causa quantum ad fieri, sed etiam quantum ad esse.

Tertiò præmissæ demonstrationis propter quid, cuius naturam principaliter intendit explicare Philosophus, debent esse de omni, de per se, & de prædicato vniuersali. Pro quarum particularum explicatione notandum est, aliter sumi dici de omni in libris priorum, aliter hic: ad hoc enim vt propositio sit de omni prioristico, sufficit eam esse vniuersalem; etiam si prædicatum non conueniat subiecto pro omni differentia temporis, hoc enim non attendit forma syllogistica, quæ tam seruit syllogismo demonstratiuo quam opinatiuo. Ad hoc verò vt propositio sit de omni posterioristico requiritur, inquit Aristoteles, quod prædicatum non euidam insit; euidam non sit: neque interdum conueniat, interdum non conueniat. idest tunc propositio est de omni posterioristico; quando nihil potest assignari sub subiecto, cui non insit prædicatum, in quo conuenit eum de omni prioristico; & quando non est assignare aliquod tempus, in quo prædicatum ei non insit: quare hic intelligitur duplex vniuersalitas scilicet temporis, & suppositorum, ad propositionem de omni posterioristico.

Circa prædicatum per se aduertendum est, quatuor esse modos dicendi per se. Primus est quando prædicatum est de essentia subiecti. Secundus, quando prædicatum est propria passio subiecti, vel, vt inquit Philosophus, quando subiectum est de essentia prædicati. Tertius modus, qui potius est modus essendi, quam modus dicendi per se, est ille quo substantia dicitur ens per se, & non in alio. Quartus denique modus dicendi per se, non est modus prædicandi vel essendi, sed causandi, & definitur ab Aristotele, quando aliquid inest propter ipsum, idest, significatur ratio propria à qua causatur, vt quando dicimus *adificator adificat, aur, medicus medetur*. Cum au-

tem præmissæ demonstrationi *deservientes* debeant esse necessariae, duobus solum primis modis possunt esse de per se. Prædicatum enim per se quarto modo, quamuis sit per se in causando, potest esse accidentale in prædicando, & ita *calidum calefacit* dicit prædicationem quinti prædicabilis, sed causalitatem per se.

Tandem circa prædicatum vniuersale, seu secundum quod ipsum, notandum est vniuersale in presenti non sumi, sicut in libro prædicabilium, pro vt est vnum in multis; sed secundum quādam totalitatem, & adæquationem, quatenus nec ipsum sine subiecto, nec subiectum sine ipso inuenitur, quod est dici ad conuertentiam; sic ad prædicatum vniuersale vt sumitur in presenti, requiruntur tres conditiones, prima vt sit de omni, id est, vniuersaliter dicatur, defectu cuius risibile non est prædicatum vniuersale respectu animalis. Secunda vt sit per se, primo vel secundo modo, id est, necessario conueniens defectu cuius album non est prædicatum vniuersale, respectu niuis; quia licet sit *de omni*, non tamen est per se, sed conuenit contingenter niui. Tertia est, quod conueniat subiecto secundum quod ipsum, id est secundum quod tale est, seu conuertibiliter, defectu cuius sensibile non est prædicatum vniuersale respectu hominis. Itaque de omni, & per se, & secundum quod ipsum se habent, vt superius, & inferius, nam omne prædicatum vniuersale, seu secundum quod ipsum, est per se, sed non è contra; omne per se est de omni, sed non è conuerso.

In demonstratiōe ergo propter quid si sit demonstratio perfectissima, in qua propria passio concluditur de proprio, & adæquato subiecto, ut omne admiratiuum est risibile, omnis homo est admiratiuus, ergo omnis homo est risibilis, vtraque præmissa debet esse de prædicato vniuersali, si quidem omnes tres termini sunt ad inuicem conuertibiles; si autem sit demonstratio solum imperfecta, & particularis, in qua passio concluditur, non de

Sectio VII. Caput VI. 151

de proprio, & adæquato subiecto, sed de aliquo eius inferiori, vel superiori particulariter sumpto, *ut omnis homo est rationalis, Petrus est homo, ergo Petrus est rationalis, omnis homo est rationalis, omnis homo est animal, ergo aliquod animal est rationale*, sufficit quod vna præmissarum sit de prædicato vniuersali, vt patet in exemplis adductis.

Vnde colligitur demonstrationem propter quid procedere nõ posse ex extraneis, aut communibus seu remotis, quando nimirum sunt ita causa remota, & communis alicuius effectus, vt non sint quid conuertibile cum ipso, sed cõueniant alijs; sic enim procedendo nulla præmissarum est de prædicato vniuersali, cum tamen in demonstratione propter quid, saltem aliqua præmissarum debeat esse de prædicato vniuersali. Si quis autẽ procederet per causam remotam, & communem quidem, sed re vera conuertibilem cum effectu, vt quando tertia passio demonstratur per primam, tunc esset demonstratio propter quid, licet imperfecta, quia non assignaretur propria, & immediata causa effectus.

Cum præmissæ dupliciter cõsiderari possint, vel formaliter, vel obiectiue, formaliter sunt assensus, seu actus ipsi intellectus, quibus propositiones ipsas iudicamus, obiectiue sunt res ipsæ per assensum, & propositionem attractæ: Potest esse difficultas an, sicut ex dictis præmissæ obiectiue cõsideratæ sunt causæ conclusionis non solum in cognoscendo sed etiam in essendo, si sit demonstratio propter quid, ita etiam præmissæ formaliter consideratæ, ita vt actus intellectus, quo assentitur præmissis, sit causa actus quo assentitur conclusioni, & in quo genere causæ. Communis ergo sententia efficientiam tribuit actibus præmissarum, respectu actus conclusionis, ex D.Th. 1. Poster. lect. 3. 2. Phys. lect. 5. & 5. Metaph. lect. 3. ac tandem 1. p. q. 14. artic. 7. vbi docet quod discursus, quo per principia deuenimus in conclusionem, est discursus secundum causalitatem, ad distinctionem motus qui

vocatur discursus secundum successionem. Si enim principia respiciunt conclusionem per discursum secundum causalitatem, oportet quod influant effectiue in assensum conclusionis; si quidem discursus secundum causalitatem, non solum importat successionem cognitionum vnius post aliam, sicut se habent partes in motu, sed etiam rationem illuminatis, quatenus ex magis noto proceditur ad minus notum, atque adeo lumen præmissarum ita afficit & determinat intellectum, vt conclusionem ipsi manifestet, & illuminando assentiri faciat, lumen autem causat illuminationem alicuius obiecti, & determinat ad cognitionem illius effectiue. Vnde præmissæ in demonstratione non possunt se habere, sicut pars motus quæ relinquatur, vt altera pars acquiratur, sed ponunt virtutem illatiuam, & manifestatiuam conclusionis, & ita in quantum inferentes non relinquuntur ab intellectu, vt acquiratur conclusio, sicut relinquuntur terminus a quo, ad acquisitionem termini ad quem, sed ipsæ dant vim intellectui, id est lumen ad acquirendum conclusionem. Et si enim intellectus sit causa principalis efficiens assensum conclusionis; tamen quia procedit illatiue ex vno in aliud, habet hanc vim illatiuam ab assensu præmissarum in quibus virtualiter continetur conclusio, vt manifestabile in manifestante; vnde quando dicitur quod vnus actus non est operatiuus alterius, distinguendum est, nam si vnus actus virtute continet alium efficere potest illum determinando potentiam, & dando illi virtutem, vt se moueat de vno in aliud, non verò si virtute non contineat alium actum. Quomodo autem contingat hæc efficientia, pendet ex dicendis in libris de anima. Pro nunc tamen breuiter dico non fieri per aliquam actionem transcurrentem, sed ipsamet actione immanenti, qua conclusio procedit ab intellectu, procedit etiam ab habitu scientifico effectiue, vt adiuuante, & ab actuali præmissarum assensu, vt a lumine actu illustrante formaliter, id est, in-

tra inhærendo, & præbente vim effectivam potentie.

Ita autem assensus præmissarum effectivè concurret simul cum intellectu ad assensum conclusionis speculativè in syllogismo demonstrativo, ut si intellectus sit bene dispositus & cognoscat bonitatem illationis, neque alias sit impeditus, necessitetur per assensum præmissarum ad assentiendum conclusioni, non solum quo ad specificationem, sed etiam quo ad exercitium directè loquendo. Si quidem voluntas non potest impedire visionem objecti si sit præsens, medium illuminatum, oculi aperti &c. quia tunc omnes causæ sunt agentia naturalia impediabilia à voluntate; cum ergò potentia cognoscitiva in cognoscendo naturaliter operetur respectu objecti sufficienter propositi; præmissæque evidentes rectè dispositæ illuminent, & manifestent conclusionem sicut lux colores; stante tali illuminatione & potentia ipsa vigilante & attendente, non poterit voluntas impedire assensum conclusionis directè. Potebit tamen indirectè, diverterendo intellectum circa aliam cognitionem, vel impediendo ne attendat ad præmissas, semel enim quacumque ex causa omisso assensu circa præmissas non sequitur illuminatio circa conclusionem. Vide D. Thom. 1. 2. q. 17. artic. 6.

Ex hac doctrina facile colligitur, quomodo sit intelligendum dictum Philosophi in præsentī asserentis, maiorem cognosci prius tempore, quam conclusionem; minorem verò simul tempore, licet prius natura; loquitur enim de maiori secundum se, & seorsim; cum enim sit univocaliter propositio, & non subsumpta sub alia, sed assumpta, potest seorsim & per se cognosci, atque adeo prius tempore quam conclusio; at semel posita cognitione minoris formaliter in ratione minoris, hoc est ut coordinata, vel subordinata maiori, statim sequitur assensus conclusionis non solum negativè, id est, quia nihil mediat inter cognitionem minoris & conclusionis, id enim manifestum est, sed etiam posi-

tivè, quia in eodem penitus instanti temporis quo præcedente assensu maioris, minor subsumitur, producit assensus conclusionis, nec enim alio lumine manifestatur conclusio, quam lumine illatio, quod in præmissis continetur; illuminatio autem sit in instanti, multo magis in spiritali lumine, quam in corporali, quia illud est efficacius & perfectius, ergò in eodem instanti quo ponitur lumen præmissarum completè & adæquatè, determinaturque maior ultimè per minorem ponitur assensus conclusionis tanquam à causa naturali completa non impedita, & operante instantè, sicut de illuminatione dictum est. Neque ad discursum requiritur, quod unus actus transeat post alium secundum successionem temporis, sed secundum successionem, vel melius causalitatem cognitionum & objectorum, licet utraque cognitio simul duret. Undè quando D. Thomas 1. par. q. 85. artic. 4. docet intellectum non posse simul multa cognoscere, non loquitur de simultate temporis, sed similitate cognitionis, & representationis, & hoc quando non sunt ordinata, vel unita in aliqua ratione, sed inter se disjuncta, & separata, ut ibi communiter explicant eius discipuli.

An etiam in syllogismo probabili semel concessis præmissis, & stante bonitate consequentiæ intellectus necessitetur ad assensum conclusionis; nec non etiam ad assensum conclusionis practicæ evidentiæ; Sicut est hæc, *Quod tibi non vis, alteri ne feceris, sed tibi non vis iniuriam inferri; ergo alteri non debes iniuriam inferre.* Respondetur ad primum necessitari solum intellectum in vi consequentiæ, non in vi veritatis inferentis, & ideo simpliciter non necessitari; quia licet concessis semel præmissis in debita forma dispositis, si procedatur ad conclusionem non possit dissentiri, tamen, in materia probabili, potest non procedere ad conclusionem, sed retrocedere ad examinandas præmissas, & cum sint probabile s illis dissentire, quod in demonstratione locum non habet, in qua

non

non solum intellectus debet procedere ad conclusionem, sed etiam non potest retrocedere ob certitudinem, & euidenciam præmissarum quibus iam assensum præbuit necessariò.

Ad secundum respondetur similiter voluntatem necessitari posse ex suppositione & secundum quid ad conclusionem practicam; vel melius, quod ex principiis practicis rectè dispositis solum de necessitate concluditur, hoc esse debitum ut fiat, seu conueniens secundum legem aut rectam rationem, non semper secundum appetibilitatem, quia hæc in exercitio proponitur cum indifferentia, & ideo quo ad hoc syllogismus practicus non concludit conuincendo, sed indifferentiter proponendo, & voluntas sequitur conuenientiã appetibilitatis hic, & nunc propositam, non solum conuenientiam secundum legem.

De essentia, & diuisionibus demonstrationis.

EX præmissis per formam syllogisticam rectè dispositis in materia necessaria fit demonstratio, & ideo explicatis præmissis, sequitur agere de demonstratione, quam Aristoteles dupliciter definit. Primò ex ordine ad effectum quem causat, qui etiam est finis eius. Secundò ex ordine ad materiam ex qua constat. Et ita prima definitio, videlicet demonstratio est syllogismus faciens scire; scire autem est, cognoscere causam, ob quam res est, illius causam esse, & fieri non posse, vt aliter res se habeat, est secundum ordinem causandi. Secunda verò, nimirum demonstratio est syllogismus constans ex veris, primis, immediatis, prioribus, notioribus, causis, quæ conclusionis, in quantum est causata ex suis principiis.

Quæ duæ definitiones ab Aristotele traditæ sunt rectæ & exactæ, cum dentur per propriam causam definiti; si quidè demonstratio est instrumentum quoddam intellectuale, cuius proprius finis est scientia, per quam traditur prima defi-

Biblioth. Theol. Tom. IV.

nitio: ipsumque tanquam ex propria materia constare ex propositionibus veris, immediatis &c. per quam traditur secunda.

Celebri diuisione demonstratio diuiditur in demonstrationem quia, & propter quid. Demonstratio propter quid est illa, quæ non solum probat passionem inesse subiecto, sed etiam ostendit propter quid illi conueniat, adducendo in præmissis propriam, & adæquatam causam talis passionis. Demonstratio verò quia est illa, quæ tantum ostendit passionem conuenire subiecto, non autem adducit propter quid illi conueniat; vnde particula, quia non accipitur causaliter, sed est pura coniunctio, quasi dicatur demonstratio, quod hoc sit hoc; assignat autem Aristoteles tres modos quibus contingit fieri demonstrationem, quia. Primus est, quando per effectum adæquatam, & conuertibilem procedimus ad causam demonstrandam. Secundus, quando per causam remotam, seu communem, quæ non adæquatè conuertitur cum effectum, est tamen causa sufficiens ad inferendum negationem effectus, non autem ad positum ponendum illum, sicut bene valet, *non est animal, ergò non respirat*; è contra tamen, non valet, *est animal ergò respirat*, & ita ly animal dicitur causa remota respirationis, & ad hoc pertinet illud exemplum quod affert Philosophus, de illo qui interrogatus an essent tibicines in Scythia respondit nequidem esse vires, quod fuit verè causa valdè remota. Tertius modus efficiendi demonstrationem quia, est quando quia & propter quid pertinent ad diuersas scientias, vt quando ex conclusionibus demonstratis à scientia subalternante, procedimus tanquã ex principiis ad demonstrandas conclusiones scientiæ subalternatæ: Tunc enim scire quia pertinet ad scientiam subalternatã, scire verò propter quid ad subalternantem, de quo infra.

Prædictam autem diuisionem esse adæquatam communis est dialecticorum sensus. Si quidem videtur tradi per

V m c m-

membra immediatè opposita, quorum vnum infert contradictoriam negationē ad alteram; demonstratio enim propter quid est illa, quæ concludit prædicatum convenire subiecto, ostendendo verum & adæquatum propter quid illi conveniat; demonstratio verò quia in tota sua latitudine est illa, in qua cōcluditur quidem prædicatum convenire subiecto; reticetur tamen propter quid illi conveniat, siue id fiat per causam remotam, siue per effectum, siue per aliquid aliud cum quo illa veritas habeat connexionem per se, licet ab illa non oriatur.

Quæ tamen immediata oppositio non reperitur inter demonstrationem à priori, & à posteriori, quia potest fieri demonstratio per aliquid quod non sit prius, nec posterius, sed concomitans & quod est simul cum alio, sicut correlativa sunt simul, & per vnum demonstrator aliud, unde minus aduerterent aliqui confundunt has duas divisiones, ita ut demonstratio propter quid, & à priori conuertantur; & similiter demonstratio quia, & à posteriori. Et si enim omnis demonstratio propter quid sit à priori, non tamen è contra; & similiter quamvis omnis demonstratio à posteriori sit quia, non tamen è contra. Nam demonstratio quia, ut diximus solum consistit in hoc quod ostendatur veritas, sed non radix illius propria, immediata, & adæquata; quod autem detur aliqua veritas potest ostendi, per aliquid posterius, scilicet per effectum; aliquando per aliquid prius scilicet per causam remotam, aliquando per aliquid concomitans. Unde non omnis demonstratio quia est solum à posteriori, id est ex effectu, sed aliquando per aliquid prius scilicet per causam remotam. At verò omnis demonstratio propter quid semper est à priori, quia semper est per causam, eamque propriam & adæquatam, quamvis non omnis demonstratio à priori sit propter quid, illa enim quæ procedit per causam remotam non conuertibilem est demonstratio à priori, non tamen propter quid.

Circa qualitatem huius divisionis in demonstrationem propter quid, & quia; an sit uniuoca, vel analogica? pendere videtur ex illa alia difficultate, an per solam demonstrationem, propter quid producat habitus scientiæ: videtur enim illi soli convenire definitio superior tradita, quod scire est causam cognoscere ob quam res est, illius causam esse. Unde asserendum est demonstrationem vel scientiam quia intrinsecè & substantialiter quidem, habere rationem demonstrationis, quatenus habet certitudinem & evidenciam, & sic absolutè esse uniuocè demonstrationem secundum modum formalem procedendi; cum innitatur connexioni necessariè inter effectum, & causam, vel inter causam remotam & effectum; imperfectè tamen participare rationem scientiæ; ita ut per assensum conclusionis in demonstratione quia, producat quidem habitus scientiæ; sed valde imperfectus & nō habens statum habitus aut scientiæ, sed dispositionis, & consequenter non facit scire simpliciter, sed inchoatiuè; quia non attingit *quod quid est*, sed solum *an est*; quæstio autem an est presupponitur ad scientiam; unde demonstratio quia videtur solum versari circa præambula ad scientiam, non circa proprium obiectum scientificum, quod est *quid*.

Cum ex demonstratione quia, quando procedit per effectum adæquatam, & conuertibilem ad causam demonstrandam, ut si dicatur: Stellæ non scintillant, sunt propè nos: Planetæ sunt stellæ non scintillantes: ergo planetæ sunt propè nos; ubi ex negatione scintillationis proceditur ad probandum planetas esse propè nos, quod est verum propter quid, & propria causa talis negationis non scintillandi, cum inquam ex tali demonstratione quia, & alijs huiusmodi possit fieri demonstratio propter quid iuxta Aristotelem, mutando maiorem extremitatem in medium, quia iam procedet per propriam, & adæquatam causam, ut patet si dicas: Stellæ quæ sunt propè nos, non scintillant, sed planetæ sunt

Sectio VII. Caput VI. 155

sunt propè nos; ergò planetæ non scintillant; breuiter explicandum est, an & quomodo liceat vti demonstratione circulari.

Est autem circulus in demonstratione progressus quidam à præmissis ad conclusiones; & regressus ab ipsis conclusionibus ad præmissas, & potest fieri talis processus dupliciter: vno modo regrediendo ab eadem conclusione ad eadem principia, ad eadem, inquam, materialiter, sed non formaliter, id est, vt cognita per aliud formale medium, quam per ipsamet principia, vt si quis probaret Planetas esse propè nos, quia non scintillant, & rursus non scintillare, quia sunt propè nos, ideò esset, quia, supponitur illa prima propositio probata per aliud medium, vel aliam noticiam V.g. experimentalem vel aliam similem in eo quod probatur quo ad *an* est. Philosophi enim ab effectibus expererūt cognoscere causas quoad an est, deinde, verò ex causis processerunt ad effectus quo ad propter quid. Secundò potest fieri iste processus ab eadem conclusione etiam formaliter sumpta, id est vt cognita formaliter per eadem principia ad quæ fit regressus; & primus circulus vocatur difformis, quia diuerso medio proceditur à præmissis ad conclusiones, & à conclusionibus ad præmissas: secundus verò appellatur vniformis, quia sub vno & eodem medio proceditur à præmissis ad conclusiones, & conclusionibus ad præmissas.

Quamuis ergo ex communi Dialecticorum sensu circulus formalis, & vniformis sit reijciendus, vt vitiosus, & nugatorius, si quidem demonstratur idem per idem, & dicitur idè notius, & ignotius formaliter, & secundum idem medium respectu eiusdem, secus tamen, dicendum est de circulo difformi, & materiali, qui simpliciter non est circulus, nec vitiosus. Circulus enim materialiter sumptus, vt statim dixi, tunc contingit, quando fit regressus à conclusione ad antecedens, cognita conclusione per aliud medium, & tunc non probatur per

idem, sed per aliud à quo notificata est illa conclusio, & in illo genere, seu medio diuerso quo probatur, potest esse conclusio notior, quam illud primum, antecedens, à quo fuit illata, & tunc conclusio licet materialiter sit vna propositio, tamen cum sit cognita duplici medio, pender ex duplici antecedenti; vnde cum ex ipsa regredimur ad vnum antecedens, à quo probata est, ex vi alterius probationis, non ab ipsa formaliter regredimur, sed ab illo alio antecedente quo probata est, & manifestata. De quo vide D. Thom. Secundo de cælo lect. 16. & Caiet. 1. Poster. cap. 13.

De scientia, quæ est effectus demonstrationis, tam secundum se, quam in ordine ad alios habitus intellectuales.

S Vpposita existentia scientiæ, quam experientia ipsa conuincit, definiri solet habitualis scientia per ordinem ad suam causam efficientem, quod sit habitus per demonstrationem acquisitus; sicut è contra definita est demonstratio, quod sit syllogismus epistemonicus id est faciens scire; nec tamen in hoc committitur circulus vitiosus, tum quia hæ definitiones traduntur in diuerso genere causæ, nam scientia definitur per demonstrationem tanquam per causam efficientem; demonstratio verò per scientiam tanquam per causam finalem: tum quia demonstratio non dicitur, quod sit syllogismus efficiens habitum scientiæ immediatè, sed syllogismus efficiens scire actuale, id est assensum scientificum, à quo generatur habitus, qui inclinat ad similem sensum: tum denique quia ex secunda definitione demonstrationis tradita per causam materialem, cæterasque præmissarum condiciones supra explicatas redditur quo ad nos sufficienter nota demonstratio, vt per eam tanquam aliter notificatam, sine circulo possumus rursus scientiam ipsam definire.

Potest denudò scientia habitualis definiri essentialiter per suum obiectum,

V 2 sic,

se, quod sit habitus circa propositiones vniuersales, necessarias, & mediatas seu quod idem est, circa conclusionem notam ex propositionibus vniuersalibus necessarijs, & immediatis. Qua in definitione per priores particulas exprimitur genus proximum in quo scientia conuenit cum habitu principiorum, per ultimam verò quomodo distinguitur ab illo. Pro cuius intelligentia, & vt melius cognosci possit ipsa ratio scientiæ, nec non distinctio, seu differentia inter ipsam, & alios habitus intellectuales euidenter, nam de ineuidentibus inferius acturi sumus, recolendæ sunt diuisiones essentielles habitus, seu virtutis intellectualis, quas supra in coordinatione predicamenti qualitatis explicui.

Philosophus hic diuidit scientiam in subalternantem, & subalternatam, cuius tamen diuisionis diuifum non est scientia in tota sua latitudine; sed scientia subalternatam posita; quæ scilicet per se & intrinsecè respicit aliam, & petit coniungi illi, quam si contineat est subalternans; si verò contineatur subalternata. Circa quam diuisionem tria præcipue sunt requirit explicanda. *Primum*, in quo consistat ratio subalternationis, & quomodo stet cum illa scientiam subalternatam verè esse scientiam? secundum quomodo subalternans dicatur ab Aristotele, scire *propter quid*, subalternata verò *quia*; Tertium an scientia subalternata sit verè scientia, in eo qui non habet subalternantem?

Circa primum notandum est, quod cum scientia subalternans idem sit, ac scientia sub se alteram continens; scientia verò subalternata idem ac scientia, quæ sub altera continetur; tot modis diceretur aliquam scientiam alteri subalternari, quot modis continget sub illa collocari, tribus autem modis id fit. Primo ratione finis, quando scilicet finis vnius continetur sub fine alterius, & ordinatur ad illum. Quo sensu artes ministræ dicuntur subalternari dominis; & hic subalternationis modus est impropius, quia non semper illi præbet ma-

nifestationem veritatis, vnde secundum illum melius dicitur vnam scientiam, aut artem deferuire alteri, quam subalternari illi. Secundo modo vna scientia collocatur sub alia ratione principiorum tantum, quod potest esse, vel quia accipit aliqua principia, vt contingit in medicina quæ probat vulnera circularia, difficilius curari, quia eorum latera magis distant, principio à Geometria desumpto ex natura circuli, qui est figura absque angulis, vel quia accipit omnia sua principia, quatenus de se non resoluit in principia per se nota sed ab alia superiori scientia probata & tradita; & hac ratione dicimus Theologiam nostram subalternari scientiæ beatæ nimirum ex parte principiorum, & euidentia; quia, ex scientia beata, vel diuina habet Theologia euidentiam eorum principiorum quæ nunc fide credit. Et hoc sufficere existimant aliqui ad subalternationem, verè & propriè dictam; quatenus euidentia principiorum vnius scientiæ pendet ab alia; non tamen habet nostra Theologia omnes conditiones requisitas ad subalternationem ex parte subiecti, quia re vera non habet aliud subiectum à scientia beata, & sic ex parte subiecti non est subalternatio, sed identitas, & consequenter non addit differentiam accidentalem ad subiectum subalternantis modo statim explicando, sed respicit idem subiectum, sub diuersa ratione formali, id est vt virtualiter reuelatum; scientia verò beata vt clarè visum.

Tertio tandem modo vna scientia collocatur sub alia ratione obiecti, quando scilicet obiectum vnius continetur sub obiecto alterius. Ex hoc contingit dupliciter, vel quia obiectum vnius scientiæ continetur essentialiter sub obiecto alterius; quia nimirum addit illi differentiam essentialem, & est species eius, quomodo cælum, elementa, & animalia continentur sub corpore naturali; & ideo scientia de cælo, elementis, aut animalibus dicitur subalternari Physicæ; vel quia subiectum accidentaliter est sub alio;

alio; sicut musica agit de numero sonoro, & perspectiua de linea visuali, ubi visuale, & sonorum addunt differentias accidentales ad numerum, & lineam. Et hic tertius modus qui attenditur ex parte subiecti inducit propriissimam subalternationem, quando tamen subiectum inferioris scientiæ addat accidentalem solum differentiam ad subiectum superioris, non autem essentialem, vel propriam passionem. Illa enim scientia dicitur propriè, & in rigore subalternata, quæ ita intrinsecè dependet ab alia ut si illi non subalternaretur, non esset scientia, neque haberet viam ad probandum suas conclusiones; unde etiam provenit quod accipiat à subalternante sua principia; hoc autem solum inuenitur in scientia, cuius obiectum continetur accidentaliter sub obiecto alterius; si enim continetur essentialiter, iam scientia inferior habet absque superiori, unde probet suas conclusiones, nempe talem differentiam, seu gradum essentialem, qui est verum, & primum principium passionum de illo demonstrabilem. At quando obiectum vnius scientiæ addit supra obiectum alterius differentiam, omnino accidentalem, & extraneam, tunc ipsum obiectum superioris pertinet ad proprium propter quid passionum in inferiori scientia de tali materia extranea demonstrabilem; si quidem ab hac in tantum oriuntur illæ, in quantum ei coniungitur obiectum superioris; quo semel ablato non dimanarent; quæ dependentia non solum est in ordine entis quo modo ab obiecto Metaphysica, quod est ens dicuntur essentialiter dependere obiecta aliarum scientiarum, sed in ordine scibilis.

Vnde colligitur ad hunc subalternationis modum tres indispensabiliter requiri conditiones. Prima quod obiectum subalternæ contrahat, & superaddat ad obiectum subalternantis. Secunda quod superaddat differentiam accidentalem, arque adeo reddat extraneam materiam subalternæ à materia subalternantis. Tertia quod differentia illa accidentalis, seu

materia sit talis naturæ, ut ex coniunctione ad obiectum superioris scientiæ, habeat speciales proprietates, quæ possint de ipsa demonstrari; & consequenter constituat speciale genus scibilis; ut patet in sono respectu numeri, & in visuali respectu lineæ; sic enim sonus est materia accidentalis, & extranea respectu numeri, ut tamen ex coniunctione, ad ipsum resultent in sonis speciales passionem, nempe consonantiæ: quæ neque oriuntur à sonis secundum se; sed à numero applicato sonis, seu à sonis ut habentibus in se numerum; neque etiam inveniuntur in numero calido, vel frigido, & ideo numerus sonorus constituit speciale genus scibilis; non autem numerus calidus, aut frigidus, & idem est de linea visuali, aliisque similibus.

Non tamen propterea scientia subalterna habet pro obiecto illud aggregatum, ut est ens per accidentem constitutum ex accidentali differentia, & subiecto superioris scientiæ, sed respicit vnum illorum per se, non tamen absolute, sed ut modificatum, & connotatum per aliud, V.g. musica agit de sono quatenus modificatur, & connotat numerum. Sic enim non est inconueniens, quod aliquod obiectum sit per se scibile, fundetque veritates necessarias, quamvis ad tale fundamentum petat per modum connotati, & obliqui aliquod accidentale. Plures namque sunt proprietates, quæ non conueniunt alicui rei absolute; sed supposito aliquo statu, vel conditione sibi quidæ accidentali, per se tamen requisita, ut talis proprietas dimanet; sicut ad lapidem non sequitur quies absolute, sed pro ut in centro. Sic aliquæ proprietates, sequuntur ad visuale, vel sonorum non absolute, sed ad visuale, ut est in linea, & sonorum ut est in numero. Et ita non conueniunt constituto & aggregato per accidens, sed vni per se, cum connotatione alterius.

Circa secundum; quomodo scilicet Philosophus asserat ad scientiam subalternantem pertinere scite propter quid; ad subalternatam verò quia; Respondetur

tur primo, non esse intelligendum quasi subalternans sciat conclusiones ipsas subalternatæ, & ad eas demonstrandas descendat; hoc enim stare non potest, nisi scientia ipsa subalternans mutaret abstractionem, atque adeo speciem; unde scientia subalternans dicitur scire propter quid solitariè, & in communi, non applicatè ad hanc materiam, id est tradere principia in generali, quæ deinceps, huic determinatæ materiæ à subalternata applicantur. Similiter cum dicitur subalternatam scire quia, non debet intelligi priuatiuè, & ita quod tantum demonstret quia, & nullo modo propter quid, semel enim acceptis à scientia subalternante principiis, verè demonstrat propter quid, imò in hoc consistit præcipuè subalternatio. Sed quia ex se non habet illa principia, nec ex se in principia per se nota resoluit, sed ab alia scientia superiori probata & illuminata accipit, ideo attribuitur superiori scientiæ scire propter quid, inferiori verò, seu subalternæ quia; quatenus si est scientia sensibilis, id est earū quæ usque ad sensibilem materiam descendunt, de quibus præcisè videtur loqui Philosophus, eadem sua principia, vera demonstratione propter quid à superiori scientia demonstrabilia, potest vterius experientia ipsa cognoscere & inductione facta in ipsis singularibus, quod est scire scientia quia.

Quantum ad tertium, vtrum scientia subalternata sit verè & propriè scientia in eo qui non habet subalternantem. Dicendū est quod in absentia scientiæ subalternantis potest acquiri subalternata, quæ sit verè, & substantialiter scientia, non tamen habebit perfectionem, & statum scientiæ, usque dum actu coniungatur illi; quia ratio substantialis scientiæ per se primò solum attenditur penes certitudinem, qua intellectus adhæret scibili; neque requiritur quod habeat actu eius euidentiā; dummodo ex natura sua postulet illam & habeat quando est in statu perfectio; hoc autem totum reperitur in scientia subalternata.

seorsim à subalternante acquisita; eo enim ipso quod procedit ex principiis manifestatis in subalternatæ, atque adeo præsuppositiuè euidentiis; secundum inclinationem & radicem petit euidentiā principiorum, licet ex parte subiecti non explicet illam ob defectum continuationis cum superiori scientia. Cuius signum est, quia fides, qua creduntur ista principia esse euidentiā in superiori scientia, non est ratio inferendi conclusiones in scientia subalternata ratione credulitatis, & autoritatis fallibilis, sed vt præsuppositiuā euidentiæ in scientia superiori.

Tandem comparando scientiam cum opinione, & fide; distinguitur ab opinione in hoc, quod versetur circa propositiones necessarias, seu quæ aliter se habere non possunt, cui proinde non potest subesse falsum; opinio verò versatur circa propositiones contingentes, & quæ aliter se possunt habere, vel secundum se, vel secundū quod accipiuntur à cognoscente; & ideo non semper verum attingit. A fide verò distinguitur scientia quod fides, licet quo maius est testimonium, tanto plus possit habere certitudinis (credimus enim maiori certitudine quæ à pluribus & melioribus asseruntur) possitque credere usque ad certitudinē moralem, vt quando credimus Romam esse, quam nunquam vidimus; & tandem peruenire ad omnimodam certitudinem, & in eo superare scientiam, vt patet de fide diuina, nunquam tamen pertingit ad claritatem, seu euidentiā formaliter vt habitus scientificus, sed sibi intrinsicè annexam habet obscuritatem in qua distinguitur ab illo.

Vnde colligitur opinionem, & fidem cum scientia intrinsicè repugnare simul & semel in eodem homine, de eadem propositione, eodemque tempore, siue comparetur primo actus cum actu, scilicet assensus certus & euidens, qui est scientia, cum incerto & incidenti, qui est opinionis, vel fidei, actus enim obscurus, & euidens siue euidentiā inmititur; siue

sive abstractiua pugnant inter se in eodem intellectu secundum priuationem ex parte subiecti, sicut & actus certus, & incertus. Siue comparetur secundo habitus cum habitu; est enim habitus scientiæ inclinatio ad assensum certum & euidentem, quæ est inclinatio contraria illi, quæ inclinatur ad inevidentiam & formidinem, unde opponuntur inter se contrarie tanquam oppositæ inclinationes ad oppositos actus, sicut in naturalibus opponuntur grauitas, & leuitas, quæ inclinant ad oppositos motus, & in moralibus virtutes, & vitia. Siue tandem tertio comparentur habitus & actus, ut si quis habeat habitum opinionis aut fidei, & eliciat actum scientiæ, vel e contra. Erunt enim inter habitum & actum euidentem, & inevidentem, certum & incertum ex natura rei non datur oppositio formalis, si quidem habitus solum dicit inclinationem ad aliquid, actus vero actualem tendentiam, hæc autem bene cum inclinatione ad vnum, tendentia ad oppositum, sicut lapis stante grauitate qua inclinatur ad centrum potest tendere sursum per impulsu violentum, per accidens tamen mutuo se expellunt, quatenus qui habet habitum opinionis, si eliciat actum demonstratiuum, hoc ipso illo unico actu generat habitum scientiæ perfectum, quia est perfecte conuincens intellectum, totamque eius resistantiam superans, & talis habitus non compatitur cum habitu opinionis propter sui perfectionem, sicut vna forma contraria perfecta expellit aliam.

Si modo conferamus inter se habitum opinionis & fidei, distinguuntur essentialiter inter se quod opinio immediata, quæ habetur sine discursu, correspondetque habitui principiorum & definitur à Philosopho, quod sit acceptio propositionis immediatæ & non necessariæ, assentitur principiis probabilibus propter ipsam connexionem extremorum, fides vero propter extrinsecum testimonium dicentis. Ab opinione vero mediata distinguitur, quia hæc pertinet ad discursum, & sit necessariò ex præxi-

stenti iudicio, unde definitur quod sit assensus alicuius rei ob rationem & motiuum probabile, cum formidine partis oppositæ, quod non habet fides, quæ est assensus cogitantis ob auctoritatem, seu testimonium dicentis.

Suspicio autem quæ solet definiri assensus inclinans in aliquam partem ex aliquo leui signo, vel pertinet ad opinionem tanquam aliquid imperfectum in illo genere; quatenus suspicans inclinatur in vnam partem ex aliquo leui signo, opinans autem adheret vni parti licet cum formidine alterius. Vel potest dici quod suspicio sit aliquid commune ad fidem humanam, & opinionem, tanquam imperfectum in vtroque genere, si enim leue iudicium, quo aliquis mouetur sit aliquod dictum non magnæ auctoritatis, reducitur ad fidem leuem, qua aliquis cito credit. Si autem leue iudicium, sit aliqua ratio inefficax nulliusque ferè momenti, aut ponderis, spectabit ad opinionem imperfectam.

Vltimò tandem Philosophus conferendo scientiam cum solertia, dicit quod solertia est prompta coniectatio medijs, seu facilitas inueniendi medium ad probandum, ut si quis videns lucidam illam partem Lunæ, quæ est versus Solem, statim perciperet id venire ex eo quod Luna suam mutuatur lucem à Sole; unde ad ipsam videtur pertinere respicere media, ad scientiam verò cõclusiones; præterquam quod solertia nunquam procedit ex necessarijs simpliciter, id est euidenter cognitis ut necessaria, sed tantum ex derrepente coniectatis absque alia consideratione, unde potest facile decipi in tali coniectura, propter quod solertia non numeratur inter virtutes intellectuales.

De unitate & distinctione Scientiarum.

Post explicatam rationem scientiæ, superest videre unde scientia habeat unitatem, & distinctionem, tam in ratione formali scientiæ, quam in ratione quali-

qualitatis, quomodo videlicet scientiæ, sit vna, vel multiplex qualitas. Quantum ergo ad primum vnitatis & distinctionis modum spectat.

Certum est primò quod sciētiz speculatiuæ de quibus præsertim agimus in præsentia, sicut & omnes alij habitus suā specificationem sumunt ab obiectis, ita vt semper debeant adæquari & conformari vnitati, & distinctio scientiæ, cum vnitatem vel distinctionem obiecti in ratione obiecti.

Secundò certum est specificationem hanc non sumi ex vnitatem, vel distinctione obiecti in esse rei, sed in esse obiecti, id est non ab obiecto materialiter & entitatiuè in se considerato, sed vt conducit, vel proportionatur scientiæ; cum de eodem obiecto entitatiuè considerato dentur plures scientiæ specie distinctæ, vt de hac propositione, terra est rotunda, quæ pertinet ad physicum, & Mathematicum; & è contra vna & eadem scientia consideret plura obiecta quantum ad entitatem valde diuersa. Vnde rectè docuit Caietanus 1. p. q. 1. artic. 3. aliam esse rationem obiecti in ratione, seu formalitate obiecti, aliam in esse rei, atque aded alias esse rerum species in esse rei, alias in esse obiecti, vt ipsa exempla clarè demonstrant, nam color in se esse qualitatis est quoddam genus quod in varias distinguitur species, & tamen in ratione visibilis habet eandem speciem obiecti visus.

Tota ergo difficultas consistit in explicando, quænam sit ratio illa in esse scibilis, seu ratio formalis sub qua, quæ specificè constituit obiectum in ratione obiecti scientiæ, & facit ab alio differre in ipsa ratione specifica; & hanc dico esse tam abstractionem, non sumendo abstractionem pro actu intellectus abstrahente, neque pro denominatione extrinseca ex illo consecuta, sic enim esset circulus, sed abstractionem radicaliter & passiuè, quatenus obiectum diuersam fundat immaterialitatem, & in hac adhuc non loquimur de abstractione totali, qua aliquid abstrahitur per modum

vniversalis à suis inferioribus, sic enim ista abstractio est communis quædam, scientiarum conditio, quæ non agunt de singularibus, sed vniuersalibus, sed loquimur de abstractione formali, quæ abstrahit rationes formales à materialibus, & sic constituit seu fundat intelligibilitatem, ita vt secundum quod magis vel minus receditur à materia, reddatur aliquid diuerso modo intelligibile; tam ergo hanc abstractionem, ratione cuius obiectum quasi illuminatur, & est actu intelligibile; quam medium seu principium demonstrationis per quod cognoscitur conclusio, dico pertinere ad rationem formalem sub qua specificatiuè scientiæ. Eo enim ipso quod radix intelligibilitatis est immaterialitas, & consequenter diuersæ intelligibilitatis diuersa immaterialitas; similiter etiam radix & principium diuersæ scibilitatis erit diuersa immaterialitas, seu abstractio obiectiua, non absolutè & simplici modo considerata, sed pro vt ex præmissis descendit ad conclusiones, præmissæ autem sunt in scientijs principia, seu media probatiua, seu definitiones, per quas propriæ passionis de subiecto demonstrantur; quæ media seu principia erunt eiusdem speciei in esse scibilis, seu luminis; quando vel vnum deriuatur ex alio, vel ambo ex aliquo tertio intra eandem abstractionem; diuersa verò quando neque deriuantur ex alijs, neque ex alterutris.

Sic cum intra vnā & eandem abstractionem plures possint contineri scientiæ specie distinctæ, talis abstractio à materia se habet solum per modum rationis sub qua, & in esse scibilis, à qua sumitur solum vnitatis & distinctio generica, ita vt omnes illæ scientiæ sint eiusdem generis dicendæ, quæ habuerint eandem abstractionem, illæ verò diuersi generis, quæ diuersas. Cum autem iuxta triplicem materiam à qua potest aliqua res abstrahi, scilicet singularem quæ reddit rem indiuiduam & singularem, sensibilem quæ reddit illam accidentibus sensibilibus subiectam, intelligibi-

ligibilem, quæ eſt ipſa ſubſtantia corporea ſeu materia prima quæ dicitur intelligibilis quia ſolo intellectu percipi poteſt, triplex datur abſtractio formalis, triplex tantum dabitur genus ſcibilis, & per conſequens ſcientiæ, quod poſtea ſpecie diuerſificabitur, ſecundum quod intra vnã & eandem abſtractionem, plura continebuntur media primo prima, hoc eſt nec ex alijs, neque ex alterutris deriuantia.

Alio modo poſſet explicari dicendo vnitatem quaſi genericã in ſcientijs deſumi ab abſtractione per modum termini à quo, vnitatem verò athomã, & ſpecificã ab abſtractione per modum termini ad quem; in rebus enim materialibus, quæ redduntur intelligibiles, & immateriales, per ſegregationem à materia, & conditionibus materialibus, ipſa abſtractio eſt quaſi motus quidam, in quo conſideratur terminus à quo, & terminus ad quem, formaliter quidem in ipſo actu intellectus abſtrahentis, fundamentaliter verò, & obiectiue in ipſo obiecto abſtrahibili; ex parte termini à quo habet derelictionem materiæ quæ triplex eſt, & ſic conſtituitur triplex genus abſtractionis, ex parte autem termini ad quem talis abſtractionis, in quo vltimo ſiſtit, & determinatur abſtractio, eſt diuerſus gradus immaterialitatis, ſeu diuerſus modus ſpiritualitatis, quem acquirere poteſt res ſic abſtracta, & ab illo ſpecificatio athoma ſcientiarum deſumitur. Quare non ſolum ſumitur ratio formalis, & ſpecifica ſcientiarum, ex reſeſſu à materia, ſed ex acceſſu ad determinatum gradum immaterialitatis, quo obiectum aliquod determinatè depuratur, & redditur intelligibile, ſicut etiam in Angelis diuerſa ſpecies non ſolum ſumitur ex reſeſſu à corporeitate, ſed ex acceſſu ad determinatum modum habendi ſpiritualitatem, & immaterialitatem vt docet D. Thomas cap. 6. de ente, & eſſentia circa finem. Vnde in Mathematicis, licet in comuni abſtrahant à materia ſenſibili, tamen quia diuerſus immaterialitatis modus attingitur in quantitate

Biblioth. Theol. Tom. IV.

continua, quam in diſcreta, ſi quidem diſcreta minus cõcernit materialitatem, cum minus dependeat à loco & tempore, quam continua, quæ copulat partes ſuas in loco; idco duplex ſcientia conſtituitur ſpecie diſtincta Geometria, & Arithmetica.

Loquendo modo de vnitatis ſcientiæ in ratione qualitatis, breuiter dico non componi ex pluribus habitibus partialibus; neque ſimiliter ex partibus extensionis, ſed verè eſſe formam quamdam & qualitatem ſimplicem excludentem quarumlibet partium actualem cõpoſitionem. Si enim res omnes quæ cadunt ſub obiecto Phyſicæ v.g. aut Geometriæ ſunt vnicum ſcibile in ſpecie infima propter vnicam & indiuiſibilem rationem ſub qua in eis inueniamur, certè de illis omnibus vnicus etiam & ſimplex habitus Phyſicæ aut Geometriæ iudicare poteſt; ſicut propter eandem rationem vnicã & ſimplex potentia intellectiua de omnibus intelligibilibus iudicat. Vnde augmentum habitus ſcientifici quantum ad extensionem per nouas demonstrationes, non ſit per additionem realitatis; ſed per eandem formam de nouo applicatam ad diſtinctam materiam, ſicut eadem lux poteſt illuſtrare diuerſos colores extenſiue, ſine additione nouæ lucis, ſed per applicationem ad nouum colorem illuſtrabilem; ſi quidem ille habitus de ſe, & forma præexiſtens inclinatio eſt ad omnia, quæ continentur ſub ſuo obiecto formali, quod verò proximè & in actu non inclinèr ad talem, vel talem materiam, non prouenit ex defectu formæ inclinantis, ſed ex defectu materiæ, vel ſubiecti, quatenus nondum habet ſpecies coordinatas, nec ex parte ſubiecti exercitium, quod pertinet ad applicationem materiæ, ſine qua forma ipſa non eſt ſufficienter applicata, nec ſpecies illæ ſufficienter ordinatæ, vt ipſe habitus æquali facilitate ex parte ſubiecti poſſit in illas inclinare. Quare quãdò generatur habitus per aliquam demonstrationem generatur eſſentialis, & formalis facilitas ad omnes

X

actus,

actus, & obiecta, sub tali ratione formali contenta, per secundam verò, vel tertiâ demonstrationem, non generatur noua, facilitas essentialis, sed accidentalis difficultas tollitur ex parte ipsius subiecti seu operantis, & applicationis materiæ, ita vt nouus effectus eiusmodi demonstrationum non sit nouum habitum entitatiuè producere, sed præexistentem reddere perfectiorem vt de nouo applicatum, sicut quando fides extenditur ad noua credibilia. Quod si ex hac applicatione materiæ velint aliqui resultare nouum modum in ipsâ forma de nouo applicata, & se extendente ad illam, potest concedi, dummodo talis modus non ponatur tanquam noua ratio informans sed tanquam applicatio præexistentis. Sed de hoc alibi in libris de generatione, vbi de qualitatibus intensiōe.

EX OCTO LIBRIS TOPICORVM.

*De Syllogismo opinatio, locisque
Topicis in communi.*

Syllogismus opinatiuus est ille qui constat materia cōtingenti, seu propositionibus probabilibus, & generat opinionē: alias dicitur Syllogismus Topicus, id est localis, denominatione desumpta à varijs locis vnde possunt desumi argumenta ad quamlibet rem in vtramque partem disputandam. Vnde hi libri ad inuentionem potius, quam ad dispositionem pertinent. Inuentio enim græcè dicitur topica, id est ars inueniendi mediā; dispositio autem dicitur critica, siue iudiciaria quod de consecutionis, & probationis valore intentionibusque ad illum pertinentibus diiudicat.

Locus igitur, à quo syllogismus Topicus, in vniuersum est sedes argumenti, vel id à quo ad propositam questionem conueniens trahitur argumentum, & sic cum argumentum sit, aut per authoritatem, aut per rationem, duo in genere sunt loci, primus est ab authoritate, seu testimonio, secundus à ratione.

Locus ab authoritate, seu testimonio, quem alij vocant à pronuntiatis, quia sumitur ex his quæ alij pronuntiauerunt; alij ab assumptis, quia accipitur omnino ab extrinseco, iterum est duplex, alius à testimonio diuino Dei loquentis, vel per Prophetas, & Scripturas, vel per traditiones Christi, & Apostolorum, vel per S. Pontificem, aut Ecclesiam; alius à testimonio humano, quod ab homine profertur, potestque ponderari, attendi, vel ex authoritate, vel ex voluntate, vel ex confessione, seu oratione. Ad authoritatem plura concurrunt, nempe ætas, ingenium, opes, ars, vsus & opinio virtutis; ita vt quanto plura horum quis habuerit, tanto maius & efficacius sit testimonium eius sumptum ab authoritate. Propter quod fidei testimonij maiorem fidem adhibere solemus; peritis in sua arte credimus; & qui nati sunt virtutis opinionem inclius persvadent. Ex voluntate etiam sumitur testimonium, vt ex testamentis, pactis, & legibus tam ciuilibus, quam canonicis. Tandem ex oratione, seu confessione; & hoc siue sponte quis veritatem fateatur, siue coacte, quia, nimirum, vel corpus tormentis premittur, vel anima ratione voti, seu iuramenti ligatur. Quæ omnia vt plenam, vel semiplenam probationem faciant, diligenter sunt obseruandæ leges, & regulæ à Iurisperitis traditæ apud quas consuli possunt. Hoc vnum solum hic obseruandum est, quod à testimonio siue diuino, siue humano affirmatiue sumitur efficax argumentum, vt si dicatur, Scriptura diuina pronuntiat, in principio creauit Deus cælum, & terram, ergo ita est. Omnes homines natura scire desiderant Aristotele teste, ergo ita est. Si verò argumentum sumatur negatiue nihil probat, & inefficax est, vt si dicatur, Scriptura non dicit hoc, Aristoteles non dicit hoc: ergo non ita est.

Locus à ratione, seu per rationem, similiter est duplex; est primò argumentum nominis, secundo rei. Nominis est, quod à nomine sumitur, siue tripliciter,

ter, primò ab erymo, v.g. bellum à bel-
lua est dictum, fugiendum ergò; secun-
dò ab interpretatione; Petrus est ama-
tor sapientie; ergo Philosophus; Chri-
stus Iesus est Emmanuel; ergò est no-
biscum Deus; tertio à coniugatis, quan-
dò scilicet nomina sunt affinia, eo quod
vnum ab alio deriuatur, vt si quis dicat,
homo es, humani igitur nihil alienum à
te puta; non sunt appellandi viri, qui
nihil habent virtutis, neque homines,
qui nihil habent humanitatis. Argumē-
tum rei est, quod ab ipsa rei natura su-
mitur; estque duplex, alterum sumptum
ab absolutis, alterum sumptum à relatis.

Argumentorum rei ab absolutis de-
promptorum septem solent assignari ge-
nera; Primum genus est à causa & effe-
ctis. Secundum à genere & specie, exē-
plum lapis non est animal, ergò nec ho-
mo, Plato est homo, ergò animal. Ter-
tium genus à differentia, & differenti, vt
homo est per se, ergò est substantia; al-
bedo est accidens, ergò est in alio. Quar-
tum genus est à parte & toto, quod di-
uiditur sicut ipsum totum; est enim
quoddam totum vniuersale, aliud totum
integrale, aliud totū in quantitate, aliud
totum in modo, aliud totū in loco, aliud
totum in tempore. Quintum genus est
à subiectis, & adiunctis: sumendo sub-
iectum pro eo in quo est aliquid, & ab
hoc loco solent preponi virtutes, & sciē-
tiæ, alijs accidentibus, quia in meliori
subiecto sunt; adiuncta verò dicuntur
illa accidentia quæ insunt subiecto, quæ
si sint extra essentiam, & communia, di-
cuntur adiacentia; si verò res adiunctæ
solum circumstant, vt arma, diuitiæ, di-
gnitates &c. dicuntur connexa. Sextum
& septimum est à definitione, & defini-
tio, diuisione, & diuiso.

Argumenta rei ex relatis desumpta
similiter sunt septem: Primum est ab
eisdem vt Planta non caret anima,
vegetatiua, bellua anima sensitiua, ergo
nec homo. Secundum est à distinctis,
scilicet dissentaneis; quæ de eadem re simul
affirmari & negari non possunt. Quæ
quando repugnant absque propria op-

positione, solent appellari repugnantia
seu disparata; quando verò habent pro-
prium oppositionem dicuntur opposita:
& hæc alia sunt relatiua, alia contraria,
alia priuatiua, alia cōtradietoria. Ex quo
loco sumit argumentum qui laudat hu-
militatem vituperando superbiam, qui
ostendit damna luxuriæ, & auaritiæ, af-
ferendo commoda castitatis, & libera-
litis. Tertium est à comparatis, seu si-
milibus, vt faber Instrumentis conficit
opus, igitur dialecticus argumentatione
verum & falsum conficit: comparatio
tamen propriè fit, quando duo in aliquo
vno tertio coniunguntur, vt si dicatur
huic regi licet bellum iustum inferre,
ergò etiam licebit huic alteri regi. Simi-
litudo verò dicitur quando comparantur
duo duobus per modum proportionaali-
tatis, vt si dicatur, sicut inter apes est vna
dux, ita inter homines oportet vnū esse
principē & ducem. Quartū est à priori,
& posteriori, v.g. non concepit, ergo nec
peperit; peperit ergò concepit. Quin-
tū est à cōiunctis, v.g. datur causa in actu,
ergò & effectus, Pater est, ergò filius est.
Sextum est maiori, & minori; pro recta
argumentatione à maiori duo canones
debent obseruari, primus si maius alicui
conuenit, eidem conueniet, & minus;
v.g. potest rex arcem munitissimam ex-
pugnare, ergò & immunitam; secundus
si maius non potest, nec minus poterit.
V.g. rex hostes debellare non potest,
ergò neque miles. Similiter in argumē-
tatione à minori ad maius duo canones
habentur, primus est si minus potest, &
maius poterit v.g. miles potest ense
habere, ergò & dux potest; secundus
si non potest in minus, nec poterit in
maius, v.g. non potes decem milliarum
conficere, ergo neque viginti poteris:
In vniuersum autem vt valeat argumē-
tatio à maiori ad minus, & è contra,
maius & minus debent in eo ad quod
comparantur consensum habere, pro-
pterea nihil valet, homo non potest pro-
ducere poma, ergò nec pomus; aquila
potest volare, ergò & homo potest: Se-
ptimum tandem & vltimū est ab equali,
sub

sub quo etiam comprehendi debet argumentum ab æquipari V.g. diuina bonitas est infinita sine quantitate, ergo diuina potestas est infinita sine quantitate, & ad hunc etiam locum requiritur, vt æqualia in tertio ad quod comparantur conueniant, ob quam causam non valet excursus iste, Ioannes est Philosophus, ergo & Paulus, non enim est inter eos æqualitas in illo tertio. Canones autem, seu regulæ rectè ratiocinandi ab æquali sunt tres. Prima, si æquale alicui conuenit, vel dissentit, eidem alteri æquali conueniet, vel dissentiet. Hinc duæ argumentandi formulæ; 1. Petrus potest centum auri pondera ferre, ergo & centum argenti, aut alicuius alterius materiæ; 2. Angelus non potest ex nihilo producere, ergo nec potest in nihilū redigere. Secunda regula, si quippiam conuenit, vel dissentit æquali, idem & alteri æquali conueniet vel dissentiet; & hinc duæ argumentandi formulæ, exemplum primæ, diuina bonitas est infinita ergo & diuina potestas, aut sapientiæ, exemplum secundæ, tu nolles sacrilegium committere, & tantum mihi impingis facinus. Tertia regula, si æquale æquali conuenit vel dissentit, alterum æquale alteri æquali conueniet, vel dissentiet. Hinc etiam duæ argumentandi formulæ, exemplum primæ, Petrus est capax disciplinarum, ergo & Paulus est capax virtutum; exemplum secundæ, quando ego non curo tuum, tu necura meum.

Sunt, qui alio modo locos topicos diuidant. Primò in locum maximam, & locum differentiam maximè. Locus maxima idem est, quod ipsa maxima; maxima autem est propositio, qua non est altera prior neque notior, vt omne totum est maius sua parte; item de quocumque prædicatur definitio, prædicatur, & definitum. Et de quocumque prædicatur species, de eodem prædicatur & genus. Locus differentia maximè, est ille, quo vna maxima differt ab alia per terminos quibus cõponitur, vt maxima statim allata, vna enim componi-

tur ex genere, & specie, altera ex definitione, & definito. Et hic locus differentia maximè diuiditur per locum intrinsecum, extrinsecum, & medium. Locus intrinsecus est quando sumitur argumentum ab his quæ sunt de substantia rei. Locus extrinsecus est quando sumitur argumentum ab his quæ omnino separata sunt à substantia rei. Locus medius est quando sumitur argumentum ab his, quæ partim conueniunt cum terminis in quæstione positus; & partim differunt ab eis.

Item locus intrinsecus diuiditur per locum à substantia, & per locum à concomitantibus substantialiter. Locus à substantia est, quando sumitur argumentum ab his, quæ sunt de substantia terminorum in quæstione positorum; & diuiditur per locum à definitione quid rei, & quid nominis. Locus autem à concomitantibus, est quando sumitur argumentum ab his quæ consequuntur terminos in quæstione positos, & diuiditur in locum à toto, à parte, à causa, ab effectu, à generatione, à corruptione, ab vñbus siue operatione rei, à communiter accedentibus dummodo se consequantur.

Locorum autem extrinsecorum, alius est à dissentancis seu disiunctis, alius à maiori, alius à minori, alius à simili, alius à proportionem, alius à transumptionem, quando nomen magis notum sumitur loco nominis minus noti, alius ab auctoritate.

Tandem locus medius diuiditur per locum à coniugatis, à casibus, & à diuisione quæ multiplex est.

Ex duobus Elenchorum libris.

Quemadmodum medicus non tantum de medicamentis, quibus salus deperdita restituitur; sed etiam de venenis quibus ipsa læditur, agit: vt quandoque fuerint alicui propinata, opportunis remedijs depellantur; ita Dialecticus non solum de locis dialecticis vnde probabilia desumuntur argu-

argumenta, disputat, sed etiam de Sophisticis, unde rationes captiosæ, & apparentes hauriri solent, ut quandocumque in concertationibus, similibus impetamur argumentis, quo pacto dissolvenda sint, sciamus. De hoc ergo argumentorum genere tractat Aristoteles luculenter in duobus libris Elenchorum; etsi enim ab eo unus tantum Græcè cōscriptus sit, ab expositoribus tamen, ut clarior doctrina redderetur, in duos divisus est. In quorum primo docet: quo pacto fallaces, ac inanes argumentationes conficiantur. In secundo vero; quo pacto dissolui & infirmari debeant. Porro hi duo libri Elenchici inscribuntur, quia in eis agitur de sophisticis redargutionibus, seu reprehensionibus, elenchos enim Græcè idem est, quod latine redargutio, seu reprehensio. Unde satis apparet syllogismum sophisticum subiectum esse horum librorum. Tractat etiam de eadem materia D. Thomas in peculiari opusculo de fallacijs, quod est in ordine trigessimum nonum. Ex quibus breviter, quæ ad præsens institutum necessaria fuerint desumemus.

Est igitur argumentatio, seu syllogismus sophisticus, qui procedit ex apparentibus, quæ scilicet videntur esse, sed non sunt. Et est duplex, alius qui procedit ex proprijs alicuius scientiæ principijs malè intellectis; ut si dicatur: *Omnēs linea ductæ à centro ad circumferentiam sunt æquales: sed linea recta, & curva ducuntur à centro ad circumferentiam: ergo sunt æquales.* Maior enim est principium Geometricum malè intellectum quia solum debet intelligi de lineis rectis, & huiusmodi syllogismum appellat Aristoteles in libris Analyticis pseudographum, cuius cognitio non pertinet ad Logicum, sed ad illas scientias, ex quorum principijs malè intellectis efformatur.

Alius est syllogismus sophisticus, qui constat ex apparentibus communibus, quæ nimirum pluribus materijs applicati possunt; ut si dicatur: *Quidquid non amisisti habes: sed librum non amisisti,*

ergo librum habes. Maior enim illa, pluribus materijs adaptari potest: & talis syllogismi consideratio spectat ad Logicum, qui cum sit communis artifex, non solum explicat loca, quibus quisque instructus de quacumque questione proposita in utramque partem probabiliter disputare possit, sed etiam unde rationes apparentes cōmunes efformantur.

Rursus syllogismus iste sophisticus, de quo pertinet agere ad Logicum est triplex. Potest enim esse fallax, vel ratione materiæ tantum; quando nimirum licet sit in modo, & figura; tamen ratione alicuius æquivocationis, aut aliunde fallit: vel ratione formæ tantum; quando scilicet forma syllogismi est vitiosa, licet propositiones sint veræ. Tertiò tandem ratione utriusque. Ex his autem solum syllogismus fallax primo modo, dicitur propriè & absolute syllogismus; quia ibi solum invenitur forma syllogismi; in alijs verò duobus non. Quando ergo syllogismus fuerit fallax ex parte materiæ, distinguenda est illa propositio, in qua vitium residet: quando verò fuerit fallax ex parte formæ, concessa maiori, & minori neganda est consequentia, & assignandus defectus eius. Tandem si syllogismus sit fallax ex parte utriusque, tunc quo malueris modo, poteris respondere; vel assignando vitium materiæ, seu defectum formæ. Superest ergo ut ostendamus breviter aliqua loca, seu fallacias quibus Sophistæ utuntur, quæque oriuntur ex defectu in materia syllogismi: sunt autem istæ apud Aristotelem tredecim, ex quibus sex contingunt in dictione siue complexa, siue incomplexa, seu vocibus significantibus res; septem verò in ipsis rebus significatis.

Fallaciæ primi generis sunt, Aequivocatio, Amphibologia, Compositio, Divisio, Accentus, & Figura dictionis; Tot enim sunt fallaciæ, quæ ex dictione procedunt, quot sunt modi, quibus una dictio multa significat sex modis duntaxat, potest una dictio multa significare;

re; sex igitur tantum sunt fallaciæ, quæ ex dictione proueniunt; quod ut clarius intelligatur, considerandum est, tribus modis posse fieri; ut vox aliqua cum materialiter sit vna, atque eadem multa significet; primum cum eadem dictio absque vlla penitus variatione plura significat, ut vox *canis*, respectu terrestris cælestis, & marini, appellaturque *multiplex actuale*. Secundò, cum aliquo modo variatur, quo ad accentum, quantitatem syllabarum, orthographiam, compositionem, aut diuisionem, ut vox *populus*, quæ cum habet primam syllabam breuem, significat hominum multitudinem, cum verò longam, significat arborem, & appellatur *multiplex potentiale*. Tertiò cum vna dictio re vera non significat multa, videtur tamen significare, quo pacto nomen *secundæ substantiæ*, significat re vera quale quid, & videtur præterea significare hoc aliquid, ut docet Aristoteles in prædicamentis; hoc autem dicitur *multiplex phantasticum*, seu appatens, ad quod etiam genus multipliciter pertinet ea dictio, quæ per similitudinem, quam habet cum alia, videtur habere aliquam proprietatem alterius, quam re vera non habet, V.g. quia vocabulum, planeta, definit in a, sicut Musa, videtur esse generis feminini. Si igitur vox aliqua significet multa in actu, vel est simplex dictio, & sic efficit æquiocationem; vel est oratio, & sic efficit amphibologiam; si verò sit multiplex potentialis, vel præterea multa significat, quia diuersa potest esse partium compositio, vel quia diuersa est earum diuisio, vel quia diuersus est accentus, aut quantitas syllabarum, aut orthographia, & sic oritur fallacia compositionis, diuisionis, & accentus. Quod si multa significet phantasticè & apparenter, fiet fallacia figura dictionis.

Igitur prima fallacia æquiocationis contingit, quando ponitur in præmissis aliquis terminus æquiuocus. Quod fieri potest tripliciter. Primò, quando est purè æquiuocus; ut si arguas: *canis est latrabilis; sydnus celeste est canis; ergo sydnus*

celeste est latrabile. Secundo, quando est analogus attributionis, aut proportionatitatis metaphoræ; ut si dicas: *Quidquid ridet deducit os; sed pratum ridet; ergo pratum deducit os*. Tertiò quando vox aliqua seorsim sumpta vnā rem significat; quæ tamen alijs coniuncta mutat significationem, ut si dicas; *Qui sanabatur sanus est; sed egrotus sanabatur: ergo egrotus sanus est*. Vbi vox ægrotus vnita cum verbo de præterito in minori sit de præterito; quia verò in conclusione, iungitur cum verbo de præterito, sit etiā ipsa de præterito.

Secunda fallacia amphibologiæ fit quando aliqua integra oratio est æquiuoca, & habet plures sensus, & accidit duobus modis. Primus est, quando est pura æquiuocatio; quia nimirum oratio illa æque habet vtrumque sensum, absque ordine vnus ad alium. V.g. hæc oratio *Liber Aristotelis*, æque enim significat, & librum, qui possidetur ab Aristotele, & qui ab Aristotele editus est. Et ita committitur Amphibologia si arguas; *Liber Aristotelis possidetur ab Aristotele; sed liber iste Elenchorum est Aristotelis; ergo possidetur ab Aristotele*. Secundus modus est, quando aliqua oratio habet duos sensus, quorum vnū primò, & propriè significat; alium verò per metaphoram, & translationem; ut si dicas; *Quicumque litus arat, litus scindit aratro; sed qui oleum & operam perdit, litus scindit aratro*; & ad hunc locum reuocat D. Thomas fallaciā, quæ fit ex mutatione calus, ut si dicas: *Omnes magistri sunt homines; isti libri sunt magistri; ergo isti libri sunt homines*.

Tertia fallacia compositionis, & quarta diuisionis committuntur, quando à sensu composito vero arguitur ad sensum diuisum falsum, vel è contra: quod tripliciter potest fieri. Primò, quando propositiones sunt modales (præsertim, si non attendatur, an modus prædicetur, vel interponatur partibus dicti, ad iudicandum propositionem esse compositā vel diuisā;) ut si dicas: *Quicumque*
quic-

quiescis, potest ambulare sed sedens, dum sedet, quiescis; ergo sedens dum sedet, potest ambulare. Secundò, quando aliquod extremum propositionum habet plures terminos, qui possunt sumi, vel copulatiui, vel disiunctiui: ita vt propositio sit eathgorica de copulato, vel disiuncto extremo, vel etiã copulatiuè, aut disiunctiue; ita vt propositio æqualeat hypotheticæ copulatiuæ, aut disiunctiue; vt si dicas: *Quicumque numerus componitur ex duobus, & tribus, est duo, & tria: sed quinaris, non est duo, & tria: ergo quinaris non componitur ex duobus & tribus.* Vbi maior est vera copulatiui; minor verò copulatiuè. Tertiò tandem contingunt hæ fallaciæ, quando aliqua vox potest iungi partibus antecedentibus, & consequentibus; vt si dicas: *Qui scis litteras modo, didicisti illas, sed tu scis litteras: ergo modo didicisti illas.*

Quinta fallacia accentus fit, quando eadem vox variè prolata varia significat. Et fit quatuor modis. Primò, quando mutatur accentus de acuto in grauem, vel è contra; vt si dicas: *Quicumque occidis moritur: sed Sicarius occidit, ergo Sicarius moritur.* Secundò quando mutatur quantitas syllabæ sic: *Omnis populus est hominum multitudo; sed aliqua arbor est populus; ergo aliqua arbor est hominum multitudo.* Nam in maiori prior syllaba corripitur, in minori verò producit. Tertiò quando mutatur modus proferendi, nunc leniter; nunc asperè vocem pronuntiando; vel nunc in vero sensu, nunc per ironiam loquendo; vt si dicas: *Omnis ara est in templo: sed porcorum stabulum est bara, ergo porcorum stabulum est in templo.* Similiter: *Qui dicis tibi, praeclare functus es officio tuo, laudat te: sed aliquis illudens tibi, dicit, praeclare functus es officio tuo: ergo aliquis illudens tibi, laudat te.* Quartò tandem, quando plures voces coeunt in vnam, vt si dicas: *Quicquid fit in vite est pamparus, vel racemus: sed quicquid fit coactè fit inuis: ergo quicquid fit coactè est pamparus, vel racemus.*

Sexta fallacia figura dictionis con-

tingit, quando fit transitus de vno genere in aliud. Quod accidit multipliciter. Primò, si transeat de vno genere Grammaticorum in aliud, vt quando committitur solecismus; quia altera extremitatum est generis seu iniui. V.g. & altera masculini, vt si dicas: *Omnis substantia affecta albedine, est alba: sed paries est substantia affecta albedine: ergo paries est alba.* Secundò quando fit transitus de vno predicamento in aliud; vt si dicas: *Quicquid fuisi heri, es hodie, sed insipiens fuisi heri: ergo insipiens es hodie: ibi enim transfertur quid in quale.* Tertiò, quando intra idem predicamentum fit transitus de vna specie in aliam, vt si dicas: *Digito quos olim habuisti, habes hodie: sed paruos digito olim habuisti: ergo paruos digito habes hodie.* Quartò tandem quando vox significans rem vniuersalem transfertur in vocem significantem rem particularem; vel è contra; vt si dicas: *Quod ego sum tu non es: sed ego sum homo: ergo tu non es homo.* Vbi vox ego, quæ in maiori est particularis, in minori fit vniuersalis: quia iungitur cum homine.

Fallaciæ secundi generis, quæ scilicet contingunt in rebus significatis sunt fallacia accidentis, consequentis, à dicto secundum quid ad dictum simpliciter, ignorantie Elenchi, seu redargutionis, petitionis principij, non causæ, vt causæ plurium interrogationum, vt vnus.

Fallaciæ accidentis tribus modis contingit. Primò, quando quod est propriū subiecti tribuitur accidenti; vt si dicas: *Iste canis est pater, & est tuus: ergo iste pater tuus;* nam canis, & pater sunt vnum per accidens. Et ita non sequitur, quod quicquid est verum de vno, sit verum de altero. Secundò, quando quod conuenit superiori accidentaliter, quia superius est: tribuitur inferiori; vt si dicas: *Animal est genus; homo est animal: ergo homo est genus.* Tertiò, quando inter ea quæ reciprocantur, quicquid conuenit vni quocumque modo tribuitur alteri; vt si dicas: *Animal rationale est, definitio: homo est animal rationale: ergo homo est definitio,* Fal-

Fallacia *consequentis* fit, quando argumentamur à termino consequenti, ad antecedentem; quando tales termini nō sunt simul antecedens, & consequens. Quod dupliciter contingit. Primò quando ex affirmatione termini consequentis infertur antecedens; vt si dicas: *Est animal, ergo est homo*. Secundò quando ex negatione termini antecedētis infertur negatio consequentis, vt si dicas: *Non est homo: ergo non est animal*.

Fallacia à dicto secundum quid ad dictum simpliciter, siue ab eo quod est in parte, ad id quod est in toto, contingit duobus modis. Primus est, quando illud, quod inest parti, cum possit inesse toti, tribuitur toti, vt *Aethiops est albus secundum dentes: ergo est albus*. Secundus modus est, quando quod non conuenit alicui sine adiectiuo, tribuitur absque illo; vt *cadaver est homo mortuus: ergo est homo*. Et generaliter quando predicata, quæ non possunt diuidi, diuidimus; aut quæ non possunt coniungi, coniungimus; committitur fallacia ista; vt si dicas: *Petrus est magnus & est Rhetor: philosophus: ergo est magnus Philosophus*. *Paulus est bonus prator, ergo est bonus, & est prator*.

Quarta fallacia *ignorantia Elenchi*, seu *redargutionis*, committitur, quando deest aliquid ad contradictionem necessarium, & tamen inferimus contradictoria. Vnde tot modis contingit, quot sunt conditiones requisitæ ad contradictionem; & sic primò fit captio ista, quando non est in ordine ad idem. Secundò si non est secundum idem. Tertiò si non sit eodem modo. Quartò tandem, si non sit eodem tempore. vt *In Italia calefcit tempore æstatis, & non calefcit tempore hyemis: ergo calefcit, & non calefcit*.

Quinta fallacia *petitionis principij* fit, quando id ipsum assumitur, quod in questione versatur. Et fit primò, quando vnum synonimum per aliud probatur, vt si probaturi hominem viuere assumamus esse animatum. Secundò quando assumimus illud, quod est omnino

idem, cum eo quod probaturi sumus; etiam si diuerso modo significetur; vt quando probamus hominem esse risibilem, quia animal rationale est risibile.

Sexta fallacia *non causa vt causa* contingit, quando aliquis effectus tribuitur vt causa alicui; quod tamen non est vera eius causa. Vt si colligatur, arma non esse in republica permittenda, eo quod multis turbandæ pacis occasionem præbent; vel litterarum studijs non esse incumbendum, eo quod multis perniciem attulerunt.

Septima fallacia *plurium interrogationum, vt vnius*, eo tendit, vt qui simplicem responcionem reddet, omnibus minimè satisfaciatur; ac proinde decipiatur. Contingit autem tripliciter. Primum cum vnum de pluribus interrogatur, vt si quæras, *An Luxuria & Castitas sint bona?* Secundò cum plura quæruntur de vno; vt si quæras, *An Petrus sit homo & equus?* si enim respondeas affirmatiuè inserti Sophista; ergo Petrus est equus; si autem negatiuè, inserti ergò Petrus non est homo. Tertiò. tandem cum plura de pluribus quæruntur, vt si Petro existente cæco, & Paulo vidente, inquiras, *An Petrus, & Paulus sint cæci & videntes?*

DE METHODO.

Quarta Dialecticæ parte.

Sunt qui supradictis tribus dialecticis partibus quartam addant, *Methodicam* videlicet, cum enim communiter Philosophi recenscant tantum tres mentis operationes, quarum directioni, tanquam fini proprio dialectica incumbit; illi quartam insuper constituunt, quam *Methodum* appellant. Quæcumque enim operatio mentis efficit, vt aliquid melius, citius, & perfectius cognoscamus, illa est distincta operatio à reliquis: sed Methodus hoc facit. Quod ita probatur. Si quis partes alicuius materie sine ordine & methodo tractet, aut noscat is dicitur esse, confusus, obscurus intrin-

intricatus &c. Contrà verò si cùm metho-
do, ratione & ordine tractet rem cla-
rè, & perspicuè, perfectè scire dicitur:
ergò Methodus est operatio mentis, quæ
facit vt aliquid distinctè noscamus, di-
stinctaque consequenter mentis operatio.
Et si obiiciatur methodum nihil
aliud esse, quàm coniunctionem, seu
connexionem aliarum mentis operatio-
num, vel operationem per quam multi
discursus & argumenta methodicè con-
iunguntur, atque adeò non esse distin-
ctam ab alijs mentis operationem. Res-
pondent hoc argumentum nullum esse,
nam etiam tertia mentis operatio nihil
est aliud, quàm coniunctio operationis
secundæ; quia syllogismus nihil est aliud,
quàm certa operatio, per quã tres enun-
tiationes (quarum quævis est secunda,
mentis operatio) coniunguntur. Pari-
ter secunda mentis operatio nihil aliud
est, quàm coniunctio primarum mentis
operationum.

Vtrum quidquid sit de hoc, an me-
thodus particulariter, & propriè sumpta
sit quarta mentis operatio distincta, vel
non? sed tantum modus quidam alias
tres inter se ordinandi, & connectendi;
nemini dubium esse potest, quin pro-
prium sit Logicæ circa illam versari, ad
quam pertinet tradere modos omnes
communes, quibus in alijs scientijs ad
rectam rerum cognitionem consequen-
dam iuuamur; cui fini non solum in-
seruiunt supradictæ intentiones logicales
etiam mentis operationum directrices,
quæ etiã ab aliquibus vocantur metho-
di, secundum quod significat methodus
generaliter omnem benè noscendi ratio-
nem; sed etiam methodus particulariter
& propriè dicta, secundum quod ab il-
lis aliquo modo distinguitur, & iuxta
statim dicenda definitur, *Via communis
& ordinata, qua breuiter, & cum ratione
ad optatum finem peruenimus.* Vel bre-
uius, *modus ordinatus procedendi in ve-
ritatis indagine.*

Pro cuius intelligentia notandum
est duas esse vias indagandæ veritatis:
alteram per sensum, & experientiam, vt

Biblioth. Theol. Tom. IV.

qui scire desiderans, an ignis sit calidus,
manum illi applicaret: alteram per ra-
tionem, vt si ad sciendum ignem esse
calidum, vteretur ratione Philosophica,
quod sit tenuis, rarus &c. Prima non
pertinet ad methodum, sed secundam.
Nam cum methodus versetur circa vni-
uersalia, sensui, & experientiæ inniti non
potest. Et propter hoc in prima metho-
di descriptione statim adducta ponitur
illa particula, *cum ratione*, & in secun-
da, *modus ordinatus*: vtraque enim de-
notat viam illam, quæ reperitur in me-
thodo, debere esse per rationem, & non
per sensum.

Quidquid sit de differentia ordinis,
& methodi, quam ponunt aliqui, con-
sistitque in hoc quod ita sint ambo in-
strumenta Logica nobis inservientia ad
rerum cognitionem facilius adipiscen-
dam, procedendo à noto ad ignotum;
vt tamen ordo, quatenus ordo est, vim
colligendi non habeat, sed disponendi
solum, siue, quod idem est, sit progres-
sus à notioribus, cognitione tantum di-
rigente ad aliorum notitiam; methodus
verò à notioribus etiam cognitione ag-
gite, per illationem vnus ex alio; qua ra-
tione nil aliud videtur esse methodus,
quàm syllogismus: Quidquid sit, in quâ
de illa differentia, quàm latè prosequi-
tur Iacobus Zabarella lib. 3. de metho-
dis, videturque procedere ex indistin-
ctione inter methodum vniuersaliter, &
particulariter, seu propriè consideratam,
vt statim dicitur; agimus nunc de me-
thodo secundum quod cū ordine coin-
cidit, aut saltem ab illo parum differt:
Etsi enim methodus generaliter consi-
derata, pro vt significat omnem benè
noscendi rationem, vt diximus supra,
coincidat cū omnibus intentionibus lo-
gicalibus, & præsertim cū syllogismo
primatum inter illas obtinente, atque
adeo sic ab ordine distinguatur modo
prædicto; nihilominus si loquamur de
methodo particulariter & propriè sum-
pta, pro vt est ratio vniuersam aliquam
materiam tractandi, meliusque & citius
percipiendi, vel vt diximus supra *modus*

Y

ordi-

*ordinatus procedendi in veritatis indagat*ione, sic coincidit cum ordine, distinguiturque à syllogismo, & cæteris intentionibus logicalibus, eo fere modo quo ordo distinguitur à rebus vel paribus ordinatis, quatenus methodus est id, per quod multæ intentiones logicales, multique discursus & argumenta ordinatè inter se coniunguntur ad faciliorem veritatis rei alicuius adeptionem.

Methodus sic explicata triplex esse potest. Prima per quam tractetur aliquis terminus simplex, siue simplex aliqua materia; vt si alicui proponatur, vt methodicè de Deo, de Angelis, de virtute, siue de aliquo simplici themate, agat. Secunda est operosior, per quam tractetur de themate composito, siue de aliqua quæstione, v.g. si quæratur vtrum virtus sit præferenda diuitijs. Tertia methodus est per quã integra aliqua scientia aut ars, aut oratio, aut tractatus instituitur, & explicatur. De quibus singulis breuiter agemus, nec non etiam de recta studendi ratione.

De methodo tractandi simplicem terminum.

HAec methodus primò secundum Aristotelem quinque, vel etiam, vt distinctius aliqui docent, decem regulis quæstionalibus absolui potest. Secundum Aristotelem quidem. 1. Tractanda nomina, & significatus. 2. An res sit. 3. Quid sit. 4. Qualis sit. 5. Quare sit. Alij hæc decem recensent, quæ tamè sub prioribus quinque virtualiter, & implicitè continentur. Primum est quid vocabulum significet. 2. An res sit. 3. Quid sit. 4. Quotuplex sit. 5. De quo, vel ex quo. 6. A quo, aut per què. 7. iuxta, vel secundum quid. 8. cuius. 9. propter quid. 10. Quare. De quibus omnibus vide Petrum Gregorium lib. 2. Syntaxis artis mirab. Aegidium Moncurium Ord. Minimorum tract. 1. typi scientiarum.

Secunda methodus qua tractatur simplex terminus potest esse per omnia.

prædicamenta, quicquid enim de aliqua re scribi, aut dici potest, id omne pertinet ad aliquod ex prædicamentis. Scripturus igitur de aliqua re primum prærequiritur, vt noscat in quo prædicamentò illa sit, ideoque vt ipsius genus, & species si quæ sint, noscat. Secundò prærequiritur, vt ex compendio Logico, præcipuas vniuscuiusque prædicamenti species similiter noscat, reique tractandæ applicet. V.g. de homine postquam notata est ipsius definitio, variae genera, quodque ad prædicamentum substantiæ pertineat; deueniendo postea ad prædicamentum quantitatis, secundum illam, hominum alius est magnus, alius paruus, vbi de magnitudine Gigantea, & de Pygmeis; secundum qualitatem, hominum alius est auarus, alius liberalis, alius albus, alius niger, & sic ordine per reliqua prædicamenta, Ratione relatorum vnus est rex, alius seruus; Ratione actionum: vnus studet, alius militat &c.

Pythagoras auctor Philosophiæ, rerum omnium decem etiam statuit ordines, & classes (ita tamen vt in vnoquoque ordine contineantur contraria) per quæ de vnaquaque re methodicè scribendi, vel discerendi, non inutilia habentur præcepta: ordines autem isti sũt. *Vnum & plura, bonum & malum, lumen & tenebra, motus & quies, masculinum & femininum, dextrum & sinistrum, par & impar, quadratum & altera parte longius, rectum & curuum, finitum & infinitum.*

Vbi per vnum & plura, conseruatio vitæ, & mörtes intelligi possunt, curuo & recto, quod rationi consentaneum, & dissentaneum: per lumen & tenebras, cælestia & terrestria; per masculinum & femininum, maiora & minora: per dextrum, & sinistrum, quæ potentiora, & quæ imbecilliora sũt. Sit igitur de aliqua re scribendum, vel discurrendum, explicanda quid boni & mali afferant, quid ad vitam, aut mortem, quid ad cognitionem cælestium & terrestrium, & sic ordine procedendo, conseruant.

Ad

Sectio VII. Caput VI. 171

Ad hoc idem pertinet Artis Lullianæ vsus, pro cuius intelligentia quatuor sunt obseruanda. Primum est, in omni re reperiri, & spectanda esse hæc nouæ absoluta scilicet, *bonitatem, magnitudinem, durationem, potestatem, sapientiam, voluntatem, virtutem, veritatem & gloriam, seu quietem*. Secundum est in omni re inueniri, & consideranda esse hæc nouem relata, *differentiam, concordantiam, contrarietatem, principium, medium, & finem, maioritatem, minoritatem, & equalitatem*. Tertium est de omni re licere discurrere, comparatione instituta cum istis nouem, in quibus omnis res aliquo modo reperitur, hæc nouæ sunt, *Deus, Angeli, elementa, plantæ, animalia, rationalia instrumenta, & artificialia*. Quartum in omni re spectandam comparationem cum istis virtutibus, *Sapientia, scientia, prudentia, arte, institia, fortitudine & temperantia*.

De quacumque re igitur velis aliquid notare, aut scribere, potest per hos omnes locos facillimè id præstare. V.g. si de homine, sitque laudandum in eo ieiunium, sic procedet: Ieiunium est res bona, nec est ita magnum aliquamdiu abstinere à cibis, & tamdiu ieiunandum, quamdiu imbecillitas id patitur: & certè sapientes viri maximè ieiunant, vt possint virtutem assequi, veritatisque amore, indeque gloriam promerentur. Nec solum ad ordinem doctrinæ, sed etiam ad argumentandum, ex tempore mirum in modum conducunt talia prædicata, v. g. sit thesis hominem esse immortalem, sic efformari potest argumentum; Si homo esset immortalis, præcipuè boni deberent esse immortales: sed hoc non est, ergo &c. Probatur maior; si boni essent immortales, potissimùm maximi, secundum bonitatem: sed hoc non est: ergo &c. Probatur minor si maximi esset immortales, plus durarent quàm alij, sed non plus durant. Probatur, si plus duraret, haberent aliquam potestatem per quam diutius durare possent: sed non habent; ergo &c. Probatur minor; si haberent

talem potestatem, ea præcipuè sapientibus concessa foret: sed hoc non est verum: ergo &c. Sed de his satis, quorum fusior, & plenior explicatio videri potest in Digesto Sapientiæ Parisijs impresso auctore Patre Yuone Ordinis Capuccinorum, alijsque pluribus authoribus.

De methodo qua tractari potest aliqua questio.

Primum proponenda est questio, & sensus illius explicandus. Secundò afferendæ sunt diuersæ authorum sententiæ. Tertiò adducenda sunt fundamenta questionis, & tux conclusionis; nihil est enim quod magis aperiat viam ad solutiones difficultatum, & ferè seipso soluat, quam recta positio doctrinæ, & veritatis; fundamenta autè hæc sunt præcipua, recta expositio, & varia distinctio terminorum questionis. Quartò propria stabilienda est sententia, quæ probabis tum autoritate, tum rationibus quæ pendeant, & sumantur ex præiactis fundamentis tuis. Quintò refellendæ sunt aliorum sententiæ. Sextò si quid contra objici possit, afferendum est, & soluendum. Septimò modeste notari poterit, quæ sententia, aut plus; aut minus à vero aberrarit, & vnde.

De methodo, per quam integra aliqua scientia, aut ars institui, & explicari potest.

DVplex est hæc methodus, loquendo de naturali, quæque procedit iuxta regulas ordinarias artis, ad distinctionem methodi arbitrarie, & artificiosæ, in quarum prima, prætermittitur methodo naturali, ad arbitrium, aliqua ratione compellente, alium ordinem sequimur; in secunda verò de industria, peruertimus totum ordinem, ita vt posteriora prius, & priora posterius tradantur. Methodus, inquam naturalis, pro vt ab his duabus distinguitur, quarum nullus ferè in scientijs est vsus, diuiditur in methodum compositionis, & resolutionis.

salutem. Methodus compositionis est via, in qua progredimur à simplicioribus, & prioribus, ad magis composita, & posteriora; quod quatuor modis potest contingere. *Primo*, quando procedimus à simplicioribus ad magis composita, ut quando Grammaticus procedit à litteris, ad syllabas; à syllabis, ad diſiſiones; & ab his ad perfectas orationes. *Secundo*, quando progredimur à magis ad minus vniuerſalia, ut ſi aſſuri de animalibus, prius tractaremus de animali in communi, & poſtea de homine, vel alio ſpeciali animali. *Tertiò* quando pergitur à cauſis ad effectus: *Quartò* tandem à medijs ad finem.

At verò methodus reſolutionis, cum ſit contraria methodo compositionis, erit contrario modo deſinienda, & diuidenda. Eſt ergò via, in qua progredimur à magis compositis, & poſterioribus, ad ſimpliciora, & priora. Quod conſequenter alijs quatuor modis accidit. *Primo* à compositioribus ad ſimpliciora, ut in Phyſicà à composito naturali ſubſtantiali, ad materiam & formam. *Secundo* à minus ad magis vniuerſalia, ut ab homine ad animal. *Tertiò* ab effectu ad cauſam, ut ab eclipſi ad interpoſitionem terræ. *Quartò* à fine ad media, ut à ſanitate ad medicamenta.

Ex his duabus methodis, ut methodus reſolutionis eſt accommodatior ad artes inueniendas: nam ex noſione finis artes ſunt adinuentæ; ita methodus compositionis, præſertim duobus primis modis aptior eſt ad tradendas diſciplinæ. Cum enim ars imitetur naturam teſte Philoſopho 1. *Phyſic.* cap. 3. & hæc in ſuis operibus progrediar, vel à ſimplicibus ad composita, ut patet in elementis, ex quibus procedit ad mixta; vel ab vniuerſalioribus ad minus vniuerſalia, ut patet in generatione hominis; conſequens eſt ut ars quælibet tradenda ſit methodo compositionis. Qui plura de hac materia deſiderat cõſulæ *Carpentarium* in diſput. de methodo aduerſus *Ramum*, *Monſonium* lib. 1. composit. dial. Villalpandum quæſt. vi.

proximali, & latiffimè *Iacobum Zabarella* Patavinum in 4. libris quos de methodis conſcripſit.

De recta ſtudenti ratione.

SI dialectica ars artiũ, ſcientia ſcientiarum vocatur, quod doceat, qua via, & ratione, artes ſcientiaſque omnes facilius addiſcere poſſimus; nemini dubium eſſe poteſt quin etiam ad illam pertineat tradere rectam ſtudenti rationem. Et quia omnis noſtra cognitio, Philoſophiaque duplex eſt, vna rerum ſive effectuum hiſtorica. Altera rerum ſive cauſarum, ſive per cauſas ætiologica. Inſuper omnis noſtra cognitio eſt ex artibus & ſcientijs, pariſterque de artibus, & ſcientijs. Hinc eſt quod ad dialecticam pertinet docere, quæ de artibus, & ex artibus, quæ de ſcientijs, & ex ſcientijs ad rectam ſtudenti rationem obſervari, & connotari debent. Igitur poſt ſedulam Sancti Spiritus inuocationem.

Præceptum primum, illudque omnino vtiliſſimum, eſt, ut ſumatur is author qui primus aut princeps de illa arte, vel ſcientia ſcripſit, cui nauaturus es operam: v. g. *Ariſtoteles* de Philoſophia: iam ordine temporum, quo vixerunt illi qui de Philoſophia ſcripſerunt legantur. Et ſi quid noui dicant noſetur. Si verò tantum reperant quæ priores dixerunt, prætermittatur. Sic enim vnico libro vniuerſa habebuntur, quæ de aliqua arte ſcripta ſunt.

Secundum præceptum eſt de *Analyſi*, ſive de reſolutione librorum per quam ea quæ author centum paginis ſcripſit, in quatuor aut quinque pagellas contrahi poſſunt. Omnis enim liber, exceptis hiſtorijs & fabulis, aliquam quæſtionem probat, vel improbat v. g. *Gallus* eſſe fortis, ſive de Gallorum fortitudine aliquis author ſcripſit. Tantum duobus modis hoc probare poteſt vel per inductionem, ſeu exempla, vel per ſyllogiſmum, ſeu rationem. Iam exempla quæ multis aſſert hoc modo reſolui poſſunt, v. g. probat eſſe fortes indu-

inductione longa facta per Reges, Equites, milites &c. Sic resolue & nota, Galli sunt fortes propter Reges, propter Equites, milites, & sic ordine omnia exempla: Si verò ratione probatur, tantum debes habere duo capita, seu duas propositiones; quarum vna est de vno termino v. g. de Gallis, alia propositio de fortibus: iam quidquid dicit de fortibus collige in vnum locum v. g. fortes sunt, qui pericula adeunt, pro Rege motiuntur, suis stipendijs militant, & sic de cæteris: alia propositio est de alio termino, scilicet de Gallis. Quidquid ergo de Gallis dicit, id in vnum locum congere v. g. Galli exteros vicerunt.

Tertium præceptum consistit in modo, quo loci communes sunt instituendi, de quo egregium composuit opusculum Hieremias Drexellius Soc. Iesu sub titulo *Arifodina* artium, & scientiarum omnium tribus partibus distinctæ, in quarum prima ostendit excerptorum necessitatem, seu excerptendum esse; in secunda excerptorum methodum, seu quomodo excerptendum sit; in tertia, denique excerptorum diuersum vsum, seu multiplicem industriam excerptendi. Similiter de studijs instituendis plura habentur opuscula typis mandata Amsterodami apud Ludouicum Elseuiri anno 1645: verum quia inter illa, sunt aliqua ab hæreticis viris composita, ideo in aliquibus sunt corrigenda, cautèque legenda. Huic etiam fini inferuire possunt Antonius Posseninus in Bibliotheca selecta, & Antonius Ficher, in arcana studiorum omnium methodo, Lugduni in 8.

CAPVT VII.

Quanti referant ad sacre doctrina studium Physica disciplina; Et primum octo Physicorum libri.

Physica si nominis etymologiam spectemus à verbo Græco physis, quod naturam significat, dicta est vera scientia speculatiua, et constat ex multis

demonstrationibus, quæ in illa fieri solent, v. g. corpora moueri quia habent naturam, à qua procedit motus tanquam à vera causa: corpus etiam esse diuisibile, quia est continuum; & animam esse formam corporis, quia est principium effectuum operationum eius, vt sensationum, & motus progressiu. Quod sit etiam scientia speculatiua, patet tum ex fine ipsius, qui est indagatio, & contemplatio veritatum naturalium, non earum effectio; tum ex principijs quibus procedit, quæ resolutiuo modo ostendunt veritatem, non compositiuo modo fabricare docent. Vnde oppositam sententiam non est credendum tenuisse Platonem, nec Socratem, sed solum sensisse, difficile admodum esse, certam & euidentem notitiam assequi de his rebus mutabilibus.

Subiectum *materiale*, seu obiectum quod huius scientiæ, est corpus naturale, seu mobile, cum certum sit limites Philosophiæ naturalis intra res corporales contineri; nec per se agere de substantijs ab omni materia separatis; *formale* verò explicatur per ens mobile, seu mobile vt sic; ita vt ens mobile, & corpus mobile se habeant, sicut in visu coloratum & corpus; vbi coloratum est formalis ratio, corpus verò materialis, neque enim tægitur corpus à visu sub omni ratione, sed quatenus afficitur colore. Quia autem ly, ens mobile potest sumi dupliciter, vno modo, vt dicit complexum, seu constitutum ex gradu superiori analogo, & inferiori differentia, omisso genere intermedio, sicut quando sumimus individua generica, vt hæc substantia, hoc corpus, omittis gradibus intermedijs: alio modo potest sumi ens mobile, non in vi alicuius complexi, & constitui ex superiori gradu entis, & inferiori mobilitatis, sed vt est idem ens mobile, quod mobile tantum, quasi dicatur res, seu quidditas mobilis, quæ in re quidem est substantia, & corpus, non tamen explicatur sub conceptu substantiæ, vel corporis, sed sub ratione quidditatis mobilis. Primo modo non dicimus

mus esse subiectum Physicæ ens mobile, sed secundò, & sic ens mobile non est aliquid magis amplum, & abstractū quam substantia, vel corpus mobile, nec comprehendit in se tanquam subiectū substantiam, & accidens, sed est aliquid contractius substantia, determinans illam, & explicans non secundum omnem rationem substantiæ, vel corporis, sed præcisè qua mobilis est, quasi exprimendo quod omne quod tractatur in Physica, de substantia, & corpore est, ut subest mobilitati, seu ut fundat illā, ubi substantia solum materialiter se habet, ens vero mobile in sensu explicato formaliter. Sic propria & adæquata passio, quam Physicus de suo obiecto demonstrat, videlicet motus, non definitur explicando ordinē ad corpus, vel substantiam, sed ad ens mobile, definitur enim quod sit *actus entis in potentia*, &c. Signum est ergò manifestum formalem rationem subiecti Physici non explicare rationem corporis; nam quod formaliter est subiectum scientiæ, explicatur etiam in formali definitione propriæ passionis, tanquam id, ad quod passio, siue proprietates dicuntur essentialia, habitudinem: cum igitur in definitione motus non explicetur ratio corporis, sed ratio entis in potentia, non pertinet ad formalem rationem subiecti corpus, licet in re verum sit, nihil esse mobile motu physico, nisi id quod est corpus.

Insuper notandum est, quando dicitur ens mobile esse subiectum formale Physicæ, ly, mobile non sumi pro mobilitate formalis, sed aptitudinali, seu radicali; ita quod ens mobile sit idem, quod quidditas mobilis, seu fundamentum mobilitatis proximæ; quia autem nihil potest esse primum principium motus, nisi sit substantia, sic ens mobile quatenus explicat quidditatem primi principij motus, est idem cum substantia naturali, seu mobili, sumendo substantiam pro quidditate, seu radice primæ mobilitatis, atque adeo in hoc sensu substantia naturalis, siue mobilis potest vocari obiectum formale Physicæ. Quam-

uis si sumatur ly substantia pro ut explicat hanc quidditatem per modum primi predicamenti, id est, ut naturam subsistentem, sic non explicet rationem formalem, sed materialem, seu concomitantem subiecti physici.

Licet autem ens mobile, quod est obiectum formale Physicæ, *subiectiue* consideratum sit substantia; ens tamen mobile de quo per se agit Physica, non solum est ens mobile substantialiter, sed etiam accidentaliter, ita quod ly mobile *terminatiue* sumptum abstrahat à substantia, & accidente, & respiciat non solum principia mobilitatis substantialis, sed etiam accidentalis, quæ vniuocari possunt, & conuenire in vna scientia, quia induunt eandem rationem scibilitatis physicæ. Sicut etiam Metaphysica agit de substantia, & accidenti modo vniuoco, non quia sic conueniunt in ratione entis, sed quia sub eadem abstractione formali ab omni materia continentur. Nec tamen propterea inferendum est quod hoc subiectum mobile, de quo agit Physica tanquam de subiecto mobilitatis; abstrahat à substantia, & accidente, quia licet motus, seu mobilitas, de qua agit Physicus, terminari possit ad substantiam, vel accidens; tamen subiectum quod recipit, & fundat hanc mobilitatem, tanquam primum principium & per se motus, non est accidens, sed natura, quæ necessario est substantia, licet formalis ratio, qua attingitur solum explicet quidditatem mobilem, non substantiam. Sicut etiam Mathematica agit de quantitate secundum se, quatenus fundat proportionem, & mensuras, nec tamen formaliter considerat rationem accidentis, secundum quod inherens est, licet sine ratione accidentis quantitas dari non possit.

Cum diuersa scientiarum species nõ sumatur ex sola varietate rerum in se, seu materialiter, & entitatiue consideratarum, sed ex diuersa abstractione, seu modo cognoscendi, & illuminandi obiecta; ideo asserendum est totam Philosophiam naturalem esse vnum habitum in specie

specie infima, si quidem omnia Philosophiæ naturalis principia deriuantur ex alijs, vel ex alterutris intra propriam abstractionem à materia singulari; dependent enim saltem, & probantur per communia principia motus, quæ in libris Physicorum statuuntur, reducunturque tandem in materiam, & formam, quæ sunt prima entis mobilis principia.

Quando ergo D. Thomas 1. poster. lect. 4. r. asserit corpus naturale, & Mathematicam distingui in diuersas species scibilium; ibi per corpus naturale contradiſtinctum à corpore mathematico, non intelligitur corpus naturale pro vt supponit pro ente mobili, quod est obiectum Physicæ, sed sumitur corpus naturale, vt merè materialiter se habet, & est capax diuersarum rationum formalium ad diuersas scientias pertinentium, sicut est Medicina, & Philosophia: nam medicina licet formaliter non agat de corpore naturali, quatenus ens mobile est in communi, vel in speciali, agit tamen de corpore naturali, vt sanabili; quæ sanitas licet per aliquem motum acquiratur, non tamen formaliter considerat per se motum, quæ motus, sed qua ordinatus ad sanitatem, sicut artifex non potest facere statuam nisi aliquo motu, nō tamen considerat formaliter rationem motus, sed commensurationem figuræ, sic medicus debitam humorum temperiem, ac proportionem, licet id fiat per motum.

Quia verò scientiarum dignitas ex duobus potissimum pensari solet, ex dignitate obiecti, & ex certitudine demonstrandi, ita tamen vt prima sit essentialis & magis præcipua ad dignitatem, secunda verò accidentalis; facile colligitur, quem habere debeat ordinē Philosophia naturalis cū ceteris scientijs; primum enim locum tenet post Metaphysicam, quæ agit de substantijs spiritualibus secundum proprias essentias; si quidem post hanc perfectius obiectū habent physicæ disciplinæ quā Mathematicæ; nam illæ de substantia rerum naturalium differunt, istæ verò de quo-

dam eius accidente, quod est quantitas, ergo Philosophia naturalis inter scientias speculatiuas secundum locum tenet ordine dignitatis ratione nobilioris obiecti, quam tamen excedunt Mathematicæ disciplinæ quadam accidentali perfectione ex certitudine demonstrandi desumpta; nam Mathematicæ ex vna parte magis abstrahunt à materia, & ex alia agunt de accidentibus magis notis secundum sensum, nempe de lineis, figuris, & numeris. Ratione cuius Aristoteles, quem omnes ferè sequuntur 1. lib. Ethic. cap. 1. & lib. 6. cap. 8. prius voluit tradendas esse Mathematicas disciplinas, deinde Philosophiam naturalem; postea moralem, & tandem Metaphysicam. Etsi enim Philosophia naturalis versetur circa motum, quem sensu percipimus, atque adeo ex hac parte sit notior nobis, tamen ex altera, ferè semper ab effectibus procedit, & ideo experientie innititur, quam cū non habeant iuuenes, non sunt tam capaces eam addiscendi, sicut Mathematicas disciplinas, quæ de accidentibus notioribus agunt, nec experientie innituntur, sed demonstrationibus à priori, quas in eisdem accidentibus constituunt.

Quod pertinet ad Physicæ, seu naturalis scientiæ diuisionem, aut partes, duplex assignari potest, vna *Historica*, quæ effectus recenset rerum naturalium secundum species suas; alia *Aithiologica*, qua earumdem causas docet. Cuius iterum plures sunt partes, iuxta multiplicem entis mobilis considerationem. *Primò* enim potest accipi secundum se, & in communi, non descendendo ad aliquam particularem speciem, & illi sic sumpto correspondent octo libri Aristotelici, quos vocant Physicorum; vel de Physica auscultatione. *Secundò* consideratur ens mobile in particulari, pro vt præcisè continet principium motus localis, & circa illud hoc modo sumptū versantur libri de cælo & mundo, id est de omnibus corporibus simplicibus; quatenus per motum localem coordinantur, & situantur in hoc vniuerso, ex his

his enim præcipuè vniuersum constat, si quidem mixta habent solum locum, iuxta modum elementi in eis prædominantis. *Tertio* accipitur ens mobile in particulari, pro vt habet in se principium motus ad formam, per quem corpora generantur, & corrumpuntur, augentur & alterantur; & de eo ita accepto differunt libri de generatione, & corruptione. Sed quia inter corpora naturalia generabilia, quædam sunt simplicia, quædam verò mixta, quæ rursus distinguuntur in imperfecta, & perfecta, & deinde perfecta in inanimata, & animata; ideo de simplicibus, scilicet de elementis in ultimo libro de generatione agit; de mixto autem, sed imperfecto, cuiusmodi sunt nix, grando, alique similes impressiones meteorologicæ, speciale ac distinctum opus edidit Aristoteles quod metcora nuncupauit, quatuor libris contentum; in quorum tamen tertio de mixtis perfectis, sed inanimatis disputat. Tandem de mixtis perfectis, sed animatis in libris de anima sermonem instituit.

Nec vtrumque Aristoteles in his libris de mixtis perfectis, & animatis egit sed in hoc mirificè se gessit. Nam in primo libro tractat de anima vegetatiua, quæ est forma viuens, & prius de illa agit, quia intra latitudinem animarum infimum tenet locum, & ad hunc librum reduci debet opus de Plantis, quod Aristoteles ipse promisit in initio meteororum, & quod se edidisse testatur lib. 5. de histor. animal. cap. 1. sed temporis iniuria perijsse creditur. Nam qui circumfertur sub nomine Aristotelis longè diuersum stylum habere videtur, & ideo ex eius officina minimè prodijisse.

Deinde in secundo libro tractat de anima sensitua vegetatiuum excedente, quæ est forma animalis, per cuiusque notitiam deuenitur in cognitione eiusdem animalis; vbi etiam de varijs eius operationibus agit. Quo quidem spectant libri de incessu animalium, de sensu & sensibili; de memoria, & reminiscencia; de somno, & vigilia, ac de vita,

& morte; nec non & egregium opus de historia animalium, de generatione animalium, de partibus animalium, quod vt refert Plinius lib. 8. histor. natur. c. 6. & Budæus lib. 2. de assc, Græci vocabant libros octoginta talentorum. Eo quod tot talenta impenderit magnus Alexander ad obseruationem eorum, quæ in eis pertraçantur, summa diligentia, quærens diuersa, atque exquisita animalium genera, eaque asportare faciens ad præsentiam eiusdem Aristotelis.

Tertio tandem libro agit de homine qui est præcipua pars obiecti Physicæ; nam ibidem sermonem instituit de anima rationali, quæ est eius forma, quæque inter alias animas primatum tenet. Quo etiam pertinent libri de insomnijs, & diuinatione per somnum, nec non de iuuentute, ac senectute, hæc enim in homine tantummodo propriè inueniuntur. En accurata totius Physicæ diuisio in suas partes, de quibus omnibus breuiter agemus, & quantum vnaquæque referat ad sacræ doctrinæ studium expendemus.

Incipiendo ergo à prima, quæ versatur circa ens mobile in communi, octo Physicorum libris continetur, & absoluitur. In quorum primo Philosophus præmittit quasi præludia quædam, & principia vnde possumus dignoscere, quid sit ens naturale & quale sit. Vocat enim hic principia, non causas per quas fit ens naturale, sed illa ex quibus est, & in quæ resoluitur, siue consideretur ens naturale in fieri, pro vt generatur, siue in facto esse pro vt componitur ex illis; & sic pro compositione assignat duo principia scilicet materiam, & formam: pro generatione autem addit tertium principium, scilicet priuationem, quatenus in generatione proceditur à non esse formæ, seu priuatione illius, vt à termino à quo, ad esse formæ, vt ad terminum ad quem in aliquo subiecto, seu materia.

Deinde secundò tradit ea, quæ præsupponi debent in hac scientia physica, circa subiectum, & principia, seu media qui-

quibus demonstratiue procedit. Subiectum autem est id omne, quod natura constat, & sic de illa agit. Principia autem, seu media, quibus de ente naturali, seu de natura demonstrandum est, sunt quatuor cause, scilicet materialis, formalis, efficiens, & finalis.

Tertio explicat propriam passionem huius entis naturalis, quæ est motus; & primum agit de illo incommuni, alijsque intrinsecè illum concomitantibus; & consequentibus, actione videlicet, & passione, sine quibus non est motus finito, & infinito, quæ necessario & intrinsecè subsequuntur ad motum, ratione continuitatis, & successionis partium.

De extrinsecis autem affectionibus motus disputat in quarto libro. Sunt enim duo quibus motus dicitur extrinsecè affici, & mensurari, scilicet locus, & tempus; mensuratur enim motus ex parte mobilis loco, & ex parte suæ durationis, tempore; agendo autem de loco tractat etiam de vacuo, quod est illius priuatio.

Considerato motu, & affectionibus eius, tam intrinsecis, quam extrinsecis, agit deinceps in libro 5. & 6. de eius diuisionibus. Primò quidem de diuisione essentiali, & intrinseca per species agit libro 5. ostendens dari tres motus species, nimirum localem, alterationem & augmentationem, tum de unitate motus tam specifica, quam indiuiduali, & de contrarietate motuum, quia inter diuersas species datur contrarietas. Secundam verò diuisionem motus, scilicet penes partes quantitatis continui, in quo exercetur, prosequitur libro 6. ubi agitur de diuisibilitate motus, tam ratione medijs, per quod mouetur corpus, quam ratione temporis, in quo mouetur; & quomodo continuum non constet ex solis indiuisibilibus, atque adeo nec motus.

Tandem absolutis omnibus ad considerationem motus spectantibus, secundum ea quæ sibi absolutè conueniunt, tam in se, quam in suis affectionibus, & diuisionibus, septimo & octauo libro

Biblioth. Theol. Tom. IV.

explicat Philosophus ea, quæ motui conueniunt comparatiue ad mouentia, & mobilia; septimò quidem considerando ordinem mobilium ad mouentia, vsque ad primum motum, & primum motorem, quia non datur processus in infinitum; deinde conditionem requisitam inter mouens, & mobile, nimirum quod sint simul, & approximata, tum denique, motus inter se, quoad velocitatem, & tarditatem. Octauo verò libro contemplatur qualitatem primi motus, ac primi motoris, ubi sistit consideratio entis mobilis, ostendendo, quod primus motor sit æternus, ubi etiam agitur de æternitate primi motus, & eternitate vniuersi à primo motore producti, & similiter probat primum motum esse motum localem, & circularem, ac denique primum motorem esse infinitæ virtutis, carereque magnitudine, seu quantitate molis, atque adeo esse incorporeum, & indiuisibilem. Quorum omnium accurata notitia, quam sit necessaria ad perfectum sacræ doctrinæ studium, diuinæque Scripturarum intelligentiam, patebit breuiter discurrendo per singula ferè Geneseos capitula; librique Iob; ubi quamplurima ad Physicam pertinentia continentur de principijs rerum naturalium, vel corporearum, earumque causis, & proprietatibus, vt satis patet ex his, quæ D. Thomas 1. parte, sacri verò interpretes in librum Geneseos docent, agendo de opere sex dierum.

Dum ad illud Genes. 1. *Terra erat inanis & vacua*; inquitur, vtrum informitas materiæ tempore præcesserit informationem ipsius? Vtrum vna sit materia informis omnium corporalium &c. de quibus inter alios vide Toftatum & Pererium in Genesim; iterum ad illud 1. Corinth. cap. 15. ubi legitur Christum apparuisse corporaliter Beatis Petro & Paulo; vtrum vnum & idem corpus possit esse saltem supernaturaliter in duobus locis circumscriptiue? & ad illud Ioannis ultimo, ubi idem Christus inuis clausis ingressus est ad Apostolos; sicut & illius sacrum corpus è sepulchro

eo oblerato egressum est; rtrū duo corpora possint supernaturaliter esse in vno & eodem loco; & sic de ceteris.

CAPVT VIII.

*Quanti referat ad sacrę doctrinę studium
secunda pars Physicę, quę est de
corpore simplici, cęlesti &
elementari.*

Ordinis methodique in disciplinis tradendis non laudator solum, sed diligentissimus oblerator Aristoteles, postquam in octo Physicę auscultationis libris de toto naturalium corporum genere, eiusque principijs, causis, & affectionibus in communi disseruit; nunc à generali disputatione descendens, partes ac membra, siue quod idem est, varias entis mobilis species sigillatim explicandas aggediur pluribus, ac distinctis libris; quorum primus consensu omnium est liber de cęlo & elementis in quatuor ierum libros diuisus. Hic cum in sciencia naturali secundum locum obtineat, & statim sequatur octo Physicę auscultationis libros, non potest habere aliud obiectum, quam primam naturalis corporis, seu entis mobilis speciem, cui post generis cognitionem primus debeatur locus; hæc autem quęnam sit non difficile est videre, si primam generis huius diuisionem nouerimus; quam ipsemet Aristoteles facit in initio primi libri de cęlo; vbi ex secundo Physicorum repetens definitionem corporis naturalis, illud statim diuidit in simplex & mixtum, diuisionemque hanc declarat ex diuisione motus in simplicem & mixtum. Vnde ea ratione, qua corpus simplex ordine doctrinę est prius mixto, necesse est subiectum librorum de cęlo esse corpus naturale simplex, quod cęlum, & quatuor elementa cōprehendit, siue quod idem est, vniuersum pro vt cōprehendit omnia, solaque corpora simplicia, quę sunt ampliores, & spectabiliores partes, è quibus proximè integratur: de quibus

tantum Aristoteles in hoc opere agit, vt ex illius progressu constat. Tractat enim primo loco de corpore simplici cōmuniter sumpto in ipso initio primi libri, vbi de hoc communi analogo pauca, quędam dicit, quę de eo dici poterant, ipsi namque tanquam subiecto attribuit propriam affectionem motum simplicem, propter simplicem naturam illi competentem; quemadmodum enim natura absolutè sumpta causa est motus absolutè sumpti, ita & natura simplex simplicis motus est causa, vel principium: nil aliud de hoc communi dici poterat, ideo statim Aristoteles ad ordinatam specierū considerationem descendit, species autem eius sunt cęlum, & quatuor elementa; quę, cum in nullo communi vniuoco, intellige Physico non Logico, cōueniant, similitudine tamen, & proportionem quadam dicuntur simplicia corpora, quoniam quodlibet horum huiusmodi est, vt ex alijs prioribus corporibus non constet.

Inter hæc autem primus locus cęlesti debebatur corpori, cum enim ira sit notæ existentie, vt non egeat ex aliorum corporum declaratione innotescere, sed ad eius naturam explicandam, sufficiat rudis illa aliorum corporū cognitio, quam sensu percipimus, nulla, facilioris doctrinę ratio cogere debuit Aristotelem, vt de elementis prius, quam de cęlo ageret; vnde ordinem seruauit nature, & nobilitatis; Cęlum enim nobilius est inferioribus corporibus, & natura prius, quia illorum est causa; nisi etiam asseramus ordinem ita seruari facilioris nostrę cognitionis, cognitio enim cęlestis corporis, quod leuia & graua omnia ambit, & continet, non parum conducere videtur ad cognitionem illorum, cum ad ipsam terminetur motus leuium, & ab ipso motus grauiū incipere intelligatur; præterquam quod motus grauium ad medium esse dicitur, motus autem leuium à medio, ac medium intelligi non poterat non intellecto extremo, nec centrum non intellecta peripheria; ob quas omnes causas

vide-

videtur de cælo prius agendum fuisse, quàm de elementis.

In qua cæli tractatione ordinem seruat Aristoteles conuenientissimum, quia cum in philosophica cuiusque subiecti consideratione duo, nec plura, cognoscenda proponi soleant, primum quidem eius natura, vel essentia, deinde proprietates & accidentia, quæ ab ea dimanant; ante omnia naturam cæli declarat in priori libri primi parte, postea verò in tota sequenti eiusdem parte, atque in toto secundo libro accidentia cælestis corporis contemplatur, in primo quidē illa, quæ licet naturam cæli insequantur in totum tamen mundum redundant, ita ut cælum habeant subiectum præcipuum, mundum verò subiectum adequatum, de toto proinde mundo tria ab Aristotele demonstrantur, finitudo molis, unitas, sempiternitas; in secundo autem illa, quæ non redundant in vniuersum, sed cælum habent subiectum adequatum, cuiusmodi sunt sex illæ differentię positionis in cælo, dextrum, sinistrum, sursum, deorsum, ante, & retro; nec non varietas motuum, & astrorum, & orbium, eorumque ordo, & figura, & alia quæ in eodem libro tractantur; vbi non est silentio prætereundum, in postrema secundi libri parte agi de terra, non quidē ut de elemento graui, sic enim de ipsa agitur in 4. libro, sed quatenus respectu cæli locum centri obtinet, adeò ut illa quoque tractatio modo quodam de cælo esse dicatur, quemadmodum tractatio de centro quatenus centrum circuli est, pars quædam est tractationis de circulo, siue de circuli peripheria.

In duobus posterioribus libris agit Aristoteles de reliquis simplicibus corporibus, de grauib, & leuib, quæ sunt ignis, aer, aqua, terra, hæc enim ibi tractantur ut grauia, & leuia, sumitque ibi Aristoteles grauitatem, & leuitatem pro formis elementorum, non quod vera sint formæ, sunt enim qualitates, sed quia latentibus formis sumuntur earum loco accidentia hæc consequentia, per quæ mouentur elementa loco, & in

Biblioth. Theol. Tom. IV.

proprijs quæque locis sita integrant mundum; hæc enim est propria elementorū consideratio in tertio & quarto libro de cælo, ut postea dicemus, quatenus sunt grauia, & leuia, hoc est quatenus sunt simplicia corpora, quorum simplices naturas insequuntur simplices motus naturales, per quos propria loca occupando mundi integritatem constituunt.

Quanta autem huiusce partis Philosophiæ dignitas sit, ex obiecti præstantia constat; præsertim qua ex parte agit de cælo, quo, si statum spectemus, nihil firmitus; si ordinem nihil certius; si pulchritudinem, nihil elegantius. Ex verò quantam eadem contemplatio nostris animis afferat voluptatem, tum experientia ipsa docet: tum id, quod disertè Philo Iudeus scripsit in lib. de Mundi opificio, videlicet, fuisse hominem introductum à Deo in mundum, tanquam in conuiuium & Theatrum: alterum abundans vberimis copijs rerum, quas terra, fluuij, mare, aer suppeditant ad vsum simul, & iucunditatem: alterum refertum varijs spectaculis, quæ præsertim cælestis orbis magnitudine immensus, cursibus rapidus, splendore pellucidus, quotidie exhibet, dum syderum tanquam gemmarum interlucensium varietate conspicuus procedit suda nocte, serena gratia; dum astrorum, quæ in septem inferioribus globis versantur, & errantia dicuntur (cum tamen nullo errore vagantur, sed indefecto ordine reciprocis itineribus eant) ortum, progressum, occasumque ostendit; dum tot signorum se se velut manu completantium innumeros greges in Aplanæ, quasi in amœnissimo campo ducit.

Insuper quanta ex hac Philosophiæ parte ad morum eruditionem, & caducarum rerum desipientiam vtilitas, fructusque deriuetur, hisce verbis tradit Seneca in exord. natural. quæ st. *Quam iuuat inter sydera ipsa vagantem diuitum panimenta ridere, & totam cum auro suo terram: non illud tantum dico, quod egestis, & signandum moneta dedis; sed & illud, quod in oculo seruat posterorum,*

anaritia. Nec potest ante conseruare porticus & lacunaria, eboræ auroque fulgentia, & sompiles sylvas, & derivata in domos flumina, quàm totum circumcas calum, & terrarum orbem supernè despicies angustum, & magna ex parte operum mari, etiam ea parte qua extas; late squalidum, & aut vstum, aut rigentem, sibi ipse dicat, hoc est punctum, quod inter tot gentes ferro, & igni diniditur. O quam ridiculi sunt mortalium termini? Punctum sanè est illud, in quo nauigamus, in quo bellamus, in quo regna disponimus. Hæc Seneca, & alia plura, quæ sequuntur in eandem sententiam.

Denique quantum ad Sacram Theologiam, & Scripturæ diuinæ notitiā, exactius adipiscendam conferat, patet, dum ex illa, ad illud Genesios de rerū procreatione, & illud Sapient. 11. *Omnipotens manus tua, quæ creauit orbem terrarum ex materia inuisa*; I. Stabilitur cælum ex materia, & forma constare, quæ materia, & forma distinguuntur specie à subllunaribus. II. Ad illud Psalmi 148. *statuis ea in æternum*, ostenditur corpora cælestia suoptè ingenio esse indissolubilia; ac post diem iudicij non esse dissoluenda, nec immutanda quoad substantiam virtute diuina, sed tantum accidentaliter nouæ lucis accessione iuxta illud Isaiæ 30. *Erit lux Luna, sicut lux. Solis, & lux Solis erit septemplex*. III. Ad illud Psal. 135. *Qui fecit cælos in intellectu*; ostenditur iuxta anteriorem sententiam cælos intrinsecus, & secundum substantiam non esse animatos; atque adeo prædicta verba non esse sic accipienda, vt significetur cælos factos esse à Deo cum intellectu, hoc est intelligentes, vt explicat Caietanus; sed illa phrasi Hebræa significari tantum esse à Deo factos summa arte, ratione & intelligentia: Hebræis enim frequens est dicere, in aliquo, pro eo quod est, per aliquid, vel cum aliquo, sumendo in, pro per, vel cum.

IV. Ad diuersa Scripturæ loca, quæ orientis, & occidentis mentionem faciunt &c. explicandum est ex libris de

cælo, quomodo insint re vera cælo suo modo ex natura rei sex positionum differentiæ, ante, retro, sursum, deorsum, dextrorsum & sinistrorsum: hoc quantum compendio satis est ostenditur in animali: ante est quo mouetur, retro vnde mouetur, dextrorsum, vbi maior virtus, sinistrorsum vbi minor; sursum vnde influentiæ & spiritus vitales: deorsum quod est oppositum. Ergo hac cōparatione facta Occidens est retro, ante est Oriens, Septentrio est dextrorsum, Meridies sinistrorsum, nostrum Hemispherium sursum, alterum deorsum. Vel melius, quia in homine sicuti in cæteris animantibus, omnis loci mutatio à dextra proficiscitur, quod videlicet ea ad impulsu expeditio sit; cæli dextrum constituendum est in ea parte, à qua cælestes sphæræ mouentur; sicque huiusmodi dextrum est quælibet cæli pars, cum primum ad orientem peruenit, vbi ab intelligentia quæ illic perpetuò residet (neque enim cum orbe circūfertur) impulsu accipit. Ex quo faciliè erit intelligere, quo pacto æteræ positionū differentia cælo insint. Primum namque ea pars, quæ ex diametro dextræ opponitur, sinistra est, vt satis ex se patet. Deinde, quoniam illa, ad quam latitudo vergit, anterior vocatur; ea anterior cælis pars vocabitur, quæ inter sinistram & dextram, ab Oriente ad Occidentem funditur: quæ verò huic aduersa inter eundem Orientem, & Occidentem porrigitur, posterior. Denique pars superior, siue sursum, est polus Antarticus; inferior verò Arcticus. Quæ omnia respectu primi mobilis accipienda sunt; namque in inferioribus sphæris, quæ proprio motu ab Occidente in Orientem commeant, contrario modo se habent dimensiones, vt erit consideranti perspicuum. Vnde licet cælum per se sumptum differentias positionum ab Astronomis, & Poëtis inuentas nonnisi respectu nostri habeat, si tamen cum intelligentia motrice spectetur, differentias physicas ab Aristotele traditas ex natura rei, licet metaphoricè, & per quam-

quorundam analogiam ad hominem, cæteraque viuientia, obtinere dicendum, est.

V. Ad illud Genes. 2. *cessauerat ab omni opere, quod creauit ut faceret*, id est, quod creauit, ut non esset otiosum, sed ut aliquid ageret: sic enim hunc locum nonnulli viri docti interpretantur: ostēdi potest, quod corpora cælestia, cælumque etiam Empyreum in sublimitatem mundum insuuant, non solum interuentu motus, & lucis, sed per alias occultas etiam vires, quas influentias vocant; ita tamen quod cælesti vi nullum animal perfectum generari queat, sed imperfecta dumtaxat, respectu quorum adhuc cælum non est causa propria, ac principalis, sed tanquam instrumentum morticis intelligentiæ. VI. ad illud Ecclesiastes, *Oritur Sol & occidit & ad locum suum reuertitur, ibique renascens gyras per meridiem & fleciitur ad Aquilonem &c.* & ad illud Ecclesiastici cap. 24. *Gyrum celi circūiri sola*, græce ecyclosa, hoc est, circumduxi, rotundaui, seu conglobaui, probari potest ex Philosophia cælum esse rotundum seu globosa figura præditum, pro ut docet Aristoteles pluribus rationibus.

VII. ad illud Psalmi 148. *Laudate Dominum cali colorum*, aliaque similia. Scripturæ loca quibus numero plurali utitur nomine cæli, concordat opinio Philosophica probabilior de pluralitate cælorum, præter Empyreum, quamuis sit magna inter Astronomos difficultas, ut suo loco dicemus infra, de certo illorum numero, & ordine, situ, ac motu; sicut etiam an firmamentum sit cælum solidum, & durum æris, & adamantis instar; an (sicut aër) fluidum cedens, mobile, & veluti molle, ac tenuissimum, ita ut in eo stellæ moveantur, ut pisces in aqua, aut aues in aëre; pro prima enim partes, hoc est cælorum soliditate, facere videntur plura Scripturæ loca, quibus primò ferreum & æneum vocatur Leuit. 26. Deuteron. 28. & Iob 28. *vbi celi solidi dicuntur, & velut ære fusi*; secundo vbi dicuntur extēdi, quod enim

extenditur, debet esse solidum, ut patet in auro, argento, ferro, ære cæterisque metallis ductilibus, quæ extenduntur; secundo vbi dicuntur claudi & aperiri, Genes. 7. Isaie 78. & Marth. 3. quod enim aperitur, & clauditur, debet etiam esse durum, & solidum. Pro fluiditate verò cæli facere videntur primò quod Isaie cap. 51. fumo cæli comparantur; *Cali sicut fumus liquefcent*. Secundo quod vbiq; Scriptura motum non cælis, sed astris adscribit; sic enim Ecclesiastes, 1. *Oritur Sol, & occidit, iterumque ad locum suum reuertitur*. Iosue 10. *Sol & Luna steterunt &c.* de quibus vide eruditissimum Merfennium in Genesim cap. 1. versic. 8.

VIII. ad illud Iob 9. *Sub quo curuatur qui portans orbem*, id est Angeli, qui suo motu cælestem mundum circumuehant, ut est quorundam interpretatio; philosophicis rationibus ostendi potest, orbem cælestes non moueri effectiue à proprijs formis, sed ab intelligentijs siue Angelis, qui licet similitudine quadam illorum forma dici possint, ac maiori iure, quàm cæteri externi moiores dicuntur formæ corporum, quæ ab eis mouentur. Primum quia cælum suapte natura inclinationem habet ad illum motum, qui ab alio, quàm ab intelligentia præstari nequit. Deinde, quia intelligentia hæret in eodem situ cum cælo, secundum eam partem qua illi affidet: vadē in totum cælum impulsam transmittit. Terriò, quia intelligentia ita suæ sphæræ addicta est, ut interim dum rerum ortus, & occasus in inferiori mundo perfeuerant, diuelli ab ea citra miraculum non possit; etsi, inquam, res ita se habeat; propriè tamen Angeli, nec simpliciter dicendi sunt forma sui orbis, tribuendo illi esse substantiale, ita ut ex illis, & ex materia vnum quid efficiatur. Nonnulli arbitrati sunt totam cælesti sphaeram machinam ab vna communi intelligentia torqueri; melius tamen alij ad multiplicationem illarum, multiplicant etiam Angelos, vel intelligentias motices.

IX. ad illa Scripturæ loca, quæ vt vidimus supra, motum non cælis, sed astris adscribunt; pertinet disputatio de cæli partibus, id est, stellis, vel astris, vtrum eorum natura sit diuersa à sublu-nari, & eiusdem rationis cum suo orbe, nec ne? sintne astrorum lux substantia-lis eorum forma, vel etiam corpus, an non? de quo inter alios vide Merfen-hium in cap. 1. Genesios. Num astra, de suo luceant, vel potius lumen à Sole mutuuntur, sitque lux omnium astro-rum, & vniuersim lux omnis, eiusdē speciei, nec ne? Et tandem moueantur ne astra cælo immoto, an non? Affirmatiuam enim partē suadere videntur variz Scri-pturæ loca, quibus, vt dicebam, motus non cælis, sed astris attribuitur; melius tamen alij docent astra non moueri im-moto cælo; atque adeò Scripturam sa-cram, dū motum solis astris adscribe-re videtur, id facere vt se se nostro ca-ptui, quantum fieri potest, aut satis est, accommodet, tribuendo rebus, quas vi-demus, quod tamen alijs etiam præci-puè conuenit: vnde etsi cælorum opes, sydera moueātur, quibus vt nodi ligno, stellæ, atque planetæ continuæ sunt, his tamen, & non illis motum concedit, vt facilius concipiamus, quod alioquin, nisi ægrè intelligere non potuissimus.

X. ad illud libri Iob cap. 38. *Concen-tum cæli quis dormire faciet?* examinati potest opinio Pythagoræ de Musica cæ-li; cum enim ad officinam quamdam di-uertisset, vbi fabri ignitum ferrum icti-bus moliebant, obseruauit, ex ictu mal-leorum, certa proportionē, & interval-lis repetito, compositū quid ac sibi con-sonans ad auditum peruenire. Itaque rem diligentius considerans, in ea sen-tentia, quam iam pridem animo agita-bat, confirmatus est, vt crederet doce-retque; ex astro-rum circumductu, & pri-mi orbis sphaerarumque subiacentium rapido impetu, admirabilem quemdam concentum, & plenum artis ac suauita-tis cantum effici. Verum cum ex ijs quæ tradit Boetius in 1. lib. Musicæ cap. 3. triplex sit genus Musicæ, vocalis, instru-

mentaria, & mundana, vocalis, est, quæ modulata vocum varietate constat; In-strumentaria, quæ instrumentis arte ad id compositis editur: vt tibijs, Citha-ris, hydraulis: Mundana, quæ consistit in quarumlibet rerum inter se nexu, cō-sensu, ordine, ac proportionē; cum, in-quam, triplex huiusmodi sit musica, ita concedendum est vltimam competere cælo, pro vt præfatum libri Iob locum interpretatur Hieronymus, vt tamen ne-gandum sit cū Peripateticis de duobus primis, cū id quod ad sonum maximè requiritur, in cælestium corporum mo-tu desideretur, nempe aëris collisio, siue extrusio confertim facta: sine hac enim nullum corpus sonat, quantumlibet al-teri defricetur. Cælestium autem glo-borum superficies, præter quàm quod lænes sunt, & inoffensæ, constat nullum inter se aerem includere. Quo patet, fu-tili ratione adductum Pythagoram con-centum cælis attribuisse; cuius proinde sententiam Diuus Basiliius homil. 1. He-xam. vocat imposturam veteratoriam.

Post ea, quæ breuiter huc vsque in-sinuauimus tam de natura & motu cæ-lorum, quam stellarum, agendum nunc esset ad alia plura sacre Scripturæ loca, de illorum ordine, situ, & distantia præ-fertim Planetarum. Sed quia hæc per naturalis Philosophiæ principia cogno-sci non possunt, eorum considerationem remittimus ad astronomiam cum Ari-stotele; lib. 2. de cælo textu 58. vbi ta-men ad contemplationē Physiologi spe-ctare censens perniciatē, & tardita-tem cælestium motuum, breuiter docet, quantò planeta aliquis superior est, & propinquior ipsi primæ sphaeræ, tanto proprium eius motum, quo scilicet ab occasu ad ortum comæat, tardiorē, esse: & contra, tantò motum quo ab oriente in occidentem rapitur esse velo-ciorē, quantò ad primam sphaeram, magis accedit, tanto vero segniorē, quantò ab ea longius distat.

Quoniam huic operi subiecta mate-ria, vt initio præfati sumus, est corpus simplex, consideratum pro vt moueri loco

loco potest, atque ut certam, & definitam in mundo sedem vindicet: Postquā Aristoteles primo libro de nonnullis attributis vniuersi, cuius fabrica potissimū ē corporibus simplicibus coagmentata est, differuit, & in secundo de celi, & astrorum figura & motibus, alijsque eiusmodi affectionibus copiose egit; agreditur in sequētibz agere de reliquis corporibus simplicibus, hoc est, de quatuor elementis, quatenus graui sunt, & leuia, motusque habent ad loca sibi secundum vniuersi ordinem conuenientia; Circa quæ, vt doctrina ab Aristotele tradita in pluribus à diuina consolidatur Scriptura, ita etiā vicissim ad clariorem illius explicationem, & intelligentiam conducit.

I. igitur ad diuersa sacre Scripturæ loca, quibus sit expressa quatuor elementorum mentio, confert doctrina peripatetica de quaternario elementorum numero; qui, vt in libris de ortu & interitu probatur ex quadripartita varietate primarum tactilium qualitatum, scilicet caloris, frigoris, humoris, siccitatis; nec non ex coagmentatione mixtorum corporum, quæ non ex vno, duobus aut tribus tantum; sed ex quatuor elementis collato inter se fædere emergunt; ita in præsentī colligitur à Philosopho tum ex multitudine lationum, quæ quatuor omnino sunt, duæ ad medium, duæ à medio; seu binæ ad locum inferum, binæ ad superū: tum, ex qualitatibus motricibus, quæ item quatuor censentur; nempe summa leuitas, grauitas summa, leuitas ex parte, grauitas ex parte: tum denique, quia cum cælum motu circulari perpetuo agitur, opus illi est centro immobili, circa quod voluatur; hoc autem centrum (si more physico loquamur) est terra, vt statim dicemus. At si terra in rerum natura existat, necessario danda erunt alia elementa: si quidem, consuevit natura, vnum contrarium alteri opponere, ne si vnum tantum sit, id impune grassetur, & alia cōsumat. Quapropter si existit terra, quæ est corpus grauissimum, & infimum; oportet ignē

esse, quod est omnium leuissimum, & inter corpora dissolubilia supremum locū postulare. At si dantur hæc extrema, danda quoque sunt duo intermedia, nempe aer & aqua: ē quibus hæc cum terra grauitate, ille cum igni leuitate conuenit: hæc igni natiaa frigiditate, ille terræ natiaa humiditate aduersetur. Cur autem Moyses in prima rerum molitione duorum tantummodo elementorum explicatē faciat mentionem, terræ nimirum & aquæ; reliquæ duo tacitus præteriens; cum tamen simul facta esse omnia quatuor elementa, censet Basilius homil. 2. & Damascenus lib. 1. cap. 5. Beda item in Hexameron; vide Petrium in Genesim lib. 1. cap. 1.

II. ad illud Deuteronomio. cap. 4. *Domini ipse est Deus in celo sursum, & in terra deorsum*: iterum ad illud Psalm. 102. vbi regius Propheta volens exprimere maximam quandam distantiam dixit; *Secundum altitudinem celi à terra*; & Proverb. 25. *cælum sursum, & terra deorsum*; inuat doctrina peripatetica 2. lib. de cælo text. 98. asserens terrā in medio mundi loco (quod vocant centrum) esse locatam; nam apud Philosophos sursum & deorsum ita disponuntur in mundo, qui rotundus est, vt sursum quidem ponant in cælo lunæ, deorsum autem in centro mundi; quippe centrum comparisonē totius circumferentiæ, est locus infimus, & vndique à circumferentiā maximè distans; vnde dum Scripturæ locis citatis, sursum assignat cælo, & deorsum terræ, satis indicat eam esse in centro mundi positam. III. Ad alia diuersa Scripturæ loca, quæ sæpe vocant orbem terræ, & ad quadragesimum Isaie caput vbi dicitur de Deo, *qui sedes super gyram terræ*, vel vt habet Hebraica lectio, *qui sedes super globum terræ*; valet eadem doctrina peripatetica 2. de cælo text. 104. pluribus rationibus demonstrans terram esse rotundam, & in figuram orbis conglobatam; contra fuciles & commenticias veterum quorundam opiniones de figura terræ: Anaximander enim dixit eam esse columnarem;

Am-

Anaximenes mēſe ſimilem; Leucippus, tympano; Democritus, diſco.

IV. ad plura eiſdem Scripturæ loca, quibus nunc terræ motus, nunc ſtabilitas tribuitur; iuuat Philoſophica diſputatio num terra moueatur, nec ne; aliqui enim tam ex illo Iob cap. 9. v. 6. *Qui commouet terram de loco ſuo, & columna eius concutiuntur; quam Pſal. 113. A facie Domini mora eſt terra à facie Dei Iacob*; contendunt cælum quieſcere, terram autem moueri; quæ olim fuit opinio Pythagoricorum; melius tamen alij peripateticam ſententiam preferendam putant, & ex clarioribus Scripturæ locis docent, cælum moueri, terrā verò quieſcere, ita vt nullus ei motus, nec circularis, nec repidationis eompetat; Dauid enim in Pſalmo 92. dixit, *firmauit Deus orbem terræ qui non commouebitur*; & in Pſalmo 103. *fundasti terram ſuper ſtabilitatem ſuam, non inclinabitur in ſaculum ſæculi*; & Salomon initio libri Eccleſiaſtiſtes, *Terra autem in æternum ſtat*; & in prioris libri Paralipomenon c. 16. *Deus fundauit orbem inuolubilem*. Ioſue cap. 10. legimus Solem ingenti miraculo præter ſolitem morem Diei vnius ſpatio ſtetiſſe, ac ſub Ezechia per decem lineas in horologio Achab retroceſſiſſe. Quæ omnia ita clarè & apertè probant terræ ſtabilitatem & inuolubilitatem, vt merito Copernicana opinio de illius motu fuerit damnata in Cardinalium congregatione ſub Paulo V. quorum ſequens decretum ſic ſe habet: *Et quia etiam ad noſtitiam præſatæ ſanctæ congregationis peruenit falſam illam doctrinam Pythagoricam, diuinaque Scriptura omnino aduerſantem de mobilitate terræ, & inuolubilitate Solis, quam Nicolaus Copernicus de reuolutionibus orbium celeſtium, & Didacum Aſtunica in Iob, etiam docent, iam diuulgari, & à multis recipi, ſicuti videre eſt ex quadam Epistoſola impreſſa cuiuſdam Patrii Carmelita, cuius titulus, Lettera del R. P. Maeſtro Paolo Antonio Faſcarini Carmelitano, ſopra l'opinione de' Pitagorici, e del Copernico della mobilità della terra, & ſtabilità del Sole, e nouo Pitagori-*

co ſiſtema del mondo; in Napoli per Lazzaro Scoriggio 1605.

In qua dictus pater offendere conatur præſatam doctrinam de inuolubilitate Solis in centro mundi, & mobilitate terræ conſonam eſſe veritati; & non aduerſari ſacra Scriptura. Ideò ne ulterius huiusmodi opinio in perniciem Catholice veritatis ſerpat, cenſuiſ dictos Nicolaum Copernicum de reuolutionibus orbium, & Didacum Aſtunica in Iob ſuſpendendos eſſe, donec corrigantur. Librum verò P. Pauli Faſcarini Carmelita omnino prohibendum, atque omnes alios libros idem pariter docentes prohibendos, pro vt in præſenti decreto omnes prohibet, damnat, atque ſuſpendit &c. de quo vide Merſennium in Geneſim cap. 1. verſ. 10. Mendofam in Viridario lib. 4. problemare 45.

V. Cum diuina Scriptura non vno in loco dicat terram eſſe ſuper aquas: etenim in cap. 20. Exodi ſic eſt: *Non facies tibi ſculptile, neque omnem ſimilitudinem quæ eſt in cælo deſuper, & quæ in terra deorſum, nec eorū quæ ſunt in aquis ſub terra*. Sed clariuſ hoc docet Dauid Pſalmo 23. *Quia ipſe ſuper maria inquit, fundauit eum, ſcilicet, orbem terrarum, & ſuper flumina præparauit eum*; & in Pſalmo 139. *Qui firmauit terram ſuper aquas*, ad huiusmodi locorum intelligentiam, iuuat quæſtio quo fundamento nixa & firmata, terra moueat ſemper inuolubilis. Ariſtoteles enim in lib. 2. de cælo text. 78. ſex vel ſepem commemorat opiniones veterum de cauſa firmitatis & ſtabilitatis terræ, quarum antiquiſſima eſt opinio Thaletis, terram fundatam eſſe ſuper aquas, & veluti inſidentem, & innatantem aquis, ſuſtentari; cui opinioni fauere ac ſuffragari videtur diuina Scriptura in locis ſtatim adductis. Nihilominus peripatetica præferenda eſt ſententia docens terram naturaliter ſuper aquam eſſe non poſſe: nam vt multa prætermittam argumenta, profeſſor quod de terra quæſſitur, idem grauiori ratione quæri poteſt de aqua, ſuper qua ipſa fulciatur atque ſuſtinetur, cum etiã ſit corpus graue: quinimo cum terra ſit grauior

gravior quàm aqua, magis est rationi consentaneum aquam sustentari à terra, quam terram ab aqua: cui rei manifestam, & certam fidem facit, sub qualibet aqua subidere terrâ velut eius fundamentum.

Dicendum est ergò veram stabilitatis & firmitatis terræ causam, esse naturalem eius gravitatem, quæ cùm summa sit, suo pte nutu ac pondere petit infimū mundi locum, hoc est centrum, in quo locata naturaliter quiescit, nec inde nisi per vim extrahi potest, & recta ratio ostendit, & vera philosophia demonstrat. Non igitur mirandum est, terram cùm sit in centro manere immotâ; quin potius ingentis miraculi esset si quoquâ alio moueretur; quocumque enim extra centrum ferretur, necesse esset eam sursum ascendere; omnis enim locus, qui in circulo est extra centrum, centro superior est. Atque hoc idem significare voluit Regius Propheta, cùm dixit in Psalmo 103. *Fundasti terram super stabilitatem suam, non inclinabitur in seculum seculi*: stabilitatem vocans summū illud gravitatis pondus, quo fit vt terra in centro immota permaneat. Huc etiam spectat illud Iob in cap. 26. *Qui appendit terram super nihilum*, hoc est super nullo fundamento seu firmamento; non enim terra in centro posita, quoquam alio eget fundamento quo fulciatur, & sustentetur. Nec verò quod Scriptura citatis in locis asserat, terram fundatam esse super aquam, huic veritati aduersatur, namque id variè exponitur, pro vt ad illa loca videri possunt interpretes facri.

VI. Circa elementum aquæ, cum plura sint Scripturæ testimonia, quibus ex vna parte probari videtur aquam esse altiore[m] terrâ, ex alia verò terram esse aqua altiore[m]; ad illa locum habet grauius & ardua questio, & inter viros doctos nostri temporis, non sine studio & cura tractata an mare quæ est congregatio aquarum tertio die facta à Deo, sit altius, quam est terra: de qua vide Bannechium 1. parte de opere sex dierū,

Biblioth. Theol. Tom. IV.

Pereriu[m] in Genesim lib. 1. Conimbricæ de Meteoris, & alios ab illis citatos.

VII. Circa elementum aeris, Tertullianus in libro quem scripsit aduersus Hermogenem, & Theodoretus in quest. 8. super Genesim putant per illa verba, Genes. 1. *Et spiritus Domini ferebatur super aquas*; Moysen subindicasse elementum aeris, sicut tradiderat elementum terræ, & aquæ. Illud autem ferebatur, aiunt demonstrare, mobilitatem, & agitationem naturalem ipsius aeris seu ventis, vel naturalem aeris situm, qui est vindique supereminens aquis ipsas circumdando.

VIII. tandem ad omnia illa Scripturæ loca, quibus dicitur ignem descendisse, vel cecidisse de cælo, iuuat doctrina peripatetica, quod detur elementum ignis, idque supra omnia elementa, vt in proprio loco, ad Lunæ globum insidete; contra nonnullos ex veteribus Philosophis arbitratos, præter ignem, qui apud nos in vſu est, vel in subterraneis locis gignitur, non dari aliud ignis elementū prope orbem Lunæ. Cuius tamen oppositum suadet flammæ in superum locum euolantis conatus. Nam cum idem totius & partis locus sit: & flamma ignis apud nos excitati confestim supra aerem ascendat: ratio conuincit, naturalem ignis locum supra aerem esse, ita vt totus eius tractus sit à superficie conuexa aeris, vsque ad orbem Lunæ: à quo non nisi per vim descendere potest.

CAPVT IX.

*Quanti referat ad sacræ doctrinæ studium
tertia pars Physica, qua est duorum
librorum de artu & interitu.*

Postquam Aristoteles in prima Philosophiæ parte (in octo nimirum Physicorum libris) de ente mobili in communi, seu de composito substantiali, vt habet in se principium motus, vt sic, differuit; & in secunda (scilicet in libris de cælo & mundo) de ente mobili motu locali egit; iam in hac tertia parte de

A a ente

ente mobili motu generationis substantialis, seu habente in se principium prædicti motus, & aliorum, qui eadem generationi sunt aliquo modo annexi, sermonem instituit. Et merito sanè ordinem hunc Aristoteles obseruauit; cum enim motus localis sit primus inter omnes alios motus; tum quia est communior, & vniuersalior cæteris alijs, ut potè conueniens cunctis fere entibus naturalibus; tum etiam, quia motus localis, nempe cælorum, est aliquo modo causa reliquorum motuum; ideo oportuit, ut post tractatum de ente mobili secundum se sumpto, statim de ente, pro ut est mobile localiter, & præcipue de corporibus cælestibus, quatuorque elementis, quatenus hoc motu dumeaxat mobilia sunt, Philosophus ageret: & deinde in hac tertia Physicæ parte de alijs mobilibus habentibus principium motuum, non communium omnibus corporibus, sed tantum his inferioribus differeret; ut ita ab vniuersalioribus ad minus vniuersalia gradum faceret.

Quia autem generatio substantialis, quæ est præcipua mutatio in hoc opere inspecta, potest considerari dupliciter, vel in communi, & secundum se, vel in particulari, ad eius nimirum species descendendo (quod idem de cæteris alijs motibus ad eam prærequisitis, vel aliquo modo subsequitis dicendum est) ideo Aristoteles in his duobus libris qui de ortu & interitu, seu de generatione & corruptione inscribuntur, de generatione substantiali, alijsque motibus eadem annexis, non iuxta secundum illam particularem, sed iuxta priorem, communemque considerationem, ac proinde de ente mobili, pro ut habet in se principium eiusdem generationis substantialis, aliorumque motuum, ut sic, sermonem instituit, de particularibus eorumdem generationibus & corruptionibus, specialibusque motibus, quibus mouentur, postea acturus. Adeo ut adæquatam horum librorum obiectum non sit sola generatio, & corruptio substantialis, nec solum corpus simplex, seu ele-

mentum, pro ut mobile est ad formam substantialem, sed ens mobile ad formam siue substantialem, siue accidentalem, omnino tamen intrinsecam mobili, id est non resultantem ex aliquo extrinseco, ut per hoc excludatur vbicatio, quæ etsi inhæreat mobili, resultat tamen ex positione alicuius extrinseci, scilicet, adiacentia loci.

Quod pertinet modo ad huius operis partitionem, illud in duos diuiditur libros. In primo sex præcipue partes per decem capita diuisæ sunt; in quartum priori agitur de generatione, quæ primariam sibi sedem inter alios motus vèdicat: in secunda de alteratione, in tertia de nutritione, in quarta de augmentatione, & diminutione differitur: & quia neque generatio neque alteratio, neque augmentatio, aut diminutio, sine actione, & reactione, corporumque contactu esse non possunt, ideo quinto loco de his agitur; sexto verò, quid sit miscibile, quid mixtio, quibus rebus conueniat, & quo pacto dari possit. Deinde secundus liber totus in quatuor elementis explicandis versatur. Licet enim de ijs in tertio, & quarto libro de cælo egerit Philosophus: alia tamen est hoc loco eorum contemplatio. Possunt quippe spectari clementa, vel pro ut certam ac definitam in mundo sedem obtinent, ad quam ingenta propensio, proprioque motu feruntur: vel ut sunt prima generabilia, & corruptibilia, cæterisque corporibus sublunariis ortus & interitus causam præbent. Igitur prior eorum consideratio duobus illis de cælo libris comprehensa fuit: posterior ad hunc librum delegata est. Nam ut loquitur D. Thomas in Proæmio huius operis, qui considerat genus, oportet etià quod consideret causas totius generis: nam scientia per causas habetur: & sic in Metaphysica, quia disputatur de ente, in communi, agitur etiam de primo ente ab omni materia separato, quod est causa totius generis. Cum ergo in ordine generabilium, & corruptibilium, sint quædam prima principia, scilicet ele-

elementa, quæ sunt causa generationis, alterationis, & corruptionis in omnibus alijs corporibus, inde est quod Aristoteles postquam in primo libro de prædictis motibus disputauit, statim in secundo de elementis, pro vt substantialiter generantur, & corrumpuntur, & in alijs corporibus sunt causa generationis, & corruptionis, agit. Hic verò liber in quatuor membra, iuxta ea, quæ per vndeim capita Philosophus differuit, potest diuidi: In primo de primis elementorū qualitibus: in secundo de mutua elementorum generatione: in tertio obiter de mixtorum temperamenti: in quarto tandem de rerū productione agit. Quorum omnium breuē summam in sequentibus tradituri sumus.

Primum igitur etsi non defuerint aliqui ex Philosophis antiquis, quos refert & rejicit Aristoteles, asserentes generationem substantialem esse impossibilem, dicendum tamen est, generationē simpliciter, seu substantialem esse possibilem: Quæ si consideretur essentialiter, tantum consistit in pura quadam naturali resultantia ad formam substantialem determinata, eamque recte definiuit Aristoteles per hoc quod sit *mutatio de non esse ad ens, siue de non esse ad esse*, vel, per hoc quod sit *mutatio à substantia in potentia ad substantiam in actu*: nam licet generatio substantialis possit ex præsupposito miraculo non afferre, actu mutationem, vt contingit quando comburuntur species sacramentales, aut ex illis generantur vermes, quia tamen illam per se petit, estque vera radix illius, recte definitur per mutationem materiæ de non esse ad esse, id est esse substantiale, seu per mutationem à substantia in potentia, ad substantiam in actu, seu (quod idem est) per mutationem materiæ à priuatione formæ substantialis, ratione cuius est in potentia, ad eandem formam, per quam est substantia in actu. Loquendo de termino generationis, pro vt est modo statim dicto naturalis quædam resultantia subsequuta ad antecedentem alterationem.

Biblioth. Theol. Tom. IV.

subiecti dispositiuam, multiplex est, terminus enim *qui*, simpliciter primarius in intentione est compositum ex esse, seu existentia, & supposito, terminus verò qui in executione, ac proinde specificatiuum illius, vt *quod*, non est compositum ex materia, & forma substantiali præcisè, seu natura totalis, sed suppositum ipsum ex ipsa natura totali, & substantia coalescens; vnde inferendū, terminum formalem *quo* partialem generationis esse formam substantialem; totalem verò esse ipsam naturam totalem, quatenus vtraque constituit terminum *qui*; & ita forma substantialis, quamuis in executione sit prior, attamen non est terminus *quo* primarius simpliciter in intentione etiam intra lineam termini formalis *quo*. Quantum ad causam materialem generationis substantialis, quia de tribus tantummodo solet cōmuniter dubitari, an sint illius subiectum, scilicet de materia prima, vt informata forma corporeitatis eidem cōeque, & de composito per generationem, productio, ac tandem de materia prima, nudè sumpta, absque omni forma, tam substantiali, quam accidentali; primum dico generationem substantialem non subiectari in materia informata forma corporeitatis, seu in toto composito, ex vtraque coalescente; deinde nec in toto composito denuo genito, sed in sola materia nudè considerata; quandocumque enim, aliquid est in potentia ad plures, & diuersas formas ordine quodam, prius recipit formam, ad quam est primo in potentia, quam reliquas alias; sed materia prima est in potentia ad formas substantiales, & accidentales ordine quodam, ita vt prius sit in potentia ad illas, vt potè tribuentes esse simpliciter, quam ad istas dantes tantummodo esse secundum quid; ergo non solum in ordine intentionis, sed etiam in ordine executionis prius recipere debet formas substantiales, quàm accidentales, atque adeo subterni non potest generationi substantiæ, vt immediatè affecta quæritate, & alijs dispositionibus accidentibus.

A a 2 Ea

Ea ratione qua certum est dari generationem substantialem; certum etiā esse debet dari corruptionem, nam cum materia sublunaris sit capax recipiendi plures, & diuersas formas, nec valeat esse, saltē naturaliter sub duplici, oportet vt ad ingressum vnus formæ, & generationem noui compositi, expellatur alia forma, & consequenter compositum præexistens corrumpatur; quare reiecta eorum sententia, qui arbitrati sunt, corruptionem esse latentiam rerum apparentium, generationem verò esse exitū rerum latentium, vt Anaxagoras, Anaximander, alijque non pauci, melius cū Aristotele dicendum est corruptionem substantialem, esse transitum materiæ ab esse formæ substantialis ad non esse illius in ipsa materia; vel mutationem totius, id est ex toto, sub eadem comuni materia; sumendo hic mutationis nomen, vt tam posituas & reales, quam negatiuas mutationes comprehendit. Nec enim corruptio positium quid est, sed negatiuum. Quoniam autem in mutatione propriè dicta semper manere debet commune aliquod subiectum, id enim mutationis nomen secum affert, reijcienda sunt per hanc particulam ea, quæ non sunt mutationes, vt V.g. annihilatio; sicut enim actio creandi mutatio non est, ita nec annihilatio; quia in neutra oportet dari commune subiectū, quod transitum à non esse ad esse, vel ab esse ad non esse in se recipiat.

Sic corruptio est mutatio naturalis, non solum pro vt naturale distinguitur contra supernaturale, artificiale, vel id, quod ex principijs naturæ non oritur: ac tandem contra violentum; quia certum est corruptionem substantialem esse mutationem inductam ab agente naturali, & consequenter non debere esse supernaturalem, & similiter non provenire ab arte, ac proinde non esse mutationem artificialem, & deinde oriri ex materia non satiata forma, ac ex forma non satiente materiam, atque adeo oriri ex principijs naturæ, & per consequens non esse violentam, sed iuxta naturam

rei corruptibilis; non solum, inquam, corruptio substantialis omnibus his modis est mutatio naturalis respectu materiæ, sed etiam pro vt ly naturalis sumitur pro termino naturalis inclinationis, et si enim materia non inclinatur per se primo in corruptionem alicuius formæ, secus tamen secundo, quatenus corruptio vnus formæ est necessaria ad acquisitionem aliarum, in quas propendit, sic enim habet suo modo rationem boni, & ideo saltem secundo appeti potest. Vnde etiam dicendum est corruptionem nullo modo quidem intendi per se à natura particulari, bene tamen ab vniuersali, intentione per se secunda; pro vt docet D. Thomas 1. p. q. 22. artic. ad 2. & 3. contra Gentes cap. 94.

Ita generatio substantialis vnus conaturaliter contingens est saltem concomitanter corruptio alterius, quatenus, cum materia nequeat esse denudata ab omni forma, nec habere multiplicem, oportet, vt ad introductionem vnus expellatur alia, & consequenter quod generatio, & corruptio, pro vt conaturaliter contingunt, se mutuo concomitentur; sic, inquam, ratione talis nexus, vel concomitantia, generatio vnus dicitur corruptio alterius, aut vice versa, vt tamen generatio & corruptio nō sint formaliter, aut identicè eadem mutatio, cum habeant terminos ad quos formaliter, & realiter diuersos; quia generatio terminatur ad esse, corruptio verò ad nō esse: esse autem, & non esse, non solum formaliter, sed etiam realiter saltem negatiuè distinguuntur. Cum explicata generationis & corruptionis similitudo, datur etiā inter illas mutuos ordo prioris, & posterioris in diuerso genere causæ, ita quidem vt generatio sit prior in genere causæ finalis, efficientis, & formalis: corruptio verò in genere causæ materialis: sique in illa resolutio vsque ad materiam primam.

Quia alterationem esse satis experientia constat, potest sequens quasi definitio illius formari. Alteratio est motus

bus ſubſtantiæ completæ mobilis ab vna in aliam paſſionem, vel paſſibilem qualitatem habentem latitudinem cum cōtrarietate. Et ſi loquendo de ſpeciebus atomis alterationis, poſſint multiplicari iuxta multipliciſſimam atomam qualitatum, ad quas prædictus motus terminatur: vnde calefactio, & frigefactio, diſtinguntur ſpecie, ſeu quaſi ſpecie, quia calor & frigus ſpecificè diſtinguntur: tamen ſi loquamur de ſpeciebus, vel quaſi ſpeciebus generaliffimis motus alterationis, ſub quibus cæteræ aliæ quaſi ſpecies ambiuntur, dicendum eſt illum adæquatè diuidi in alterationem, intentionem, & remiſſionem, vbi nomine alterationis, quæ eſt primum membrum huius diuiſionis, non intelligitur alteratio, vt eſt quaſi genus ad omnem alterationem ſucceſſiuam, & dicit acquisitionem qualitatis cum motu, abſtrahendo ab hoc, quod eſt totam qualitatem produci, vel eam iam productam intendi, & remitti: ſed alteratio, vt dicit ſpeciem productionem ſucceſſiuā totius qualitatis, quæ antea non erat: nam ſepiſſimè ſit diuiſio generis alicuius in ſpecies, quarum altera propter nominis penuriam vindicet ſibi generis nomen. Vnde alteratio pro vt conſtituit primam quaſi ſpeciem alterationis, terminatur ad qualitatem producendo, & conſeruando illam ſucceſſiuè, ſecundum totum ſuum eſſe, & latitudinem, ſeu incrementum non interruptū, quod habet quādiu durat illa actio, per quam prædicta qualitas educta eſt de potentia ſubiecti: intentio verò non terminatur ad productionem totius qualitatis, quia ſupponit illam iam productam, ſed ad nouum modum eſſendi ipſius qualitatis in eodem ſubiecto, ſecundum quod magis radicatur qualitas in illo: remiſſio autem tendit ad eſſe remiſſio eiusdem.

Inter omnia prædicamenta ſolæ qualitates conſtitui intendi, & remitti: taliter tamen, quod qualitates illæ, quæ non ſpecificantur ab aliquo extrinſeco, vt calor, & albedo, aliæque huiusmodi qualitates, non poſſunt ſecundum ſuam for-

mam, & ſecundum ſuam eſſentiam intendi, & remitti, ſecus verò illæ, quæ habent ſuam ſpeciem penes ordinem ad aliquod extrinſecum, & illud variabiliter reſpiciunt, vt ſunt ſcientiæ. Quamuis tam qualitates, quæ ſpecificantur ab aliquo extrinſeco, quam illæ, quæ ab eo non habent ſpeciem, poſſint ſecundum participationem ſubiecti intendi, & remitti, dummodo de earum ratione non ſit indiuiſibilitas. Loquendo de intentione ſtriçtè ſumpta, pro vt nimirum diſtinguitur ab extensione, talis qualitatum intentio non ſit per depurationem earum à ſuo contrario, aut per corruptionem præexiſtentis, & aduentum alterius perfectioris, aut per additionem gradus ad gradum, ſeu qualitatis ad qualitatem, ſed per hoc quod addatur illi nouus modus maioris radicationis in ſubiecto, cuius eſſentia conſiſtit in hoc, quod tribuat qualitatem, V.g. calorem, vt intra lineam caloris inuariata ſemper manente eius eſſentia, ſit magis perfectus, ac proinde ſit, vt ſic dicam, magis ac magis calor, atque adeò poſſit tribuere ſubiecto, quod ſit magis calidum, habeatque maiorem efficacitatem ad producendum magis calidum. Quod idem aſſerimus de augmento veluti extenſiuo qualitatum; nomine autem prædicti augmenti non intelligimus illud, quod conuenit qualitati ob extensionē ſui ſubiecti, quæ ratione calor inhærens in vna medietate manus dicitur extendi ex parte ſubiecti, ex eo quod denuò inhæreat in altera medietate, ſed illud quod conuenit aliquibus qualitatibus ſpecificatis ab aliquo extrinſeco ratione ſui ſpecificatiui, vt ſtatim diximus, quodque à D. Thoma ſolet nuncupari intentio cōueniens qualitati ſecundum ipſam. Tandem motus alterationis propriè dictus, ſive, quod idem eſt, pro vt genus quoddam eſt ad tres ſpecies ſuperius dictas, non ſolum eſt motus ſucceſſiuus, ſed etiam continuus.

Cum experiamur animalia deperdere per continuā actionem caloris naturalis partem ſubſtantiæ quam habent:

maxi-

maximè verò dum in grauem morbum incidunt, postea verò mediante alimento, nouas partes substantiæ acquirere, per quarum acquisitionem damnum illud reparatur; signum est euidentis alimentum illud verè transire in substantiam aliti, & consequenter dari ibidem veram nutritionem in hoc transitu, seu conuersione consistentem; vnde nutritio, proportionaliter ad ea, quæ superius diximus de generatione substantiali, cum etiam aggeneratio vocetur, si consideretur pro vt est actio, & productio, ita consistit in alteratione illa, per quam alimentum virtute potentie nutritiæ, & animæ, vltimatè disponitur ad hoc, vt conuertatur in substantiam viuam aliti; vt tamen, si consideretur in ratione mutationis, sit transitus materiæ eiusdem alimenti in substantiam viuam aliti. Vnde etiam satis patet nutritionem, & augmentationem tam vt actiones, quam vt mutationes, realiter inter se distingui; non solum quia recipiuntur in subiectis realiter distinctis; nam nutritio, vt actio, subiectatur in alimento corrumpendo, ex eo quod terminus primarius illius, scilicet vltima dispositio antecedens, in eo subiectatur; vt mutatio verò, & transitus immediatus ad formam substantialem aliti recipitur in materia prima; at augmentatio tam vt motus, quam vt actio, recipitur in toto composito quod augeatur; non solum, inquam, ex hoc capite realiter inter se distinguuntur nutritio, & augmentatio, tam vt actiones, quam vt mutationes; sed etiam quia habent terminos primarios, & immediatos realiter distinctos; si quidem terminus primarius nutritionis, vt actio, est dispositio illa, per quam vltimatè disponitur materia alimenti pro transitu illius in substantiam aliti: terminus verò immediatus, & primarius eiusdem, vt habet rationem mutationis substantialis est forma substantialis viuensis, iam præexistens, in cuius substantiam prædictum alimentum conuertitur: similiter terminus primarius & immediatus augmentationis, tam vt est motus, quam vt actio

est maior quantitas viuensis, quia semel productio viuente, intenditur per se primo à natura, quod fiat maius, atque adeo habeat maiorem quantitatem, à qua formaliter communicantur substantiæ partes, & esse maiorem, vt ita possit exercere debitè suas operationes, quas tamen sine illa debitè, & perfectè exercere non poterat.

Nutritio est mutatio non solum successiua, sed etiam continua, nomine mutationis continuæ solum intelligendo eam; quæ licet aliquando interrumpatur & desinat: nihilominus quamdiu durat, non interrumpitur, sed habet successiue, & continuo durare; vbi notandum nos non dixisse nutritionem esse motum continuum, sed mutationem continuam, quia substantia non potest per se terminare motum, atque adeo nutritio ad eam terminata nequit rationem motus habere, sed mutationis tantum, quæ etiam in tantum est continua, in quantum augmentatio, quam nutritio necessariò, & simpliciter concomitatur, ne detur aliquando substantia sine debita quantitate, est etiam successiua, & continua: fitque admodum illius; Et si tam nutritio, quam augmentatio, vtrumque considerata conueniant rebus inanimatis, vt satis per se patet, nihilominus tamen loquendo de illis propriè & in rigore, sola viuencia nutriuntur & augentur, quatenus augmentum proprium, & rigorosum, non fit per iuxta positionem, sed per intuitum sumptionem, & virtutem intrinsecam rei, quæ augeatur, ad hoc destinata. Cum hoc sit discrimen inter nutritionem, & augmentationem; quod nutritio per se ordinatur ad instaurandum, quantum fieri potest, id quod per calorem naturalem continuè de propria substantia deperditur: augmentatio verò ad tribuendam viuenti debitam quantitatem in ordine ad rectè exercendas suas operationes; hinc nutritio debet esse continua, totoque tempore vitæ durans; secus verò augmentatio; nam sicut deperditio substantiæ est continua, & semper durans, ita etiam instauratio debet eodem modo

modo durare : ſicut quia augmentatio ordinatur tantum ad debitam quantitatem, qua operationes viuents recte exercentur, acquirendam : ita ea ſemel acquiſita, talique ſine ceſſante debet & ipſa augmentatio ceſſare. Suppoſito quod augmentatio proprie dicta ſit motus à minori ad maiorem quantitatem per virtutem intrinſecam viuents, tres poſſiſimum ad illam requiruntur conditiones, prima eſt, quod ſia adueniente aliquo. Secunda, vt eius, quod augetur, qualibet pars augetur. Tertia, vt res aucta eadem permaneat toto tempore augmentationis.

Rarefactionem, & condenſationem poſſe eſſe in rerum natura ſatis patet experientia, qua videmus non ſolum aquam, ſed & alia plura nunc condenſari, nunc rareſceri ; quia autem rarefactio, & condenſatio conſiſtunt in mutationibus per ſe primo terminatis ad rarum, & denſum, ſciendum eſt rarum ſecundum Philoſophum eſſe illud, quod ſub magnis dimensionibus parum continet materiæ. Denſum verò quod ſub parvis dimensionibus multum continet materiæ : ex quo aliqui deſumpſerunt occaſionem dicendi terminos per ſe primos rarefactionis & condenſationis eſſe maiorem, vel minorem quantitatem, vel maiorem, vel minorem extensionem, aut præſentiam localem ; melius tamen alij volunt rarefactionem & condenſationem eſſe alterationes per ſe primo terminatas ad qualitatem, ac proinde raritatem eſſe veram qualitatem, ſicut & denſitatem, ſi quidem ſunt per ſe primò tangibiles ſicut aſperum, & lene, calidum & frigidum ; nam hoc ipſo quod aliquid ſit rarum, vel denſum poſſeſt per ſe, & ratione ſui diſcerni per tactum ; vnde ſicut ob hanc rationem quatuor prædicta pertinent ad tertiam ſpeciem qualitatís, ita & iſta duo ; accidentia enim illa, quæ per ſe primò cauſant paſſionem in ſenſu, pertinent ad tertiam ſpeciem qualitatís, ſcilicet paſſionem, vel paſſibilem qualitatem.

Quod pertinet ad actionem & rea-

ctionem, de quibus Philoſophus à c. 6. lib. 1. de generat. vſque ad 10. excluſiue, quia acturus de mixtione, in qua actio, & reactio corporum interuenis, oportebat de illis, nec non & de conditionibus ad vtramque deſideratis ſermonem inſtituere ; dicendum eſt, ſimile non poſſe agere in paſſum omnino ſibi ſimile, tam in qualitate, quam in gradu, quamuis ſint diſſimilia in raritate & denſitate ; nõ ſolum quia denſitas, aut raritas, non ſunt formæ actiue, vt communiter docent Philoſophi, ſed etiam quia multitudinem materiæ, & formæ, quæ connoratur in hoc, quod ſubiectum ſit denſius, non auget virtutem agendi intenſiue, ſed extenſiue tantum. Insuper ad hoc vt agens agat, ſi loquamur de reſiſtentia paſſiua, vel formali, requiritur quod ſit maior virtus agentis, quam reſiſtentia paſſi ; dixi ſi loquamur de reſiſtentia paſſiua, duplicem enim, quo ad præſens attinet, reſiſtentiam diſtinguere debemus, aliam actiuam, aliam verò paſſiuam : illa prior conſiſtit in actione, qua vnum agens contrarium agit in aliud debilitando. illius vires, & hoc modo ignis reſiſtit aquæ agendo in illam, & diminuendo eius frigiditatem. Hæc verò poſterior ſita eſt in hoc, quod paſſum ratione diſpoſitionis aliquo modo contrariæ, ſeu ineptæ effectui producendo, ita elongetur, & impediatur à receptione illius, vt diſſiculus illum recipiatur, atque adeò ab agente valde tenui, & prædictam diſſicultatem vincere non potenti, pati nõ poſſit : quo pacto ingens lapis reſiſtit conanti illum mouere, quia nonniſi diſſiculus à ſuo loco poeſt extrahi, & per conſequens nonniſi ab agente diſſicultatem illam ſuperare valenti : idè autem reſiſtentia hæc vocatur paſſiua, quia poſita eſt in diſſicili quadam capacitate ad formam recipiendam, quamuis etiã ſoleat reſiſtentia formalis nuncupari, ex eo quod paſſum ratione alicuius formæ, ſeu diſpoſitionis quam habet, non verò media aliqua actione elongatur modo iam dicto à receptione effectus, vel formæ aliquo modo contrariæ formæ præ-

existenti. Loquendo igitur de hac posteriori resistantia, oportet, ad hoc, vt agens agat, quod sit maior virtus illius, quam resistantia passu, quia alias non esset ratio, ob quam non posset quævis virtus actiua mouere quemcumque lapidem quantumuis ingentem; si enim nõ requiritur excessus virtutis supra resistantiam lapidis, non apparet, cur per quamcumque virtutem non possit moueri. At si loquamur de resistantia actiua, tunc bene potest vnum agens agere in aliud, vt est passum respectu illius, quamuis resistantia vnus sit maior, quã virtus actiua & influxus alterius; nam ignis v. g. calidus vt octo, & aqua frigida vt septem, agunt & reagent ad inuicem. Tandem loquendo de illis agentibus, quæ communicant in eadem materia ad inuicem transmutabili, ac proinde de his, quæ sunt inter se contraria, dicendum est omne agens, dum agit per actionem physicam & corruptiuam repari à passu, ita vt mutuum ordinem agentis & passu inter se habeant.

Etsi aliqui vniuersaliter negent, mixtionem esse possibilem, loquendo de mixtione propriè dicta, secundum quã plura corpora, vel particule eorum, ita coniunguntur, vt ex eis, media eorundem alteratione, & corruptione, resultet aliquid vnum substantiale distinctum ab omnibus illis; melius tamen cum alijs dicendum est mixtionem sic consideratam, tam ex quatuor elementis, quam ex quibuscumque alijs miscibilibus esse naturaliter possibilem. Descendendo ad mixtionem in particulari, vtrum inter liquores sit vera, & propria mixtio? Etsi aliqui negent absolute liquores, siue illi sint eiusdem, siue diuersæ speciei, posse misceri mixtione propriè sumpta, sed solum apparenter; melius tamen alij distinguunt, non posse quidem fieri veram, & propriam mixtionem inter liquores non habentes qualitates, secundum quas possint agere, & reagere, ac proinde non habentes qualitates contrarias; secus verò inter liquores diuersæ, aut eiusdem speciei, habentes qualitates con-

trarias, ratione quarum valeant ad inuicem agere, & reagere. Restatque proinde iudicanda est definitio mixtionis, quam tradidit Aristoteles, scilicet quod sit miscibilium alteratorum vnio; ex quorum miscibilium conditionibus, desumuntur etiam plures ad veram & propriam mixtionem requisitæ; prima est, quod id, quod miscetur, sit separatum, antè mixtionem; secunda quod ex miscibilibus aliquod aliud compositum substantiale, scilicet mixtum, generetur; miscibilia autem ipsa corrumpantur, ita tamen, quod aliquo modo maneant in mixto: quia mixtio substantialis, de qua in præsentem sit sermo, non est idem quod aggregatio & compositio ex pluribus, alioqui cælum, aut elementa composita ex suis partibus, essent mixta: si autem miscibilia manerent secundum suas entitates substantiales in mixto, & non generaretur aliud compositum, eis corruptis, tunc mixtio nihil aliud esset, quam aggregatio aut compositio ex miscibilibus; sicut etiam si miscibilia non manerent aliquo modo virtualiter in mixto, non intercederet vera mixtio, sed corruptio pura, & nuda. Tertia conditio est, quod miscibilia sint mutuò actiua & passiva, ita tamen vt vnum non nimis prædominetur alteri, sed in ea proportionem, & excessu, qui petitur à forma, ad quam mixtio illa ordinatur, & proinde, quæ sufficiat ad vtriusque ex miscibilibus corrumpendum: cuius conditionis ratio est, quia si vnum ex alijs miscibilibus nimis excederet aliud, tunc non resultaret ex mixtione tertium quoddam compositum à miscibilibus distinctum, sed illud, quod nimis dominaretur alteri conuerteret illud in propriam substantiam, atque adeo non intercederet ibi vera & propria mixtio, sed pura, & nuda corruptio vnus, & accretio alterius: vnde gutta vini, inquit Philosophus, in mille millibus amphoris aquæ non miscetur, soluitur enim species, & transmutatur in totam aquam. Quarta tandem conditio est, quod miscibilia sint ad inuicem diuisibilia, vt vnum possit peruenire par-

tes

res alterius, & eas interfecare, & è conuerso: nam cum miscibilia debeant mutuo agere & repatisita vt ex eis fiat mixtio, cuius quelibet pars sit mixta, ac proinde in ea virtualiter maneant miscibilia, oportet, vt prius inter se misceantur, per mixtionem improprie, & vulgariter dictam, scilicet, per hoc quod quodlibet peruatat partes alterius, & eas interfecet, & inter se confundantur. Quia autem miscibilia manere virtualiter in mixto potest intelligi dupliciter, vel ex eo quod forma illorum virtuali, & eminenti modo in eo continentur; vel ex eo quod solum secundum suas qualitates in eo permaneant; etsi aliqui putent elementa ideo permanere virtualiter in mixto, quia forma substantialis illius continet virtualiter, & eminenter formas elementorum, ad eum modum, quo anima rationalis virtute continet sensitiuam & vegetatiuam; melius tamen cum alijs dicendum est, elementa manere virtualiter in mixto, quia manent in illo quatuor primæ qualitates ad mediocritatem redactæ, scilicet calor, frigiditas, humiditas, & siccitas quæ sunt propriæ virtutes eorum.

Elementum Græcis στοιχειον, sumptum pro quatuor vulgatis mundi elementis, secundum quam notionem, de elemento agimus in præsentia, definitur ab Aristotele, esse id, vel corpus, ad quod alia corpora diuiduntur, intus existens potentia, aut actu; ipsum autem est indiuisibile in altera specie, siue diuersa secundum speciem. Quoniam autem elementorum essentia, partim forma, partim materia continetur, explicandum occurrit, quænam eorum forma sit. Nam de materia constans est Philosophorum opinio, eam esse eandem, quæ cæterorum sublunarium corporum, vt reciproca eorum commutatio palam testatur. Circa formam verò arbitrantur aliqui quatuor primas qualitates esse essentielles elementorū formas; melius tamen alij asserunt elementa suam habere formam substantialem, ex qua constent, à quatuor primis qua-

litatibus distinctam. Primæ qualitates ex communi Philosophorum consensu appellantur, quæ nec ex alijs, nec ex se mutuo fiunt, sed ex ipsis oriuntur cæteræ; suntque numero quatuor, calor, frigus, humor & siccitas, nec plures nec pauciores; & quamuis aliqui Philosophi putent frigus, & siccitatem non esse qualitates positiuas, sed dumtaxat priuationes caloris, & humiditatis, eo potissimum nixi argumento, quod videamus corpora solo caloris abcessu refrigerari, vt qui riget in tertiana, quod similiter dicendū videtur de corporibus, quæ humore consumpto inarescunt: melius tamen alij docent non solum calorem, & humorem, sed etiam frigus, & siccitatem esse qualitates positiuas, quas singulatim Aristoteles definit in hunc modum: Calidum est, quod ea congregat; quæ sunt eiusdem generis, vt patet in igne, qui aurum cum alijs metallis permixtum ab illis eximit, & in vñum cogit. Frigidum est, quod congregat tam ea, quæ eiusdem generis sunt; quàm quæ alieni, vt patet in glacie, & alijs frigore concretis; in quibus pleraque alieni generis frequenter insunt, vt lapides, ligna, animalia &c. Humidum est, quod termino proprio non terminatur, cum facile possit terminari alieno, vt apparet in aqua, & ijs quæ aquea sunt, ea namque perpetuò dissolunt, nec nisi alieno corpore, ac termino continentur. Siccum denique est, quod termino proprio facile terminatur, vel concluditur, male autem alieno, vt videre est in terra, & lapidibus sicca natura constantibus. Quia autem quatuor primæ qualitates triariam quo ad præsens attinet, spectari possunt. Vno modo quatenus mixta corpora ex ijs concresecunt; intellige secundum accidentariam compositionem. Altero quo ad rationem vniendi, & quatenus reddunt subiectum facile, aut difficile terminabile. Tertiò in ordine ad primas ac magis proprias earum actiones, videlicet calefactionem, refrigerationem, humectationem, exsiccationem. Si considerentur primo modo, omnes

sunt passivæ duntaxat, sic enim habent rationem materiæ, quæ nullam agendi vim possidet: si secundo, earû duæ sunt agentes tantum calor, & frigus, duæ tantummodò patientes, humor & siccitas; quia unire est agere, calor verò & frigus uniunt; terminari vero facile aut difficile, est quoddam pati, pertinetque ad potentiam passivam. Si quatuor denique primæ qualitates tertio modo sumantur omnes sunt actiivæ, quamvis calor & frigus magis actiiva sint, quam siccitas, & humiditas.

Circa divisionem elementorum, licet antiqui Philosophi in varias sententias abierint circa numerum elementorum, nihilominus quia omnes illi levi, & contemnendo fundamentum nitentur, ideo eis suppressis dicendum est cû Aristotele, & cæteris alijs Philosophis, elementa tantum esse quatuor, ignem, aerem, aquam, & terram; cum enim ex primis qualitatibus, scilicet calore, humiditate, frigiditate, & siccitate, tantum sint possibiles istæ quatuor combinationes naturales, scilicet calidum, & siccû, calidum & humidum, frigidum & humidum, ac tandem frigidum & siccum; tantum etiam sunt constituenda in rerû natura quatuor prædicta elementa, quibus prædictæ combinationes sunt contrariæ, quia ignis est calidus, & siccus, aer verò humidus & calidus, aqua autem humida & frigida; ac tandem terra frigida & siccæ. Vtrum autem singulis elementis singulæ in summo qualitates insint, & quæ quibus? est difficultas inter Philosophos, aliqui enim putant unumquodque elementum unam è quatuor primis qualitatibus in summo gradu obtinere; aliam vero in excellenti gradu tantum; ita ut summus calor conveniat igni, siccitas autem infra summum; summa humiditas aeri, calor verò infra summum; summum frigus aquæ, humiditas autem infra summum; summa tandem siccitas terræ, frigiditas verò infra summum. Melius tamen alij cum Divo Thoma docent non esse necessarium quod unicuique elemento in

suo naturali statu competat una qualitas in summo; sed ignem simul esse summè calidum, & summè siccum; aerem neque esse summè calidum, neque summè humidum, sed utramque qualitatem habere in debita proportionem, & temperie, seu quasi temperie; & quamvis probabile sit, aquam esse summè frigidam, nihilominus probabilius esse, illam esse summè humidam, & citra summum frigidam; terram autem esse summè frigidam, & citra summum siccam. Vbi notandum est primò qualitatem quæ elementis in excellenti, non tamen in summo gradu competit, probabilius non habere in illis permutationem contrariæ qualitatis, quamvis aliqui oppositum teneant. Secundò qualitates symbolice, id est, quæ sub eodem nomine pluribus elementis insunt, ut calor aeri & igni; humiditas aquæ, & aeri; siccitas igni & terræ, non distinguuntur inter se specie, ut quidam opinati sunt, sed pertinent ad unam & eandem speciem infimam, ut docet D. Thomas in quæst. de spirit. creat. artic. 3. ad 19. sicut etiam elementaris calor, celestis, & vitalis, omnesque in uniuersum calores sunt eiusdem speciei. Tertio licet duæ qualitates primæ contrariæ in gradibus remissis possint eidem rei inesse, ex D. Thoma 1. p. quæst. 76. artic. 4. secus tamen in gradibus intensis naturaliter loquendo.

Quantum ad mutuum elementorum generationem, dicendum est primò posse ex quolibet elemento quodlibet immediate generari, ut ex aere ignis, & è contra; ex igne aqua, & è conuerso, & sic de alijs; cæteris tamen paribus facilius est transitus inter elementa symbola, quàm inter dissymbole; quæ facilitas duobus modis potest intelligi, uno ut facilius conuerti, idem sit, ac pauciora in conflictu amitti; altero, ut idem sit atque celerius conuerti. An autem, ut ex uno elemento potest generari aliud, ita ex duobus possit aliud tertium generari? pro explicatione notandum est dupliciter posse intelligi, quod duo elementa concurrant ad generandum aliud

tertium. Primo, ita vt vtrumque non corrumpatur, sed vnum destruat, & aliud quod remanet educat ex illo aliud tertium; & hoc modo certum est, posse ex duobus elementis fieri vnum tertium, quia ignis, agendo in aquam, potest destruere illam, & inde resultare aer. Secundò, ita vt vtrumque corrumpatur, & hoc adhuc dupliciter, vel ita vt per actionem alterius tertij agentis id fiat, & hoc modo etiam constat posse ex duobus elementis fieri aliud specie ab vtroque distinctum: si quidem ex aere & aqua potest optime fieri ignis, si detur alius ignis ab omnibus his distinctus, qui aerem & aquam destruat, & ex illis formam ignis educat; vel ita vt non detur tertium elementum, quod corrumpat duo priora elementa, sed inter ea sit mutua actio, per quam ad inuicem corrumpantur, per quamque aliud tertium elementum generetur, atque adeò non solum ex illis, scilicet in genere causæ materialis, sed ab illis, nimirum in genere causæ efficientis, prædictum elementum attingatur; & in hoc sensu negant aliqui duo elementa posse concurrere ad generationem alterius tertij elementi specie distincti; melius tamen distinguunt alij; ex duobus videlicet elementis symbolis ad inuicem corruptis non posse aliud tertium elementum, specie distinctum produci ab vtroque; secus autem ex duobus elementis dissymbolis; ita vt ex igne & aqua fiat terra & aer, ex aere vero & terra, ignis & aqua.

Postquam Aristoteles de elementorum mutua generatione egit, mox ad generationem mixtorum, & eorum temperamenta explicanda accedit, quia autem circa generationem mixtorum, aut quorumcumque aliorum, quid dicendum sit, satis constat ex dictis libro 1. ideo solum hic, de temperamentis mixtorum superest breuiter agendum: Primumque dico temperamentum non esse relationem, nec quintam qualitatem, eamque simplicem, diuersam à primis, ex earum tamen actione, & perpeffione ortam, quam aliqui complexionem vocant; sed

Biblioth. Theol. Tom. IV.

tantum esse quatuor ipsas primas qualitates ad moderationem, seu mediocritatem quamdam redactas. Circa diuersitatem temperamentorum, varia traduntur tam medici, quam Philosophi, duæque in primis se offerunt temperamentorum differentie in genere, nempe vniforme, & difforme: vniforme est illud, in quo omnes illæ quatuor qualitates sunt in æquilibrio, id est, in omnimoda æqualitate, & pondere, soletque appellari medium, siue temperatissimum, seu ad pondus, quia in eo qualitates quasi æquo pondere librantur (si verum est illud esse naturaliter possibile, de quo disputant inter se doctores) certum est non posse esse nisi tantum vnicum, si quidem omnimoda æqualitas nullum admittit recessum à medio: temperamentum verò difforme, quod etiam vocatur intemperamentum, vel temperamentum ad iustitiam, est illud, in quo qualitates ab æquilibrio in diuersam latitudinem recedunt, id est, in quo vna, vel duæ qualitates dominantur; quod ideo vocatur temperamentum ad iustitiam, quia cum non vnum tantum sit, vt æquale ad pondus, sed varium; non omnibus idem competit, sed quasi iustitiæ ritum, vnicuique rei, pro naturæ diuersitate, suum. Vnde temperamentum istud iterum diuiditur in simplex, & compositum: difforme simplex dicitur illud, in quo vna tantum qualitas vincit, denominatque, & tres aliæ æqualitatem seruant, vt si in aliquo mixto essent quinque gradus caloris, & gradus humiditatis, siccitatis, & frigiditatis essent æquales, nempe, vt quatuor. Sed hoc rursus in quatuor velut species distribuitur, pro numero qualitatum, quæ quatuor cum sint, vna earum dumtaxat in hoc temperaturæ genere principatum tenet. Difforme compositum est, in quo duæ qualitates reliquas duas excedunt, quod similiter in quatuor membra secatur, pro varietate proportionum, quas primæ quatuor qualitates inter se se mutuo fortiuntur. Primum est in quo abundat calor, & siccitas, quod igneum dicitur, & in ani-

B b a man-

mantibus cholericum appellatur. Secundum, in quo calor, & humiditas, vocaturque æreum, in animantibus sanguineum. Tertium in quo excellit frigiditas cum humore, quod est aqueum, in animantibus phlegmaticum. Quartum, in quo præstat frigus cum siccitate, in animantibus Melancholicum, quod est terreum. Sicque nouem numerantur temperamentorum discrimina, vnum æqualitatis ad vnguem exactæ, octo inæqualia & difformia: quorum quatuor sunt difformia simplicia, quatuor difformia composita.

Descendendo ad temperamenta in particulari, dicendum est iuxta communem, veramque Philophorum & Medicorum sententiam, humani corporis temperamentum, & constitutionem aptissimam esse, ac cæteris longè præstantiorem. Quoniam verò temperamenta, seu qualitatum compositiones, quatuor in hominibus potissimum assignari solent, sanguinea, cholericæ, phlegmaticæ, melancholicæ, difficultas est, quænam harum ad ingenij excellentiam magis idonea sit; sed omissa longiori disputatione, assentiendum puto ijs, qui docent id temperamentum ad ingenij acumen, mentis perspicaciam, & sapientiam accommodatius esse, quod ex bilis & melancholicæ permixtione constat: Nam qui eo præditi sunt ob bilem facile apprehendunt, velociter discunt, motu agiles, & acres sunt: ob melancholiam verò, cum animum ab externis euocent, & in se totum colligant, assidue incumbunt in ea, quæ apprehendunt, diu meditantur, & de ijs, quæ discurrendo inueniunt, constanter iudicant. Etsi enim omnes animæ rationis participes non modo secundum speciem, sed etiam secundum differentias indiuiduales æqualem habeant naturæ perfectionem ut suo loco dicitur, atque adeo facultas intelligendi, quæ ab anima profluit, eidemque inhæret, in omnibus hominibus parem obineat dignitatem, similiterque aliæ immateriales potentie. Quia tamen ad primam specierum intelligibilium pro-

ductionem oportet phantasiam concurrere cum intellectu agente; item, quia dum postea intellectus possibilis in opus incumbit, vna cum eo operatur Phantasia ut docet Aristotel. lib. 3. de anima. cap. 8. dum ait, oportere intelligentem phantasmata speculari: sit inde ut dexteritas & acumen in apprehendendo per intellectum, in componendo, iudicando, discurrendo, alijsque eiusmodi functionibus obcundis à phantasie præstantia magnopere dependeat. Rursus verò quia bonitas phantasie pendet à sensu, & à corpore, in quo inest, sit quoque inde, ut ad nobilitatem ingenij, & acuminis perspicaciam, multum conferat vnus temperamentum præ alio bonitas, sicut etiam & illa omnia, quæ corpus qualitibus bene afficiunt, & in contrariam partem, quæ male. Numerantur inter hæc in primis natalicia sydetæ, apotelesmata, & horoscopi; etenim cælestium corporum virtus licet in animam rationis participem directe non agat, insluit tamen in sensum tam internorum, quam externorum organa; nunc his, nunc illis affectionibus ea imbuendo, pro ratione aspectuum, & irradiationis syderum. Secundò plurimum ad id faciunt progenitores ipsi; tertio regionum & locorum situs; quarto ratio victus; de quibus vide Conimbricenses & alios ab illis citatos lib. 2. de generat. & corrupt.

Quod pertinet modo ad ætatem, & singularum partium in homine temperamenta; circa primum supposita diuisione ætatum, de qua in libris paruorum naturalium agemus, in pueritiam, iuuentutem, virilem ætatem, & senectutem, dicendum est pueritiam calidam, & humidam esse: iuuentutem calidam, & siccam; virilem ætatem temperatam, senectutem frigidam & siccam. De temperamentis singularum partium, relicto, ubi de medicina agemus, longiori forsitan discursu, sic breuiter statuendum videtur. Imprimis circa calorem, cor ut potè natiui caloris fons, reliquas partes calore superat: secundum caloris locum ob-

obi-

obinet spiritus, tertium sanguis, & flaua bilis, quantum simplex caro; deinde iecur, tum lien, tum renes, quibus succedit cutis pari intervallo ab extremis distita. Ab hoc in frigiditatem vergit adeps, deinde cerebrum, etsi hoc confluentibus eo spiritibus non parum caleat. Cerebro frigidior est spinæ medulla, & hac frigidiores sunt nervi, alij alijs magis. Hos sequuntur venæ, deinde arteriæ, tum membranae, atque his omnibus tendones frigidiores sunt; tendonibus vincula; deinde cartilaginee, ossa, pili; denique postremum frigiditatis locum fortitur melancholia, & phlegma. Siccitate autem pilis reliquas partes exuperat: hunc suo quæque ordine subsequuntur os, cartilago, vinculum, tendo, membrana, arteria, vena, flaua, & atra bilis, nervus, qui motui inservit; cutis autem ut calore, ita & siccitate in primis temperata est. Hinc in humiditatem secedit nervus sensioni destinatus; nervus autem humidus est cor, subinde renes, iecur, lien, simplex caro, pulmo, spinæ medulla, cerebrum, medulla ossium, adeps, sanguis, postremo pituita. Tandem circa temperiem quatuor anni temporum; communis auctororum consensus hunc in modum quatuor qualitates anni partibus ascribit. Ver & est humidum, & calidum; Aestas calida, & sicca; Autumnus siccus, & frigidus; hiemps frigida, & humida; sed in quolibet horum temporum tres adhuc varietates notantur: quia principium, medium & finis cuiusque eorum non eandem vendicant temperiem: sed extrema cuiuslibet pars cum vicini constitutione aliquo modo convenit: cuius distinctionis & vicissitudinis, ut finis est, multiplex sublunaris mundi commoditas, ita & causa efficiens est motus corporum caelestium, & stellarum erraticum, præsertim Solis conversiones, & recursus, ut fusius dicetur agendo de astronomia.

Quia autem Philosophus capite ultimo lib. 2. de generat. docuit generationes rerum esse circulares, ita ut ad eandem rem secundum speciem, non tamen

ad eandem numero fiat in generationibus substantialibus; ideo breviter agendum est de possibilitate reproductionis eiusdem rei secundum identitatem numericam, circa quam controuersiam varix fuerunt Philosophorum sententiæ; nam Platonici ut D. Augustinus lib. 12. de Civitate Dei cap. 13. refert, & ex eorum libris constat, arbitrati sunt, confectis syderum, celorumque cursibus, & peracto magno anno, eandem omnino causas, eisdemque effectus perpetuo redituros, ut, v. g. sicut Plato Philosophus Athenis in Academia discipulos docuit; ita prolixis temporum intervalis, sed tamen certis, & idem Plato, & eadem ciuitas, eademque schola, iidemque discipuli repetiri, & per innumerabilia temporum sæcula, eandem scilicet magno anno vertente. Hunc verò annū nonnulli è Platoniceis triginta sex millibus nostrorum annorum concludebant, quo spatio credidit Ptolemæus peragi cursum novæ sphaeræ ab occasu in ortum. Verum tam reiecto Ethnicorum errore, quam etiam aliquorum Philosophorum Catholicorum sententia, qui existimant, id quod interijt posse idem numero per naturam restitui dicendum est, quod semel propriè interijt, idem numero per vires naturæ redire non posse. Sed inquireret aliquis utrum id per diuinam potentiam fieri possit? de hominibus, quorum animus, ijs intereuntibus, permanet, an diuina virtute à morte ad vitam reuocari queant, nulla est inter Catholicos disceptatio. Nam quod possint constat ex testimonijs sacræ paginæ, quæ id sæpè factum narrat, docetque futurum in communi omnium hominum resurrectione, quamvis hanc negarint omnes Ethnici Philosophi. Undè tantum in quæstionem adduci potest, an compositum, cuius forma interijt, vel forma ipsa per se, vel si quid à Deo in nihilum redigatur, an, inquam, idem prorsus diuina virtute reparari queat? negant enim aliqui, melius tamen alij distinguant asserentes, implicare quidem contradictionem eandem numero rem succel-

successiuam semel extinctam reproduci à Deo; secus autem si sit sermo de rebus permanentibus, illæ enim, siue ex parte, siue ex toto perierint, possunt eadē secundum numerum diuina virtute restitui.

His ita circa tertiam Physicæ partē breuiter adnotatis, quantum accurate, illius notitia conducat ad sacram doctrinam, patet primò ex hoc, quod in illa agitur de generatione verbi diuini, cui ita competit definitio generationis uiuentium secundum se, siue secundum suum conceptum abstractum & essentialē, vt tamen nullatenus illi conuenire possit definitio generationis in cōmuni pro vt Theologi docent in tractatu de Trinitate. II. Cū natura totalis nequeat esse terminus *qui* generationis; seu generari vt *quod*; rectē intelligitur cur sacrosancta humanitas Christi Domini nequeat esse, aut dici filia, vel prædestinata, vt ferè omnes Theologi fatentur 3. parte quæst. 24. art. 1.

III. Cum repugnet generationem substantialem subiectari in materia prima, vt informata forma corporeitatis eidem coqueat ad veritatem illius propositionis, corpus Christi Domini in tri-duo mortis fuit idem ac antea erat; satis pater corruptionem substantialem non debere resolui in compositum ex materia prima, & forma corporeitatis, tanquā in subiectum, vt minus probabiliter interpretantur aliqui; sed sufficere quod corpus illud Christi Domini fuerit idem triplici identitate, nimirum, materiæ primæ, subsistentiæ, & existentiæ diuinæ: nam cum ad multiplicationem, & diuersitatem nominis substantiui, requiratur multiplicatio, & diuersitas, tam illius, quod de formali, quā quod de materiali importat, sit inde, vt identitas suppositi, maximè cum identitate eiusdē materiæ, & existentiæ diuinæ, sufficiat ad hoc, vt de illo corpore absolute & simpliciter enuntietur esse idem numero, ac antea erat, quodque natum est ex Virgine, vt docet D. Thomas 3. parte quæst. 50. artic. 5.

IV. Ad illud Philippensum cap. 1. *Ora, vt charitas vestra magis, ac magis abundet*; & Apocalips. *ultimus, qui iustus est, inspicitur adhuc*; inseruit doctrinam de intensione, & remissione qualitatum, inter quas annumerantur habitus infusi & supernaturales. V. Cum in nutritione propriè dicta, alimentum verè conuertatur in veritatem humanæ naturæ, in quantum verè accipit speciem carnis, & ossis, & huiusmodi partium; satis patet illud Matthæi 15. *Omne quod in os intrat, in ventrem vadit & per secessum emittitur*; non debere intelligi quasi alimentum nō transcat in substantiam aliti, vt explicat Magister, non enim dicit Dominus, quod totum quod in os intrat, per secessum emittatur, vt notat D. Thomas 1. p. quæst. 119. sed oportet quod de quolibet cibo aliquid impurum per secessum emittatur: vel potest dici, quod quicquid ex alimēto generatur, potest etiam per calorem naturalem resolui, & per poros quosdam occultos emitti, vt Hieronymus exponit. VI. doctrina de liquorum mixtione valet ad explicandas plures difficultates, circa mixtionem aquæ cum vino in augustissimo Eucharistiæ Sacramento.

VI. Cum ex natura, proprietatibusque quatuor elementorum innumere in diuinis Scripturis desumatur metaphora, vt videre est in dictionario Berchorij, sylua allegoriarum Laureti, aliisque similibus libris, satis patet quantum ad illarum intelligentiam iuuet hæc Physicæ pars, quæ de elementis agit. Nam vt rectè ait D. Augustinus in Exod. lib. 2. cap. 29. de Scriptura discrens, *rerum ignorantia facit obscuras figuratas lectiones, cum ignoramus, vel animalium, vel lapidum, vel herbarum naturas, aliarumque rerum, quæ plerumque in Scripturis similitudinis alicuius gratia ponuntur*. VII. doctrina temperamentorum vtilis est ad explicanda multa circa temperamentū Christi Domini, eiusque pulchritudinē 3. parte quæst. 14. VIII. Cū inter ea, quæ corpus qualitatum bene, vel male afficiunt, locum etiam teneat, regionum & lo-

& locorum ſitus, non ſolum quia aliter ſydera in vnam mundi partem, aliter in aliam inſtunt; ſed quia ipſa ſoli affectio compositioque, quam patet non vbiq; eandem eſſe, diuerſo modo corpora immutat, facile intelligitur, cur D. Paulus Galatas inſenſatos, Cretenſes pigros ac mendaces appellauerit. Alexander enim ab Alexandro lib. 4. Genialiū dierum cap. 13. multorum auctorum teſtimonijs docet non ſolum quanta ingeniorum diuerſitas, ſed quæ vitia ex loci natura, aut celi climate quibuſdam gentibus innata ſint. Nam Græci, exempli gratia, aſſentatores, leues, atque infideles habentur, alioqui ſacundia, & ingenio præſtantes. Cappadoces, Cilices, & Cretenſes fraudulentæ, & mendaces; Aſri ſubdoli; Numidæ leuiſſimæ fidei; Chij petulantiffimi, Galatæ minaces, Cyri cupidi & auari, Alexandrini deriſores & dicaces, Indi & Perſæ otioſi, Lydi & Phryges negotioſi, Emporitani imbelles & barbari, Aetoli & Locrenſes ſe diſfragi, Druidæ Maſſici, Corci diri & immanes, Scythæ rapidi & feroces, Aſiani, Iones, Abydani, Medi, & Arabes effeminati, Siculi varij, Cumani inſulſi, Syracuſani multiplices, Lyguri duri & agreſtes, Hyſpani iactabundi, & glorioſi, &c.

Quod tamen non ita accipiendum eſt, quaſi prædicti mores in ſingulis earum nationū hominibus citra exceptionem inueniantur, cum palam repugnet experientia. Nec quaſi aſtrorum vis, aut climatum natura, hominum animis hos aut illos mores per ſe imprimant: cum vitia, & virtutes (acquiſitæ ſcilicet) comparentur noſtris actibus, qui non ab aliqua externa cauſa naturali, ſed à libera voluntate eliciuntur, imperanturve. Sed eatenus id verum eſt, quatenus eiufmodi externæ cauſæ aliquas imprimunt qualitates corporibus, quæ ad vitioſas, vel honeſtas actiones, vtrumque inclinent, aut promoueant. Quomodo calor impreſſus organo appetitus iracundibilis, animoſitatem excitat, & ad res arduas aggrediendas, atque ad fortitu-

dinis actus conſert: contra verò frigus ignauiam, & timiditatem inducit.

CAPVT DECIMVM.

Quantū referas ad ſacra doctrinæ ſtudiū quarta pars Phyſicæ, quæ eſt quatuor librorum Meteororum, in quibus agitur tam de mixtis imperſectis, quàm de perfectis, ſed inanimatis.

Poſtquam Ariſtoteles in libris de generatione communem elementorum, cæterarumque diſſolubiliū ſubſtantiarum doctrinam explicuit, egitque de ortu & Interitu, de alteratione, & permixtione; accedit in quatuor meteororum libris ad mixtorum naturam ſingularitè ſcrutandam. Quoniam verò eorum, quæ permixtione oriuntur, quædam ſunt mixta imperſecta, hoc eſt ſecundum qualitates duntaxat; vt ros, glacies, pruina, quæ videlicet retentæ propria alicuius elementi forma, quatuor primarias qualitates, calorem, frigus, humorem, & ſiccitatem obtinent: alia mixta ſecundum ſubſtantiam, quæ præter quatuor qualitatū temperiem, propriam formam ab elementarijs ſpecie diſtinctam vendicant: ruſuſque ex hoc poſteriori genere, quædam ſunt mixta animata, vt ſtirpes: quædam animæ expertia, vt lapides & metalla: ſic Ariſtoteles harum rerum explicationē diſtribuit, vt quatuor meteororum libris mixtorum tam imperſectorum, quàm perfectorum anima carentium diſciplinam primum tradat. Vnde ſatis patet, quonam ordine hoc opus cæteras naturalis Philoſophiæ partes antecedit, & ſequatur: quodnamque ſit adæquatam illius obiectum.

Primum igitur, quod attinet ad mixta imperſecta, ſeu elementarias impreſſiones, duplicem veluti materiam illorum diſtinguere poſſumus: vnam remotam, alteram proximam. Materia remota eſt poſſimum terra, & aqua: hæ enim materiam propinquam, ex qua ſunt elementariæ impreſſiones, de ſuo dant.

dant: Materia propinqua est vapor, & exhalatio, ex his enim elementariz impressiones vniuersæ oriuntur; non quidē ex vtraque omnes; sed quædam ex vna, quædam ex altera, aliquæ mixtim ex vtraque. Est autem vapor, halitus, siue spiratio calida & humida, quæ ex humore aqueo prodit; oriunturque ex illa nebulæ, rores, nubes, pluuie, niues, grâdines, & his cognata. Exhalatio verò est anheliitus terræ calidus, & siccus, continetque sub se duas quasi species: vnam, quæ paruo negotio flammam cõcipit, & in ignem mutatur, de qua proximè sunt ignitæ impressiones, vt cometæ, aliæque facies ardentes: alteram quæ non ita facilè incenditur, ex qua proximè venti existunt. Prior è terra pingui, posterior ex aridiori oritur. Ita tamen vt secundum probabiliorē sententiam, nec vapor ab aqua, nec exhalatio à terra specie, substantialive forma distinguuntur, sed accidentaria tantum ratione. Sic quod calida sint, non suppet ingenio, aut interna proprietate; sed ab extrinseco, nimirum virtute, & efficientia solis, reliquorumque syderum, à quibus præcursæ calore, qui attenuandi vim habet, excitantur. Quandoquidem dum substantialem aquæ, & terræ formam retinent, sua natura frigiditatem potius exigunt.

Circa causam efficientem meteorologicarum, seu elementarium impressionum; eum ad earum generationem, ex statim dictis, concurrant vti materia proxima vapor & exhalatio, id erit in primis causa efficiens, earum impressionum, quod istiusmodi materiam ab elementis vocat, & in sublime tollit. Hoc verò maximè præstant sua vi, & influxu corpora cælestia; causa vero instrumentaria, qua corpora cælestia ad hæc effecta vniuntur, est potissimum calor, qui aquâ & terram peruatit, easque attenuando in halitus soluit, quos pariter in sublime effert interuentu leuitatis, quæ calorem ipsum, & raritatem consequitur, vt in superioribus elementis, videtur est. Tandem causa, quæ ipsasmet impressiones,

vti cometam, rorem, pluuiam coagmenat, & perficit, communis quidem sunt eadem corpora cælestia: particularis verò, & proxima sunt calor, frigus, motus, aliæque eiusmodi. Nam calore, supremæ plagæ aëris ignescit exhalatio in cometam, mediæ regionis frigore, concrefcit vapor in nubem & aquam, sæpeque rapida agitatione collisa nubes fulgurat. Quibus accedit actio per antiperistaltism, quam in hisce rebus multum momenti habere fatetur omnes Philosophi.

Tria conceptacula, seu loca solent enumerari, vbi elementariz impressiones, gignuntur. Primus locus est sinus terræ, quæ quidem ex sua natura sic est summè frigida, & in excellenti gradu sicca, vt alias præterea accipiat affectiones, quarum merito quibusdam in partibus magis prompta est, & idonea ad impressiones, in alijs minus. Est enim cavernosa, fungosa, solida, concretaviliginosa, sulphurea, bituminosa. Atque V.g. vbi cavernosa est; ibi concussionēs subit, cum halitus intercepitus, nec exire valens, magno conatu exitum molitur, & terram concutit. Vbi verò vliginosa, humidaque existit, ibi fontium, scaturigines, aut riuiulos effert. Secundus locus est gremium aquæ, quæ similiter ex natia proprietate ita est semmè humida, & excellenter frigida, vt alias etiam affectionum subeat differentias: quandoquidem hic calida inuenitur, illic frigida; hic dulcis, illic salsa, nitrosa, aluminosa, sulphurea, bituminosa. Tertius denique locus est aëris receptaculum, in quo oriuntur, quæ propriè metheora nuncupantur. Dimiditur autem vniuersus aer in tres regiones, infimam, mediam, & supremam. Infima est ea, quæ nos ambit, porrigiturque vsque ad eam partem, quæ iam radiorum solis repercussu non incalescit. Suprema dicitur, quæ inter superficiem concavam ignis, & paulò infra altissimorum montium fastigia intercepta est. Media, quæ inter duas illas iacet. Porro totum aeris elementum suapte natura in excellenti,

non

non tamen ſummo gradu calidum, & humidum, ex accidente variè etiam immutatur circa has, aliasque ipſius affectiones. Nam ſuprema regio, vltra quàm eius natura poſtulet, calida eſt. Primum ob ignis vicinitatem. Secundò ob flammulas ab igni, vt quidam aſſerunt, nonnunquam decedentes. Tertiò quia exhalationibus calidis eò ſubeuntibus aſſidue conſpegitur. Quartò quia cæli, & ignis circumueſtione, quæ calorem ei continenter rapitur. Infima verò regio calida eſt, pluſquam natua eius conditio exigat: minus tamen quam ſuprema. Incaleſcit autem tum vaporibus & exhalationibus, quas è terra & aqua prodeſcentes excipit: tum maximè reflexione radiorum Solis, qui in ſe geminati impenſius calefaciunt. At media regio perfrigida eſt, non ſolùm quia nec perceptio radiorum ſolarium, nec elementaris ignis feruor, nec imperus, quo ſuperior pars in orbem verſatur, eò pertingunt, ſed etiam propter vapores, qui eum eo perueniunt, ſublatis iam impedimentis vtrò ſe ſe ad natium frigus reuocant, aëremque circumfulſum refrigerant; & quia aer ita refrigeratus, cum ex ſuperiori & inferiori parte calido obſideatur, per antiperiſtaſim aſceſcit.

Quoniam autem ex impreſſionibus quædam ignitæ ſunt, quædam non, incipiendo à primis ſciendum eſt, magnæ earum varietatem exiſtere, præcipuæ tamen hæc ferme ſunt, flamma, torris, candela, lancea, ſydera diſcurrentia, ſtellæ cadentes, capræ ſaltantes, ignis perpendicularis, ignis fatuus, ignis lambens, draco volans, Caſtor, & Pollux, Helena, fulgura, fulmina, tonitrua, cometæ, quorum omnium priuſquam definitiones adducamus notandum eſt primò in communi, harum omnium impreſſionũ, ſeu concretionum cauſas ſi ſe habere; earum materia remota eſt corpus terreſtre. Proxima, ſunt exhalationes. Efficieus principalis ſunt aſtra, minus præcipua, & inſtrumentalis ſunt calor, frigus circumſtans, & motus; forma eſt ea, quæcumque earum ex ſua natura debe-

tur. Finis eſt in primis conſumpcio ſuſmoſarum expirationum ad viuendum, incolumitatem & ſalutem. Secundò præſignificatio aliquorum euentuum ex diuino inſtituto. Secundò notandum eſt eiufmodi concretiones multis inter ſe, modis diſferre; magnitudine, figura, colore, moru, loco, tempore, vel duratione. Magnitudine, quia quædam amplæ ſunt, aliæ exiguæ. Figura, quia aliæ rotundæ, aliæ quadratæ, aliæ oblongæ ſunt, aliæ alia effigie. Colore, quia quædam apparent obſcuræ & fumidæ ob denſitatem: aliæ lucentes, & candidæ ob raritatem: aliæ alijs coloribus. Motu quia quædam in orbem eunt raptu cæli, & ignis; quædam naturali ſuo motu ſuſum feruntur; quædam ad latuſ declinant, propter occurſum corporum ſuperiorum, aliasve cauſas, quæ rectam inhibent lationem. Item quædam lento gradu pergunt, vt nonnulli cometæ; quædam magna rapiditate, vt ſydera cadentia. Loco, quia aliæ in ſupremo acris tractu, aliæ in medio, aliæ in infimo, aliæ etiam in terræ viſceribus naſcuntur. Tempore denique, vel duratione diſferunt, quia quædam noctu ſunt: aliæ interdiu; et ſi rarò de die apparenti quædam non patiuntur morâ, ſed tranſuolant, & paulò poſt euaneſcunt: aliæ diuturnæ ſunt.

Iam ergo *Flamma*, ſiue *Fax* defini-ri poteſt meteorum ignitum, æqualiter longum & latum, ſpeciem flammæ, ſiue facis referens. *Torris*, ſiue *Tada* meteorum ignitum magis longum quàm latũ, quod ſucceſſiue inflammatur, ſpeciem torris ſiue tædæ referens. *Candela*, ſiue *Lampas* eſt meteorum ignitum, ſua figura, & luce, candelæ ſiue lampadis ſpeciem referens. *Lancea*, ſiue *trabs ardens*, *iaculum ignitum*, *ſaſcit*, eſt meteorum ignitum, ſua figura ſpeciem lanceæ referens. *Capra ſaltans* eſt meteorum ignitum magis longum quàm latum ſpeciei capræ ſaltantis referens, tum ob ſila quædam inter ſe diſtincta, quæ habet ad latera; tum etiam maximè quia eum ad illa ſimul accenditur, excuſiones quaſ-

Ce dam

dam, & veluti saltus, flamma efficit modo scintillarum emicantium. *Stella* cadens, ascendens, discurrens, est meteorum ignitum speciem stellæ cadentis, ascendentis, discurrentis referens, secundum varias huiusmodi motuum causas; cum magna huiusmodi stellarum copia apparet, truces denunciantur venti; quia signum est materiam ad ventum idoneâ ascendere: licet enim venti minus viscosam expirationem requirant, quam ignitæ concretiones, eadem tamen causa utrosque halitus è terra euocat. *Ignis perpendicularis* est meteorum ignitum, perpendiculari, vel pyramidis speciem referens. *Ignis fatuus* est meteorum ignitum, in infima aëris regione incensum, motum habens inconstantē; facile enim ad motum aeris eicitur, indeq; est quod homines modo insequi, modo fugere videtur. Nam cum nos antecedit pulso anteriori acre pellitur: cum à tergo est, euocato ad nos posteriori aere, simul trahitur. Consimilis ignis frequenter apparet super cæmeteria: & capita eorum, qui in patibulis pendent, quod è cadaveribus viscosæ exhalationes prodeant. *Draco volans* est meteorum ignitum draconis volantis speciem referens, fit enim ex halitu non admodum calido, nec valde coagulato & compresso, qui dum in sublime vehitur occurrens frigidæ nubi ab ea truditur, & vel motu, vel per antiperistaltim accenditur. Quia verò frigidæ nubes impulsu flectitur, curuaturque tanquam draconis venter: quia item subtilior est ex parte anteriori, videturque scintillas ardentes tanquā ex ore vomere, & pars posterior quæ nubem frigidam attingit, representat quasi confictam caudam; fit inde vt meteorum hoc draconis figuram, & nomen habeat. *Castor*, *Pollux*, *Helena*, sunt meteora ignita, in infima aëris regione incensa, quæ in mari apparentia subinde malis, & antennis nauium adhærent. Quod Ethnici vt erant infinitis implicati superstitionibus, cum istiusmodi inflammationes binę conspiciebantur, credebant esse Castorem & Pollucem: cum

vna dumtaxat Helenam; & vnā quidē infaustum exitum nauiganibus significare, binas prosperum: Hæc inquam, distinctio duorum luminum, vel vnus quoad faustæ, vel infaustæ nauigationis significationem vana videtur, nisi aliqua eius physica ratio assignetur; quatenus hæ concretiones, dum huc & illuc discurrunt tempestatis vim & turbulentos ventorum flatus, quibus agitantur indicant: si verò in antennis, alijsve nauium partibus insideant, futuræ serenitatis signa habentur: quia argumentū est frangi tempestatem, & desinere ventos, qui iam exhalationi quietem dant.

Circa *fulgur*, *fulmen* & *tonitru* reliquis varijs veterum Philosophorum de illorum generatione & natura placitis, quæ legi possunt apud Aristotelem, cū illo tenendum est fulgur non esse aliud, quā exhalationem in nube accensam, & igneo colore tinctam: quæ accensio potissimum fit vehemētī spiritus ad nubes collisione. Non semper autem hæc deflagratio contingit, quia non semper materia ad ardorem concipiendum idonea est: quare nec semper ante tonitruū nubes fulgurat. Quoniam autem collisione ac motu exhalatio inardescit, planum est tonitruum, quod per morum editur, definirique potest sonus vehemens proueniens ex collisione exhalationis nube inclusæ cum lateribus nubis vel ex nubis effractione: planum est, inquam, ptius tempore esse, quam fulgur: quamuis fulgur prius cōspiciatur, quā tonitruum audiatur, quia aspectus auditum antevertit. Tandē fulmen est exhalatio ignita, vel accensa è nube magno impetu erumpens, sicque differt à tonitruo, quia tonitruum modo statim dicto est sonus editus; à fulgore, quia spiritus fulguris & rarior, ac minus compactus est. Fulminum genera, seu differentię tres communiter adducuntur: quod cæcæbrat, cum est nimium subtile, & flammeum, cui per angustissimum, proindē effugium sit; quod discutit, vel dissipat, cum est valdē conglobatum, & spiritus coacti admixtionem habens,

sic

sic enim ictu rumpit, & non perforat: quod vrit, igneumque magis est, quam flammeum; unde percussis magnas ignis notas imprimit. Porro fulminum varia sunt effecta, & ex ijs quædam veluti naturæ miracula habentur, vt videre est in authoribus inferius citandis.

Tandem quod attinet ad cometarum naturam, sicut inter omnes ignitas concretiones principem locum obtinent, ita etiam plures de illis inter Philosophos versantur opinionibus; quibus tamen præferenda est illa Aristotelis docentis, cometam non constare natura cælesti, sed sublunari, eiusque materiam esse exhalationem multum pinguem, crassam, constantem partibus bene coagmentatis; nam quæ huiusmodi est flammam concipere, conceptamque diu seruire potest. Cometarum locus est supremæ regio aeris. Incensio cometarum fit, vel motu, quo ignis supremæque aeris regio conuertitur, vel decidentibus, vt quibusdam placet, ab elementari igni in subiectam exhalationem flammulis. Tæpus cometarum nõ omnino certum est; et si enim potissimum autumno gignantur; docuit tamen experientia nullum esse anni tempus, in quo non aliquando cometæ generentur. Similiter cometis non potest durationis tempus ad exactâ regulam definiri, et si vltra sex menses raro visantur. Namque ante Hierosolymæ excidium cometam per integrum annum vbi impendisse narrat Iosephus lib. 7. de bello Iudaico, cap. 44. Motus cometarum non vnus est, sed multiplex secundum varias eius causas. Colores etiam (non quidem veri, quia hos non habent, sed fucati & apparentes) multi varijque sunt. Alij sincero, & quasi argenteo effulgent lumine: alij robur inest sine vlla luce: alij flamma, & hæc non pura & tenuis, sed multum circa se voluens humidi ardoris. Quidam cruenti sunt, & minaces, & toruo ac terribifico præ alijs aspectu. Quæ varietas à materię diuersitate nascitur, vt satis videre est in flamma, quæ cum materia rarior est, candidum ac purum exhibet

Biblioth. Theol. Tom. IV.

colorem, cum crassior & multæ fuliginis fumeum; & sic de cæteris. Astrologi nouem cometarum species tradunt, communius tamen ab eorū figuris diuiduntur in crinitum, barbatum, caudatum. Si enim exhalatio in medio crassior sit; in extremis autem partibus rarior, & subtilior, ita vt lumen circumquaque veluti crines in orbem fundat, crinitus dicitur: si exhalatio versus vnâ tantum partem longè extendatur, caudatū vocant: si modicè porrecta sit, barbatus. Tandem circa cometarum significationem, quædam sunt, quæ vt plurimum à toto illorum genere prænuntiantur. Primum est, vehemens ventorum status: cum enim cometa, nisi ad superâ aeris regionē magna exhalationū copia eleuetur, generari nequeat; necessum est relinqui in medio, & infimo aeris tractu magnam halituum, qui ventos creant multitudinem. Secundum, maris tempestates, quæ ventorum ortum consequuntur. Tertium, siccitas, & sterilitas, quæ euocato è terra succo & spirationibus existunt. Quartum, terræ motus, quia dum exhalationes attrahuntur, liberumque è terræ sinu exitum querunt, concuti, & huc illuc terram agitari contingit. Quintum, aeris intemperies, quam siccus & venenosus halitus inducit præsertim iuxta loca palustria. Sextum, morbi, ij præsertim, qui causas siccæ calidæque sortiuntur. Pervulgatum est etiam cometas principum mortes præcendere; quod cum dupliciter intelligi possit: vel ita, vt cometæ mortem Principum præmonstrent tanquam signa ad id diuinitus assumpta: vel quia morborum causas indicant. Merito prior significandi ratio præfertur & inculcatur à D. Damasceno lib. 2. fidei cap. 17. cum posterior nimium remota sit. Nam quod aiunt Principes delicatius viuere, & humores subtiliores habere, ideoque eos aeris intemperie facilius à sanitate deijci, frivolum est; cum plerique infantes, ac multi in omni ætate nullius notæ homines, regibus delicatiores sint: quibus tamen cometæ nec

Cc 2 mor-

mortem afferunt, nec denuntiant.

Postquam egimus de impressionibus ætæ ignitis: nunc ad eas, quæ ignitæ non sunt, accedendum est; quarum præcipuæ species sunt, colores in aere apparentes, vorago, hiatus, dolium, coronæ, virgæ, parelia, iris, seu arcus cælestis. Igitur notandum est colorum duo esse genera; alij ex quatuor primarum qualitarum admixtione & temperie obveniunt, & in solo corpore mixto ac terminato cernuntur; alij oriuntur ex reflexione luminis: qui adumbrati duntaxat, & apparentes dicuntur, tales sunt qui in aere cernuntur, quorum materia vel est vapor, vel exhalatio, vel aer condensatus, vel etiam aqua; forma lux varie modificata, nec enim diuersam ab ea naturam fortiuntur, vt in libris de anima docetur. Causa efficiens est id quod prædictam materiam ad eiusmodi colores admittendos præparat, itemque lucida corpora & exarsiones, aliaque id genus, quæ lumen ipsum iaculantur. Communis finis est pulchritudo vniuersi. Iam pro ratione horum apparentium colorum, qui in aere cernuntur, & figurarum quibus aer, & halitus in eum cuncti efformantur, solent in sublimi diuersæ rerum species & imagines apparere. Ac primū cum serena nocte multæ spirationes in sublimi constipatæ, medio quidem densiores, reliqua facie rariores inter astrorum lumen, nostrumque aspectum constituuntur, exhibent similitudinem fornæ; quia in medio, quod propter densitatem minus illustratur, profunditas quædam apparet; quæ si magna sit *vorago* dicitur: si parua, *hiatus*; si minor, *dolium*. Huius rei causa est, quia omne obscurum licet æque propinquum, & in eadem superficie sit, videtur nobis remotius ac depressius; nitidum verò propinquius: propterea quod candidum ac splendidum magis oculum mouet; atrum verò & vmbrosum minus. Si autem multæ spirationes, vel nubes æquali densitate in orbem sparsa sub Sole vel Luna, alioue è splendidioribus astris constituta sit, ita vt radius corporis lu-

minosi propter spirationis vel aeris densitatem recta progredi nequeat, sed defiliat, ac per omnes extremitates diffundatur: apparet tunc sub astro splendens circulus more lucidæ coronæ, quem Græci (alon) vocant. Quia autem offert etiam se aliquando ad Solis latera, nubes inæquabili concretionem, alias videlicet partes densiores habens, alias rariores: quarum item nonnullæ facili, alia difficile in aquam verti possunt; cū istiusmodi nubes radijs solaribus penetratur, ob diuersitatem partium varijs imbuatur coloribus: qui quoniā ad nubes cavitatem se se accommodantes, perpendiculariter versus terræ superficiem protenduntur, tale spectrum à virgarum similitudine virgas seu bacillos philosophi appellant. Iam verò cum Soli non infra versus terram, nec è regione, sed ad latera & ex obliquo, hoc est, vel ad austrum, vel ad septentrionem, occurrat nubes apta, quæ proximè in aquam soluat; itemque versus Solem diaphana, & altera ex parte terminata more speculi, à quo imagines reflectuntur: accedit tunc, vt in eam nubem Sol imaginem suam imprimat, tanquam in speculum, quæ inde ad nostros oculos reflexa Solem nobis repræsentat in ipsamet nube. Atque ita duos Soles aspicere videmur: vnum in proprio orbe, alterum in nube; & quia contingit nonnunquam, plures nubes hisce conditionibus, quas diximus, ita collocari, vt imago Solis ad vnā perducta, aliam imaginem in alteram nubem imprimat, & hæc rursus in aliam; sic etiam contingit nonnunquam plures, quam duos Soles simul videri: quod spectrum Græci vocant, (Parylia) quasi, (paraylion) id est iuxta Solem: quia in propinquo scilicet à Sole visuntur, aut quia ad Solis effigiem accedunt. Docet Aristoteles illa Sole ab horizonte ascendente, vel ad eundem descendente, effici; non autem cæli vmbilicum occupante, nisi raro: quia Sol in medio cæli, vnde radios directè, aut minus obliquè ad terram dirigit, donec ad id aeris densitatē soluit.

Tan-

Tandem circa Iridem, siue arcum, caelestem meteora omnia pulchritudine vincentem, relictis diuersis Philosophorum sententijs dicendum est, Iridem esse arcum multicolorem in nube roridat, opaca, & concaua, ex radorum Solis oppositi reflexione apparentem oculis spectantium. Sic primò non cadit iris sub nostrum aspectum, nisi simus inter nubem qua iris splendet, & Solem ipsū constituti; secundò nunquam à nobis in quinto climate existentibus potest iris ad meridiem cerni. cum fieri nequeat, vt versus eam partem maneamus inter iridem & Solem; si quidem oporteret nubem esse ad meridiem: Solem verò vltra verticem nostri capitis, quod in prædicto climate repugnat, vt satis ex se patet. Tertiò possunt eodem tempore simul effici plures irides: idque dupliciter, nimirum si vtraque fiat directè à Sole, v.g. si Sol medium celi teneat, nubes verò apta ad impressionem Iridis, sit altera ad occasum, altera ad ortum; alio modo possunt gigni simul plures irides, videlicet in eodem situ, id est ad occasum, vel ortum; sed ita vt vna fiat primum directè à Sole, secunda verò ex reflexione primæ, ideoque secunda, quia causam minus potentem habet, debilior iam est. Quartò constat colores iridis apparere in nube ex lumine à Sole in eam transmissio, & repulso ad aspectum nostrum, varietque modificato. Quintò quod ad significationem iridis spectat quatuor cõmuniter docent Philosophi, primò esse signum pluuiæ; secundò non esse signum naturale diluuii, siue vniuersalis, siue particularis nunquam futuri. Tertiò esse naturale signum indicans non futuram proximè magnā aquarum eluuiõnem. Quartò ex diuino dumtaxat instituto significare nunquam futuram totius terræ eluuiõnem.

Post ignitas aereasque, hoc est in aere apparentes impressiões, tertio loco succedunt aqueæ concretiones, quarum etiam variet sunt species, nubes, pluuiæ, nebula, seu caligo, nix, grando, glaciēs, ros, pruina, mel, & manna; ma-

re, fontes & flumina. *Nubes* igitur est vapor condensatus in media aeris regione. *Pluuiæ* est nubes in aquam soluta; quia autem aliquandò præter vñtatum naturæ ordinē decidit immixtæ aquis pluuiialibus ranæ, pisciculi, sanguis, lac, lapides, ferrum, duplicem huius rei causam assignant, aliquando enim ad mortaliū terrorem Deo ita causas secundas disponente, immittuntur: aliquando citra vllam rationem portentis accidunt; eorumque causa naturalis est varia cõmixtio exhalationum cum vapore humido, congruenti qualitatū vi. Naturæ author, atque hominū parens Deus, quædam esse voluit signa naturalia vëtorum, tempestatum, & imbrum; quædam item serenitatis: vt eorum videlicet observatio, ad cauenda suspēta tempora, & ad agriculturam, rem nauticam, aliaque nonnulla opportune tractanda, interdum nobis vñi esset. Hæc autem signa latissimè patent, alia namque ab inanimatis rebus, atque in primis à Sole, Luna, Stellis, alia à brutis animalibus ducuntur de quibus videndi auctores inferius citandi. *Nebula*, seu *caligo* est nubis in aquam resolutæ superfuitas. Aqua enim, vapor, nubes, & nebula seu caligo, ita se habent. Ex aqua secermitur vapor: vapor concrefcit in nubem: nubes in aquam soluitur. Verum quemadmodum in rerum viuentiū nutritione quædam alimentī partes in ipsam rei alitæ substantiam transcunt, alia inutiles & excrementitiæ sunt: ita & in nube quædam partes in aquam mutantur, alia ad aquam gignendam ineptæ tanquam nubis incrementa post pluuiam remanent. Vnde has Philosophus quasi sterilem nubem vocat, & nebulam terris incubantem, quam serenitatis futuræ signum esse vult. *Nix* est nubes congelata priusquàm in aquam vertatur, per floccos descendens, vel nubes friabili densitate congelata: quæ nubes tanto maiorem siccitatem obtinet, quàm illa quæ in aquam vertitur; quautò valentioris frigoris efficiētia concrefcit: si quidem frigus, dum stringit,

git, humorem exprimit & foras euocat. Oritur autem candor in niue potissimū merito earum partium, quæ magis aeræ sunt: ob quam item rationem abalbescit spuma. Porro notum est, magnam confectæ aruis utilitatem incubantes niues: non solum quod calidam terræ expirationem repercuttam intus comprimunt, & cohibitu calorem retroagunt in vires frugum, atque radices; verum quod liquorem sensim præbent purum ac leuissimum, & quasi spumam; vnde terra fermentescit. *Grando* est pluuia in aere congelata, sitque tam in infima, quam in media illius regione. *Glacies* est aqua in stagnis, paludibus, fluminibus, alijsue eiusmodi locis congelata. Et quamuis aliqui putent marinam aquam gelu contrahi non posse: aiunt enim, quamuis mare alicubi gelu constringi perhibeatur: re tamen vera non mare ipsum in gelu cogi; sed aduenas aquas fluuiorum, & paludum, quæ in mare influunt, & in eo, quia leuiore, innatant: probabilius tamen esse oppositum innumeræ comprobant experientie. *Ros* est vapor subtilis & tenuis, & in infima aeris regione in aquam conuersus. *Prænuia* verò est vapor subtilis & tenuis in infima aeris regione priusquam in aquam resoluatur congelatus. Vt solent prænuia & ros, si opportunè obuenant, aruis non parum commodare; ita etiam interdū nocent, quia nisi excutiantur, subeunte postea ardore Solis, in eruginem, & putredinem vertuntur. Vnde nonnunquam arborum vermiculatio existit. Item cum ros admodum viscosus est, nec diū à Sole aliquid decoctionis obtinuit, si herbis insidens à pecoribus affatim ebibatur, ventris profluuiū interimit. Ideoque pastores solent, pecudes non antè ad pascua educere, quàm herbas nocturno madentes rore Solis præsentia afflet.

Quidnam sit mel, quoue naturæ officio gignatur, dubitat Plinius lib. 11. nat. histor. cap. 12. Num liquor ille sit cæli sudor, aut syderum salua, aut purgantis se aeris succus. Philosophi autem mellis generationem hoc pacto se

habere docent. Quando vna cum vapore illo tenui, ex quo ros generatur, efferuntur potissimum subluanis temporibus, partes quædam terræ subtiles; ex varia huiusmodi partium cum humido tenui commixtione, si humidum, aqueum non multum dissoluatur, gignitur succus prædulcis, qui herbis, folijs, flosculis, & terræ solo excipitur: atque hic mel vocatur; vnde apes non tam mel faciunt, vt opinati sunt aliqui, quàm iam confectum exportant. Manna consimilem habet ortum ei, quem mel: etenim quando vna cum tenui vapore, ex quo gignitur ros, eleuantur partes terræ subtiles, ita vt humidum aqueum valde excoquatur, maneantque partes terræ cum exigua humiditate, efficitur liquor quidam candidus melliti saporis, qui in arborum ramis, herbis, lapidibus, & terra inuenitur: hic autem Hebraica, vel Syriaca lingua Manna dicitur: copiosiusque colligitur tam in Libano monte, quàm in Calabria. De saccharo putauerunt etiam aliqui esse quidpiam cælesti è rore in arundinibus concretum, vt mel; contraria tamen sententia tenenda est, dicendumque etsi veteribus ars eliciendi saccharū è cannis ignota fuerit, habuisse tamen eos ipsasmet arundines, è quibus id nunc exprimitur, eiusque utilitates in rebus medicis vsurpasse.

Inter aqueas etiam concrectiones mare, flumina & fontes reponimus, non tam ea ratione, qua pertinent ad elementum aquæ, de quo iam supra egimus, quàm secundum quod eorum aliqua diuersas, caloris, saporis, & odoris qualitates participant. Licet igitur aqua suapte ingenio frigida sit: in multis tamen locis per occultos autem calida, & effervescentes, alibi tepida egelidaeque excurrit, & scaturit. Quod probabilius est fieri à materia præcalida & æstuanti; vel etiam nonnunquam ab ignibus, per quos aquarum transcursus est, non aliter ac subditis flammis incalescunt; cuius rei signum est, quod terræ, in quibus ij defluxus visuntur, abundant ignis fomites, vt sulphure & bitumine; & interius æstuant,

æfluant, & inardescunt. Sunt verò istiusmodi aquæ calidæ plerumque admodum salutiferæ, ac præsertim ad depellendos morbos, frigoris noxa contractos, singulari naturæ beneficio cōtractæ. Quippe sulphurata nervis utilis est, aluminata paralyti, similique morbo affectis, bituminata, & nitrosa purgationibus. Similiter, cum sapor & odor sint qualitates ortæ ex quatuor primarum admixtione, atque adeo nec aqua, nec vllum aliud elementum in suo nativo statu possit ijs affici qualitatibus, dicendum est eas ex aliorum corporum tactu & communicatione aquam recipere. Sapo- res igitur adcuiunt aquis; vel quia mixtæ cum terra insipida aliquantulum vi caloris excoquantur: vel quia terram insigni aliquo sapore infectam, lapidemve aut metallum aut concretum succum lambunt: vel quia ebibunt liquidum succum cuiuscumque saporis; vel quia expirationes recipiunt. Primo modo consperguntur aquæ varij generis saporibus. Secundo redduntur acerbæ per loca aluminosa decurrentes: amaræ per nitrosa: falsæ per falsa: acres per plena chalcitidis, Myrios & similiū: ferratæ per ferri venas &c. Ipsædem fermè rationibus odor etiam aquis ingignitur. Nimirum vel quia lambunt terram, olidam: vel quia in se recipiunt halitus adustus, aut succum aliquem odoratum: vel quia habent admixtam terrenam portionem, & nonnihil concoctæ sunt: vel quia in locis calidis detentæ putrescunt: vel alijs modis similibus. Quod pertinet ad falsedinem maris relictis varijs Philosophorum sententijs dicendum est cum Aristotele probabilius, illam provenire, tum ex multitudine adustarum exhalationum, quæ ventis delatæ in mare deiciunt, tum quia ardore Solis coquitur, & id quod tenue est exhalat; sed quia, ut aqua dulcis falsa evadat, non sufficit calor Solis & exhalationes quæ in ipsâ quotidie recidunt, ut satis patet in lacubus, & fluvijs, dicendum est mare ab ipso mundi exordio falsum fuisse, Deo illi falsedinem attribuyente interveniu adu-

starum exhalationum, in tanta copia, & multitudine, quæ ad id sufficeret.

Quarto tandem & ultimo loco sunt terræ, hoc est, quæ in elemento terræ reperiuntur impressiones videlicet terræ motus, venti, & quidam ignes subterranei; quod pertinet ad terræ motum, relictis varijs antiquorum Philosophorum placitis, vera & peripatetica sententia statuit illum fieri ab halitu, seu spiritu terræ visceribus incluso, & foras exire contendente. Etenim cum is viam qua prodeat non inuenit, retrofertur, atque in se reuoluitur, & exitu frustra, quæsito omnes angustias dimouet: di- que effringere claustra & conuellere nititur, motu & tumultum facit. Sic multa sunt terræ motuum discrimina, iuxta variam spiritus positionem situmve, & eius copiam, vel paucitatem. Georgius Agricola quatuor species annumerat: tremorem, cum terram vibrat: concus- sionem cum in sublime & in deucum, commeat: arictationem, cum contrarijs ictibus quatitur: inclinationem, cum veluti fluctus volutatur, vel nauigij more nutat. Porro quemadmodum in homine, sonorum vocumque differentiæ proueniunt, ex varia gutturis & asperæ arteriæ compositione ac qualitate, & ex acris qui emittitur magnitudine: sic diuersitas soni, qui in terræ motibus neces- sario contingit, cum fiat ex vehementi spiritus intus inclusi percussione & cō- sultatione, oritur ex varia cauernarum & cuniculorum per quos meat forma, & ex qualitate materiæ impetum excipientis, & aeris siue exhalationum copia. Itaque ex amplis meatibus soni red- duntur magni: ex angustis tenues: ex recuruis & vario flexu impeditis terribiles & varij: ex lenibus clari & perspi- cui. Item in humidis raucum quiddam sonat; in stagnantibus fluctuat; in duris contra & solidis fremit. Amplo spiritu colluctante vastus: æthui exilis sonus erumpit. Inter præfagia terræ motus nō quidem omnino certa, aut euidentia sed probabilia, reponunt primò Philosophi, si nulla alia causa existente fiat in puteis

tubi-

turbidior aqua, & tetrum odorem efflet. Secundò si aqua in puteis ebulliat, & ascendat; tertio si mare sine flatu repente intumescat: quartò si sit tranquillitas aeris intempestiva; tunc enim multa exhalatio, in terræ sinu contenta, nec in acrem euocata, terram propediem quasabit. Quintò si media æstate ingruat insolitum frigus. Si quidè tunc exhalationes præterito calore in cauernis progenitæ per antiperistafim introfus se se colligunt, terramque contundunt. Vt terræmotus potissimum contingunt Vere & Autumno, crebrius etiam noctu & meridie, quam aliàs, ob aduersas causas, ita & frequentius sentiuntur in insulis, locis cauis & fungosis, montosis; rarius verò in Septentrionalibus regionibus, terrisque admodum calidis, planis, ærenosis & ex limo concretis. Solent autem terræmotus durare, pro exiguitate vel copia spirituum agitantium; ordinariæque non concutitur magnam terrarum spatium, nec vna integra regio: cum nec cauernæ, quibus spiritus diffuunt, adeò amplæ sint; nec tanta spirituum copia in locum vnum colligatur, vt vim suam tam latè extendat. Varij tandem sunt terræmotus effectus, de quibus videndi auctores inferius citandi.

In tradenda materia natutaque ventorum non fuerunt inter se consentientes Philosophi, sed plura de illa habuerunt dogmata, celebrior tamen opinio fuit quorundam existimantium, nihil aliud esse ventum, quàm aërem agitatione commotum, hos refellit Aristoteles lib. I. huius operis verius docens materiam ventorum esse spirationem calidam & siccam. Id quod ita esse multis indicijs ostendit, potissimum quia quibus temporibus magna suppetit exhalationum copia, crebriores sunt venti. Inter diuersas pariter sententias, quamam vi creantur venti, probabilior est eorum motum in hunc modum effici: Solis & aliorum syderum attractu multi halitus, qui vti statim diuimus materia ventorum sunt, confertim in sublime elati, ad mediam aeris regionem perueniunt. Inde

ab acre illo frigido & denso protrusi, re fracto ac dissultanti impetu resiliunt; & quia pulsu deorsum aguntur, & ob insitam leuitatem in superiora contendunt, dum neutra pars vincit, quasi partita cōtentione, neque sursum, neque deorsum, sed oblique fluunt. Notandum tamen tam ad generationem, quàm ad motum ventorum multum conferre peculiarem quorundam astrorum influxum, cum sit experientia compertum, certa syderum coitione, ortu & aspectu maximos ac frequentes ventos existere. Quod pertinet ad ventorum numerum & varietatem, diuiduntur primò venti in Cardinales & laterales seu collaterales. Venti cardinales sunt, qui ab aliqua è quatuor mundi partibus, seu præcipuis angulis spirant; videlicet ab oriente æquinoctiali, Subsolanus, à Meridie, Auster, ab occasu æquinoctiali, Fauonius, à Polo Arcticq; Septentrio. Venti laterales sunt, qui hisce quatuor primarijs adiacent, quorum auctus est numerus crescente decursu temporum, tam philosophorum, quàm naturæ obseruatione; Andronicus enim Cyrrhestes octo statuit, Aristoteles autem vndecim. Verum recetiores Philosophi & hydrographi, qui rem hanc diligentius, & ad vsum nauticum exquisitis pertractarunt, duos & triginta vêtos constituunt, quorum tam schema, quam nomen passim exhibent, qui agunt de Nautica. Diuiduntur secundo venti in generales & prouinciales. Venti generales sunt qui vbique spirant, prouinciales verò, qui in certis dumtaxat prouincijs ac regionibus spirant, nec vltra eum tractum prodeunt. Diuiduntur tertio in ordinarios, & turbulentos siue tempestates, quarum triplex potissimum genus esse perhibetur, omnino periculosum, ac nautis formidabile, videlicet Ecnephas, Typhon, & Prestor. Ecnephas est copiosa & crassa exhalatio nube inclusa, quæ ipsam disrumpens summa vi ad terram fertur, sine inflammatione. Typhon est tenuior & subtilior exhalatio, quæ per angustum nubis foramen erumpens, non recta vt Ecnephas,

phas, sed in gyrum rotata deorsum fertur. Prester est typhon incensus, eoque differt à fulmine, quod fulmen plus habeat flammæ, minus statuum, Prester è conuerso flus statuum, flammæ minus; deinde quia materia fulminis est subtilior. Sunt etiam quædam sydera, quorum exortu procellæ haud raro concitantur, vt Hyades, Orion &c. Tandem circa ventorum affectiones, seu qualitates, sunt in duplici differentia, natiuæ & aduentitiæ, natiuas appellamus, quas venti ab intrinseco, & suapte natura possunt, quæque ipsorum substantialibus formis debentur: atque adeo in eorum opinione, qui ventû exhalationem agitatam definiunt, vt vidimus supra, venti omnes ab intrinseco siccî sunt & frigidi, vt terra cuius soboles sunt: secundum eos verò, qui ventum non solam exhalationem, sed vel exhalationem, vel vaporem agitatam esse arbitrantur; ex ventis alij ab intrinseco siccî & frigidi sũt, quorum nempe halitus è terra prodeunt; alij frigidi & humidi, quorum spirationes ex aqua euocantur. Qualitates autem aduentitiæ ventorum sunt, quæ illis ab extrinseco dumtaxat conueniunt, vnde si sermo sit, de qualitatibus conuenientibus secundum eum statum, quem obtinent, dum vi Solis aliorumque syderum è subiectis elementis in sublime vehuntur, dicendum omnes ventos calidos esse, & siccios, si eorum materia sit exhalatio: vel etsi omnes calidi sint, alios tamen siccios, alios humidos esse, iuxta eorum sententiam, qui etiam vapores ventorum materiam faciunt. Quod si regionum, per quas venti ad nos traiciunt, ratio habeatur, tunc dicendum, secundum earum varietates diuersas induere qualitates. Vnde Septentrionales, qui per loca niuosa & frigida transmeant, frigidissimi sunt & siccî: oppositi verò, qui per mare & loca humentia & calida, vt per zonam torridam ad nos perueniunt, calidi & humidi. Quo etiam fit, vt venti pro qualitatibus quibus imbuuntur, excessu, vel mediocritate & temperie, alij corporibus salubres habeantur,

Biblioth. Theol. Tom. IV.

alij noxij: alij hoc, alij illud morbi genus inuehant. Vniuersim autem omnium saluberrimi sunt Septentrionales venti, & fauonius: noxius auster, quia pollet humiditate & calore, quæ cum aduentitia & aliena sunt, humores corrumpunt.

Vltimum quod in terreis impressio- nibus considerandû occurrit, sunt ignes subterranei, siue qui sub terræ specubus gignuntur; quoniam autem certum est huiusmodi ignes, absque materiæ, ad quam adhærescant seruari non posse, dicendum est primo talem materiam esse potissimum bitumen & sulphur fossile ac sponte nascens, quod viuum appellant, ita tamen vt ad eiusmodi ignes alendos diuque seruandos potiores partes obtineat bitumen, quam sulphur; cum enim multa sint bituminis genera, id de quo in præsentî agimus, est succus quidam admodum pinguis & calidus, liquoris oleacei, & aerei, vnde talibus qualitatibus vberiorẽ præstat fomitem, & diutius permanet. Iam quænam vis subterraneos ignes accendat? dicendum, est non incendi calore Solis vt voluerunt aliqui, sed potius ab exhalatione spiritus cauernis incluso; qui spiritus dum in locorum angustias per antiperistasis frigoris cogitur, vel certè dum hac illac exitum quærit, ipso attritu & confectatione accenditur: quandoquidem motus non caloris tantum causa est, sed etiam flammæ, cum in materiam idoneam incurrit.

Post Meteorologiam seu corporis mixti imperfecti & inconstantis tribus primis Meteororum libris considerationem, quarto & vltimo operis libro agit Philosophus de mixto perfecto, & constanti inanimato, quod quia lapides & metalla mineraliaque omnia, siue sint friabilia, siue liquabilia complectitur, iure merito Mineralogia, siue liber de Mineralibus inscribi potest; de quibus in præsentî breuiter acturi sumus. Igitur incipiendo ab eorum causis dicendum est causam materialem mineralium remotam esse materiam primam, vnum è tribus primis rerum naturalium principiis, me-

Di d

diam

diam seu propinquam quatuor vulgata elementa, cum enim omne mixtum perfectum confectur ex quatuor vulgaris elementis; & fossilia seu mineralia sint eiusmodi, satis constat mediam seu propinquam illorum materiam esse debere quatuor vulgata elementa; proxima tandem mineralium materia, iuxta probabiliorem Aristotelis sententiam est duplex halitus, vaporosus scilicet, qui proprio nomine dicitur vapor; & fumosus, qui proprio nomine dicitur exhalatio, cum enim duplex detur genus eorum, quæ sunt in visceribus terræ, fossilia, scilicet & metallica; vulr exhalationem siccam & fumosam esse materiam proximam omnium fossilium, cuiusmodi sunt sandaracha, ochra, minium &c. & lapides illiquabiles; halitum aurem vaporosum esse materiam omnium metallicorum, quæ sunt aut fusilia, aut ductilia, vt ferrum, aurum, æs. Vbi materiam proximam sumimus, non relatè ad materiam remotam & mediam, sed per respectum ad vltimam mineralium formam; quam etiam materiam proximam puto non distingui specie à media, vel propinqua, si quidem vr diximus supra iuxta probabiliorem Aristotelis sententiam vapor, qui excernitur ab aqua, est verè quoad substantiam aqua, & exhalatio è terra abstracta, est propriè terra. Verùm quia elementa non commiscuntur ad faciendum per se vnum, nisi alterata, cum mixtio sit miscibilium alterationum vnio; alterata autem per attenuatam calorem, prædominante in materia calida, humido, vel sicco, non differunt ab habitu vaporoso & fumoso; hinc est quod pro materia mineralium media, seu propinqua quatuor elementa, pro proxima verò duplicem halitum vaporosum scilicet, & fumosum assignamus. Quod pertinet iam ad causam formale mineralium, certum est illam esse de genere substantiæ, distinguque essentialiter à formis elementorum; si enim lapides, gemmæ, metalla, & reliqua mixta, perfecta inanima carerent propria forma substantiali distincta à formis ele-

mentorum (qua destituuntur nubes, grando, nix, pluuia, & alia huiusmodi mixta imperfecta meteorologica) non possent diu manere in gradu lapidis, auri, gemmæ &c. sed citò resouerentur in elementa, more reliquarum impressio-num meteorologicarum, contra id quod quotidiana demonstrat experientia. Verum autem substantialis illa mineralium forma sit anima propriè dicta, quæ sit principium vitæ, affirmatiuam partem aliqui ex antiquis & modernis amplectuntur; negatiua tamen vt longè communior, ita & verior est, siue loquamur de anima sentiente, siue de anima vegetante.

Nunc loquendo de externis mineralium causis, efficienre, & finali, sunt qui parent mineralia omnia initio mundi à Deo procreata fuisse, neque vllam dari vim illorum effectricem in natura; sed hæc sententia inter alia ex eo sufficienter confutatur, quod sicuti Deus, cum in prima rerum molitione, animalia, arbores aliaque eiusmodi produxit, eisdem vim similia in posterum producendi contulit: sic conueniens fuit, vt licet tunc magnam in terræ gremio metallorum, cæterorumque mineralium copiam (id enim mundi ornatus, & absoluta perfectio exigebat) efflueret; tamen physicis rebus facultatem ad alia etiam mineralia progressu temporum efficienda tribuerit. Quod & ita esse docet experientia, qua compertum est augeri metalla in matricibus. Maneat ergo mineralia ex ordine causarum secundarum, aliquam habere sui effectricem: Quamuis in illa assignanda non satis conueniant; aliqui enim putant principalem metallorum causam esse planetas, quibus singula metalla ascribunt: Soli aurum, Lunæ argentum, Marti ferrum, Saturno plumbum, Ioui stannum, Mercurio argentum viuum, Veneri æs. Addunt etiam nonnulli, sicuti errantia sydera gignunt metalla; ita incerrantia efficere gemmas; & vt proles similitudine parentem refert; ita vnumquodque metallum & gemma facultate sibi insita proprium sydus imitari.

tari, habereque magnam partē proprietatem illius. Verum cum hæc virtutum planetis contentientium ad metalla gignenda distributio, nullis certis rationibus probari poſſe videatur, ideo illa omiſſa dicendum eſt abſolute cauſam quidem vniuerſalem mineralium eſſe virtutem celeſtem; particularem verò virtutem mineralem formatiuam illorum. Vt enim in ſemine virtus eſt formatiua animalis & plantæ, ita in terræ viſceribus, aut etiam in aquis, & animalibus eſt vis formatiua aliorum foſſilium, ſiquemadmodum cum animalia naſcentur ex putri materia, in materia eſt vis generatiua à celo quaſi tranſuſa. Sunt autem huius virtutis duo poſſiſſimum instrumenta; calor nimirum & frigus: calor enim, cuius eſt attenuare expirationem gignit & coquit, frigus verò quod ſuo pte ingenio congregat, eandem expirationem condenſat & coſtipat; ſecundum propriam vniuſcuiusque mineralis naturam. Tandem cum triplex in rebus Phyſicis diſtingui poſſit ſiſis: primus ratione totius: ſic quæuis pars mundi, ideoque & mineralia ſunt propter mundum. Secundus ſiſis eſt ratione præſtantiffimæ partis, ſic res omnes ſunt propter hominem, ideoque & mineralia; Tertius eſt proprius, ſiue qui dicitur rei ſactæ, & nihil aliud eſt, quam vſus quos præſtant homini mineralia ipſa iam genita.

Quod pertinet ad mineralium loca in genere, ſiue an & quælibet elementa ſint mineralium loca? dicendum eſt primò, licet mineralia nec generentur, nec locentur in igne elementari ſub orbe lunæ proximè conſtituto, hæc tamen igni non vulgares habere gratias, quæ cogit, compingit, ſolidatque terrenos halitus in plures metallorum, lapidumque formas, non in terræ ſolum gremio, ſed in media etiam aeris regione, conſeſcente inter nubes halitu, verum hoc rarò contingit. Itaque ordinariæ mineralium, metallicorum præſertim matricæ intra terram ſunt; adeo vt foſſilium patrem eſſe celum, matrem autem

terram non immerito dixerit Trimegiſtus, in illius ſiquidem multiplices cauernas, varioqueſinus, ſpecus & receptus, tanquam in vterum coeunt ex omnibus elementis, plurimi vapores, ſpiritus, halitus, ſucci, quibus illapſi celitus ſyderei influxus, varias in eam materiã tam variè diſpoſitam inducunt formas, lapidum, marmorum, gemmarum. Cui non obſe, quod auri vel argentiamenta in aliquot fluminibus reperiri legantur; non enim propterea hi amnes aurum vel argentum generant; ſed è terra, quã radunt, effoſſum, aut è fontibus in alueos deriuatum ſecum vehunt; Nec eſt vllum aurum pulchrius; videlicet curſu & ritu lotum ac perpolitum. Non deſunt quoque mineralibus ſua in aquis domicilia; experientia enim ſatis conſtat margaritas vel vniones, naſci in mari, electrum, corallium, quod etſi in mari ſic planta, cum tamen in aere eſſetur, in lapidis ſoliditatem tranſgelatur, & concreſcit. Tandem mineralia non ſolùm ſuas habent modo explicato in quatuor elementis ſedes, vbi vel generentur, vel contineantur & conſeruentur, ſed in pluribus etiam animalibus, vt in buſone lapis Buſonius, in multis ſerpentibus lapis Serpentinus, in capris Indicis Beſoard, vide Geſnerum de lapidibus.

Non aliam coronidem deſiderat id, quod de mineralibus generatim huc vſque breuiter adnotauimus; quàm ipſam eorumdem in ſuas ſpecies partitionem; ex qua etiam ſtatim patebit Minerologiæ in ſuas partes diuiſio; quippè cum ſectio obiecti redundet in eam ſcientiã, cuius eſt obiectum. Ariſtoceles igitur lib. 3. Meteor. capite vltimo duo diſtinguit mineralium genera, foſſilia nimirum & metallica; quamuis enim foſſile latè ſumptum pro omni eo, quod effoditur, comprehendat etiam metalla, quæ conſtat quotidie fodi; præſe tamen acceptum, diſtinguitur à metallicis; foſſilibus enim, vt ſunt cadmia, chryſocolla, vernix, ſulphur, minium, cinoabaris, denique pulueres omnes colorati, & la-

pides illiquabiles, exhalatio terrestris, sicca & fumida ortum præstat; at vaporosus halitus præbet materiam auro, argento, æri, stanno, ferro alijsque metallis, cogente atque densante frigore, ut sit in rore, gelu, grandine & niue: hinc fit, ut ductilia, & liquabilia sint; quæcumque in metalla concreſcant.

Albertus Magnus lib. 5. mineralium cap. r. & sequentibus, illa distribuit in tria genera, lapides, metalla, & media mineralia. Cum enim lapides sint illiquabiles, & minimè ductiles, sed tantū friabiles; metalla autem sint liquabilia & ductilia, siue malleabilia; ideo media vocantur mineralia, quæ ad utrumque conducunt, & ex utroque retinent, id est, partim liquabilia sunt, more metallorum, at nequaquam ductilia instar lapidum. Præcipua sunt succi, & terræ pretiosæ, videlicet omne genus aluminis, arsenicum, omne genus atramenti, quocumque sit colore, præsertim verò vitriolum, electrum, omne genus margaritarum: omne genus aëri: omne genus salis. Tandem omnis pluribus alijs diuisionibus, quæ à colore, fulgore vel nitore, sapore, odore, alijsque penè innumeris accidentarijs dotibus desumi possent, sunt qui cum Georgio Agricola lib. 1. fossilium, Cardano lib. 5. de subtilitate, & alijs partiantur mineralia. in quatuor capita, in terras insignes, quibus atroxunt fossiles colores, seu metallica pigmenta; in suceos concretos, in lapides, in metalla; qua in diuisione primum membrum non debet intelligi de terra, secundum quod est vnum ex elementis, frigidum & siccum, sed de terra fossili, aliquo odore, vel sapore, vel colore insigni, quam etiam dari inter naturæ opera, est certo certius.

Iam ergò nexu ordineque doctrinæ descendendo, ad breuem, vniuscuiusque harum specierum, seu membrorum diuidentium considerationem; dicendum est primò terram fossilem, quam Theophrastus insignem, Aristoteles verò puluerem coloratum 3. meteor. appellat, nihil aliud esse, quam corpus fossile,

quod irrigatum ab humido, primum enollescat in lutum, mox aucto humore reddatur liquidum, pro ut explicat Fallopius lib. 5. Fossilium; circa huius terræ originem principiaque, putat Aristoteles materiam huius compositi esse terream exhalationem aqueo vapore adiuncto concretam; sicut enim iniecta terræ portio in vas vitreum angustæ orificij, at amplioris alui, si ad ignem admoueat expirat terreum halitum, qui non multò post, circa vasis osculum, concreſcit in quiddam terreum, patet calore, matre autem geminæ illa duplicis halitus materia; non secus terras ipsas insignes gigni est existimandum. Cum autem magna huiusmodi terrarum varietas, penes colorem, saporem, odorem, pondus, aliasque plures qualitates reperitur, dicendum est eam oriri ex quinque potissimum causis, quas bene explicat cicatus Fallopius. Prima est, ipsa terræ exhalationis, aqueo compactæ vapore, varietas. Secunda est calor, terram in halitus attenuans; si enim hic blandior fuerit, ac temperatior, ut qui à sole, vel motu efficitur, purior, candidior, & pinguior erit, terra inde genita; sin vehementior & acrior, qualem inſuit terrestris ignis, sulphure vel bitumine altus; terræ huiusmodi expirationibus concretæ, nigræ erunt, minus puræ, amaræque. Tertia est varietas locorum, per quæ effertur exhalatio: si enim per angustas traijciat rimas, & quidem magno impetu abripiens aliquid è lapidibus per quos transit, lapidosam inæqualitatem impertitur terris; quarum plerisque hinc inditos lapillos, alijs immixtas videmus lapideas squamas; sin per latiores transmittat venas, vel cauernas, aut valles, conditionem alterius generis sortientur terræ. Quarta causa varietatis, est ratio mixtionis inter exhalationem & vaporem; his enim optimè permixtis gignitur terra pinguis, bene compacta, & sine rimis, vndique sibi coherens: iisdem verò non probè commixtis, quæ generatur terra, satiscit hiuala. Quinta est ipse calor, non qua effector est exhalatio-

Sectio VII. Caput X. 213

lationis, ut in secunda causa dictum est, sed qua efficiens est ipsius terræ: illo enim placido vel ære, induit terra varias formas, ochræ, V.g. est blandè virgente; at rubricæ, eodem acriter vrente. Varia etiam sunt loca in quibus minerales terræ generantur; aliquando in commissuris saxorum; interdum in montium cavernis, venis, & fibris, quandoque in fontibus, canalibus, alueis, & scrobibus alicuius planitiei, denique non semel in ipsa terræ superficie. Tam quod attinet ad terrarum mineralium differentias, siue ad quot capita reuocare liceat tot terrarum insignium discrimina? diuisi sunt inter se Philosophi. Theophrastus enim *lib. de lapidibus*, distinguit terras in eas quæ possunt liquari, durari, molli, lenescere lapidescere. Cardanus *lib. 2. de subtilitate* easdem discriminat, ex usu, ex colore, ex odore. *Vsu* quidem, quatenus communis probatur agricolis, argilla figulis, lignariis fabris rubrica, cimolia fullonibus, pictoribus cerulea, Lemnia Medicis, argentaria fabris argentariis. *Colore* autem, quod terræ colores totidem sint, quot colorum genera. *Odore* etiam, quod aliæ bene, aliæ malè oleant, sed illæ quidem raræ; hæc verò frequentes. Sunt plerique, qui terræ ut generi subijciant species distinctas regionibus, & locis, è quibus effodiuntur, & nomina inuenerunt, ut Samiam, Eretriam, Chiam, Selinusiam, Melitensem &c. Sed omnium optimè Agricola *lib. 2. Fossilium* putat primas insignium terrarum differentias esse duas, ut terra aut simplex sit, aut composita. Vbi simplicem non appellat à cæteris elementis separatam: vix enim vlla reperietur, quæ non quiddam aquæ, vel aeris, vel ignis complectatur; sed cum nulla re fossili permixtam, neque cum liquido succo: compositam contra, quæ vel vnam aliquam rem fossilem, vel plures in se continet, aut quæ liquidum succum combibit.

Vnaquæque rursus plures suscipere potest diuisiones. In primis enim terræ simplices aut macræ sunt, vel pingues,

mediocresve: aut raræ, vel spissæ, mediocresve: aut molles, vel duræ, mediocresve: aut lenes, vel asperæ, mediocresve. Deinde colorum varietate distinguuntur, etenim sunt albæ, nigrae, luteæ, rubrae, purpureæ, virides, caruleæ, cineræ, fusca. Tum differunt sapore, qui in ipsis vel dulcis vel pinguis, vel acris, vel in pingui dulcis, aut acris. Mox aliquam differentiam habent in odore, quem tamen ferè non emittunt nisi tractatæ. Postremo inter se nonnihil distant figura: etenim quædam tabulis est similis, quædam non est. Terra autem composita cum illa sit, quæ vel vnam rem aliquam fossilem continet, vel plures, aut quæ liquidum succum combibit, aut est metallica, aut lapidosa, aut succosa. Metallica quidem gignitur, cum succus metallicus in terram sparsus frigore concrescit, terra verò non mutatur. Lapidosa autem fit, cum terra lenta, & non lenta in vnum locum congregata fuerint, calorque eas coxerit: tum enim lenta abit in lapidem, non lenta, siccatur tantum: quomodo succus etiã densatus in gleba terræ ingigni potest. Iterum metallica variat metallo: aut enim id ipsum est aurum propter quod Græcè nominatur *Gi chryslis*, latine *terra auraria*: aut argentum, vnde Græcè arguritis, latine argentaria: & sic de cæteris. Multa etiam varietate insignis est terra lapidosa, seu lapides complectatur, seu eos habeat adherentes: quemadmodum enim permixtae sunt lapidum species, gemmarum, marmorum, saxorum &c. ita terras quasdam possumus dicere esse saxosas, alias marmorosas, alias plenas gemmarum &c. Superest terra succosa ea videlicet, ad quam adiuncti sunt succi concreti: Itaque si sal cum terra, conglutinatus fuerit, salis nominatur: si nitrum nitrosa: si alumen aluminosa: si atramentum sutorium atramento plena, & sic de cæteris.

Secundum mineralium genus est succus potissimum cœcretus, cum enim plures huius nominis succi sint accceptiones, agimus tantum in presenti de succo.

succo minerali, eoque concreto: cuius varias adducunt Philosophi definitiones: Quod inquit Cardinus lib. 5. de subtilitate liquefcit, & dum redit, durum non est succus vocatur. Fallopius cap. 5. fossilium, succus, inquit, est, quod irrigatum humido non emollefcit primò, sed statim eliquatur. Sed omnium optimè Agricola lib. 1. fossilium sic illum describit, succus concretus est corpus fossile siccum, & subdurum, quod aquis aspersum aut non mollitur, sed liquefcit; aut si molliur, multum vel pinguedine differt à terra, vel materia ex qua constat. Is diuiditur in macrum, & pinguem. Macri, quia de tribus rebus diuersis oritur, tres sunt species: nascitur enim ex liquore permixto, aut cum terra, aut cum metallo, aut cum mixto. Primi generis sunt sal, omnesque eius effectus, vt muria, & garum; nitrum, salnitrum, halinitrum, aphronitrum. Secundi, chrisocolia, borax, cæruleum, ærugo, ferrugo &c. Tertiij atramentum, sutorium, alumen, succus acris, qui caret nomine. Pingui verò succo subiunguntur hæ formæ, sulphur, bitumen, sandaracha, auri pigmentum, seu arsenicum, stibium, seu antimonium, chalcantum, seu vitriolum, eiusque species; quibus annuerant aliqui succinum, seu electrum cum sit bituminis genus. Inter concretos etiam succos reponunt vitrum, & crystallum; sed melius alij crystallum inter lapides, eosque gemmeos recenseri debere putant. Circa huiusmodi concretorum succorum generationem, modumque quo illi concrefcant vide Agricola tam lib. 12. de re metallica, quam lib. 1. & 3. de ortu & causis subterraneorum; & alios inferius citandos.

Tertium mineralium genus est lapis qui rectè definiri potest esse, vel corpus terreum durum, fossile, quod nec vi humidi, nec vi ignis liquari potest; vel, vt comprehendantur etiam vniones, corallia, alijque lapilli, non è terra sed aliunde effossi, quodcumque corpus terreum, durum, friabile, quod nec humido, nec calido liquatur, dicitur autem friabile,

ad differentiam ferri & ossis. Cui definitioni non obstat experientia aliquorū lapidum, qui igne liquantur, & ad usum vitri funduntur, non enim liquantur qua lapides sunt, sed qua permixtum habent aliquod metallum pro vt optimè docet Fallopius lib. 5. fossilium cap. 6. Materia lapidum in communi, siue pretiosorum qui ordinariè sunt transparentes, seu perspicui, diaphani, pellucidique, siue sint non transparentes, ideoque ordinariè non pretiosi, vt silices, saxa, &c. est aqua & terra, ita tamen vt in aliquibus terræ prædominetur, præsertim in vulgaribus, in alijs verò prædominetur aqua, præsertim in perspicuis; ex motu enim lapidum conijcimus naturam elementorū ex quibus constant: lapides autem omnes mouentur infra aquam, qui est motus grauium, scilicet terræ & aquæ: potissimum igitur ex terra & aqua cōstant; alias enim si aliud elementum prædominaretur, non mouerentur infra aquam; quo etiam argumento constat non ex sola aqua componi, alias, mouerentur supra aquam. Si enim crystallus & beryllus tantum constarent ex aqua mouerentur supra aquam, sicut & mouetur glacies; quæ nihil aliud est, quàm aqua compactior. Nec obest quod pumex, & lapides quos euomit ignis subterraneus, innatent aquis; hoc enim fit propter poros in quibus inclusus est aer: vnde si cōminuantur tales lapides, pulueres infra aquam mouentur. Porro in lapidibus veluti heterogenearum partium, vt in saxis, & in non perspicuis prædominari terram, non tamen sine aqua, probatur exemplo luti, quod aliquoties exsiccat dummodo non omnis humiditas effluat, fitque aliquid medium inter lutum & lapides, & tandem indurefcit in lapidem: si enim nulla adfit humiditas, seu aqua, sed omnis effluat, lutum non coheret, sed in pulueres aut cineres abit propter siccitatem terrestrem, quæ non solet continuare corpora, sed potius dissipare; requiritur ergo humidum vt continuet: & quemadmodum annuli in carenis ita se habent

bent vt vnus aliū amplectatur, ita aquæ humiditas terram, & terra humidum amplectitur, & sic corpus lapidis continetur. Materiam autem lapidum perspicuorum esse aquam, sed vniuersam vna cum terræ aliqua portione, probatur quo ad primam partem, quia ex cineribus talium lapidum, sicut & ex cineribus plumbi, ferri, auri &c. per vehementissimum ignem potest extrahi liquor, ita vt inde fieri possit vitrum perspicuum: ergo humor ille est materia proxima: quod autem sit humor aqueus, inde colligitur, quod frigido siccō concresecat, seu congeletur, vehemēti verō calido dissoluatur, quod est signum aqueæ naturæ. Quod autem sit aqua viscosa, quæ est secunda pars nostri dicti probatur, quia sola, siue pura aqua nunquā potest nec per elixationem concresecere, nec per assationem, seu per siccum calidum, nec per frigus vllum: ergo est huic aquæ aliquid terrestre permixtum.

Etsi autem putent aliqui lapides nō habere formam propriam substantialem distinctam à formis elementorum, ac proinde illos differre inter se sola complexione qualitatū accidentalium; melius tamen oppositum docent alij, proprietates enim lapidum valde diuersæ, vt fugare venenum, attrahere ferrum, quæ minimè conueniunt elementis secundum se spectatis, satis ostendunt illos diuersas tam ab inuicem quam ab elementis habere naturas, seu formas substantiales, ex quibus simul cum materia componantur. Quæ tamen formæ substantiales non sunt animæ, animæ enim est principium alicuius operationis vitalis pertinentis ad vitam vegetatiuam, vel sensitiuam, vel rationalem, nulla autem ex his operationibus apparet in lapidibus, igitur contra Cardanū, & nouissime Campanellam, dicendum est cum Alberto Magno, & alijs formā lapidis non esse animam. Causa efficiens lapidum in communi est virtus mineralis; cum autem virtus mineralis cōmunis sit metallis, lapidibus, & mixtis nonnullis mediæ naturæ, ea quæ est efficiēs

lapidum est propria species virtutis mineralis in communi, quæ ad eius distinctionem potest vocari vis mineralis lapidifica. Sunt autem huius virtutis duo instrumenta, calor nimirum & frigus; non autem calor adurens; sic enim non fierent lapides, sed potius cineres: sed calor solaris, seu celestis in materia elementari, scilicet in terra & aqua, quæ calorem vis formatiua regit, ideoque vix per Alchimiam lapides fieri possunt propter calorem ignis adurentem. Posterior instrumentū est frigus consistens in aquæ substantia, terrestris & sicca; materię actionem perpeffat, quod frigus sua vi constrixiua, exprimit omnem humorem superabundantem. Quod spectat ad duritiem, porositatē, & varios lapidum colores vnde oriuntur, dicendum est primum oriri ex siccitate, quæ in natura lapidum causatur ex duplici principio statim adducto, secundum ex eo quod humidum non totum commixtum fuerit cum terrestri; Tertium autem sic se habet, omnes lapides perspicui, quales sunt v.g. cristallus, beryllus, adamas, sortiuntur suam perspicuitatem ex multa aqua, & aeris materia, quæ, terrestri apprehendente materia, est cōgelata & congregata. Niger autem color in lapidibus frequentissimè causatur ex terrestri combusto; hic enim color non causatur nisi ex priuatione perspicui in commixtione. Medij autem colores sunt in genere rubeus, viridis, & flavus & differentię ipsorum. Rubeus est quando super perspicuum luminosum, infunditur fumus tenuis succensus. Flauus color nascitur ex substantia perspicua, cui immixta sit subtilis exhalatio terrestris cōbusta, & sic de reliquis omnium enim illorum colorum species ex vna & eadem causa generantur; sunt enim ex perspicuo aquo cum terrestri fortiter adusto. Circa locum generationis lapidum nihil certi statui posse videtur, neque enim illi in vno, sed in multiplici generantur loco, elemento, & climate.

Superest tantum vt breuiter hic aperia-

riamus, quam ob causam quidam lapides habeant intus & foris varias animalium, & etiam hominum figuras; pro cuius intelligentia notandū est eiusmodi figuras, vel imagines esse in duplici differentia; vel artificiosè exaratas sub certa quadam celi constellatione; v. g. si quis effigiet Scorpionē Luna existente in Scorpione, esse contra serpentum ictus, & contra pestem: aliæ autem sunt imagines naturales; à sola natura lapidibus præsertim pretiosis impressæ de quibus iam. Hæ imagines rursus triplices sunt, vel exaratae, & incisæ, vel eleuatae & quasi expressæ, vel nulla superficie extante tanquam pictæ, siue iisdē cum lapide coloribus, siue alijs. Quæritur ergo qua ratione ista fiant, quod enim aliqui casu dicant ista fieri, minus probandum; id enim quod semper, aut saltem vt plurimum fit, non debet censi casu, aut fortuito fieri sed ex naturæ præscripto. Itaque dicendum est has omnes imagines à natura fieri per varios vapores à calore eluatos, & in materiâ impressos, & virtute cælesti formatos: quod ita ostenditur. Primo videmus varios vapores & exhalationes in nubibus varias exprimere figuras; si igitur vento non dissiparentur, aut per novos vapores eleuatos, qui priorem disijciunt figuram nubium, aut si esset natura quedam tenax & comprehensiuâ quemadmodum est in terra, sine dubio figuræ illæ permanerent. Deindē quemadmodum vis cælorum & constellationum sæpe in semine humano monstri similem efformat figuram, propterea quod talis constellatio generatiua & conformatiua est alterius figuræ quam humanæ; & in alijs etiam animalibus vt in porcellis, vaccis figuram fermē facit capitis humanam, non tantūm propter cōmixtionem seminum, sed etiam sine illa, imo etiam sine imaginatione: ita ex varijs vaporibus eleuatis, & in molli materia, qualis est lapidum prætoriorum, illa eadem virtus varias effigiare potest figuras, tales vapores veluti regendo. Aliam adhuc causam adducit Albertus

Magnus lib. 1. mineral. tract. 2. c. 7. quod sæpe vis fit in aquis generatiua lapidis, cuius plura adducit exempla.

Quantum ad huius generis diuisionem, sunt qui illud distinguant primò in lapidem marmoreum, cuius iterum, colores & genera esse innumerabilia, scribit post Pliniū Isidorus lib. 16. cap. 5. celebriora sunt Lacedæmonium, Ophites, Augustum & Tiberium, Purpurites, Porphyrites, Basaltes, Alabastrites, marmor Parium, Coraliticum, Alabandicum, Thebaicum, Lesbium, Corinthium, Numidicum, Lunense, Charisteum, Luculleum &c. *Secundò* in lapides vulgares, ad quos reuocantur silex, crepido, cautes, icon, calculus, scrupus, cos tam aquaria, id est quæ aqua, quam olearia, id est quæ oleo indiget ad acucndum, ferrum; *tertiò* in lapides insigniores, qui sunt veluti medij inter lapides vulgares, & pretiosos; cuiusmodi lapides sūt multi, præcipui verò sexaginta quinque, quorum naturam & virtutes breuiter describit Bernardus Cæsius lib. 4. de mineralibus parte 1. cap. 3. *Quartò* tandem in lapides pretiosos, quos Gemmas cōmuniter appellamus, ex eo quod instar gummi translucant, inquit Isidorus lib. 16. cap. 6. Sex autem diuisiones horum lapidum reperiuntur apud Scriptorcs. Prima nititur varietate colorum, quæ, attenta gemmæ reuocantur ad octo sequentia genera, nempe ad virides gemmas, ad rubeas, ad purpureas, ad candidas, ad nigras, ad cristallinas, ad aureas, ad varias de quibus vide Isidorum. *Secunda* diuisio nititur ordine alphabetico, de qua vide Plinium lib. 37. cap. 10. & Albertum Magnum lib. 2. mineral. tract. 2. Tertia figuris animalium; quorū autem, & quæ gemmæ sint, quæ referūt figuras animalium, & ab ijs denominantur, referuntur ab eodem Plinio lib. 37. cap. 11. & Isidoro lib. 16. cap. 14. Quarta diuidit gemmas in sacras, & prophanas, seu supersticiosas; vbi per gemmas sacras intelliguntur illæ quæ institutione diuina sunt symbola sacrorum mysteriorum, huiusmodi sunt duodecim enu-

meca-

metallæ Exodi cap. 24. & Apocalipsis 21. Reliquæ gemmæ ad harum differentiam dicuntur prophanz, superstitioſæ verò dum exhibentur contra religionis virtutem. Quinta in germanas, & adulterinas; per adulterinas gemmas intelligendo illas, quæ cum reipſa falſæ ſint, veræ tamen exiſtimantur. Sexta in nonas & veteres; gemmæ enim multo ævo ſeneſcunt, proindeque, & gratiam & vires ſenſim multis ſæculis deponunt. Sunt qui aliam diuiſionem gemmarum in mares & fæminas tradant eo quod ſub eadem ſpecie, aliæ viuido magis colore, atque acri, aliæ languenti, ac remiſſo colliceant.

Quantum tandem & vltimum mineralium genus eſt metallum ſic dictum à voce Græca apò tou metallan, quod eius natura ea ſit, vt vbi vna vena apparuerit, ibi ſpes ſit alterius inquirendæ. Cauſa efficiens metallorum eadem eſt quæ & lapidum tam vulgarium quàm pretioſorū, ſcilicet inſluxus, ſeu virtus cæli metallaris, & in viſceribus terræ virtus metallifica. Vt enim in quouis ſomine virtus eſt quædam formatrix, vt in ſemine vitis eſt vis efformandi vitem: ita in viſceribus terræ virtus metallifica tanquàm in ſemine reſidet. Aliqui putauerunt ſolum frigus per congelationem eſſe cauſam instrumentariam metallorū, eo quod per congelationem & concretionem illa conſiſtunt, & per calefactionem diſſoluantur, corrumpuntur, & deperduntur; ſed errant quia metalla remanent ſive per calorem liqueſcant, ſive concreta & coagulata mancant. Cauſa ergo efficiens non eſt ſolus calor, nec ſolum frigus, ſed calor moderatus & directus. Materia enim metallorum vt ſtatim dicitur eſt aliquid humidum in quo eſt terreum & ſubtile digeſtum, quod ſi aduratur habet odore ſulphuris: ergo cū ſulphur calore fiat, etiam metalla per calorem fiunt. Inſuper quæcumque liquida ſunt & fluida, & poſtea concreſcunt, per calorem fiunt, talia autem ſunt metalla. Denique quoduis elementum ab altero fugit, eſto enim quod aqua deſcendat,

aſcendit tamen à terra: vnde ex natura ſua non commiſcentur; opus ergo eſt calore qui ea miſceat. Quod autem non ſolus calor & abſolute ſit cauſa efficiens, ſatis ex eo patet, quod nimius calor incineraret, ſive calcinaret materiam metallorum, ſemper deſiccando humidum, & adurendo terreſtre, & hoc modo nunquam metallum generaretur: ergo opus eſt calore digerente, terminante, & qui ſit directus ab aliquo, quemadmodum regitur instrumentum. Sicut enim in artibus ſit vt per instrumentum explicetur & fiat forma artificialis, v.g. per malleum: ita natura celeſtis tanquam efficiens principale regit calorem vt digerat, non adurat, & vt ſeparet heterogenea ab homogeneis, & ſic tanquam instrumentum ſit cæli, quo mediante cælum producat & explicet formam metallorum.

Circa materiam metallorum proximam, ſive quidnam ſit id quod immediate vertitur in metallū variæ ſunt authorum ſententiæ; ſed omnibus verifimilior eſt illa Ariſtotelis docentis, materiam metallorum eſſe humidum viſcoſum, ſeu aëreum, vnà cum terreſtri ſubtili, ſive halitum ex vapore & exhalatione compoſitum, in quo tamen præualeat humiditas vaporis; ideoque idem Philoſophus ait, metalla partim eſſe aquā, partim non aquam; aquam, pro vt concreſcunt ex vapore; non aquam pro vt coagulantur ex ſicca ſpiratione. Cuius permixtionis argumentū eſt primò, quod in omnia hæc reſolui poteſt metallum, ſecundo quod ignitur, & liqueſcit: ignitur enim propter ſiccam exhalationem, liqueſcunt propter vaporem humidum; quia verò humidum aqueum, facile euolat per ignem, metallum autem liquefactum eſt permanentius, non poteſt eſſe tantū humidum aqueum, ſed etiam viſcoſum & aëreū, ſive oleaginoſum: ſed quia oleaginoſum facile incenditur, aurum verò & argentum fixa ſunt, ignique reſiſtunt, ideo aliqui duplex humidum viſcoſum diſtingunt, vnum inflammabile, non autem alterū.

Ab hac Aristotelis sententia putat Diuus Thomas nõ dissentire chymicæ artis professores qui putant materiam metallorum esse sulphur, & argentum viuum, ita vt ex his pro temperamenti, & mutux permixtionis varietate, nunc aurũ, nunc argentum, nunc aliud metallum exoritur. Aristoteles enim facit materiam veluti remotam halitum modo explicato; chymistæ vero materiam veluti proximam, aut magis proximã sulphur, & argentum viuum, quæ ex prædicto halitu, vt ex remota materia metallorũ concrefcant. De forma metallorum censuit Callisthenes omnia metalla conuenire in eadem forma specifica substantiali, atque adeo illa inter se conuenire specificè, & substantialiter, differeque solum accidentaliter, penes colorem, odorem, saporem, pondus, sonum &c. Sed contra hanc opinionem est, quia diuersæ proprietates indicant diuersas essentias, atque adeo diuersas formas substantiales, sed omnia metalla habent diuersas proprietates, vt omnes concedunt; concludendum est ergo vnumquodque metallum suam habere formam substantialem distinctam à forma alterius, eamque esse vnicam, & impermixtam sine consortio alterius formæ pertinentis ad aliud metallum. Loquendo de affectionibus metallorum in communi, octo potissimum solent enumerari, congelabilitas, liquabilitas, soliditas, ductibilitas, cremabilitas, colores, odores & sapores, de quibus vide Albertum Magnũ lib. 3. mineral. tract. 2.

Circa huius generis diuisionem, siue quot sint metallorum species? non satis constat inter authores dum ab alijs plures, ab alijs pauciores recensentur. Videntur tamen, inter alias de hac re opiniones, plus habere probabilitatis duas; quarũ vna septem numerat species, videlicet aurum, argentum, æs, ferrum, plumbum, argentum viuum, stannum; altera tantum sex, remouendo stannum, propterea quod decernat ipsum esse indifferetam speciem duorum metallorum argenti & plumbi. Vnde iuxta huius-

scemodi placita reliqua metalla aut pertinent ad has species, nec maiori quàm accidentario discrimine ab ijs differunt: aut non sunt simplicia, sed ex pluribus speciebus constata? vt electrum, quod ex auri & argenti permixtione coalescit, iam quibus planetis, quibusque corporis partibus respondeant metalla singula? sic plerique docent Astrologi respondere aurum Soli & cordi. Argentum Lunæ & cerebro. Aes, seu cuprum Veneri, & renibus. Ferrum Marti, & felli. Plumbum Saturno, & spleni. Argentũ viuum Mercurio, & pulmõni. Stannum Ioui, & iecori.

His ita circa naturam mixtorum tam imperfectorum, quàm perfectorum, sed inanimatorum breuiter adnotatis, iam considerandum est quantum accurata illorum notitia ad sacræ doctrinæ studiũ, diuinarumque Scripturarum intelligentiam conducere potest. Primum ergo loquendo de impressionibus aëreis ignitis, occurrat illud Iob cap. 37. *Tonabit Deus in voce sua mirabiliter*; vbi Eliud extollere volens Dei Optimi Max. potentiam & sapientiam, ab illius operibus, quæ dicit esse magna & inscrutabilia, argumentum capit, atque præcipuè à Tonitruis. Nam & Poetis vocatur Deus ob hanc mirabilem hominis sublimium passionem, Altitonans. Cui consonat illud Psalmi 8. vers. 8. *In tribulatione inuocasti me, & exaudiui te in abscondito tempestatis*: nam pro tempestate dictio Hebraica est Raam tonitru. Vocant autem septuaginta Interpretes tempestatem eam, quæ ex tonitruorũ, & fulgurum eruptione contingit: quem sensum aperte reddit D. Hieronymus cum ait, *Exaudiui te in abscondito tonitru*: quem quoque confirmat Chaldaus Paphraestes: *In tempore, inquit, tribulationis Aegypti inuocasti, & liberaui te: respondi tibi in loco abscondito domus maiestatis meæ, personantibus coram me rotis igneis*, id est, tonitruis quæ fulguribus commixta strepitum ad modum rotarũ edunt. Est itaque sensus: *In tribulatione inuocasti me, & exaudiui te in abscondito*

dito tempestatibus, id est, ego absconditus in mea maiestate tempore tempestatibus fulgurum & tonitruorum exaudiri te. II. Cum fulgur incenso aëre fiat, ignemque referat velocissimum, qui non ante caueri, aut prauideri possit, quam editus fuerit, velocitatis, & in expedienda re improuise festinationis, atque diuinæ cuiusdam, eiusdemque præstantissimæ, ac omnino irrefragabilis virtutis significationes, ex fulgurum imagine sumuntur in sacris Scripturis. Hinc ergo est quod diuinæ præsentia, & virtutis argumento dicitur Exod. 9. *Dominus dedit tonitrua, & grandinem, & discurrentia fulgura super terram.* & Exodi 19. *Ecce cæperunt audiri tonitrua, & micare fulgura.* Præterea ultio præstantissima, acerrima, & insuperabilis, fulguris mentionem significatur Deuter. 32. *Si auero ut fulgur gladium meum.* Ezech. 1. *Splendor ignis, & de igne fulgur.* Daniel. 10. *Facies eius velut facies fulguris.* Zacharie 9. *Exilit ut fulgur iaculum &c.* Propter celeritatem autem nimiam dictum est Lucæ 10. *Videbam Satanam sicut fulgur de calo cadentem.* Aliquando rei efficacitatem manifestam, & omnibus conspicuam maxime arcana ratione indicat fulgur, ut Matth. 24. *Sicut fulgur exiit ab oriente, & paret usque ad occidentem,* & Lucæ 17. *Sicut fulgur coruscans de sub calo in ea quæ sub calo sunt fulget.* III. Et si plerumque tam in sacris litteris, quam in prophanis confundantur tonitrua, fulgura, & fulmina, cum tamen fulgur differat à fulmine teste Seneca lib. 2. natural. quæst. quod fulmen dicitur, cum ignis emittitur, fulgur autem, cum ignis tantum ostenditur, vnde domum fulminis accensam dicimus non fulgure: est enim fulgur nihil aliud, quam splendor ipsius fulminis: fulmen autem ipsum, telum: hinc est quod in sacro eloquio per huiusmodi nomen significari potest maior diuinæ virtutis efficacia vel impetus. IV. Licet in diuinis Scripturis nullibi cometarum inter omnes ignitas concretiones principem locum obtinentium mentio fiat; ex his tamen quæ as-

seruntur de illorum natura, & ingenio, motu & euanescentia sub diuturno lumine, & distantia à terris; satis patet ad illud quæsitum, num Stella illa, quæ Christo nato Magis præluxit, cum non fuerit de syderibus æthereæ regionis, pro vt ex cōmuni Patrum consensu docet D. Thomas 3. p. q. 36. artic. 7. num, inquam, cometa dici debeat. Negatiuam enim partem amplectuntur communiter doctores asserentes prædictam stellam nouum quoddam & insolitum Meteoron, non naturali, sed Angelica, vel diuina virtute è subcælesti materia constatum, & eximie lucis fulgore conspersum fuisse; quod nõ suapte vi, sed alicuius Angeli ministerio deferrebatur.

Iam circa aëreas impressiones non ignitas; V. dicitur de Inde Genes. c. 9. *Arcum meum ponam in nubibus, & erit signum fæderis inter me, & terram: cumque obduxero nubibus calum, apparebit arcus meus in nubibus cali, & recordabor fæderis mei quod pepigi vobiscum, & cum omni anima viuente, quæ carnem vegetat, & non erunt ultra aquæ diluuij ad delendam vniuersam carnem.* Ad cuius loci intelligentiam multum conducit præstantissimi illius meteorici notitia; cum enim videri posset alicui illum legenti, ante diluuium, & initum fædus cum Noe, nunquam fuisse cum cali arcum, quem iridem appellamus, sed tunc primum, in signum fæderis positum esse Dei iussu in nubibus; contraria tamen opinio, quæ affirmat à primis mundi originibus, atque ab eo tempore, quo pluuia esse cæpit, arcum fuisse, vera est. Cum enim arcus sit naturale quoddam Meteoron, cuius causæ physicæ sunt lux Solis, & nubes certo modo affecta; atque hæ causæ ante diluuium non minus quàm modo concurrere potuerunt, nequaquam inficiandū erit, multis ante illud seculis effulxisse arcum. Insuper ex naturalibus huiusmodi arcus causis apertissimum relinquitur cur Deus, cum iniret fædus cum Noe, & eius posteris, ac pacifceretur, non futurum amplius diluuium, quo inundaretur tota terra,

voluerit Iridem signum esse, potius, quā aliud quidpiam eorum quæ in nubium regione apparent; quia ea naturaliter millecentium imbrū nota est; est enim sit signum pluviæ, si quidem nonnisi in nube rosca, & quæ in imbre solui parata sit, resplendet; est tamen naturale signum, indicans non futuram proximè magnam aquarū eluionem; quod probat D. Thomas quodlib. 3. artic. 30. quia trifariam se se habere potest calor Solis ad vapores, qui pluviæ materiam sunt: aut enim illos omnino discutit & absorbet; sicque non concreverunt in nubes, nec pluuiam effundunt: aut eos accruatim in sublime euectos disijcere nequit; & tunc assidui imbres magnaue inundatio contingit: aut denique medium quādam rationem ad eos seruat, quia nec eorum concretionem dispescit, nec diu conglobari sinit. At Iris nonnisi cum vis Solis medio illo modo se habet, apparet; si quidem cum nubes nimis grauizata sunt ac tetricæ, ad radios Solis excipiendo reddendosque (sine quo minimè Iris effulget) idoneæ non sunt; patet igitur, arcum ex physica ratione indicare non futuram proximè magnā inundationem: cum eiusmodi aeris status ei tepugnet; atque adeo rectè institutum fuisse signum ad placitū diluuii amplius non futuri. Licet enim aliquando Deus, raro quidem, ut evidentius hominibus suam diuinitatē ostendat, præter earum naturam, aliquid imperet rebus, nunc verò iuxta illius naturam iussit, ut Iris signum esset mundi nunquam amplius imbris delendi, siue quod idem est, fœderis Dei cum hominibus, initi de diluuiō nunquam futuro.

Insuper cum antiqui Philosophi, ut Plato in Theateto, Iridem Thaumantis filiam propter admirationem dictā censuerint; patet quā rectè multis in locis sacre Scripturæ commendetur Iridis Pulchritudo; nam cap. 43. Ecclesiastici dicitur: *Vide arcum, & benedic eum, qui fecit illum, valde speciosus est in decore suo: gyravit cælum in circuitu gloriæ suæ, manus Excelsi aperuerunt illum.* & c. 50.

in Onix laudem dicitur: *Quasi arcus refulgens inter nebulas gloriæ*; Et merito quidem, pulcherrimis enim coloribus est, puniceo scilicet, viridi, & rubro; nec parum etiam auget pulchritudinē eius, illa magnitudo, qua cælum videtur gyrare, hoc est in circulum comprehendere.

Quod spectat modo ad aqueas concretionēs, cum nubes nihil sit aliud quā vapor condensatus in media regione aeris; VI. facile intelligitur, cur dicatur Prouerb. cap. 1. *nubes rore concreverunt*. Quod quidem nihil aliud est, quam eadem esse roris & pluviæ materiam, puta vaporem; VII. cū pluuiā nihil sit aliud, quā nubes in aquā soluta, patet quā rectè Sanctus Iob cap. 26. dixerit, *qui ligat aquas in nubibus suis, ut non erumpant pariter deorsum*; VIII. cum nebula seu caligo nihil sit aliud quam nubes in aquam resolutæ superfluitas constat quanta cum proprietate dictum in Psalmo 147. sic: *nebulam sicut cinerem spargit*, si quidem ut terreus quidam pulvis est, ac excrementum terreum ut cinis; si enim nebula de qua agimus in præfenti excernitur ex nubibus, veri similis est, crassiorē, atque adeo quodammodo terreā, esse earum partem, quam tenuiorem, quia si esset tenuior excerneretur sursum, excernitur verò deorsū, ad terram vsque pulsa. Præterea si esset tenuior reliqua, quæ in aquam mutatur, in aeris aut ignis naturam inclinaret. Ob acream verò naturam, non esset inepta abire in aquam, si quidem cōmunis est omnium consensus ac peculiariter Aristotelis mutatione aeris in aquam fieri nubem: igneam si haberet, haud esset adeo frigida, ut certè est, sed fulgurum & cometarum materia, ut reliqua exhalatio. Superest igitur ut inclinet in terram, eamque minimè exultam, ut quæ vocatur exhalatio, estque ut fumus vsque terræ. Nimirum cum vapores ex aqua cum terra mixta eleueantur fieri non potest quin aliquid secum afferant terreū; id, ob diuersum substantiæ modum non facile abit in aquam, neque sanè per concretionem.

cretionem abire potest, cum terra quam aqua concretior substantia sit. Proinde deorsum humidis vaporum partibus crescentibus, terrea & tenues secreta descendunt, volunturque circa terram vsque dum vi Solis dissipata fugantur. IX. Etsi nix durior sit, & siccior aqua, ex frigore constringente: quia tamen, mollior est grandine ex admixtione caloris in ventre nubis, qui inclusus in eius substantia, & non statim superatus, frigore circumstante rarefacit eius substantiam, & mollem reddit: apparet cur in Psalmo 147. dicatur, *qui dat niuem sicut lanam*; vel etiam ex eo quod sicut lanum indumentum fouet corporis calorem, ita etiam & nix in modum vestimenti terræ expansa fouet calidam illius expirationem, illam retroagendo in vires frugum & radices; vnde si nix terræ opportunè immittatur teste eadem scriptura utilis est iuxta illud Isaia 55. *Quomodo descendit imber, & nix de celo, & illuc ultra non reuertitur sed inebrias terram, & germinare facit eam.*

X. Cum grando nihil sit aliud, quàm pluuia in aere congelata; quare consequenter ratione suæ duritiei maiori impetu terram petit, & percutit, ac per eius superficiem ad motum salis dispersa, segetes, fructus, & flores admodum lædere solet; patet quam rectè dicatur Psal. 77. *accidit in grandine vineas*: quamque aptè in diuinis litteris passim iram Dei aduersus peccatores testetur. XI. Cum gelu, vel glacies nihil sit aliud, quàm aquæ concretio ex frigore; patet, dum Ecclesiastici cap. 43. legimus, *Gelu sicut salem effundet super terram*; patet, inquam hæc verba non debere referri ad salis naturam, sed ad phantasiam, & id quod apparet, præsertim cum effunditur super terram in salinis. Nimirum nomine gelu, ibi pruina designatur, quæ aspectu quidem sali per terram sparso est simillima, adeo ut si procul aspicias, non valeas discernere; res verò adeo similes aspectu discrepant natura plurimum. Nam pruina eandem habet cum gelu, & niue generationem, hoc solum di-

screpans, quod circa terram consistit. Sal autem non concreuit vt gelu, aut pruina, aut grando, aut nix à frigore, cum enim celebratissimum sit apud omnes Physicos, à contrarijs dissolui rem quamcumque, ijs à quibus compacta est, & sal à nulla causa minus dissoluitur, quam calore, quia ad ignem siccat ac vitrit; dissoluitur verò ab aqua, vt quæ constructa sunt calore; manifestè constat sal non habere similem cum gelu, vel pruina generationem, siue quod idem est non concretescere, vt illa ex frigore, iuxta illud Iobi 38. *In similitudinem lapidis, aquæ durantur, & superficies abyssi constringitur*; si quidem nix, grando, glacies & pruina, nihil aliud sunt quam aqua concreta, exiguis inter se differentia conditionibus; grando enim orbiculares quidam lapilli sunt, ex pluuiæ cadentis guttulis geniti, glacies verò sit ex continuata aqua, siue in fluminibus, siue mari, siue fontibus, siue in stagnis, aut valis quibusuis concrescente; & sic de grandine videntur dici illa verba priora: *in similitudinem lapidis, aqua durantur*; cui consonat illud Ecclesiastici 43. In magnitudine sua posuit nubes, & contracti sunt lapides grandinis; de glacie verò, quæ apud nos sit posteriora illa, & *superficies abyssi constringitur*. Quia concretio aquæ in glaciem semper incipit à superficie, & procedit versus imum.

XI. De melle plura occurrunt Scripturæ loca dulcedinem eius commendantia; quod cum ideo voluptatis & deliciarum symbolum dicatur, rectè in Dei sacrificijs leuitici cap. 2. v. 11. interdicitur: apud Deum enim nihil voluptuosum, nihil tancum suauis placet, inquit Hieronymus epist. 19. nisi quod habeat mordacis aliquid veritatis; & Pascha Christi amaritudinibus manducatur Exodus 12. Quod attinet ad mel syluestre quo D. Ioannes in Iudæa solitudine vescabatur, vt sacra pagina S. Matthæi c. 3. refert non cõstat inter interpretes quidnam sit. Rabanus enim putat esse arborum folia candida, & tenera, quæ trita mani-

manibus saporem quasi mellitum exhibent. Alij volunt esse humorem ex arborum folijs collectum; Faber credit esse illud mel, quod inter cætera Plinius facit tertium, Ericæumque vocari ait lib. 11. cap. 16. quod apes deficientibus alijs floribus colligunt ex erica, qui frutex autumnî tempore flores emittit, cum reliquæ omnes herbæ, & virgultæ defloruerunt: estque id mel iniucundi ac minimè probati saporis. Cui sententiæ fauet Isidorus Pelusiota lib. 1. epistol. 3. & 132. *Non est, inquit, herba mel sylvestre, sed mel montanum, quod ab agrestibus apibus conficitur, summeque amarum est, & gustatus omni infestum, atque inimicum.* Sicut mel Ponticum est mel, quod in Heraclæa Ponti ab apibus fit tempore aliquo, quodque propria quorundam florum potestate comedentes in furorem cum sudoris copioso defluxu agit, ex Dioscoride lib. 2. cap. 74. XII. cum iuxta probabiliorẽ sacrorum interpretum sententiam mânia illud, quod Hebræis in solitudine datum narrat sacra pagina cap. 16. Exodi sit in se, ac secundum suam naturam, eiusdem speciei cum vulgari, licet illius generatio supra visitatum naturæ modum fuerit, applicantibus videlicet ad id Angelis naturalia, actiua passiuus, facillè intelligitur quid per manna Hebræis datum sit intelligendum varijs in Scripturæ locis.

XIII. Ad illud Genesios 36. v. 24. *Iste est Ana qui inuenit aquas calidas in solitudine; multum iuuat metcorologia de aquis calidis consideratio, de quibus earumque causis & proprietatibus vide Agricola lib. 1. de natura eorum, quæ fluunt ex terra, & fufius Celsus lib. 1. de mineralibus lib. 1. cap. 6. sect. 6. Rursum ad illud Exodi 15. Nec poterant bibere aquas de Mara, eo quod essent amara; de saporibus aquarum ex metcorologia agi potest. Vbi etiam dum dicitur de Moyse, at ille clamauit ad Dominum, qui ostendit ei lignum, quod cum misisset in aquas, in dulcedinem versa sunt: potest esse dubitatio an lignum in aquas missum, naturali quapiam facultate dulce-*

dinem intulerit, an id voluntate Dei dumtaxat, & miraculo effectum sit, in figura maiori cuiuspiam Sacramenti. Et si enim aliqui hoc secundum probabilius putent; non defunt tamen plures, qui asserant secundum naturalem aliquam facultatem, illud esse effectum, cui fauet illud Ecclesiastici cap. 39. Vbi in confirmationem operum medicinalium, & virtutum medicamentorum, & commendationem artis dicitur: *Nonne à ligno indolcata est aqua amara.* Nisi autem naturali aliqua ligni facultate id factum esset, nullum sane esset tale argumentum; vnde videtur magis consensaneum, lignum illud naturali vi aquas fecisse dulces; atque de ea facultate duorum alterum dici potest, aut esse secreticem aquæ, & exultæ terræ, similis ei qua acrum findens lac, serum secretit (nulla enim ratione melius potest aqua ex falsa dulcescere, quam secreto sale, atque ita neque ex amara, quam secretis terræ valde exultæ partibus, talium quippè admixtione sit amarus sapor, aut esse tracticem patium amarorum, gratia similitudinis (si modo credimus historiæ scholasticæ, ex sententia Hebræorum dicenti fuisse amarissimū lignum) atque alliciendo ad se se, imbibendoque amaras partes illam dulcē & potui aptam reddidisse. Non impedit tamen eam facultatem, quæcumque in ligno fuerit, plus solito tunc, annuente Deo, valuisse velut medicamenta, nonnunquam, plusquam alias, valere cernimus, ob gratiam numinis.

XIV. Circa terreas, hoc est, quæ in elemento terræ cōtingunt impressiones, vt terræmotus, & venti; habemus quam rectè attenta terræmotus natura, per illum terror, perturbatio & calamitas grauissima in diuinis significetur scripturis; insuper cum de ventorum materia, & causis tot sint diuersæ Philosophorum sententiæ, facillè intelligitur, quam scitè Psal. 134. & Ieremiæ 10. dicatur Deus producere ventos de thesauris suis, id est, de occultis naturæ causis; hoc enim vnum est ex ijs, quæ in naturæ contem-

pla-

pluione magna ex parte latent.

Iterum, quæ de ventorum numero & varietate, eorumque proprietatibus calidis, siccis, humidis traduntur à Philosophis non parum conducunt ad intelligentiam plurimum Scripturæ locorum, in quibus fit de illis mentio, vt Aquilonis, Boreæ, Austri, Coti, Africi, Euri, Euriaquilonis Typhonici, &c. tandem si de prælagijs temporum Matthæi c. 16 ait Dominus, *Vespere factō dicitis, serenum erit, rubicundum est enim cælum; & mane, hodie tempestas, rutilat enim triste cælum;* huius rei ratio, & causa desumenda est ex philosophia meteorologica; quod nubes densæ tactæ sole obliquo, qualis est, qui iam occidit, nigritiem præ se ferunt. Quæ ergo rubicundæ sunt, non sunt adeo opacæ, & densæ, sed penetrantur lumine, quapropter in diē posterum nullum indicat tēpestatis apparatus, serenitatem ergo promittunt. Cum verò oriente sole, triste hinc inde, & nubilosum se exhibet cælum, plerumque solent ad primum orientis solis occursum dispergi nubes. Quæ tamen si densæ sunt, quales cum triste cælum, non dissipantur, sed excepti per eas radij solis videntur rutilare. Postremò verò, vesperi, cum Sol, cum quo toto die sunt colluctatæ, languescit, concurrunt, densantur, fiuntque, imbres. Ad istud idem pertinet quod cap. 12. Lucæ eodē modo arguens hypocritas ait Dominus: *Cum videritis nubem orientem ab occasu, statim dicitis, nimbus venit, & ita fit: & cum austrum flantem, dicitis, quia aestus erit, & fit.* Sanè incipiendo ab vltimis verbis, Austro succedere æstum, & experimento est compertissimum, & rationi valde consentaneum, cum Austrum calidum ventum esse, quia fiat à meridie: **versus** Septentrionem, omnes qui de ventorum agunt naturis, vno ore confiteantur. Cur verò nimbus ascendente nube ab occasu, ea ratio videtur esse, quod in Palæstina ad occasum habent mares; unde censei debet in illa regione pluuiæ signum illi proprium, nubes ex occasu ascendens. Illis eni-

quibus mare æque ad occasum, & meridiem & Septentrionem est, æquè ex his omnibus partibus ascendunt nubes nimborum nuntia.

Hactenus de Meteorologia, iam considerandum est, quantum mineraliū notitia conferat ad capienda cælestia. Scripturarum diuinitus reuelatarū oracula, referatis obscurioribus ænigmatū, vel parabolarum symbolis, quibus veluti foribus sapientia diuina indignis occluditur. *Carbunculi notitia*, inquit Augustinus lib. 2. de doctr. christ. cap. 16. *quod lucet in tenebris, multa illuminat etiam obscura librorum, ubicumque propter similitudinem ponitur; & ignorantia berylli, vel adamantis claudis plerumque intelligentia fores.* Hæc Sanctus Doctor. Quæ autem hic celsus Theologorum apex, docuit de carbunculo, beryllo & adamante ob rationis similitudinē peræque dici possunt de cæteris gemmis, & metallis, quorum fit mentio in diuinis Scripturis. Sic per duodecim rationalis gemmas Exodi 28. attentis naturalibus earum viribus & proprietatibus significantur, vel duodecim Patriarchæ tribuum Israel, vel, vt alijs placet, duodecim prærogatiuæ supremi omnium Pontificis Iesu Christi, vel etiam, quod alij censent, duodecim Apostoli. De quibus inter alios interpretes videri possunt Franciscus Ribera in cap. 21. Apocalip. & lib. 3. de templo cap. 11. Viegas in cap. 21. Apocal. sect. 3. Cornelius à Lapide in cap. 28. Exodi. Alcazar. in cap. 21. Apocalip. Rueius lib. 2. de gemmis. Et si enim Caietanus loco citato Exodi, Pererius in Genesim, aliqui viri docti existiment perijisse notitiam gemmarum rationalis, melius tamen oppositum docent supracitati auctores solutis horum argumentis. Eodem modo philosophandum est de duodecim gemmis, ex quibus veluti duodecim fundamentis legimus Apocal. 21. consurgere mænia cælestis Hierosolymæ. Sanctus enim Hieronymus in cap. 28. Ezechielis, & multi alij doctores quos citat, & sequitur Alcazar. in Apocalip. cap.

existimauere duodecim gemmas, quæ numerantur Apocal. 21. respondere duodecim gemmis, quæ numerantur. Et certè octo idem omnino nomen utroque in loco sortiuntur, quatuorque solum differunt nomine nempe Chalcedonium, Sardonyx, Ligurius, Chrysoprasus; verum ex his quatuor gemmis, quæ hoc nomine appellantur Apocalypsi. 21. constat inter omnes Chalcedonium esse quamdam speciem carbunculi. Sardonyx verò est species Onychis. Ligurium autem Hieronymus epist. 129 suspicatur esse Hyacinthum. Vnde solum omnino inter se differre videntur Achates & Chrysoprasus. His addenoum lapillos pretiosos, quibus fulgebat diadema Regis Tyri Ezechiel. 28. per quos designari nouem Angelorum choros putant Rupertus Abbas lib. 1. de Victoria Verbi Dei, cap. 27. & S. Gregorius homil. 34. in Euangelia.

Vt autem præterea plura alia quæ de gemmis, substantiaque lapidea dici possent ad diuinarum Scripturarum intelligentiam, veniamque ad metallum, quis ignorata auri natura bene intelligat caritatem comparari auro ignito Apocalypsi. 3. & iustum Ecclesiastici 50. dici esse, quasi vas auri solidum, ornatum omni lapide pretioso? Quis non perspicis argenti proprietatibus, percipiat, cur aureæ spoonæ murenulæ, vermiculatæ argento dicantur Cantic. cap. 1. cur item eloquia casta dicantur argentum igne examinatum Psal. 12. Item ex proprietate stanni alia metalla ab igne defendentis, *Stannum*, inquit Maiolus colloq. 19. est auri, atque argenti, & æris paronius, ac tutor; quia enim igne vti facile possunt, adhibetur stanni tutela vt non vrantur; ex hac, inquam stanni proprietate S. Hieronymus in cap. 4. Zachariæ, exponens illa verba, *videbunt lapidem stanneum*, putat esse intelligenda de Christo Domino, de quo sic ait, *Sicut stannum ab igne alia metalla defendis, & cum sit natura æs, ferrumque durissimum, si absque stanno fueris, uritur, & crematur; sic omnis Angelorum, & hominum forti-*

tudo, si non habuerit auxilium Saluatoris, imbecilla probatur & fragilis. præterea quomodo stannum mixta & adulterata inter se per ignem metalla dissociat; ita Dominus verus probator, ab auro, & argento bonorum operum, & vitiorum plumbumque secernt, ut purum aurum remaneat, & argentum, ita S. Hieronymus. Quomodo insuper electrum, quod in medio ignis vidit Ezechiel cap. 1. exposuisset S. Gregorius homilia 2. in eum locum; Deum factum hominem in medio persecutionum, si non prius nouisset in electro, quod ex auro, & argento constatur, aurum quidem à claritate deficere, argentum autem ad claritatem proficere; quia igitur in Christo nature diuinæ vnita est natura humana, in qua adnatione humanitas in maiestatis gloriâ excreuit, Diuinitas verò à sui fulgoris potentia humanis se oculis temperauit; merito ait Gregorius Magnus, quasi electrum in igne est, Deus factus homo in persecutione. Quis igitur ex his, alijsque similibus non intelligat, quanta sit mineralogiæ vtilitas in percipiendis diuinis Scripturis; ad hoc legendi sunt auctores qui de hac Philosophiæ parte accuratius scripsere, quæ Meteorologiam, & Mineralogiam complectitur.

CAPVT VNDECIMVM.

*Quanti referat ad Sacra doctrina studium
quinta pars Physicæ de corpore animato seu viuente.*

Postquam in superioribus Physicæ partibus breuiter egimus de ijs rebus naturalibus, quæ vel inanimis, & animatis communia, vel inanimatorum propria sunt; sequitur quinta, & vltima pars, de corpore animato, seu viuente, rebusque ad illud pertinentibus, quæ & rerum nobilitate, & varietate, & difficultate, & librorum numero digna maxime est consideratione; comprehendunt libros de historia animalium, de partibus animalium, de incessu animalium, de anima, de paruis naturalibus, &

sci-

scilicet de sensu, & sensibilibus, de memoria, & reminiscencia, de somno, & vigilia, de somnijs; & de diuinatione per somnium, de motu animalium, de generatione animalium, de longitudine, & breuitate vite, de iuuentute & senectute, vita & morte, de sanitate & morbo; quibus omnibus addendi sunt libri de plantis.

Primum igitur, cum corpus animatum, seu viuens ut sic, sit compositum ex anima, & corpore, tanquam ex materia, & forma; breuiter explicandum est in communi, quid sit anima, quidque corpus organicum, & physicum, per ordinem ad quod definitur. Anima, dicitur quasi ventus, seu spiritus: propterea quod vel sit spiritalis, vel sit tenuissimæ substantiæ: Græcis autem est ψυχή à frigore, propterea quod æstus caloremque contemperet, & regat, definitur generaliter, quod sit ὁ ἀντικείμενος, siue actus primus corporis physici organici potentia vitam habentis, vel id, quo viuimus, sentimus, loco mouemur, & intelligimus primo; quæ duæ definitiones ab Aristotele allatæ ita se habent, ut prima sit essentialis conueniens omnibus animabus, secunda verò veluti descriptiua; sensusque illius non est, quod ad hoc, ut aliqua forma habeat rationem animæ, debeat hæc omnia simul habere, alioquin sola rationalis esset anima, sed ita ut per eam denotetur animam talis esse naturæ, ut ubicumque omnes hæ operationes, vel earum aliqua, aut aliquæ inueniæ fuerint debeant necessariò ab anima provenire.

Quod pertinet ad causam materiale corporum animatorum præsertim hominis, sciendum est materiam corporis animati, vel esse primam, de qua hic non est sermo, vel esse secundam de qua loquimur: & hæc est duplex, vel materia alterationis, vel compositionis. Prior est, ex qua alterata mutataque aliquid fit viuens, V. g. homo ex semine & sanguine materno, quæ sunt duo principia materialia hominis: & hæc alterari, mutarique debent substantialiter antequam

in ea introducatur anima rationalis. Materia compositionis est corpus ipsum, organicum, vel totum, id est, vniuersitas partium, vel etiam pars quævis: nam & corpus totum suam habet actionem, & pars quævis suam propriam. Actio totius corporis quatenus nimirum totus, est motus vnus. Item sympathia omnium partium & conuenientia, quæ omnes partes conspirant in vnum. Quia verò totum componitur ex partibus dissimilibus, V. g. ex capite, trunco, artubus: partes autem dissimilares ex similibus, ut manus ex carne, quæ est pars similis, ex ossibus quæ sunt partes similes; rursus partes similes componuntur ex elementis, quæ sunt duplicia, alia nimirum elementa animalium perfectorum, præsertim verò hominis, scilicet sanguis maternus, & semen ex quibus similes partes componuntur; vel sunt elementa remota, & prima, scilicet ignis, aer, aqua, & terra; ideo respectu ipsius animæ remota materia dici possunt elementa; minus remota, sanguis & semen; propinqua, partes; propinquissima totum corpus.

In corpore igitur humano, quod hic maxime considerandum est, propterea, quod sit regula cæterorum; quia nimirum præstantissimum est, partes vel sunt homogeneæ seu similes, vel sunt heterogeneæ seu dissimilares. Similes sunt, vel quarum particule eandem habent cum parte naturam, & nomen: sic quævis pars carnis est caro: vel quæ non idem habent nomen, propter nimirum aliam figuram; hoc modo non quævis pars venæ est caua: vtraque autem tam similis, quam dissimilis est organica: similis quidem propter figuram certam, dissimilis propter diuersitatem materiæ. Partes dissimilares sunt octo, quarum aliæ sūt spermaticæ, siue ex crassamento seminis natæ. Sunt autem partes hæc albæ: aliæ sunt carnosæ ex sanguine nimirum natæ. Sunt autem partes hæc ossa, cartilago, ligamentum, membrana, venæ, arteriæ, nerui, & caro. Aliter partes in homine si paulò latius sumuntur,

tripliciter diuidi solent, scilicet, vel in continentes, siue solidas, vt ossa, & ea quæ statim enumerata sunt; vel in contentas, humidas, & fluxiles, vt sunt quatuor humores in venis, scilicet bilis flaua, bilis nigra, sanguis, & pituita; sicut etiam humores ex illis nati, quatuor scilicet, ros, cambium, gluten, adeps; vel tandem in impellentes, siue spirituosas; estque triplex in homine & alijs spiritus, nimirum spiritus naturalis in hepate & venis, spiritus vitalis in corde & arterijs, spiritus animalis in cerebro & nervis. Primus inseruit nutritioni, secundus inseruit potissimum spirationi & cordis motui, tertius sensibus & motui progressiuo efficiendo. Est autem spiritus vel perpetuò influens à cerebro per nervos, ab hepate per venas, à corde per arterias: vel est spiritus in quavis parte inherens; ita in mammis est spiritus efformator lactis; sed de his latius medici; hæc breuiter dicta sufficiant pro instituti nostri ratione, & ad explicationem tam causæ formalis rerum viuentium siue animæ, quam causæ materialis earundem, scilicet corporis organici.

Iam agendo de diuisione animæ, nec non & modorum viuendi ab illa dimanantium; quo ad primum dicendū est animam rectè diuidi in vegetatiuam, sensitiuam tanquam in duo genera, siue species subalternas, & in rationalem siue intellectuam tanquam in speciem infimam, quia plures sunt species vegetantis, & sentientis, vnica autem est species animæ rationalis: quo ad secundū verò dicendum est quatuor tantum esse modos viuendi, seu gradus viuentium, nimirum vegetatiuam, sensitiuam, loco motiuam, & rationalem siue intellectuam. Cum enim ex vna parte tot sint animæ, quot sunt modi, quibus operatio illius supergreditur operationem naturæ corporalis inanimatæ; tresque dumtaxat sint modi generaliter loquendo, quibus operatio animæ supergreditur operationem naturæ corporalis inanimatæ; nam quædam est operatio animæ, quæ adeo excedit naturam corpoream,

vt nequeat exerceri per org: inum corporeum, qualis est intellectio, & huic correspondet anima intellectiua: alia, verò est operatio animæ infra istam, quæ quidem fit per organum corporeū, non tamen medijs qualitibus: valde materialibus, quales sunt primæ qualitates, vt calor, siccitas, &c. vel illæ quæ ex commixtione earundem resultant, sed medijs alijs subtilioribus, & non parum à materia depuratis, quales sunt species intentionales, & huic correspondet anima sensitua; tandem alia est operatio animæ omnium iustima, quæ fit per organum corporeum, & saltem virtute corporeæ & primæ qualitatis, sicut aliæ operationes rerum inanimatarum; attamen supergreditur operationem naturæ corporeæ, & inanimatæ in hoc quod operatio istius nequit esse à principio intrinseco, secus verò hæc operatio animæ: cum inquam ita res se habeat, vt tres tantum sint modi generales, quibus operatio animæ supergreditur operationem naturæ corporalis inanimatæ; rectè sequitur animam rectè diuidi in vegetatiuam, sensitiuam, & intellectuam. Ex alia vero parte, cum multiplicitas modorum, seu graduum viuendi desumatur ex diuersis modis habendi vitam, seu mouendi se ab inuicem separabilibus, quatuorque dumtaxat sint tales modi; quædam enim viuentia sunt in quibus est tantum vegetatiuam, sicut in plantis, quædam verò in quibus cum vegetatiuò est etiam sensitiuum; non, tamen motiuum secundum locum, sicut sunt immobilia animalia, vt conchilia: quædam verò sunt, quæ supra hoc habent motum secundum locum, vt perfecta animalia, quæ multis indigent ad suam vitam, & ideo indigent motu, vt vitæ necessaria procul posita querere possint. Quædam verò viuentia sunt in quibus cum his est intellectiuum, scilicet in hominibus, rectè assignantur quatuor tantum prædicti modi viuendi.

Non solum anima rationalis, sed etiam animæ animalium perfectiorum, sunt indiuisibiles, secus verò ceteræ animæ ani-

Sectio VII. Caput XI. 227

animę, animalium scilicet imperfecto-
 rum; vbi animalia imperfecta vocamus
 illa in presenti, quorum partes decise
 viuunt, vt sunt lacerte, & formice &c.
 siue habeant motum localem, siue non:
 perfecta verò, quorum partes separatę
 simul viuere nequeunt, vt equi, & leo-
 nes. Loquendo de informatione animę
 probabilius est tam sanguinem natura-
 lem, cęterosque humores ad integra-
 tem humani corporis requisitos, quam
 dentes, capillos, & vngues, informari
 eadem anima, qua totum compositum
 in quo sunt, saltem imperfectę id est se-
 cundum esse vegetabile; quod tamen
 negandum est de semine, & lacte femi-
 narum, cum non pertineant ad integri-
 tatem, & esse indiuidui in quo sunt, sed
 solum ordinentur ad perfectionem, &
 conseruationem speciei in alio indiui-
 duo. Anima non est secundum diuer-
 sam substantialiter rationem, sub diuer-
 sis aut in diuersis partibus corporis, sed
 omnis diuersitas, & ethereogeneitas in
 eisdem reperta, solum prouenit ex di-
 uersis accidentibus. Quod pertinet mo-
 do ad potentias animę in generali, dicē-
 dum est illas sumere suam specificationem,
 vnitatem & distinctionem specifi-
 cam ab actibus, & obiectis formaliter
 sumptis; hinc cum quinque sint genera
 obiectorum, circa quę potentię animę
 versantur, quinque etiam illarum ge-
 nera assignantur, scilicet vegetatiuum,
 sensitiuum, appetitiuum, locomotiuum,
 & intellectiuum; Potentia vegetatiua
 versatur circa corpus vnitum, vel intus
 susceptum; sensitiua circa aliud obiectū
 vniuersalius, nimirum corpus sensibile,
 licet non sit per seipsum vnitum viuenti
 sed per sui imaginem, seu speciem; po-
 tentia verò intellectiua versatur circa
 aliud obiectum magis adhuc vniuersale,
 ambiens non solum corpus vnitum mo-
 do dicto & corpus sensibile, sed etiam
 quodcumque ens. Quia autem poten-
 tia intellectiua, & sensitiua non tantum
 circa sibi coninecta, sed etiam circa re-
 mota, & absentia versari potest; ideo ob-
 iectum vtriusque debet habere aliam

rationem terminandi animę potentias;
 & eius actus; nimirum quatenus est bo-
 num animalis nondū reipsa possessum.
 Et hoc adhuc dupliciter: primò secun-
 dum quod terminat actum intentionis
 &c. secundò quatenus idemmet bonum
 terminat executionem, & acquisitionē
 sui; ad illud secundum priorem rationē
 terminatur potentia appetitiua; cuius
 præcipuus actus est intendere modo si-
 bi debito bonum sibi conueniens; circa
 illud verò secundum posteriorem ratio-
 nem versatur potentia locomotiva, quę
 animalibus in quibus est, tribuitur à na-
 tura ad hoc, vt bonum illud quod iam
 erat intentum possit reipsa adipisci &
 possideri. Vt prædictarum potentialium
 alię sunt organicę, siue quę medio or-
 gano corporeo, tanquam instrumento
 coniuncto suas operationes exercent, vt
 visus, medio oculo; alię verò non orga-
 nicę, siue quę non operantur per or-
 ganum corporeum, eo quod sunt poten-
 tię purę spirituales; dicendum est poten-
 tias non organicas subiectari quidem
 immediatē in ipsa anima, cuius sunt po-
 tentię, scilicet in anima rationali: orga-
 nicas verò in coniuncto ex corpore &
 anima, & non in sola anima, vt in subie-
 cto quod adęquato.

Descendendo modo ad considera-
 tionem vniuscuiusque animę in parti-
 culari, primumque vegetatiuę, tum quia
 communior, & vniuersalior est, quan-
 doquidem quęuis anima sensitiua, aut
 rationalis debet esse vegetatiua, non ta-
 men è contra; tūc etiam, quia sicut ef-
 fe naturale est fundamentum esse sensi-
 bilis, & intelligibilis; ita anima vegeta-
 tiua est fundamentum sensitiuę & ratio-
 nalis; incipiendo, inquam, ob rationes
 allatas ab anima vegetatiua, rectē defi-
 nitur vt sic, quod sit primum principiū
 vegetandi, id est, nutriendi, augendi, &
 generandi: non enim alias habet hęc
 anima potentias, de quibus iam dicen-
 dum. Potentia alitrix seu nutritrix, cuius
 nutritio est actio versatur circa alimen-
 tum, venenum, & medicamentum. Alimen-
 tum autem est corpus quod in sub-

stantiam rei viuentis conuertitur, vt panis, ideoque alimentum plus mutatur, quàm mutet, impossibileque est quod odores nutrant; impossibile enim est vt accidens viribus naturæ conuerti possit in substantiam; si quidem natura non potest transire de genere in genus, atque aded nec ex substantia potest facere accidens, nec ex accidente substantiam. Venenum est corpus, vel quod tota substantia, vel qualitate ita repugnat viuenti, vt id penitus immutet & extinguat. Medicamentum est corpus quod qualitate sua partim immutat viuens, partim mutatur. Etenim senna y. g. mutatur quatenus calore nostro excitatur cum assumitur, mutat verò quatenus qualitate sua in corpus nostrum agit. Nutritionis finis est vt restauret deperditum, calor enim naturalis in corpore semper agit, & absomit aliquid tanquàm ignis in lampade oleum. Nisi ergò pars deperdita per alimentum refarciretur, breui interiret viuens; quandoquidem vitæ nihil aliud sit, quàm permanens calidi in humido, ideoque omne alimentum humidum est, non aqueum; hoc enim extingueret calorem, sicut & aqua extinguet lampadem; sed acreum, id est, humidum calidum, quod calorem nutrit, qualia humida sunt viscosa omnia, & oleaginosæ, vt butyrum, mel, oleum, vinum, lac &c. Verùm quia triplex in nobis existit substantia, scilicet solida in partibus continentibus, humida in partibus contentis, spiritalis in partibus impellētibus; ideo cibo pro primis partibus, pro secundis poru, tertijs aere opus est. Hinc omnia viuencia si non respirant, saltem perspirant admittendo aerem, & expirando, quomodo etiam plantæ perspirant per poros: & vt liberius perspirare possint, libere libenter perfruantur aere. Natura igitur ob hunc finem triplicem velui nutritionem instituit.

Vt nutritioni variz actiones famulantur, ita etiam variz sunt ministræ facultates altricis. *Prima* est appetens; pro qua distinguit duplicem appetitum,

vnum naturalem, per quem quouis pars corporis absque sensu, vel cognitione appetit id quo eget stirpium more, alius animalis, scilicet fames & sitis. *Secunda* est attrahens facultas quæ calore & siccitate, subtilitatis similitudine attrahit alimentum: calorem attrahere constat ex electo calefacto attrahente pascam: siccitatem attrahere constat, quod plura Sole siccata balneo aquæ dulcis sitim extinguere videamus: tandem subtilitatis similitudine fieri attractionem constat, quia simile simili gaudet, & simile attrahit: inde ossa attrahunt sanguinem melancholicum, sitis fellea biliolum &c. fitque talis attractio vel per fibras rectas, vel sine fibris, vt in partibus similibus. *Tertia* est retentrix: nisi enim attractum alimentum retineatur, nunquam conuertetur: igitur tamdiu retinet alimentum donec assimiletur, & sic maximè per siccitatem. *Quarta* est concoctrix: triplex est concoctio, vna in ventriculo, chylosis; alia in hepate, aimatosis; 3. in quauis parte, omoiosis, seu assimilatio. *Quinta* est secretrix, per quam vtile ab inutiles, simile à dissimili per calorem secernit, vel vt postea rejiciatur si sit excrementum, vel vt apponatur si sit alimentum. *Sexta* est excretrix, quæ per convenientes ductus alimentum aut excrementum, aut factum expellit: alimentum scilicet chylum, ventriculus in intestina, & iecur in venas, & venæ in quauis partes expellunt, quemadmodum palatum per gulam in ventriculum propellit: excrementum siue vtile vt semen, siue inutiles vt sudores, & præsertim in morbis, diebus criticis, id quod molestum est excernunt: factum vterus excludit. *Septima* est apponens scilicet alimentum cuius parti. *Octaua* est agglutinans, in hydropse enim apponitur sed non agglutinatur alimentum. *Nona* est vnens, in lepra enim agglutinatur, sed non vnitur alimentum.

Secunda animæ vegetantis potentia est auctrix, per quam copia humidi radicalis solidæ viuents partes in trinam dimensionem extenduntur, seruata specie,

Sectio VII. Caput XI. 229

cie, forma & continuitate. Dicitur copia humidi, inde pueri crescunt, & maiora sunt in mari, quàm in terra animalia: dicitur partes solidæ, vt ossa, nam cum humores, caro, adeps augentur, nō propria est auctio, quæ quouis tempore fit, auctio verò ossium tantum certo tempore: dicitur in trinam dimensionē, quia cūm pinguescimus tantum non in trinam dimensionem augemur: dicitur viuētis partes, aliæ enim crescunt tantum per appositionem: dicitur seruata specie, manenteque forma, quia materia ita quotidie perit, vt anima humana, semper remaneat.

Tertia tandem, & vltima eiusdem animæ vegetantis potentia est generatiua, secundum quod est productiua substantiæ viuētis, præsertim animalis, beneficio seminis. Viuentia enim quædam sponte nascuntur, vt musca; quædam, non sponte vt Leones: quædam utroque modo, vt mures: quæ non sponte nascuntur, vel à radice, vel furculis, vel ex semine nascuntur; de quo postremo sermo est potissimum inter Philosophos, qui potentiam generatricem definiunt esse vim per quam viuens producit sibi simile, aliud tamen à se, attamen ex se, siue intra siue extra se propter speciei propagationem: hinc mas ex se, sed extra se, femina ex se, sed intra se generat. Sic potentia generatiua versatur circa semen & menstruum sanguinem. Semen est excrementum laudabile vltimæ concoctionis. Vtrum tam masculus quàm femella in perfectis animalibus habeant semen ad generationem? controuersia est inter Philosophos & Medicos. Asserunt hi, negant illi femellis inesse vim seminificam. Nam dicunt Medici omnes omnino partes generationi dicatas easdem esse in femellis ac in viris. Sic illos conciliare conantur aliqui. Licet in masculis sint mammae, non tamen sunt lactificæ propriè: ita licet in femellis sint testiculi latentes, non tamen seminifici propriè. Nihilominus quemadmodum terra calore suo humido semen quasi excitat plantarum ad produ-

ctionem, ita humiditas quadam analogæ est in femellis. Non ab omni parte semen fluere certum est, alias mutili semper generarent mutilos; siue tantum à præcipuis, scilicet à pectore & corde per vasa spermatica, duas venas scilicet & duas arterias in testium tunicam propriam, & à cerebro per nervos. In testibus ergo elaboratur semen, in fructibus arborum semina continentur. Animatum est semen anima vegetante, sed anima illuc torpet, sicut in hyeme torpet in glaciibus, testudinibus aliisque similibus animalibus.

Inter potētiz generatricis ministras reponuntur vis alteratrix & conformatrix, totumque eius negotium quinque potissimum absoluitur, generatione, conceptione, conformatione, motu, exclusionē seu partu. *Generatio* hic est productio rei viuētis ex semine, opera virtutis alteratricis & formatricis. Est naturalissimum opus propter hominem, non autem propter indiuiduum, semen enim emissum accelerat senectutem & mortem, idēd quæ casta sunt diuturniora sunt, sicut & ea quæ semen non ferant, vt mulus. Conceptio hoc ordine perficitur: 1. est effusio seminis in vterum & receptio, 2. est seminis mixtio, 3. est retentio, 4. clausio vteri, ita vt ne aciculæ mucronem intrromittere possis: propriè est viuificatio seminis factūdi ad formandum fetum pendens à proprietate vteri. Sunt quatuor tempora conformationis, quæ fit nempe 30. diebus, summum quinquaginta. *Primum* tempus est 7. dierum: hic semen vtero conceptum excitatur calore materno ad agendum, sicut terra grana verè excitat; ergo excitatum semen inuemescit, & tunica circumducitur, quemadmodum panis in furnum iniectus, aut quemadmodum ouum putamine seu cortice inducitur: regitur autem ne spiritus defluat: hæc tunica triplex est, vna chorion siue locus & quasi ades puellj. Secunda est Allantois ad recipiendam urinam: tertia amnios ad sudorem. *Secundum* tempus est quo partes principes; iecur, cor &c. simul

simul designantur, & rudimenta accipiunt: eodem tempore chorion adhærescit vtero per oscula venarum cotyledonum: itaque varix arteriolæ & venulæ intexuntur chorio. *Tertium* tempus est quo arteriolæ illæ, & venulæ in duas arterias umbilicales, & in venam vnam umbilicalem desinunt, cum iam sanguinē maternū fetus fugere incipit. *Quartum* tempus est quo anima rationalis inducitur post formationem cæterarum partium minus præcipuarum, scilicet pedum & digitorum, qui postremò sicut folia & fureuli in ramis formantur. Quod pertinet ad motum, mouetur fetus dupla ratione, id est, si formatus fuerit triginta diebus, sexagesimo die mouetur. Motus non tantum est plantæ crescendo nempe, sed animalis mouendo. Tandem partus siue exclusio quadruplex est. 1. aquarum contentarum. 2. puelli 3. secundinarum 4. lociorum, seu purgamentorum. Maturus ex arbore fructus decidit, ita & fetus ex vtero; maiori alimento indiget, ideo pedibus calcitrat, & reliquo corpore; refrigerio maiori opus habet, ideoque tunicas perumpit, hinc dolores magni matris, quia distumpuntur venulæ in chorio à cotyledonibus.

Semel explicata natura animæ vegetatiuæ vt sic, & potentiarum eius generaliter sumptarum; quod pertinet ad eius diuisionem. vt sunt innumeræ penè plantarum, ita & animæ vegetantis per illas contractæ differentiæ, & species, de quibus infra in historia plantarum.

Secunda animæ species est sensitua, sic dicta à potentia potissima quam habet, etenim non tantum sentit, sed etiam appetit & mouet; sed quia motus præsupponit appetitum, appetitus verò sensum tanquam principem, ideo à sensu sentiens vocatur. Sunt ergò tres potentie huius animæ, scilicet sensitua, appetitiua, & loco motiua. *Sensitiua* potentia ea est quæ per sensum in sensorio, & per species receptas obiectum percipit. Sunt duplices sensus: alij externi, interni alij. Externi dicuntur quorum orga-

na sunt externa, & apparentia, quique versantur circa sensibile externum; Interni quorum organa latent, & in interiore sunt corporis recessu, vt cerebrum, illiusque varix cellulæ sunt organa sensuum interiorum, quique versantur circa sensibile vt sic. Sensus omnis partim est actiuus, partim passiuus: recipere enim species est pati; item recipere sensationem est pati: sed sentire seu efficere sensationem V. g. visionem est agere. Notandum est primo sensibile externū vt sic, illud nimirum quod à sensibus externis percipitur, esse triplex: aliud nimirum sensibile per accidens, quod solum per accidens, & ratione alterius sentitur: aliud verò sensibile proprium, quod per se, & ab vno tantum sensu percipitur: aliud tandem commune quod per se, & à pluribus sensibus attingitur, & diuiditur in quinque membra, scilicet motum, quietem, numerum, figuram, & magnitudinem, & si quæ sunt alia reducuntur ad ista, quia tempus debet reduci ad motum tanquam affectio eius, & habens eundem modum essendi successuum cum illo: vnitas verò ad numerum, situs autem & distantia ad magnitudinem, ex eo quod situs est n.odus quidam magnitudinis, & ex diuerso situ diuersa etiam distantia oritur. Quæ omnia sensibilia communia probabilius est non imprimere in sensu speciem omnino distinctam, tanquam speciem, & speciem intentionalem ab specie sensibilis proprii, sed solum modificare speciem proprii sensibilis. Notandum est secundò sensibile immediatè positum, supra sensum externum, non posse ab eo secundum quod est immediatè eidem, superpositum sentiri, ac proindè quemlibet sensum ad suam sensationem eliciendam requirere aliquid, quod sit medium inter ipsum, & obiectum sensibile. Tertiò omne excedens sensibile siue quo ad magnitudinem, siue quo ad paruitatem, non solum vt agens naturale, sed etiā vt est agens intentionale, & vt præcisè immitit species, potest lædere, aut corrumpere sensum. Hinc si aliquis so-

lem

lem fixus intueatur, læditur, aut si quis nimis minutulas inspiciat litteras. Ratio est, debet esse proportio quædam inter agens, & patiens, quæ non est cum sensibile aut magnitudine, aut paruitate, excedit; sicut nec quando immediatè superponitur sensui; etsi enim species immediatè deriuatæ ab obiecto sensibili, sint immaterialiores quam obiectum, nihilominus tamen non sunt ita immateriales, vt habeant debitam proportionem in immaterialitate cum sensu, vnde paulatim suam in medio crassitiem deponere debent. Quarto tandem dicendum est sensum circa sensibilia propria non decipi per se, sed per accedens; etiam si talia sensibilia secundum peculiare rationes considerentur; at circa sensibilia communia, & per accedens posse etiã per se decipi; seu quod idem est circa sensibilia propria, etiam secundum speciales rationes sumpta, non nisi raro; circa communia verò frequenter, & multo magis circa sensibilia per accedens decipi.

Transcundo à sensibus externis in commune, ad agendum de eisdem in particulari, sunt quinque, Visus, Auditus, Odoratus, Gustus, & Tactus, ratio inter alias hæc adduci potest, quod pro quinque corporibus simplicibus scilicet pro cælo & quatuor elementis sunt quinque organa sensuum: nam per visum spiritusque cælestes, & lucentes in oculo videmus lumen cæleste, coloremque mediante lumine apparentes; quod lumen licet non distinguatur essentialiter à coloribus apparentibus, seu de foris aduenientibus, cum nihil aliud sint quàm ipsummet lumen diuersimode visui apparens secundum diuersum aspectum, distantiam, & situm rei ad corpus lumen, distinguitur tamen à veris coloribus, quique ab aliquo interiori principio procedunt; qui veri colores vt res à secundum suam entitatem definiuntur quod sint extremitates perspicui in corpore terminatio, ita & in ratione obiecti visibilis, quod sint motui diaphani secundum actum, id est diaphani habentis

proprium actum scilicet lumen; unde licet ipsa lux non petat per se diaphanum in actu tanquam medium per quod immutetur visum, secus tamen color, sic corpora in se fulgentia, non tamen emittentia lumen in medium possunt quidem in tenebris videri, vt lucida sunt, secus verò vt colorata. Similiter licet ad hoc vt color videatur, requiratur lumen ex parte medij, seu diaphani ad hoc, vt reddat illud dispositum in ordine ad recipiendas species intentionales ab eodem colore immixtas, non requiritur tamen ex parte ipsius coloris, cum enim color per seipsum sit visibilis, vt satis patet ex hoc quod sit sensibile, proprium visus, non potest reddi visibilis per lucem; quoniam quod per se, & ab intrinseco est tale, non redditur tale per formam extrinsecam seu de foris aduenientem. Sic lumen solum dispositiue, & in genere causæ materialis, ac tandem ex parte passi se tenendo, in quantum facit diaphanum esse in actu, concurret ad visionem colorum. Transcundo ab obiecto & medio visus, ad illius subiectum, siue organum, dicendum est potentiam visuam subiectari tam in pupilla seu humore crystallino, quam in neruis opticis, seu visorij, & præcipue in illa parte, vbi prædicti nerui coniunguntur, quam Græci chiasmum vocant, à littera Græca X, cuius formam prædicti nerui in sua coniunctione referunt.

Auditu percipimus sonum, cuius proprium, potissimumque subiectum est aer. Sonus potest vtrunque describi per hoc quod sit qualitas sensibilis resultans ex forti percussione corporum, sonorum, & medij resiliencia; ita tamen vt non subiectetur in corporibus se collidentibus, siue sonantibus, sed in solo corpore medio, & ex vi talis collisionis resiliencie. Licet solus aer, non verò aqua aut alia corpora eis similia sint apta ad hoc, vt habeant rationem medij, & subiecti respectu generationis soni, & eiusdemmet soni secundum suum esse reale, & naturale sumpti; nam experimur, quod licet plures pisces sub aquis nantent,

natent, nihilominus non causant sonum: at statim vt perueniunt ad superficiem aquæ, & aerem contingunt, sonum causant; attamen si consideretur eîsmodi sonus secundum suum esse intentionale recipitur tanquam in subiecto, & medio non solum in aere, sed etiam in aqua, & illis corporibus similibus habentibus sufficientem raritatem ad hoc vt possint esse medium aptum ad species audibiles deferendas; secus verò in corporibus terrestribus, & densissimis quatenus talia sunt; Putant aliqui requiri ad perceptionem soni, quod secundum suum esse reale pertingat vsque ad potentiam auditivam, siue organum auditus; quando tamen inter ipsum & potentiam mediat aer, qui vt diximus, solus per vtramque immutationem naturalem videlicet, & intentionalem immutari potest; sed alij melius docent, sonum secundum suum esse reale, & naturale communicari quidem posse per medium; & hanc communicationem esse maiorem, vel minorem, iuxta maiorem vel minorem violentiam primæ percussoris; non tamen esse necessariū ad hoc, vt audiat, quod secundum prædictum esse pertingat vsque ad auditum. Rursus putant aliqui sonum ab hac sola distantia, in qua definit secundum suum esse reale, & naturale; incipere effundere species intentionales, ita vt nunquam in eodem medio, in quo sonus secundum suum esse reale fuerit, sit etiam intentionaliter per species; melius tamen cum alijs tenendum est, statim ac producit, & cum aere resiliente, & eum recipiente movetur, habere etiam diffundi per species intentionales modo sibi proportionato vsque ad eundem auditum; nam sonus statim ac producit, ac proinde vna cum aere resiliente, & eum recipiente movetur, est proprium per se sensibile; auditus igitur eo ipso modo sibi proportionato diffundere debet species sui vsque ad illum, si intra spheram suæ actiuitatis contineatur, vt supponimus: Si quidem omne agens naturale non impeditum, & approximatum passo rectè

disposito, necessario producit effectum suæ virtuti proportionatum; sonus autem, vt satis per se patet, est agens naturale respectu diffusionis sui per species intentionales, & passum, scilicet mediū, nec non & auditus sunt rectè disposita, & approximata vt supponitur; ergo sonus statim ac producit, immittit species sui per medium vsque ad auditum, modo sibi proportionato, quod dicitur, quia cum sonus incipiat per motum, & cum motu, atque adeo successivè, non potest non successivè cum primo producit, se intentionaliter diffundere, quamvis postquam iam productus est, & aliquantulum durat, valeat si intra debitam distantiam sit, immutare instantaneè, & intentionaliter prædictum auditum. Circa sonum reflexum, qui dicitur Echo, præter supradicta quæ sunt illi cum sono directo communia, dicendum est illum fieri per regressionem soni secundum suum esse reale, & naturale, ex eo quod acris motus, & deferens sonum inuenit aliquod corpus, præcipuè si sit coëstivum, quod ei obstat, quodque sit causa, vt in contrarium reflectatur: Imo probabile est, quod sicut generato sono reflexo, qui sit sonus realiter distinctus à directo, tunc auditur prædictus sonus, siue Echo absque eo, quod perueniat secundum suum esse reale ad auditum: ita etiam possit audiri Echo; ac proinde audiri iterum eadem vox, etiam si præter sonum directum, non generetur alius sonus realis, sed auditio illa fiat medijs speciebus reflectentibus ab aliquo corpore obistente vsque ad auditum. Quod pertinet ad proprium auditus organum, vel subiectum, dicendum est illum residere proximè in substantia illa ærea & spirituosâ, animata tamen, quæ intra aures animalis reperitur, soletque nomine æris infiti insigniri, ita tamen vt prædicta substantia non sit totale & adæquatum auditus subiectum, ex eo quod etiam subiectatur in nervis mollibus inter se continuatis, & à cerebro procedentibus vsque ad prædictam substantiam æream in vtroque tym-

sympano aurium existentem.

Per odoratum spiritusque igneos olfacimus res calidas in siccis, & calidior potissimum existentes. Natura ergo odoris potest utcumque explicari, per hoc quod sit qualitas secunda ex certo temperamento primarum, in qua siccum comprehendit humidum, causata; experientia enim constat, quod si res odorifera igni apponatur, tunc maiorem, & iucundiorum odorem solet spirare, non alia certe ratione, nisi quia per calorem magis excitatur, & augetur eius siccitas ex eo, quod ex vi prædicti caloris sit maior decoctio, & resolutio humidi in proportionem tamen debita, sicut etiam quia calor plus in æstate, quam hyeme viget, ideo prædicta corpora odorifera solent in æstate magis redolere. Cum sit certum inter Philosophos, odoratum necessario petere medium aliquod intercedens inter ipsam, & rem odorabilem; rursus medium hoc in ordine ad immutationem intentionalem esse aerem, aut aquam, ut satis patet per hoc, quod animalia aquatica odorem sentiunt, non solum illa, quæ habent sanguinem, sed etiam illa quæ sanguine carent; & ex animalibus quæ sunt in aëre, quædam eorum de longinquo veniunt ad alimentum, quod non posset esse nisi in quantum prouocantur ab odore; tertio tandem cum sit certum odorem secundum suum esse reale, & naturale non posse diffundi per aërem aut aquam, nisi mediante fumosa euaporatione, seu exhalatione, quam corpus odoriferum spirat, cum, inquam, hæc omnia sint certa inter omnes ferè Philosophos, dubitatur quomodo odor media hac quasi fumosa exhalatione diffundatur ad hoc ut possit per odoratum sentiri? An nimirum sit necessarium, quod media prædicta exhalatione secundum suum esse reale, usque ad odoratum, vel usque ad certam aliquam distantiam diffundatur? an verò sufficiat, quod solum intentionaliter, non verò secundum suum esse reale immutet medium, & potentiam? Pro quo breuiter dico posse quidem odorem me-

dia illa fumosa exhalatione diffundi secundum suum esse reale & naturale per medium, unde iuxta magnitudinem, vel paruitatem rei odoriferæ, & alias circumstantias tunc occurrentes, ut quod flante vento nimium agiteretur prædicta euaporatio, poterit hæc diffusio esse ad maiorem, vel minorem distantiam, ut ex se patet: Nihilominus tamen ad hoc, ut olfactus percipiat utcumque odorem, probabilius est non requiri necessario hanc realem, & naturalem diffusionem, sed intentionalem dumtaxat, & ita odor intentionaliter se diffundit usque ad olfactum, ut per illum sentiat; quoniam plura odorabilia aquæ immeris solent percipi tam ab animalibus existentibus intra aquam, quam extra aquas, cum tamen in eo euentu nullam fumosam exhalationem spirent, ut experientia docet, alioqui appareret ibidem aliqua commotio aquarum, cuius oppositum experimur; insuper ut rectè notauit Diuus Thomas 2. de anima lect. 20. Cum odor cadaueris usque ad quingenta miliaria, vel amplius à vulturibus sentitur, impossibile esset, quod aliqua corporalis euaporatio cadaueris, usque ad tantum spatium diffunderetur, præcipuè cum sensibile immutet medium undique secundum eandem distantiam, nisi impediatur, non autem sufficeret ad occupandum tantum spatium, etiam si totum cadauer resolveretur in fumalem euaporationem &c. Et si organum auditus, sicut & aliorum sensuum pluribus constet partibus; inter quas prima est natus, secunda quoddam os ad radicem nasi positum, ac foraminibus quibusdā distinctum, unde à Medicis vocatur cribrum; tertia duo quasi canales à cerebro, usque ad ossa foraminosa narium, per quos descendunt duo nerui egredientes ab interiori parte cerebri, quarta tandem duo mollities carnes similes capitibus mamillarum feminæ lactantis, & ob hanc causam appellantur ab anathomistis processus mamillares, quæ quidem mollities, seu processus mamillares, sunt affixæ prædictis neruis, ut ex

vsu anathomicæ artis constat; dicimus tamen immediatum organum auditus, cui ipse proximè inhaeret esse prædictos dumtaxat processus mamillares.

Per gustum percipiuntur saporibus potissimum in humido & in aqueo sentiuntur. Vnde Sapor ad odoris distinctionem describi potest, quod sit qualitas secunda, ita causata ex commixtione humidi & siccæ, ut tamen humidum in illa comprehendat siccum; quia autem datur duplex siccitas: alia ignea: alia terrea; sicut & duplex humiditas: alia nimirum aërea, & alia aquea. Sapor causatur ex humiditate aquea, & ex siccitate terrea, quæ nutritivæ dicitur; cû enim ignea siccitas sit in materia valde tenui, & ideo euanida sit, ac parum apta ad nutriendum, consequenter etiam inepta iudicanda est ad saporem ut sic dicam nutritivalem causandum. Licet autem species saporum sint quamplurimæ, attamen omnes, vel ferè omnes possunt ad septem reduci: Dulcem in melle, in siebibus, visis maturis & alijs eiusmodi; Amarum in opio, absinthio, felle. Pinguem in rebus viscosis, ut pinguedine, medulla lacte. Salsum in sale, in aqua maris. Acetosum in aceto, & aliquibus putrefactis. Austerum in fructibus ante maturitatem. Ponticum in limonijs. Quorum saporum species extremæ, seu quod idem est, species simplices, siue inter se contrariæ ad quas contrarietas aliarum reducitur, sunt dulce & amarum. Quemadmodum enim idè album, & nigrum sunt colores extremi, & contrarij ad quorum contrarietatem contrarietas cæterorum colorum reducitur, quia cæteri colores, scilicet medij generantur ex commixtione albi & nigri, vel ipsorum secundum se, vel ex mixtione causarum eiusdem albi & nigri; ita etiam cum alij saporibus generentur ex mixtione dulcis & amari, vel ipsorum secundum se ut satis experientia patet, vel ex mixtione causarum prædictorum saporum dulcis, & amari; nam sicut calidum perfectè digerens humidum causat saporem dulcem, privatio

autem humidi perfectè digesti est causa amaritudinis, ita alij saporibus causantur, secundum quod humidum medio modo se habet, nec totaliter est digestum, nec totaliter est indigestum, & iuxta maiorem vel minorem decoctionem, & digestionem, aut indigestionem iam dictâ resultant diversi saporibus medij; cû inquam res ita se habeat, dulce & amarum censendi sunt saporibus extremi, & maximè contrarij ad quos contrarietas aliorum reducitur. Quia ab obiecto aliquius sensus ad sensum ipsum devenièdo statim post obiectum primò se offert medium, ideo post obiectum gustus, de medio illius primo loco agendo, notandum est duplex esse medium, aliud extrinsecum, siue extraneum; aliud verò intrinsecum, siue intraneum, aut coniunctum; ex quibus extrinsecum est aliquod corpus, quod non sit vera pars animalis sentientis, sed corpus extraneum interiectum inter organum sensus, & obiectum percipiendum, ut contingit in sensu visus, & auditus, qui ut dictum fuit per intermedium aërem, vel aquam sua percipiunt obiectum medium verò intrinsecum, seu intraneum & coniunctum, est aliqua pars animalis sentientis intercedens inter sensum & obiectum, quia obiectum nonnisi mediante aliqua parte animalis inter ipsum, & organum valet percipi. Iam ad rem dicendum est medium per se petitum à gustu non esse medium extraneum, seu extrinsecum, sed intraneum, & intrinsecum scilicet carnem illam, siue partem animalis, quæ regitur proprium organum gustus; nec refert quod inter rem sapidam, & gustum mediet saliva, quæ est corpus extraneum; hoc, inquam, non refert, saliva enim non habet rationem medij, sed est potius quasi condimentum omnium saporum. Porro sicut organum visus debet esse in potentia coloratum, & lucidum, quia eius obiectum est lucidum coloratum, & similiter organum odoratus debet esse potentia siccum, siue actu humidum, quia illius obiectum scilicet odorabile est actu siccum, ita etiam organum gustus

gustus debet esse potentia humidum, siue actu siccum, ita ut hæc sit peculiaris, & maximè propria eius qualitas loquendo de sicco terreo; sic lingua est organum gustus, non secundum omnes sui partes, sed secundum nervum quemdam mollem à cerebro descendente, & per eandem sparsum; ita tamen, ut in linguæ cuspide magis vigeat vis gustativa, & aliquid talium nervorum ad palatum usque descendat, & ibidem gustus etiam resideat, sed minus perfecte: quia nervus gustatorius in cuspide linguæ est melius dispositus, & attemperatus, quàm in radice linguæ: ubi adeo bonam temperiem non habet, & præ copia salivæ propè illam existentis aqualiter obtunditur, & hebetatur in ordine ad gustandum.

Tandem per tactum maximè sentimus frigiditatem & siccitatem; & quia contrariorum eadem est scientia & sensus; ideo cum tactus frigiditatem & siccitatem terrestrem sentiat, etiam oppositum calorem, & humiditatem, ceterasque qualitates tangibiles in illis fundatas percipiet. Quia autem quoties sensatio tactus fit: toties plures qualitates tangibiles ibidem inveniuntur. Nam in primis organum tactus constat ex quadam naturali temperie primarum, qualitatum ex se tangibilium, per quam disponitur in ordine ad recipiendum prædictum sensum: & insuper solet alterari per qualitates tangibiles, & ita dum sentit calorem calefit ab illo, & dum percipit frigiditatem frigefit ab ea; hinc aliqui putant utramque qualitatem scilicet illam, quæ est in organo, & eam quæ est in obiecto per eandem partem organi sentire: ita tamen ut prior illa ratione sui, & sine hac posteriori possit aliquo modo sentire: hæc verò posterior sentiatur per eam quæ in organo est. Nihilominus tamen cum alijs melius dicendum est, quod etsi qualitas tangibilis, V. g. calor possit percipi à parte viciniore paululum tamen distant, dummodo prædicta qualitas sit intensior; non posse tamen percipi ab ea parte

Biblioth. Theol. Tom. IV.

organi in qua inhæret; atque adeo loquendo de qualitatibus sensibilibus, quæ ei directe correspondent, solum percipiuntur per tactum qualitates existentes in obiecto externo debite ei approximato; præterquam quod enim sensibile, positum supra sensum, id est contiguum ipsi, impedit sensationem, atque adeo multo magis sensibile inhærens sensui; qualitas tangibilis V. g. calor inhærens in vna parte organi non potest eam deinde alterare, aut magis calefacere, ut satis per se patet; Vnde etiam non potest ab eadem parte organi per tactum sentiri; nam qualitates tangibiles non sentiuntur per tactum nisi prius immutent illum alteratione physica, & naturali, ut statim diximus (quamvis id non oriatur ex eo, quod calor externus, V. g. per internum tanquam per formalem rationem sentienti percipitur, sed aliunde) quare si calor inhærens in organo non potest physice & naturaliter immutare partem illam organi in qua reperitur, nequibit per illam sentiri.

Rursus cum inter qualitates tangibiles debite in ratione obiecti approximatas modo statim dicto, dentur aliquæ non solum excellentiores, aut exuperantiores, sed etiam æquales, aut minoris intensiois, ac est ea, quæ in simili qualitate in organo inhærente reperitur, dicendum tamen est, tactum solum sentire excellentias, seu exuperantias obiecti tangibilis, non verò gradus, aut quasi gradus æquales, aut inferiores, Nam organum tactus debet esse in potentia ad qualitates tangibiles, quas percepturus est, quando quidem unumquodque patitur secundum quod est in potentia, non verò secundum quod est in actu; non potest ergo percipere eas qualitates, secundum quas est in actu, sed solum eas, ad quas est in potentia: ac proinde si organum sit in actu per calorem, ut quatuor V. g. nequibit sentire calorem ut quatuor, aut aliquid prædictæ intensiois, sed solum exuperantias, ad quas solum est in potentia. Vnde quia proprium est tactus, ut distincti ab alijs

Gg 2 sen-

sensibus saltem externis, quod solum respiciat exuporantias tangibilem, tanquam quid in actu exercito sentiendū: propterea etiam proprium est illius, ut solus ipse inter alios sensus iam dictos sit per se loquendo denudatus ab exuperantijs obiecti tangibilis; non tamen à tota latitudine eius. Componitur enim ex elementis quorum calidum, & frigidum, humidum, & siccum sunt proprię qualitates: sic igitur sit in potentia organum tactus ad sua obiecta, in quantum est medium inter contraria; mediū enim est in potentia ad extrema, & propter hoc quando animal habet complexionem magis reductam ad medium, tantò habet meliorem tactum, vnde homo inter alia animalia est melioris tactus.

Iam circa modum quo obiectum tangibile immutat intentionaliter tactū; an nimirum ad illud requiratur, quod obiectum tangibile immutet etiam per immutationem naturalem & physicam organum tactus, ad hoc ut speciem intentionalem sui immittat; an verò possit absque dependentia à prædicta immutatione naturali, & physica immutare intentionaliter potentiam tactuam; putant aliqui non esse per se necessariam immutationem naturalem, & physicam causatam ab obiecto tangibili, sed satis esse realem & materialem contactum inter illud, & organum tactus. Melius tamen alij docent, non solum qualitates primas tangibiles, scilicet calorem, frigiditatem, humiditatem, & siccitatem, sed etiam secundas ut duritiem, & molitiem per se, & necessario debere immutare organum tactus, physice, & naturaliter, ad hoc ut eundem tactum per species intentionales immutent: aliter tamen, & aliter nam primæ qualitates alterant, siue immutant physice organū producendo sibi simile secundum speciem, nimirum alterum calorem, vel frigiditatem; secundæ verò qualitates, ut durities, producendo quandam qualitatem innominatam, cuius signum aliqua est, quod durum contritatum, se-

cundum quam rationem sentitur, & imprimit sui speciem, exasperat manum. V.g. tangentem illud, cum tamen oppositum contingat dum molle per tactum sentitur, seu ab illo intentionaliter immutatur. Vnde, cum dicitur communiter has qualitates secundas, & tangibiles non esse actiuas debet intelligi de actiuitate, per quam producuntur alie similes qualitates secundum speciem, & quod ob rationem generalem qualitatum secundarum, non conueniat eis prædicta actiuitas, non verò, quod prorsus sint expertes totius actiuitatis naturalis, pro ut hæc actiuitas ad productionem cuiusvis qualitatis ad ordinem naturalem spectantis extenditur. Loquendo de medio tactus, & si per accidens possit habere medium extrinsecum, ut satis patet dum quis percutitur mediante clypeo, ita ut ram clypeus, quam animal eo munitum percutiatur, tamen per se debet habere medium intrinsecum, seu partem aliquam animalis per illum sentientis. Sicut enim alij sensus visus, auditus, & olfactus per se petunt mediū extrinsecum, vnde visibile & audibile mouent per se extrinsecum medium, & iterum medium mouet vel visum, vel auditum; ita gustus & tactus per se petunt medium intrinsecum; vnde etiam quādo per accidens mediat aliquod corpus, seu medium extrinsecum, tangibile non mouet medium extraneum, & iterum medium illud mouet tactum; sed tangibile mouet vtrumque simul; siue, quod idem est tangibilia sentimus per medium extraneum, non quasi moti à medio extraneo, sed simul cum medio mouemur à sensibili: ut patet in exemplo allato de eo, qui percutitur per clypeum, non enim accidit sic, quod clypeus percussus percutiat, sed simul accidit vtrumque percutiui cum dicitur, *simul*, non est intelligendum, inquit D. Thomas lib. 2. de anima lect. 23. secundum ordinem temporis tantum, quia etiam in visu simul mouetur mediū ab obiecto, & sensus à medio: sit enim visio sine successione. Perceptio autem soni

soni, aut odoris cum successione: sed hoc referendum est ad ordinem causæ: in alijs enim sensibus immutatio medijs est causa quod immutetur sensus, non autem in tactu: nam in alijs sensibus immutatio medijs est causa quod immutetur sensus non autem in tactu. Quod pertinet ad organum, seu sensorium tactus putant aliqui esse carnem, nec non & nervos: reliquæque alia, quæ ad carnem reducuntur, quod vltimum addunt, vt excludant ossa, & alias corporis partes eis valde similes, quia sunt nimis terrestres, & maximè frigida. Melius tamen alij docent carnem vt conditionem à nervo esse medium tactus, non verò organum, sed hoc esse aliquid aliud intus, seu intra eam existens, quædam scilicet nervum, quem Medici tactuum appellant; quique, vt ex dissectionibus anatomicis constat, suo modo carne involutus dispersus est per totum corpus, ita vt animal sit eo, veloti rete quodam per totum corpus disperso munivum & septum, vt vndique quàm citissimè præsentiat, quid nocivum, quidve utile sit toti animali. Si inquirat aliquis in quamvis parte huius nervi, tactus vigeat. Respondet D. Thomas in 4. sententiarum dist. 23. quæst. 2. artic. 3. quæstione 2. quod in nobis vigeat in pulpis digitorum, de cæteris enim animalibus non ita id experimento cognitum est.

Præter quinque sensus externos statim explicatos, dantur quatuor interni, videlicet sensus communis, imaginatio, siue phantasia, æstimativa, & memoria; tot enim, & non plures nec pauciores debent dari actiones aut potentie, quot ad vitam animalis perfectæ requiruntur, cum igitur præter quinque sensus externos sufficiat animali perfectæ, quod cognoscat, vel versetur circa rationes sensatas, & insensatas tam præsentibus, quam absentes, sufficiant etiam quatuor enumeratæ potentie, vel actiones circa prædictas versantes. Notandum est tamen æstimativam in homine, & memoriam alia nomina fortiri, quam in cæteris a-

nimantibus. In hominibus enim æstimativa dicitur cogitativa, vel ratio particularis; memoria verò vocatur remi-

niscentia. Differt enim æstimativa bruti, & cogitativa hominis, quod illa cognoscit rationes insensatas, vt inimicitiam, convenienciam &c. naturali instinctu, & absque aliquo discursu, V. g. avicula naturali instinctu cognoscit per æstimativam hanc paleam sibi convenire ad nidificandum, & ovis hanc herbam esse sibi convenientem ad cibum, illam autem nocivam. At cogitativa in homine ex coniunctione ad rationem habet aliqualem discursum, & ideo non solum ex instinctu naturæ, sed cum aliquo discursu (circa sola tamen particularia eodem modo, & ordine, quo operatur intellectus circa eadem, aut circa universalia ab eis abstracta) apprehendit eiusmodi rationes insensatas, siue non sensatas. V. g. faciendo hunc syllogismum, *Hic est mihi inimicus, & hic est Petrus, ergo Petrus est mihi inimicus*. Præterea cogitativa hominis est quæ causat iudicia temeraria in illo, vt V. g. quando ex levi iniuria, vel negatione alicuius levis obsequij concludit inimicitiam inter aliquos, vel è contra ex insufficientibus indicijs colligit amicitiam; & ideo nisi reguletur per rationem cognoscentem terminos formaliter, multoties irrationaliter movet appetitum tam irascibilem, quam concupiscibilem.

Similiter memoria in homine dicitur remi-

memo-

memoria circa præterita versatur, sed cū quadam quasi indagatione vnius ex altero, quodamque discursu imperfecto, & hæc vocatur reminiscencia. Ex quibus sequitur, quod eadem potentia secundum rem est in homine æstimatoria & cogitativa, memoria, & reminiscencia, licet propter coniunctionem ad rationem habeant aliquas operationes altiores, non enim habent illas ex vi propriæ linæ & per se, sed materialiter per affinitatem ad rationem vniuersalem, semper enim virtus inferior fortificatur ex coniunctione sui cū virtute superiori, ex eo quod supremum naturæ inferioris attingit infimum naturæ superioris, vt docet D. Dionysius, & ideo eum discurrere circa singularia, modo explicato sit infimum rationis nō mirum, quod participetur ab æstimatoria & memoria cum intellectu in homine, coniunctis licet id non habeant in cæteris animalibus, vbi non reperitur talis coniunctio.

Et si aliqui Philosophi putent quatuor prædictas potentias non esse inter se realiter distinctas; melius tamen oppositum tenent alij; illæ enim potentiæ realiter inter se debent distingui, quæ habent diuersa objecta formalia, diuersa media, diuersa organa, diuersosque modos agendi, sed vt patebit statim discurrendo per singulas quatuor enumeratas potentias sic se habent. Primum enim sensus communis versatur circa omnia sensibilia externa, quæ a sensibus externis percipiuntur, ac proinde discernit inter illa (si quidem sensus ille qui cognoscit ipsa, non potest non percipere, esse inter se diuersa) insuper percipit sensationes sensuum externorum; quæ duo sanè munera sensibus externis competere non possunt; sic igitur sensus iste interior non dicitur communis, ex eo quod per se primò solum terminetur ad sensibilia communia de quibus supra; aut per prædicationem sicut genus; sed sicut communis radix, & principium externorum sensuum, quatenus scilicet deriuatur ab ipso sensus animales vni-

eiusque sensus proprii, quantum verò ad apprehensionem & renuntiationem vicissim sensus communis sit in actu per illos, quia nihil apprehenderet, nisi per hoc quod sensus proprii redeunt ad ipsum eum suis lucris. Vnde proprius sensus communis organum est prima cellula cerebri, quæ est supra frontem in qua radicanatur omnes nerui descendentes ad organa sensuum exteriorum, siue quibus sunt affixi sensus externi.

Cum sensus communis versetur modo statim dicto circa sensibilia externa, & discernat inter illa dumtaxat pro vt sunt præsentia; phantasia, siue imaginatio versatur circa illa quatenus absentia, vel vt suo modo abstrahunt à præsentia, & absentia; quod est versari circa objectum magis abstractum, magisque immateriale, quippè quod abstrahit ab existentia. Hinc de sensu communi dicitur, quod sit potentia faciliè receptiua, & malè retentiua, de phantasia verò, quod sit malè receptiua, bene autem retentiua, eo enim ipso quod sensus communis versetur circa sensibile vt præsens, non potest non esse faciliè mutabilis & apprehensiuæ potentia, sicut per oppositum eo ipso quod imaginatio terminetur ad eadem sensibilia pro vt absentia, non potest non esse specierum bene retentiua. Sic sensus communis situatur, vt statim diximus in prima parte cerebri super frontem, vbi est multa humiditas & mollities, cuius proprium est benè & faciliè recipere, malè autem retinere, vt satis patet in cera molli, quæ figuram sigilli faciliè quidem recipit, sed malè retinet, faciliè enim illam delere; at Phantasia situatur in secunda parte anterioris capitis, quæ cum sit magis sicca & dura, licet difficilius recipiat, melius tamen retinet, & conseruat species, vnde Phantasia rectè vocatur à Philosophis thesaurus specierum sensatarum, sicut memoria specierum non sensatarum, vt statim dicemus. Porro medium in quo producuntur species impressæ horum sensuum interiorum ab externis, eorumque objectis, sunt spiritus animales val-

valde similes aeri externo, qui per concavitates internas corporis diffusi sũt, vt species in se recipientes quasi deferant, & ab his speciebus in eis receptis multiplicentur alie in potentia; vnde etiam deficientibus huiusmodi spiribus, vel impeditis vijs, per quas transire, ac moveri possint, cessant operationes sensuum interiorum.

Æstimatiua non solum recipit species sensatas à sensu communi, aut phantasia, per quas res ab illis iam perceptas cognoscat, sed insuper vitur speciebus insensatis ad cognoscendas easdem res sensatas, seu à sensu communi, & phantasia iam perceptas sub noua ratione conuenientis, aut disconuenientis non sensata. Pro cuius intelligentia notandum est rem, quæ obijcitur sensibus internis dupliciter posse cognosci ab aliquo ex illis, primo quidem quo ad rationem illam, quæ per sensus percipitur, ita vt hæc sit præcipua ratio percepta; & nõ modus illius, & propter hanc causam solet appellari sensata. Secundo potest cognosci quo ad rationem quamdam à sensibus externis nõ perceptam, vt V.g. quoad rationem conuenientie & disconuenientie, amicitie aut inimicitie, & hæc solet appellari insensata, quia à nullo sensu est antea cognita. Proprium igitur æstimatiuæ munus, pro vt à cæteris potentijs sensitiuis distinguitur, dicimus esse, quod eliciat sensationes per species insensatas, hoc est ab alio sensu non receptas, siue quod idem est non representantes obiecta vt ab eo sensata & percepta. Sed quia Doctor Angelicus D. Thomas 1. par. quæst. 78. duplicem distinguit conuenientiam aut disconuenientiam, vnam secundum sensum, secundum quod vel delectatur, vel contristatur animal secundum sensum, certum est ad illam non requiri potentiam æstimatiuam, sed sufficere apprehensionem formarum quas percipit sensus, in quibus delectatur, aut horret. Verum quia necessarium est animali, vt quærat aliqua, vel fugiat, non solum quia sunt conuenientia, vel non conuenientia ad

sentiendum, sed etiam propter aliquas alias commoditates, vel incommoditates, sicut ouis, V.g. videns lupum venientem fugit, non propter indecentiam coloris, vel figuræ, sed quasi inimicum naturæ; & similiter avis colligit paleam, non quia delectat sensum, sed quia est utilis ad nidificandum, ideo ad huiusmodi rationes, siue intentiones percipiendas ponitur sensus internus, qui dicitur æstimatiua. Quas tamen rationes animalia non cognoscunt per quamdã collationem, aut rationis inuestigationem, vt contingit in homine modo superius explicato, sed per instinctum naturæ; qui naturalis instinctus est ipsa naturalis æstimatio, quæ proprius est actus æstimatiuæ. Etenim ipso quod animalia vitali modo, & quatenus viuunt vita sensitua fugiunt, aut prosequuntur prædicta obiecta quo ad rationes insensatas, debent media eadem cognitione moveri ad illa fugienda & prosequenda, cum sit proprius motus vitalis & progressiui, vt fiat directione æstimatiuæ, & impulsu appetitus, qui etiam moveri non potest, nisi præuia cognitione illi proportionata. Insuper pro diuersitate obiectorum habentium conuenientiam, vel disconuenientiam solent in animalium appetitibus diuersi affectus timoris, odij, lætitiæ, tristitiæ, &c. excitari, signum est ergo præcedere in illis diuersam eorundem obiectorum apprehensionem. Huius potentie organum situatur in homine in media parte cerebri, consequenter post phantasia, quod organum magis etiam de humiditate petiit, quam de siccitate, licet diuersimodè, & excellentiori ratione, quam in sensu communi, cum habeat excellentiori modo recipere, quam ipse.

Iam superest breuiter explicare, à quam causa producuntur species insensate æstimatiuæ deferuentes, & quonam modo: circa hoc enim diuersa sunt Philosophorum placita; aliqui enim existimant eiusmodi species produci immediate à Deo, vel in principio generationis animalium, vel ad præsentiam obiecti.

obicctorum, seu specierum sensatarum, quas ab inferiori sensu recipit æstimator; verum hæc sententia secundum vtrumque modum eam defendendi communiter doctoribus displicet propter duo. *Primo* quidem, quia potentie sensitivæ ex propria natura immutantur à suis obiectis per immersionem specierum, sine fundamento ergo recurritur ad primam causam, dum de æstimator agitur ex eo solum quod ignoretur modus quo illa possit eiusmodi species recipere. *Secundo* quia omnes potentie sensitivæ subordinatæ sunt, ita ut superiores, ac perfectiores accipiant species obicctorum ab inferioribus tanquam à ministris, igitur æstimator etiam iuxta naturalem illum ordinem debet recipere species suo modo ab inferioribus sensibus, & non à solo Deo.

Melius ergo dicendum est species insensatas produci in æstimator ab obiecto medijs tamen sensatis quas recipit à sensu communi, vel phantasia. Modus autem quo id fiat colligi debet ex doctrina D. Thomæ 1. p. q. 78. artic. 4. ad 2. ubi tanquam fundamentum huius rei præsupponit, quod in eodem obiecto cognito ab inferiori & superiori potentia, longe plura meliori modo cognoscit potentia superior, quam inferior si quidem eo ipso quod sit perfectior, & univocalior, debet habere obiectum, ac rationem formalem illius univocaliorē, pluraque sub se comprehendentem. Sic ad præsens instituitur virtus æstimator, cum sit altior potentia à cæteris sensibus, univocalius obiectum habet, quia non solum attingit in eadem re rationē sensibilis propriæ & communis, sicut sensus externi, nec solum rationem sensati, ut sensus communis, sed etiam rationem convenientis & disconvenientis præsupponentem alias, & addentem aliquid super illas, quod à nullo alio sensu inferiori percipi potest. Unde licet species sensata directe quidem & formaliter dumtaxat repræsentet externa accidentia, V.g. Lupi, ut colorem, figuram, magnitudinem, & motum illius, habet

tamen aliquid ibidem, ratione cuius est veluti semen, & virtus instrumentaria obiecti, in ordine ad producendam aliam speciem altiorē & insensatam, quæ quidem ratio virtualis non est sufficiens, ut eliciatur species eius ab inferiori potentia, sufficit tamen ut eliciatur à superiori excellentioris virtutis, & efficaciar, & ideo potest æstimator semel informata specie impressa sensata elicere ex ea expressam talis rationis non sensatæ, & per hanc expressam imprimere sibi aliam repræsentantem eandem rationē referendam in memoria pro futuris visibus, aut operationibus circa eandem rationem, vel obiectum.

Secundo potest explicari præsens difficultas dicendo, speciem illam insensatam produci ab obiecto, & non vtrumque, hoc est virtualiter ratione sensatæ, ut modo explicuimus, sed ita ut à Lupo, V. g. duplex species essentialiter & realiter distincta immediate procedat una quidem sensata, altera insensata. Quoniam lupo licet in esse rei sit vnus & idem, attamen in esse obiecti est multiplex, & ita multiplex ut quædam ex his rationibus obiectiui sit sensata, alia verò insensata; unde non est mirum, quod ab eo duplex huiusmodi species possit immediate procedere; sicut non est mirum, quod prædictum obiectum immitat diuersas species insensatas convenientiæ, aut disconvenientiæ respectu diuersarum æstimatorum. Istæ enim rationes non conveniunt rebus absolute, sed solum relative, & per ordinem ad alia. Per quod facile intelligitur quomodo determinatio æstimator in animalibus ad cognoscendum aliquod obiectum sub ratione convenientis, vel disconvenientis, non provenit omnimodè à tali obiecto, sed partialiter tantum, concurrente ex altera parte natura animalis, in qua talis æstimator radicatur. V.g. æstimator omnis quo ad hoc ut percipiat luptum, ut inimicum, ita determinatur ab eodem lupo mediante specie quam immitat, ut tamen illum non attingat, ut sibi in particulari inimicum, nisi

nisi ad hoc insuper determinetur, & instigetur ex coniunctione ad propriam naturam, radicationeque in illa. Nam sicut lupus est disconueniens naturæ ouis: ita æstimatoria ipsius ratione prædictæ radicationis, supposita semel specie iam dicta, naturaliter est determinata ad apprehendendum lupum vt sibi inimicum. Et hac ratione S. Thomas q. 18. de veritate artic. 7. ad 7. docet quod animalia bruta in sui principio accipiunt naturalem æstimationem ad cognoscendum nocium & conueniens; determinatione videlicet se tenente ex parte potentia, nam ex parte obiecti illam tantum habent per species in tempore acquisitas, vt diximus supra.

Quarta tandem, & vltima potentia sensitiua est memoria, cuius est retinere, & conseruare species non sensatas, versarique proinde circa illas vt absentes, vel vt abstrahunt à præsentia, & absentia, sicut de imaginatione supra diximus; vnde ea ratione, qua diximus sensum cõmunem in ordine ad species sensatas esse facile receptiuum, & male retentiuum, imaginationem verò esse male receptiuam, bene autem retentiuam; sic in ordine ad species insensatas, æstimatoria quidem est facile receptiua, male retentiua, memoria vero bene retentiua, & male receptiua; Vnde secundum Auicennam & alios situatur in posteriore parte capitis, post æstimatoriam, quæ præ alijs est magis sicca, & ideo bene retentiua.

Post sensum tam externos, quam internos sequitur potentia appetens siue appetitus qui vt in homine dicitur rationalis, seu intellectiuis, ita in brutis, animalis, seu sensitiuis, nihilq; est aliud quam potentia passiuæ, vitalis tamen, quæ nata est moueri ab apprehenso per sensum: vnde appetibile apprehensum per sensum est mouens, non motum, appetitus autem mouens motum; quo satis patet nomine potentia passiuæ non intelligi potentiam passiuam qualemcunque, sed potentiam passiuam eleuatiorẽ, quæ sit potetia passiuæ vitalis, id est (quo

Biblioth. Theol. Tom. IV.

ad præsens institutum) quæ ita mouetur ab apprehenso, vt ipsa etiam se moueat ad illud. Hic appetitus diuiditur in concupiscibilem, & irascibilem; quæ diuisio non est in duo munera tantum eiusdem potentia appetitiua, vt volunt aliqui, sicut dum intellectus in practicum, & speculatiuum diuiditur: sed in duas vires, & potentias appetitiuas realiter inter se distinctas; cum respiciant diuersa obiecta formalia, habentque distinctos etiam realiter actus: quia obiectum concupiscibile est bonum delectabile secundum sensum: obiectum verò irascibile est bonum arduum, quod quidẽ multoties est conueniens animali secundum alias commoditates; licet nõ sit delectabile secundum sensum; appetit enim irascibilis ea, quæ conducunt ad conseruationem, & defensionem animalis, licet non sint delectabilia. Vnde irascibilis respicit ea quæ impediunt bonũ sensibile, non quidem fugiendo ea; ad hoc enim sufficit concupiscibilis, sed potius resistendo illis, & contranitando. Vnde respicit illa impedimenta, tanquã mala, quæ sunt impugnanda, & vincenda: & hac ratione respicit illa tanquã ardua, & difficilia. Et quoniam impugnare, & vincere huiusmodi impedimenta habet rationem boni; idcirco absolute dicitur, quod irascibilis habet pro obiecto bonum arduum, & per hoc distinguitur à concupiscibili. Quod insuper hi duo appetitus habeant actus adæquatos realiter distinctos, non solum patet ex eo, quod irascibilis subsequitur ad æstimatoriam, & mediante eius apprehensione ducitur in suum obiectum, scilicet in bonum arduum: concupiscibilis verò subsequitur ad imaginatiuã, & mediante eius apprehensione habet duci in suũ obiectum, nimirum in bonum delectabile secundum sensum: sed etiam ex eo quod concupiscibilis habet se ad instar potentia passiuæ, tendendo ad suũ obiectum quasi per modum recipientis; irascibilis verò ad instar potetia purè actiuæ, quia tendentia actualis, & in actu secundo illius est per modum actionis,

H h id est

id est acquirendo victoriam super id, quod est aduersum naturæ, debellando, & propulsando malum, quod impedit bonum illius; & propterea D. Thomas 1. p. q. 81. artic. 2. & quæst. 25. de verit. artic. 3. ait, quod secundum Auicennâ, ad irascibilem pertinet fortitudo, & debilitas cordis, quasi virtuti ordinatæ ad agendum: ad concupiscibilem autem, dilatio, & constrictio ipsius, quasi virtuti ordinatæ ad recipiendum.

Tertia tandem & vltima animæ sentientis potentia, est potestas motrix; quia autem in animantibus duplex, imò triplex reperitur vis motrix, vna naturalis, alia animalis, seu spontanea, & tertia, media; ita vt naturalis dicatur ea, quæ solo naturæ impetu agit, nec antecedentem apprehensionem requirit, cuiusmodi est vis pulsilis, quæ eor dilatacionis, & constrictiois motu ciet, & arterias pulsat, habetque in corde originem. Animalis, quæ præeuntem notitiam sequitur, eiusque motus spontaneus vocari consuevit; media tandem, respiratio, quæ ex inspiratione & expiratione componitur, naturalis enim est quo ad rem, sed quo ad modum est spontanea, nam citò aut tardè pro voluntate respirare possumus. Agimus tantum in præfenti de virtute motrice secundo modo, quam alij virtutem locomotiuam solent appellare; quæ iterum est duplex imperfecta scilicet, & perfecta; cum enim eorum, quæ animali motu mouentur, duo sint genera. Primum eorum quæ solo tactu & gustu pollent, mouenturque duntaxat intra se, diducendo & contrahendo intus membra, cum alioqui secundum se tota stabili sede vitam degant, vt conchylia. Secundum eorum, quæ vim sensutricem perfectam habent, nec solum præfentia & quæ tactu explorant, sed etiam absentia dignoscunt; in primo genere reponitur potentia loco motiua imperfecta, quæ vocatur dilatatiua, seu constrictiua; in secundo verò perfecta, quæ vocatur progressiua, vt mouentur homines ambulando, pisces natando, aues volando, vermes rependo, ser-

pentes serpendo &c.

Sed est grauis difficultas inter doctores an hæc potentia loco motiua præfertim perfecta, quæque est secundum motum progressionis sit realiter distincta à potentia cognoscitiua, & appetitiua; pro cuius intelligentia notandum est ad huiusmodi motum progressiuum animalium triplex veluti principium posse concurrere. Primum est, quod vocatur principium directiuum motus, quod in homine est ratio, in brutis verò animantibus imaginatiua, vel æstimatiua. Cum enim motus progressiuus fuerit à natura institutus ad conuenientia inuestiganda, & declinanda aduersa, hoc præstari nequaquam potest, nisi detur vis aliqua, representans istiusmodi obiecta appetitui, ipsumque pro re nata in hanc, aut illam partem innectens: præfertim cum appetitus ex se indiscriminatum se habeat ad hoc illudue prosequendum, aut vitandum: hanc autem vim satis constat esse in homine rationem, in cæteris verò animantibus perfectis imaginationem, vel æstimatiuam. Secundum principium est quasi impulsiuum ipsius motus, quod in homine est voluntas, quæ cæteras potentias mouet quo ad exercitium, in animalibus verò est appetitus scñitiuus; & vtrumque principium tam directiuum quàm impulsiuum D. Thomas 1. p. q. 78. artic. 1. ad 4. dicit esse imperatiuum motus. Tertium principium est ipsa vis executrix motus. Iam ergo vt certa ab incertis separemus, non est difficultas in præfenti de potentia dirigente, aut impellente motum; qualis sit; satis enim constat illam distingui non posse à potentia cognoscitiua, aut appetitiua. Similiter fatentur omnes præter duplicem facultatem; alteram motum dirigentem, alteram imperantem, dandam esse virtutem quamdam inhzrentem membris realiter ab vtraque distinctam, quæ motum proximè exequatur; quod colligitur ex D. Thoma loco statim citato ad 4. Tota ergò difficultas in hoc consistit an hæc potentia, vel virtus executiua, motus localis, sit verè potentia actiua, & eli-

& elicitiua illius, an verò solam passiuam. Aliqui enim docent talem potentiam executiuam, esse verè actiuam, siue elicitiuam motus localis, realiterque distinguui tam ab appetitiua quàm à cognoscitiua potentia, licet vtrique subordinetur. Quæ sententia est valde probabilis & fundari potest in diuersis locis S. Thome quæst. vnica de anima art. 13, ad 13. de potentia quæst. 6. art. 3. ad 2. 1. p. quæst. 78. artic. 1. ad 4. Alij verò putant, quod eiusmodi potentia motiua corporis, quam executiuam motus appellamus, non sit potentia verè actiua, sed passiuam dumtaxat, solasque proinde potentias cognoscitiuam, & appetitiuam esse principia actiue, & efficienter executiuum motus; ita vt ille actus, quo appetitus v. g. absolute & efficaciter ex præexistente cognitione appetit motum localem membrorum animalis, vt hic & nunc executioni mandandum, sit virtualiter transiens, & ita eo mediante eliciat prædictum motum, & motus iste, ad eundem appetitum, non quidem, tanquam actio ad agens, sed, tanquam effectus ad idem agens comparatur. Sic in ista sententia potentia passiuam executiuam motus, realiter, quidem distinguitur à potentia tam cognoscitiua, quam appetitiua, sic enim sumpta nihil est aliud, quam vel ipsa membra corporis, vel melius vis quædam illa præparans, reddensque apta & obedientia ad excipiendum motum, quem efficit appetitus. At potentia actiua motus, non est realiter distincta à potentia cognoscitiua, vel appetitiua, sed tantum virtualiter. Quatenus idem actus v. g. appetitus, vt est immanens, & appetitio obiecti correspondet potentia appetitiue vt tali, vt autem habet ille idem actus efficacitatem ad mouenda membra, & ratione illius est virtualiter transiens, ac proinde connotat motum localem animalis, vt effectum eiusdem appetitus, debet ipsi correspondere vt potentia locomotiue actiue. Cui sententiæ appetitus fauet D. Thomas cum libro 2. contra Gentes,

Biblioth. Theol. Tom. IV.

cap. 82. in fine vbi dicit, non mouet anima brutalis nisi per sensum, & appetitum, nam virtus quæ dicitur exequens motum facit membra esse obedientia imperio appetitus, vnde magis sunt virtutes perfectiores corpus ad moueri, quam virtutes mouentes. Tum etiam 1. p. quæst. 75. artic. 3. ad 3. Vis motiua, inquit, exequens motum est, per quam membra corporis redduntur habilia ad obediendum appetitui, cuius actus non est mouere, sed moueri. Quod explicari potest exemplo cæli, in quo dicimus esse potentiam passiuam naturalem, ad hoc vt moueatur ab intelligentia tanquam à principio actiua; ita similiter proprius actus illius potentia executiue motus, non est mouere, sed moueri; & ideo appetitus ipse mouet illam immediate, sicut Angelus per suam voluntatem est principium immediate elicitiuum motus localis in cælo.

Vt potentia appetitiua suam in corde sedem habet, ita potentia motrix, siue efficiens, siue dispositiue dumtaxat ad motum concurrit, secundum diuersitatem opinionum, in musculis toto corpore extensis, tanquam in proprio organo; ad idoneum enim motus instrumentum duæ requiruntur conditiones; vna vt sensu polleat; alia vt impulsu edat, quarum neutra sine altera potest consistere; quoniam autem ad mouendum necessaria est firmitas, & consistetia, ad sentiendum verò mollitudo (vnde ea, quæ prædura sunt, vel nullum, vel certè nimis hebetem, & obtusum, sensum gerunt) excogitauit solers natura ratione, quæ vtramque mirifice coagmentaret: coniunxit enim ligamentum, quod aliquantulum est durius, cum nervo, qui mollior est, & vtrumque id est ligamentum & nervum in minutas partes quasi secuit, & carne, nervis arteriisque implicuit; quæ coaceruatio musculus dicitur; atque hic à Philosophis & Medicis traditur instrumentum virtutis motiue, quod tam latè in animalium corporibus diffunditur, quàm latè parent membra, quæ ad arbitrium mo-

H h 2

tum

tum subeundum idonea sunt. Nequit tamen motoria facultas hoc vti instrumento, nisi id congruis qualitatibus imbutum sit; quarum defectu interdum membra exarescunt, motusque omni destituitur; opus etiam est, ut membra perpetui animalium spirituum affluxu foueantur. Cuius rei illud, præter alia indicium habetur, quod in animi deliquio, & timore vehementi corpus sustinere nequimus, animali spiritui, qui membra fulciebat, ex toto corpore ad cerebrum confluente. Quod etiam in causa est, ut qui in gyrum aguntur subito concidant, atque interdum sepellantur: quia nimirum spiritus per nervos recta deducendi circulari illo flexu à nervorum initijs aberrantes alio vergunt. Tandem notandum est, hanc vim motum exequentem ita esse per totum animantis corpus diffusam, ut tamen à cerebro deriuetur; cuius rei vel illud est argumentum, quod inadè mouentes nervi ortum habent. Itæ quia obstricta eiusmodi via confestim cessat membrorum motio, obstupescen- te toto corpore.

Post considerationem animæ sentientis ut sic & eius potentiarum generaliter sumptarum superesset ad complementum doctrinæ varias illius divisiones adducere in suas species, ac differentias, verum cum de illis infra in historia animalium acturi sumus, ad explanationem animæ rationalis, rerumque ad illam pertinentium transimus. Primum ergò dicendum est animam rationalem esse pure spiritualem; ita tamen ut sit forma, & natura hominis; etsi enim formam esse in alio tanquam in subiecto inhesionis tollat ab illa quod sit ex se subsistens, vel spiritalis, hoc tamen non aufert esse in alio tanquam in subiecto puræ informationis absque inhe- rentia, ut in anima rationali contingit; quia hoc quod est esse in alio tanquam in subiecto informationis, tamen petit unionem substantialem per modum actus, & potentie, non verò quod actus pendeat à subiecto, ut à subsistentia; quin-

potius si prædictus actus fuerit eminens, reahet materiam ad hoc, ut per existentiam, & subsistentiam propriam illius coexistat, & confusibilis. Verumtamen est quod anima rationalis præcisè quatenus rationalis, diciturque talis ab operationibus intelligendi, & volendi, non sit forma corporis organici; nec enim ad huiusmodi motus spirituales vlllo corpore vitetur nisi præparando, sed anima recipit illos in seipsa, non autem corpus, alias si corpus susciperet, possemus dicere, corpus ratiocinatur, quemadmodum dicimus corpus videt; hoc autem dicere non possumus; cum ergo motus spiritalis ratiocinationis non communicetur corpori, anima rationalis quatenus rationalis, siue à præcipua facultate scilicet ratione denominatur, non erit actus corporis organici; dixi præcisè quatenus à præcipua facultate ratiocinandi & volendi denominatur rationalis, quia cum anima rationalis ut sic, non solum sit propter operationes intelligendi, & volendi, quæ non exercentur per organum corporeum, sed etiam propter alias operationes ipsius proprias, quæ per illud exerceri debent, ut propter risum & stertum, nihil prohibet dicere illam esse absolute formam corporis organici; per quod faciliè conciliari possunt duæ oppositæ sententiæ.

Quia autem principales animæ rationalis potentie sunt intellectus, & voluntas quibus ministrant, & deseruiunt potentie sensitivæ, de illis dumtaxat hic agemus. Itaque intellectus est facultas qua res spirituales cognoscimus, ut Deum, & Angelos, aut res corporales, sed spiritali modo, scilicet abstrahendo ab omni corpore; ab omni figura, cæterisque conditionibus individuans. Duplex est intellectus, vnus agens, alter patiens, seu possibilis; à quo ultimo incipiendo, primum examinandum est quodnam sit illius obiectum, & quia duplex est obiectum adæquatum alicuius potentie cognoscitivæ. Aliud adæquatum extensivè, vel ut alij dicunt terminarium; ad quod

quod secundum omnes suas partes potentia aliquo modo extenditur, non vero extra illud, & ita nuncupatur obiectum adaequatum extensionis, quia est ad in ordine ad quod potentia modo dicto ita extenditur, ut ad illud, non vero ultra ipsum extendi valeat: & similiter dicitur terminatum, quia totam eius vim terminat, ac proinde est terminus totius, ut sic dicam, extensionis, & sphaerae potentiae. Aliud vero adaequatum intensiue, vel ut alij loquuntur in ratione obiecti proportionati, seu in ratione obiecti motui, ad quod non solum petitur, ut potentia possit utrunque circa illud versari secundum omnia quae continet; sed insuper, quod virtute sua naturali, absque necessitate additionis notarum vinum, ac tandem perfecte, ut in obiectum connaturale possit in illud ferri. Hoc autem obiectum dicitur adaequatum intensiue, quia potentia suis viribus resistit habet sufficientem, ut ita dicam, intensionem, seu efficacitatem, ad illud secundum omnia ea, quae continet attingendum; sicut etiam ob eandem rationem nuncupatur proportionatum, quia praedictis viribus, & efficacitatem potentiae ita proportionatur, ut illa non excedat, & tandem appellatur motuum, ex eo quod potest per se primo intentionaliter immutare potentiam, & illi connaturaliter uniri. Quia, inquam, datur hoc duplex obiectum adaequatum alicuius potentiae cognoscituae; dicendum est primo obiectum adaequatum extensioni nostri intellectus esse ens, aut verum in tota sua latitudine, si quidem noster intellectus potest utcumque extendi ad ens, siue verum in tota sua latitudine, non vero ultra illud; at loquendo de obiecto adaequato intensiue, cum intellectus possibilis possit sumi tripliciter, scilicet, vel pro hoc statu, vel pro statu separationis, vel tandem secundum se; pro ut praescindit ab utroque statu; dicendum est secundo intellectum pro hoc statu habere pro obiecto proportionato, seu adaequato intensiue, solam quidditatem materialem, seu ens quidditate

materiali concretum, ac proinde, solum etiam, ut abstractam a conditionibus materialibus individuantibus; pro statu vero separationis habet pro obiecto proportionato, & per se primo quidditates rerum spiritualium conuenientium cum eo in eodem gradu immaterialitatis, quales sunt v. g. anima rationalis, nec non & ceterae aliae animae rationales, non vero substantiae angelicae. Tandem si loquamur de intellectu pro ut abstrahit ab utroque statu praedicto, dicendum est tertio quod etiam praescindit ab obiecto proportionato: quia potentia non habet obiectum proportionatum nisi, ut est sub suo modo essendi; quandoquidem non nisi, ut est sub suo modo essendi, potest proximè, & efficaciter operari circa illud, & non nisi quatenus habet praedictam efficacitatem proximam, correspondet ei obiectum proportionatum.

Insuper cum obiectum intellectus, non nisi medijs speciebus intelligibilibus reddatur intelligibile, & insinat in intellectionem, ideo postquam statuimus, quodnam sit obiectum intellectus; iam breuiter agendum de speciebus intelligibilibus. Igitur sicut materia prima, ex eo quod est pura potentia in genere entis, seu in ordine naturali, non potest concurrere ad operationem modo illi sibi proprio, scilicet constituendo suppositum operans; nisi actuetur per formam sibi proportionatam; ita, cum intellectus pro hoc statu habeat rationem purae potentiae in ordine intelligibili, sique de se indifferens ad intelligendum hoc obiectum potius quam istud, non potest intelligibiliter operari suas cognitiones elicendo, nisi prius actuetur per formas in eodem ordine proportionatas, scilicet per species intelligibiles; tanquam per imagines in quibus obiectorum cognoscendorum natura splendet, & representatur formaliter. Est enim aliqui Philosophi existimet species impressas tam sensibiles, quam intelligibiles non representare formaliter sed solum virtualiter obiecta etiam primaria, probabilior tamen est opposita sententia de representatione

tatione formali; eo enim ipso quod species impressæ per se primo sunt institutæ ad repræsentandum suum obiectum primum, non possunt non esse formales illius similitudines. Imò secundum opinionem adhuc probabiliorē tanra hæc est similitudo, vt species intentionales sint eiusdem rationis ex parte formæ & naturæ cum suis obiectis; non quidē absolute, & simpliciter, seu, quod in idem redit, sub modo essendi naturali, sed quodammodo, id est in esse intentionali; vnde illamet numero natura albedinis v.g. quæ est in pariete sub modo essendi naturali, est in specie visibili intentionaliter, siue repræsentatiuè, & illamet essentia hominis, quæ est in homine sub modo essendi entitatio, siue naturali, reperitur etiam in specie intelligibili illius sub modo essendi repræsentatiuò; cum enim similitudo fundetur in vnitatē, & identitate naturæ, si quidem idē vnum est simile alteri, quia habet id ipsum quod in alio est; & species dicant relationem similitudinis ad sua obiecta quorum sunt formaliter repræsentatiua, debent necessario habere vnitatem naturæ cum illis sub diuerso modo essendi. Vtrum iam potentia cognoscitiua, adeo intimè vnietur cum specie intentionali formaliter sumpta, vt in esse cognoscibili fiat per identitatem ipsamet species, & obiectum per illam repræsentatū, seu vt melius loquamur, natura obiecti? negatiuam partem sequuntur aliqui; melius tamen cum alijs pars affirmatiua tenenda est, non solum iuxta commune pronuntiatum Philosophorum ex Auerroe desumptum quo asseritur ex potentia cognoscitiua, & specie fieri magis vnum, quam ex subiecto & accidenti, aut ex materia & forma substantialis; sed etiā ex eo maxime quod intellectus denominatur in esse intelligibili ab obiecto, dum intelligēdo lapidem, vel leonem, dicitur esse lapis, vel Leo; quod non potest fieri absque aliqua identificatione, qua obiectum mediante specie transformet in seipsum intellectum. Similiter probabilius est eā-

dem speciem impressam non solum considerari ad hoc, vt disponat, siue determinet, aut excitet potentiam in ordine ad cognitionem, sed etiam vt actiue concurrat ad illam: quoniam id, quod se habet per modum formæ in aliquo ordine, inluit actiue in operationem eius, quod ab illo informatur; vnde cum species, v.g. intelligibilis, habeat se vt forma, & actus in ordine intelligibili respectu intellectus; debet influere actiue in operationem eius.

Licet si ratio memoriæ sumatur pro potentia terminata ad obiectum, vt præteritum, non solum in esse cogniti; sed etiam in esse rei, tunc in parte intellectiua non sit admittenda memoria, sed solum in sensitiua: ac proinde memoria propriè, & in rigore solum sit in parte sensitiua; attamen si memoria extenso quodam vocabulo sumatur pro potentia spiritali habente: tūc virtutem conseruatiuam specierum intelligibilium, tūc etiam vim ad attingendum obiectum, intelligibile, vt antea cognitum; reuerā in parte intellectiua danda est memoria, non distinguitur tamē ab intellectu possibili, sed est eadem prorsus potentia cum illo; eadem enim potentia, quæ sufficit ad intelligendum ens in tota sua latitudine, sufficit etiam ad intelligendum idem ens in esse intellectu, siquidem ens in esse intellectu continetur sub ratione entis vt sic: vnde cum intellectus possibilis versetur circa ens in communi, potest etiam absque vlla alia virtute superaddita versari circa illud in esse intellectu, quod, vt statim dicebatur, est proprium officium memoriæ intellectiue.

Semel explicata natura intellectus possibilis, & alijs ad ipsum spectantibus, nunc de intellectu agente breuiter disserendum est, circa quem magna fuit authorum tam veterum, quam recentium, tam Græcorum, quam Latinorum, & Arabum discrepantia; quidam enim arbitrati sunt dari intellectum agentem, non tamen animæ nostræ insitum, sed separatum; alij cum vt minimè necessarium,

rium, ac superuacaneum omnino sustulerunt. Verum quod in anima humana necessario dandus sit intellectus agens, communis est, veraque assertio peripateticæ Scholæ; quia cum intellectus possibilis, siue patiens à principio sit veluti tabula rasa, nec ullam habeat rerū congenitam imaginem, cuius interuentu intelligendi actiones eliciat, nec vero eiusmodi imagines solius phantasmatum ministerio gigni queant, quia sunt alterius ordinis, nempe immaterialis, ad quem natura corporea vi sua pertingere non valet; necessario danda est aliqua spiritalis potentia, cui id munus tanquam principali animæ instrumento, incumbat; ea verò potentia est intellectus agens. Quod verò hic intellectus non sit extra animam, sed ei insitus, vt naturalis eius potentia; & quod non sit vnus tantum omnium phantasmatibus assistens eaque illustrans, sed quod in singulis hominibus singuli dentur demonstrat præter alios D. Thomas 1. p. quæst. 79. art. 4. & 5. ex eo potissimum quod nihil vitaliter operetur nisi per formam sibi inherentem.

Iam vtum intellectus agens reipsa, an formaliter tantum à patiente differat. Vtraque pars assertores habet, prior tamen D. Thomæ 1. parte quæst. 54. & 79. artic. 10. præferenda est: quoniam potentia habentes diuersos realiter actus, & diuersa obiecta formalia non possunt non distingui realiter: sed intellectus agens & possibilis sunt huiusmodi. Nam actus intellectus agentis, est productio speciei intelligibilis per abstractionem à phantasmatibus, actus verò intellectus possibilis est pati ab speciebus intelligibilibus, & medijs illis intelligere: constat autem hos duos actus intellectus agentis, & possibilis realiter inter se distingui. Et deinde obiectum intellectus agentis est obiectum intelligibile, quatenus ex intelligibili in potentia faciendum est intelligibile actus; obiectum verò intellectus possibilis est idem intelligibile, vt mediante specie est iam intelligibile in actu, quæ duæ rationes non possunt non

diuersificare formaliter obiecta prædictorum intellectuum. Vnde vt optime notauit D. Thomas loco cit. dum Philosophi ponunt quatuor intellectus scilicet intellectum agentem, possibilem, & in habitu, & adeptum. Horum quatuor intellectus agens & possibilis sunt diuersæ tantum potentia, sicut in omnibus est alia potentia actiua, & alia passiva. Alia verò tria distinguuntur secundum tres status intellectus possibilis, qui quoadque est in potentia tantum, & sic dicitur possibilis: quandoque autem in actu primo, qui est scientia, & sic dicitur intellectus in habitu: quandoque autem in actu secundo, qui est considerare, & sic dicitur intellectus in actu, siue intellectus adeptus.

Cum certum sit apud omnes Philosophos intellectum agentem concurrere ad productionem speciei intelligibilis; & similiter phantasma desiderari etiā in ordine ad talem productionem; quoniam aliqui non esset cur intellectus agens ab initio suæ productionis non produceret in intellectu possibili omnes species intelligibiles, quas decursu temporis in eo efficit: si quidem si non consideratur phantasma ad talē productionem, solum erunt necessarij in ordine ad illam intellectus agens, & possibilis, & ille operatur per modum causæ naturalis, iste verò esset sufficienter dispositus ad recipiendam quamlibet speciem intelligibilem, cuius est naturaliter capax. Cum hæc, inquam, sint certa, dubietur de modo quo vtrumque concurrat: aliqui enim asserunt phantasma non concurrere vllō modo efficienter in ordine ad productionem speciei intelligibilis, sed solum in genere causæ materialis à qua educitur species; melius tamen alij cum D. Thoma docent species intelligibiles, quæ immediatè fiunt per abstractionem à phantasmatibus actiue causari ab intellectu agente, & à phantasmatibus: ab illo quidem vt à ratione agendi principali: ab istis verò vt ab instrumento, siue virtute instrumentali: & ideo vt bene notat D. Thomas de veritate

tate quæst. 10. artic. 6. ad 7. actionis effectus relinquatur in intellectu possibili secundum conditionem vtriusque, & nõ secundum conditionem alterius tantum; nam intellectus possibilis recipit formas vt intelligibiles actu, ex virtute intellectus agentis; vt similitudines verò determinatarum rerum ex cognitione phantasmatum.

Quia intellectio ita est proprius actus intellectus possibilis, vt etiam ab intellectu agente tanquam ab effectrici specierum causa dependeat; ideo postquam breuiter egimus de vtroque intellectu secundum ea, quæ pertinent ad ipsos in actu primo consideratos, nec non, & de actu correspondente intellectui agenti; restat vt de intellectu, quæ correspondet intellectui possibili disseramus. Dicendumque est primò, quod licet iuxta probabiliorẽ sententiam intellectio non sit actio de prædicamento actionis, siue cum motu, nihilominus tamen est vera, & propria actio quæ est idem quod operatio: ac proinde est vera operatio, & actio ad genus qualitatis spectans, & in prima illius specie, scilicet dispositione collocatur. Vnde diuisum illius diuisionis, qua diuiditur actio in transeuntem, & immanentem, non est diuisio actionis de prædicamento actionis, sed ratio quædam analoga, & superior respectu prædictæ actionis. Non solum intellectio non consistit in verbo mentali, seu specie expressa, vt volunt aliqui, sed etiam realiter ab illo distinguitur per modum rei, & rei, ita vt nullo modo inter se identificentur; videturque colligi ex discrimine, quod intercedit inter intellectiõnem, & actiones transeuntes; nam intellectio potest dari sine verbo, vt statim dicemus, & ita quæuis intellectio, quantum est ex parte perfectionis siue entitatis, & consistentiæ illius, potest separari ab illo, & per consequens esse qualitatem valde perfectã; licet ex alijs capitibus ferè semper contingat, vt nequeat separari ab illo, ex eo quod obiectum, vel non existit intra intellectum:

vel si existit, non habet sufficientem a-ctualitatem, & immaterialitatem ad hoc vt possit vniri cum illo in ratione obiecti actu terminantis intellectiõnem. Ceterum actio de prædicamento actionis, & transiens, ex vi imperfectionis suæ entitatis, & debilis consistentiæ illius, habet quod nequeat dari sine termino: & ita implicat esse sine illo. Vnde etiam intelligere non est modus aut formalitas termini, seu verbi, nec è contra verbum potest esse modus, aut formalitas intellectiõnis, quia etiam est qualitas valde perfecta, ac proinde debent per modum rei, & rei inter se non identificantur distinguui; sicut actio de prædicamento actionis, & cum motu identificata potest propter oppositam rationem esse modus, aut formalitas termini producti.

Et si aliqui asserant dictiõnem & intellectiõnem esse duas operationes formaliter & ex æquo inter se distinctas, ad inuicem se excludentes, ita vt apud ipsos dicere, seu verbum producere non sit intelligere, quamuis sit actus intellectus ipsi enim præter intellectiõnem putant dari aliam actionem diuersam, quæ vocetur dictio. Nihilominus tamen verior, doctrinæque Diui Thomæ conformior opinio est, dictiõnem non esse aliam operationem formaliter & ex æquo distinctam ab intellectiõne, sed esse ipsam intellectiõnem vt secundam, siue cum quodam modo vel formalitate modalis productionis; ita vt dictio & intellectio se habeant sicut ratio quædam superior, & inferior, vel melius tanquam includens & inclusum, quia omnis dictio essentialiter est intellectio, licet non omnis intellectio absolute sit dictio, vt satis patet tam in intellectiõne essentiali Dei communi tribus personis SS. Trinitatis, quam in visione beatifica, & ipsa intellectio consequenter includitur essentialiter in dictiõne, & dictio addit supra illam modum causalitatis speciei, seu verbi, vel ex fecunditate pura, vt contingit in diuinis, vel ex indigentia, vt contingit in creatis, vbi obiecta non habet

habent sufficientem immaterialitatem, aut præsentiam cum intellectu; sic re ad docet D. Thomas quæst. 4. de veritate, artic. 2. quod dicere non solum significat intelligere, sed intelligere cum hoc quod est de se exprimere aliquam conceptionem, ubi intelligere ut idem docet D. Thomas 1. p. quæst. 34. artic. 1. ad 3. ex suo conceptu essentiali non dicit rationem originis, sed solum est informatio quedam in nostro intellectu. Nec inde sequitur dictionem veluti inadæquatè consideratam esse nobiliorem intellectiōne; nam licet hoc possit esse verum, quando aliquid est includens per modum differentie, & aliud inclusum, per modum generis, aut potentie, secus quando est quid dumtaxat coniunctum cum aliquo modo. Et si non sit necessarium, ut in omni intellectu creatæ formetur verbum supposito ex dictis, quod verbum sit qualitas non solum formaliter, sed etiam realiter ab intellectu distincta, quoniam visio beatorum, per quam videtur Deus pro ut est in se, est vera, & propria intellectio: imo inter intellectuones creatas est omnium perfectissima: & tamen in ea non producit verbum; nihilominus tamen per omnes alias intellectuones creatas, præterquam per visionem beatificam producit verbum, non ex eo quod intellectio ipsa ex defectu, & debilitate suæ entitatis petat necessario terminum producum, cum quo identificetur; vel à quo fulciatur, & confortetur, ut in recta natura sit, & consistat, ut in actionibus de prædicamento actionis contingere diximus, sed ex eo quod obiectum, vel non est secundum se intra intellectum, vel non est intra illum cum sufficienti immaterialitate, & actualitate ad hoc, ut per modum obiecti ad intra sit obiectum terminans intellectuonem; ut in Deo clarè visio à beatis contingit.

Superest iam ad plenam cognitionem naturæ humani intellectus pro præsentis status, breuiter agere tam de modo, quàm de ordine intelligendi illius. Circa primum, licet non defuerint plures innu-

Biblioth. Theol. Tom. IV.

tes intellectuonem huius status non pendere ex natura rei ab operatione phantasia, melius tamen oppositum docent alij cum Aristoteles, sumendo phantasia, non pro ut præcisè nominat sensum illum internum, de quo supra, quique realiter distinguitur, tum à sensu communi, tum etiam ab æstimatoria, & memoria; sed pro ut nominat sensum internum generalius sumptum; illum nimirum, qui potest ferri in res absentes, ac proinde pro ut comprehendit omnes sensus internos cognoscituios præter sensum communem. Si enim intellectus secundum præsentis vitæ statum, quo passibili corpori coniungitur, aliquid intelligeret in actu, independentè ab operatione phantasia sic sumptæ, siue quod idè est, sine conversione ad phantasmata, primò non esset ratio propter quam læsa phantasia, ut in amentibus, aut impedita, ut in dormientibus contingit, impediretur usus, aut rectus usus rationis: quandoquidè essent tunc omnia, quæ ad intelligendum, & ad rectè intelligendum desiderantur. Secundò non esset cur quories intelligimus aliquod obiectum, toties formaremus interius quoddam corporeum idolum, ut satis experimur; hoc enim apertè indicat intellectum nostrum à phantasia operatione dependentiam habere, maxime quia non solum cum corporea, sed etiam cum spiritualia intelligimus, sollemus tale idolum efformare. Ut enim passim docet Divus Thomas etiam incorporea quorum non sunt phantasmata, cognoscuntur à nobis per comparisonem ad corpora sensibilia, quorum sunt phantasmata: sicut veritatem intelligimus ex consideratione rei, circa quam veritatem speculamur; & ideo cum de substantijs etiam incorporeis aliquid intelligimus, necesse habemus conuerti ad phantasmata corporum, licet ipsarum non sint phantasmata. Hæc tamen dependentia quam habet anima & intellectus in operando, seu intelligendo ab operatione phantasia, ita ut nequeat dari naturaliter intellectio, quin

li simul

simul adit operatio phantasiæ non tollit quin tam ipsa, quam intellectus sit secundum suam substantiam spiritualis, & secundum suum esse independents à corpore, sed solum arguit minimam dependentiam ab illo, quæ quidem coherere potest cum hoc quod anima, licet sit quid spirituale, habeat tamen esse formam corporis, pendereque ab illo dumtaxat quoad vniopem, & informationem, qua mediante est in materia: quandoquidem omnis, & sola forma, quæ per organum corporeum tantummodo operatur, est materialis, & dependens in suo esse à corpore.

Circa ordinem intelligendi, cum talis ordo sit multiplex, agitur in præsentantur de illo, qui sit menti humanæ naturalis & necessarius, qualem potissimè in simplicium rudi, & confusa apprehensione existere manifestum est, apprehendere enim in phantasmate rem hanc prius, illam verò posterius, si primæ rudium habituum acquisitionem spectemus, non est arbitrij, sed naturæ, quia autem in phantasmate, quod offertur menti nostræ, res singularis representatur, in qua inest etiam natura communis, & ipsum vniuersale, considerandum primo loco est, utrum prius à mente nostra cognoscatur singulare, an vniuersale; deinde verò inter vniuersalia an prius apprehendantur vniuersalia, quam minus vniuersalia, an è contratio hæc prius quam illa. Aliqui igitur putant intellectum, cum primo cognoscit aliquid singulare, prius illud cognoscere, quam vniuersale, siue quod idem est, species intelligibiles, quæ sicut nulla præcedente intellectione obiecti per illas representari, atque adeo per abstractionem, & virtutem intellectus agentis, prius representare formaliter, & directè singularia materialia, quam vniuersalia; melius tamen cum Diuo Thoma tenendum est prius intelligi vniuersale, deinde singulare, loquendo de prima, quam intellectus de illo habet cognitionem; de qua solum est difficultas; Igitur intellectus ablato phantasmate

primum intelligit vniuersale quod proprium ipsius obiectum est, deinde reflectitur ad phantasma, considerandum, & animaduertendo illud esse productum à re singulari, ita secundario cognoscit etiam singulare.

Similiter cum sint diuersa Philosophorum placita, circa ordinem intelligendi vniuersalia, de quibus vide Iacobum Zabarellam libro de ordine intelligendi, præferenda est sententia D. Thomæ assertentis magis vniuersalia ordine executionis & generationis, prius cognosci cognitione confusa & imperfecta quam minus vniuersalia; V. g. supponendo quod primum obiectum, quod se offert infanti, quando debet exercere primam suam intellectionem sit Petrus, in quo reperitur, quod sit hoc indiuiduum, quod sit homo, quod sit animal, quod sit corpus, quod sit substantia, quod sit ens, dicimus cum D. Thoma illud quod primo in illa intellectione apprehensum infans intelligit, non esse hoc indiuiduum, siue quod idem est, hunc hominem, id est Petrum, neque conceptum hominis, aut animalis, sed esse conceptum entis: omnis enim potentia, omnisque habitus prius fertur in obiectum suum formale adequatum, quam in cætera quæ sub illo sunt contenta; quia obiectum formale adequatum est obiectum specificationum formaliter, & consequenter debet esse id quod primò attingitur à potentia, vel habitu cum sit id ratione cuius cætera attinguntur; sed ut notauimus supra obiectum formale adequatum intellectus nostri est ens: ergo illud quod primo se obijcit cognoscendum intellectui est conceptus entis, & non conceptus speciei Thomæ, siue quod idem est conceptus magis vniuersalis, & non minus vniuersalis. Deinde illud quod est notius quoad nos, prius cognoscitur, conceptus autem magis vniuersales, ut potè communiores, sunt notiores quoad nos; ergo à nobis prius cognoscuntur. Intellectus igitur noster pro præsentis statu intelligendo imitatur naturam; vnde ut natu-

præ prius producitur ea quæ sunt imperfectiora, & per ea ad perfectiora aditum sibi parat; prius enim effingit embrionem, quam animal, & animal quam hominem, & hominem quam Socratem: ita intellectus intelligendo prius procedit ad cognitionem imperfectam, qualis est vniuersalium cognitio, quam in cognitione perfectam minus vniuersalium: sed de his vide præfatum autorem Iacobum, Zabarellam loco citato, ubi ad hominem vrget contra Scotum maiorem esse speciei abstractionem, quam generis, ac proinde difficiliorem intellectionis: cum enim abstrahere sit aliqua accipere dimissis alijs, certum est difficultatem abstractionis consistere in accipiendo plura, relinquendo pauca, non in accipiendo pauca relinquendo plura: proinde in abstractione speciei vltimæ, verum est id, quod Scotus dicit, pauca relinquere: sed hoc non facit abstractionem faciliorem, ut ipse sumit, sed potius difficiliorem: nam si pauca relinquuntur, plura sumuntur; quoniam igitur in infimæ speciei sunt coniunctæ plurimæ differentiæ, & conditiones, in supremo autem genere pauca, ideo difficillima est abstractio infimæ speciei, summi verò generis facillima: in eo igitur deceptus est Scotus, quod putauit intellectum abstrahentem hoc ab alijs, debere cognoscere illa alia, à quibus abstrahit: sic enim videtur abstractionis difficultas consistere in multitudine eorum, quæ relinquuntur: sed id minimè verum est, & aduersatur propriæ naturæ abstractionis præsertim potentialis, & significationi huius nominis abstrahere; nihil enim aliud est abstrahere, de quo agitur in præfatis, nisi apprehendere vnum non apprehensum alijs: ut abstrahere animal ab homine, nil aliud est, quam solam animalis naturam in homine contemplari, propria hominis natura non considerata: est igitur necessaria abstractionis conditio, ut in ipso abstrahendi actu reliqua non cognoscantur, & id solum, quod apprehenditur intelligatur, quia si in illo actu alia quoque cognoscantur

Biblioth. Theol. Tom. IV.

nulla sit abstractio; sed de potentia intellectiua satis, nunc ad volitiuam transeamus.

Secunda animæ rationalis potentia est voluntas, siue appetitus intellectiuius realiter ab animali, seu sensitiuo distinctus. Potentia enim appetitiua est potentia passiua, quæ nata est moueri ab apprehenso: passiua autem & mobilia distinguuntur secundum distinctionem actiuorum & motiuorum, quia oportet motiuum esse proportionatum mobili, & actiuum passiuo, & ipsa potentia passiua propriam rationem habet ex ordine ad suum actiuum. Quia igitur est alterius generis apprehensum per intellectum, & apprehensum per sensum; consequens est, quod appetitus intellectiuius sit alia potentia à sensitiuo. Qui appetitus est etiam potentia purè spiritualis, nam appetitus debet esse eiusdem rationis, vel ordinis cum potentia cognoscitiua, per quam immediatè dirigitur: unde sicut intellectus, per quem immediatè dirigitur, est purè spiritualis; ita etiam voluntas. Similiter cum intellectus, & voluntas debeant sibi mutuo in obiectis adæquatis correspondere, sicut intellectus adæquatè sumptus habet pro obiecto adæquato ens, ut verum generalissimè sumptum; ita obiectum adæquatum voluntatis debet esse idem ens, ut bonum generalissimè etiam acceptum, adeo ut semper ad illud, & nunquam ad malum ut malum, vel quid indifferens ad bonum, & malum ferri possit. Et si autem apprehensio habeat ita indispensabiliter, saltem per modum cognitionis requiri ad hoc, ut bonum moueat voluntatem, ut implicet contradictionem dari volitionem boni, absque præuia cognitione, eiusmodi tamen cognitio seu apprehensio boni non spectat ad rationem motiuam, seu obiectiuam voluntatis, sed solum requiritur ut conditio, siue quod idem est, bonum terminat formaliter voluntatem secundum suum esse reale, non verò secundum suum esse apprehensum.

Sola voluntas est libera formaliter,

II 2 siue

sive quod idem est, radix libertatis sicut subiectum, sed sicut causa est ratio: ex hoc enim voluntas liberè potest ad diversas ferri; quia ratio potest habere diversas conceptiones boni, & non est determinata ad unum: & ideo Philosophi definiunt liberum arbitrium; quod est liberum de ratione iudicium, quasi ratio sit causa libertatis. Datur autem duplex libertas; alia quoad exercitium, sive contradictionis, quæ in hoc consistit: ut nimirum voluntas possit habere actum, & cessare ab illo: alia quoad specificationem, sive contrarietatis, quæ sita est in hoc, quod possit habere hunc actum, vel contrarium illius, ut amorem & odiû: vel in hoc, quod possit amare hoc, vel eius oppositum. Non est tamen necessarium quod voluntas in omnibus suis actibus habeat libertatem, sed in aliquibus etiam potest habere rationem naturæ, sive ferri necessario ad aliqua obiecta; V.g. circa beatitudinem, seu bonum in communi necessitatur quoad specificationem, licet non quo ad exercitium; ita enim potest suspendere actum suum circa bonum, seu beatitudinem in communi; ut tamen si velit illum exercere, non possit non elicere speciem certam actus, nimirum amorem, & non odium: quod quidem est esse necessitatum quo ad specificationem respectu illius. Sicut dantur duo appetitus sensitiui realiter inter se distincti, ita etiam distinguere possumus duplicem veluti voluntatem virtualiter illis correspondentem, scilicet irascibilem, & concupiscibilem, in quarum prima suæ sunt etiam quinque passiones, scilicet spes, & desperatio circa bonum possibile, vel impossibile, timor & audacia circa malum vincendum, vel non vincendum, ira circa malum præsens, & imminens. Sex autem sunt in concupiscibili, scilicet, amor & odiû quæ respiciunt bonum, & malum absolute, desiderium & fuga, quæ respiciunt bonum, & malum absens; delectatio, & tristitia, quæ respiciunt bonum, & malum præsens. Verum quia tam horum, quam cæterorum plurium, quæ ad vo-

luntatem spectant, qualia sunt multipliciter actuum in esse morali sumptorum, & habituum, tam virtutum, quam vitiorum, qui in illa recipiuntur, & aliorum similium consideratio pertinet ad philosophiam moralem; superest tantum ut breviter videamus an facta collatione inter intellectum & voluntatem, voluntas superemineat intellectui, vel è contra. Scotus enim affirmativam partem tuetur; melius tamen cum Divo Thoma dicendum est intellectum secundum suum esse physicum esse perfectiorem, quam voluntatem eodem modo consideratam. Obiectum enim intellectus, inquit D. Thomas 1. p. q. 81. est simplicius, & magis absolutum, quam obiectum voluntatis, nam obiectum intellectus est ipsa ratio boni appetibilis, bonum autem appetibile, cuius ratio est in intellectu, est obiectum voluntatis: quando autem aliquid est simplicius & abstractius, tanto secundum se est nobilior, & altius, & ideo obiectum intellectus est altius, quàm obiectum voluntatis: eum ergo propria ratio potentie secundum suum esse physicum consideratæ sit secundum ordinem ad obiectum, sequitur quod secundum se, & simpliciter intellectus sit altior, & nobilior voluntate. Insuper voluntas ita movet intellectum quo ad exercitium, ut tamen intellectus præstantiori modo scilicet quo ad specificationem moveat voluntatem: deinde voluntas solum, movet applicando: intellectus autem præcipiendo; & tandè plures sunt actus intellectus, qui non sunt ex motione voluntatis, nimirum necessarii, inter quos potissimus est clara Dei visio: sed nullus est actus voluntatis qui non sit ex motione intellectus quoad specificationem, & adhuc quando voluntas movet intellectum quo ad exercitium, dirigitur ab intellectu respectu talis motionis.

Licet consideratio eorum, quæ ad animam præcisè, ut extra corpus est, spectant, Metaphysici potius, quàm Physiologi sit; quia tamen scientia de anima sine hoc quasi supplemento absolutioris suam adipisci non potest; aliqua bre-

breuiter hic de illa tringemus. Primum igitur, homine intereunte, animam rationalem non extingui, sed esse immortalem, non solum fides docet, sed antiqui etiam Philosophi demonstratione, euidenti que ratione affecti sunt: vt videre est apud auctores. Iam ergo loquendo de eiusmodi statu, quem separationis dicimus, tria solent inquiri, primo in quonam is status consistat. Secundo, an animæ rationali naturalis sit. Tertiò an in eo existens anima, propendeat nihilominus ad statum informationis. Circa primum communis est Philosophorum sensus, animæ rationalis statum extra corpus, separationemve, si formaliter spectetur, priuationem esse actus secundi eiusdem animæ, id est, informationis seu vnionis erga corpus, & quod hinc sequitur ipsius relationis ac præsentie, tum ad idem corpus, tum ad cætera, quibus ratione corporis fiebat præsens: omnis denique concursus, quæ per proprias facultates solebat exhibere; quo fit, vt querenti an per separationem anima rationalis muteatur, respondendum sit, mutationem quidem subire, sed tamen priuatiuam. Quo ad secundum docet D. Thomas non semel, præferim i. p. q. 89. artic. 1. separationem animæ à corpore, tum in fieri, tum in facto esse, non esse ei naturalem, aut consentaneam; Vnde consequenter ad tertium dicendum est inesse animæ separatae naturalem quemdam appetitum administrandi corporis; quod intelligendum est de appetitu vel inclinatione naturali ex parte termini, qualiter & ipsa vnio etiam est naturalis; pro cuius intelligentia nota ex eodem D. Thoma in 4. sentent. distin. 43. artic. 1. naturale, & supernaturale dupliciter dici. Primò absolute, & simpliciter, quando aliquid scilicet, est naturale tam ex parte termini producti, quam ex parte principij, & modi, quo producitur, vt equus ab alio equo generatus: supernaturale autem; vt charitas, quæ in se supernaturalis est, & non nisi per principium supernaturale produci potest. Secundo modo dicitur

aliquid naturale secundum quid nempe ex parte termini producti: si supernaturale autem ex parte principij, vt illuminatio cæci, quæ quidem terminatur ad visum, qui naturalis est secundum suum, esse; principium autem producens illum est supernaturale. Quando ergo D. Thomas ait animam separatam habere naturalem inclinationem & aptitudinem ad vnionem cum corpore, est intelligendus de inclinatione naturali ex parte termini, qualiter & ipsa vnio, vt statim diximus etiam est naturalis, licet sit supernaturalis propter principij supernaturale, à quo tantum fieri potest: vnde, etiam potentia ad illam est obediensalis non autem propriæ, & in rigore naturalis.

His breuiter adnotatis, quæ ad animam separatam quo ad esse spectant, consequens est, vt eadem breuitate ea attingamus, quæ ad illius referuntur operationem, primum immanentem, qualis est cognitio: deinde transeuntem, aut quasi transeuntem; cuiusmodi est sui ipsius, aut aliorum etiam motio per loca. Primum igitur dicendum est intellectum & voluntatem animam separatam quidem comitari, reliquas autem potentias sensitiuas perire, non solum, quoad actum, vt fatentur omnes sed etiã quoad ipsarum entitatem; eo enim ipso quod huiusmodi potestates corporeæ sunt, non possunt animam extra corpus comitari. Similiter in anima separata inueniuntur tres species, tum habitus partitis intellectibus, & quidquid in eadem anima ante separationem inerat, nisi verò (quod ad habitus attinet) aut per contrarium actum pellantur, vt fieri potuit ante eandem separationem, aut etiam ratione status gloriæ, vel damnationis quippiam istorum à Deo detrahatur. Inueniuntur, inquam, quo ad entitatem, et si quo ad usum aliqui vacent, quia, deest fortasse materia, vti temperantia, liberalitati, fortitudini, alijsque eiusmodi habitibus acquisitis, seu à Deo infusis. Præter species hinc exportatas: item præter illam scientiam, quam infusam per

per se vocant, qua pleræque animæ separatæ à Deo exornantur, naturalibus insuper ac nouis speciebus cõsignantur, quas tamen ab obiectis non abstrahunt, sed probabilius est quod à Deo easdem recipiant. Tandem animam separatam actum cognitionis re vera exercere, supposita semel eius immortalitate, negari non potest. Quis enim tam impiè desipiat, vt torpentes credat sepulcorum animas, torque sæculis otari, dum reuiuiscant ipsi? In quam sententiam Diuus Hieronymus ad Pammachium, in corporalem, inquit, & æternam animam, in modum glirium immobilem, torpentemque sentire non possumus. Quia tradita doctrina de cognitione ad appetitum accommodari potest per analogiam, superest vt aliquid de motu animæ separatæ dicamus, non tantum per quem corpus mouet, sed etiam per quæ seipsam inouet post separationem corporis; circa primum docet D. Thomas 1. p. quæst. 2. 17. artic. 4. animam separatam, sua naturali virtute, non posse mouere aliquod corpus. Anima enim coniuncta non potest mouere nisi corpus à se viuificatum, vnde videmus, quod si aliquod membrum corporis viuificati mortificatur, tale membrum non obedit amplius animæ ad localem motum. Sed anima separata vt supponitur nullum corpus viuificat. Igitur anima separata, virtute suæ naturæ, non potest mouere aliquod corpus, nisi aliquid ei virtutis diuina conferatur supra suam naturam. Circa secundum iuxta eandem D. Thomæ doctrinam dicendum est, animam nostram, relictam præcisè suæ naturæ, & separatam à corpore non posse seipsam mouere: quia solum habet vim ad mouendum corpus ab ipsa viuificatum, & ideo solum est in loco per passionem, qua alligatur alicui loco.

Vnde ad illud quod solet obijci de motu animæ descendens ad inferos, aut ascendens ad cælum dicendum neque ascendere, neque descendere per motum; sed animæ iustorum nihil habentes purgandum, in eo instanti, in quo iusti de-

cedunt, habent per mutationem quamdam instantaneam, & discretam transire non quidem à loco in locum, aut per medium, sed à non esse in cælo, ad esse in illo: quia operantur virtute qualitatium gloriæ in cælo in illo eodem instanti absque operatione in medio. Animæ verò eorum qui habent aliquid purgandum, vel damnantur, habent per mutationem instantaneam, & discretam transire, non à loco in locum, aut per medium, sed à non esse in inferis, ad esse ibidem; & hoc per actionem Dei vt causæ principalis, & fortè ignis inferorum vt instrumenti, qui per actionem quamdam, vt sic dicam, discretam, virtute tamen diuinæ eleuationis, actiue facit, vt in eo instanti prædictæ animæ transeant à non esse alligatas ibidem, ad esse alligatas, & concludi à prædicto loco: vt rectè docet Collegium nostrum Salmaticense tract. de Angelis disput. 2. n. 89.

Superest iam paucis attingere, quantum referat ad sacre doctrinæ studium, naturæ visûs, seu corporis animati cõsideratio: Incipiendo enim I. à viuentē vegetatiuo faciliè intelligitur cur Apostolus 1. Corinth. cap. 15. productionem plantæ viuificationem appellauerit; *in quod seminas, non viuificatur, nisi prius moriatur*: ex Philosophia enim habemus, quod forma vegetatiua per se, & separata à sensitiua habeat veram rationem animæ, principijque vitæ; vnde D. August. lib. 1. de ciuitate Dei cap. 20. ait: Hoc genus rerum (id est plantarum) quamuis non sentiat, viuit, ac per hoc potest mori & occidi: adiungitque illud Psalmi 77. *& occidis in grandine vineas eorum*. II. circa potentias animæ vegetantis, qualis est primum nutritiua, occurrit illud; Genes. 9. *omne quod mouetur, & viuus erit vobis in cibum &c.* quatenus magis proprium, magisque saltem ordinarium omnium viuentium alimentum debet esse viuens: vnde super illud Genes. 3. vbi Dominus ad serpentem ait; *terram comedes omnibus diebus vitæ tuæ*; si sumantur eiusmodi verba in sensu litterali, & non in sensu spiritali, vt illa

Sectio VII. Caput XI. 255

illa rectè interpretatur Caietanus, dicendum est non posse intelligi de terra secundum quod est purum elementum; etsi enim nihil prohibeat aliqua elementa extra naturalem statum posita, & inuicem confusa effici quorundam viuētium alimentum; siquidem constat herbas, stirpesque terra & aqua inuicem coniunctis enutriti; nullum tamen elementum per se, & in suo naturali statu constitutum potest esse alicuius rei viuētis alimentum. III. cur Ecclesiast. 29. dicatur *principium vitæ hominis panis & aqua*: cum enim panis & aqua minus nutrant, quam vinum & carnes; potest dici ad vitam hominis sustentandam in viuido illo suo, primæuoque vigore sufficisse panem & aquam; quo postea imminuto, volens omnipotens Deus hominum vitæ ac saluti consulere, liberè concessit loco statim citato Genes. 3. carnium edendarum usum, non aliter atque olerum; de quo vide Fernandum in Genesim. Vnde non est audiendus Petronius dicens aquam magis nutrire quam vinum, quia, inquit, apparet celerius eos concoquere, qui aquam potant: merè enim per accidens est, quod celerius concoquant qui aquam potant; nam non fit hoc ex aliqua vi concoctoria aquæ, sed quod minor sit concoctio, & nutritio, ita videtur celerior: sic potiores aquæ videmus appetere celerius cibum, quam potiores vini; nam illi minus nutriuntur, hi magis, atque ita magis robusti, illi minus. Vide Paulum Vecchi obseruatione medica 123. in sacram Scripturam. IV. dum Prouerbior. 25. dicitur, *Aqua frigida anima sitientis*; habemus quàm rectè; ex definitione sitis, quod sit appetitus frigidi & humidus, cuiusmodi est aqua; lege Latinum de fame & siti. V. ad illud Genes. 3. *Nunc ergo ne forte mittat manum suam, & sumat etiam de ligno vitæ, & comedat, & uiuat in æternum, emisit eum Dominus de paradiso voluptatis*; valet illa quæstio philosophica, num cibi vilius bonitas sufficere possit, quo vllum viuētium, sine interitu seruetur in æternum; an-

semper viuere, viuētium ex alimento naturæ repugnet. Si enim hoc naturæ non fert, dicendum est benedictionem fuisse in ligno vitæ, vt qui eius fructu vteretur, in æternum viueret, aut illud æternum, longum potius significare, quam nunquam finiendum tempus, sin autem fert, dicendum fuisse naturam, de quo vide Valesium de sacra Philosophia cap. 6. VI. ad plura Scripturæ loca 1. Reg. cap. 3. Esch. cap. 4. Tobiz. 3. Dan. 14. vbi fit mentio inediæ plurium dierum, valet similiter quæstio philosophica, vltra quot dies citra miraculum possit homo in ediam tolerare, de quo vide Mendosam lib. 4. viridarij problemate 24.

Quod attinet modo ad viuētium generationem. VII. patet ex his quæ physici circa illius naturam docent, quæ rectè in sacris eloquijs ad femora referatur: vt & Iacob in Iudæ benedictione dixerit: *non auferetur sceptrum de Iuda, neque dux de femore eius.* & Numer. c. 5. inter adulteræ maledictiones, illud præcipuè præceptum fuerit Sacerdotem dicere: *Ingrediantur aquæ multæ in ventrem tuum, & vtero putrescente putrescat femur.* Nimirum vasa seminalia, quæ meliorem ac puriorem deferunt sanguinem in testes, vt in ipsis semen fist, sunt venæ quædam, quæ ortæ ex venis, quæ in lumbis disciscæ in crura iam descendunt, antequam in crura ramos, qui per crura decurrunt, distribuantur, reuertunt per femora in testes in vitis, & in mulieribus in vterum. VIII. ad illud Iob 30: *& sicut caseum me coagulasti.* Sapient. 7. *coagulatus sum in sanguine, ex semine hominis*; valet doctrina Philosophica de duobus principijs generationis humanæ; semine nimirum virili, & sanguine materno; quilibet enim nostrum à parentum genitalibus emulgetur in semine sicut lac, & in vtero coagulatur sicut caseus. Eiusmodi similitudine coaguli in lacte ad explicandū, quomodo sanguis firmetur, vt impressionem possit accipere ex semine, vtuntur Galenus lib. 1. de semine ipsa prima embryonis generatio coagu-

coagulatio est, vt casei ex lacte; & Aristotel. cap. 21. de generatione animalium; velut in lactis coagulatione corpus quidem ipsum lac est, succus autem coagulatus, quod habet principium coagulandi, ita quod à viro in muliere secernitur. IX. dum dicitur Ezech. 16. *Non est praeputium vmbilicus tuus*; sensus germanus illius loci alludit ad doctrinam Philosophicam de nutritione infantis in utero per vmbilicum; vmbilicus enim ex Hippocr. libro de alimentis, & lib. de octim. part. est veluti os fœtus, ex quo dum est in utero, fugit alimentum ex materno sanguine, non ex ore, neque ex toto corpore, quasi sponsia; vnde *non est praeputium vmbilicus tuus*, est quasi diceret adhuc materno sanguine veluti nutritis, maternos mores sequendo, mater tua. Cæthea, pater tuus Amorrhæus, improprie scilicet illi materna, & paterna. vitia idololatriæ &c. X. ad illud Genes. 30. *Agni Isaac orti sunt diversicolores aspectu virgarum*; valet doctrina physica de viribus imaginationis ad formandum fœtum; de qua vide Valesium cap. 11. & Paulum Vecchi observatione Medica 32. XI. in illo Paralipom. 2. cap. 13. *Robam filius Salomonis rudis erat*; & Eccles. 47. *Imminutus à prudentia Robam*; occultatur doctrina philosophica lib. 1. problem. 28. cur parentes optimi, & sapientes filios insipientes & rudes generent? XII. ad illa Genes. 21. *ecce Geminii in utero eius*; & Rom. 8. *Vnico concubitu concepit*; conducit doctrina de geminorum generatione, XIII. ad illa 2. Machab. 7. *Novem mensibus te in utero portavi*, Sap. 7. *Docui mensium tempore* &c. pertinent ea quæ Philosophi docent de fœtus formationis tempore, deque varietate humani partus: nimirum vt Aristoteles 7. de historia animal. pluribusq; alijs locis docet; cum cætera animalia omnia, singulari ac simplici modo partum suum perficiant, certum enim pariendi tempus statutum est singulis generibus, homini vni datum multiplex; nam & ante septimum mensem, & septimo, & octavo, & nono parere,

potest, & quod plurimum decimo, nonnullæ etiam & vndecimum tangunt: de quibus vide Valesium cap. 18. & Paulum Vecchi obseruat. 50. referuntur etiam partus tredecimestres, 14. mensium, & 16. apud Maiolum dierum Canicul. colloquio 3. sed de his facis.

Iam circa animam sentientem I. ad illud Psalmi 16. *custodi me, vt pupillam oculi*, iuuat ex Philosophia scire quot tunicis, & humotibus valletur pupilla; II. ad illa Apocalip. 1. & Psalm. 17. *Vt viderem vocem &c. clamor meus introiit in aures eius*; valet Aristotelis sententia, visionem fieri sola receptione, nō emissionem; cum enim sensus omnis sit quædam passio, sola receptione fieri debet, sic odoratus odorum, gustus saporum, tactus qualitatum tactilium, & quod loco proposito tangitur, auditus soni sola receptione fiunt, ideo enim dicitur clamor introiit in aures eius, & vt visionis quoque similem naturam explicaret, dictum est, vt viderem vocem. III. ad innumera penè diuinarum Scripturarum loca rectè intelligenda, in quibus agitur de singulis sensibus externis, eorumque actibus & obiectis tam in genere, quam in specie, non possunt non iuuare, quæ de illis docent Philosophi. IV. ad illud Danielis cap. 2. *Somnia tuarum, & visiones capitis tui. tu rex cogitare capisti*; valent pariter quæ tradunt Philosophi de potentiarum sensitiuarum internarum, organo, seu loco in capite, & cerebro; & sic de alijs. V. ex doctrina Philosophica quod motus à sensu non separatur; quibus enim omnes sensus, & imaginatio bona, ea & progrediuntur; quibus autem vnus & alter, gustus scilicet & tactus, ea contrahuntur ac dilatantur; patet quam rectè Propheta Baruch c. 6. argumentatus sit; dicens, *quasi possint sentire qui non habent motum*. Et si enim sensus possit esse sine motu perfecto, qualis est progressiuus; secus tamen sine imperfecto, qualis est motus contractionis, & dilatationis. VI. ad illud Leuitici 17. *Anima omnis carnis in sanguine est*; valet doctrina Philosophica de anima-

Sectio VII. Caput XI. 257

animatione sanguinis; etsi enim verum sit quod sanguis nutrimentalis non informetur anima illius compositi in quo est, sed alia forma substantiali, ac proinde non sit vera pars animalis; tamen loquendo de sanguine naturali probabilius est illum informari saltem imperfectè, id est, secundum esse vegetabile animæ totius viventis in quo est. Sic Matth. 16. ad Galat. 1. ad Ephes. 6. ad Hebræos 2. homo etiam solet appellari caro & sanguis acceptis partibus pro ipso toto, ut expositores, & præcipuè D. Thomas adnotarunt. Vnde sicut caro est actus pars hominis, & propterea anima rationali illius informatur: ita hoc idem de sanguine naturali cum proportionem dicendum est: modo statim dicto.

Tandem ex doctrina philosophica, de animæ rationalis spiritualitate, & incorruptibilitate. L. rectè intelligitur cur Genes. 2. dicatur Deus inspirasse in faciem Adami spiraculum vite, *inspiravit in faciem eius spiraculum vite*; ea enim phrasis causam habet naturalem in animæ rationalis spiritualitate, & incorruptibilitate, quæ proinde non potest educi ex potentia materiæ, sed necessario extrinsecus advenire debet. II. ad illud Exodi 21. *Si percusserit mulierem in ventre habentem, & egressus fuerit infans eius figuratus, dabit animam pro anima*: valet doctrina Philosophica communis de dispositione necessaria organizationis, tanquam prærequisita ad introductionem animæ rationalis: unde ex loco citato norant Conimbricenses opinionem dicentium animam citissimè, & ante organizationem infundi falsam & erroneam esse; ideo enim percussor iubetur dare animam pro anima, cum est fetus organizatus, vel figuratus, quia tunc fetus est animatus, & percussor tunc perdit animam eius. III. ad illud Sapient. 7. *In ventre matris meæ figuratus sum caro*; patet etiam ex Philosophia, quàm absurdè & ridiculè introducta sit à Paracelso hominis procreatio per seminis putrefactionem in ampulla vitæ reconditam, & in fimo collocatam, ex qua fabulosus

Biblioth. Theol. Tom. IV.

homunculi partus nascatur extra uterum muliebrem, si scilicet semen in ampulla lurata in equino ventre per dies 50. putrefactione summa putrescat, dum moveatur, hunc si humano sanguine quotidie prudenter cibet, & in equabili veteris equini calore conferuet atque foueat, membris omnibus ornatus apparebit: de quo vide Merfennium in Genesim; dum ad libros de parvis naturalibus transeo.

CAPVT XII.

Quantum referant ad sacra doctrina studium libri de parvis naturalibus.

Libri Aristotelis, qui communiter parua naturalia, id est, parua de rebus naturæ opuscula inscribuntur, supplementa quedam sunt librorum de anima. Continent enim explicationem quarundam affectionum, quæ aut omnibus viventibus conueniunt ut mors & vita: aut solis animantibus; ut vigilia, somnus, respiratio &c. de quibus tantum in præsentia breuiter agemus: quod enim ad libros de sensu, & sensibili, inter parua naturalia annumeratos pertinet, in quibus Aristoteles agit de sensuum organis, eorumque obiectis potissimum differt; satis patet ex dictis superiori capite quid de illis statuendum sit: Igitur incipiendo ab eo quod est communius; Vita definitur ab Aristotele, permanens animæ vegetatricis cum calore; ad cuius definitionis intelligentiam notandum est in primis, non definiri & explicari in ea vitam in toto ambitu; sed eam tantum, quæ corporibus competit: cum alioqui etiâ substantiis separatis vitæ notio propriè conueniat. Licet verò multi sint corporum viuentium gradus, nempe intelligentes, sentiens, locomouens, vegetans: Philosophus tamen per hunc postremum gradum vitam definiit, quia nullum sit corpus vitæ præditum, quod eo careat. Quo fit ut prædicta definitio communem omnium viuentium vitam complectatur. Secundo additur *cum calore*

K k

lores

lore; quia licet absque primarum qualitatatum, caloris, frigoris, humoris, & siccitatis permixtione neutquam possit consistere; peculiariter tamen in calore sita esse perhibetur: quia anima tamdiu corpus informat, quamdiu in eo vitæ munia obire potest: præcipuus autem administer vitalium functionum est calor, non peregrinus aut ascititius, sed internus, & pro cuiusque membri natura & conditione per totum corpus diffusus: adeo ut ad actiones vitales non cōcurrat frigus per se, sed ex accidente dūtaxat, hoc est, quatenus calorem modificat, cuiusque vim attemperat: vnde si absque frigore moderatus calor dari posset, nulla omnino esse frigoris necessitas. Quoniam autem prædicti caloris pabulum humiditas est non aquea, sed aërea & pinguis, dicitur etiam vitæ tum ab Aristotele, tum ab alijs Philosophis in calido, & humido consistere; hoc est à calore & humiditate in corpore coactis, per se ac potissimum dependere.

Sic cum utrumque in viuentē continuo absumatur; prouidit natura quo pacto vtriusque etiam dispendia refarciri possent. Ad restaurandum enim humidum instituit alimentum haustum, illiusque in viuentis substantiam conuersionem; si quidem loco humidi primogenij, quod radicale vocamus, succedit humidum alimentitium. Ad calorem verò seruandum, reficiendumque oportuit, locum in animali esse aliquem veluti focum, qui naturæ fomites, & primordia ignis natui contineret, foueretque. Hic autem locus cor est in medio pectoris seu thoracis constitutum, ita tamen ut parte sua ampliori & gibba superiora corporis spectet; parte verò extrema in acutum se colligat, exeatque penè in mucronē: Galenus enim lib. 6. de usu part. cap. 7. docet, cor etsi rotundum habeat effigiem, non tamen esse vsquequaque rotundum, sed ab ampla, & orbiculari superna vasi, quod caput eius dicitur, exorsum, inde paulatim gracilescere, ac ima parte in angustum acutumque definire: quo loco istiusmodi figuræ causas reddit, quia

figura rotunda, quæ nobilissima habetur, decet nobilissimum membrum. Itē, quia rotunditas iuuat ad capacitatem, quæ cordi ad recipiendum sanguinem, spiritusque formandos necessaria est. Angularis autem figura, quæ in cordis mucrone cernitur, facit ad concoctionem, quia calor cuspidis angustijs pressus maiorem habet acrimoniam. Habet igitur cor sic descriptum insitum à natura calorem, cuius opera quamdam sanguinis portionem sibi à iecore transfusam exactius decoquit, & in vitales spiritus attenuat; quorum vehiculo in omnes partes corporis quasi subsidio calorem mittit, quo membra omnia seruantur, ac fouentur, vitæque munia exercent. Quin & ipsum hepar ad elaborandum sanguinem, influentis à corde caloris adminiculo non parum iuuatur. Eademque communi beneficentia fruitur cerebrum: quandoquidem à corde recipit spiritus vitales, quorum præsentia innatam frigiditatem remittit, & ad animales functiones obeundas idoneum redditur: vnde apparet quam rectè à Philosophis cor fons vitæ dicatur, videlicet quia ab eo, ut à fonte, vitales operationes dimanant; sic delegant cōmuniter vim naturalem hepatis, animalem cerebro, vitalem cordi. Quod si dicas, si cor vitæ fons est, quo pacto veritati consonat, quod ait Aristoteles in libro de vita & morte, insecta & testudines auulso corde viuere? Respondetur quia ut docet idē Philosophus lib. 4. de partib. animal. cap. 6. istiusmodi animalia, sicuti imperfecta sunt, ita non vni tantum loco additum habent vitæ principium, adeoque dempto corde adhuc in eis relinquitur, quod vitalibus actionibus obeundis præsit. Quod ab Aegyptijs traditum scripsit Censorinus in lib. de natali die Roman. & Plinius lib. 11. natur. histor. cap. 37. videlicet augeri cor per singulos annos in homine, ac binas drachmas ponderis ad quinquagesimum annum excedere: deinde tantundem ab eo detrahi, ideoque non viuere hominem ultra centesimum annum

defe-

defectu cordis; fictitium planè videri debet, & à veritate alienum: cum neque anatomica observationis experientia, nec physica ratione, nec idonea philosophantium autoritate comprobetur.

Circa longitudinem & breuitatem vitæ dicendum est, quod, quemadmodum vita in calido & humido consistit, ex statim dictis: ita causa longioris æui in hisce duobus optimè temperatis, idoneamque inter se proportionem habentibus sita sit; & è conuerso causa vitæ breuioris in eisdem parum aptè commixtis. Censetur verò hæc optimè temperata, cum humidum illud, quod æreum & tenax ac bene coherens esse oportet, haud nimis præualeat: alioqui calorem obtundet & extinguet; non secus ac oleum se se effundens ellychnij flammam abolet. Item, cum calor non ita excellit & dominatur, vt humidum sua voracitate citius, quàm par est, depascat, & absumat. Sic è quatuor temperamentis ad vitæ diuturnitatē aptius est; quod obtinent ij, quibus sanguinea complexio est. Hæc enim optimam calidi, & humidi permixtionem sortitur; cum in cæteris alijs qualitatum permixtio ad prorogandam vitam minus commoda videatur: vt calor & siccitas in temperie biliosa; humiditas & frigus in phlegmatica; frigus & siccitas in melancholica. Insuper, cum semper id, quod in locum innati humidi reponitur, deterius sit, habeatque se ad illud veluti aqua ad vinum, quod sui permixtione decolorat & debilitat; hinc sequitur humidum innatum beneficio humidi nutrimentitij non posse ex æquo resarciri, atque in multa sæcula hominum vitam ita prorogari. Sed præter dictam humidæ & calidi temperationem ac symmetriam, aliæ quoque sunt extrinsecus aduenientes causæ, quæ ad vitæ diuturnitatem, & breuitatem non parum conferunt: vt cælestium corporum influxus, syderumque aspectus, & irradiatio, tam ea quam quisque in genitura & ortu suo habuit, quam quæ ad regionem in qua versatur

Biblioth. Theol. Tom. IV.

pertinet; soli quoque & regionis bonitas aut inclementia, nec non ratio vitæ secundum omnes suas circumstantias: sic bibones, & qui se frequenter vino ingurgitant, mortem sibi accelerant; quia ascititio calore humidum primigenium celeriter absumunt, ipsumque natium calorem euanescente eius paulo dissipant. Secus accidit ijs, qui moderato vtuntur vino, quo natius calor iuuatur, & ciborum decoctio promouetur. Quod vt plurimum dentium raritas inter breuioris vitæ indicia numeretur, ratio est ex Aristot. in problemat. sect. 10. q. 47. quia eiusmodi raritas significat densum esse os capitis, vt pote in cuius substantiam abiicit dentium materia; atque adeò testatur cerebrum inualidum esse, quia minus sit respiratioibus opportunum: proindeque faciliè putrefactum iri, cum sua natura humidum sit. Nam & reliqua etiam, dum non mouentur, & torpent, neque exhalant, faciliè vitium contrahunt, & tabescunt. His adde dentes raros materię imbecillitatem aut paucitatem arguere, quod debilioris naturæ signum quoddam est.

Tandem etsi non vniuersim frequentius tamen contingit, vt longiori vitæ fruatur animalia, quæ grandiora sunt, & sanguine prædita, & terrestria; quàm minora & exsanguia, quæque in aquis degunt: vt plurimum etiam diuturniora sunt quæ in calidis, quàm quæ in frigidis locis incolunt; & mares quàm femina. Et verò quædam ex animantibus insignem vitæ breuitatem sortiuntur, de vno, quod ultra diem non superest; unde Hemerobion græcè vocatur, testatur Plinius lib. 11. cap. 36. & ante illum Aristotel. lib. 5. de natura animal. cap. 19. alia præ cæteris longæua sunt, vt cerui, & elephanti, quippe ceruos post centum annos vivere deprehensum est ex eodè Plinio lib. 8. cap. 32. Elephantos verò ducentis annis, & quosdam trecentis superstites esse refert Aristoteles lib. 3. de histor. animal. cap. 9. Homines mediam veluti viam tenent; vel melius cum cæ-

K k 2 tera

tera ferè animalia determinatum vitæ tempus habeat vni homini est valdè incertum. Solon terminum vitæ humanæ 70. annos esse ait apud Diogenē Laërtium. Herodotus perfectissimum viuendi spatium 80. Iuristæ 100. quare, si post tot effluxos de vita alienius dubitetur, præsumetur mortuus, secus si non effluxerint centum anni, quia præsumitur viuere.

Huius quoque humanæ vitæ varia & multiplex est in suas ætates distinctio: Aliqui enim ex mutatione calidi & humidum, quibus animantium vitam contineri superius diximus, tria ætatum discrimina constituunt, pueritiam, iuuentutem, seu floridam ætatem, & senectutē. Ad pueritiam pertinet calidum & humidum affluens & copiosum: ad iuuentutem calidum, & humidum apprimè temperatum: ad senectutem calidum, & humidum iam diminutum, & in occasum vergens: adeo ut licet vita senum in calido & humido, ut communis omnium animantium viuendi ratio consistat; superiorum tamen ætatum comparatione senectus frigida & sicca iudicetur. Diuidunt quoque has tres ætates in alias minores. Nimirum primam ætatem, quæ anno ferè quinto, & vigesimo terminatur, in infantiam, pueritiam, pubertatem, & adolescentiam. Infantia ad tertium, quartumve annum extenditur: hinc pueritia ad decimum: hinc pubertas ad decimum octauum: inde ad vigesimum quintum adolescentia. Aetas media diuiditur in iuuentutem & virilem ætatem. Iuuentus à vigesimo quinto ad trigessimum quintum, aut quadragesimum porrigitur: inde virilis ætas ad annum quinquagesimum excurrit. Tertia ætas continet primam, & vltimā senectutem. Senectus prima à quinquagesimo ad quintum & sexagesimum porrigitur: vltima seu decrepita senectus vitam claudit. Alij cum Pitagora vitam quadripartito diuidunt in pueritiam, iuuentutem, virilem ætatem, senectam; & hanc quadripartitam diuisionem, seu varietatem cum quatuor anni tempori-

bus proportionem quadam conferunt: aientes pueritiam Veri affinem esse, in quo omnia virent, & humoris vbertate adolefcunt: Iuuentutem Aestati propter animi robur, quo corpora pollent, & quasi efflorescunt: Virilem ætatem Autumno, quod tunc post varia superioris vitæ pericula cuiusque ingenij dotibus, tanquā naturæ fructibus, accedat tempestiuitas, & sua quædam maturitas: Senectutem Hyemi gelidæ, & molestæ, qualis esse extrema ætas consuevit. Medici veteres recensent quinque hominū ætates, sed ita ut singulæ rursus tripartito diuidantur, quarum prima pars viridis, secunda adulta, tertia præceps dicatur; hinc senectus cruda, & viridis, & senectus triplex *Galenò*, vnde distinctio senum à senioribus, nomen seniorum vltimæ ætati tribuentes. Alij pro ratione sex dierum creationis tot ætates posuerunt. Alij septem pro ratione septem planetarum; putant enim Astrologi, ut videre est apud Proclum in lib. de anima & demone, singulis ætatibus præesse vnum planetam, ob peculiarem influxum: Infantia: Lunā: Pueritia: Mercurium: Adolescentia: Venerē: Iuuentuti Solem: Virili ætati Martem: Senili Iouem: Decrepita Saturnum. Huiusceque dominij rationem & causam sic explicant. Luna, inquiunt, primam illam infantia: ténacitatem blando quodam officio permulcet, & benigno vberique humore fouet: Mercurius pueritiam ad lusiones, sermonem, & disciplinas afflatu suo promouet: Venus adolescentiam accendit: Sol iuuentuti vigorem addit, & ad altiora erigit: Mars virili ætati animositatem affert, & pugnandi studium excitat: Iupiter senectuti grauitatem & maturam benignitatem indit: Saturnus decrepita ætati fragilitatem & morositatem.

Alij denique longè plures ætatum portiones assignant, per septennia videlicet, vel nouennia hominum vitam distinguendo, videmus enim singulis septenis vel nouenis annis, euidentem, aliquam temperamenti mutationē: hæc

autem

autem propriè eſt ætas, ſcilicet vitæ curriculum; in quo pro temperamentî mutatione, corporis & animi peculiareſ vigent actiones, vt corporis & animi conſtitutio per ſe mutetur. Hos annos clymaſtericos Græci, id eſt latine ſcalares, vocauit antiquitas, quod ſint illi anni, velut gradus quidam ſcalæ humanæ vitæ, non abſimiles diebus decretorijs morborum. Nimirum vt Plato in dialogo de natura docet (quod ab eo deſumpſit etiam Galeus) habent morbi ſuas ætates, ſimiles ætatibus hominum, atque ſuos etiam naturales gradus & terminos ſeu fines. Vt igitur ſunt duplices morbi, alij acuti, alij chronici, quorum vtrique ſuos habet decretorios ſiue criticos, non ramen eoſdem, ſed acutorum decretorij ſunt dies impares præcipuè ſeptenarij; Chronicorum vigefimi, vt ſexageſimi, octogeſimi, centefimi: ita ſunt duplices vitæ productiones, quædam plurimis communes, quædam paucis, iſſique viuaciſſimis, contingentes. Vtraque habent ſuos clymaſtericos, ſeu mauiſ dicere decretorios annos, prioribus quidem ſunt, qui per ſeptennia numerantur, & per nouennia, quorum præcipui ſunt, quadrageſimus nonus, qui conſtat ſeptem ſeptennijs, & ſexageſimus tertius, qui conſtat nouem ſeptennijs: poſt hunc ſeptuageſimus, quia decem ſeptennijs: poſtremus octogeſimus primus, quia conſtat nouem nouennijs. Poſterioribus ſunt decretorij, qui numerantur per decennia, vt centeſimus, quorum poſtremus eſt vigefimus ſupra centeſimum, neque certè huic numero exigua vis ineſt, neque vanum eſt in naturalibus rebus numerorum habere rationem, ſi quidem fecit Deus omnia, in numero pondere, & meſura; vt ſuſius infra dicetur agendo de Arithmetica.

Cum contrariorum contrariæ ſint cauſæ, facile ex dictis colligi poteſt quid ſit mors, quàmque rectè definiatur abſentia, diſceſſusve animæ à corpore, ob defectum innati caloris; quemadmodum enim vitæ cauſa eſt calor, vna cum hu-

more, quo paſcitur, non ſecus ac flamma oleo, ita mortis cauſa eſt frigus, ſeu quod eodem recidit, innati caloris defectus. Vnde & à Galeno lib. 2. de temper. cap. 2. definitur mors, extinctio caloris naturalis; & quia vt diximus, cor natiui caloris ſons eſt, ſolet etià nonnunquam mors definiri, frigiditas cordis ex humidi copia. Quibus ex definitionibus colligi poſſunt mortis cauſæ. Sunt enim excedens frigus & ſiccitas: imo & humiditas ſuperabundans, quæ calorem ſuffocat; & nimia vis caloris extranei, quæ non humidum ſolummodo abſumit, ſed ipſum etiam calorem innatū reſoluta ſubſtantia diſſipat. Sic, ſi euentus fortuiti ſpectentur, licet innumerabilia ſint mortis genera: attamen ſi cauſæ per ſe expendantur, definito numero continentur; rectèque diuiditur mors ab Ariſtotele in violentam & naturalem. Violenta eſt, quæ à contrario fit: naturalis, quæ ex caloris marcore provenit. Quia verò natiuum calorem, vt ſtatim attingimus, tam frigus, quam calor extraneus, & humor interimunt, tripliciter violenta mors accidere poteſt: nempe vel ob nimiam frigiditatem, aut extraneum calorem, quæ calorem natiui extinguunt, vel ob immodicam humiditatem quæ eundem præſocat. Naturalis autem mors contingit, ob caloris paulatim ſtaccſcentis defectum. Nam cum calor agat in humidum, ipſumque reſoluat ac diſſipet, oportet calorem ipſum pariter imminui, manereque terreſtres partes frigore & ſiccitate concretas: proindeque deficiente humido calorem extingui, & mortem ſubſequi: quæ in plantis vocatur ariditas, in animalibus ſeneſcens & mors. Notandum eſt tamen, quod cum omnis corruptio à contrario fiat, etiam eam viuentium mortem, quæ naturalis dicitur, re vera à contrario fieri debere: dicitur tamen, non fieri à contrario, vt violenta, quia, quaſi ſpontè naturæ accidit: quatenus non aduenit ab externo contrario, magna & aperta vi oppugnante.

Transcundo iam ad explicationem catce-

cæterarum affectionum, quæ non omnibus viventibus, sed solis animantibus conueniunt, tria supersunt breuiter consideranda, primum quid sit vigilia, secundum quid sit somnus, & somnia illum concomitantia, tertium quid respiratio. Est ergo vigilia omnium externorum sensuum, aut saltem aliquorum, solutio & liberatio. Sic cum somnus priuatio quædam sit vigiliæ, & omnis priuatio per formam oppositam, siue quam negat, innotescere ac definiri debeat, relictis varijs somni definitionibus, quas Stoici, Epicurei, Anaxagoras, & alij ex antiquis Philosophis inuenerunt apud Tertullianum in suo lib. de anima rectius definiri non potest, quam ligatio omnium sensuum externorum, ad animantium quietem, & salutem instituta. Dicitur omnium sensuum externorum, quia si vel vnus sensus non sit consopitus, sed vigilet, hoc cum in opus, & actionem incumbat, non somnus, sed vigilia dicitur, vnde nomen ratioque somni plus negat, quam vigilia exigit. Additur non omnium absolute, sed externorum dumtaxat sensuum: quia vt animal dormire dicatur, non opus est ligari etiam sensus internos. Adijcitur, ad animantium quietem &c. quia cum sensus obtorpescunt, & morbi alicuius vi feriuntur (vt contingit in illis, qui ex lipothymia, epilepsia, præfocatione, & id genus alijs penè mortui iacent) eiusmodi quies non ritè somnus vocatur; quia non est institutio naturæ inducitur in bonum animalis, sed ad eius ruinam aliundè inuectæ: Quod pertinet ad causam somni efficiëntem, relictis varijs tum Philosophorum tum etiam Medicorum sententijs; dicendum est cum Aristotele somnum induci euaporatione, & obstructione meatuum, per quos spiritus animales excurrunt: cuius rei non obscura sunt argumenta, primo quod quædam edulia & potiones, vt lactuæ, buglossæ, papauer, lac, vinum aliaque eiusmodi, ideo somnifera dicuntur, quia plurimum vaporem sursum efferunt & humenti, suauisque halitu cerebrum irrigant. Secundo, quia idcirco

infantes & phlegmatici somniculosi sunt senes verò & melancholici peruigiles, quia illi humore fumeo, hi siccitate abundant; Tertiò, quia multi ob inedia insomnes noctes traducunt; & è contrario post cibum faciliè somnum ineunt: non alia certè ratione, nisi quia vapores suppeditat cibi copia, negat inopia. Non videtur tamen negandum, concurrere simul ad inducendum soporem reuocationem spirituum ad cerebrum: si enim per solam viarum obstructionem, illorum communicatio impediretur, non tanta suauitate, sed quasi per vim somnus adueniret, obstitentibus ad ostia sensus communis, & conantibus quædam porta erumpere more suo spiritibus. Atque ita causa soporem inuehens non videtur sola meatuum obturatio, sed spirituum detentio seu reductio; potest enim virtus attractoria, cerebro incidens, ad conciliandum somnum, naturali instinctu spiritus animales introsum reuocare, siue apud se retinere.

Finalis causa somni, seu finis ob quæ natura somnum instituit, sunt commodæ quæ illius beneficio animalibus obueniunt. Hæc quam multa sint, summam complexus est Tertullianus in lib. de anima cap. 43. hisce verbis: Somnus est recreator corporum, redintegrator virium, probator valetudinum, pacator operum, medicus laborum, cui legitime fruendo dies cedit, nox legem facit. Notandum est tamen quod sicut vigilia, si modum excedit, magnam affert corpori noxam; vt probat experientia, similiter somnus nisi moderatus sit, & tempestiue adhibeatur, non parum officit valetudini: cum autem salubris somni ratio multis constet rebus, nihil ad id tan toperè curandum, quàm vt temporis ratio habeatur. Est autem aptissimum somno tempus nocturnum, propterea quod ipsum noctis silentium quietem aduocat, & circumfusi aëris frigidity innatus calor facilius se se colligit, & ad interiora reuocat. Quare rectè Seneca lib. 22. epist. 123. eos reprehendit, qui, vt quidam in eadem vrbe Antipodes no-

ctes

Sectio VII. Caput XII. 263

Aes vigilant, dies dormiunt: quos appellat lyncobios, id est, lucernarios: aitque eiusmodi homines contra naturam vivere.

Quod somnus omnibus animantibus etiam aquatilibus competat, persuadet tum communis eius necessitas, tum auctoritas Philosophorum, ipsaque experientia: docet tamen Aristoteles lib. 5. de generat. animal. cap. 1. hominem primæ ætatis ingressu plusquam ceteros animantes somno deditum esse: quod aliqui asserunt homines à somno, alij à vigilia vitam ordiri: neutrum propriè dicitur; cum enim non dicatur propriè somnus, nisi à quo quis expergisci potest, & infantes intra matrum viscera, primis diebus propter humiditatis affluentiam, organi imperfectionem, sensuumque hebetudinem, expergisci nequeant, non potest dici propriè eos dormire: proindeque hominis vita nec à vigilia, nec à somno propriè accepto inchoatur: sed à torpore illo, per quem ad vigiliam quasi per medium transit. Probabilius etiam docet D. Thom. 1. p. quæst. 94. artic. 4. etiam in statu innocentie fuisse dandum somno locum: nõ eis, qui ex lassitudine aut morbo oriretur (is enim defectum argueret) sed quem dumtaxat pura & suavis alimentis evaporatio alliceret. Est enim hæc genuina, & naturalis affectio ad totius animantis perfectionem atinens. Itaque licet somnus in nostra hac mortali vita comparetur, obseruiatque ad virium iacturam refarciendam, in illa tamen felicitate in qua homines multis diuinis muneribus supra naturæ conditionem fruerentur, ad solam oblectationem, & fructuam voluptatem obdormiscerent, cum vellent.

Circa cessationem à somno, dicendum est animal dupliciter expergisci: videlicet aut spontè sua, tuncque propriè dicitur expergisci; aut aliena vi, & interpellatione. Primi modi vniuersalior & communis causa est, quâdo panduntur meatus, per quos spiritus animales transiunt: panduntur autem ordinariè,

si animal rectè ac probè se habeat, postquam vapores, qui eos occludebant, calore cerebri consumpti sunt. Secundo modo cessatio à somno fit, ex eo quod instrumenta externorū sensuum in dormientibus non omnino priuantur influxu cerebri, nec ita deseruntur à spiritibus animalibus, vt non eis aliqui suppetant, quorum opera saltem vehementia sensibilia percipere valeat dormiēs; unde cū quis cum inclamat, anima appulsu soni, & auditoriæ imaginis stimulata, ad audiendi actum cōcurrit, sonumque dignoscit; primò quidem obscurè & quasi per vmbra, mox clarius ac distinctius subindeque expultrici vi conatur faciēs maiorem immittere spirituum copiam, quorum irruptione sensus communis aditus, viæque ad sensoria, pariter referantur, atque ita qui antea consopitus erat euigilat.

De ijs, qui dormientes obambulant, siue qui sopore affecti è lecto surgūt, & huc illuc oberrant, quæri solet, num simpliciter exprecti dici debeant, an dormientes? cum enim sui compositi non sint, dormire vtique videntur; è cōtrario tamen quod non dormiant suadere videtur eorum motus. Ex communi sententia respondendum est, cum ad somnum requiratur omniū sensuum externorum ligatio, & ad vigiliam sufficiat vel vnus solutio, vt superius dictū est; ijs qui prædicto modo è lecto surgunt, non simpliciter inesse somnum, sed modum quemdam somni imperfectum, & quasi dimidiatum, quandoquidem nõ est negandum semper eos aliquo tactu, etsi obscuro, vt i, terram pulsando, se vestiendo, fores pandendo, arma corripiendo, vtcumque circa aliorum sensuū functiones se se habeant. Ratio autem, cur ij qui dormientes ambulant, et si nullo sensu externo perfectè vtantur, nihilominus actum virtutis motricis gnauiter, perfectèque aliquando exercent est, quia via, per quam cerebri facultas ad motum pectoris & artuum influit, alia est & laxior ea, per quam in sensuū externorū officinas illabitur. Hinc enim fit,

fit, vt non æqualiter potentia motiua, & sensitua exterior, à suis functionibus somno impediatur; præferam cum imaginario, quæ appetitum ad motionem excitat, sæpe in dormientibus vehementior sit, vt potè cui tunc ratio non obstat. Notandum etiam magna ex parte huiusmodi ambulones suoptè ingenio inquietos esse, agiles, & multis se negotijs immiscentes, quos ardelliones vocant. Vnde ex varia sensuum viuacitate cursitatio illa exoriri potest.

Cum somnia sint quædam veluti affectiones somni, postquam in superioribus breuiter de illo egimus, continuata rerum series postulat, vt de somnijs eadem breuitate disseramus; vnde incipiendo à definitione, somnium definiri potest, esse visum quod in somno apparet: sed quod eodem recidit, esse apparitionem exhibitam per internum sensum, in ijs, qui somno consopiti sunt: dicitur per internum sensum; vt reijciatur notionem intellectualis potentie, quas dormientes interdum efformant: quæ non ritè somnia vocantur. Interim igitur, dum adhuc præclusi sunt meatus, per quos animales spiritus ad externos sensus inuehantur, non raro accidit vt soluantur, & quasi vinculo liberentur interni sensus, sedata videlicet magna ex parte (nam ex toto dum somnus perseuerat cohiberi non potest) vaporum agitatione & tumultu. Produnt enim se se, quæ antea omnino laruerant, rerum iniugiues, per quas interni sensus operantur; idque clarius, aut obscurius, pro halituum paucitate, vel multitudine, tenuitate, aut crassitie: quod cum accidit, somnare animal dicitur. Multique putant somnia pertinere ad omnes sensus internos, secundum quod per illa res sensatas, vel insensatas apprehendimus.

Auctor libri de spiritu & anima, siue is sit Hugo Victorinus, siue alius, cap. 25. eius operis quinque somniorum genera enarrat: videlicet oraculum, visionem, somnium, insomnium, phantasma. D. Gregorius lib. 8. Moral. c. 13.

scx genera somniorum ex totidem causis orta commemorat. Alijs perquam opposita videtur somniorum diuisio, in Diuina, Dæmoniaca, Naturalia, & Animalia. Diuina sunt quæ à Deo inspirantur: siue id fiat immediatè à Deo; siue Angelorum interuentu; horum multa continent exempla diuinæ litteræ, tam veteris, quam noui testamenti. Dæmoniaca dicuntur ea quæ à Dæmonibus inducuntur; qui duo potissimum in illis assequi nituntur. Alterum est, hominum, si mentes non possint, saltem corpora obscænis cogitationibus, & voluptatis illecebra contaminare. Quæ de re piè conqueritur D. August. lib. 10. confess. cap. 30. idemque luculenter pertrahit S. Iustinus in libello quæst. à gentibus propositarum Christianis q. 21. Alterum est: ignaros homines vana superstitione imbucere, si eos aliquorum somniorum euentu ad irrogandam ijs fidem pellexerint. Quo artificio pluribus exemplis constat Ethnicos multipliciter fuisse delusos, & in impietate obfirmatos. Naturalia somnia vocantur, quæ ex affectione corporum, temperamento, humorum inuersionibus, alijsque eiusmodi nascuntur. Nam ijs, quos melancholia infestat, somnia tristia; vt funera, caliginem tenebras. Qui flaua bili redundant, rixas, iurgia, inimicitias. In quibus est sanguinis redundantia, videre sibi videntur tubentia, ignes, visiones. In quibus multum insidet pituitæ, aquas portus, nationes, pluuiam & similia. Rursus quibus animalis vis humorum multitudine premitur, grauiam quædam ferre onera sibi videntur: & contra, qui tenui leuique temperamento sunt, nunc tranare præperibus pennis aërem, nunc velocissimo cursu ferri se purant. Hinc vt dicemus infra de medicina, admonent Medici notanda & expendenda esse ægrotantium insomnia, ad eorum morbos dignoscendos curandosque. Tandem animalia somnia dicuntur, quæ versantur circa res eas, quibus per diem occupati fuimus. Horum namque simulachra vt sunt recentia, ita plerumque

que magis mouent. Ad idem genus pertinent ſomnia rerum aut perſonarum in quas odio, amore, timore, aut ſpe, vehementer afficitur.

Quod pertinet modo ad artem diuinandi, ſeu præſagiendi futura ex inſomnijs, quam Sômnificiam vocant, relictis varijs Ethnicorum Philoſophorum placitis, quid de illa reuera ſentiri oporteat repetendum eſt ex D. Thoma 22. quæſt. 95. vbi primum docet, ea tantum ſomnia, quæ à Deo, ſiue ab Angelis immituntur, conſtanti & certa veritate futuros euentus prænuntiare. Et ſi enim nonnunquam etiam Dæmonibus fortuita euentu diuinitus innotſcant, vt ex D. Auguſtino teſtatur idẽ D. Thomas 22. quæſt. 172. artic. 6. futurorum tamen ſignificatio, quam nonnunquam ſomniantibus Dæmones iniiciunt, certa non eſt; quia cum veritate odio proſequantur, & mendaciorum omnium architecti ſint, nihil ab eis ſolidum aut verum, ſed vanitatis fucõ illitum & ad deceptionem compoſitũ, expeſtari debet. Secundo ait, per ea ſomnia, quæ ex affectu corporis, vel cæleſti influxu obueniunt, poſſe probabilem coniecturam capi aliquorum effectuum: at vanum eſſe & ſuperſtitioſum, velle quidpiam ſcire per inſomnia à Dæmonibus iniecta: vel etiam per ea, quæ aliunde nobis incidunt: ſi quis diuinationem extendat vltra id, ad quod virtus cauſæ ſomnij pertingit.

Superẽſt iam vt aliquid de reſpiratione dicamus; & incipiendo ab eius cauſis efficientibus dicendum eſt primo cum reſpiratio ſit vitalis operatio, principalem cauſam efficientem illius poſt ipſum animal (cui vt ſuppoſito omnes actiones primario deferri debent) eſſe animam: deinde instrumentariam, eſſe vim motricem corpori inhzrentem: inſtrumenta, quorum miniſterio, & interuentu hæc motio perficitur, eſſe eas partes corporis, ad quas ſpectat deductio, ſeu tranſuectio externi aeris ad cor; ſi quidem reſpiratio nihil eſt aliud, quam attractio aeris ad cor. Hæc inſtrumenta

ſunt cor, pulmones, diaphragma, arteria venoſa, arteria vocalis. Vnde reliquis antiquorum ſententijs, ſtatuendum eſt, reſpirationem hunc in modum fieri: attrahitur ab animali externus aer per arteriam vocalem interuentu diaphragmatis ad pulmones: hi ſe ſe dilatando quaſi folles aerem attractum in cor effundunt, frigidam ei qualitatem imperientes; ſed mox reciproca viciffitudine eundem aerem æſtu cordis calefactum, ſe contrahendo foras eijciunt. Quo fit vt reſpirationis duæ ſint partes: inſpiratio, qua aer attrahitur; expiratio, qua emittitur. Obſeruit etiam arteria venoſa ad reſpirationẽ, quatenus per eam cor pulmonis aerem ad ſe allicit. Cum autem pulmones nõ moueantur ad motum cordis, primum, quia non eſt idem concentus reſpirationis, & motus cordis; ſi quidem vni reſpirationi plures arteriarum & cordis pulſationes reſpondent; ſecundo, quia reſpirationem poſſumus aliquantulum inhibere, & tardiores celerioresve efficiere; non autem cordis motum; dicendum eſt motum pulmonum ita pendere à corde, tanquam à communi fonte natiui caloris; tum priuatim, quatenus pulmones à dextro cordis ventriculo ſanguinem hauriunt, quo pariter incalcſcunt alunturque; dicendum eſt, inquam, motum pulmonum ita modo explicato à corde dependere, nec non etiam à motu diaphragmatis, & muſculorum peſtoris, vt tamen etiam pulmones ad attraheundũ, pellendumve aerem propria virtute cõcitantur; cum enim pulmonibus reſpirandi officium natura commiſerit, certẽ conſentaneum fuit, vt etiam illis propriam vim motricem ad eum motum adminiſtrandum impertiretur. Notauimus ſupra hunc motũ partim voluntarium, partim naturalem eſſe: num autem magis voluntarius, quam naturalis dicendus ſit? diſputant inter ſe doctores; plerique enim Medicorum magis voluntarium appellandum cenſent; melius tamen cum alijs appellandus eſt magis naturalis, quam voluntarius pro-

pterea quod citra omnem liberi arbitrij actionem, & vigiliæ, & somni tempore excreatur.

Respirationis finem Aristoteles docet esse cordis refrigerationem, & quæ inde subsequitur tutela natiui caloris: duabus enim potissimum causis perit calor: eoque abolito ruit in perniciem viuens; nimirum vel quia eiusmodi calor immoedi frigoris impulsu extinguitur; vel quia marcescit, & suffocatur defectu aeris refrigerantis. Addunt etiam Medici ex Galeno lib. 7. de usu part. cap. 7. & Fernelio lib. 6. Physiologiæ cap. 18. comparatam fuisse à natura respirationem ad nutriendos spiritus vitales. Licet autem solis animantibus, non tamen omnibus competit respiratio; sed ijs duntaxat, quæ sanguinea sunt, & pulmonem habent. Sic docuit Aristoteles non omne piscium genus respirare, contra Anaxagoram & Diogenem, quorum opinio fuit pisces, etsi plerique pulmone careant, nihilominus respirare omnes; quorum sententiâ nouissimè tuitus est Rondeletius lib. 4. de piscibus cap. 9. Sed de his satis, nunc videamus quanta sit istorum utilitas ad sacræ doctrinæ studium.

I. ad illud Levit. 17. *Anima omnis carnis in sanguine est*; valet definitio vitæ, quod sit permanis animæ cum calore; non solum enim anima dicitur esse in sanguine per informationem, aut per potentiam, & operationem, quia nulla alia in re manifestius operatur, vt patet cum seruet per iram, fugit per timorem, per mæstitiam pigrescit, per gaudium effunditur, per pudorem in faciem occurrit; sanguis enim, & vitales spiritus moti ab anima hos effectus mouent; nõ solum, inquam, duobus his modis anima dicitur esse in sanguine; sed etiam quia calor naturalis ad viuents conseruationem requisitus perseuerantiam obtinet ratione sanguinis, quia fouet calorem sanguine prædiorum, vt potè quæ effusione sanguinis refrigerantur. II. ad illa Psal. *Vita hominis septuaginta anni, in potentatibus octoginta, amplius labor & dolor*. Ecclesiastici 18. *Numerus die-*

rum: vita hominum, vt multum centum anni. Genes. cap. 6. *Eruntque dies hominis centum viginti annorum*; ad illa inquam & similia Scripturæ loca iuuat doctrina de longitudine vitæ, ætatumque distinctione. III. ad illud Ecclesiast. cap. 12. *Memento creatoris tui, in diebus iuuentutis tuæ, antequam veniat tempus afflictionis tuæ, & appropinquent anni, de quibus dicas, non mihi placent &c.* potissimum valet doctrina philosophica de senectute: ibi enim metaphoricis locutionibus continetur optima senectutis ingruentis, & ad extremum vsque procedentis, atque adeò ipsius interitus, periphrasis, de qua vide Valesium de sacra Philosoph. cap. 66. IV. ad illud Exodi 20. *Non loquatur nobis dominus ne forte moriamur*, & Deuteron. 5. *Quid est omnis caro, vt audias vocem Dei loquentis de medio ignis, sicut nos audiuimus, & possis viuere*; valet quæstio Philosophica an voces virtutum habeant naturalem ad vitam prorogandam, vel mortem maturandam. De qua vide Mendoçam in viridario lib. 4. problem. 8. Nec non, Gasparem Francum in campo Elisis iuend. quæst. 22. V. ad illud Psalmi 102. *Renouabitur vt aquila iuuentus tua: & Isaiæ 40. Qui autem sperant in Domino, mutabunt fortitudinem, assument pennas, vt aquila, volabunt & non deficient*; utilis est controuersia, an viribus naturæ possit iuuenta senibus redire: de qua vide eundem Mendoçam loco citato, problemate 17. VI. ad illud Ecclesi. 31. *Somnus sanisatis in homine parco*. & Ioannis 11. *Si dormit saluus est*: iuuat ea quæ docent Philosophi de multiplici somni utilitate, si moderatus sit. VII. ad illud Cantic. 5. *Ego dormio, & cor meum vigilat*; valet doctrina de somni natura, ad quem ita requiritur omnium sensuum, externorum ligatio, vt tamen non opus sit ligari etiam sensus internos; vide Mendoçam loco citato problem. 16. vtrū dormientes propria vigilantium opera moliantur. VIII. ex his quæ docet Philosophi circa somniorum naturalium & animalium causas, faciliè intelligitur cur

Isaiæ

Seſtio VII. Caput XIII. 267

Itaiz 29. dicatur : *Vt ſomniat famelicus ſe comedere* . Sicut enim liberales & benefici ſomniant , ſe alijs largiri : mendici , petere : cantores , canere : Philoſophi , diſputare : auari , pecuniam congerere : ita & famelici , ſe comedere . Item illud Eccleſ. cap. 5. v. 2. *Multas curas ſequuntur ſomnia* .

C A P V T XIII.

Quantum referant ad ſacra doctrina ſtudium Magia Naturalis ſingulaque eius partes .

Magia vniuerſim ſumpta definiri poteſt , *Ars, ſeu facultas vi creata, & non ſupernaturali quadam mira, & inſolita efficiens, quorum ratio ſenſum, & communem hominum captum ſuperat.* Magiæ ſic late ſumptæ diuiſio peti poteſt ex cauſis tam efficiente, quàm finali . Ab efficiente ducitur diuiſio in naturalem, artiſcioſam, ſiue humanam, & diabolicam ; quia cuncti effectus eius adſcribendi ſunt, vel inſitæ rebus naturæ, vel humanæ induſtriæ, vel cæcodemonis malitiæ . A finali cauſa rectè diuiditur primò in bonam, ſi bona intentione & licitis medijs procedat, & in malam, cuius nempe finis, vel media quibus vtitur ſunt praua, ſiniquæ acquirendo omnino improporcionata . Ex hæc peculiaris eſt Magia prohibita, quam idololatriam tacitam, & ſuperſtitionis ſpeciem, falſi videlicet cultus, ad diſtinctionem ſuperſtitionis indebiti cultus, Theologi communiter appellant .

Quæ prohibita Magia proinde deſiniri ſolet, *Ars, ſeu facultas, qua vi paſſi cum demonibus inſit mira quadam, & communem hominum captum excedentia efficiuntur* . Dicitur, *vi paſſi*, quoniam omnis Magiæ huius vis, paſſo tacito vel expreſſo cum dæmone ſemper innititur . Tacita etiam vocatur idolatria ; quia ex vi talis paſſi, vt plurimū non tam intendunt Magi, cultum exhibere dæmoni, vel creaturæ, vt Deo ; quàm vt benefactori cuidam munifico, à quo aliquid

Biblioth. Theol. Tom. IV.

conſequantur . Quæ intentio rationis multiplicis obiectis, licet innumeratis quæſi ſpecies huius tacitæ idololatriæ, ſeu prohibitiæ Magiæ gignere poſſet, ad quatuor tamen principales ſolent reduci, Magiaque reprobæ diuidi, in Magiam ſpecialem, diuinationem, maleficium, & vanam obſeruantiam . Fit enim aliquando vt extraordinarij dumtaxat & miri effectus cognitio vel operatio quæſatur, & tunc ſibi nomen *Magia ſpecialis* vendicat ; aliquando fit vt quis nitatur cognoscere res futuras, vel etiam præteritas, aut præſentes, ſed occultas, & arcanas ; conatus iſte *diuination* vocatur ; aliquando deſiderat inſtrui, & iuari, non vt proſit, ſed vt noceat alijs, vel ultionem ſumat : huic ſceleri *maleficium* eſt nomen . Sunt denique aliquando, quibus decretum eſt ſine noxa vel damno cæterorum, ſibi vel alijs hoc opere prodeſſe vtilitate, vel voluptate ; & hoc Theologi vocant *nugatoriam*, ſeu *vanam obſeruantiam* . His breuiter adnotatis circa Magiam eiufque diuiſionem in cõmuni, ſupereſt vt breuiter de ſingulis eius ſpeciebus agamus, cum earum diſquiſitio & notitia non parum etiam cõducant ad perfectam ſacræ doctrinæ pluriusque rerum ab ea traditarum intelligentiam .

De Magia naturali, ſeu phyſica .

Magia naturalis, ſeu phyſica, nihil aliud eſt, quàm accuratior quædam arcanorum naturæ cognitio, quæ cælorum ac ſyderum curſu, & influxu, ſympathijs atque antiſpathijs rerum ſingularum obſeruatis, ſuo tempore, loco & modo, res rebus applicantur, & mirifica quædam hoc paſſo perficiuntur, quæ cauſarum ignaris præſtigioſa, vel miraculoſa videntur . Veluti cum Tobias 7. Tobias iunior paternam cæcitatem felle piſcis diſcuſſis quam vim Callyonimo piſci tribuunt cū Galeno lib. 2. ſimpl. Medicament. Plinius, Aclianus & alij . Naturalis huius Magiæ cognitionem vna cum cæteris ſcientijs Protopar-

L I 2 renti

renti Adamo fuisse infusam minimè dubitandum: huius quoque petitiſſimum fuisse Regem Salomonem facillè crediderim, Vnde quæ de morbis ab eodem Rege curatis incantatione Flavius Iosephus refert lib. 8. Antiquit. ea vel falsa sunt, vel in illud referenda tempus, quo iam se idololatriæ, & omni superstitioni immerſerat.

Naturalis Magia diuiditur in operatricem & diuinatricem; hæc in abditis & futuris coniectandis versatur; illa miros effectus producit. Loquendo iam de Magia naturali operatrice, ad Magicos illius effectus cæli aspectum & influum plurimum valere, & conferre putant aliqui; quæcumque enim per characteres, figuras, ac numeros ipsi perficiunt, ea produci volunt à virtute ijs figuris communicata ab alijs figuris sublimioribus, ex sympathia quadam naturali rerum inter se similibus, quatenus hæ figuræ ad amuſim inuicem coaptantur. Nihilominus tamen Theologi cum D. Thoma 2. 2. quæst. 96. art. 2. & lib. 4. contra Gentes, aliq̃ue plures tam iuriconsulti quam periti Medici, existimant, errorem esse in fide, & philosophia naturali, veraque astronomia asserere, quod Imagines ex metallo, vel cera, vel alia quacumque materia, ad certas constellationes fabricatæ, vel certo characterè, aut figura efformatæ, aut etiam baptizatæ, exorcizatæ, consecratæ vel potius execratæ, secundum artem, & sub certis diebus habeant virtutes mirabiles, quæ in supersticiosos aliquorum libris recitantur. Sed de his consule Pererium lib. de diuina astrologia Ioann. Baptist. Condronchum Medicum lib. 2. de morbis veneficis, Laurentium Ananiam lib. 4. de natura demonum; Barthol. Sybillam in peregrinis quæstionibus; Martinum Delrio lib. 1. disquisitionum Magicarum.

Alij volunt effectus Magicos huiusmodi, miraculis similes, oriri posse, ex naturali hominis complexionè, sicque impij non tantum Magis, sed & Fulginas Medicus aſſi sunt asserere, huius temperamentum, quod ad pondus vocatur,

virtute, Christum Dominum, tot miraculis coruscasse. Verum hoc totum, protus ridiculū esse ostendit Condronchus Medicus vbi supra; impium verò Michael Medina lib. 2. de reſta in Deū fide cap. 7.

Tertio alij effectus hosce mitos viribus imaginationis tribuunt, quam putant posse etiam remotiores falcinare, vel sanare, & res loco mouere, & fulgura, & pluuias cælo deducere; ita Auicenna lib. de anima sect. 4. & alij, qui tamen in modo id explicandi inter se dissentiant; quidam enim hoc posse imaginationem volunt, per certos, quos ipsi somniant gradus; ita Alkindus lib. de Imaginibus; alij per spiritus ex corpore vi imaginationis expulſos, vt Paracellus, Pomponatius, Andreas Catanzus lib. de mirab. effect. causis. Cæteri cum Auicenna & Fulginate, solo animæ præstantioris imperio.

Verum licet in eo conueniat sacra doctrinæ, quod vis imaginationis plurimum valeat in propriū imaginantis corpus, quo ad ea omnia, quæ naturalem habent cum imaginatione coordinationem, vt sunt motus locales in dormientibus, de quibus extat Andreæ Libanii liber; vt sunt alterationes, per frigus & calorem, & quæ has alterationes consequuntur. Insuper licet sit satis verisimile, per accidens posse aliquid imaginationem in corpus vicinum, arcta quæpiam coniunctione vel contactu ei copulatum; si tamen & imaginatio sit valde intensa, & vicinum corpus ad eam affectionem valde dispositum. Ad quod probandum conducere potest artificium Jacobi Genes. 30. de quo vide Pererium ibidem. Nihilominus imaginatio nullam vim obtinet ad alias proprii corporis dispositiones, quæ naturalem cum illa non habent coordinationem, vt puta ad figuram manus, vel pedis; vel vt quis adijciat statum suæ palmum vnū, & quæ sunt similia; Vide D. Thom. 3. parte 2. q. 13. artic. 3. ad 3. & lib. 3. contra Gentes cap. 103. Similiter in corpus alienum diſiunctum, omninoque separatū

ab imaginante, anima humana, neque per imaginationem, neque per aliam potentiam, mediantibus vllis radijs, spiritibus, vel speciebus, vlla mirifica huiusmodi potest efficere. Quod ex Theologis rectè probat Michael Medina vbi supra, & ex Medicis Condronchus, Vallesius lib. *sacra Philosoph.* cap. 68.

Quarto tandem volunt alij solo contactu, visu, voce, afflatu, osculo, vel nudi lintei applicatione, vulnera & morbos sanari, & alia mira huiusmodi naturaliter perfici posse; sed hoc etiam vanitate plenissimum esse pluribus demonstrat Martinus Delrio lib. 1. *disquisit. Magic.* cap. 3. 4. 4. Donum enim conferendæ sanitatis, siue curationis est donum supernaturalis, & gratia gratis à Deo data 1. Corinth. cap. 10. quare si nihil superstitionis in huiusmodi curationibus accedat, illæ omnes virtuti diuinæ adscribendæ sunt.

At dicet aliquis ex Pomponatio lib. de incant. cap. 3. sicut in herbis, lapidibus & animantibus inveniuntur virtutes sanandi; ita nihil repugnare, quod in tota humana specie similes etiam vires reperiantur; vt in vno homine sit virtus talis lapidis, in alio talis plantæ, vel animalis. Quod ergo planta hæc, vel lapis ille possit, idem hominem etiā hunc & illum naturæ vi effecturum.

Respondetur tam lapidibus, quam plantis, in ordine ad plures effectus mirorum, occultam quidem vim à natura infusam esse; quæ tamen naturaliter hominibus inesse nequit. Nec ratione specificæ, quia non omnes habent; nec indiuiduali, quia conditiones indiuiduales, non producant talem effectum. Quare si hoc accidat absque vlllo remediorum naturalium vsu, dicendum est fieri aut per gratiam gratis à Deo datam; aut per pactum cum dæmone; quod est ex circumstantijs diiudicandum. Superest aliquid dicere de *Magia naturali diuinatrice*, sed quia connexionem doctrinæ commodius de illa agendum est infra, cum de diuinatione prohibita, ideo ad *Magiam artificialem* transco.

De Magia artificiali.

Magia artificialis est illa quæ quædam perficit hominum industria; tantum enim in præsentem est sermo de Magia artificiali operatrice, quæ rursus diuisitur in *Mathematicā*, & *Præstigiatoriam*. Mathematica dicitur, quæ nititur principijs Arithmeticis, Geometricis, vel Astronomicis; alij Taumaturgicam illam appellant. Nihil tamen efficere potest, quod rerum naturæ repugnet, quin imo indiget ope causarum naturalium certo motu, & dimensionibus applicatarum, vt satis patet in speculis vltorij, hydraulicis nostris, & alijs huiusmodi rebus. Quare si quis effectus proponatur, causarum naturalium vim & efficaciam superans, ille ad præstigiosos referri debet. Hinc sequitur *Magiam artificialem* siue *Taumaturgicam*, vt & *naturalem* siue *physicam*, per se bonas ac licitas esse, vt omnes artes per se, sunt bonæ. Quamuis per accidens vtraque illicita esse possit. 1. per relationem in malum finem. 2. quando scandalum, oriretur, eo quod putarentur hæc fieri dæmonum opera. 3. si quod idè spirituale vel temporale damnum corporis aut animæ immineret ipsi circulari, vel spectatoribus; Vide Syluestrum & fumum Verbo *ars*.

Ad hanc materiam de magia artificiali operatrice I. pertinet, an vis characterum, annulorum, sigillorum, aut imaginum sit, qualem Magi contendunt. II. An numeris Arithmeticis aut Musicis magica vis aliqua insit. III. An verbis & incantationibus vis insit morbos sanandi, aut alia mirifica perficiendi. IV. An amuletis & periaptis. V. tandem, & vltimò an aurum vel argentum hac arte, quam Alchimiam vocant, confici possit: quibus omnibus breuiter respondeo per sequentia dicta.

Primum dico, characteribus, annulis, sigillis aut imaginibus, nullam penitus virtutem inesse, in ordine ad producos aliquos magicos, vel mirabiles effe-

effectus. Quare si quando aliquis talis effectus sequitur usum huiusmodi rerum, quod fieri interdum videtur; id totum ex constituto sit, dumtaxat quia demones hæc sibi signa constituerunt, & quasdam quasi tesseras militares, aut pacta conuenta; ut homines solent verborum certas formulas. Ita Theologi cum Diuo Thoma 2. 2. q. 96. ex Medicis Condronchus lib. 3. de morbis venef. Bokelius de phileris, & alij quos refert & sequitur Martinus Delrio; contra Pomponatium, Ludouicū Dulcem libro Italico de gemmis in quo fictitij Salomonis & Hermetis sigilla in lucem edidit.

Secundò dico, numerum, quæ numerus est præcisè, nullam neque naturalem, neque supernaturalem vim operandi continere. Id probant optimè Andreas Laurentius lib. 8. Histor. Anatom. quæst. 10. Vairus lib. 2. de fascino c. 11. Quod autem adduci solet in contrariū, de anno climacterico, qui homini solet esse lethalis, de diebus criticis, de octimestri partu minimè vitali, nullius est momenti; Andreas enim Laurentius libro citato cap. 9. & q. 3. optimè demonstrat annorum climactericorum rationem, ut & criticorum dierum potissimū pendere ab humorum, & complexionū, quæ in hominibus sunt, ratione ac periodo quadam naturali. Quo ad partum vero octimestrem semper ferè lethalem, id accidit, quia semen humanum multiplex est. Quoddam perficit factum septimo mense, & tunc factus post sextum mensem conatur exire: quod si non reperit magnam resistantiam, tunc validus erit & robustus: si verò reperit, continua illa mensis pugna debilitatur, & octauo mense debilis, atque inuvalidus admodum producit in lucem, unde moritur. Aliud semen perficit factum non tantum mense, & tunc factus ante hunc mensem non conatur exire, solerque adeò robustus esse, ut cuncta impedimenta contraria, vel ei non resistant, vel per resistantiam, quando mater vterum fert diutius, non admodum debilitetur. Vide Hippocrat. lib. de octimestri

partu; qui tutius ac in re sequi potest ac debet, quam Academici ad numerorum vim superstitiosè cōfugientes; quorum dicta refert Fabius Paulinus lib. 6. Hebdomad. cap. 4. Quod spectat ad numeri sonori, seu Musicæ, cuius est obiectum, vim & efficaciam suo loco infra dicetur, vbi de Musica.

Tertiò dico, nulla vocabula, vim habere naturalem vulnera, vel morbos sanandi, vel noxas alias depellendi; dicitur nulla, ad excludendum quoduis verborum genus; dicitur vim naturalem, quia Zelotypiæ illa adiutorio, & lex Thorathkina numeror. cap. 5. quidquid habebat efficacitatis, de sursum habebat; ferè modo, quo hodie preces Ecclesiasticæ, formulæ sacramentorum, & sacramentalium, & exorcismorum, vim habent supernaturalem ex Dei institutione, vel gratiofo concurrendi modo. Unde, quod pro tota hac materia valde notandum est, naturale hic non fumitur, pro ut opponitur operi animali, vel libero, vel violento; sed ut opponitur artificiali, prodigioso, & miraculoso, trefque illos ordines excludit. Vide Petrum Ciruelum Darocensem in quæst. de Cabala & Magia Iudeorum, quæ est vltima inter eius paradoxas quæstiones, & Martinum Delrio lib. 1. disquis. cap. 4. quæst. 1.

Quarto dico, Amuleta huiusmodi, quæ collo dependent, nullam vim obtinere naturalem ratione verborum, characterum, vel figuræ, vel constellationis; sed dumtaxat ratione materiz, si quæ illi antipathiz, vel sympathiz vis naturalis inexistat. Quare si quis effectus producat, cuius causa nequit esse virtus, vel facultas naturalis subiecti, effectus ille prodigiosus erit, & amuletum superstitiosum, qualia multa congeffit Costa Benlucas Iudeus lib. de ligaturis. Quando tamen in ipsis verbis, modo scriptio- nis, certo crucium numero, figura vel similibus spes non ponitur; pium & sanctum est, reuerentiæ causa, Sanctorum reliquias, cereas agni Dei effigies, Evangelium Sancti Ioannis, Psalmos Davidicos,

dicos, & similia sacre Scripturæ loca, secum gestare collo appensa; sed effectus, qui inde oritur, erit supernaturalis, Dei beneficentiæ adscribendus. Alijs autem ligaturis uti, quas vel usus Ecclesiæ catholicæ, vel proborum Medicorum ars non commendat, omnino est prohibitum. Tales sunt nefariæ illæ precum formulæ, quas contra vulnera, & pericula ignis, aquæ & alia, quidam per mædaciū adscribunt B. Leonis & alijs Sanctis. Huc etiam pertinent formulæ omnes quibus immiscentur nomina ignota Angelorum, hoc est alia, præter Michael, Gabriel, Raphael, sic in Concilio Romano sub Zacharia Papa ad damnandos errores Aldeberti & Clementis hæreticorum Germaniam turbantium congregato, cum lecta fuisset Aldeberti oratio, in qua continebantur hæc verba: *Supplico vos, Angelus Vriel, Angelus Raguel, Angelus Michael, Angelus Adimis, Angelus Tabnas, Angelus Sabaoth, Angelus Simihel*; Patres Concilij damnandum Aldebertum pronuntiarunt ut Hæreticum: causa vero subditur, & ipsum Concilij decretum his verbis. *Osti enim nomina Angelorum, quæ in sua oratione innocuit Aldebertus, non Angelorū, præter Michaelis, sed magis demonum nomina sunt, quos ad præstandum sibi auxiliū innocuit. Nos autem ut à nostro Sancto Apostolatu edocemur, & diuina tradit authoritas, non plusquam trium Angelorum nomina agnoscimus; id est, Michael, Gabriel, Raphael.* Cui decreto non obstat quod lib. 4. Esdræ c. 4. nominetur Vriel, & Ieremiel; liber enim ille Canonicus non est, nec tantæ dignitatis, ut suo loco diximus. De Vriel vide Nicolaum Serarium in cap. 12. Tobiz quæst. 10. & sequentibus.

Illud quoque attendendum, & ex suis circumstantijs diiudicandum, ne ipsi veris Angelorum nominibus utentes, ea malis accommodarint. Cur enim id non auit, qui auit sic abuti nominibus Dei. Qua in re liber audire Procopium in Levit. contra quosdam curiosos hoc utentes prætexu, his verbis agen-

tem. *Attamen obijciunt quidam, innocant Sabaoth. Quid tum? impiè hoc faciunt. Nam illam appellationem non Deos sed demonibus tribuunt, & plerumque illi demoniaci usurpant nomina diuina, dum ea imponunt demonibus, quorum ambitioni seruiunt.* Hoc fit in precibus Magorum, quibus inserta magna, sic vocant, nomina. Quia de Alchimia separatim agemus infra cap. 16. huius sectionis, commodius etiam ibi agemus an per illam artem possit fieri verum aurum, vel argentum.

Altera Magiæ artificialis species dicitur *Prefigiatrix* alij *Ludicram* siue *deceptoriam* vocant: quod eius effectus nō sint quales, aut qui videntur. Ad eam pertinent multa quæ ab agyrtis, circulatoribus, mirionibus, funambulis & alijs huiusmodi personis credūtur patrari incantationibus, cum tamen agilitate manuum vel pedum fiant. Aduertendum est tamen eos aliquando solere decem magicis præstigijs vnum subtilitatis seu agilitatis artificiosæ actum miscere; ut quæcumque ab ipsis præstantur, persuadeant citra præstigium, sola dexteritate & arte fieri.

De Magia demoniaca, eiusque prima specie, quæ vocatur Gœtia, siue Magia specialis & nigra.

Qui dæmones negant, etiam aliquā Magiam dæmoniā esse negant. Dæmones tamen esse, & dæmoniācam Magiam, quæ nec industria aut artificio hominum, nec naturalibus causis, sed immateriali quāpiam, & separata virtute nititur, pluribus sacre Scripturæ testimonijs tam lib. Iob, quam Exodi cōpertum est. Pro quorum intelligentia non parum proderit præsentis materiæ notitia. Prima igitur Magiæ Dæmoniæ species vocatur Magia specialis, siue nigra, cuiusque consideratio ad duo potissimum capita reduci potest; primum continet ea quæ dæmones, vel Magi eorum ope actiue possunt in res creatas, secundum ea quæ ipsimet dæmones ab illis

illis pati possunt. Ita tamen ut omnium operationum magicarum veluti basis & fundamentum sit pactum ut magos cum dæmone initum; quod pactum est duplex, unum expressum, alterum tacitum; iterum pacti expressi triplex est modus. Primus sit solemnitate varia, & ipsi Cæcodæmoni visibiliter in corporea aliqua forma apparenti, coram testibus, fidelitas, & homagium promittitur. Aliquando etiam id fit per libellum supplicem, qui diabolo præsentatur. Alius modus priori similis est cætera, nisi quod sine testibus peragitur. Tertius per vicarium initur, magum videlicet, vel tertium aliquem, cum pacifcens dæmonis aspectum vel colloquium reformidat.

Pactum tacitum duplex est etiam. Primum quando quis sciens ac volens, superstitiosis vitur signis, quibus uti solent Magi: estque semper peccatum mortale. Secundum quando quis ignorans magicis vitur signis, quia nescit effectus mala & à dæmone instituta; & hoc vel nullum, vel leuissimum est peccatum, si duæ conditiones accedant. Prima si ignorantia sit probabilis, V.g. eorum qui hoc scire non tenentur. Secunda, ut ignorans ista paratus sit, quando fuerit admonitus, huiusmodi superstitionem relinquere.

Quod spectat modo ad actiuam dæmonum potestatem, docent primò omnes Theologi 1. parte illos operari vel actione immediata per motum localem, vel mediata, idque dupliciter, vel illudendo sensibus, vel applicando actiuam passiuam per alterationem veram. Est etiam communis Theologorum sententia miracula propriè dicta non posse à dæmonibus fieri; quamvis Deo permitte multa mirabilia secundum quid, seu respectu nostri præstare possint. Quia autem plura etiam ad illis à Deo, vel etiam naturaliter & beneficio artis patrari possunt ab hominibus, non desunt sua signa & indicia ad discernendum tales effectus magiæ ex pacto ab effectibus physicis, & miraculosis & artificiosis. I. Nimia loci distantia: II. Si adhi-

beantur verba ignota, falsa, absurda, nihil coherencia, aut sacra sed detorta ad sensus alienos, aut ad quem non sunt instituta. III. Quando vis collocatur in obseruantis alijs planè superfluis, & indifferentibus; his, inquam, omnibus, vel aliquo istorum & similium concurrentibus ad alicuius rei effectum, merito plusquam suspecta esse debet, præsertim cum medium adhibitum non est proportionatum ad effectum producendum: sicut è contra quando huiusmodi effectus miri consequuntur; à quocumque, & quociescumque hoc applicatur, sine alijs ceremonijs, vel obseruationibus vanis, merito iudicamus effectum esse naturalem.

Insuper quia ex effectibus miris tam dæmonibus, quam magis eorum operibus possibilibus, quidam sunt veri, quidam præstigatorij, aut ex utriusque mixti. Verorum exempla sunt secundum plebsque, incantatio serpentum, de qua Regius Propheta Psal. 37. *Furor illis secundum similitudinem serpentis, sicut aspidis furax, & obturantis aures suas. Quia non exaudiet vocem incantantium, & venefici incantantis sapienter*: item signa & prodigia pseudoprophetarum in Evangelio S. Matth. cap. 24. Inter præstigatorios verò seu apparentes effectus annumerant alij suscitatum per Pythonissam Samuelem 1. Samuel. cap. 28. ita ut non ipsa Samuelis anima, sed dæmon, laruatus ac subdititijs apparuerit; vel si ipsa fuerit vera Samuelis anima, ut videntur alij docere cum D. Augustino lib. de cura pro mortuis cap. 15. falsitas tamen siue deceptio sensuum in eo saltem reperitur, quod visa obtemperare voci Pythonissæ, cum tamen non vi carminis magiei euocata, sed Dei imperio adueniret, ut impiù regem corripere, eumque ad penitentiam, denuntiatæ mortis metu prouocaret; item quia verum suum corpus, aut veram syndonem non attulerat, ut videbatur, saltem quantum ad hoc illuforijs effectibus annumerandus videtur.

Ad hos, inquam, veros & sinceros effectus

effectus à fucatis dijudicandos, suæ etiã sunt leges ac regulæ. I. Si effectus magicus cuiuscumodi sit, vt potentiam dæmonis superet, qualia sunt miracula soli diuinæ omnipotentix reservata, V.g. suscitatio mortui, tunc effectus censeretur debet præstigatorius. II. Quando non constat effectum esse superiore viribus dæmonis, res planè dubia est, & oportet recurrere ad circumstantias. Ratio dubij est, quia nec Dæmoni Deus semper permittit, facere quidquid posset; nec dæmon ipse semper vult facere, quidquid facere permittitur, sed gaudet præstigator hominum deceptione, quia mendacij pater est.

Iam quantum ad effectus in particulari, ad quos actiua dæmonum potentia valet se se extendere, vel non, sicut datur triplex illorum operandi modus, per motum localem, per alterationem, & per delusionem; ita etiam ad tres illos modos faciliè reduci possunt omnes quæstiones, quæ de dæmonum potentia & virtute agitari solent. Vt quid possint circa leges naturæ & ordinem vniuersi? ad illud Apostoli ad Hebræos cap. 2. v. 5. *Non subiecit Deus Angelis orbem terræ futurum*: II. Quid in orbes cælestes, sydera, & elementa? ad diuersa Sacræ Scripturæ loca, præsertim Iobi cap. 1. vbi Sathan facit ignem de cælo decidere, & absumere seruos, ac pecua Iobi; excitat quoque ventum validum & vehementem, qui filios ac filias illius conuiuantes ruina oppræssit: deinde Exodi cap. 9. vbi grando, qua Aegyptij puniti, expressè dicitur per malos Angelos immissa. Denique ab Apostolo multoties vocantur dæmones principes aeris huius? potissimum propter magnam quam habent in acrem potestatem. III. Quid valeant circa externa, seu fortunæ bona, greges & armenta perimendo, igne domos absumendo, conuiuia exhibendo, captiuos carceribus & vinculis eripiendo, vrbes obsidione liberando, expugnandas præbendo, ad dignitates & honores promouendo, diuitias ac thesauros conferendo; ad illud potissimum Math. 4. vbi

Biblioth. Theol. Tom. IV.

Christo Domino ausus est dicere; *Hæc omnia dabo tibi, si procidens adoraueris me*. IV. An valeant incantare animalia bruta; ad illud Psal. 37. *Sicut affidis furda, & obturantis aures suas quæ non exaudiet vocem incantantiũ & venefici incantantiis sapienter*.

V. An possint aliqua mixta perfecta præsertim sensibilia producere arte suâ? ad illud quod exodi 7. & 8. legitur de Magis Aegyptijs. VI. An sint vnquam dæmones incubi, & succubæ, & an ex tali congressu proles nasci queat? ad illud Genes. cap. 6. *Gigantes autem erant super terram in diebus illis. Postquam enim ingressi sunt filij Dei ad filias hominum, illaque genuerunt, isti sunt potentes à saculo viri famosi*. VI. De nocturnis sagarum conuentibus, & an vera sit earum translatio de loco ad locum? ad illud Leuitici cap. 19. *Non facietis experimenta per figuras, per baculos, &c.* vbi per baculum aliqui intelligunt virgam, aut arundinem, seu scopæ hastam, cui inquitant transferendi ad diabolicos conuentus. VII. An possit dæmon quantitatem corporum sic mutare, vt penetratio partium sequatur, siue duo corpora in vno & eodem loco penetratiuè collocare? ad illud Danielis cap. 7. & 14. vbi legitur fuisse Habacuc ab Angelo demissum, & reductum ex lacu clauso, sigillis integris permanentibus. VIII. An corpora ex vna in aliam speciem queant transformare, facere bestias loqui, & an intelligant voces illarum? ad illud Genes. 3. vbi fit mentio serpentis mulierem alloquentis. IX. An intelligentiam diuersiuiam possint brutis largiri? quod dependet ab alia quæstione an bruta aliqua ratione sit prædita; nam si semel ita sunt, faciliè præstabit dæmon, vt sublati impedimentis discurrant, & scienter intelligant: si non sunt, id præstare non posse certum est. X. An possint dæmones facere, vt homo non sentiat actu, quod natura sensibile est, V.g. ne crucietur quæstioni subditus, vel vt longissimo tempore dormiat, aut inedia mperferat. XI. An magicis artibus opera

M m

dæmo-

dæmonum sexus mutari queat? ubi non agit de membrorum ablatione, sed de ipsa sexus virilis in fæmineum, aut fæminici in virilem commutatione; quam naturalem ex medicis huius sæculi fateatur Gemma Cosmographiæ 1. XII. An possit dæmon seni iuuentam reddere: ita ut qui defecta iam & decrepita curuatur ætate, vires resumatur, & habitum nitorēque iuvenilem, mutantur cani in colorem meliorem, frigus in teporem, torpor in agilitatem, cæteraque corpus recipiat, quæ senium abstulerat; ad illud Psal. 102. *Renouabitur, ut aquila iuuentus sua.*

XIII. Post considerationem eorum, quæ ad animam vegetatiam, & etiam ad sensitiuum quo ad sensus exteriores pertinent illos potissimum decipiendo; queritur quid possint dæmones circa animam corpori iunctam, idque informantem; sensus internos immutando, memoriam iuuando, vel debilitando; intellectum subtiliorem & meliorem, quo ad functiones ingenij, & iudicij reddendo, per commodiores organi dispositiones; artes atque scientias docendo; voluntatem mouendo; respectu cuius longè restrictior est Magiæ, dæmonumque potentia; nequeunt enim voluntatem mouere aliter, quam oblecto, tanquam odibili, vel amabili proposito; vel excitatis imaginarijs visionibus, & cogitationibus; vel allecta & inclinata voluntate, per passionem in parte sensitiua inflammas. Ex quo multa sacræ Scripturæ loca de viribus dæmonum in hominibus tendendis, deque hominum libertate in consentiendo vel non, facillè intelliguntur 1. Corint. 10. *Fidelis autem Deus est, qui non patietur vos tentari ultra id quod potestis; sed faciet etiam cum tentatione prouentum, ut possitis sustinere.* XIV. De extasi, siue raptu, quem Diabolus potest in homine efficere ligando, vel soluendo sensus exteriores, idque duobus modis. Prior est, quando illos ramines obstruit, quibus à cerebro spiritus animales siue sensitiui ad exteriores sensus deferuntur, veluti conti-

git somniantibus; posterior quando eodem spiritus sensitiuos, ab exterioribus sensibus ad interni sensus organa attrahit, ibique retinet, ne rursus ad exteriorum sensuum organa queant descendere. Ita enim contingit, ut in raptu ob nimiam intemarum virium sensitiuarum applicationem, & spirituum sensibiliū ad externi sensus organa confluxum impeditum; adeo impediuntur sensuum exteriorum munia, ut corpus viuū cadaveris mortui, & immobilis speciem præ se ferat. Porro naturalis huius raptus diaboli vires non excedentis discernendi ab illo supernaturali, de quo ratiocinatur Apostolus ad Corinthios nullum ferè est efficacis indicium, quam si huiusmodi raptus sint voluntarij, & pro libito illius qui rapitur; facit enim hoc procul dubio dæmon ex facere.

XV. Quid possint dæmones circa mortuorum cadauera, ea induendo, & in ijs appatendo, diu incorrupta seruando, neque putrescant, dissoluantur, aut incinerentur; quia hoc naturaliter, vel ex vnguentis, vel ex loci natura, imo & ex corporis temperamento potest provenire, vel etiam ex mortis genere. XVI. An ope dæmonum fieri possit, ut defunctorum animæ, seu spiritus viuētibz appareant, quod potissimum facit ad intelligentiam illius loci 1. Reg. cap. 28. ubi legitur mulieris Pythonissæ incantationibus animam Samuelis apparuisse Sauli. Aliqui enim inde contendunt ope dæmonum, seu vi carminis Magici fieri posse, ut defunctorum animæ, seu spiritus viuētibz appareant. Melius tamen dicendū est Magos non posse opera dæmonum veras defunctorum animas nobis ostendere, ita D. Thomas 1. p. q. 117. artic. 4. ad 2. fusèque probat Alphonsus Mendoza quæst. 5. quodlibet. scholast. quia Sanctorum animæ in manu Dei sunt, & soli Deo obediunt: damnatorum verò nequit diabolus sinere egressum, sine nutu Dei, sine nec ipse id potest; quod idem habet locum in animabus, quæ igne purgatorij

expiantur. Ideo solent ipsi demones has vices subire, qui per mūdum adhuc vagantur; neque id mirandum, cum in Angelum quoque lucis, imo & in ipsū Christum Dominum quandoq; se transfigurare audeant. In casu igitur, quo vi carminis magici, seu virtute dæmonum Samuel apparuisse Sauli dicitur; respondent aliqui Sancti Patres non fuisse veram, sed præstigiōsam tantum apparitionem; imò ex tali suppositione, quæ illam apparitionem tribuebant magiæ Pythonissæ, necessario eo delapsi fuere, vt negarent aliud quàm dæmonem apparuisse; adeo impossibile crediderunt, ope dæmonum fieri posse, vt veræ dæmonum animæ apparerent.

Verum quia hæc suppositio non est necessaria ad Scripturæ veritatem, nec etiam absolutè vera, siquidem D. Augustinus lib. de cura pro mortuis cap. 15. quem plerique cum Tostato & Lyrano sequuntur, affirmanter docet veram Samuelis animam apparuisse Sauli; quod etiam aptè significare videntur verba Ecclesiastici cap. 46. vbi de Samuele ista legimus: *Et post hac dormiuit, & notum fecit regi, & ostendit illi finem vite sue, & exaltavit vocem eius de terra in prophetia delere impietatem gentis.* Dicendum est valde inter se distinguī has duas propositiones; Samuel verè apparuit in assumpto corpore vi carminis magici, seu virtute dæmonis; & Samuel verè apparuit in corpore assumpto iussu ac imperio Dei, deceptis Saul & Pythonissæ, qui putabant magica hoc confectum euocatione. Primam enim propositionem dumtaxat Patres negarunt, idque meritissimè; secundam autem non. Vera igitur Samuelis anima apparuit Sauli non vi carminis magici euocata, sed Dei imperio aduentans, vt impium regem corripere. Quænam autem sint regulæ, vel signa discernendi veras, imperioque Dei factas dæmonum apparitiones à falsis & fucatis dæmonum præstigijs; de his consule Iacobum de Chusa Theologum in integro opere de apparitionibus Spirituum; Peltanum de Purgatorio; Thyraum de Biblioth. Theol. Tom. IV.

apparitionibus Spirituum. Ex his sequitur primò prorsus esse supersticiosum, quod ex quorundam delira opinione retulit Ananias lib. 3. de nat. Dem. animas eorum, quibus expirantibus dexteram porrexerint, & vicissim porrectam receperint, ipsis post obitum apparituras. Secundò periculosum esse pacisci cum moriente, vt appareat post mortem, superstitemque de suo statu certorem faciat. Præterquam quod enim sic paciscentes vt plurimum se deludendos dæmoni propinant, & illi subiacent cōminationi, qui amat periculum peribit in illo: pactio etiam ipsa vix fieri potest vt curiositatis peccato valet. Notandum est tamen Deum id aliquādo permisisse, maioris boni causā, cuius aliqua adducit exempla Detrio lib. 3. quæst. 26. sect. 7.

XVII. An diabolus possit facere, vt homo semel mortuus resurgat. XVIII. De dæmonum apparitionibus, siue de spectris, quæ demones nobis obijciunt. Etsi enim multa habeantur pro spectris, quæ naturalia sunt, vel artificialia; item quæ sensuum vitio, aut imbecillitate, vitiatæ phantasie, talia videntur esse, cum nō sint qualia videntur, de quibus agit Petrus Leloycrius lib. 1. de spectris; attamen solet etiam diabolus hisce vt plurimum se adiungere, & hominum procliuitate abuti. Hinc vt varieg demum operationes, & libidines, sic etiam varia eorum genera solent distinguī. 1. celestium siue æthereorum, & igneorum. 2. aëreorum. 3. terrestrium. 4. aquaticorum, seu fluuiialium, qui quoties corpus visibile assumunt, sicut in sexu fascino frequentius apparent, ita qui habitant in locis siccioribus, & subaridis sæpius in viros se transformare dicuntur. 5. subterraneorum. 6. lucifugorum. 7. meridianorum: quorum omnia accurata notitia valde est necessaria ad intelligentiam plurium locorum Sacræ Scripturæ, in quibus eiusmodi dæmonum, seu spectrorum fit mentio. Psal. 90. *Non timebis à timore nocturno, à sagitta volante in die, à negotio perambulante in*

*tenebris, ab incurſu, & dæmonio meridia-
no*. Leuitici cap. 17. vocantur pilofi
Sabbirim, vbi noſter vertit dæmonia. Iſaias
cap. 2. v. 20. vocat dæmones tal-
pas, & veſpertilioes. Ephel. 6. & Luc. 22
legimus illis proptiam noctem, & po-
teſtatem tenebrarum. Ex his etiam no-
cturnis eſt Aſinodæus Tobiz cap. 6. Da-
uid Pſal. 103. dæmones vocat *beſtias Syl-
ua*. Iob cap. 1. v. 19. ſpiritum ab eremo
venientem, ſacri etiam vates Hieremias
Thren. cap. 4. & Iſaias cap. 13. memine-
runt *Lamiarum*, quas vera dæmonum
ludibria, ſive ſpectra fuiſſe Sancti Pa-
tres docent; & ſic de alijs.

XIX. Quomodo poſſit Dæmon ſe
corporeis oculis, cum ſit incorporeus,
viſibilem præbere; cadauer aliquod af-
ſumendo humanum, vel ferinum, & il-
lud mouendo ac impellendo motu non
vitali, ſed locali tantum; aliquando etiã
ſibi elementare corpus circumdando,
vel ex ſolo aëre condenſato, vel vt alij
volunt, partibus aëris commiſcendo ter-
reas & aquas nubiũ, vaporum exhalatio-
numve, vt & colores facilius hac mixtio-
ne exprimar, & facilius membra con-
glutinet, condenſetque, & ea non ſolum
viſibilia, ſed etiam palpabilia, & ſolida
exhibeat. Licet autem, ſi maiore pote-
ſtate non impediuntur dæmones, poſ-
ſint qua velint apparere forma, huma-
namque perfectam, & omni ex parte
pulchram exhibere; quia tamen ſolet ei
obſtare Dei voluntas, certis animalium
formis dæmonia nondum vti permittit,
vt colũbz, ouiculæ ſeu agni, fortè quod
agnus verus ſit Chriſtus, vt in columbe
ſpecie Spiritus Sanctus ſolitus ſit appa-
rere; & quia etiam hæc animalia dolo
carent, nullumque inferre ſolent dani-
num. Libentius igitur induit animalia
in quibus aliqua ſunt, quæ meritò cul-
pes. Hirci forma, ſeu capri, quod ani-
malis huius ſalacitas, ſuperbia, & alia
vitia, aſtiones dæmonum referant, vel
quia hircorum, qui à ſiniſtris locãdi ca-
put eſt, hæc, inquam, forma ei antiqua
eſt, quando adorandum ſe ſe proponit;
eſt enim quando pactum expreſſum

init, ſoleat offerre ſe conſpicuum forma
virili; poſt pactum tamen, quando ho-
magium illi reddi debet, ſemper in for-
ma hirci apparet, vt ſatis deducitur ex
diuinis ſcripturis Leuit. cap. 17. Iſaiæ
cap. 13. v. 21. & cap. 34. v. 14. vbi ideo
dæmones vocantur *Sabbirim*, hoc eſt
pilofi, ſeu hircuti, vt ſolet aliquando
B. Hieronymus vertere, quia olim in
forma hirci adorati fuer. Nam *Sabir*
Hebræis hircus, quaſi hirtus, dicitur,
vt Latinis à pilis & horrore; vnde fors
etiam Satyri nomen deduſtum. Quod
confirmat R. Kimchi in *radic.* dum ſcri-
bit *Sabir* vocari diabolum, quia ſolitus
hirci efficie ſe conſpicendum præbere.

Item quando vult familiaritatis &
fidei ſpecimen præbere, catti vel canis
ſumit effigiem, ſi quis aliquando deue-
hendus, equum induit; ſi per locum an-
guſtum, vel rimam ſubiturnus, veſper-
tilio, muſculus, vel muſtella ſit. Si qui
præſentes ſint, colloquium impedituri,
vel quos velit latere, muſcam induit, &
partes auribus vicinas occupans, quæ
vult inſuſurrat. Si ad malum, ſpecie
boni, velit inducere, apparet forma
Chriſti; denique, vt innumera teſtantur
exemplis, ſæpe ſepius formam capit, quæ
inſtituto maximè ſit accommodata, &
quia ad omnia ferè idonea eſt humana;
hanc plurimum eſſingit, non eodem ta-
men modo. Sanè moriturus ſolere ma-
ximè terrifica apparere ſpecie plures te-
ſtantur hitoriæ, B. Martini, Odilonis,
Opportunæ, & aliorum. Cuius rei ra-
tionem Angelus reddidit B. Aichardo,
hoc à Deo permitti, vt hic terror tam
terribilis viſionis expiet in Sãctis, ſi quid
adhuc expiandum in illis eſſet reliquũ,
vt ſcribit Fulbertus in eius vita apud Su-
rium menſe Septembri. Porro dæmonẽ
non poſſe tam accuratè corpus eſſinge-
re, vt nullo ſigno queat dignoſci, vel vt
aliquas vitales aſtiones verè comeden-
di, bibendi aut loquendi exerceat; pro-
bante verbã Angeli Tobiz 12. v. 23. cum
ergo loqui videntur dæmones, vel An-
geli, non loquuntur propriè, & vitali
aſtione, ſed producendo ſonum in aere
huma-

humanę voci similem, & adstantium, auribus insonantem: ad eum fermę modum, quo quis artificiosę, quopiam instrumento, puta tibia, vel tuba sonum vocis humanę exprimit, de quo videtur Tostatum q. 11. in exod. c. 7.

Procurare denique, ut dęmones nobis appareant, vel ut defunctorum animas nobis representent, quod illi facere re vera nequeunt, nullo modo licet, imo mortale est peccatum; prohibente Apostolo 1. Cor. cap. 10. *Nos socios fieri dęmoniorum*. Amice enim & precario aliquid ab illis recipere vel petere; est in aduersarij castra se recipere, & transfugere ą Christi Ecclesia. Nō possumus etiam per modum imperij & compulsionis eos adigere; nisi quatenus sumus ad hoc ą Deo delegati, per exorcisticam dignitatem, in cuius exercitio diuinum operatur imperium. Cur autem dęmones antiquis Patribus visibiles apparuerint adeo frequenter, nobis hodie non item: hanc quęstionem olim S. Ioannes Bringtonius apud Surium 10. Octobris proposuit S. Guillelmo Shlegholmensi, qui respondit: *Antiquorum Patrum animas non fallax splendor, & iuauis gloria, sed diuina gratia illustrat. Itaque facit illi fraudulentas inimici machinationes prouidentes, seu pugiles inuicti illum fortiter expugnant. Quod ille superbus non ferens, difficillima sensationum certamina illis obyciebat, monstruosas formas, & terribilissimos impetus eis inferens, ut vi illos prouideres in peccata. Nos vero qui ei facit obedimus, occultis sensationum iaculis cito prostermit; etiam si nullę nobis tetram speciem representet*. Quibus addi potest Deum id permisisse, quia minus curiositatis tunc erat, & minus periculi ab illusione imminerebat. Tantum de actiua dęmonum potestate, nunc breuiter attingamus ea, quę Magia possit in ipsos.

Primum non agimus de potestate illa, qua Sanctos Dei homines frequentissime dęmones coercuisse innumerę testantur historie; satis enim constat ex diuinarum Scripturarum autoritate,

eos virtute supernaturali & ą Deo accepta id pręstasse. Quę etiam virtus sacramentis, sacramentalibus & exorcismis Ecclesię Catholię semper competijt. Sed potissimum inquirimus, quid Magia rerum naturalium virtute possit in dęmones. Pro quo dico, Magiam, aut Magos nihil penitus in dęmones potestatis habere nisi ex pacto. Fingunt enim dęmones se ą Magis cogi, quibus spontę obtemperant, ut plures irretiant, irretitosque retineant. Vnde cum vis omnis Magorum in dęmones pendeat & oriatur ex tali fędere cum ijs inito, sequitur sanę, si Magus pactū habeat cum dęmone superiore, non posse vim illi facere, posse tamen per ipsū sibi ex pacto famulantem, iuuantemque inferiores cogere, ad aliquid faciendū, omittendumve. Ut enim Angeli boni sibi superioribus spontę & alacriter obtemperant: sic ę contrario Cacodęmones superioribus suis, ut praua mancipia duris dominis, aut imbecillior tyranno potentiori, non nisi inuiti, & malo domiti obediunt. Et si enim, quę inter dęmones ordinum, ex quibus exciderunt, adhuc rario habetur, non sit vera, proprięque dictę subordinationi; nam ei deest ordinis ratio formalis atque perfectio, quę per media subordinata in vnum vltimumque finem dirigitur; quo sensu verissimę S. Iob cap. 9. asseruit, nullum apud inferos ordinem reperiri. Imperfectam nihilominus, siue materiale ordinum distinctionem inter illos reperiri docent Theologi cum D. Thoma 1. p. quęst. 109. ex verbis Apostoli ad Ephes. capite vltimo, *aduersus principes, & potestates*; ibi enim de dęmonibus agens duos eorum choros nominat. Vnde etiam ex hoc naturali robore, & aliquali ordinis dęmonum pręcellentia, nascitur Magorum quorundam in alios Magos vis atque potestas, qua vel effectus illorum impediunt, vel inuicem arte sua malę se mulcant & necant, Deo id ita permittente.

Nulla igitur verba, nullęque res corporales naturalem habent facultatem (licet

(licet queant supernaturaliter) directè & per se dæmonē cogendi, vt appareat, accedat, fugiat, aliquid faciat, vel facere deſinat. Dicitur directè, quia quæcumque res corporeæ inducere poſſunt in corpus patientis diſpoſitionem contrariam diſpoſitioni requiſitæ ad actionem dæmonis, v.g. purgando humorem melancholicum plurimum dæmonibus oporatum; vnde ita directè corporeos humores purgant, & corpoream ægritudinem pellunt naturaliter, vt etiam ſint cauſæ indirectæ, & ſine quibus non, cur dæmones fugiant, & corpus illud deſerant. Et hac mente licere obſeſſis à dæmone, petras vel herbas natura efficaces, abſque vlla tamen incantatione, habere & geſtare communis eſt Theologorum ſententia: Vide Conradum Vvimpinam lib. 2. de ſuperſt. cap. 10. & Franc. Valeſium lib. de ſacra Philoſoph. cap. 15. & 18. Sic facilè intelligi poteſt locus Tobiz cap. 6. Cordis eius, piſcis videlicet Callyonimi, particulam ſi ſuper carbones ponas, fumus eius extrahit omne genus dæmoniorum; quod & poſtea factum ibidem legitur: ita enim Angelus Raphael directè dæmonem expulit, & in deſerto relegauit, vt colligitur ex cap. 12: vt etiam ſuffumigatio hæc indirectè dæmonem pellere potuerit. Similiter lib. 1. Regum cap. 16. dulce melos non fugauit directè dæmonem, ſed dumtaxat feriente citharam Dauide, leuius Saul ſe habebat, quoniam ipſo concentu Muſices delinito, non nihil ſedabantur humores, quibus agitabatur, & propterea vexationi dæmonis minus idoneus reddebatur; vnde tunc temporis ille recedebat, non quod muſica vel delectaretur, vel offenderetur, ſed quod ægrè ferret hanc ſui domicilij quaſi turbati poſſeſſionem, per huiusmodi humorum temperiem meliorem; de quo vide Abulenſem prædicto capite à quæſt. 41.



De Maleſicio altera Magia dæmoniæ, ſeu nigre ſpecie.

Cum in diuinis Scripturis maleſiciorum, maleficarumque mentio non ſemel habeatur, ad illarum intelligentiam non parum conducet, huius etiam rei aliqualis diſquiſitio. Et in primis notandum maleſicij nomen non ſumi pro damno, ſeu peccato quouis; ſed pro ſigno effectiue magico atque ſuperſtitioſo; quo qui vitur, maleſicus, qui vero læditur, maleficiatus appellatur. Definiri ſeu deſcribi ſic poteſt. *Maleſiciam eſt Magiæ ſpeciem, qua quis ope dæmonis alteri damnum parat.* Si enim pactum & ſexus cum dæmone deſit, nihil res ad hanc tractationem pertinet, magis quam homicidium ferro peractū, vel raptus Virginis, vel furtum aut latrocinium. Quod ſpectat ad maleſicij diuiſionem, poteſt fieri, vel per ordinem ad cauſam efficientem, vel ad finalem; vbi per efficientem cauſam non intelligitur Deus permittens, neque dæmon, perſiciens, neque praua malefici conſentientis & cooperantis libera voluntas, hæc enim tria ſemper in omni maleſicio concurrunt, ſed vocantur efficiētes cauſæ, instrumenta materiaque nocendi, quæ ad nocumentum immediatè concurrūt, quæ ſicuti ſunt in multiplici diſferentia, ita etiam varia ac diuerſa ſunt maleſiciorum genera, puluerum, herbarum, vnguentorum, halitus, verborum, aliarumque ſimilium rerum, quarum etſi aliquæ vim necandi, morboſque inferendi naturaliter habere poſſint, vt ſi ſint virulentæ; plerumque tamen huiusmodi effectus ab illis non manant, ſed pendunt à pacto cum dæmone inito, cuiusque opera dumtaxat præſtantur, ita vt pulueres, vel vnguenta, aliaque huiusmodi, tantum deſeruiant declarandæ conuentorum fidei. Cuius manifeſtum eſt argumentum, quod nonnunquam, qui puluis vni medicinam facit, is in alterius ſtrigis poteſtate lethalis eſt. Notandum eſt tamen vnguenta, vel pulueres, qui ne-

necant, atros; qui verò morbum tantùm afferunt cinericei, vel interdum ruſſi coloris eſſe. Contra quo puluere vel vnguento malum tollunt, & medicinam faciunt, is plurimum albus eſt. Quæ vnguenta vel pulueres, ſi igni iniſciantur turgorem, ſtrepitũ, nidoremque edunt, cui ſimilem res alia nulla.

Inſuper nec rebus ſacris maleficos parcere plura comprobant experimenta. Quidam etiam apertius graſſantur, qui per dæmonem ſtrangulari, vel præcipitari alium curant, vel puerulos noctu iniecta culcitra præſocant; vel acu poſt aurem infixâ necant. Hoc genus Maleficorum Hebræis & veteribus Latinis, nec non etiam Græcis; illis ſub nomine *Liliſh*, iſtis ſub nomine *Lamiſ*, fuiſſe notum, pluribus probat Sebaſtianus Michælis *lib. de Pneumatologia*; videturque ad illud ſacræ Scripturæ *Trenor. 4. & Iſaie 34.* alludere, vbi dicitur; *Nuda uernit Lamiſ mammas ſuas*: quod illæ necarent infantulos, illis etiam mammas oſtendendo, quaſi eos lactare, & ſic ſtetum compellere voluiſſent.

Quod ſpectat ad diuiſionem à cauſa finali deſumptam, ſicut multiplex finis intendi poteſt, ita etiam multiplex ab illo maleficii diuiſio duci poſſet; communiter tamen ad tria potiſſimum genera reduci ſolet, Somnificum, Amatoriũ, & Hoſtile. Somnificum vocatur, quando malefici aliquem porione, malo carmine, & certis ritibus ſoporant, vt intérea ei venenum infundant, vel infantulos rapiant, aut necent, vel furto quid ſubtrahant: faciunt hoc interdum magi, & fieri poteſt naturalibus venenis ſoporiferis.

Maleficium amatorum Græcis Philtrum vocatur omne illud quod dicitur, ſiri, & datur eo fine, vt in amorem quis, Veneriſque furias protrahatur. Veteribus enim is videtur communis error, etiam nolentes huiuſmodi Philtris in amorem pellici poſſe. Nihilominus tamen de fide tenendum eſt hiſce philtris, cuiuſcumque generis, vel conditionis ſint, nullius voluntatem cogi poſſe, ad

quem non vult amandum; ſed tantùm poſſe imaginationem perturbari, humores concitari, & totum corpus interius quaſi accendi; adeo vt quis, non tam philtrorum virtute, quam dæmone ad eorum præſentiam varijs tentationum, illecebris interius certante, æſtro quodã libidinis vœxetur, & ſic vehementer trahatur ad deſiderium copulæ carnalis cũ aliquo in genere. Vndè ſi tũ temporis maleficus amator accedat, & artibus quibus ſolent capi mulierculæ, perſonam amatam inſtanter vrgeat, vel dæmon de vno illo aſſiduè memoriã phantaſiamque moueat, exhibendo ſpecies circumſtantiarum, propter quas amore dignus videatur, ſubtrahendo vero eas quæ indignum redderent, facile fit, vt in laqueum præda cadat. Huiuſmodi Philtrorum, ſiue amatoriorum maleficiorum habetur mentio in varijs S. Scripturæ locis; Nahum cap. 3. v. 4. *propter multitudinem fornicationum, meretricis ſpecioſæ, & grata, & habentis maleficiâ*; quod Frâciſcus Ribera de maleficijs amatorijs interpretatur. Baruch etiam cap. 6. v. 42. *Mulieres autem circũdata ſanibus in vijs ſedent, ſuccendentes oſſa oliuarum. Cum autem aliqua ex ipſis attracta ab aliquo tranſcunte dormierit cum eo, proxima ſua exprobat: quod ea non ſit digna habita, ſicut ipſa, neque ſanis eius diſruptus ſit*; de quo loco vide interpretes, & Martinum Delrio *lib. 3. diſquiſit. Magicarum* q. 3. ſect. 2. vbi optimè illum explicat.

Quantũ ad horum maleficiorum amatoriorum diuiſionẽ Grillandus *lib. 1. de ſortilegijs queſt. 3. & 5.* ad duo potiſſimum capita illa reducit; Amatoria, inquit, Sortilegia vel ſunt intra corpus, vel extra corpus, ſcilicet maleficiati. In corpore communiter fieri ſolent per cibum vel potum. Et in his frequenter admifcent (quod vix ſolet in hoſtili vel ſomnifero maleficio) Sacramenta & ſacramentalia Eccleſiæ Catholicæ, vt hoſtiam conſecratam &c. Extra corpus autem, ſiue extra inteſtina ſunt maleficiâ amatoria, per aliquas mixturas compoſitas ex herbatum folijs vel radicibus, me-

metallis, reptilibus terræ &c. & tunc adhibent certas ligaturas, quibus hæc inuoluta consunt in chlamyde vel tunica maleficiandi, vel abscondunt sub capite lecti, vel inter plumas, vel materatiam, super quæ ipse dormit, aut sub limine ostij, vel alterius loci, super quo ipse maleficiandus vir transiturus, aut mulier transitura sit. Vel etiam ut statim ex loco Baruch vidimus, illa comburunt, addendo, sic se amicorum ossa vel cor vrere, vel, in amico suo hæc se adolere, vel tandem precari, ut sic amici earum amore torrerentur. Subdit etiam idem Grillandus tertium quoddam genus huius fortilegij; nimirum deferri quandoque imagines quasdam ad loca sacrificiorum, terra, vel cera, aut gemmis, seu alia quavis mixtura & materia confectas, illasque baptizari prius nomine personæ maleficiandæ, sub invocatione, & deuotione Diaboli, cum eisdem ceremonijs quibus vti solent nostri Sacerdotes in vero baptismate; quibus adiunguntur quedam verba turpia, & nefanda. His imaginibus quandoque aperit pectora, & ipsarum corda ingenti calore ignita reddunt: aut tantum detinent, quod liquefiant, putantes eodem modo cor hominis maleficiandi aduri, seu mollicari & obediens reddi ad votum fortilegi vel amantis. Maleficos hos Ioannes Salisber. lib. 1. cap. 11. Vultricolos vocat, vel ut corrigat Delrio Vulticolos: *Vultricoli sunt, inquit, qui ad affectus hominum immutandos, in molliori materia, cera, vel forte limo, eorum, quos pervertere nituntur, effigies exprimunt; cuius illusionis meminerunt etiam Poëtæ, Virgilius in Pharmaceut. Limus ut hic &c. & Ouidius lib. Heroid.*

Denonet absentes, simulacraque cera fingit

Et miserum tennes in icter urget acus.

Etsi autem fortilegij amatorij, quod fit intra corpus, materia ut plurimum, sint res calidæ, dulces, amænæ homini, & coadiuuantes naturalem calorem, luxuriandique potentiam; & ideo à lege vocari solent *bona*, vel, non *mala venena*,

ad distinctionem maleficiij hostilis, in quo, quæ interueniunt, ut plurimum, sunt frigida, amara, noxia & naturæ humanæ, hominumque salutis contraria, vnde *mala venena* vocantur: Hæc tamē, non solum menti, quod illis commune est cum philtis extrinsecis, sed etiam corpori ut plurimum valde noxia esse quotidiana docet experientia. Circa huiusmodi Philtrorum seu maleficiorum amatoriorum remedia, quàm inutelia & vana sunt illa omnia Gentilium, quæ per incantationes aut lustrationes quasdam fiebant: quæ Christianis etiam prorsus illicita sunt. Tàm vtilia sunt & proficua, primò illa omnia quæ SS. Patres ex sacra Scriptura præscribunt, viderique possunt apud Delrium. Secundò naturalia etiam medicamenta, maniam, purgantia & ardorem libidinis temperantia, ut agnus castus, & alia huiusmodi, quibus licebit vti, dummodo noxia non sint valetudini; tantùm de maleficio amatorio, nunc ad hostile pergamus.

Maleficio hostile vocatur, quidquid in bonis animi, corporis, & fortunæ damnum infert, aut aptum est inferre, aut idcirco adhibitum fuit à malefico ut inferret; cuius maleficiij innumera extant S. Scripturæ testimonia. Iob. c. 2. Diabolus percussit eum vlcere pessimo, à planta pedis vsque ad verticem: Vnde etiam maleficos demonum ope morborum irrogatores, seu immissores esse posse, nemini diuinarum Scripturarum auctoritatem admittenti dubium esse potest. Saullem etiam dæmon per atram bilem diuexabat; 1. Regum cap. 16. *exagitabat eum Spiritus nequam*, qui pulsante Dauide cytharam, seccebat. In nouo quoque testamento Matth. cap. 17. Marci 9. Lucæ 9. Vnum diabolus aurium & linguæ vsu priuauit, & simul epilepticum reddidit, quem B. Mattheus Lunaticum vocat; non quod demoniacus non esset, sed quod & à dæmone obsideretur, & simul plenilunij temporibus, per dæmonem comitiali morbo grauissimè affligeretur; eo quod tunc cerebrum humoribus plenum aptius erat exagitari.

ri. Apud S. Lucam cap. 8. alium diabolus vexauit illa affectione, quam Lychanthropiam Medici nominant, cuius præcipuum ſignum, vel indicium eſt, quod domi nequeant contineri, & in deſerta loca ſe proripiant, circaque ſepulchra oberrent. Aliam adſcrixit conuulſione ſpinæ dorſi Lucæ cap. 13. quo loco dæmon ille vocatur *Spiritus infirmitatis*, eo quod, vt ſubditur, eam vinxerat Sathanas: nam dæmones in ſacra Scriptura nomen habent ab effectu, vt *Spiritus auaritiæ*, qui impellit in auaritiā, *fornicationis*, qui ſuaſor libidinis.

Cur autem per maleſicia ſic Deus permittat dæmonem graſſari, plures adduci poſſent rationes, etiam ex diuinis Scripturis; ſed de his vide Trithemium lib. 8. quæſt. 5. Iacquerium *ſagell. faſcinat. cap. 18.* Delirium & alios. Cur inſuper, cum iſta damna plerumque diabolus poſſit per ſe inferre, malit tamen vti opera maleficorum, in cauſa eſt primum, quia hoc pacto maiorem Deo ſe facere putat iniuriā, ſic pluribus nocendo, & creaturis ratione præditis, & baptiſmo ablutis, & chriſmate delibutis abutendo, ad creatoris ipſius vilipendiū. Secundò quia non adeo homines abhorrent à cōuerſatione & familiaritate maleficorum, atque odere conſortium diaboli. Tertiò quia quædam per homines poſſent, quæ vel non poſſent, vel non tam commodè poſſet per ſemetipſum immediatè perficere; ſuperest iam vt de præcipuis huius maleficij generibus, vel ſpeciebus breuiter agamus.

Primum eſt faſcinatio; non phyloſophica, ſeu phyſica, quæ nonniſi improprie dici poſſet faſcinatio; proprie verò eſt contagio ſeu infectio, quæ fit per venenatam aliquā qualitatem prius manentem in putridis humoribus, aut vitioſa complexionē intuentis, poſtea verò ab illo dimanantem; & aërem proximum inſcientem, donec ſe ſe oculis lædendi, vel inſciendi inſinuet, & ex oculis eius, quæ pars teneſſima citius inſicitur, ſe penetret in corporis partes interiores; de hæc, inquam, faſcinatione

Biblioth. Theol. Tom. 1V.

quam naturaliter fieri, docent Philoſophi, & Theologi recentiores; non agitur in præſenti; ſed de faſcinatione proprie dicta, quæ Poëtica ſeu vulgaris dicitur, quam ipſa viſione cum imaginatione maleuola fieri volunt; illa enim non eſt aliquid naturale, ſed fabuloſum ſuperſtitioſumque, pendens à dæmonis maleficijs, qui ſtrigi vel fortiariorum ex pacto nocere volenti cooperatur; vnde ſic definiri poſſet, *Faſcinum eſt pernicioſa qualitas dæmonum arte illata, ob tæcium vel expreſſum hominis cum dæmone pactum*; De quo inter alios vide Toſſatum in *Geneſ. quæſt. 11. & numeror. cap. 21. à quæſt. 9.* & Franciſcum Valeſium lib. 5. *Philoph. cap. 68.* ad illud Sapientię c. 4. *Faſcinatio nugacitatis obſcurat bona*; & D. Pauli cap. 3. *Epistolæ ad Galatas*; *O inſenſati Galatæ, qui vos faſcinatis, non obedire veritati?*

Secundum genus eſt Veneficium proprie dictum; eſti enim aliqui nullum agnoſcant huiusmodi, quia putant ſagos nonniſi vero ac naturali veneno nocere poſſe; nihilominus tamen permittente Deo ſuis maleficijs ſagos cōplures mortales grauiſſimis morbis, vel morte afficere, tam authoritate Patrum, quàm hiſtorij omnium ſerè gentium compertiſſimum habetur. Huiusmodi autem Veneficia contingere, vel introſumptione, vel applicatione exteriore per contactū inungendo, in faciem inſuſitando docet Grillandus q. 3. & 5. Ad hoc maleficiū Delrio lib. 3. q. 4. ſect. 2. reducendum putat peculiare quoddam Arabum ſeculus quod *Scopeliſmum* vocabant; & de quo fit mentio L. cum quædam ff. de extraordin. crimin. cuius hæc ſunt verba. In Prouincia Arabiæ scopeliſmon erimen appellatur, cuius rei admiſſum tale eſt. Plerique inimicorum ſolent prædium inimici scopelizein, id eſt lapides ponere, indicio futuros, ſi quis cum agrum coluiſſet, malo letho periturum eſſe inſidijs eorum, qui ſcopulos poſuiſſent: Sic Vlpianus. Ex Pineda commẽtario in Iob de hoc crimine interpretatur illud cap. 5. v. 23. *Sed cum lapidibus*

N n regio-

regionum pactum tuum. Lieet etiam huc referre maleficium vetus *Circi aurigariorum*, de quo B. Hieronymus in vita S. Hilarionis, nec non *Sacculariorum* crimen de quo Iurisconsultus ait, hoc nomen vocatos, *qui vetitas artes exercentes in sacculos partem subducunt partem subtrahunt.* L. *Saccularij* ff. de extraord. crimin.

Tertium maleficij hostilis genus cōplectitur aborū, difficilem partum, lactis exsiccationem, quorum plura suppetunt exempla apud Delrium relata. *Quartū* Sagittarios, seu Balistarios, quorum Innocentius III. Papa vocat artem mortiferam & lethalem; nam ex pacto ipsi addicunt dēmoni corporis & animę dominium; & ille vicissim pollicetur se adfuturum, ut quem longissimē dissitum volent, infallibili ictu trajiciant: Solemnia seu ritualia istius maleficij refert Delrio loco citato, ex Sprēgero *parte 2. Mallei, quest. 1. cap. 6.* Meminit etiam Olaus Magnus lib. 3. cap. 17. alterius generis *sagittariorum*, nempe Lappones & Finnos de plumbo conficere iacula magica, digitis longitudine, & ea per quævis dissita loca mittere in eos, de quibus vindictam expetunt; & hos oborto carcinomate in crure vel brachio, intra triduum vchemētia doloris emori. Ab his non multum discrepat genus maleficiorum, qui quasdam fabricantur imagines, quas vel acubus pungunt, vel igne liquant, vel confringunt; & sic certum, ijs, quos tales imagines designant, interitum tabe, vel alio mortis genere adferunt, ex pacto cum dēmonē inito, in cuius nomine solent tales effigies baptizare, & nomen occidendi illis indere.

Quintum maleficij hostilis genus, variorum morborum est illatium; est enim Avicenna, & aliqui alij negent dēmones morborū interrogatores seu immissores esse posse; quod possint morbi ex naturalibus causis oriri; minus tamen rectam esse hanc ratiocinationem plura demonstrant S. Scripturæ testimonia, quibus dēmonum opē varias infirmitates fuisse inductas superius vidimus; do-

centque optimi Medici Condronchus, Cēsalpinus, Fernelius, Valęsius, alijque plures; quod spectat ad modū quo dēmon morbos inferat, accuratē illum explicat citatus Valesius S. Philosophiæ cap. 28. Quo pacto venefici morbi ab alijs sint dignoscendi, ex parte discutunt Exorcistæ quidā, sed plenius Medici. Exorcistarum indiaia proponit *liber Sacerdotalis Sammarini*; Medicorum vero Ioann. Bapt. Condronchus *lib. 3. de morb. venef. cap. 13.* Vbi docet signa hæc vel communia esse cunctis maleficij, vel peculiaria quibusdam: Andreas Cēsalpinus *de inuestig. dem. cap. 22.* Idem etiam agunt de remedijs naturalibus contra maleficia, & ex illis Delrio *lib. 6. diff. quif. cap. 2. sect. 2. q. 3.* agit de remedijs supernaturalibus diuinis seu Ecclesiasticis, quæ solent carere omni peccato, sineque vllō periculo adhiberi queunt.

Sextum genus omniūque prodigiosissimum est illud, quando per os, vel imum gutturem eijci æger spinas, ossa, ligna, saxa, frusta vitrorum, acus, cultros, & alia similia fermenta; glomos pilorum, pannos, scia, ceteraque huiusmodi, quæ vel comestione, vel aliter in corpus immitti potuisse videretur impossibile: cum tamen quotidiana horum habeamus exempla. Quo igitur modo id fieri possit breuiter explicandum est. Primum consentiunt veteres, nouicijque Medici; quædam in corporibus humanis solere interdum ex prauis humoribus naturaliter coalescere, vt sunt rophi, lapilli, capilli, oscilla, conchyliæ, spinæ, glomi pilorum, aliaque huiusmodi; ceterum non possunt naturaliter in corpore humano generari ex vlla putrefactione, acus, cultri, forficis, & huiusmodi metallica artificiosè præsertim informata; vnde necesse est hæc omnia dēmones per maleficos operari. Quod pluribus modis fieri potest, primò per sensuum illusionem, vt quis putet ista in corpus ingeri, vel egeri. Secundò citra fictionem dum res huiusmodi per dēmonem in os occultè ingeruntur, vnde mox eijciantur. Possunt etiam alijs corporis

porcis partibus inferi, & includi; quod iterum duobus modis fieri poſſe videtur. Primus eſt ex Binsfeldio, vt dæmon profundo ſomno demergat hominem, & ſenſum doloris eximat; tùm dextrè incidat membrum, & materiam illam duram imponat; denique eadem ſubtilitate vulnus ad eò cõſolidet, vt nulla cicatrix, vel veſtigium relinquatur; quod periti Chirurghi nonnunquam faciunt. Alter modus ex Sylueſtro eſt, dæmonem peritiam pollere, res ſolidiſſimas diuidendi, & comminuendi in partes miniuſſimas, etiam inſtar pulueris, & eas iterum vniendi, applicatis, ſicuti opus, naturalibus aëiuiſ.

Omnium tamen optimus & faciliſſimus id explicandi modus eſt, ſi aſſeratur tales res nūquàm eſſe tantæ molis, quin dæmonum indolſtria facilè tranſire poſſint ad inteſtina per guttur, ſtomachique oriſicium; maximè cum huiuſmodi partes vi aliqua adhibita poſſint etiam extra ordinem dilatari; cuius rei duas hiforias ad fidem faciendâ adhibet teſtis oculatus, chirurgiæ laude clarus, Ambroſius Paræus lib. 2. *chirurg. cap. 17.* Prior eſt de ſtudioſo, qui cum ipſicam germinis deglutiuſſet, eam poſtea illæſus integram expulit. Poſterior eſt de opilione, qui ſemipedalem cultellum, cui corneum erat manubrium craſſitudinis pollicis, in fauces à prædonibus ore aperto adaëum ſex ſolidos menſes in corpore retinuit; & tandem nata in inguine vomica, inde Chirurgus extraxit; ſi igitur natura id potuit & caſus, cur ex propoſito id aditens nequeat ille mille artiſex ſolertiſſimus; abſque eo quod ad alios difficilioreſ modos recurramus.

Septimum genus eſt maleficiũ denuendi; ex diuinis enim Scripturis, Catholicis omnibus certum eſt, energumenos à dæmonibus ſæpè inuadi, & poſſideri, vel obſideri; hoc eſt dæmones in hominum ingredi corpora, & ſimul poteſtatem aliquam eos affligendi ſeu vexandi accipere: ambo enim requiruntur, vt quis ſit energumenus; qua de re doctè

Biblioth. Theol. Tom. IV.

poſt Mengum in *ſuſte dem.* & Polydoru de Exorcij. Petrus Tyræus diſſerit diſput. de dæmonib. Oſtaum eſt maleficiũ ligaminis, quando malis verbis homo redditur, vt loquuntur canones, frigidus & maleficiatus, hoc eſt, ad aëum coniugij inidoneus. Ad quod præſtandum diabolus vtitur modis ſeu formis pene infinitis. Sane author *Demonomania* plures quinquaginta reperiri ſcripſit; & Ananias lib. 4. de natur. dæmon, tam in feminas, quàm in viros hoc maleficiũ graſſari verè dixit, ſed tamen facilius & frequentius in viros cernimus hoc malum ſerpere; quod aliquando eſt in diè, aliquando in annum, aliquando etiam in perpetuũ; aliquando quo ad omnes, aliquando quo ad vnã dumtaxat perſonam certam. Quod vocant doctores maleficiũ reſpectiuum. Huic maleficiũ generi videtur annumerandum, quod reſert Saxo Grammaticus lib. 14. *Hiflor. Danorum*, his verbis; *Mares in urbe Karentina, apud Rugianos, cum feminis in concubitu admiffi, canum exemplo coherere ſolebant: nec ab ipſis morando diuelli poterant. Nonum eſt maleficiũ odij & obliuioniſ, quo fit vt viri vxores ita negligant, vt videantur earum non meminiffe; nec non incendiũ, non enim animum inflammant modo, ſed & corpora, & domos & oppida homines malefici.*

Quod ſpectat modo ad perſonas, quibus malefici queant nocere. Cum draco ille antiquus vſque ad iudicij diè manſurus ſit ligatus Apocalipſ. cap. 20. certum eſt illum nemini poſſe nocere, niſi cui Deus permiferit, & quantum permiferit. Sic Matth. 8. vt porcos ſubiret, à Chriſto veniam petijt, nec mendaces facere Prophetas Achab. 3. Reg. cap. 22. nec Iobum affigere ſine diuina potuit permiſſione. Quare cum per dæmonem damna malefici inferant, ſequitur eos illis omnibus nocere poſſe, quibus ne noceant, Deus non prohibuerit, ſiue ſint homines boni, ſiue mali, de facto tamen ſæpius nocent malis & peccatoribus, quam iuſtis & bonis. De iudicibus & iuſtitiz miniſtris præcipuè

N n 2 quæti

quæri solet, an & his nocere queant malefici? communis multorum opinio est, ex speciali priuilegio illis concessio, non posse; quod priuilegium alij limitant post rei capturam: prudentius Anan. lib. 4. de natur. dam. ad eos iudices, qui hoc digni nomine, hoc est, qui Deum præ oculis habentes rectè riteque suo funguntur officio.

De nugatoria seu vana obseruantia, tertia Magia nigra, seu demoniaca specie.

Vana obseruantia definiri potest, quod sit, *Magia superstitiosa; qua commodum aliquod speratur ex re, quæ nec supernaturaliter eo pertinet, neque naturaliter id prestare potest.* Vocatur vana, quia eius virtute & efficacia vel nequimus consequi finem intentum, vel si consequamur plus noxæ, quam commodi adfert, quia homo illa vtens animæ detrimentum patitur, vt aliquam tantum utilitatem in rebus corporeis vel temporalibus percipiat: Et hinc rectè ponitur in eius definitione quod sit *magia superstitiosa.* Dæmones enim medijs inefficacibus se communiter ingerunt, vtendo eis vt instrumentis ad effectus aliquos endendos, ac per consequens implicando his retinaulis hominum mentes. Differt vana obseruantia, à diuinatione in fine, eo quod diuinatione tota refertur ad cognitionem rerum singularium occultarum superstitioso modo consequendam vt dicitur infra; at vana obseruantia licet habeat admixtum aliquid cognitionis, sicut omnes humani actus: cæterum præcipuè ordinatur ad alias commoditates siue animi siue corporis. Hanc aliquando lethale, aliquando etiam veniale peccatum esse docent Theologi 22. quæst. 96.

Quantum ad eius diuisionem solet per ordinem ad causam finalem reduci ad quatuor potissimum quasi species, Prima est quando expectatur commodum in rebus exterioribus seu fortunæ vt in animalibus, segetibus, vineis, bo-

na aeris constitutione &c. Secunda, quando expectatur bonum aliquod corporis vt sanitas, liberatio à carcere, hostibus, ferro, igne & aqua, prosperitas in itinerando, & alia huiusmodi. Tertia quando expectatur bonum animæ naturale, vt ars, vel scientia aliqua. Quarta quando expectantur bona supernaturalia, vt sunt remissio peccatorum per aliquas certas orationum formulas, nec à Deo, nec ab Ecclesia ad hoc institutas, vel ordinatas. Per ordinem ad causam materialem, siue res, vnde vana defumuntur obseruationes, vt sunt innumera; ita etiam innumera poni possunt vanarum obseruationum species.

Quia autem tota fermè præsentis materiæ difficultas est, vnde dignoscitur, quando sit vana & superstitiosa aliqua obseruantia, huius etiam suæ non defunt regulæ. Primò si constat, quod effectus intentus superet naturæ vires, tunc diligenter examinandum est, an per sacram Scripturam vel Ecclesiæ definitionem, aut approbatam ab ea traditionem talis effectus Deo tribuatur; si enim nihil huiusmodi reperitur, effectus tribuendus est pacto eum Dæmone inito vel tacito, vel expresso, & proinde censenda magia superstitiosa, vt minimum vana obseruantia. Secundò, si constet, rem cui tribuitur effectus, hanc vim à Deo vel à natura habere, non esse vana obseruantia ex parte effectus, sed posset esse vana, ratione alicuius vanae circumstantiæ, vt quod fiat tali hora, certa, tali loco vel tempore, illa vel illa manu &c.

Ex his duabus regulis inferitur effectus vanam obseruantiam. Primò si ad productionem effectus requiritur fides in ipsum hominem, qui sanaturus est. II. Si effectus attribuitur magicis imaginibus figuris, sigillis, characteribus, verbis, annulis quos vocant Salomonis, Machabæorum, Elifæi, Zachariæ, Constantini, & aliorum. III. Si quis vtitur certis orationibus sacris, aut operibus pijs in rebus vanis, nec ad Dei cultum directæ, vel indirectæ pertinentibus. IV. Per certa

Sectio VII. Caput XIII. 285

certa ieiunia & orationes sine humano labore, sed secundum instituta cuiusdam artis, quam alij *Noteriam*, alij *Salomoniam* vocant, scientiam infusione acquirere velle, est vana obseruantia; plura contra hanc artem, & aliam Paulinam dictam, nec non Angelicam vel artem spirituum habet Bapista Segnius cap. 7. 8. & 9. de vero studio christiano; Raphael de la Torre 22. q. 96. artic. 10. V. Quando gestantur reliquie, vel Euangelium S. Ioannis, aut aliqui versus Psalmorum non ex deuotione tantum, sed adiunctis vanis circumstantijs, V. g. vt vel sic, hoc vel illo tempore, in hac vel illa materia sint scripta. VI. Huc referenda vanissima omniū klidonistiki animaduersio, de qua B. Chrysostom. homil. 21. ad populum Antiochen. & D. August. lib. 3. de doctr. Christ. cap. 20. vt si membrum aliquod salierit; si iunctim ambulanti bus amicis, lapis aut canis, aut puer medius interuenerit; & sic de alijs, quæ ab aurium tinnitu, sternutatione, nomine, fortuitis aliorum verbis, ab ijs quæ domi sunt, ab ijs quæ in via contingunt defumi solent ad præcognoscendum aliqua fortuna, vel infortunia. VII. Potest nonnunquam vana obseruantia contingere in strenis primo anni die dandis, vt si id faceret quis vt omen vel augurium certum prosperi euentus; nam si animi recreandi, aut amicitie conseruandæ causa, pro consuetudine Christianorum illo die, nullum esset crimen: imo si faceret in honorem Circumcisionis Dominicæ, quam tunc celebrat Ecclesia: opus religionis exerceret.

VIII. Ad illud Pauli Galatas reprehendentis cap. 4. *Dies obseruatis, & mensēs, & tempora & annos; timeo vos, ne forte sine causa laborauerim in vobis*; dicendum est vanam esse illorum obseruantiam, qui nulla permoti obseruatione motus, & influentiæ cælestis, obseruant dies, menses aut annos, non ad Dei cultum, sed ad directionem negotiorum suorum, tanquam fustos, vel infaustos, siue quod idem est, tanquam ominosos,

siue in bonum, siue in malum. Omnes ferè dies ominosos cunctarum nationum colligit Alexander ab Alex. lib. 4. *dierum Genial. cap. 20.* Et hos dies vocat D. August. super c. 4. ad Galatas relatus Can. *non obseruatis*, & Can. *qui existimaret*: Aegyptiacos, quare autem sic vocetur, putant aliqui, quia in illis Deus plagas intulit Aegyptijs; sed hæc opinio rejicitur ab Abulensi cap. 15. Exodi qu. 15. tum quia non fuerunt tot diebus plagati, neque tot plagis Aegyptij, quot numerantur dies Aegyptiaci. Tum quia fabulosum videtur omnes illos dies plagarum pro omnibus hominibus fuisse, à Deo maledictos, & illos funestos effecisse. Melius igitur alij docent dictos fuisse Aegyptiacos, quia ab Aegypto plena superstitionibus, adiuuenti fuere. Singulo quoque mense duos Aegyptiacos dies notatos fuisse ait Abulensis vbi supra, & Petrus Brestaius lib. 1. notabil. cap. 53. huiusmodi dicit esse Ianuarij *primum & vigesimum quintum*: Februarij *quartum & vigesimum sextum*: Martij *primum & vigesimum octauum*: Aprilis *decimum & vigesimum*: Maij *tertium & vltimum*: Iunij *decimum, & decimum septimum*: Iulij *decimum tertium, & vigesimum septimum*: Augusti *primum & vigesimum quartum*: Septembris *tertium, & vigesimum primum*: Octobris *tertium & vigesimum secundum*. Nouembris *quintum, & vigesimum octauum*: Decembris *septimum & vigesimum secundum*. Exemplum plura horum dierum superstitionis suppeditant Sancti Patres: præsertim Ambrosius explicans locum Apostoli ad Galatas cap. 4. D. August. epist. 119. cap. 7. in Enchirid. cap. 79. Ex modernis videri possunt Martius de Arles trac. de supersti. Raphael. de la Torre 22. q. 96. artic. 3. disput. 2. Carena tom. 1. de inquisit. Circulus opere Hispanico de superstit. & alij. IX. tandem & vltimo loco sunt obseruantie vanæ in malis depellendis, & morbis sanandis variæ: quibus etiam referendæ sunt innumera orationum formæ, quibus vulgo sanantur vulnera, vel morbi curantur, vel infortunia

tunia arcentur, fures deteguntur, aliaque similia, quæ apud Martinum Delrium lib. 3. disquisit. in fine consuli possunt.

De diuinatione quarta, & ultima Magia Dæmoniaca specie.

Satis constat ex titulo præsentis paragraphi non agi in illo, de diuinatione, seu prænotione quæ manat à Deo & in diuinis Scripturis vocatur *prophetia*; cuius etiam duo quasi suprema genera in illis reperiuntur, vnum per Sacerdotes, alterum per Prophetas. Et si enim sæpe, qui Prophetæ, iidem & Sacerdotes erant, aliter tamē futura prædicebant, quatenus Sacerdotes, aliter quatenus Prophetæ. Sacerdotalis enim prophetiæ modus cōsistebat in applicatione Ephod; Prophetarum autē oracula fiebant per visionem & somnum: de quibus vide Alphonsum à Castro in duodecim Prophetas minores, Martinū Delrio, & alios, qui prophetiæ naturam & species exactè describunt, nec non etiam regulas aut signa adducunt, quibus vera prophetia, siue reuelationes diuinæ discernendæ sunt à diuinatione, seu diabolica reuelatione. Non agitur etiam de diuinatione seu prænotione naturali, quæ sumitur ex signis, vel causis naturalibus, quæ vt plurimum vocari solet præfagium vel coniectatio, strictè sumptis vocabulis; hanc enim esse illicitam, quando procedit ex consideratione causarum, signorumve, cum vera prudentia coniunctorū concedunt omnes; sicut per oppositum est illicita & ad dæmoniacam accedens diuinationē quando secus fit, vt videbitur paragrafo subsequenti.

In præsentī ergō tantum est sermo de prænotione dæmoniaca, quæ deriuatur ex pacto tacito, vel expresso cum dæmonibus, & vocatur simplex *diuination*; cuius etiam consideratio facit ad intelligentiam plurium S. Scripturæ locorum Leuitici c. 20. v. ult. Deuteronom. 18. v. 11. vbi primum damnatur; *Vir siue mulier in quibus Pythonicus, vel diuinationis fue-*

rit spiritus morte moriantur. Lapidibus obruent eos: Sanguis eorum sit super illos. Sic Saul 1. Reg. cap. 28. contra hos penam mortis sanxit, vel potius à Moyse sancitam executus est. Hinc Theologi docent illicitam esse prorsus, suaque natura lethalem hanc diuinationis speciem; quamvis ex aliquibus circumstantijs fiat aliquando veniabilis apud Valentiam 22. Disput. 6. q. 12. punct. 4. solet definiri, quod *fit significatio occultorum ex pactis conuentis cum dæmone.*

Quantum ad eius diuisionem multiplex potest adduci, primò ratione cognitionis intentæ rerum occultarū, potest diuidi in superstitionem, & non superstitionem, siue illicitam tantum: Diuinatione non tantum illicita, sed etiam superstitione est, quādo quæritur cognitio rerum ipsi dæmoni incognitarum, sicuti est certa rerum merè contingentium & liberarum notitia; vt sunt primò quæ dependent absolute à voluntate Dei cuiusmodi sunt omnia supernaturalia mysteria, nec non in ordine naturali gubernationes & mutationes regnorum ac rerum publicarum, quia corda principum sunt in manu Dei, qui solus illa immutat vt lubet. Secundò ea, quæ dependent ex arbitrij humani libertate, vt quid cras sim facturus vel cogitaturus. Tertiò quæ sunt omnino & propriè futura contingentia, quamdiu illa non habent certam & determinatam causam. Illicita verò tantum & non superstitione diuinatione est, quando præcisè ab eo quæritur cognitio, quæ demonis scientiam non excedit, si velit verum dicere. Primum enim ex illis, quæ certò nouit, potest dæmon multa probabiliter, & coniecturaliter prædicere. Summam enim diuturna obseruatione sibi experientiam comparauit, & pollet angelico ingenij acumine, & optimè nouit rerū naturalium facultates, & ad quid valeāt, hominum voluntates, mediante appetitu sensitiuo, inclinare: nouit omnium hominum temperamenta affectusque, nouit quid ex his & illis sequi soleat. Vnde contingit, vt sæpè ad amissam præ-

Sectio VII. Caput XIII. 287

prædicat, quid & quando homines sint facturi, vel etiam quod Deus hunc vel illum populū sit puniurus, quod princeps sit de solio exturbandus &c.

Secundo potest diabolus certō prædicere quæcumque dependent à causis necessarijs, quæ quidem ab alijs causis naturalibus nequeunt impediti, vt sunt motus cælorum, eclypses, coniunctiones astrorum, & alia eiusmodi; insuper ea, quæ permittente Deo, nouit se facturum; sicut V.g. si Deo permittente, ipse pestilentię alicuius auctor & illator fuerit, vi mali cessatura certo die, nouit infallibiliter pestem cessaturam; idque certius adhuc, si ex pacto, ad certi signi alicubi reconditi, vel conditi sublationem morbus desinere debet: poterit certō finem mali scire, illumque prædicere. Item quæ intellexit per reuelationem; siue illa contineantur in sacris literis, siue aliter dæmoni fuerint manifestata; quo pacto tam multa olim malignos spiritus prædixisse de fidei arcanis legimus.

Tertiō nihil dubitandum præterita dæmonem omnia memoria retinere, quæ vel aliena relatione accepit, vel ipso coram gesta fuere; idem dicendum de presentibus, nam quæcumque actu exteriore prodita sunt, vt secreta furta, res perditæ, thesauri olim defossi, metallæ, subterranea, aliaque huiusmodi, quæ hominum cognitionem fugiunt, dæmonibus nota sunt. Et quamuis iuxta probabiliorem D. Thomæ sententiam, virtute sua naturali, nullas possint cognoscere affectiones liberas, vel cogitationes spontaneas hominis, sine alicuius manifestatione; tamen si cogitatio vultus, vel membri alicuius motu, aut mutatione, vel alio extrinseco signo prodatur: peritus & solertius, quam exercitissimi medici ex huiusmodi dæmones indicijs internas animi affectiones deprehendunt. Potest etiam veterator adeō vehementer phantasmatibus immixtis hominem turbare, vt vix ad aliud aduertere, vel aliud queat tum cogitare, quam quod ab eo suggestum.

fuit, vt ita videatur diuinare, quæ homo cogitat. Tandem dæmones quæpollent celeritate, quæ in remotis longo itinerum intervallo regionibus geruntur ea tam celeriter denuntiare possunt, vt diu ante prædicta ab ignaris putentur.

Iterum cum diuinationis omnis fundamentum, sit implicitum, vel explicitum pactum cum dæmone omnes diuinationis species, quæ sunt penè innumera ratione diuersorum instrumentorum ad illam inferuentium, ad duo potissimum capita possunt reduci, quorum primum complectatur eas, in quibus clarè cognoscitur pactū expressum; posterius cæteras. Primi summa quasi genera sunt duo, *Oraculum*, seu *Demonomantia*, & *Mangania*, siue *Geitia*, quorum iterum plurimi sunt modi. Oracula enim aliquando vel ex antris, vel ex statuis, vel ex hominibus reddita fuisse à dæmonibus legimus, & quamuis aliqui non veteres tantum, sed & recentiores viri eruditi huiusmodi oraculorū causam physicam reddi posse existimauerint, peculiarem videlicet quamdam loci illius è terra exhalationem quæ fanaticos efficiat; nihilominus verior, hoc est Christiana Philosophia, cui Fernelius *lib. de abditarum rerum causa*, & Condronchus *lib. 7. de morb. malef. cap. 8.* duo insignes medici subscribunt, censet effectus tales adscribendos esse dæmoni adstanti, vel obsidenti hominem, specum, statuamve; & tantum per accidens fieri, vt dæmon potius hæc, quam illa loca, vbi talis non est exhalatio, veluti accommodatiora instituto suo deligat, sicut & libentius obsidet arabiliiorū corpora. Quare quod, expurgato medica mentis corpore, vaticinationem aliquando cessasse legatur, hoc inde fit, quia dæmon illa corpora deserebat, in quibus non inueniebat amplius amicas sibi dispositiones. Quod verò præca, omnia cessarint oracula, non tam tribuendum vaporī, vel exhalationi deficienti, quam virtuti Saluatoris nostri Iesu Christi, qui superueniens fortior, forti armato hæc deceptionis vasa extorsit.

Man-

Manganæ similiter, siue *Goutiæ*, plures sunt modi; *Primus* est ille, quem Græca denominatione *Necromantiam*, hoc est diuinationem per mortuos communiter appellamus; de qua non defunt, qui illud Regis Prophetæ intelligant Psal. 105. *Comederunt sacrificia mortuorum*; & illud Isaïæ cap. 8. v. 19. *Num requireret pro uiuis à mortuis*. Ingeniosum de hac re edidit opusculum Stephanus Forcatulus Iuriscōsultus. *Secundus* modus est Hydromantia, seu diuination per aquam; cuius iterum septem modos, siue species refert Mart. Detro. *Tertius* *Λαμανμασία*, quando in peluim plenam iniiciunt cum varijs characteribus pretiosos lapides, auri argentique laminas, tum responsum ex peluis fundo auditur. *Quartus* *γαστραμασία*, quia fit per phialas vitreas ventricosas similiter aqua plenas: & inspectante puro puero, vel prægnante muliere, responsi loco, certę figurę & imagines apparent. *Quintus* *κατοπτρομασία*, quę rerum quęsitatum figuras in speculis exhibet politis. *Sextus* non dissimilis præcedenti dicitur *κευθαλλομασία*; fit in cristalli frustis annulo, alterive vasi inclusis, vel etiam nudis, & in cylindrum aut obelū conformatis; quibus fingit se dæmon inhabitare. *Septimus* est *δακτυλομασία*, quę diuinat annulis ad certam celi posituram constructis, vel incantatis, & super tripodem ad certa verba motis. *Oδῆανος ἑνυμασία*, siue *ἐνυχαμασία* vocatur, quod oleo ac fuligine impolluti pueri unguis illiniatur, & ungue solē versus obuerso, certum quid inbimurando, videntur quę cupiuntur. *Nonus* *ἀνερμασία*, quę ex aere coniurato reddit oracula. *Decimus* *φαρμακία*, qua vtuntur incantatores, qui diuinant freti solo dæmonis commercio, præter incantationem adhibentes pharmaca.

Vndecimus *κρονομασία*, seu diuination ex cribro, quia cribrum imponunt forcipi, forcipem binis digitis comprehendunt & eleuant, & præmissis verbis conceptis subiiciunt nomina eorum de quibus suspicatur eos furtum, vel aliud

occultum crimen patrasse: reum verò indicant illum, quo nominato cribrum nutat, mouetur, vel conueritur, quasi qui digitis forcipem tenet, arbitrato suo cribrum mouere non possit. *Duodecimus* est *ἀξίωμασία*, qua securis rotundo infigitur palo, & ex eius motu fur deprehenditur. *Decimustertius* *καταλανομασία* dictus, fit asini capite super prunas affo. *Decimusquartus* *κλειδομασία*, per clauem, cui circumdant chartulam inscriptam nomine suspecti; deinde clauem alligant Sacre Scripturę codici: hanc virgo sustentat, & verbis certis murmuratis chartula ad nomen criminosi vertitur, moueturque.

Quantum modo ad alias diuinationis species, in quibus vel non est explicuit pactum, vel latens admodum, reuocari possunt ad tria capita, Ariolatōnem, siue Haruspiciū, Augurium siue auspiciū, & sortes. Est enim ariolatō latissima significatione omnem interdum completatur diuinationem, hic tantum stricte sumitur, secundum quod Isidorus lib. 8. etymolog. cap. 9. dicit, *Ariolos vocatos propterea, quod circa aras idolorum nefarias preces emittunt, & sumesta sacrificia offerunt, hisque celebratis dæmonum responsa accipiunt*. Vnde etiam Haruspiciū recte vocari potest, non ab obseruandis horis, vt vult idem Isidorus, sed potius à veteri vocabulo *Haruga*, quod teste Donato hostiam significabat. Sicvtrumque nomen media quadam, & modica latitudine in præsentī vsurpatur, pro tota *ιεργαστήρια* veterum, siue disciplina diuinandi in sacrificijs Gentilium seruari solita; in qua licet olim semper interueniret idololatria expressa, non tamen semper pactum explicuit: hodie fieri potest vt neutrum interueniat, sed implicitum dumtaxat pactum.

Primus huius diuinationis modus erat ex viuę adhuc victimę obseruatione. *Victimarius* siue *θυματικῶς* dictus. *Secundus*, quo motus & singula mactatę hostię mēbra rimabantur, iecur maxime, vnde Græcis dicta *ἡπατοσκοπία*.

Ter-

Sectio VII. Caput XIII. 289

Tertius πυρομαντία, quando pix trita in ignem spargebatur, aliquando tedæ pice illitæ accendebantur, & certis characteribus signabantur, & si flamma tedarum in vnum coibat, prosperum, si lambens & diuisa apparebat, infelicem, si tricuspis assurgebat, gloriosum euentû; si variè dispersa, in ægro mortem, in sano morbum, si crepitans infortunium, si subito extincta, ingens periculum ominabatur. *Quartus* est nubi-
λαμαντία, hoc est fumi obseruat-
rix. *Quintus* propriè dicta *λιβαριμα-*
ντία, siue ex thure diuinatio. *Sextus*
Τιθεμαντία, siue *σπιδοιμαντία*, qua di-
 uinabant olim ex cineribus sacrificiorû.
Septimus ὕδαρμαντία & αἰμαντία, qua
 considerabant colorem vtriusque laticis
 in sacrificio fusi. *Octauus* ducebatur ab
 edulibus varijs, vt critomantia, aleuno-
 mantia, tiromantia, ichiomantia, & sic
 de alijs. *Nonus* est *πυρομαντία*, cum
 cera liquatur, & aquæ guttatim instilla-
 tur, & figuræ inde ortæ obseruantur. *De-*
cimus ἀστρομαντία, quæ rimabatur
 hominum matatorum fibras ac viscera;
 ad quam commodè reducitur sacrificiû
 filiorum in Tophet, vbi igne absume-
 bantur in honorẽ Moloch. 4. Reg. c. 23.
 & Ezechielis cap. 20. ver. 31. *Vndecimus*
δασυμαντία ex laurei rami combustio-
 ne, prosperum signum si obsterperet cû
 fragore; infelix si taceret. *Duodecimus*
βίταμαντία, cum ex verbenæ, lunariæ,
 saluæ, myricæ, ficus, & aliorum simpli-
 cium folijs, ramulisve consignatis no-
 mine quærentium & quæstione, cogni-
 tio futuri petebatur. *Decimus tertius*
ἐμφαλομαντία obstetricum propria, quæ
 per nodulos vmbilico, & secundinis
 adhærentes coniiciunt quoties puerpe-
 ra sit postmodum partitura. *Decimus*
quartus ex eodẽ obstetricia schola pro-
 fecit est *ἀνομομαντία*, ex membranis
 scilicet quibus fetus in vtero materno
 inuoluitur, diuinatio, de cuius vanitate
 legendus Leuius Lemnius lib. 2. de oc-
 cultis nat. miracul. cap. 8. *Decimus quin-*
tus est æque ridicula Iudæorum diuina-
 tio per ledum quoddam animalis ge-

Biblioth. Theol. Tom. IV.

nus, de qua ex professo agit Andreas
 Libanius par. 2. singular. *disputationum*.
Decimus sextus est *λαθμαντία*, diuina-
 tio ex lapide, de qua aliqui intelligen-
 dum putant illud Leuit. 26. v. 1. *Nec ti-*
tulos erigitis, nec insignem lapidem pone-
tis in terra vestra, vt adoretis eum. Nam
 vbi vulgata editio habet *lapidem insi-*
gnem, aliqui vertunt *lapidem imaginatio-*
nis, vel *lapidem speculationis*. *Decimus*
septimus γαστρομαντία, diuinatio ex vir-
 gis, quæ iterum multiplex est. *Decimus*
octauus λαμπδομαντία, quando non-
 nulli candelam in B. Antonij vel alterius
 Sancti, honorem accendunt, sicque
 se res perditas confidunt inuenturos.
Decimus nonus παρθριμαντία siue diui-
 natio qua virginitatem puellæ explora-
 bant, & sic de alijs de quibus vide Mi-
 chaelem Medinam lib. 2. de recta in-
 Deum fide, & Iulium Sirenium de fato
 lib. 9. cap. 15. & 16. De Virginis explo-
 randæ ratione, an naturaliter haberi pos-
 sit vide Valesium de sacra Philosoph. cap. 25.
 ad illud Deuteronomij 22. *Si*
duxeris vir uxorem, postea odio habuerit
eam &c. & Paulum Vecchi in obseruat.
 medicis ad eundem locum cap. 141.

Secunda diuinationis implicita, dumtaxat passionem habentis species, est *auspicium*, siue *augurium*, quæ voces licet aliquando strictius sumi soleant, nunc tamen eo extenduntur, vt significent obseruationem cunctarum rerum subito, & ex inopinato, insolitoque accidentium, institutam ad cognitionem futurorum, vel occultorum; sic accepta reduci potest ad quinque modos, primû ex cælo, secundum ex auium volatu, vel garritu, tertium ex tripudio pullorum, quartum ex quadrupedibus, quintum ex diris & portentis. Quæ omnia incerta, & illicita esse satis constat ex varijs Sacræ Scripturæ locis, Leuit. cap. 19. v. 26. *non augurabimini*. Deuter. c. 18. v. 10. Ecclesiast. 34. v. 5. Ieremiæ 27. ver. 9. Vide Vvimpinam lib. de diuinat. cap. 3. & 4. & Raphaellem della Torre 22. q. 96.

Tertia tandem pars, siue species sunt
 O o for-

fortes. Sors olim dicta *phur*, vt patet ex lib. Esther cap. 9. vers. 16. quam plerique Persicam, vel Sufianam vocem esse volunt, melius tamen alij cū Diuo Hieronymo Hebræam. Sors autem ex Diuo Thoma 2. 2. q. 95. artic. 8. triplex est diuinatoria, consultoria, & diuisoria. Diuinatoria vocari solet *κλῆρομαντία*: quæ ex genere suo prohibita est: talemque fuisse Ionæ sortitionem plures docent; varij sunt eius modi, sicut & aliarum, quæ suum à materia nomen habent: vt sunt *παλομαντία*, *παιτυμασία*, *κωβμαντία*, *αστραλογμαντία*, quibus, bacillis, oscillis, talis, pillulis aut tabellis inscriptis in altum vel in vtram conijcitur. In sacris litteris inueniuntur aliquæ sortes ad *βιλαμαντία*, seu *εαβδωμαντία* potissimum pertinentes, vt est illa sagittarum de qua Ezechiel cap. 21. *Scitis enim rex Babylonis in bisio, in capite duarum viarum, diuinationem querens commisit sagittas interrogauit idola, extra consuluit. Ad dexteram eius facta est diuinitio super Hierusalem.* Cuius diuinationis, siue sortis diuinatoriæ modum & ritum sic explicat D. Hieronym. in comment. huius loci. *Stabis in ipso compiso, & ritu gentis sue oraculum consulens, vt mittas sagittas suas in pharetrā, & commiscas eas inscriptas, siue signatas nominibus singulorum, vt videas cuius sagitta exeat, & quam prius ciuitatem debeat oppugnare.* Hanc autem Græci *βιλαμαντία*, siue *εαβδωμαντία* vocant.

Altera est Osee cap. 4. versu 12. *Populus meus in ligno interrogauit, & baculus eius annuntiauit ei.* Exi enim hunc locum D. Hieronymus velit intelligi de eodem diuinationis modo, de quo loco statim citato egit Ezechiel: quod etiam sentit Theophilactus in Oseam, licet aliter à D. Hieronymo explicet ipsum ritum: nihilominus apud Hebræos Rabbi Moyse in explicatione præcepti negat. 52. de alio modo hunc locum explicat, cuius ritum sic describit; decorticabant bacillum ligneum vno tantum, ex latere, tūm in aerem proiecebant. Si fortuito casu, primo iactu apparuisset

superior pars decorticata; at secūdo iactu superior pars adhuc vestita, prosperum successum augurabatur: sin è contra, primum pars vestita, infelicem; si veroque iactu vestitum vel nudatū latius superius fuisset, mixtum euentū sibi pollicebantur. Sunt qui de hac eadem sortis diuinatoriæ specie intelligant locum Deuteron. cap. 8. ver. 11. *Vecholer chaber*; vbi enim vulgata nostra editio vertit *incantator*, recentiores aliqui vertūt, *ingens iunctionem*, vt exprimant quemdam modum *εὐλογμαντίας*, qua per frustra lignorum iterum coeuntia diuinabatur.

Quintus modus est Geomantia, cuius laboriosa industria mentitur artem. Nam sexdecim figurarum in solo, vel abaco nomina *τεχνη* dispungit, ex flectarum additis diuersis punctorum coordinationibus, quæ nomina singulis suis astris putant respondere. De cuius vanitate vide Conrad. Vvimpinam lib. de diuinat. cap. 5. & Iulium Sirenium lib. 9. de fato cap. 38. *Sextus* vocatur *εὐχνομαντία*: fiebat primū aperto libro Homeri, vel Virgilij, & attento primo, qui obuius inspicienti, versu. *Septimū* loco venit ludus, qui describitur in *ἑσθ' καλ' ἔξω*, & alter quem vocant ludum pastorum, ad cognitionem matrimonij futuri, opum, dignitatum, liberorum &c. *Octauū* *αἰκιστρομαντία*, quando definitus locus in partes æquales describitur, & vnicuique singulæ alphabeti litteræ inscribuntur: deindē singulis litteris granum frumenti imponitur, postea ad hoc enutritus oscen gallinaceus introducit, qui grana comedit: tūm notantur litteræ, quarum primum grana depascitur, v. g. litterarum, P. E. T. tunc creditur notari, Petrus, Petronius, Petrucius, & quorum simili modo nomen inchoatur.

Nonus modus est *ἐνομαμαντία*, quæ petitur ex nomine consulentis per elementa nominis diuersimodè collocata, & quasi per anagrammatismum, faustū quid, vel contrarium indicantia. Hoc fuit Pythagoricum commentum. For-

tassis

taſſis etiam Gentilibus in uſu fuit alius onomamantiæ modus; quando ex ipſa nominis ſignificatione omen accipiebant, vel aliquid futurum diuinabant. Erſi enim expertes ſint culpæ, qui ſedula diligentia, quædam per Angelos, vel homines Sanctos prophetico ſpiritu impoſita nomina, cum eorum, quibus impoſita fuere, munere virtutibus, aut exitu vite componunt, & oſtendunt illa cum rebus conuenire; ad hoc enim nobis præit Angelus Matth. 1. Lucæ 1. & ipſemet Chriſtus Simoni nomē Cephas imponens. Nihilominus à ſuperſtitio- nis culpa non ſunt immunes, qui ex nominibus ſic parentum arbitratu impoſitis, fortunæ hominum & cœtus futuro exiſtunt dependere, indeque quid futurum ſit ratiocinantur: pro vt rectè docet Ioannes Brodeus lib. 7. *Miſcellan. cap. 5.* Vide Merſennium in Genef. cap. 3. verſ. 22.

Decimus eſt ἀριθμαντία, quæ fuit duplex, vna Græcorum valorem litterarum conſiderantium, & futurum victorem augurantium, cuius nomen maiores numeros contineret. Altera Chal- dæorum, qui alphabetum diſtribuunt in tres decades, quibuſdam litteris repetitis, & nomina petentium reſoluta com- mutant in numeros, & ſingulos nume- ros ſuis planetis attribuunt. Hac refe- renda illicita recentiorum Iudæorum. Kabala, de qua cum lib. 4. ſeſt. 7. ſimus aſturi, non eſt quod in illa explicanda, diutius hic immoremur; interim cōſuli poteſt Segnius lib. *de vero ſtudio Chri- ſtiano*; & melius Circuclius opere hiſpa- nico *in parad. quaſtionibus quaſt. ultima de Kabala Iudæorum*. Huic autem diui- nationis modo confirmando, nihil facit, quod B. Ioannes in Apocalypſi cap. 13. nomen Antichriſti per 666. numerum ſignificauit; tantum enim numerorum inuolucris arithmeticis prophetiam cō- textit: quod & nobis liceret Spiritu San- cto id inſpirante. Iſtis autem numeris vim aliquam diuinam, vel naturalem, proprietatem tribuere, ertoneum eſt.

Vndecimus, quem etiam Pythagoræ *Biblioth. Theol. Tom. IV.*

tribuit Plinius, eſt conſiderare in nomi- nibus proprijs vocalium numerum; pa- rem eſſe proſperum; imparem verò, or- bitatis claudicationisue indicium. Cir- cumfertur de his & ſimilibus nugis liber Alchindrinæ, quem fingunt fuiſſe Ari- ſtotelis diſcipulum, ſuperſtitioſus planè, & flammiſ digniſſimus. Ad hunc eum- dem, vel etiam præcedentem modum referenda eſt communis illa circularis figura, in cuius media inter ſemilunas area, varij numeri Arithmetici ponun- tur; tum in proximo circulo inſcribun- tur verba, *Vita, bona fortuna, mala for- tuna, mors, morbus, ſanitas*: in ſequenti nomina planetarum cum certis nume- ris; in tertio Alphabetum latinis litteris capitalibus; in quarto denique certi rur- ſus Arithmetici numeri; pro vt illam, deſcribit Georgius Piſtorius in Epito- me de Magia. *Duodecimus* tandem & vltimus modus poni poteſt ex Ioanne Leone diligenti terum Aſtronarū ſcri- ptoræ lib. 8. Hiſt. *ἀριθμαντία* quædam ſortitaria. In capſula abaculi forma cō- ſtructa, quædam aluntur auiculæ; ad has veniunt, qui conſilium quærunt, & obol- um offerunt: auicula ſtipem accipit, inque capſulam inſert roſtros deinde re- greditur & reſponſum in chartula reſert conſultori. Tantum de ſuperſtitioſis ſor- tibus, partim diuinatorijs, partim con- ſultorijs, quale autem peccatum ſit illis vti, cum ſit extra præſens noſtrum in- ſtitutum, conſuli poſſunt Theologi 22. ad quæſt. 95. D. Thomæ, ubi de illis agit.

De coniectione, & primum de Phyſica, ſine naturali, cuiusque ſpeciebus.

INter prænotionem proſus licitam, ſeu diuinam, qualis eſt prophetica, & proſus illicitam, qualis eſt ope dæ- monum intenta occultarum diuinatio; medium veluti tenet illa, quæ aliquandò licita, aliquandò illicita eſſe poteſt, quæ ad aliarum diſtinctionē vocamus *coniectionem*. Hæc vel eſt phyſica, ſeu nat- uralis; vel politica, ſeu ciuilis, quæ for- tis nomen retinet. De prima nunc agi-

mus ad intelligentiam plurium S. Scripturæ locorum pernecessaria; & ad illam reducimus, quæcumque signis & causis naturalibus innuntur, vel saltem ea non improbabiler omnino prætexunt; cuiusmodi sunt Agricolarum, Pastorum, Nautarum, Architectorum, Medicorum, Physiognomorum, Chiromatarum, Astrologorum, & Oniropolarum coniectationes, de quibus omnibus breuiter agemus, per ordinem ad signa & causas quibus fiunt.

Primum ergo occurrit coniectatio, siue iudiciaria ex astris Mathesis; cuius duæ sunt species, prior omnino licita, posterior aliquando licita, aliquando illicita. Prima species est *Astronomia*, quæ ninitur vniuersalibus, veris & incommutabilibus principijs, & scientiam consequitur futurorum artis suæ; veluti reuolutionis annorum, cursus syderum, distinctionis eorum, item naturæ Solis & planetarum, eclipsium, stationum, retrogradationum, aspectuum, conjunctionum, oppositionum, & similibus de quibus infra; vnde de hac intelligitur illud Genes. cap. 1. de luminariis cæli: *Et sunt in signa, & tempora, & dies & annos.* Signa, videlicet, quibus ordo ac diuisio temporum notaretur, hoc est, vnde meridies, ac diei noctisque horæ signarentur, item veris, æstatis, autumnus, & hiemis diuersitas.

Akera species est *Astrologia* ad vitam humanæ vsus potissimum accommodata, disquirat enim in ordine ad illam astrorum qualitates, & passionem, quosque euentus in his inferioribus decernant; vnde etiam iuxta quatuor principaliora, quæ ad vitam humanam spectant, diuiditur in quatuor partes principales. Prima est *Astrologia Medicinalis*, ab alijs *Iatromathematica* dicta, omnino licita. Sicut enim humores nostri corporis à cælestibus influxibus, superioribusque causis geniti, ab iisdem suscipiunt alterationem; nullus negare potest, quin eorum vires & motus, quæ maximi sint momenti in curandis corporibus. De quo vide Argolum in lib.

de diebus criticis, & egrorum dauibum.

Vnde non immerito Alexander de Ales 2. parte Summæ, eos vocat *Aromaticos*, non Medicos, qui astrologiæ ignari sunt. Secunda pars continet *Astrologicas* obseruationes circa *Agriculturam*, rei quæ rusticæ œconomiam; quæ etiam est licita; quia vti rebus ad eos effectus, ad quos causandos naturalem habet facultatem, vel quouis modo naturaliter conducere possunt, licitum est; certum est autem apud omnes cælorum influxus plurimum valere in multis ad agriculturam, rei quæ rusticæ œconomiam pertinentibus; tunc ergo eos obseruare non est illicitum. Sic in cædendis arboribus, vel lignis potest obseruari lunæ decrementum, ne ligna cæsa in nouilunio, carie inficiantur. Vnde Columella lib. 14. *Omnis materia in edificia, succidi debet luna decrecente, à vigesima vsque in trigessimam, quia sic cæsa, indicatur carie non infestari.* Item Agricola licitè obseruat quosdam dies, propter influentiam syderum, & positionem, aptos, aut ineptos, his, vel illis effectibus: V.g. ad ferendū attenditur quod Sol in Scorpione, vel in principio Sagittarij: ad seminandas fabas in Tauro: ad ferendum hordeum, quod sit in Libra, vel in principio Scorpionis. Idem dicito de pastoribus ad miscendas mares feminis, ad tondenda vellera, ad greges pascendos & similia. Notandum est tamen, hæc nimis attendere, si non superstitiosum, saltem noxium esse posse, iuxta illud Ecclesiast. 5. *Qui obseruat ventum non seminat.* Tertia pars etiam licita complectitur *Astrologiæ* præcepta de navigatione: obseruationes enim extant quam plurimæ ab antiquis experimento comprobatae, in quibus lunæ constitutio, cæterorumque planetarum aspectus veniunt considerandi, antequam irer sumatur per aquas.

Quarta tandem & vltima pars est illa, quæ per *antonomasiam* prognostica, iudiciariaque vocatur; non solum enim iudicat de rebus insignioribus, quæ sub orbe Lunæ eueniunt, puta de legum mutatione, aut fundatione, de euerfio-

ne,

ne, aut stabilimento regnorum, de bel-
lorum successibus alijsque huiusmodi ;
sed insuper inspecto cuiuslibet hominis
in particulari horoscopo, id est, hora na-
tuitatis, & ea collocata ad syderum, &
ceterorum corporum cęlestium positi-
ram, & faciem, iudicat de complexione
nascentis, de statu, fama, honoribus, di-
gnitatibus, officijs, diuitijs, paupertate,
nuptijs, sobole, inimicitijs, direptioni-
bus, furtis, morbis, morte ac denique
de omnibus eius fortunjs & infortunijs.
Et hæc Astrologiæ pars, partim est lici-
ta, partim illicita ; si enim ex nataliti-
æ constellatione prædicat tantum natorum
propensiones, vel inclinationes v. g. ad
litterarum studia, ad tales virtutes, ta-
liaque vitia ; si, inquam, talis prædictio
intra hos limites contineatur, non est il-
licita & vana, sed ad vnam Philosophiæ
& Astronomiæ naturalis partem redu-
cenda. Ratio est quia præfatæ propen-
siones, præcipue ab astris, & stellarum
sitis, vt à causa proficiuntur, vt multis
in locis docet D. Thomas 2. quęst. 95.
artic. 5. ad 2. 1. p. quęst. 115. art. 4. ad 3.
sed coniecturę, siue cognitionem sume-
re effectuum ex suis causis, ad veram
scientiam pertinet, nec in se aliquid ab-
surdum continet, cum hoc beneficium à
Deo collatum sit hominibus, vt ex cau-
sis procedant ad cognitionem suorum
effectuum ; ergo non potest esse illicitum.
Quin imo ex eodem D. Thoma
locis citatis, effectuum actualium, ma-
ximè mere contingentium, quales sunt
casuales & fortuiti, & actus humani,
leuem quamdam coniecturę potest de-
sumere Astrologus ex syderum positi-
one & situ : nam vt statim diximus, ex
astrorum, ac syderum positione diuersa,
diuersę dimanant propensiones & in-
clinationes in hæc inferiora, etiam in
homines : hic ad Venerę inclinatur, il-
le ad rixas &c. Sed quę est hominum
procliuus ad malum, scilicet omnes sequun-
tur suas inclinationes, & passionēs : ergo
Astrologus, qui eas inclinationes semel
agnosuerit, ex cęlorum ac syderum posi-
tura, poterit aliquoties coniectare de

futuris euentibus actualibus etiam vo-
luntarijs hominum, qui occasionaliter
ad eas inclinationes, tam malas, quàm
bonas consequuntur. Quo sensu debet
intelligi locus D. Thomę 2. de Genera-
tione : Qui sciret virtutes cęlorum, stel-
larumque in eis positarum, dum res ali-
qua nascitur, posset iudicare de tota vita
rei generatę, licet hoc necessitatem non
ponat & possit impediri per accidens.
Verum quia raro aut leui coniecturę,
desumpta ex experientia, orta etiam ex
coniectura, & multis obuoluta errori-
bus, cognoscuntur eiusmodi virtutes ;
ideo etiam cognitio ab ea desumpta pe-
rexigua est, & vix nomen coniecturę
meretur, vt benè considerauit Caictā-
nus 22. quęst. 95. artic. 5.

Quod ergo in Astrologia Iudiciaria
est omnino vanum, & illicitum, est vel-
le ex syderum obseruationibus certò præ-
dicere priusquam eueniant, nou solum
naturaliter, & necessario euentura, sed
etiam ea quę à casu & fortuito, vt quod
à lapide cadente interficietur homo, vel
animali aliquo terram effodiente mani-
festabitur Thesaurus, imò & quę ex hu-
mana libertate totaliter dependent. Hoc
enim multis in locis sacre Scripturę ap-
pertè damnatur. Isaia 47. Ad populum
Hebręum qui Astrologos Iudicarios con-
sulebat, Deus comminatur dicens : *De-
feciisti in multitudine consiliorum tuorum,
steti, & saluent te angures cali (Septuag.
Astrologi cali) qui contemplabantur syde-
ra & supputabant menses ut ex eis annũ-
tiarent ventura tibi : ecce facti sunt quasi
stipula &c.* Et cap. 44. *Ego sum Dominus
irrita faciens signa dminorum, & ariolos
in furorem vertens : conuertens sapientes
retrosum, & scientiam eorum stultiam fa-
ciens.* Et Hierem. 10. *Intra vias gen-
tium nolite discere, & à signis cali nolite
metuere, quia timent gentes : quia leges po-
pulorum vana sunt ; quę loca sufficit ad
præsens institutum nostrum insinuasse ;
horum enim prolixior tractatio videri
potest, apud Ioannem Picum Mirandu-
lanum in opusculo erudito, & prolixo,
quod de hac materia scripsit, & in duo-
decim*

decim libros diuisit, Benedictum Pererium in *opusculo de Magia lib.3.* Michaellem Medina *lib.2. de rella in Deum fide cap.2.* Iulium Cæsarem Bulingerū in opusculis de hac re; Raphaellem de la Torre & alios plures ad 22. D.Thomæ q.95.

Quod autem obijciunt aliqui, Astrologorum prædictiones sæpe esse eisdem futuris euentibus consentaneas, ita vt magna ex parte sic contingant, sicut ab eis prænantiantur. Respondetur primò hoc esse falsum; pro vno enim vero dicto possent mille mendacia notari, vt experientia docet; vnde si quid aliquando veri prædicunt, id temere, vel casu faciunt; *Quis enim*, ait Cicero *lib.2. de diuinatione, tota die iaculatur, qui non aliquando collimet.* Itaque quia ex multis prænantiationibus, difficile est, quin vnum aut alterum casu eueniat; cum Astrologi multa nimis quotidie prædicant, plura coincidere possunt cum his quæ ex alijs causis eueniunt, licet casu respectu prænantiationum eorum. Quia autem notant homines ob curiositatem, quod semel verum per accidens enuntiarunt, non verò quoties fallaces fuerint eorum prædictiones, ideo apud illos dicuntur veritatem euentuum futurorum certò præuidere; quo tamen nihil stultius absurdiusque dici potest. Secundò gratis admissio, Astrologos ferè semper vera prædicere, & in vno aut altero tantum deficere, dicendum est, nequaquam id accidere propter artē astrologicam ex inspectione syderum, sed alijs de causis. Prima ex occulta diuinæ providentiæ dispensatione, vt ait D. August. in 4. & 7. *lib. Confession.* Secunda ex pacto & societate inita ab Astrologo cum Dæmone, vt docet idem D. August. *lib.5. de ciuitate Dei cap.7.* & libro de Genesi ad litteram cap.17. Tertia ex sola providentia moralis prudentiæ: sūt etenim homines quidam, tam exercitatione sagaces, vt ex hominum temperantis, inclinationibus, virtutibus, ac vitijs, tum facultatibus, negotijs, studijs & occasionibus, multa eis ventura prænantient. Quarta denique causa prædi-

cendi vera, est credulitas stulta, qua interrogantes consultoribus suis facilè de his credunt, quæ ipsi vel maximè prosequuntur, vel fugiunt. Solet enim ea credulitas immittere credulis consulentium animis spem felicitatis à diuinatore promissæ, aut metum calamitatis ab eo prænantiatæ. Hi autem duo affectus potentissimi, sæpè efficiunt, aut certè multum profunt, vt humana negotia, opertos fines consequantur. Etenim, vehemens quædam spes, ardentique desiderium incitant homines, vt ad bona sibi promissa comparanda diligentissimè accingantur, & omnibus suis viribus cõtendant, quo sit vt ea sæpè comparent. E contrario verò, metus, ac pavor prædictorum malorum sæpè faciunt homines inconstanter, ac timide negotia aggredi, ac negligenter prosequi, & quocumque occurrente impedimento, turpiter & infelicitè deferere, eaque ratione in prænantiatæ illis mala incidere: quorum plura exempla videri possunt apud citatos authores; præter illa quæ quotidiana suggerit experientia.

Secunda veluti species coniectationis Physicæ, seu naturalis aliquando licita, aliquando illicita, est diuinatio, quæ sit per somnia; si quis enim illis vtatur ad præcognoscenda futura, secundum quod somnia procedunt ex reuelatione diuina, quorum in diuinis Scripturis plura habemus exempla, vel ex causa naturali intrinseca, vel extrinseca, quantum potest talis virtus se extendere, tunc non erit illicita aut superstitiosa diuinatio; secus autem si causetur ex reuelatione dæmonum, cum quibus pacta habentur expressa, quia ad hoc inuocantur; vel tacita, quia huiusmodi diuinatio extenditur ad quod se non potest extendere. Quorum maior explicatio videri potest apud Raphaellem de la Torre 22. q.95. art. 6. vbi eruditè hanc materiã pertractat multis disputationibus, ostenditque artem interpretandi somnia de qua antiqui quidam & ex recentioribus plures gloriantur, esse futilem, & hominum otiosorum.

Tertia

Tertia ſpecies, eſt diuination, ſive coniectiono Phyſionomica, quæ communiter accepta extenditur ad omnem coniectionem ſumptam ex conſideratione conſtitutionis, & diſpoſitionis omnium partium humanarum, puta capitis, peſtoris, dorſi, &c. ſed potiffimè ſumitur ex cõſideratione faciei: eo quod ſenſuum organis conſtat, & mentem valde prodi: deinde ex manuum conſideratione, poſt faciei contemplationẽ, eo quod manus humana eſt organũ organorum, vt cum Ariſtotele, & Galeno teſtatur omnis Philoſophorum ſchola. Vnde ſub hac ratione communi diuidere poſſumus coniectionem Phyſionomicam, in *Spatulemantiam*, quæ conſiderat ſigna, & lineas repertas in armo animalium: ad quam reducitur omnis conſideratio ſignorum in quocumque mēbro corporis, excepta facie & manu: Et in *Chiromantiam*, quæ conſiderat conſtitutionem, & lineas manuum: & in *Phyſionomiam* ſpecialiter acceptam, quæ conſiderat faciem, & hæc pars, quia nobilior retinuit ſibi nomen commune: quamuis alij vocent illam *Meſoſcopiam*. Loquendo ergo primum de illa; certum eſt eſſe licitam, ſi in prædicendis corporis, ſeu animæ ſenſitiue affectionibus & propenſionibus, intra limites naturales contineatur, & fundamentis dumtaxat naturalibus vtatur; licet enim perfectã certitudinem non habeat; probabilitate tamen aliqua non caret; & ideo ea vti cum formidine aliqua veritatis non eſt illicitum. Explicatur dictum adducendo fundamenta, quibus nituntur Phyſionomi, non ſuperſtitioſi, ſed principiis naturalibus, aut moralibus in hærentes. Primum fundamentum docetur à quadã cum ceteris animantibus ſimilitudine. V.g. qui paruis ſunt oculis inuidiæ paſſione affici cenſentur; quia ſimilæ inuidæ ſunt: qui magni, ſtupidi, ſicut boues & aſini. Huius fundamenti ratio eſt; quia natura dedit instrumenta cuique animalium apta, & proportionata ad exequendas ſuas propenſiones, & inclinationes: ferocibus vt Leoni, apro, tau-

ro, ungues, dentes, cornua timidis, vt lepori & ceruo mēbra celeri fugæ adaptata; & ſic de alijs. Vnde quali ex ſigno, & à poſteriori colligimus animalium propenſiones, ex ipsis corporeis instrumentis, quibus à natura ornantur: & præcipuè hæc ſigna, & instrumenta in facie elucet, vbi ſunt omnia ſenſuum organa. Quod ſi his adiungatur, in animantibus brutis hæc propenſiones magis elucere ac vigere, quam in hominibus: quia illa ſuas propenſiones ſine frãno ſequuntur, hi verò ſæpè occultat illis reſiſtentes: colligitur probabiliter ex ſimilitudine & analogia instrumentorum & ſignorum, quæ reperiuntur in animalibus brutis, idem iudicium proferendum eſſe de hominibus, quod de brutorum propenſionibus.

Secundum fundamentum deſumitur à moribus gentium, atque Prouinciarum, quæ cum diſcriminentur corporis habitu, & temperatura, vt plurimũ diſcrepare etiam ingenijs ac moribus experientia conſtat: v.g. Phyſionomi dicunt nimis fulcos, ſtupidos ac pertinaces eſſe, quia Aethiopes tales ſunt. Tertium fundamentum ſumitur à ſexu: V.g. quia mulieres, vt plurimum candidæ ſunt, & molli cute, eodemque ſunt timidæ, atque inconstantes: idcirco coniecturare licet de viris candido vultu, ac molli cute, timidos eſſe ac leues. Quartum fundamentum deſumitur facta argumentatione ab immutatione membrorum maxime faciei, ad animæ ſenſitiuæ paſſiones ſeu propenſiones; verbi gratia à totuo aſpectu iudicamus animũ crudelem, fixo & immoto iracundum, &c. Hæc ſunt fundamenta quibus ſecretior hæc Philoſophiæ pars ſuas depromit coniectiones, non per certitudinem, ſed per quamdam probabilitatẽ maiorem aut minorem, qualis in eiſdẽ fundamentis, & illatione ex ipsis reperitur. Cui feliciter comparandæ inferuire poſſũt ex Antiquis Ariſtoteles, Galenus, Hippocrates; ex modernis à Michael Medina lib.2. Pareneſ. Chriſtianæ cap.2. laudatur quidam Petrus Motius lib.

lib. de multiplici temperamento, & cognoscendis hominibus; quibus addo opus correctum Ioannis Baptistæ Portæ de *Physionomia*, & Vliſſem Aldrouandum in egregio quod pluribus tomis conscripſit opere de animalibus; vbi de primo à nobis superius iacto *physionomię* fûdamento egregiè discurrit.

Ad hunc sensum debent intelligi, & expendi multa Sacræ Scripturæ loca, in quibus de *Physionomia* agitur Ecclesiasti. 19. *Ex visu cognoscitur vir, & ex cursu faciei cognoscitur sensatus.* 1. Paralip. cap. 12. habetur modus *physiognomisandi* ex similitudine & conformatione membrorum animalium; *Viri Gaddi, viri robustissimi, facies eorum quasi facies leonis.* In epistol. ad Galat. cap. 3. modus *physiognomisandi* à certis moribus regionum, *o insensati Galatæ.* Genes. 2. modus *physiognomisandi* ex repræsentatione sexûum, vel masculini sexus; *vocabitur uirago, quia de viro sumpta est.* & sic de alijs pluribus locis Sacræ Scripturæ, quorum centum & quinque expendit iuxta principia *physionomica*, Paulus Vecchi in *opusculo observationum omnigena eruditionis in diuinam Scripturam lib. 1.*

At si loquamur de illis rebus, quæ pendent ex libero arbitrio, aut casuales, vel fortuitæ sunt. Cuiusmodi sunt omnes actus humani liberi, aut permixti actibus humanis: V. g. ira actualis, accessus ad feminas &c. Dona Dei gratuita, quæ Deus distribuit singulis prout vult; externa hominis bona, vel mala, vt opes, honores, nuptiæ, officia, vitæ status, mors violenta & similia; si loquamur inquam de his rebus; etſi ex vultu & partibus eius, atque ex alijs membrorum humanorû dispositionibus possit exilis aliqua & exigua sumi illorum coniectura; quatenus suis propensionibus, solent homines sæpe succumbere, nisi ratione cohibeantur; attamen peccatum est mortale ex genere suo, perti-nens ad inuocationem tacitam dæmonum, certa illarum prædictio: si quidē ea signa ad talem diuinationem non se-

valent extendere; & ideo permittente Deo, dæmon se ingerit huiusmodi diuinationibus, vt veros euentus aliundè sibi notos enunciet. Etenim in potestate hominum est suis malis propensionibus resistere duce ratione, & præcipuè si diuina adiuuentur gratia. Vnde egregiè Socrates Zopiro *Physionomo* diuinanti ex lineamenti faciei, cum esse bardum, stupidum, & mulierosum, respondit; ita futurus essem, nisi me Philosophia liberasset, vt refert Cicero *lib. de fato*, & Alexaud. Aphrod. *lib. 4. de fato*. Notandum est tamen velle diuinare ex vultu aut alijs membris propensiones hominum per certitudinem, aut actus alios qui non pendent ex libero arbitrio, peccatum quidem esse iudiciij vani, & temerarij, sed dumtaxat veniale.

Verum, quia multi Iurisperiti post Baldum in l. 2. n. 5. c. *quorum appellatio non recipitur*, asserunt ex mala *physionomia* sumi posse contra reos indicium; & quod quando plures de aliquo crimine accusati capiuntur, primum torqueri debet ille, qui facie est deformior; inquit hic aliquis an re vera licitum sit vti hac diuinatione *physionomica* sumpta ex dispositione vultus in actibus forensibus? Huic quæſito respondent cõmuniter Theologi, in actibus arbitrarijs, quos quis habet in sua potestate, licitum esse quidem hunc alteri præferre, quia hic deformior, ille verò vultu venerabilior; perniciosum verò esse, & peccatum mortale iniustitię attendere ad præſagia ex *Physionomia* in obseruatione legum iustitiæ vindictiæ & distributiæ, V. g. beneficia communia, officia & dignitates distribuere, pulchriori illa dando, & deformiori faciei negando; similiter velle deprehendere reum, vel punire ex iudicio deformitatis, aut alio simili. Sed quid si indicia violenta de homicidio contra duos clamarent? esset ne licitum prius subijcere torturę deformiorem? respondetur licere: non quia deformior, ne iudex admisceat vanitatē suis actibus, sed quia in eius potestate est, hunc vel illum prius torquere. Vnde


ad

ad Iurisperitos citatos, dicendum est decipi in hac re, sicut in multis alijs erga reos, auiditate eos iudicandi, & sibi nomen prudentiæ aucupandi, vt prudenter notauit Raphael de la Torre 22. qu. 95. artic. 7. disput. 3.

Quod pertinet ad Chiromantiam, id est, diuinationem sumptam ex manuum humanarum dispositionibus, puta lineis, & similibus; vt est duplex; vna, quæ de propensionibus, & affectibus conijcit, altera, quæ de omnibus euentibus, & vita hominum. Prior licita est, eatenusque ars vera, quatenus lineæ manus, siue aliz dispositiones eiusdem originem ducunt ab eadem temperie corporali, à qua ipsæ propensiones naturales; vnde huic principio innixi quidam Chiromantici religiosi & sapientes docent; manum magnam, multis lineis descriptam, neque omnino glabram, neque pilosam, & longos digitos ad naturalem proportionem inæquales, qui faciliè & adducantur, sapientiam indicare, & bonam indolem: maximè enim humana est talis manus. Curtam verò, rotundam, breuius digitis & æqualibus, glabram nimis, aut valdè pilosam, aut vngues habentes curuos & longos, & multis aut paucissimis lineis distinctam, has omnes beluinas esse, & ad aliqua brutorum genera referendas: Quare pilosa manus, qualis in Scriptura dicitur fuisse Esau, significat hominem agrestè & ferum instar vrsi. Vngues curui, rapacem more accipitris. Rotunda ac brevis sine lineis, stupidum: qualia quadrupedum plurima. Hæ & similes coniectationes desumuntur ex primo fundamento pro diuinatione Phsyionomica naturali superius allato. Item à secundo & tertio conijci potest, eos qui contrarias semper gerunt manus, timidos & auaros esse: contra qui extentas, auda-

ces & liberales: qui pendentes aut demissas, auaritiam superaliam, desides & ignaros: qui elatas, aut mobiles sollicitos, & negotiosos: qui ad faciem, aut os adducunt cogitandos. Notandum est tamen non tam certam, aut probabilem coniecturam dari posse ex manuum, sicut ex vultus dispositionibus; eo quod animæ sensitiuæ passiones magis luceant in vultu; nec non & temperies ac complexio vnde nascuntur, quam in lineis manuum. Ad hanc Chiromantiæ partem referri potest, quod legitur Exodi 13. *Et erit quasi signum in manu tua.* Et Iob 37 *Qui, Deus, in manu omnium hominum signat, vt norint singuli opera eius;* si semel eiusmodi loca de diuinatione Chiromantica debeant intelligi; plures enim aliz possent adduci explanationes; de quibus vide sacros interpretes.

At posterior pars Chiromantiæ, quæ conatur ex figura, lineis, & huiusmodi quæ ad manus pertinent; de omnibus cuiusque hominis euentibus, certò conijcere quid futurum sit, vana omnino & supersticiosa est; vt satis patet ex fundamentis risu potius, quàm refutatione dignis, quibus ars ista innititur. Diuidit enim primò palmam manus in certos monticulos, seu colliculos, deinde arcolas, & lineas, suos singulis planetas, & astra præficiens, & horum vulgo creditos effectus attribuens. Pollicis tuber à Venere regitur, mons indicis à Ioue, colliculus medij à Saturno: annularis mons à Sole; & auricularis à Mercurio: Pars verò præuerberaus, quæ est in inferiore manus parte, percussione dicta, Lunæ subijcitur; denique Triangulus manus à linea vitæ seu cordis, linea hepatis, atque capitis productus Marti dicitur; vt vnusquisque per se videre potest in sequenti schemate.



In quo linea cordis, seu vitæ notatur per littam *a*; linea cerebri, vel capitis per *b*: linea hepatis est *d*: linea Martialis, siue Martis, & foror vitæ, est *e*: Triangulus Martis ita notatur ∇ : mensa fei thoræ, aut etiam quadrangulus, *f*. Mons Lunæ seu manus percussio ☾ : Mons Iouis ♃ : Mons Saturni *b*: Mons Solis ☉ : Mons Mercurij ☿ : Mons Veneris aut secundum alios Martis ♀ . Lineam vitæ in 100. partes diuidunt Chiroscopi *e*. ratione, qua in sinistra manu factum esse vides, vt ex varijs notis, punctis, coloribus, sectionibus, & figuris, in illa linea & singulis illius partibus deprehensis, de morbis, cum præteritis, tum futuris dijudicent. Prima verò decade pueri ætatem vsque ad decennium; secunda, tertia, quarta & reliquis decadibus sequentes annos ætatis significant, aded vt si character Chiroscopicus quartanæ vel epicitæ febris, aut alterius morbi circa primam decadem exister, homini 15. annorum respondeant morbum illum præteritum; si verò character ad tertiam, aut quartam decadem ver-

gat futurum esse dicant : viderint Medici anatomici, num signorum illorum, & characterum aliqua causa naturalis assignari possit. Superstitiosę huic & vana Chiroamatę parti incubere aliquot antiqui : & ex recentioribus Ioannes de Indagine Lutheranus (non quidam Carthusianus eiusdem nominis) Ioannes Tataliferus Athenis, Antonius Cermifonus, Bartholomęus Cocles, Michael Saunarola, Petrus de Arca, Marcellus Saza, Andręas Tricafius, Michael Scotus, Rodulphus Gocleuius filius, Ioannes Rothmannus, Robertus Flud, & alij, quorum libri vt potę superstitionibus pleni, prohibitz sunt lectionis ; contra quos breuiter, sed neruose agit Merfennius in Genes. cap. 3. versicul. 1. His etiam annumerari debent Gelotoscopia Prosperi Aldonisij, & eiusdem Ideographia ; Epistolaris diuinatio Camilli Baldi, & libri Melampi, Ioannis Baptistę Portę, ac Ludouici de Nęuis, aliorumque de maculis vnguif, & onychomania ; quandoquidem isthac omnia ad ludicras potius, quam vtrę coniectura-

Sectio VII. Caput XIII. 299

Auratrices scientias referenda sint, & ipsæ vel solo nomine tales dici debeant, vt præter vigilantium somnia, nihil quicquam continere possint.

Quia autem inter signa etiam crisis Physiognomica reponuntur gestuum, atque actionum significationes, de his multa habent, & egregia omnino Nicolaus Causinus in Parallelis eloquentiæ; & Cardanus in libris de sapientia, & de utilitate capienda ex aduersis. Sed artem integram feliciter absoluit auctor quidam Italus in curioso volumine in quarto, cui appellationem ipse fecit, ex operis subiecto, atque materia desumptam, Arte de'Cenni. Sciendum tamen id ab illis ingenij potius in re quadam ludicra, ostendendi, quam utilitatis gratia, aut quasi certa inde coniectatio fieri posset, fuisse excogitarum.

De Coniectatione politica, siue de Sortibus.

Coniectatio, seu fors politica dicitur, quæ iure ac legibus probis fuit aliquando recepta, vt fors diuisoria, sortium contractus, canonica purgatio; de quibus singulis breuiter agendum, ad intelligentiam eorum, quæ in sacra Scriptura de sortibus leguntur. Nam in veteri lege, Deus inter alias cæremonias, hanc quoque instituerat, qua in sortitione vterentur, eamque sorti præmitterent, quæ, etsi qualis fuerit, non satis constet, videtur tamen fuisse quædam mentis ad Deum eleuatio cum oratione ad hoc instituta; vt colligitur ex Levit. cap. 16. v. 7. vbi de forti emissarij sortitione sic legitur. *Duos hircos stare faciet coram Domino in ostio tabernaculi testimonij: missusque super utrumque sortem, unam Domino, & alteram capro emissario; cuius exierit fors domino offeret illum pro peccato; cuius autem in caprum emissarium, statuet eum vinum coram domino, vt fundat preces super eum, & emitat eum in solitudinem.* Et S. Lucas de sortitione Apostolatus Act. 2. scribens, postquam narravit duos ab Apostolis

coram Deo statutos fuisse Mathiam & Barnabam, ait: *Es omnes orantes dixerunt, tu Domine qui corda nostri omnium, ostende quem elegeris ex his duobus unum, accipere locum ministerij huius, & Apostolatus de quo prauaricatus est Iudas, vt abiret in locum suum.* Et dederunt sortes eis, & cecidit fors super Mathiam. Primum igitur statuebantur sortituri coram Deo, oratio fundebatur, tertio sortes singulis dabantur, & miscebantur in sinu, vna, vel alio vase; cuius fors exhibat, super eum cadere dicebatur; certè missas aliquando fuisse sortes in sinum patet ex proverb. cap. 16. *Sortes mittuntur in sinum, sed à Domino temperantur;* interdum in calicem, quem sinu continebant, ex Psal. 15. *Dominus pars hereditatis meæ & calicis mei;* vbi secundum nonnullos calix significat sortem; ad plenam quorum intelligentiam non parum conducet legere, quæ de Gentilium sortitione cæteris plura, meliorique methodo scripserunt Iulius Hornanus lib. 2. *animaduers.* cap. 5. Iulius Cæsar Bulergerus in *opuse. de sortibus*, Ioannes Arboreus lib. 17. *Theosophia* cap. 13. & in *comment.* cap. 1. *Proverbior.*

Igitur quod spectat ad diuisoriam sortem, cum hoc totum negotium cæremoniale fuerit, meritò legis veteris cæremoniarum abrogatione, etiam hæc sortitionis cæremonia cessauit, iureque Canonico prohibitum fuit l. Can. 47. *C. de Episcopis*, sortiri Episcopum, vel aliã quamuis dignitatem, aut beneficium, Ecclesiasticum, Apostolorum exemplo; vt enim Venerabilis Beda in cap. 1. act. Apost. rectè obseruauit, Apostoli antè Spiritum Sanctum acceptum, in electione B. Mathiæ adhuc legali cæremonia, vsi fuere, post Spiritum verò Sanctum acceptum, non amplius sortem adhibuerunt, sed sola vsi sunt oratione ad Deum, & ieiunio adiuncto; sic enim leguntur elegisse septē Diaconos, & Presbyteros act. cap. 6. & 14. Quia tamen adhuc in cæteris dignitatibus, & officiis, actionibus & pænis rebusque alijs, diuisoria fors, qua quæritur quid cuique

tribuendum, prohibita non est, vt patet ex Can. primo 26. quæst. 2. qui canon de hac tantum diuiforia forte debet intelligi; vt in illa nullum intercedat peccatum, quatuor conditiones seruandas docet D. Thomas 2. 2. quæst. 95. artic. 8. *Primo* debet euentus à Deo expectari, & non à casu, vel fortuna, vel astris, quare & Deus inuocandus iuxta illud Scripturæ Psalmo 30. *in manu tua sortes meę.* Ita vt si quis cerò euentum expectaret ab astris, vel fato sumpto, vt sumunt Stoici & Astrologi, mortaliter peccaret; si à casu vel fortuna, fortunam non vt Gentiles, nam tunc esset etiam peccatū mortale idololatricum, sed vt Christiani sumunt Philosophi, accipiendo, in re graui foret veniale; in re leui, vix esset peccatum. *Secundo* debet adhiberi simplex fors, sine vlla superstitione, vel abusu rerum sacrarum, aut Scripturæ sacræ. *Tertio* necesse est, vt illi qui fortiuntur, æquali iure nantur: alias enim esset iniusta sortitio: & quidem grauior, si de bono publico, reque graui ageretur, v.g. si de officijs publicis digni & indigni sortes mitterent. Sors enim posset indigno fauere, cum damno reipublicæ, & iniuria dignorum. *Quarto* vt principalis intentio mittentium sortes nō sit inquirere voluntatem Dei modo extraordinario (quia talis modus est omnino incertus) sed vt auferantur lites, discordiæ, querulæ, inuidiæ pro vt nos docuit Salomon Prouerb. cap. 18. v. 18. *Contradictiones*, inquit, *comprimis fors, & inter potentes quoque diiudicas.* quare si aliter concordia posset iniri, res forti non esset committenda; sin aliter nequit discordia sopiri, bonum pacis sortem permittit seruatis prædictis conditionibus.

Secundò ad sortem politicam, spectat cōtractus Sortis, siue Lotheriæ qui est in vsu frequenti Europæ, verum cum nullum habeamus Scripturæ locum, qui illius expresse mentionem faciat, remitto lectorem ad ea, quæ Theologi Morales de iustitia & iniustitia huius contractus scripsere, Briardus *Quodlib.* 5. Conradus de *Contractibus tract.* 3. qu. 71.

Franciscus Garfias de *contract.* cap. 20. Lopes cap. 23. Alcocer de *Ludo* cap. 49. Molina 2. par. de *iustis & iur.* disp. 509. & alij plures.

Tertiò ad coniectionem seu sortem politicam reducitur purgatio Canonica, cuius cum expressam legem habeamus numer. cap. 5. v. 14. in poculo zelotypiæ; paulo latius, quid purgatio canonica, quid vulgaris, discutietur; præmissis prius sacri textus verbis. *Locusque est Dominus ad Moysen dicens: loquere ad filios Israel, & dices ad eos. Vir, cuius uxor errauerit, maritumque contemns dormierit cum altero viro, & hoc maritus deprehendere non quierit, sed latet adulterium, & testibus argui non potest, quia non est inuenta in stupro. Si spiritus zelotypiæ concitauerit virum contra uxorem suam, quæ vel polluta est, vel falsa suspitione appetitur, adducet eam ad Sacerdotem, & offeret oblationem pro illa decimam partem fari farinæ hordeaceæ: non fundet super eam oleum, nec imponet ihus: quia sacrificium zelotypiæ est, & oblatio inuestigans adulterium. Offeret igitur eam Sacerdos, & statuet coram domino; assumetque aquam sanctam in vase fictili, & pauxillum terra de pavimento tabernaculi mittet in eam. Cumque steterit mulier in conspectu Domini, discooperiet caput eius, & ponet super manus illius sacrificium recordationis, & oblationem zelotypiæ: ipse autem tenebit aquas amarissimas, in quibus cum execratione maledicta congescit; adinrabitque eam & dicit: si non dormiuit vir alienus tecum, & si non polluta es deserto mariti thoro, non te nocebunt aque istę amarissimę, in quas maledicta cōgessit. Sin autem declinasti à viro tuo, atque polluta es, & concubisti cum altero viro, his maledictionibus subiacebis. Det te Dominus in maledictionem exemplumque cunctorum in populo suo: putrescere faciat femur tuum, & tumens vterus tuus disrumptur: ingrediantur aque maledictę in venter tuum, & vtero tumefcente putrescat femur. Et respondebis mulier Amen. Amē. Scribetque Sacerdos in libello ista maledicta, & delebis ea aquis amarissimis, in quas*

quas maledicta congeſſis, & dabis ei bibere. Quas cum exhauſeris, tolles Sacerdos de manu eius ſacrificium zelotypiæ, & eleuabit illud coram Domino, imponeſque illud ſuper altare: ita dumtaxat ut prius pugilum ſacrificij tollas de eo, quod offertur, & incendas ſuper altare: & ſic poſum de mulieri aquas amariffimas. Quas cum biberis, ſi polluta eſt, & contempto viro adulterij reas, pertranſibunt eam aquæ maledictionis, & inſtato ventre compuſceſcet ſemur: erique mulier in maledictionem, & in exemplum omni populo. Quod ſi polluta non fueris, eris innoxia & faciet liberos. Iſta eſt lex Zelotypiæ, ſi declinauerit mulier à viro ſuo, & ſi polluta fueris, maritusque zelotypiæ ſpiritu concitatus adduxerit reas in conſpectu domini, & feceris ei Sacerdos iuxta omnia que ſcripta ſunt: maritus abſque culpa eris, & illa recipiet iniquitatem ſuam.

Itaque pro intelligentia iſtius legis, quatenus eſt quedam purgationis ſpecies, notandum eſt duplicem eſſe purgationem, ſecundum quod ad coniectionem politicam pertinet: vna Canonica, altera Vulgaris. Canonica purgatio dicitur, quæ regulis Eccleſiaſtici iuris conſentanea eſt, qualis fuit in veteri teſtamento lex illa zelotypiæ, ſeu purgatio adulterij: in ſtatu autem noui teſtamenti duplicem aliam reperio, vnam per iuſiurandum, in qua nihil eſt fortis; alteram per venerabilis Eucharistiæ Sacramenti ſumptionem, ab Eccleſiaſtico Iudice competente iniunctam cap. ſi Epiſcopo: cuius etiam aliqua habemus exempla in hiſtoria Eccleſiaſtica Sieberti anno 870. Lamberti Schaffnaburgensis anno 1077. de Henrico Imperatore: Sublatam tamen aliquando fuiſſe hanc purgationis ſpeciem, eo quod ſuſpectis non eſt danda Eucharistiæ, habemus cap. dilecti de purgas. Can. cap. tribus de conſec. diſtinct. 2. Secundò in ſortium Politicarum numero cenſentur mixtæ quædam iudiciariæ diſquiſitiones, quibus fortuito euentui veritas culpæ vel innocentie decidenda permittitur. Vulgares vocantur purgationes, quæ ut nomē

ipſum ſignificat, nullo legitimo uſu, ſed vulgi quadam uſurpatione & obſervatione ſuperſtitioſa fuerunt introductæ, vnde etiam plerique iure canonico fuerunt expreſſe vetitæ: cū ſoleat ijs Deus tentari potius, quàm voluntas eius explorari, vnde & exploratoriæ purgationes latine dicuntur, fueruntque diuerſi illarum modi.

Primus, prouocatio ad diuinum iudicium ob iniuriam acceptam, quam ſi citra odij aut vindictæ cupiditatem, aut aliam vicioſam affectionem, per iniuſticiam oppreſſus quis faciat bono fine, v. g. ut innocentia eius appareat, nec infamia grauetur familia, aut ut liberetur mundus tali tyranno, aut ut reſciſcat, & terrore perculſus poeniteat, deſinaturque ab oppreſſione & concuſſione miſerorum, licitam eſſe plura oſtendunt exempla. Sanctorum hominum in diuinis etiam Scripturis contenta. Sic enim Sara Genef. 16. dixit Abraham, Iudicet Dominus inter me, & te. Sic Danid ad Saulem. 1. Reg. cap. 24. Iudicet Dominus inter me & te, & uſciſcatur me dominus ex te. Et 1. Paralip. cap. 24. Zacharias filius Ioia dæ cum iuſſu Ioas regis interficeretur ſimilia protulit. Videat Dominus & requirat. Nec alia mens ſeptem Machabæorum Martyrum fuit lib. 2. cap. 7. quorum prophetia vim habuit imprecationis & citationis, nam illæ priores dux. Et in nouo teſtamento Apoſt. 2. Timoth. cap. 4. Alexandro ærario impunitam eſſe non debere cenſuit iniuſticiam eius, cum diceret: Reddet illi Dominus ſecundum opera ſua. Denique SS. Martyres Apocal. 6. clamant ad Deum, uſquequo Domine non iudicas, & non vindicas ſanguinem noſtrum de his qui habitant in terra. Secundus modus fuit purgatio monachicæ ſue duelli, qua nulla fuit quondam frequentior, nam quotieſcumque criminis notitia, ſeu probatio obſcura erat, vel actorum prouocabat, vel reus ipſe offerebat ſe, aut ſuo loco alium. Hanc tamen repugnare omni iuri diuino & humano docent optimè Ioannes Baptiſta Suſius lib. de iniuſticia duelli, Petrus Meſſias

Melias 4. part. *variar. lection. cap. 9.* ex omnibus locis quibus prohibemur Deū tentare, & homicidium committere.

Tertius modus fuit purgatio per ignē, quæ triplex fuit, per rogam, per prunas, per ferrum, hoc est vomeres, seu lateres, seu conticulas vel chirothecas candentes. Innocentia probabatur, si illeſus quis abiret; ſecus, nocens habebatur. Quorum omnium plura antiqua exempla reperiuntur apud Deſrium lib. 4. diſquiſit. cap. 4. q. 4. ſect. 3. Quartus per aquam vel calidam, vel frigidam, cuius formulas prædiſſe author refert; videnturque irrepreſſe per malam imitationem poculi zclotypiæ, cuius legem ſupra retulimus ex Scriptura; ſed illæ ſuaſu diaboli introducæ, iſtud vero poculum herbarum amarificantium à Deo fuit inſtitutum; qui ſolus occulta cordis nouit, & indicat; & nequit cum ea indicat mentiri, & ſic ſe indicaturū veritatem promiſit Moyſi; qualis ſponſio, vel pactum diuinum, cum in purgatione per ignem, & aquam aliſque eiufmodi, non habeatur, rectè ſacri canones, illas omnes, tanquā quid prauo more, & præpoſtera imitatione per abuſum introductum ſtriſtiſſimè prohibuerunt: de quo vide Reſchium lib. de probat. aqua frigida; & iam citatum Deſrium. Hæc enim tam de magia in communi, quam de ſingulis eius ſpeciebus ſufficiunt pro inſtituti noſtri ratione, qua ex citatis ſacræ Scripturæ locis oſtendere volui, etiam huius rei notitiam eſſe vtilem ac neceſſariam ad perfectam ſacræ doctrinæ, rerumque in ea, & ab ea traditarum intelligentiam; nunc ad Medicinæ conſiderationem accedamus.

C A P V T X I V.

Quantum referat ad ſacræ doctrinæ ſtudium Medicina.

MEderi, medela, remedium, Medicus, Medicina, ſi nominis etymologia ſpectetur, à medio dicitur. Primò, quia medicamenta ſunt media inter

alimenta, & venena: nec enim nutriunt, vt alimenta, nec delent vt deleteria, ſed purgant & immutant. Secundò, quia, mederi medijs, id eſt, temperatis rebus oportet: extrema enim omnia ſunt naturæ inimica, ideoque remedium adhibetur in certa quantitate, gradu, modo &c. habita ratione loci laborantis, cauſæ, ætatis, temporis, regionis, & virium ægotantis. Tertiò, quia Medicina eſt adieſſio neceſſariorum, & detractio ſuperfluatorum, ideoque medium obtinet, ne quid nimis. Quartò, quia ſanitas, quam Medicus efficit, eſt in media proportionem ſeu analogiam humorum & qualitatum; vel vt Hippocrates & Galenus docent, ſita eſt in medio quodā victus, & laboris; vnde vt ſtatim diximus, deſinitur ablatio eorum quæ ſuperant, & appoſitio eorum quæ deſunt. Quintò denique, quia ſanitas ſumma, periculoſa eſt, qualis eſt athletarum, vnde ad mediocritatem reducenda eſt.

Quod pertinet modo ad definitionē quid rei Medicinæ; primo poteſt deſiniri veluti theoreticè, quod ſit ſcientia naturalium, non naturalium, & eorū quæ ſunt contra naturam: naturalia cōſtruunt & conſtituunt hominem, contra naturā deſtruunt, vt morbi: non naturalia bene vtenti bona ſunt, male vtenti mala, vt cibus, & potus. Secundo practicè deſiniri poteſt, 1. à materia, *Scientia ſalubrium, inſalubrium & neutrorum, id eſt, indifferentium*; vel à fine, *Scientia ſanitatis reſtituendæ, & præſentis ſeruandæ, & à morbis præſeruandæ*: Cum autem alia ſit hominum, & alia cæterorum animalium medendi ratio; ſic etiam Medicina, & Medici diſtinguntur; ita vt prima ratione nobilioris ſubieſti, quod eſt homo, per antonomafiam Medicina, & ab illa Medici dicantur; alijs autem qui cætera dumtaxat curant animalia, veterinarij appellentur, & ab illis Veterinaria Medicina. Sub qua comprehenduntur non tantum ea, quæ pertinent ad curanda animalia vehēdiſ rebus inferuiciſ, cuiuſmodi ſunt iumenta, equi, muli &c. Sed etiam per ſimilitudinem remediorum

Sectio VII. Caput XIV. 303

rum & morborum ea, quæ ad armentalia, pecora, canes, aues cæteraque huiusmodi animantia spectant. Sunt etiam qui ad plantas illam extendant.

Porro humanæ Medicinæ, Medicorumque, de quibus in præfenti solum agimus, tres sunt præcipui gradus, vel sectæ secundum quod tripliciter mederi possumus, ratione, exemplo siue experientia, & utroque simul. In primo & inferiori gradu ponuntur *Empirici* sic dicti, quia solam experientiam sequuntur, omni posthabita indicatione, contentique sunt observatione in accidentibus, per eorum quæ admoventur experientiam facta: sic à compertis ad incomperta, sed tamen similia secundum apparentem speciem transeuntes. In secundo gradu collocantur *Methodici*, qui solum ad causas, seu communia morborum symptomata respiciunt. Omnes enim particulares affectus ad generales tres reducunt, aut astrictum, aut laxum, aut ex his compositum: voluntque vnicam esse indicationem, quæ ab affectu defumat, ab astrictis naturalibus excrementis laxationem, à laxitate astrictionem, ab utrisque mixtam curationem. In tercio tandem & ultimo gradu sunt perfecti Medici, nempe *Rationales*, & *Dogmatici*, qui rationem experientia iungunt, naturæ rationem habent, causas morborum inquirunt, spectatisque omnibus circumstantiarum modis, & varietate temperamentorum, ætatum, sexuum, virium, locorum, temporum & victus consuetudine, attem administrant. Et huius iterum *Dogmaticæ*, vel *rationalis* Medicinæ seu dogmaticorum Medicorum varix sunt sectæ natione tantum, non modo medendi differentes; *Iudæorum*, *Aegyptiorum*, *Græcorum*, *Latinorum*, & *Arabum*; solum notandum est *Galenicam*, & *Paracelsicam* sic à suis authoribus denominatas inter se differre Medicinas, ut prima contrariis, secunda vero similibus curet.

Dum aliqui diuidunt Medicinam in speculatiuam siue theoricam, & practicam, talis diuisio non tam debet attendi

secundum finem, sic enim tota medicina est practica; ut potè ad operandum destinata; quàm secundum quod aliqua tractantur in ea, quæ sunt magis propinqua, vel remota ab operatione. Vnde ea potissimum Medicinæ pars, quæ maximè vniuersalia, resque simplices veluti causas rerum compositarum tanquam effectuum considerat, solet appellari Theorica, ut Physiologia, & Pathologia; practica vetò illa quæ circa res compositas simplicibus versatur, ut Hygieine, Therapeutica, & prophylactica &c. Cū Medicinæ, sicut & alterius cuiuscumque scientiæ, vel artis duplex sit obiectum materiale vnum, formale alterum; loquendo de obiecto materiali præcipuo seu attributionis est homo: cætera verò sunt minus præcipua, ut quæ tractantur de aëre, de plantis, & animalibus, propter hominem enim tractantur. Obiectum verò formale est sanitas, deinde morbus, & status neuter: nam eadem est disciplina de oppositis: vnde sicut Dialecticus verum, tàm falsum, & neutrum, seu probabile tractat: ita cum sanitati morbus, & status etiam neuter sit oppositus, de his agit Medicina.

Iam per ordinem ad huiusmodi obiecta facile est exactissimam Medicinæ in suas veluti partes diuisionem adducere. Circa obiectum enim materiale, scilicet hominem, est *Physiologia*, & *Anatomo*: circa formale obiectum, *Hygieine*, *prophylactica*, & *Therapeutica*: cum enim corpus humanum viuens, non quidem in se, sed in ordine ad finem, quatenus nempe medicabile est, triplex sit, vel perfectè bonum & salubre, ut diximus, vel perfectè malum, & insalubre, vel tandem imperfectè salubre, & insalubre, quod neutrum dicitur; circa illud primò modo consideratum versatur *Hygieine*, id est, sanatrix, cuius potissimum tres sunt partes, prima *Pedotrophia*, id est, nutritrix puerorum: secunda *Ene-thica*, id est, procuratrix boni habitus: tertia est *Gymnastica*, id est, exercitatrix. Circa corpus neutrum versatur *prophylactica*; cuius iterum duæ sunt partes secundæ

secundum quod corporis neutri duplex est status, vnus nempè decidentis, cum aliquis æger fieri incipit, & à pristina valetudine decedit: alter conualescentiæ: circa primum est *prophylactica* propriè dicta, id est, præcautrix, & præseruatric: circa secundum *Analeptica*, id est, restauratrix: sub ijs ambabus continetur *Geronomia*, quæ curam senum habet: hi enim nec sunt sani, nec malè habent. Tandem circa morbum, vel corpus perfectè malū, & insalubre occupatur *Therapeutica*, cuius etiam duplex est pars, vna theoretica modo superius adnotato, alia practica, quæ retento nomine generis, vt plurimū contingit in alijs rebus, vocatur *Therapeutica*. *Theoretica* partes sunt *Pathologia*, id est, sermo de morbis, seu morbidis affectibus: secundò *Ätiologia*, id est sermo de causis morborum: tertio *semiotica*, id est, sermo de signis & accidentibus siue symptomatibus morborum; & quia triplicia sunt signa, nempè per quæ præterita, noscimus, aut præsentia, aut futura, circa priora signa est *anamnestica*, id est rememoratiua: circa præsentia *diagnostica*, id est cognoscens: circa futura *prognostica*, id est prænosciua. Tandem Practicæ quæ simpliciter dicitur Therapeutica sunt quinque partes; prima est *Dietetica*, quæ victu curat: secunda *Pharmaceutica*, quæ medicamentis curat: tertia est *Chirurgica*, quæ manu adhibita, curat, sub qua comprehenduntur *aleiprica*, & *hydrotica*, id est vñctoria, & sudorifica: deindè *odontica*, id est dentium curatrix, & *lithotomia*, quæ calculos excindit: denique *trichotomica*, quæ pilos euellit & tondet. Quarta est *Clinica*, quæ nempè agris occubat, ministrat &c. quinta est *cosmetica* & *cosmetica*, ornatrix & fucatrix. Superest iam vt de singulis his partibus breuiter agamus, eruat enim quasi locorum communium instar, in quos omnia quæ leguntur, referri tanquam in indicem poterunt ab artis medicinæ studio.

De Physiologia.

Physiologia est illa Medicinæ pars, quæ occupatur circa cognitionem rerum naturalium humanam naturam, constituentium: quæ res naturales sunt septem: primum Elementa sub quibus continentur quatuor primæ qualitates: secundo temperamenta, quæ ex elementorum, & qualitatum harmonia exsurgunt: tertio humores qui temperamenta sequuntur: quarto spiritus, qui vt plurimum, excepto spiritu cælesti, sunt subtiliores humores: quinto partes: sexto facultates, quæuis enim pars innatè habet facultatem: septimò functiones, quia facultates propter actiones sūt datæ: singula breuiter perstringamus; & quia iam de elementis suo loco sufficenter egimus: incipiendo à temperamentis, circa nomen aduertendum est, temperamentum idem esse ac temperiem, complexionem, Græcè *crasim* & *crama*. Definitur *harmonia*, *proportio*, & *mediocritas primarum qualitatum*, vel, *confusio primarum qualitatum per ipsarum remissionem*; nec enim qualitates summæ temperari possunt. Temperamentum primò diuiditur in intemperatum, & temperatum; intemperatum dicitur, cum vna, aut duæ qualitates prædominantur viribus, si vna qualitas excellit, est intemperatum simplex, & est quadruplex, vt cum solus calor dominatur est temperamentum calidum, si frigus frigidum, si humor humidum, si sola siccitas excellat, est temperamentū siccū. Si duæ qualitates prædominantur est intemperatū compositum, quod etiā est quadruplex, calidum siccum in cholericis, calidum humidum in sanguineis, frigidum humidum in phlegmaticis, frigidum siccum in melancholicis. Temperamentum temperatum est, in quo nulla qualitas dominatur, sed æqualiter omnes sunt temperatæ, & est duplex, vnum ad pondus seu æquilibrium, cum omnes qualitates in eodem sunt gradu, id est quot sunt partes & gradus caloris, vt toti-

totidem sint frigoris, humoris, & siccitatis. Alterum est ad iustitiam seu proportionem, quod absolute quidem est intemperatum, sed temperatum videtur; quia naturæ conveniens & cōmensuratum est; sic temperamentum v. g. leonis, quia Leoni convenit, temperatū est ad iustitiam. Secundò temperamentum vel est innatum, & per se, sic lana, est siccissima, vel est influens aliundè & per accidens, sic lana aliundè humida, sic pinguedo per se frigida, calida aliunde. Temperatorum iudex est homo mediante sensu tactus, cuius obiectum sunt qualitates primæ; signa verò iudicium ferendi de illis sunt sequentia. Molles sunt humidi: densa & dura cute sunt sicci: Pulsus vehemens, proclivitas ad libidinem, ad iram, magnus animus, solertia, ingenium, celeres motus animi, graciles, villosi, flauo & nigro capillitio, dentibus crebris, oculis glaucis; ea & similia sunt argumenta calidi temperamentī: contrarium frigidī. Temperamenta denique partium, humorum, & temporum sic se habent. Partes albæ sunt frigidæ, rubræ calidæ, duræ siccæ, & molles sunt humidæ. Cerebrum per se frigidum & humidū est; vt est viuens est calidum: cor per se est frigidum; vt est viuens est calidum: pulmo per se est siccus; vt est viuens est humidus. Adolescentia, Ver, sanguis sunt calida humida. Virilis ætas, bilis, ignis, sunt calida sicca. Inclīnans ætas, melancholia, autumnus sunt frigida sicca. Senectus, pituita, hyemps sunt frigida humida.

Humor generalissimè loquendo est vna ex qualitatibus primis: generaliter est corpus liquidum & fluxile, vt argentum viuum. Propriè est corpus liquidum natum ex elementis, seu sit in plantis, seu in animalibus: magis propriè tantum in sanguineis reperitur, seu humectet vt sanguis, seu non humectet, bilis enim humor est, & tamen siccatur. Humorū alius est contra naturam, nempe causa morborum, ad Pathologiam spectans: alius naturalis conservans, & constituens naturam, de quo agimus in præ-

Biblioth. Theol. Tom. IV.

senti; qui rursus est multiplex: vnus nutritius seu alimentarius, alius excrementitius; sub nutritio seu alimentario continentur sanguis, bilis, melancholia, pituita, quorum causa efficiens est hepatis calor, vt enim Solis calor pro diuersitate materiæ varia efficit: ita hepar ex alimento seu chili parte terrestri melancholiam, ex aërea sanguinem &c. efficit: quo ad propriam vniuersiuique sedem vel locum; pituita in ventriculo, sanguis in hepate & venis, bilis in vesica, melancholia in liene potissimum dominantur: sicut si spectetur tempus anni, vel diei, vere sanguis, æstate bilis, autumno melancholia, hyeme pituita abundat: noctu pituita, matutino tempore sanguis, meridie flaua bilis, vespere atra bilis, seu melancholia: iam cuius horum humorum plus sit? sic dicendū puto; plurimum esse sanguinis, plures enim sunt partes carnosæ quæ sanguine constituuntur & nutriuntur. Secundas tenet pituita, quæ parum à sanguine distat. Deinde plus est melancholiæ, siue atræ quàm flauæ bilis, quia omnia ossa melancholia nutriuntur. Excrementitij pariter humores, quique à natura excernuntur tanquàm superflui aut molesti, sunt in multiplici differentia, secundum quod superflui vel sola sunt quantitate, vt menstrua, & semen, vel qualitate, etiam peccat; & ij adhuc vel sunt viles, vt fel, limus, serum, vel inutiles, vrina, sudor, fæces, sordes. Menstrua sunt in fœminis lunaris purgatio, sic dicta quia Luna est causa huius purgationis, seu affluxus & refluxus mēstrui, sanguis enim ad extremitates fluit, & inde in fundum vteri destitit. fluunt menses à 14. ad 30. annum, quo tempore aptæ sunt mulieres conceptioni. Otiosis 3. septimanis. viragibus 4. mediocribus medio tempore redeunt menses: viragines biduo purgantur, quatuor aut quinque diebus medioctes, septem mollissimæ. Et quia nouem menses ordinariè gerunt vterum ideo tot diebus sunt in puerperijs purgamentis, quot fuissent, si singulis mensibus menstruales fuissent, hinc viragibus,

Qq

nibus,

nibus, quia duo sunt dies menstruales, decem & octo sunt in purgamentis, & quibus sunt tres dies menstruales 27. diebus sunt in purgamentis. Semen est corpus humidum, calidum, spumofum, album, ex reliquijs alimentis vltimis & spirituum permixtione ad animalis generationem, vt mammarum dealbant sanguinem, ita & testes semen. Humores ob qualitatem superflui viles tamen, scilicet fel, limus, & serum nihil aliud sunt, quam excrementa trium humorum. Fel est excrementum bilis ab hepate ad cystim seu vesiculam fellis delegatum, & inde ad intestina, vt irritet potentiam excreticem stercoris, ut uicem abluat intestinorum, & feces ringat, quæ alias albæ forent, vt in ijs qui aurigine laborant. Limus est excrementum acidum melancholicæ ab hepate ad lienem amadatum, & hinc in ventriculum, vt concoctionem iuuet ventriculi, quia acida conducunt. Serum est excrementum tenuius & subtilius humorum quidem omnium, sed maximè pituitæ factum in hepate, & inde per omnes venas dispersum, vt distributionem sanguinis, qui lentus & pinguis est, iuuet, & sic sanguini instat vehiculi: vt autem prædicti tres humores viles, sunt excrementa trium humorum; ita & inutiles trium concoctionum; feces chilofoeos in ventriculo factæ, vrina hæmatofoeos in hepate factæ; sudor verò & fordes homiofoeos, cum gluten in cambium vertitur.

Spiritus secundum quod de illo agimus in præfenti, diciturque pars constituens naturam, nihil est aliud quam corpus tenuissimum, calidissimum, perpetuò mobile, ex sanguine, & vapore genitum, facultatum animæ vehiculum & instrumentum. Materia duplex est spirituum, vna, sanguis benignior, tenuior & purior, vnde merito ab aliquibus vocatur quinta sanguinis essentia; alia est vapor tenuior, ex quibus vtrisque fit spiritus tenuissimus. Forma est quod sit perpetuò mobilis, vel à se, vel aliunde, à se mouetur sursum, quia calidus &

tenuis est, deorsum verò ratione pabuli sicut ignis: aliunde mouetur, vel quia, pellitur ab hepate, corde, cerebro & imaginatione, vel quia trahitur ab arterijs, venis, alijsque partibus. Finis vt sit vehiculum facultatum animæ: scilicet ad motum, ad sensum, ad vitam, nam si vinciantur vasa, nervi, arteriæ, perit vitæ, motus, sensus, intercepto spiritu. Efficiens præcipuum semen, hepar, cor cerebri. Cum autem proprium sit spiritus habere adiunctum calorem natium ideo tot sunt spiritus, quocumque est calor natius, calor autem natius alius est infixus cuius parti, alius influens à præcipuis partibus, vnde etiam spiritus, vel est infixus, vel influens. Calor & spiritus infixus est instrumentum nutritiois, scilicet attrahendi, retinendi, concoquendi, assimilandi alimentum, separandi & reiiciendi excrementa. Calor & spiritus influens triplex est ex tribus vitæ fontibus, nempe naturalis ab hepate per venas, vitalis à corde per arterias, animalis à cerebro per nervos. Animalis duplex, vnus sensorius qui à synapite defluit per nervos molles in oculos, aures, &c. alius est motorius, qui ab occipite per medullam & nervos duros ad musculos defluit. Naturalis vel est genitor ex omnium spirituum confluxu ad testes vel est nutritor ex omnibus partibus. Vitalis, pulsus & respirationis causa est. Hi omnes spiritus specie non differunt, sed tantum secundum perfectum & imperfectum, spiritus enim naturalis, qui est subtilior sanguis, illiusque veluti vapor & exhalatio, delatus ad cor perficitur, & sic vitalis, qui delatus ad cerebrum fit animalis.

De quinto, sexto & septimo, nimirum de partibus, earumque facultatibus & functionibus, sufficienter iam actum est, vbi supra de anima, corporeque viuentis, vnde ad alteram medicinæ partem transeundum est.

De Hygiene.

Hygine in genere, cuius rursus veluti species sunt hygiene ias. species, prophylactica earumque partes, est medicinæ pars modum sanitatem per rerum non naturalium administrationē tuendi præscribens. Vbi res non naturales illas vocamus, quæ cæsi in naturalium censu sint, imò necessarium tum ad tuendam sanitatem si adest, tum ad recuperandam si abest, requirantur; corporis tamen viventis essentiam, siue naturam non constituunt, quinimo corpus humanum afficiunt, illiusque sanitatem lædere possunt. Vnde salubrium, & insalubrium titulum à quibusdam acceperunt, ab alijs verò indifferentiū, quod bonum bonè, malum malè videntibus sint. Porro huiusmodi rerum non naturalium quatuor veluti classes sunt. I. Illa quæ assumuntur, continet. II. Ea quæ geruntur. III. Ea quæ foris corpori adueniunt. IV. Ea quæ excernuntur, complectitur.

Res non naturales quæ assumuntur sunt aer, cibus, & potus. Aer est res nō naturalis, corpus humanum ambiens, eique se per certos meatus insinuans, circa quem quatuor sunt obseruanda. Primò, necessarium ad sanitatem esse, secundò corpus humanum afficere, tertio differentias varias habere à quantitate, qualitate, & substantia; ratione enim quantitatis est copiosus, paucus, plenus; qualitatis calidus, qui bilem anget, humores liquat, concoctionem imminuit, & dissipato calore nativo vitam imminuit; frigidus, humidior, siccior, vitiosus, qui vel nimis in primis qualitatibus excedit, vel vaporibus è stagnis vel paludibus inquinatur, vel flatibus ventorum agitari nequit, & optimus, qui ab omnibus his est purus: ratione substantiæ crassus, turbidus, tenuis, putris & sincerus dici potest. Quartum denique circa aërem obseruandum est, mutationibus varijs obnoxium esse, quas à decem potissimum rebus accipit;

Biblioth. Theol. Tom. IV.

1. ab astris, 2. ab anni temporibus tam maioribus, cuiusmodi sunt Ver, Aestas, Autumnus, & Hyemps, quam minoribus, mensibus nempe, septimanis, & diebus. Ver enim est humidum, & calidum. Aestas calida, & sicca. Autumnus frigidus & siccus. Hyemps frigida & humida. Mensium qualitates ex signo Zodiaci in ipsis dominatæ sumi debent. Septimanarum ex quadris lunæ deducuntur, quarum prima humida est, secunda calida, tertia sicca, quarta frigida. Dierum à partibus, quarum matutina vernalis quodammodo est, meridiana æstiva, vespertina autumnalis, nocturna hyemalis. 3. à ventis tam communibus, quam proprijs; 4. ab alijs meteoris; 5. à Zonis; 6. à climatibus; 7. à regionibus mundi cardinalibus; 8. à mundi partibus, regnis & prouincijs; 9. à ciuitatibus & ædibus; 10. à particulari locorum constitutione, elatorum, decliuum, planorum, petrosorum, apertorum, montosorum, syluosorum, fluuijs vicinorum, palustrum, marinorum, & thermis scatentium.

Cibus est res non naturalis substantiam corporis humani restaurans, & augens: circa eum sex potissimum considerat medicina, primò differentias varias, secundò genera, tertio condimenta, quartò panem ipsum, quintò tempus sumendi. Differentiæ igitur ciborum sunt variæ, vt ratione substantiæ est durus, mollis, grauis, viscidus, firmus, infirmus, difficilis, vel facilis cōcoctus, difficilis, vel facilis corrumpi. Ratione quantitatis est nimius, paucus, moderatus; ratione qualitatum est calidus, frigidus, humidus, siccus, dulcis, salus, amarus, acris, acidus, acerbus & austerus, boni vel mali succi &c. ratione præparationis est crudus, assus, rostus, frixus, elixus, suffocatus, conditus, vel non. Genera ciborum sumuntur ex plantis, auibus, quadrupedibus, piscibus, & exsanguibus, V.g. ostreis, cochleis, & cancris. Tertium quod circa cibos explicandum venit sunt condimenta, seu orũ etiam & differentia, & materia seu genera

nera sunt diuersa : quartò similiter panis ratione materiæ; & præparationis variæ sunt differentiæ : quinto tandem, tempus cibi sumendi pro ratione nationum varium est : sicut & ordo secundum diuersa medicorum placita .

Potus est res non naturalis humidâ corporis humani substantiam instaurans, & sitim sedans . Duo circa eum obseruant Medici necessitatem ad sanitatem, & genera ; necessitas exinde patet, quod potus humidam corporis substantiam, quæ in dies absumitur instauret, sitim naturalem sedet, humidum pingue, crassumque per angustos meatus defecrat, cibor: in ventriculo misturam, cocturam, & fusionem faciat, & pinguis illius alendo corpori humano destinati inflammationem prohibeat . Genera potus ordinarij sunt aqua, vinum, cereuisia, mulsæ, liquores quidam è pomis, pyris & similibus parati, quorum omnium rursus variæ sunt differentiæ, & qualitates .

Res non naturales quæ geruntur, sunt affectus animi, motus & quies corporis, somnus & vigilia, magna ad sanitatem seu conseruandam, seu violandâ momenta . Res non naturales extrinsecus adhibiti sunt balnea, inunctiones, frictiones, & vestes seu operimenta . Tandem res non naturales, quæ excrenuntur, & retinentur sunt, tum illæ, quas in nutritione corporis humani, natura, ad restaurandum id quod absumptum est, retinet; tum illæ, quas tanquam inutiles separat & exercet; porro hæc ad sanitatem necessaria esse patet, cum videamus, inculpatam hanc si commodò excrenuntur; ledi verò, si vel retineantur, vel intempestiuè eijciuntur . De eis obseruandum in genere, quædam esse simpliciter talia, vt vrina, vapor intemus, fuligo, fursures, sudor, medor, ichor, lachrymæ, leuæ, menstruum, hæmorroides, sputa, mucus, eorysa, styriæ, aurium fordes, fæces alui: quædam prolis causa, vt lac, semen, sanguis maternus; trium potissimum rationem habent Medici excrementorum nempe alui, vrinæ, & veneris .

Sic ergo vt Hygieine in genere est pars medicinæ, quæ modum tuendi sanitatem per legitimum supradictarum rerum non naturalium vsum in genere præscribit: ita Hygieine veluti in specie dicenda est illa, quæ docet quomodo in specie sanitas, vel benehaborum, vel intemperatorum conseruari possit; siue sint infantes, tam nondum nati, quàm recens in lucem editi, siue pueri, siue puberes, siue mediæ ætatis homines, siue senes .

De Therapeutica contemplatrice, eiusque speciebus .

Cum ex dictis supra duplex sit Therapeutica, vna contemplatrix, alia practica, siue curatrix dicta simpliciter Therapeutica, primum agemus de contemplatrice, eiusque speciebus, vel porius partibus Pathologicæ, nimirum, Actiologica, & Semicionica, secundum quod vel in genere, vel in specie considerat affectus humano corpori, præter naturam insectos, siue morborum naturam, eorumque causas & signa . Generatim ergo loquendo de istis; Morbus quasi *poena sibi*, id est, Fatum, & Parca vitæ; vel etiam *πᾶσι*, id est affectio & passio, quia ab omni morbo malè afficimur, & patimur; definitur ab aliquibus, *partium vinentium corporis humani ad actiones naturales exercendas, ex præternaturali earum constitutione, exorta impotentia* . Ab alijs, affectus contra naturam corpori insidens, vel actionem primò lædens; dicitur affectus ad distinctionem affectionis, quia morbus seu affectus est effectus affectionis, id est, mutationis, seu motus & passionis contra naturam, vt à ferro, dum adigitur in corpus, patimur & malè afficimur: hæc tamen affectio non est morbus, sed vlcus aut vulnus, quod inde prouenit, morbus seu affectus est . Dicitur, actionem primò lædens, id est, immediatè, nam etiam causa morbi lædit actionem, sed inter causam morbi, & actionem læsam intercedit morbus: deinde læsa
actio.

actione non læditur propterea facultas, licet morbi ſint qui vtrumque lædant, vt cæcitas, ſurditas, &c.

Quod pertinet ad cauſas morbi generationem conſideratas: cauſa materialis morbi, ſeu ſubiectum, eſt corpus, verum quia in corpore tria ſunt, pars continens vt vena, contenta vt ſunt humores omnes, & ſpiritus, tertio actio; in parte continente eſt morbus, in contentis cauſa morbi, in actione ſymptoma morbi. Sic ratione ſubiecti triplex eſt morbus, ſimilis in parte ſimili, eius temperamentum deſtruens: organicus in parte inſtrumentaria, eius ſymmetriam euerrens: morbus communis, ſeu ſolutio continui, continuitatem partium diſſoluens, vt vulnus. Formalis cauſa morbi, eſt vel habitus, vel diſpoſitio: vnde datur duplex morbus, vnus hecticus, ſeu habitus diu manens non facile mobilis, vt podagra, febris hectica: alius eſt morbus ſchericus, id eſt, in diſpoſitione, vt febris diaria vnus dici. Cauſa finalis, ſiue effectus morbi ſunt, vel auferre, vel minuere, vel augere, vel peruertere actionem; auferre, vt lethargus actionem ſenſuum; minuit, vt leuis inflammatio; auget, vt pauores in ſomnijs; peruerſis, vt melancholia, phreſis. Tandem cauſa morborum efficiens eſt duplex, vna externa, alia interna, ſeu abdita. *Externa* eſt quæ extrinſecus corpori vim inferre, vt aqua, aer, cælum, & vocatur *Quor*, id eſt, diuinum: hæc eſt vel neceſſaria & inenitabilis vt aer, aqua in ſpecie, ſine quibus vita non conſtat: vel eſt non neceſſaria, & euitabilis, quæ eſt vel naturalis, vt hic aer, hæc aqua in indiuiduo: vel eſt fortuita, vt gladius morſus beſtiarum &c. *Interna* eſt, quæ in ipſo corpore exiſtit: eſtque rursus duplex, vel antecedens, vel coniuncta, ſiue proxima, immediata, & continens. Antecedens eſt quæ primo mouet, & fouet morbum, ſcilicet plethora, & cacochimia, abundantia ſcilicet, & malignitas humorum. Coniuncta eſt quæ immediatè morbum efficit, & ei parti in qua morbus eſt, impaſta eſt; quæ iterū

vel eſt congenita, vel poſtgenita. Congenita vel eſt naturalis, vel præter naturam: naturalis eſt contrarietas elementarum qualitatū ex quibus conſtitimus, quæ in ſe mutuo agunt, ſequæ mutuo tandem debilitant & conſciunt: vnde ſenium, morbus & mors. Congenita præter naturam eſt vitium ſeminis præſertim paterni, & vitium ſanguinis materni: hinc morbi hæreditarij in filios: hinc mater grauida, quibus affectibus afficitur, coldè in fætum transfundit. Poſtgenita eſt, quæ iam natis euenit, vt calculus, putredo &c.

Inſuper omnis morbus ſua habet ſymptomata, & ſigna. Symptoma eſt id quod morbo aduenit, quod à morbo proſectum eſt, & cum ſequitur dummodo actionem non lædat: nam aliquando à morbo naſcitur aliquid, quod actionem non lædit, vt ſædus calor, & eſt ſymptoma; aliquando actionem lædit, & eſt non ſymptoma, ſed morbus conſequens; vt ex intemperie iccoris, nata intemperies ſtomachi, morbus eſt, quia actionem lædit. Symptoma diuiditur præcipuè trifariam. *Primo* aliud eſt morbi, quod morbum proximè, nullo effectū præter naturam interuenientes, ſequitur. Aliud cauſæ, cum à cauſa aliqua morbiſica actio læditur. Aliud ſymptomatis, quod aliud ſymptoma præcedens ſequitur. *Secundo* aliud eſt actionis læſæ, ſeu hæc ſit abolita, ſeu imminuta, deprauata, vel auſta. Fit id vel facultatis vitio, quando inſtrumentum proximè malè affectum eſt: quo ſpiritus & caloris influentis, abſentia refertur, vel erroris externi cauſa, quando illa cum quibus ſunt, aut ſine quibus non ſunt actiones, fallunt. Aliud excretorum, & retentorum; aliud qualitatum mutatarum, quæ ex actionum læſionibus, & ab ijs prouenientibus humoribus dependent. *Tertio* aliud eſt facultatis naturalis nimirum nutritiæ, augmentatiuæ; & generatiuæ. Aliud facultatis vitalis: aliud facultatis animalis, quæ pertinent ſymptomata ſenſuum exteriorum, interiorū, potentiæ motricis, &c.

Eſti

Esti autem omne symptoma in morbis signum sit, non tamen vice versa, omne signum est symptoma; causa enim antecedens, ut aer pestilens, signum morbi est, non tamen symptoma. Cum signum vel sit sanitatis, vel morbi, vel neutrum. Hic tantum de signis morbi loquimur, scilicet insalubribus, quæ partem ægram, morbi causam & speciem, morbiq; euentum significant. Eiusmodi signa sunt in duplici differentia, vnum syllogisticum, seu pathognomonicum, siue necessarium, quod cum morbo incipit, morbum comitatur, & cum eo desinit; est autem hoc signum collectio, siue syndromè multorum accidentium, ut enim in Physiognomia, stultum est credere vni signo, ita in morbo: alia sunt signa verosimilia, seu incidentia, & sunt accidentia quæ non semper morbum comitantur. Porro vtrumque signum ex istis est triplex vnum Anamnesticum, id est, rememoratium præteritarum; alterum diagnosticum, id est demonstrarium præsentis morbi, ut pulsus vehemens caloris fabrilis; tertium est prognosticum signum euentus morbi.

Tantum de morbis eorumque causis symptomatibus & signis in genere, nunc ad eorum considerationem in specie descendendo; cum ex dictis ratione subiecti primariæ & essentielles morborum differentię sint, quibus morbi distinguuntur, in morbos partium similium, partium organicarum, & vtriusque communes. Morbus similis rursus est triplex, vnus materiæ, & vocatur immoderatio materiæ, cum nimis dura, aut mollis, densa aut laxa, rara aut tenuis est. Alius est temperamenti, id est, intemperies, quæ est duplex: vna simplex, cum vna qualitas excedit, ut intemperies calida: alia est intemperies composita, cū duæ qualitates excedunt, ut intemperies calida & sicca simul: iterum intemperies est nuda, quæ peccat sola qualitate, ut cum solus calor abundat, & vocatur phlogosis: alia est cum qualitas simul cum materia abundat; V. g. calor cum

sanguine putrescente, & est phlegmone. Tertius morbus similis est formæ corruptela, seu morbus totius, qui calidum innatum, facultates, & formam per se destruit. Hic morbus, vel est manifestus, ut vlcus malignum, vel est occultus à causis abditis, & hic est triplex, primus pestilens ex aëre aut aqua, tum aliunde, tum maximè à maligno syderis aspectu, & luminum defectu illatus. Secundus est contagiosus, à contagione seu contactu alicuius veneni externi, ut lues venerea. Tertius venenatus est, vel ex veneno in nobis genito, ut à femine aut menstruo corrupto, vel à veneno assumpto.

Species morbi organici sunt quatuor prima magnitudinis, aut paruitatis, ut maiori capite sunt stolidi, minore sunt indociles. Secunda est numeri abundantis, aut deficientis, ut hermaphrodite numero abundant, Poliphemus, monoculus numero deficit: Tertia in situ, ut labeones labris nimium propendebus. Quarta est conformationis, & primò in figura, ut simitas, secundò in meatu, ut mulieres vix perforatæ ad conceptum: tertio cum pars asperior aut lenior est. Morbus communis cum sit solutio continui, pro ut varijs in partibus varia est huiusmodi solutio, variè etiam diuiditur. Primò sunt tumores, vulnera, & vlcera in carnosissimis partibus. Secundò caries & fractura in ossibus. Tertio laxitas & luxatio articulorum. Quartò in nervis conuulsio, in ligamento diuulsio. Quintò excoriatio in cuticula.

Præter supradictas veluti essentielles morborum diuisiones in specie, plures sunt etiam accidentales. Primò enim, morbus vel est dispositus, vel communis, & hic vel communis est vni familiæ aut genti, & dicitur endemius: vel est communis omnibus, & vocatur epidemius, ut pestis. Secundò morbus vel est idiopathia, scilicet morbus primarius, & primo infidēs parti, vel est sympathia, seu morbus per consensum, qui alterius partis laborantis vitio factus est; tum quia aliquid in partem inquit quod

non

non deberet, vt cum ex ventriculo tetri vapores in cerebrum affluunt: tum quia aliquid non influit, quod deberet, propter obstructionem, vt cum cerebro laborante oculus non videt, quia nerua obstruitur. Tertiò tandem morbi, vel sunt externi, vel interni. Illi sunt tumores, cutis affectiones, capillorum vitia, vlcera, luxationes, & fracturæ: quæ omnia rursum sunt in multiplici differentia: tumores enim alij sunt à sanguine, vt nimia corpulentia, inflammatio, bubo, phlegmon, phyma, furunculus, parotis paronychia, pernio, ecchymosis, carbunculus. Alij à bile, vt erysipelas, & herpes. Alij à pituita, vt oedema. Alij ab humore melancholico, vt scirrhus & cancer. Alij ab humoribus serosis, falsis & biliosis inter se mixtis, vt scabies, lepra Græcorum, phlyctena, sudamina, firones, vari, epinyctides, alphas, leuce, impetigo, & gutta rosacea. Alij in quibus humor peculiari membrana concluditur, vt strumæ seu scrofulæ, & gauglion. Alij à solida substantia, vt verrucæ, clauæ & calli. Alij à partibus solidis aliò incumbenibus vt aneurisma, varix, elephantiasis Arabû. Alij denique tumores maligni sunt, vt bubones, carbunculi, morbilli, varioli, elephantiasis, quæ & leontiasis, & satyriasis & lepra dicitur.

Sub cutis affectibus cõprehenduntur, lentigines, ephelides, naui materni, maculæ infantum, maculæ hepaticæ, pruritus, & malus odor. Sub capillorum vitij, casus, canicies, porrigo, & plica. Sub vlceribus, gangræna, seu ignis SS. Marcelli & Antonij, sphacelus, & ambustio. Sub luxationibus, luxationes superiorum artuum, vel inferiorum. Ad illas pertinent luxatio mandibulæ, clauiculæ, vertebrarum, humeri, cubiti, radij & digitorum. Ad istas, luxationes femoris, genu & tali. Sub fracturis denique comprehenduntur fracturæ ossium; quæ aut sunt frequentiores, aut minus frequentes. Ad frequentiores fracturas pertinent, brachij, humeri, cruris & femoris fracturæ, ad minus au-

tem frequentes, fracturæ nasi, maxillæ inferioris, clauiculæ, scapulæ, sterni, costarum, spinæ dorfi, patellæ & ossium pedis. Tantum de varijs morborum externorum speciebus: nunc de internis eadem breuitate dicendum est.

Internorum igitur morborum alij sunt vniuersales, qui totum corpus afficiunt; alij particulares, qui aliquas partes. Vniuersalis morbus est febris; cuius variz sunt species, ephemera, synocha simplex, synochus putrida, caussus, febris continua tertiana, febris cõtina quotidiana, continua quartana, continua symptomatica, tertiana intermittens, quotidiana intermittens, quartana intermittens, febres compositæ, febris hecica, febres malignæ contin. es sub se febres cum variolis, morbillis, & hisce similibus, febres petechiales, sudorem Anglicum, morbum Hungaricum, febrem cum spasmo, & febrem cum catarrho & tussi, febres pestilentes. Morbi interni particulares, pro diuersitate partium, quas etiam diuersimodè afficiunt, sunt penè innumeri; claritatis tamen gratia possunt reduci ad tres classes; nimirum ad morbos capitis, mediij & infimi ventris. Morbi capitis sunt vel cerebri, vel oculorum, vel aurium, vel narium, vel linguz, vel labiorum, vel faciei, vel oris, vel dentium, vel gingivarum, vel maxillarum, vel gurgulionis, vel tonsillarum. Ad morbos cerebri referuntur intemperies, meatuum angustia, commotio, inflammatio, hydrocephalus, contusio, vulnera & fracturæ. Morbi mediij ventris sub se continent affectus faucium, gutturis, asperæ arteriæ, pulmonum, thoracis, mamillarum, & cordis. Infimi verò ventris morbi comprehendunt sub se affectus Oesophagi, ventriculi, intestinorum, ani, mesenterij, hepatis, lienis, renum, vesicæ, partium genitalium in viris, partium genitalium in mulieribus, vmbilici, & abdominis.

Loquendo iam de causis morborum in specie, cum ex dictis aliæ sint externæ, aliæ internæ; rursus externæ, vel sunt

sunt supra naturam, scilicet Deus, qui morbos sæpè immittit; vel quasi supra naturam, vt demones, incantamenta, magicæ artes; vel sunt naturales scilicet cælum, elementa siue aer, & aqua; item alimenta, excreta & retenta, labor & quies, somnus & vigilia, passiones animi. Species causarum internarum quadruplex est, corruptela, alteratio, inanitiõ, repletio. Corruptela formam qualitate occulta destruit, sicut venena. Alteratio qualitate aperta temperamentum destruit vt calor, frigus. Inanitiõ est hominis nimia euacuatiõ, seu vitium, seu inutilium humorum. Repletio est triplex prima est in prima regione corporis ab ore vsque ad iecur: sic in ventriculo est cruditas chyli, deinde sabutra in mesenterio. Alia repletio est in venis & ecotes, & arterijs; estque duplex, vna malignorum humorum caco-chimia, alia abundantia bonorum humorum, & est plethora, siue sit vniuersalis omnium humorum, siue sit particularis, vnius scilicet aut alterius humoris: plethora vel est ad vasa, cum ob plenitudinem periculum est ruptionis; altera est ad vires, quam vires ferre non possunt. In tertia regione, quæ est in singulis partibus, est humor infusus aut impactus comitans morbum. Species causarum morbi similis & organici non sunt aliæ, quàm causæ iam dictæ siue externæ, siue internæ. Tantum de morbis, eorumque causis in specie sufficiat; nunc ad eorum signa gradum faciamus.

Diagnosticorum igitur signorum, alia sunt, quæ idem morbi significant, siue quæ morbi speciem, causam morbi, & sedem significant, seu partem affectam. Alia sunt *επιρροια*, id est, superuenientia, quæ morbi magnitudinem significant: V. g. superueniens pleuritidi phrenitis. Alia sunt *εμφανια*, id est, apparentia, quæ nempe ex euntia manifestè se produnt, vt excrementa, vt sputum in pleuritide. Prognostica vero signa, quæ finem præsignificant sunt quadruplicia, id est, pathognomica, ea-

dem enim, quæ morbum, sæpe euentus modi significant; alia sunt peptica, id est signa coctionis & cruditatis, vtum materia morbosifica cocta sit an non. Alia sunt signa crisma, id est, decretoria vel potius secretoria & excretoria humoris morbifici. Morbi enim longi seu chronici tolluntur *λευν*, id est, paulatim & insensibiliter euacuata materia: morbi autem acuti *κρίσις*, id est, repentina & magna naturæ euacuatione; Vnde crisis definitur, repentina in morbis mutatio ad salutem vel mortem, siue humoris morbifici repente facta excretio à natura. Vna est bonæ & duplex est, vel critica & perfecta, quæ fit die critico, vacuato penitus humore; alia imperfecta non omnino vacuato humore, quæ morbum non tollit, sed minuit, aut reciduum facit. Altera crisis est mala, seu symptomatica, quæ non fit à natura, sed propter violentiam morbi, aut copiam humoris morbifici, quæ mortem accelerat, aut quæ morbum auget. Crisis iterum vel est excretio seu effluxus humoris mali, vel est abscessus, seu decubitus humoris ab vna parte in aliam. Excretionis species sunt hæmorrhagia, id est effluuium sanguinis, sudor, vomitus, diarræa, perirræa, id est, scæcum aut vrinæ profluuium. Dies morborum alij sunt critici, seu iudices, seu secundarij scilicet 7. 14. 20. 21. 40. 60. 80. 100. post quos non amplius per dies, sed per 7. menses numeramus, postea per annos. Alij dies sunt indices, seu aliquando critici, seu contemplabiles, scilicet indicant, quid diebus secundis futurum sit, & sunt 4. index 7. 11. 14. 17. 20. aut 21. Sunt intercedentes, seu proritantes naturæ scilicet in prima septimana 3. & 5. in secunda 9. & 13. in tertia 19. Alij præter istos sunt vacui & medicinales, inter quos pessimus est 6. ideoque tyrannus dierum dictus.

Vt autem huiusmodi signorum, alia sunt quæ crism aut præcedunt, aut prænuntiant, aut comitantur, aut sequuntur; ita etiam dantur signa critica antecedentia, concomitantia, & subsequen-

tia:

Sectio VII. Caput XIV. 313

ta: Antecedentia sunt quæ significant aut speciem crisis, aut diem crisis futuræ, vel propinquæ vel remotæ: propinquæ quidem, nox præcedens crîsum, quæ solito est inquietior, grauior & difficilior. Remotæ verò sunt cruditatis & coctionis signa apparentia, vel ipsamet morbi species: morbi enim peracuti 4. & 7. die crîsim habent, acuti vero 14. Signa quæ speciem crîsis futuram significant sunt quatuor. 1. morbi acuti per excretionem, cronici soluuntur per abscëssum. 2. species partis ægrotantis, nam si venticulus laboret inflammatione per vomitum, aut fluxum alui crîsis erit &c. 3. ætas, quia iuuenibus per hæmorrhagiam, senibus per alui profluuium ordinariè fit crîsis. 4. secundum consuetudinem, si enim aliquis vomitui assuefactus sit, fiet crîsis ordinarîè per vomitum. Signa crîsim concomitantia sunt illa, quæ cum ipsa crîsi apparent, & bonam & malam esse indicant. Excretio bona requirit quatuor. 1. qualitatem vt peccans & coctus humor excludatur. 2. quantitatem, vt totus eiciatur: hinc exigui vomitus aut exigui sudores parum proficiunt. 3. debitum tempus & diem: morbi enim sunt quatuor tempora, principium, augmentum, vigor seu status & declinatio. crîsis in statu fieri debet. Dies critici iam supra præscripti sunt. 4. modum, id est, vt è directo fiat, vt per naturales ductus conuenientes. Abscessus tria requirit. 1. vt fiat in partem ignobiliorem & remotam à parte affecta, vt à pulmone, pulmonis inflammatione si hiant parotides. 2. vt fiat secundum rectitudinem partium. 3. vt propter quod fiat constet. Signa crîsim sequentia tria sunt. 1. facies bene colorata, & si antea intumuerat, iam detumescat. 2. vt actiones sanorum similes sint. 3. vt excrementa sint similia sanorum.

Quarta tandem & vltima signorum prognosticorum species, est signorum absolutæ talium, quæ mortem aut sanitatem futuram præuuntiant: quæ iterum sunt vel ordinaria, & regularia, vel ex-

traordinaria, & quasi præter naturam, videlicet pediculi aufugientes ab ægro signum mortis, vrtica in vrinam ægri immissa si marcescat signum mortis, si laridum pedi ægrotantis applicitum canis non comedat signum mortis. Ordinaria sumuntur ex actionibus, id est ex vitalibus scilicet ex pulsû & vocantur spigmica, vnde spigmice. 2. ex animalibus actionibus præcipuè ex somnijs & vocantur *ὀνειρικά* vnde *ὀνειρικά*. 3. ex naturalibus præsertim eiectionibus; quæ pars medicinæ est triplex, scatomantia ex fæcibus, auromantia ex vrinis, hydromantia ex sudoribus prædicens.

De Therapeutica curatrice, siue practica, eiusque partibus.

Therapeutica curatrix siue practica est illa, quæ inuenit per indicationes auxilia corporis humani sanabilis, quod dum fit exacta viçtus ratione in morbis seruanda, secundum vniuscuiusque naturam *Dietetica* vocatur; *pharmaceutica* vero dum medicamentis, quæ vel in genere, vel in specie & suis differentijs spectari possunt. Medicamentum in genere est omne id quod corpori ægro applicatum, illud à statu præternaturali ad naturalem, per facultates suas, reducere aptum est. Quatuor potissimum in medicamentis considerari possunt 1. *diuersæ eorum facultates.* 2. *dosis*, quia nullum medicamentum rectè agit nisi in sua quantitate exhibitum; mensuratur apud nos grano, scrupulo, drachma, vncia, libra, cochleari &c. apud veteres mystro, cyatho, acetabulo, quartario, hemyna vel cotyla, sextario, congio, vrna, amphora, & culeo. 3. *adulteratio*, quæ in medicamentis exoticis v.g. Moscho, ambra & similibus sæpè locum habet. 4. *substitutio*, cuius occasio sumitur ex indigentia, sic calamus Aromaticus succedit acoro; absinthio abrotanum; abrotano origanum, & sic de alijs de quibus videndi authores qui de his scripsere.

R r

Mc-

314 Bibliothecæ Theologicæ Lib.III.

Medicamenta in specie considerata variè diuiduntur: præcipuè tamen differentie illæ sunt, quæ à constitutione, qualitatibus & viribus, partibus corporis humani, Planetis & signis zodiaci sumuntur: constitutionis respectu medicamenta sunt vel simplicia vel composita: simplicia ea vocantur, quæ talia sunt qualia natura produxit, quæque nullam ab arte compositionem sortiuntur, compositionem tamen artefactorum, sunt autem vel *fossilia*, sub quibus continentur terræ, succi concreti, bitumina, lapides, metalla: vel *vegetabilia*, sub quibus continentur arbores, frutices, & herbæ; quatenus illæ remouendis corporis humani affectibus, vel totæ, vel partibus suis, radicibus nempe, lignis, corticibus, folijs, cimis, floribus, fructibus, & humoribus inferunt; vel *animalia*, quæ sunt in quintuplici differentia, iuxta quinque prima animalium genera; sunt enim, vel aues, vel quadrupedes, vel pisces, vel reptilia, vel exanguia. Vel tandem microcosma, sic appellantur medicamenta simplicia, quæ ex corpore humano, ad depellendas humani corporis affectus desumuntur: de quibus consule Danielem Becherum in Medico Microcosmo, & Ioannem Hartmannum. Sequuntur medicamenta composita, quæ vel à natura, vel ab arte sunt talia. Illa sunt Acidulæ, siue aquæ, quæ sapore acido, & viribus alijs à mineralibus imbutæ, morbos cõuenienter adhibere depellunt. Et thermæ, quæ similiter sunt aquæ calidæ, quæ à terra perpetuo profiliunt, ab igne subterraneo effruescunt, & morbos vires à fossilibus sortitæ depellunt, si cõuenienter adhibeantur. Medicamenta composita artificialia sunt, quæ ab arte ex simplicibus, præuia aliqua præparatione componuntur, & in aliquam formam rediguntur. Suntque vel interna, quia per os intra corpus sumuntur, vel externa, quia extrinsecus dumtaxat adhibentur: diuidunturque ambo in fluida, solida & media; medicamenta interna fluida, sunt omnia decocta, infusa, potiones, vina medicata,

cercuisæ medicatæ, oxymel, aqua horæ dei, acetum medicatum, aquæ destillatæ, syrupus, iulepus, emulsiõ, essentia, spiritus, tincturæ, olea. Medicamenta interna solida sunt, pulueres, salia, croci, flores, præcipitata, vitra, fecutæ, confecta, rotulæ, morfuli, trochisci, & pillulæ. Medicamenta interna media inter fluida & solida habent sub se extracta, resinas, conseruas, condita, rob, electuaria, eclegmata, saponeas & bolos. Medicamenta externa fluida sunt clysters, diaclysima, gargarismi, olca, epithemata, stillicidia, lotiones. Solida sunt glandes, pessi, emplastra, cerata, cauteria. Media sunt balsama, linimenta, vnguentum, cataplasmata; quibus adiungi possunt indifferentia sic dicta, quia aliquandò parantur liquida, aliquando solida, aliquando media; suntque apophlegmatezantia, densificia, errhina, ptarmica, odorantia, smegmata, sulfurea, collyria. Tantum de medicamentis respectu constitutionis.

Medicamenta à facultatibus denominata vel sunt alterantia, vel motum conciliantia, vel aliquid producentia, vel aliquid corruptentia, vel aliquid auferentia, vel venenis resistentia. Sub alterantibus medicamentis sunt temperata, calefacientia, frigefacientia, humectantia, siccantia, digerentia, emollientia, indurantia, laxantia, rarefacientia, condensantia, stegnotica, anastomatia, attenuantia, aperientia, incrassantia, emplastica, ecphrastica, abstergentia, anodyna, & narcotica. Medicamenta motum conciliantia sunt vel attractoria, vel repellentia, vel adstringentia. Medicamenta aliquid generantia sunt in sextuplici differentia, maturantia, seu pus generantia, farcotica, glutinantia, cicatricem inducentia, lactis generantia, & semen producentia. Medicamenta corruptentia sunt, rubefacientia, vesicantia, crustam inducentia, adurentia, corrodentia, putrefacientia, psilothra, lac absumentia, semen extinguentia. Medicamenta aliquid à corpore auferentia sunt, purgantia, vomitoria, diuretica, dydro-

hydrotica, diaphoretica, cerebrum purgantia & expectorantia. Tantum de medicamentorum à facultatibus denominatorum serie.

Tertio sequuntur medicamenta, quæ à paribus corporis humani appellationem suam habent, quæ iisdem tota substantia & specifica proprietate conueniunt; sunt vero hæc, cephalica, ophthalmica, thoracica, cardiaca, stomachica, hepatica, splenetica, nephritica, & uterina. Et hæc vel calida, vel frigida, vel interna, vel externa; v.g. Cephalica calefaciētia interna sunt 1. ex simplicibus; radices prænix, Caryophyllatæ &c. ab animalibus Moschus castoreum; ex compositis, aqua ceraforum nigrorum, liliorum conuallium &c. Cephalica calefacientia externa sunt 1. ex simplicibus, folia rutæ, serpilli; ex compositis, olea rutaceum, nardium, laurinum &c. & sic de reliquis.

Ultimò tandem sunt medicamenta planetaria sic dicta, quia secundum quorundam placitum, à planetis appellationes suas sortitæ, ab iisdem vires suas accepisse, & in operando pendere existimantur; vnde sunt totuplicia, quot planetæ numerantur; Saturnina nempe, Iouialia, Martialia, Solaria, Venerea, Mercurialia, lunaria. Saturnina illa vocantur, quæ sunt ad spectu horrido, odore ingrato vel etiam venenato, sapore stiptico, forma macilenta; & crescunt in vliginosis, sordidis, nemorosis, solitariis & tenebrososis locis; suntque ex his aconitum, agnus castus, Apium &c. Iouialia illa sunt, quæ saporem & odorem habent gratum, florem rubeum vel cæruleum, substantiam oleaginofam, folia plana, & gaudent locis pinguibus, vt sunt Caryophylli, cerasa, fraga &c. Martialia sunt forma aculeata & aspera, sapore caustico, colore ad rubedinem tendente, locaque amant sicca, vt sunt vrtica, catuorum genera &c. Solaria sunt forma regali, colore florū flauo vel fuluo, odore fragrante, sapore grato, & loca amant aprica ac meridionalia; vt sūt heliotropium, crocus, chelidonia &c.

Biblioth. Theol. Tom. IV.

Venerea sunt, quæ habent florem albū, humorem lentum, saporem dulcem, odorem lasciuum, formam foliorum, glabram non laciniatam, vt sunt pisa vulgaria, satyria, boletus ceruinus &c. Mercurialia sunt, quæ varium florum, colorem habent, siliques gerunt, & loco plerumque arenoso nascuntur; vt sunt fabæ, trifolium, bellis, iuniperus &c. Lunaria sunt quæ folia habent crassa, succulenta, saporis aquei vel subdulcis, cito in iustam magnitudinem crescunt, & loca palustria, & aquatica amant; vt sunt brassica, cucurbita, melones, pepones &c.

Ultima tandem Medicinæ curatricis pars est Chirurgica, quæ manu adhibita, siue instrumentis externis vitur, diuersis pro diuersitate morborum. Tantum de Medicina, singulique eius partibus, nunc videndum est quantum referat ad sacræ doctrinæ studium.

I. quod de Medicinæ laudibus passim asseritur; facile ex eo intelligitur cur Ecclesiast. 38. dicatur *Altissimus creauit Medicinam de terra*. II. quod de eiusdem necessitate & utilitate docent Medici, conducit ad intelligendum locum Ecclesiast. eodem capite; *honora medicum propter necessitatem, etenim illū creauit altissimus*. III. quod Physiologia docet circa res naturales humanam potissimum naturam constituentes, iunat ad plura Scripturæ loca explicanda, in quibus de illis fit mentio, Iob. 1. *pelle & carnibus vestisti me, ossibus & nervis compegisti me*. Ioannis 19. *exiuit ex latere aqua*: Aquam enim pericardij in omni animali viuēti reperiri docet Hippocrates lib. pericard. adest, inquit, in ipsa tunica humor modicus velut vrina, vt videatur cor in vesica diuersari; ita etiam Galenus de usu partium, si enim viua secueris animalia, humoris modicum in pericardio reperies, cordis inuolucro: vsus autem huius aquæ, vt eo semper maderet cor, ne forte ardore assiduo, ob perennes motus tereretur; fit autem ex Hippoc. lib. de corde, humoris huius generatio, vt sanum cor in custodia florescat; refrigerandi & humectan-

R r 2 di

di cordis gratia. Potest verò hic humor è vaporibus densatis generari, è vaporù fero exfudante, & è potus parte in thoracem, tanquàm rore illabente. IV. quod ab Higieine præscribitur circa modum tuendi sanitatem per rerum non naturalium administrationē, inseruit ad eruendum legitimum sensum plurium locorum sacræ Scripturæ, in quibus de illis agitur; v.g. sobrietatem esse necessariam tuendæ sanitati; ad illud Eccles. 37. *propter crapulam multi perierunt, qui autem abstinens est adiciet vitam*; varium cibū esse molestum ad illud Ester 6. *Affuerus noctem duxit infomnem*; & Eccles. 37. *in multis escis erit infirmitas*; Vinum modicè sumptum esse tanquam medicamentum ad illud 1. Timoth. 5. *Vtere modico vino propter stomachum, & tuas frequentes infirmitates*. Immodicè vero plura afferre incommoda ad illud Ephes. 5. *Nolite inebriari vino, in quo est luxuria*. A quæ potū magis esse aptum ad speculationes ad illud Eccles. 23. *Cogitavi abstrahere à vino carnem meam, ut animum meum transferrem ad sapientiam*; exercitationem corpoream esse vtilem ad illud Eccles. 31. *in omnibus operibus tuis esto velox, & omnis infirmitas non appropinquabit tibi*; Somnus quomodo utilis; ad illud Eccles. 31. *Somnus sanitatis in homine parco*, & Ioannis 11. *Si dormis saluus es*; Letitia corpus efflorescere ad illud Psal. 27. *Restorui caro mea*, Hebraicè, *exultauit cor meum*; tristitia verò deficcari ad illud Prouerb. 17. *Spiritus tristis defecit ossa*; Animi molestias senium accelerare, ad illud Psal. 6. *Inueteraui inter omnes inimicos meos*; Tristitia esse noxiam sanitati, ad illud Prouerb. 23. *Sicut sinea vestimento, & vermis ligno ita tristitia viri nocet cordi*; tantum de his, quæ ex hac Medicinæ parte conducunt ad Scripturæ intelligentiam. V. sequitur Therapeutica contemplatrix, cuius etiam notitia apprimè necessaria est ad intelligēda plura Scripturæ loca in quibus de diuersis morbis, eorumque causis agitur; v.g. ad illud Isaïæ 47. *contaminaui hereditatem meam*; quod tradi-

tur in ea de morbis hæreditarijs & ex prosapia; Ad illud *famem patientur ut canes*; quod de fame canina; ad illud 2. Reg. 13. *ita ut propter amorem eius agrotaret annum*; quod de pulsu amatorio; ad illud Genes. 11. *ostium domus inuenire non poterant*; quod de Aorisia, quæ est species cecitatis, qua videntes alia, quedam non vident. Ad illud Lucæ 4. *Socrus Simonis tenebatur magnis febribus*; quod de febribus earumque differentijs; Ad illud Iob 20. *Ossa eius implebuntur vitijs; adolescentia eius*; quod de lue venerea, cuius in prædicto loco videtur fieri mentio; Ad illud 1. Reg. 4. *Fractis cervicibus perijt*; quod de vulnerum capitis difficili curatione; ad illud 2. Regum 12. *Filius Bethsabee septimo die mortuus est*; quod de diebus criticis & iudicatorijs; & sic de alijs pluribus, sed sufficit hæc insinuasse. VI. tandem Therapeutica curatrix siue practicæ notitia ad eundem etiam finē conducit; v.g. Ad illud Apocalipicos, *quia tepidus es, incipiam te euomere, ut animum meum transferrem ad sapientiam*; quod de vomitorijs; ad illud Eccles. 10. *Si fueris ad cibos coactus &c. enume & conque-scas*; quod de vomitus utilitate ad immoderatam repletionem; Ad illud Genes. 30. *Da mihi mandragoras*; quod de earum virtute ad fecunditatem; Ad illud Isaïæ 38. *Vlexus Ezechia sanatus est cataplasmate ex ficis*; quod de caricarum virtute ad extergendum, & calefaciendum; Ad illud Tobie 2. *cum calida ster-cora inciderent in oculos suos, fel &c.* quod de fellis virtute ad discutiendas inueteratas albugines oculorum; Ad illud Lucæ 10. *Infundens oleum & vinum*, quod de utilitate olei & vini ad vlcera; Ad illud Isaïæ 1. *Plaga tumens, non est circumligata*; quod de colligatione fraëtorum docet chirurgia; En quantum Medicinæ, singularumque eius partium notitia conducit ad diuinam Scripturam, intelligentiam. De quo vide Medicum Politico Catholicum, seu medicinæ sacræ tum cognoscendæ tum faciendæ Idem, auctore Hieronymo Barro Genuz in 8. 1648. Item eiusdem Latrochy-miam

miam sacram; Valefij factam Philoſophiam, Guillelmum Aderumde Aegrot. Evangelicis, & Theoricam Medicinæ ſacræ Scripturæ locis illuſtrata, auctore Hyacintho Iordano Ord. Prædic. item quæſtiones Medico legales Zachariæ.

CAPVT XV.

Quantum referat ad ſacræ doctrinæ ſtudium Chymia, ſeu Alchymia.

CHymia, quam & Chemiam, & Alchymiam appellant alij, non ſumitur hic præciſe, pro ea parte, quæ præſcribit modum conficiendi aurum, vel argentum ex alio metallo aut ære, quæ Chryſopoeia ſive aurifaçtoria dicitur; de qua agemus in fine huius capituli; ſed ſumitur latius pro ea arte, vel Philoſophiæ naturalis parte, quæ vi & beneficio ignis naturalem actionem æmulatur corpora heterogenea ſoluendo, homogenea coagulando; propterea Theophrastus Paracellſus Spagiricam artem nuncupavit, quandoquidem *ἡ τοῦ σπῆρος τέχνη* in extrahendo, ſive ſeparando, & congregando, ſive coagulando tota occupatur; vnde etiam communiter illi assignatur pro obiecto, corpus naturale diſſolubile, & coagulabile. Inter duo igitur extrema aliquorum nimio ſtudio cenſentium hanc artem ſolam Philoſophiæ appellatione dignandam, & aliorum inconfulto ſectæ odio arcanis naturæ ſcutatoribus vix inter lixas, & cinifiones, & Carbonarios locum concedentium; media via incedendum putò, Chymiam videlicet eſſe artē laude dignam; quæque non modo inter practicas, ſed etiā inter ſpeculativas iure merito referri poteſt. Etenim non ſolum circa ſuum occupatur obiectum: ignem vegetando, aquam eliciendo: lapides conſando, vniones, gemmas ad naturæ imitationem effingendo; metalla depurando, ſegregando, perficiendo: ſtirpes producendo, transformando: animalia generando, ſecundando, medendo; ſed inſuper muſta de eodē obiecto per ſuas

cauſas, naturaliaque principia demonſtratiuè cognoscit; Vnde etiam ſpeculatiua ſimpliciter, phyſicaque ſcientia, dicenda eſt, ex manus verò operatione, mechanica, ſive practica per accidens. Quod pertinet ad illius diuiſionem; etſi reſpectu finis, cuius cauſa ſuſcipitur ab artiſtice, qui ignoratis principijs, & naturalibus cauſis, ex rerum præparandarum uſu dumtaxat artem tenet, & Metallariorum, & Aurifabrorum, & Vitrariorum, in primis vero Medicorum non honoraria tantum ſed etiam vicaria pe-diſſequa eſſe videatur; tamen reſpectu ſubiecti circa quod verſatur, & ratione cuius Phyſicæ ſubalternatur, rectè diuiditur tanquam in ſuas partes in lapidariam, Metallicam, Vegetatiuam, & Animalem. Inter quas quia potiſſimum, apud homines tenet locum Metallaria, pro eo quod Chryſopoeia, ſive aurifaçtoria eſſe creditur, breuiter hic aliquid de illa attingemus.

An ergo poſſibile ſit per artem, præſidio rerum naturalium adiutam, verum aurum ex non auro produci? Duæ ſunt oppoſitæ ſententiæ: prima omnino negat: ita Abulenſis Exodi 7. quæſt. 10. alijque plures; ſecunda vero affirmat poſſe re vera effici aurum interuentu Alchymix; quod probat fuſiſſimè Robertus Valleniſ cap. t. *operis de veritate, & antiquitate artis Chymicæ*; arguendo non ſolam ab authoritate humana omnis generis, Poetarum, Philoſophorum, Iuriſperitorum, Theologorū, ſed etiam à ſacra diuinatum Scripturarum: Primoque loco aſſert testimonium Eſdræ lib. 4. cap. 8. *Dicam autem coram te Eſdra. Quomodo autem interrogabis terram, & dices tibi, quoniam dabit terrā multam, magis vnde ſit ſcilit: paruum autem puluerem vnde aurum ſit.* Quod ille cenſet eſſe explicatiſſimam aſſertionem Alchymix. Verum quia ille liber Eſdræ inter agiographa non annumeratur; addit illud Eccleſiaſtici cap. 38. *Altiffimus creauit de terra medicinam, & vir prudens non abhorrebit eam.* Item illud Davidis Pſalmo 12. *Eloquia Domini: eloquia*

quia casta, argentum igne examinatum, probatum ter, purgatum sextuplum. Quæ locū duplici alia lectione illustrat. Prior est, eloquia Domini, eloquia munda, argentum igne examinatum in vase terreo, purgatum septies. Posterior verò est, huiusmodi. Verba Dei, verba pura, argentum in Aludele exustum, in terrâ, seu puluerem refusum septies. Est *Aludel* vox Arabica, latinè sonans sublimatorium, aut vas, in quo fit sublimatio Chymica, de qua Geber *lib. 2. cap. 43*. Quod ergo sublimatione per ignem lentum facta, septiesque iterata, argentum quoniam auro perfectius reddatur, inde David puritatem, & nitorem diuinæ legis supra quod vis vulgare aurum, expressit ea comparatione argenti, in Aludele per fusionem Chymicam repurgati. Quæ omnia loca licet efficaciter nō probent Chrysopeæ veritatem, alias enim possunt habere interpretationes; posterior tamen Psalmi locus, saltem probat illius artis veritatem, in argento aliisque metallis igne excoquendis, & scorij ac fecibus abiectis expurgandis; ex quo postea probabiliter colligitur ad tantam perfectionem illam artem peruenire posse, vt per illam applicando actiua passiuæ verum aurum cōfici possit; authores enim huius secundæ sententiæ, adductis diuinarum Scripturarū authoritatibus, non illam propterea defendunt tanquam quid pertinens ad fidem; sed tanquam quid in Philosophia probabile, quæ in suis etiam sententijs diuinarum Scripturarum suffragiū querere solet. Vnde quod *lib. 3. Regum. cap. 10*. legitur fecisse Salomonem, *ut tanta esset abundantia argenti in Hierusalem, quanta & lapidum*; probant aliqui non tam thesauris paternis, aut nauigationi trienniali per mare rubrum in Ophir, quàm ipsi lapidi Philosophico acceptum esse ferendum.

Stante Philosophica huius sententiæ probabilitate, existimo libros chymicos, pro vt Chrysopeiam spectant, non esse simpliciter & absolutè confidendos; vnde etiam hætenus nullos il-

lorum iure positivo cōmuni fuisse prohibitos, etiam post Extrauag. *Spondent* Ioannis XXII. contra Alchymistas rectè notauit Delrio *lib. 1. disquisit. Magic. c. 5. quæst. 4.* dixi simpliciter & absolutè, quia non sunt probandi illorum libri, qui vt Alchymicæ opera & arcana occultent, nō solum iisdem verbis vtuntur, quæ in rebus sacris, atque diuinis mysterijs vsurpare solemus, sed etiam sub illis, tanquā sub metaphoris philosophica latere arcana somniantes, sic illa explicare conantur. Quod quam sit absurdum, diuinisq; mysterijs iniuriosum patet: nā licet non minus ex arte Chymica, quàm ex omnibus alijs scientijs naturalibus, possint desumi aliquæ similitudines & metaphoræ ad explicanda sacramenta fidei nostræ mysteria; quod tamen illa subseruiant ad declaranda rerum omnino naturalium, & inferiorum arcana, videtur eorum dignitati omnino dissentaneum, atque adeò improbandum.

Sed est maior difficultas inter doctores; stante probabili sententia, quod per artem chymicam verum aurum fieri possit, an non solum illius libri legi, sed etiam illa licitè possit exerceri; cui respondeo breuiter duabus cōclusionibus cum Martino Delrio loco superius citato. I. est nullo iure in foro fori, hanc artem fuisse prohibitam, vt non liceat eam exercere ex defensione iuris positui. Vbi de communi iure loquitur tam ciuili, quàm Canonico, non de particularibus locorum statutis, vel regnorum sanctionibus. II. est, in foro conscientie non promiscuè, sed cum delectu hanc artem esse permittendam, imo periculisque, vt perniciosam, atque adeo illicitam esse prohibendam. Sic quicquid illiciti est, id non ex artis natura, quæ in se mala non est, imo, quatenus ars est & scientia secundum se bona est, proficiscitur, sed à vitio tantum circumstantiarum, quæ vt plurimum in hac operatione reperiuntur: vnde si hæc desint, non est quid in ea reprehendatur: sed quia vix vaquam desunt omnes, rarò fit, vt alicuius ratione non adsit vitium, & peccatum;

CAPVT XVI.

Quantum referat ad sacrę doctrinę studium Mathesis in communi, primęque eius speciei Arithmetica.

catur; & ideo dicitur plerisque perniciosam, & sic illicitam esse censendam. Hæ autem circumstantiæ, & veluti capita cæterarum sunt quatuor, finis, modus, temporis, & personæ.

Si finis sit lucrum & auaritia illicita est. Quia lucrum ex hac arte est prohibitum, & ex statuto Ioannis XXII. non licet hoc auro uti ad commercia, contractusve, si pro vero auro, quis uti vellet: non licet etiam eo uti in medicamentis, nec in monetarum mixtione. Ex merito, nam licet per artem verum aurum fieri posse probabile sit, id tamen adeò rarò contingit, ut censendum sit moraliter non contingere, siue impossibile esse. Quare tam verisimili causa dubitandi existente, non licet in commercium, aut alium quemcumque vsu illud deducere, ut verum aurum, sub mortali. Vendi tamen posse pro auro alchimico, & iuxta æstimationem peritorum autifabrorum, conueniunt omnes. Si vero quis illud euderet, siue produceret, eo tantum sine, ut ipsemet in annulos, catenas, aut suppellectilem propriam illud adhiberet: huic omni cura foret adnitendum, ne quis eo viuo, vel mortuo per hoc deciperetur. Alioqui pro negligentia latitudo, hic quoque peccati grauitas nasceretur. Sed de his satis plura videri possunt apud aucthores Martinum Delrio, Raphaclem de la Torre 22. quæst. 96. artic. 2. disp. 9. Sanchez lib. 2. in Decalog. cap. 40. nu. 51. ubi chemicum studium, quoad priuatos damnat, & latè à Graffis p. 1. decis. lib. 1. cap. 28. negans chymicum pertinacem, esse sacramentaliter absoluendum; quod tamen debet intelligi, quando eius studium ex aliqua circumstantia esset perniciosum, non autem de illo secundum se, ut vidimus.



PER Mathesim in communi intelligimus scientiam illam, quæ quantitatem ut sic, abstrahendo à continua, & discreta contemplatur, eiusque principia, & affectiones. Quæ principia, vel sunt prima, vel secunda. Prima rursus diuiduntur in assertiua, quæ sunt definitiua, vel definitiones, & axiomata, vel axiomata, & in petitiua, siue postulata. Secunda verò distinguuntur in propositiones elementares, quæ affectionē demonstrantes vocantur Theoremata, fabricam autem ostendentes problemata: & in cognata elementaribus propositionibus, cuiusmodi sunt lemmata noua indigentia demonstratione, & corollaria non indigentia noua demonstratione. Affectiones quantitatis similiter aliæ sunt absolutæ, aliæ relatiuæ, siue respectiuæ; absolutæ ratione extensionis, quæ finita, vel infinita dicitur quantitas, vnde diuisibilitas: respectiuæ, quæ coherent, contractus, sectio; quæ comparantur inter se se, comparatio, quæ vel est simplex ratio, vnde oritur æqualitas vel inæqualitas, commensurabile & incommensurabile; vel composita analogia, seu proportio dicta; quæ plures rationes inter se conferuntur, vel continuæ, vel disunctæ, vnde similitudo, & dissimilitudo. Tantùm de Mathesi in communi, sequitur vt agamus de illa in speciali, & primò qua Arithmeticam sub se continet; si prius posuerimus aliqua principia, ex quibus dependent probationes omnium conclusionum Mathematicarum, tam Arithmeticarum, quam Geometricarum.

Primum est, omne totum est æquum suis partibus simul sumptis, & è contra.

Secundum, omne totum est maius sua

sua parte; & vtrouique totum sumitur categorématique, non autem syncategorématique: totum autem categorématique sumptum, idem est, quod habens partes; syncategorématique verò idem est, ac quælibet pars.

Tertium, quæ vni, & eidem sunt æqualia, inter se sunt æqualia.

Quartum, si æqualibus æqualia adduntur, vel idem commune, tota ipsa sunt æqualia.

Quintum, si æqualibus æqualia demas, vel idem commune, relinquuntur æqualia.

Sextum, si inæqualibus æqualia adduntur, vel idem commune, tota sunt inæqualia.

Septimum, si ab inæqualibus æqualia demantur, relinquuntur inæqualia.

Octauum, si aliqua res applicetur alteri sic, quod altera non excedit alteram, illæ sibi inuicem sunt æquales.

Quia vnitas quæ est principium numeri est prior puncto, qui est principium lineæ, & passiones etiam, siue proprietates numeri deseruiunt in magnitudinibus; proportio enim in magnitudinibus sumitur à proportionem in numeris; ideo inter mathematicas disciplinas, primum obtinet locum Arithmetica, sic dicta à quantitate discreta, seu numero, de quo agit tum generaliter, tum specialiter. Generaliter qua considerat naturam numeri, quod sit multitudo ex unitatibus collata; principia, materiale, quod est vnitas; formale, esse discretum: & affectiones; quæ sunt computationes numeri, & minutiarum. Computatio numeri rursus alia est simplex, alia comparata; simplex quæ reperitur in numeris, & in fractis; simplex computatio in numeris, prærequirit notationem numeri, qua scriptio, & pronuntiationem, vel numerationem; in qua ordo, quod numeri sint simplices digiti, compositi primi articuli; orti seu coniuncti; & valor simplicium compositorum, vbi gradus & periodi; absoluitur verò algorythmo, cuius species simplices sunt additio & subtractio; compositæ multiplicatio

& diuisio. Simplex computatio in fractis, alia est vulgaris, alia compendiosa; vulgaris, in qua notatio, ratione scriptio, & pronuntiationis, vbi denominatio & valor; deinde numeratio in additione & subtractione, multiplicatione & diuisione, compendiosa dicitur, vbi compendium Geometricum, siue Arithmetica decimalis, in qua notatio, species, additio, & subtractio decimalis, multiplicatio & diuisio decimalis; & Astronomicum, siue Legistica sexagenaria in qua similiter notatio, denominatio à gradibus, & valor; species additio & subtractio, multiplicatio & diuisio. Computatio numeri comparata dicitur, qua numerorum mensurabilitatem, hinc numeri alij primi, alij compositi, communis diuisor maximus, communis diuiduus minimus, & æqualitatem respicit, vbi ratio, & proportio, quæ proportio vel est continua, siue progressio Arithmetica, Geometrica; vel disiuicta, simplex, quæ est vel directa regula aurea, siue de tribus, eiusque compendia; vel reciproca regula de Trib. inuersa; & multiplex, vt regula dupli, societarum, quæ iterum vel simplex, vel multiplex, alligationis, falsi. Tantum Arithmetica de numero generaliter considerato, specialiter autem dicitur agere de illo, qua figuratus; cuius definitio est, quod sit numerus ex multiplicatione exurgens; diuisio verò in planum, & solidum; plani rursus in æquilaterum seu quadratū, & inæquilaterum. Operatio similiter huius numeri figurati alia est vulgaris, alia specialis: Vulgaris, vbi radices quadratæ, vel cubicæ extractæ & numeris simplicibus & compositis, vel iuxta rhabulam quadratorum, & cuborū, vel rhabdologiam Neperi, vel viam artis, in numeris perfectis & surdis; deinde extractionis vsus in inuentione numeri proportionalis inter duos datos: vbi quæruntur vel intermedius vnus, vel duo medij proportionales. Operatio specialis consistit in Arithmetica Algebraica, quæ absoluit Algorythmo, vbi species in numeris integris, fractis, irrationalibus,

bus, radicum extractions; & regal a. Cossica, quæ absoluitur æquatione, reductione, diuisione, radicis extractione. Sic he habet typus Arithmeticae, superest vt singulos terminos in ea contentos breuiter explicemus.

Triplex est numerus, scilicet numerus numerans, numerus numeratus, & numerus quo numeramus. Numerus numerans, est ipsemet actus animæ numerans res ipsas: numerus numeratus, sunt res numeratæ, numerus verò, quo numeramus est ipsa quantitas discreta, ab Arithmetica considerata, vnde definitur multitudo ex vnitatibus collecta, vel aggregata. Diuiditur in parem & imparem: numerus par est ille, qui in duo æqualia potest parti, secus impar. Vterius distinguitur numerus par in perfectos, superfluos, & diminutos. Numerus perfectus dicitur ille primò, qui omnibus partibus suis aliquotis aggregatis est æqualis, dicitur autem pars aliquota, quæ aliquotis sumpta reddit suum totum, V.g. fenarij partes aliquotæ sunt 1.2.3. quæ omnes aggregatæ fenarium constituunt. Secundò numerus perfectus dicitur qui constat ex omnibus suis partibus simul sumptis, & sic ternarius numerus dicitur perfectior. Tertio modo dicitur numerus perfectus quia in eo est status numerorum, & sic denarius est perfectus, & est primus terminus ad quem stat resolutio numerorum. Vnde denarius est primus limes; secundus verò limes ille, qui fit ex ductu in se, scilicet numerus centenarius: tertius ex ductu denarij in centum, scilicet millenarius, & sic in infinitum. Numerus autè superfluus vel abundans dicitur ille, cuius partes aggregatæ ex crescere faciunt totum in maiorem numerum, vt numerus duodenarius, cuius partes aliquotæ sunt 1.2.3.4.6. quæ simul inuicem producunt 16. Numerus diminutus per oppositum dicitur ille, cuius partes aggregatæ minorem numerum constituunt, sicut octonarius, cuius partes aliquotæ sunt 1.2.4. quæ in septem descendunt.

Biblioth. Theol. Tom. IV.

Numerus impar diuiditur in primū siue incompotum, aut simplicem, & in secundum, siue compositum. Incompotus dicitur ille, qui nullam habet partē aliquotam nisi vnitatem, vt numerus ternarius & quinaris. Compositus verò qui habet alium numerum numerantem, vt nouenarius, quia ternario numeratur. Vbi aduertendum primò vnū numerum dici numerare alterum, quando aliquoties sumptus ipsum constituit. Secundò notandum etiam, quod numerum in se, vel in alium duci, idem est quod per se, vel per alium multiplicari, vnde numerus productus dicitur, qui ex tali multiplicatione confurgit.

Secundò numerus mathematicus, siue par, siue impar diuiditur in lineales, superficiales, & solidos: quorum duorū vltimorum tot ferè sunt species; quot planorum, & solidorum Geometricorū, vt triangulus, quadratum, pentagonum, exagonum, &c. pyramis, cubus; vnde etiam numeri pyramidales. Tertio diuiditur numerus in digitum, articulum, & compositum; Digitus, siue numerus digitalis est omnis numerus minor denario. 1.2.3.4.5.6.7.8.9. sic in omni numero figurato, nullus potest esse digitus nisi vltimus numerus. Articulus est omnis numerus diuisibilis in decem partes æquales, ita quod nihil residuū sit, cuius proinde in cōfiguratione o sēper occupat vltimum locum, vt 10.500.340.8020. &c. compositus verò, siue mixtus dicitur ille, qui constat simul ex digito & articulo, cuius proinde in cōfiguratione nunquam o occupat vltimū locum. Tantum de diuisione numeri mathematici, & abstracti, siue quo numeramus, qui pertinet solum ad Theoriam; nunc agendum est de numero numerato, siue concreto, id est, qui cum aliqua denominatione pronūtiatur, pertinetque ad praxim, vt 7. cannae siue vlnæ, 8. scuti.

In quinque igitur species principales diuiditur. Prima dicitur vulgariter denominata, siue numerus vulgariter denominatus, vt sunt 8. vlnæ 10. libræ.

Sf

Secun-

Secunda dicitur, fractus, vt $\frac{1}{2}$ vlnæ, siue dimidium vlnæ, fractio enim, minutia-ve, siue numerus fractus, nihil aliud est, quam vna pars, vel plures partes alicuius totius in plures æquales partes diuisi. Vt si totum aliquod sectum sit in duas, aut quinque partes æquales, & quispiam ex illis sumpsit vnā dicitur illa dimidia, & quinta pars numerus fractus. Sic etiam si quis duas, tres, aut quatuor acceperit, dicentur duæ ille tres, vel quatuor quintę partes, numerus fractus. Constat proinde qualibet minutia duobus numeris, qui in ea proferenda exprimuntur. Primus dicitur numerator, quia numerat, quot partes contineat fractio proposita ex illis, in quas totum, cuius est fractio, diuisum est. Alter appellatur denominator, quia denominat illas partes fractionis, hoc est indicat, in quorū partes totum intelligitur esse diuisum. Vt cum proponitur fractio continens tres quintas partes, numerator est 3. quia significat in illa fractione contineri tres partes totius; Denominator verò est 5. quia indicat, tres illas partes non esse qualescumque, sed quintas. *Tertia* species est numerus Physicus siue Astronomicus, vt 20. gradus 60. minutæ. *Quarta*, surdus vt. *B. 7. Quinta*, Cossicus, vt 1. *B.* qui ab alijs vocatur non vulgaris: ad distinctionem eorum numerorum, quos vulgari Arithmetica explicari in usu est.

Numerus vulgariter denominatus dicitur ille, qui habet vulgarem alicuius rei denominationem, vt 5. vlnæ; vlna dicitur denominatio vulgaris; quarum denominationum alię sunt maiores, & dicuntur illę; quę continent minores, in quas possunt resolui: vt in monetis sunt librę, asses & denarij; libra enim valet viginti asses, assis duodecim denarios, denarius diuiditur in duo obola, aut malleas, & obolum in duas pirtas. In ponderibus sunt etiam librę, & marcū, libra in rebus medicinalibus continet vbiq; duodecim vncias, vncia octo dragmas, dragma tres scrupulos, scrupulus duo obola, obolum tres siliquas,

siliqua quatuor grana; quorum omniū sui sunt characteres proprij. At libra mercantilis continet ordinariē sexdecim vncias, diuiditurque in medias, quartas, & semiquartas, aut in alias partes, vt libra medicinalis. Marcum inseruit principaliter auro, argentoque ponderando, & diuiditur in octo vncias, vncia in vigintiquatuor denarios, vel octo grossos, grossus in tres denarios, denarius in viginti quatuor grana; granum in viginti quatuor primas, prima in viginti quatuor secundas. Hactenus de numero magis in communi, tam ad Theoriam, quam ad praxim Arithmetice pertinentē, nunc singulas eius operationes explicemus, numerosque ab illis denominatos.

Numeratio est cuiusvis numeri propositi per proprios characteres, ac figuras descriptio, atque expressio. Vtuntur autem Arithmetici decem characteribus, siue figuris ad omnium numerorum descriptionem, videlicet 1. 2. 3. 4. 5. 6. 7. 8. 9. 10. quarum priores novem dicuntur significatiuę. Quælibet enim illarum tot vnitates significat, quarum ipsa locum in apposita serie occupat. Decima autem figura, & vltima nihil per se significat, diciturque cifra; auget tamen significationem, ac valorem aliarum figurarum. In quolibet numero, qui pluribus figuris scribitur, tot dicuntur esse loca, quot sunt figurę siue significatiuę, siue non significatiuę: primusque locus, seu prima figura est, quę extrema est versus dexteram; secundus verò locus, seu secunda figura est illa, quę proximē primam consequitur versus sinistram atque ita deinceps; adeo vt ille locus, seu figura dicatur vltima, quę primam sedem ad sinistram occupat. Quælibet figura in primo loco posita seipsam simpliciter repræsentat, in secundo decies seipsam significat, in tertio centies, in quarto millies, in quinto decies millies, atque hoc pacto in infinitum: ita vt loca ordine se se superent in decupla proportionē, vt secundus primum, tertius secundum, quartus tertium &c.

&c. Cur autem ordo locorum figurarum ve in quolibet numero progredia-
tur à dextra verſus ſiniſtram, cauſa hæc
eſt : quoniam à Phœnicibus inuenta
eſſe dicitur Arithmetica, qui ſcribere
ſolent à dextra ſiniſtram verſus, more
Hebræorum, Arabum & Chaldæorum.

Notandum tamen diſpoſitionem, quæ
ſit in cifris à dextra in ſiniſtram, fieri in
calculis in lineam ſurſum, ita vt inferio-
res notæ minoris, ſuperiores verò maio-
ris numeri ſint ſignificatiuæ. Præter ſu-
pradiſtas communes numerorum notas
ſive figuras; ſeptem adhuc ſunt litteræ,
quibus numerus quuius propoſitus re-
præſentari ſolet, & ſunt I.V.X.L.C.M.
D. I. valet vnum. V. quinque. X. de-
cem. L. quinquaginta. C. centum.
D. quinginta. M. mille. Quarum lit-
terarum quælibet linea ſic tranſuerſa
notata — millicies ſuum ſignificat valo-
rem, vt Ī valet mille. IĪ. duo mille.
V̄ quinque millia, & ſic deinceps. No-
tandum inſuper circa vſum iſtarum lit-
terarum, quod ſi quis velit aliquem nu-
merum repræſentare, cuius repræſenta-
tioni neceſſariæ fuerint plures litteræ,
debet valore maiores præponere mino-
ribus, vt VIII. Littera enim minoris va-
loris præpoſita ſubſequentem maiorem
detruncat, vt IX. valet nouem. XL qua-
draginta & ſic deinceps; ſed de his no-
tis videri poteſt Gregor. Tholoſ. lib. 15.
Syntaxis artis mirabilis; & *Theatrum*
vitæ humanæ Laurentij Bierlinch ver-
bo Arithmetica.

Additio eſt duorum vel plurium nu-
merorum in vnâ ſummam collectio.
Subtractio eſt minoris numeri ex maiori,
vel æqualis ex æquali, ſubductio. *Mul-*
tiplicatio eſt ductus vnus numeri in
alium. Tunc autem numerus quilibet
in alium duci dicitur, cum alter ipſorū
toties augetur, quoties in altero contin-
etur vnitas. Vt numerus 6. in nume-
rum 5. vel numerus 5. in numerum 6.
duci dicitur, quando numerus 6. quin-
quies accipitur, vel numerus 5. ſexies.
quo pacto ſemper accipiuntur 30. at-
que huiusmodi ductus multiplicatio

Biblioth. Theol. Tom. IV.

appellatur. Cui mirificè inferuit tabu-
la illa, quæ Pythagorica dici ſolet, ea
fortaſſis de cauſa, quod Pythagoras eā,
vel primus excogitauerit, vel certè di-
ſcipulos ſuos in ea diligenter exercue-
rit. Tandem *diuiſio* eſt diſtributio pro-
poſiti numeri in partes ab altero nume-
ro dato denominatas; vt diuiſio nume-
ri 36. per 9. eſt diſtributio eius in nonas
partes, nempe à 9. denominatas; qua-
rum quidem ſingulæ quaternas vnitates
continebunt; ita vt 4. ſit numerus ex
hac diuiſione productus, qui quotiens
dici ſolet. Propterea quod indicat quo-
ties numerus 9. qui diuidens, ſive diui-
ſor appellatur, in diuidendo num. 36.
contineatur. Indicat enim cōtineri qua-
ter, toties nimirum, quoties numerus
quotiens quaternarius vnitatem continet.
Ex quo ſit diuiſionem ita quoque
deſcribi poſſe. Diuiſio eſt inuentio
numeri, qui toties vnitatem contineat,
quoties numerus diuidendus diuiſorē
continet. Porro tam huius quam cæ-
terarum trium operationum examinan-
darum ſuæ ſunt regulæ & probationes,
modusque proprius numeros collocan-
di, de quibus videndi Arithmetici infe-
rius citandi: ſolū notandum eſt ex
his quatuor operationibus omnia, quæ
in vniuerſa Arithmetica traduntur, tan-
quam ex elementis pendere.

Proportio nihil eſt aliud, quam vnus
numeri ad alium habitudo. Vnde cum
vnus numerus poſſit comparari ad aliū
numerus diuerſimodè, ſic etiam diuerſi
ſunt proportionum numeralium modi:
qui ad duo tamen genera vniuerſaliter
loquendo reduci poſſunt. Primum, quo
numerus æqualis comparatur numero
æquali, & vocatur proportio equalitatis
vt inter 1. & 2. palmum & palmum. Se-
cundum verò genus eſt, quod verſatur
inter quantitates diuerſæ extenſionis vt
inter 2. & 4. vel inter magnitudines v-
nius & duorum palmarum, & hæc dici-
tur proportio inequalitatis, recte quoque
nomine cōmuni, ſive generico frequen-
tius appellatur proportio. Eſtque du-
plex, alia appellatur inæquale excedens,

S f 2 quia

quia est à maiori ad minus, cum scilicet maior numerus comparatur minori vt 6. ad 3. & alia dicitur inæquale excessum, quia est à minori ad maius vt 3. ad 6.

Proportionis autem maioris inæqualitatis, siue inæqualis excedentis sunt quinque species, quarum tres sunt simplices & duæ compositæ; simplices sunt, proportio multiplex, proportio superparticularis, proportio superpartiens; compositæ vero sunt, multiplex superparticularis, & multiplex superpartiens. Singulas breuiter explicio. Proportio tunc multiplex dicitur, quando numerus maior aliquoties continet minorem: & si quidem contineat ipsum bis dicitur proportio dupla, sicut se habet 4. ad 2. si verò ter tripla, vt 6. ad 2. si quater quadrupla, vt 8. ad 2. & sic in infinitum. Proportio superparticularis tunc appellatur, quando numerus maior continet minorem, & insuper aliquam eius partem, & tunc si continet ipsum & dimidium vocatur sexquialtera, sicut se habet 3. ad 2. si verò totum, & tertiam partem sexquiertia, vt 4. ad 3. si totum & quartam partem sexquiquarta sicut 5. ad 4. & sic de alijs, quæ sunt species infimæ proportionis superparticularis. Proportio superpartiens est, quando maior numerus continet minorem semel, & insuper plures eius partes; & si quidem contineat duas partes, vocatur superbi-partiens sicut se habent 5. ad 3. si verò tres, dicitur supertripartiens, sicut 7. ad 4. & sic de reliquis, quæ etiam sunt species infimæ proportionis superpartientis. Proportio multiplex superparticularis vocatur, quando numerus maior continet totum minorem pluries, & insuper aliquam eius partem; & si quidem contineat ipsum bis, & dimidiam eius partem dicitur dupla sexquialtera, sicut se habent 5. ad 2. si verò contineat ipsum ter, & dimidiam partem, dicitur tripla sexquialtera, vt 7. ad 2. & sic deinceps illud enim genus diuiditur, tam secundum species multiplicatas, quam secundum species proportionis super-

particularis. Tandem proportio multiplex superpartiens reperitur, quando numerus maior continet minorem pluries, & insuper plures eius partes; & si quidem contineat ipsum bis, & duas partes eius, appellatur dupla superbi-partiens vt 8. ad 3. Si verò contineat ipsum ter, & tres partes eius, dicitur tripla supertripartiens, vt 15. ad 4. & sic de alijs. Nam hoc etiam genus diuiditur iuxta diuisionem proportionis multiplicis, & superpartientis, cum sit ex ambabus compositum. Eodem ordine & ratione diuidendum est aliud genus proportionis inæqualis, quæ appellatur inæquale excessum, nisi quod denominationes exprimuntur per subiectum, nam numerus minor dicitur submultiplex, subparticularis, subpartiens, submultiplex subparticularis, & submultiplex subpartiens; quarum vnaquæque diuiditur in species correspondentes speciebus enumeratis, vt subdupla, subtripla & cæt.

Sicut autem proportio est vnus quantitatis, vel numeri ad aliud habitudo, ita proportionalitas est similitudo, seu comparatio multarum proportionum; diuiditurque in proportionalitatem Arithmeticam, & in proportionalitatem Geometricam. Proportionalitas Arithmetica dicitur illa, in qua seruatur identitas, vel æqualitas excessus, vt sicut se habent 6. ad 4. ita 8. ad 6. sicut enim 6. excedunt 4. in duobus; ita & 8. 6. pariter excedunt in duobus. Proportionalitas verò Geometrica dicitur illa, in qua seruatur identitas, vel æqualitas proportionis, sicut se habent 6. ad 3. ita 4. ad 2. Quamuis enim ipsi numeri sint inæquales, & similiter excessus, quibus extrema nempe 6. ad 4. superant 3. & 2. proportio tamen quæ est inter 6. & 3. equalis est proportioni, quæ est inter 4. & 2. siquidem vtraque est proportio dupla.

Regula trium, quæ alio nomine ob immensam vtilitatem, Aurea dici solet, vel regula proportionum, propterea quod in quatuor numeris proportionibus,

libus, quorum priores tres noti sunt, quartus autem ignotus queritur, versetur; unde & regula trium apud vulgus appellata est: quod tres numeros ponat cognitos, & ex ijs quartum ignotum eliciat. Hec, inquam, regula, nihil aliud est, quam modus inueniendi quartum numerum ignotum, datis tribus numeris notis: qui sic debent disponi, vt is, qui questionem habet annexam, semper enim vnus illorum, questionem secum affert, tertio statuatur loco, reliquorum autem ille, qui de eadem est re, hoc est qui tertio similis est, primum occupet locum, mediam denique sedem teneat alter, cui quartus, qui queritur, similis esse debet. Illis autem sic dispositis, multiplicari debent, tertius, & medius inter se, productusque numerus per primum diuidi. Nam quotiens numerus erit quartus qui querebatur, satisfacietae questioni propositae: hoc est, tertius numerus ad eum habebit eandem proportionem, quam primus ad secundum. Exempli gratia, quatuor aureis emuntur 12. librę mellis, queritur quot librę emi possint aureis 20. vbi vides 20. aureos habere annexam questionem: de illis enim queritur, quoniam libras exhibere possint: huic numero similis est numerus 4. aureorum. Nam sicut 4. aureis emptę sunt 12. librę, ita 20. aureis emendę sunt alie librę: ita vt vterque numerus sit pretium: at 12. librę mellis sunt merces. Ita ergo statuit exemplum.

Aurei	lib.	Aurei	lib.
4.	12.	20?	sunt 60.

Multiplicando autem inter se secundum & tertium numerum, & productũ 240. per primum diuidendo, inuenientur librę 60. pro quarto numero, qui querebatur. Vbi satis apparet, quomodo primus numerus 4. tertia pars est secundi numeri 12. ita numerum tertium 20. tertiam partem esse quarti numeri inuenti 60.

Regula trium inuersa, alij euersam vocant, dicitur, quia contraria procedenti in illa tenetur via ad quartum nu-

merum eliciendum. Regula trium composita sit, quando interdum plures, quę tres numen proponuntur notę, per quos quartus ignotus eliciatur; ita tamen, vt sint semper tres principales, alij autem illis adiuncti minus principales, denotantes vel tempus, vel lucrum, damnumue. Societatum regula sic dicta, quia, immensum apud mercatores vsu habet in societatis contrahentibus incundis, tota nititur regula trium pluries instituta. Quia solent nonnunquam Arithmetici varias merces variorum pretiorum miscere, ita vt, statuto quodam pretio medio, omnes eo emanant, regula per quam id efficiunt, alligationis dicitur, eo quod varię merces alligentur quodammodo ad vnum pretium. Tandem regula falsi sic vocatur, non quod falsum nos doceat, sed quod ex falso posito verum erucere ostendat: quod quidem efficit, ponendo quemuis numerũ, qui propositę questionis putatur satisfactorius, licet reipsa non satisfaciatur.

Extractio radicis quadrate est inuentio numeri, qui in se multiplicatus producat numerum propositum, si quadratus est, vel si non est quadratus, maximum numerum quadratum in eo contentum. Similiter extractio radicis cubicę ex dato numero est inuentio numeri, qui in seipsum multiplicatus, deinde in productum procreet datum numerum, si cubus est, vel si non est cubus, maximum numerum cubum in eo contentum. Quod pertinet ad Algebram, seu Almucabulam, non tam a Gebro Arabae Astronomo, quem huius artis inuentorem fuisse contendunt aliqui minus verosimiliter, si quidem Ioannes Regiomontanus in prefatione Alphragani Diofantio Alexandrino hoc inuentũ probabilius attribuit; ideo, inquam, non tam a prædicto authore suam habet denominationem, quam ab articulo Arabico *el*, & nomine *geboura* id est fortitudo. Quod inter cęteras Arithmeticę regulas maximę præstet, ars maior a pluribus appellata est. Regulam census, & rei Latini dixerunt; hoc est, regulam radicis,

dicis, & quadrati. Magna enim ex parte quæstiones in hac arte propositæ solvuntur per calculationes radicum, quas ipsi res, & quadratorum, quos iidem censu appellant. Hanc Itali Cos, seu regulam della cosa nuncupant, forsitan ab Arabico *cos*, quod sit ab Hebræo *casem* id est numerare; vel quod in quæstionibus solvendis semper una radix ponatur, quam ipsi *cosam* dicunt. Ex quo etiâ nomen illud sortita est, quo à multis regula cossica nominata est. Tandem quia propositum siue scopus huius artis est, ut certam aliquam à sensuum cognitione, ac sensu secretam quantitatem exploret, & inter duos aliquos numeros æqualitate, siue æquatione comperta, deprehendat atque demonstret, ideo Arabes Algebram vocant, quod apud eos idem sonat, ac restauratio; Almucabulam verò, quod oppositionem eorum, lingua significat, quia in quæstionibus abditis exponendis in hac arte, cum ad æquationem æqualitatemve aliquâ perventum est, duo semper numeri æquales, diuerso tamen nomine, sibi inuicem opponuntur. Tantum de nomine huius artis, qua, vix in omnibus alijs scientijs aliquid reperies, quod maiorem in se admirabilitatem contineat, quippe quæ Cossicorum, seu denominatorum numerorum, beneficio, ex quibus præcipui quinque à Diophanto lib. 1. Arithmet. definit. 1. & 2. nempe $\frac{a}{b}$, $\frac{a^2}{b^2}$, $\frac{a^3}{b^3}$, $\frac{a^4}{b^4}$, & $\frac{a^5}{b^5}$ explicantur id est per numeros zenzenzenso, siue quadratiquadratos, surdesolidos, cubizcensos, bisurdesolidos, zenzenzenso, cubicubos, zenfurdesolidos, tersurdesolidos &c. procedens, nullam quæstionē, nullum enigma ad numeros attinens indissolubile relinquit. De quo vide Clauium tomo 2. operum Mathematicorum, Kircherium in Arithmologia, & alios, qui de rebus Arithmeticis scripserunt.

His pro instituti nostri ratione breuiter animaduersis circa Arithmeticam, nunc explicandum est, quam sit vtilis, quamque Theologo necessarium nume-

rorum cognitam habere naturam. Quia in re licet non pauci locupletissimi auctores in medium adduci possent, qui hoc ipsum sensere, nunc tamen sit instar omnium auctoritas Sancti, & magni viri Augustini, qui in lib. 11. de ciuitate Dei hæc scripsit: *Numeri ratio contemnenda nequaquam est, qua in multis sacrarum Scripturarum locis, quam magni sit estimanda elucet diligenter insuetibus. Nec frustra in laudibus Dei dictum est: Omnia in Mensura, & numero, & pondere disposuisti. Et lib. 2. de doctrina Christiana, Numerorum imperitia multa facit non intelligi, translatae ac mystice posita in Scripturis. Ingenium quippe, ut ita dixerim, non potest moueri, quid sibi velit, quod & Moyses, & Elias, & ipse Dominus noster quadraginta diebus ieiunauerunt, cuius actionis figuratus quidam nodus, nisi huius numeri cognitione, & consideratione non soluitur.* Et infra: *Multis, atque alijs numerorum formis, quædam similitudini in libris Sanctis secreta promuntur, quæ propter numerorum imperitiam legentibus sunt clausa. Denique in libro Quæstionum super Genesim, dum loquitur de Israelitico populo ingrediente Aegyptum, hæc habet: Videndum est, quid sibi velit, quod cum Ioseph, & filij eius non amplius quam octo commemorantur; Benjamin verò & eius filij simul undecim reperiantur, non decem & nouem omnes, sicut sunt octo & undecim, sed decem & octo referantur in summam; & postea Ioseph cum filijs suis, non anima octo, sed nouem fuisse dicantur, cum nouem inueniantur.* En quantum ad sacræ doctrine studium referat numerorum Arithmeticoꝝ peritia ex D. Augustino docente S. Scripturam sepe mysteria diuina per numeros consignare; de quo omnino videndus est insigne opus Petri Bonhi Canonici Bergomatis de mystica numerorū significatione, item P. Canisius, & Costerus de Rosario.

Certè beneficio Arithmeticæ faciliè etiam intelliguntur nō solum plura, quæ in numerorum libro continentur, qui totus ferè in numerando occupatur; sed etiam

Sectio VII. Caput XVII. 327

etiam quod Genes. cap. 4. dicitur Cain ædificasse ciuitatem, quam vocauit à nomine filij sui Enoch. Computatione enim Arithmetica deprehenditur ipso Cain adhuc viuentem, homines in tantum numerum excreuisse, vt non solum ciuitatem vnā, sed & regna, & prouincias replere possent; nam cum primi illi nostri parentes vsque ad quadringentesimum, quingentesimum, sexcentesium & amplius suæ ætatis annum vitæ protraherent; atque adeo videre possent natos, natorum & qui nascebantur ab illis; computatione vt dicebam Arithmetica constat intra spatium centum quinquaginta annorum à creatione mundi, numerum hominum ad tria millionum milliaria peruenire potuisse, ponendo quod vnusquisque illorum à quindecimo ætatis suæ anno, filios procreare inciperet, singulisque postea sequentibus annis generaret; quod verisimile est, ex eo quod Genes. cap. 1. dicitur; *Masculum & feminam creauit eos. Benedixitque illis Deus, & ait: crescite & multiplicamini, & replete terram, & subijcite eam.* Per quod etiam patet ad illud quod Genes. cap. 9. dicitur, à tribus filijs Noe, disseminatum esse omne genus hominum super vniuersam terram.

CAPVT XVII.

*Quantum refert ad sacræ doctrinæ
studium Musica.*

Musica, si nominis etymologiam spectemus, vel à *muōis*, vel *musivis*, vel *muōis*, id est inquirendo dicta, est ars, vel scientia rigorosè Arithmeticæ subalternata, seruat enim leges & conditiones ad veram, & essentialē subalternationem requisitas, accipit enim ab ea sua principia, vt satis patet ex sequenti syllogismo ad Musicā spectante; *Vbi est proportio sexquialtana datur consonantia, sed tonus habet proportionem sexquialtanā, ergo tonus habet consonantiam.* Addit insuper aliquam differentiam accidentalem supra numerū, quod est obiectum Arithmeticæ, nam

considerat illum vt est sonorus, concentibusque iungitur & armoniæ: vnde rectè definitur, *Scientia versans circa numerum sonorum.*

Quod pertinet ad primā huius scientiæ originem; Cassiodorus lib. de Musica, illam tribuit Pythagoræ; Clemens Alexandrinus, Musis; Heraclides apud Plutarchum lib. de Musica, Amphioni; Solinus cap. 17. Cretensibus; Strabo libro 7. Dardanis; Plutarchus lib. de Musica, Appollini; alij denique vt Martianus Capella lib. 9. Lasum quemdam Hermionea vrbe oriundum Musicæ parentem faciunt. Sed his omnibus verius magnus ille Moyses *Ἰουδῆ δ' αὐτῷ*, à Iubal antè vniuersam aquarum eluisionem Musicam repertam esse scribit lib. Genes. cap. 4. Et nomen fratris eius Iubal, ipse fuit pater canentium cithara, & organo: Vnde ab hoc Iubal, qui fuit iubilosus, iucundus, & iouialis, putant nonnulli Latinos sumpsisse suum iubilare, & iubilum. Cum igitur homines suapte natura prius canerent, antequam industria experientiæ rudimenta in scientiam artemque congerisset; primus id præstitit Iubal, ex autoritate sacræ Scripturæ; at quia nihil de modo attingit, ideo nimiam huius rei obscuritatē silentio suo fecit; difficultatem verò varia, & toto pene cælo distantia, Scriptorum dogmata pepererunt.

Quod tamen hæc in re probabilius videtur, est, Musicam initio angustam fuisse: apud Græcos enim quatuor elementis, seu chordis primum fuit vtitur, donec aliquis alius, inuentis aliquid addens,

*Expressis numeris septem discrimina
vocum.*

Consonantiæ tres erāt simplices Diatessaron, Diapente, Diapason. Ex harum mixtione ac replicatione tres aliz ortæ sunt. Simplicium molestior inuestigatio fuit. Cum transiret Pythagoras casu fabrilem officinam, per malleorum forientium inæqualia pondera, siue quod idem est, ex malleorum ictibus, varia, proportionē iusti ponderis discretibus, auscul-

auscultasse eas primus, & inuestigasse dicitur à Laertio, & Boethio *lib. 1. Musicae*; Explorando singulorum pondera, quæ his numeris continebantur 12.9.8.6. formas notauit, in quibus solæ multiplex ac sexquialtera, proportionales continentur. Dupla quidem 12. ad 6. Diapason seu octauam; sesquialtera scilicet 9. ad 6. Diapente; sesquitercia 4. ad 3. Diatessaron; consonantias; ac sesquioctaua 9. ad 8. tonum dissonantem à reliquis determinauit. His elementis veteres cantilenas suas, adhibita numeri, ac temporis varietate, instruebant. Dissimili planè ac alieno à nobis ritu. Undè, ut credendum est, nullæ apud illos erant compositionis regulæ, sed inuestigata consonantiarum natura artifices, cantilenas ex illis pro suo libito aptabant. Et licet consonantia non æqualium ac dissimilium vocum concordia, à Nicomacho definita fuerit: tamen paucitas earum, nullum ex immediata harum consequentia fastidium admisisse videtur. Et sufficiebat modulatio, si consonantijs conflecter. Quamuis enim mas & femina, viri ac pueri, naturaliter Diapason modulentur; ideoque id artis præcepto doceri non fuerit necesse: tamen varietas aliarum cum diapason miscendarum consonantiarum artem requirebat, cum suapte natura id homines præstare non possent. Posterioribus sæculis inuentio plurium consonantiarum, quæ superpartienti proportionem generantur, artem ipsam certis regulis ac præceptis, illam à confusione vendicantibus, perfecit, copiosiusque instruxit.

Sic ergò penes primos huius artis, vel scientiæ, non iam dico inuentores, sed Scriptores nihil traditum reperies, præter harum consonantiarum naturas, hoc est, proportionum, è quibus singulæ nascuntur, formas. Et quia vnum intervallum suo ambitu continet alterum; ita vnius ad alterum proportionem esse principium vel elementum, demonstrare conati sunt. Toni partes *Apotomen* ac *lemma*, elementum toni *comma* esse stabilierunt: primum scilicet, qui

auribus distinctè percipi potest, sonum: in hoc enim omnium intervallorum quantitas resoluitur. *Tropos* etiam, licet nimium controuersa narrationis doctrina, & tria modulaminis genera, scilicet *Diatonicum*, *Chromaticum*, & *Harmonicum*, suis libris descripserunt. Omnes inquam, tam Græci quàm Latini vsque ad annum Christi sexcentesimo, seu septimi sæculi initium, vix aliud quippiam in tradenda musica præstiterunt. Ex Græcis Pythagoras, Aristoxenus, Nicomachus, Philolaus, Alypius, Ptolemæus, ex professo Musicam tractarunt. Alij ex occasione propositi argumenti eandem attigerunt sine methodo. Item inter Latinos Vitruuius, in gratiam Architecturæ, ex Aristoxeni scriptis; Macrobius, ratione narrationis in somnio Scipionis allegatæ; & Appuleius ex occasione argumenti in suam propositionem ingessi de Musica scripserunt. At Boëthius, Martianus Capella, & Venerabilis Beda, ex professo scientiam Musicæ, demonstratio modo tradiderunt. Vt Euclides solus inter Græcos doctiori, breuiori, clariori, veriorique ratione ac methodo Musicam docuit. Cuius hic syllabus est in paragraphos digestus: *Sonus*, *Intervallum*, *Genus*, *Constitutio*, *Tonus*, *Mutatio*, *Melopoëia*. Ita inter Latinos, è veteribus præcipui sunt Boëthius & Beda. Boëthius enim primum accuratus veterum interpres, eorundem sententias collegit, examinavit, distinctit, correxit, & conciliauit. Inheret tamen veterum vestigijs. Characteres quoque sonituum (quorum loco apud nos *notulae* sunt) tradidit. Deinde Beda, ducentis post Severinum Boëthium annis, duplici tractatu, Theoreticam, & Practicam Musicam scripsit, sed veterum limites non excescit. Notularum tamen figuras & clausas, item Scalam Musicam, lineis ac spatijs constantem, tradidit ex vsu Ecclesiastico; quem à Gregorio Magno Papa introducunt putat aliqui, cui cantus reformatio, meliori ritu inducta, ascribitur; ipseque Cantus, ab eo Gregorianus dictus est.

Cum

Cum ad ea usque tempora angustior, & imperfectior esset Musica: nam angustius Systema, pauciores consonantias, minorem vocum concentum, difficilemque modulationem habebat; Circa annum Christi millesimum centesimum, sub decimi seculi finem, Guido Aretinus Monachus & Abbas Benedictinus, Musicus excellentissimus, veterum scriptis subtilissimè ruminatis, meliorem ac faciliorem Musicæ Methodum instituit, systema amplificavit Encolichordo. Adeo ut posteritas perfectionem Musicæ illi debeat; etsi enim illam omnino ipse non absoluerit; viam tamen alijs aperuit; ab eoque tempore imperfectæ consonantiæ inuentæ, ac præcepta ampliora componendi Musicam tradita sunt; unde ars ipsa plenior maiestatis ac delectationis ad perfectionem nobiliorem deducta est. Inter alia religiosus iste ex hymno D. Ioannis Baptistæ

VT queant laxis
REsonare fibris
MIra gestorum
FAMuli tuorum
SOLue polluti
LABij reatum.

Sancte Ioannes. mutuatus satis ingeniosè dicitur primas cuiuslibet versus Syllabas, quæ sūt, VT. RE. MI. FA. SOL. LA. quas pro primis Notis cantus posuit, & cantu isto in manus collocato, siue per flexuras articulorum in manibus discreto, cantare incepit, ac voces cum notis, quas in lineis posuerat in concordiam redigere.

Circa seculum decimum tertium Franco Musicus floruit. Post quem Ioannes Tinctorius, Franchinus Gaffurius, & Iacobus Faber Stapulensis fuere, decimo quarto seculo. Horum opera ac scriptis Musica Theorica & Practica mirificè ad perfectionem excreuit amplius; & ab illis regulæ compositionis, iuxta seriem systematis Guidonici præscriptæ, diuturnaque consuetudine, ad nos peruenierunt. Tandem Iosephus Zarlinus Clodiensis, Theoria ac Praxi instructif-

Biblioth. Theol. Tom. IV.

simus doctissimis institutionibus, demonstrationibus ac supplementis, lingua Italica editis, apud Venetos, anno 1580. Musicam præ cæteris adeo feliciter tradidit, & absoluit, ut sine illo nec veterum sententiæ expediri possint, nec perfectæ huius disciplinæ notitia facile obtineri. Prolixiorem nonnihil, sed eruditione fastidium compensantem huius authoris tractationem, compendiosè in tabulas redegit Ioannes Maria Artusius Bononiensis, Italico etiam idiomate: quibus breuiter, clare & perspicuè rem studiosis proponit. Scripserunt & alij plures inferius citandi. Hætenus de origine, & progressu Musicæ, ut diximus, primus Pythagoras consonantias, intervalia, tonos, & sex litteras Musicales adinuenit G. A. B. C. D. E. Guido vero Aretinus, pro cantu firmo, quem alij choralium vocant, loco sex prædictarum litterarum, substituit sex syllabas Musicales Vt, Re, Mi, Fa, Sol, La; pro cantu autem figurato manum Musicalem excoGITauit cum tribus punctorum generibus, magnis videlicet, medijs, & paruis, quorum prima duas, secunda vero vnam, dumtaxat mensuram valebant, tertia autem diebus inseruebāt; donec ad maiorem Musicæ perfectionem, commoditatemque in exprimenda vocum varietate, fuerint inuentæ aliæ octo figuræ vel notæ; scilicet Maxima, longa, breuis, semibreuis, minima, semiminima, chroma, & semichroma; quarum primus author dicitur fuisse Parisijs quidam Ioannes de Muris insignis Philosophus natione Gallus, circa annum Domini millesimum trecentiesimum quinquagesimum tertium & ad hæc usque tempora sunt in usu; de quo videri possunt Nicolaus Vicentinus lib. 1. cap. 4. & Scipio Cerretus lib. 3. cap. 8.

Iam quod attinet ad partes Musicæ, sunt qui rem altius repetentes, illam primo diuidant in naturalem, & artificialem; naturalem rursus in humanam, elementarem, cælestem, Angelicam, Diuinam siue Archetypam, artificialem postea subdividimus: Ut enim Proclus

T t initio

initio synopses musicæ suæ habet, *μουσικὴν οὐ παλαιά, συνίχας ἡμῶν τὴ παῖς*, id est, Musicam antiqui totam vniuersitatem comprehendere dixerunt, cum nihil sit in illa, quod symmetria non constet; sic igitur naturalis humana Musica est, quæ de proportionibus corporis & animæ, atque harum inter se partium pertractat; quas existimant antiqui respondere harmoniæ mundi maioris; proportionem illas explicuit insignis pictor proprio libro Albertus Durerus; in facultatibus verò & actionibus animæ, elementorum convenientia in corpore, in virtutibus explorauit Musices Harmoniam & systemata Tyardeus lib. 2. Musices; Heciphilus quoque medicus, motus humanos, & pulsus venarum digessit in numeros Musices. Naturalis Cælestis, & Elementaris Musica est, quæ de harmonia totius, & partium mundi considerat; ex disposito enim orbium & planetarum ordine, concordanti motu, & occurrente in spatio, definito sit cælestis Musica, sicut describit Cicero in somn. Scipionis, & Macrobius in eum lib. 2. cap. 1. Sunt quoque in elementis motus diuersi, qui harmoniam in rerum natura demonstrant, de quibus Plato in Timeo, & in eum Marsilius Ficinus, & Chalcidius explicat proportionem musicales, & quomodo in motu cælestium & elementorum sunt, Boethius & Angelus Politus lib. Panepistemon, sed melius Tyardeus in solut. Musices. Idem dicit de Musica Angelica versante circa tres hierarchias, nouemque Angelorum choros; Et de diuina Deum contemplante, quem veteres sui ipsius, & vniuersitatis harmoniam appellarunt, non solum quia in illo totius mundi structura, atque proportio mirabilis archetypicè præexistit, sed etiam conseruatur, & ab eo solo suam originem desumit.

Porro artificialis Musica diuiditur in Harmonicam, Rhythmicam, Metricam, Canonicam, & Histrionicam, siue mutam. Harmonica dicitur illa, quæ sonorum consonantias, tonorum atque modorum differentias, & efficaciam considerat.

Rhythmica, quæ contemplatur leuotionem & positionem, siue id visu percipitur vt in saltatione, siue tactu, vt in motu venarum, siue auditu vt in cantu. Metrica, quæ concentum disquirat qui in poematibus à litteris, syllabis, pedibus & versibus efficitur, vnde ab alijs fortasse Poëtica dicitur. Canonica, quæ regularum segmentis & tetrachordo consonantias harmoniarum contemplatur, & habet sub se instrumentalem, quæ instrumentis vitur ad quamlibet harmoniam exprimendam, cuius inferioris diuisionem adducemus. Histrionica tandem, siue muta est illa, quæ ab histrionibus, mimis, & Pantomimis absque sono, solis manuum, vultus, pedum gestibus exercebatur; idemque intelligebantur, & mirabiliter populum oblectabant, actibus in scena intermedijs. *Istā*, inquit Cassiodorus lib. 1. *variar. epistol.* ad Albinum scribens, *Musica partem veteres nominarunt mutam, quæ quibusdam gestibus facit intelligi quod lingua, aut scriptura, melius exprimi haud possit. Et lib. 4. epistol. ult.* qui hanc artem callere eos Paulomimos fuisse appellatos ait; quamuis alij Chironomos eos, & propriè & distinctè magis nominatos fuisse velint.

Secundò Musica artificialis ratione organi diuidi potest in vocalem, & instrumentalem; circa Musicæ vocalis diuisionem nihil occurrit notandum, nisi quod adeo varix sint voces, vt incredibilem diuersitatem, atque differentiam in eadem cantilena faciant. In primis verò loquendo à toto genere, deprehenditur singulas nationes in voce atque modo canendi differre, adeo vt Angli concinnando iubilare, Hispani sictus promere, vlulatus Germani, Itali, Genueses præsertim, illisque vicini caprifare, Barbari latrare, soli Galli cantare dicantur, si Franchino Gaffurio in fine Theoricæ suæ credimus. Certè voces superioris, quæ puerorum esse debent in Gallia reliquis superare existimat Merfennius in Genes. c. 4. ver. 21. art. 9. Notum quoque est voces hominum eo for-

fortiores, atque robustiores esse, quo magis ad polum vergunt, acutiores vero quo australiores fuerint. De hac voce diuersitate consule Iulium Pollucem lib. 2. onomast. cap. 26. diuinique numinis omnipotentiam in ea admirare, qui vnica arteria humana voces tam varias, & inter se distitas explicari voluit, vt omnia instrumenta superet, etiam si pandodia fuerint. Nec alia de causa Musici instrumenta reperisse videntur, quam vt arterie voces pro viribus imitarentur, & quæ natura muta sunt, atte vocalia redderent. Sunt etiam qui vocalem Musicam diuidant in eam, quæ fit cum sono simplici, scilicet cum solmificatione, vt vocant, vel alio sono inarticulato, & in eam quæ cum sermone significante, quæ iterum est duplex, irregularis vna & regularis altera; irregularis est ex modulatione triuali; regularis verò, quæ constat certis regulis; quæ etiam est duplex choralis, & figuralis. Choralis, quæ Gregoriana dicta, simplex. Figuralis & mensuralis alia noua, constans ratione positionis, diuersitate sonorum.

Musica artificialis instrumentalis, vt sunt etiam innumera propè instrumentorum genera, diuersimodè posset diuidi; ad tria tamen potissimum genera solet reduci eius diuisio, secundum quod concentum perficitur aut flatu, & pulsu, aut pulsu solo: inde enim omnia musica instrumenta sunt vel emphousomena, siue pneumatica, seu empuusta, quæ inflata sonum edunt, vt fistulæ, & tibia, cornua, litui, tubæ, buccinæ, elasticæ, organa &c. vel sunt egchordea, entapta, quæ nervis seu chordis constant, quæque pleatro, vel digitis tanguntur, vt recludines, eitharæ, psalteria, lyra, &c. Sunt & erousta, quæ pulsantur, vt tympana, sistræ, cymbala, campanæ &c. Pulsu enim tripliciter perficitur sonus, vel pulsu aeris, vel pulsu neruorum, siue chordarum intensarum, vel pulsu baculi in membrana, vt in tympano militari, & similibus aeratis corporibus. Qui voluerit plures instrumentorum musicorum

Biblioth. Theol. Tom. IV.

enumerationem species videre, consular Iulium Pollucem lib. 4. Onomast. cap. 8. & sequentibus, Cælium Rhodiginum lib. 5. lection. antiq. cap. 23. & sequentibus, Ottomarum Lusciniū lib. r. Musurgie, Ioannem Rauisium Textor. in officina cap. de Musica. Merfennium tam in suis commentarijs in Genesim, quam in alijs libris ab ipso de Musica editis; & Athanasium Kircherium in Musurgia.

Tertiò cum Musica omnis tribus veluti principijs oriunda sit, dolore, voluptate, enthusiasmo, quæ singula mentem immutant, & vocem inflectunt, sunt qui Musicam artificialem tam vocalem, quam instrumentalem diuidant in flebilem, siue lugubrem; Iouialem siue iubilosam, & enthusiasticam. Dolores enim flebilem faciliè sonum in cantum ducunt: Quare histriones in lamentatione, & quæstu sensim videmus in cantum delabi, vocemque intendere; & ingentes lætitiæ eorum qui leuioris sunt ingenij corpus omne attollunt, & reuocant ad motum saltantium, & strepentium; maximè enthusiasmus ponit extra se, & à consueto vocem & corpus abducit. Vnde & Bacchationes rhythmis vtuntur. Plutarchus sympo. 1. cap. 5.

Quartò Musica ratione trium diuersorum canendi, vel componendi modorum, diuiditur tanquam in tria genera, in Diatonicum, Chromaticum siue Coloratum, & Enharmonicum. Diatonicum genus est illud systema, quod ita tonis abundat, vt per tonū, & tonū, & semitonū progrediatur; Chromaticū verò minoribus interuallis, videlicet semitonio, & semitonio, & trisemitonio constat, mediumque tenet inter alia duo genera; vnde sicut quod inter album nigrumque est, color dicitur; ita hoc genus Chromaticum, id est coloratum, quia inter vtrumque est, nominatur. Denique Enharmonicū per minima interualla procedit, nempe per diesim, & diesim, quæ est toni pars quarta, vt hemitonium dimidia pars, & ditonum;

T t 2 quod

quod tamen si maius sit intervallo maximo diatonici, & chromatici generis, at tamen non ex eo intervallo nomen, aut proprietatem sumit, sed ex alijs duobus minoribus, sicut Chroma denominatur à semitonijis. Illa autem tria genera sic se habent ex Aristide, ut Diatonum, ita dictum ob tonos, quos frequentiores habet, sit masculinum & austerius; Chromaticum verò suavisimum & flebile. Denique Enharmonicum lenè quidem est, & tamen animum concitat, habet enim magnum intervallum, videlicet ditonum, & diesim. Vel ut ait Vitruvius lib. 5. cap. 4. Enharmonicum est modulatio ab arte concepta, & ea re cantio cius maximè gravem, & egregiam habet auctoritatem. Chroma subtili solertia, ac crebritate modulorum, suaviorem habet delectationem: Diatonon verò, quia naturalis, facilius est intervallorum distantia. Enharmonicum genus ob difficultatem excoluit, inquit Macrobius lib. 2. cap. 4. de somn. Scipionis. Chromaticum est infame mollietie. Diatonicum mundanæ Musicæ adscribitur. Chromatici tamen aliqualem usum esse, & energiam habere, notant aliqui, si Diatonico misceatur; cuius usus nunc floret, præcipuè apud Italos.

Omnium tamen optima, magisque scientificè diuisio Musicæ artificialis est illa, quæ distinguitur in speculatiuam & practicam; illa Musicæ rationes artificiosas, & capita atque particulas distinguit, & altiora principia, naturales causas, & convenientiam cum rerum natura considerat. Actiua verò ex præceptis artis operatur, & scopum assequitur, quæ *πρακτική* appellatur. Sed ista relicta, Musicæ speculatiuæ, seu contemplantis numerum sonorum duæ sunt partes, una generalis, altera specialis. Generalis versatur circa principia, & affectiones numeri sonori. Principia, alia sunt cognoscendi, alia essendi cantilenæ, materia scilicet seu partes illius, & forma: quæ partes sicut sunt in duplici differentia, simplices ut sonus, & compositæ, tam imperfectæ, ut Dyas, quàm

perfectæ ut Trias Musica; duplicem etiam veluti materiam in numero sonoro, quod est obiectum Musicæ, distinguere possumus. Sonus autem consideratur ab ea vel in genere, vel in specie; in genere iterum, vel absolute, vel comparatè; absolute ratione partium, quæ sunt litteræ & syllabæ Musicales; superius assignatæ; & ratione affectionum, ubi longitudo, latitudo, crassitudo, & durationis tum nota, tum pausa: comparatè verò, quæ sua habet intervalla, cuiusmodi sunt tonus, semitonium, bitonus, semibitonus, diatessaron, diapente, diapasón, ex quibus componuntur, disdiapente, & disdiapasón, &c. suæque iterum signa initij, repetitionis, cuflodis &c. Cantus in specie consideratur primò quæ alius mollis, alius durus, alius naturalis; secundò quæ alius superior, qui Discantus; alius inferior, qui Bassus; alius medius, qui Altus & Tenor dicitur: tantum de principio materiali Musicæ; loquendo iam de formali, quod nihil aliud est, quam melodia, sine artificiosa cantilenæ dispositio; similiter est duplex; simplex, ut Monodia; composita ut symphonia Bicinia, Tricinia, Quadrinia &c. & contrapunctus simplex coloratus. Affectiones numeri sonori à Musica considerati, sunt mutatio vocis in eadem clauè; Mensura, quæ est duratio temporis tactu æstimata; & Modus, cuius usus ratione intonationis, & contrapuncti; species autem sunt duodecim, quarum sex dicuntur principes, Dorius, Phrygius, Lydius, Mixo-lydius, Aeolius, Ionius; sex verò subditi, seu plagij & subiugales, Hypodorius, Hypophrygius, Hypolydius, Hypomixolydius, Hypo-Aeolius, Hypo-Ionius. Hæc de generali Musices parte; specialis dicitur, ubi considerat numerum sonorum vocalem, qui vel choralis, vel figuralis est; & instrumentalem, cuius supra diuisionem attulimus.

Ad perfectionem Musicæ duodecim potissimum requiruntur. Primum ad ipsas dictiones attinet, quæ, dum cantantur, optimè pronuntiari debent, ita

vt

vt ab audientibus, quos mouere cupis, distinctè audiantur. Secundum, vt non solum distinctè audiant, sed præterea verborum sensum propè intelligant. Tertium, dictionum quantitas seu mensura diligenter à canentibus obseruari debet. Quartum, versibus diuersis vt debemus pro vt res tulerit, & cantilena, atque auditores postulerint. Quintum, optimæ voces, & apta instrumenta eligi debent, & qui canunt, vel ludunt esse peritissimi, atque adeo exercitatissimi in arte Musicæ. Sextum, canentes, vel pulsantes aliquo gestu, vel motu corporis, siue capitis, siue digitorum, & manuum, siue pedum vti debent, quibus ad viuum exprimant, quæ canuntur, vt sic ipsa voce, verbis, cantu, & motu rem ipsam propè modum oculis subiciant, quandoquidem Musica debet esse quædam veluti rethorica, atque potèstis sonora & harmonica. Septimum est vt ea canantur quibus auditores affici possunt; quapropter ipsa cantilena, & canendi modus illorum moribus, humoribus, temperamentis patriæ, & statui accommodentur, quos excitare volueris. Octauum, vt auditores ijs attendant, quæ canuntur, alioquin quomodo distractos, & aliud omnino diuersum animo reuoluentes, commouere poteris? Nonum, vt tamdiu canat Musicus, donec is commoueat, qui attendit. Decimum, vt modum variant, & immutent quoties ad commouendos animos necessarium fuerit. Vndecimum, vt modis vtantur, qui ad passionem, ad quas collimaunt, mouendas aptissimi sint. Duodecimum denique, vt Musicæ genus eligatur, quod subiecto, seu cantilenæ, & auditoribus aptum fuerit, quanquam nostrum diatonicum nunc adeo perfectum esse non paucis videatur, vt pro chromatico, & enharmonico sufficere possit, præsertim cum in diatonico quædam semitonia minora, & ipsas dies Musici nostri non raro collacent. Quæ omnia latè, & doctè prosequitur eruditissimus Mersenius in Genes. cap. 5. versic. 21. vbi etiam agit

de vi Musicæ, tum antiquorum tum nostræ; nec non quomodo componi debeat, vt suum sortiatur effectum. Sed de his pro instituti nostri ratione satis, de quibus præter præfatum autorem, plures alij doctissime, & fusissime scripserunt, inter quos, Ioannes Tinctorius de terminorum Musices definitionibus egit; Hermanus verò Finckius in practica Musica, ordine tradidit, quæ pertinent ad clauas, voces, cantus, intervalles, notas, ligaturas, pausas, mutationes, transpositiones, solmisationes, tactus, syncopationes, mensuram, modum, tempus, prolationem, signa, puncta additionis, perfectionis, diuisionis, alterationis: quæ ad imperfectionem, colorem notarum, augmentationem, diminutionem, proportionem, indicium tonorum.

Iam quantum hæc scientia, singulæque eius partes referant ad sacræ doctrinæ studium, patet ex innumeris diuinarum scripturarum locis, in quibus tam de Musica vocali, & instrumentali agitur, quam de miranda eius efficacia. Ad Musicam vocalem in primis pertinet quod 1. Paralipom. cap. 23. legitur, quatuor millia Spaltum fuisse canentium Domino; nec tamen ex tanta multitudine oriebatur perturbatio, nam vt patet ex eodem libro Paralipom. cap. 25. in viginti quatuor partes, seu vt facer textus loquitur, sortes, diuisi erant, & vnaquæque fors erat centum sexaginta sex, qui per suam ministrabant hebdomadam, & hos etiam per vices cecinisse credendum est, alioqui nocturno, & diurno labori pares non fuissent. Cur autem sortes cantorum fuerint viginti quatuor, nec plures, nec pauciores ea videtur esse ratio, quod totidem essent filij trium præcipuorum cantorum, Asaph, scilicet, Eman, & Idithum, qui harum sortium capita esse debebant. Alia huius rei causa, eaque præcipua hæc est, quia tot David esse volebat cantorum vices, quot Sacerdotum, hæc autem erant viginti quatuor. Ad instrumentalem pertinent innumera propè loca Scripturæ,

re, in quibus sit mentio diuerſorum instrumentorum, de quibus videndi sunt interpretes, præſertim Merſennius in genſ. cap. 4. & in alijs ſuis operibus de Muſica; Athanaſius Kircherius in ſua Muſurgia Romæ 2. tom. in fol.

Ad vim Muſicæ facit in primis il- lud Eliſei, qui vt Iofaphat regi Iuda, Ioram regi Iſrael, & regi Moab ſiti la- borantibus aquam tribueret 3. Reg. c. 4. prius ſibi Pſalter adduci iubet. *Cumque caneret Pſalter, facta eſt ſuper eum manus Domini & ait, Hac dicit Dominus*, &c. libro 1. quoque Regum cap. 10. legitur Samuelem ad gregem prophetarum mi- ſiſſe Saulem vñctum in Regem; qui cſi occuſſent, & ante eòs Palterium, & Tympanum, & Citharam, ipſosque prophetantes vidiffet. *Ieſſiuit in eum ſpiritus Domini, & prophetauit in medio eorum*, vt verſ. 10. legimus, & 12. *Propterea verſum eſt in prouerbum. Num Saul inter Prophetas?* Ex his enim & alijs ſimilibus ſacræ Scripturæ locis videtur inſinuari prophetiam vi concentus mu- ſici aliquando prophetis contigiffet. In- ſuper 1. Reg. cap. 16. legimus in citha- ræ Dauidicæ malum ſpiritum à Saule repulſum; *quandocumque Spiritus Domini malus accipiebat Saul, Dauid tollebat cytharam, & percutiebat manu ſua, & reſocillabatur Saul, & lenius habebat, rece- debat enim ab eo Spiritus malus*. Tandem Iofue cap. 6. habemus vi clangoris har- monici tubarum muros Iericunthinos corruiffet. *Quæ omnia ad triplicem Muſicæ effectum diſcutiendum prouo- care debent accuratè ſacræ Scripturæ interpretem; quorum primus ad pro- phetiam, ſecundus ad morbos, vel dæ- mones expellendos, tertius denique ad aliquid conſuetudinem & agitandum pertinet. De quibus videndus eſt præſatus Merſennius loco ſuperius citato com- ment. in Geneſim, ibi enim accuratè & eruditè materiam hanc pertractat; Item Kircherius in ſua Muſourgia.*

CAPVT XVIII.

Quantum referat ad Sacre Doctrinæ ſtu- dium Geometria.

Cum aliud ſit, vnde aliquod no- men deſumitur, aliud id, ad quod ſignificandum imponitur; ideo Geome- tria, & ſi deriuetur ex diſtione Græcæ γῆς, quod eſt terra, & μέτρος, meſura; ſignificat tamen ſcientiam verſantem circa quantitatem continuam. De pri- mis huius ſcientiæ inuentoribus, diuerſa ſunt Scriptorum placita; Herodorus enim lib. 2. Diodorus lib. 2. Strabo lib. 17. aſſerunt illam ab Aegyptijs repertam fuiſſe, ortumque habuiſſe ab agrorum di- menſione. Cum enim anniuersaria Nili inundatio agrorum terminos, ac li- mites ita confunderet, vaſtaretque, vt nemo agum dignoſcere poſſet ſuum; cæperunt Aegyptij animos ad rationē meſurandorum agrorum applicare, vt hoc modo cuiuslibet, quod ſuum erat red- deretur. *Quæ quidem ratio agros me- tiendi, quanquam tunc temporis adhuc rudis ad modum fuerit, huic tamen ſcientiæ nomen dedit, vt ſtatim notauimus. Alij tamen cum Iofepho lib. 1. anti- quitatum putant Geometriam primùm ab Abrahamo fuiſſe Aegyptijs demon- ſtratam; deinde ex Aegypto in Græciā tranſlatam à Thalete Mileſio. Verùm cum initio anguſta eſſet, minusque ex- polita, eam poſtea inſignes Philoſophi ac Mathematici plurimis, acutiſſimis- que demonſtrationibus locupletarunt, atque exornarunt: inter quos hi ſunt præcipui ex veteribus: Pythagoras, Ana- xagoras Clazomenius, Hippocrates Chius, Plato, Oenopides, Zenodorus, Brito, Autipho, Theodorus, Theætetus, Ariſtarchus, Eratoſthenes, Architas Ta- rentinus, Euclides, Serenus, Hypſicles Alexandrinus, Archimedes Syracuſius, Apollonius Pergæus, Ptolemæus, Pro- clus, & alijs penè innumeti, quos om- nes longum eſſet recensere.*

Quod pertinet ad huius ſcientiæ di- uiſio-

Sectio VII. Caput XVIII. 335

uisionem, primum illam in Theoricam, & Practicam distinguendam esse puto. Speculationem intelligo, quæ quantitatis continuæ, siue magnitudinum principia, proprietates & species inuestigat ratione, & syllogismo; Practicam verò, quæ illarum signandarum, mensurandarumque modum mechanicè, hoc est varijs instrumentorum generibus, præscribit. Deindè speculatiua, quod idem de Geometria practica proportionaliter dicendum est, in vtraque enip subiectum, siue obiectum, quantitas continua, vel magnitudo, quam terminis, & intervallis distinguit, & concludit vtraque; Geometria, inquam, speculatiua, subdividi potest in duas principales partes; quarum prima versatur circa magnitudinè, vel quantitate continuam in genere, considerando primò eius *definitionem*, quod sit id cuius partes termino aliquo communi copulantur; sicut magnitudo est vniuscuiusque rei extensio; secundò principia, quorum materiale est punctum, formale verò, terminorum coniunctio; vnde terminatio, & sectio. Punctum definitur id, cuius pars non est, habens positionem in continuo, vel sic, punctum, est principium & finis lineæ; in lineæ enim sunt duo puncta in actu terminatiua, multa verò in potentia, quæ tunc fiunt, vel resultant actu, quando lineæ actu diuiditur. Tertiò, proprietates, siue affectiones tam absolutas, vt dimensionem; quam relatas siue comparatas ratione numeri, & ratione sui, ratione numeri sunt commensurabilitas, rationalitas; ratione verò sui affectiones communes sunt, contactus, sectio; propriæ, congruentiæ & adscriptio, sub qua inscriptio, circumscriptio. Altera pars versatur circa magnitudinem, vel quantitatem continuam in particulari; quantitas autem continua, vel magnitudo in particulari, nihil aliud est, quam variæ illius species, quæ sunt tres dumtaxat, linea, videlicet superficies, & corpus; omnis enim extensio fit tantum vel in longum, vel in latum, vel in longum, latum & profundum. Extensio autem

in longum vocatur linea; in longum & latum superficies; in longum, latum, & profundum corpus: Vnde per ordinem ad illas tres species, potest iterum distinguui, & ab illis triplicimodè denominari, hæc pars Geometriæ, secundum quod vniuscuiusque principia, proprietates, & partes contemplatur.

Communitè tamen hæc pars Geometriæ diuiditur tantum in planorum contemplationem, quæ generali vocabulo Geometria dicitur, & in doctrinam solidorum, quam proprio ac peculiari nomine Stereometriam appellant Mathematici. Nam Geometria vniuersè sibi hunc scopum proponit, vt planum, aut solida vel constituat, vel constituta inter se comparet, aut diuidat. Neque verò mirum alicui videri debet, quod cum tria sint genera magnitudinum, vt statim diximus, solum de duobus posterioribus excent propriæ contemplationes, non autem de lineis, vel etiam punctis. Non, inquam, debere videri mirum putant illi, qui sic Geometriam bipartitur, quoniam vt ait Proclus, potissimum circa figuras versatur, quæ in planis dumtaxat, vel etiam solidis consistunt omnes. Non enim puncta, vel lineæ figuram vllam constituunt, sine planis & solidis, ac proindè necesse non erat propriam de punctis & lineis scientiam instituire; superficieribus verò, siue planis, & corporibus, solidisve maxime conueniebat, vt proprias nanciscerentur tractationes. Sic Euclides in Elementis Geometricis, prioribus sex libris agit de Planis, in posterioribus verò quinque de solidis acutissimè disputat: Attamen tripartita Geometriæ diuisio, per ordinem ad supradictas tres magnitudinum species, est accuratior; & ideo ipsemet Euclides Stereometriæ suæ præposuit decimum librum, in quo subtiliter, & copiosè de lineis differit; cum res omnes Geometriæ, tum præsertim solida illa quinque regularia, quæ corpora Platonica dici solent, perfectè tractari non possint, absque linearum commensurabiliū, atque incommensurabiliū notitia;

titia; imo verò quam plurimæ magnitudines sub mensuram cadere nulla ratione possunt, absque earumdem linearum cognitione, cum earum latera sæpe numero sint talia, vt ea communi & nota mensura data metiri nequeant; breuem igitur harum omnium specierum, notitiam trademus.

* Linea est longitudo latitudinis expers; quæ per se se considerata diuiditur in rectam, curuam, & ex vtraque mixtam; at si considerentur lineæ inter se se, aliæ sunt homogeneæ, aliæ Heterogeneæ; homogeneæ rursus sunt tales, vel ratione proportionis tam in eadem linea, quàm in lineis distinctis, vel ratione situs, vnde Parallelismus, & Anguli; Parallelismus enim nihil est aliud, quàm duarum linearum eodẽ modo se habentium, quæ tamen non se contingunt, æquidistantia. Angulus autem est spatium, causatum ex contactu duarum linearum; qui cum tripliciter fieri possit à lineis rectis, datur etiam triplex angulus: rectus, obtusus, & acutus. Angulus rectus est, quem constituit linea recta, cadens perpendiculariter super aliam lineam rectam. Linea enim recta cadens perpendiculariter, constituit cum ea super quam cadit duos angulos rectos, vnde eam orthogonaliter secare dicitur; cum verò ad angulos rectos non diuidit, sed oblique, angulus obtusus dicitur ille, qui est maior recto; acutus veto, qui minor. Ex qua etiam contactus varietate lineæ perpendicularium, & obliquarum denominationes suscipiunt: Et anguli primum diuiduntur in rectos, vbi perpendicularis creatio, & in obliquos, vbi non ex directo, sed lateraliter cadit linea, tum obliqui in obtusos, & acutos. Anguli Sphærici dicuntur qui sunt ex contactu linearum curuarum, siue circularium. Iam lineæ inter se se comparatæ heterogenæ dicuntur, primo vbi ad peripheriam referuntur; secundò vbi consideratur quam proportionem inter se habeant, vel peripheria rota ad lineam rectam? vel arcus peripheriæ ad sinus tangentes & secantes?

vnde canonis sinum, & tangentiæ fundamentum, eiusdemque vsus. Linea ad peripheriam relata, vel ei inscribitur, vel adscribitur; si inscribitur, & transeat centrum dicitur Diameter, Radius; si non attingat centrum, subtensa, & sinus rectus, versus. Linea peripheriæ adscripta, est vel secans, vel tangens dumtaxat illam. Hactenus de linea, nunc agendum est de lineato, seu figura, quam aliqui definiunt magnitudinem linealiter, vel superficialiter terminatam: cuius partes sunt centrum, perimeter, radius, diameter in planis, in sphæricis axis: affectiones, siue proprietates, primatus, ordinatio; species verò, superficies, & corpus, siue figura plana, quam terminant lineæ; & solida, quam terminant superficies.

Superficies primum diuidi potest in planam & gibbam; rursus plana in rectilineam, sphericam, & mixtam, è qua nobilissima Ellipsis: Gibba verò, vel est pura, & sphærica, eaque conuexa, aut concava, vel mixta, vt superficies conica, Cylindracea. Superficies plana rectilinea diuiditur in triangulum, & trigulatum. Triangulus est primus inter figuras rectilineas; cum enim duæ lineæ figuram rectilineam claudere, vel terminare non possint, oportet in figura rectilinea esse ad minus tres lineas, & sic triangulus est primus huiusmodi figurarum. Huius partes sunt latera, crura videlicet & basis; tum anguli species Triangulus Rectilineus, & Sphæricus; Rectilineus primò ratione crurum diuiditur in Isopleurum, Isochelen, & Scalenon, siue gradatum: Isopleurus triangulus dicitur, qui habet omnia latera æqualia; Isocheles qui duo tantum; Scalenon verò qui omnia inæqualia. Secundò ratione Angulorum, diuiditur in rectangulum, siue ortogonum, qui habet vnum angulum rectum, in quo Cathetus, basis, Hypothenusa; & in antigonum, siue obtusangulum, qui habet vnum angulum obtusum; & in oxigonum; siue acutangulum, qui habet omnes angulos acutos. Triangulus sphæricus similis-

militer diuiditor in reſtāgulum, & obliquangulum. Tantū de Triangulo, ſue de prima ſpecie ſuperficiē planæ reſtilineæ; nunc ad triangularum veniamus ſic dictū, quia cum pluribus angulis, quam tribus conſtet, veluti ex triangulo efficitur, ſue compouitur; primum diuiditur in quadrangulum, & polygonum, ſue multangulum. Sub quadrangulo continetur primò parallēlogrammum reſtāgulū, quod eſt vel quadratum, vel oblongum, & obliquangulum, vt Rhombus, Rhomboides; ſecundo Trapeſium; ſub poligono verò continetur Pentagonum, Hexagonum, Heptagonum, & ſic deinceps. Tantū de diuiſione ſuperficiē planæ reſtilineæ: quod enim pertinet ad Sphæricam, ſue circularem, cum ſit figura vniſimiſſima non diuiditur in plures ſpecies, ſed ſolum diuiditur quantitatiuē in portiones. Omnis autem portio circuli, vel eſt ſemicirculus, vel portio maior ſemicirculo, vel eo minor. Semicirculus eſt figura plana diametri, & medietatis circumferentiæ contentiua. Diameter eſt linea diuidens circulum in duas partes æquales, ſemidiameter vero eſt linea plana reſta exiens à centro circuli ad circumferentiā eiſdem, vel vice verſa. Portio circuli, vt diſtinguitur à ſemicirculo, eſt figura plana, linea reſta extra centrum cadente, & parte circumferentiæ contenta: linea autem reſta chorda dicitur, pars verò circumferentiæ arcus: cum igitur ſuperficiēs circularis, ſue circulus fuerit ſic diuiſus per chordam, & portiones duas: portio in qua eſt centrum, eſt maior ſemicirculo, portio autem in qua non eſt centrum, eſt minor ſemicirculo. Haſtenus de primo lineato, ſue de prima ſpecie figuræ, quæ dicitur plana; nunc agendum eſt de ſolida, ſue quod idem eſt, de corpore.

Corpus igitur, quod eſt figura tres habens dimenſiones, longitudinem, latitudinem & profundum; primum diuiditur ab aliquibus in indefinitum, & finitum. Indefinitum eſt, quod aliqua ſui parte relinquitur non finitum, qualis

Biblioth. Theol. Tom. IV.

eſt ſolidus angulus, quem plani anguli claudunt, angulis ad vnum commune punctum concurrentibus. Ceterum huiusmodi corpus eſt in mente dumtaxat, cum reiſa omne corpus ſit finitum. Finitum autem corpus eſt, quod ex omni quaque parte, vel ſuperficie, vel vna ſuperficie, vel pluribus terminatur; veluti Sphæra ſolida, & concava, pyramis, columna, cubus. Pyramidum duæ ſpecies, perfectæ, & curta: perfectæ quæ procedit ad conum, & ſupremum verticem; hæcque poteſt eſſe rotunda, ſi baſis ſit circulus; vel trigona, tetragona, pentagona &c. Curta, quæ ad conum non peruenit. Sunt & columnæ rotundæ, trigonæ, tetragonæ, &c. Verum cū corpus mathematicum fiat, ex ductu ſuperficiē, ſiue figuræ planæ, conformiter ad allatam illius diuiſionem; poteſt etiam diuidi corpus in planum, & gibbum, quod vel ſimplex vt Sphæra, vel mixtum, quale eſt conus, cylinder. Planum autem iterum eſt, vel pyramis, vel pyramidatum, quod vel pentædrum, vel Hexædrum, vel poliedrum; Hexædrum rurfus vel eſt parallēipedum, ſub quo reſtāgulum, vt cubus, oblongum, & obliquangulum quod eſt rhombus, rhomboides; vel eſt trapeſium. Poliedrum autem vel eſt homogeneum, vt octædrum, dodecædrum, iſocædrum; vel heterogeneum, vt heptædrum, Enneædrum, &c.

Quia autem Geometriæ, pro vt præctica dicitur, tres ſunt præcipuæ operationes ſignandi, ſue deſcribendi, metiendi, & diuidendi quantitatem continuam, per ordinem ad illas diuiditur in Graphicam, quæ quantitatem vt deſcriptibilem, in Geodeſiam, quæ vt diuiſibilem, & in Polymetriam, quæ vt menſurabilem conſiderat. Quæ tres iterum partes Geometriæ practicæ ſubdiuiduntur pro varietate linearum, planorum, ſolidorum, & angulorum. Graphica, quidem in Grammographiam, Planigraphiam, Stereographiam, & Gono-graphiam. Geodeſia vero, in Grammodæſiam, Planidæſiam, Stereodæſiam, &

V u

Gono-

Gonodæsiæ; Similiter Polimetria, in Grammometriam, Planimetriam, Stereometriam, & Gonometriam. Mensura autem, de qua agimus in præfenti, nihil est aliud, quam magnitudo finita, quæ ignotam diuersarum magnitudinū molem, aut etiā localem inter illa distantiam, siue interuallum sensibili experimento metitur; Mensuræ enim quæ capacitate vasculi expenduntur, aut gravitate siue pondere, ad Geometriam putari non pertinent, sed ad Staticam, de qua infra, quæ quantitatem vt mobilem considerat. Porro, pro vt diuersa sunt subiecta beneficio Geometriæ practicæ diuidenda, aut metienda, sic etiā diuersæ sunt mensurarum Geometricarum partes, vel gradus, quibus in illis diuidendis, aut metiendis utitur. V.g. gradus mensurarum, & instrumentorum, quibus interualla tetra mensurantur, sunt, granum hordei, minima omnium mensura; digitus, qui habet quatuor grana per latera contiguè disposita; Vncia, quæ habet tres digitos; palmus, quatuor digitos; dichas, duos palmos; Spithama seu palmus maior, tres palmos minores; pes, quatuor palmos minores; sesquipes, seu cubitus, sex palmos minores; gradus, siue passus simplex, duos pedes cum dimidio; Passus vero Geometricus, quo utitur cosmometra, quinque pedes; pertica, decem pedes; plethrū, centum pedes; Stadium, centum viginti quinque passus; diaulos, duo stadia; siue passus ducentum quinquaginta; Milliære Italicum, octo stadia, siue mille passus; Milliære Germanicum commune, triginta duo stadia, siue quatuor mille passus; milliære Germanicum magnū quinque mille passus; Leuca communis mille quingentos passus; Parasanga Persarum triginta stadia; schænos, vel funiculus Aegyptiorum, sexaginta stadia. Quadringenta & octuaginta stadia vni gradui circuli æquinoctialis respondent, quæ reddunt milliaria sexaginta Italica, Germanica quindecim; leucas Gallicæ quindecim; Hispanicas, viginti octo.

Tandem instrumenta, quibus figu-

ræ Geometricæ sunt, diuiduntur, vel mensurantur omnia quanta, sunt norma, libella, quæ nunc scædra, cathetos seu perpendiculum, circinus rectus & valgius, seu intortus. At pro interuallorum dimensione, siue longitudine, altitudinum, & profunditatum, quæ vulgari nomine inaccessibiles dicuntur, inferuiunt Astrolabium, planimetrium, quadrans Geometricus cum linea fiduciali aut perpendiculo, annulus Geometricus, radius Astronomicus, seu baculus Iacob; & alia huiusmodi, quorum nomina licet sint diuersa, cum tamen omnia habeant triangulos, qui rectè vnius vsus callet, cæterorum etiā vsus facillè comparabit.

Iam quanta sit Geometriæ vtilitas ad sacram doctrinam, patet ex eo quod sæpissimè inculcetur in sacris litteris; Genes. cap. 6. vbi arca fabricanda Noë mandatur; *trecentorum, inquit, cubitorū erit longitudo arce, quinquaginta cubitorum latitudo, & triginta cubitorum altitudo illius*; Exodi 25. vbi mōstrans Deus exemplar, secundum quod fieret tabernaculum, & omnia ad illud spectantia, arcam testamenti habere iussit longitudinis duos cubitos cum dimidio, latitudinis & altitudinis cubitum cum dimidio; candelabrum septem calamos procedentes ex hastili vno, & singulos calamos ternas spherulas, ternos scyphos, & terna lilia; altare quinque cubitos longitudinis, totidem latitudinis, & tres altitudinis; atrium longitudinis cubitos centum, latitudinis quinquaginta, altitudinis quinque. Licet quoque legere lib. 3. Regum cap. 6. illa omnia, quæ pertinent ad Geometricam structurā templi, quod ædificauit Salomon. Item, ad illud Ezechielis cap. 43. *metiantur fabricam, & erubescant*, probat D. Hieronymus Geometriæ studiū viguisse in Hebræorū republica, sic enim ait; *Quamobrem scribit Iosephus lib. 5. antiquitat. c. 1. eos qui ad describendam terram missi sunt à Iesu filio Naue fuisse Geometras, & artem, quæ nunc Philosophorum propria est, habuisse Geometriæ*. Videntur autem Hebræi

Sectio VII. Caput XVIII. 339

bræ hanc terræ mensurandæ scientiam, saltem perfectiorem acquisiuisse in Aegypto: Cum enim prima duntaxat huius scientiæ rudimenta olim Aegyptiis Abraham tradidisset, teste eodem Iosepho loco citato, illam deinceps perfectius excolere potuerunt, sicque excultam Iudæi ab illis haurire. Ex quo intelligitur Isaiæ locus cap. 18. vbi hæc habemus: *Ita Angeli veloces ad gentem conuulsam, & dilaceratam, ad gentem expectantem & conculatam*. Vatablus enim, Pagninus, Forerius & alij vertunt, *ad gentem linea & conculationis*: Gens autem lineæ sunt Aegyptij & Aethiopes, quorum agros cum obliuisceretur Nilus & ripis in planities effusus, ipsi vel funiculis utebantur ad eos distinguendos, vel imaginariis lineis, iuxta Geometricæ disciplinæ documenta: quod verba, quæ sequuntur apud Prophetam, ita accipiendum esse satis ostendunt, ait enim, *cuius diripuerunt flumina terram eius*, id est, obliuiscuntur, texerunt, terminos agrorum confuderunt.

Et si igitur initio aliquis fuerit inter Hebræos funiculorum vsus in agrorum finibus metundis & regendis, tamen postea Geometricæ facultatis in Aegypto acquisitæ beneficio, facilius & certius idem præstare potuerunt in diuisione, & dimensione terræ promissionis per lineas imaginarias & mathematicas, quæ tamē funiculorum nomen retinuerunt. Sic Psal. 15. dicitur: *Funes ceciderunt mihi in præclaris*; hoc est, possessionis portionē sortitus sum in solo vberi & pingui. & Psal. 77. *Sorte diuisti eis terram in funiculo distributionis*, & Amos cap. 7. *humus tua funiculo metietur*, id est, agri tui alijs possessoribus dabuntur. Ex qua consuetudine funiculis terram geometrice metiendi, lucem accipere potest locus satis obscurus lib. 2. Reg. cap. 8. vbi de Dauide victoriam de Moabitis consecuto dicitur: *Et mensus est eos funiculo coaquans terram, mensus est autem duos funiculos, vnum ad occidendum, & vnum ad viuificandum*. Quorum verborum sensus est apud Cornelium à La-

pide ex Venerabili Beda, & alijs; Dauidem Moabitas penitus subegisse, & prostrauisse, adeo vt ipse in terra quasi iacentes funiculo dimetiri, distribuere, occidere, aut viuos referuare pro arbitratu posset, ad eum modum, quo agri dominus partem aliquam sementi destinat, partem pascuis, partem relinquit incultam. Mensus est autem duos funiculos vnum ad occidendum, & vnum ad viuificandum, quia partem illorum vnā interfici iussit, partem verò alteram viuere permisit.

Tandem Geometricæ disciplinæ notitia facit ad intelligenda plura alia sacræ Scripturæ loca, in quibus sit mentio variarum longitudinis mensurarum; præcipuæ sunt calamus, cubitus, palmus, spithama, passus, pes, milliæ, stadium; quarum omnium accuratum valorem, videre est apud interpretes sacræ Scripturæ, præsertim apud Villalpandum in Ezechielem, Ludouicū Alcazar in opusculo de ponderibus & mensuris, quod est in fine explicationis eiusdem authoris in librum Apocalypsis, & Cornelium à Lapide similiter in fine commentario- rum in Pentateuchum.

C A P V T X I X.

Quantum referat ad sacræ doctrinæ studium Vranscopia, singuleque eius partes, seu species.

INter scientias Geometriæ subalternatas, primum ordinis dignitatis & perfectionis obtinet locum Vranscopia, quæ non amplius lineas absolute, & magnitudines vt Geometria, sed magnitudines, ac commensurationes, siue quantitatem corporum cælestium contemplatur; vnde suum etiam nomen, consecuta est hæc scientia; cuius, etsi nemini dubium sit, primos inuentores extitisse humani generis progenitores, ac propagatores, Adamum dico, Noë, Abrahamum, & ceteros huiusmodi, à quibus etiā alias omnes disciplinas honestas originem duxisse testantur anti-

quissimæ historiæ; cui tamen potissimè, illius amplificatio, vel perfectio sit adscribenda, magna inter authores fuit semper controversia, & adhuc sub iudice lis est. Quidam enim eam attribuunt Aegyptijs, quidam Assyrijs, quidam Babylonijs, quidam verò eam primum ab Aethyopibus inuentâ fuisse asserunt, eo quod sub æquinoctiali circulo degentes serenissimo semper cælo fruuntur, ex quo faciliè syderum cursus observare possunt. Tandem non desunt, qui Atlanti id tribuant, voluntque indè fabulam illam originem traxisse, ipsum videlicet humeris suis cælum sustinuisse, quod primus cursum Solis, & Lunæ, syderumque omnium conuersiones, rationesque vigore animi, solertiaque curasset tradendas hominibus. De quo sic scribit Diuus Augustinus lib. 18. de ciuitate Dei, *Atlas magnus fuisse Astrologus dicitur, unde occasione fabula inuenit, ut cum calum portare confingeretur*, Sed de his satis, nunc ad huius scientiæ diuisionem accedamus.

Primum ergò Vranoscopia diuiditur in Astronomiam, Chronologiam, Gnomonicam, & Astrologiam; licet enim hac tempestate pro eadem scientia vsurpentur fere Astronomia, & Astrologia, Id tamen discriminis inter hæc vocabula, ad maiorem huius scientiæ distinctionem, constituendū esse puto, vt Astronomia eam doctrinam, seu Vranoscopiae partem significet, quæ motus cælorum, astrorumque considerat, Astrologia verò illi parti accommodetur, quæ ex conuersionibus cælorum, & coniunctionibus astrorum oppositionibusve euentus prædicat futuros. Quia autem cæli motus, pro vt pertinet ad præsens institutū potest considerari tripliciter, vel in se, vel ratione temporis, vel denique secundum quod in horologijs scioericis inspicitur, circa illum primo modo consideratum versatur Astronomia, secundo Astrologia, tertio Gnomonica: de singulis breuiter agamus.

Astronomia igitur, quæ habet pro obiecto motum cæli in se consideratum,

diuiditur in Sphericam, & Theoricam. Duo enim sunt in vniuersum cælestium corporum, siue spherarum motus: vnus quidem cōcitatisissimus ab oriente ad occidentem, qui primus & diurnus appellatur, quippe qui æqualiter, parique celeritate in diei naturalis siue viginti quatuor horarum spatio absoluitur; & hic extimo cælo, siue primo mobili, reliquas omnes sphaeras complectenti, atque secum circumferenti assignatur: hoc enim motu diurno Sol & omnia cælestia sydera quotidie semel in mundo oriuntur atque occidunt. Alter verò motus, qui secundus, vel proprius dicitur, est ille, quo stellæ omnes, & planetæ contrario motu ab occasu in ortum voluntur, & diuersis temporum spatijs certis tamen, atque præfixitis, revolutiones suas super proprios axes, polos, & circulos perficiunt. Pars igitur Astronomiæ quæ primum motum, siue primi mobilis considerat, Spherica dicitur: Theorica vero illa, quæ secundorum mobiliū, hoc est stellarum fixarum & planetarū proprios motus contemplatur. Spherica in primo mobili tria potissimum expendit, magnitudinem, motum quem vt diximus, yniformiter, regulariterque super mundi polos, & per circulum æquinoctialem explet ab oriente in occidentem, horis viginti quatuor equalibus, quæ dicuntur horæ æquinoctiales, hoc est, spatio vnus diei naturalis; tum denique illius distinctionē per certos circulos; quorum diuisionem primum adducemus, deinde officium in globo. Circuli igitur primum diuiduntur in ordinarios, & extraordinarios; tum ordinarij in maiores, & minores; rursus maiores in mobiles, qui vel primarij vt æquator, zodiacus, vel secundarij vt duo coluri Solstiorum, & Aequinoctiorum; & in immobiles, vt horizon, cuius punctum geminum, verticale, dictū zenith, oppositum dictum Nadir; distinctio verò, primò in rationalem, & sensibilem, secundo ratione triplicis sphaeræ in rectum, obliquum & parallelum; alter circulus maior immobilis est Meridianus, cui

Seſſio VII. Caput XIX. 341

cui in globo annexus circulus horarius. Circuli minores ordinarij, ſunt vel medij, vt duo tropici æſtiuus, ſcilicet Canceri; hybernus, ſcilicet Capricorni; vel extremi, quales ſunt duo polares Arcticus, & Antarcticus. Circuli extraordinarij alij ſunt adſcribendi globo, alij vitarij, vt pote quadrans Altitudinis, Semicirculus poſitionum; adſcribendi globo dicuntur, quia illis notatur ſitus ſtellarum omnium ratione duodecim domiciliorum, vt ſunt circuli poſitionum; aut certarum dumtaxat ſtellarum, vel ad Eclipticam, vel ad æquatorem, vel ad horizontem vt ſunt circuli longitudinũ, latitudinum, aſcenſionum rectarum, declinationũ, verticales vel Azimuth, Almucantharath. Horum circulorum in globo diſpoſitorum vſus, vel officium eſt, ad conſtitutionem domus cœleſtis; ope ſemicirculi poſitionũ; & oſtendendas ſtellarum affectiones, quas in abſolutas, & relatas diſtinguere poſſumus: Abſolutæ ſunt magnitudo, & figura. Magnitudo, qua aliæ notabiles magnitudinis primæ, ſecundæ, tertiæ, quartæ, quintæ, ſextæ; aliæ vero Sporades, diſperſæ in circulo lacteo. Figura alia eſt apparentiæ, quæ plana; alia exiſtentiæ, quæ ſphærica dicitur. Affectiones relatae ſunt, primo aſteriſmi, ſeu ſigna quæ vel in Zodiaco, vel extra Zodiacum reperiuntur; ſecundò ſitus ad Eclipticã, vbi latitudo, & longitudo ſtellarũ quæritur; ad Aequatorem, vbi quæritur ſtellarum aſcenſio, & deſcenſio recta, declinatio, differetia aſcenſionalis, ad Horizontem, vbi quæritur Azimuth, vel Almucantharath. Tertio ortus & occaſus, qui vel Aſtronomicus, vel vulgaris & Poeticus, Aſtronomicus, quæ expenduntur gradus æquatoris, ſcilicet aſcenſio, & deſcenſio recta, vel obliqua; tum ortus & occaſus ſyderum. Vulgaris & poeticus relatus ad horizontem verus dicitur, Coſmicus, vel Achronychus; ad radios verò Solis, apparens vel heliacus. Haſtenus de parte Aſtronomiæ, quæ dicitur Sphærica. Nunc ad Theoricam.

Altera pars Aſtronomiæ Theorica, dicta conſiderat primò motum propriũ ſtellarum fixarũ ab occaſu in orientem; ſiue quod idem eſt, octauum cælum firmamentum dictũ, ſuo motu tardiſſimo ſuper polos Zodiaci, ſtellas fixas ab occaſu in ortum circumuehens; cuius motus periodus cõplectitur ſpaciũ 25816. annorum Aegyptiorum. Deinde conſiderat earumdem ſtellarum fixarũ motum alterum, beneficio decimi cæli à Septentrione in Auſtrum, & ab Auſtro in Septentrionem; tum denique tertium beneficio noui cæli ab ortu in occaſum, & ab occaſu in ortum; qui duo motus vocantur ab aliquibus trepidationis, ab alijs librationis. Sic igitur inter primum mobile, & Sphæram ſtellatam, ſiue firmamentum, dantur neceſſario duo alij cæli conſeſſi, communicantes ſtellis fixis duos prædictos motus imperfectos, vel potius librationes. Cum enim cuiuſvis corporis ſimplicis vnicus ſit motus per ſe. Item, omne corpus, quod pluribus mouetur motibus, vnum per ſe ſe habeat, alios per accidens. Item, ſuperior Sphæra moueat inferiorem, non autem contra. Item, ſtellæ moueantur ad motum ſphære, quemadmodum clauus ad motum rotæ. Eſt enim ſtella, denſior ſui orbis pars. Cum hæc, inquam, ita ſe habeant; & experimento conſtet, ſtellas fixas, ſiue quod idem eſt, cælum ſtellatũ, cui ſunt affixæ, quatuor moueri motibus, motu nimirum diurno ab ortu in occaſum, ſpatio viginti quatuor horarum; tum motu trepidationis, ſiue librationis à Septentrione in Auſtrum, & ab Auſtro in Septentrionem; tertio, eodem motu ab ortu in occaſum, & ab occaſu in ortum; quarto denique motu perfectiſſimo circumuehi ab occaſu in ortum; opus eſt ſupra cælum ſtellatum, quod eſt octauum non ſolum, duos orbis mobiles, ſed tres collocare, vt iam non ſolum decem cæli mobiles cum Alphonſinis, ſed omnino vndecim concedendi ſint, cum Magino, Clauio & alijs; ſi phænomena cœleſtia certa ratione, & probabiliter, ſeruare velimus & tueri.

tueri. Vndecimum enim erit primum mobile rapidissimo cursu & equabili ab ortu in occasum, super polos mundi, siue æquatoris spacio 24. horarum, secum omnes inferiores orbes celestes circumducens; Decimum illud, quod præter motum diurnum, quo à primo mobili rapitur, alium dictum motum habet proprium librationis à Septentrione in Austrum, & ab Austro in Septentrionem, cuius periodus complectitur annos Iulianos quibus nos utimur 3431. & dies ferme 239. Atque hoc tempus in tabulis dicitur periodus anomalie obliquitatis Zodiaci. Nonum, quod præter motum diurnum, quo à primo mobili rapitur, & motum librationis sub coluro solstitiorum à Septentrione in Austrum, & ab Austro in Septentrionem, quem ei decima Sphæra imperiit, habet quendam motum proprium librationis sub Ecliptica decimæ Sphære, & super polos eiusdem, ab ortu in occasum, & ab occasu in ortum; cuius periodus complectitur annos 1715. & dies ferme 302. adeo ut duplo minor sit hæc secundæ librationis periodus, quam periodus primæ illius librationis decimi cæli, absoluiturque bis eo tempore; quo illa semel perficitur. Dicitur autem tempus periodi huius secundæ librationis, periodus Anomalie præcessionis Aequinoctiorum. Octauum cælum, stellatum dictum, est illud, quod præter triplicem motum, quo à tribus superioribus sphæris agitur, habet quartum adhuc motum proprium eumque tardissimum, ab occasu in ortum super polos Zodiaci; cuius periodus, ut iam dixi expletur spatio 25816. annorum Aegyptiorum, qui efficiunt annos Iulianos fere 25798. & dies 120. Septem alij, sunt Planetarum cæli, de quibus Theorica secundo loco agit; considerando tum communia, tum propria vniuscuiusque. Inter illa, quæ singulis planetis sunt aliquo modo communia reponuntur quedam illorum affectiones, deinde diuisio. Affectionum rursus, alie sunt absolutæ, ut orbes concentrici, excentrici, & motus species,

1. longitudinis, & latitudinis, qui fit vel medius seu equalis, vel verus & inequalis. 2. ascendendo à perigæo, vel descendendo. 3. directus, retrogradus, nullus. 4. tardior, velocior, mediocris. Alie comparatæ vel relatæ, ut sunt aspectus, rectus, coniunctio videlicet & oppositio; collateralis, & est vel sexilis, vel quadratus, vel trigonus. Diuisio planetarum est quod alij sint veri, alij Pseudoplanetæ, ut cometæ in æthere. Veri autem, vel sunt cogniti, primarij, ut Sol & Luna; secundarij, qui vel superiores, vel inferiores; vel incogniti, circa Iouiales, circa Solares &c. Propria vniuscuiusque Planetæ, absoluta sunt 1. quantitas vniuscuiusque, tum orbium particularium, quibus vnaqueque Planetarum Sphæra constat; 2. nomina ac situs orbium particularium respectu centri mundi; 3. centra orbium, centrorum distantia à centro mundi. 4. Axes orbium super quibus mouentur. 5. poli orbium, super quibus mouentur. 6. motus proprij, siue reuolutiones orbium. 7. Semidiametri orbium in partibus, quarum semidiameter terræ est vna. 8. Superficies planæ orbium ad planum Eclipticæ inclinatæ. 9. Aux Eccentrici ad annum currentem. Propria veluti relatiuæ, sunt illa, quæ attenduntur respectu nostri, ut Eclipses, lunæ illuminationes, siue *phases* &c. de quibus omnibus videndi sunt authores inferius citati præsertim Antonium Maginū, Christophorum Clauium, & Georgium Burbachiū.

Vnde breuiter tantum dico, Solem habere tres orbes, à se inuicem omni-
quaque diuisos, atque sibi contiguos. Quorum supremus secundum superficiem conuexam est mundo concentricus, secundum concavam autem eccentricus. Infimus verò, secundum concavam concentricus, sed secundum conuexam eccentricus. Tertius autem in horum medio positus, tam secundum superficiem suam conuexam, quam concavam, est mundo eccentricus. Dicitur autem mundo concentricus orbis cuius centrum est centrum mundi. Eccen-

cus

Sectio VII. Caput XIX. 343

cus verò, cuius centrum est aliud à centro mundi. Duo itaque primi sunt eccentrici secundum quid, & vocantur orbés augem Solis deferentes. Ad motum enim eorum aux Solis variatur. Tertius vero est eccentricus simpliciter, & vocatur orbis Solem deferens. Ad motum enim eius, corpus solare infixū sibi monetur; suumque iter conficit ab occidente in orientem diebus 365. horis 5. minutis 49. secund. 16. Quod spatium annus Solaris appellari solet. Ex quo patet, annū non præcisè continere 365. dies, & horas sex: defunt enim minuta ferè vndecim vnius horæ. Nam Sol singulis diebus conficit min. 59. sec. 8. tert. 19. quār. 37. secundum doctrinam Alphonsinorum. Quod de motu celi hac in parte diximus, idem penitus asseri debet de periodis motuum aliorum Planetarum; videlicet non debere attendi penes orbés, seu eorum celos totales, sed proprios dumtaxat orbés planetas deferentes, qui quidem sunt eccentrici in medio aliorum orbium collocati. In his namque planetæ, vel eorum epicycli infixi deferuntur suis statutis temporibus. Tres orbés prædicti duo continent. Nam superficies conuexa supremi, & concava infimi idem centrum habent, quod est centrum mundi. Vnde tota Sphæra Solis, sicut & alterius cuiuscumque planetæ tota sphæra, concentrica mundo dicitur esse. Sed superficies concava supremi, atque conuexa infimi, vna cum vtraque superficie medij, vnum aliud, quod centrum eccentrici dicitur, habent.

Luna habet orbés quatuor, & vnam spherulam. Primo enim habet tres orbés sicut Sol, scilicet duos eccentricos secundum quid, qui vocantur orbés augem eccentrici Lunæ deferentes, & tertium eccentricum simpliciter, in horum mediolocatum, qui deferens epicyclū appellatur. Deinde habet orbem mundo concentricum, aggregarum ex tribus alijs ambientē, qui deferens caput draconis dicitur. Vltimo habet spherulam, quæ vocatur epicyclus, profunditati or-

bis tertij immerfam, in quo quidem epicyclo corpus lunare figitur: Luna totū Zodiacum percurrit 27. diebus cum horis ferè 8. Deinde verò quasi biduum, consumit, vt assequatur Solem. Cum enim Sol interim in 27. diebus & horis 8. percurrat ferè 27. gradus, quos Luna in biduo quasi absoluit, necesse est, vt ab vna coniunctione Lunæ cum Sole, intercipientur dies 29. & horæ 12. fere. Tale autem spacium mensis lunaris appellari consuevit.

Quilibet etiam trium superiorum Planetarum, videlicet Saturnus, Iupiter, Mars, tres orbés habet à se diuisos, secundum imaginationem triū orbis Solis. In orbe tamen medio, qui eccentricus simpliciter existit, quilibet habet epicyclum, in quo, sicut in Luna tactum est, corpus planetæ figitur. Saturnus motum proprium conficit annis 30. fere singulis namque diebus peragrat in Zodiaco minuta quasi duo, & tertia 35. Mars annis fere 2. percurrit enim in Zodiaco quouis die min. 31. sec. 26. tert. 38. Iupiter autem 12. fere annis; quolibet enim die pertransit min. 4. sec. 59. tert. 15.

Venus, quæ etiam dicitur phosphorus, & Hesperus, tres habet orbés cum epicyclo, quo ad situm, atque motum in longitudinem, vt aliquis superiorum, dispositos. Orbés namque augem deferentes, super axe Zodiaci secundum motum octauæ spheræ mouentur, ita tamen, vt aux eccentrici eius, sub eo loco Zodiaci sit semper, sub quo aux eccentrici Solis. Vnde habita auge Solis in secunda significatione, habetur & aux Veneris eadem. Hic planeta totū etiam suum circuitum complet eodem quasi tempore cum Sole. Progreditur namque quouis die min. 59. sec. 8. & tert. 19. fere.

Tandē Mercurius habet orbés quinque & epicyclum: quorū extremi duo, sunt eccentrici secundum quid: superficies namque conuexa supremi, & concava infimi mundo concentricæ sunt: concava autem supremi, & conuexa infimi, eccentricæ mundo, sibi ipsis tamen con-

concentricæ sunt: & centrum earum, tantum à centro æquantis, quantum centrum æquantis à centro mundi distat: & ipsum est centrum parui circuli, quem centrum deferentis describit. Vocantur autem deferentes augem æquantis, & mouentur ad motû octauæ sphæræ, super axe Zodiaci. Et hic planeta tantumdém spatij omni die conficit ac Venus. Quamobrem totum cursum absoluit quasi eodem tempore cum Venere.

Præter allatam Astronomiæ diuisionem, alia duplici distingui potest; prima in Methodicam, & Historicam: Methodica dicitur, quæ tractat methodum obseruandi, & calculandi; Historica, quæ historiam describit de astris, & corporibus cælestibus ex artificum obseruationibus prodeuntem. Eiusmodi autem obseruationes sunt, instrumentis quamplurimis ab Astronomis summa industria ad hoc inuentis, vt motus cælestes nobis ob oculos ponerent, quale est Astrolabium vulgare, seu planisphærium Ptolemæi, regula parallactica, Annulus Astronomicus, quadrans, torquetum, radius Astronomicus, armilla æquatoria pro rimandis syderum declinationibus à circulo Aequinoctiali, eorum ascensionibus, & descensionibus in quolibet Sphæræ situ, tam recto, quàm obliquo, sextans Astronomicus pro syderum altitudinibus obseruandis, atque eorum distantijs quibuscumque capiendis, & vt genus alia. Calculus verò Astronomicus perficitur partim per numeros, partim per res metricas; per numeros, eo quod per numeros in tabulas digestos Astronomi cælorum motus scrutentur, quales sunt tabulæ primi & secundorum mobilium Ptolemæi, Alphonsi Regis Hispaniæ dictæ ab ipso Alphonsinæ; resolutæ Magini, Ioannis Regiomontani, Ioannis Blanchini Ferrariensis, Nicolai Copernici, Prutenicæ Erasmi Reinholdi, & multorum aliorum. Per res autem metricas perficitur calculus Astronomicus, eo quod fiat per cõstructionem canonis sinuum tangentium

& secantium; per trigonometricam, seu angulorum doctrinam admirabilem, sine qua nec Astronomia luculenter tractatur, nec cæli, mariæ, terræque exactè mesurantur.

Alterà diuisio Astronomiæ, est per ordinem ad præcipuos ipsius authores, in Ptolemaicam, Copernicæam, & Tychonicam. Ptolemaica dicitur illa quæ Ptolemæi Systema mundanum, obseruationesque sequitur; Copernicæa, quæ Nicolai Copernici, Tychonica, quæ Tichonis Bralix. Tota enim scientia Astronomica, seu de rebus cælestibus ab obseruationibus ducit originem. Postquam enim Astronomus tot diuersitates motuum, tot apparentias obseruauit, eas mente examinat, hypothesefque excogitat, quibus tales apparentiæ, siue phænomena saluari possint, & Geometricè exquirat, quomodo prædicti motus ad tempus quodcunque colligi possint: hinc fingit systema, quo cælum fabricatur, atque ordinatum perpetuò correspondeat illis motibus, ac phænomenis: hinc Philosophi diuersi systemata varia commenti sunt, quibus phænomena omnia, motusque saluari profitentur, quorum præcipua, sunt tria Ptolemaicum, videlicet Copernicæum, & Tychonicum.

Systema Ptolemaicum, omni sæculo vsque ad nostrum, ab omnibus Philosophis concinnius existimatum est, vt telluris corpus in vniuersi centro immobile constitutum, nouem supra se rotantes cælos habeat hoc ordine, cælum Lunæ, Mercurij, Veneris, Solis, Martis, Iouis, Saturni, firmamentum, seu cælum stellatum, & primum mobile: quæ cælorum ordinem tota ferè concessit, & amplexa est antiquitas, præter Aristotelem, & Platonem, qui solem non quarto, sed secundo post lunam loco constituerunt: Iam verò, cum etiam stellas fixas inæquali motu ab æquinoctio apparente agitari, Astronomorum obseruationibus deprehensum sit, nec non etiam Zodiaci obliquitatem variari processu temporis; recentiores Astronomi duas alias sphæras, nonam scilicet & deci-

decimam, inter primum mobile, & cælum stellatum conclusas addiderunt, quæ stellis fixis duplicem illum librationis, siue accessus, & recessus motum superius explicatum communicarent.

Aliud vniuersi Systema propalauit Nicolaus Copernicus Turonensis Galilus ex aliquorum antiquorum Philosophorum placitis hoc ordine. Constituitur Sol immobilis in centro mundi, post Solem orbis Mercurij, post Mercurium Venus, tum cælum Lunæ vna cum globo terræ, deinde tres alij cæli, Martis, Iouis, & Saturni, tandemque cælum stellatum etiam immobile. Terræ vna cum reliquis elementis, ac lunari globo in tertio cælo, inter Venerem & Martem collocatæ, triplicem prædictus author tribuit motum, *diurnum*, quo ex Occidente in Oriens circumducitur spatio 24. horarum (quem motum alij tribuunt primo mobili) quo omnia astra videntur ex Oriente in Occidens ferri, cum tamen secundum Copernicum sola terra moueatur; *Annuum* quem nos Soli concedimus; ac *Tertium librationis*, quo inæqualitas æquinoctiorum, & eclipticæ ab æquinoctiali obliquitas saluatur. Hoc igitur triplici telluris motu, cælorumque ordine, voluit Copernicus omnia cælestium orbium Phænomena explicare; nec tam ingeniosum illius Systema forsan esset contemnendum, dicente Ecclesiastico Deum tradidisse cælum hominum disputationi; nisi aliunde repugnaret manifestissimis diuinarum, Scripturarum autoritatibus, Sanctæque Romanæ Ecclesiæ constitutionibus; cū enim aliqui nostri temporis Mathematici hanc Copernici sententiam pertinacius propugnarent, coacta est S. R. Ecclesia decreto stabilire disputari non posse, terram esse mobilem; verum in centro vniuersi esse immobiliter constitutam; vnde post tale decretum, observationes dumtaxat præstantissimi illius viri, quæ cum cælo mirificè cōsentiunt, sequi & amplecti possunt veri Ecclesiæ Catholicæ alumni; neglectis illius hypothesebus de multiplici globi terre-

Biblioth. Theol. Tom. IV.

stris motu, & de quiete tum Solis in centro vniuersi, tum stellati orbis, quas vt multitudinem cælorum, siue spherarum cælestium euitaret, ingeniosissimè quidem ille excogitarat.

Tertium mundi Systema est Tycho- nis Brahe Dani, qui constructa arce Vraniburgo in insula Huennæ, dedit opera vt studijs Astronomicis incumbere, per multos annos cælestes sphaeras varijs obseruationibus rimatus est, adiutus à Mathematicis quamplurimis; tandemque post indefessos labores nouas hypotheses nouumque systema mundanum excogitauit: in quo centrum terræ, est centrum firmamenti & lunarium, orbes enim firmamenti Lunæ & Solis sunt concentrici: reliqui quinque planetæ, Saturnus, Iuppiter, Mars, Venus, & Mercurius retinent Solem pro centro, orbisque eorum sunt eccentrici respectu centri terræ, & homocentrici respectu Solis. Mercurius & Venus in eodem orbe ac cælo siti sunt quo Sol, affixique orbiculis immerlis in crassitie deferentis Solem. Mars quando est achronicus in opposito Solis reperitur sub illo, & terris vicinior; quorum omnium systematum figuræ videri possunt apud Andream Argolum tom. 1. Ephemeridum. Tribus prædictis sententijs circa mundi systema inter se distinctis, potest addi quarta illorum, qui cælorum fluiditatem asserunt, & in ipsis astra, sicut pisces in mari moueri contendunt.

De Chronologia, siue Chronoscopia.

SECUNDA pars, vel species Vranoscopia, est Chronologica, vel Chronoscopica, hoc est, quæ non amplius motum cæli in se se, vt Astronomia, sed ratione dumtaxat temporis considerat; quod ab Aristotele definitur *numerus motus secundum prius, & posterius*; siue quod idem est, *secundum priores, posterioresque partes*; Quare sicut motus cælorum, vt diximus supra, præcipue duo sunt; conuersio scilicet Cæli ab Orien-

X x te in

te in Occidentem, super axe polisque mundi, cuius cingulum est Aequinoctialis. Quo quidem motu Sol, Luna, & Altra cætera oriuntur, occidunt, & revolutiones perficiunt quotidie. Alter verò motus fit ab occasu in ortum, super axe polisque obliqui circuli, qui Zodiacus dicitur: per cuius semitam Sol, & Altra cætera non iisdem temporum spatijs deferuntur; sicut, inquam, dantur hi duo præcipui motus; ita etiam potest primum diuidi tempus in diem, annum, & mensem; ut dies sit integra reuolutio Solis per motum primum horas 24. continens; Annus autem spacium quo Sol percurrit Zodiacum, dies 365. & quadrantem ferè, siue sex horas completens, ut diximus supra. Mensis verò tempus, quo Luna Sole relicto, ad eum reuertitur, quæ reuersio poscit dies 29. & dimidium ferè. Quoniam itaque annus comprehendit menses quasi 12. mensis verò dies ferè triginta. Propterea Zodiacus secatur in signa 12. signum autem in gradus triginta. Ut scilicet sicut circulus totum annum, sic signa singula mensem, diesque singuli gradum de motu Solis postularent. Hinc & numerus horarum duodenarius pro die artificiali, vel pro nocte; & horæ 24. pro toto die naturali.

Alia diuisione potest distingui tempus in naturale & arbitrium; naturale rursus in primum, & secundum; primum ut dies, qui vel communes, vel critici, decretarij, indicatiui; dierum communium diuisiones sunt in lunares, & solares tam naturales, quam artificiales; partitiones verò in partes maiores ut matutinum tempus, meridiem, vespertam, loquendo de die artificiali, cui sic accepto nox opponitur, quæ est spacium inter occasum Solis & ortum, diuiditurque in tres item partes, crepusculum, mediam noctem, & diluculum. Crepusculum est spacium, quo Sol sub Horizontem primo demersus nondum ultra 18. gradus in Eccliptica sub Horizontem descendit. Diluculum è contra 18. gradibus ab Orientali Horizon-

tis parte distat, nox media, meridiei rectè opponitur. Minores autem vtriusque partes sunt horæ, earumque minuta prima & secunda. Primum est sexagesima pars horæ. Secundum sexagesima primi minuti. Quæ omnia, duobus exceptis in anno diebus æquinoctialibus, semper sunt inæqualia ob incrementa & decrementa, nec non ob diuersitatem locorum, cum in altero breuior dies sit, vel longior quam in altero, ob poli eleuationem. Tempus naturale secundum, vel est Lunare, vel Solare; Lunare ut mensis, & annus lunaris; mensis rursus, alius est proprius, Periodicus, Synodicus, illuminationis, isque vel verus vel medius; alius analogicus, vel criticus; Solare similiter diuiditur in mensem, & annum solare, communem, & climatericum, vel respectu prouinciarum, vel respectu hominum; annus verò solaris communis, vel est tropicus, cuius quatuor sunt partes Ver, Aestas, Autumnus, & Hiemps, vel sydereus. Tempus arbitrium considerari potest, vel seorsim, atque ita aliud est primum ut dies, qui vel festus, vel profestus, aliud ortu ut Septimana, Mensis plenus, cauus, & & annus Civilis, Vulgaris, Bisextus, siue Intercalaris; vel qua artificiosè digestum in Calendario, quod tum Iulianum, tum Gregorianum; singula breuiter explicemus.

Primum ergo horarum alix sunt æquales, alix inæquales siue temporales. Hora æquinoctialis, siue æqualis est vigesima quarta pars diei naturalis: quæ postulat sibi quindenos Aequinoctialis gradus. Hæ sunt horæ, quæ in horologijs per lapsus rotarum indicantur, & sciotericis per lineas horarias distinguuntur. Hora verò temporalis, siue inæqualis, quæ etiam Planetaria dicitur, est duodecima pars, diurna quidem arcus diurni, nocturna verò nocturni. Unde crefcit & decrefcit cum ipso arcu: & proinde inæqualis est, & pro tempore variatur, secundum quod maior vel minor est arcus Solis supra Horizontem.

Per

Per has horas planetæ per ordinem suscipiunt dominium, ita vt singulæ feriae in hebdomada nomen sortiantur à planeta, cuius dominium in primam diei horam cadit. Quanquam peteret ratio, vt huiusmodi horarum diuisio potius fieret per diuisionem Zodiaci, sicut horæ æquales distinguuntur per diuisionē Aequinoctialis. Vnde etiam Ioannes de Sacrobosco, cum definit horam naturalem, hoc est, inæqualem, siue temporalem, asserit spatium temporis, quo peroritur dimidium signi in Zodiaco.

Dies est reditus Solis ad Meridianū. Quod est spatium integræ reuolutionis motus primi mobilis, cum tanto arcu Aequinoctialis, quantus respondeat motui Solis proprio in Zodiaco interim peracto. Qui arcus, propter inæqualitatem motus Solis, & propter obliquitatem Zodiaci variatur. Quare dies tales, qui naturales, vel etiam ciuiles dicuntur, sunt inter se aliquantum inæquales. Verum quia supputationes motuum celestium debent fieri per dies æquales, Astronomi vtuntur additamento mediocri, & dies ad æqualitatem reducunt, supponendo quod illa ascensio, siue arcus æquinoctialis, respondens motui Solis proprio in Zodiaco interim peracto ab Occidente in Orientem; quique vnoquoque die debet adijci integræ eiusdē æquinoctialis reuolutioni; sit min. 59. & sect. 8. ferè: quæ proueniunt ex diuisione 360. graduum (quod est aggregatum omnium ascensionum singulorum anni dierum) per 365. dies, & sex horas. Sic Astronomi faciunt vnumquemque diem naturalem 360. graduum, min. 59. secund. 8. talesque dies vocantur medij, vel mediocres, quod inter maiores inæquales, & minores, medium veluti obtingent locum. Et quamuis hoc discrimen, inter vnum verum diem naturalem, & alterum mediocrem, sit valde paruum, ferèque imperceptibile; quia tamen additis pluribus inter se huiusmodi differentiis, magna inde notabilisque varietas oriri posset; ideo Astronomi, vt hanc verorum dierum inæqualita-

Biblioth. Theol. Tom. IV.

tem, statim ad æqualitatem reducerent, celebrem illam composuerunt tabulam quam *æquationis dierum* appellant. Prædictorum autem dierum naturalium varia fuerunt initia apud varias gentes, nationesque. Persæ namque, Babylonij, & Turcæ, quos nunc imitantur Insulæ Baleares, quæ dicuntur Maiorica, & Minorica, diem inchoabant ab ortu Solis ad alterum ortum. Athenienses, quos adhuc Bohemi, & Itali omnes sequuntur, diem numerabant ab occasu Solis ad alterum occasum: Aegyptij, & Sacerdotes Romani à media nocte in alteram mediam noctem, quæ consuetudo adhuc in Ecclesia Romana permansit, Gallia, Germania, Hispania, & alijs pluribus locis: Astronomi denique à meridie ad alterum meridiem diem computant. Iudæi verò nunc vno, nunc alio numerabāt modo, pro vt olim apud eos fuit in vsu triplex dierū genus; dies scilicet legalis à vespere ad vespere, dies naturalis ab ortu Solis ad ortum, dies vsualis à media nocte ad mediam noctem. Primum in celebrandis festiuitatibus seruatum esse à Iudæis non est dubium, quippè in Leuitico cap. 23. hoc à Deo præceptum erat datum: *A vespere, inquit, usque ad vespere celebrabitis Sabbatha vestra. Quem morem in diuinis laudibus, sacrilque officijs decantandis vsque nunc seruat Ecclesia: nam festorum solemnitatem à vespere auspiciatur. De secundo intelligendum putant multi quod scribitur Matth. 20. Et egressus circa tertiam horā vidit alios &c. Et paulò inferius. Iterū autem circa sextam & nonam horam, & fecit similiter; circa undecimam verò exijt. Et Matth. 27. à sexta autem hora tenebra facta sunt super uniuersam terram usque ad horam nonam: & circa horam nonam clamauit Iesus, &c. Et Marc. cap. 15. Erat autem hora tertia, & crucifixerunt eum. Et paulò inferius: Et facta hora sexta tenebra facta sunt super totam terram usque in horam nonam, & hora nona exclamauit Iesus &c. Et Lucæ 23. Erat autem ferè hora sexta, & tenebra facta sunt in*

XX 2 uni-

uniuersa terra usque ad horam nonam. Et Ioannis cap. 4. *Hora autem erat quasi sexta: Et inferius: Et dixerunt ei, quia heri hora septima reliquit enim febris.* Et cap. 11. *Nonne duodecim sunt hora diei,* &c. Hæc inquam, omnia Euangeliorum loca explicanda videntur de die naturali ab ortu Solis ad ortum, quem Iudæi in publicis præsertim negotijs obseruabant. Vt enim Romani ex Cælio Rodigino lib. 12. cap. 9. ita & Iudæi iam tempore Christi Romanis subiecti, indeque illorum calculum secuti, diuidebant uti noctem sic & diem in 12. horas, per quatuor partes, quas noctu in castris vigiliis (eo quod initio earum vigiles mutarent) vocabant: Prima hora, siue vigilia incipiebat ab ortu Solis, tertia tribus horis ab ortu, sexta sex horis ab eodem, puta in meridie, nona tribus horis post meridiem, duodecima in vespere & Solis occasu. Porro in hyeme hæ horæ erant breuiiores per diem, longiores per noctem, quia in hyeme dies sunt breuiiores, noctes verò longiores; vice versa in Aestate hæ horæ erant longiores per diem, breuiiores verò per noctem, quia tunc dies sunt longiores, noctes autem breuiiores.

Tandem de die vsuali, quem etiam Iudæi cum Romanis ex Macrobio lib. 1. Saturn. cap. 3. Gellio lib. 3. cap. 2. Plinio lib. 2. cap. 77. & alijs, à media nocte in aliam computabant, interpretantur aliqui tres dies & noctes partiales, quibus Christus Dominus dicitur fuisse in sepulchro; Matth. 12. sepultus est enim die Veneris ante Solis occasum; mansitque in sepulchro usque ad mediam noctem, quæ pertinebat ad diem Veneris: inde à media nocte incipiebat Sabbathum, quo toto permansit in sepulchro per integram diem & integram noctem; successit dies Dominica pariter à media nocte, qua reliqua per sex ferè horas permansit in sepulchro usque ad auroram, cum incipit lux & dies, in qua resurrexit, ita ut tota media nocte Dominicæ, & parte aliqua auroræ siue diei & diluculi, Christus fuerit in sepulchro,

donec aurora crescente, magisque illucescente resurrexit; erat enim tunc Pascha circa Acquinoctium, in quo dies sunt æquales noctibus, ac proinde noctes æque ac dies sunt duodecim horarum. Anima verò Christi, illico ut ipse in cruce expirauit hora nona, id est tertia pomeridiana descendit ad limbum; mansitque ibi cum Patribus usque ad auroram Dominicæ. Ex dictis satis constat circulum Horizontalem, ac meridianum esse terminos & limites dierum naturalium quorumcumque; maluerunt tamen Astronomi à Meridiano circulo diem inchoare, quàm ab Horizonte, quoniam Sol, & astra eodem semper modo se habent respectu Meridiani in omni regione; non autem respectu Horizonis, qui mirum in modum variatur ratione maiotis, & minoris eleuationis poli supra Horizontem; Tantùm de die naturali, nunc breuiter de artificiali.

Vtigitur dies naturalis nihil est aliud quàm integra Solis reuolutio; ita dies artificialis nihil aliud est, quàm mora Solis supra Horizontem; nox autem, mora eiusdem infra Horizontem; siue, quod idem est, dies artificialis, est arcus Solis diurnus, qui cum arcu nocturno naturalem diem consummat. Qui quidem arcus in sphæra recta semper, obliqua verò, tantùm Sole existente in equinoctiali, sunt æquales, alias semper inæquales; maiores, vel minores, secundum quod est magis, vel minus obliqua sphæra; Et hæc quoque diuisio diei in naturalem & artificialem in sacris litteris passim occurrit. Nam ubi S. Ioannes dixit ante diem festum Paschæ Christum Dominum cum discipulis cenauisse, de artificiali die intelligunt multi: cum Marcus & Lucas primo die azimorum, in quo Iudæi Pascha immolabant ac celebrabant, id accidisse asserant. Quare, cum die Iouis ad vespeream cæna fuerit facta, die artificiali numerasse videtur: alioqui cum ipsa vespere festum inciperet, ante diem naturalem cenasse non apparet. Sunt tamen alij, qui aliam huius loci expositionem adducunt, de qua vide

Sectio VII. Caput XIX. 349

vide interpretes. De diebus quoque artificiat, & non integris naturalibus intelligitur illud: *post tres dies resurgam*: & ubique dies cōtra noctem distinguitur, sic illud Matth. 12. *Sicut fuit Ionas in ventre ceti tribus diebus & tribus noctibus, sic erit & filius hominis in corde terra tribus diebus & tribus noctibus*. Sic quoque illud Matthæi 4. *Cum ieiunasset quadraginta diebus & quadraginta noctibus*: alioqui nox per recessum, & dies per accessum Solis vno cæli circuitu cōficiuntur, atque adeo vnus dies naturalis est ex nocte dieque simul, tanquam vna cæli mensura, vt supra notauimus. Sic Genes. 1. *Factum est vespere & mane dies vnus*; cur autem Moses prius vespere quam mane meminerit, vide interpretes ad hunc locum; SS. Basilius, Ambrosius, Chrysostomus, Augustinus & alij putant per vesperam, aptè significari diem artificialem completum, eius enim terminus est vespera: per mane autem, noctem plenè transactam, noctis enim exactæ finis & argumentum est ipsum mane. Vnde colligunt aliqui ex hoc loco satis probabiliter, non solum ab eo tempore quo ludæi fuerunt subiecti Romanis, sed etiam antiquitus apud eos, aliasque vetustissimas gentes quibuscum fuit consuetudo & commercium Iudæis, diem naturalem ab ortu Solis, ad eiusdem exortum, proximè consequentem definiri solitum, licet apud varias gentes, varia fuerint eiusmodi diurnæ ratio & vsus.

Hebdomada siue Septimana habet dies septem, propter numerum Planetarum: qui cum dominium habeant per singulas horas inæquales siue temporales, siue naturales, tam diurnas, quam nocturnas, secundum ordinem suorum orbium semper repetitur; inde singuli dies Septimane nomen sortiuntur à Planeta, in prima hora diei dominium habente. Verum Ecclesiastici vtuntur numero feriarum pro vocabulis Planetarum; & feriam septimam Sabbathum, quod Chaldaicè quietem significat, appellauerunt, diem scilicet quieti attribui-

tum; vel quia Deus, creatis cælo & terra, in illo ab opere quieuit; vel etiam Christus Dominus in sepulchro toto illo die fuit. At quia per gloriosam illius resurrectionem, quæ prima Sabbathi, siue prima feria contigit, reparatio generis humani perfecta fuit, mortuus est enim ex Apostolo propter peccata nostra, & resurrexit propter iustificationem nostram, propterea solemnitas diei Sabbathi translata fuit in hanc primam feriam, deincepsque vocata Dominica à supremo Planetarum Creatore, & Domino. Quamuis etiam plura sint alia huius diei insignia & ornamenta, quibus mirabiliter nobilitatur atque decoratur. Horum quædam tradit B. Leo epist. 81. ad Dioscorum, Augustinus in sermone 154. de tempore, Beda in epistola de celebratione Paschatis, seu de Aequinoctio verno: quæ si colligantur, & numero aliquo comprehendantur, tot ferè sunt. *Primò*, hic fuit primus mundi dies, in quo lux facta est, vt liquido constat eo argumento, quod seprimus ab eo proximus dies; quo Deus requieuisse dicitur, eumque diem sanctificasse, haud dubiè fuit dies Sabbathi: hoc enim euidenter concluditur ex 20. & 31. capitibus exodi, vbi iubentur Hebræi diem Sabbathi religiosissime obseruare, quod, eo die, Deus requieuisset ab opere creationis mundi, quod sex diebus patrauerat, ob idque eum diem sanctificasset.

Secundò, in hoc die siccis vestigijs Hebræi mare rubrum transgressi sunt. *Tertiò*, eodem die primum de cælo pluit manna in deserto. *Quartò*, Christus, vt quidam opinantur, initio huius diei natus est. *Quintò*, baptizatus est in Iordane. *Sextò*, primum miraculum fecit in nuptijs, aquam conuertendo in vinum. *Septimò*, multiplicatis quinque panibus, & duobus piscibus, quinque hominum millia satiata sunt. *Octauò*, Dominus noster resurrexit à mortuis, dicitur enim Ioannis 20. *resurrexisse vna Sabbathi*: hoc est primo die post Sabbathum, vnus enim pro primo dicitur phrasi Hebraica quæ

quâ vñs est Moyses Genes. 1. dum ait *Factum esse vespere & mane diem unum*, id est primû; pro vt ratio poscit & consequentia narrationis; deinceps enim commemorâdo reliquos sex dies, appellauit diem secundum, tertium, quartum, & sic deinceps vsque ad septimum. Daniel quoque eadem phrasi vsus cap.9. *Vno*, inquit, *anno Darj Regis*, hoc est primo, vt ipse mox declarat. *Nondè*, Dominus Iesus oâauo post Resurrectionem die ianuis clausis ingressus est ad discipulos deditque eis spiritum Sanctum, & potestatem remittendi peccata. *Decimò*, mandauit Apostolis vt euangelium toto orbe prædicarent, & baptizarent homines *in nomine Patris & Filij, & Spiritus Sancti*. *Vndecimò*, in hunc diem incidit dies Pentecostes, quo Spiritus Sanctus super Christi discipulos descendit. *Duodecimò*, in hoc die creditur futura nostrorû corporum resurrectio, nostræque felicitatis consummatio, & totius mundi renouatio. Hæc sunt præcipua priuilegia quæ diem Dominicum nobilitarunt & illustrarunt, cunctisque fidelibus singulari honore, ac religione colendum, & venerandum reddiderunt. Hebræi autem olim singulos hebdomadæ dies à Sabbatho, tanquam à præcipuo tunc die denominabant; ita vt initium hebdomadæ à Sabbatho, nempe septimo die, in quo Deus requieuit, sumerent; deinde primus post sabbathum dies vocaretur ab illis primus sabbathi, qui nobis est dies Dominicus; dies lunæ, secundus sabbathi, & sic deinceps. Ita illud Matth. vltimo, *Vespere Sabbathi, qua lucefcit in prima Sabbathi*; & illud; *vna Sabbathi venerunt mulieres ad monumentû*. Ioan. 20. Quodlibet etiam festû Sabbathum appellabatur, vt illud Sabbathum sanctifices, id est quælibet festa. Et illud Isaïæ 1. *Neomenia & Sabbathum vestræ*, id est, festiuitates vestras, *odiuit anima mea*. Nisi quod vbi septem dies festiuitatis acciderant (vt in Paschate aut festo Pentecostes, de quibus de Exodi 12. & Leuit. 23. *Septem dies festum celebrabitis, & nouissimus erit vobis sicut primus vene-*

rabilis) tunc Sabbathum primo primum appellabatur primus dies, vltimum verò secundo primum, vt apparet Lucæ 6. *Factum est*, inquit, *in Sabbatho secundo primo*. Ad hæc quando festum incedebat in septimo die hebdomadæ, magnû Sabbathum appellabatur: sic Ioannes cap. 19. *Erat*, inquit, *magnus dies illius Sabbathi*, id est, duplici festiuitate percelebris; proinde cap. 20. idem ait: *cum fero esset die illo vna Sabbathorum*, id est, prima post duplex Sabbathum: nisi forte primum inter dies hebdomadæ eo nomine nuncupauerit, vt volunt aliqui. Nam integra etiam hebdomada sabbathum appellabatur; vt illud; *ieiunio bis in Sabbatho*, id est, in hebdomada; sed de diebus & Hebdomadibus hæc satis dicta sint pro instituti nostri ratione. Tantum aduertendum est, quod vt facilius cognosci possint nomina singulorum, Hebdomadæ dierum, solcant designari in Calendario per septem primas Alphabeti litteras, videlicet, A.B.C.D.E.F.G. quarum vnaquæque, cum certis annis possit diem Dominicam significare, tunc vocatur littera Dominicalis, & illa quæ immediatè sequitur secundum ordinem Alphabeti, designat diem Lunæ, & sic deinceps de alijs hebdomadæ diebus, qui vt statim diximus, cum secundum Ecclesiæ vsum, vocentur feriæ; inde etiam septem illæ primæ alphabeti litteræ fuerunt appellatæ *litteræ feriales*. Nunc ad mensium rationem & numerum exponendum.

Mensium alius solaris, alius lunaris. Mensis lunaris triplex; vel scilicet spatium, quo luna motu proprio peragrat Zodiacum, & habet dies 27. & horas fere 8. vocaturque mensis *Periodicus*; vel spatium, quo à Sole digressa eundem repetit, quod postulat dies 29. hor. 12. & vocatur mensis *Synodicus*, aut Lunatio; vel denique spatium, quo incipit & desinit apparere supra nostrum horizonem, quod habet ordinariè dies 28. & vocatur mensis *Illuminatio*. Solaris autem mensis duplex est; *Astronomicus*, videlicet, siue spatium, quo Sol per-

Sectio VII. Caput XIX. 351

pertransit vnum signum Zodiaci, & habet dies 30. horas 10. min. 54. secund. 6. quæ est duodecima pars totius anni; & *Politicus*, siue Civilis, habens spatium maioris, vel minoris durationis, secundum numerum dierum, quibus vnaqueque natio vitur ad mensurandum tempus; sunt autem apud nos, & secundum usum nostrum huiusmodi menses duodecim, propter duodenarium tam signorum, quam lunationum numerum; quorum quatuor, scilicet, Aprilis, Iunius, September, & Nouember habent 30. dies; septem 31. scilicet Ianuarius, Martius, Maius, Iulius, Augustus, October, & December; vnus vero Februarius habet dies tantum 28. per tres annos continuos, quibus in anno Bissextili superadditur dies ipse intercalaris in festo Sancti Mathiæ. Qui omnes dies collecti consiciunt in anno communi 365. dies; in Bissextili verò dies 366. Porro singulos hos menses suos Romani ab initio vsque rerum suarum, imprimis ab eo tempore, quo Numa annum digessit, diuisere in classes siue ordines dierum tres numero inter se impares; quorum vnus à Nonis, alter ab Idibus, tertius à Kalendis nomen ferebant. Primus cuiusque mensis dies Kalendarum erat: septimus Martij, Maij, Iulij, Octobris, quintus omnium ceterorum erat Nonarum: decimusquintus eiusdem Martij, Maij, Iulij, Octobris, decimus vero tertius aliorum Idus dicebantur. Ab his omnes dies alij secundum classes suas retrorsum in anteriora numerati denominationem accipiebant. Scilicet in ijs mensibus, in quibus dies septimus Nonis comprebatur; sextus prid. Nonarum, quintus Ill. Nonarum aut ante Nonas, quartus Illl. Nonarum aut ante Nonas, tertius V. Nonarum aut ante Nonas, secundus VI. Nonarum aut ante Nonas, aut, quod idem valebat & erat frequentius postridiè Kalend. dicebatur. In quibus verò dies quintus Nonis est dicatus, simili modo retro ibatur in diem, vsque mensis secundum qui Illl. Nonarum, aut ante Nonas, aut postri-

die Kalend. appellabatur. Nam vt classis dierum à Nonis denominata in Martio, Maio, Iulio & Octobre dies sex capiebat, sic in reliquis mensibus habebat quatuor tantum. Ab Idibus autem appellata classis omnibus in mensibus parem numerum dierum, nimirum VIII. amplectebatur, qui simili ratione ab Idibus in antecedentia computabantur, vsque in ipsas Nonas: diesque is, qui Nonas proximè sequebatur, postridiè Nonarum, aut VIII. Iduum, aut ante Idus, qui verò proximè Idus ipsas antecederat, prid. Iduum, aut II. Iduum, aut ante Idus vocabatur. At qui Idibus ipsis sine intervallo succedebat, postridiè Iduum ferè nuncupabatur; reliqui omnes in finem mensis dies numero addito Kalendæ dicebantur; V.g. XVII. Kalendas, hoc est ante Kalendas, siue primum diem sequentis mensis primi: qui Kalendæ vocabatur, quod initio cuiuslibet mensis calatæ, hoc est vocatæ in capitulum plebi indicabatur, quot ad nonas vsque superessent dies; Nonæ vero dicebantur, quasi nouæ obseruationis initium, vel à nouem diebus vsque ad exordium Kalendarum interiectis. Idus demum à diuidendo mense: vel à specie plenæ & vndique collucens lunæ. De numero Kalendarum, Nonarum & Iduum sequentes extant versus.

Sex Maius Nonas, October, Iulius & Mars

Quatuor at reliqui: ceteræ Idus, quilibet octo.

Inde dies reliquos omnes dic esse Kalendas

Nomen sortiri debent à mense sequenti,

Versibus his noscas menses cuiusque Kalendas,

Tantum, tendebat, quod, regni, summa, regebat

Sanctus, Rex, talis, sapienter, regna, subegit.

Duodecim enim distiones horum duorum vltimorum versuum, duodecim anni mensibus ordine respondent: Initiales litteræ quatuor significant numerum

rum Kalendarum : ita quidem vt Q. in ordine alphabeti 16. R. 17. S. 18. T. 19. Kalendas denotet. Ergo prima littera particulæ tantum Kalendas Ianuarij (quæ in Decembri sunt mense) à numero 19. ordiendas indicat, & sic de cæteris. Tantùm de mensibus Romanorum, modoque illos diuidendi, cuius cum adhuc inter nos vsus perseueret, necessarium fuit paulo longius illum explicare.

Iam vt omittam menses aliarum nationum, Græcorum, Macedonum, Syrorum veterum, Chaldeorum, Aegyptiorum, Arabum, Turcarum qui ipsos hac in parte sequuntur, & aliorum de quibus facile videri possunt innumeri qui de his scripsere Chronologi. Superest agere de mensibus Hebræorum, & festis in eisdem notatis, mirum enim quam sit necessarium illorum notitiam habere ad Euangeliorum præsertim historiam dilucidè intelligendam. Nam cum in eis vniuersa ferè ratio temporis sumatur à numero Paschatum, & aliorum festorum, si hæc quibus mensibus occurrant, nesciatur, proculdubio totius historię Chronicon turpiter ignorabitur. In primis igitur numerum duodecim mensium in anno Hebraico fuisse habemus ex lib. 3. Reg. cap. 4. vbi legitur: *Habebat autem Salomon duodecim præfectos super omnem Israel, qui præbebant annonam Regi & domui eius: per singulos enim menses in anno singuli necessaria ministrabāt.* Et cap. 4. Dānielis: *Post finem, inquit, duodecim mensium in aula Babylonis deambulabat; Esther quoque cap. 3. exiuit mensis duodecimus, qui dicitur Adar:* Hi autem menses cum ante exilium Babylonicum nominarentur tantùm à numero, pro vt quisque primus erat, aut secundus, vsque ad duodecimum, vt constat Exodi 40. *Mense, inquit, primo prima die mensis eriges tabernaculum.* Idem patet ex Numer. cap. 9. & lib. 1. Paralipom. cap. 27. Cum, inquam, ante exilium Babylonicum menses ita se haberent, post reditum ex Babylone his ferme ornati sunt nominibus; mensis pri-

mus anni sacri, vt dicitur infra, vocatus est Nisan, respondens Martio: cuius mentio fit 2. Esdræ cap. 5. & Esther 3. Secundus dictus est Zis, & Iar, id est, Aprilis; cuius fit mentio lib. 3. Reg. c. 6. Tertius appellatur est Sivan, id est, Maius, cuius memoria fit Esther c. 8. Quartus Thamuz, est nomen Syriacum, id est, Iunius. Quintus Ab & Abib, de quo Exod. 9. & Leuitici 2. respondet autem Iulio. Sextus Elul, id est, Augustus, de quo Nehemiæ 9. Septimus Ethan & Tisri, id est, September, de quo 1. Reg. 8. Octauus Iabal, Bul & Marchesuan, id est, Octobris cuius mentio fit 3. Reg. 6. Nonus Casleu, de quo Nehemiæ 1. & Zachariæ 7. qui respondet Nouembri. Decimus Thebet de quo Esther 2. & respondet Decembri. Vndecimus Sebat, respondens Ianuario, de quo Zachar. 1. Duodecimus Adar, respondens Februario, de quo Esther. 2. & 9. Notandum, est tamen Hebræos ita annum communē supradictis 12. mensibus definiuisse, vt tamen adueniente Embolismo mensem tertium decimū adijcerent, quem Veadar, siue alterum Adar nuncupabant. Cum enim menses lunares quibus utebantur, solaribus æquē non respondeāt, sed minores sint singuli fere vnus diei spatio, atque aded annus lunaris communis ex illis constans, sit etiam minor anno solari communi vndecim diebus; vt Hebræi dictum annum lunarem cōmune continentem 12. menses alternatim 29. & 30. diebus constantes, quod menses plenos & cauos appellabant, ad Solis cursum quadantenus accommodarent, siue cum solaribus æquales redderent, tertio quoque anno tredecim menses ascribere, aut octauo quoque anno tres menses addere solebant, qui propterea vocabantur anni Embolismales; de quibus vide Forosempronienſe, Petauium de rar. temp. Clauium cap. 4. Kalendarij, Henricum Philippi in quæst. Chronologicis & alios plures ab illis citatos. Qui inde satis efficaciter colligunt annorum mensuram in sacris litteris eādem fuisse semper, nec temporum successio-

Sectio VII. Caput XIX. 353

cessionem mutatam; nam tametsi Iudæi
 menses ex Lunæ cursu seruarent, anni
 tamen mensuram à Sole sumebant. Qua-
 re non erant minores anni illi quibus
 primi parentes & reliqui ante diluuium
 vixisse feruntur, vt quidam opinantur,
 sed nostris æquales: quod ex Genes. 7.
 & 8. multis rationibus confirmant Io-
 sephus lib. 1. Antiquit. cap. 5. Lactantius
 lib. 2. diuin. Institut. cap. 13. & D. Au-
 gustinus lib. 15. de ciuit. Dei cap. 14. Et
 certè rem ita se habuisse à tempore exi-
 tus ab Aegypto, atque adeò ante iam
 inde ab Adamo, quàm ad hoc vt duo-
 denis duntaxat lunationibus annus qui-
 libet non absolueretur, sed per Embolis-
 mos suo tempore addita luna, lunares
 solaribus adæquarentur, cum nulla ap-
 pareat causa cur opinemur diuersam
 quantum ad hoc fuisse apud Hebræos
 Kalendarij formam, demonstratiuè col-
 ligi videtur ex lege Mosæica, secundum
 quam Pascha mense primo celebrandū
 erat, & altero die Paschæ offerendus spi-
 carum manipulus, tanquam messis primi-
 tiaræ Leuit. 23. v. 10. nec antè nouis
 frugibus vesci licebat ver. 14. Ab eleua-
 tione manipuli numerabantur 50. dies
 vsque ad Pentecostem, qua panes primi-
 tiarum hostijs pacificorum adiungeban-
 tur ver. 20. Mense etiā septimo con-
 gregatis frugibus celebrabatur festum
 Tabernaculorum, ver. 39. Quæ satis pa-
 tet quotannis seruari non potuisse, si
 Hebræi 12. lunationibus exactis nouum
 semper annum auspiciati fuissent; siue
 quod idem est si annos Lunares dunta-
 xat connumerassent, cum enim isti mi-
 nores sint solaribus quotannis vndecim
 diebus, factum fuisset vt eodem dicrum
 numero singulis annis Pascha antecessis-
 set, ac subinde omnibus mensibus cele-
 bratū fuisset; imo vt quatuor anni tem-
 pora, ætas in mensibus Hyemis, autum-
 nus in diebus veris, confusa, permutata
 fuisset, quod cum sit absurdum, nec ac-
 cidisse vnquam in sacris litteris vllibi
 legamus; concludendum est antiquissi-
 mos Patres iam inde ab Adamo, & re-
 rum omnium conditu vel annis solaribus

Biblioth. Theol. Tom. IV.

fixis esse vsos, vel si lunaribus, illorum
 tamen mensuram à Sole sumpsisse, vt
 post exitum ab Aegypto.

Sed est iam multo maior difficultas,
 à quonam ex supradictis mensibus anni
 sui duxerint initium Hebræi, præcipuè
 ab exordio mundi ad exitum vsque ex
 Aegypto. Pro cuius intelligentia sup-
 ponendum est tanquam certum ex diui-
 nis Scripturis duplex apud illos fuisse
 anni principium, vnū scilicet ante egres-
 sum de Aegypto, alterum post; cum
 enim noua Dei lege sancitum legamus,
 vt propter memoriam singularis eius be-
 neficii, quo seruitute Aegyptiorum He-
 bræos liberauerat, Nisan qui cadit in
 vernum tempus, primus deinceps anni
 mensis apud illos haberetur, vt traditur
 Exodi 12. his verbis: *Hic mensis princi-
 pium mensis primus eris in mensibus an-
 ni*: euidenter inde colligitur, ante illud
 tempus, aliud fuisse anni principium,
 siue quod idem est, Nisan non fuisse
 Hebræis primum anni mensē: quid
 enim attinebat, nouo præcepto, tam
 sanctè Iudæis imperare, quod illi suapte
 sponte perpetuo antea seruauerant: In-
 super eiusdem libri Exodi cap. 23. iu-
 bentur Hebræi sollemnitatem taberna-
 culorum, quæ agebatur mense septimo,
 hoc est in autumno, celebrari in exitu
 anni: sic enim ibi legimus; *Solemnita-
 tem quoque ages, in exitu anni, quando
 congregaueris omnes fruges tuas de agro*;
 Et cap. 34. iuber Deus eandem sollem-
 nitatem agi, quando redeunte anni tem-
 pore, cuncta conduntur. Ex quibus duo-
 bus Scripturæ locis apertè colligitur du-
 plex apud Hebræos fuisse anni princi-
 pium, scilicet ante egressum de Aegyp-
 to ab Aequinoctio autumnali, post ve-
 rò à vernali; atque adeo duplicem ve-
 lut annum, sacrum vnum cuius princi-
 pium erat Mensis Nisan Martio respon-
 dens, secundum quem Neomeniæ, festa
 ac reliqua omnia sacra totius anni com-
 poni debebant: Civilem alterum, cuius
 principium erat Mensis Tisri septembri
 respondens, secundum quem & eius cal-
 culum omniū ægorum politica & crona-
 tus

Y y

Æus dirigebantur. Imo annus Sabbaticus & Iubilæi etiam si sacri essent, quia tamen multos contractus ciuiles venditionis, locationis, mutui, & alios similes continebant à mense Septembri inchoatos fuisse asserunt Iosephus, Philo, & alij Rabbini; & sanè si à vere inchoati fuissent isti anni, cum abstinendum tunc esset ab omni satione & messe, duobus annis continuis sua messe caruissent Hebræi; nam inchoato anno Sabbatico à Martio messis in agro relinquenda fuisset; proximo quoque autumnò abstinendum erat à satione, atque ita sequenti quoque anno nulla fuisset messis. At incipiendo ab autumnò vna tantum messis peribat, nunquam duæ, nisi annus Sabbaticus anno Iubilæi immediatè iungeretur. Tunc autem Deus consulebat populo inusitata anni præcedentis fertilitate. Cum, inquam, hæc apud omnes certa esse debeant, totum difficultatis punctum reducitur ad hoc, an mundus Verno, vel Autumnali tempore fuerit conditus, atque adeò an iam tunc à primo rerum principio, primi parentes ab vno vel altero anni sui exordium duxerint; Circa quod duplex est sententia (quod enim Gerardus Mercator initio suæ Chronologiæ, opinatur mundum esse conditum mense Iulio, ab omnibus rejicitur) Prima asserit, mundi exordium fuisse in Autumno, vt primus mensis ab orbe condito fuerit prima luna Aequinoctio Autumnali propior, qui mensis ab Hebræis Chaldaico vocabulo dictus est Thisri: Secunda vero docet primum Hebræos annum à verno tempore, quo nimirum mundus fuerat conditus, inchoare solitos, vsque ad descensum Iacob in Aegyptum; sed postea mixtos, & per quindecim atque ducentos annos conuersatos cum Aegyptijs, vt plura alia eorum instituta, sic etiam hoc de principio anni, & dispositione mensium esse complexatos; quapropter egressi ex Aegypto, Dei præcepto iussi sunt Exod. 12. primam consuetudinem circa initium anni & dispositionem mensium repetere, & deinceps perpetuo videri in re-

bus omnibus ad religionem pertinentibus; priore tamen anni forma in rebus reliquis etiam tunc residua; Quæ sententia licet sit magis probabilis, quod non Astrologis modo & Poetis sit accepta, sed omnium etiam ferè Scriptorum Ecclesiasticorum atque Theologorum, firmata consensu; prima tamen sua etià probabilitate non caret, tum ob numerum authorum illam amplexantium, tum ob pondus rationum illam confirmantium; de quibus videndi interpretes ad caput 1. Geneseos; Superest iam vt iuxta ordinem anni sacri, breuiter agamus de singulis mensibus, festisque præcipuis in illis contentis, ad intelligendam sacram scripturæ & Synagogæ ritus scitu necessarijs.

Primus erat mensis Nisan, dierum triginta. Phancmor apud Aegyptios, Δωρεῖς apud Macedones, Μαιῖς apud Græcos. Martius in Latino. Iumedi prior apud Arabes & Turcas. Singulis diebus fiebat sacrificium iuge siue quotidianum; & in prima die festum Neomeniæ, id est, Nouilunij: quia à noua Luna omnes menses incipiebant: Vnde Neomeniæ apud Hebræos idem penitus erant, ac Kalendæ apud Latinos, primusque mensis diem significabant. Notandum tamen Neomenias, siue primū diem mensium Hebræorum, non semper correspondere Kalendis, siue primo dici mensium nostrorum; vnde etiam sit, vnum & eundem Hebræorum mensē non semper correspondere eidem mensi solari; cum enim annus noster Solis duntaxat notatione obseruetur, Hebræorum verò etiam Lunæ. Ille diebus 365. cum quadrante fere absoluitur, hic diebus 354. atque adeo superet alter alterū 11. diebus; satis pater menses Hebræorum perfectam cum nostris habere non posse conuenientiam. Rursus mensium principia in Neomenijs, seu nouilunijs obseruant Iudæi; nos verò aliter: igitur cum nouilunia omnia non semper in mensium nostrorum capitibus accendant, sed post initium aliquando, quandoque in medio, & multoties post medium,

Sectio VII. Caput XIX. 355

dium, diuersa debet esse ratio mensium
 vtroque; siue adaequatam inter se cor-
 respondentiam habere non possunt. Ita-
 que mensis Nisan, aliquot nostri Mar-
 tij dies attinget, & aliquot Aprilis. Mē-
 sis Iar, aliquot ex diebus Aprilis, & ali-
 quot ex diebus Maij. Mensis Sivan,
 aliquot ex diebus Maij, & aliquot Iunij.
 Mensis Tamuz, aliquos Iunij, & aliquos
 Iulij. Mensis Ab, aliquos Iulij, & ali-
 quos Augusti. Mensis Elul, aliquos Au-
 gusti, & aliquos Septembris. Mensis
 Tisri aliquos Septembris, & aliquos Oc-
 tobris. Mensis Bul, aliquot ex diebus
 Octobris, & aliquot Nouembris. Men-
 sis Casleu aliquos Nouēbris, & aliquos
 Decembris, & quosdam Ianuarij. Men-
 sis Sebeth, quosdam Ianuarij, & quos-
 dam Februarij. Mensis Adar, aliquot
 ex diebus Februarij, & aliquot ex diebus
 Martij; Vnde menses Hebræorum re-
 ctè nunc vni nunc alteri è nostris con-
 gruere dicuntur, præsertim accidente
 anno Embolismico, siue Intercalari, per
 quod conciliantur multa doctorum pla-
 cita, de quibus vide Paulum Mineruam
 Ordinis Prædicatorum, & plures alios
 ab illo citatos, in insigni opere de Neo-
 menijs Salomonis perpetuis lib. 1. c. 17.
 Iam ad festa mensis Nisan reuertamur.
 In primo die, vt iam diximus, erat festū
 Neomeniæ; septimo vero Sabbathum,
 in quo cessabatur ab incendendo igne.
 Die 10. quotannis Agnus Paschalis in
 ædes deferrebat, ad vesperam diei deci-
 mæ quartæ mandandus. Exodi 12. 3.
 Die 14. erat Parasceue Paschæ, fermenti
 exterminatio, Agni Paschalis immola-
 tio ad secundam vesperam. Die 15. Pa-
 schalis Iudæorū solemnitas, vulgò Phas-
 se, Græcis Pascha, & prima dies Azy-
 morum; in memoriam liberationis de
 Aegypto per Angelum percutientem
 primogenitos Aegyptiorū, & transeun-
 tem Hebræorum domos; quodque iam
 egressuri de Aegypto cogentibus exire
 Aegyptijs, panem fermentare non po-
 tuerunt. Die 16. secundus dies azymo-
 rum, in quo manipulus pro primitijs

Biblioth. Theol. Tom. IV.

frugum offerebatur, messis inchoabatur,
 & incipiebat initium septem Hebdoma-
 darum, id est 49. dierum, qui messi fa-
 ciendæ destinatæ erant; siue quod idem
 est, erat prima dies Hebdomadaru, quæ
 à Paschate ad Pentecosten numeraban-
 tur. Die 17. tertius dies azymorū. 18.
 quartus. 19. quintus. 20. sextus. 21.
 Sabbathum & septimus dies azymorum
 valde solemniss, Exod. 12. Die 22. pri-
 ma messis hebdomada. Die 28. Sabba-
 thum. Die 29. secunda messis hebdo-
 mada.

Secundus anni sacri mēsis erat Iar,
 vel Ziu, id est splendor, claritas ab splē-
 dore veris, & apparitione florum; Phar-
 muti apud Aegyptios. *Ἰαρ* apud
 Macedones. *Ἀριλ* apud Græcos. A-
 prilis in Latino. Iumedi posterior apud
 Arabes & Turcas. Constabat diebus 29.
 prima die Neomenia. Die 5. Sabba-
 thum. Die sexta tertia messis hebdoma-
 da. Die 12. Sabbathum. Die 13. qua-
 rta messis hebdomada. Die 14. Pascha,
 celebrabant, qui illud mēse præceden-
 ti celebrare nequieverant Numer. 9. 10.
 Quod maxima celebritate factum est,
 sub Ezechia Rege Iuda lib. 2. Paralip.
 cap. 30. Die 19. Sabbathum. Die 20.
 quinta messis hebdomada. Die 23. So-
 lemnitas ob receptam & à contamina-
 tionibus mundatam arcem Hierusalem
 lib. 1. Machab. cap. 13. Die 26. Sabba-
 thum. Die 27. sexta messis Hebdoma-
 da. Hoc pariter mēse, anno 480. ab
 Exodo, Salomon fabricæ templi initium
 dedit anno quarto regni sui lib. 3. Reg.
 cap. 6. & 3. Paralip. 3. Anno secundo sui
 è Babylone reditus, Iudæi templum in-
 staurare cœperunt hoc mēse lib. 1. Es-
 dræ cap. 3.

Tertius erat mensis Sivan. Pachon,
 vel Paon apud Aegyptios. *Ἀσιώρι*
 apud Macedones. *Μαῖ*, in Græco.
 Maius apud Latinos. Regab apud Ara-
 bes & Turcas. Continebat dies 30. Die
 prima Neomenia. Die 4. Sabbathum.
 Die 5. septima messis hebdomada. Die
 6. festum hebdomadarum, quod nume-
 ratis septem Hebdomadibus ab altero

Y y 2 die

die Paschatis, in quo obtulerant manipulum primitiarum, die quinquagesimo celebraretur. Vnde Græcis Pentecostes, id est, quinquagesima. Offerebant in eo panes primitiarum, quod ex primis frugibus offerrentur. Sic Deuter. 16. & Exod. 34. fuerat autem institutum in memoriam legis datæ quinquagesimo die ab agressu de Aegypto. Die 11. Sabbathum. Die 18. Sabbathum. Die 25. Sabbathum. Hoc mense anno 15. regni Asæ, de hostium manubijs celebre sacrificium Deo oblatum est. 2. Paralip. 15. Eodẽ mense ceperunt acervorum iacere fundamenta, & mense septimo compleverunt eos. 2. Paralip. 31.

Quartus erat Tamuts. Payni, apud Aegyptios. *Δαριου*, apud Macedonas. *Ιούλιος*, apud Græcos. Iunius apud Latinos. Schaben apud Arabes & Turcas. Habebat dies 29. Prima die Neomenia. Die 2. Sabbathum. Die 9. Sabbathum. Die 16. Sabbathum. Die 17. ieiunium fractionis tabularum legis, pro peccato Idolatriæ adorationis vituli. Exod. 32. quamvis sint qui hoc ad 25. diem referant. Die 23. Sabbathum.

Quintus erat mensis dictus Ab. Epiphi apud Aegyptios. *Παριμ*, apud Macedones. *Ιούλιος*, apud Græcos, Iulius in Latino. Ramadhan apud Arabes & Turcas. Constabat diebus 30. Die 1. Neomenia & Sabbathum. Die 8. Sabbathum. Die 9. ieiunium desolationis Hierusalẽ, & templi à rege Chaldæorum. Die 15. Sabbathum. 22. & 29.

Sextus erat mensis Elul, Mefor, vel Mefori apud Aegyptios. *Ἐλὺλ*, apud Macedones. *Αὐλῖος*, in Græco. Augustus in Latino. Scherral apud Arabes & Turcas. Habebat dies 29. Die 1. Neomenia. 6. Sabbathum. 13. 20. & 27.

Septimus erat Tisri, siue Ethanin. Thoth apud Aegyptios. *Τισριμ*, apud Macedones. *Σεπτιμβριος*, apud Græcos. September apud Latinos. Dulkaida apud Arabes & Turcas. Continebat dies 30. Die prima Neomenia; & festum clangoris, siue tubarum, quibus clangebant in iubilum vestibus albis ob me-

moriam liberati Isaac ab immolatione. Abraham præ fortitudine fidei illius. Leuitic. 23. cessabatur ab omni opere; & offerebatur Holocaustum proprium. Die 3. fiebat ieiunium propter mortem Godolia & Iudeorum qui cum eo in Maspha interfecti sunt. 4. Reg. 25. Die 5. Sabbathum. Die 10. festum Kippur, id est expiationis seu propitiationis. Leuit. 16. Hoc etiam die inchoabatur annus Sabbathicus, & Iubilæus, atque in uniuersam promissionis terræ missi Cornicines initium Iubilæi in annum septimum & quinquagesimũ denuntiabant. Leuit. 23. offerebatur holocaustum proprium. Die 12. Sabbathum. Die 15. collecta frugum, & festum Scenopegia, siue tabernaculorum, quod septem diebus tenebat, quibus habitabant Iudæi in tabernaculis in memoriam peregrinationis in deserto 40. annis. Leuit. 23. fiebat proprium sacrificium, eratque dies celeberrimus. Die 16. secundus dies tabernaculorum; fiebat etiam proprium sacrificium. Die 17. tertius dies tabernaculorum, in quo etiam fiebat proprium sacrificium. Die 18. quartus dies tabernaculorum; fiebat item proprium sacrificium. Die 19. quintus dies tabernaculorum, & fiebat proprium sacrificium. Die 20. sextus tabernaculorum dies, eratque Sabbathum cum proprio sacrificio. Die 21. septimus dies tabernaculorum, fiebatque sacrificium proprium. Die 22. octauus dies tabernaculorum, & fiebat sacrificium proprium in quo cessabatur ab opere; eratque dies celeberrimus. Leuit. 23. Die 23. Encania templi Salomonis. Die 26. Sabbathum.

Octauus erat mensis dictus Iabal, siue Bul, siue Marchesnan. Paothi apud Aegyptios, *Ἰαβὺλ*, apud Macedones. *Οὐτίμβριος*, apud Græcos. October apud Latinos. Dulchagia apud Arabes & Turcas. Habebat dies 29. Die prima Neomenia. Die 3. Sabbathum. Die 6. solebant Iudæi auspicari ieiunia ob excæcatum Sedeciam Regem; & eius filios interfectos à Nabuchodonosore. 4. Regum 25. sunt tamen qui hoc no-

tent

rent die septimo. Die 10. Sabbathum. 17. & 24.

Nonus erat mensis Kasleu: Athyr apud Aegyptios. Διθ. apud Macedones. Νοέμβριος. apud Græcos. Nouember apud Latinos. Muharram apud Arabes & Turcas. Constabat diebus triginta; in quorum primo erat Neomenia. 2. 9. 16. & 23. Sabbathum. Die vigesima quinta, festum victorie Iudith; dati siue suscitati ignis cælestis, quod luminaria dicebatur: & tandem Encæniorum, cum per Iudam Machabæum restaurata sunt sacrificia & reparatum altare, quod ante triennium fuerat contaminatum. 1. Machab. 4. celebrabatur autem hæc altaris dedicatio, per octiduum, sicut festum tabernaculorum, horum Encæniorum fit mentio Ioannis 10. v. 22. Die 30. Sabbathum.

Decimus erat mensis Tebeth. Chitchi, seu Chazach apud Aegyptios. Απριλλιος. apud Macedones. Δεκέμβριος. apud Græcos. December apud Latinos. Sephar apud Arabes & Turcas: continebat dies 29. Prima die erat Neomenia. Die 7. Sabbathum. Die 10. ieiunium, eo quod hoc die inchoata sit obsidio Hierosolymitana à Nabuchodonosore anno nono Sedeciz 4. Reg. 25. die 14. 21. & 28. Sabbathum.

Vndecimus mēsis erat Sebeth. Apud Aegyptios Tybi, vel Tydeschi. Apud Macedones Αύγουστος. Apud Græcos Ιανουάριος. Apud Latinos Ianuarius. Apud Arabes & Turcas Rabi prior. Habebat dies 30. dies prima Neomenia. 6. 13. 20. & 27. Sabbathum.

Duodecimus mensis erat Adar. Mechir vel Methi apud Aegyptios. Περίτιος apud Macedones. Φεβρουάριος. apud Græcos. Februarius apud Latinos. Rabi posterior apud Arabes & Turcas. Continebat dies 29. Die prima Neomenia. Die 4. Sabbathum & die 11. diei 3. festum victorie de Nicanore à Iuda Machabeo partæ. Die 14. Ieiunium. Esther, ac festum Mardochei, quod dicitur Phurim, id est fortium minus. Die 15. festum fortium maius. Die 18. Sab-

bathum. Die 23. Encænia templi Zorobabelis, iuxta nonnullos, alij enim 20. diei tribuunt. Die 25. Sabbathum. Hi sunt duodecim anni sacri cōmunis menses: Embolismico enim mensem tertium decimū adiciebant Hebræi, quem Veadar, siue alterum Adar nuncupabant & mēsi Nisam proximè anteponcbant. Hic mensis longior ac breuior erat, secundum diuersum tempus quo intercalabatur; si enim secundo & quarto anno, dierum duorum & viginti, atque trium & viginti, vicibus alternatis erat; vt asserit Sigonius lib. 3. de republica Hebræor. cap. 1. quandoquidem quo lunaris annus ad solare m reducetur, vndecim dierum intercalatione opus erat, & quadrantis, ratione cuius vicibus alternatis tertius decimus mēsis dierum, duorum & viginti, ac trium & viginti fiebat; si autem tertio & sexto anno, erat triginta dierum; quem intercalandi modum obseruasse Iudæos probabilius est; atque adeò mensem decimum tertium potius fuisse triginta dierum, vel vt voluit aliqui, viginti nouem & semissis, quam viginti & duorum, viginctique & trium. Quandoquidem Iudæi cum à Neomenia, mēsis exordium duce- rent, iam septem ferè dies defuissent; antequàm à noua Luna mēsis, initium exordiretur. In hoc anno Embolismico sic dicto ex additione tertij decimi mēsis, festum Phurim minus, celebratum quartadecima die vel Luna mēsis Adar, celebrabatur quartadecima die mēsis intercalaris Veadar. Et Phurim maius celebratū quintadecima die illius mēsis protendebatur vsque ad quintadecimā Lunam huius mēsis Veadar: reliqua verò, pro vt relata sunt. Mēsis deindè primus post Veadar erat Nisam, cuius initium iuxta dicta semper prima luna æquinoctio verno propinquiori obseruandum erat. Qui de his plura desiderat, consulat supracitatum Paulum Mineruam; nec non Gabrielem Bucelinum in nucleo Historiæ vniuersalis, vbi inter alia habet Kalendarium Hebræorum, cum Rituale siue Cæremoniale, tum

rum Historicum ; nunc aliquid breuiter de anno dicamus .

Et si tot anni diuersi constitui possent, quot sunt syderum errantium, siue Planetarum periodice est enim annus circuitus eius periodi, cuius cognominis ipse est ; quia tamen vulgo obtinuit, vt duorum dumtaxat syderum Solis & Lunæ, labentem cælo qui ducunt annum, ratio in temporibus ciuilibus, vel politicis haberetur ; ideo triplex tantum distinguui solet annus, scilicet Solaris, & Lunar, deinde mixtus, hoc est Solis & Lunæ motibus accommodatus . Annus Solaris iterum est duplex : Astronomicus & Politicus siue ciuilis . Reditus enim Solis in Zodiaco motu proprio ad idem punctum secundum *γνῶσις* consideratus ab Astronomis, annus Astronomicus dicitur, Naturalis, & Vertens . Consideratus autem à Politicis secundum *ἡμεῖς*, ciuilis : Quamuis enim annus Politicus sit spatium temporis certū & determinatum, quod aliquando cum anno Cælesti, seu Astronomico consentit, & paria cum eo facit ; non tamen semper exactè id ei conuenire potest, vt constabit ex statim dicendis . Annus Solaris Astronomicus rursus diuiditur in Tropicum, & Sydereum . Sydereus est ille, quo Sol motu ab occasu in ortum, totum Zodiacum percurrit, donec iterū coniungatur cum aliqua stella, V.g. Canicula, à qua prius recesserat, quod sit spatium dierum 365. horar. 6. minut. 9. Tropicus autem est spatium illud temporis, quo Sol proprio motu emensus totam Zodiaci longitudinem, ad idem solstitium, in primo gradu Cancrī, si sit æstiuum ; aut in primo gradu Capricorni, si sit hyemale ; vnde etiam annus solstitialis ; vel ad idem Aequinoctium redit, in primo gradu Arietis, si sit Verum ; aut in primo gradu Libræ, si sit Autumnale, vnde etiam annus Aequinoctialis nōnunquam appellatur . Quod quidem spatium temporis iuxta observationes Ptolomæi anno circiter 130. post Christum natum, præter dies 365. integras completitur horas 6. minus

parte trecentesima vnus diei ; hoc est, horas 5. minut. 55. secund. 12. Secundū observationes Albategnij, circa annum Domini 880. nimirum 750. annis post Ptolæmeum continet dies 365. horas 5. min. 46. sect. 14. Secundum Alphonsinas tabulas, quæ circa annum Domini 1250 ab Alphonso Hispaniarum Rege conditæ sunt, constat ex diebus 365. hor. 5. minut. 49. secund. 16. Vnde ob has diuersas Astronomorū observationes annus Solaris Astronomicus Tropicus, aliquando dicitur maximus, aliquando minimus, aliquādo mediocris, seu medius, cuiusmodi est Alphonsinus, cuius magnitudo, media propè modum est inter Ptolemaicum, qui ex noua Nicola i Copernici observatione, cū ad maximam excreuerit magnitudinem, erit dierum 365. hor. 5. minut. 55. secund. 57. & Albategniacum, qui ex eiusdem Copernici obseruatione, cum maximè decreuerit, erit dierum 365. horar. 5. minut. 42. secund. 55. tert. 7. Ob quas etiam diuersas fractiones, annique Astronomici supputationes, non semper ab eodem momento eiusdem diei incipit, sed modo à meridie, modo ab occasu Solis, modo à media nocte, modo à Solis ortu, & modo denique ab aliquo alio diei momento initium ducit . Quamobrem licet hic annus sit distinguendis anni tempestatibus, atque adeo agriculturæ, navigationis, medicinæque præceptis obseruandis accommodatissimus ; nullo tamen modo potest ad communem populi vsū esse idoneus, aut aptus ad mercimonia, commercia, aliaque ciuilia & politica, negotia peragenda, vel ad dies festos colendos, sacræque Ecclesiæ ceremonias ritè obeundas .

Propterea annus Ciuilis, vel Politicus his præcipuè finibus, ac vsibus destinatus, ex diebus tantum integris constat modo ex 365. & appellatur communis, modo ex 366. & Bissextilis siue Intercalaris dicitur . Neque aliter annus ciuilis computari potest, quàm per integros dies, neglectis horis, & illarum minutis, cum ad vsū vulgi, quod non

per-

Sectio VII. Caput XIX. 359

percipit anni numerationem cum huiusmodi fragmentis, instituendus fuerit; nec talis supputatio in Calendario possit rite disponi. Apprimè tamen necessaria est eius cognitio, ut annus Civilis, ex diebus integris constans possit interdum equari, modo per additionem, modo per deductionem vnius diei, qui ex omisissis horis, earumque fragmentis ac minutis constatur, ut cum anno Astronomico, quantum fieri potest consentiat, & sol semper ipsam ferè temporibus anni Aequinoctia, ac Solstitia consticiat. Sic Iulius Cæsar; ut omittam, quisnam fuerit annus Politicus Atheniensium, Annus Metonis, periodus Calippi, annus Romanus, annus Nabonassaræus, & alij huiusmodi, Iulius, inquam, Cæsar de consilio Sosigenis Mathematici, quem ex Alexandria Romam duxerat, quadraginta tribus circiter annis ante Christum natum, abrogato prius anno Romanorum veteri, ac defectuoso, nouum instituit annum; unde dictus est Iulianus, præcipitque ut à primo die mensis Ianuarij, media nocte inciperet, haberetque 365. dies, & horas 6. quia autem sex horæ singulis quaternis annis diem constituunt, præcepit idem Iulius Cæsar, ut quarto quoque anno, civili anno communi dierum dumtaxat 365. adiungeretur vnus dies intercalaris, ut fieret dierum 366. quæ intercalatio, quia fit quarto quoque anno, inter 23. & 24. Februarij, qui secundum antiquum computandi modum Romanorum, erat dies sextus calendas Martij, ideo etiam vocatus est annus Bissextilis. Quare necesse est quantum quemque annum Politicum, ne horæ illæ 24. negligantur, constituere dierum 366. Alioquin Aequinoctia, & solstitia, tunc vno die serius contingerent, quam in Calendario notantur, & post alios quatuor annos, duobus diebus tardius, & sic deinceps, ita ut in 129. annis, vno mense integro, id est diebus triginta, versus finem anni prolaberentur, atque ad priores sedes non reuerterentur, nisi post 1460. annos; in quo spatio tem-

poris Aequinoctium Vernum per singulos menses, atque adeo dies in orbem iret.

Verum quoniam Solaris annus ab Astronomis aliquando minor obseruatus est, quam dierum 365. & sex horarum, ita ut sex horæ non sint integræ, sed ad earum complementum aliqua minuta deficiant, vnde decem ponunt aliqui, hinc factum est, ut à Iulio Cæsare, plusquam oporteret, quarto quouis anno intercalatum fuerit, cum horæ & fragmenta, quibus annus Astronomicus civilem superat, & excedit, in quatuor annis ad vnum diem integrum excrefcere non possint. Quare ex neglectu fragmentorum illorum, quæ in vno quoque quadriennio ad diem integrum consticiendum defunt, progressum est ita, tractu temporis excreuisse, ut inuicem iuncta cõstituerint dies decem, qui causam dederunt, ut Aequinoctium vernum sedem suam mutauerit. Cui malo occurrere volens Gregorius XIII. Pontifex Maximus, non solum Aequinoctium vernum restituit in pristinam sedem, à qua iam à tempore Concilij Nicæni, decem circiter diebus in anno correctionis, procedendo recesserat, quod à Concilio ad 12. kalendas Aprilis, hoc est die 21. Martij fuerat constitutum; & XIV. Lunam Paschalem suo etiam in loco reposuit; sed viam quoque tradidit, & rationem, qua cauetur, ut in posterum & Aequinoctium vernum, & XIV. Luna Paschalis à proprijs sedibus, nunquam removeantur. Vnde dictus est annus Gregorianus, qui nihil aliud est, quam Iulianus correctus, & in meliorem formam reductus. Igitur ut Aequinoctium vernum ad 12. kal. Aprilis restitueretur, statuit Gregorius, ut dicti decem dies in mense Octobris ipsius anni 1582. qui fuit annus correctionis eximerentur, & post quartam diem Octobris S. Francisco sacram, sequens dies S. Virginis Theresiæ dicata, non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correctus.

rectus. Vt autem in posterum idem error vitaretur, semperque vernum Aequinoctium in 21. die Martij, vel propè retineretur, statuit idem Gregorius Bisextum quarto quoque anno, vti mos erat, continuari debere, præterquam in centesimis annis, qui quamvis bissextilis antea semper essent, qualem etiam esse voluit annum 1600. anno correctionis proximum, non omnes amplius bissextilis essent, sed in quadringentis quibusque annis, primi quique tres centesimi sine bissexto transigerentur, quartus verò quisque centesimus, bissextilis esset; ita vt anni 1700. 1800. 1900. bissextilis non sint futuri; anno vero 2000. more consueto dies bissexus sit intercalandus, Februario tunc dies 29. continente. Qui ordo intermittendi, intercalandique bisextum diem in quadringentis quibusque annis perpetuo cōseruari debet. Hactenus de anno solari tam Astronomico, quàm Politico, nunc de Lunari.

Annus quoque Lunararis, quemadmodum de Solari dictum, est duplex Ciuilis vnus, vel Politicus; Astronomicus alius. Ciuilis etiam ex diebus integris constat, & bipartitur in communem & Embolismalem, siue Embolismicum. Communis complectitur dies modo 354. modò, quod tamen rarò contingit 353. quorum ille plenus, hic cauus seu deficiens appellari solet, atque vterque duodecim lunationes, seu menses Synodicos continet. Menses enim Lunares, vt diximus supra, sunt in triplici differentia periodici, synodici, & illuminationis, siue apparitionis. Annus autem Ciuilis Embolismicus comprehendit plerumque dies 384. interdum verò, sed rarius 383. Et prior quidem plenus, posterior verò cauus eodem modo dicitur; atque vterque 13. lunationibus componitur, vnde etiam Embolismici nomen ab Embolismo, seu superadditione vnus Lunationis. Annus Lunararis Astronomicus, qui præter dies integros, vt Ciuilis, complectitur horas aliquot, horarumque fragmenta similiter

est duplex, Communis vnus, Embolismicus alter. Annus communis 12. Lunationum continet dies 354. horas 8. min. 48. sec. 58. ter. 7. quar. 36. Embolismicus verò 13. lunationum continet dies 383. hor. 21. m. 32. sec. 41. ter. 18. quart. 4. Differt proinde annus Lunararis communis à Solari ferè 11. diebus, qui Epactæ dicuntur Græcè, Latine dies alcititij, siue additij, aut interiecti, eo quod certis annorum periodis superadditi, anno Solari Lunare equari faciunt, lunationesque & annos Lunares Embolismales constituunt. Qui certi annorum periodi cursui Lunari, vnà cum Solaribus annis cōcordando destinati, possunt vocari anni Mixti, cuiusmodi fuerunt anni Olympici, annus Metonicus à Metone Cycli decemnoualis, alias aurei numeri inuentore; periodus Callypica annorum 76. & alij plures. Quibus tamen omnibus nec exquisitè cum annis Solaribus conuenientibus, nec etiam nouilunia, pleniluniaeque, atque ætatem Luæ demonstrantibus, in locum aureorum numerorū in Calendario Romano substitutæ fuerunt à Gregorio Epactæ 30. quæ Nouilunia indicabunt in perpetuū, nulla prorsus facta eorum mutatione, in Calendario, vt inter alios rectè demonstrat Clavius tom. 5. Calend. Gregor. cap. 10. Tantum de anno Solari, & Lunari, & connexionē doctrinæ de Bissexto, & Epactis, quemadmodum enim bisextum est vnus dici in Februarium, quia hic mensis est breuissimus, quarto anno Cycli Solaris, interpositio, vt tempus cursui Solis adæquetur; vnde ipse hic annus Bissextilis nomen habet; ita Epactæ sunt vndecim dies, qui annis Lunaribus, vt Solaribus adæquarentur, adduntur. Siue quod in idem redit nomine Epactæ nihil aliud intelligitur, quàm numerus dierum, quibus annus Solaris communis superat annum Lunarem cōmuncem. Sic primi anni Epacta est vndecim dierum, secundi anni 22. tertij verò 3. dumtaxat; addendo enim vndecim dies, viginti duobus anni secundi, efficitur summa 33. dierum; quæ tribus die-

Seſtio VII. Caput XIX. 361

diebus excedit menſem Lunarem Emboliſmicum. Neceſſe eſt ergo ſingulis annis dies vndecim addere, donec deueniatur ad Epactam aureo numero, ſiue cyclo Lunæ decennouali correſpondentem, quæ erit etiam 19. dierum: vbi obſeruandum eſt, ſi aggregatum Epactarum exceſſerit triginta, illas eſſe abijciendas à numero producto; vt ſtatim diximus contingere tertio anno; contingetque annis 6. 9. 11. 14. 17. & 18. qui ſunt ſeptem anni Emboliſmici, qui cycli decennoualis ſpatio accidunt. Sed eſt etiam notandum Epactæ anni decimi noni, quæ eſt 29. dierum addendos eſſe duodecim, non vndecim tantum, vt ſic numerus Epactæ correſpondeat anno ſequenti, qui eſt primus annus alterius cycli decennoualis, ſiue quod idem eſt, vt abiectis 30. ex composito numero 41. habeatur rurfus Epacta 11. vt in principio; colliganturque ſimul omnia horarum fragmenta, quæ reperiuntur in ſingulis cycli lunaris annis; circa diuerſos modos inueniendi tam annum biſſextum, quam epactam currentem conſuli poſſunt authores inferius citandi; nunc de annorum characteribus, breuiter nobis agendum eſt.

Characteres igitur annorum, nihil aliud ſunt, quam notæ Aſtronomicæ, quæ in aliquo anno Iuliano, ſiue Gregoriano; ad quem reliqui anni reducuntur, aliquid peculiariter definiunt, ſiue quod idem eſt, notæ quædã anno coherentes, & cum ab alijs proximè ſequentibus & præcedentibus diſcernentes. Et ſunt aut cæleſtes, quæ & naturales, aut ciuiles. Cæleſtes, quæ in cælo accidunt: ciuiles, quæ exiſtunt ex ordinatione temporum ciuili. Cæleſtes aut ad Eclypſes pertinent; aut ad nouilunia, aut plenilunia, alioſve Lunæ ad Solem ſitus. Ciuilis ad ferias, ad feſta mobilia, ad annos periodorum; cuiuſmodi ſunt in anno Gregoriano Cyclus Solis, Cyclus Lunæ, Cyclus Paſchatis, Cyclus Indictionum. Quamuis de cyclis Lunæ ambiguum videatur, potiusne ciuilibus, an cæleſtibus characteribus ſint annumerã-

Biblioth. Theol. Tom. IV.

di. Nam Cyclis reperiunt mobilia feſta pateſcunt, quæ iuris poſitui ſunt; at Cyclorum ratio motum ſyderum ſequitur atque inde dependet. Vt autem characterum vſus cõſpicuus fiat, & quid propriè characteres annorum vocentur, magis ac magis appareat, exemplis illuſtranda res eſt; V. g. Eclypſis ſiue Solis, ſiue Lunæ inter cæleſtes characteres nobiliſſimæ. Ea igitur ſi cum euentu aliquo copuletur in hiſtoria, præſertim ſi certum anni tempus, vt Ver, Aeſtas, Autumnus, Hyemps; aut menſis; aut dies addatur, maximè verò ſi cæli quodque locus, ſub quo Eclypſis contigerit, deſignetur, aſtronomicus calculus demonſtrat, ad quem annum ſiue Iulianum in Iuliana periodo, æraue chriſtiana, ſiue Aegyptiacum in æra Nabonofſari, ſiue Olympiadicum in æra Iphitææ, ſiue quemuis alium, euentus iſte cum eclypſi neceſſariò referendus ſit, vt dubitandi locus ſupereſſe non poſſit. Cæli enim motuum certæ leges & vices ſunt, quæ fallere nos non poſſunt. Eadem nouilunij ac plenilunij ratio eſt, ſi cum menſis die, aut cæli loco ea connexa euentui aut rei geſtæ iungantur. Nam leui opera ex tabulis Aſtronomicis deprehenditur, quo anno coniunctio, aut oppoſitio duorum maiorum ſyderum, hoc aut illo Zodiaci loco, aut menſis Solaris die potuerit accidere. Quo cognito res indicata intelligitur. Similiter & de characteribus ciuilibus res habet. Iam quid illi ſint breuiter attingamus. Cyclus Solis eſt reuolutio 28. annorum, quibus elapſis, feriæ ſiue feſta ſtata in orbem redeunt, ſiue quod idem eſt litteræ dominicales ad eundem, quem prius habebant, ordinem reducuntur. Dicitur autem Cyclus Solis, non quod ex eo motum Solis diſcamus, ſed quod eius beneficio litterarum dici Solis; vel dici Dominici ſcire poſſumus; vnde etiam vocatur Cyclus litterarum Dominicaliſ. Fit ex ductu cycli ſetialis in cyclum biſſextilem, hoc eſt, ex Septenario in quaternarium ducto. Namque, vt vidimus ſupra 7. litteræ Alphabeti A. B. C. D. E.

Z z

F. G.

F. G. singulæ indicant in Kalendario singulas hebdomadæ ferias. Ex index diei Dominici, littera Dominicalis dicitur. Inuentus est autem hic Cyclos propter annum Bissextilem. Si enim singuli anni Iuliani, vel Gregoriani tantum haberent dies 365, qui efficiunt hebdomadas 52. & insuper vnum diem: tum quotannis feriæ sibi ordine succederent, & qui dies mensis hoc anno feriam primam habuisset, sequenti anno incurreret in feriam secundam, dies enim 365. diuisi per septenarium, siue per 52. hebdomadas, vt statim diximus, relinquunt vnitatem, quæ significat vnus ferie successionem. At quia Bissextilis annus addit, & alium diem, ad festum S. Matthiæ 25. Februarij: idcirco propter excesscentiam talis diei, necesse est interrumpatur ordo ille septem litterarum; & cum in anno communi littera Dominicalis semel tantum, in principio scilicet Ianuarij mutetur; in anno bissextili bis mutatur hoc est, non solum in dicto principio, sed etiam rursus ad 25. diem Februarij. Elapso tamen illo 28. annorū circulo, litteræ Dominicales eundem quem prius habebant ordinem, iterum seruari incipiunt. Cum enim quartus quisque annus sit bissextilis, & litteræ Dominicales in septenario numero versentur, & minimus numerus ab his duobus inter se primis numeratus, sit 28. (eorum scilicet productum) ideo in tali annorū numero necesse est reuerti omnem tam bissextorum, quam litterarum Dominicalium diuersitatem. Præter tabulas ad hunc numerum cycli Solaris cuiuslibet anni inueniendum compositas, & omnibus obvias; facili etiam negotio, sine huiusmodi tabulis, per præcepta Arithmetices inueniri potest sequenti modo. Anno Domini proposito addantur 9. & cōpositus numerus per 28. diuidatur. Numerus enim, qui ex diuisione relinquitur (nulla habita ratione quotientis numeri. Hic enim solum indicat, quot reuolutiones cycli Solaris à Christo vsque ad annum propositum peractæ sunt) erit numerus cycli Solaris

anni propositi, Et si ex diuisione nihil remanet, erit numerus Cycli Solaris 28. Adduntur autem semper 9. annis Domini proposito, quia Christus anno decimo huius cycli Solaris natus est, fuitque anno Domini primo numerus cycli Solaris 10. & anno secundo 11. & sic deinceps.

Notandum est tamen, circa Cyclum litterarum Dominicalium quibusque 28 annis in seipsum redeuntem à Dionysio Abbate Romano, cogitamento Exiguo, primum vt dicitur institutū circa annū Domini 500. & 3d hunc vsque diem ab Ecclesia Romana vſitatum; necessariò debere illius ordinem interrumpi; tum propter decem dies ablatos ex mense Octobri anni 1582. tum etiam propter tres bissextos, quibusque quadringentis annis omittendos; vt ex dictis supra in Bulla correctionis Kalendarij à Gregorio XIII. Pontifice Maximo sancitū est: inde nata diuersitas tabellarum Litterarum Dominicalium, tam ante, quam post correctionis annum; natiq; diuersi modi illas investigandi ex Cyclo Solaris de quibus vide Clauium, & alios inferius citandos: Et tandem quod sit duplex littera Dominicalis, antiqua vna, noua altera. Antiqua est illa quæ à natiuitate Christi Domini fuit in vsu, vsque ad annum 1582. quo fuit correctū Kalendarium; noua autem illa quæ à prædicto anno fuit in vsu, durabitque vsque ad annum 1700, quo tantum fiet interruptio ordinis litterarum Dominicalium antiqui Kalendarij, quia Bissextilis non erit. Hic Cyclos Romano more ab anno Bissextilij sumit exordium, litterisque G. F. quæ quidem, vt & sequentes, technicè isto versu memoriæ causa comprehensæ sunt.

*Gaudet, Francus, Equo, Dacus, Cane,
Barbarus, Arcu.*

Alter anni Iuliani, siue Gregoriani character est cyclus lunaris, alias cyclus decennoualis Aurei numeri, qui nihil aliud est quam reuolutio periodica nouemdecim annorum Solarium, quibus elapsis Nongilunia, & Plenilunia ferè ad idem-

tem-

tempus redeunt. Vt enim Cyclus Solis est reuolutio viginti octo annorum, quibus confectis, idem litterarum Dominicalium ordo retextitur; V.g. si primus anni Bissextilis dies sit Dominica; post elapsos viginti octo annos, idem primus alterius anni bissextilis dies, erit etiam Dominica cum iisdem litteris. Ita etiam Cyclus Lunæ continet spatium nouemdecim annorum Solarium, in quo complentur lunationes ferè 235. quo peracto iterum ad vnitatem reditur; & ad eodẽ dies mensium, licet non omnino præcisè, sed aliqua diei particulacitus, Nouilunia & Plenilunia reuertuntur; inde dictus tam Cyclus Lunaris, quam Decennoualis; item numerus aureus, propter insignem eius usum, in designandis festis mobilibus totius anni, & deinde in motibus lnnaribus deprehendendis. Quilibet verò huius cycli annus; qui etiam cyclus appellari potest, triplici enim cyclo Solari, Lunari, & Indictionali commune hoc est, vt dicantur cycli non minus anni singuli, quam tota ipsa, quibus constant, annorum summa. Vnde Cyclus 1. 2. 3. 4. Lunæ, est 1. 2. 3. 4. annus cycli decennoualis, quod idem valet in cæteris. Quilibet, inquam, huius cycli annus terminatur in fine mensis Decembris, & in principio Ianuarij sequentis anni initium sumit alius illius annus: quemadmodum etiam fit in annis Domini, qui semper terminantur in mense Decembri, & initium sumunt à Ianuario. Vt anno Domini 1582. qui fuit annus correctionis Kalendarij, annus cycli decennoualis, qui dicitur aureus numerus, fuit 6. terminatusque est simul cū ipso anno Domini 1582. in mense Decembri: in mense autem Ianuario initium sumpsit alius annus Domini, nempe 1583. & in eodẽ mense Ianuario, assumptus est etiã alius annus Aurei numeri nimirum 7. & ita deinceps vsque ad annum Dom. 1595. in quem cecidit annus decimus nonus. Post quem iterum ad vnitatem reditum est, ita vt anno 1596. Aureus numerus fuerit rursus 1. & anno 1597. fuerit 2.

Biblioth. Theol. Tom. IV.

atque hoc modo in perpetuum.

Hoc cyclo decennouali Aurei numeri per dies Kalendarij distributo Ecclesia Romana ad hanc vsque diem vsa est, tum ad coniunctiones Solis ac Lunæ inquirendas, tum verò maximè ad inueniendum diem festum Paschæ, & ad indaganda consequenter alia festa mobilia, propterea quod veteres putabant Nouilunia, peracto spatio 19. annorum solarium, ad eundem prorsus diem, eandemque horam reuerti, quod tamè verum non est, cum Nouilunia paulocitius, quam spacium 19. annorum Solarium absoluantur, ad eandem sedem redeant, vt hic supponitur. Hinc factum est, vt Nouilunia hoc tempore plusquàm quatuor dies distent ab aureo numero in veteri Kalendario Romano; & secundum illius normam Pascha sepe numero post 21. Lunam, contra Maiorum instituta, celebraretur: adeo vt cyclus hic aurei numeri inutilis omnino iam sit deprehensus ad Nouilunia, festaque mobilia indicanda, idemque magis ac magis in dies futurus sit inutilis, tum propter decem dies ex mense Octobri anni 1582. ablatos, tum etiam propter Bisextos tres omittendos quibusque quadrigentis annis; nisi in 30. ordines redigatur, hoc est, nisi 30. Kalendaria construantur, vt ex illis seligatur semper illud, quod certo cuidam tempori congruit, vt docet Clauius in Kalendar. Gregoriano. Ad hoc incommodum vitandum, substitutus est in locum aurei numeri in Kalendario Romano cyclus Epactarum constans ex 30. numeris Epactalibus: qui quidem nihil aliud est, quam cyclus decennoualis aurei numeri æquatus, ita vt sit instar aurei numeri, qui in 30. Kalendaria distribueretur. Aurei verò numeri vsus in posterum, non quidem ad Nouilunia, & festa mobilia indaganda erit, vt ad hanc vsque diem factum est ab Ecclesia; sed solum ad inuestigandam Epactam cuiuslibet anni, ex qua & Nouilunia, & festa mobilia deinde reperiantur: ita vt etiam nunc necessarium omnino sit Aureum nuncium quouis anno in-

Z z 2 qui-

quirere, licet is de Kalendario sit submotus, locumque amplius non habeat ad Nouilunia, festaque mobilia inuenienda.

Modus autem inueniendi per præcepta Arithmetices aureum numerum cuiuslibet anni propositi; est si tali anno Domino addatur 1. & numerus compositus per 19. diuidatur. Numerus enim qui ex diuisione relinquitur (nulla habita ratione quotientis numeri. Hic enim solum ostendit, quot reuolutiones aurei numeri à Christo nato vsque ad annum propositum peractæ sint) erit Aureus numerus anni propositi; & si ex diuisione nihil remanet, erit aureus numerus 19. Additur autem semper anno Domini proposito vnitas dumtaxat, quia Christus anno secundo huius cycli Aurei numeri natus est, fuitque anno Domini primo Aureus numerus 2. & anno secundo Aureus numerus 3. & sic deinceps. V.g. si queratur Aureus numerus anni 1584. adde 1. & compositum numerum 1585. diuide per 19. inueniesque ex diuisione relinqui 8. Erit ergo anno 1584. aureus numerus 8. Rursus si anno 1585. querendus sit aureus numerus; addita vnitate fit numerus 1596. quo diuiso per 19. nihil superest. Erit igitur tunc numerus aureus 19. Atque ita de cæteris. Modus autem inueniendi per aureum numerum cyclum Epactarum, tam secundum veteris Iulij Cæsaris, quam secundum nouum Gregorij XIII. Kalendarium hic est. Numerus aureus anni Domini propositi modo statim dicto, vel alio inuentus, multiplicandus est per vndecim; deinde numerus productus diuidendus per 30. Et numerus ex diuisione relictus erit Epacta secundum veteris Kalendarij vsus; at si ab illo detraherentur decem, erit Epacta secundum vsus noui Kalendarij; vel si vndecim auferri nequeant, addendo 20. eadem habebitur Epacta. Vt si queratur Epacta anni Dom. 1624. primum reperio quod numerus aureus illius sit 10. qui multiplicatus per 11. producit 110. quo diuiso per 30. supe-

rest 20. qui est Epacta anni propositi secundum vetus Kalendarium. A qua Epacta si postea detraherentur decem, supererunt alia 10. pro cyclo Epactali eiusdem anni propositi secundum computum Kalendarij noui Gregoriani. In quo mutatur Epacta, siue quod idem est, incipit cyclus Epactarum ad initium mensis Ianuarij. Tandem si quis huius cycli Epactalis beneficio velit habere ætatem lunæ in principio, vel alio etiam die cuiuspiam mensis. Numero Epactarum addendus est numerus mensis, incipiendo numerare à mense Martio, si mensis, quo inquirenda est ætas Lunæ, illum sequatur; si enim inquiretur mense Ianuario addi solum debet 1. duo verò si mense Februario. Deinde huic summæ coniungendi sunt dies elapsi mensis propositi; & numerus productus si triecenarium non excedat, erit ætas Lunæ, si autem excedat, abiciens est triecenarius, & numerus superstes erit ætas Lunæ.

Cyclus Paschalis tertius anni Iuliani à Gregorio correcti character, continet omnes diuersitates in celebratione Paschatis proueniens: quarum repetitio fit in annis 532. qui numerus est minimus numeratus à cyclo solari, & lunari, hoc est à 28. & 19. à quibus dependet obseruationis Paschalis regula, fuit autem initium cycli Paschalis anno salutis 1273. finis autem erit anno salutis 1804. Nam in illo tam cyclus Solis quam Lunæ, fuit vnitas. In hoc autem, vterque in anno sui circuitus postremo, Solis scilicet 28. Lunæ 19. vt igitur scias v. g. in anno 1567. cyclum Paschalem instantem, ab isthoc numero minue 1272. & supererunt 295. Et tantus est hoc anno cyclus Paschæ; per quem si vis scire cyclum Solis partire ipsū 295. per 28. & superlunt 15. Et tantus est cyclus solaris; vt autem scias cyclum lunæ, partire eundem 295. per 19. & relinquetur 10. tantus est tunc cyclus lunaris. Quia autem ex decreto sacri Concilij Nicæni Pascha, ex quo reliqua festa mobilia pendent, vnde etiam eorum cla-

Sectio VII. Caput XIX. 365

claus dicitur, celebrari debet die Dominico, qui proximè succedit xiv. Lunæ Aequinoctij Vernalis, quod semper contingit circa diem 21. mensis Martij; sequitur festum Paschatis semper futurū, inter diem 22. mensis Martij, & 25. mensis Aprilis. Ad inuentionem igitur determinati diei festi Paschatis; primum inuestigandum est quo præcisè die prædicti mensis Martij contingat Nouilunium, deinde plenilunium, quod si contingat supra 21. diem mensis Martij, tunc poterit facili inueniri dies Paschatis; at si infra dictum diem 21. contingat; rursus indagandum est aliud plenilunium immediatè sequens, & proximus post illud dies Dominicus erit festum Paschatis: Si tamen plenilunium illud, siue quod idem est Luna xiv. caderet in ipsum diem Dominicum, tunc ne cum Iudæis conueniremus, in alterum diem Dominici immediatè sequentem, transferendum esset festum Paschatis.

Inuento autem semel die Paschæ, faciliè alia festa mobilia inuenientur. Si enim ante diem Paschæ numerentur sex Dominicæ in Calendario, habebitur prima Dominica quadragesimæ, & proximè præcedens feria quarta erit prima dies quadragesimæ, hoc est, dies Cinerum; quam proximè præcedit Dominica quinquagesimæ, deinde sexagesimæ, & septuagesimæ. Si vero post Dominicam Paschæ in Calendario numerentur quinque Dominicæ, sequentur quintam Dominicam statim rogationes, & proximè sequens feria quinta erit Ascensio Domini: Septima autem Dominica post Pascha erit dies Pentecostes, cui statim succedit Dominica Trinitatis, & feria quinta proxima celebrabitur festū corporis Domini. Numerus quoque Dominicarum inter Pentecosten, & Aduentum Domini ita breuissimè inuenietur. Vide quot Dominicæ sint post Paschæ usque ad festum Sancti Georgij inclusiue, quod cadit in diem 23. Aprilis. Nam tot Dominicæ addendæ sunt ad 24. vt habeatur numerus Dominicarum inter Pentecosten, & Aduentum Domini; vt

quoniam, quando Pascha celebratur die 26. Martij, sequuntur quatuor Dominicæ usque ad festum S. Georgij inclusiue, quod etiam tunc cadit in diem Dominicū, erunt 28. Dominicæ inter Pentecosten & Aduentum Domini. Item, quia quando Pascha cadit in diem 3. Aprilis, sequuntur duæ Dominicæ usque ad festū S. Georgij inclusiue, erunt 26. Dominicæ inter Pentecosten & Aduentum Domini. Quod si nulla Dominica sequatur diem Paschæ usque ad dictum festum inclusiue, vel ipse dies Paschæ cadat in illud festum, erunt 24. Dominicæ; si denique Pascha celebretur post idem festum, erunt tantum 23. Dominicæ inter Pentecosten, & Aduentum Domini.

Quartus Anni Iuliani & Gregoriani character, est cyclus indictionis; reuolutio, videlicet 15. annorum à 1. vsque ad 15. qua reuolutione peracta, iterum reditur ad vnitatem. Sunt qui indictionum originem vulgò Constantini ætate prodijisse putant, eiusque anno 6. Christi 312. Sed qui sic sentiunt, eos diuinare arbitrantur alij, non certum dicere. Nam nullum idoneum testem citant. Apud Ambrosium fit eius mentio in Epist. ad Episc. Aemiliæ verbis istis. *Indictio enim Septembri mense incipit. Et in Cod. Theod. l. 9. Valentiaca Indictio nominatur.* Antiquiorem his authorem, qui quidem exploratè sit fidei, non facile reperias. Similiter vnde *Indictionis* vox manauit; quæque sit ei subiecta notio, non magis perspicuum est hætenus. Illud solum inter doctos conuenit: Indictiones nihil aliud esse, quàm præstationes, & tributa, quorum canon, id est, modus, quotannis indicabatur. Sed cur spatio 15. annorum, quot cyclus Indictionum colligit, finiri placuerit, & quæ de causâ, quoue tempore primum id usurpari cœperit, cum multæ multorum coniecturæ sint, nullam satis probabilem affectri existimat Petauius in Rationario temporum. Est autem indictionis vsus triplex. Nam alia Kalendis ab Septembribus proficiscitur, eaque Constantino-

poli-

politana dicitur. alia ab 8. Calend. Octobris quæ Cæsarea vocatur. Horum vtra sit vetustior nondum constat. Tertia Pontificia seu Romana nominatur: quæ in Pontificijs diplomatibus adhibetur & à Kalendis Ianuarij, quæ priores duas illas epochas sequuntur, sumit exordium. Facilis autem illam inueniendi modus per præcepta Arithmetices, est, si anno Domini proposito addantur 3. & compositus numerus diuidatur per 15. Numerus enim ex diuisione relictus (nulla habita ratione quotientis numeri, cum hic solum demonstraret, quot reuolutiones cycli indiçtionis à Christo vsque ad annum datum transierint) erit indiçtio quæsitæ. Et si ex diuisione nihil remanet erit indiçtio 15. Adduntur autem tria anno proposito, quia Christus natus est anno quarto cycli Indiçtionis, fuitque anno Domini 1. Indiçtio 4. & anno 2. Indiçtio 5. & sic deinceps. Tantum pro instituti nostri ratione de tempore, eiusque partibus; & præcipuis characteribus anni Gregoriani qui nihil est aliud quam Iulianus à Gregorio XIII. correctus in Kalendario nouo; cuius correctionis totum negotium consistit in his tribus, æquinoctij restitutione, & in propria sede retentione; Nouiluniorum emendatione, atque innouatione cycli solaris, vt pluribus eruditè docet, ac demonstrat Christophorus Clavius in Calendario Gregoriano.

De Gnomonica, siue de Horologijs Sciothericis, eorumque varijs generibus.

Tertia Vranoscopix pars, vel species, Gnomonica dicitur, vel doctrina de horologijs Sciothericis; inter instrumenta enim ab Vranoscopia, diuina propemodum ingenij abundantia, inuenta, in quibus, tanquam in speculo, cælestium motuum multitudinem ac varietatem inspicere licet, nullum ex eorum numero simplicius, nullumque parabilius est, quam horologium id, quod Græci *πλανητάριον*, Latini solarium di-

cunt, in quo horæ in Sole inspiciuntur; cuius ea natura est, vt in Sole collocatum, ex radij vnus, siue styli umbra, omnem motum positumque cæli, quamuis varium, præcipuè autem Solis cernendum exhibeat. In hoc enim, si modo illuminetur à Sole, quota sit horæ quolibet anni tempore apparet, quam ex duodecim Zodiaci partibus, vel lignis Sol ipse, quam cæli domum, quem verticalem & horizontis parallelum obtineat, eo quod supra horizontem signum oriri, aut occidere incipiat, cuiuslibet horæ quota in cæteris terræ partibus respondeat, cuius loci Meridianum Sol quauis hora possideat. Scientia ergo, vel Vranoscopix pars, quæ in hac lignis instrumenti architectura versatur, *ὡροσκοπία*, *ὡροσκοπικὴ* appellata est. Sunt qui primam illius originem, vel inuentionem referant ad Anaximenem Milesium, de quo habentur hæc verba apud Plinium lib. 2. cap. 76. *Umbriarum rationem, & quam vocant Gnomonicen, inuenit Anaximenes Milesius Anaximandri discipulus, primusque horologium, quod appellant Sciothericum, Lacedæmone ostendit; hæc Plinius.* Verum horologiorum vsum antiquiorē multo fuisse, satis euidetibus argumentis compertum est. Legimus enim in sacris litteris, Achas regem habuisse solare horologium, qui multo antiquior Anaximene fuit.

Vt autem varia sunt Sciothericorum horologiorum genera; sic etiam tot esse possunt Gnomonicæ partes. Primum igitur diuidi potest horologium Sciothericum, in vniuersale vbique deferuiens, & particulare, in vno dumtaxat & determinato loco. Vtriusque rursus quædam dicta sunt pensilia, eo quod ex ipsis è manu libere pendentibus, & versus Solem, vel alia quæcumque astra directis, horas cognoscamus: qualia sunt illa omnia, in quibus vtimur aut pinnacidijs, hoc est, tabellis quibusdam quadratis perforatis, quales in dioptra Astrolabij affigi solent; aut foramine aliquo perexiguo, aut denique filo cum perpendiculari, in quo nonnunquam nodulus

dulus quidam mobilis apponitur, ad horas discernendas; cuiusmodi sunt Astrolabia, Cylin dri, quadrantes, annuli Astronomici, horarijve, & id genus alia. Quædam vero stabilia sunt, certumque situm in aliquo plano requirunt, ita ut necesse non sit ea pendere, quæ quidem per gnomonis, stylicæ vmbrae horas ostendunt, distribuunturque in duo genera. Alia enim in superficie non plana, quæ alicui circulo cælesti maximo æquidistant, delinquantur: Alia vero in superficie non plana, ut in hemisphærio concauo, aut conuexo, vel in cylindro conuexo, vel concauo, vel denique in quacumque alia superficie, quæ plana non est, depinguntur. Sed iterum horologiorum solarium, quæ in plana aliqua superficie describuntur, plurima sunt genera, pro multitudine cælestium circulorum maximorum, quibus superficies planæ horologiorum æquidistant, & à quibus horologia ipsa nomina habuerunt. Quia autem præcipuè nouem circuli maximi in cælo considerari possunt, situ & positione differentes. Efficitur ut totidem sint genera horologiorum, quæ in superficie aliqua plana describuntur. Hi circuli maximi sunt 1. *Horizon*; 2. *Verticalis circulus* propriè dictus incedens per verticem capitis, & communes sectiones, Aequatoris atque Horizontis; 3. *Meridianus*; 4. *Circulus horæ sextæ à meridie, vel media nocte, per polos mundi, & easdem sectiones communes Aequatoris & Horizontis ductus*; 5. *Aequator*; 6. *Verticalis circulus quicumque à proprio dicto verticali descensit, & ad horizontem rectus*; 7. *circulus Maximus* ab Horizonte declinans, & per communes sectiones Meridiani, Horizontisque transiens, atque ad verticalem propriè dictum rectus; 8. *Circulus maximus ad Horizontem inclinatus, qui per communes sectiones aequatoris, verticalis propriè dicti, & horizontis describitur, rectusque est ad Meridianum*; 9. *circulus denique maximus, & ad horizontem, & ad Meridianum, & ad verticalem propriè dictum,*

inclinatus. Quoniam verò quilibet horum circulorum præter horizontem, duas habet facies, quæ interdiu à Sole illustrari possunt, ut verticalis tam propriè dictus, quam ille qui ab eo declinat, vñ habet, quæ ad Meridiem vergit, & alteram quæ spectat ad Boream; Meridianus autem vnam, quæ ortum, & alteram, quæ occasum respicit; Cæteri denique circuli ad Horizontem inclinati habent superiorem vñ, quæ ad zenith, seu verticem capitis, & inferiorem alteram, quæ ad Nadir spectat; sit ut ordinariè Scriptores, qui de Gnomonica, seu horologiorum ratione egerunt, septemdecim in vniuersū stabilierint genera horologiorum solarium, quæ in superficie plana describuntur, quæ ita communiter appellantur.

1. *Horizontale, quod Horizonti æquidistat.*

2. *Verticale ad meridiem spectans, quod circulo Verticali propriè dicto parallelum est, meridiemque respicit.*

3. *Verticale ad Boream vergens, quod eidem Verticali circulo æquidistat, spectatque ad Septentrionem, seu Boream.*

4. *Meridianum Orientale, quod circulo Meridiano æquidistat, & ad ortum Solis vergit.*

5. *Meridianum Occidentale, quod eidem Meridiano circulo parallelum est, respicitque ad Occidentem Solem.*

6. *Polare superius, quod æquidistat circulo illi maximo, qui per puncta veri, æquinoctialisve ortus, & occasus (hoc est per communes sectiones Aequatoris, Horizontis, Verticalisque) atque per utrumque mundi polum transit, spectatque ad Zenith.*

7. *Polare inferius, quod eidem maximo circulo æquidistat, sed ad Nadir respicit.*

8. *Acquinoctiale superius, quod parallelum est Acquinoctiali circulo, spectatque polum supra Horizontem eleuatū.*

9. *Acquinoctiale inferius, quod eidem circulo Acquinoctiali æquidistat, sed ad eum mundi polum vergit, qui sub Horizonte latet.*

10. Declinans à meridie in ortum, occasumve, quod æquidistat cuicumque circulo verticali, qui à verticali propriè dicto declinet, & vergat ad meridiem, non tamen directo, rectumque est ad Horizontem; quale delineari solet in muro cuiusvis ædificij, qui ad meridiem respicit, sed non directo, & ad Horizontem rectus est.

11. Declinans à Borea, Septentrioneve in ortum, vel occasum, quod cui-libet circulo verticali parallelum est, qui à primario verticali deflectat, & ad Boream, non tamen directo, spectet, rectumque est ad horizontem; quale depingitur in muro cuiuslibet ædificij, qui ad horizontem rectus est, & non directo ad Boream spectat.

12. Declinans ab horizonte superius, quod ad Zenith spectat, & ad ortum occasumve directo vergit, æquidistatque circulo maximo, qui ad horizontem inclinatus est, & ad Verticalem primarium rectus; transitque per communes sectiones Meridiani, & Horizontis. Huiusmodi horologium describi posset in superiori facie testæ alicuius, quod ad Verticalem circulum propriè dictum rectus esset, hoc est, directo in ortum, vel occasum spectaret.

13. Declinans ab Horizonte inferius, quod ad Nadir spectat, & directo ad ortum, occasumve respicit, æquidistatque eidem circulo maximo, cui superius parallelum esse diximus. Cuiusmodi horologium depingeretur in eodem testæ, in quo superius, sed in facie inferiori, quæ ad Nadir spectat, si facies tamen hæc inferior à Sole illuminaretur.

14. Inclinans ad Horizontem superius, quod spectat ad Zenith, & ad meridiem, boreamve directo vergit, æquidistatque maximo circulo ad Horizontem inclinato, qui ad Meridianum rectus est, transitque per communes sectiones Aequatoris & Horizontis. Quale esset horologium delineatum in facie superiori alicuius testæ, quod ad meridianum esset rectum, id est directo in meridiem, septentrionemve spectaret.

15. Inclinans ad Horizontem inferius, quod ad Nadir spectat, & directo in meridiem, vel boream vergit æquidistatque eidem maximo circulo, cui superius diximus esse parallelum. Cuiusmodi esset horologium descriptum in facie inferiori eiusdem testæ, in cuius superiori facie superius diximus delineari.

16. Declinans simul, & inclinatum superius, quod spectat ad Zenith, sed neque directo in meridiem, boreamve, vt inclinatum ad Horizontem, neque in ortum, aut occasum, vt declinans ab Horizonte vergit: æquidistat tamen circulo maximo, qui nec ad horizontem, nec ad Verticalem propriè dictum, nec ad meridianum rectus est, sed ad omnes hosce circulos inclinatus, ita vt per nullius polos, qui sunt Zenith, & Nadir, communes sectiones Meridiani, & Horizontis, atque sectiones communes horizontis, & Aequatoris transeat. Tale esset horologium depictum in superiori facie alicuius testæ, quod directo non spectaret in ortum occasumve, aut in Meridiem, Septentrionemve.

17. Declinans simul, & inclinatum inferius, quod ad Nadir spectat, reliquæ autem omnia habet communia cum superiori. Quale esset horologium delineatum in facie inferiori eiusdem testæ, in cuius superiori facie superius depingi diximus.

Omnia autem supradicta horologiorum genera, dicuntur æquidistare circulis illis maximis, à quibus nomina trahunt, quoniam vertex styli ad horologij planum rectus collocari intelligitur in centro mundi, atque adeo in comuni centro illorum omnium circulorum maximorum. Vnde fit, vt horologiorum plana tantum ab ipsis circulis absint, quanta est cuiusque styli longitudo.

Alio modo diuidi solent horologia ex eo tempore, quo horas monstrare solent. Quædam enim appellantur diurna, quod solum in die, splendente Sole, horas indicent: Quædam nocturna, quæ vel splendente Luna, vel alijs astris, horas

Seçtio VII. Caput XIX. 369

horas noctis ostendunt: Quædam denique diurna simul ac nocturna; quia tam interdiu, quàm noctu ex ipsis horasprehendimus; qualia sunt Astrolabia, seu Planisphæria, annuli Astronomici &c. Pari ratione alia horas indicant, per dimidij anni spatium, cuiusmodi est horologium Aequinoctiale superius, horas eo anni tempore dumtaxat indicans, quo Sol à principio Arietis ad principium Libræ mouetur: Alia per reliquam partem anni, quale est Aequinoctiale inferius, quod horas monstrat, dum Sol à principio Libræ, ad principium Arietis mouetur. Rursus quædam indicant horas mane tantum, & Vesperis, quale est horologium Verticale ad Septentrionem spectans, & Polare inferius, & nonnulla alia declinantia, & inclinata inferiora: quædam reliquas horas diei, quale est Verticale ad Meridicem vergens, & polare superius, nec uon aliqua declinantia, & inclinata superiora. Sic etiam horologiorum alia horas antemeridianas solum indicant, cuiusmodi est Meridianum Orientale; alia pomeridianas, quale est Meridianum Occidentale. Et sic de alijs multis, quæ hac ratione excitari poterunt.

Tandem ex quadruplici horarum varietate, quatuor sunt horologiorum genera, *Antiquum* quod horas inæquales, quibus antiqui utebantur, continet. *Babylonicum*, quod indicat horas ab ortu Solis, quæ apud Babylonios in usu fuerunt. *Italicum*, quod horas complectitur à Solis occasu, quibus Itali utuntur. *Astronomicum*, quod horas complectitur siue notat à meridie in medium noctem, & à media nocte in meridiem, quæ non solum Europæ ferè vniuersæ, sed omnibus Astronomis etiam communes sunt. Ut enim iam notatum est supra horarum duo prima sunt genera inter se distincta. Vnæ quidem inæquales dicuntur, æquales alteræ. Hora inæqualis est pars duodecima tam diei, quam noctis artificialis. Diuidebatur enim olim quæuis artificialis dies, & quælibet nox in 12. particulas æquales inter se, quæ horæ

Biblioth. Theol. Tom. IV.

inæquales & antiquæ communiter appellantur: Antiquæ quidem, quoniam apud omnes antiquos earum usus extitit; Iudeos, ut ex sacris litteris constat, nec non Romanos. His enim noctem, in quatuor vigilas distribuiebant, singulis vigilijs ternas tribuendo horas. Immo & Ecclesia Romana laudes Deo Opt. Max. quæ ab horarum nomine quidem horæ canonicæ, numero autem Prima, Tertia, Sexta, & Nona vocatæ sunt, secundum hoc genus horarum instituit decantandas. Inæquales autem dicuntur, non quod horæ vnus diei, vel noctis inter se sint inæquales; hoc enim falsum est, cum quamlibet diem, ac noctem in 12. partes æquales distribui statim dixerimus; sed quia cum dies artificiales, & noctes sint inæquales, horæ diei vel noctis longioris, maiores sunt horis diei, vel noctis breuioris; nunquàmque sunt æquales nisi tempore Aequinoctiorum loquendo de sphaera obliqua; in sphaera enim recta nulla datur horarum inæqualitas. Hora verò equalis est vigesima quarta pars diei naturalis, qui ex die nocteque conficitur. Quia verò circulus æquinoctialis continens gradus 360. semel in die circumagitur, supraque horizontem vbiuis gentium totus ascendit, necesse est singulis horis ascendere gradus 15. hac de causa hæ horæ dictæ sunt æquinoctiales, quod scilicet à circumuolutione Aequinoctialis circuli efficiantur. Dictæ quoque sunt æquales; quia semper equali temporis spatio emergunt gradus 15. æquatoris, qui cuique horæ tribuuntur supra horizontem: si quidem in omni regione vniformiter eleuatur, ac deprimitur. Quia tamen ut diximus supra non idem initium diei naturalis apud omnes erat, nec est constitutum; ideo etiam hæc horas æquales, non apud omnes eodem modo numerari videmus, quidam enim ab ortu Solis, quidam ab occasu, quidam à meridie seu media nocte illas dinumerant. Omnium autem supradictorum horologiorum conficiendorum tam sunt propriæ vnicuique, quam communes omnibus

A a a

regu-

regula, de quibus consulendi sunt auctores inferius citandi. Iam ad Astrologiam veniamus.

De Astrologia.

Quartam tandem & ultimam Vranoscopiz pars est Astrologia à cæteris, ut notauimus supra, distincta, quia potissimum de cæli, cælestiumque motuum effectibus & influentijs agit; primum in generali considerando eiusmodi influentiarum naturam, deinde media, motum videlicet, & lumen; tum varietatem: ubi stellarum proprietates tam absolutæ, quam in configuratione habentur: Proprietates absolutæ dicuntur, quæ stellæ aliæ fixæ, aliæ erraticæ; rursus erraticæ 1. in genere distinguuntur ratione situs, pro ut aliæ sunt terris propiores, aliæ remotiores; ratione cursus, pro ut aliæ sunt directæ, aliæ stationariæ, aliæ retrogradæ; & tandem ratione sexus, pro ut aliæ sunt Masculinæ, aliæ Femininæ, aliæ Androgynæ: 2. in specie distinguuntur ratione caliditatis, & frigiditatis, bonitatis & malitiæ. Stellarum proprietates in configuratione attenduntur 1. penes Zodiaci signa, quæ diuiduntur in quatuor trigonos, igneum, terreum, æthereum, & aquicum; 2. penes domicilia, quorum traditur denominatio, distinctio, & representatio: ubi in erectione thematis occurrit figuræ descriptio, quæ vel circularis, vel quadrata est; & notarum inscriptio, quæ vel loci fortunæ, vel stellarum fixarum, initia domorum ascendentium, & descendentium; Erraticarum, & capitis, ac caudæ Draconis. Altera pars Astrologiæ specialis dicitur, vel Catholica, vel propria; rursus catholica, vel Idiomatica est, qua mores Gentium, vel symptomatice, quæ accidentia regionum contemplatur, tam prædicendo euentus anni, mensium &c. quam ordinando dies electionum: Propria est illa, quæ de hominum accidentibus agit, diciturque Geneethliaca, qua prognostica fiunt, vel ad thema erectum, quod est vel indeterminatum, vel determinatum

per revolutiones, profectiones annuas, transitus Planetarum, directiones Astronomicas; vel ad thema correctum per trutinam Hermeticæ, per Auimodar, per accidentia nati. Quæ omnia sufficit breuiter attigisse; Prolixior enim illorum tractatio est extra præsens nostrum institutum.

Iam videndum est, quantum Vranoscopia, singularique eius partes conferant ad sacræ doctrinæ studium. Primum enim ad Astronomicam considerationem pertinet illud Genes. 1. v. 19. *Fecitque Deus duo luminaria magna: luminare maius, ut præesset diei: & luminare minus, ut præesset nocti: & stellas. Et posuit eas in firmamento cæli, ut lucerent super terram, & præessent diei, ac nocti, & diuiderent lucem ac tenebras.* Ibi enim plura habemus luminarium officia, de quibus expressè Astronomi. Insuper omnia illa loca, quibus apertè significatur, stellas cæli ab homine numerari non posse: Genes. 15. Deuteronomio. 10. Hierem. 33. *Sicuti enumerari non possunt stella cæli, & metiri arena maris: sic multiplicabo semen Dauid serui mei.* De stellis enim inerrantibus ingens disputatio est inter Astronomos, utrum earum multitudo tanta sit, ut ea mortalibus omnino sit innumerabilis; an contra, certo aliquo numero, nec sanè admodum magno definita, haud ingenti studio & labore possit nobis esse comperta, & explorata: Aristotele enim lib. 2. de Cælo textu 6 r. Seneca lib. 6. natural. quæst. cap. 16. alijsque pluribus affirmantibus Syderum inerrantium numerum à mortalibus iniri non posse; Astronomi doctiores inde vsque à Ptolomæo & Hyparcho deprehenderunt omnes stellas inerrantes visu notabiles esse dumtaxat duas & viginti supra mille; quarum 15. sunt primæ magnitudinis; 45. secundæ; 208. tertiæ; 474. quartæ; 217. quintæ; 49. sextæ. Harum omnium summa, adiunctis præterea quinque, quas vocant nebulosas, & nouem, quæ appellantur obscuræ, supradictum mille viginti duarum stellarum numerum cōtinet. Earum porro quælibet maior est quam

quàm terra : nam quæ sunt 6. magnitudinis, videlicet omnium minimæ, octies & decies ampliorem habent magnitudinem, quàm est orbis terræ, & aquæ magnitudo. Quæ etiam sententia supradictis sacræ Scripturæ locis non est contraria : Quippe diuina Scriptura non loquitur de stellis visu insignibus, & notabilibus, quarum dumtaxat numerum tradunt Astronomi; sed vniuersè de omnibus stellis quæ in cælo sunt, siue aspectabiles sint hominibus, siue inaspectabiles; quæ adhuc sunt finitæ, & in aliquo determinato numero; quia tamen difficile dinumerari possunt, ob eam causam Scriptura Veteris testamenti de illis tanquam innumerabilibus multifariâ loquitur; vel etiam secundum communem sententiam vulgi existimantis, infinitam esse multitudinem stellarum, dum eas nocte serena confusè intuetur ac sine ordine, vt explicat Clavius cõment. in cap. 1. spheræ. Tercio ad illud Genes. 1. vbi dicitur Deus posuisse stellas in firmamento cali vt lucerent super terram; quæunt Astronomi, vtrum stellæ moueantur per se immotis orbibus, sicut aues per aerem, an tantum moueantur motu suorum orbium; de quo vide Perrerium lib. 2. in Genes. quæst. 9. vbi pro vtraque parte adducit SS. Patres. Quarto quod de Solis motu & terræ statione docent Astronomi, valet ad plura Scripturæ loca, confirmaturque vicissim ex illis, in quibus adstruitur quies & statio terræ; nec non Solis motus; de quibus videndus est Melchioris Inchofer Soc. Ies. tractus Syllepticus, in quo, quid de terræ, Solisque motu, vel statione secundum S. Scripturam, & Sanctos Patres sentiendum, quæue certitudine alterutra sententia tenenda sit, breuiter ostenditur, & nouissimè Pater Caramuel in Theologia fundamentali Romæ impressa, pagina 98. & sequentibus. Quinto ad illud quod de Salomone dicitur sciuisse stellarum dispositiones Sap. 7. v. 19. Iob cap. 9. *Qui facit Arcturum & Orionem, & Hyadas & interiora aëstri.* & postea cap. 38. *Nunquid coniungere valebis* Biblioth. Theol. Tom. IV.

micantes stellas Pleyadas, aut gyrum arcturi poteris dissipare? Nunquid producis Luciferum in tempore suo, & Vesperum super filios terræ cõsurgere facis? Ad hoc, inquam, totum intelligendum conducit doctrina Astronomorum, qui supradictas mille viginti duas stellas, ad quadraginta octo imagines, seu effigies, seu cõstellationes aut asterismos, ordine ac dispositione stellarum similitudinem alicuius animalis, vel alterius rei reddentes, ingeniosè redegerunt. Constellatio enim, Asterismus, siue imago, nihil aliud est, quam multitudo quædam stellarum formam alicuius animalis, aut alterius cuiusvis rei effigiem suo situ, ac ordine referentium; quarum omnium constellationum tabulas, vna cum numero, ordine, longitudinibus, latitudinibus, atque Magnitudinibus stellarum, vide apud Clavium loco superius citato. Nunc de Chronoscopia.

Primum enim si Geographia, siue terræ descriptio est prima porta ad studium historicum, altera Chronologia, tertia Prosopographia, siue Genealogiarum explanatio; nam vt Deus primum creauit terram; secundò tempus, tertio hominem Genes. 1. ita studium historicum aggressurus, tria hæc præmittere debet, nimirum loci cognitionem, vbi quid factum sit, quod docet Geographia; deinde temporis annotationem, quando quid factum sit, quod docet Chronologia; tandem personarum cognitionem, à quibus quid illustre gestum sit, quò faciunt Genealogiæ ductus. Res, inquam, ita se habet, satis pater quantum Chronologia, vel doctrina temporum sit necessaria ad plenam sacrarum literarum intelligentiam. Enimuerò quid aliud est Pentateuchus, libri Iosue, Iudicum, Samuelis, siue Regum, Paralipomenon, Esdrae, Nehemæ, Machabeorum, quàm Sacrum quoddam, vel Mundi, vel populi à Deo electi Chronicon? Prophetas sine temporum notitia frustra tentaueris. Idem de Euangelij, Actibus Apostolorum, Apocalypsi iure dixeris. Neque reconditam in Epistolis S. Pauli doctrinam

nam perfectè assequetur, qui Chronologia prorsus ignarus fuerit. Denique pars admodum exigua sacrorum Bibliorum reperitur, quæ sine Chronographiæ lumine clarè intelligi, & pro dignitate explicari possit, ut sacri interpretes sæpe sæpius profitentur. Vade rectè olim S. Cyrillus lib. 8. thesauri cap. 2. monuit, *ut qui Scripturas exactè velint intelligere, diligenter tempora quarat. Temporibus cognitis, multi errores evitantur, sæpe aperte cognoscuntur, quæ obscurissime à Prophetis significantur*, ut idem S. Pater alibi scriptum reliquit. Sic S. Hieronymus in libro de Scriptoribus Ecclesiasticis asserit Chronologiæ adminiculo, *omnem diffo-
nantiæ Evangelij S. Ioannis, quæ videtur esse cum cæteris, tolli*. Sic ex ijs, quæ in hanc sententiæm docuit aliquando S. Augustinus, ortum est illud tritum iam multorum sermone proverbum: *distribue tempora, & concordabit Scriptura*. Hinc etiam illud Basilij in cap. 1. Isaia. *Temporum observatio, non medio-
cre offert lætiori operæ precium*. Ita ferè ad verbum Henticius Philippi Soc. Ies. in præfatione ad lætorem, *Generalis synopsi Sacrorum temporum*. De quo etiam vide Salmeronem tom. 1. Proleg. 9. & 10; & Riberam in Prophet. min. præludio vi.

Quid de Gnomonica, siue artificij conficiendorum horologiorum solarium Scientia? Nonne huiusmodi Horologij mentio est in sacris litteris 4. Reg. c. 20. diciturque horologium illud fecisse Ahas, id est regnante Ahas in pariete descriptum. Porro de hoc horologio Ahas quæri potest, quomodo essent dispositæ lineæ horarum indices, an scilicet vnaquæque linea horam vnâ integram designaret, an verò tantum dimidiam. Sunt qui putent horam integram & absolutam quamlibet lineam significasse, ita enim fere fit solaribus horologijs, & indicat distichon illud græcū de horologio solari, quod meridiæ, vel statim à meridiæ prandendum docet cū ait

ἔξ ὧρου μὲν χροὺς λαμβάνεται, αἱ δὲ
μὲν εἰσὶν;

χρονῶν δὲ καὶ μὲν χροὺς λαμβάνεται, αἱ δὲ
μὲν εἰσὶν.

Sex hora tantum rebus tribuantur agendis

Vivere post illas littera Zetha docet.

Quasi diceretur ad sextam vsque diei horam (quæ nobis est meridiana) rem suam, & opus curare oportere: postea penso absoluto, ad cibum capiendum accedere. Cum enim vterentur Græci, ut etiam Hebræi elementis alphabeticis pro notis arithmeticijs, Z, horam septimam in horologio Solari denotabat, H, octauam. Θ, nonam. I, decimam. Unde apparet vnâquamque lineâ, & notam illi additam, horam integram designasse. Verum quod ad horologium, illud Ahas pertinet, quicquid sit de alijs, verisimilius est habuisse dumtaxat lineas per semihoras distinctas, ratio est quia loco citato lib. 4. Regum, data est optio Ezechiz, ut quod mallet eligeret, siue ut horologij vmbra per decē lineas progrediretur, siue ut per totidem regrediretur. Hoc autem ne in longissima quidem die æstiuâ effici potuisset, nam antequam vmbra tot lineas decurreret, Sole occumbente defecisset: aut certè nulla fuisset nondum eodem exorto. Integrum enim esse debuit Ezechiz, quā mallet partem eligere quo ad progrediretur aut regressum, & res ita dispositæ esse debuerunt, ut quidquid elegisset effici posset; atque ideo diem viginti horarum oportuisset dari, qualis nulla est, nequidem in æstate, in illa prouincia.

Tandem ad iudiciariam siue prognosticam Astrologiæ partem circa naturalia spectat illud Salomonis Sap. 8. *Scis præterita & de futuris æstimas; signa & monstras, antequam fiant, & eventus temporum & seculorum*. Vbi signa & monstra, ad eclypses, & alios mirabiles cælorum effectus referri cum Cantacuzeno oportet, ut pluuiarū, fructuū, sterilitatis aut vbertatis. Insuper illud Iobi 37. *ab interioribus egreditur tempestas, & ab æturo frigus*. Docente Astrologia exortus & occasus syderum, quorum magna vis est ad ciendos ventos,

tem-

Sectio VII. Caput XX. 373

tempestates concitandas, serenitatem aeri reddendam. Ad iudiciariam verò circa hominum naturales inclinationes, & alios euentus minimè dependentes ex libero arbitrio illud videtur spectare, quod cap. 7. inter alios sapientiæ effectus iactat sibi concessum, vt cogitationes hominum sciret; quod ex communi interpretatione pertinet ad coniecturalem quamdam cognitionem cogitationum, id est, propensionum, & motuum humani animi, quod per Astronomiam iudiciariam obtineri vtrumque potest; & indicauit Cantacuzeni elucidatio paraphrastica eius loci: *Cogitationes, inquit, hominum an peruersæ sint, an rectæ, an profundum semper aliquid moliantur, an celestis quamuis plerumque urbana ac faciles videantur; an ad iram, & excandescantiam prona atque impotentes, an contra sedata sibi que facili temperent; quibus omnibus cæterisque similibus discernendis suæ sunt regulæ ex Astrologia desumendæ.*

CAPUT XX.

Quantum referas ad Sacra Doctrina studium Cosmographia singulorumque eius partes.

Secunda post Vranoscopiam scientia Geometriæ subalternata est Cosmographia, sic dicta, quod eius principia, vel quantitatem Geometriæ obiectum, ad mundum eiusque partes applicet; vbi per mundum intelligimus, mundum hunc inferiorem, qui globo terrestri nobis representatur; non autem totum mundum ex quatuor elementis, tanquam parte corruptibili, & vndecim celis, tanquam parte inecorruptibili eoalescentem. Cosmographia sic sumpta, tres potissimum sub se continet partes Geographiam, Idrographiam, & Anemographiam; quid sit quælibet illarum patet ex nominibus; Geographia enim est terræ præcipuarumque eius partiû, quatenus ex illis totus terrarum orbis constituitur, accurata descriptio; Idro-

graphia verò aquarum; & Anemographia ventorum; de singulis breuiter agamus.

De Geographia.

Pars ergo Cosmographiæ, Geographica dicta, quia terræ dimensionem, & inde ortam distinctionem contemplatur, primum versatur circa exteriorem globi terrestris explicationem; deinde circa interiorem in illo prouinciarum cognitionem. Exterior globi terrestris consideratio, vel explicatio, sic dicta, quia tractat solum de globo terrestri, & omnibus eius partibus exterris, diuidit eum vel in verum & realem, seu Archetypum, vel in pictum & representatum, seu Ectypum. Realis bifariam spectatur absolute, & comparate. Absolute & in se, tum respectu quantitatis, tum etiam respectu figuræ. Quantitas globi perspicitur è mensurarum instrumentis, & mensurationibus ipsis. Instrumenta sunt vel minora, vel maiora. Minora sunt granum, digitus, palmus, pes. Granum hordei transuerso positum, est primum mensurandi principium. Digitus est mensura continens quatuor grana hordei. Palmus est mensura quatuor digitorum. Pes est mensura quatuor palmorum. Maius instrumentum, siue maior mensura est passus, stadium, milliare. Passus est vel simplex, vel Geometricus; simplex continet pedes duos cum dimidio, Geometricus verò pedes quinque. Stadium est mensura habens passus simplices centum viginti quinque. Milliare tripliciter sumitur; primo pro mensura habens mille passus, & continens octo stadia, & hoc dicitur Milliare Italicum. Secundò pro Leuca, quæ vel vetus, vel noua. Vetus habet 12. stadia; noua 16. stadia, & facit vnum milliare Gallicum, seu duo Italica. Tertiò pro milliari Germanico quod vel commune, vel grande. Commune habet 4000. passus siue stadia 32. & 4. Italica milliaria (quam & Leucam Hispanicam dicunt) Grande quod & Hel-

Helueticum & Vngaricum dicunt, est 5. mille passuum. Mensuratio globi terrestris habet peripheriam, diametrum, & superficiem conuexam. Peripheria ambitum siue circumferentiâ globi terrestris maximam docet, quæ est 5400. milliarium Germanicorum. Diameter indicat profunditatem globi ab vno superficie extremo ad alterû, quæ est 1718. Vulgo etiam axis vocatur, quia circum globus voluitur. Extrema eius sunt poli, medium dicitur centrum, & linea à centro ad superficiem semidiameter dicitur, & est milliarium 860. Superficies conuexa repræsentat globi terreni longitudinem, & latitudinem simul, cuiusque vulgaris computatio est milliarium Germanicorum 9278180. figura globi terreni rotunda est siue spherica, quo ad partes vniuersas, quæ vnum in corpus rotundum coeunt, non quo ad partes singulas, quæ sunt montosæ, & vallosæ.

Talis est globi terrestris absoluta consideratio, sequitur comparata, quando nimirum globus terrestris cum cælesti, cui directè subiicitur, comparatur. Hoc enim respectu globus terrestris diuersimodè distinguitur, & primò quidè in plagas, siue Cardines mundi quatuor, qui sunt Ortus, Occasus, Meridies, Septentrio, quem perpetuo monstrat lingua in compasso, magnete conficata, & ei opposita plaga directio, est meridies; à dextris respicientis Septentrionem ortus, à sinistris verò occasus. Secundò distinguitur superficies globi terrestris in circulos maiores, & minores. Maiores sunt, qui globum in duas partes æquales diuidunt, & hi sunt Aequator, Zodiacus, Horison, Meridianus. Aequator, qui & Aequinoctialis circulus dicitur, & Aequidialis (quando enim Sol illum attingit, tunc æquale efficit spatium diei, & noctis per vniuersum terrarum orbem) diuidit globum in duas partes æquales Septentrionalem & Meridionalem, & ab vtroque polo æquali spatio distat, & medius inter mundi polos intercurrit. Ex hoc circulo æstiman-

tur, & denominantur æquinoctia: Sol enim bis tantum in toto anno hunc circulum attingit, seu directè sub hoc circulo voluitur, nempe in principio Arietis, & in principio Libræ. Populi qui sub illo habitant dicuntur habitare in medio mundi, habereque spheram rectam, quia nusquam declinant, vel versus Septentrionem, vel versus meridiem; cæteris autem extra illum habitantibus dicitur esse obliqua spheræ. Zodiacus ex obliquo Aequatorem interfecat, & ex vna parte Tropicum Cancris, ex altera Tropicum Capricorni apprehendit, sub hoc Sol perpetuò progreditur: duodecimque signa percurrit. Horison duplex est rationalis, & sensibilis. Rationalis est, qui ratione & intelligentia percipitur. Hic in duas æquales partes diuidit vniuersam mundi spheram, ita ut alterum Hemispherium super terram extet, alterum sub terra condatur. Sensibilis est, quem sensu visus percipimus. Hic oculo nostro terminatus, quo ad vsque in campo patenti oculorum acies, vndique pertingere potest, extenditur, diuidens partem orbis, quæ à nobis videtur, ab ea, quæ non apparet. Huins Horizontis sensibilis diameter est quatuor fere milliarium Germanicorum. Tam procul enim oculorum bene affectorum acies in planitie patenti, vbi colles, & montes non obstant, pertingere potest. Meridianus est circulus à meridiem in Septentrionem per puncta polaria, siue per Meridiem & Septentrionem ductus, & Horizontis polos transiens æquatorem ex transuerso interfecat: sic ductus, quia Sol quando ad parrem circuli istius superiorem pertingit, medium diei efficit: quando verò Sol ad partem eiusdem circuli inferiori delatus est, tunc constituit mediam noctem. Meridianus quoque circulus insignem vsum habet in Cosmographia; officio enim illius metiuntur Cosmographi, & longitudes & latitudes ciuitatum. Insuper ex eo quod sub quolibet Meridiano, imò ad quemlibet punctum ipsius quatuor habitationes habentes quamdam inter

inter se rationem seu proportionem possumus concipere, omnis terra quatuor in partes ratione incolarum inter se se comparatorum diuidi potest: Quarum primam nos V.g. incolimus, & etiam pro illa potest accipi quilibet locus, seu punctus in toto terrarum orbe; alteram habitant illi, qui perioeci, id est, circumincolæ appellantur, quia eodem sub meridiano, eodemque parallelo circulo manent; cumque illis communia ferè omnia habemus, cum hoc solum discrimine, quòd cum Sol nobis diem efficit, apud illos nox est. Tertiã partem anteoeci id est anticolæ possident, qui in eodem circulo meridiano, nostro lateri adstant, latitudinem Austrinam latitudinis nostræ æqualem, similiter & longitudinem habentes, qui etiam paria nobiscum tempora agunt, sed non pariter. Quartam denique & vltimam partem homines, quos Antisthones, siue Antipodes vocamus, tenent, sic dicti quia nobis è diametro vestigia obuertunt; & cum illis nihil commune habemus, sed contraria omnia; quia cum nobis Sol æstatem efficit, illos dura hyemps opprimit, & similiter de diebus, & noctibus.

Circuli minores sequuntur, qui globum in duas partes inæquales diuidunt, & vocantur Tropici, & Polares. Tropici dicuntur à Solis conuersione, quia Sol ad hos circulos perueniens longissimè discessit à cæli medio seu Aequatore, & statim eo ipso momento velut cursum suum sistens versus cæli mediũ scilicet Aequatorem regreditur. Appellatur & Circulus Solstitiorum, quia Sol hos circulos attingens, propter insensibilem suum regressum, aliquot diebus quasi stationem facere videtur, vt dies non ita sensibilibiter crescant, vel decrescant, licet re vera Sol vnica die tantum & nocte in ipsis circulis hæreat. Tropici sunt vel Cancrì, vel Capricorni: Tropicus Cancrì, qui & æstiuus vocatur, quem Sol in altissima æstate designat, id est, eo die quo mouetur per primum gradum Cancrì; & tunc Sol verti-

ci nostro est proximus, & facit diem longissimum, & noctem breuissimam. Dicitur & Septentrionalis, transítque per Asiam Magnam, per mare rubrum, sinum Arabicum, Sinarum regionem, & Indiam vtramque Orientalem & Occidentalem. Tropicus Capricorni, qui & hyemalis dicitur, quem Sol designat eo die, quo versatur in primo gradu Capricorni, & tunc Sol à vertice nostro est remotissimus, & facit diem breuissimum, & noctem longissimam. Vocatur & Meridionalis, & transít per extremã Africæ oram Meridionalem, & per partem Americæ, quæ Brasilia dicitur. Polares circuli sunt duo extimi, & polis vicini circuli, dicunturque Arcticus siue Vrsalis & Antarcticus. Arcticus, qui polo Zodiaci Arctico, siue Septentrionali subiicitur, & vergit ad polum mundi Septentrionalem, vbi Vrsa maior & minor sunt. Antarcticus qui polo Meridionali subiicitur, & vergit ad polum mundi Meridionalem.

Per quatuor hosce circulos minores, globus terrestris primum ab æris temperie vel intemperie in Zonas describitur. Deindè respectu diuersæ cæli vmbre in populos Amphiscios, Heteroscios, & Periscios. Zonæ sunt orbicularia, & lata spatia, quibus tota globi terrestris superficies secundum latitudinem continetur. Quinque vulgò à Geographicis numerantur, vna torrida, duæ frigide, & duæ temperatæ. Torrida Zona, quæ & media dicitur, est spatium in globo terrestris duobus circulis tropicis inclusum intercurrente media linea siue Aequinoctiali. Medium huius Zonæ duplex est, nempe Aequinoctialis, & deinde Zodiacus, siue Ecliptica, quæ est perpetua Solis via, & limes. Torrida verò dicitur propter perpetuum Solis ibi ardorem. Populi hanc Zonam inhabitantes sunt Amphiscij, qui duas habent vmbraum Meridianarum differentias, Septentrionalem & Meridionalem, ita vt ijs Sol, quando est in signis Septentrionalibus, iaciat vmbraam versus Meridiem, & vicissim quando est in signis

gais Meridionalibus versus Septemtrionem. Insuper dies noctibus perpetuò æquales habet, ita ut quilibet dies duodecim horis, & quælibet nox totidem constet; & Solem in anno bis verticalē, & tunc omni umbræ destituuntur, hoc fit in punctis Aequinoctialibus, quando Sol est in principio Arietis, vel Libræ, & tum ibidem calor est intensissimus. Habent etiam quatuor Solstitia: duo alta in punctis æquinoctialibus, quando Solem habent perpendicularem; & duo ima in punctis solstitialibus, quando ærem mitiorem habent, Solemque à verticali puncto remotissimum. Illis etiam omnes stellæ, & circuli cælestes patiter oriuntur & occidunt: hoc est, quæ vna & simul apud illos oriuntur, illa vna etiam occidunt & vice versa.

Zona frigida est vel Septemtrionalis, quæ includitur circulo Arctico, & polo Septemtrionali; vel Meridionalis siue Australis, quæ includitur circulo Antarcticò, & polo Meridionali. Vtriusque huius Zonæ habitatores dicuntur Perisæij, id est, umbræ eorum in morem molarum circumgyrantur, & interdum Orientem, interdum Meridiem, interdum Septemtrionem versus sparguntur. Cuius ratio est, quod cum Sol in signis Septemtrionalibus nunquam illis occidat, ideo umbræ versus Septemtrionem & Meridiem spargitur. Sciendum enim est, quod qui sub polo directè habitant, illorum Horizon est æquator, diesque longissimus, sicut & nox longissima sex continuè mensium: quia Zodiacus in duas medietates ab Aequatore, qui tum est Horizon, secatur, & verò vna illa medietas semper est supra Horizonem, altera verò infra, & perpetuò occultatur: hinc fit ut quamdiu in vna apparente medietate Sol versatur, tamdiu sit illis dies: quamdiu verò in altera subsistit, nox sit. Quare qui sub polo Arctico manent, Sole signa Septemtrionalia percurrente, contrauium per semestre diem habent; contra illorum Antipodes, qui sub polo Antarcticò morantur, noctem habent continuam, & vice

versa. Zona temperata etiam, vel est Septentrionalis, quæ includitur tropico Cancræ, & circulo Arctico; vel Meridionalis, quæ includitur tropico Capricorni, & circulo polari Antarcticò. Habitatores harum Zonarum sunt Heterosæij hoc est, umbræ illorum in alteram tantum partem vertuntur: eorum nimirum qui Septemtrionalem inhabitant versus Septemtrionem: qui verò Australem incolunt, versus Austrum. Harum Zonarum populi Solem nunquam habent verticalem; duo tantum illis sunt solstitia; vna Aestas, & vna Hyemps. Contra fit in Zona torrida, ubi ut sunt quatuor Solstitia, ita etiam duæ æstates, & duæ hyemes; illæ, cum alius solstitij, hæ cum aliis incipientes.

Quartò globi terrestris superficies diuiditur in parallelos, & climata. Paralleli sunt terræ spatia quibus dies longissimi quadrante horæ ab inuicem differunt & augentur; Climata verò horæ semisse siue media hora. Vnde tres paralleli requiruntur ad cuiusque climatis constitutionē, duo nempe extremi, quibus clima comprehenditur, & vtrumque terminatur, & vnus intermedius. Vbi notandum, quod iste parallelus, qui est finis vnus climatis, is idem est initium sequentis climatis. V.g. primus clima numeratur sic, Aequator; secundus parallelus, & tertius; alteram clima numeratur sic, tertius parallelus, quartus & quintus, & sic deinceps. Obseruetur etiam triplices solere parallelos annotari in Geographicis tabulis; primi regionum latitudinem distinguunt sumpto initio ab æquatore & in globo vel mappa, interdum 10. interdum 15. gradibus distinguuntur. Secundi Zonarum intervalla distinguunt; tertij dierum artificialium differentias indicant, & hi tertij generis paralleli solent mapparum marginibus appingi per notas numerorum. Septem climata numerabant antiqui; verum cum in præfenti sumatur clima à recentioribus pro terræ habitata spatio, modo statim dicto duobus parallelis comprehenso, in quo longissimus dies media

hora

hora crescit, ideo ab æquinoctiali linea ad eum vsque locum, vbi dies longissimus est 24. horarum (quod quidem accidit sub ipso Circulo polari, vel non procul ab eo Aequinoctialem versus) 24. quoque climata constituuntur, quæ duplicata ab æquatore faciunt 48. climata ad vtrumque polum. Climata ergò sunt vel Septentrionalia, vel Meridionalia. Septentrionalia sunt 24. & oriuntur versus Septentrionem, denominationemque à certis locis pleraque obtinent. Meridionalia sunt idem 24. versus Meridiem, & priorum quasi antichimata. Facilis autem inueniendi modus, sub quo climate situs sit quilibet locus, seu vrbs, est si duplicetur numerus horarum, qui est super horas 12. V. g. si scire vis vrbs Romæ clima, sume 3. horas, quibus diem Aequinoctialem dies longissimus Romæ superat, & tres has horas duplica, prouenient 6. unde sub sexto climate Roma est sita. Ratio cur duplicandus numerus horarum ex eo patet, quia distantia semihoræ facit clima.

Quintò tandem & vltimò globi terrestris superficies diuiditur in segmenta minora, quæ gradus vocant; Gradus alij sunt longitudinis, alij latitudinis. Gradus longitudinis describuntur à Cosmographis per circulos Meridianos, initio factò ab Azoribus, seu fortunatis insulis: Eorum 36. in globo numerantur, singuli 10. gradus continentes, qui numerus decennalis, multiplicatus per 36. conficit gradus 360. Gradus latitudinis distinguuntur per parallelos, quos ab Aequatore ad alterutrum polum nouem numerant, singulique decem gradus continent: Vnde numero hoc novenario quadruplicato, eueniunt in vniuersum 36. paralleli. Cum superficies globi terrestris contineat 360. gradus, notandum quod hoc spatium 360. graduum iterum distinguatur in quatuor quadrantes circuli, ita vt cuilibet quadranti adscribantur gradus 90. Quadrans enim est quarta pars circuli. Porro gradus omnis subdiuiditur in 60. minuta.

Biblioth. Theol. Tom. IV.

prima, quæ minuta vocantur scrupuli, qui sunt 60. mille passus Romani, seu milliaria Italica, quorum 4. respondent vni milliari Germanico. Hinc singuli gradus 15. milliaria Germanica continent. Multiplica nunc 360. gradus, per 15. Milliaria Germanica, emerget numerus 5400. qui vt diximus supra, est ambitus totius orbis terrarum, cuius diameter in sua crassitie habet 1718. milliaria Germanica. Minutum seu scrupulus est sexagesima pars gradus, cui in terra responderet quarta pars milliarii Germanici. Tantum de globo terreno vero, & reali siue Architypo; nunc breuiter de picto, vel representatio, siue Ectypo.

Globus terrestris representatiuus siue ectypus, vel est in sphaera, seu in rotundo, vel in tabula, mappa seu plano; siue quod idem est, vel in globo, vel in Planisphærio. Globus terrestris pictus in rotundo est talis sphaera, in qua per certas circulorum mensurationes, representate sunt mundi regiones & vrbes. Huius globi picti primum videbimus fabricam, deinde vsum; fabricæ igitur duæ sunt partes, exteriores & interiores. Exteriores sunt quæ extra globum quidem sunt, sed ad perfectam eius constitutionem referuntur, vt statumen, vbi compassus, & Horizont, deinde Meridianus, circulus horarius, & axis. Interiores sunt tum lineæ, tum loca globo inscripta. Quæ lineæ rursus vel sunt Geographicæ, vt circuli maiores, & minores; vel Hydrographicæ, seu Nauticæ voce Lusitanica rhombi dictæ, quæ vario flexu per omnes globi partes ductæ monstrant nautis viam, & nauigandi modum. Globi fabricam, vel descriptionem excipit vsum, qui vel est generalis, terræ scilicet representatio, vel specialis vt rectificatio, & tractatio, explorans loci situm, & proprietates; qui sitas considerari potest, vel absolute, vel relate; absolute communis, quæ plagas, zonas, climata; absolute proprius, quæ longitudinem & latitudinē loci cognoscimus: relate, qua differentiam longitudinis & latitudinis, & locorum distan-

Bbb tiam

tiamprehendimus: proprietates locorum sunt ortus & occasus Solis, & dierum discrimina. Hactenus de globo picto in rotundo seu sphaera, sequitur eiusdem repræsentatio in plano, nihil differens à prima nisi penes figuram; iacæ enim depinguntur tam circuli maiores, & minores, quàm omnia quæ illis subsunt loca. Quorum nomina apud Geographos sunt in quadruplici differentia. Prima maris, maritimorumque locorum. Sunt autem hæc, *Mæcus*, *Occænus*, *sinus*, *fretum*, *æstus*, *Euripus*, *Bosphorus*, *portus*, *litus*, *agger*, *ora*, *cherfoneus*, id est, *peninsula*, *isthmus*, *insula*, *promontorium*. Altera nomina generalia partium terræ sunt hæc: *continens*, *terra*, *territorium*, *regio*, *regnū*, *prouincia*, *Gentiles*, *populus*, *plebs*, *vrbs*, *ciuitas*, *oppidum*, *emporium*, *castellum*, *vicus*, *pagus*, *villa*, *casa*, *tugurium*. Tertia nomina agrorum sunt hæc: *mons*, *vallis*, *collis*, *cliuus*, *rupes*, *vertex*, *iugum*, *cacumen*, *conuallis*, *fauces*, *campus*, *ager*, *aruum*, *pratū*, *pascua*, *sylua*, *lucus*, *nemus*, *saltus*, *virgulta*, *spinetum*, & similia. Quarta nomina generalia fluuiorum, stagnorum, & cæterorum aquosorum locorum sunt hæc: *fons*, *riuus*, *fluuius* siue *flumen*, *torrens*, *fluentum*, *gurgis*, *amnis*, *fluuius*, *vnda*, *ripa*, *ostium*, *alueus*, *vadum*, *lacus*, *stagnum*, *palus*, *lacuna*, *cisterna*, *piscina*, *thermæ*, &c. quæ apud Ioannem Colæzum *Noricum* diffusè ac eleganter describuntur. Tantum de exteriori Geographiæ explicatione, quæ vt respectu vniuersi orbis describendi Geographiæ simpliciter appellatur; ita & *Chorographiæ*, vel *Topographiæ*, dum particulares dumtaxat regiones, aut aliqua particularia loca seorsum, & absolute considerat; veluti si pictor aliquis aurem tantum, aut oculum designaret, depingeretque.

Alteræ Geographiæ pars versans circa interiorem prouinciariū in globo existentium cognitionem, primum illum diuidit in quatuor partes, tres veteres, quæ sunt *Europa*, *Asia*, *Africa*, & vnā

nouā, quæ dicitur *America*; deinde vnāquamque considerat, vel vt animatam, siue quo ad incolas, quos habet; vel vt inanimatam primò respectu poli & Solis; secundò respectu finium, seu terminorum; tertio à naturalibus accidentibus, quæ sunt in cæli temperie, & terre fertilitate; quarto in diuisione, quæ est in regiones continentes, peninsulas, & insulas. Incipiendo ergo ab *Europa*, & considerando illam vt animatam, siue quo ad suos incolas primum occurrunt linguæ, & mores pro diuersitate regionum varij. Deinde inanimata *Europa* consideratur primò respectu poli, & Solis. Poli respectu est, quod *Europa* in 4. & 9. clima incidat inter X. & XX. parallelos, & ita rota Septentrionalis, & Occidentalis sit, cis Cancris tropicum, intraque circulum Arcticum comprehensa; ad solam referuntur terra, & aqua; terræ nomine veniunt montes, & syluæ; aquæ verò nomine, mare, flumina, fontes, lacus, & paludes. Secunda *Europæ*, vt inanimatæ consideratio est respectu terminorum seu finium. Terminus itaque est vel exterior, vel interior. Exterior est circūferentia, seu ambitus: hic respectu Orientis pro fine habet mare *Aegeum*, *Hellespontum*, *Propontidē*, *Bosphorum Thracicum*, *Pontum Euxinum*, *Bosphorum Cimmerium*, *lacum Mæotin*, & tandem *Tanain* flumen ad *Tuiam* vsque oppidum, inde linea ducatur ad ripam *Obij* fluminis, à quo eatur ad Oceanum vsque. Respectu Meridiei habet mare internum seu *Mediterraneum*, fretum *Herculeum* seu *Gaditanum*. Respectu Occidentis habet mare *Atlanticum*. Respectu Septentrionalis mare *Hyperboreum*, seu *Septentrionale*, quod extremis maris glacialis finibus clauditur versus *Septentrionem*. Interior terminus est in longitudine & latitudine. Longitudo eius incipit ab *Hispaniæ* promontorio *Sacro*, quod hodie dicitur *Cabo de S. Vincente*, & definit ad *Obij* fluminis ostium, milliar. Germano circiter 900. Latitudo eius est à *Tænaro Peloponnesi Promontorio* ad

Scrick-

Scrickfinniz Promontorium Rutubas, complectitur milliaria 550. Tertia Europæ inanimatæ conſideratio eſt à naturalibus accidentibus, quæ ſunt in cæli temperie, & terræ fertilitate. Quarta, à diuiſione eius, quæ fieri poteſt in regiones continentes, peninſulas & inſulas. Continentes ſunt Hiſpania, Gallia, Germania, Italia, Illyricum, Græcia, Thracia, Dacia, Hungaria, Polonia, Tartaria, Moſcouia. Peninſulæ ſunt, Noruegia, Suedia, Gothia; Inſulæ reſpectu triplicis maris ſunt trium generum. In Oceano, Anglia, Scotia, Hybernia ſive Irlandia, Iſlandia, & Groenlandia &c. In mari Baltico, Dania cum alijs ei adiacentibus. In Mediterraneo, Sicilia, Sardinia, Corſica, Creta ſive Candia, Maiorica, & Minorica, Melita ſecundum opinionem aliquorum, &c.

Sed rurfus vnaqueque ex ſupradictis regionibus poteſt conſiderari vt continens, & contentum; vbi per continens intelligitur ipſa regio ſive terra; cuius ſitus, quantitas, qualitas & diuiſio exploratur, ſitus eſt reſpectu terræ & aquæ; terra habet montes, promontoria, & ſyluas. Aqua comprehendit mare, ſinus, portus, lacus, fontes, flumina, & pontes. Sequitur quantitas quæ eſt exterior, & interior. Exterior in ambitu vel circui- tu; Interior in longitudine, & latitudine, qualitas ſita eſt in commodis, & in incommodis, quæ ſunt à cæli temperie, vel intemperie; & Soli fertilitate, vel ſterilitate. diuiſio fit ſecundum diuerſitatem regionum, vel in regna, vel in provincias, vel denique in ſolas partes. Per contentum autem, ſeu quod præter terram continetur in vnaqueque regione, intelligitur Gens ipſa illius: Cuius gentis tria ſunt poſſimum inueſtiganda, origo, lingua, & conſtitutio. Ad originem refero ctymon, & colonias. Ad linguam, derivationem, dialectum, & pronuntiationem. Conſtitutio autē eſt triplex, corporis, animi, morum. Corpus habet ſua naturalia, & accidentalia: naturalia, vel in qualitate, vel in quantitate. Ad qualitatem referuntur forma colo-

Biblioth. Theol. Tom. IV.

ris, membrorum diſpoſitio, & ſanitas: ad quantitatem ſtatura, quæ depreſſa vel proceræ, vel media. Accidentalialia corporis ſunt habitus exterior, ſeu veſtimēta. Conſtitutio animi habet bona naturalia, & artificialia, iſſque contraria. Ad bona naturalia referuntur ſagacitas, vel ſtupiditas, reliquaque quæ natura inſunt. Artificialia ſunt vel interna, vel externa. Ad interna pertinent eruditio in litteris, linguarum cognitio, Academia, & profeſſiones. Ad externa verò artes mercaturæ, opificiorum, militiæ, & omnia mechanica. Conſtitutio morum vel ad Eccleſiam, vel ad politiam reſtringitur. Mores Eccleſiaſtici ſunt in re religionis; ad hoc caput referendum regimen Eccleſiaſticum per Archiepiſcopos & Episcopos in illis regionibus vbi ſunt; item ordines militares ſed Eccleſiaſtici, & regulares. Mores autem politici, vel priuati, vel publicè conſiderari poſſunt. Priuati ſunt vniuſcu- iusque, & vel ad ſeipſum ſpectant, vel ad alios. Ad mores vniuſcuſque priuati, referuntur virtutes & vitia gentis. Mores autem, qui ad alios priuati ſpectant, referuntur ad coniugium, cuius ceremoniæ; item ad infantum educationem. Mores politici publicè ad alios relati reſpiciunt formam, & ſtatum regiminis, qui vel reſpectu principis conſiſtit in iubendo, vel reſpectu ſubditorum in obediendo. Ad principis perſonam reſertur omnis eius dignitas, regalia, ſucceſſio, familia, æconomia, Gynecæum, menſa regia, coniugium & liberi; Iudiciū regia, redditus annui, ætarium expenſæ, imo tota aula cum omnibus quæ illa in ſe complectitur. Subditi ſunt vel nobiles vel ciues, quò referuntur nobiliū familiæ, & ordines per gradus: quomodoque vtrique hoc eſt tam nobiles, quam ciues parere teneantur legibus ciuilibus, & criminalibus, earumque poenis: Huc referuntur excellentiores leges, earumque poenæ cum circumſtantijs. Tantum de vnaqueque regione explorari poteſt ad exactam illius deſcriptionem Geographicam.

Bbb 2

Quod

Quod de Europa, singulisque eius regionibus in genere diximus; idem prorsus de Asia potest asseri. Primum enim, si quā animata, siue quo ad suos consideretur habitatores & incolas, pro illorum diuersitate, diuersos etiam mores, diuersasque habet linguas. Si consideretur vero ut inanimata, primò respectu poli, & Soli. Poli respectu Asia in primum, & vltimū clima incidit, quā ab æquatore versus Septentrionem longissimè prorepat, vnde in toto illo 80. graduum spatio magna dierum artificia-
 lium varietas. Respectu Soli, cuius nomine intelliguntur potissimum flumina, & montes; talia etiam, eaque insignia non desunt Asiæ. Flumina Asiatica sunt in Tartaria Obius, Parapamisus, nunc Orchardus, Volga, & Iaxartes. In China Cantao; in India Ganges, & Indus; in Persia Oxus, & Arabs: in Turcia, Asiatica Tigris & Euphrates: in Palestina Iordanus, qui à duobus fontibus Ior & Dan ortus à Septentrione in Meridiem tendit, & duos lacus efficiens, tandem mari mortuo miscetur. Montes in Colchide sub imperio Turcico sunt Corax, & Caucasus; in Scythia, Imaus, pars montis Tauri; in Pamphylia, Mons Taurus totius orbis Maximus &c. Secundo respectu terminorum considerata, habet Asia pro termino exteriori à Septentrione terram polarem incognitam; ab occasu Europam & Africam; à Meridie Megellanicam; ab ortu denique Americam. Itaque à terra Polari, Oceano Scythico; à Sarmatia Europæa per Maotidem paludem, Tanaim fluium, & lineam ab eo in sinum Grædicum ductam, à Græcia per mare Mediterraneum, à Thracia per pontum Euxinum, ab Aegypto in Africa, sinu Arabico, marique rubro & linea hinc ad mare Mediterraneum ducta, à Magellanica Indico Oceano; ab Americo freto, Anian sine Eoo Oceano dirimitur. Pro termino interiori longitudinis, qua ab Hellesponto ad Malaccam se extendit, habet 1300. milliaria Germanica; in latitudine vero, quæ è faucibus Arabici

sinus ad promontorium Tabin excurret, milliaria Germanica 1200. Tertiò si consideretur Asia à naturalibus accidentibus, quæ sunt in cæli temperie & terræ fertilitate, pro diuersitate regionum in illa contentarum, sunt etiam diuersa. Quarto sequitur diuisio Asiæ, quæ est in partes continentes & insulas. Continentes partes sunt Maior & Minor Asia. Diuisio hæc sumitur à monte Taurus, qui ab Oriente in occidentem descendens Asiam in duas partes diuidit. Asia Minor vulgo Anatolia dicta, regiones habet alias maritimas, alias Mediterraneas, alias ad Isthmum, alias ad Euphratem sitas: rursus maritimarum alia ad Pontum Euxinum; alia ad Mare Aegeum, alia ad mare Mediterraneum. Ponto Euxino adiacent Cappadocia, Paphlagonia, Pontus & Bithynia. Mari Aegeo Phrygia minor, Mysia maior & minor, Acolia, Ionia, Caria, peninsula Doris, Lyeia & Pamphylia. Ad mare Mediterraneum sita est Cilicia, quæ nunc Caramania. Mediterraneæ regiones minoris Asiæ sunt, Galatia, Phrygia maior, Pisidia & Lydia. Asiæ minoris regiones ad Isthmum, qui est inter mare Caspium & Pontum Euxinum, sitæ, sunt Armenia Maior, Colehis, Iberia, & Albania. Ad Euphratem regio sita dicitur Armenia minor. Hactenus de diuisione Asiæ Minoris.

Sequitur Asia Maior, quæ est vel Meridionalis, vel Septentrionalis. Meridionalis continet quatuor primarias Prouincias 1. Chaldaeam, cuius nomine comprehendimus Arabiam, Syriam, Chaldaeam strictè sic dictam siue Babyloniam, Mesopotamiam, & Assyriam; 2. Persiam; 3. Indiam; 4. Chinam; quæ iterum subdividuntur in plures alias Prouincias. Asiæ Maioris pars Septentrionalis est Tartaria, cuius sunt quinque Prouinciae, Tartaria deserta in hordas suas, id est, conuentus aut agmina distincta; Tartaria Zagatai; Turchestan; Regnum Cataiæ, & Tartaria vetus, ubi Vng & Mongul regiones. Tandem de continentibus Asiæ partibus; sequuntur eiusdem insulae;

Sectio VII. Caput XX. 381

salt; quæ distinguuntur secundum mare particulare, & Oceanum: Mare particulare, est Mediterraneum, in quo Rhodus & Cyprus. Oceanus est triplex, 1. Indicus, in quo primò sunt Insulæ Maldiuæ, quarum aliquot millia numerari dicuntur; omnes inter eas prima est Ceylon, incolis Tenarisin, in sinu Gangetico sita. Secunda Insula est Sumatra, antiquis Taprobana diuisa in decem regna. Tertia Iaua Maior; quarta Iaua Minor, siue Cambala, à Metropoli denominata. Alter Oceanus est Eous, siue Chinenfis, in quo insulæ, 1. Borneo, 2. Celebes, 3. Ceylon, 4. Ceiram, 5. Gilolo, 6. Amboina cum adjacentibus insulis; 7. Banda, cum insulis 6. circumiacentibus. 8. Insulæ Moluccæ numero 5. 9. Timor. 10. Philippinæ. 11. formosæ, Chinæ regno propior. 12. Orientem versus sunt permultæ insulæ, quas illas de las Velas appellant. 13. Insulæ Iaponæ, quarum sunt complures modicis fretis, & Euripis intersuis inter se distinctæ, præcipua est Iapon. 14. Insula Cokoko. 15. Firando. 16. Caolo, magna insula intra Chinam, & Iaponiam sita. Tertius Oceanus est Septentrionalis siue Scythicus, in quo Tazata insula.

Sequitur Africa, Asiæ annexa per Isthmum, cuius intercapedo milliarium 25. esse æstimatur. Primò quæ animata, siue quo ad incolas considerata, pro eorum diuersitate, diuersos pariter mores, diuersasque linguas habet: Secundo si consideretur vt inanimata primo respectu poli, & Soli, siue quod idem, secundum suum situm, tam exteriorem, quam interiorem. Exterior est in forma peninsulari, quæ vltra Tropicum Cancris, & Capricorni procurrit, & tam versus Arcticum, quam Antarcticum se extendit, ita vt mediâ secet Aequinoctialis. Ambitu suo complexi dicitur tria millia & triginta milliaria Germanicæ. Interior respicit Montes & fluuios; Mòs Africa fabulosissimus est Atlas vltra Lybiam interiorem situs. Alius item, in Aegypto penes Damiatam mons Cassius, nunc Larissæ. Fluuij sunt 1. Nilus

in Aegypto, qui ad Delta oppidum per omnem Aegyptum dispergitur 7. ostijs (quæ sunt Canobicum, Bobbitinum, Sebeniticum, Phadineticum, Mendesium, Thaniticum, & Pelusiaticum) in mare. Aegyptium se præcipitat. 2. in Africa. Minore sunt fluuij Cinyphus, Triton, Carada ad Carthaginem, Bagradas ad Vticam, Tusca vbi terminus Africæ Minoris. 3. in Numidia est fluuius Rubricatus. 4. in Mauritania est Malua. 5. in Lybia interiore est Niger. Secundo Africa secundum suos terminos considerata; pro termino exteriori habet à Septentrione mare Mediterraneum; ab Occidente Oceanum Atlanticum; à Meridie mare Aethiopicum; ab ortu sinum Arabicum, mare rubrum, & Arabiæ dorsum; terminus interior longitudinis est inter fretum Gaditanum, & Promontorium seu caput Bonæ spei; Latitudinis vero in Promontorium Hesperium vulgò Capo Verde, & Goardafui, ita vt in vniuersum Africa multo maior sit Europa; verum, quod spectat tertio ad accidentia naturalia in temperie cæli, & fertilitate terræ sita; non ita culta, nec ita fertilis ob multa deserta. Quarto partes Africæ sunt vel Continentes, vel insulæ. Continentes Africæ partes numerantur septem. 1. Aegyptus. 2. Barbaria, siue Mauritania, quæ dispescitur in 6. regna, Marmaricum hodie Barca, Tunetanus, Tremisanus, Fessanus, Marocum, & Darense. 3. Numidia, hodie Biledulgerid, continens pariter sex regna, Zanzigam, Zuenzigam, Targam, Lemptam, Berdoam, & Gragam. 4. Lybia, quæ vel exterior, hodie desertum Eleocar, vel interior, hodie Sarra desertum, vbi Casena, & Guangara regna. 5. Nigritarum regio à Nigro flumine denigrata, verum & incolæ coloris sunt nigerimi; alio nomine & nobis cognito dicitur Guinea; 6. Regnum Congi, seu Manicongo à primaria vrbe Congi nomen habens, regio fertilissima si vlla alia: diuiditur in sex prouincias, quæ sunt Baruta, Songo, Sundi, Pango, Batta, Pemba; ab hoc regno prope distat prouincia Angola, insula.

salubris ab aëre, vermes in hominum corpora progengerante. Rex huius Congiano tributum soluit. 7. Denique est Aethiopia, quæ duplex est; superior, seu interior; & inferior seu exterior; Superior hodie Abyssinorū regio dicta olim continebat 26. regna, quæ parebant Regi Abyssinorum, cum hodie 4. tantum ei pareant, reliqua occupant Turcæ, & Gentiles Idololatæ. Emporia celebriora in ijs sunt Melinda, Monbasa, Quioia, & Mosambique, quæ subest Lusitanis. Inferior Aethyopia à superiori distinguitur per montes Lunæ. Caput eius est Monomotapa, quæ provincie nomen dedit. Ibi promontorium, quod caput bonæ spei dicitur à Vasco de Gama anno 1497. primitus detectum.

Insularum Africanarū distinctio summi debet secundum Oceanum. Primo igitur in mari Atlantico versus occasum sunt Madera, fortunata, hodie Canariæ. Secundò contra Hesperium Promontorium hodie Capo Verde, sunt Insulæ, Hesperides olim & Gorgones dictæ: primaria inter eas est insula S. Iacobi, vbi Lusitanorum colonia. Tertiò in mari Aethyopico sub ipsa linea Aequinoctiali est 1. Insula D. Thomæ, hoc nomen sortita, quod à Lusitanis die festo Diuo Thomæ primum fuerit inuenta. 2. Insula principis, proventu succhari celebris. Nomen obtinuit, quod vbi repperita, reditus ex ea principi Portugallicæ fuerint assignati. 3. Insula anni boni, tribus gradibus ultra Aequatorem sita; sic dicta, quod cum auspicio novi anni primum fuerit inuenta. 4. Insula S. Matthæi, 5. Insula Ascensionis, 6. Insula S. Helenæ. Qua in mari rubro, vel sinu Barbarico & mari aspero, est insula S. Laurentij, incolis Madagascæ. Sita hæc est sub tropico Capricorni longitud. 250. latitud. 80. miliarium Germanicorum, varijs aromatibus opulenta. Quinto ad fauces sinus Arabici iuxta promontorium Gardafui, est Insula Sacotara, aloen optimam progengerans.

Hactenus breuiter de tribus veteribus mundi partibus: sequitur noua &

ultima, quæ dicitur nouus orbis, ob magnitudinem, cum Europæ, Asiæ, & Africæ simul sumptis fere equalis sit. Cōmuni nomine vocatur America, ab Americo Vesputio Florentino Italo altero suo repertore (Primus enim fuit Christophorus Columbus Genuensis, cui in prima navigatione comes erat Americus Vesputius) anno 1497. detecta. Vocatur etiam India Occidentalis, quod eodem tempore hæc inuenta, quo India Orientalis à Lusitanis. Inuentiois Occasio fuit: quod Columbus Genuensis sæpius in Portugalliam nauigans obseruauit certis anni temporibus ventos ex Occidenti quosdā flare, & equabili tractu multos aliquot dies spirare: hoc enim pro argumento habuit, eos ex transmarina aliqua regione venire, ideoque iudicauit, terram adhuc aliquam in illa plaga, vnde venti flabant, superesse, vsque dum incolis Europæis, alijsque incognitam. Primum ergò America, quæ animata considerata, pro diuersitate incolarum, diuersæ sunt in illa linguæ, diuersique mores: Deindè qua inanimata; situs eius exterior, siue respectu cæli est quod ab vno ad alium polum se extendat; situs verò interior, siue respectu Soli, cōtinet plures insignes fluuios, pluresque montes. In America Septentrionali, in prouincia Canadæ fluuius S. Laurentij; in Virginia fluuius Patanomeck & Ponuhatan; in florida fluuij Trinitatis, & Maij; in Mexico versus orientem fluuius Spiritus Sancti, versus occidentem fluuius Panuco, Berania & alij; in America Meridionali, in noua Granata fluuij Darien & Cauca; in noua Andalusia fluuius Paria vel Orinaque, & insignis Amasonum fluuius; in Brasilia fluuij Maragnan, & Potengi, tandem in prouincia Paraguai insignis fluuius dictus rio de la Plata, incolis Parana. Præcipui montes sunt in America Meridionali, qui omnes oriuntur ab vno maximo longitudinis 2000. miliarium Getmanic. quem hæc pars Americæ in suo medio quasi dorsum eminet & acutum habet; eo fere modo quo Italia

lia Apenninum. Termini Americæ exteriores sunt ab ortu mare Atlanticum, siue mare del Nort; à Meridie Insulæ Magellanicæ, freto interluente distinctæ; ab occasu mare Pacificum, siue mare del Zur, à Septentrione litus adhuc Europæis est incognitum, num ibi sint terræ vel maria. Termini interiores, siue Magnitudo, quâ longitudinem inter duo freta Anian & Magellanicum dicitur, est 2400. milliarius Germanicorum; qua latitudinem vero inter Cabo de fortuna propè fretum Anian, & Capo de Breton, in noua Francia, quæ duo sunt promontoria, est 1300. milliarius Germanicorum. Pro diuersitate regionum Americæ, diuersa etiam sunt accidentia illius naturalia, quo ad cæli temperiem, & terræ fertilitatem, vel sterilitatem.

Vltimò sunt partes Americæ, quas etiam faciemus continentes, & Insulas. Partes Americæ continentes sunt duæ Septentrionalis, & Meridionalis; utræque exiguo Isthmo connectuntur, intra Veraguam, & Cartagenam interiacente, vbi Panama, & puerto Belo. Septentrionalis vltimatè appellatur Mexicana: eius provinciæ littoribus Oceani adiacent, & longissimo tractu inter se distinguuntur, partim ad mare del Nort; partim ad mare del Zur. Ad mare del Nort sitæ sunt, 1. Canada. 2. Noua Francia. 3. Virginia diuisa in nouum Belgium, & nouam Angliam. 4. florida nomen habens à Dominica Palmarum, quod eo die detecta fuerit. 5. Noua Hispania varias habens provincias. 6. Guatimala, quæ in 13. provincias diniditur. Americæ Septentrionalis ad mare del Zur habet provincias sequentes, 1. Nouam Galliciam, 2. Nouam Biscaiam. 3. Nouam Mexicam, 4. Calitorniam, 5. Cibolam, 6. Granadam, 7. Tontontecac, 8. Quiuiram, 9. Nouam Albion. Tantùm de diuisione Americæ Septentrionalis, tam ad mare del Nort, quàm ad mare del Zur; Sequitur Meridionalis, quæ dicitur Peruana, cuius provinciæ pariter sitæ sunt vel ad mare del Zur, vel ad mare del Nort. Ad mare del Zur sunt se-

quentes, 1. Castella aurea, alias Panama, cui accensentur vicinæ provincie, Darien, Cartagena, & Sancta Martha. 2. Noua Granada. 3. Popayan. 4. Peruua, quæ trimembris est secundum tria parlamenta, primum est Quito, secundum Lima, tertium los Charcas. 5. Chile. 6. Chica, regio Patagonum. Provincie Americæ Meridionalis ad mare del Nort sunt sequentes. 1. Rio dela Plata nomen habens à fluuiio principali. 2. Brasilia, quæ in quatuordecim distinguitur præfecturas, seu Capitania. 3. Guaiana diuisa in tres riuos. 4. Noua Andalusia, vel Cumma, quæ diuiditur in Andalusiam propriè sic dictam, & Venesciam, quasi parua Venetia. Hactenus de continentibus Americæ partibus; sequuntur Insulæ, quæ commodè etiam inter se distingui possunt secundum situm maris del Nort & del Zur. In mari del Nort sunt sequentes, 1. Terra noua, 2. la Bermuda, 3. Lucaios, 4. Cuba, 5. Hispaniola, 6. Iamaica, 7. S. Ioannis, 8. Canibales, quæ & Antillæ vel Cameranzæ dicuntur, 9. S. Margarithæ, vel Margaritarum, quia vnionū copia nobilis est, 10. S. Trinitatis, 11. Insula Ascensionis, &c. In mari del Zur sunt Insulæ Magellanicæ pro terra continente olim habitæ, verum diuixæ ab ea per duo freta, nimirum Magellanicum & le Maire. Reliquæ & principaliores sunt, 1. Tierra del fuego, 2. Insula la Mocha, 3. Insula S. Mariæ, 4. S. Felicis, 5. S. Petri, 6. Insulæ Tubarones, 7. Insulæ Salomonis; quarum magnus numerus; primaria tamen inter eas est Isabella.

De Hydrographia.

Cum omnia, quæ superius diximus de Geographia, pro vt versatur circa exteriorem globi terrestris explicationem, sint etiam communia Hydrographiæ; vniuersitas enim aquarum, & omnis terra aquis non operata vnum duntaxat Globum efficiunt, siue quod idem est, vnum habent centrum commune, quatenus referuntur ad circulos celestis Sphæ-

Sphæræ. Tantum superest vt agamus de mari, quantum ad ea, quæ sunt ipsi magis propria; & primo de eius diuisione. Quatuor igitur potissimum, quinque maria ab Hydrographis numerari solent: mare Oceanum, mare Mediterraneum, mare Rubrum, mare Persicum, & Caspiū. Mare Oceanum, quod reliqua maria vastitate & magnitudine superat, ambitque totam terram, è Gaditano freto, & Herculis columnis tanquam è portu soluens circumquaque in immensum funditur, diuersas mundi oras, variarumque gentium littora flexuoso meatu oberrans, à quibus varia sortitur nomina. Dicitur enim Oceanus Occidens ab Occidente, Æous ab Oriente, Æthyopicus ab Æthiopia, Atlanticus à monte Atlante, Scythicus à Scythia, Britannicus à Britannia, Germanicus à Germania, atque ita alijs indidem vocabulis. Mediterraneum mare est, quod ex Oceano inter Abylam Mauritaniz, & Calpem Hispaniz promontoria (columnas Hercules vocant) irumpens per medias terras diffunditur, & Africam ab Europa determinat. Quamuis autem vna, eademque aquarum continuatio sit, in diuersa tamen maria distribui consuevit, suam appellationem accipientia ab varijs, quas alluunt gentibus. Nam vbi Iberiam, id est, Hispaniam attingit, vocatur Ibericum. Vbi Baleares insulas, Balearicum. Vbi Galliam, Gallicum: post Ligusticū, ab Liguribus populis: & Tyrrhenum, & Tuscum, & Hetruscum, siue Inferum. Item Hadriaticum, siue Venetum, siue superum, Ionium deinde, & Siculum à Sicilia, Creticum à Creta, Sardoum à Sardinia, & Africum ab Africa. Ita Lybicum, Aegyptiacum, Synacum, Pamphylium, Aegæum, & Myrtoum. Quibus Pontus ex aduerso protensus obijciunt multis constans partibus. Ac pars illius, intima penetrans, Mæotis appellatur: alteram in fauces contractam, Propontidem vocant; quæ iam Europam, Asiamque discriminat.

Mare Rubrum, quod etiam sinus Arabicus dicitur à gente Arabum, incipit

circiter ab Insula Socotora, terminaturque ad Septentrionem oppido Suës, habet longitudinis circiter 350. Leucas. Et si autem circa impositionem nominis rubri varia olim ab authoribus prodita reperiantur; horum tamen controuersiam diremit iam navigatio Lusitanorum, qui vt Ioannes Barrius præclarus Indiarum rerum Historiographus cap. 1. libri 8. Decadis 2. refert, mare illud peruagati, compererunt in primis eius aquas rubrum colorem referre. Deinde vt coloris causam pernoscerent, aquam è mari in nauem hausere, quam cum pellucidâ atque omnis ruboris expertam vidissent, planè intellexerunt, non aquas ipsas in se rubeas esse, sed eum colorem in ijs representari ex arenis rubeis, seu Corallijs, quibus maris illius fundus scateat. Ab hoc igitur colore ritè mare, rubrum nuncupari potuit. Mare Persicum, quod etiam Sinus Persicus è Persidis populis vocatur, qua parte mare accipit, vtrinque magnis lateribus grande ostium cōplectitur: deinde terris vastæ & equæ portione cedentibus, magno littorum orbe reddit quasi formâ capitis humani, habet longitudinis circiter 280. leucas. Tandem mare Caspium, quod Parthi mare Bachan: Tartari Chunalius nuncupant, omni ex parte terra cinctum est; vnde cum omnia supradicta maria sint inter se aliqua parte continua, solum Caspium ab omni parte littoribus obsidetur, & insulæ similitudinem ex opposito ducit. Sic ab aliquibus non tam mare, quam palus multorum fluminum incurfu stagnans existimatur; nisi fortè Oceanum quoque subterraneo meatu occultè excipiat. Dicitur verò tum Caspium, tum Hyrcanum à Caspijs & Hyrcanis montibus inter quos jacet. Qui ipsum quotidie transmittunt mercatores, testantur non amplius duodecim diebus vniuersum eius ambitum expleri. Superesset iam omnium horum marium littorales vrbes, vnâ cum sinibus promontorijs, portibus, & insulis adiacentibus describere: verum pro instituti nostri ratione huc vsque dicta sufficiunt.

int-

interim qui plura desiderat poterit consulere auctores inferius citandos; & inter alios, Orbis Maritimi, siue rerum in mari & Littoribus gestarum Generalem Historiam, auctore Claudio Barthol. Morisfotio Dinionensi Gallo. Dinione in fol. 1643.

Secundò post allatam marium diuisionem, ad Hydrographiam refero Artem Nauticam; Ars enim nautica, nihil aliud est, quàm ars nauem regendi inter aquarum fluctus; ita vt materia circa quam versatur, sit aqua, & nauis; forma autem consistat in modo, vel præceptis bene ducendi, & conseruandi naues, siue benè, & sine periculo nauigandi. Vt enim ait Plato lib. 1. de Republ. non à nauigio nata, vel gubernator dicitur, sed ab ipsa arte gubernandi. Circa primam huius artis inuentionem, multa fabulosa, incerta & obseura dicuntur; credibilis tamen est omnium mortaliù primum Noëum, sibi suisque liberis ratem fabricasse, sine remis, velis, antennisque, & gubernaculis; obnoxiam diluuij fluctibus, & solo Deo rectore moderatam. Quod pertinet ad huius artis diuisionem, in suas veluti partes principales; primum ex parte materie nauigabilis, siue aquæ, occurrat consideratio eius, quâ nauigijs idonea, vel non. Omnes enim aquæ non sunt nauigijs vehendis aptæ; aliæ propterea quod nimium rapido impetu ferantur; aliæ quia vorticibus plenz; aliæ quia palustres sunt, vsque adeo vt herbis implexis, & arenulis, limosisque aggeribus, veluti retia transeuntibus nauibus obijeant. Nec fluminum limpidorum aquæ, tum quia tenues, tum etiam quia profundos non habent alueos, patiuntur onerari se se ponderibus magnarum nauï, quemadmodum marinæ, quæ crassæ, & densæ, onera maiora præferunt. Neque etiam vnda, quæ per se se, vel ex natura sua sunt nauigabiles, omni tempore tutam præbent nauigationē. Nam quædam flumina, quidam sinus & tractus, certis quibusdā proprijs tempestatibus infestantur, & statis temporibus seuiunt,

Biblioth. Theol. Tom. IV.

vt tunc naues sine ingenti periculo non admittant. Sint pariter innumere marium, pro eorum varietate, & distinctione reciprocationes, æstus, irruptiones, cautes, & similia; à quibus quisque nauclerus diligenter sibi cauere, prospicereque debet: Ad hanc eamdem aquæ nauigabilis considerationem pertinet notitia littorum, plagiarum, portuum, stationum, positionum, refugiorum, aliorumque similium locorum, in quibus naues à tempestatibus tutæ seruari possint. Vbi etiam de structura perfectissimi portus, rebusque ad illam conducen- tibus, cuiusmodi sunt valla, aggeres, moles, erepidines, & transuersaria; quorum plures adhuc sunt species, modique illa construendi.

Post aquæ vt nauigabilis considerationem, sequitur agere de nauibus, primò quo ad earù fabricam; secundò quo ad earum distinctionem; tertio quo ad earum administrationem. Ad primum spectat materia nauium, & cædendæ eius tempus; variæ tam in illis, quam in singulis partibus fabricandis proportionem obseruandæ; tum quæ nauium ornamenta, & instrumenta; de quibus videndi Scriptores inferius citandi. Ad secundum referuntur variæ nauium species, earumque partes; Primum enim naues diuidi possunt in longas, & onerarias, veluti in duo suprema genera; vbi per longas naues intelliguntur illæ, quæ egēt remis, vel pluribus, vel paucioribus; quarum plures etiam sunt species; secundum enim diuersos remorum ordines, aliæ biremes, aliæ triremes, aliæ quinqueremes, & sic deinceps, appellantur; Athenus enim lib. 5. cap. 5. memorat trigintiremes, & cap. 6. meminit de quadragintaremi naue Philoparris, longitudinis 280. cubitorum, altitudinis 40. eū quatuor gubernaculis, triginta cubitorum, cum duabus proris, & duabus puppibus &c. Quamuis inter multos viros doctos non conueniat, quæ forma triremibus antiquorum fuerit; quidque ordo remigum. Aliqui enim ordinem remigum, illud esse volunt, quod nos

C c c

voca-

vocamus scamnū, in quo quatuor, quinque, aliquando etiam sex remiges ad unum remum sedent. Præcipue cum in numis prætorum Romanorum, omnes naues, quæ remis aguntur, plures remos eodem ordine ostendant, æquo spatio dispositos, longitudine pari, in prærectum extensos, simulque æquora ferientes. Quod maxime apparet è numis L. Bibuli, M. Fonteij, & M. Antonij III. Viri, in quibus triremes signatè videntur eadem forma, atque ordinibus, quibus hodie galæræ nostræ componuntur.

Alij verò putant fieri potuisse, vt plures remigū ordines, alijs remigū ordinibus plerisque in nauigijs subijceretur: quorū nauigiorum, etū nulla in antiquis numis figura videatur, multa tamē de ijs sparsim leguntur, significantia ordines, gradus remigū fuisse, ita vt in biremi duplices fuerint gradus, in triremi triplices & sic de cæteris. Vnde etiā concludendum, in triremi inum remigum ordinem propiorem aquæ, supremum propiorem foris naui, medium inter vtrumque positum. Imis remigibus breuiiores remos, supremis longiores, medijs mediocres. Primos à Græcis thalamitas, supremos thranitas, medios zygitas appellatos. Si enim non ita res se haberet, inquit propugnatores istius sententiæ, cur Vegetius de quinqueremibus loquens, dixisset: *Quinos fortissimum remigum gradus*. Cur istud Virgilijs:

*triplici pubes quam Dardania versu
Impellit, triplici confurgunt ordine
remi.*

Sanè confurgentes remorum ordines dici non possunt de longitudine, longitudo iacet, altitudo confurgit? Quid illa tesseraconteres Philopatris? nonne quadraginta non remium, sed remorum ordines alios super alios assurgentes designat? Quid quòd in ipsis Leonis Imperatoris Tacticis, ita legitur: Vnaqueque naui bellica iustæ longitudinis sit oportet, duas in se habens remorum ordines, alium superiorem, alium inferiorem. Nihilominus vt fatear verum ista

omnia non ita sunt clara, quin facillè intelligi possint de scamnorum ordinibus, quales sunt in nostris triremibus; quorum prior à puppi ad malum, rectè superior; posterior verò à malo ad proram, inferior appellari potest, vt satis patet ex fabrica & compositione triremium, quæ vt versus proram sunt demissiores, ita & versus puppim altiores confurgunt. Contra enim hanc secundam sententiam est argumentum efficax, quod videtur illam reddere omninò improbabilem, imò impossibilem: Si enim semel naui aliqua haberet quadraginta remorum ordines alios super alios assurgentes, qualem fuisse volunt tesseraconterem Philopatris apud Athenensium citato loco, certè non dicam in quadragesimo, sed etiam longè inferiori remorum ordine, tanta deberet esse illorum longitudo, tantaque illius naui altitudo, & latitudo, vt id omnino videatur esse impossibile, alicui vel minimum versato in re nauali.

Vt per longas naues vniuersim intelliguntur omnes illæ, quæ egent remis; ita per onerarias significantur illæ, quæ remis non indigent, sed solis aguntur velis, tot nominibus ferè distinctæ, quot possunt esse diuersa earum munerum, onera, & formæ; sic ad ista duo suprema genera reduci possunt viginti octo nauigiorum modi, vel species, quas refert Gellius lib. 10. cap. 25. illæ quoque, quas explicat Ioannes Rauisius Textor in officina cap. de nauigiorum diuersorum generibus: & Iulius Pollux lib. 1. Onomastici cap. 9. Quemadmodum autem varix sunt nauigiorum species, ita etiam plures sunt eorumdem partes veluti integrales; aliæ enim dicuntur interiores, quæ nauibus sunt, quasi quod ossa corporibus, vt carina & omnia illi annexa; aliæ vero exteriores, siue exterius apparentes; quarū rursus aliæ aquis immerguntur, aliæ supernatant illis, aliæ sunt communes omnibus nauigiorum speciebus, aliæ unicuique propriæ; aliæ sunt necessariæ, aliæ tantum ad ornatum; quarum omnium nomina, descriptiones,

Geometricas proportionē, diuerſoſque uſus uide in hydrographia vniuerſali Patris Fournier lingua gallica, & in hiftoria orbis Maritimi Motiſotti, alijsque authoribus inferius citandis. Tertio tandem ad nauium adminiſtrationem, pertinent magiſtratus, dignitates & officia claſſica. Tantum de arte nautica ex parte materię conſiderate.

Loquendo iam de illa ex parte formę conſiſtentis in modo bene ducendi naues; quia hoc dupliciter fieri poteſt uel moraliter, uel ſolum artificialiter; ad primum pertinent leges Nauales; ad ſecundum ipſamet artis præcepta. Quia autem longū eſſet hic referre leges Nauales, quæ etiam pro diuerſitate nationum ſunt in multis inter ſe diuerſæ, ſolum noto omnes à Rhodijs illas accepiſſe, ita ut ubi lex noua non inueniatur, quæ cum veteri Rhodiorū iure pugnet, ſecundum leges Rhodias de controuerſijs Nauticis iudicari debeat. Quæ autem ſuæ leges Rhodię Nauales, uide in tractatu Jacobi Goſofredi, ad L. De præcætiōe & lib. 1. Orbis Maritimi Claudij Morſotti; item Ferretum de legibus Naualibus. Quod pertinet modo ad rectam nauis gubernationem per præcepta artis, ſiue artificialem, multa ad illam requiruntur; 1. perfectæ marium omnium, illotumque accidentium notitia. 2. præſagiorum tempeſtatum; 3. ventorum, quot ſint eorum differentiæ, quæ parte naſcantur, & ſpirent, quoſque effectus habeant. 4. uariorum Solis & Lunæ tam curſuum, quam aſpectuum; nec non ortus & occaſus quarundam ſtellarum; 5. quæ ſit longitudo, & latitudo loci, ſiue termini à quo nauigatur, & loci ad quem nauigatur; quæ differentiæ inter longitudinem, & latitudinē utriuſque, & tandem quod interuallum itineris marini inter duo iſta loca. 6. uſus Mapparum, ſiue chartarum hydrographicarum, quæ à Geographicis in hoc potiſſimum diſtinguntur, & dignoſcuntur; quod in illis depingi ſolent omnes meridiani inter ſe æquidiſtantes, circuli uerò paralleli æquales; V.g. circulus po-

Biblioth. Theol. Tom. IV.

laris eſt eiſdem cum equatore magnitudinis; at in tabulis Geographicis omnes meridiani in punctis polaribus coniunguntur; circuli autem paralleli, ea, quæ ab equatore recedunt, proportionē minuuntur: de quibus uide lib. 8. Hydrographiæ vniuerſalis Patris Fournier. 6. tandem & ultimo ad nauigationis perfectionem Nauta perfectum habere debet acus, ſiue pyxidis Nauticæ, ſeu verſorix uſum. Acus enim illa lapidis magnetici Septentrionali parte tacta, pixidula coërcita, ita ſuo ſe imperio & ductu in eandem plagam conſtanter vertit: ut uix ullis alijs aut Solis, aut ceterorum ſyderum obſeruatiōibus opus ſit ad rectam nauigationem. Mirum, ſane tam leui compendio, breuiſſimo & obſcuriſſimo nauis in reſeſſu, ad exiguæ lucernæ lumen, plerumque à puero tēpeſtates præuideri, ventorumque ſtatis agnoſci, quos ipſe non ſentit nec audit certò dici, quam plagam teneant, quod nauigent mare, quibus aſtris ſubiaceant, quod totius artis Nauticæ ſumma eſt.

Circa primam pixidis nauticæ inuentionem & uſum diuerſa reperio Scriptorum placita. Goropius enim auctores eius facit Cimbros, ſine Teutones, quia nempe triginta duo nomina ventorum, pixidi inſcripta, ab omnibus nationibus Oceanū incolentibus pronuntiantur lingua Teutonica. Sunt qui Paulum Venetum à Sinenſi nauigatione reducēt, circa annum Domini 1260. ſecrētum illud Italiciſ communicaffe ſcribant; alij ut Merula diſſert. de maribus, acus marinis inuentorem nominant quemdam Melphitænum circa annū ſalutis 1300; quem aliqui Flauium uocant, alij Ioannem Goiam: Nullū tamen ex iſtis fuiſſe primū omnino pixidis Nauticæ inuentorem, apertè colligitur ex eo quod centum fere annis ante illos, iam fuerit illius uſus in Gallia; ut habetur in Antiquitatibus de Faucher, qui libro de origine linguæ & Poëſeos Gallicæ refert uerſus cuiusdam Guidonis de Prouines uiuentis circa annum Domini 1200; ubi poſt Poli arctici deſcriptionem uerſibus

Ccc 2

fa-

factam, quinque alijs pixidem nauticā describit, quam lingua Gallica vocat *la Marinette*; Vocabatur etiam à maioribus nostris *calamita*, quæ lingua Gallica significat propriè ranam viridem; eo quod ante acus nauticæ suspēdendæ inventionem, pro vt sit modo, illa clauderetur in phiala vitrea aqua ad medietatem vsque plena, cui instar ranæ, operis sugari, vel alicuius alterius rei supernatabat; Hugo Bertius qui tempore S. Ludouici florebat, eoq̃ fere, quo prædictus Guido de Prouines, asserit illius ætatis Nautas prædicto artificio vsos fuisse, vt nocturno tempore partem orbis Septemtrionalem cognoscerent; cuius vsum adhuc retinēt Chineses. Porro cum duo præfati Scriptores Guido & Hugo, tam expressam pixidis Nauticæ mentionem faciant, nec de illa tanquam de nouo suorum temporum ad nauigandum inuento loquantur; concludendum existimo antiquissimū esse pixidis nauticæ vsum, nec inter noua horum temporum inuenta esse reponendum. Et certè, vt omittam modo Tyrios & Phœnices, quos ex scriptura Salomon nauigationis, sueque classis duces adhibuit, vt dicetur infra; quis elegantius modo pixidem nauticam describeret, quàm fecerit Plautus in Mercatore

Hic secundus ventus nunc est, cape munda Versoriam,

Hic Fanonius serenus est, hic Austrum Ambricus,

Hic facis tranquillitatem, hic omnes fluctus conciet.

Quod enim aliqui dicunt, nihil aliud per versoriam Plantū intellexisse, quàm funem, quo velum vertitur; sine fundamento videtur asseri; hanc enim explanationem nec antecedentia, nec subsequētia petunt verba; secundò funis & clauus non sunt fæminini generis; tertio quia si iam pixidem nauticam describere vellemus, nec clarioribus verbis vti possemus, nec magis propriè illam vocare, quàm nomine *Versoria*. Vide Ioannem Pineda de rebus Salomonis lib. 4. cap. 15. in fine.

Quia autem ad huius pixidis, siue acus nauticæ constructionem, rectumque vsum plura requiruntur; quæ longum esset prosequi, & extrā præfens institutam, in quo breuem tantum omnium scientiarum & artium ideam tradere volumus, vt innotesceret quanta sit vniuscuiusque utilitas ad completum & perfectum sacre doctrinæ studium, quantumque vicissim ab illa desumant luminis singulæ disciplinæ circa propria sua obiecta; de illis consulendi sunt authores, præsertim hydrographia vniuersalis P. Fournier; V. g. qualis, siue cuius materię & formæ, vel figuræ debeat esse acus nautica, quomodo suspēdenda, quomodo lapide magnetico cōfricanda, cuius ideo virtutes & proprietates sunt necessariò præcognoscendæ; quod facilius habetur, si in figurā sphericam efformetur, si quidem in illo sic efformato præcisè deprehenduntur Magnetis axis, poli, & æquator: Cum enim ceteræ res naturales pro maiori parte sphericè agant, hoc est suam vndequeque virtutem æqualiter communicando; hoc tamen magnetis est propriū, vt totam suam vim & efficaciam, in vnā colligat lineam rectā, duobus punctis terminatā, quibus tanquam ex duobus centeris, suam extra prædictam lineam diffundit virtutem. Propterea hæc linea in magnete vocatur axis illius, vel longitudo virtutis magneticæ: duo verò puncta illam terminantia, quia nullibi magis, quam in illis virtutis magneticæ viget efficacia; dicuntur poli, vnus Septemtrionalis, quia ad polum arcticum vergit; alter meridionalis, vel australis, quia ad Austrum. Appellatur autē æquator, illa pars magnetis æquidistans à duobus polis. Ad quod totum in lapide magnetico dignoscendum, sumi debet pars acus communis, longitudinis grani Hordeacei, transferrique super diuersas magnetis partes; & duo loca vbi manebit recta, duo erunt illius poli, axis verò linea rectè ab illis ducta. Cum hoc autem totū in alijs valdè imperfectè, solum in magnete spherico per-

perfectè dignoscitur; in quo etiam axis virtutis est eadem cum axe magnitudinis, dummodo lapis sit perfectè homogēneus, quod valdè rarum est; in eo similiter non sunt plures poli, quàm duo, cum tamen in lapidibus magneticis nōdum elaboratis, aliquando reperiantur plures, præsertim si sint valdè irregulāres; quod provenire non potest ex eo quod duo sint lapides distincti, in vnā tantū massā coalescentes, vt posset aliquis dicere; cūm experientia constet illos etiam reperiri in lapidibus magneticis perfectè homogēneis. Vniuersū axis, & poli lapidis magnetici mutant locum, si frangatur, vel ab eo pars aliqua separatur.

In magnete tres sunt potissimum virtutes, scilicet attrāctiua, directiua & inclinātiua; quæ tam in ipso, quā in alijs rebus magneticis, præsertim in acubus, seu linguis à magnete tactis deprehenduntur; Virtus attrāctiua habens pro obiecto, vel ferrum, vel alium lapidem magneticum, reperitur in omnibus magnetis partibus; maior ramen & perfectior in axe, deinde in polis; minor autem in equatore quā in cæteris partibus: talis autem virtus communicatur dumtaxat illi ferri parti, vbi desinit cōfrictio; Vnde si quis cultrum lapidis magnetico cōfricando inciperet ab eius cuspide successinē vsque ad manubriū; nullam talis cuspidis in attrahendo ferro vim haberet; imo illam perderet, si prius ea prædita fuisset. Virtus directiua in magnete, rebusque magneticis, nihil est aliud, quā simplex quædam qualitas illis insita, quā suis polis mundi polos affectant, & parallelō ad mundi axem sitō, suo axe exporriguntur. Circa autem notum huius virtutis communicationem; norandum acūm chalybeam supra axiculo cui incumbit mobilem, magnetis lapidis polo Notio siue Australi, ea parte tangi, & tingi debere, quā Boream, siue Septentrionem sit designatura; & contra eiusdem lapidis polo Boreo fricari, quā parte acus illa in Notum inclinatura sit; atque ita ea semper Boreā

inert & Notum exporrigitur. Melior autem modus communicandi illi talem virtutem erit, si vnico motu & versu ducatur longitudo acus super axem magnetis, parumque firmetur super vnū ex polis, illius extremitas; si enim medium ab vno ex polis fricaretur, tunc nullam haberet vim directiuā; aut si illam prius habuisset, per talem fricationem, mutari non posset. Quod autem dicunt aliqui, transactō æquatore in altero Hemisphærio, partem acus Australem ad Austrum ita tendere, vt iam directio nauigantium ad Austrum sit, non autem ad Septentrionem, est falsum; cū etiam transmissō æquatore, vergat mouearque in Septentrionem acus, etiā si non videatur Septentrio, inclināque etiam in amatum absentem, cui vigilat. Similiter est falsum, quod lapis magneticus ad alios præter duos prædictos polos vim directiuā habeat; vt si V. g. Orientali magnetis parte tangatur acus, vergat ad Orientem; insuper, quod lapis magneticus perfectè sphericus, & homogēneus super suos polos liberè suspensus in duobus lineæ meridianæ punctis, secundum elevationem polarem loci, sphericè moueatur sequendo motum cæli spatio 24. horarū; merum est commentum, & contra experientiam.

Verum licet prædictarū magnetis virtutum notitia valdè conducere possit ad rectam navigationis institutionem; præ omnibus tamen necessaria est nauis cognitio declinationis acus magneticæ, quæque ex parte fiat. Quamvis enim magnes, resque ab illo tractæ, vbi liberè mouentur, insita sibi vi & facultate, suis polis mundi polos affectent: nihilominus tamen modō à Septentrione in ortum, aliquando in occasum aliquos gradibus declinare, idque occultā & latente aliqua de causa, iam diu experientia comprobauit. Sic igitur magnetis declinatio nihil est aliud, quā distantia Horizontalis inter verum meridianum; & meridianum magneticum, siue quod idem est, differentia inter verum Septentrionem & punctum ab acus magneti-

gneticæ cuspidè indicatur. Quæ si contingat versus occasum, vocatur declinatio Occidentalis, si autem versus ortum, declinatio Orientalis. Quia tamen huiusmodi declinatio nullum certum ordinem, nullamque regularem proportionem seruat; imò pluribus in locis etiam ad inuicem vicinis, plurimæ illius reperiuntur differentię; ideo vocatur variatio acus magneticæ; vide aucthores qui de hac re scripserunt. Solum noto esse, qui doceant, acum maritimam confici posse absque magnete, quæ nunquam variet. Si in incude, notetur Septentrio, supraque rectam lineam acus chalybea fingatur, facie ad meridiem, conuersa, ut cū ducitur sub malleo chalybs ad faciendam acum, eam versus te & boream trahas. In hunc modum acus formata, suo genio polum notabit, & quidem sine vlla variatione, quod ingens est mystetium, imprimente cælo facultatem magneticā subiecto appropriato, secundum imaginationem fabricantis, nam casualiter, & iascio fabro hoc fieri, multi negant, interiori entitatis, & phantasie, veluti obsequium astris præbentibus. Tandem de Hydrographia.

De Anemographia.

AD tertiam Cosmographiæ partē spectat Anemographia, siue ventorum descriptio, quæ pro ut sit in tabulis Cosmographicis, quia potissimum nauigationi inseruit, ideo omiſſis alijs, quæ circa eorum naturas, proprietates, & causas iam breuiter suo loco superius insinuauimus, tantum hic agemus de ventorum sectione, & vsu in ordine ad artem Nauticam. Cum igitur veteres Nautæ quatuor dumtaxat ventos ponerent, alij 8. alij verò 12. quorum quatuor Cardinales seu principales erant, reliqui Collaterales; iam Hydrographi recentiores ad exquisitiorem nauigandi rationem spectare putarunt, ut in multo plures regiones ventorum, terræ marisque superficiem distinguerent. Itaque 32. ventos ponunt; quorum quatuor, qui

cardines occupant, cum veterum descriptione congruunt, Eurus seu Subsolanus, qui stat ab Oriente; Zephyrus seu Fauonius, qui stat ab Occidente; Notus seu Auster, qui stat à Meridie; Boreas seu Aquilo, qui stat à Septentrione; per hos ergo quatuor ventos primum diuiditur index nauticus in quatuor quadrantes, tanquam quatuor Horizontis partes, quatum quælibet continet nonaginta gradus. Singuli verò hi quadrantes ratione circulorum verticalium diuiduntur in octo lineas, vnde per quadruplicatam numerū totus index nauticus diuiditur in 32. lineas; quarum quælibet denotat nouum ventum, qui agit naui in diuersas mundi plagas; ut ad oculum patet ex schemate; quod pyxidi & chartæ nauigationis inseri solet: In quo etiam hoc præstat ut cogita, differentia longitudinis, & latitudinis duorum locorum, facili sciri possit, in quam cæli plagam dirigenda sit prora, ab vno loco in alium nauigantibus, aut quo vento duce eo sit tendendum. Locus enim à quo abeundum est, in centro schematis constituitur: deinde differentia longitudinis in superiori ordine, & inferiori numeratur à media linea dextrorsum, si longitudo loci ad quem tendimus maior sit, aut magis à ortum tendat: ab eadem verò linea sinistrorsum, in vtroque ordine, si minor longitudo fuerit, aut occidentalior numeratur; acque his punctis sic inuentis regula applicatur, aut filum extensum. Eodem modo differentia latitudinum numeranda est in dextro & sinistro ordine quadrati, à media linea sursum, si latitudo secunda in Boream maior fuerit: deorsum verò si latitudo loci secundi minor fuerit aut magis australis; idque vtrumque ex oppositis lateribus sic faciendū, deinde & ex his quoque punctis filum extendendum est, aut regula applicanda; & ubi duæ hæ regulæ, aut fila dgo se se secuerint, ibi secundi loci ad quem tenditur, situs imaginandus est. Demum centro regula applicata, & loco iam inuento, ostendet eandem mundi plagā, in

in quam prora dirigenda est nauigantibus in illum locum; regione verò ventus indicatur, quo duce opus erit.

Hactenus de Cosiographia, eiusque partibus; iam videndum est quantum conducat ad sacrę doctrinę studium. Primum ea ratione, qua sicut historia, est oculus prudentię Politicę, ita Geographia vocatur oculus historię, plurimum refert ista Cosmographię pars, ad intelligendas omnes illas Sacrę Scripturę partes quę historię dicuntur. In hunc finem Benedictus Arias Montanus in apparatu sacro ad Biblia Plantiniana; descripsit duas Tabulas Geographicas, quarum vna est vniuersalis, habens pro titulo, Sacrę Geographię tabula ex antiquissimorum cultorum familijs à Mose recensitis ad sacrorum librorum explicandorum commoditatem descripta; Alia verò particularis, siue Chorographica; est terrę Israel dumtaxat ante Canaan dictę in tribus vndecim distributę accuratissima, & ad sacras historias intelligendas opportunissima cū vicinarum gentium adscriptione tabula & exactissimo mansionum 43. situ. Habetur quoque Christiani Adrichomij Theatrum Terrę Sanctę, & Bibliothecarum Historicarum, cum tabulis Geographicis ære expressis, Colonię apud Hermanum Mylium, 1612. Item eiusdem authoris, Ierusalem sicut Christi tempore floruit, & subvrbano, insigniorumque historiarum eius brevis descriptio. Cui adiuncta est topographica delinatio ad viuum æneis formis expressa Colonię 1593. Michaëlis Ainsingeri terrę promissę topographica, atque historica descriptio Colonię 1502. Superioribus quoque sæculis Venerabilis Beda tertio suorum operum tomo scripsit de situ Hierusalem; Burchardus verò Monachus Germanus descripsit Terram Sanctam, & regiones finitimas. Tandem ad Geographiā pertinet illud Salomonis Sapientię 7. dicentis: *Ipse dedit mihi horum, quę sunt, scientiam veram, ut sciam dispositionem orbis terrarū.* Quanquam enim hoc, ex proprietate

Gręca, pro compositione, vel constitutione mundi ex elementis opportunę accipiendum videatur, sequitur enim, & virtutes elementorum, tamen *Sylfasis*, & *dispositio* significant etiam cōstitutionem partium mundi, & cuiusque regionis, atque provincię, suis locis & sedibus positionem.

Ad hydrographiam quoque spectat primum arcę, vel nauis Noeticę constructio, & descriptio. Secundò varię tam in veteri, quam in nouo testamento recensitę nauigationum historię; in primis verò Salomonis lib. 3. reg. cap. 9. & 10. de quibus, quia ad longum, & accurate tractant interpretes Sacrę Scripturę ad illa loca; præsertim verò Serloghius in Cantica, & Ioannes Pineda, lib. 4. de rebus Salomonis, vbi inter alia ostendit fuisse ipsi exploratam magnetis & acus magneticę virtutem; non est quod in hoc diutius immoremur. Typum quoque arcę Noeticę mathematico artificio demonstrauit Ioannes Buteo. Tandem ad Anemographiam pertinent innumera Sacrę Scripturę loca, in quibus quātor quoque ventorum, qui præcipui ac principes sunt, mentio fit. Ac in primis ventus ille vocatus vrens Hebraice dictus *Ruach Kadim*, de quo Exodi 10. vers. 13. dicitur; *Et extendis Moyses virgam super terram Aegypti, & Dominus induxit ventum vrentem tota die illa, & nocte*: Ventus erat Orientalis, quod vox Hebraica *Kadim* satis demonstrat, quę orientem significat. Sed cum tres sint venti Orientales, nēpē Subsolanus, & Vulturinus ad partem Aquilonarem, qui & Euroaquoilo dicitur, & Euris ad plagam Meridionalem vergens, qui & Euro Auster vocatur per ventum vrentem hoc loco intelligitur ventus Orientalis Euro Auster. Sicque intelligendus locus ille Ieremię 18. v. 7. *Sicut ventus vrens dispergam eos coram inimico*, &c. qui Auster etiam dicitur Psal. 77. voce enim Hebraica *Kadim* significatur: nam cum in eodem versu statim eius fiat repetitio, vocatur *Theman*, quę vox Austrum siue Aphricum

cum propriè significat, ubi legimus: *Et transfudit austrum de celo, & induxit in virtute sua Aphricum*. Accipitur ergò ibi Ausus, siue Aphricus pro Euro austro, qui dicitur Kadim, quod ad Orientem vergat, & vrens, quia vicinus est Austro, qui in Orientalibus potissimum plagis est ardentissimus; Ovidius.

Lethiferis calidi spirantur assibus Ausfri.

CAPVT XXI.

Quantum conducat ad Sacra doctrina studium Architectonica, singulaque eius partes.

INter scientias Geometriæ subalternas tertio loco repono Architectonicam, post Vranoscopiam, & Cosmographiam; quæ quantitatem, & Symmetriam corporis artificiosi contemplantur, præsertim verò ædificiorum; Et si enim Architectonicæ, siue fabrilis artis species variz sint, cum nomen sit generale ad omnes, qui artificiosè operantur in materia aliqua dura, seu lapidea, lignaria, ferraria, aurea, argentea, &c. à quibus etiam fabri cum additione materiæ, in qua operantur, dicuntur; nihilominus tamen Architectonicæ, vel Architecturæ nomen in specie ad ædificandi artem, quæ ædificia propriè dicta, ad conuersationem hominum accommoda fabricat per excellentiam transfertur: quandoquidem illa omnes ferè fabros habet sollicitos. Ministri enim illius sunt & cæmentarij, & qui ex lapidicinis exerunt lapides, marmora, quique illa scindunt, & poliunt; qui pinant, fingunt, formant, & decoquunt lateres ex terra. Adsunt eidem fabri lignarij, qui trabes ruderant, poliunt, dolant, disponunt, & contabulant: scalas componunt, vel recti itineris, vel cochliedes: fenestras, ianuas, cancellos, & cætera huiusmodi parant. Subseruiunt etiam fabri ferrarij, qui clauos, virgas ferreas, pessulos, clathra, veres, ferras, & similia conficiunt. Tandem quia ædificandi ars

non tantum ea, quæ necessitati habitationis, & locationis, sed & quæ ornameto inseruiunt, statuas scilicet diuersarum materiarum, imagines, columnas efficit, sub eius quoque vexillo symbolum dant pictura, ars statuaria & plastica, alizque similes. Quod pertinet ad primam illius originem; vnà cum mundo nascente natam, nulli dubium esse potest. Ex quo enim Paradisi amnitatem, & cum ea omnem temperiè homo per peccatum perdidit, iniurias & tempestates acris, alternasque brumæ redeuntis vices declinare, naturæ instinctu edoctus, rudi opere tecta, domosque, quæ Poëta teste antra fuerunt, ab initio edificauit; sic vt Cain describatur Genes. cap. 4. ædificasse ciuitatem, quam nomine filij sui Henochiam appellauit.

Dux sunt principales Architecturæ partes, vna generalis, altera specialis. Sub generali illius contemplatione sunt principia ædificij, & affectiones membrorum illius. Vbi per principia ædificij intelligimus materiam, & formam ædificiorum: Materia autem alia est ex qua, alia in qua, locus scilicet ædificij; materia ex qua iterum est duplex, productionis nimirum, & constitutionis; materia ex qua productionis veluti magis principalis, sunt ligna, lapides, calx, arena & similia, minus autem principalis metallum, vitrum &c. materia ex qua constitutionis sunt ipsæmet ædificij partes, quæ vel sunt necessariae, seu sunt tres: infima, vt fundamentum; media, vt parietes; summa, vt tectum: vel minus necessariae, vt partes reliquæ. Forma etiam ædificiorum est duplex, realis vna, exemplaris altera; forma realis nihil est aliud, quam ordinata, disposita, distributa, mensurata, ornata & decens ædificiorum constitutio. Sex enim illæ res, videlicet ordinatio, quæ Græcè τάξις dicitur, dispositio, quæ διατάξις, Eurithmia, symmetria, decor, & distributio, quæ διαμετρία; sex, inquam, res istæ, quibus constare Architecturam dicit Vitruuius lib. 1. cap. 2. illæ sunt, quæ ad rationem ejus pertinent, quarum habitus

bitus in mente Architecti collocatur, atque adeo, sine quibus extra nihil habere formam poteris, & perfectionē. Forma enim vniuersa omnium, quæ ab Architectura fiunt, consideratur vel in se, vel comparata; si in se, rursus vel secundum quantitatem, vel secundū qualitatem; si secundum quantitatem, siue quod idem est, secundum quod res ab Architectura inspectæ, partes & magnitudines sunt; vel secundum ordinem accipiendæ quantitatis, & sic est *ordinatio*, quæ definitur à Vitruuio, *modica membrorum operis commoditas separatim*, id est moderata partium aptitudo; vel secundum responsum quantitatis, siue partium ad inuicem, & sic est *symmetria*, quæ definitur, *ex ipsius operis membris conueniens consensus, ex paribusque separatis ad vniuersa figura speciem rata partis responsum*. Symmetria enim est ordinis pulchritudo, quemadmodū Eurithmia dispositionis: non enim satis est mēsuras vel partes ordinare, hoc est aliam ante aliam ponere, sed necesse est illas inter se conuenire, id est aliqua proportionē inuicem respondere. Iam si consideretur secundum qualitatem Architectura, siue secundum quod res ab illa inspectæ, sunt qualitate aliqua affectæ, sic est *dispositio*, quæ definitur, *rerum apta collocatio, elegansque in compositionibus effectus operis cum qualitate*. Dispositio enim partes comparat non tanquā magnitudines, sed tanquā res suo loco collocandas, non enim sat est mensuram inuenire moderatitern omnium magnitudinum, sed opus est etiam inuenire ordinem quemdam eius rei, quæ partes habet; non comparando partes tanquā magnitudines, sed tanquā res, ipsa propria positione, situque ordinandas. Quia autem dispositio casu, necessitate, & arte fieri solet, de artificiosa nunc locuri sumus: tantum de forma in se consideramus.

Iam si vt comparata consideretur; vel erit ad aspectū, & sic est *Eurithmia*, quæ definitur, *operis venusta species, commodusque in compositionibus membrorum*
Biblioth. Theol. Tom. IV.

effectus. Quia autem Eurithmica à Rithmo deriuatur, notandum est Rithmum triplici modo dici, primo de rebus immobilibus, vt eurithmos statua, ædificiū, templum; secundo de ijs quæ mouentur, vnde eurithmos ambulare dicimus, tertio de voce, & sic propriè rithmus est recta figurationum ordinatio: Rithmus etiam solo visu, vt in saltatione, solo auditu, vt in cantu, sola tactione, vt in pulsu sentitur. Vel ad id quod decet, & sic est *decor*, qui definitur, *emendatus operis aspectus probatus rebus compositis cum authoritate*. Cum autem decorum sit apta rerum proprietas, ratione triplici perficitur. Statione, consuetudine & natura. Decor in statione est apta collocatio operis iuxta naturæ proprietatem illius rei, cuius gratia opus constituitur: in consuetudine est obseruata vsu partium decetia: in natura est electio loci, vel rei, quæ à naturæ conditionibus dignitatem parit. Vel tandem ad vsu, & sic est *distributio*, quæ definitur, *copiarum locique commoda dispensatio*: habita videlicet ratione facultatū ædificantis, materiæ, quæ inueniri potest, rei ædificandæ, aliter enim vrbana, aliter rustica ædificantur, aliter diuitū, aliter pauperū ædes, aliter parietes firmiores qui duas, vel plures contignationes ferre debent, quam qui vnanī & sic de cæteris. Hactenus de formā reali ædificiorum sex prædictis rebus conſtante. Nunc de formā exemplari, quæ nihil aliud quam graphica dispositionis ædificiorum representatio; sic quia in rerum colloccatione Architectus tres habet ideas, & formas in mente priusquam opus aggrediatur, quas postea exemplo deducit ad opus: vna est vestigiū, altera frōntis, tertia partium abſcedentium; hinc triplex datur formā exemplaris: priorem vocant *Isographiam* quasi vestigiij descriptionem, secundam *Orthographiam*, quasi rectam rerum deformationem, postremam *Sciographiam*. Ex his, quæ operum formæ prius mente conceptæ, postea in tabulis lineamentis, elegans ille effectus operum profici-

ciscitur. In Icnographia, quam nostri plantam vocant, eo quod ædificaturi solent, aut in tabulis, aut in papyro, aut etiam in solo describere vestigiū futuri ædificij, est ortus; in Orthographia est augmentum, in Sciographia, vel vt alij volunt Scænographia, est operis perfectio, quibus in rebus aduertendum est, idem esse debere quod crescit, & quod oritur, quemadmodum in operibus naturæ, plantis, animalibus, & reliquis, nam à solo omnia oriri debent, & in solido collocari; Ex dictis satis patet affectiones membrorum, esse conuenientiam & proportionem indeque resultantem elegantiam.

Vtigitur in omni re quatuor distinguimus causas, effectricem, quam & agentem & motricem appellant, finem, formam & materiam; ita in Architectura, causa efficiens erit Architectus omnibus artis regulis, ac præceptis perfectè instructus; *formalis*, ordinatio, dispositio, symmetria, Eurithmia, decor & distributio; *finalis*, tempestates, ardoreque vitare, & domi recto frui, omnis enim ars ad finem vitæ vtilem tendit; Materialis tandem remora, omnia illa, ex quibus tanquam ex partibus integratibus coalescit fabrica, proxima verò, quæ, non iam fabricæ, sed potius artis materies appellari debet, sunt ædificatio, Gnomonica, & Machinatio. Materies enim artis vel ad necessitatem, vel ad modum, vel ad iucunditatem referenda: necessitatem absoluit Aedificatio, modum Machinatio, iucunditatē Gnomonica. De prima agit Vitruuius octo primis libris, de Gnomonica nono, de Machinatione decimo: tantum de Architectura generaliter sumpta.

Architectura specialiter considerata, vel est sagata, seu militaris, vel togata seu ciuilis. Prima versatur circa arces, & castrum, quod est munitiuncula quedam campestris; Arces autem vel sunt regulares, vel irregulares; in regularibus, quod idem proportionaliter de irregularibus dicendum est, tria sunt considerata, descriptio, representatio,

& inquisitio canonica angulorum & linearum, typica è tabula. Descriptio comprehendit 1. figuram, quæ Tetragona, Pentagona, vbi anguli centri, Poligoni; lineæ, tum latera, tum radij; secundo propugnaculum, cuius distantia, cortina; requisita, partes, & defensio; sub partibus lineæ, collum videlicet, facies, ala, linea capitalis; & anguli propugnaculi, lineæ capitalis & lateris, ab alis & faciebus alæ. Sub defensione, linea defensionis, anguli defensionis, defendentes exterior, interior. Architectura ciuilis, seu togata versatur circa alia omnia ædificia, tam publica, quam priuata. Cum enim natura comparatum sit vt singuli singula, aut aliqua, nullus omnia possit, indigentia homines vnà compulsi, ac in vnum certum congregauit: hinc societas illa, quæ ciuitas appellatur, quæ multitudo est quedā villitatis causa in locum vnum congregata. Hanc multitudinem vniuersam possumus cōsiderare, vel ea ratione, quæ multitudo est, vel quatenus in ea aliquis excellat, & præstet, alij non: si multitudinem vniuersam respiciemus, vt pro eius salute & securitate, urbem illi condit. Architectura militaris munitam mœnibus, propugnaculis, fossa, valloque &c. ita, ciuilis pro commoditate, vias, pontes, cloacas, angiportus, & huiusmodi, quæ ad omnium commoda pertinent, primū ædificat: si verò præstantes, & excellentes ex ea multitudine deligamus, inueniemus alios digniores, & potentiores esse, alios minus dignos, & potentes, & inter dignos potentesque, vnum aut plures; si vnus, aut electione aliorum, & legitime præerit ille, aut vi & contra leges; si legitime præerit, princeps verus, & legitimus; si violenter tyrannus perfidus appellabitur: intuitu finis vtriusque Architectura propriæ ædificationis rationem habere debet: Principi Regiæ vel aulam, tyranno arcem constituent inter digniores, & potentiores, alij diuino cultui, ac religioni dedit inueniuntur, alij extra religionis obseruantiam; ex his alij foris, alij domi virtutis suæ, &c.

admi-

administrationis præstantiâ exercebunt. Qui foris erunt, vel maritimis rebus, vel terrestribus copijs pro republica præerunt: illis portus, stationes &c. his castra, & arces constituet pars Architecturæ militaris: Qui domi manent excellentesque sunt, vel ciuilibus contouersijs, & criminibus, hoc est iudicijs præsunt, vel consilijs & deliberationibus de republica interfunt: iudicibus forum, Senatoribus curia constructa est, atque ita consultum erit his, quibus non est cura, cultusque religionis demandatus. Sed Religiosis & Ecclesiasticis viris ædes sacræ, tana, hospitalia, claustra & huiusmodi alia sunt comparanda vsu decencia, commodisque seruientia. Publicis operibus deseruiunt vtiliter armamentaria, emporia, æraria, horrea, munitiones, thermæ: honorificæ, arcus triumpales, sepulchra, metæ, obelisci, trophæa, pyramides: iucundæ, theatra, amphitheatra, naumachia, circi, inambulationes, xisti, palæstræque: iustæ, carceres & huiusmodi loca quibus rei contumaces, malique detinentur: atque hæc sunt quæ edificationi publicæ inferuiunt. Priuatim verò ciues, & artifices, agricolæque sunt considerandi, quibus ædificia pro cuiusque conditione, vsu & commoditate parari debent in vrbe, extra urbem, & ubi opus sit.

Ad hanc quoque Architecturæ partem, inter alia potissimū spectant, quinque diuersa columnarum, indeque nata ædificandi genera, quorū tria sunt Græca, Doricum, Corinthium, & Ionicum; quartum vocatur Tuscanum, quod prima Architecturæ hospitia in Etruria fuerunt. Legitur enim Etruriæ regum monumenta, & ædificia plura fuisse magnificentē constructa. Quintum est Compositum, sic dictum quia partim ab Ionica columna, partim à Corinthia sua mutatur ornamenta. Sed de his satis, plura consuli possunt apud autores inferius citatos; iam videndum est, quantum illorum notitia cōducatur ad sacræ doctrinæ studium.

Primum si sapientiæ, ac scientiæ nobis
Biblioth. Theol. Tom. IV.

mine insignitur Architectura, Vitruuius nimirum sic definit, *Architectura est scientia, pluribus disciplinis, & varijs eruditionibus ornata, cuius iudicio probantur omnia, quæ à cæteris artibus perficiuntur opera*; concordant quoque huic definitioni plura sacræ Scripturæ loca Exodi 31. *Implemi Beseleel spiritu Dei sapientia, & intelligentia, & scientia in omni opere, ad cogitandum quidquid subreferri potest, ex auro & argento, & arte, marmore, & gemmis, & diuersitate lignorum.* Isaia 3. *Sapientem de Architectis &c.* & Pauli 1. Corinth. 3. *Secundum gratiam Dei, quæ data est mihi, ut sapiens architectus fundamentum posui.* Architectos autem merito sapientes vocari probat D. Thomas 1. contra Gentes cap. 1. Villalpandus in Ezechiel. tomo 1. parte 1. lib. 2. cap. 1. & 2. Ad formam exemplarē, siue quod priusquam ad fabricam molendam manus admoueretur, illius prius exactam descriptionem, vel Iconographicam, vel Orthographicam, vel Scenographicam facere debeat Architectus, ut omnia bene ordinata, disposita, & commodolata, & non solum ad humanos vsus accommodata, sed etiam ad speciem vcnusta, existant; facit illud quod Ezechielis cap. 43. ubi de templo sermo est, dicitur: *Figuram domus & fabricæ eius, exitus, & introitus, & omnes descriptiones eius, & vniuersa præcepta eius, cunctumque ordinem eius, & omnes leges eius ostende eis, & scribes in oculis eorum: ut custodiant omnes descriptiones eius, & præcepta illius.* Quod etiam dicitur Isaia c. 49. *in manibus meis descripsi te*; aliqui trahunt ad præuiam ædificiorum descriptionem, inter quos Arias Montanus, & Deltio iuxta adagia, adagio 7. Quamuis secundum alios interpretes videatur potius esse figuratus loquendi modus, quo significetur cura alicuius perpes, sollicita, & nunquam immemor; non fecus ac si in manibus ille inscriptus haberetur, aut in annulo esset insculptus, iuxta veterum morem, cuius meminit Plinius lib. 35.

Ad materiam ex qua ædificiorum faciunt sacræ Scripturæ loca, ubi dicitur
D d d 2 fuisse

fuisse lapides 2. Paralip. cap. 2. Isaïæ c. 9. *sed quadris lapidibus ædificabimus: vnde non est dubitandum, quin inagnifica, opulentiorum civium domicilia ex lapide quadrato fierent, aut certe marmoribus artificiosè scælis, & sculptis, vt etiã nunc fit ornamentum. Laterum quoque ex luto fistilium, & igne in fornacibus duratorum, ad vsum ædificiorum, mentio est in sacris litteris, & fornacium ad illos excoquendos paratarum. Laterum quidem, & coctorum laterum apud Isaïã cap. 9. & 16. & muri lateritij Ierem. 43. fornacis verò lateritiæ, id est ad excoquendos lateres destinatæ mentio est lib. 2. Reg. cap. 12. cùm de vltione sumpta de Ammonitis sermo est, & traduxit eos in typo laterum: Vatablus vertit, coniecit eos in fornacem lateritiã, vel calcariã; in qua scilicet coquuntur lateres vel calx, vt locum hunc explicant Serarius, Sanchez, Cornelius & alij. In Genes. cap. 11. vbi de celebri illa turri Babel est sermo, dicitur adhibitos ad illius structuram lateres, non autem lapides: Venite, inquebant illius ædificatores, faciamus lateres, & coquamus eos igni, habueruntque lateres pro saxis, & bitumen pro cemento. Pererius hunc locum explicans, quatuor affert causas, propter quas ex lateribus ædificata fuit turris Babel. Quarum tres pertinent ad Architecturæ considerationem. Prima fuit penuria saxorum in campo Sennaar, nam cum sit regio cãpestri & plana saxis non abundat. Aptè ad hunc locum Vitruuius lib. 1. De ipso, inquit, muro è qua materia struat, aut perficiatur, ideò non est præsumendum, quod non in omnibus locis, quas optamus copias, eas possumus habere. Sed vbi sunt saxa quadrata, siue flexa, siue cementum, aut coctus later, siue crudus, his eris utendum. Non enim, vt Babylone abundantes liquido bitumine, pro calce & arena ex latere cocto fulli habent murum, sic item possunt omnes regiones, seu locorum proprietates habere tãtas eiusdem generis utilitates, vt ex his comparationibus ad æternitatem perfectius habeatur vitio murus. Hæc ibi Vitruuius.*

Alterã ratio fuit commoditas faciendi plurimos & optimos lateres. Tertiã, quod solidius, ac firmitus, diuturniusque esset ædificium; Hanc structuræ ratione à diuturnitate laudat Plinius lib. 35. cap. 14. cum ait: *Græci præterquam vbi è silice fieri poterat structura, parietes lateritis prætulere, sunt enim æterni, si ad perpendicularum fiant, ideò & in publica opera, & in regias domos adduntur.* Per quod facilè intelligitur locus ille Isaïæ cap. 16 vbi ita de Moabitibus sermo est, quasi sibi propter muros ex lateribus constructos placerent, dicitur enim: *His qui latantur super muros colli lateris loquimini plagas suas.* Nec sanè immeritò videntur muris illis gloriosos fuisse, nam 4. Regum cap. 3. vbi de Moabitarum excidio fit mentio, ita omnia euerfa dicuntur, vt tamen muri fistiles remanerent, quod fortasse eos demoliri, & subruere nimis esset operosum, materia benè cocta, & diuturnitate durata operis contumaciter resistente.

Ad illud quoque Exodi cap. 5. vbi primùm mentio fit palearum ad lateres conficiendos adhibitarum; quæri potest quis secundum Architecturam vsus earum esse potest; quod enim dicunt aliqui ex paruis paleis accësis coctos fuisse lateres, & hoc pacto solidatos & duratos; videtur ob stare, quod tenuitas ignis ex paleis satis virium non habuisset, ad luti aut argille humorem excoquendum. Barradius igitur lib. 1. itinerarij ait paleas luto fuisse permixtas, ad maiorem certè laterum, indeque ædificiorum firmitatem, vt passim iam Scripturæ interpretes omnes docent; sed putat Barradius lateres igni non fuisse decoctos, sed tantum siccatos ad solem; cuiusmodi sunt in Hispania, & Lusitania, & appellantur *Adones*. Bonfrerius tamen in cap. 5. libri Exodi comperimus, esse ait multis locis etiam ijs lateribus admisceri, qui igne excoquuntur, & solidantur, quod tunc fit, cum ad lateres conficiendos utendum est terra figulari pinguiore, minimèq; porosa, tunc enim adduntur paleæ comminutæ, vt his per

ignem

Sectio VII. Caput XXI. 397

ignem exustis, laterum materia porosior fiat, & vim ignis ferre possit, quæ si non adderentur magno crepitu lateres omnes in partes dissilirent, & frangerentur. De paleis, quæ lateribus admiscerentur sermo est apud Vitruvium lib. 1. cap. 3. & 4. Per quod illustratur Ezechielis sermo metaphoricus, cum ait cap. 13. *Ipse edificabat parietem, illi autem lineabant eum luto absque paleis. Dic ad eos qui liniunt absque temperatura, quod casurus sit, &c.* Lutum enim, seu arenatum, ut rectè conficiatur, & parietibus cratitijs firmè adhærescat, debet esse acerratum, ut loquitur Festus, hoc est, ut ipsemet explicat, cum paleis mixtum, sive paleatum, ut Columella loquitur lib. 5. cap. 6. Quod in textu dicitur, *absque paleis*. Aquila vertit, *sine sale*, quia ut caro non salita insipida est, & soliditatem non habet, sic nec lutum sine paleis. Vel etiam Aquila locum Prophetæ non de luto aut arenaro intellexit, sed de albario ex calce, quod non est idoneum ad liniendum, nisi calx pura sali, & coriorum præseginibus misceatur, & temperetur teste Vitruvio lib. 7. cap. 2. & 3. Septuaginta Interpretes, & Theodotion vertunt *liniunt cum stultitia*; hoc est, non secundum artis præscriptum.

Lignorum tandem ad ædificiorum usum, & materiam, sit mentio pluribus in locis sacre Scripturæ; Ecclesiastici *Loramentum ligneum colligatum in fundamento adificij, non dissolvetur*. Monent enim artis technicæ periti, ut in muri crassitudine perpetuæ taleæ oleaginæ vstulatae, quam creberrimæ inferantur, ut utræque muri frontes inter se, quasi fibulis quibusdam colligatae, æternam habeant firmitatem: de ligneis igitur hisce taleis intelligendus est prædictus Ecclesiastici locus; ubi tò *loramentum* Græcè est *ἰσχυρὸς*, est autem *ἰσχυρὸς* apud Lexicographos lignum, quod ad continendos parietes in medio structuræ inferitur, de quo illud iterum Ecclesiastici cap. 27. intelligendum putant aliqui, *sicut in medio compaginis lapidum*

palus figitur, sic &c. & illud Abacuch c. 2. *Lignum, quod inter iuncturas ædificiorum est, respondebit*. Qualia autem fuerint ligna Serhim, Arcenthina, Sycomorri, Cedri, quorum usus in Hebræorum ædificijs ex auctoritate Scripturæ fuit: Respōdet primò D. Hieronymus ad c. 3. Ioëlis de lignis Setim, his verbis; *Nullo dubium est omnia, quæ in tabernaculo Dei legimus de lignis Setim fuisse perfecta quæ Septuaginta interpretati sunt ligna impubilia. Est autè genus arboris in eremo, spinæ alba simile colore, & folijs, non magnitudine. Aliqui tam grandes arbores sunt, ut latissima ex illis tabulata cedantur; lignumque fortissimum est, & incredibilis lenitas, & pulchritudinis, ita ut ex his etiam vasa torcularium, quæ æquas τῶν θάλασσαν vocant, ditissimi quique & studiosissimi faciant, quæ ligna in locis cultis, & in Romano solo, absque Arabia solitudine, non inveniuntur. Hactenus D. Hieronymus.*

Septuaginta Interpretes per periphrasim *ἡλικὰ ἄρσενά ligna impubilia* dixerunt, in Hebræo est *שִׁטִּים Schittim*, & in plurali *שִׁטִּים Schittim*, quam vocem D. Hieronymus retinuit in vulgata editione, dum vocat ligna Serim. Septuaginta aliquando *buxum* verterūt, nō quod ligna hæc sint buxus, sed quod corruptibilia, & putribilia non sint, ut buxus. Idem Septuaginta Ioëlis 3. vbi vulgata habet *torrentem spinarum*, & in Hebræo *torrentem Schittim*, verterunt *χόμαλλον ὃν ὁ ὄνομα torrentem funicularum*, vbi tamen legendum videtur *χόμαλλον ὃν ὁ ὄνομα lentiscorum*, explicantur autem hæc ligna Serim per lentiscum, vel ob leuitatem, vel ob aliquam aliam proprietatem, in qua utræque hæc ligna conveniant, quia Serim neque buxus sunt, neque lentiscus, sed peculiaris arboris species ab illis distincta.

Ligna Arcenthina, quorum sit mentio lib. 2. Paralip. cap. 2. sunt ligna iuniperi, quæ arbor à Græcis dicitur *ἀρκευτοῖον*; expectebantur autem huius arboris tabulæ, & trabes ad ædificia, quia caries non sentiunt, quare Vitruvius lib. 2. vbi agit

agit de materia cædenda, cum quædam ligna enumerasset & cõmendasset, quæ ut ipse loquitur, *in vetustatem sine vitijis conseruantur*, addit: *item cedrus & inniperus easdem habent virtutes, & utilitates*; vide etiam Plinium lib. 16. c. 40. quod ad Sicomoros attinet, probabile videtur adhibitas ad fabricas domorum præsertim vulgariarum, nam Isaiæ 9. dicitur: *Sycamoros succiderunt, sed cedros immutabimus*: id est vulgares arbores succiderunt, at nos pretiosiores substituemus, & qui prius trabes & tabulas è Sycomorosis desumebamus ad nostrâ ædificia construenda, iam nobiliorem adhibebimus materiam, cedros scilicet. Verùm de sacris plantis, siue, de quibus in diuinis Scripturis fit mentio commodius agetur scctione sequenti, vbi de Historia plantarum.

Ad architecturam sagaram, siue militarem pertinent plura Sacræ Scripturæ loca, in quibus arcium, castellorum, murorum altissimorum, turriumque excellentiarum causa defensionis mentio, pertinet etiam turris Babilonica, cuius formam, & quomodo in ea multa millia hominum commodè habitare possent, primus pennicillo demonstrauit Albertus Durerius. Ad ciuilem verò, seu togatam, primùm causa religionis, spectat quod de Tèplo Salomonico legitur inter cetera Salomonis opera Architectonica primo, atque magnificentissimo; de quo videri possunt sequentes authores Alphonsus Salmeron tomo 1. prolegom. 42. Montanus in libro inscripto *Templi fabrica*; Franciscus Ribera, qui libros quinque edidit *de Templo*, & *de his quæ ad Templum pertinent*; Sebastianus Baradius tom. 2. suæ concordiæ, integro ferè libro tertio. Ioannes Asorius tomo 1. institut. moralium. lib. 6. Ioannes Pineda lib. 5. de rebus Salomonis cap. 5. & tandem Ioannes Villalpandus, qui magnificentissimo, atque amplissimo in Ezechielem apparatu, tomo præsertim secundo, vniuersam Templi fabricam; atque tum omnia Architecturæ præcepta, & quæ ad Mathematicas rationes

& computationes spectant; tum quæ ad opulentiam tantæ fabricæ diligentissimè latissimèque exposuit. In regia quoque domo Salomonis cuius fit mentio lib. 3. reg. cap. 7. *Domum suam edificauit Salomon tredecim annis, & ad perfectum usque perduxit*; multa ad ciuilis Architectonicæ considerationem occurrunt, de quibus vide expositores ad citatum locum, & Ioannem Pineda lib. 5. citato cap. 2. Agit etiam ad multa Sacræ Scripturæ loca, Menochius de Republica Hebræorum lib. 7. de priuatis Hebræorum domibus tam vrbanis, quam rusticis, qualia insuper essent domorum tabulata, cænacula, & tecta, & quæ domus hyemales & æstiuæ; item de domesticis officinis, & de viridarijs, & paradisis domibus adiacentibus, & de Theatro Ierosolymitano.

CAPVT XXII.

Quantum referant ad Sacræ Doctrinæ studium Optica, & Statica.

Post considerationem quantitatis, vt est concreta cum corpore naturalis, circa quam versatur Cosmographia, singulæque eius partes; & cum corpore artificiali, cuiusmodi est ædificium, circa quam occupatur Architectonica; nunc breuiter agendum est de Optica, & Statica versantibus circa eandem quantitatem continuam, sed cum accedenti dumtaxat sensibili concretam; Optica enim, quæ subalternatur Geometriæ ratione Grammetriæ, tractat de linea visua; Statica verò, quæ eidem Geometriæ subordinatur, ratione Stereometriæ, de corpore, qua ponderosum. Optica igitur est scientia contemplans radium, siue lineam visiuam, quæ visua est: sic quia circa visum sex potissimum veniunt consideranda 1. ipsa potentia. 2. obiectum visibile. 3. mediū videndi. 4. visibilis species. 5. radius. 6. Specula. Sunt qui existimant Opticam in sex principales partes esse diuidendam. Breuius loquuntur, qui illā dum-

Sectio VII. Caput XXII. 399

dumtaxat bipartiantur, secundum quod radius visuius considerari potest vel in genere, vel in specie: Ad generalem radij visuius considerationem pertinent eius principia, & affectiones. Principia sunt vel cognitionis, vel constitutionis radij, tum visibilis, tum visi; principia constitutionis radij visibilis, sunt omnia obiecta visibilia tam per se, vt lux & color, quam per accidens, vt sub magnitudine, figura, corporeitas, pulchritudo, &c. sub loco, distantia, situs, continuïtas, separatio, numerus, &c. sub luce diaphaneitas, densitas, vmbra, &c. Principia autem constitutionis visi, sunt videns principalis, instrumentalis, & ad visionem conducens figura optica. Radii visuii affectiones sunt illius velocitas, & finitudo.

Radius visuius spectatur in specie vel ratione casus, vel ratione obiecti. Ratione casus radius visuius alius est perpendicularis, alius obliquus; ratione verò obiecti, alius est directus & simplex, vbi visio simplex vera, falsa: alius reciprocus, & geminus; qui iterum est duplex, vel reflexus, vel refractus; Per ordinem ad quos tres diuersos videndi, siue radiorum visuorum modos, Optica in specie considerata iterum subdiuiditur in tres partes principales; quarum prima seruatò nomine scientiæ dicitur *Optica*; secunda *Catoptrica*; tertia *Dioptrica*. Visio directæ, circa quam versatur Optica, fit cum radius visualis rei visæ est perpendicularis, quod fieri potest, vel sursum, vel deorsum, vel ad latera, cum respectu omnium centrum sit ocularis. Radius autem directus, siue perpendicularis est ex cuius incidentia super superficiem ex vtraque parte relinquuntur anguli recti & æquales. Per oppositum dignoscitur radius obliquus. Videndi modus per reflexionem fit in corpore reflexiuo; radius enim reflecti dicitur, qui in occurſu opaci, siue corporis reflexiui per eandem aut aliam lineam versus suam originem projicitur. Vbi notandum corpus reflexiuum aliud esse asperum, aliud politum, quod vo-

catur speculum. Et ideo ad hanc partem reduci debet illa, quam aliqui distinguunt, & specularem vocant. Ad speculi integritatem requiritur continuïtas & lenitas intensæ: superficies regularis; insuper & eiusdem necessaria est perfecta politura; constat in marmore & chalybe, pluribusque alijs lapidibus, & metallis politis. Diaphaneitas autem si speculari corpori acciderit, necessariò opaco aliquo superficiem eius terminante subducendum est: propterea diaphanis, vt sunt vitra, plumbum supponitur, vt radij pertransire prohibiti ad videntem reflectantur. Quod autem plumbum vitro, hoc aquæ est fundus terræ.

Sunt autem varia secundum figurâ speculorum genera, quorum etiam varij sunt effectus, varizque proprietates: quædam namque sunt vniformia & plana: in quibus res videri potest vti est: conuersa tamen; dextra enim videtur sinistra, & è contrario. Quædam verò dicuntur difformia; eo quod superficies non sit amplius plana, sed vel concaua, vel conuexa, eaque vel spherica, vel pyramidalis, vel cylindrica, vel conica, vel parabolica. Concaua specula rem maiorẽ, interdum verò minorem, aut æqualem repræsentant; conuexa semper minorem, & latam quidem si sint spherica; oblongam verò si sint pyramidalia, aut columnaria. Cur autem in conuexis minor, in planis æqualis, in cõcauis modo maior, modo minor, modo æqualis suo obiecto videatur imago? Hæc pro planis æqualem reddentibus affertur ratio, quod perpendiculares incidentiæ ab obiecto cadentes perpendiculariter super ipsum speculum semper æquales sunt; in conuexis verò, quando versus centrum progrediuntur, minores fiant, atque contrahantur, adeo vt imago sit semper obiecto minor; in concauo denique triplici modo prædicto videri potest, maior videlicet, minor, & æqualis formæ, à qua manat, quia perpendiculares, diuersis mutationibus sunt obnoxiz; enim verò sibi nonnunquam

quam parallelæ sunt, aliàs ad se inuicè accedunt, vel à recedunt. Hinc fit vt posito oculo inter centrum concaui speculi, & eius superficiem imago semper appareat, donec ad illud punctum peruenierit, in quo confusio accidit, & imago inuertitur; quod si pedtentim discesse- ris à speculo, prius imaginem recenter inuersam obiecto maiorem deprehendes; donec paulatim ita minuatur, vt fiat equalis, deinde minor obiecto, sed caput inferius, & pedes superius verge- re putabis. Inter mirabiles quoque speculorum concauorum proprietates, primum tenet locum, quod ad Solem ex- posita tantam radiorum multitudinem excipiant, atque reflectant, vt in certo puncto non solum paleas, aut aliquam huiusmodi materiam, verum etiam ligna quæpiam comburant, & inflammēt. Quæsi paulò maiora fabricentur, plum- bum, argentum & aurum resoluunt, & calcinant. Hæc autem specula concaua vistoria, vel caustica dicta diuersis figu- ris efformari possunt, omnium tamen aptissima, & efficacissima ad hunc effe- ctum comburendi sunt illa, quæ superfi- ciem concauam sphericam, vel parabo- licam habent; vbi etiam aduertendum, tam spherici, quam parabolici speculi axem Solis axi respondere, & veluti cō- tinuum esse debere, vt vim omnem in- vrendo exerant.

Sed præter hunc effectum ad Cato- ptricam, vel vt alij dicunt Catoptricam, minus pertinentem, luce primaria, seu directâ interueniente, fieri solitum, lu- men reflexum, quod vocant secundariū, causa est, seu conditio necessaria, vt spe- cula varios effectus ptodant, & varia diuersis modis appareant, quæ omnia Maginus ad 7. capita reduci dicitur, autem lumen secundariū illud omne, quod vel à Sole, vel à candela tantum indirectè producitur, quale est illud quod diu nos illuminat, tamen si nubes Solem oculis nostris eripiant, vel illud, quod in angulis cubiculi producitur, dū Sol fenestram tantum illuminat. Itaque primo speculorum beneficio res disitis

videmus, licet propinque, & nobis op- positæ nasquam deprehendantur. 2. non- nunquam imagines in speculi superfi- cie, alias intra, imo & citra conspiciun- tur, idque tribus modis, vel enim sunt inter speculum, & obiectum, vel ipsi ob- iecto iunguntur, ac in eodem loco exi- stunt, vel etiam vltra obiectum & specu- lo egrediuntur. 3. statim vnica vnus obie- cti imago, statim etiam plures videntur. 4. ingens est in simulachri vel speciei magnitudine varietas, quandoquidem, vt iam notauimus, in speculo concauo, de quo potissimum loquimur, imago longè maior, vel minor vel æqualis vi- deri potest. 5. videtur imago tantum, à speculi abesse superficie, quantum obiectum, aliquando verò magis, vel minus. 6. nonnunquam imago instar ob- iecti recta videtur, adeò vt pars supe- rior supremum, infimum verò locum inferior occupet; aliàs tamen inuersa cernitur, quando speculum est multe concauitatis, eo quod vna pars speciem supra aliam projiciat. Septimò simula- chrum aliquando simile fit obiecto, ali- quando dissimile, obliquum & mon- struosum, aut ex aliqua parte mutilum, aliàs etiam imago vnus partis rei obie- ctæ tantummodo cernitur, aliàs integra. De quibus omnibus videndus est præfa- tus auctor, alijque plures inferius citan- di; qui etiam explicant; quo vsque ima- go è speculo exilire, quot in eis imagi- nes, & quam varijs sitibus secundum di- uersum etiam & obiecti, & speculi sitū apparere, quantum lumen, & quousque reflectere, quantum echo reddere, qui- bus demum vñbus nobis esse valeant.

Tandem visio refracta fit; siue quod idem est, radius visus refrangitur, cum in occurſu medijs alterius diaphaneitatis non in directum multiplicatur: sed ver- sus perpendicularem à puncto inciden- tiæ & fractionis erigibilem accedit: aut à perpendiculari huiusmodi recedit. No- tandum est tamen tadium refractum, ali- quando tantum esse refractum, aliquan- do reflexum & refractum simul. Re- fractum similiter, siue medium refran- gens,

gens, aliud est planum, aliud obliquum, vel conuexum, vel concuum densius, rarius; iuxta quorum diuersitatem sunt etiam diuersæ refractiones. Primo enim radius perpendicularis in superficie media diuersarum diaphaneitatum, V. g. aëris & aquæ coniungente non frangitur, quia non esset ratio quare magis ad vnam partem, quam ad aliam declinaret: in occurſu tamen opaci in se, vel ad latus reflectitur. Secundo radius oblique incidens in occurſu medij densioris ad perpendicularem frangitur; veniens autem à densiore in rarius à perpendiculari diuertit; ratio est resistentiæ, & actionis diuersitas. Radius enim veniens de medio rariore in densius V. g. ab aëre in aquam, penetrando fortius agat necesse est; ideo ad perpendicularem tanquam organo suo propinquorem non declinat. E contrario autem qui venit de densiore in rarius, fortificatione non eget, & ideo à perpendiculari euagatur. Tertiò cum locus imaginis refractæ cuiuslibet puncti rei per refractionem visæ sit in communi sectione lineæ refractionis, per quam species ad oculum pertinent, & catheti incidentiæ. Hinc concludunt Dioptrici locum imaginis rei visæ in medio secundi diaphani densioris visui propinquorem fieri, & sic maiorem quam sit videri, in rariore magis distare, & sic minorem quam sit apparere. Ea propter visus semper decipitur in situ obiecti, quando per media variæ diaphaneitatis videtur: res enim existimatur esse, ubi locus imaginis constituitur: quidquid autem in aqua cernitur, maius esse apparet, quam re vera sit.

Ex quibus possunt variæ experientie solui, atque ratione comprobati; vt cum baculus in aqua perpendiculariter erectus veluti fractus & incuruatus existimatur, specie baculi, cum ad aquæ superficiem peruenit, à perpendiculari diuertente, cum aer, in quo situs est visus, sit aqua rarior. Quomodo denarius in fundo vasis existens imposito liquore cernitur, qui aliàs videri non potuisset:

Biblioth. Theol. Tom. IV.

quia nimirum locus imaginis refractæ cuiuslibet puncti rei per refractionem visæ est in communi sectione lineæ refractionis, per quam species ad oculum pertinent, & catheti incidentiæ. Præterea variæ apparentiæ intelliguntur, quæ ob perspicilia, seu dioptras, atque tubos illos, seu telescopia nobis apparent; vnde vt ad Catoptricam pertinet speculorum consideratio, ita ad dioptricam perspicilliorum, quorum non minus diuersa, quam speculorum, sunt genera. Verumtamen omnes hi radij reflexi, aut refracti directis sunt debiliores; quia à fonte & origine sua magis elongati; & ex obliquitate debilitati; rectitudo enim luci connata est.

Vltimò pro quarta Opticæ parte addi potest ars lucis, & vmbre, siue quæ considerat luminosi & opaci naturam, profusionem, concursum, occurſum, il-lapsum, vmbra, & traiectionem luminis, secundum omne proiectionis genus, orthographicum, stereographicum, & scenographicum. De quibus inter alios egregie Merfennius lib. 1. in Genesim, & Athanasius Kircherius in libro inscripto *Ars magna lucis & vmbre*.

Quod hæc etiã scientia conducatur ad Sacræ doctrinæ studium; inter alia probat locus ille Diui Iacobi epist. cap. 1. *Quia si quis auditor est verbi, & non factor: hic comparabitur viro consideranti vultum matritatis suæ in speculo: considerauit enim se, & abiit, & statim oblitus est qualis fuerit.* Cum enim videat homo faciem suam in speculo per radium ab illo reflexum, debiliore modo videt; docente perspectiua radios reflexos, aut refractos esse directis debiliores. Docente insuper eadem perspectiua, posse fieri specula ex omni materia, quæ reflectere potest, vt ex marmore, chalybe, argento, ære, cæterisque metallis, imò & ex aqua, & forsitan ex aëre, si quis illum ita condensare posset, vt aquæ densitatem imitetur, sufficit enim dummodo reflectat; facillè intelligitur ex illo Exodus 3. apud Hebræos, specula ex ære, fabricata fuisse, labrum si quidem æneum

E e e quod

quod ibi iussit Deus fieri ut Sacerdotes altare ascensuri pedes & manus lauerēt, confectum fuit ex speculis mulierum, quæ excubabant ante ianuam tabernaculi, vel ut 70. verterunt ieiunabant. Licet alij existiment illa specula labro æneo affixa fuisse, ut oculis in illa defixis caverent Sacerdotes, ne quæ labecula faciem dehonestaret: *Inuenta sunt enim specula, inquit Seneca 1. nat. quæst. ut homo ipse se nosceret. Multa ex hoc consecuta, primò sui notitia, deinde & ad quoddam consilium: formosus, ut vitares infamiam: deformis, ut scires redimendum esse virtutibus, quidquid corpori decisset: inuenis ut flore atatis admoneretur, illud tempus esse discendi, & fortia audendi: senex, ut indecora canis deponeres, & de morte aliquid cogitares. Ad hoc rerum natura facultatē nobis dedit nosmetipsos videndi.* Multa quoque tradit Perspectiva de natura lucis & umbræ, quæ ad intelligenda multa Sacræ Scripturæ loca educere possunt; de quibus vide Merfennium cap. 1. in Genes. ver. 3. quæst. 4. physica & morali de luce.

Statica contemplant corpus, quæ ponderosum, duas habet partes principales; ut enim gravitas corporis potest considerari dupliciter, vel indeterminatè; vel determinatè in speciebus corporum; prima pars versatur circa gravitatem primo modo consideratam; secunda verò circa gravitatem secundo modo sumptam. In gravitate primo modo, tria sunt consideranda definitio, principia & affectiones. Definitur gravitas, quod sit vis corporis iuxta quam fertur ad propria suam sedem. Principia alia sunt complexa à Geometria desumpta, alia incomplexa, materialia ut lineæ & superficies, formalia ut figuræ corporum. Affectiones similiter sunt, vel prima, ut gravitatis pondus; vel orta, ut motus. Gravitatis pondus cognoscitur, vel absolutè ex puncto gravitatis, cuius ratio attenditur penes cætrum staticum, investigatio verò è spatio medio & linea media; vel comparatè ubi proportio corporum

mutua, quæ vel est æqualitatis, vel inæqualitatis. Species autem corporum, in quibus gravitas determinatè consideratur, diuiduntur vel ratione formæ, quæ aliud planum, pyramidale &c. & aliud gibbum, sphericum, varium, vel ex diversitate materiæ gravitas alia corporis terreni, alia aquæ; ubi etiam de illius libratione.

Iam quantum referat huius scientiæ peritia ad sacræ doctrinæ studium patet ex illis Scripturæ locis in quibus non solum statæræ sit mentio, sed diuersorū etiam ponderum, & mensurarum, seu valorum ad mensurandum deputatorū, cuiusmodi sunt Amphora, Artaba, Affaron, Batus, Cabus, Cadus, Corus, Ephî, Gomer, Gomor, Hin, Lethce, Log, Metreta, Modius, Satum, Sextarius; De quibus omnibus videndi sunt interpretes ad propria in quibus de illis agitur Scripturæ loca, Cornelius à Lapide in opusculo de ponderibus, & mensuris; Bonfrerius in digressionem ad caput 16. Exodus Alcazar latissimè in opusculo de ponderibus & mensuris, quod est in fine explicationis eiusdem authoris in librū Apocalipsis, & alij plures.

CAPVT XXIII.

Quantum referat ad Sacræ doctrinæ studium Mechanica, siue Machinaria.

Sub nomine Mechanicæ, vel Machinatæ in communi comprehendo omnes illas artes, vel sciētias, quæ principia Geometrica applicant ad ea opera, quæ ingenio simul & manu perficiuntur. Vnde non quælibet artificia protrita & vulgaria, Mechanica dicenda sunt propriè, sed ea tantum quæ ingenio succurrunt difficultatibus contingentibus præter naturam, & subueniunt utilitati, ut ait Aristoteles, sonæque ipsius nomen Mechanicæ, quæ dum causas machinarum, vel omnium effectuum, qui perficiuntur Machinis, docet, Rationalis appellatur, Chirurgica verò quan-

Sectio VII. Caput XXIII. 403

quando manum admouet operi.

Sub illa continetur *Manganaria*, quæ maxima pondera facillimo negotio tollit in altum, vel deprimit: *Mechanopoeica*, quæ aquas anthlijs subleuat: *Organopoeica* quæ instrumenta bellis accommoda parat: *Thaumaturgica*, quæ ponderibus, vel spiritu, nervis & funiculis vitur, vt miranda efficiat: *Hydralica*, quæ mira docet de ijs, quæ subnatant aquis, quibus etiam horologia fabricat, & quæcumque per se ventorum statu resonant, & exprimunt voces auium, siphones etiam extinguendis incendijs, & Aeolipylas fuscicidis construit: Centrobatica, quæ de centro miranda tradit, vnde defumuntur omnia. Tandem pro vt in omni ferè materia innumera sunt machinarum genera, & species, tot diuersas in Mechanica partes distinguere possumus.

Ex machinis enim quedam per se mouentur, quæ automata Græcè vocantur, quia vitro, & sponte versari videntur, aliæ non per se mouentur. Ex prioribus quedam statim Græcè, statoria Latine dictæ sunt, quedam hypagonta, id est subuersatæ, habent enim intra se lateenter, vnde motum habent: de veris quæ generibus Hero pertractat. Ex his autem quæ non mouentur spontè, id est quæ motionis principium intra non habent, aliæ ab inanimis rebus ciuntur, aliæ ab animatis, priores aut ab aère, aut ab aqua, aut ab igne impelluntur; ab aère & spiritu quæ mouentur, aut spiritus inclusos habent, aut liberos: si inclusos, Pneumatica ratio absoluitur, hoc est spiritalis: si liberos, eas facit machinas, quæ vèto liberè impelluntur, vt edicticia ad molendum, & hydraulice quedam Machinæ, & quæ verrucula impellente framo conuoluunt. Si ab aqua tunc sunt rotæ, & tympana ad molendum, serræ ad trabes secandas, folles manticeque ad tundendum ferrum, & alia huiusmodi, quorum vsus est maximè necessarius. Verum si machinæ ab animatis mouentur, eæ sunt, quas vel ratione carentia, mouent, vt boues, equi mulique, vt cur-

Biblioth. Theol. Tom. IV.

rus, cisia, quadrigæ; vel eæ, quas homines durum genus versat, trahit, erigit, impellit, siue ad pacis vsus, siue ad bellicos apparatus spectant. Vnde ad eas motiones trochleis, veltibus, radijs, trutinis, lancibus, ergatis, rotis, & tympanis vitur, vt autem ascendat multiplices scalarum formas construit, munias, & sine munitione, vt verò disrumpat, exeuat, profernat, quatiat, frangatque ac iaculetur, arietes, testudines, turre ambulatorias, cuniculas, terebras, catapultas, balistas, tormenta reliqua, edificat, compingit, coagmentat, quæ omnia ad machinarum partitione spectant, quarum rationes & regulæ videri possunt apud authores inferius citandos, præsertim Vitruuij interpretes ad librum 9. & 10. cum earum noticia non parum conducere possit ad intelligenda illa Scripturæ loca in quibus Machinarum fit mentio.

CAPVT XXIV.

*Quantum referat ad sacre doctrinæ
studium Metaphysica.*

Peruenimus tandem ad culmen scientiarum speculatiuarum, hoc est intellectui potissimum perficiendo destinatarum. Metaphysica enim non solum versatur circa ens abstractum à materia singulari, vt Physicæ disciplinæ; à materia sensibili, vt Mathematicæ, sed etià à materia intelligibili; siue illa abstractio fiat per separationem ab omni potentialitate, sicut accidit in Deo; siue fiat per separationem solum à materia corporali, includentem tamen potentialitatem, sicut accidit in Angelis; siue fiat per solam præcisionem intellectus, præcedentis aliquas rationes à materia, sicut sunt ratio substantiæ & entis, aliæque huiusmodi. Obiectum itaque adæquatum Metaphysicæ, est ens in tota sua latitudine, pro vt abstrahit à creato, & increato: Ex hac dignitate obiecti, qua Metaphysica cæteris scientijs naturalibus præminet, processit, quod non so-

Ecc 2 lum

lūm appellaretur Metaphysica, quia scilicet confiditatio eius progreditur ultra res naturales, materięque proindē immensas, quę Philosophię naturalis considerationi subiiciuntur; sed pluribus etiam alijs, & quidem egregijs nominibus fuerit insignita; in quantum enim cęteras scientias naturales superat, quasi per antonomasiam philosophia nominatur; item Sapientia, tum quia cęteras scientias dirigit, sapientis enim est dirigere; tum etiam maximē, quia causas altissimas, ipsumque Deum, quantum naturali lumine attingibilis est contemplatur; & propterea etiam Theologia naturalis passim ab Aristotele vocatur, id est, diuina scientia, quia pręcipuum cognitorum in ea est Deus.

Quod pertinet ad generale totius Metaphysicę diuisionem; omissa illa Aristotelica in duodecim libros Metaphysicę diuisione; tribus potissimum partibus absolui potest. Prima erit de ente in communi, eiusque principijs, & causis. Secunda de proprietatibus entis. Tertia de speciebus entis, vt ens est, & de speciebus, aut quasi speciebus entis spiritalis, siue id sit creatum, siue increatum. Quę tamen omnes partes constituunt vnicam dumtaxat in specie infima Metaphysicam; cum habeant vnū & idem obiectum formale, intra eandem abstractionē ab omni prorsus materia, respectu cuius materialiter tantū se habet, quod illa abstractio fiat, vel per separationem ab omni potentialitate, sicut accidit in Deo; vel per separationem solum à materia corporali, includendo tamen aliquam potentialitatem, sicut accidit in Angelis, qui cum sint in prędicamento non abstrahunt à materia metaphysica, siue à genere metaphysico, sed tantum à physica seu corpore. Vel tandem per solam pręcisionem intellectus, pręcidentis aliquas rationes à materia, sicut sunt omnia transcendentalia, quę ex sua natura non sunt in prędicamento, possunt tamen esse.

Vnde satis patet obiectum Metaphysicę non esse ita purum, vt à se excludat

omnem prorsus potentialitatem, sicut facit obiectum Theologię supernaturalis; quod est Deus sub ratione Deitatis; sed permissuē se habere ad hoc vt includat talem potentialitatem, vel ad hoc vt ab illa abstrahat: & propterea inter obiecta inadęquata Metaphysicę datur aliquod (Deus scilicet) quod ab omni prorsus potentialitate abstrahit, licet cętera ab ea non abstrahant, sed tantum ab omni materia; omnia tamen illa comprehenduntur sub abstractione Metaphysicę, quia omnia abstrahunt secundum rationē entis ab omni prorsus materia. Sic illa diuisio, qua aliqui Metaphysicam tripartiuntur per ordinem ad dictam triplicem abstractionem; in Angelicam siue spiritalem, in Diuinam & transcendentalem, non tam est diuisio generis in suas species; quam totius in suas partes integrales.

Pars prima de ente.

Incipiendo iam à prima parte, quia ens propriē loquendo definiri non potest; non tam quęri debet quid sit ens quàm quid concipiatur nomine entis. Circa quod omisiss multis, cum ens sumatur ab actu essendi nomine entis absolute, vel simpliciter sumpti, intelligitur id, quod est, vel esse potest; per id quod est, intelligitur quod existit, vocaturque ens participialiter; per id quod esse potest, intelligitur, quod existere potest, vocaturque ens nominaliter; quia concipitur vt abstrahens ab actu essendi, atque adeo à motu & tempore, sine quibus actus essendi esse non potest; nomen enim, vt in eius definitione exprimitur, significat sine tempore; vnde concipere aliquid nominaliter, est concipere illud vt abstrahit à tempore; Per oppositum concipitur aliquid in actu exercito, participialiter, & verbaliter, quę omnia idem sunt, quando concipitur vt est in tempore, verbum enim, & participium significant cum tempore. Itaque ens est nomen concretum, quod potest duas formas significare, scilicet *essen-*

Sectio VII. Caput XXIV. 405

essentiam & existentiam; & quando pro formali significat essentiam, dicitur ens nominaliter, quando verò pro formali significat existentiam, dicitur ens participialiter. Quæ duo entia non solum distinguuntur inter se ex modo significandi cum tempore, & sine tempore, sed etiam in hoc, quod ens nominaliter sumptum verè sit transcendens respectu suorum inferiorum, prædiceturque essentialiter de ultimis eorum differentiis; secus autem ens participialiter sumptum; cum enim esse, seu existentia, non sit de essentia alicuius creaturæ, si quidem cõuenit ei per causam efficientem, & est quid receptum in ipsa essentia; satis patet ens participialiter sumptum, quod pro formali significato habet ipsum esse, seu existentiam, non includi essentialiter in ultimis differentiis suorum inferiorum, & consequenter non esse transcendens.

Ens reale, quod primùm diuiditur in Deum & creaturas, deinde ens creatum in substantiam & accidens, seu in decem prædicamenta, respectu cuiusmodi inferiorum, nequè est purè æquiuocum, neque vniuocum, sed analogum, tam analogia attributionis, seu proportionis, quam proportionalitatis, ex diuersis tamen principiis, nam analogia attributionis, quam habet ens respectu suorum inferiorum, causatur per dependentiam, & non per transcendentiam. In illa enim secunda analogata suscipiunt denominationem à primo, & per ordinem ad illud constituuntur, quod formaliter loquendo, non prouenit à transcendentia entis, sed ex eo quod primo, & per se significat vnum, alia verò non nisi per respectum & habitudinem ad istud, in quo consistit dependentia. At Analogia proportionalitatis propriæ, quam habet ens, non causatur per dependentiam, sed per transcendentiam: Prædicamenta enim, aut alia inferiora entis, quæ immediatè significantur per illud, vt est analogum proportionalitatis propriæ, pro vt sic, sunt primo diuersa, & se totis differunt: propter quod

talis proportionalitas attenditur inter illa secundum se tota, & non præcisè ratione differentiarum. Sed transcendentia entis est causa, quod inferiora entis sint primò diuersa, & quod inter illa secundum se tota attendatur proportionalitas. Ergo ipsa etiam est causa talis analogiæ proportionalitatis. Indè sequitur ens non significare immediatè aliquem gradum, seu rationem communem distinctam, perfectèque abstractam à gradibus, seu perfectionibus, quas significant inferiora eius; sed immediatè significare ipsa inferiora, vt proportionabiliter se habentia inter se: atque ita simpliciter loquendo, ens non habet vnum conceptum obiectiuum suis inferioribus communem. In tantum enim genus dicit vnum conceptum præcisum, & communem, V.g. animal gradum sentiendi: quia non est de essentia differentiarum, licet sit de essentia specierum, à quibus proindè propriè loquendo non præscindit, sed tantum à differentiis. Ens autem ratione suæ transcendentiz est de essentia differentiarum, seu modorum, per quos ad sua inferiora determinatur. Ergo ens non dicit vnum conceptum præcisum & communem; sed immediatè significat sua inferiora, V.g. substantiam & accidens, secundum suas proprias rationes, vt proportionaliter inter se similes. Et ita quando ens prædicatur de substantia, & accidenti, non prædicat eandem omnino rationem. Sed quando dicimus *substantia est ens*, ibi de substantia absolute sumpta prædicatur ratio eiusdem substantiz, vt proportionaliter similis accidentibus: & quando dicimus, *accidens est ens*, ibi de accidenti absolute sumpto prædicatur ratio accidentis, vt proportionaliter similis substantiz. Atque hic est proprius modus prædicandi analogi proportionalitatis propriæ, in quo distinguitur ab vniuoco, & æquiuoco, vt patet ex eorum definitionibus.

Loquendo iam de principiis entis, pro vt ens est, sunt in duplici differentia; alia enim sunt complexa, quæ pos-

sunt vocari principia cognitionis entis, alia verò incomplexa, quæ dici possunt principia rei in ente. Incipiendo à principiis primo modo sumptis sententia communis inter omnes philosophos est; quod ista propositio, *Impossibile est idem esse & non esse*, sit primum omnium principium; siue ut alijs terminis æquivalentibus explicatur, *quodlibet est vel non est; necesse est quodlibet esse vel non esse*: Multis disputant aliqui hoc principium esse negatiuum; sed videtur falsum, nam ubi modus non negatur in propositione modali, ibi non est propositio negatiua; in istis autem modus non negatur. Si verò sit propositio coniunctiua, pariter non est negatiua, quia negatio tantum est, quando coniunctio negatur: at cum dicitur, *impossibile est idem esse & non esse*, non negatur coniunctio; igitur propositio non est negatiua; sed esto esset; nõ tamen inde sequitur principium in illius contentum non esse omnino primum, quia omnis propositio negatiua affirmatiuam supponit, & in ea fundatur, et si enim propositio negatiua fortasse non possit esse prima quantum ad vim demonstrandi & probandi in demonstratione directa & ostensiva; secus autem quantum ad vim demonstrandi & probandi in demonstratione per reductionem ad impossibile; at in presenti est sermo de principio quod sit primum in demonstratione per reductionem ad impossibile; ergo cum per hoc principium declaretur maior & prima impossibilitas unde cæteræ & repugnantæ, & oppositiones, & impossibilitates oriuntur, debet illud esse omnium omnino primum: quod consequenter non potest simpliciter & absolute probari, sed solum redargutiue, arguendo scilicet ex concessis, & ad hominem contra negantes illud, & inducendo eos ad sibi contradicendum. Inter prima quoque Metaphysices principia, vel axiomata, reponitur illud, *primum in quolibet genere est causa cæterorum*; quod non solum est verum ad sensum aliquorum de primo in genere causandi, sed de primo in quoli-

bet genere entis, etiam in genere prædicamentalis, ita ut primum in quolibet genere, siue illud genus sit vniuocum, siue analogum, sit saltem primum in genere causæ exemplaris respectu cæterorum.

Quod pertinet iam ad principia rei in ente, sunt essentia, & existentia: nec enim essentia sola est principium, si abstrahas ab omni existentia. Essentia enim non est si existere non possit: nec existentia sola principium est; nec enim existere potest id quod essentiam non habet. Etsi autem rerum essentia sint perpetuæ negatiuæ, ex eo quod sunt negatiuæ ingenerabiles, & incorruptibiles; quatenus secundum se non habent principium suæ corruptionis aut generationis, & per consequens neque sui finis, aut principij: Nihilominus tamen non sunt perpetuæ, eo quod verè habeant ab æterno extra Deum aliquam realitatem essentia, quam vocant diminutam quādam entitatem; non verò existentia; si quidem quidditas creati antequam esse habeat, nihil est nisi fortè in intellectu creantis: ubi non est creatura, sed creatrix natura; unde etiam satis patet rerum essentias remanere non posse secundum aliquam realitatem peremptis singularibus; sed sicut nihil sunt, antequam singularia producantur; ita etiam in nihilum redeunt, quando singularia destruuntur. In essentia cuiuscumque entis tria potissimum considerari possunt, veluti eius principia, genus, differentia specifica, & numerica. Quemadmodum enim compositio quæ in eadem re fit ex materia & forma, solet appellari physica, seu naturalis, cuiusque partes scilicet materia, & forma, partes physicae seu naturales; ita etiam compositio quæ fit ex genere & differentia, siue quod idem est ex diuersis gradibus eiusdem essentia, quorum alter significatur ut materia, seu per modum potentia, & est quid commune: alter verò ut forma, seu per modum actus, & est quid proprium, talis, inquam compositio, vocatur Metaphysica: & sic dicimus speciem componi ex genere & differentia: ubi genus & diff-

differentia non sumuntur formaliter pro intentionibus, vt patet; sed materialiter pro ipsiſ gradibus, qui alias ſuſcipiunt tales denominationes. Hæc tamen cõpoſitio non eſt realis, cum nec partes eius, ſcilicet gradus prædicti diſtinguantur realiter formaliter, neque aliqua alia diſtinctione ante intellectum. Vnde neceſſariò ſequitur vtrumque nomen tam genericum, quam ſpecificum, V.g. animal & rationale in homine, ſignificare eandem rem à parte rei, ſcilicet eſſentiam hominis, quæ à parte rei eſt vna entitas realiter cõpoſita ex materia & forma. Quamvis loquendo de proximo fundamento, ſuper quod fundantur & à quo deſumuntur gradus genericus, & differentialis, tota eſſentia rerum ſit id à quo ſumitur tam gradus genericus, quam differentialis, ſiue in Angelis, ſiue in ſubſtantijs corporeis, ſiue in accidentibus; nomina enim ſignificantia tales gradus in quacumque eſſentia, ſignificant totam illam, & non aliquam eius partem, cum hoc ſolù diſcrimine, quod nomen genericum ſignificat illam vt indeterminatam, & perfectibilem, nomen verò differentiale vt determinatam & perfectam: Et ſi, inquam, loquendo de fundamento proximo, ſuper quod fundantur genus & differentia, omnino cõueniant ſubſtantiæ ſpirituales, corporeæ & accidentia, diſtinguntur tamen in fundamẽto remoto, ſeu prima radice à quæ tales gradus oriuntur. Nam in ſubſtantijs ſpiritalibus tota eſſentia eſt fundamentum non ſolum proximum, ſed etiã radicale, à quo ſumuntur genus, & differentia, & per conſequens vtrumque fundatur ſuper eandem ſimplicem eſſentiam, quæ ſecundum quod conſideratur vt indeterminata, & perfectibilis, eſt radix gradus genericus ſecundum verò quod conſideratur, vt determinata, & perfecta, eſt radix gradus differentialis; at in ſubſtantijs corporeis genus & differentia radicaliter ſumuntur à materia, & forma, & per conſequens in eis, alia eſt radix generis, alia differentia; ratio eſt, quia proprium eſt gradus generici

eſſe quid potentiale & perfectibile, ſicut proprium eſt gradus differentialis eſſe quid actiuatum, ſeu perfectum; ergò licet fundamentum proximum horum graduum ſit tota eſſentia, ſecundum quod conſideratur vt perfectibilis vel perfectiua: tamen primæ radices, à quibus ſumuntur tales gradus, erunt illæ res, à quibus primò oritur dicta potentialitas & actualitas; certum eſt autem, intra latitudinem ſubſtantiarum materialium, omnem potentialitatẽ primò oriri à materia prima, & omnem actualitatẽ primò oriri à forma, cum materia prima ſit prima potentia, forma verò ſubſtancialis primus actus; & primum in vnoque genere ſit cauſa eorum, quæ ſunt poſt in illo genere: igitur materia, & forma ſunt primæ radices, à quibus ſumuntur gradus genericus, & differentialis: differunt tamen in hoc, quod ſola materia prima nõ eſt integra radix gradus generici, ſi ab ea præcindatur omnis forma: cum tamen hoc conueniat formæ reſpectu differentia; vt docet D. Thomas de ſpirital. creatur. artic. 1. ad 24. *In rebus cõpoſitis, inquit, ex materia & forma, genus ſumitur à materia, & differentia à forma; ita tamen quod per materiam non intelligatur materia prima, ſed ſecundum quod per formã recipit quoddam eſſe imperfectum, & materiale reſpectu eſſe ſpecifici; ſicut eſſe animalis eſt imperfectum & materiale reſpectu hominis.* Tantum de cõpoſitione Metaphyſica ex genere & differentia, ſiue de natura ſpecifica.

Porro vt ex gradu generico & differentiali reſultat natura ſpecifica, ſiue vnitas quæ vocatur formalis, ita ex natura ſpecifica, & gradu indiuiduali illam contrahente reſultat natura ſingularis, fundataque in ea vnitas numerica, quæ eſt omnium maxima, quia nullam admittit diuiſionem; vnitas verò formalis minor eſt illa, quia non excludit diuiſionem numericam: & intra latitudinẽ vnitatis formalis illa adhuc erit minor, quæ cauſatur per principium formale, magis commune: quia plus admittit diuiſio-

uisionis; V. g. in Petro vnitas, qua est hoc indiuiduum, est maxima; quia excludit omnem diuisionem: vnitas verò qua est vnus homo, est minor præcedenti: quia ex vi huius non excluditur, quod sit hic, vel hic homo: vnitas autē qua est vnum animal, est minor præcedentibus, quia ex vi illius non excluditur, quod sit hoc animal, scilicet homo: aut illud animal, scilicet equus. Et idem proportionaliter est de alijs gradibus superioribus, vsque ad vltimum. Et si autem loquendo de negationibus, in vnoquoque indiuiduo negatio, quam importat vnitas numerica, nimirum negatio diuisionis materialis, distinguatur realiter negativè à negatione, quam importat vnitas formalis, quæ est negatio diuisionis formalis; atamen loquendo de huiusmodi vnitatibus, quantum ad realem entitatem quam dicunt, sola ratione ratiocinata inter se distinguuntur, teste D. Thoma cap. 1. & 2. de ente, & essentia, vbi dicit differentiam indiuidualem comparari ad speciem, sicut differentia specifica comparatur ad genus, quantum ad modum distinctionis; differunt enim in hoc, quod quando natura specifica contrahitur per gradum indiuidualem, non contrahitur per eum, tanquam potentia per actum, sicut accidit in ratione generica, quando per differentiam specificam contrahitur; sed potius contrahitur sicut actus per suam potentiam: & propterea quando natura specifica ad gradum indiuidualem descendit, tantum abest quod perficiatur, quin potius imperficitur & limitatur ab eo. Cum autem aliud sit loqui de proximo, & immediato principio, seu fundamento, ex quo desumitur vnitas numerica, vel indiuiduatio in ente; aliud verò loqui de primo & radicali eius fundamento; ita etiam, conuenientibus omnibus Metaphysicis, quod in substantijs materialibus tam forma, quam materia quatenus simul vniuntur, ad proximum indiuiduationis principium concurrant, si quidem ex ambabus partibus simul vnitis indiuiduum formali-

ter cõstituitur, est tamen inter illos grauis difficultas de primo ac radicali principio indiuiduationis, quam aliqui à forma desumendam putant; melius tamen cum D. Thoma asserendum est à forma tanquam à principio primo & radicali gradum indiuidualem desumi nõ posse; illud enim solum potest esse primum & radicale principium indiuiduationis in substantijs materialibus, quod est prima radix limitationis & contractionis, & contrahit rationem specificam in eis: at forma non est huiusmodi radix, sed potius materia; igitur forma nõ potest esse primum, & radicale principium indiuiduationis; sed materia, non quidem secundum se considerata, sic enim pertinet ad naturam specificam, sed materia signata quantitate: quia sicut quantitas est illa forma, quæ per se primò est diuisibilis in partes diuersas eiusdem speciei, atque rationis, quarum vna non est in potentia receptiua respectu alterius (neque enim vna pars quantitatis est alterius per modum potentie receptiue) ita materia quæ est ordinata ad recipiendam aliquam formam, siue quod idem est, quæ secundum se considerata est communicabilis per modum potentie pluribus formis eiusdem speciei, debet reddi positivè incapax receptionis alterius forme eiusdem speciei atque rationis, per participationem talis quantitatis, seu per sigillationem ad talem quantitatem iuxta illud, primum in quolibet genere est causa ceterorum.

Quia autem materiam esse sigillatam seu signatam quantitate, potest tribus modis intelligi: primo ita vt per hanc sigillationem significetur materia quatenus est formaliter affecta quantitate, formali: secundo, ita vt per eam intelligatur modus quidam substantialis materiam primam immediate afficiens, per quæ materia vendicat sibi & exigit hanc potius quantitatem, quam aliam: tertio ita vt per eam intelligatur materia prima quatenus præhabet & præcontinet in se hanc potius quantitatem quam aliam;

aliam, ex vi rationis dispositionumque præcedentium. Afferimus hoc tertio dumtaxat modo materiam sigillatam esse radicem indiuiduationis. Etsi enim materia affecta formaliter dimensionibus consideratis secundum id, quod est formale in eis, possit dici principium indiuiduationis in esse cognoscibili, & quo ad nos, quia per dimensiones formales devenimus in cognitionem indiuidui: Secus tamen in esse rei; cum enim substantia prima seu indiuiduum sit ens per se directe possibile in prædicamentis substantiæ; non potest in esse rei reduci tãquam in principium in aliquod aggregatum per accidens, qualis est materia ut signata quantitate formali, igitur dimensiones formales, non sunt in esse rei principium indiuiduationis, sed solum ut sunt radicaliter & virtualiter præhabita & præcontenta in materia: sic enim considerata dicuntur habere, esse substantiale, facereque vnum per se cum materia; quæ dicitur determinata ad tales dimensiones, illasque exigere ex vi præcedentium dispositionum, siue quod idem est ex vi talis actionis per quam forma generanda debet in materiam introduci. Sicut in substantijs materialibus prima radix indiuiduationis est materia signata quantitate modo explicato; ita in accidentibus primum indiuiduationis principium est proprium eorum subiectum, reddens illa incommunicabilia per modum formæ, vel actus cuiusque alteri subiecto; sic repugnat quod duo accidentia solo numero diuersa recipiantur simul in eodem subiecto. Rectè tamè D. Thomas asserit opus. 70. q. 4. artic. 2. ad 3. quod sub peculiari aliqua ratione competit quantitati, esse ex se radicem indiuiduationis suæ; etiam si cæteris accidentibus competat solum indiuiduari radicaliter à subiecto. Ratio est, quia illud quod ex se diuiditur in plures partes eiusdem speciei atque rationis, habet ex se esse sub aliqua ratione speciali principium indiuiduationis; si quidem differentia individualis sit formaliter per diuisionem intra eandem

speciem; vnde illud quod habebit à se, & ratione sui diuidi in diuersas partes eiusdem rationis atque speciei, habebit à se principium indiuiduationis, & multiplicationis intra eandem speciem; talis autem est quantitas; quia linea v. g. diuiditur in plures partes, quarum quilibet est eiusdem speciei, cum quilibet sit linea; & ita pariter de alijs speciebus quantitatis. Tandem loquendo de principio indiuiduationis Angelorum, siue substantiarum spiritualium probabilius in via D. Thomæ dicendum est, illas indiuiduari à seipsis secundum gradum specificum, taliter quod gradus individualis earum non distinguatur etiam ratione à specifico. tantum de natura singulari; & de pertinentibus ad essentiam, nunc agendum est de existentia.

Cum existentia sit altera pars componens vna cum essentia, cuius est proprius actus, ens creatum Metaphysice, ideo post considerationem de essentia creata tam specificè, quàm individualiter considerata, de existentia creata eadem breuitate est agendum: quia, autem potest existentia creata considerari, vel secundum quod comparatur ad compartem suam, essentiam scilicet, vel secundum quod comparatur ad suas causas, de illa primum agemus secundum priorem considerationem. Existentia, igitur nihil est aliud, quam ipse actus essentia; vel id, quo essentia dicitur esse completè extra suum nihil, necessarium si sit essentia increata, contingenter si creata; vel si loquamur de existentia creata, est illud, quo aliquid denominatur positum extra causas, & extra nihil in facto esse. Ad quod non sufficit denominatio aliqua extrinseca ex præterita productione proueniens, nec pura, & sola relatio dependentia ab agente. Cum enim existentia, seu esse sit aliquid maximè reale, & intrinsecè denominans rem existentem, si quidem nulla res dicitur existere nisi in se realiter extra causas ponatur, & per hoc quod habet tale esse, maximè secernitur ab ente rationis, & à negationibus, eo quod per existen-

tiam ponitur extra nihil: oportet, quod sit aliquid reale in ipsa re existente, & consequenter non sit sola denominatio extrinseca, quia hæc nihil reale ponit in denominato. Similiter quia vnumquodque dicitur in ordine ad se, in tantum enim existit, in quantum in se habet esse, existentia non potest esse relatio, cuius totum esse est ad alterum, quæque etiam non dicitur existere ratione ipsius ad, sed ratione ipsius in, quia vnumquodque existit ad se non ad alterum: Loquendo de existentia in hoc sensu probabilius est illam distingui realiter ab essentia, non solum in statu possibilitatis considerata, quod omnes concedunt, satis enim constat, quod status possibilitatis habet carentiâ existentia, & consequenter debet ab illa distingui saltem tanquã priuatio seu negatio, & forma positua; sed etiam in statu actualitatis, quam habet ab ipsamet existentia; ita quod licet totum hoc complexum *essentia actualis*, non possit distingui ab existentia, sed se habeant vt includens & inclusum, tamẽ in ipsomet complexo duplex entitas cõcurrit, altera essentia quæ recipit existentiam, altera existentia quæ reddit illam actualem; sicut corpus album non solum remota albedine, sed etiam dum est sub illa distinguitur ab albedine per quam redditur album. Sed hæc est differentia inter albũ & existens, quod res existens remota existentia desinit omnino, & in nihilum redigitur, corpus autem remota albedine manet existens, & ita ibi facillè dignoscitur quomodo ab albedine distinguatur realiter, respectu verò existentia non ita facillè apparet, quod ab illa distinguatur aliqua entitas, quæ vocatur essentia, quia solum inuenitur actu quamdiu est sub existentia, illa verò remota, essentia manet nihil, & solum obiectiuè, & in statu possibilitatis. Et ex hoc aliqui intulerunt non posse distingui essentiam, & existentiam nisi sicut nihil, & ens, & sicut res in statu possibilitatis, & ipsamet in statu essendi extra causas. Quod tamen etiam dum essentia existit, distinguatur ab existentia

ita quod alia realitas sit existentia, alia essentia, licet vna sine alia nihil sit, probabilius in via D. Thomæ defenditur. Eo quod existentia est aliquid participatũ in creatura, & non essentia eius, vel pars essentia, sed ab agente deriuatum, eique contingenter conueniens, cum nunquã possit fieri propositio æternæ veritatis, & connexionis per se existentia cum creatura. Impossibile est enim, quod aliquid realiter conueniens alieui sit idẽ cum illo, & non habeat connexionem necessariam cum eo, neque cum aliquo tertio, quod cum illo cõponat, nil enim magis connexum est, quam idem sibi ipsi, vnde si existentia extet identificata cum aliquo non posset ei aduenire contingenter, aut per extrinsecam participationem, sed deberet per intrinsecam identitatem cõuenire, quod si per identitatem, ergo per connexionem.

Et si autem existentia sit accidens prædicabile, quia vt statim diximus existentia est extra essentiam rei, nõ tamen est accidens reale prædicamentale, scilicet duratio pertinens ad prædicamentũ, quando, vt volunt aliqui, si loquamur de existentia substantia, implicat enim quod substantia habeat esse simpliciter ab esse accidentali. Relinquitur ergo quod existentia substantia debet esse aliqua formalitas, seu realitas substantialis, non tamen tanta quod sit prædicatum essentiale, & constitutiuum essentia, aut pertinens directe ad prædicamentum. Controuertitur tamen, an sit realitas superaddita essentia, an modus? Et vtrumque probabiliter defenditur in Schola D. Thomæ. Probabilius tamen est, quod existentia addit realitatem eiusdem generis cuius fuerit existentia, & ad illud prædicamentum reducam, scilicet si est substantia substantialem, si accidens accidentalem, si modus modalem. Sumitur ratio ex duobus quæ existentia attribuantur, quæ maximè videtur petere realitatem, & non sufficere formalitatem modalem. Primum quod existentia est vltima, & sũma actualitas respectu omnis entitatis, quæ potest

existere, ipsa autem ulterius actuati non potest. Secundū quod existentia est ipsa ratio omnis realitatis, dicitur enim vnumquodque ens reale per ordinem ad esse, vel quia habet esse, & remota existentia remanet nihil, seu intra causas: non videtur autem tanta perfectio soli modalī entitati attribuenda, quia modus est infimum inter entia. Vnde licet essentia in ratione entis considerata sit nobilior & perfectior existentia, vt patet in natura intellectuāli, per quam homo & Angelus dicuntur esse ad imaginem & similitudinem Dei, tamen existentia in ratione actus considerata, est nobilior & perfectior essentia quam actuat. Existentia in rebus compositis, & vnica est, & indiuisibilis, eo modo quo formæ indiuisibiles dicuntur ex modo indiuisibili informandi, licet virtualiter diuisibilis sit, quatenus reddendo compositum, existens, omnes partes ex quibus constituitur actuat, & attingit. Hoc autem non est difficile intelligere supposito eo quod iam diximus; quod existentia nō identificatur cum entitate, sed superuenit euitati constitutæ ponendo illam extra causas, & consequenter se habet tanquam tetminus vltimus, & totalis ipsius actualitatis totius, quia illud vltimatē ponit extra causas. Sic in compositis substantialibus existentia est actus immediatus suppositi: siue quod idem est suppositum se habet vt principium quod receptiuum existentia, & natura vt principium quo, sed cum hac differentia ad formas accidentales, quod licet suppositum sit etiam principium, quod earum sustentatiuum & receptiuū, tamen etiam ipsa natura est medium recipiendi accidentia, ita quod mediante natura conueniunt supposito, & denominant illud, neque est necesse quod immutent ipsum suppositum inhærendo, sed solum naturam, vt manifestē patet in accidentibus cōuenientibus Christo Domino, quæ non inhærent supposito, neque immutant illud, sed mediante humanitate illud denominant. At verò existentia non mediante natura con-

uenit supposito, sed immediatē respicit illud vt principium quod, & vt rationē recipiendi, quia esse productum terminatiuē, & in factō esse solum conuenit ipsi toti, seu supposito, & mediātē toto conuenit uaturæ. Natura autem dicitur principium quo existentia quantum ad eius specificationem, & determinationem, quia videlicet quod existentia aliqua sit talis, vel talis speciei, V.g. humana, vel Angelica, vel alterius rationis sumitur ex natura, cuius est existentia, qua ratione D. Thomas 1. p. q. 50. art. 5. docet, quod esse conuenit formæ per se sicut rotunditas circulo, quod intelligitur vel de existentia, vt specificata & limitata ad talem naturam, V.g. existentia, vt humana, vel Angelica, &c. sic enim ratione formæ id habet; vel intelligitur, quod esse sequitur formam non absolutē, sed vt subiectam productioni, & in se subsistentem, vel inhærentem, sic enim formæ, vt productæ per se conuenit.

Considerando iam existentiam secundum dependentiam quam habet à causis, à quibus producitur. Etsi causæ particulares causent effectiue determinationem existentia, quia ad hoc non est necesse quod producant entitatem, ipsius, sed sufficit quod producant illud, quod est existentia limitatiuum, atque determinatiuum, videlicet essentiam, secundum suam rationem indiuidualem. Vnde etiam causæ particulares dicuntur dare absolutē & simpliciter esse suis effectibus, quia ad hoc sufficit quod vniāt, & coniungant essentiam suorum effectuum cum ipsoform existentia: probabilius tamen est eas non concurrere per modum causæ principalis ad productionem entitatis existentia, quatenus limitatæ & determinatæ. Imo aliqui tam altē sentiunt de existentia dignitate & perfectione, vt negent creaturam etiam instrumentaliter ad eius productionem concurrere, sed à solo Deo esse; quamuis opposita sententia sit valde probabilis asserens causam secundam producere esse instrumētālīter in virtute Dei.

Non fuit tamen, nec dimanare aâiue ab essentiâ: cum essentiâ habeat rationem puræ potentie passiuæ respectu existentie: non potest consequenter existentia fluere, vel dimanare ab ea aâiue. Tantum de essentiâ & existentia ex quibus in creaturis fit vniuersalissima cõpositio; scilicet ex esse seu existentia, tanquam ex vniuersalissimo aâu, & ex essentiâ tanquam ex vniuersalissima potentia.

*Pars secunda de proprietatibus
Entis.*

Proprietates, seu affectiones entis sunt in duplici differentia; aliæ enim sunt complexæ, aliæ verò incomplexæ seu vnitæ; complexæ sunt illæ, quæ termino complexo significantur, & quæ sub disunctione quadam enti conueniunt, vnde etiam affectiones disunctæ entis appellantur. Incomplexæ autem sunt, quæ vnico, & incomplexo termino significantur. Incipiendo à proprietatibus complexis siue disunctis, sunt in triplici differentia, quædam enim sunt principales immediatæ, quædam principales mediatæ, quædam denique minus principales & accessorie. Principales immediatæ, id est quæ ex natura entis veluti immediatè resultant, sunt duplices, secundum quod ens potest cõsiderari dupliciter, vel absolutè vel relatè; si absolutè, sunt necessarium & cõtingens: independens & dependens: increatum, aâus & potentia; si relatè, sũt principium & principiatum, causa & causatum. Proprietates principales mediatæ, id est, quæ non immediatè enti, sed veluti mediantibus eius proprietatibus vnitis siue incomplexis conueniunt similiter sunt in multiplici differentia; mediante enim perfectione ens denominatur vel completum quod habet essentiam natura sua in se terminatam, vel incompletum quod non habet essentiam in se terminatam: mediante vnitatè dicitur ens simplex vel compositum; idem vel diuersum; simplex est quod habet

entitatem indiuisibilem, compositum quod diuisibilem, iuxta compositionum diuersitatem; identitas est conuenientia in aliquo estque extrinseca, vel intrinseca, diuersitas verò est negatio conuenientie, estque vel distinctionis, vel oppositionis iuxta earum diuersitatem. Ratione veritatis denominatur ens naturale, cuius veritas pendet ab intellectu diuino, & artificiale, cuius veritas pendet ab intellectu humano; ratione bonitatis vel est infinitum, cui repugnat habere essentiæ terminos, vel finitum, quod terminos de se habet, quibus limitatur. A duratione denominatur ens, vel permanens, quod habet totum suum esse simul, vel successiuum, quod habet partes sui esse in fluxu & successione continuatas; ab vbiatate, vel circumscripti, quod clauditur terminis corporis continentis, vel incircumscriptum, quod terminis continentis corporis non clauditur natura sua. Proprietates tandem disunctæ veluti necessarie, & minus principales quibus ens denominatur, sunt absolutum & relatiuum; subiectum & adiunctum; signum & signatum; imago & exemplar; mensura & mensuratum. Tantum de proprietatibus entis disunctis nunc ad vnitatem, vel incomplexas.

Dari igitur veras entis proprietates incomplexas communis est Metaphysicorum sententia post Aristotelem 4. Metaphysicæ. 1. vbi ait Metaphysicam esse scientiam, quæ speculatione ens, prout ens est, & quæ ei per se insunt. Quæ proprietates, siue passionibus debent absolutè dici reales, non tamen realiter, aut ex natura rei distinctæ ab ente, sed sola ratione ratiocinatas, non quidem tanquàm plures conceptus se inuicem non includentes, (eo modo quo genus & differentia comparantur ad inuicem) sed tanquàm conceptus, quorum vnus non dicit explicitè alterum, sed implicitè, & sic distinguuntur solum ad inuicem, per modum expliciti & impliciti. Cum enim proprietates entis non sint quid omnino synonimum cum ente, debent ex vna parte exprimere aliquem modum ex pro.

proprijs suis conceptibus, qui non exprimitur formaliter per conceptum entis; ex alia verò, cum conceptus entis, sit conceptus transcendentalis, nullus debet esse modus realis, in quo saltem implicite non contineatur. Circa numerum harum proprietatum diuisi sunt inter se Doctores, aliqui enim assignant quinque, videlicet vnum, verum, bonum, rem, aliquid: alij verò tres tantum, vnum scilicet, verum & bonum. Probabilius est rem non esse proprietatem entis propriè dictam; cum non distinguatur ratione ab essentia entis, imò ex vi talis nominis, exprimit ipsam essentiam, & quidditatem entis; vt enim ens sumitur ab actu essendi, significatque ipsam essentiam & quidditatem entis, vt dicit ordinem ad esse; ita nomen rei exprimit quidditatem, siue essentiam entis, proptèr præscindit ab illo ordine; quod est significare essentiam sub duplici veluti statu. Similiter si vnum dicat primariò ens in se indiuisum, secundariò verò diuisum à quolibet alio; probabilius est, quod aliquid non faciat proprietatem distinctam ab vno. Illud enim quod importatur, & significatur secundariò per vnum, non facit proprietatem ab vno distinctam: sed ratio significata, & importata per aliquid, significatur & importatur secundariò ab vno; si quidem supponimus quod vnum definitur, quod sit ens indiuisum in se, & diuisum à quolibet alio, seu quod non sit aliud, ergò vnum secundariò importat, quod per aliquid significatur; cum aliquid sit idem, ac aliud quid, siue quod non sit aliud, & quod ab illo consequenter diuidatur. At si, vt volunt aliqui vnum importet solum essentialiter indiuisiorem in se, neque per ipsum, etiam importetur necessariò diuisio à quocunque alio, per aliquid significatam, sed solum ab eo; dicendum est, aliquid facere proprietatem distinctam ab vno, darique consequenter quatuor entis proprietates scilicet vnum, aliquid verum & bonum. Cæterum in confesso est apud omnes, vnum, verum, & bo-

num, esse proprietates entis propriè dictas, & de eo verè demonstrabiles, cum quodlibet ex illis exprimat aliquem modum, distinctum ab ente ratione ratiocinata, ipsum supponentem, & ab eo virtualiter veluti dimanantem; ex eo enim quod aliquid sit ens, sequitur per modum veluti dimanationis, quod sit fundamentum negationis diuisionis à seipso, quam dicit respectu non entis; in quo consistit ratio vnus; similiter ex eo quod aliquid sit ens, sequitur per modum eiusdem dimanationis virtualis, quod habet convenientiam fundamentalem cum intellectu & voluntate, seu quod habeat capacitatem, & potentiam ad hoc, vt cognoscatur ab intellectu, & ametur à voluntate, in quibus consistit ratio veri, & boni: de singulis breuiter agamus.

Incipiendo ab vnitate, non potest dici, quod de formali solum negationem diuisionis importet, aut quod ex æquo rationem entis, & dictam negationem, importet, ita vt vtramque rationem significet formaliter in recto: sed dicit de formali ens, & negationem diuisionis, ita vt in recto, & intrinsecè ipsum ens significet, non quidem sub conceptu entis, sed secundum quod exprimitur per modum fundamenti talis negationis, ipsam verò negationem in obliquo, seu connotatiuè, & ad instar cuiusdam veluti modi complementis rationem formalem, specificam vnus. Intellectus igitur in cōceptione vnus hoc ordine procedit; primò concipit ens, deinde non ens; deinde concipit quod ens diuiditur à non ente, seu quod ens non est non ens, postea quod ens non habet illam distinctionem seu diuisionem à seipso, quam habet respectu non entis; & hæc negatio qua negatur diuidi ens à se, diuisione illa, qua diuiditur à non ente, est ea, quæ ab vno formaliter, & primariò respicitur & significatur; deinde concipit quod vnum diuiditur à quocunque alio, siue illud existat, siue non; postea concipit multitudinem, deinde diuisionem atque distinctionem, quæ reperitur inter entia multitudinem componen-

pōnentia ; & tandem quod vnum non habet diuisionem illam à seipſo , quam plura illa entia componentia multitudinem habent inter ſe . Vnde apparet quomodo ſecundario reſpicitur diuiſio illa , quæ eſt in multitudine , à negatione quæ eſt in vno , & quod diuiſio quam primario reſpicit & negat ratio vnius , eſt illa , quam ipſum ens habet reſpectu non entis . Vtrum autem negatio diuiſionis , quam formaliter ſignificat vnitas , habeat rationem negationis , vel priuationis ; dependet ab iſtorum terminorum explicatione ; pro qua noto ad negationem puram , & ſimpliciter dictam , requiri quod carentia formæ , quam dicit negatio , non determinet ſibi ſubiectum , in quo petat eſſe ; & propterea , ſtatim atque carentia formæ determinat ſibi aliquod ſubiectum , ſtatim deſinit talis carentia habere rationem negationis puræ , & ſimpliciter dictæ , & induit rationem priuationis , quæ eſt negatio in ſubiecto , ſive carentia formæ ſubiectum ſibi determinans ; quod cum fieri poſſit quadrupliciter , tot etiam dantur priuationis acceptiones . *Prima* eſt , quando ſubiectum caret aliqua forma , quando & vbi natum eſt recipere eam , vt cæcitas in cane poſt nonum diem , & hæc eſt rigorofa , proprièque dicta priuatio . *Secunda* acceptio eſt , quando ſubiectum caret aliqua forma , quæ ſolum nata eſt haberi ab aliquo ſui generis proximi , vt carentia viſus in talpa , viſus enim poteſt haberi ab animali aliquo , licet talpæ conuenire non poſſit . *Tertia* acceptio eſt , quando ſubiectum caret aliqua forma , quæ quidẽ non eſt nata haberi à tali ſubiecto , nec etiam ab aliquo eiſdem generis immediati , tamen nata eſt ſemper ab aliquo ente haberi , quodcumque illud ſit , vt eſſet carentia viſus in arbore , vel in plâta . *Quarta* tandem acceptio eſt , quando ſubiectum caret aliqua forma , quæ à nullo ente nata eſt haberi , ſicut eſt non ens , quod quidem non eſt natum haberi ab vlllo ente , cum implicet non ens poſſe vlli enti , vt ens eſt , conuenire . Aduertendum eſt tamen circa quadruplicem

iſtam priuationis acceptionẽ , quod tres ſũt imẽ comparatę ad primam , quæ ſola rigorofa eſt priuatio , ſolent negationes appellari , licet omnes quatuor comparatę ad carentiam formæ , quæ non determinat ſibi vllum ſubiectum , habeant rationem priuationis , hæc verò negationis . Ex horum , inquam , terminorũ explicatione ſoluitur facilẽ propoſita difficultas , contrarietiquẽ circa illã ſententię ad concordiam reuocantur . Dico enim , quod cum negatio illa diuiſionis , quæ formaliter ſignificatur per vnum , determinet ſibi ens pro ſubiecto (negatio enim illa non poteſt competere non enti , alias non ens , vnum dici poſſet) neceſſariò ſequi , quod negatio incluſa , in vno differat à negatione ſimpliciter , & magis trahat ad negationem priuationis , non tamen rigorosẽ & ſimpliciter dictam ; quia cum priuatio hoc modo ſumpta , ſit carentia formæ in ſubiecto apto , ad talem formam , & ens dicat incapacitatẽ ad hoc , vt diuidatur à ſeipſo , illa diuiſione qua diuiditur , vel à non ente , vel à multitudine , non poteſt conſequenter talis negatio , quæ inuoluitur in vno , eſſe rigorofa & pura priuatio ; erit ergò priuatio largo modo ſumpta , in tertia videlicet , vel quarta acceptione , quæ nunc priuatio , nunc negatio appellati poteſt . Tantum de vnitate , nunc de veritate .

Cum autem veritas triplex ſit , prima rei , quæ vocatur tranſcendentalis , in omnibus rebus exiſtens , rationemque entis vt ſic , conſequens ; ſecunda notionis , quæ dicitur formalis , in intellectu reſidens ; tertia ſignificati , quæ eſt conformitas rei cum re ſignificata . De veritate primo modo ſumpta hic agimus , dicimusque illam non conſiſtere formaliter in aliqua denominatione extrinſeca , nec in negatione falſi , nec in aliquo reſpectu rationis , vt volunt aliqui ; ſed primario in habitudine illa reali , atque tranſcendentali , qua vnaqueque res dicit conuenientiam aptitudinalem , & cõformabilitatem cum intellectu diuino , idæiſque ipſius , ſecundario verò in conuenien-

Sectio VII. Caput XXIV. 415

uenientia aptitudinali, quam potest habere cum intellectu creato; ubi sermo est de veritate transcendentali creata; si enim sermo sit de veritate abstrahente à creata, & increata, certum est eam non posse consistere in aliqua habitudine reali ad intellectum diuinum; quippe quæ ab eo realiter non distinguitur; vnde si consideretur veritas sub illa generali abstractione, ratio, & natura ipsius erit constituenda formaliter, atque primario in ente, non quocumque modo considerato, sed quatenus est aptum facere veram sui æstimationem in intellectu diuino, & cum eo habere conformationem, & conuenientiam, abstrahendo ab hoc quod talis conuenientia induat respectum realem, vel rationis; in ente enim creato dicit respectum realem, rationis verò, in ente increato. Res ergo naturalis inter duos intellectus constituta, secundum adæquationem ad vtrūque dicitur vera; secundum enim adæquationem ad intellectum diuinum, dicitur vera, in quantum supplet hoc, ad quod est ordinata per intellectum diuinum; secundum autem adæquationem ad intellectum humanum, dicitur res vera, in quantum nata est de se terminare veram æstimationem. Prima tamen ratio veritatis per prius inest rei, quam secunda, quia prior est comparatio ad intellectum diuinum quam humanum: vnde etiam si intellectus humanus non esset, adhuc res diceretur vera in ordine ad intellectum diuinum: sed si vterque intellectus, quod est impossibile, intelligeretur auferri, nullo modo ratio veritatis remaneret.

Bonitas tandem vt est passio entis nõ consistit formaliter in conuenientia cum alio extremo reali, quod non sit appetitus, seu voluntas, vt volunt aliqui, nec in integritate rei, vt volunt alij; sed consistit formaliter in ente, quatenus ens habet conuenientiam quamdam, primario quidem, & per se cum voluntate diuina, secundario autem cum voluntate creata; proportionali modo quo de veritate dictum fuit. Sic bonitas creata di-

cit de formali ordinem conuenientie, non quidem prædicamentalem, sed transcendentelem ad voluntatem diuinam; ad voluntatem autem creatam, ordinem rationis radicalem & fundamentalem; ita vt bonitas in recto deat ipsum ens, quatenus præstat fundamentum ad prædictum respectum rationis. Insuper cum ratio formalis bonitatis non concipiatur in re, antequam concipiatur ratio conuenientie cum voluntate modo dicto, quando diuiditur bonum in illud, quod est bonum alterius, & in illud quod est bonum per se, & subsistens, diuiditur bonum materialiter, seu fundamentaliter sumptum: comparando verum transcendentelem cum bono etiam transcendentali, verum prius reperitur in rebus, quam bonum. Et si diuisio illa qua bonum diuiditur in honestum, vile, & delectabile, bono humano, & morali, propriè & primario conueniat; tamen ad bonum etiam transcendentelem transfertur, adæquateque diuiditur in honestum, vile, & delectabile. Cum enim bonum sit terminus appetitus, secundum diuersos modos, secundum quos terminatur appetitus ad ipsum, tot sunt diuersi bonitatis modi; tribus autem solum modis diuersis, bonum quod est terminus appetitus, potest illum terminare; vel per modum termini ultimi in aliquo ordine, & hoc modo est bonum honestum, quod terminat appetitum, vt ad ulteriorem terminum non ordinabile, cum terminet, vt appetibile ratione sui, & non ratione alterius: vel per modum termini non ultimi, & ad ulteriorem adhuc ordinabilis; & hoc modo est bonum vile; vel tandem per modum quietantis, & delectantis appetitum in appetibilitatis suæ suauitate, & hoc modo est bonum delectabile. Notandum est tamen dum communiter dicitur, bonum transcendentelem, adæquate diuidi in honestum, vile, & delectabile; non esse sensum, quod in quolibet bono transcendentali, tres prædictæ bonitatis rationes reperiantur; sed tantum intelligitur, quod bonum ita diuiditur in honestum, vile, & delectabile.

le, ut nulla res sit, cui non conveniat ali-
quod membrum ex tribus prædictis. Si-
militer non intelligitur ista divisiō ad
hunc sensum, quod cuilibet rei non pos-
sit nisi vnum ex istis membris conveni-
re, adeo ut res, quæ est vilis, non pos-
sit esse simul delectabilis & honesta; &
certum est enim, quod vna & eadem
res potest simul tres illas bonitatis ratio-
nes habere. Sic si consideretur triplex
illa ratio bonitatis, secundum quod eā-
dem rem denominat, divisiō erit eiuf-
dem rei in diuersas formalitates, diuer-
sosque respectus, similisque erit divisiō-
ni, qua distinguitur intellectus in specu-
lativum, & practicum; si autem con-
sideretur, secundū quod diuersas res de-
nominat, tunc bonum dividetur in illa
membra, sicut analogum tam propor-
tionis, quam proportionalitatis in sua
membra.

Pars tertia. De divisione entis.

Omissis varijs divisionibus entis,
duas alias sic possumus ordina-
re, ut primo diuidatur ens reale, in Deū,
& creaturas: deinde ens creatum in sub-
stantiam & accidens, seu in decem præ-
dicamenta; nunc breuiter explicandum
est, quid sit substantia, quid accidens.
Pro quo dico, *esse per se*, & *esse in alio*,
esse quosdam modos generales opposi-
tos, determinantes ens ad substantiam,
& accidens. Vnde sicut propria ratio
accidentis est esse in alio secundum ap-
titudinem, seu inclinationem ad inherendū:
sic propria ratio, & essentia substantiæ
creatæ erit aptitudinalis perfectas, seu
esse rem, cui debetur per se existere in-
dependentem ab alio, non solum tanquā
à subiecto, quod convenit partibus, &
modis seu terminis substantialibus, sed
etiam ab alio, tanquam à comparte, seu
concausa suæ substantiæ, vel tanquam
ab essentia, quam modificet, aut termi-
net; quod convenit substantiæ comple-
tæ; quæ sola proinde, loquendo propriè
dicitur esse capax substantiæ. Subsiste-
re enim propriè est, quod non est in alio

tanquam accidens, nec est in alio per
modum partis, nec per modum formæ,
aut materiæ; nec alio quocumque mo-
do. Sic persona, quæ inter omnes sub-
stantias completas primum obtinet lo-
cum, definitur ex Boetio lib. de duabus
naturis, quod sit rationalis naturæ indi-
vidua, siue incommunicabilis substan-
tia. Dicitur primò *rationalis natura*, la-
tè sumpto vocabulo pro quavis natura
intellectuali perfecta; vnde persona tã-
tūm dici potest de Deo, Angelo, & ho-
mine, & per hoc distinguitur ab omni-
bus alijs substantijs completis, quæ non
sunt, nec dicuntur personæ, sed hypo-
stases, seu supposita. tanquā vocabulis
vniuersalioribus; persona enim est no-
men dignitatis in quantum cōnotat na-
turam rationalem siue intellectualem.
Dicitur *individa substantia*, id est sin-
gularis, & prima substantia, & quidem
completè; per quod connecit cum alijs.
primis, siue completis substantijs, &
differt à secundis, quæ sunt genera &
species alijsque substantijs partialibus.
Potest enim aliqua substantia esse sin-
gularis & individua incompletè, primò
si sit naturaliter pars alterius, & ordina-
ta à natura ad constituendum vnum in-
dividuum completum cum alijs parti-
bus, vel per modum partis integrantis,
vel per modum partis essentialis, & ita
manus, pes, caput, non sunt personæ, sed
membrū, & pars corporis humanæ per-
sonæ. Item anima rationalis separata,
non est persona, quia non est individua
substantia completè, cum sit natura sua
pars apta vniri substantialiter ad con-
stituendum vnum individuum hominis
completum. Secundo potest esse aliqua
substantia singularis, & individua, in-
completè, hoc alio modo, si scilicet ha-
beat omnes suas partes integrantes, &
integram naturam & essentiam in aliqua
specie substantiæ perfectæ, sed careat vl-
timo termino substantiali, quo redditur
omnino incommunicabilis, qui vocatur
substantia, & personalitas; & talis fuit
humana Christi Domini natura, præscin-
dendo à personalitate Verbi diuini, il-
lam

Sectio VII. Caput XXIV. 417

lam terminante, licet enim fuerit singularis, & indiuidua, modo statim dicendo, caruit tamen ultimo suo complemento creato, terminoque subsistentiali.

Quia tamen communiter, & naturaliter loquendo, omnis natura intellectualis completa secundum esse naturę, siue quod idem est singularis atque indiuidua, suam propriam habet personalitatem, ideo absolute ponitur in prefata personę definitione illa particula *indiuidua*; magis tamen expressa & distincta esset, si adderetur *incommunicabilis*, quatenus ex D. Thoma in 3. sentent. ad Annibald. dist. 5. quęst. vnica art. 2. ad 4. per hanc particulam *indiuidua*, triplex excluditur communicabilitas. Prima, est communicabilitas vniuersalis; quod habet persona præcisè ratione naturę singularis, quam includit, quia singularitas opponitur vniuersalitati; & reddit naturam specificam contrariam, & incommunicabilem alijs inferioribus. Secunda communicabilitas, quę excluditur, est per modum inherētis; & adhuc ista incommunicabilitas non sequitur intrinsecè ad rationem suppositi vt talis, sed ad conceptum substantię vt sic, hinc anima rationalis, vt pote substantia, quod idem dicitur de secundis substantijs, siue de natura vniuersalis, licet dicat incommunicabilitatem per modum inherētis, non tamen habet rationem suppositi, vel personę, quia est iterum communicabilis per modum partis, & per modum alteri inexistētis, seu per negationem essendi in alio tanquam in sustentante, & est ista negatio, quę essentialiter & intrinsecè consequitur ad rationem suppositi, vel personę. Suppositum quippe vel persona cum sit substantia completa, & ultimo in se terminata, vterius communicabilis non est alteri tanquam sustentanti. Igitur subsistentia quę est ratio constitutiua suppositi, & natura indiuidua, secundum quod per particulam *indiuidua* intelligitur natura singularis, possunt considerari sicut punctum & quantitas; Quantitas enim, v.g. linea componitur ex partibus, terminatur au-

tem puncto, quod est aliquid superadditum partibus; ita subsistentia non se habet propriè vt pars componens substantiam, sed vt terminus reddens illam in se stantem, & incommunicabilem inexistendo alteri tanquā sustentanti. Vnde optimè dixit D. Thomas 1. p. q. 24. artic. 1. ad 3. Hoc nomen indiuiduum, poni in definitione personę ad designandum modum subsistendi, qui conuenit substantijs particularibus. Vbi etiam, notat articulo 2. quod iam supra insinuauimus, personam videlicet in natura intellectuali significare id, quod significatur per hæc alia nomina, subsistentia, rem naturę, & hypostasim, si sumatur secundū id quod formaliter significant; significant enim totum omnino cōpletum, & incommunicabile in genere substantię: quod quia diuersas habet habitudines, diuersis etiam exprimitur nominibus. Primò enim dicitur res naturę, quia est entitas, & veluti materialitas, in qua concipiuntur, & à qua abstrahuntur prædicata quidditatiua, in quibus dicitur consistere essentia, & natura rei, & sic vocatur res naturę. Deinde quia totum perfectum positiuè in se omnino existit, & nullo modo in alio, dicitur per se subsistere; quia verò omnia accidentia in illo sunt, & de illo prædicantur, sic dicitur hypostasis, seu subiectum & substantia; dicitur etiā suppositum, in quantum refertur ad naturam communem, quę de ipso prædicatur. Et sic istud nomen suppositum videtur esse nomen secundę intentionis, sicuti hoc nomen genus & species. Quædammodum enim natura specifica potest significari dupliciter, & nominibus primę intentionis, vt sunt homo, leo, equus &c. & nominibus secundę intentionis, qualia sunt species, vniuersale, subijcibile &c. ita etiam natura particularis & indiuidua potest dupliciter significari, nempe nominibus primę intentionis, vt sunt persona, hypostasis, prima substantia, &c. & nominibus secundę intentionis, vt sunt hæc suppositum, indiuiduum, singulare, & particulare.

Ggg

Per-

Persona seu hypostasis non distinguitur à natura indiuidua, ex solo modo significandi, in quantum natura significatur in abstracto, & ut habita; persona verò in concreto, seu per modum habentis naturam, ut volunt aliqui; sed in Deo distinguitur virtualiter, in naturis verò creatis realiter. Quod etsi fortasse solo discursu naturali demonstrari non posset, supposita tamen fide videtur omnino certum, mysteria enim Trinitatis & Incarnationis manifestarunt nobis in naturis substantialibus, præter singularitatem, & indiuiduationem debere dari subsistentiam distinctam. Nam in mysterio Incarnationis fide constat naturam humanam esse in Christo, & tamen non esse personalitatem humanam sed diuinam; & talis natura humana à Verbo diuino assumpta, non est assumpta in vniuersali, sed in singulari, ita ut illa singularitas non tribuatur ei à verbo, sed supponatur, distinguitur ergo singularitas & indiuiduatio à personalitate. Similiter in Deo multiplicantur realiter personæ, non multiplicata singularitate naturæ diuinæ, siue ut est hæc, ergo ratio singularitatis & personalitatis diuersimodè etiam se habet in diuinis; cū hoc tamen discrimine, quod ibi virtualis tantum reperitur distinctio; realis verò in creaturis; si quidem nullum potest esse maius, aut efficacius distinctionis realis signum aut argumentum inter duo, quam realis illorum separatio; in Christo autem Domino fides nos docet eius humanitatem esse singularem, & non esse personatam, propria personalitate; item eiusmodi humanitatem fuisse assumptam & vnitam hypostaticè verbo diuino, non fuisse autem assumptum, suppositum creatum; ergò aliquid illi deest, illud nimirum quod suppositum addit supra naturam singularem. Quod enim aliquid sit, aut concipiatur in alio per modum habitus, aut possesse præcisè, non impedit, quominus habeat ratione suppositi, aut personæ distinctæ, ab ea à qua dicitur haberi aut possideri, nisi desit ipsi illud quod habet constituere

suppositum, ut patet in veste, quæ cooperit corpus, & significatur per modum habitus à corpore, & tamen hoc non impedit, quin vestis sit suppositum distinctum à supposito corporis quod vestit. Ergo etiam quod natura humana Christi Verbo diuino vnita, significetur per modum habitus & possesse à Verbo tanquam à supposito alienæ naturæ: nihil impedit quominus possit natura humana Christi habere rationem personæ distinctæ à Verbo diuino, nisi desit ipsi entitas, vel modus quicumque sit, constitutiuus personæ creatæ. Si dicat aliquis alio modo naturam humanam in Christo, Verbo diuino vniri, quam vestem corpori, quod vestit. Respondetur hoc esse verissimum; & ita fide tenendum est contra Nestorium; verum quænam sit illa diuersa vnio, & in qua sita sit illius disparitas, non potest explicari, nisi quia verbum diuinum ita, vnitur sacratissimæ Christi Domini humanitati; ut suppleat in ea formaliter realitatem personalitatis naturalis in ipsa deficientem, atque adeo realiter ab ea distinctam, quod tamen non contingit in veste vnita corpori, vbi propria repperitur vnio solum accidentalis, quam etiam conabatur aliter Nestorius inter humanitatem, & verbum in Christo; quæque videtur manifestè sequi in sententia Durandi, & aliorum assentientium suppositum, seu personam nihil addere supra naturam indiuiduam, sed solum ab ea ex modo significandi distingui, in quantum natura significatur in abstracto, & ut habita; persona verò in concreto, seu per modum habentis naturam.

Illud per quod virtualiter in Deo, & realiter in creatoris persona distinguitur à natura singulari & indiuidua, non est quid merè negatiuum, sed etiā quid reale positiuum. Patet non solum ex mysterijs Trinitatis, & Incarnationis sed etiam ex rationibus Metaphysicis; quia per subsistentiam natura substantialis habet esse in se positiuè modo perfectissimo, sed esse in se tali modo dicte

conceptum realem positium, ex cuius tamen perfectione oritur negatio dependentie ab alio, siue vnionis substantialis cum quouis alio, cum quo faciat vnū per se, ergo natura substantialis non potest constitui formaliter in ratione substantientis aut suppositi per solam negationem, sed per aliquid positium ad illam essentialiter presuppositum à quo habet esse in se quid completum, & terminatum in genere substantiæ. Et si enim negationes alicuius perfectionis, cuiusmodi sunt in arbore, V.g. negationes visus, vel intellectus, non debeant supponere necessariò aliquid perfectum aut positium pro fundamento; quemadmodū nec negationes non repugnantie, & capacitatis, seu aptitudinis, & potentie ad receptionem illius formæ cuius sunt negationes, debent fundari in aliqua perfectione positua, vt in homine, V.g. negatio visionis Beatificæ. Nihilominus tamen illæ negationes, quæ dicunt negationem imperfectionis debent fundari in aliquo positiuo, sicut & illæ negationes, quæ dicunt, siue quæ sunt negationes repugnantie & incapacitatis ad aliquod maximè imperfectū; ista autem negatio essendi in alio quomodocumque, quæ reperitur in natura personata, vel suppositata, est eiusmodi, ex sua enim summa perfectione, qua significat, & exprimit illud quod est in toto genere substantiæ completissimū, persona vel suppositum negat illam imperfectionem, quam importat conceptus essendi in alio; insuper dicit negationē repugnantie, & incapacitatis, negatio communicabilitatis in supposito, quia quod dat esse per se simpliciter alicui rei, non potest supponere in ea tale esse, at in naturis substantialibus ratio suppositi est eiusmodi; non potest ergò suppositum adueniens alteri supposito facere vnū simpliciter cum eo, & consequenter ipsi communicari.

Illud reale positium, quod addit suppositum siue persona naturæ singulari, non est aliquod accidens, propriè loquendo de accidente. Certum est re-

spectu Dei, in quo nullum accidens reperiri potest, loquendo verò de persona in creatis licet nō sit tantæ certitudinis; nihilominus tamen omnino dicendum, est personam creatam non esse ipsamet naturam pro vt connotat, seu dicit ordinem ad accidentia, quæ recipit, quod videtur docere Hieronymus quodlib. 3. q. 6. patet primò ex mysterio incarnationis, quia cum in Christo sit natura humana secundum totum conceptū naturæ, & habeat ordinem ad proprias passiones, & ad extrinseca accidentia, sibi adiuncta, & in se habita; & nihilominus non sit in illa natura, propria hominis personalitas, signum est manifestum personam non constitui per dictam connotationem, vel ordinem. Secundò probatur ex natura ipsa suppositi, quod est quid completum, & perfectum in genere substantiæ; illud autem quod est completum & perfectum in illo genere non potest formaliter constitui per aliquod accidens; ergò illud quod addit suppositum supra naturam, non est accidens, sed quid pertinens ad complementum substantiæ; & eiusdem generis cum illa. Quando ergò aliqui Sancti Patres explicant distinctionem suppositi à natura, per proprietates & accidentia, quibus ipsa substantia sit particularis; loquuntur solū de supposito significatiuè, nec intendunt tradere exactam notitiam tam suppositi, quam distinctionis eius à sua natura, sed rudem tantum, quæ ab omnibus percipi posset, qualis est illa, quæ desumitur à proprijs quibusdam accidentibus, magis in nostram cognitionem incurrentibus, præsertim quando agitur de substantijs materialibus, & illarum accidentibus.

Illud reale positium, quod persona vt sic, addit supra naturam singularem, vel indiuiduam, non est actualis, & substantialis eius existentia formaliter sumpta; nec etiam ordo, vel habitudo ipsius naturæ substantialis ad suam existentiam. Hoc assero contra aliquos etiam Thomistas opinantes ex mente D. Thomæ existentiam per se quatenus indiuiduā,

seu quatenus gradum individualementuræ substantialis respicit, & cum ea ut sic coniungitur, aut ab ea connotatur, esse rationem suppositi; sunt enim duo modi opinandi in hac eadem sententia: quidam enim dicunt suppositum, seu personam addere quidem solam existentiam supra naturam, non tamen includere illam intrinsecè, sed tantum extrinsecè, id est habitudinè, & in illa habitudine consistere essentialiter rationem suppositi. Alij verò putant existentiam substantialem intrinsecè, ac formaliter constituere suppositum, distinguendo in illa duas veluti rationes formales, unā qua facit ut res sit extra causas, aut extra suum nihil completè & perfectè, & hæc dicitur ratio existentia, alteram, verò qua res ita sit extra causas, ut sit per se, seu separatim & incommunicabiliter, & hæc ratio dicitur ratio subsistentia. Quæ sententia sic explicata licet videatur habere quamdam probabilitatem, contraria tamen longè est probabilior, & conformior menti, & doctrinæ D. Thomæ, ac principijs ipsius: si quidem perpetuò tanquam distinctas difficultates disputat distinctionem existentia ab essentia, & distinctionem suppositi, seu subsistentiæ à natura, diversisque principijs utrumque probat 1. p. q. 2. artic. 3. & 4. in quodlib. 2. artic. 3. & 4. Signum est ergò manifestum D. Thomam non sumere pro eodem subsistentiam & existentiam; nisi velint authores contrarij Doctorem Angelicum perpetuò inutilem facere repetitionem, aut loqui cum hac improprietate & abusione confundendo existentiam cum subsistentia, nec discernendo quomodo vnum distinguatur ab alio, de quo tamen gravis est difficultas. Insuper eodem quodlib. 2. q. 2. artic. 4. ad 2. dicit expressè, quod esse non est de ratione suppositi Angelici, & quod esse non poneretur in definitione ipsius, si definiretur. Item 3. p. q. 17. art. 2. & in 3. ad Hannibal. dist. 6. quæst. vnica artic. 2. ad 2. ait existentiam non conuenire naturæ nisi medio supposito, ita quod licet na-

tura sit principium quò modo superius explicato, tamen non redditur capax recipiendi existentiam, ut quod nisi sit supposita & personata. Vnde sic arguatur, illud ex mente D. Thomæ non potest esse intrinsecum, & formale constitutiuum suppositi seu personæ, quod subsequitur ad personam & suppositum, præsupponiturque illud tanquam id quod recipit existentiam ut quod; quodque si definiretur suppositum non poneretur in definitione ipsius, sed ex doctrina D. Thomæ sic se habet esse ad personam, vel suppositum; ergò nō potest esse intrinsecum & formale constitutiuum suppositi vel personæ. Tandem cum in augustissimo Sanctissimæ Trinitatis mysterio supposita seu personæ diuinæ non constituentur per aliquas existentias relationes in schola D. Thomæ, sed per relationes ut formaliter subsistentes, iam ratio personæ ut sic pro ut abstrahit à creata & increata, non constituitur formaliter & intrinsecè per existentiam substantialem. Cum igitur persona creata nihil sit aliud quam participatio quedam increatæ personæ, si ipsa in diuinis non constituitur formaliter & intrinsecè per existentiam substantialem, sed per relationem ut subsistentem, siue secundum quod affert secum formam hypostaticam; ita nec in creatis persona constituitur formaliter per existentiam, sed per aliam quamdam realitatem mediam inter essentiam & existentiam, realiter ab utraque distinctam, quæ vocatur subsistentia; cum hoc solum discrimine, quod in diuinis est subsistentia purè relatiua, ad existentiam diuinam subsequens, cum absoluta sint priora relatiuis; in creatis autem absoluta.

Illud reale quod addit persona supra suam naturam est aliquis modus substantialis, seu modalis aliqua entitas substantialis, quæ ad distinctionem existentia, rectè vocari potest subsistentia. Hæc videtur esse vera, ac legitima D. Thomæ sententia circa naturam suppositi vel personæ. Nam quæst. 9. de potent. artic. 1. ad 1. dicitur *subsistentiam esse modum existendi*

*stendi in singulari substantia; & artic. 2. persona, inquit, significat naturam cum quodam modo existendi, qui modus est esse per se existens; idem sumitur ex r.p.q. 3. ad 1. Ratio est, quia quicquid est substantiale, & aduenit substantiæ completæ secundum omnes suas partes essentielles & physicas; quod tamen coniunctum & unitum tali substantiæ facit aliquod unum per se cum illa: illud propriè loquendo solum potest habere rationem cuiusdam modi substantialis; modi quidem, quia substantiam modificat, cum non componat illam intrinsecè, nec detur tanquam extremum componens, sed potius ut terminatio ipsa, seu totalitas completa, & resultans ex compositione, aut constitutione omnium partium, seu prædicatorum substantiæ; substantialis verò quia cū illa facit unū per se in genere substantiæ. Sed entitas illa substantialis, quam persona addit supra naturam singularem, aduenit substantiæ iam completæ, quo ad suas partes essentielles, & physicas, ut per se patet, & facillè intelligitur in mysterio Incarnationis; ubi secundum fidem Verbum diuinum assumpsit humanitatem, ut quid perfectè unū per se, quoad omnes suas partes essentielles & physicas, non assumpta tamen personalitate. Igitur entitas illa substantialis naturæ superaddita à supposito, vel persona habet solummodo rationem cuiusdā modi substantialis. Qui modus ut dicebam rectè vocari potest subsistentia, vel modus subsistentialis, à proprio quo fungitur munere, quod est facere substantiam ita positivè existere in se, & per se, ut illam reddat incommunicabilem alteri, cui actu, vel aptitudine naturali insit, tanquam sustentanti. Insuper totum & totaliter non videntur alio modo differre, quàm ut res & modus, quia ly *totaliter* importat modum totalitatis, ipsum verò *totum* rem ipsam, seu substantiam: atqui supposititalitas seu subsistentia propriè loquendo dicit totum ut totaliter, siue incommunicabiliter se habens; superaddit ergo substantiæ vel naturæ substan-*

tiali singulari, non realitatem aliquam, sed modum rei, nempe totaliter se habere, seu per modum totius completi in genere substantiæ, secundum quod pertinet ad ordinem nominalem, estque fundamentum & basis totius prædicamenti substantiæ. Per quod facillè intelligitur & explicatur Sacrosanctum Incarnationis mysterium, in quo Verbum diuinum assumpsit naturam humanam, reddendo illam non terminatam à se, sed terminatam ab alio, quatenus eo instanti, quo creata subsistentia humanitatis debebat effluere, tanquam ultimum illius in ratione primæ substantiæ, quæ appellatur maximè substantia, complementum, fuit impedita per diuinam potentiam, & eius loco personalitas Verbi diuini per intimam unionem substituta, trahendo naturam humanam ad suam propriam totalitatem, tanquam si esset pars eius; sicut videmus, quod vt aliqua linea vel superficies, quæ erat prius terminata suis punctis, vel lineis, ponatur sub alieno termino, nihil aliud requiritur, nisi quod vnatur & continetur cū altera, sic enim redditur pars eius; ita Verbum diuinum exclusit propriū modum terminationis & ultimationis à natura humana, reddendo illam tanquam partē Verbi, quod se habet in illa inefabili vnione, ut persona totalis. Vnde nihil aliud fuit Deum siue Verbum diuinum hominem fieri, quam naturam humanam, quæ de se integrali, & totali modo postulabat existere, impediri à propria terminatione, & alteri termino seu personæ vniri. De quo vide D. Th. in 3. ad Hannibald. dist. 5. artic. 2. ad 3. & opusculo 2. cap. 211.

In compositis substantialibus subsistentia non est composita ex pluribus subsistentiis partialibus, nempe materiæ, formæ, & compositi, ita ut ex illis integretur vna totalis subsistentia, quæ; inquirunt aliqui Doctores, ad hoc datur ut existentiam naturæ compleat, in ratione subsistentiæ; ita ut non sit propriè terminus, aut modus naturæ secundum esse essentia, sed secundum esse existentia ipsius

ipsius naturæ: sed est terminus omnino indiuisibilis, ordine naturæ antecedens existentiam. Ratio primæ partis desumitur ex ipsamet natura subsistentiæ personalis, quæ importat in suo conceptu formali & essentiali modum & formalitatem totius, per modum termini ultimi, ita ut ipsa ratio totalitatis & terminationis præstetur ab ipsa subsistentiâ; non dantur igitur in composito substantiali, partiales subsistentiæ, quæ conueniant partibus, ut ex illis integretur vna totalis subsistentia; repugnat si quidem quod ratio, seu formalitas totalitatis inueniatur partialiter, seu componatur ex modis partialibus; *et si enim*, quod est valdè notandum, entitas totius componatur ex entitatibus partium, tamen status seu modus partis, non potest componere modum, seu statum totalitatis, quia ei opponitur; nam modus partialitatis est modus communicabilitatis, modus autem totalitatis, seu subsistentiæ personalis est modus incommunicabilitatis; & ita subsistentiæ partiales non possunt componere subsistentiam totalem, siue personalem. Deinde non sunt multiplicanda entia sine necessitate; vnica autem & indiuisibilis subsistentia totius compositi sufficit ad hoc ut omnes compositi partes dicantur personaliter & incommunicabiliter subsistere, terminando enim totum afficit etiam partes in quantum constituunt ipsum totum. Vnde subsistentia personalis dicitur tantum diuisibilis, non formaliter aut habendo partes, sed virtualiter, & ex parte effectus, quia perficit rem diuisibilem, siue quia est terminus rerum diuisibilium, non secundum quod distinguuntur, & extenduntur in plures partes, sed ut adunantur in vnitatem & terminationem totius, & sic solum est in partibus terminatiue, & inadæquatè, formaliter autem in toto, ut præcisè vnum est. Ad eum ferè modum, quo punctum non est in aliqua parte, vel partibus adæquatè, sed inadæquatè, licet omnes partes terminet, quia omnes respicit terminatiue, in quantum in aliqua vnitatè

consummantur, & terminatione; non autè informatiue quatenus plures sunt. Aut etiam anima perfectorum animalium dicitur indiuisibilis, non quia effectum diuisibilem non habeat, perficiendo & informando partes diuisibiles, sed quia omnes illas respicit informandas per modum vnius, siue modo indiuisibili, id est per modum vnius integræ dispositionis ad animam, quatenus requirit corpus informabile, esse organicum, ut vltimam dispositionem in ratione animæ; & organicum sine pluribus partibus terminatis non inuenitur.

Altera pars, quod subsistentia sit ratio suscipiendi existentiam, ita ut sit terminus naturæ primo & per se, & antecedenter ad existentiam; est D. Thomæ quodlibet. 9. artic. 3. in 3. ad Annibald. dist. 6. quæst. vnica artic. 2. ad 2. & 3. par. q. 17. artic. 2. Prima ratio desumitur ex eo quod subsistentia, siue personalitas, ex ipsa sua formali ratione, est quid naturæ substantiali intimius, quam existentia, nam subsistentia immediatè resultat, & causatur ex ipsa vnione partium in quantum constituunt totum, & ex ipsa indiuiduatione substantiæ quatenus substantialis est, tanquam eius complementum, & terminus in ordine nominali, & sic non est prædicatum ita contingens, sicut existentia, quæ non resultat ex ipsa intrinseca ratione substantiæ, vel indiuiduatione illius, sed totaliter prouenit ab extra, scilicet ab ipsa actione agentis, ita quod ratio conueniendi sit ipsamet actio, quæ ponit rem iam subsistentem extra causas in facto esse, siue completè, & perfectè. Secundo probari potest ex modo vnionis aut compositionis, quod existentia & essentia debent inter se vniri, & facere compositum, quod dicitur existens; qui modus vnionis non est, quasi fiant vnum, ita quod existentia sit natura, & natura existentia, vel quasi misceantur in vno tertio, sed quia vniuntur in vno. Sicut enim docet D. Thomas in 3. ad Annibald. dist. 5. quæst. vnica, artic. 2. ad 1. vni dupliciter dicitur, vel vnum fieri, vel in vno fieri; quod

expli-

explicat exemplo vnionis naturæ humanæ & diuinæ in Christo, quæ vnuntur, non quia fiant vnum, sed quia fiunt in vno, id est in vno supposito in quo communicant. Quæ doctrina debet extendi, & applicari ad omnia illa, quæ ita vnuntur, vt inconfusa & impermixta permanent, qualiter contingit in vnione subiecti & accidentium, existentia & naturæ; vnde non prius intelliguntur vniri inter se, quàm in illo vno, in quo coniunguntur. Et ita non solum vnitur existentia immediatè ipsi supposito aut personæ, vt subiecto denominationis, sed etiam vt immediatè susceptiuo existentia, & tanquam ei quod est ratio recipiendi talem vnionem, & constituenti vnitatem ex illa resultantem; cum sit tantummodo vnio in vno, nõ verò vnio qua fiat vnum, non potest autem intelligi eiusmodi vnio, nisi interueniente supposito, tanquam eo in quo fit vnio. Vnde non debemus ratiocinari de vnione naturæ & existentia, quemadmodum de vnione materiæ & formæ, quæ prius vnuntur inter se tanquam partes, quæ in toto quod ex illis resultat, ideo enim hoc contingit, quia sic vnuntur, vt faciant vnā naturā, seu fiant vnum, non verò in vno solum, manendo inconfusa, & impermixta, sicut existentia cum natura vnitur. Tertiò tandem illud est directum, & immediatum subiectum existentia, cui competit per se fieri, & esse terminus per se productionis, si quidem rem produci nihil est aliud, quàm rem transire de non esse ad esse, siue à statu possibilitatis ad statum existentia; suppositum autem ex communi Philosophorum consensu, per se & immediatè est terminus productionis, natura verò non producitur per se, sed comproducitur ad productionem suppositi; ergò per se, & immediatè competit existentia supposito, diciturque reddere suppositum naturam per se existentem, non actuando existentiam, aut superueniendo illi, sed supponendo se illi, quia scilicet naturam ipsam complet, & immediatè illi aduenit terminando illam.

singulariter & incommunicabiliter. Tantum de substantia completa, siue de subsistente per se per modum suppositi & personæ, nunc aliquid dicamus de accidente.

Accidens est quod inhæret substantia, vnde vocatur cõmuniter entis ens. Quia autem accidens substantia inhæret, quod etiam solet appellari inesse, seu inexistere, dupliciter intelligi potest, vel de inhærentia actuali, vel de inhærentia aptitudinali; fides augustissimi Eucharistia Sacramenti, vbi quantitas & alia accidentia conseruantur sine subiecto, nos docet, solam inhærentiam aptitudinalem esse de essentia accidentium; Insuper cum nullum sit efficax argumentum realis distinctionis duorum, quam realis eorumdem separatio; & in Eodem Eucharistia mysterio, quantitas panis de facto separatur à substantia dicendum est tam illam, quam alia accidentia realiter distingui à substantia, si quidem non videtur esse maior ratio de vno, quam de alio accidente; implicatque quod eadem entitas realis sit realiter per se, & realiter inhæreat alteri. Tandem ex hoc ipso mysterio probabilius colligitur, accidentia habere etiam propriam existentiam, distinctam realiter ab existentia substantia, cum accidentia panis & vini, quæ remanent in augustissimo Eucharistia Sacramento, habeant aliquam existentiam distinctam ab existentia substantia; si enim illam non haberent, sed existerent per existentiam substantialem, vel talis existentia esset existentia panis, qui fuit conuersus in corpus Christi, vel existentia alterius substantia creatæ, quia certum est quod nõ existunt per existentiam increatam; ergò cum non possint existere sine existentia aliqua, si existunt per existentiam substantialem, vel illa erit existentia panis conuersi, vel existentia alterius substantia creatæ, aut creabilis: at neutrum dici potest; primò enim non potest dici, quod existant per existentiam panis conuersi, quia illa mirabilis & ineffabilis conuersio est transubstantiatio: ergo

ergo cum illa definiatur, quod sit conuersio totius substantiæ, in totam substantiam, non debet quicquam substantiale remanere ex substantia conuersa, atque adeo nec existentia panis conuersi, quæ est aliquid substantiale. Quod etiam non possint existere per existentiam alterius substantiæ creatæ, aut creabilis patet ex se. De necessitate ergo existunt per existentiam aliquam accidentalem; & consequenter accidentia habent propriam existentiam, realiter distinctam ab existentia substantiæ. Tantùm de rebus Metaphysicis, quas philosophus duodecim absoluit libris; adeo tamen ut principalem, ac vltimum indagationis Metaphysicæ scopum esse fateatur cognitionem Dei, & Angelorum spiritualium. Quamobrem Christiani ibi incipiunt scientiæ, & sciendi initium, ubi philosophorum anchoram figebat suprema cognitio: olim ab elementis mundi orsi, & physicis, hodiè à Dei summi vera, & certissima incipiunt noticia. Vnde satis apparet, quantum ad Sacræ doctrinæ studium proficua sit Metaphysica, eiusque principia, ut videbimus libro sequenti demonstrando ex illis aduersus Atheos, supremi alicuius numinis existentiam.

CAPVT XXV.

*Quantum referant ad Sacra Doctrina
studium Philosophia moralis, singulaque eius partes.*

Postquam in superioribus breuissimam rationalium, siue fermocinaliū quam speculatiuarum scientiarum ideā proposuimus, superest iam agere de Philosophia morali habente pro obiecto actiones voluntarias, vel ut loquitur D. Thomas in proemio lib. 1. Ethic. operationes humanas ordinatas in finem. Vocat autem operationes humanas, quæ à voluntate libera procedunt, secundum quod dicitur ratio & intellectus; siue quod idem est, quæ liberè fiunt propter finem, scilicet ab intellectu præcognitū,

& voluntati propositum ut bonum, & perfectiū hominis appetentis; ita ut causa materialis, seu obiectum quasi materiale Philosophiæ moralis sint actiones humanæ; formale verò, quatenus dirigibiles secundum rectam rationem. Finitis est felicitas humana practica. Efficiens est intellectus practicus quatenus honestas actiones docet, & præcepta tradit. Ratio autem cur actio humana, siue homo liberè agens propter finem, assignatur pro obiecto moralis, est, quia hæc scientia inuenta est, non ut homo præcisè fiat sciens, sed, ut fiat bonus probatæque vitæ, & consequatur felicitatem, cuius solus homo inter entia inferiora est capax; non fit autem bonus propter actiones naturales, siquid ex Philosopho, neque naturalis actio, neque violenta meretur laudem aut gloriam: neque etiam fit bonus, sed perfectus tantum secundum intellectum propter actiones merè intellectuales; nihil enim prohibet scientissimum Physicū, aut Mathematicum agere turpia, aut iniusta; fit ergo bonus homo propter actiones quarum est dominus, siue quæ rationis imperio subsunt, cuiusmodi sunt solæ actiones liberæ, siue elicite, siue imperate.

Circa diuisionem Philosophiæ moralis; communiter distinguitur in Ethicam, Oeconomicam, & Politicam; cuius distinctionis sufficientia desumitur, ex eo quod homo voluntariè agens propter finem dupliciter considerari potest primo secundum se, & ut per intellectum, & voluntatem ordinat seipsum in vltimum & optimum finem, qui dicitur felicitas: secundo ut est pars multitudinis, quam iuuat, & à qua iuuatur in his, quæ sunt hominibus necessaria. Nullus enim sibi soli sufficit, sed sicut in membris corporis vnum alteri confert, ita in hominibus vnus alterum iuuare potest. Multitudo autem, cuius homo est pars, est duplex, scilicet familia siue domus, & ciuitas, quæ sic differunt. Homo qui est animal naturaliter sociabile, indiget aliquibus sine quibus vita præsens transigi

figi non potest, vt generatione, nutrimento, vestitu, habitatione defensiuā ab aëris temperie. Indiget etiam aliquibus, vt non solum viuatur, sed & benè, & sufficienter viuatur. Ratione primi instituta est multitudo domestica, siue familia in qua omnes se iuuant in necessarijs vitæ; & vocata est familia, quia vnusquisque modo suo deseruit alteri. Ratione secundi instituta est ciuitas, quæ constat ex pluribus vicis, vicus autem ex pluribus domibus. Vnde ad ciuitatē propriè dictā duo requiruntur, primò quod sit communicata perfecta, est autem perfecta communitas, in qua inueniuntur omnia vitæ humanæ necessaria. Hac de causa constat ciuitas ex multis vicis, vt in eis exerceantur diuersæ artes, quibus parantur vitæ necessaria. Secundo quod sit causa, vt homo non solum habeat sufficientiam pro vita corporali, sed vt tutè & pacificè, & studiosè viuatur. Hac de causa quamlibet ciuitatem oportet habere leges, & publicam potestatem, quibus coercantur mali, & boni defendantur, ordineturque ciuiū vita ad virtutes.

Ex hac triplici hominis consideratione apparet sufficienti diuisionis Philosophiæ moralis in Ethicam, Oeconomicam & Politicam. Vt enim homo benè se regat, & ordinet in optimum finem inuenta est *Ethica*, quæ & *Monastica* dici consuevit, quasi scientia vnius. In qua cognoscat homo & discet quomodo passionēs moderāre sine per morales habitus, quomodo ad proximum se habeat per iustitiam, & prudentiam, & amicitiam honestam. In qua verè consistat humana felicitas, pro hac vita possibilis haberi viribus naturæ. Vt autem homo sciat, quomodo se habeat in domo, quomodo in familia viuendum, quid ad progenitores spectet, quid ad virum, quid ad vxorem, quid ad liberos, quid ad seruos, quis curare debeat intrinseca domus, quis extrinseca; ad hæc, inquam, omnia & similia inuenta est *Oeconomica*, id est scientia de domestica multitudine. Tandem vt homo sciat

quomodo viuendum in ciuitate, siue præsidens, siue subiectus sit, quæ partes debeant institui in ciuitate, quæ artes, quæ disciplinæ, quæ leges, quæ præmiæ, quæ pœniæ, quis finis, ad quem obtinendum semper contendunt ciues; inuenta est *Politica*, quæ & ciuilis scientia appellari consuevit, ad quam *Ethica* & *Oeconomica* vt ad principaliorē, & architectonicam ordinantur.

De Ethica.

Quoniam qui seipsum ignorat, & animum per virtutem excolere non didicit, neque in multitudine domestica, neque ciuili laudabiliter conuiuere potest, prima ordine doctrinæ est *Ethica*, quam decem libris absoluit Aristoteles, quorum summa hæc est. In primo libro agit de vltimo & optimo fine rerum humanarum, gratia cuius agit homo quæcunque voluntariè agit, & communi nomine appellatur felicitas. In secundo libro tractat de medio quo potest homo ad optimum illum finem peruenire, quod quidem medium est virtus moralis, ideo de virtute morali in communi, & generaliter discurret, antequam descendat ad virtutes morales in specie. In tertio libro agit de causis & principijs existentibus in nobis, à quibus proueniunt actus virtutum moralium vt de voluntario & inuoluntario, de electione & eligibili, de consilio & consiliabili, de voluntate & voluntabili. Quibus expeditis agit de duabus virtutibus moralibus in specie, scilicet de fortitudine & temperantia. In quarto libro profequitur considerationem specialem de alijs habitibus moralibus, vsque ad considerationem de iustitia exclusiue; nimirum de liberalitate & vitijs ei oppositis; de magnanimitate, & vicio illi opposito; de mansuetudine, & vicio illi opposito; de affabilitate, quæ licet non sit amicitia propriè dicta, tamen illi assimilatur, & de vicio ei opposito; de veracitate & vicio ei opposito; de eutrapelia, & vicio ei opposito; de verecundia,

Hhh

dia, quæ potius est laudabilis passio, quam virtutis habitus. In libro quinto agit de iustitia propriè dicta, & de eius speciebus; & de epichia, quæ est virtus dirigens communem iustitiam, & potest dici æquitas; & de iustitia improprie dicta. In libro sextotratat de habitibus intellectualibus, id est, qui sunt subiectiue in intellectu; vt de scientia, de arte, de prudentia, de intellectu, qui est habitus primorum principiorum, de sapientia, de prudentia politica, de eubolia id est virtute benè consiliatiua, de sinefi, id est virtute benè iudicatiua, & de asinesi quam appellare possumus hebetudinem iudicij; & de eustochia, & gnome. In libro septimo agit de incontinentia, & mollitie, & de continentia, ac perseverantia, & de delectatione ac tristitia corporali, vt de materia circa, quam versantur prædicti habitus. In libro octauo pertrahitur de amicitia, & de omnibus speciebus amicitie, siue sit inter personas æquales, siue inæquales; præcipuæ autem species sunt, amicitia, utilis, delectabilis & honesta. In libro nono agit de proprietatibus amicitie, quomodo conservatur, & dissoluitur. Tandem in libro decimo agit de delectatione & felicitate, quæ est optimus finis. Nam considerationem de felicitate, quam inceperat in communi in primo libro, vt excitaret humanum desiderium, ad acquirendum virtutes morales, vt media ad felicitatem, conatur complere, & terminare in libro decimo.

Quæ tamen omnia prædictis decem libris contenta facile reduci possunt ad duo potissimum capita, quibus tota absolvitur Ethica; primum est de optimo fine rerum humanarum, qui dicitur felicitas; secundum de actibus moralibus, seu voluntarijs tam in communi, quam in particulari, quibus vel ad felicitatem tendimus si sint boni & virtuosus, vel ab illa recedimus si sint mali & vitiosi. Vbi tamen non est sermo de ultimo fine, vel felicitate supernaturali, nec etiam de virtutibus supernaturalibus diuinitus infusus; sed tantum de felicitate, secun-

dum quod Philosophi solo lumine naturali ad illius cognitionem perueniunt; nec nõ de virtute secundum quod significat habitum bonum, bonamque qualitatem nostro labore, exercitio, more, consuetudine, & opera, nec non industria acquisitam; cui pariet opponitur vitium nostra culpa contractum. De his igitur breuiter hic agendum esset; verum quia inferius libro 5. ad 1.2. & 2.2. Diui Thomæ redibit sermo de morali Philosophia Christiana omnibus humanis disciplinis excellentiori, ideo illis supersedeo; satis enim inde constabit, quid inter tot diuersas Philosophorum sententias, de ultimo fine, veraque felicitate, quid de virtutibus moralibus acquisitis sentiendum sit.

De Oeconomica.

Sequitur secunda pars Philosophiæ moralis, *Oeconomica* dicta, quia, præscribit media domus ritè gubernanda. In qua sicut duo potissimum sunt attendenda, primum est societas personarum, secundum possessio, seu res familiaris; ita his duobus tota absolvitur *Oeconomica* consideratio. Societas autem personarum, cum sit duplex, vel prima, vt coniugalis; vel orta, vt paterna, & herilis; singularum officia; & virtutes præscribit. In possessione, seu familiari duo considerat, acquisitionem, & administrationem. Acquisitio iterum est duplex, ordinaria, & extraordinaria. Si ordinaria, vel naturalis, quæ sit beneficio agriculturæ, fossuræ mineraliũ, fissuræ lignorum &c. vel artificialis, quæ diuiditur in negotiatoriam, cuiusmodi est Mercatoria, Numularia, & in Operariam, vel Mechanicam, vel Officiariã ex officio publico, priuato, ecclesiastico, ciuili. Si sit acquisitio extraordinaria, vel est directa per hereditatem, dotes, donationes, thesauri inuentionem, & similia; vel indirecta, per lusum, certamen deposito pignore. Administratio similiter diuiditur in Atticam, Persicam, & Læconicam; iuxta triplicem modum, quem

Seſtio VII. Caput XXV. 427

quem imitandum proponit Ariſtoteles in Oeconomicis, adminiſtrationis rei familiaris ſeruari conſuetum apud Atticos, Perſas, & Laconicos. Adminiſtrationis partes ſunt, cura reſeruatiōis, cura uſurpationis. De ſingulis breuiter aliquid dicamus.

Prima igitur Societas, & ut Ciceto ait lib. 1. de offic. Seminariū reipublicæ, ſeu fundamentum reliquarū Societatum eſt coniunſtio maris & feminae, quam nos matrimonium appellamus, quæ in ſpecie humana, ſicut in alijs animalibus, eſt inaximè de inſtitutione naturæ, ad conſeruatiōem ſpeciei. Verū quia humana ſpecies nobiliſſima eſt inter inferiora, & ratione utitur: ideo ſocietas viri, & mulieris nō ſolū eſt propter propagatiōnem filiorū, ut conſeruetur ſpecies; ſed etiā propter alias duas cauſas, prima, ut ſe mutuo adiuent, ſibi que inuicem ſeruiant in neceſſitatibus vitæ. Secunda, ut filios procreent, non ſolū ad perpetuandam ſpeciem, ut cætera animalium, ſed ut ex eis comoda ſuſcipiant: nam parentes filios paruos & imbecilles ſuo labore tuentur & alunt; facti verò imbecilles propter ſenium, à filijs adultis, & valentibus eadem comoda reportant. Præter hos fines D. Paulus 1. Corinth. cap. 2. matrimonium inſtitutum docet ad reſtinguendum ignem libidinis. Circa tempus contrahendi nuptias; ut ſunt plures rationes, quibus adoleſcentium, præpropere nuptiæ reprobantur; ita & ſenum præpoſteræ; ad primas enim ſequitur, quod femina nimium pueriles in partu plerumque moriuntur; quod eneruentur corpora virorum ad concubitum ante diem propterantium, & inuilia ad res gerendas efficiantur: quod ex imbecillitate parentū imbecilles parui, & crebrius feminae naſcantur quam viri tandem quod in tali iuuenum coniugio perire ſoleat reuerentia liberorum erga parentes, quos iuuenus liberis cōtempribiles facit; Quo enim ætate ſuperior eſt parens, eo grauior quoque eſt, & authoritate maior. Senium quoque non eſt commodum ad nuptias. Tum

Biblioth. Theol. Tom. IV.

quod & hoc imbecillum ſit, tum quod illam incommoditatem habeat coniunctam, ut cogatur pater à vita abire, priuſquam liberos educare, aut eorum vitæ ſatis proſpicere poſſit.

Mediam proinde ætatem legiſlatores poſſiſimum probarunt; varia tamen à varijs definita eſt, alia quidem viris, alia feminis. Viris ætatis 37. definit Ariſtoteles. Et hoc eſt, quod Solon quintum ſeptenarium coniugio aptum pronuntiat. Plato annum 30. assignat: Heſiodus eundem: quod obſeruatum eſt ab Aegyptijs. Germani olim in turpiſſimis habebant ex Cæſ. lib. 6. bell. Gall. ante 20. ætatis annum vxoris notitiam habuiſſe. Juſtinianus Imperator 14. præſcribit *pr. tit. Inſt. de nupt.* Leo verò in *Nov.* centeſima nona 15. expreſſit. Atque hæc de virorū ætate, quibus ann. 60. ætatis elapſo potentiam gignendi euaneſcere ſcribit Ariſtoteles lib. 1. de gener. animal. cap. 18. Galen. de tuenda ſanitate lib. 2. ordinariè loquendo. Feminis autem annos nubendi præſcribit Ariſtoteles ab anno ætatis 18. ad annū 50. quo generare deſinunt. Plato à 20. uſque ad 40. Heſiodus annum 15. Juſtinianus 12. lus Canonicum hanc rem non ex annorum numero, ſed ex potentia procreandi æſtimans c. puberes 3. de deſponſal. minorem 12. annis interdum habet pro vxore legitima. Circa quod aduertendum eſt, aliud eſſe loqui de poſſibili, & aliud de congruo: nam loquendo de poſſibili, dicendum quod illa ætas eſt apta coniugio, in qua mas & femina poſſunt generare: poſſunt autē generare, quando pubeſcunt, pubeſcunt verò communiter mas 14. anno completo, femina verò 12. anno completo, licet in aliquibus magis & minus retardetur pubertas, propter variam complexionem. Vnde hæc ætas apta coniugio quo ad poſſibilitatem generationis determinata eſt in lege Canonica. Loquendo autem de congruo, dicendum cum Phyiſicis, & præcipuè de mente Ariſtotelis, quod ætas congrua in maſculo eſt poſt tertium ſeptennium, & in femina

H h h a na

na est post annum decimum octauum .

Quod spectat iam ad leges ac documenta obseruanda à viro erga vxorem ; ad sex reducuntur ab Aristotele . 1. est vt puellam ducat , vt gratis moribus tam induere possit . 2. vt non permittat vxorem ficto vt ornatu . 3. vt vxori iniuriã non inferat , cum externa coeundo . 4. nihil prætermittat quod ad vxoris pertineat disciplinam & eruditionem , vt ex ea quam optimos generet filios . 5. Vir appropinquet vxori , scilicet quo ad actum coniugalem cum magna temperantia , ac modestia , sitque pudor in verbis , in opere honestas , in conuersatione fides , & moderatio . 6. Vt vir non incutiat metum vxori sine verecundia & pudore , id est sine omnirespectu reuerentia . Hæc enim meretrices , & mæchos pati decet . At cum verecundia , & pudore , iustoque amore ingenua mulier regenda est à viro . Sunt igitur prædictæ leges à viro seruandæ erga vxorem , ex quibus Aristoteles sextam & primam vt præcipuas confirmat ex Homero . Vel breuius , officia mariti erga vxorem sunt partim in præstatione debiti naturalis , partim in subministratione alimentorũ , partim in defensione , partim denique in gubernatione domestica . Leges autem seruandæ ab vxore probæ ex intentione Aristotelis sunt septem . 1. Est omnibus rebus , quæ intus sunt scilicet in domo , dominari oportere , curamque illarũ habere secundum præscriptas sibi leges à viro suo , & ex institutione naturæ . Sicuti enim viri est parare extra , domum necessaria vitæ , sic mulieris est ea domi conseruare . 2. Est non permittat quemquam domum ingredi sine viri præcepto . 3. Sumptus & vestitus , & apparatus , & ornatu minori utatur , quam leges permiserint ciuitatis , considerans quod nec vestimentorum nitor , nec excellentia formæ , nec auri magnitudo , tantũ valet ad mulieris laudem , quantum modestia in rebus , ac studium honestæ , decoreque viuendi . 4. Non loquatur de Republica , aut de spectantibus ad connubia . 5. Magni faciat viri

mores . 6. Eum timore amoris reueretur , siue filiorũ , non seruorum . 7. Vxor in vtraque fortuna virum sustinere debet . Alij officium vxoris versari putant . 1. In præstatione debiti naturalis . 2. In exhibitione honoris & obedientiæ . 3. Vt vnum idemque habeat cum marito domicilium . 4. Vt gratiam viri defuncti memoriam retineat .

Secunda Societas est parentum ad filios , & filiorum ad parentes . Aristoteles docet quatuor leges à parentibus seruandas erga filios . 1. est in generatione . 2. in educatione . 3. in eruditione . 4. in exemplo vitæ . Prima spectat ad virum . Secunda ad vxorem , partu enim legitime edito , proximum est , vt mater suis vberibus infantem alat , ideo binas illi mammas natura concessit : nec permittit nisi in casu infirmitatis , vt nutritionis officium alteri demandetur : hodiè tamen pessima consuetudine contrarium ferè inualuit , existimantibus matribus dedecori sibi esse , si ipsæ hoc munus subeant . Erubescit fieri nutrix , quæ facta est mater inquit Chrysostomus in Psal. homil. 50. Tertia ad patrem pertinet propriè , sicut enim matris est educare , ita patris erudire . Pro eruditione autem filij transacto primo quinquennio vsque ad annum vigesimum primũ talis ordo seruandus est ex doctrina Aristotelis : prouideat in primis prudens & ingenuus pater , ne filij cum seruis versentur , vt ab auditu , & visu rerum , feruiliũ procul sint : secundò ne pueri dicant , aut audiant quicquam turpe , ex turpiter enim loquendi licentia , sequitur & in posterum rursus operari : tertio ne picturas , aut imagines , aut adus deformes , & obscænos aspiciant : omnia enim primò visa , & audita nos magis delectant : quartò vt transacto primo septennio erudiantur filij communibus disciplinis , quibus solent ingenui erudiri , duæ verò sunt ætates , in quas necesse est disciplinam diuidere , vna post primum septennium vsque ad pubertatem , altera à pubertate vsque ad annum vigesimum primum . Sunt autem ex doctrina

Sectio VII. Caput XXV. 429

na Aristotelis in lib. 8. Politicorum quatuor disciplinæ, quas filij ingenui discere cōsueverunt, scilicet Litteraria, Figuraria, Gymnastica, & Musica; de quibus vide ibi interpretes Aristotelis præsertim D. Thomam & Chrysostomum Laëllum. 4. tandem lex in exemplo vires consistens tam à matre, quam à patre seruari debet. De parentum officijs hætenus, sequitur de his quæ liberorum sunt; quæ idem Philosophus in lib. 8. Ethicorum ad quatuor reducit. Primò seruandus est amor. Secundo honor. Tertiò obedientia. Quartò subsidium: qua ratione infames pronuntiauit liberos Solon, qui parentibus egentibus opem non tulissent. Nam ut habetur lib. 9. Ethic. Deo & parentibus æquum reddere nequimus; ex quo de mente Aristotelis corrolariè sequitur nunquàm licere filio patrem abnegare, id est deserere de eo non curando, nec ei benefaciendo. Potest tamen pater filium adultum relinquere.

Tertia societas est herilis siue domini & serui; cum enim Dominus non possit in omnibus locis, ubi res eius agitur, simul apparere, nec omnia per se præstare, indiget vicarijs seruis, nam per seruos melior nostra fit conditio, non deterior l. 133. de regul. iuris. Sic ex Aristotele duo sunt seruorum genera, scilicet curator & opifex, curatorem appellat seruum, quem oeconomus negocijs præficit, & eorum curam habere iubet, quem nos negotiorum gestorem dicimus. Opifex vero vocat eum, qui manibus opus facit, ut fodere, arare, ferere, &c. De primo tamen genere non agitur in præsentia, sed de secundo tantum concernente veros seruos, qui perfectam seruitutem seruiunt. Quæ ratione seruitus duplex constituitur, naturalis & legalis. Natura serui sunt, qui minus ingenij, plus roboris habent: atque ideo ob defectum prudentiæ, nec sibi ipsis vtilia prospicere, nec alios rectè gubernare possunt, suntque ob vires corporis laboribus ferendis, aliorumque mandatis expediendis idonei. Atque

hi reguntur consilio & arbitrio alterius volentes, & cum suo commodo. Quæ sententia Aristotelis lib. 1. Polit. cap. 3. non pugnat cum illis, qui negant aliquem naturæ seruum esse. L. quod attinet, de R. Jur. leg. 5. ff. de statu homin. ubi seruitus definitur contra naturam esse. Nam sicut Cicero in paradoxis ex Stoicorum sententia disputat: omnes sapientes esse liberos: ita Aristoteles, omnes insipientes à natura ad seruitutem destinatos dicit, non autem vult, eos actu seruos esse, sicut Iuniconsulti seruitutē accipiunt, quando natura seruos vocant, qui ex ancillis nascuntur. Hi enim actu serui sunt. Aristotelis autem sententia intelligenda est in eum sensum, quo Plurarchus in Pelopida ait: Pelopidam naturæ imperatorem fuisse, non, quod talis fuerit natus, sed quod prudentiam regiam à natura habuerit. Lege serui sunt, qui ex certis causis dominorum potestati subiecti sunt, atque adeò vitam suam ad nuntum arbitriumque dominorum componere coguntur. Hæc seruitus iusta est, tum quod possessio eius, quod virtute & fortitudine domini acquisitum est, iusta sit: tum, quod legibus approbata, tum quod potentiori in invalidum iure debeat imperium.

Serui porro sic sumpti aut nascuntur, aut fiunt. Nascuntur ex ancilla, seu serua: suntque eiusdem ancilla, est, ex qua nati sunt. Partus enim sequitur ventrem, quantum ad status conditionem & dominium. Atque hi dicuntur Vernæ. Fiunt serui 1. captiuitate, in bello iusto intelligitur, quod est cum hostibus. Et iure sanè, quia cui licet impunè occidere, cur non liceat id, quod minus est; scilicet in seruitutem redigere. Hæc tamen seruitus ex captiuitate orta non omnino plena aut certa est, sed in suspensio, vel pendente manet ob fictionem iuris. Vnde hodie captiui vel gratis dimittuntur, vel certo lytro, vel permutatione aliorum captiuorum. 2. venditione sui ipsius serui fiunt, si dolo malo ad præcium participandum se venditari passi sunt. 3. damnatione in

metal.

metallum seruituti subiungantur, adeo ut etiam serui pænæ dicantur. Item, seruus est, qui ad mortem damnatus, saluatur, & in seruitutem datur. Fit enim seruus pænæ eo ipso, quod damnatur, ut ait Vlpianus *l. si quis*. cum enim seruus sit mitior pœna quàm mors *l. capitis*. iure videtur in seruitute retineri posse, quem alias mors absumpsisset. Sed sicut Leo venditionem *Novell. 59. sic* Iustinianus *Novell. 2* abrogat hanc legem *17. ff. de panis*. Nos, inquit, hoc remittimus, & oullum ab initio benè natorum ex supplicio permittimus fieri seruum. Neque enim mutamus nos formam liberam in seruilem statum, qui etiam dudum seruorum manumissores esse festinamus. Ex hæc quidem constitutio æquior est, ne vnus patris peccatum totam posteritatem trahat in seruitutem, cum ne iudicio quidem patris nisi meritis de causis summoueri hæredes à bonis damnatorum possint.

Constitutum seruitute, videndum iam quid in ea iuris sit, tum quo ad personas, tum quo ad res. Personas dico Dominum & seruum, quamquam seruus propriè personam non habeat; est enim *impersonatus l. instructum 185*. Domini officia sunt in genere, præstare seruis opus, cibum, animaduersionem, nam cibus sine opere facit seruum porcum: opus sine cibo asinum: castigatio sine utroque canem; in specie verò sunt 1. humana seruorum tractatio. Non enim seruire permittitur domino in seruum. 2. Dominus seruos non adigat ad inhonesta seruicia. 3. Non patiarur se se ab vxore instigari in seruos: prudens enim illud est Catonis monitum lib. 1.

Nil temere vxori de seruis, crede querenti

Sape etenim mulier, quem coniux diligit, edis.

Seruorum vicissim est primum amore, prosequi suos dominos; deinde fideles esse & morigeros; domini ciuitatem propriæ anteferre; dominos in extrema non deferere fortuna &c. De seruitute, quo ad res obseruandum est, seruum

bona nulla habere posse, nec proinde successores; igitur quodcumque acquirat, suo acquirat Domino. Verùm serui tales, de quibus huc vsque diximus, cū vix hodie inter Christianos agnoscantur, non est quod amplius in hoc immoremur; vnde ad rei familiaris considerationem transcendendum est.

Ordo doctrinæ requirit ut post leges seruandas inter virum & vxorem, & inter parentes, & filios, inter dominos & seruos, quæ sunt tres societates, ex quibus perfecta domus constare debet, postremo tractetur de legibus ac documentis ab Oeconomo seruandis in cura possessionis, seu rei familiaris; cuius nomine non solum intelligitur pecunia, sed quæcumque in pecuniam commutari possunt, ut agri & fructus, & domicilia, & animalia, & merces, cæteraque huiusmodi; circa quæ ex intentione Aristotelis, quatuor debent attendi ab Oeconomo. Primò vt rem familiarem acquirat. Secundò fit acquiritorum seruator. Tertiò vt per acquisita sciat ornari, & honorari. Quartò vt acquisitis fruatur. Breuius alij in re familiari duo tantum attendunt, illius scilicet acquisitionem, & conseruationem, seu administrationem; quia autem longum esset prosequi omnes modos acquisitionis diuitiarum & pecuniæ de quibus agit Philosophus lib. 1. Politicorum; tres tantum hic leges generales ex ipso adducemus circa acquisitionem Oeconomo obseruandas; 1. ne sua negotia in acquirendo confundat, sed singula distinguat, & ordine pertractet: nam si plura simul miscere voluerit, puta agriculturam, animalium societatem, mercaturam terrestrem, & maritimam, vnum aliud impediet: & si in vno iacturam parietur, detrimentum sentiet in omnibus. 2. est, curet plura fructuosa acquirere, quàm infructuosa, V.g. plures agros, quàm plures domos, plures merces, quàm plures vestes. 3. est, caueat, ne in solo vno negotio, quiddid habet periculo exponat, puta mercaturæ maritimæ; imo expedit in diuersis negotiari, vt si pro

vno

vno negotio patitur, pro alio acquirit. In diversisque sitibus diversos possidere agros, ne aut siccitate, aut grandine, aut sterilitate terræ penuriam & vniuersalē fructuum priuationem patiatur. Hæc sunt documenta ab Aristotele vniuersaliter tradita Oeconomo pro acquisitione. Specifica autem querenda lib. i. citato Politicorum: & in libris eorum qui de re rustica tractarunt.

Quantum ad conseruationem, vel administrationem acquisitionum, Aristoteles proponit imitandum modum administrationis rei familiaris seruari consueum apud Auios, vnde dicta Antica, & modum seruatum apud Laconicos, vnde Laconica, & modum seruatum apud Persas, vnde Persica. Pro intelligentia modi Attici aduertendum est, quod Pericles Atheniensis vir præclarus in administratione rei familiaris solertissimus sic domum gubernabat. Singulis annis fructus prædiorum suorum perceptos vendebat. Et quæcumque ad victum familiæ necessaria seorsum emebat, & sic reddituum prædiorum exarabat ratio, ex illis redacta pecunia: & sumptuum domesticorum quantitas nõ laebeat, quæ duo ad maximam diligentiam & frugalitatem pertinere videbantur. Hunc administrandi modum non solum Pericles, sed & cæteri Athenienses obseruarunt, quoniam vt dicit Aristoteles vendentes emunt, id est vendentes fructus ex prædijs collectos emunt necessaria ad victum familiæ. Et huius quidem modi administrandi ratio fuit, securior fructuum perceptorum tuitio. Si enim venduntur nullus per annum furripit, nullus furatur, nullus decipit, Nec tam facile consumitur emptum, quam quod prouenit ex prædijs nostris: maiori namque, ac subtiliori computo expenditur emptum. Et quoniam Attici domum sic regunt: ideo penoris institutio non est apud eos. Cum enim venderent prædicta omnia non instituebant penus, sed dietim victui necessaria emebant. Est autem penus frumenti, vini, olei, calci & similium prouisio, &

congregatio pro alimentis familiæ, pro notabili temporis spatio vt pro anno vel dimidio. Hic est igitur modus administrandi Atticus, quem Arist. partim æstimat obseruandum, partim non. Et dicit quod in paruis administrationibus regula Attica circa fructus vtendum est. In magnis verò distinctio facienda est eorum quæ in anno, & quæ in singulos menses consumere oportet. Eodemque modo & in instrumentis separanda sunt, quorum vsus quotidianus est ab his, quæ raro sunt vsui.

De modo seruato apud Laconicos vni dumtaxat refert Aristoteles dicens. Ad rectum verò instrumentorum vsus illud Laconicum valet: singula suo loco iacere. De modo autem Persico tria, maximè recitat Oeconomo imitanda, quorum primum est vt domum & omnia, quæ in domo sunt videat & omni diligentia discuiat, ac iubeat. In quo dictum Persæ simul & Lybici rectè se habet. Persa enim interrogatus quid equum maximè pinguem faceret, respondit: Oculus domini. Lybicus verò interrogatus, quod sterquilinum agros foret optimum: Domini, inquit, vestigia. Secundum est quod sit Oeconomus maximè vigilans; sic expergisci decet prius dominum quam seruum: & cubium ire posteri. Tertium est Oeconomus in ædibus parandis & construendis ad tria maxime respiciat. Primò vt sint viles pro rebus seruandis. Secundò vt sint commodæ pro habitatoribus. Tertiò vt sint salubres pro conseruatione rerum & corporum. Vnde inquit Aristoteles ædes quoque parandæ sunt, vt & rerum possellarum & salubritatis & commoditatis rationem habeamus. Rerum possellarum dico, cu fructuum & vestium, quales his conducant, & fructuum quales aridis: quales liquidis: & aliarum rerum quales animatis, quales inanimatis, seruisque & liberis: maribus & feminis: ciuibus & peregrinis. Commoditatis verò & salubritatis, vt ætate quidem veniorum bonum assatum, hyeme autem solem recipiant: erunt autem tales;

les: si versus Boream fuerint, nec æqualiter lata. Hæc Aristoteles.

Ad hanc Philosophiæ moralis partem spectant plura diuinarum Scripturarum vtriusque testamenti loca, in quibus sit sermo tam de tribus iam dictis societatibus, officiisque & legibus ad illas pertinentibus, quàm de possessione bonorum exteriorum, sine quibus domus seruari non posset. Ex quibus locis ordinatè collectis, ritèque intellectis ordinari posset perfectà, numerisque omnibus absoluta Oeconomia sacra, cui iam pridem inter alios feliciter insudauit Chrysostomus Laellus Ord. Prædicat. in Oeconomica, vel familiari christiana disciplina, quam diuidit in septè tractatus. Primus est de domo, & illius partibus in cõmuni, inquirendo 1. quid sit domus. 2. quæ & quot sint causæ necessitantes hominum genus ad constituendam domum, & si huiusmodi constitutio est homini naturalis, vel ex mera voluntate. 3. quot communitates, quot regimina, quot personarum genera oporteat esse in domo. Secundus tractatus est de regimine primæ partis domus, quæ est inter virum & uxorem, siue inter coniugales. Vbi 1. probat quod homo naturaliter est animal coniugale. 2. quæ sit ætas apta coniugio tam in masculo, quàm in femina. 3. si licet vni viro habere simul plures uxores, & vni femine simul plures viros, & si coniugium debet esse indissolubile per totam vitam. 4. quod non licet ducere uxore eam, quæ est proxima consanguinitate, aut affinitate coniuncta. 5. quomodo uxores regendæ sunt à suis viris. 6. quomodo se debent regere viri erga uxores suas, quo ad debitum coniugale, & honoratum tractatum, conuersationem & zelum, & consilium, & secretorum reuelationem.

Tertius tractatus est de regimine filiorum. 1. quod parentes naturaliter debent esse maxime solliciti circa regimen filiorum. 2. quod curandi sunt filij à parentibus à principio natiuitatis suæ vsque in finem primi septennij. 3. quo-

modo curandi sunt filij, & erudiendi per totum secundum septennium. 4. quomodo regendi sunt per totum tertium septennium. 5. de pædagogo filijs præponendo. 6. quod pædagogi retrahant filios à societate prauorum. 7. quod informet eos in bonis moribus. 8. quomodo eos regere circa vsum, & auditum, & odoratum. 9. circa sermonem, gustum & tactum. 10. quomodo ludis, gestibus, & vestitu. 11. quomodo quo ad exercitium corporale. 12. quod ante omnia instruendi sunt in fide. 13. quod dedicandi sunt disciplinis liberalibus. 14. in quibus scientijs erudiendi sunt. Quartus tractatus est de regimine filiarum nobilium, quandiu sunt sub cura paterna. 1. prohibendum esse eis, ne extra domum discurrant, sed clausæ domi viuant. 2. quod ab adolescentibus, & iuuenibus, & vniuersaliter à viris nõ familiariter, & domesticè, & crebrò visitentur, neque personaliter, neque per munuscula, neque per secretas, & amenas litteras, neque per internuntias, aut internuntios lænocinantes. 3. quod non permittantur otiosè viuere, neque cum mulieribus domesticis, lasciuisque narrationibus, & ludis vacare, sed in opere sibi conuenienti cõgruis horis sint quotidie occupatæ. 4. quod sint modo debito taciturnæ præcipue in aspectu virorum.

Quintus tractatus est de regimine seruorum, siue ministrantium in domo perfectà. Vbi 1. declaratur, quod in domo perfectà requiritur dominus præsidens, & seruus ministrans. 2. quod in diuina & christiana lege sunt quinque seruorum genera, scilicet seruus ex natura, ex lege, ex emptione, ex mercede, ex virtute, & dilectione. 3. quomodo dominus regere debet seruos, qui sunt ex natura serui. 4. quomodo serui ex lege facti, & empticij regedi sunt. 5. quomodo regendi sunt serui, qui ex sola mercede conducti seruiunt, & quomodo qui ex virtute & amore. Sextus tractatus est de possessione Patris familias. Vbi explicatur 1. quod rerum temporali-
lium

lium exteriorum possessio est homini naturalis. 2. quod expedit cuilibet familiaris possidere aliqua bona temporalia distincte, & non communiter. 3. Quod non expedit Patri familias appetere bona temporalia in infinitum. 4. Quot modis potest pater familias acquirere bona temporalia, pro sustentatione familiaris, & sui status. 5. quot sint genera commutationum vsitata. 6. quot modis potest pater familias acquirere pecuniam, & qui ex eis sit licitus, & qui non. 7. qui modi conueniant Patri familias, & qui non. Septimus tandem & vltimus tractatus est de dispositione, & qualitate ædificiorum, pro vt decent in Religione Christiana. Vbi declarantur. 1. causæ propter quas oporteat patrem familias construere domum propriam. 2. qualis debeat esse quoad structuram & ædificationem. 3. quo ad aërem salubrem. 4. quo ad aquas salubres. 5. quo ad situm in ordine ad vniuersum. 6. quo ad sculpturas siue picturas. 7. quo ad diuinum cultum. Hactenus Iauellus, in quo si aliqua desint ad perfectam Oeconomiam, facile suppleri possunt, cum inuentis addere facile sit.

De Politia.

Tertia tandem pars, eaque dignissima Philosophiæ moralis, est Politia, siue scientia de regenda ciuitate, quam Politicam Græci, nos autem ciuilem scientiam appellamus. Hanc Aristoteles octo Politicorum libris absoluit; in quorum primo pertractat de principiis, vel fundamentis vniuersalibus, quæ præcognoscenda sunt, antequam descendatur ad specificam Reipublicæ considerationem. Hæc autem sunt, ad quid ciuitas est instituta, quomodo ab alijs communitatibus differt; puta à domo, à pago, & quot sint partes domus, de singulis agens, vt de domino & seruo, de patre & filio, de viro, & vxore. Nam cum dominus & seruus, pater & filius, vir, & vxor, constituant vnā domum, plures domus constituent pagum,

Biblioth. Theol. Tom. IV.

plures pagi, quos vicinias siue vicos appellare solemus, constituent ciuitatem, impossibile esset de ciuitate perfectam scientiam tradere præmissis ignoratis, quæ tamen sub altiori quadam ratione, considerantur in Politica, quam in Oeconomica. In secundo libro recitat sententias maiorum, qui de politia tractarunt, & singulas reprobant, vbi non rectè dixisse videntur. Recitat autem, & reprobant primò sententiam Platonis sub nomine Socratis, quæ opinatus fuit filios ac mulieres in ciuitate debere esse communes, nec solum filios ac mulieres, sed etiam officia & possessiones; item eius instituta & leges de numero bellatorum, de quantitate possessionum, de multitudine generationis filiorum, de æqualitate seruanda inter ciues quo ad diuitias, & dignitates, de distinctione Principum à subditis, de duplicatione domorum, de distinctione ciuitatis in partes suas, & tandem de commixtione sue politix. Recitat & reprobant secundo politiam Phalaræ Carthaginensis, qui aduertens, quod ex possessionibus, & substantijs inter ciues, nisi benè ordinentur, oriuntur seditiones, dum pauperes conueruntur de diuitibus; item quod solent ex artificibus non benè ordinatis tumultus & lites fieri, dum rixantur ad inuicem, & mutuo inuident propter lucri; totum studium in politia sua conuertit ad ordinandum de substantijs, & artificijs. Et quantum ad substantias, quod omnes ciues essent æquales, ita quod nullus esset pauper, nullusque ditior altero. Quantum autem ad artifices, vt cessarent rixæ inter eos, statuit, quod in communi operarentur iuxta artem suam, puta omnes fabri in communi, omnes textores in communi, &c. & eorum opera distribuerentur inter ciues iuxta eorum necessitates & indigencias. Recitat & reprobant tertio politiam Hippodami natione Milesij, cuius tria erant principalia instituta in genere, primum spectans ad diuisionem ciuitatis, quo ad ciues in tres partes, scilicet artifices, agricolas, & propugnatores, quoad

territorium, siue regionem, similiter in tres partes, sacram, de qua viuerent Sacerdotes; publicā, de qua viuerent bellatores: priuatam, quæ distingueretur, inter agricolas. Secundum ad iudicia; tertium ad disciplinam ciuium pertinebat. Agit quartò de Republica Lacedæmonum, quam instituit Licurgus; quinto de Republica Carthaginensium. Sexto tandem recitat nominatim famosiore legum conditores, & eorum singula exponit instituta.

In libro tertio distinguit politias in species suas tam bonas quam malas. Deindè declarat quis in ciuitate dominari debeat, & secundum quam excellentiam boni, distribuendi sint principatus: postremò agit in particulari de optima politia, quæ dicitur Regia, siue Regnum. In libro quarto tractat de politijs alijs à Regno, vt de populari, siue democratica, & de ea quæ est paucorum, siue Oligarchia: & de ea, quæ est optimatum, siue Aristocratia, & de pessima, quæ est tyrannis: & de partibus reipublicæ, quæ sunt consiliatiuum, & iudicatiuum. In libro quinto discurret de causis corruptentibus, & saluantibus respublicas, in quibus plures dominantur, quales sunt Democratica, Oligarchica, Aristocratica, & de causis corruptentibus ac saluantibus rempublicā in qua tantum vnus dominatur, & dicitur Monarchia.

In libro sexto pertractat ex quibus & quomodo instituendæ sunt respublice minus bonæ, ac minus rectæ, quales sunt respublicæ paucorum, & popularis; & de illis, qui debent in eis principari. In libro septimo agit de optima republica, quæcumque si illa: siue dicatur communi nomine respublica, siue sit respublica optimatum, siue regnum; ad quem finem ordinata sit: quæ debeat esse materia, & magnitudo & regio ciuitatis; & discandæ, quales debeant esse in ea gubernatores; & quæ partes, quomodo diuidenda eius regio, & colenda, quibus adinventionibus fiant in ea ciues studiosi, ac probi. De modo autem instituendi

tyrannidem, nulla fit mentio, cum potius laborandum sit, vt destruat, quam instituat. In octauo tandem & vltimo libro agit de disciplina puerorum, ac iuuenum, quibus disciplinis pro diuersa ætate erudiendi sunt. Quomodo in Musica, & quali Musica. Hec est summa, in genere eorum, quæ in octo libris Politicorum resoluit Aristoteles, de quibus priusquam agamus in particulari, sic sub vna possunt ordinari tabula Generali, quæ ad Politicam spectant.

Politica ergò tribus potissimum partibus in vniuersum distingui solet; vt prima sit de reipublicæ constitutione. Secunda de constitutæ administratione. Tertia de collapsæ restitutione. Ad primæ partis considerationem spectat primum reipublicæ definitio, & ortus, 1. incrementa, vbi & de reipublicæ partibus, paucorum, videlicet in coniunctione maritali, Patria, herili; plurium deuinctorum inter se vinculo naturali, vt familie; ciuili, iure fodalitatis in collegijs & tribubus; vicinitatis quo ad territorium siue districtum, ciuitatem, & metropolim, Vrbem, & in ea ædificia, publica, priuata. 3. forma. 4. finis reipublicæ. In administratione cum sit vel togata, vel militaris; in togata consideratur primum efficiens causa, siue modi quibus ea deferri solet, cuiusmodi sunt electio, & successio. 2. subiectum nempe Magistratus, isque vel probus, cuiusque munia, vel improbus vt tyrannus. 3. administrationis forma, quæ est in sanctione legum, custodia disciplinæ publicæ, & exercitio iurisdictionis. 4. adiuncta bonæ administrationi, Personæ nempe & res. Personæ quidem administratione inuantes partim consilio, vt consiliarij, partim expediendis legationibus vt legati, partim obsequio, vt subditi. Res ad administrationem pertinentes, alię sunt domi, vt opes, arma, arces, colonie &c. alię foris, vt fœdera. In administratione militari considerantur, 1. belli definitio. 2. distributio. 3. causę impellentes manifestæ, occultæ. 4. apparatus in cura subditorum exercendorum.

in tractatione armorum; instrumentorū qualia sunt pecunia, commeatus, arma ductilia, machinæ bellicæ, & clarigatio- num. 5. subiectum dux nimirum & mi- lites, qui considerari possunt separatim, & collectim; separatim in delectu ha- bendo, quo pertinet eorum conscriptio, lustratio, receptio, auctoratio; & in dis- tinctione faciendâ; collectim in exerci- tu, cuius distributio in certos ordines; connexa in artificibus, & calonibus. 6. obiectum, hostis videlicet. 7. actus bel- li, ubi 1. castrorum locatio, 2. excubia- rum constitutio, 3. obsecro, 4. prælium, 5. inuentio bellica, quo pertinent con- silia, 6. disciplina militaris in distribu- tione penarum, quo loco de exauctora- tionibus, & præmiorū, cuiusmodi sunt stipendia, & priuilegia militaria. 8. ad- iuncta, scilicet cades, vastationes, incen- dia, captiuitas. 9. effecta, quæ vel tristia vt subactio, vel læta, vt victoria, pacifi- catio, & dimissio exercitus. In tertiâ, denique Politicæ parte, quæ est de rei- publicæ collapsæ restitutione. I. Agitur de euerfionibus rerumpublicarum quo ad earum causas efficientem & forma- lem; causa efficiens principalis est Deus quem vt rerumpublicarum fundatorem benignum, ita euerforem iustum agno- scere debemus: *Manus tua, domine, gen- tes disperdit, & plantasti eas; afflixisti po- pulos, & expulisti eos. Psal. 44. v. 3. Et Daniel. 2. vers. 21. Tu solio regali impo- nens reges, eosdemque inde deturbas.* Ex parte creaturarum sunt in Magistratibus iniustitia, discordia, ambitio, auaritia, abdicatio intempestiua; in subditis & magistratibus simul, violatio disciplinæ publicæ in religione, idololatria, libidi- ne, luxu, superbia, & pauperum oppres- sione, alijsque similibus. Ad causam formalem pertinet, quomodo à conuer- sione reipublicæ differat euerfio. II. E- uersas rerumpublicarum partes contem- platur vrbes, & earum incolas. III. Ad- iuncta, inter quæ potissimum tempus, siue fatalis rerum publicarum periodus, & signa euerfionis earumdem. IV. Ef- fectus, siue migrationem gentium.

Biblioth. Theol. Tom. IV.

V. Contraria, hoc est, remedia eaque- tum præferuantia, tum curantia euerfio- num. Nunc de singulis breuiter aga- mus.

De prima parte Politicæ, siue de Reipubli- cæ constitutione.

Primum definiri potest, respublica ordo regiminis hominum, certis iubendi parendique legibus inter se bo- no publico deuinctorum. Essentia enim reipublicæ est in personis vel imperan- tibus, vel obtemperantibus, sibi inuicem mutuis officijs obstrictis: Qui præstati- dem & protectionem debet ei, qui sub- est, hic illi obsequium, amorem & hono- rem. Quemadmodum verò omnia, entia esse suum dependens & participa- tum habent à summo illo ente: ita & imperia, siue respublicæ ab vno hoc fonte. Quamuis circa ortus earum cau- sas variæ sint auctorum sententiæ. Qui- dam enim religionis causa homines ini- rio conuenisse arbitrantur; alij metus causa eos conuenisse, societatemque, mutua in expetiuisse putant, vt se muni- rent aduersus potentiorum iniurias; alij instinctu musicæ, quod Orphæo adscri- bunt: alij necessitatis causa id factum, volunt. Melius omnibus istis causis, alijsque similibus adscribi potest, præ- fertim verò naturali hominum inclina- tioni diuino afflatu ad id incitata; vnde quod aliqui imperia omnia vi primum cæpisse dicunt, non videtur verum: Vo- luntarium enim est, non violentum, quod homines inter se mutuorum officiorum causa cōueniunt. Nunc videndum quo- modo certis gradibus societas illa cre- uerit. Primò omnium sola fuit maritalis coniunctio: deinde tota domestica so- cietas coaluit: ex illa integræ familiæ gentilitiæ, quibus extraneæ accesserunt, sic vt distinctis locis habitantes primo vicos, deinde pagos, post oppida, & vr- bes, denique prouincias, & regna con- stituerent. Vicus est communio ex pau- cioribus domibus collecta. Ex multis pagis oritur ciuitas, in vno loco colle-

sta, & commoditatibus maioribus, ac ampliori securitate instructa atque munita. Ex pagis & vrbibus longo intervallo inter se distitis constat districtus, siue territorium. Cause promouentes in genere rerum publicarum incrementa sunt. I. Vicinarum Rerump. ruina. II. Libertatis concessio. III. Ciuum disparitas. IV. Studium armorum. V. Concordia inter ciues. VI. Coloniarum deductio, ex ijs gentibus, quarum ingenia per naturam feruntur ad ædificia eleganter extruenda. VII. Concessio immunitatum. Incrementa autem Rerump. impediunt I. laxa disciplina. II. nimia diuitiarum cupiditas. III. Morum prauitas. IV. Denique luxus. Tantum quoad constitutionem reipublicæ, de eius definitione, ortu, & progressu, nunc forma consideranda est.

Cum omnis reipublicæ gubernatio vel penes vnum, vel paucos, vel omnes sit: cunctasque nationes & vrbes populus, aut primotes, aut singuli regant: inde triplex bonæ reipublicæ forma, vel status: Monarchicus, Aristocraticus, & Democraticus; vel, vt alij loquuntur Principatus, Optimatus, & populi status; quibus addi potest status mixtus, siue compositus tam ex Aristocratiâ, & Monarchiâ; quam ex Aristocratiâ, & Democratiâ. Etsi ex hypothefi cuidam ciuitati possit esse accommodatior forma Aristocratica, in qua optimates præfunt, vel etiam Democratica in qua populus; absolutè tamen Monarchica, in qua vnus præfidet, cæteris tam antiquitate, quàm perfectione præcellit; Aristoteles enim lib. 1. Politic. cap. 2. Plato 3. de legibus, & Iustinus lib. 1. aiunt: Principio, rerum, gentium, nationumque omnium imperium penes reges fuisse, quam sententiam D. Augustinus lib. 4. de ciuitate Dei cap. 6. suo calculo approbat: Monarchiæ autem perfectio, non solum apparet, ex hoc quod simplicissima sit, & cæterarum gubernandi rationum veluti mater; sed etiam ex hoc potissimum, quod ad ipsius Dei regimen, naturæque cursum quàm proximè acce-

dat. Natura, inquit Seneca 1. de Clement. cap. 19. commenta est regem, quod ex alijs animalibus, & apibus præsertim licet cognoscere. In apibus enim rex vnus est, Plinius lib. 11. hist. cap. 17. & dux vnus in gregibus, & in armentis rector vnus. Cyprian. tract. de idol. vanit. Inter grues vnus veluti consensu reliquorum princeps electus agit, & moderatur gregem. Arist. lib. 1. de histor. animal. Et vt partes hominis in vno corde maximè vigent, ita & partes ciuitatis sub vno regē. Vtque solem vnum in cælo esse, non plures expedire: ita & vnū imperij corpus vnus animo regendum videtur. Tacitus lib. 1. Annalium, quod Lydij obiecerunt Cræso, cum fratre adsumpsisset in consortium imperij. Et Alexander Darij Legatis respondit, mūdum à duobus solibus non posse regi. Curtius lib. 4. Pacis quoque interest omnem potestatem ad vnum conferri. Neque aliud quandoque discordantis Patriæ remedium fuit, quam si ab vno regeretur. Cuius rei præclarū est exemplum, quod Romæ in tanta perturbatione, summa rerum redijt ad Octauium; qui sapientia sua, atque solertia perculsum vndique & perturbatum ordinauit imperij corpus: quod ita haud dubiè nunquam coire & consentire potuisset, nisi vnus præsidis nutu, quasi anima & mente regeretur, ex Floro lib. 4. cap. 3. Nec tantum tranquillior est hic regiminis modus; verum etiam constans, & minus mutationi obnoxius. Rarius enim vnus, secum multi dissident: & plures gubernatores, licet artem nouerint, tamen inuicem sibi sunt impedimento. Vide Pet. Gregor. lib. 13. de republica cap. 12. Patric. lib. 1. de regno tract. 3. Simancas lib. 5. de republ. cap. 2. Lips. lib. 2. polit. c. 2. Tandem Aristoteles adeo certum putauit, Monarchicam inter alias regendi formam primatum habere, vt inde argumentatus fuerit ad vnitatem Dei 12. Metaphysicæ. In Deo, ait ponendum, quod optimū 8. physic. text. 48. quoniam D. Anselmus cap. 3. prolog. Deum ostendit esse maximum, id quod cogi-

cogitari poteſt. Sed melius vnum præeſſe, ſecundum verſum Homeri 2. Iliad. *ὡς πατρὸς ἑσθλὸς αἰ βασιλεύς*. Vnde Tarquinij ad Porſennam dictum apud Liuium lib. 2. Regnum eſſe rem inter Deos homineſque pulcherrimam.

Vt à Monarchia proximè abeſt Dominatus, inter regnum & tyrannidem ambiguus, cuius exemplum habemus in poteſtate Perſarum, Turcarum, Tartarorum, Chinenſium, Moſcouitarum &c. ita longiſſimè ab eadem abeſt Tyrannis, omnium Rerum publ. deterrima, quia optimo bono opponitur. Eſt igitur Tyrannis violentum vnius imperium præter mores, & leges; id eſt, in quo vnus homo diuinis, ac naturæ legibus ſolutus rebus alienis vt ſuis, & liberis hominibus quaſi mancipijs pro ſuo abutitur beneplacito. Eſtque Tyrannus in duplici differentia: alius eſt abſque titulo, alius exercitio: ille rempublicam ſine vilo legitimo titulo vel electionis, vel ſucceſſionis, ſed vi aut malis artibus inuaſit: hic quidem legitime conſtitutus eſt princeps, ſed tamen tyrannicè adminiſtrat. Acquiritur tyrannis technis, dolo, violentia & impoſturis, ab ijs, qui cunctis male dominationis cupidinibus ſagrant: eaque adepta, omnia ſibi licere exiſtimant. Mores tyrannorum hi ſerè recenſeri ſolent. 1. Res regni in priuatum vſum conferunt; nam vt docet Ariſtot. 8. Polit. cap. 10. in eo rex à tyranno diſtinguitur, quod rex ſubditorum at tyrannus ſuum ipſius commodum ſpectat. 2. bella nutriunt, vt ſubditorum vires enercentur. 3. ſunt ſuſpicaces, & ad omnes ſuſpiciones pauidi, palpanſibusque præcordijs, vt loquitur Seneca. epiſt. 74. vt ſuam autem conferuent tyrannidem, hoc primum ſolent tyranni, vt habeant delatores, exploratores, & miſſarios, quibus exquirunt omnia ſollicitè, quid quiſque ſubditorum ſe ſentiat & faciat. 4. conuentus omnes ciuium prohibent, quo efficiunt, vt ciues ipſi inter ſe ſic ignoti ſint, vt alij alijs peregrinis & hoſpites eſſe videantur: ex Ariſtotele lib. 3. Polit. cap. 11. 3. inſtigant

ſubditos ad mutuas criminationes, & calumnias, vt amici amicis, plebeij patricijs, diuites ſibi ipſis inſidiantur. 4. literas abolent, vel, ne ſupere incipiant homines, vel, ne ipſorum ſclera mandentur memoriæ. 5. inſignes viros è medio tollunt, ne quis eorum aduerſus tyrannidè inſurgat: illis enim boni, quam mali ſuſpectiores ſunt. Sed his alijsque ſimilibus non obſtantibus, non diuturna ſolet eſſe tyrannica gubernatio: nihil enim rarius tyranno ſente ex Plutarcho in *Symposiacis*. Et reges conſeſcunt, liberique ac nepotibus tradunt regna: Tyrannorum execrabilis breuiſque poteſtas eſt, ex Seneca lib. 1. de Clement. Num verò excuſandi ſunt illi, qui inſurgunt aduerſus tyrannos, eosque tollunt è medio, ne iuſtè cæſi dicantur tyrannis affirmatiuam partem tenent aliqui, negatiuam alij, melius diſtinguunt nonnulli, dicentes eum, qui tyrannus eſt abſque titulo, tolli poſſe; ſecus verò illum qui legitima ſucceſſione regnum ſibi acquiſiuit. Tantum de Monarchia, eique opoſita tyrannide; nunc ad cæteras Rerum publ. formas progrediamur.

Cùm Ariſtocratia & Democratia, in hoc conueniant, prout à Monarchia diſtinguntur, quod iſta ſit vnus, illæ verò plurium regimen; rurfus tamen tam inter ſe, quam ab eadem Monarchia diſcrepant, vel quod ad Ariſtocratiā requirantur pauciores, ad Democratiā verò plures ex ciuibus, vt volunt aliqui; vel, vt docent alij probabilius, quod in ſtatu Ariſtocratico ſoli optimates præſint, & regant; in Democratico autem vniuerſus populus, vel maxima eius pars. Democratix enim potiſſimus finis eſt libertas, ſeu æqualitas ciuium, in regendo & imperando. Fauet huic ſententiæ Philoſophus 4. Polit. cap. 4. negans ex numero imperantium deſumi horum ſtatuum diſtinctionem. Democratix igitur ex omnibus his ſpeciebus, quam minimum tribuendū, quàm adeo vituperarunt nonnulli, vt eam inter prolapſas ponerent, teſte Ariſt. 4. polit. eademque ridebat Anachariſis; quod ſapien-

pientes ibi decidenda proponant, stulti verò iudicent. Vt Monarchiæ opponitur Tyrannis, ita Aristocratiæ, Oligarchia, quando in paucorū priuatos vsus, quæ publica sunt, intercertuntur; Democratiæ Ochlocratia, quando improba plebs pro arbitrio suo seditiosè omnia, agit cum detrimento reipublicæ, aut primariorum ciuium; sicut Argentinenses legem tulerunt, ne quis summos in ciuitate magistratus adipisceretur, nisi ex cerdonibus, coriarijs aut id genus sordidis opificijs gentem suam arcescere posset. In Aristocratica gubernandi ratione præcipua sunt, monita. I. quod Patricij, & Optimates dignitatem suam illæsam conseruent; neque matrimonia cum plebeis incant. Hæc. lib. 10. Liuius lib. 4. II. Plebeis conuentus inhibeat, præsertim nocturni Linijs lib. 2. III. Familijs extinctis surrogentur nouæ, quæ patriatus honore gaudeant Tacit. 11. anal. IV. Patribus in munito aliquo loco ædificate non liceat, Liuius lib. 2. V. Optimates turbata Republ. urbem non deferant. Et si Aristocratiæ benè constitutæ patrocinetur, quod ab optimis, prudentissimisque viris probabile sit saluberrima proficisci consilia; Democratiæ autem, quod ipsa postulet æquitas, officia ijs competeret, qui omnia ad salutem patriæ conferunt, tum etiam quod hoc pacto *leuopatia* introduceitur: & libertas omnium ciuium stabilis efficitur. Quamplurima tamen sunt vtriusque status incommoda, I. quod dissensionibus omnia conturbari in multorum imperijs ferè necesse sit. Voluntates enim hominum variæ sunt, & velle suum cuique est, nec voto viuunt vno. II. cum magnum Reipublicæ munimentum sit, consilia haberi secreta; nam propterea Romæ abrogatus est mos admittendi pueros in Senatum, & mulieres. In Aristocratiæ, & Democratiæ vix possunt consilia regi, quia multis communicantur. Quæ enim à multis sciuntur, ab aliquibus saltem euulgantur. III. denique incommodum hoc premit vtrumque statum; quod ad pleraque officia co-

gantur vti vicarijs magistratibus: magistratus veto non præsumunt tantam habituri curam Reipublicæ, atque ipsi reges, quippè cum hi curent Rempublicam ferè vt suam, illi vt alienam. Nec dicam de factionibus, quas contra se mutuo excitant ciues in aduendis magistratibus; de votorum corruptionibus & ambitu; vnde Plato Democratiæ vocat nundinas venales, quia paupertas & ignorantia impellit populum, vt quod vno die velit, altero nolit. Tantum de tribus gubernationis speciebus, siue quod idem est de Reipublicæ benè constitutæ forma, ex quibus etiam satis patet, quis sit illius finis? commodum scilicet, securitas, & salus ciuium. Adeo vt qui præfunt Reipubl. non domini modo & arbitri rerum censendi sint, sed tutores & administri; non enim illis ciuium seruitus, sed tutela tradita est; vnde illud Claudiani ad Honorium.

Tu ciuem patremque geras, tu consule cunctis,

Non tibi: nec tua te moueant, sed publica damna.

Rex enim eligitur, non vt se se curet mollior, sed vt per ipsum ij, qui elegerunt, benè beatèque agant, & viuant. Et sicut sydera splendorem habent, vt visibus mortalium deferuiant, sic illi dignitatem, sed cum munere officiorum, deuinctam.

De altera Politica parte, siue de Reipublica rectè constituta administratione.

Primum quod in hac parte occurrit explicandum, sunt modi legitimi, quibus defertur administratio, nimirum electio, & successio. Nemini igitur dubium esse potest, quin electio sit Reipublicæ utilis, legitimusque modus deferendi gubernandi potestatem. Nata si rectè instituta sit suffragatio, nullis illaqueata præiudicijs, quis neget optimum quemque per electionem reperiri. Quod dicunt aliqui, dissidia ex electione pullulare, nihil officit. Non enim semper dissidentes sunt electorum sen-

ten-

tentia, & ne sint, certis plerumque legibus adstricti sunt: quod si illud interdum contingat, non per se, sed per accidens evenit, ob hominum malitiam. Omnis electio partim liberi est voti, partim restricti. Liberi voti electio, est suffragatio in personam quamcumque, quæ ad obtinendum magistratum videtur esse idonea, siue ea sit eiusdem, siue diuersæ nationis, aut conditionis; restricti verò, ea quæ spectat certas, & determinatas vel personas, vel leges. Vtrum autem ex his melius ambulatorium eligere magistratum, an perpetuum, dissident inter se Politici, aliqui enim ambulatorium, siue annuum præferunt, alij perpetuum; distinguunt alij 1. inter maiores, minoresque magistratus, & volunt illos perpetuos esse, hos temporales. 2. inter diuersas rerum publicarum formas. Monarchia perpetuum requirit gubernatorem; Democratia ambulatorium, Aristocratia ex utroque participat. Videndum tamen ante omnia, quid cuiusque reipubl. ferat consuetudo, & quod commodi & securitatis ciuibus inde redundare possit. Multis etiam ea infixa est opinio, exteris parere debere aditum ad moderanda frena Reipublicæ, quod alij negant; sicut & quod eligantur illi, qui obscuro loco nati sunt: etiam enim multi recenseri possint, quos vomis & stiuia ad consulares misit secures, ex his tamen exemplis deducendum non est, negligendum esse in electione ortum cuiusque, secundum quem vel probus, vel improbus plerumque euadit. Eligendi itaque quos virtus, quos genus præcipue reddit commendabiles. Hactenus de electione, siue de primo modo deferendi administratione; nunc de successionem.

Successionem quoque expedire reipublicæ, optimumque esse modum deferendi administrationem; ijs præsertim locis, quibus consuetudine, & usu hoc receptum est, patet ex hoc primò, quod maior solcat esse succedentium auctoritas, quam electorum, qui in ordine quondam inferiore vixerunt. Ponit enim

contemptum æqualitas. Deinde cohibentur prauæ aliorum spes, si successor non in incerto: & minus insidiarum extimescendum. Vnde licet aliqui putent electionem secundum se consideratam esse præferendam successioni, per accidens tamen & attentis circumstantijs malitiæ hominum successionem anteponunt electioni. Liberatorum in successionem primus est gradus; in quibus prærogatiua habent, qui legitime nati sunt non spuriij: vter autem ex duobus legitimis regis filijs, quorum alter ante, alter post adeptum à patre regnum natus est, in successionem præferatur, diuisi sunt Iurisconsulti, pro eo enim quem naturæ felicitas & priuilegium ætatis fecit primum militanti aliqui, pro secundo genito verò alij. Quamuis aliqui rejiciant consuetudinem, qua primogenitus excludit à regni, & principatus successionem reliquos; nihil enim, inquit æquitati magis est contrariū, quam inæqualiter tractari eos, quos æquales ipsa fecit natura: qui communes habent parentes, & domicilium; contraria tamen sententia videtur esse probabilior, tum quia expedit reipublicæ conseruari honorem familiarum, quod sit si successio penes vnum sit: opes enim & dignitas coniunctæ manent, & ita deprimi non potest familiaris auctoritas; tum etiam quia subditorum interest, ne multos dominos habeant: melius enim reguntur ab vno: difficilius à pluribus. An autem filius primogeniti præferatur patruo suo in successionem ex iure primogenitorum disputant inter se Iurisconsulti. Patruus enim causam tuetur Cuiacius lib. 2. de feudis cap. 11. & alij, qui rationem proximi sanguinis adspiciunt, à patre rege, & nepotem toto gradu antecedit, exempla vide apud Lipsium in lib. monis, Politicæ. Melius tamen alij nepotis successionem propugnant. Certum enim est eum succedere in locum sui patris: iam is, qui in locū alterius succedit, eodem iure vtiur, quo auctor illius vti potuit; & surrogatum sortitur naturam sui surrogati, participatque de omnibus illius pri-

privilegijs cui surrogatur. Filius ergo iste ut in omnia sui parentis iura succedit, ita & capax est iuris primogenituræ. Circa Gynæocratiam, siue an mulieres ad regnandum admitti debeant? Quicquid sit de legibus, & moribus nonnullorum populorum, apud Tiraquelum *quæst. 10. de iure primogenit.* quos in præsentî refutandos non suscipimus, licet non sint ab omni parte optimi, illud quidem omnibus persuasum esse debet, quod tutum aut utile imperio, siue reipublicæ minimè sit, fæminas ad rei gubernacula eleuari. Nam si naturâ consulere velimus, apparct mulieribus regnum non deberi, cum ad parendum natae videantur, non ad imperandum. Quæcumque enim ad imperandum requiruntur, natura ijs negavit, & ex contrario, quæ ad obediendum pertinent ijs infuit. Sic Isaïe cap. 3. dicitur: *Maledictus populus cui infantes, & fæmina imperant.* Quod autem quarumdam virtute præditarum mulierum mentio fiat, non est sufficiens argumentum constituendæ Gynæocratæ; quandoquidem rara illa fortitudinis, vel prudentiæ muliebris exëpla deprehenduntur; & quod à communi naturæ lege exorbitat, non trahendum ad consequentiam. Tantùm de legitimis modis, quibus administratio acquiritur, Inauguratio sequitur Magistratus, & exactio iuramenti; quæ pro varia locorum consuetudine varia etiam sunt.

In subiecto administrationis, nempe Magistratu ad quem deferretur gubernandi potestas, potissimum spectari debet virtus; ut agat piè respectu Dei & religionis; temperanter respectu sui ipsius, quo ad interna, ut colat sobrietatem, castitatem, magnanimitatem, fortitudinē, modestiam, & virtutes reliquas; quo ad externa 1. in vestitu modico: non nimio: non peregrino. Modicus dicitur, non ten uis nimis vel sordidus, nec nimium comptus, & splendidus. 2. In victu, quē frugalem esse conuenit, non luxuriantem: non aliunde ascitum. Preterquam quod frugalitas sanitatis est seruatrix,

authoritatis etiam plus illa apud subditos conciliat, quam comestatio assidua. 3. In recessu temperaro, ut enim continuus aspectus minus vertendos magnos homines ipsa satietate facit; ita continuus recessus sua habet incommoda; miscenda sunt igitur ista principi alternandaque solitudo & frequentia; prima enim expedita est authoritatis obtinendæ ratio, secunda verò amoris. 4. In animi recreatione; nam ut lyram & arcum remittimus, quo melius possint tendi: ita recreandus ocio animus, ut ad labores redatur vegetior. Diuerfa autem ludorum genera, pro ut quisque hunc vel illum magis amplectitur, principum recreationi inservire possunt. Ut magistratus, vel princeps piè respectu Dei, temperanter respectu sui ipsius, ita & iustè se gerere debet respectu aliorum; cum quibus illi negotium est; primum erga eos cum quibus versatur quotidie, nempe coniugem, liberos, fratres, sorores, agnatos, cognatos, & officarios suos, deinde erga subditos, in quibus regendis potissimum relucere debet iustitia, æqualiter administrata, clementia, prudentia, & liberalitas; inde enim felicitas principum, bonæ conscientiæ solatium, authoritas, & benevolentia populi in Principem, quæ certè arx illi munitissima est: unde nihil aliud laborare princeps bonos decet, quam ut subditis amabiles sint: non enim illos possunt habere firmiores muros, quàm benèvolos subditorum animos. Huc usque de administratione Reipublicæ quo ad eius causam efficientem, & veluti materiale, nunc agendum est de formali.

Forma igitur administrationis ponitur in sanctione legum, custodia disciplinæ publicæ, & exercitio iurisdictionis, ad primam pertinent omnia, quæ circa legum definitionem, diuisionem, causam efficientem, materiam, formam, finem, effectus, multitudinem, interpretationem, mutationem, & abrogationem doceri solent. In custodia disciplinæ publicæ, primum est eius subiectum recipiens, censors videlicet, quorum est officium,

ficiū, in habendo censu, & præfectura morum; cum enim vniuscuiusque reipublicę fundamenta sint mores & leges, optimum in ea fuerit, si quid in moribus labat, non deesse corrigendi auctorem. Deinde est subiectum occupans siue illud circa quod censorum cura versatur, vel occupatur; intuitione religionis; commerciorum in compescendo fenore, honestatis, & securitatis publicę, vt tollantur lupanaria, otiosi, mendici, cingari, & similia; cuiusque rei familiaris, vt trahantur luxus conuiuiorū, & vestium; pauperū in ædificandis Xenodochijs, & Nosocomijs, &c. miserabilium enim personarum curam in reipublica esse expedit; siquidem sunt & ipsa membra ciuitatis. Quare prudenti consilio in bene constitutis rebus publicis, earum receptacula & collegia fundata sunt. Prochotrophia, in quibus aluntur mendici, & pauperes. Orphanotrophia, in quibus alumni minores habentur, parentibus atque substantijs destituti. Brephotrophia continentia infantes, præsertim exposititios. Nosocomia, valetudinariorum. Xenodochia, in quibus aduenarum, ægrotorum, inopum, debiliū, quique sibi ipsis per laborem alimentis prospicere non possunt, cura geritur. Gerontocomia, quę aliās dicuntur Gerusia, in quibus tenues homines, qui affecta ætate victum sibi suis operis parare amplius nō possunt, aluntur & sic de cæteris. Tandem habitus cura disciplinæ publicę, iurisdictionis sequitur exercitium in genere; in specie quoad criminalem, quę est in exigendis pænis, & ciuilem.

Post causam efficientem, materialem & formalem administrationis quarto loco sequitur adiutorum consideratio; adiuncta voco, tam personas iuuantes administrationem, quam subditos, & res. Inter personas iuuantes administrationem; primo loco reponuntur consiliarij, quorum vsus quā sit in reipublica necessarius, ex eo patet, quod omnia regna, ciuitates, nationes, vsque eo prosperum imperiū habuere, dum apud

eos vera consilia valere. An principem nouum deceat mutare prædecessoris sui consiliarios, eosque dimittere? probabilius est negatiua sententia, si nulla eorum arguatur improbitas. Nam illi gnari sunt morum, animorumque prouincię: sciunt vires principatus, experientia ductrice plurima cognouerunt de quibus & ipsum monere possunt successorem. Si dimissi fuerint, secretiora principatus communicant alijs: & ob ipsam illam dimissionem, quę ruborem ijs incutit, vindictam meditari solent. Tria autem spectanda in consiliariorum persona à principe deligenda, ætas, doctrina, mores. Aetas ne iuuenilis sit, nec senio nimis languida: paulatim tamen ad mouendi sunt iuuenes consultationibus, vt senum regantur prudentia: cuius vsus deinceps excedentibus è statione sua senioribus habere possint. Doctrina consiliarij exquisita & elegans esse debet; mores autem spectandi in pietate, modestia, & continentia. In ipso consultationis articulo, vt adesse debent, suadendi libertas, sobrietas, & prouida cunctatio; ita abesse, assentatio, contumacia, discordia, & affectus. Consultatione autem habita tria requiruntur consiliario, silentium, constantia, & audacia in facto: celeriter enim deliberata peragenda sunt, deliberandum autem tardè. Nec tristari consiliarium oportet, si quod salubriter suasit, euentum felicem non sortiatur. Pessimum enim illud & frequentissimum omnibus temporibus, vt qui rem aliquam aggressi sunt, & feliciter perfecerunt, optimo consilio vsi existimentur: alij contra stultitię culpantur, cum re optimè deliberata voti compotes facti non sunt.

Secundo loco reponuntur Legati à legendo dicti, quod publicè lecti mitterentur. Alijs etiam nominibus appellari solent: nam & Oratores dicuntur, & Nuncij, & Ambassadors, & Responsales, à Caduceatores à caduceo hoc est baculo, à legatis gestari solito, habente ab vtraque parte insculptos duos serpentes inuicem implicatos, se mutuo respi-

cientes. Pro diuersitate etiam negotiorum peragendorum, species legationum variaz sunt Pronuba, Officiosa, &c. vt magna Legatorum dignitas: ita magna ijs adhibenda cautio, vt personam quam sustinent, virtute digniorem efficiant: doctrina insuper in Legato non vulgaris requiritur, sed ex omni disciplinarum genere cumulatifima. In legatione obeunda sic se gerere debet Legatus, vt primum exhibeat principis sui scriptum mandatum, siue litteras credentiales; 2. nihil præter suum negotium agat, neque alienis, neque proprijs rebus se interponat, vnde impediti Legatio possit. 3. honoris dignitatisque sui principis summam rationem habeat: fines mandati diligenter custodiat. Quod si præter mandatum aliquid de nouo emergens è re principis esse videatur, illico certiorum reddat principem: aliudque expectet mandatum, & consensum principis. Quod si moram non ferat negotium: diligentissime labore in capièdo consilio, quod Principi vtile futurum: eiusque causas statim ad ipsum principem deferat. Liberior potestas legatis indulta est, si mandato generalis ista clausula inserta, fuerit: reliqua commitimus tuæ prudentiæ & discretioni. 4. denique debent operam dare Legati, ne quid flagitiosè per se, vel suos fiat. Eo enim casu priuilegijs Legatorum non fruuntur, licetèque violantur. Post legationem obitam Legatus omni animi perturbatione semota, quæ in legatione aditata sunt fidelissimè renunciet; eumque separatim audiat princeps, ac solus, ne si minus iucunda referat, timorè ea res inferat multitudini. Cum pro Reipub. salute Legati in regionibus exteris varijs sint subiecti casibus, æquisissimum fuit priuilegijs quibusdam ijs subueniri in iure, quorum contemplatione ad sustinendas itineris difficultates promptiores redderentur. Tertio sunt ministri aulici, qui debent eligi probi & fideles: ab ijs enim pleraque praua aut recta: meliorque est Respublica, & propè modum tutor, in qua princeps malus sit, ea in qua

mali principis administri.

Postremò tandem sunt subditi, in quibus tria potissimum consideranda; primum est causa efficiens; subditi enim fiunt origine, & domicilio; quanto verò tempore domiciliu contrahatur discrepant doctores. Alij decennij habitatione hoc fieri aiunt; alij iudicis arbitrio hoc relinquendum putant; melius consuetudini locorum. In ciuitatibus enim Germaniæ passim incolatus post annum acquiri dicitur: Venetias autem annos 14. incolere necesse est ijs, qui iura ciuium plebeiorum adipisci velint: qui tamen ab imperijs omnibus, & omni suffragiorum iure summouentur. Secundum est subiectum; qui nimirum habendi numero ciuium an peregrini, an Iudæi? Tertium est adiunctum triplex, 1. officium subditorum erga Magistratum, quod consistit in genere in exhibitione honoris, obedientiæ, tributi, & operum militarium. 2. numerus ciuium, quem aliqui mediocrem esse debere cõtendunt, quoniam consensionem munerum ciuiliu interducit multitudo ciuium; 3. ordo, vbi primo loco reponendi sunt, qui reipublicæ magis sunt utiles. Sunt verò ordines siue classes quatuor; primus est ordo equestrijs; secundus Litteratorum, Theologorum, videlicet, Iurisconsultorum, Philosophorum, Medicorum, Poetarum, Oratorum. Tertius est ordo negotiantium, & mangaria artificia tractantium, vt sunt mercatores, & alij qui procurant victum, cuiusmodi sunt pistor, lanij, coqui, agricolæ, venatores, piscatores: *Amiendum*, cuiusmodi sunt pannifices, sartores, *textores*, sutores: *Medicinam & valetudinem*; vt Pharmacopæi, Chirurgi, Obstetrices, Athletæ; *Litteras*, vt Typographi; *Ædificia*, vt Struatores, Sculptores ligni, futores veluti Plumbarij, Tignarij qui ligna dolant; Scandlarij, qui edes scandalis regunt &c. *Executionem sententiæ à Iudice in capitalibus latæ*, vt sunt apparitores, lictores, & carnifices, quorum ministerium in Repub. maxime necessarium est, ac deficientibus illis, honestiores

res

res se hac macula inquinare cogantur. Quartus tandem ordo est inutilium, & ludicras artes exercitium: quo pertinent Pantomimi, Histriones, Tibicines, Fidicines, &c. Tantum de primo bonæ administrationis adiuncto, quod est in personis, vel consilio, vel legationibus, vel obsequio rempublicam iuvantibus, alterum, quod est in rebus nunc sequitur.

Huiusmodi res sunt munimenta gubernationis politicæ; eaque vel domi, vel foris recepta: domi vel conservando vel augendo regimini curam Magistratus intendit. Conservatur autem, si diligens inspectio sit rerum, vel sacrarum, vel religiosarum, vel sanctorum, vel publicarum. In rebus sacris primum se offerunt ædes sacræ, bona Ecclesiæ, seminaria reipublicæ, cuiusmodi sunt scholæ triuales, & Academiæ. In religiosis, ius sepulchræ. In Sanctis, sanctiones publicæ de pace publica, eiusque violatione, executione in delinquentes, & similibus. In publicis, summa. Si conservatur regimen Reipubl. diligenti prædictarum rerum intuitione; ita etiam illius augmentum, in accessione vel hominum per colonias, vel armorum, vel arcium, vel propugnaculorum, vel opum, vel consiliorum est positum. In opibus consideratur illarum usus, acquisitio per delationem ad fiscum, exactionem tributorum, collectarum, vectigalium; & tandem possessio, ubi agitur de censu habendo, annona, moneta, nundinis, & ærario. Tantum in Politica de munitis Rerum publicarum, quorum domi usus esse potest: sequitur de his quæ foris sunt, qualia sunt potissimum fœdera, de quibus querendum, quo fine, quibusve de rebus iniri soleant? quæ forma faciendorum fœderum? quales subiectum, siue cum quibus pangere fœdus liceat, an cum infidelibus? & denique qui effectus. Arque ita absolvitur togata Reipub. administratio, nunc de militari.

Ad militaris administrationis considerationem, primum pertinet definitio

belli, quod sit actio hostilis ad iniuriam propulsandam, vel vindicandam, à Magistratu vi armisq. contra hostes, pacis retinendæ vel consequendæ causæ, legitimè suscepta & administrata. Quod Anabaptistæ negant licere Magistratui Christiano bellum gerere, omnino falsum est. Christianus enim non absteruerit, si & ipsius Dei mandatis obtemperaverit, & Sanctorum vestigijs insisterit, & vim truculentiorē sibi illatam defensione legitima auerterit. Secundo loco consideranda est multiplex bellorum, divisio, autratione obiecti, aut finis, aut subiecti, aut adiuncti temporis, & loci. Obiecti ratione bellum aliud est cum vicinis, aliud cum remotioribus; ratione finis bellum est offensivum, vel defensivum: ex subiecto, vel in causa, propria, vel in communi: ex adiuncto temporis bellum est vel continuatum, vel interruptum; loci vel terrestre, vel navale, vel externum, vel civile siue intestinum. Tertio, ut intelligatur, satissime primum, tutum, gloriosum, an indecorum sit quod queritur, ante omnia, causæ bellorū probè cognoscendæ sunt; quæ sunt vel manifestæ, vel occultæ. Manifestæ dicuntur, quæ incurrunt in oculos, considerationemque hominum: occultæ quæ latent intimis animorum recessibus nec se exerunt, nisi quibusdā signis. Quarto sequitur apparatus bellicus, qui consistit vel in subditis ad tractationem armorum exercendis; nihil enim neque firmitus, neque felicitius, neque laudabilius est Repub. in qua abundant milites eruditi; vel in cura instrumentorum, qualia sunt 1. pecunia; quæ admodum enim negant Medici, sine nervis homines ambulare posse, ita Politici sine re monetaria bellum. 2. comineatus, ne penuria potius, quam pugna consumat exercitum. Hoc vnum, inquit Vegetius lib. 3. mil. cap. 3. & maximum sit consilium, ut tibi sufficiat victus, hostes frangat inopia. 3. arma, quæ in genere dicuntur omnia, quibus noceri potest, suntque vel ductilia siue portatilia, vel vectilia. Ductilia minora sunt arma,

veluti gladius, machæra, rhompheæ, ensis falcatus, acinaces, hasta, iacula, sagittæ, sclopeta minora, & similia. Maiora arma siue vestilia sunt tormenta, seu machinæ fulminales grandiores, de quibus vide Lipsium in *lib. Polioræticæ*; vel denique apparatus bellicus consistit in iure clarigationum; clarigatio enim est legitima belli denunciatio siue indictio; in ea obseruanda necessitas, ritus, & instrumenta, quæ sunt tum fecialis, tum litteræ; fecialis enim, qui & pater patratus dicitur, hodie heraldus, est præco, quem princeps mittit ad bellum hosti denunciandum, atque is iure legatorum fruitur, & violari nequit. Litteræ clarigationis eadem de causa per puerum mitti solent.

Quinto loco est subiectum bellicæ administrationis, dux nimirum & milites; verissimum enim est illud Curtij *lib. 10.* militare sine duce turbam esse corpus sine spiritu. Ducum verò duo sunt genera; vnum, qui summæ rei imperant, suisque auspicijs & ductu rem gerunt; alterum, qui ab his constituti sunt. Virtutes bonorum ducum sunt. 1. vt fauore militum probè sibi concilient. 2. sint in re militari probè exercitati, nullumque genus belli sit, in quo illos non exercuerit fortuna. 3. sint secundarum ambiguarumque scientes, eoque intriti. 4. cauti sint & circumspecti; nulloque loco, nisi quantum necessitas cogat, committant se fortunæ. 5. alacritatem & læticiam fronte præferant. 6. ne felicitate nimia patiantur se mergi in voluptates. 7. ne se patiantur corrumpi largitionibus. Quod pertinet ad milites, vel separatim, vel collectim considerari possunt. Separatim in electu habendo, quo pertinet eorum conscriptio, lustratio, receptio, auctoratio; & distinctione faciendâ, 1. in equites & pedites. 2. in grauis & leuis armaturæ. 3. in tyrones & veteranos; 4. in ordinarios, & subsidiarios, qui ordinarijs tempore maioris necessitatis adduntur; 5. in gregarios & primarios, siue officarios; qui sunt vel respectu totius

exercitus, vel respectu certæ eius partis. Respectu totius exercitus officarij sunt vel superiores, vel inferiores. Superiores sunt. 1. Dux belli; 2. illius Vicarius; 3. supremus rei armamentariæ præfectus; 4. supremus excubiarum præfectus; 5. supremus metator atque mensor. 6. supremus commissarius siue consiliarius. 7. supremus etatij castrensis præfectus, siue quæstor. 8. supremus annonæ præfectus. 9. supremus rerum capitalium præfectus. Inferiores sunt, Secretarius ducis belli, eiusque amanuenses & fecialis, siue heraldus. Respectu partis in exercitu, eiusque vel maioris, vel minoris officarij sunt qui sequuntur. Ratione partis maioris, vel in regimine equitum, vel peditum, vel rei armamentariæ. In regimine equestri sunt: Magister equitum, eius vicarius, præfectus equitum, equestris metator, præfectus excubiarum, prætor. In regimine peditum officarij sunt: magister peditum, vicarius illius: tribuni peditum, decuriones, iudex generalis peditum, eiusque assessores, præfectus vigilum, pedestris annonæ structor, metator pedestris, lixarum & calorum ductor, &c. In re armamentaria sunt: supremus rei armamentariæ præfectus, vicarius illius, quæstor armamentarius, aggeribus struendis præfectus, aurigarum præpositus, quadrigarum, siue vehiculorum præfectus, fossorum & cuniculariorum præpositus, pontium magister, præfectus machine fulminalis, nitrati pulueris custos, chirurgus armamentarius; atque hi sunt officarij respectu partis exercitus, & quidem maioris. Respectu minoris partis sunt, officarij cohortum, tum in equitatu, tum peditatu. Cohortum in equitatu officarij sunt: præfectus equitum, illius vicarius, vexillarius, equestris diuersiorum designator, decuriones equestres. Inter pedites officarij cohortum sunt, superiores quidem tribuni peditum, qui totam cohortem gubernat, eius vicarius, signifer, ordinum structor superior, pedestris diuersiorum designator, ordinum ductor, decuriones

pedeſtres. Atque hæc de diſtributione militum, ſive de militibus veluti ſeparatim conſiderariſ, nunc de illis collectim ſive in exercitu, ex collectione enim plurium militum exercitus eſt, cuius diſtributio fit ſecundum conſuetudinem vel priſcam, vel novam. Priſco Romano more erant manipuli, ex iſſis cohortes, ex hiſ legio tota. In legione manipuli erant triginta, cohortes decem. Romulus fecit legionem trium millium, cum ſumeret à ſingulis tribubus, quarum tres erant ſingula millia: exactis regibus trium millium fuit, ex Livio lib. 6. ad quinquem millia ventum in bello Hãnibalis ex eodem Livio lib. 12. & tandem à Scipione in Africam traieſturo ſex millium facta eſt, ex Livio lib. 30. Equites in decem turmas antiquis diviſi ſunt; turma terdenos, id eſt, triginta equites continuit. Ex nova conſuetudine exercitus diſtribuitur in regimen, equitum, peditum. Regimen equitum ſecatur in cohortes & turmas, quæ pro arbitrio Ducis, & præſectorum modo plures, modo pauciores continent equites. Ut plurimum, tamen ſingulæ cohortes ducetis & quinquaginta, vel trecentis: & ſingulæ turme quinquaginta conſiſtunt equitibus. Regimen peditum dividitur in cohortes & contubernia; cohors 300. vel 400. pedites continet, interdum etiam plures pro ducis arbitrio: Contubernium continet 10. pedites leuioris armaturæ.

Sexto eſt obiectum belli, nimirum hoſtis, cui ſolemniter bellum indiſtum eſt. Quantumſcunque ille ſit contemnendus tamen nullo modo eſt; conſilio autem & armis illi obuiandum eſt, non venenis; eique fides quando promittitur ſeruanda eſt. Septimò ſunt actus belli, 1. caſtrorum locatio & ductio exercitus. 2. excubiarum conſtitutio, quarum connexa ſunt, teſſera militaris, & ſigna ſive vexilla. 3. obſeſſio, cuius duc ſunt veluti ſpecies: vna cum aduerſarius importunis locis præſidijs ordinatis, continuis inſultibus impugnat obſeſſos; altera cum vel aqua prohibet obſeſſos, vel deditiõnem ſperat à fame, quando om-

nes prohibuerit commeatus; munia autem tam obſidentium, quam obſeſſorum varia ſunt. 4. prælium, in quo antecedentia, actus prælij, & conſequentia; inter antecedentia reponitur ducis præſentia, cuiusque actiones ſive officia, in ſelectione loci & temporis pugne, ac inſtructione aciei; deinde allocutio; quæ eſt, cum publicè imperator ſuos milites aſſatur; allocutionem clafiicum pugnae excipit; à clafiico autem differt ſignum pugnae, quod illud auribus, hoc oculis ſeruit, & tempore clafiicum præit. In actu prælij interdum capiendum conſilium ex tempore, quippè minimè omnium bellum ex decretis procedit, ſed ipſum ex ſe ſe multa inuenit, & vt res ſunt natæ. Præliorum conſequentia hæc ferè numerari ſolent. 1. militum vulneratorum cura habenda eſt; 2. cadauera, caſorum terræ mandanda ſunt. 3. obſenta victoria cohibendi ſunt milites, ne citò nimis diſſundantur in prædam. 4. fuſi hoſtes non nimis longè inſequenti ſunt. 5. quicumque euentus fuerint, colligendi ſunt ſuperſtites bello. Sextus belli actus eſt inuentio, ſive conſilia bellica tam directæ, quam obliqua, qualia ſunt ſtratagemata; etſi enim plerique populi, vili ea habita fuerint, viroque graui indigna; potior tamen eorum ſententia eſt, qui ſtratagematibus in bello plurimum tribuendum eſſe exiſtimant. Nam & Deus ipſe mandauit Iofue, vt ciuibus Aemitiſ ſtueret inſidias Iof. 8. & Dauidi, vt à tergo adoriretur Philiſtinos 2. Samuel. cap. 5. Nihilque ad iuſtitiam intereſt, cum iuſtum bellum ſuſceperis, verum aperta pugna vel inſidijs vincas. 7. Eſt diſciplina militaris in diſtributione pænarum, & præmiorum. Expeditis belli actibus octauo loco conſideranda ſunt eius adiuncta, qualia ſunt cædes, vaſtatio, incendia, rapinae, & captiuitates. Vltimò ſequuntur cuiusdem effecta tam triſtia, quam læta; inter triſtia præfertur ſubactio: inter læta victoria declarata, triumphis, trophæis, orationibus, & coronationibus; pacificatio, induciæ, & tandem exercitus dimiſſio. Tantùm de mili-

militari in felici bellorum administratione posita, ad tutelam Reipublicæ.

De tertia Politica parte, sine de collapsa Reipublica restitutione.

B Reuter hæcenus insinuata sunt ea, quæ ad Rerumpl. constitutionem & administrationem, tam togatam quàm militarem pertinent: reliquum est de euerfionibus nonnihil dicere; primumque de illarum causis efficiendi, & formalis. Et vt omitam prouidentiam diuinam, quam efficientem causam principalem euerfendarum Reipublicarum Sacre prædicant Scripturæ; loquendo iam de causis proximis siue ex parte hominum, duplices illæ sunt, externæ & internæ. Triplici autem modo ex internis causis corrumpuntur Respublicæ, vel per vim, vel per fallaciam, quos duos modos ponit Aristot. lib. 5. *Politie*. vel denique spontè & cum gratia tum imperantium, tum parentiũ. Id quod fit vno modo, per deditionem, vt quando Campani, à Samnitibus in angustum coacti in Romanorum fidem, & ciuitatē se receperunt ex Lilio lib. 7. Aliiter per indulgentiam eorũ, qui Reipublicæ potestatem in manu habendo, illam populo reddunt; quod tamen rarò admodum accidere Aristot. 4. *polit.* c. 11. credit, nihil enim est dulcius quam imperare, vt Selimus I. dicere, solitus fuit. Per fallaciam putat Aristot. mutari Respublicas, quando vulgo, vel vniuerso populo tam callidè imponitur, vt quod fit, fieri non sentiat, quam fallaciam Aristot. 4. & 5. *Politie*, vocat *Sophisma* & Tacitus, *arcana imperij*. Causas denique mutationum per vim internam; vndecim recenset idem Aristot. lib. 5. 1. nimius honor vnus, qui ceteris mouet inuidiam. 2. permagnæ diuitiæ. 3. nimia vnus, vel aliquorum potentia. 4. nimia auxilij. 5. desperatio seu metus, quando quis sibi magnum aliquod malũ metuit, occasionemque effugendi desperat. Tum enim nihil non moliturus videtur, etiam si tartara cælo miscenda.

sciat, vt impendens infortunium aliqua saltem via deuitet. 6. contemptus, qui potest corruptionis Rerumpublicarum causa esse tum respectu imperantium, tum respectu parentum. 7. contumelia in bona per seueram tributorũ exactiōnem, & corpora per homicidia & adulteria. 8. *ἑπίστυν*, quam vulgariter coitionem humilium interpretantur, quia *ἑπίστυν* vocantur Hesiodo & Homero, humiles & abiecti homines, qui agros colunt, aut telas ex lana texunt. 9. *ἀργαίαι*, quando nimirum per incuriam Respublica datur administranda ijs, quibus præsens status iam inuidiæ est, & odio. 10. *ἡδονὴ μακροῦ*, quando propter paruum differentiam nihil interesse putatur id est, quando putatur, hoc concessio, nihil decessurum Reipublicæ. Quæ causa potissimum habet locum in Democratia, propter imperitiam vulgi, quod quātum sit in paruis finitjs instar, non intelligit, & proindè à Demagogis, aut plebeijs oratoribus facili seducitur, quos idcirco Aristoteles peculiariter nominat inter causas, Democratiam corruptentes. Vndecima denique & vltima causa est, dissimilitudo hominum in Respublica, quæ frequenter inducitur, quando peregrinorum multi recipiuntur, & in primis; vel veris ciuibz æquantur vel etiam præponuntur; adeo vt Arist. 5. *Polit.* dixerit, omnem ciuitatem, quæ recipit extraneos, tum multis expositam esse. Quorum omnium innumera suppeditant exempla, cunctarum nationum rerumque publicarum historiæ. Tantum de causa efficiendi mutationem, vel euerfionem Rerum publicarum; nunc de formali breuiter; pro qua notandum, quod est plerumque ista duo inter se confundi soleant, mutatio & euerfio; quantum pertinet ad præsens institutũ; differunt tamen inter se, quod euerfio Reipublicæ fit, cum leges, magistratus, subditi abolentur, & extinguuntur, quod contingit si *ἀναρχία* sit, & populus deleatur funditus; anatchiam Aristoteles vocat confusionem Reipublicæ, in qua imperantium, & parentum discrimen subla-

Sectio VII. Caput XXV. 447

sublatum est. Conuersio autem Reipublicæ siue mutatio est, vbi forma administrationis alicuius Reipublicæ mutatur in aliam formam. Porro vtrique communes sunt superius adductæ collabentium Rerumpublicarum efficientes causæ.

In euerfionibus siue corruptionibus rerumpublicarum secundo loco consideratur subiectum, euerfæ videlicet vrbes, & earum incolæ, Vrbem enim ab interitu tueri non posse, vel ædificatorum structuram magnificam, vel præfidorum vim inexhaustam, vel solertem indigenarum curam, & vigilantiam, innumera demonstrant euerfarum ciuitatum exempla; vbi etiam legitur sæpius sal more à Iudæis ducto, super euerfæ vrbis solo fuisse sparsum: scilicet vt in foundatione iuncti taurus & vacca symbolum futuræ sobolis & fecunditatis: sic sal sterilitatis & inopie rerum omnium. Vrbium incolæ extirpantur aut diuini, aut humani. Diuinitus delicti sunt Sodomitici tractus accolæ Genes. 19. humanitus excindi dicuntur cū hominum industria vna cū vrbibus delentur, quemadmodum Byfantini à Scuerio Imper. Hierosolymitani à Tito & Hadriano Imp. idem de illis ferendum iudicium, cum rediguntur in seruitutē; nam mortalitati comparatur seruitus. Tertio loco sunt adiuncta inter quæ primum numeratur tempus, deinde signa mutationis rerumpublicarum; per tempus intelligitur, illarum periodus siue duratio; per signa verò, cometæ, terræ motus, eclipfes & similia, quibus passim leguntur fuisse denuntiata magnæ cladis orbi terrarum, excidia ciuitatum, regnorum mutationes, & aliæ calamitates publicæ. Quarto sunt effectus, euerfis enim Rebuspublicis aut vrbibus migratio gentium sequitur: de qua duodecim libros scripsit Volfangus Lazius. Quinto tandem sunt contraria, siue remedia contra prædictas rerumpublicarum corruptiones, & earum causas; quæ sunt in duplici differentia, alia aperta, alia arcana; sicut & duos corru-

ptionum modos attulimus. Arcana vocantur ex Tacito, quæ Aristoteles vocat sophismata; quod eum, erga quem adhibentur latere soleant. Porro vtraque aut viam occludunt causis corrupturis, aut iam inualescentes amoliuntur, aut quando iam morbum pepererunt, morbo manum applicant; siue quod idem est, vel sunt remedia præseruatiua, vel curatiua. Remedia præseruatiua in genere potiora sunt, causas corruptionem portendentes in ipso exortu amputare: nihil quantumuis minimum negligere: statuta & leges reipublicæ non facile mutare: in mutationibus pristina rei vmbra semper retinere: nihil subito mutare: denique cum Magistratus sua cura maximè providere possint, rectè præcipit Aristoteles, Rerum summe prudentes & versatos præponere magistratus, quippè cum talis sit respublica, qualem eam solertia, vel incuria Magistratum efficit. Remedia curatiua, siue quæ causas ingrauescentes amputant, & morbum tollunt, sunt diuersa pro varietate causarum, ex quibus malum imminet; alia enim sunt contra seditiones, alia contra inuidiam, alia contra nimiam potentiam & auxesim, alia contra contemptum &c. Tantum de singulis Politicæ partibus; nunc breuiter agendum superest de iure Ciuili.

De Iure Ciuili.

Cvm lex anima & spiritus sit Reipublicæ, vnaque ferè cum illius primordiis scribi cœperit; vt enim corpora nostra sine mente, sic respublicæ sine lege suis partibus vt nervis ac sanguine, & membris vt non potest. Postquam in superioribus egimus de Reipublicæ constitutione, administratione & restitutione, sequitur vt breuiter agamus de legibus; quia autem leges, siue quod idem est, ius legislatiuum est in multiplici differentia; *Aeternum*, lex nimirum Idealis, qua statuit ab æterno Deus, mundum in temporis articulo condendum inuolabili ordine gubernare; *Di-*

minum, lex duplex vetus, & noua; illa, velut semen, ista velut fructus maturitate perfectus. Prior à Deo lata, Moyſis ministerio, quem idcirco Angelum seu mediatorem Scripturæ appellant; posterior Euangelica gratiæ & libertatis, instituta à Christo Domino Christianorum legifero, cui similis nemo: *Naturale*, impressio scilicet in tabulis humani cordis, & participatio legis æternæ, per quam homo similis auctori suo, sibi cæteriſque cum iustitia & moderamine prouidens est, quam nulla delicti iniquitas, nulla obliuio potest obliterare; suntque prima rationis dictamina, è quibus nemo tam vecors est aut barbarus, quin per ſynderſin & instinctum naturæ practicas cõclusiones elicere valeat. Quæ conclusiones, si ſolemni omnium populorum conſensione receptæ sunt, vocantur *Ius Gentium*. E quo tandem deriuatur *ius humanum* *Pactium* duplex Ciuile & Sacerdotale, hodie Canonicum, vel Ecclesiasticum. Cum, inquam, ius legislatium sic multifarium diuidi possit, agimus tantum in præſenti de Ciuili, quod etiam Romanum, & Cæsareum appellatur, ex quo enim Romani eorumque Reges & Imperatores rerum domini toto orbe potiti sunt, præualuit vbique eorum ius; cuius prima sic se habet origo.

Cum Romulus omnem populum in tres tribus, tribus autem in triginta curias, curias in decurias diuississet, quãdam etiam leges tulit, quas Curiatas appellauit. Tulerunt & alij deinceps reges, quas omnes Papyrius collegit in vnum volumen, quod à collectore *Ius Papyrianum* nuncupatum est. Exactis vero regibus, lege Tribunitia ius illud exoleuit; & ne ciuitas sine legibus pefsumiret, iam viginti annorum interſtitio multum labefacta; decem vel ex nonnullorum relatione tres viri à Senatu Romano Athenas miſſi leges à Solone & Licurgo latas Romam attulerunt: & eas Senatoria authoritate, iureque abſolutiſſimo correctas & emendatas, tabulis eburneis pro roſtris promulgauerunt,

additis inſuper duabus tabulis, quæ ad ciuitatis regimen & pacem neceſſariæ videbantur, hinc Duodecim Tabulari ius, auctoritas & nomen inualuit. Itaque non temere Iuſtinianus originem Iuris Ciuilis repetit à Lacedæmoniis & Athenienſibus, apud quos frequens erat, leges aliquas certas petentibus, Atticas eorum leges vt optimas reddi. Vide Franciſcum Balduinum *commentar. ad LL. xij. tabular.* & Pomponium *Enchiridio de origine iuris, & omnium magiſtratum, ac ſucceſſione prudentium*. At cum prædictis legibus ſubobſcuris interpretatio deſideraretur, dareturque vt plurimum ſine ſcripto; ius iſtud poſtea in corpus compoſitum, *Ciuile* denominatum eſt. Ex quo mox legis actiones, quæ formam agendi continent, ortæ ſunt; quas ne populus pro libito inuenteret, ſolemnes & certas eſſe voluerunt. Igitur ex his tribus, tabulis nimirum, interpretationibus & formulis Ius Ciuile conſtabat; atque omnium legum auctoritas, & interpretandi ſcientia, iuriſque actiones penes Pontifices religioſiſſimè ſeruabatur. Deindè cum à Cneo Flauio, qui à Secretis Appio Claudio erat, hæ actiones populo fuiſſent traditæ, liber iſte *Iuris Flauiani*, nomen accepit. Nec multo poſt Sextus Aelius alias quoque leges compoſuit, quibus *Iuris Aelij* cognomen impoſitum eſt. Tandem Plebs à Patribus diſſidens ius ſibi proprium conſtituit, ſeu *Plebſcitra*, quæ vim legis poſtea obtinuerunt. Oppoſuerunt ex aduerſo Senatores *Senatus conſulta*, quibus vim & audaciam populi reprimerent. Ultimo demum *Ius honorarium* dicta ſunt Magiſtratuũ, ſeu Prætorum ediſta; quæ cum mukum hominum inuidiæ & libidini permitterent, annuos enim magiſtratus annua ediſta ſequabantur, lege Cornelia ſub Hadriano Imperatore in ediſtum perpetuum tranſierunt. Verum ſucceſſu temporis à Labeonianis, Saleanis, Proculianis & alijs fuerunt tam copioſe interpretata, vt librorum numerus ad duo millia excreuerit, quæ tempore Iuſtiniani & de-

ia-

Sectio VII. Caput XXV. 449

inceps contracta in vnum corpus, quatuor tomis continentur. In primo extat index generalium omnium titulorum legum rubeo olim colore describi foliorum. Libri quatuor institutionum. Digestorum seu Pandectarum libri 50. In secundo extant Codicis libri 12. In tertio Nouellæ Imperatorum, & Canones Apostolici. In quarto Feudorum libri. De singulis breuiter agemus; si prius norauerimus signa vel symbola, quibus vtuntur Iuristæ in citandis prædictis libris. V.g. C. est codex. I. Institutiones. N. nouellæ. E. edicta. N. I. nouellæ Iustiniani. L. N. Leonis nouellæ. C. I. constitutiones imperiales. F. feudorum consuetudines. C. capitulum, seu centesima in distinctionibus. D. distinctio. ff. digesta seu Pandectæ. §. paragraphus. Q. quaestio. L. lex, vel quinquagesima in distinctionibus. T. titulus. Iterum Institutionum Iustiniani libri 4. citantur per paragraphos & titulos hoc more §. 1. institut. de authoritate tutorum. Digestorum seu Pandectarum libri citantur ita ff. de quo vide Alciatum in lib. 1. Cod. deinde legis prima dictione & titulo. L. hoc edicto. Si lex sit amplior, diuiditur in paragraphos hac nota §. Vel certe citantur auctores ipsi legum, vt hic, Ulpianus lib. 2. ad edictum. Non enim solent citare Iurisperiti per libros & numeros legis, nisi valde raro, vt cum l. fin. c. fin. hoc est lege finali: aut in iure Canonico capitulo finali, hoc est vltimo illius tituli. Tituli porro sunt omnes ordinati in indice ordine alphabetico, sub initium totius iuris, vt iam notauimus. Citatur etiam Codex per vocem primam legis, & titulos more digestorum præpositò signo Codicis. C. vel cod. Nouellæ Imperatorum leges, per libros authenticorum dispositæ citantur per numeros Nouell. 17. de mandatis Principum, vel per authenticorum libros hoc modo, authenticorum collatione 3. &c. de mandatis principum: sunt autem collationes 9. quæ citantur per titulos & capita Nouellarum: e nouellis 168. tantum sunt au-

thenticæ & authoritatem habent, reliquæ exauthoratæ & antiquatæ sunt.

Institutionum Iuris Oeconomia.

Institutiones vt nomen ipsum sonat, elementa doctrinæ iuris exhibent, vnde velut & in reliquis disciplinis primordia eruditionis merito sumuntur. Hæ artificiali diuisione in tres partes, secundum tria obiecta, circa quæ ius omne se se vertit, aptè distribuuntur: quarum prima ius Personarum, secunda rerum, tertia actionum comprehendit. Sed quia rerum causa duplex est, altera dominij, altera obligationis, idcirco alia quadam partitione, quam inartificialem vocare possumus, in quatuor libros, velut æqualia totius corporis membra, institutiones distinctæ sunt. Horum primo secundum iuris principia, quæ præcipuum loco rectè præmittuntur, agitur de iure & conditione personarum; nempe de liberis; Seruis. Libertinis; Ingentis: Patribusfamil. Filijsfamil. Puberibus; Impuberibus: Pupillis: Tutoribus: Adultis, curatoribus, vt mox planius fieret, quibus eorum acquirendi, vel alienandi rerum dominia; obligandi, vel sub obligationem veniendi ius esset. Secundo agitur, quibus modis tum singulæ, tum vniuersæ res acquiruntur. Sic enim cognosci potest, num iure suam aliquis rem esse intendat. Ostenditur autem, res singulas fieri nostras, partim iure gentium, vti occupatione, traditione: Partim Ciuili iure, velut Vscapione, in iure cessione: vniuersas autem, modis à iure ciuili institutis, velut, hæreditate; arrogatione; bonorum emptione: Hæreditates porro tum testamento, tum ab intestato nobis obuenire. Tertio tractatur de obligationibus, quarum alix oriuntur de rerum contractibus, qui emendo, locando, credendis pecunijs, habentur. Alix è priuatis delictis, furto, rapina, iniuria. Quarto tandem & vltimo libro agitur de actionibus. Qua voce designatur omnis iudiciorum ordo, nimirum omnes litium instituentiarum, &

disceptandarum formulæ (qui dici solet procedendi modus) siue ad actore , aut reum ; siue ad Prætores , siue ad Iudicem , Arbitrumue res pertineat . Itaque cum fufus eorū qui sunt Actores , inrentiones explicantur : tum reorum exceptiones , ac defenfiones traduntur : ac postremo de prætorum interdiciis , Iudicumque officio differitur . En materia circa quam Institutionum iuris Ciuilis ; vt materia ex qua sunt veterum Iuriconsultorum definitiones ac placita . Quod pertinet iam ad horum librorum causam efficientem , autoritate fuit Iustinianus , opere verò & studio Theophilus , Dorotheus & in primis Tribonianus , qui Iustiniano Imperatori magister officiorum fuit , assessor & quæstor . Hunc Suidas improbat , tanquam omnis religionis contemptorem , avarum , nulla fide , nulla iustitia , ius quotidie nouum , variumque constituentem , quique Iustiniano perfluaserit , fore , vt non moreretur , sed cum carne assumeretur in cælum : Quæ si semel vera sunt , iure cessabit aliquorum admiratio , cur Christianus Imperator Iustinianus ea interdum inferi permiserit in suos libros ad corpus Ciuile spectantes , quæ Christianæ Religionis aduersantur : quales sunt Diuinitates illæ , quæ impijs , ethnicis , & hæreticis quibuldam imperatoribus passim tribuuntur , vbi leges eorum aut edicta memorantur . Hæc enim & similia non tam ad Iustinianum , qui apud multos habitus est ἀγαλμασένος , nimirum ipsius quoque alphabeti ignarus , quàm ad impium Tribonianum sunt referenda . Quamuis Zasius , vel Rutilius in eius vita conentur illum defendere ,

*Pandectarum seu Digestorum
Oeconomia .*

Pandectarum nomen Græcum , Digestorum Latinum est : illud à materia , siue τὸ τοῦ παρτα ἔχειν , quod est , omnia habere , quia disputationes veterum Iuriconsultorum , quæ quidem

vsus in præsentiarum habeant , hic liber continet omnes : hoc à forma & digestionem sumptum , siue ab ordine rerum per libros & titulos commodè ordinarum . Pandectas enim istas ex duobus librorum millibus in quinquaginta tantum : & ex versibus tricies centenis millibus , in centum quinquaginta millia , dumtaxat , reduciat , Tribonianus , Ioannes Patritius , Theophilus , Dorotheus , & alij partiti sunt primò in septem partes , deinde hæc in libros , hos autè in ritulos , vt lector còmoda cuiusque loci inspectione ad iudiciū de rebus ipsis inuitaretur . Sic huius operis diuisio duplex , vt institutionū , inartificialis in quinquaginta libros æqualiter facta ; artificialis in partes septem : quarum *prima* vocatur τὰ πρώτα , hoc est primaria , qua nihil sit antiquius : Continet enim principia iuris , quod à Iustitia virtute præstantissima descendit : ostendens , omniū Magistratuum & prudentium in tractandis legibus officia , quæ ratione his rectè imperantibus obtemperetur . habet libros quatuor . *Alter* de iudicijs , continet materiam actionum quotidianarū , de rebus tum vniuersalibus , tum specialibus . Nam omne ius spectat aut ad personas , distribuendo unicuique functionem suam ; aut ad res , ratione quadam ad vtilitatem personarum commuandas ; aut ad actiones , quibus incidentes rerum controuersie iudicantur , ac certa forma celeriter dirimuntur . habet libros septem . *Tertia* de rebus creditis , in qua formulæ contractuum exhibentur , quibus homines inter se , alter alterius fidem secuti , res ipsas , vel earū vtilitatem , æqualitate quadam obseruata , communicant . habet libros octo . *Quarta* ὀμολογίας , seu vmbilicus appellatur , quasi locus in Iure tractando medius . Comprehendit autem primū materiam pignoratitiam ; deinde ordinationes Aedilium Curulium valdè vtilis . De vsuris item , fructibus & accessionibus rerum tractat . Tum addit regulas probationum , quæ iudicijs decant : scilicet , quomodo Iudici facienda sit

sit fides eorum, quæ apud eum proponuntur. Vltimo matrimonij forma, doctes & donationes, & puerorum ex matrimonio procreatorum tutela definiuntur. habet libros octo. *Quinta* de testamentis, continet materiam vltimarum voluntatum: vt quandoquidem anima est immortalis, regnet etiam hominis voluntas extincto corpore. Per vltimam enim voluntatem admittitur etiam post mortem liberalitas erga proximum, institutionibus, legatis, substitutionibus, fideicommissis purè, vel sub conditione, pro cuiuslibet arbitrio: idque militantibus, & defendentibus rempublicam, aliquanto liberius, propter occupationes, conceditur. habet libros nouem. *Sexta* absoluit de vltimis voluntatibus tractationem. Deinde libertatis causa proponitur. Tum de acquirendis per vfucapionem rerum dominijs certa ratione stabilendis, ne cuiuslibet semper sit liberum de illis controuertere, ac publicam tranquillitatem turbare. Postremo interdicta prætorum per ordinem, recensentur, quibus controuersia hominum, celeritatem quamdam desiderantes, mirum in modum solent extinguì. habet libros octo. *Septima* denique continet reliquam tractationem de stipulationibus, vt certæ sint formæ per quas homines se se verbis obligent, ne omnibus passim colloquijs constringantur. His adnectuntur fideiussiones, solutiones, omnesque nouationes: hoc est, cum placet hominibus contractas inter se obligationes in nouam formam mutare. Postremo ciuilibus explicatis negotiorum formulis, delinquentium poenæ adiunguntur, aduersus malos, vt boni fruantur pace. De publicis quoque functionibus aliquid obiter dicitur; & verborum significationes, ex quibus phrasæ Iuriscultorum colligamus, explicantur; deinde regulæ subijciuntur, ac thesæ, quarum ductu vniuersi iuris cognitione liceat facili assequi, & pro vsu incidentium quotidie negotiorum exercere. habet libros sex.

Circa tertiam Pandectarum partem
Biblioth. Theol. Tom. IV.

tionem in Digestum Vetus, Infortiatum, Nouum; præsertim vero quid ita secunda Pandectarum pars Infortiatum, appelletur, cum se vehementer crucient aliqui Iuriscultori, melius tamen alij putant cum Andrea Alciato *lib. 1. disput. in præm.* nec secundam eam esse partem, vt quæ vigesimi quarti libri Digestorum (qui vltimus est digesti veteris) titulum vltimum secum trahat; nec vllam aut eius vocis etymologiam reddi posse, cum barbara sit, & nullius sensus, aut eius partitionis iustam rationem. Perpetuus enim est Digestorum ordo, ac contextus quinquaginta omnino librorum continua serie absolutus, non alia prorsus ratione ab antiquis intercisus, quam quod tanta librorum congeries, ac veluti moles, in iustum aliquod volumen consui non posset, quale quid nunc fieret, si plures libri eandem rem aut materiam tractantes, in tres aut plures tomos diuiderentur. Per quamdam tamen accommodationem primus Pandectarum tomus, rectè potest vocari Digestum vetus, quia priori loco, secundus Infortiatum, voce barbara significant adauertum & corroboratum, non autem *perit* onus, quia scriberetur per *ph*, non *f*. Tertius tandem Nouum, quasi vltimū. Similiter quod Mattheus Monachus quidam scripsit etiam Digestorum corpus bis editum fuisse; primum breuius, deinde auctius redditum paratidis; & paratida esse veluti repletiones eorum, quæ cuique titulo digestorum deerant in priori editione, & scholia; non probatur ab alijs, cum te vera vna tantum digestorum editio fuerit, & paratida Iustiniani, lex 1. & 2. de vet. iur. enucl. nihil aliud esse ostendat, quàm breues & subtiles titulorum interpretationes, & quasi monitoria, siue clauæ eorum, quæ singulis titulis continetur. Porro de Pandectarum corrupto vel incorrupto textu, præsertim Florentinarum seu potius Pisânarum, videnti sunt Bolegninus, Politianus, Budæus, Gregorius Halcander, Antonius Augustinus, & Franciscus Taurellius in

Epistola, quæ habetur in editione Plantiniana; vbi sic scribit, Pandectarum, siue Digestorum antiquum volumen, Florentiæ nunc, olim Pisfis adseruatum, cum Amalphi prius omnem supra memoriam fuisset, inde acceptum, Pisani quod Innocentium II. Pontificem Maximum, & Lotarium Cæsarem item II, classe aduersus Normannum Rogerium iuuisent, egregiè nouatæ operæ monumentum retulerunt, diuque penes se habuerunt, donec per Ginum Caponium æque nobile ac strenuum virum, anno 1406. Pisfis in potestatem redactis, subiectionis symbolum transfulere. Liber itaque Florentiæ eo ex tempore est custoditus. Rectè autem Codici Pandectarum anteponuntur, cum hæ præ illo legendæ & euoluendæ sint: tam de Iustiniani præcepto, quam ex recto studiorum instituto. Hæ enim ad Teorian, Codex ad praxin magis facit: quod genus vltimo loco iam adultis & ex schola ad forum properantibus est proponendum.

Codiciſ Oeconomia.

INcipiendo ab ipſo nomine, Codex idem quod Caudex, ex quo cortex extrahitur, stirps arboris, seu crassior arboris pars quæ extra terram assurgit: unde plurium tabularum contextus in nauibus & libris conficitur, atque à sua materia Codex seu Caudex appellatur. Nam quia veteres nondum inuento papyri vſu, tabulas hinc compingebant ſcriptioni aptas, eo factum est vt Codices dicerentur plures eiſmodi tabulæ, ad inſtar voluminis colligatæ. Quia autem doctè notante Iacobo Cuiacio in ſuis in Codiciſ libros paratidis, maiestas & diuturnitas eſt maior ſcripto, ſi quid exaretur in his, hoc eſt in Codicibus, quam ſi in chartis aut membranis ſimplicibus; ſicut membranis quoque maior, quam chartis; adeo vt pleraque hodie non valeant, niſi membranis ſcripta; veluti Codicilli dignitatum, & S. Conſ. Hæc ratione factum eſt, vt Iuſti-

nianus ſuperiorum principum ſine ordine politas conſtitutiones purgari curans, tùm etiam Nouellas emendatas, Codicem vt prius appellari voluerit. Neque enim id ei nominis primum dedit Iuſtinianus: ſed vt res, ita & appellationem aliunde mutuatus eſt. Nam, obtinuit illud Codiciſ nomen primum liber, quo continebantur conſtitutiones Imperatorum ab Hadriano ad Valerianum vſque, & Gallienum, hoc ab anno Chriſti 120. ad 260.; diſcuſque eſt Codex Gregorianus, à nomine iuris ſtudioſi, qui huic collectioni dedit operâ. Subſecutus eſt Codex Hermogenianus, ab Hermogeniano ſimiliter eiſ editionis auctore; quo continebantur Claudij, Aureliani, Probi, Cari, Carini, & innumeræ Diocletiani, & Maximiani conſtitutiones; ab anno Chriſti 270. ad 306. vt perperam Codiciſ Gregoriano adſcribantur quædam Diocletiani, & Maximiani, cum fuerint omnes in Codice Hermogeniano. Exijt poſtea tertius Codex, iam non à Iuriſconſulto aliquo, ſed ab Imperatore ipſo Theodoſio, cuius authoritate conditus eſt, denominatus Codex Theodoſianus, qui complectitur conſtitutiones Imperatorum omnium à Conſtantino vſque ad ipſum Theodoſium; hoc eſt ab anno Chriſti 306. ad 435. quo ſuum Codicem promulgauit Theodoſius. Et vt ex Gregoriano nihil ſumpſit Hermogenianus, ita nec ex hoc, vel illo, Theodoſianus quidquam; ſed omiſſas in Gregoriano ſequentium Imperatorum Conſtitutiones Hermogenianus habet vſque ad Conſtantinum; omiſſas in Hermogeniano, Theodoſianus. Vltimo tandem loco eſt Codex Iuſtiniani, cuius cõponendi alia fuit illi ratio. Non enim eas tantum conſtitutiones in ordinem, & compendium digeſit, quas poſt Theodoſianum ſequentes Imperatores ediderant, ſed etiam ex tribus ſuperioribus Codicibus, Gregoriano, Hermogeniano, Theodoſiano, & ex Nouellis quoque poſt Theodoſianum Codicem, vel ab ipſo Theodoſio, vel ab inſequentibus imperatoribus;

Sectio VII. Caput XXV. 453

bus editis, omnes quæ ad vsum sui temporis facere videbantur. Rursus, cum similes essent, contrariæque inuicem constitutiones, permixtim relatæ in illos tres Codices, Iustinianus, quantum potuit, è suo curauit tolli contraria, similia, superuacua, inutilia omnia. Et hunc quidem suum codicem edidit his; prior editio abolita est, quæ exierat ante digesta, & institutiones, de qua sunt constitutiones huic Codici prælatæ: Posterior, de qua est constitutio illis subdita, diuisa in 12. libros, quasi 12. Tabulas, vt Harmenopolus aïgea est, quæ vtmur, & cuius titulos Cuiacius suscepit explicandos, post editionem Digestorum & Institutionum confirmata, atque confecta. Et hac quidem posteriore editione, multis quæ erant in priori, limatis, detractis, mutatis; multis etiam additis & suis, & alienis constitutionibus, ob eam rem Iustinianus Codex repetitæ prælectionis fuit appellatus.

Novellarum Oeconomia.

C Viacius in *exposit. Nouell. const.* primam appellationis Nouellarum adducit rationem, quod noua eis, atque à veteribus dissidentia iura constituuntur, quamuis non vtique omnibus. Posterioriorem tamen rationem existimat veriorē esse, quod nouissimè promulgatæ sint post Codicem Iustiniani repetitæ prælectionis. Nam & sæpissimè à Grecis interpretibus appellantur *νέαι μὴ τῶν παλαιῶν*: & ab ipso Iustiniano. Et pariter Theodosij, Valentiani, Martiani, Leonis, Maiorani, Seueri constitutiones, non alia ratione Nouellæ appellatæ sunt quàm quòd post Codicem Theodosij, & aliar quædam Leonis Philosophi, Nicephori, Michaelis, Romani, Alexij, quod post *Βασιλικὴν* libros promulgatæ essēt. Quin & Iustiniani quæ vocantur Nouellæ, nondum retractato codice hanc appellationem meruerant, editæ cum essent post primam Codicis editionem: retractata, repetitave iam Codicis editione, eam amiserunt: nec enim Nouellæ sunt,

quæ in corpus vnum coierunt Codicis repetitæ prælectionis, iustum constitutionū corpus, sed quæ post codicem illū emerferunt nouæ, vel Iustiniani ipsius, vel Iustini, vel Tiberij, & aliorum. Igitur *ἡ νεὰ* seu nouellas respectu scilicet Codicis constitutiones appellamus, quæ post Codicem repetitæ prælectionis sunt editæ; Iustinianus enim maluit eas in aliud separatè volumen trāsferre, quam toties faciem Codicis, alijs atque alijs quotidie adiectis immutare. En ex Cuiacio cur Nouellæ dictæ sint, nunc videndum ex alijs, præsertim Alciato *lib. 2. parerg. cap. 46.* cur Authentica vocatæ. Qui rectè notant editum esse hunc librum Græcè, & constitutiones has Græcè *νέαι* appellatas fuisse; verum cum Asiatica quadam luxuria diffusus, prolixitateq; nimia scriptus esset liber, translatus Latine à Iuliano Patricio, & Ficonsule fuisse, sed compendiosus, & stylo, vt tum tempora ferebant, non incleganti, qui liber adhuc extat, & Nouellæ titulo circumferretur. Ad cuius differentiam nostri integras constitutiones authentici nomine appellare maluerunt, *αὐθαιτων* enim ἀπὸ τοῦ αὐθιγῆς, est id vnde alia exempla transumuntur: hodie originale vocant: cuiusmodi certè respectu operis illius hic liber iure putatur: quippè ex quo exemplar illud Iulianus transcripsit, & quodammodo breuiavit, ac detruncavit suum. Est igitur authenticum, volumen nouarum constitutionum, quæ post Codicem Iustiniani secundæ editionis, sunt ab eodem promulgatæ, in corpus iuris vno hoc libro redactæ, in quibus sanè dirigendis nulla alia quam qualis in Codice, nempe tēporis ratio, neque tamen hæc quoque perpetuò deprehenditur obseruata. Tantum de origine textus ciuilis: ad cuius formam accedunt libri 60. Basilicon Grecol. multis voluminibus, quorum etiam extat cōpendium vno volumine, quibus Basilius Imperator exauctorabat Iustiniani Codicem & Pandectas, vt suas leges stabiliret, vt videre est in *Notacione Photij*. Verum neque hi li-

bri

brī habent auctoritatem; neque Nouellæ Ifaaci, Leonis, & aliorum ad calcem codicis annexæ: accedunt & leges Gothorum in libris Hispaniæ illustratæ, Longobardorum, Boiorum, Ripuariorum, Salicæ: ius Orientale Græcorum, Codex omnium legum, leges XII. Tabular. Atticæ, Spartanæ, Locrenses; constitutiones, statuta, priuilegia, consuetudines, & similia diuersarum ciuitatum, & regionum, quæ nunc pro iure vsurpantur. Ius enim ciuile, legesque Iustinianæ vim nullam habent, nisi quam principis eis nutu & voluntate sua, tribuunt, ideo edicta legibus contraria panguntur, & plurimi cōsuetudinibus suis reguntur, nō legibus; penes quos leges Augustales auctoritatem habent nullam, nisi ornamentū & exempli. Capitularia Caroli Magni, & Caroli Calui loco legū erant olim in Gallia nostra, priusquam ex adyto Florentino, vel Pisano Pædectæ promerentur ante annos supra 400. vt notauimus supra. Nunc in pretio est Codex Henricus in Gallia, & Regum ordinationes, vt vocant, habetur tamen honor Pandectis, tanto scilicet ingenio, iudicio, doctrinaque concinnatis, & secundum eas Germania, Italia, Hispania, Sabaudia, Delphinatus, Prouincia, Tolosa iudicat. Sed de his satis; nunc ad iuris vniuersi distributionem, vel partitionem veniamus.

Iuris vniuersi methodica distributio.

Cum ordo sit mater memoriæ, atque adeo ad comparandas scientias, nihil sit illo accommodatius idcirco Iurisconsulti varias etiam adinuenerunt methodos, quibus iuris vniuersi distributio fieret, certisque finibus concluderentur omnia ad illud pertinentia. Aliqui enim, vt Gregorius Tolosanus in amplissimo iuris Syntagmate, iuris tradidit modum secundum vulgatam illius diuisionem in res, actiones, & personas; si quidem iudicia, quorum partes necessario noscendæ sunt futuro Iurisconsulto, constant Auctore, & Reo, nempe

ijs, qui litem gerunt: causa constituendi iudicij, quæ quidem propter res, vel obligationes instituitur: postulat enim, quisque quod suum est; aut sibi deberi putat: certa item ratione constituendum, & exercendorum indiciorum. Alij reputantes hanc diuisionem in res, actiones, & personas esse materialem, & omnibus artibus communem; partiuntur Iurisprudentiam secundum diuersas iuris rationes. Ius autem, est ratio dominij seu debiti, seu ratio & ritulus propter quem res tali, & tali debetur, seu ius est ratio sui, ob quam quilibet affirmat aliquam rem esse suam: Quam rationem lex determinat, conclusionem, definitionem, sententiam, lata scilicet ab homine iusto, & perito iuris, qui rem suam voluit cuique tributam: hoc est ergo iuris omnis breuiarium, germanissimaque illius distributio secundum diuersas rationes debiti & sui, seu ob quas rem suam quis dicit merito, & asserit sibi debitam. Inde est iustum, quod est secundum illas rationes, iniustum quod est contra eiusmodi rationes, medium rationis & rei inter plus & minus vocant Theologi: iustum quando quis habet quantum debet habere, nec plus, nec minus. In commutatiua iustitia attenditur æqualitas rerum inter se sine personarum consideratione: in distributiua attenduntur res secundum personas, plus enim duci debetur Spoliorum parta victoria, quam Gregario militi: ac in hominum solutione, tantum reddendum est ab omnibus cuiuslibet mutuum danti, quantum commodauit, tantum pænæ, & supplicij cuique imponendum, quantum peccauit: In vindicatiua iustitia, tantam debet offenso satisfactionem, quantum offendit, hoc est ius tertie & læsæ partis. Iam rationes ob quas dicit aliquis rem esse suam, sunt, inuentio, occupatio, productio, piscatio, venatio, societas humana, & ciuilis, donatio, testamentum, substitutio, fideicommissum, legatum, contractus, &c. vt tamen ordo seruetur inter istas rationes sui, seu debiti & dominij, ordiendum esset à iure

naturæ

naturali, & pergendum ad ius Gentium, tum ad civile & municipale: V. g. iure naturali comprehenduntur ea quæ omnibus hominibus sunt debita iure societatis humanæ, tum quæ ad nuptias, & patris ac filiorum officia, alimenta, testamenta &c. in Gentium iure de commercijs, bellis, &c. in civili de contrahibus. Quia verò in sua causâ iudex esse debet nemo, ad salutem publicam tuendam, & bella cadesque deuitandas dum de suo certatur, instituti sunt iudices qui non arbitrato suo, & corruptelis affectuum, & munerum, sed secundum leges de suo, seu de iure pronuntiarent; instituti aduocati, & procuratores, & dies fatales, & testes, & tabulæ, vt de iure, & ratione sui constaret iudicibus, instituta etiam actiones, quibus res repeterentur, aduocatorum postulatione, vindicationes rei, cuius, restitutiones spoliatorum, executiones ad exhibendû, Publiciana, infortiora negotiorum gestorum, & cætera huiusmodi.

Alij iuris tradiderunt modum veluti via scientiæ per principia moralis & politicæ disciplinæ, vt præfens primus Senatus Sabaudie in sua iurisperitendia Papiniana, & per rationes legum in suis rationalibus, est enim anima legum ratio, & interpret earundem oratio. Quod adhuc feliciter fieret si Philosophica in omnibus docendi ratio seruaretur: citatis legibus ad singulas conclusiones disputationum, materijs iuris, ordine scientiæ, & obiecti dispositis; definitionibus, diuisionibus, speciebus, casibus singularibus, causis, effectibus, principijs, rationibus, contrarijs, similibus, obiectiionibus, solutionibus, corollarijs denique omnibus adductis in medium; sic enim ius civile disceretur per regulas & principia vniuersalia, quæ spectant ad omnia prorsus negotia, omnesque controuersias, non autem memoria legum tantum, quæ non tam medullæ, quam corticis dumtaxat delibatio videtur. Alias secuti sunt vias Hotomannus, Donnellus, Vigelius, Myfingerus, Vvesembæchius & alij à Possuino citati lib. 12. Bibliothecæ

selektæ; de quibus consuli potest, nec non de pluribus alijs rebus ad Iurisperitendiam considerationem, ac studium pertinentibus. Cui addo cap. 10. par. 2. Aurifodina Drexellij, de modis quibus ciuili scientiæ amans excerpere debet. Romani iuris interpretum veterum vitas conscribere Rutilius Colonienfis, & F. Hotomannus: neotericorum verò Ioannes Eichardus, Francofurtensis, & fufius post ipsum Ioannes Vuoltgangus Freymonius I. V. D. in libro inscripto: *Elenchus omnium auctororum, qui in iure tam ciuili, quam Canonico, vel commentando, vel quibuscumque modis explicando ad nostram vsque etatē claruerunt, nomina, & monumenta complectens*, &c. editus Francofurti ad Menum anno 1574. Non grandis est hic liber, & leui pretio parabilis. Sed opus illud ingens est, & quod vnam bibliothecam pænè constituat, cui inscriptio hæc præfigitur: *Tractatus vniuersi iuris in vnum congesti, XVIII. materias, viginti quinque voluminibus comprehendens. Præter summaria singulorum tractatuum accessere locupletissimi indices, ita distinctè & ordinatè compositi, vt lectior materias, temere ante hæc sparsas artificiosa distributione sub vno quasi aspectu positas conueri possit.* Hec primi tomi frons est. Soli autem indices tribus iustis voluminibus distinguntur. Sunt ita vniuersè viginti octo grandia volumina Venetijs edita anno 1584. Tantum de Politicâ, illicque annexo iuri ciuili, quantum pertinet ad præfens institutum, & vt videamus quâto hæc Philosophiæ Moralisis pars conducat ad Sacræ doctriinæ studium, diuinasque Scripturas illustrandas.

Certè si in diuinis Scripturis præclarissima tam Ethicæ, quam Oeconomice documenta continentur, non minus & Politicæ, ex quibus perfecta, numerisque omnibus absoluta Politica Sacra, secundum ordinem adductum disponi posset. Circa quod opus, quia iam multi sub diuersis tamen titulis feliciter insudarunt, sufficere aliquos breuiter insinuare. Igitur post Augustinum, Orosium,

sum, Lactantium, D. Thomam in aureo libro de regimine Principum ad Cypri regem; Sacram Rempublicam, Christianumve principem ob oculos posuerunt in primis Chriftotomus Iauellus in opusculo, cui inscriptio: *Philosophia Politica, siue Civilis Christiana dispositio, sacrarum litterarum testimonij, & authoritatibus comprobata*: quam sex partibus, seu tractatibus absoluit. Vt primus de ciuitate Christiana, quid sit. Secundus de rectore, eiusue principe: Tertius, quonam consilio regenda sit, velut naui in mari agitata: Quartus de iudicio siue prætorio, vt in causis tam ciuilibus, quàm criminalibus iustitia seruetur: Quintus, qualis inuicem debeat esse Christianus populus, Rectorve & princeps: Sextus, quibusnam legibus administranda sit Christiana ciuitas. Cardinalis Bellarmini de officio Principis Christiani libri tres: quorum primus continet documenta spiritualia ex Scripturis Sacris; nimirum de officio Principis Christiani, vt ministri principalis Dei, vt filij, vt serui Dei omni genere seruiunt: iterum de officio eiusdem erga Summum Pontificem, Episcopos, Confessores; erga populos sibi subiectos, amicos, consiliarios, milites; erga alios principes; erga personam suam. Secundus continet exempla ex vitis Sanctorum Principum testamenti veteris. Tertius verò ex vitis Sanctorum Principum noui testamenti. *Instructio Principum Ethicè, Oeconomice, ac Politicè scripta, per R. P. F. Ioannem à Iesu Maria Carmelitam Discalceatum*; cuius prima pars complectitur consilia selecta ethica, siue moralia, quæ ad principum ipsorum mores; secunda Oeconomica, quæ ad domus siue aulae moderationem; tertia Politica, quæ ad Reipublicæ gubernationem conferunt. *Theatrum vite ciuilis ac Sacre, siue de moribus Reipublice Christiane commentaria, auctore Odonardo Vuestono Anglo in quinque libros distributa*, Hieropoliticon siue institutiones Politicae à Sacris Scripturis depromptæ, auctore Ioanne Stephano Menochio à Societate Iesu; eiusdem de Republica Hebrao-

rum libri 8. de qua etiam Carolus Sigonius scripsit. *Velasques in Psalmum centesimum Davidis commentarij, siue de optimo principe, & optimo principis administro libri quinque*. Primus agit de virtute principi multiplici ratione necessariæ; Secundus de peculiaribus virtutibus, quæ ad principis personam spectant. Tertius de scopo quem sibi princeps in gubernatione debet proponere. Quartus de virtutibus principis, quæ ad iudicium, & iustitiam peculiariter pertinent. Quintus tandem de optimi principis optimo administro.

Regnum Dei, seu dissertationes in libros Regum, in quibus quæ ad institutionem principum illustranturque virorum, totamque Politicam sacram attinent insigni methodo tractantur; auctore R. P. Nicolao Causino Societatis Iesu. Diuiditur totum opus in tractatus quinque, quorum primus est de origine causisque regnorum; secundus de moribus principis; tertius de adminiculis regni; quartus de industrijs regni seruandi; quintus est Paradigmaticus, in quo regnantium exempla ex quatuor libris regum exponuntur. Oforius, & Mambrinus Roseus de Christiano principe. Thomas Bosius Eugubinus Presbyter Congregationis Oratorij scripsit de ruinis gentium & regnorum aduersus impios Politicos, libros octo. Item libros duos de imperio virtutis, siue imperia pendere à veris virtutibus, non à simulacris aduersus impium Machiavellum. Item aduersus eundem de robore bellico Catholicorum, contententem imbelles homines fieri, quod Christiana lex iniurias vlcisci velit, quod probat in prima parte operis, ex amplitudine regnorum, quæ nostri sibi armis acquisierunt, quæ nulla vnquam gens vel bellicosissima edomare potuit: in secunda parte occasione prædictæ obiectiõis demonstrat, necesse esse remittere iniurias: per crucem, quæ singulariter nobis designat patientiam, & quam nos proficemur exemplo Christi in tolerandis iniurijs, maximas victorias fuisse reportatas; Catholicos superare omnes alios

Seſtio VII. Caput XXVI. 457

alios in amando Deo & ſuis, ob id omnium fortiffimos, amor enim pugna-
ciſſimos homines facit; omnium gen-
tium regna inſigniora concidiſſe ob lu-
xum, qui milites effeminauit, atque
adeo Catholicos milites omnium eſſe
fortiſſimos, quod catholica religio ma-
ximè omnium reuocet à luxu. Ad hoc
idem pertinent Harmenopuli excerpta,
ex legibus ad ſacrorum dogmatum fidè:
quo exemplo Rynтелен & Fichlerus iu-
riſprudentiam Theologicam ediderunt
ad conſutandos Lutheranos & Caluini-
ſtas heroico planè, & diuino opere. An-
gelus Aretinus, Chriſtophorus Porcius,
& alij qui extant primo tomo tractatuſi
Venetijs editorū, hanc quoq; viā aprandi
ſacrā doctrinā ad ius ciuile mōſtrarunt,
cū ſolidiorē Eccleſiæ Catholicæ verita-
tem, ſicubi ferebat occaſio, illi oppoſue-
runt, & ius canonicum cum ciuili con-
tulerunt. Tandem promptuarium iu-
ris raritate, & vtilitate commendatur,
aptauit enim legibus Scripturam, aut
porius leges diuinæ Scripturæ in com-
modum concionatorum; ſed de his ſatis,
in quibus facilè benignus lector po-
terit de ſuo addere.

*Quantum referant ad ſacræ doctrinæ ſtu-
dium ſcientia ſaltina.*

Poſtquā in ſuperioribus egimus de
neceſſitate & vtilitate ſcientiarum,
ſermocinalium, ſpeculatiuarum, & mo-
ralium ad ſacræ doctrinæ ſtudium, ſu-
perreſt vt breuiter agamus de ſcientijs
ſacrijs, quas artes communiter appel-
lamus. Verū quia longum eſſet ac diſ-
ficile velle ſingulas proſequi, ſufficiet
aliqua inſinuare loca Scripturæ, quibus
earum fit mentio, indè enim ſatis pate-
bit, quantum earum quoque notitia
conducere poſſit ad illuſtrandam, per-
fectèque intelligendam ſacram Scriptu-
ram. Primum igitur ad artem ſcripto-
riam pertinet illud Iobi 19. *Quis mihi*
tribuat, vt ſcribantur ſermones mei? Quis
mihi det, vt exarentur in libro ſtylo ſer-
uo? de quo vide Eusebium Nieember-
- *Biblioth. Theol. Tom. IV.*

gium lib. 1. de origine Sacræ Scripturæ
& Hugonem Hermannum de origine
ſcribendi. Secundò ad Lanificium, cu-
ius nomine continetur omne ſtudium,
& opus, quod circa lanam, vel ex lana
fit; pertinent illa quæ in Scriptura legun-
tur de priſca ouium ſollicitudine ob la-
nam, quæ de progreſſu lanificij vſque
ad pannum; quæ de illius opificibus,
textoribus, fullonibus &c. quæ de varijs
inſtrumentis ad illud inferuientibus, ſub-
tegmine, ſtamine, fuſo, &c. quæ de va-
rijs veſtium ſpeciebus tam ex lana, quā
ex alia materia, vel ad neceſſitatem, vel
ad ornamentum; primarij aliæ ſunt ſu-
periores, vt tunica, pallium, palliolium,
penula, Chlamys, melota, ſcapitium; aliæ
mediæ exteriores; zona, balteus; in-
teriores diplōis, ſubucula; aliæ inferiores
periſoma, lumbare, femoralia, feminalia,
caliga, ocreæ, calceamentum. Partes
veſtium ſunt, manica, ſimbria, phyla-
cterium, ora, margo, lacinia, anſa, anſu-
la. Veſtium ad ornamentum materia,
ſunt ſericus, byſſus, byſſinus; forma
purpura, coccus, coccinum, hyacinthi-
nus, carbaſius; ſpecies, poderis, talaris,
teraphim, ſcrtum, vitta, auricularium,
ſuperhumeralè, brachiale, cidaris, & va-
ria velaminum genera; quorum omniū
fit paſſim mentio in ſacrarum Scriptu-
rarum libris. Terriò ad artem militarem
ſpectant, quæ paſſim leguntur in Scri-
ptura de diuiſione militiæ in terreſtrem
& naualem; quæ de rei militaris aſibus,
bellando, præliando, oppugnando, com-
pugnando, decerto, dimicando, fug-
gando, obſidendo; quæ de armis inua-
ſiuis, deſenſiuis; arma enim non tam ab
armis, id eſt haueris, ex quibus pen-
dent, dicuntur, vt vult feſtus; quā
ab arcendo hoſte, vt vult Varro, arce-
mus autem inuadendo, & propellendo.
Arma inuaſiua cominus quorū fit men-
tio in Scriptura, ſunt gladius, enſis, fra-
mea, verſatilis, anceps, biceps, rom-
phæa, pugio, ſica, haſta, haſtile, lancea,
lanceola; inuaſiua eminus, ſunt iaculum,
telum, ſpiculum, arcus, ſagitta, baſiſta,
funda, fundibulum. Deſenſiua ſunt,
M m m galea,

galea, cassis; lorica, thorax, scutum, clypeus, fagum, castrum, tabernaculum, tentorium, papilio. Quæ de signis militariibus, castrorum dispositione, instructa acie, personis militariibus tam superioribus, quam inferioribus; & tandem quæ de fine rei militaris, per se vt victoria; per accidens, vt captiuitas, periculum, perturbatio, direptio, depopulatio, exterminium, vastitas, destructio, strages, clades, &c.

Quartò ad artem Nauticam pertinent quæ in Scripturis habentur de periculis navigationum: *Qui nauigant mare*, inquit Eccles. cap. 43. *enarrant eius pericula*; quæ de nauta, & nauclero; quæ de nauibus, & earum speciebus, trieri, triremi, naucula, scapha, classe; quæ de earum partibus, prora, carina, artemone, puppi, transtra, malo, gubernaculo, clauo; quæ de pertinentibus ad nauim, armamento, rudente, anchora, reme, remice, bolide, portu, nauio; quæ de actibus nauigandi, subnauigandi, adnauigandi, remigandi, transfretandi; quæ de tempestatum præcognitione, & sedatione; quæ denique de naufragio.

Quintò ad agriculturam, rem ve rusticam, quam Plato in Epinomide, artem non putat humanam, sed eam sine arte, ab initio beneficio Dei fuisse aggressos homines, attingent, quæ dicuntur in Scripturis de terra agri, eiusque qualitatibus; quæ de agricola, agrario, aratore, colono, villico, pastore, messoribus, & alijs rei rusticæ administris: quæ de tritico, hordeo, & alijs in aruis ferendis Isaïæ 28. *Nunquid tota die arabis arans ut ferat, præcindet & sariet humum suam? nõne cum adæquauerit faciem eius feret gith, & cyminum sparget; & ponet triticum per ordinem, & hordeum, & milium, & viciniam in finibus suis &c.* Quæ de instrumentis agriculturæ, reique rusticæ necessarijs; aratro cuius partēs, vomer, & axis, curru, plaustrum, rheda, carruca, carro, cartallo, biga, quadriga, rota, ligone, falce, tribula, paxillo, iugo, ventilabro, torculari. Quæ de triturandi, & ventilandi modo, aut loco: Plaustris enim aræ iq-

ductis spicas & paleas triturare supponi solitas fuisse habetur Isaïæ 25. *Triturabitur Moab sub eo, sicut teruntur palea in plaustro*, & rursus cap. 41. *Ego posui te quasi plaustrum triturans nouum, habens rostra ferrantia &c.* Amos 1. *Eo quod trituraueris in plaustris ferreis Galaad*. Boues quoque adhibebantur ad trituram, siue plaustra traherent, siue ab ijs soluti essent, & equi, vt patet ex lege Deuteronom. 25. de ore non alligando bobus triturantibus. Mos etiam fuit virga, excutiendi grana Isaïæ 28. *Non enim in ferris triturabitur gith, nec rosa plaustri super cyminum circuibit sed in virga excutietur gith, & cyminum in baculo.* Quæ de agricolarum metentium, aut triturantium prandio Ruth. cap. 2. v. 14. quæ de tempore messis, & vindemiæ conuiujs celebrandis, & alijs edendis hilaritatis significationibus; quæ de lino serendo, & colligendo; quæ de alijs arboribus in vineis serendis; quæ de bobus aut vitulis saginandis; auibz altilibus ruri habendis; viuarijs item ferarum; piscinis ad alendos pisces, & alijs similibus de quibus vide Ioannem Stephan. Menochium lib. 7. de republica Habæorum.

Sextò, ad artem fabrilem, cuius species varix sunt: cum hoc nomen sit generale ad omnes, qui operantur in materia aliqua dura, seu lapidea, lignaria, ferraria, aurea, argentea, &c. Ad artem inquam fabrilem sic genericè consideratam, pertinent illa omnia, quæ in scripturis leguntur de architecto, fabro, sigulo, plaste, latoro, cæso, carpentario, cæmentario, aurifice, sculptore, cælatore, statuario, pictore, eorumque operibus; item quæ de illorum instrumentis tam acutis, vt ferra, scalpellum &c. quam obtusis, vt malleus, trulla, incus, &c. VII. ad medicinam, quæ hic nõ sumitur pro ea sciëntia, quæ humani corporis complexionem, morbosque considerat, sed pro illa duntaxat, quæ vulnera, & exteriores corporis læsiones curat, præsertim manuum officio, vnde chirurgia vocatur, cui addēdi sunt pharmacopole pigmentarij, vnguentarij, &c. sunt enim hi om-

Sectio VII. Caput XXVI. 459

omnes Medicorum administri, sicut & coqui, vt ait Galenus de sanitae tuenda & Athenæus lib. 7. Gymnosophi cap. 14. bonus coquus, inquit, bonus debet esse medicus, vt noscat ciborum vires; ad medicinam, inquam, ita sumptam pertinent ea quæ continentur in Scripturis tam de supradictis personis & alijs similibus; quam quæ de victu, de varijs remedijs generibus, & instrumentis ad omnia illa necessarijs, vel causatendi, vt mortarium, mortariolũ; vel causa tenendi humida, vt olla, lebes, & cacabus, sartago & arida, vt cophinus, canistrũ, sporta, sportula &c. VIII. tandem, vt alia plura omittam, ad venatoriam spectant illa omnia, quæ de venatione passim in scripturis leguntur, vbi etiam plurimæ metaphoræ, & allegoriæ occurrunt ab illa desumptæ, & eius instrumentis, laqueis, retibus, foueis; quæ de tribus venationis speciebus, nempe venatione, aucupio, & piscatu; cum enim genera diuersa sint animalium, saltem tria, quorum cibo vitimur, vel etiam quæ recreationis gratia persequimur, quadrupedia, volatilia, nautantia, vel aquatica; ideo tot species venationis constituuntur, nempe venatio, aucupium, & piscatio; quæ de instrumentis ad capturam animalium; siue quod idem est, quæ de industria feras venandi, etiam maiores, quales sunt leones, vrsi &c. quæ de industria aucupandis quæ de industria piscandi, sigenis, nasis, hamo &c. & tandem, quæ de locis ad venationem aptis, quibus omnibus vide Menochium loco iam citato.

En quomodo omnia flumina intrant in mare, & ad locum vnde exierunt, reuertuntur? quomodo, inquam, omnia scientiarum flumina, velut è profundissimo diuinarum Scripturarum mari primum orta, rursus in illud citius properant; dum ad earum intelligentiam, nullum ferè sit scientiæ genus, quod nõ mirificè conducat. Vnde quod pluribus doctissimis viris fuit sæpius in votis, vti nam aliquando adimpleretur, vt cũ nullus esse vidcatur, qui has omnes partes solus obire valeat, vniuscuique partem il-

Biblioth. Theol. Tom. IV.

lam Scripturæ Sacræ explicandæ, & illustrandam ageretur, quæ ad eam scientiæ pertinet, in qua optimè versatus est; exempli gratia Geometra insignis, loca Scripturæ accuratissimè expenderet, quæ ad Geometriam pertinere videntur; Astrologus, quæ ad Astrologiam; Medicus quæ ad medicinam, & sic de ceteris; ita iam Leuius Lemnius de herbis & arboribus; Franciscus Rueus doctor Medicus Insulanus de gæmis; Bustamantius de animantibus Scripturæ Sacræ disseruerunt. Verum quia vnicus etiam omnia scire, atque accuratè discutere, nequit, operæ pretium foret, inquit Mersennius in Genes. cap. 4. versic. 20. Si academia erigeretur, in qua duodeni viri egregij in qualibet arte, & scientia honestis stipendijs alerentur, & iusto præmio afficerentur, qui tota vita in sacris Scripturis explicandis operam nauarent. Quod si fieret, non solùm breui scientiæ à fundamentis restituerentur, totaq; Encyclopædia perficeretur; sed etiam nullus esset labor, nullus timor, nulla perturbatio vbi quis in philosophia, vel mathematicis, vel medicina, aut aliqua alia scientia sententiâ inauditam proponeret, etenim si ad Astrologiam pertineret, illam duodecim Astronomi discuterent, num aliqua saltem probabilitate succiretur; & cum recentiores Astronomi planetas novos, maculas & nubeculas in sole, & luna repererunt, vnde novos mundos conijciunt, quorum incolæ sint in stellis, atque planetis; cũ noui philosophi nullam materiam admittunt, dari vacuum, asserunt, omnia ex atomis constare, & alia sexcenta huiuscemodi; tunc, inquit, illi in vnaquaque facultate eruditissimi viri statuerent, quid probabile, quidve minus verum, quid in fide periculosũ. Huiusmodi autem Academiam multas ob rationes nullibi facilius, & commodius quàm Romæ ab aliquo Summo Pontifice erigi posset. Ad cuius nutum libentissimè præclarissima ex omnibus gentibus, & statibus ingenia Romanæ conuenirent in tam honorificum finem; sed de his satis.

M m m 2 SE-

SECTIO OCTAVA.

De Historia.

CAPVT PRIMVM.

Afferitur quædam generalis diuifio Hiftoriæ, rerumque ad illam pertinentium notitiæ.



VLTIMVS sacræ doctrinæ locus, de quo superest agendum, cuique præsentem damus sectionem, est historia, non quæcumque tamē, sed illa dumtaxat, quæ extra canonicos sacræ Scripturæ libros continetur, satis enim per se patet historiam in illis comprehensam, non esse locum ab auctoritate eiusdem Scripturæ distinctum. Esti autem historię nomine frequentius intelligi solet narratio rerum ab hominibus dumtaxat gestarum; quia tamen ampliori quâdam significatione, se se etiam extendit ad significandas plurium allarum rerum narrationes, sic enim accipitur apud Aristotelem historia animalium; apud Theophrastum historia plantarum, siue de obseruatis per ipsum in plantis; apud Plinium historia naturalis; quorum omnium notitiæ conducere potest ad perfectum sacræ doctrinæ studium; ideo etiam agimus in præsentī de historia, in hac sua magis ampla, & extensa significatione.

Primum igitur historia ratione materiæ de qua tractat, siue obiecti circa quod versatur, diuidi potest in Naturalem, & Humanam; ita vt Naturalis dicatur illa, quæ rerum omnium naturalium essentiam, proprietates, secretiores virtutes, successusque ex illis mirabiliores describit; Humana verò quæ res, ac gesta hominum. Quia autem natura in triplici statu considerari potest, ac trinū veluti regimen subit. Aut enim libera est, & cursu suo ordinario se ex-

plicat; aut à prauitatibus & insolentis materiæ, atque ab impedimentorum violentia, de statu suo detruditur; aut ab arte & ministerio humano constringitur & fingitur. Atque primus ille status ad *species* rerum refertur; secundus ad *monstra*; tertius ad *artificialia*; etenim in artificialibus natura iugum recipit ab imperio hominis, nunquam enim illa facta fuissent absque homine; at per operam & ministerium illius conspicitur noua prorsus corporum facies, & veluti rerum vniuersitas altera, siue theatrum alterum: Quia, inquam, natura sub illo triplici statu obseruari potest, triplex etiam historia naturalis distingui potest. Tractat enim aut naturæ *libertatem*, aut *errores*, aut *vincula*; vt non malè eam partiantur aliqui, in historiam Generationum, Prætergenerationum, & Artium, quarum postremam etiam Mechanicam & experimentalem appellant. Neque tamen ita diuiditur, vt hæc tria separatim tractari debeant: historiæ enim monstrorum, & artificialium in singulis rerum naturalium speciebus possunt facillè cum historia ipsarum specierum coniungi, & ex his tribus perfectæ rerum omnium naturalium historia confici. Cū autem historia Mechanica, siue Experimentalis veluti etiam triplex esse possit; aut enim depromitur ex artibus Mechanicis; aut ex operatiua parte scientiarū liberalium; aut ex practicis compluribus, & experimentis, quæ in artem propriam non coaluerunt; inter cuiusmodi artes præferendæ sunt illæ, historiaque in illis fundata, quæ corpora naturalia

& re-

& rerum materialia exhibent, alterant, & præparant, vt agricultura, chymica, tinctoria, &c. Ieiunioris verò sunt vsus, quæ præcipuè consistunt in motu subtilimanuum, & instrumentorum, quales sunt textoria, fabrilis, Architectonica, opificia molendinorum, horologiorum cum similibus; licet & istæ nullo modo negligendæ sint, tum quia accuratè informant de motu lationis, quæ res est magni prorsus ad plurima momenti. Tantum de diuisione historię naturalis vt sic, in suas partes veluti integrales.

Iam quod attinet ad aliam diuisionem illius ex parte obiecti, veluti in suas species, aut partes subiecti; tot historię particulares distingui possunt, quot sunt diuersa rerum naturalium genera, & species; Sic alia est historia corporum cælestium, siue Astronomica; alia historia Elementorum siue Stoicheologica; alia historia Meteororum, siue Meteorologica, quæ versatur circa corpora mixta, sed imperfecta; alia historia Mineralium, siue Mineralogica, quæ versatur circa mixta perfecta, sed inanimata; alia historia plantarum, siue Phytologica; alia historia Animalium, quadrupedum, reptilium, volatiliū, & natantium, vel aquaticorum; alia denique historia figuræ, & membrorum externorum hominis, staturæ, compagis, vultus & lineamentorum; eorumque varietatis secundum gentes & climata, aut alias minores differentias; deinde historia Physiognomica super ipsa; tum historia Anatomica, siue membrorum internorum hominis; & varietatis ipsorum, quatenus inuenitur in ipsa naturali compage, & structura: Historia partium similariū, humorum, excrementorum, facultatum, motuum naturalium & inuoluntariorum, motuum mixtorum ex naturalibus & voluntarijs, motuum voluntariorum, somni & insomniorum, diuersorum habituum corporis, pinguis, macilenti, complexionum, quas vocant; generationis hominum, conceptionis, viuificationis, gestationis in utero, partus, alimentationis, atque om-

nis edulij & potabilis, atque omnis dietæ, & varietatis ipsorum secundum gentes aut minores differentias; augmentationis & incrementi corporis in toto & partibus ipsius; decursus ætatis; infantie, pueritiæ, iuuentutis, senectutis, longæuitatis, breuitatis vitæ, & similiū secundum gentes, & minores differentias: Cum autem eorum, quæ in historia recipienda sunt, necesse sit vt alia sint fidei certæ, alia fidei dubiæ, alia denique damnatæ. Primum genus simpliciter est proponendum; historia enim in hoc potissimum differt à fabularum, & argumentorum fitione, quod ea vera narratio sit. Vnde quemadmodum corpora animalium, inquit Polybius lib. 12. si ossa sint exemplarum, totum redditur inutile; ita historia, si veritatem ademeris ei, quod reliquum est, inanis redditur narratio. Secundum genus cum nota proponendum est, exemp. gr. *traditur*, aut *referunt*, & huiusmodi. At res damnatæ fidei, oportebit non silentio rejicere, sed verbis expressis proscribere, ne illæ amplius scientijs molestæ sint. Illud insuper volenti quancumque historiam naturalem verè contexere diligenter obseruandum est, vt omnia in naturalibus tam corporibus quam virtutibus, quantum fieri potest, numerata, appensa, dimensa, determinata proponantur v.g. in historia terræ & maris; terræ ambitus, & quantum occupet in superficie respectu aquarum; in historia metallorum, quantum vnum alteri præponderet &c. Tandem in experimento aliquo nouo, & subtiliore, addendus est modus ipse experimenti, qui adhibitus est: vt liberum sit hominum iudicium, vtrum sit fidum aut fallax tale experimentum; atque etiam excitetur industria, ad exquirendos alios modos, si fieri possit, magis accuratos. Tandem de historia naturali in communi, nunc ad humanam venio.

Humana igitur historia illa est, quæ res ac gesta hominum prosequitur; diciturque Ecclesiastica vel sacra, dum illa in ordine ad Deum & res sacras describit; ciuilis verò vel prophana dum solum

solum hominum inter se commercia, factæque commemorat. Vtraque potest diuidi in generalem & particularem. Historia Generalis Ecclesiastica est illa, quæ res ad Ecclesiam vniuersaliter sumptam, siue toto orbe diffusam pertinentes explicat; Ciuilis autem, quæ ad temporalem omnium Monarchiarum vel regnorum statum; sicut particularis historia dicitur illa, quæ vnus dumtaxat regni, vel prouinciæ, v.g. Italiæ, Germaniæ, Galliæ, Hispaniæ &c. propriam recenset. Cum autem historia possit ordinari, vel secundum ordinem Chronologicum, de quo infra; vel secundum aliquos titulos; si secundum ordinem Chronologicum componatur, per annos singulos, vel aliud quodecumque firmum ac certum temporis spatium, debent distribui ea quæ sub titulis proprijs continentur; tituli autem ad completam historiam Ecclesiasticam conficiendam sunt isti. I. Romanorum Pontificum vitæ. II. Sedium Episcopaliū, aliarumque dignitatum Ecclesiasticarū origo. III. Sacrorum Ecclesiæ rituum inductio, fideique per mundum vniuersum propagatio. IV. Conciliorum tam Generalium, quam particularium historia. V. fundationes piæ, inque fauorem Ecclesiæ donationes à regibus & Imperatoribus factæ. VI. Omnium ordinum religiosorum tam Monasticorū, quam Militarium origines, progressus, & euentus notabiles. VII. Sanctorum generalis historia, natalis eorum dies, præclare acta trophæaque nobilissima complectens, item inuentiones, translationes, illustrium miraculorum commemorationes editionesque ad pias imagines, ac reliquias sacras. Quam generalem Sanctorum historiam, qui separatim colligere, vel scribere vellet secundum ordinem Chronologicum, primum locum dare posset vitis Sanctorū veteris testamenti describendis, tum Christi Domini, & Beatissimæ Virginis Mariæ, deinde successiue omnium aliorum Sanctorum. Vel secundò generalis Sanctorum historia posset ordinari

per modum Martyrologij, vel potius Menologij secundum duodecim annuenses, & in tot tomos distribui; cum multis indicibus, primo Chronologico secundum ordinem temporis quo vixit vnusquisque Sanctorum; secundo diversorum statum, vt Pontificum, Cardinalium, Episcoporum, religiosorum, regum, Imperatorum, militum, Virginū, coniugatorum, viduarum &c. tertio topographico, siue locorum, vt in Asia, Africa, America, & Europa, subdividendo postea vnāquancūque in suas prouincias. Huic operi, siue historiæ tanquam prolegomena præponi possent, illa, quæ pertinent tam ad ritum & historiam canonizationis Sanctorum, quam instrumentorum, quibus olim à tyrannis solebant cruciari Sancti Martyres; aliaque similia.

Vt autem hic omittam varios Scriptores, qui Sanctorum historiam generalem ediderunt, Simeonem Metaphrastem, Boninum Mombritium, Petrum de Natalibus, Aloysum Lipomanum, Laurentium Surium, Petrum Ribadeneyram, & alios plures; breuiter tantum aliquid attingam de martyrologijs. Primum est Romanū, à quo velut ex trunco rami, omnia alia suam petunt originem, suumque principium. Post Martyrologium Romanum, quod æquè & Hieronymi nomine olim editum fuit, à quo incrementum acceperat, vt testatur Cassiodorus lib. diuinar. Institut. cap. 32. Illud Venerabilis Bedæ secundo loco ponitur, quod aliquibus additionibus postea auxit Florus Monachus ordinis Sancti Benedicti in Monasterio Sancti Trudonis Leodiensis diocesis, vt testatur Trithemius de viris illustribus ordinis S. Bened. cap. 44. Post Bedam & Florum, annos circiter septuaginta temporibus Caroli Magni Vfsardus, & ipse Monachus ordinis S. Benedicti natione Gallus scripsit Martyrologium, & quod ab alijs vidisset prætermisum adiecit, dictoque auxit, vt ipsemet in sua præfatione testatur. Post annos ab his circiter quinquaginta, Vvandelbectus Diaconus

conus & Monachus Prumiensis Cano-
bii, qui claruit ſub Lothario Imperato-
re circa annum Domini 850. inter illo-
rum temporum poſtas non ignobilis
heroico carmine martyrologiũ ſcripſit,
cuius meminit Sigebertus de viris Illuſt.
cap. 130. & Trichemius cap. 36. Tandem
poſt prædictos Ado Episcopus Treui-
renſis vir laudatiſſimus, qui claruit tem-
poribus Gregorij Papæ VII. & ipſe lo-
cupletius ſcribens Martyrologium, non
tantum quæ ab alijs viderentur præter-
miſſa ſuperaddidit, ſed & quæ ab illis
breuius dicta eſſent de paſſionibus Mar-
tyrum ſuſius enarrauit. Qui autem po-
ſtea diuerſis temporibus in eodem ſcri-
bendi genere verſati ſunt, conſuli poſ-
ſunt apud Ioannem Molanũ in ſua tra-
ctatione quã ſcripſit de Martyrologijs,
quamque auctam poſuit in appendice
ſui Vſuardi ſecundo editi; inſuper &
apud Eminentiſſimum Cardinalem Ba-
ronium in prolegomenis ad Martyrolo-
gium Romanum. Primum eſt de exa-
cta diligentia adhibita à Sancta Roma-
na Eccleſia in conſcribendis rebus ge-
ſtis Sanctorum Martyrum. II. quæ de
Sanctorũ hiſtorijs ab hæreticis vel alijs
falſa ſcripta ſunt. III. de immenſa iactu-
ra quam paſſa ſunt acta Sanctorũ Mar-
tyrum. IV. de antiquo cultu Sanctorũ
Martyrum, vnde Martyrologium ſcri-
bendi occaſio manauit. V. à quibus pri-
mum ſcripta ſunt Martyrologia. VI. de
Eufebij libro de Martyribus & Verſio-
ne Hieronymi. VII. de fide Episto-
larum quæ Chromatij, Heliodori, & Hie-
ronymi nomine inſcriptæ ſunt. VIII. de
antiquo Martyrologio Romano ſæpius
auſto. IX. de cæteris antiquis Marty-
rologijs. X. de falſis Martyribus, &
ſpseudomartyrologijs hæreticorum.

VIII. Sanctorum generalem hiſto-
riam ſubſequitur hiſtoria generalis Scri-
ptorum Eccleſiaſticorum; quæ ordinẽ
Chronologico ſcribi poſſet, cum indice
primo Alphabetico eorumdem Scripto-
rum; ſecundo ſtatuum, vt Summorum
Pontificum, Episcoporum, religioſorũ;
tertiõ Topographico nationum, è qui-

bus oriundi illi Scriptores; quarto ma-
teriarum. Nouus tandem & vltimus
titulus, vel locus, ex quo Hiſtoria ge-
neralis Eccleſiaſtica cõſtare debet, ſunt
omnes hæreſes, earumque authores ſe-
cundum ordinem temporis quo primũ
exorti ſunt, quorum primus index erit
Alphabeticus nominum hæreſiarcharũ;
ſecundus materiarum, circa quas tales
hæreſes fuerunt; tertius topographicus
locorum; quartus ſtatuum. Tantũ
de hiſtoria generali Eccleſiaſtica vcluti
ex parte materię conſiderata, ſiue quan-
tum ad præcipuos titulos, ex quibus
coaleſcere debet. Ad Ciuilem autem
ſpectat proſequi omnium nationum
vtriuſque hemiſphærij, origines, genea-
logias, geſta, tempora, regiones, muta-
tiones regnorum, politiarum, transmi-
grationes, & euentus cæleſtes, terreſtres,
maritimos &c.

Alia diuiſione hiſtoria tam Eccle-
ſiaſtica, quam Ciuilis ratione temporis
diſtinguitur in Annales, & Ephemer-
ides. Annales ſunt, cum res geſtæ plu-
rium annorum, obſeruato cuiuſque an-
ni ordine, deinceps componuntur. Cum
verò non per annos, ſed per dies ſingu-
los res geſtæ ſcribuntur, ea hiſtoria, E-
phemeris Græcis eſt, nobis diurnum, vel
diarium; Hebræis, vt volunt aliqui, *Al-
manach*, à radice Hebrææ *Maach*, quod
numerauit, vel diſtribuit, ſignificat. Por-
ro à multiplici rerum ſcriptarum varie-
tate, mulſariam Ephemerides nume-
rari conſueuerunt. Domæſticæ vel fa-
miliars quæ bonorum redditus ac ſũ-
ptus diurnos exhibebant. Militares, qui-
bus duces in caſtris degentes temporũ
vices & variationes examinabant. Pu-
blicæ, vel Hiſtoricæ in quibus ſimiliter
per ſingulos dies annotabant rerum,
præcipuarum euentus, natales & obitus
clariffimorum virorum, feſta, ritus, acies
directæ, vrbium obſidiones, eluuiæ a-
quarum, incendia, ætus ſtrenui, proſ-
pera & aduerſa mortalium, bella, fæde-
ra, lata, calamitoſa, & ſic de cæteris.
Nocturnæ, in quibus ſi quis noctu ali-
quid in ſomnis videret, deſcribens mox
inter-

interpretationem applicaret ad futura, atque inde venturorum certitudines caperet. Medicæ, quo modo ac tempore pharmacis esset utendum. Rusticæ in quibus ferendi ac totius agriculturæ leges incant. Libitinæ, in quibus mortuorum recenscebatur numerus, à Libitina funerum Dea & sepulchrorū. Astrologicæ tandem, in quibus per singulos dies annotabantur solis locus, ortus & occasus, crepusculum matutinum & vespertinum, longitudo diei, & noctis, præcipuorum syderum ortus & occasus, cæteraque omnia, quæ in cælo singulis diebus accident.

Iam ad ordinem, vel methodum historiæ præsertim humanæ legēdæ, quod attinet. Puto historiā vniuersalem debere esse introitum ad historias particulares; nec alia via, quam ista ad sufficientem historiæ cognitionem feliciter perueniri posse. Quemadmodum enim falluntur, qui regionum tabulas prius intuentur, quam totius vniuersi orbis, partiumque singularum inter se, & cum toto rationem accuratè didicerint: ita non minus errare videntur, qui singulas historias prius intelligere se posse putant, quam vniuersæ historiæ, omniumque temporum, & locorum ordinem ac seriem, velut in tabula propolita iudicarint. Librorum igitur Historicorum delectu habito, omnes enim legere, multas ob causas impossibile est, ratio huius studij instituenda est, primò vt ab vniuersis paulatim ad singula delabamur; deinde inter legendum præ oculis habeamus Chronologiam, Geographiam, & Prosopographiam, sive Genealogiarum explicationem. Nam, uti Deus primum creauit terram, secundò tempus, tertio hominem Genes. 1. ita nos aggressuri studium historicum, tria hæc præmittere, semperque præ oculis habere debemus, nimirum loci cognitionem, vbi quid factum sit, quod docet Geographia; deinde temporis annotationem, quando quid factum sit, quod docet Chronologia; tandem personarum cognitionem,

à quibus quid illustre gestum sit, quo faciunt Genealogiæ ductus. Notandum tamen Chronologiam hic non sumi, pro sermone de tempore absolutè considerato, vel quod naturam temporis concernit, quæ consideratio rectè dixeris Physica est, nec quod ad eius numerum, & abstractè ad motum cæli examinandum attinet, quæ consideratio pure Astronomica est; sed relatè dumtaxat ad res gestas, vt Chronologiam rectè dixeris, notationem temporis, rerum gestarum memoria illustrati; vel disciplinam demonstrantem, quo tempore res quæque, in historijs narratæ, euenere. Qua ratione putant aliqui Chronologiam pertinere, partim ad prædicamentum, *Quando*, ob connotationem temporis, partim ad prædicamentum *Astionis*, ob connotatas res gestas, præsertim humanas, nempe Ecclesiasticas, Politicas, Scholasticas & Oeconomicas quas mensurat, vnde eius iterum necessitas & utilitas facillè intelligitur, eum in Ecclesia, Politia & Oeconomia, nihil rectè atque ordinatè, absque certa temporum distinctione ageretur, merito dicente Seneca; Cæcum fore genus humanum, si temporum distinctione careret, & non vereretur.

Loquendo de Chronologia in hoc sensu, generaliter constituuntur duæ illius partes I. Chronographica, quæ intervalla temporum examinat & demonstrat. II. Canonica, quæ intervalla temporum demonstrata & collecta sigillatim, & per annos expansos, ac series suas digerit, Archontes cum consulibus annotat, Reges cum Cæsaribus, externa cum vernaculis &c. Per intervalla temporum Epochæ intelliguntur, in quibus considerata sunt tria; 1. terminus à quo, qui in Aëris inquirendus est. 2. medium per quod, quod in annis, & 3. terminus ad quem, qui in euentibus consistit. Vt enim se habet tempus, ita etiā se habent Epochæ, quæ sunt temporum intervalla; vnde cum temporis natura sit, vt motum his terminis, à quo, ad quem, & medio per quod, constanter numeret; idem de Epochis est asserendum.

dum. Sic Aera, in quibus terminum à quo Epocharum inquirendum diximus, nihil aliud sunt, quam initium temporis, à quo supputationes annorum incipiunt, vocant aliqui radicem temporum. Quamvis etiam vsurpetur vocabulum. Aerae pro numero integro, ab Ecclesiasticis Scriptoribus; hinc in latiori significatione, non raro pro ipsis Epochis: At de illa nunc non agimus in hoc sensu, sed in primo, iuxta quem tot sunt, quot annorum species, (respiciendo ad tempus tum Astronomicum, tum Politicum) apud autores inveniuntur, iuxta quos res gestae euenisse memorantur. Vti est Aera mundi conditi, Periodus Iuliana, Periodus Iudaica, Aera ab exitu ex Aegypto, Aera annorum Iubilaeorum & Sabbathicorum, Aera à Troiano excidio, Aera Nabonassaris, Olympiadum, Iphiti, Romae conditae, septuaginta hebdomadam Danielis, Periodi Calliciae, Annorum Philippearum, Chaldaeorum seu Babyloniorum, Seleucidarum, Maccabaeorum, Tyriorum, Aegyptiaca, Antiochena, Hispanica, Aera à caede Iulij Caesaris, annorum à consulatione, Aera Aetiae victoriae, Anni Iuliani, Annorum Augusti, Annorum Laudicensorum, Edessicorum, Ascalonitarum, Aera Christiana, Aera agonis Capitolinorum, Diocletiani, siue annorum à SS. Martyribus, vt enim apud nos anni Domini, sic apud Christianos in Aegypto sunt & hactenus fuerunt in vsu anni à SS. Martyribus, qui reipsa iidem sunt cū annis Diocletiani sub quo passi sunt; Aera ab encarnatione Constantinopolitanae urbis; & sic de alijs pluribus, de quibus passim apud Scriptores fit mentio; quos omnes velle perscrui, quia longum, & ad praesens institutum importunum esset, breuiter tantum agemus de illis, quae praeter reliquis sunt nobiles & frequentes, cuiusmodi sunt; Aera mundi conditi, Aera Nabonassaris & Olympiadum, Aera Romae conditae, Aera septuaginta hebdomadam Danielis, Aera Hispanica, Aera Christiana, Aera Indictionum, Aera modernorum.

Biblioth. Theol. Tom. IV.

Imperatorum Romani Imperij.

Igitur Aera mundi conditi, est initium annorum, qui ab orbe condito numerari solent, de quo, quo ad anni partes sententiae discrepant; aliqui enim, initium omnium rerum ad aequinoctium vernum alligant, alij ad aequinoctium autumnale; & vtrique sententia multos habet sectatores. Huius Aerae mundi conditi fundamentum solam habemus Scripturam sacram, in numerandis etiam annis sacris diuinitus inspiratam & infallibilem. Extenditur vsque ad annum mundi millesimum, trecentesium sexagesimum quo anno Hierosolyma à Nabuchodonosore deuastata, Chronologia Scripturae expirat, & supplementum sequentium saeculorum in numerandis annis ex propheticorum Scriptorum monumentis sumendum est; vsque ad libros Machabeorum, vt iam notauimus cap. 63. sectionis primae huius libri tertij; demptis annis 72. Elidae.

Aera Nabonassaris, est annorum initium, quod à Regis Nabonassaris regno sumitur. Licet tam de ipso Nabonassare, quisnam ille fuerit, quam de anno, quo à mundo condito regnare coepit, sit inter historicos & Chronologos controuersia. Aliqui enim ex eo Salmanasarem, Assyriorum Regem faciunt: alij id negant, asserentes, Babyloniam regem, Patrem Mar Aedemodis, ab Isaia Merodach Baladan dicti, Nabonassarem fuisse, qui ab eodem Isaia cap. 39. VI. Balam vocatur. Nobilis est haec Aera, vel huius Aerae Epocha, & magno vsui Chronologis. Est enim tantum apud Ptolemaeum Astronomum inuenitur, & apud Censorinum, tamen beneficio huius Epocha omnes aliae, quaecumque sunt, quasi catena quadam connectuntur.

Aera Olympiadum est initium annorum, iuxta quos Graeci longo tempore seriem rerum gestarum in monumentis publicis perscribere consueverunt. Ipsae autem Olympiades fuerunt Epocha quatuor annorum, dictae ab ordinatio conuentu Graecorum ad Elidem

N a n i n

in Arcadia, super monte Olympo, qui semper celebrabatur post quartum annum in plenilunio, quod solstitio æstiuo proximum est, quo Græci annum suum incipiebant. Huius etiam Aetæ usus, siue Olympiadum numeratio in Chronologicis magnum lumen est, de qua etiam discrepant sententiæ, in quæ annum mundi incidit illius initium.

Aetæ Romæ conditæ est initium annorum Lunarum cum Epactis, qui à primordio Urbis cõditæ à Romanis numerari solebant, de quo similiter est difficultas, in quem annum mundi incidit. Ad hanc Aetam referri possunt anni Consulium Romanorum, dum multi olim Historici, Romanam historiã scribere agerent, cum rebus gestis simul Magistratuum nomina, qui rebus gerendis præfuerant, digesserunt, vt videre est apud Polybium, Dionysium Halicarnasæum, T. Liuium, Cornel. Tacitum, Dionem Cassium, Ammianum Marcellinum, & alios.

Aetæ Septuaginta Hebdomadum, Danielis, est initium quadringenta nonaginta annorum per septuaginta apud Danielem Hebdomadas intellectorum: de quo iterum est controuersia in quem annum mundi incidit. Vidẽ dicendũ libro sequenti sectione contra Iudeos.

Aetæ Hispanica est, cuius primus annus sub Cæsare Augusto, 1. Ianuarij incipiens, fuit octauus annus ordinationis, siue emendationis Iulianæ, duobus cyclis lunaribus, hoc est, 38. annis antiquior Aetæ Christiana. Dicitur etiam *Aetæ Cæsaris*, vel *Augusti*, & per antonomasiam Aetæ Aetæ. Vsitatissima est in tomis Conciliorum, quia frequentissima Concilia habita fuerunt Toleti, & alibi in Hispania, imo etiam Carthagine, & in alijs Africæ locis, cum Vandali Africam occupassent, qui ex Hispania, traducti, Aetam Hispanicam retinuerunt, quæ omnia ad hosce annorum numeros sunt consignata.

Aetæ Christiana, siue Vulgaris, est initium annorum, quos Christianus orbis à nato Christo numerat, exordio à

Calendis Ianuarij sumpto. Dicitur etiam Aetæ Dionysiana, à Dionysio exiguo, Abbate Romano, qui illam tempore Iustiniani introduxit. De connexionione huius Aetæ cum omnibus alijs, vide Henricum Philippi in Introductione Chronologica.

Aetæ Indictionum est initium annorum, quos Romani numerabant in priuilegijs, & conuentionibus scriptis, ne tributorum soluendorum memoria laboretur. Ipsa autem Indictio est spatium 15. annorum, ad recipienda ab extraneis tributa constitutum, à 24. Septembris incipiens. Tandem Aetæ modernorum Imperatorum, est initium annorum, quos ab imperij sui initio numerant. Superesset iam agere de annis tam Solari, quam Lunari, eorumque intercalationibus, cuiusmodi sunt *Bisextum*, & Epactæ. Eri enim defectus minutiarum quantitatem, propter diuersitatis paruitatem inueniri fortasse impossibile sit, tamen quo ad residuas anni solaris horas, & deficientes dies anni lunaris attinet, ne ex eorum neglectu insigne vitium temporis in computando consequeretur, duo potissimum remedia inuenta sunt, nempe *Bisextum* in anno Solari aboluendo, & *Epactæ* in anno Lunari cum Solari exequando. Item agendum esset de characteribus annorum, verum quia iam de illis superiori sectione, ubi de Chronologia, sermonem habuimus, ad Epochas transcundum est, quæ ex Aetis & Annis consequuntur.

Epochæ igitur sunt certa & determinata temporis intervalla, ab æris certis incipientia, & aliquo usque, nempe ad certam aliquam, aut insignem mutationem rerum gestatum, per continuationem annorum perducta: quales e.g. sunt à mundo condito ad diluuium, à diluuiio ad natiuitatem Abraham; ab hac natiuitate ad exitum Israelitarum ex Aegypto. Quæ tatione Epochæ differt ab Aetæ, vt principiatum à principio; totum à parte; quia hoc significatu Aetæ est initium temporis numerandi; Epochæ verò inter-tractus temporis numerati.

rati. Nobiliores autem Epochæ, in quas Chronologi res gestas ad annos mundi distribuunt, sunt sequentes.

Prima ab initio mundi conditi, vsque ad diluuium, continens in se annos 1657. completos. *Secunda* à Diluuiio vsque ad natiuitatem Abraham. *Tertia* à natiuitate Abraham, vsque ad eius vocationem: *Quarta* à vocatione Abraham vsque ad exitum Israelitarum ex Aegypto. *Quinta* ab exitu Israelitarum ex Aegypto, vsque ad initium Templi Salomonis. *Sexta* à fundato templo, vsque ad obitum Salomonis, & distractionem regni. *Septima* ab obitu Salomonis, & distractione regni, vsque ad captiuitatem Babylonicam, in Iechoniae Regis Iuda captiuitate incipientem. *Octaua* à captiuitate Babylonica, in Iechonia incipiente, ad eisdem captiuitatis finem. *Nona* à soluta per Cyrum captiuitate Babylonica, vsque ad initium 70. hebdomadam Danielis. *Decima* ab initio 70. hebdomadam Danielis, vsque ad eorumdem finem, quo natus est Christus, modo libro sequenti explicando, agendo contra Iudeos.

Hæ sunt nobiliores Epochæ, ad quas distributio Chronologica attenti summe respicit, licet magna sit inter Chronologos sententiarum diuersitas, in assignandis annis mundi ad res gestas in historijs, siue quot annos vnaquæque Epochæ contineat, & in quem præcisè annum mundi incidat. Cuius causæ plures sunt. *Prima*, diuersitas interpretationum quorumdam locorum sacræ Scripturæ, dum alij eos aliter intelligunt, & numeros annorum inde diuersimodè computant, ex hoc enim non potest non sequi calculi, in supputandis annis mundi, varietas. *Secunda causa* est diuersitas nominum, quibus Assyriorum, Persarum & Aegyptiorum principes, apud authores appellantur, v.g. dum inquiratur an Salmanasar sit Nabonassar? Xerxes Assiurus? & alia huiusmodi. Qui enim Chronologi sibi inuicem constare possunt, si errore ob diuersa nomina in Assyriorum & Persarum Regum perso-

Biblioth. Theol. Tom. IV.

nis commissis, ad eisdem rationem temporis in sacris & prophanis litteris exigunt. *Tertia causa* est indefinita passim annorum numeratio, non expresso, intelligantur anni currentes, an completi & exacti: quæ determinationis omissio in collectione plurium annorum, calculum non raro notabiliter discriminat. *Quarta causa* est, quod Solis ac Lunæ cursus satis diu à multis Scripturibus ignoratus fuit, in quo licet omnis antiquitas valde se torserit, efficere tamen non potuit, vt certam annorum ac mensium rationem haberemus, sicut nec ipse annus Iulianus ad vnguem exactus est. *Quinta causa* est Aetatum diuersitas, dum Græci annos incipiebant ab æstiuo solstitio, Latini ab Hyberno, alij à Sectione Verna, Arabes ab ingressu Solis in Leonem, Chaldæi, Persæ, Indi, Aegyptij, Hebræi, ab Autumno: ex qua etiam diuersitate non exigua in Chronologia perplexitas introducta est. *Sexta* tandem causa esse potest, quod à multis dubitatur, an in Chronographia Scripturæ sacræ intelligantur anni Solares, an Lunares. Quo adhuc dato, & tanquam certo supposito, annos in Scriptura numeratos nostris fuisse pares, quomodocumque ipsos appellemus, Solares, an cum Epactis Lunares; nihil adhuc certi ex hoc demonstrari potest circa annorum Biblicorum calculum, non solum ob indefinitam eorumdem annorum numerationem, non expresso, intelligantur anni currentes, an completi, & exacti; verum etiam quia in computandis annis vitæ Patriarcharum, aut regni alicuius Regis, non exprimitur, si incipiant numerari à primo die, vel mense anni Civilis; an verò à primo die regni, vel natiuitatis eorumdem. Cum tamen satis constet fuisse valde inter se diuersa eiusmodi annorum principia, non enim verisimile est Patriarchas omnes natos, ac mortuos fuisse primo die anni, & ab eodem incepisse reges omnes regnare. Quid mirum ergo si in assignandis mundi annis ad res gestas in historijs, tot sūt diuersæ Chrono-

Nnn 2

nolo-

nologorum sententiæ; sique tam difficile sit exactissimam temporum rationem reddere. Ideo nouitius Historiarum studiosus primo conatu non nimis in hoc tricarum genere, scrupulis indulgere debet, nec statim omnia ad viuum refecare velle: sed lectio lectioni multa addet. Quid tamen in hac re probabilius tenendū sit, dixi cap. 63. sect. 1. huius libri, tomo 2.

Præter Chronologiæ cognitionem, necessaria est insuper Historico, vel historias legere volenti Geographia; est enim quasi memoria localis lectionis historica, si attendatur quid quolibet in loco sit factum, aut gestum v.g. in Europa, Asia, Africa, America, terra marique; in harum partium mundi subdivisis regionibus, provincijs, principatibus, v.g. in Europæ nationibus, regnis, Germania, Italia, Gallia, Hispania, & sic deinceps. Adeo ut harum orbis partium, nationum, Regnorum &c. situs ignorare, sit apertissima confusionis historica causa, quæ ingenium obtundit, memoriam perturbat. Deinde cum multæ res gestæ à subiectis locis, in quibus contigerunt, descriptæ apud authores inveniuntur, ut prælia Cannenses, Pharalicum, Actiacum, nostris temporibus Hælepanticum, quid sunt aliud eiusmodi epitheta, quàm intenti digiti ad Geographiam, ut oculos aperiamus, vbi nam locorum eiusmodi res magnæ in orbe gestæ sunt. Tantum de ratione legendi historiam; superest jam ut breuiter aliquid dicatur de ferendo de historijs iudicio; deque vtilitate, hoc est, de effectu & usufructu illarū in genere.

Igitur quod pertinet ad ferendum de historijs iudicium. Primum obseruandum est, in historiarum lectione disparitatem circumstantiarum vnius & eiusdem historiæ, à diuersis descriptæ, lectorem terrere non debere, ut historiam talem protinus fabulam esse suspicetur. Plerumque enim facilis est memoriz lapsus in referendis & describendis rerum aut personarum circumstantijs, quæ tamen substantiam facti non

tollunt. Secundò, quo defæciore est historicus affectu, eo dignior habenda, est fide eius historia. Quare libentius aliqui Cæsari de Gallorum moribus scribenti, aut Tacito de Germanis, aut Polybio de Romanis, aut Ammiano de Francis, assentiuntur, cum peregrini essent, & eorum, de quibus scripserunt, antiquitates planè cognitas haberent. Tertio purissima à multis reputatur historia, quæ rerum gestarum recensioe acquiescit, iudicium legentibus relinquit. Sed in vtramque partem disputatur, verum historicus laudare, vituperare, ac de re proposita sententiam ferre, an verò legentibus iudicium integrum relinquere debeat. Certè Iustus Lipsius affirmatiuam partem tenere videtur, dū eam esse legitimam historiam asserit, quæ tres notas habet, veritatem, Explanationem, iudicium. *Explanationis* enim est, ut res scilicet non tantum fideliter narretur, sed disponatur etiam, atque exponatur: quomodo item, & quare, quidque gestum sit addatur. Ut videlicet non modo casus, euentusque rerum, sed ratio etiam, causæque noscantur. Hæc si auferantur ab historia, quidquid in ea reliqui, id, Polybio Iudice, ludicrum magis erit, quam doctrina. *Iudicium* autem, ut discrimen, lumenque rebus adhibeatur. Nimis hęc probet (sed breuiter, & quasi aliud agens) hæc damnet. Quod præcipuum munus Annalium ostendit reipsa Tacitus, ne virtutes sileantur; utque prauis dictis, factisque ex posteritate & infamia sit metus. Sed tam de his, quam de alijs regulis ad explorandam fidem ac veritatem historicorum, vide Bibliothecam Selectam Posseni lib. 16. vbi etiam plures alios citat qui scripserunt de ratione condenda historiæ: nunc ad eius commodam veniamus.

Quamplurima esse humanæ præsertim historiæ commoda, facillè probari posset innumeris propè Scriptorum testimonijs, Diodori Siculi statim in primordio operis, Ciceronis, Basilij Imperatoris libello quem inscripsit *Kop-*

Quantum referat ad Sacre doctrine studium Historia plantarum.

Ante prægredienda, S. Gregorij Nazianzenii ad Nicobolum, & aliorum; sed pro omnibus sufficiat ad præsens institutum illud D. Augustini lib. 2. de doctr. Christ. cap. 28. ubi Ethnicorum etiam historias ad intelligentiam Scripturæ sacræ plurimum conferre tradit, ostenditque ex earum ignoratione quosdam circa Scripturas errasse. Adcò vt rectè ab aliquibus historia fuerit appellata Theologorum manus sinistra, quæ dexteram multis modis adiuuat, non solum quatenus maxima pars Bibliorum historica est, sed etiam quod historiam prophanâ & Ecclesiasticam, ad sacram referendam, concernit. Qui enim Theologus Prophetarum vaticinijs explicandis sufficiat, si historias, complementa vaticiniorum nescit? Qui Danielis visiones interpretari, cognitione prophanorum Historicorum susque deque habita? Qui denique probare, Ecclesiæ per singula summa Imperia mirabilem propagationem, conseruationem, nec rarò miserabilem statum, doctrinæ in ea formam, iudicia, gubernationem; disciplinam & censuram Ecclesiasticam, rituum & exercitiorum consuetudinem; quin errorum & hæresium variarum ortum, progressum, manifestationem; & refutationem, annalibus temporum sepositis, & Historia Ecclesiastica à sæculis ad sæcula, neglecta aut ignota? Hæc est tamen differentia inter prophanam & Ecclesiasticam historiam, quod illa sit locus Theologicus dumtaxat extraneus; ista autem, si non proprius, saltem ex proprijs, quippè continens materias ad Theologum pertinentes, quatenus Theologus est, sicut sunt acta Conciliorum, & Pontificum, Ecclesiæ traditiones, & hæreses contrariæ, contra quas in concilijs actum est, & sic de cæteris.



O Missa naturali historia substantiæ corporæ non viuentis, de qua superiori sectione satis pro instituti nostri ratione; primum in hoc capite breuiter agemus de historia naturali plantarum, siue substantiæ vegetatiuæ, sub qua continentur omnia plantarum genera; in quibus describendis, cum tam veteres, quam moderni Botanologi non eandem methodum obseruauerint; inde etiam non eadem apud omnes habetur huius historiæ diuisio, vel distributio. Theophrastus enim differentias caudicum, lignorum, corticum, radicum, medullarum, foliorum, florum, siliquarum, fructuum, seminum, succorum & similibus expendit; sicque membra & partes ita separat ac seiungit, vt vnus alicuius plantæ forma nonnisi è pluribus & subindè separatis locis, colligi queat: quod cum stirpium studiosis non parùm tædij ac molestiæ adferat, minus idonea videtur aliquibus hæc methodus, historiæque plantarum distributio. Galenus, quem Oribasius, Actius, Paulus Aegineta Græci, & Auicenna Arabs imitantur, stirpium historiam alphabeticorum elementorum ordine digestam scripsit. Sed dum hoc modo congeneres separantur; differentes verò non modo forma, sed & viribus coniunguntur, haud exquisitus esse potest talis ordo. Dioscorides autem stirpes membratim non diuidit, & consimiles coniungere laborauit. Huius exempli securus est Rembertus Dodonæus in sua stirpium historia pentadibus sex, libris verò triginta distincta. Quia tamen difficile est tot stirpium genera, ac species ad certas classes exactè reuocare: Pemprade I. nonnullas extra illas ordine tantum alphabetico describit; ita tamen vt congeneres & affines ab inuicem haud quam sint diuulsæ, cum plus affinitati, vel

vel similitudini tribuendum sit, quam ordini ab elementis alphabeticis petito.

Pemptade II. agit de floribus, coronarijs, odoratis, ac umbelliferis herbis. Florum autem cum multa inveniri possent genera, & species, si scrupulosius ipsorum differentiarum expendere, eos primum in hortenses, ac sylvestres distinguit, deinde hos separat ab illis qui ex bulbis exsunt: his enim tribus generibus faciliè comprehenduntur illarum plantarum, quæ floribus suis præcipuè medicinarum conferunt, vel oculis voluptatem adferunt: atque idcirco ab ipsis floribus potissimam commendationem accipiunt. Deinde agit de odoratis & coronarijs herbis sic appellatis, quia coronis & collis addi sæpe numero contingit; si modo odoris aliqua gratia sint commendabiles. Ultimo circa umbelliferas describendas versatur, quæ coronarijs odoratisque herbis, haud perperam succedunt. Umbellas siquidem circumatæ rotunditatis, & coronarum instar profuerunt: semina verò & nonnullarum odorata sunt; ut anisi, fœniculi &c. profluit ex alijs odoratus liquor; quarundam etiam radices, inter odoramenta haberi possunt, ut Angelicæ, Astrææ.

Pemptade III. reliquarum herbarum, quæ ad medicamentorum materiam faciunt, historiam persequitur, & primò illarum, quarum ad multa utiles radices, & quæ purgandi facultate pollent. Secundò agit de conuoluulis, & ijs quæ alijs innuntur stirpibus. Sunt enim inter has multæ vi purgatoria valde efficares; sunt etiam & aliæ non tales; sed quia in circumvolvendo, scandendoque similes illis coniungendæ erant. Tertiò tractat de deleterijs ac perniciosis herbis; præterquamquod enim illarum notitia Medicis saltem est necessaria, ne per ignorantiam aliquam assumant; habent etiam suam quandoque utilitatem. Paucae enim sunt tam perniciosæ, quæ non aliqua ex parte, quandoque & opportunò tempore ac loco prodesse queant: contemperatione, & modo adhibitis. Quartò & ultimo agit de filicibus, mu-

scis, ac fungis, etsi enim illa plurimè parte perniciosæ homini non sint, subinde tamen, vel nocent, vel humano generi incommoda, vel saltem parum utilia existunt. Horum autem cum plures sint species, commune tamen filicibus omnibus est, ut & floribus, & semine destituantur. Desiderantur eadem in fungis: in plurimis quoque, sed non tamen in omnibus, quæ inter muscos referuntur idem contingit.

Post stirpium herbarumque ad medicam materiam potissimum facientium historias, Pemptade IV. & V. tractat de illis, quæ corpus alunt, suntque ex numero alimentorum, frugibus videlicet & oleribus. Frugum autem nomine cum præcipuè intelligantur frumenta, & legumina, quæ Latinis Cerealia femina, Græcis autem *σινεγά καὶ ἀμυγδαλὸν σπασμα* appellantur, primum agit de frumentis, & leguminibus. Secundò de graminibus & trifolijs. Tertiò de aquatilibus & palustribus herbis. Cum enim harum plurimè in pabulum cedant iumentorum, aliorumque quadrupedum, nulli alteri operis parti, commodius quàm huic poterant coniungi.

Pemptade V. sermonem instituit de oleribus, siue herbis edulibus, earum autem cum duplex potissimum sit genus: nonnullæ enim totæ, ac subinde solè edi possunt, ut Beta, Brassica, Lactuca; aliæ verò nec solè, nec totæ ut plurimùm eduntur, sed ciborum ac olerum aliorum condimento sunt. Primum agit de herbis, quæ totæ ac subinde solè eduntur; additis interim alijs, quæ cognitione aliqua ipsis adherent, tametsi edules non sint. Secundò agit de cucumerarijs, & aliquot alijs herbaceis fructibus. Tertiò de esculentis radicibus, ac eius generis bulbis. Quartò de oleraceis, quæ solè & per se ut plurimum non eduntur, sed cibarijs admiscuntur, vel ut ipsorum qualitates corrigant, ac in melius emendant, vel ut concoctionem promoveant, languentemque appetentiam excitent. Quinto tandem loco agit de carduis, quorum nonnulli non solum ad multa sunt

sunt viles medicamenta, sed etiam edules. Sicque absoluit stirpium earum historiam, quæ ad suffruticum, & herbarum censum pertinent.

Pentade tandem VI. & vltima fruticum arborumque historiam prosequitur. Primoque loco agit de fruticibus spinosis. Secundò de spinis carentibus. Tertiò de arboribus fructiferis, quarum tria sunt fastigia, vnum fructiferarum: alterum syluestrium: Tertium perpetua fronde virentium: fructifera enim hæ omnes sunt; quamvis illæ solum per antonomasiam fructifera dici soleant, quarum fructus hominibus edules ac viles sunt, quæ *in pæcis*, siue domesticæ, aut cultiuz idcirco etiam appellantur, earumque variz sunt species. Quædam enim fructus carne edules faciunt vt poma & pyra; aliæ nucleo, vt amygdala, & nuce: nonnullæ carne & nucleo, veluti mala persica, pruna, cerasa, & id generis alia.

Historia generalis plantarum duobus tomis in folio Lugduui vna cum figuris edita in libros XVIII. diuiditur: in quorum 1. agit de arboribus spontè in sylvis nascentibus. 2. de fructibus in dumetis & frutetis spontè nascentibus. 3. de arboribus quæ in viridarijs, & pomarijs coluntur. 4. de segetibus & leguminibus, & quæ cum ijs in agris nascuntur. 6. de oleribus & herbis in hortis nascentibus. 6. de plantis umbelliferis. 7. de plantis flore placentibus. 8. de plantis odoratis. 9. de plantis in palustribus prouenientibus. 10. de plantis in asperis, saxosis, sabulosis, & apricis nascentibus. 11. de plantis in vmbrosis, vdis, vliginosis & pinguibus locis prouenientibus. 12. de plantis ad mare & in ipso mari nascentibus. 13. de plantis alijs innexis scandentibus. 14. de carduis, & alijs spinosis, aculeatisque plantis. 15. de plantis bulbosis, carnosissimis radicibus, & genicularis. 16. de plantis catharticijs. 17. de plantis venenatis. 18. de plantis peregrinis. Vbi vniuersiusque plantarum forma, nomina, tempus locus, res, & vsus accuratè describuntur.

Porro qui tam ex supradictis, quam alijs similibus Scriptõribus, perfectam numerisque omnibus absolutam plantarum historiam contexere vellet; primo loco, siue prima veluti operis parte posset agere de plantis in genere, siue de rebus ad plantas vniuersaliter pertinentibus; de vita plantarum; vltra enim essentiam & compositionem cum alijs elementatis communem, habent quod viuunt sua vita vegetabili, in eaque sint præditæ tribus facultatibus alendi, crescendi, & simile producendi, siue generandi. De necessarijs generationi & cõseruationi plantarum; ad plantam enim educandam, quatuor concurrunt, semen determinatum, locus conueniens, aqua moderata, aer consimilis, quibus etiam quinto loco potest addi proportionarum tempus; nam experientia constat generaliter sata semina luna crescente robustiores plantas, & insipidiores generare: vt contra luna deficiente, tenuiores & acriores. Et si autem semen sit generationis plantarum omnium principiu, cum verissimum sit, singulis stirpibus aut femina inesse, aut quamdam vim propagandi, proinde ac semen; atque id est quod Genes. cap. 1. dicitur iuxta genus suum semen habere herbam virentem, vt explicabitur infra; non negandum tamen, alijs quoque modis, quam ex semine plantas nasci, veluti ex auulsione, & transplantatione, vel ex furculos item propagatione vt in viuicis, & tandem in fitione, cuius quinque sunt genera; vnum sub cortice, quod videlicet resecta inter librum, & materiam arbore recipit semina; alterum in trunco, quod resecta, & fissa arbore recipit insertos furculos, quæ duo genera sunt verni temporis. Tertium fit emplastro, quod ipsas gemmas cum exiguo cortice in partem sui deliberatam recipit, quod est æstatis. Quartum genus fit, Gallica terebra vsque ad medullam arbore perforata, & plaga interius inclinata & munda omni scobe, vitem vel ramum succidum seu humidum immittendo, duabus gemmis exterius relictis, & musco scu

seu argilla diligenter loco operto. Quintum genus est, ramo salicis brachij magnitudinis perforato, & planta perfici omnibus ramis spoliata immissa, & salicis ramo intossa. De quibus omnibus vide Ruellium lib. 1. *de natura stirpium* cap. 19. & Ioannis Baptistæ Portæ Villæ libros 12. *in quibus maiori ex parte, cum verus plantarum cultus, certaque infusionis ars, & prioribus seculis non visos producendi fructus, via monstratur: tum ad frugum, vini ac fructuum multiplicationem experimenta propè modum infinita exhibentur*, Francofurti 1592. in 4. Huc quoque pertinet prædium Rusticū in quo cuiusvis soli vel culti, vel inculti, plantarum vocabula ac descriptiones, earundem conservandarum atque excolendarum instrumenta suo ordine describuntur Paris. 1554.

De partibus plantarum, quarū alię principales seu primarię, alię secundarię, alię nouissimę. Primarię, radix, caudex, caulis, rami, surculi, folia, fructus. Secundarię, cortex, lignum, matrix seu medulla. Nouissimę, humor, liquor, lachryma. Radix media est inter plantam, & alimentum, & vitę causā, quę nascitur ex semine, vt plerumque. Hac hauriunt alimentum à terra, estque arboribus, quod est os in animalibus teste philosopho lib. 4. *de part. animal.* cap. 10. Radice idcirco læsa vel affecta tota arbor vel planta afficitur. Quippè quod ibi tota arboris substantia, vel succus, quem caudex vt oeconomus dispensat, à medulla enim intus existente, veluti per siphonam, trahitur succus, & in omnes partes transmittitur, postquam ibi veluti in vtero, facta fuit humorum decoctio, remittitur inde in folia & fructus, quo etiam deficiente humore deficiunt, partesque senescunt. Radix, ab humore terrę, actione cęlestis caloris, generatur, quę si longa & recta figura acuta, significat in illa esse materiam, aquosam, ærem, subtilem, calorem fortem: si rotundę figurę denotat materiam mediocrem, fortem calorem, æqualiter ex omni parte trahentem; at quę est hinc

inde diffusa demonstrat materiam viscosam, cum calore debili; dura autem, & sicca materiam crassam & terrestrem, humore vi caloris fortius coagulato. Porro arbor quę magnas habet, & magis in longum propagatas radices, diuturnior esse dicitur, quę parum radicat contra. Quę omnia & similia essent diligenter inuestiganda. Item de coloribus plantarum, quibus omnibus communis est viriditas, quę fit ex humoris breui digestionē calore facta, & idcirco Aristot. lib. 2. *de plantis* tradit tandiū ibi viriditatem durare illam, quādiu humor inibi est, qui de genere terrę est, eoquē sublato nigrescere, vt apparet, inquit, in corticibus, quę humore sublato denigrantur. Adueniente itaque vere tepido, prouocatur humor ad exteriora: hyeme repercutitur; æstate autem idē pallent remanente siccō, & terreno, quod cum sit frigore, glaucum redditur, quia medium est inter nigrum, & viride, mixture terrena. Quamobrem dicitur nunquam flores virides fieri, propter subtilitatem materię, in qua si prædominantes fuerint partes aqueę cum igneis, erit color glaucus, vel pallidus, vel citrinus pro diuersitate mixture; si verò præualeant partes igneę cum æreis, erit color roseus: si autem aqueę cum terrestribus, erit color violaceus. Quod si æquę præualere possent partes igneę cum terrestribus, posset etiam color fieri viridis vel niger; sed quia talem commixtionem, subtilitas & rarefactio materię florum non admittit, nec flores etiam fiunt virides.

De facultatibus plantarum, vbi per facultates non intelliguntur illę, quibus plantę viuunt, virent, vegetantur, & in omnem dimensionem erescunt; flores, fructus, seminaque perficiunt: sed illę, quibus actiones suas, & quidem in humano corpore exercent. Sunt autem hæ duplices. Quędam enim humanum corpus, aut aliquam eius partem alterant ac permutant: alię verò alimentū præbent, ad nutritionem faciunt, & substantiam corporis augent. Huiuscęmodi

modi facultatibus stirpes, vel earum partes præditæ, tum & alia quæcumque, alimenta sunt, & dicuntur. Sed quæ corpus alterant, ad medicamenta pertinent. Ambarum rursus variæ sunt differentię; ex alimentis enim quædam sunt quæ in bonum, & laudabilem succum conuertuntur, in prauum alia; crassum nonnulla succum præbent: tenuem verò pleraque. Sunt item quæ cito, ac facile concoquantur, & è contra quæ difficiliter, ac tardè; insuper statulenta, quædam sunt alia minimè: tardè descendunt nonnulla: cito alia, & sic de ceteris. Quod spectat iam ad facultates medicamentorum; quædam primæ sunt & dicuntur; alię secundę, quæ ad has sequuntur: quibus iterum succedunt tertię: posteriores quartę, quæ à prioribus non pendent, sed solis experimentis cognoscuntur. Primæ facultates sunt, calefactiua, refrigeratiua, humectatiua, resiccatiua, & quæ per horum coniugationem nascuntur, calefactiue, & humectatiue; calefactiue, & resiccatiue; refrigeratiue, & humectatiue; refrigeratiue, & resiccatiue. Plantæ enim à suis primis facultatibus, vel qualitatibus calidæ, frigidæ, humidæ, siccæ dicuntur non ut apud Philosophos, sed ratione effectus, ut ait Galenus lib. 3. de *simpl. aliment. facultatibus*. Medici in centendis huiusmodi qualitatibus, vel facultatibus nempe calefaciendi, refrigerandi, humectandi, resiccandi, quatuor gradus constituunt, primum, secundum, tertium, quartum; quos Galenus αἰσχυροὺς siue numeros vocat, alij ὁλῶν siue ordines. Ad primum gradum referuntur, siue primi gradus sunt, quæcumque à medio ac moderato tam exiguum declinant, ut non euidenter alterent, sed rationali quadam demonstratione indigent, qua alterare ostendantur. Quæ verò manifestè ac euidenter calefacete, refrigerare, humectare, aut resiccare possunt, nec demonstratione opus habent, ea secundo gradu, vel ordine censentur. Tercio autem annumerantur his potentiora, quæ vehementius, nō tamen

Biblioth. Theol. Tom. IV.

summè, qualitatem suam exercent: quæ enim summè ad quartum pertinent gradum. Ex illis ordinibus res dicuntur à medicis siccæ, frigidæ, vel humidæ, vel calidæ in 1. 2. 3. 4. gradu, vel in 1. frigidæ, in 2. calidæ &c. commiscendo hos gradus. Secundæ facultates dicuntur, quæ primas nullius alterius interuentu consequuntur; ad illas referuntur, quæ emolliunt, indurant: rarefaciunt, condensant: aperiunt, consipant: attrahunt, repellunt: abstergunt, expurgant, attenuant, illinunt, obstruunt, incrassant, dolorem sedant, atque excitant. Tertię facultates non ex primis modo consistunt, sed & vterius progrediendo, ex ijs quoque, quas ad secundas referri cōtingit, sic vt ex ambarum mixtura consequi videantur, veluti Sarcotica absque morfu deficcant, & astringunt; siccare, quidem ad primas, adstringere verò ad secundas refertur. Sunt autem ex tertijs genetis facultatibus, quæcumque maturant, suppurant, carnem ingenerant, cōglutinant, cicatricem inducunt, callum gignunt, vrinam mouent, menses euocant, secundas & factus excutunt, tussim sedant, lac generant, gcnituram gignunt ac extinguunt. Quartę tandem facultates à superioribus sunt valdè differentes ac dissimiles: non enim ex primarum qualitatum aliqua dependere videntur, vel secundis aut tertijs succedere; sed potius substantiæ, siue essentia proprietatem consequi. Vnde sola experientia deprehenduntur, neque alia ratione cognosci queunt, veluti quod magnes ferrum ad se pertrahat; attrahumque retineat, atque idcirco occultę, latentes, & specificę appellantur facultates.

De modo cognoscendi prædictarum plantarum temperamenta; tum per effectus, siue experientia; tum per sensus nimirum per tactum, per gustum, seu sapores, addi potest odor, & color, quam istis duobus postremis medici fidei parum adhibeant. Caliditatis existensis in plantis, siue temperamentum calidum demonstrant sequentes effe-

O o o tus,

Quæ, calefactio, subtilisatio, rarefactio, maturatio, digestio, apertio viarum corporis, & similia. Et si superflua caliditas in 3. gradu, mordicatio, desiccatio & similia. Si in ultimo gradu, adeest inflammatio, acuitas, attractio, superflua consumptio, & opera rubificationis, & cauterizationis. Frigidæ complexionis effectus, indiciaque sunt infrigidatio, inspissatio, indigestio, compactio & similia: quod si superfluat, coarctatio, & opilatio: si ultimo congelatio, & mortificatio. Humiditatis signa, humectatio, lubricatio, lenificatio, conglutinatio: si superfluat, opilatio, ventositas: si ultimo nausea, & similia. Siccam naturam hæc sequuntur, desiccatio, arefactio, attenuatio & similia propter consumptionem humiditatis. Qualitates per tactum sic dignoscuntur: molle, rei obedientiam significat, quod facile corrigitur, passibile, alterabile. Durum contra; asperum siccior: lenius humidius. Sapores autem, ex quibus de plantarum temperamento & facultatibus certius iudicari potest, quam ex odoribus, vel coloribus, nouem sunt, tres calidi, actis, amarus & salus: tres frigidi, acerbus, austerus seu stipticus, & acidus: tres veluti medij temperamenti, dulcis, vntuosus, & insipidus. Recentiores nonnulli ex signaturis, siue signaculis, quæ Græci characterismos vocant, quæ subinde stiptibus, aut earum partibus à natura indita sunt de facultatibus quartis præsertim iudicium rectè fieri autumant. Sic ex eo quod scrofulariz herbæ nodosæ radices, extuberantia tubercula sint: idcirco aduersus scrofulas, id est glandularum duros tumores; qui quandoque in collo, alis aut inguinibus sentiuntur tam vtilis & efficax affirmatur, ut etiam vel gestata solum prodesse queat; & sic de alijs; huiusmodi tamen signaturis non multum fidendum, nisi experientia adstipuletur, cum videamus multas eiusdem signaturæ plantas, nihil tamen conferre vni & eidem infirmitati. Vide Ioannis Baptistæ Portæ *Phytognomonicon* lib. 8. *facili methodo tradentis*, ut

plantarum, animalium, metallorum, rerumque denique omnium facultates ex prima extrema faciei inspectione cognoscantur, tum ad hæc confirmanda varia secreta.

De plantarum degeneratione; dum à propria virtute deficiant, ut non sufficiant ad propriam speciem producendam, & proinde ad alterius affinis plantæ generationem, ne otiosa natura sit, descendunt, vel si superabundet vis, in aliud quoque transeunt. Inopia alimentis inferiores species maiores transeunt: abundantia contra in superiores. Vide Theophrastum lib. 4. de caus. plant. cap. 6. De morbis plantarum, scabie, radicatione, syderatione, vermiculatione, erugine & alijs de quibus idem Theophrastus lib. 5. tandem de earum senectute, & interitu. Cirò senescunt, quæ non agunt profundas radices: quæque cirò proveniunt, ut ficus, persica & huiusmodi. His omnibus, & alijs similiter in genere, diligenter examinatis suis distinctis libris, vel tractatibus; secundo loco, siue secunda operis partes, facta diuisione plantarum per supremæ veluti genera, de vnaquaque agendum est; describendo in particulati earum formas, nomina, tempus, locum, vires & usum.

Prima autem ac summa stirpium, seu plantarum genera quatuor sunt Arbor, Frutex, Suffrutex, & Herba. *Arbor* est planta ramosa furculosa, cum caudice simplici, quæ altius è terra surgit. *Frutex* est planta ramosa assurgens caudice multiplici à radice, quales arundo, hederæ, &c. *Suffrutex* est planta, quæ ab radice, caudice multiplici, ramosoque se attollit, ut rubus. *Herba* est planta quæ foliata, sine caudice quidem, sed cum caule crescit, semen caule ferens, aut furculis. Sub istis quatuor primis, ac veluti supremis plantarum generibus continentur innumera illarum species, quæ ut per ordinem ad diuersa multipliciter diuidi possunt; multiplici etiam illarum indice prædictum opus ornandum esset. Ita ut primo loco poneretur index topographicus plantarum ubique nascentium, tum unicuique regioni propria-

priarum. Secundò index plantarum à qualitate ſive conuenientia ſoli; quedā enim colles, aliæ iuga montium, aliæ ſyluas amant, aliæ culta, alię calida, alię frigida, aliæ ſicca, aliæ humida; & ſic de cæteris. Tertiò index à primarum qualitatibus, tum ſaporum, odorum, & colorum diuerſitate vniciuque plantæ inexistente; & ſic de alijs pluribus, prout in plantis variæ ſunt accidentales differentię; V. g. index plantarum à Diuiſiſſimisque nomen habentium.

Iam quantum referat ad ſacrę doctrine ſtudioſum pro intelligētia Scripturę, perfectā plantarum notitia, ſatis patet ex hoc, quod nulla ferè ſit, cuius in ſacrijs biblijs nomen & effectus non interſerantur, ac comparationes ex ijs deſumantur. Cum enim ſtirpes aliæ alijs rebus adhiberi ſoleant, ac nonnullæ alimentum vſum præbeant, aliæ medicamenti, pleręque vtrumque, nonnullæ noxię ſint ac naturę infeſtæ, aliæ ſalutares, morbiſque expugnandis accommodatę: ex ijs Prophetę appoſitiſſimas ſimilitudines, ſcitæque, & concinnas mutuunt comparationes, quibus conciones exorant, ac fidem narrationi inſtruunt. De quibus vide Leuium Lemnium in opusculo cui titulus; *Similitudinum ac parabolarum, quæ in biblijs ex herbis atque arboribus deſumuntur, dilucida explicatio per 50. capita: in qua narratione ſingula loca explanantur, quibus propheta, obſeruata ſtirpium natura, conciones ſuas illuſtrauit, diuinęque oracula fulciant.* Item Hierologiam Ludouici Balſeſti lib. 3. de ſubſtantia Vegetatiua.

Ad illuſtrandum verò illud Genef. cap. 1. *Germinet terra herbam virentem, & facientem ſemen, & lignum pomiferum faciens fructum iuxta genus ſuum, cuius ſemen in ſemetipſo ſit ſuper terram. Et factum eſt ita. Et protulit terra herbam virentem, & facientem ſemen iuxta genus ſuum lignumque faciens fructum, & habens vnumquodque ſementem ſecundum ſpeciem ſuam.* Ad illuſtrandum, inquam, hunc locum, ubi primam ſtirpium originem habemus, quam ignoraffe Ari-

ſtotelem Iuſtinus Martyr in euerſione falſorum dogmatum eius, demonſtrat; 1. inquiri poteſt, an ad primam illam herbarum & arborum generationem, concurrerit terra tantum paſſiuè, an etiā actiuè, virtute tamen à Deo ſupernaturaliter accepta; hoc poſterius Gaetano & Burgenſi videtur probabilius: nam hoc, inquirunt, denotant verba illa Moſis, *Protulit terra*; ſed hoc pernegant alij Toſtatus, Peterius, Cornelius à Lapide aſſerentes terram germinafſe herbam nõ actiuè producendo, ſed materiam tantum miniſtrando, nam cap. 2. dicitur Deus produxiſſe ex humo omne lignum; vnde illud *protulit terra*, non aliud ſignificat, quàm materialem terrę cauſalitatē & concurſum ad generationē plantarum; ſicut ſemina, quę ſecundum Ariſtotelem tantum paſſiuè, ac materialiter concurrunt ad generationem hominis, dicitur tamen hominem generare, & procreare. II. Inquiri poteſt, num ſingulę plantę ad conſeruationem ſpeciei ſemen lubecant; quę enim enumerantur, quę illo carere creduntur, vt dictamen, graminum, menta &c. ſed rectè Baſilius lib. Hexamer. homil. 5. reſpondet, complura naſcentiam è terra vim, ſeminum in ipſa propagatione, & radicibus obtinere, quęmaſmodum arundo, poſt annum incrementum ex radicibus, quidam appendicem elicit, ſeminis rationem ad ortum futurum obtinentem: idem & innumera alia faciunt, quę per ſemina vagantia, in ipſis radicibus ſuam ſobolē habent. Quare veriſſimum eſſe, ſingulis ſtirpibus aut ſemen iueſſe, aut quandam vim propagandam perinde ac ſemen. Atque id eſt, quod loco ſtatim citato Genef. dicitur, iuxta genus ſuum ſemen habere herbam virentem.

III. Queritur poteſt, vtrum in exordio mundi roſa ſine ſpinis generata ſit, item herbę venenatę: primum enim affirmant Baſilius homil. 5. Hexamer. S. Ambroſ. lib. 3. Hexamer. cap. 11. poſterius verò Beda, Rupertus, Rabanus, & Alcuinus; vtrumque D. Auguſtinus lib. 1. de Genef. contra Manichęos cap. 13.

Contrarium tamen verius est, die tertio terram quoque produxisse herbas venenatas, item rosam cū spinis: Deus enim tales condidit res, quales sunt secundū naturam suam: nec peccatum Adæ mutauit proprietates rerum atque conditiones. Rosam verò nasci inter spinas naturalem rosæ constitutionem, atque generationem consequitur; quare ante peccatum Adæ erant spinæ, & tribuli, & herbe venenatæ: verum non fuissent ei in penam si non peccasset: & terra quam ipse victus causa coluisset, nihil infructuosum, nedum perniciosum ei protulisset. Deinde licet herbe venenatæ esu quidem sint noxiæ hominibus, prosunt tamen plurimum medicinæ causa; & vtilia sunt alijs animalibus, quæ sunt propter hominem, vt Basilius & Ambrosius locis citatis, clarissimis confirmant exemplis. Quare Augustinus quod lib. 1. aduersus Manichæos senserat, postea maturius, & accuratius perscrutatus retractauit & emendauit in lib. 3. de Genesi ad litteram cap. 18. vbi quam nos tradimus sententiam, censet probabiliorē. Ad quam comprobendam adijci potest, istiusmodi rerum species facere ad mundi consummationem, & absolutionem: Deus autem ante peccatum Adæ per sex creationis dies, omnes omnino rerum species produxit, fecitque vniuersum perfectum: nec post hos sex dies vllam nouam speciem creauit. Vnde Genes. cap. 2. dicitur Deus sex diebus creasse omne virgultum agri, & die septimo quieuisse. Eorum porro inscitiam, vel vt dicam propriè insaniam, qui quarum rerum ipsi vsum ignorant, eas prorsus inutiliter & superuacue conditas censent, Augustinus lib. 1. de Genesi contra Manichæos cap. 16. eleganti quadam similitudine confutat.



CAPVT III.

Quantum referat ad Sacra Doctrina studium Historia Animalium.

QUOD de plantis superiori capite diximus ad completam illarum historiam, idem proportionaliter de animalibus asseri potest, primum igitur pro historia animalium colligenda sunt illa, quæ ad eorum naturam in cōmuni spectant, deinde singulorum in particulari. Quia autem omne animale corpus habet tria, essentiam, vitam plantæ, quæ generatum crescit, & vegetatur, & animalem seu sensualem vitam quæ mouetur: sic Aristoteles lib. de plantis c. 1. docet virtutes omnes, quæ sunt in plantis, in animalibus reperiri, & multas insuper alias, quæ tamen vicissim in plantis non inueniuntur: quia opus animalis nobilius, distinctumque à plantis, quod sensibus ornetur, non autem plantæ, indeque idem author dixit animalia animam habere sensualem; proinde animal est, quod constat anima sensuali, & corpore, siue quod in idem recidit, animal, est substantia animata sensitiua; quia, inquam, omnis talis substantia, vel natura, tam ea, quæ ad vitam plantæ, siue vegetatiuam, quam quæ ad sensitiuam, pertinent, amplectitur, primum considerari debent animalia vt generantur, vel generatione animali, seu semiali, vel ex corruptione, vel vnius speciei veluti in aliam transmutatione. Animalia quæ ex semine nascuntur, vel sunt ex viuiparis, vel ex ouiparis, vel ex vermibus vt notat Aelianus lib. 2. hist. animal. cap. 52. viuos fetus præter hominem, pariunt animalia quæ pilis induuntur: & ex marinis, delphinus: Echinus tamen, & Hystrix cutis pellitæ loco aculeis armantur; nam Philosophus lib. 3. de vsu part. cap. 2. huiusmodi animantium aculeos pilorum quoddam genus esse affirmat. Verum viuiparorum alia perfectæ, alia imperfecta animalia pariunt; Solipedes, & bisulcæ animantes perfectum, mul-

multifidæ, seu digitatæ complures, imperfecti: quia solipedes & bifidæ singulos pariunt, ideo catulos pariunt, ut vulpes, vrsæ, Leæna, & aliæ nonnullæ, & omnes fere cæcos; sola autem inter multiparas suis parit perfectos, ut docet Aristoteles lib. 4. de generat. animal. c. 6. Alia porro animalia ova gignunt, ex quibus mox edunt animalia, ut aues, serpentes, excepta vipera, lacerta, testudines, pisces, qui imperfecta tamen produciunt ova; ut autem vivipara pilis integuntur, ita oviparorum alia cute, seu membranaceo corio, alia cortice, seu cute testacea, vel squamæ simili mununtur. At exanguia & insecta, vermiculum pariunt; ut ait Aristoteles lib. 2. de generat. Animalium cap. 1. tantum de animalibus quæ ex femine nascuntur, nunc de animalibus ex corruptione vel putrefactione editis.

Quia omnia sublunaria putrefactioni obnoxia sunt, & corruptio unius, est generationis alterius principium: idcirco nihil fere in rerum natura sub hoc sublunari habitaculo, quod aliquod animal ex putrefactione sui non producat. Ex limo itaque & materia putrescente, ex stirpibus animalibus tam vivis, quam mortuis alia videmus animalia generari. Notat tamen Philosophus lib. 5. de historia animalium capite, eiusmodi animalia ex putri genita materia, si vel in animali, vel in stirpe, vel in eorum partibus producantur, eademque maris & femine sexu distincta sint, ijs coeuntibus gigni quidem aliquid, sed ex quo nihil amplius gigni possit; ut coitu pediculorum lendes procreantur, ex quibus nullum aliud animal generatur. Tandem quia multa sunt animalia quæ suâ veluti permutant speciem, ita etiam nasci & generari nova videntur; ut vermiculus limacis, detractus à cortice expirat, & transit in erucam immobilem, quam vocat Aristoteles *χρυσάλην*. Caprificus primum suis pomis generat vermiculos, qui rupta cute postea generat culices ficarios; de quibus & alijs, Aristot. lib. 5. histor. animal. cap. 19. Ad

hanc quoque generationis animalium, materiam præter adductos diuersos illius modos pertinent illa quæ passim docent Philosophi de eiusdem loco, tempore & alijs circumstantijs.

Secundo loco considerari debent animalia in communi ut nutriuntur; tertio ut augentur; quarto ut sentiunt, pluresque vel pauciores habent potentias sentitiuas tam internas, quam externas; quinto ut mouentur; sexto ut respirant; septimo ut dormiunt & vigiliant; octauo quoad longitudinem & breuitatem vitæ; nono denique pro ut varias habent partes præsertim organicas.

Pro secunda historię animalium parte colligenda sunt illa, quæ pertinent ad vniuscuiusque animalis naturam & proprietates in particulari, adducta prius generali aliqua animalium diuisione, quæ multiplex esse potest; quam enim difficile est, imo impossibile essentialem illorum habere diuisionem ob incognitam nobis essentialem animalium inter se differentiam, tam facile est plures accidentales in medium proferre. Primum enim Aristoteles lib. 1. de histor. animal. cap. 1. & Galenus lib. 17. de usu partium cap. 2. distinguunt animalia per mores, per vitas, per actiones; quæ obseruant Plinius in libris 8. 9. 10. & 11. Aelianus in lib. 17. de animalibus, & Plutarchus lib. an bruta ratione utantur. Ab alijs, sacris præsertim authoribus, omnium animantium naturæ in quatuor genera summa diuiduntur: ea sunt *בהמה* Beheima, siue *חיה* Chaia, quod animal dicunt Latini: Alterum *עוף* Oph, quod volatile dicimus: Tertium *דג* Dages, quod calcatile: Quartum *דומם* Domes, quod motabile vertere possumus. Ad primum genus omnia quadrupedia referunt; ad secundum pennatorum omnes species; ad tertium verò minorum animantium & humilium, quæ quatuor quidem pedibus mouentur, & terram calcant, sed eam proximè contingunt, ut mures, ranæ, bufones; quarti autem generis illa sunt, quæ vel quaternis, vel pluribus etiam pedibus, rependo tamen magis

magis quàm caleando progrediuntur, in qua definitione serpentes, viperæ, lacer-
tis, stelliones, & omnes in vniuersum be-
bifolârû, & vermiû formæ continentur.

Tertiò distinguunt aliqui animantia
in gradientia, reptilia, natantia & volan-
tia: ita vt gradientium alia sint bipeda,
alia quadrupeda, alia multipeda. Bipe-
da vt homo; & hic præstantissimum
omnium animalium & verè solum di-
ctum, ob perfectam formam animal, vt
ait Galenus lib. 17. de vsu part. cap. 2.

*Pronaque cum spectent animantia cæ-
tera terram,*

*Os homini sublime dedit, calumque vi-
dere*

*Iussit, & erectos ad sœdera tollere vul-
tus:* Ouid. 1. Metamor.

Quadrupedum autem quæ Græci τε-
τράπαιδα, Aristoteles etiam πῖζα nun-
cuparunt, tria sunt veluti suprema gene-
ra, vnum ἀσχιδῆς, id est non scissum,
integris nempe pedibus, ideoque μο-
νύχων, siue μόνηχων dictum, Euripi-
di etiam μονήχων, quasi vna tantum
præditum vngula, seu simplices aut in-
diuiduas vngulas habens, Plinius Soli-
pedem, Theodorus Gaza Solipedem
vocat: huiusmodi sunt Equus, Asinus,
Mulus, Zebra Indica, Monoceros, Ele-
phas, Solipes potius si pedes spectes
quam digitatus: etsi enim vngula eius
in digitos videatur efformari, hi tamen
indivisi sunt; quamvis aliqui inter digi-
tata illum reponant. Alterum quadru-
pedum genus est, quorum pedes binis
fissuris virimque, hoc est, à parte priore,
& posteriore deducuntur, vnde Bisulca
Latini, δίχουλα Græci vocauerunt, qua-
lia Chelas Aristoteles siue forcipes pro
vngulis habere dixit: hoc etiam qua-
drupedum genus vngulam propriè di-
uidere in sacris Biblijs legimus: nam
licet multifida, vt lepus, canis, Leo &
id genus alia pedes in digitos habeant
scissos, non dicuntur tamen vngulam
diuidere, quin ne camelus quidem se-
cundum aliquos, quem aliqui Aristo-
teles inter Bisulca recensuit, quoniam
non eo quo boues, oues & capræ, modo,

vngulæ eius diuiduntur. Porro Bisul-
corum duo sunt alia genera, armatos
cornibus vnum, cornibus carens alterum.
Cornigera omnia ruminant: ex nō Cor-
nutis solus camelus. Est autem rumi-
nare deglutitum semel papulum, mox ad
os regurgitare, quod Apuleius rumiga-
re vocauit, Plinius & Quintilianus re-
mandere, græci περιστρέφειν, vel περι-
κύνει ὅτι τὸ μίανειν, quod est reuolare,
vnde & Latini nonnulli ruminationem
non à loco, ad quem cibus reuoluitur,
sed à quo sursum ad os repellitur, dixisse
videntur, nimirum, rumine, quod
vt ait Festus, locus est in ventre quo ci-
bus demittitur, & vnde redditur. Quæ
autem ex Bisulcorum omnium animalium
genere pereipiuntur, maxima profectò
ac plurima sunt emolumenta. Præter-
quam enim quod omnia, quæ ad susti-
nendam vitam hominis sunt necessaria,
subministrant, carnem videlicet ad ci-
bun, lac ad potum, lanam & corium ad
corporis tegumentum, nostros insuper
labores eim in excolendis agris, tum in
quolibet ferendo trahendoque onere, si
quæ alia adiuuant.

Tertium Quadrupedum genus vo-
ceatur πολυχιδῆς & πολυδάκτυλος, quasi
multifidum, & multipliciter digitatum,
quoniam huius tertij generis animan-
tium pedes ad instar manuum humana-
rum sunt multifidi. Propterea antero-
res horum pedes, non solum gradiendi
munere, sed etiam quandoque manuum
officio funguntur; nam huiusmodi ani-
mantia anterioribus, sicut solipeda pos-
terioribus pedibus se defendunt. Quæ
anterioribus cibum ori admouent, Ga-
lenus omnia setè carnivora esse putat,
& ex raptu viuere, cætera herbivora.
Cuniculi tamen & lepores herbis victi-
tant. Pariunt alia viuum animal Græ-
cis ζωτόκα, nempe Viuipara, alia oua,
vnde ὠτόκα, nempe Ovipara nominan-
tur. Ovipara autem etsi totidem ha-
beant, quot Viuipara sensus, ingenio
tamen constat esse hebetiore: quare ple-
raque eorum in terræ hiatus degere
natura voluit, vt lacerros, vel aqua ab-
di,

di, vt Crocodilum, vel alijs locis, longe ab humano consortio remotis, vt terrestrem testudinem. Quia autem Viviparorum Polidactylorum alia sunt magna, vt tigrides, alia parua, vt mures, alia domestica vt canes, alia syluestria, vt taxi, alia nocua vt vrsi, alia innocui vt cuniculi, alia generosa vt Leones, alia insidiosa vt lupi, alia astuta vt vulpes, alia calliditatis expertia vt lepores, sunt qui tam numerosam huiusmodi animantium catervam, & tot & tam varijs dotibus insignitam in tria veluti genera distribuunt, nimirum in fera, semisera & domestica. Tandem ouipara etiam ratione exnuiarum distinguuntur, cum alia cute, seu membranaceo corio, alia cortice, seu cute testacea ad aëris euitandam iniuriam tegantur. Tantum de Quadrupedibus, nunc ad multipeda.

Animalia multipeda sunt illa quæ plures pedes quam quatuor habent ex natura sua, vt sunt omnia ferè insectorum genera, quæ carent sanguine, vt muscæ, aranei, & alia de quibus infra: hæc enim insecta, quia carent sanguine, multum frigida sunt, idè tardiora & egeniora pluribus pedibus, vt docet Philosophus lib. 4. de part. animal. cap. 6. sicuti & ea quæ propter sui corporis longitudinem frigent, vt iulis vermibus accidit, qui plures pedes habent, nempe quadraginta quatuor, habent & cancri & cruceæ, & alia plures. Notandum tamen hoc in omnibus gressilibus. pares à Deo datos singulis pedes, nunquam imparcs: cum enim ex Philosopho in Problem. sect. 10 ob necessitatem subiectionis corporis, concessi fuerint pedes animalibus, & nõ possit animal proflire, nisi aliqua sui corporis parte consistat, totidem mouetur, quot quiescit, & contra; sic in bipedibus, vnus pes mouetur, alius quiescit; in quadrupedibus, duo. Hactenus de primo genere animalium gradientium, eorumque differentijs.

Secundo loco sunt animalia repentia, quæ scilicet corporis contractione, & extensione incuruantur & mouentur antèr; cum autem id fieri possit tri-

bus modis, vel vt trahant se vi oris sicut vermes, vel vi costarum & ventris sicut serpentes, vel denique pedibus vt licetæ & stelliones, qui licet pedes habeant, quia tamen exiguos, & parum se attollunt huiusmodi, magnamque partem corporis dum mouentur applicant terræ, idcirco inter animalia repentia connumerantur: Horum omnium cum variæ sint species viginti enim quinque refert Plerius lib. 11. in Genesim; de serpentibus tantum dicam, duo esse veluti superna illorum genera, vnum serpentum vulgò dictorum pedibus carentium, alterum Draconum pedes & alas habentium, licet authores hæc nomina Draconum & Serpentum sæpè sæpius confundere videantur; Rursus serpentum plura sunt discrimina, cum inter se paruitate & magnitudine, colore, loco, odore, noxa, & tandem aspectu, alijsque accidentibus dissideant: Draconum pariter alij sunt, qui pedes dumtaxat habeant, alij qui pedes simul & alas; de quibus omnibus vide Vlysses Aldrouandum inferius à nobis citandum.

Et si sub appellatione reptilium, possent quoque contineri pisces, qui contractione quadam corporis vi pinnularum & caudæ, natant & reptant; vnde etiam Latinus interpres Genes. 1. pisces appellauit reptilia, secutus Septuaginta Interpretes, qui Græcè verterunt ῥεῖν, hoc est Latine reptilia: Et si, inquam, ita res se habeat, hæc tamen animalia facilioris intellectus causa natantia, vel etiam aquatilia nuncupantur, constituantque tertium diuisionis superius adductæ segmentum. Primum igitur Aquatiliū siue natantium animalium, alia exanguia sunt, alia sanguinea; verū cum de exanguibus inferius sub alia diuisione acturi simus, nunc superest vt de sanguineis breuiter aliquid attingamus, ijsque tantum, quæ nullibi sine humore degere possunt, vel exiguas saltem in sicco moras trahere. Sunt enim nonnulla, quæ licet in fluido degant, & victum quoque inde comparent, cum, in siccum tamen exeant, & in terra, ter-

restrium more pariât, amphybia potius, quam simpliciter aquatilia sunt dicenda, sicuti ex quadrupedibus lutra, fiber, Crocodilus, ex serpentibus natrix &c. Aquatiliū igitur sanguineorum, quæ verè aquatilia sunt, natantiaque dumtaxat, duo sunt veluti suprema genera, vnum cui natura, quas nullis alijs branchias; alterum cui pulmones tribuit, idque ratione recta, nam vt branchiatis ob sanguinis paucitatem frigidiusculis sola aqua ad refrigerationem sufficit, ita quibus pulmo est, ob eiusdem abundantiam calidioribus aërem trahere, aliorumque sanguineorum more spirare par est: atque hinc est quod illa vbi volunt, diutissimas sub aqua moras trahere possunt, sine villo suffocationis periculo, hæc vero sicuti & vniuersa alia spiritali hoc viscere prædita, si quis cogat diutius, quàm res postulat, sub aqua manere (vt cum retibus capea vi retinentur) suffocantur atque exanimantur, quippe quæ facultatem spirandi deperdunt; nec aliam ob causam fluctuantia interdum videntur, & erecto capite dormientia, quam ob spirationis commoditatem: secundum hoc genus Aristoteles Cete, primū verò quia in maiori copia, cum exanguibus etiam communi ἰχθυς id est pisces appellauit; vtriusque generis sunt iterum quamplurimæ differentie.

Et Incipiendo à piscibus duæ sunt præcipuæ: à corporis tegumento vna: à loco quo degunt, altera. Teguntur enim ex Aristotele lib.2. histor. animal. cap.13. vel squamis, qui plunim, vel cute, hæcque vel aspera qui pauci, vel læui qui paucissimi; locus vero eorum conueniens ac commodus, aptaque habitatio & proprium velut elementum aqua est; vnde etiam cum aqua piscibus destinata vel falsa sit, vt marina; vel dulcis, vt fluuiatilis, vt lacustris; ab illa θαλάσσιος id est marinos, ab hac quoddam ποταμίος id est fluuiatiles, quoddam λιμνίος lacustres Græci vocauerunt: quibus præterea annuerandi sūt, qui vitam viuunt quodammodo ambi-

guam, quorum rursus alios appellare liceret ποταμοθάλασσιος, quod fluminæ, æque ac mare incolant (quorum duo genera vnum Græcis κατάθρονον dictum, quod relicto mari dulces fluuiorum aquas subit: alterum quod ex dulcibus aquis ad mare descendit, eamque ob causam κατάθρονον dici potest, alios verò λιμνοποταμίος, quod flumina simul atque lacus frequentent. Sed iterum Piscium Marinorum Græci alios quod in alto mari degāt πελαγίους, alios περζίους siue saxatiles, alios denique αἰγιαλοδεις id est littoreos, siue littorales, Aristoteles aliquando etiam περζίους quasi terræ proximos nominarunt. Saxatiliū autem duo sunt genera; vnum quod in saxosis tantum promontorijs, & vbi saxa sunt, nascitur; vitamque omnem traducit, nunquam vel locum vel alimentum mutans; ideoque teste Galeno lib.3. de Aliment. faculte. semper extra omnem culpam: alterum quod licet iuxta saxa perlubenter obuersetur, nihilominus modo luc, modo il-luc per mare vagatur, succi bonitate, & præstantia non parum inferius. Tantum de primo genere piscium; nunc de altero, quod cetorum esse ex Aristotele adnotauimus, qui à piscibus vulgò dictis non mole duntaxat, siue corporis magnitudine differunt; nam sunt & pisces grandissimi, & ceti aliquot multo maiores, ideoque cetacei, Græcè κητώδεις ἰχθυς appellati; verum quia propriè dictum respirationi organum habet, pulmonem inquam, arteriamque & collum, multasque partes alias cū terrenis quadrupedibus communes, quibus piscium vulgò dictorum genus omne caret, renes videlicet, vesicam, testes, penem, mammæ, ossa. Huiusmodi sunt balæna, physeter, pristis, siue serra, orca, delphinus, phocæna, siue tursion, scolopendra, phocas, siue vitulus marinus, manate Indorum, & alij huiusmodi.

Quartum & vltimum animantium genus, est volantium, siue eorum quæ alas habent; quia autem volantium alia pennatas habent alas, vt aues, alia vero sine

sine pennis vt vesperiliones, muscæ, & id genus alia similia; volant enim pennis aut cute quæ habent sanguinem: membranis verò siccis, quæ sanguine carent, vt insecta; tantum hic agimus de volantibus pennatas alas habentibus, siue de auibus; quæ in tres veluti classes distribui possunt; ita vt ad primam pertineant rapaces, siue omne id genus auis, quod aduncis est vnguibus, carnibusque vt plurimum (quandoque enim etiam glande & pomo) victitat. Carniuora autem istæ cum quædam diurna, quædam nocturna habeantur, primi generis sunt Aquilæ, vultures, accipitres, falcones, milui, coruini generis aues, Psittaci, & alij qui rostrum habent curuum & pedes aduncos: Secundi vero bubo, Asco, siue otus, aluco, vlula, noctua, strix, caprimulgus &c. Ad secundam classem reduci debent aues terrestres, ita appellatæ quod neque in aqua, nec circa eam degant; quarum triplex potissimum genus est, graniuorum scilicet, bacciuiorum, & vermiuorum; sed cum rursus graniuoræ alie pulueratrices sint, alie lotrices, alie pulueratrices & lotrices simul ex Philosopho lib. 9. histor. animal. cap. 59. ad primam speciem pertinent paucos, galli indici, phasiani, perdices, gallinæ cum villaticæ, tum Africanæ; ad secundam & tertiam columbi, turture, passeris alijque similes; inter aues autem bacciuioras primū obtinent locum turdus & merula; Vermiuoræ verò sic appellatæ, quia vermibus potissimum aluntur, sunt regulus, hirundines, pari, pupa motacilla &c. sunt qui tribus supradictis generibus quartum addant auium canorum, quæ videlicet deliciarum tantum causa in caueis aluntur; quod tamen non ita intelligendum est, ac si proprium quoddam genus à reliquis omnibus alijs auibus diuersum constituent. Quasdam enim quæ granis vescuntur graniuoris accenseri posse, alias quæ vermibus inter vermiuoras locum habere, nonnullas denique alijs de causis alicui alio ex iam commemoratis generibus annumerari posse.

latis ex se constat; verum quia huiusmodi argute auiculæ hoc præter cæteras peculiare habent, vt cantus sui tantum gratia, quo inter reliquas volucres celebres & insignes existunt, educari cōsueuerint, eam ob rem merito ab alijs distingui solent; huiusmodi sunt lusciniæ, carduel, spinus seu ligurinus, fringilla, alaada &c. In tertia tandem & vltima classe reponuntur aues aquaticæ, quæ vel in aqua, vel circa eam degunt: vnde etiam duplex illarum genus, vnum scilicet in aquis degentium, quæ *salustius*, id est palmipedes vocantur, vt cigni, anseres, anates; alterum propè aquas obuersantium, has tamen non intrantium, vel si intrant non natant, vt potè fisispedes, atque adco ad natandum ineptæ, cuiusmodi sunt ciconiæ, ardeæ, grues, gallinagines, & id genus alie. Tantum de quadruplici animalium diuisione in gradientia, repentia, natantia & volantia.

At quia alijs etiam modis animalia distinguuntur: vt quædam exanguia, quædam sanguinem habentia: alia perfecta, alia imperfecta & annulata, quæ insecta dicuntur, quorū corpora incisuris præcinguntur, aut parte tantum prona aut supina, quæ omnia potissimum sanguine carent: cum inquam res ita se habeat, & huc vsque tantum egerimus de animalibus sanguineis, superest vt aliquid breuiter dicamus de exanguibus; quorum quatuor genera constituit Aristoteles lib. 1. histor. cap. 4. Molle siue Malachium, Crustatum, Testatum, siue Cōchilium, & Insectum; quibus addi potest & quintum Zoophitum, hoc est eorum, quæ inter plantam, & animal naturam ambigunt: etsi enim propriè animalia dici non mercantur: tamen cum multa habeant cum exanguibus communia rectè illis annumerantur; præsertim cum Aristoteles in libris suis de animalibus eorū naturam persequutus sit, sicut multi quoque recentiores. Incipiendo iam à mollibus, siue à primo genere mollium, cum molle dicatur omne quod est tenerum, atque cedens, cui

contrarium, quod durum est; Latini mollia appellant animalia illa, quæ sanguine carent, & foris carne molli obdacta, solidum intus modo sanguinei generis continent; Grecis *μαλακία* dicuntur; quod inquit Galenus lib. 3. de aliment. facult. neque squamam, neque asperam, neque testaceam cutem habeant, sed mollem, perinde ac in hominibus est; vt Polipodes, Sepiæ, Lolligines, quæ tangenti quidem mollia videntur, quia neque squamas, neque asperum, neque testaceum tegumentum habeant, duræ autem sunt carnis. Vt autem huic secundo generi, primum mollium præcellere dicitur, non ab usu atque utilitate, ita enim Conchylia, & crustata præcederent, sed à corporis partibus, quarum maiorem numerum, & robur habent; ita etiam crustatum genus præferri debet testaceis siue ostracodermis: non quod maiorem hominibus præbeant utilitatē (ob hanc enim plurima testaceorum, nominatim vero ostræ, & Purpuræ, Astartis, cancris, locustis, cæterisque crustaceis essent anteposenda) sed quod membræ omnia distinctiora habeant, perfectioraque atque item plura. Ad hæc maior etiam est prudentia in his quærendo cibo, maiorque in persequendo, fingiendoque hoste celeritas: & maius denique iu pugna robur, ad quam apta habent instrumenta. Contra testaceis, humida cum sit eorum natura, parum cerebri, ac per consequens prudentiæ nihil, vel parum, ac motus etiam parum natura tribuit. Porro Crustaceorum, quæ Greci & præsertim Aristoteles *μαλακίσματα* vocat, septem aliqui genera constituunt, nimirum Astartes, Squillas, Locustas, Erinaceos, Vrsos, Cancros, & Paguros; verū Aristoteles lib. 4. de partibus animal. cap. 8. quatuor tantum enumerat: summa, inquit, crustatorum genera quatuor numero sunt: locustæ, Gammari, Squillæ, Cancræ: quæ singula in plures species distinguuntur, quæ non modo forma, verum magnitudine, multum inter se differunt: alia enim magna, alia parua admodum sunt. Alibi

quinque constituere videtur, Echinum his quatuor generibus annumerans: sic enim loquitur lib. 4. citato cap. 5. natura autem crustatorum, contrā quā mollium constat. Altera enim carnis molliem extra habent, altera intra: hinc foris terrenam duritiem obtinent: quāquam Echinus nihil habeat carnis; verum cum idem Philosophus pluribus in locis disertè Echinum inter testacea recenset, melius tertio generi annumerandus est. Tertium igitur animalium exanguium genus est testaceorum, siue Conchyliorum, quæ Greci *ὀστρεακίδια* nuncupant, ac si testaceæ cutis animalia dicas; vel quæ silicea testa conclusa muniuntur, hoc est, quibus pars carnea intus, solida foris, fragilis, atque ruptilis, non collisilis, inquit Aristoteles; quod genus concharum & ostræarum est: in quibus tanta ludentis naturæ varietas est, tot colorum differentiæ, tot figuræ, vt vix numerari possint.

Quarto loco sunt animalia insecta; ea videlicet animalia exanguia, quæ vt nomen ipsum declarat, incisuras partes sui, vel supina, vel prona, vel etiam utraque possident; nec osseum quicquam discretum, aut carneum, sed quiddam inter hæc ipsa medium continent: quippe quæ corpore pariter intus, forisque duro constent. Aristoteles *ἑρπετα* vocat, Pliuius insecta ab incisuris, ac lineari-bus quibusdam diuisuris, quibus, vt statim dicebam, sunt insignita, nonnunquā etiam rugosa, Albertus annulosa, quoniam corpora eorum per quosdam annulos formata esse videantur, & distincta. Cum autem insectorum innumera ferè sint genera & species, distingui possunt in primis loco in quo degunt, vel nascuntur, quatenus alia in simplicibus vt igne, aqua, aëre, terra: alia imo pleraque in mixtis, iisque vel naturalibus, vel artificialibus: in naturalibus rursus, vel imperfectis, vt niue; vel perfectis vt in fossilibus, plācis, animalibus, (nempe hominibus, canibus, ouibus, piscibus & consimilibus alijs) eorumque partibus, & excrementis: partibus autem vel
simi-

similaribus, vel dissimilaribus: excrementis vel siccis, vt in lana; liquidis vt in caseo, butyro, cera. Secundo corporis sui qualitate nempe colore differunt, quatenus alia dicuntur vno tantum prædita colore, alia diuerso, hæcque vel in vna parte tantum, vel in pluribus, vel in toto corpore, vt papilioes nonnulli, multaque Erucarum genera. Tertio quantitate, ab illa enim alia dicuntur longa, alia curua, alia magna, alia parua, alia rotunda, alia angulosa, aliaque ouata. Quartò partium ratione, alia enim sunt apoda, hoc est pedibus carentia, quorum non paruus est numerus, vt Lumbricorum genera. Alia pedes habent, horumque alia paucos, sed non pauciores, quam sex; alia multos, quæ multipeda dicuntur, quorum quæ pauciores habent quatuordecim, vt Erucarum genera. Iam verò pedes habentium, alia alas, siue pennas habent, alia pennis carent. Pennatorum rursus, alia alas habent apertas, siue semper conspicuas, vt papilioes, muscæ, apes; alia velut in vagina oclusas, atque lectas, quæ Coleoptera Græci, Gaza Vaginipenna ex Plinio vocat, qualia sunt Scarabei, Cantharides, quibus alæ sunt in propatulo, horum alia binis, vt muscæ, alia quaternis, vt Apes, prædita sunt. Visu item, generatione, motu siue gressu, nec non & coitu, cum inter se multum differant, ab his quoque plures alie insectorum diuisiones adduci possent, sed de his satis; nunc ad Zoophita. Primum igitur, quia nec animalium, nec fruticum seu plantarum, sed tertiam ex vitroque naturam habet, & vt loquitur Aristoteles *ἡ ἀμφίβια ζῷα* *ἐν τῷ ὕδατι καὶ ἐν τῷ αἵματι*, id est ambigentia plantæ & animali, rectè *ἡ ἀμφίβια* Græcis dicuntur: Latine autem ea nominare non possumus, nisi plantanimes, aut plantanimalia vocemus. Talia sunt, Vrtica, Strobathuria, Tethya, Mentula, marina, Malum insanum, cucumis, pulmo, Spongia, & reliqua similia, quamvis Spongia aliqui inter plantas imperfectas collocent. Tantùm de animalibus tam in communi, quam in particu-

lari; de quibus cum multi tam ex antiquis, quam ex modernis Scriptoribus egerint, Aristoteles, Georgius Agricola, Aelianus, Albertus Magnus, Michael Ephisus, Conradus Gesnerus, Christophorus Guarinonius, Gaspar Peucerus, Ioannes Fabricius Montanus, Guillelmus Rondeletius, Simon Maiolus, Petrus Belonius, alijque plures; vnus tamen pro omnibus abundè sufficere potest Vlysses Aldrouandus Philosophus & Medicus Bononiensis, qui vniuersam animalium historiam vndecim tomis in folio, vnà cum eorum iconibus accuratissimè conscripsit. Superest iam vt videamus quantum referat ad sacræ doctrinæ studium huiusmodi historia; pro intelligendis præsertim sacris Scripturis.

Ad primum igitur caput Geneseos, vbi agitur de creatione animalium, primum aquatiliū, deinde volantiū, tertio gradientium, siue terrestrium; plures institui possunt quæstiones, aut difficultates ex ipsamet animalium natura dissoluendæ. I. quam ob causam creata prius sunt aquatilia, quam terrestria. Quod ordine generationis, quæ sunt imperfectiora, præmitti soleant. Sunt autem pisces ex toto genere imperfectiores, quam terrestres animantes: non sane quia pisces memoria careant, vt docet Basilus homil. 8. in Genesim, hoc enim merito refellit D. Augustinus lib. 3. de Genesi ad litteram cap. 8. contrarium demonstrante experientia, & ratione, qua probatur, quibuscumque animantibus concessus est motus localis, quo necessaria vitæ conservandæ quærerentur, his necessariam fuisse memoriam, ne motus eorum vagus & incertus ageretur; sed ob alias plures rationes, primò temperamenti corporis eorum multò imperfectioris, argumentum est exiguum alimentum, quod præbent pisces. In piscibus quoque obscurior est figuratio & digestio membrorum. Deinde omnes sensus tam internos, quam externos, imbecilles & imperfectos habent pisces, cum viuant in aqua, quæ crassius est cor-

pus quam aër. Ad hoc, nunquam possunt pisces ab homine mansucri, nec se ab eo contrectari sinunt, nec possunt quicquam condoceri, nec humanæ cōsuetudinis & societatis sunt capaces; excipias paucos quosdā, velut Delphinum, de cuius docilitate, & amore erga homines, & cum hominibus societate, ac consuetudine, mira narrant, cum alij, cum Plinius lib. 9. cap. 8. & Plutarchus in libro in quo disputat, utrum ratio sit in brutis, & utrum plus rationis sit in aquatilibus, quam in terrestribus. II. cur Latinus interpres pisces appellauit reptilia; de quo vide S. Bonauenturā in 2. distinct. 15. ubi ita distinguit reptile. Animal omne, inquit, quod mouetur, aut mouetur impellendo se in anteriora, idque facit vel pedibus & est gressile, vel alis & est volatile; aut mouetur seipsum trahendo antrorsum, idque fieri potest quatuor modis: vel ut trahat se vi oris, sicut vermes; vel vi costarum & ventris sicut serpentes: vel vi pinnularum sicut pisces: vel denique dicuntur repere non propriè, sicut lacertæ & stelliones &c. En quomodo ex principijsmet Philosophici redditur ratio cur Latinus interpres pisces appellare poruerit reptilia; quamuis Hebræum vocabulum non hoc propriè significet.

III. Ad illud Genes. 1. *Producant aqua reptile*, quæri potest quomodo dicantur pisces producti ex aqua; an tanquam ex materia, an tanquam à causa efficiente; certè ex historia animalium respondendum est; pisces dici à Mose productos ex aquis tanquam ex materia: nō quod ex aqua sola soleant, aut etiam possint naturali via & ratione generari; (etenim pisces cum sint mixta perfectæ, non ex sola aqua constant, sed ex quatuor elementis) sed quod in illis prapolleat aqua, non quidem quantum ad grauitatem, sed quantum ad humiditatem & frigiditatem, & ratione temperamenti piscium, quod est planè aqueū: & quod aqua sit naturalis eorum locus habitationis, generationis, conseruationis, extra quem nec gigni, nec bene haberi,

nec naturales actiones suas exercere, nec vitam tueri queant. Primi igitur illi pisces proximè à Deo ex sola materia aque ita creati sunt, vt tamen ei fuerint additæ reliquorum elementorum formæ, & qualitates. IV. Cū ubi secundum latinam lectionē legitur *producant aqua reptile*, sit in Hebræo verbum שָׂרָא *Saras*, significans non quamlibet productionem, sed in maxima copia, vbertate & abundantia, ceu scaturiginem & ebullitionem quamdā; huius verbi emphasis probat vulgo iactata opinio Philosophorum, multò vberiore & copiosiorē esse, piscium quam ceterorū animalium generationem; Aristoteles enim lib. 3. de generatione animalium cap. 11. ait: *Hinc etiam fit, vt multi formiora sint, quæ in humore gignuntur, quæ quæ in terra, humor enim naturam habet ad effingendum efformandumque habiliorē quam terra*. His consentanea docet Plinius lib. 9. cap. 2. nam cum dixisset, quæ sunt in aquis, & plura & maiora esse terrestribus subdit, *causa*, inquit, *evidens est humoris luxuria* &c. adde etiā & ingentem copiam ouorum, quæ in piscibus inuenitur, quo licet intelligere illorum, quam aliorum animalium, & multitudinem & varietatem esse maiorem; vnde rectè David cecinit in Psalmo 103. *Hoc mare magnum & spatiosum manibus illius reptilia, quorum non est numerus*. V. ad illud, *creauit Deus cetæ, grandia*, ubi per cetæ, non intelligitur vna aliqua species piscium, sed omnes grandioris formæ & vastioris corporis pisces, quos etiam Aristoteles cetos appellauit, vt vidimus supra; ad illud, inquam, valet quod in historia animalium docetur, & enarratur de enormi quorundam piscium magnitudine, nimirū ob vbertatem materiæ aqueæ, habilitatemque ad quantumuis extensionem; vnde etiam ad declarandam tantam piscium molem & multiplicationem peculiariter dicitur Deus benedixisse piscibus, dicens, *crecite & multiplicamini*, benedictio autem Hebræicè dicitur *Barach*, qua voce copia & affluentia designa-

gnatur, videlicet ad indicandam propè infinitam piscium multitudinem, ac varietatem.

VI. Quod latinus interpres habeat Genes. 1. *Producat aqua reptile animæ uiuentis, & volatile super terram sub firmamento celi.* Deinde verò cap. 3. *Formatis igitur Dominus Deus de humo cunctis animantibus terræ, & uniuersis volatilibus celi, adduxit ea ad Adam;* magnam continet difficultatem an aues similiter, vt terrestres animantes, è terra sint generate; an verò vt pisces ex elemento aquæ pugnâtibz pro vtraque parte, grauissimis Doctoribus tam antiquis, quam recentioribus; ex D. Augustino lib. 3. de Genesi ad litteram cap. 3. D. Thoma 1. p. quæst. 71. art. 1. dicendum est, aues non esse factas ex humo, neque ex aqua densa, quæ per terram labitur, & in ipsa terra continetur, sed ex aqua in vapores tenuata, & in nubes conformata, quæ inferiorem aëris regionem, in qua volitant aues, ascendit & obsidet. VII. ad illud idem cap. 2. Genesios, vbi Moses tradit creationem terrestrium animantium his verbis: *Dixit quoque Deus, producat terra animam uiuentem in genere suo, iumenta & reptilia, & bestias terræ secundum species suas:* ad illud, inquam, illustrandum inferuiunt multæ quæstiones Philosophicæ de causa efficiente, prima generationis animalium. Deinde vtrum in exordio mundi creata sint animalia quæ generantur ex putri materia; item illa quæ generantur ex diuersarum specierum commixtione, veluti mulus ex equa & asino, ex hitco & oue Tityrus, ex leæna & pardo Leopardus, ex lupò & cerua lynx &c.

Tandem cum nullum sit ferè animalium genus, nullaque species; quorum in diuinis Scripturis non fiat mentio, & à quorum natura, vel proprietatibus non desumantur multæ similitudines, satis patet quam sit necessaria illarum studio accurata historiarum animalium notitia. Vnde quis ad hunc finem, vel iuxta ordinem librorum Sacræ Scripturæ, locorumque illius in quibus fit mē-

tio alicuius animalis; vel iuxta eorumdem animalium diuisionem aliquam ex superius allatis, posset colligere ea omnia, quæ ex natura & proprietatibus animantium, tum litterali, tum mystico diuinarum Scripturarum sensui eruendo sunt necessaria; qua in re habemus opus eximie eruditionis Ioannis Buthamantini de animantibus Scripturæ Sacræ sex libris distinctum, in quorum primo, secundo, tertio, & quarto agitur de animantibus Scripturæ Sacræ reptilibz verè dictis, hoc est de serpentibus, singulisque eorum speciebus; in quinto verò & sexto de reptilibz terrestribz communiter dictis; quæ licet pedes habeant, quia tamen exiguos, & parum se attollunt humo, magnamque partem corporis dum mouentur applicant terræ, propterea etiam repere dicuntur, minus tamen propriè vt diximus supra. Item Ludouicus Balester Hierologiarum libro 4. qui est de substantia corporea sensitiua agit capite primo de substantia, quadrupeda mansueta domestica; secundò de substantia quadrupeda mansueta agresti; tertio de substantia quadrupeda fera grandioti; quarto de quadrupedibus feris minoribus; tum de substantia animali reptili, insecta; denique de substantia animali aquatili, & volatili tam maioris, quam minoris quantitatis: quarum potissimum fit mentio, in Sacris Scripturis. Berchorius quoque tam in suo dictionario seu repertorio, quam reductorio morali; Lauretus in Sylua Allegoriarum, Ioannes à Sancto Geminiano lib. 4. & 5. summæ de exemplis, & rerum similitudinibus, multa circa hanc eandem materiam habent; & denique Vlisses Aldrouandus dum mystica vniuscuiusque animalis explicat, adducit pluribus Sacræ Scripturæ locis.



CAPVT IV.

*Quantum referat ad Sacra doctrina su-
dium humana historia, ab orbe con-
dito, usque ad primam Mo-
narchiam Babylo-
nicam.*

ET si plures, æque valdè celebres temporis diuisiones adduci possent, quibus tota mundi duratio secundum notabiles varietates in illo factas distribui solet; nihilominus illa dumtaxat hic vitur; qua historia vniuersalis explicat res, vel ante Monarchias ab orbe condito, vel sub quatuor Monarchiis ad hæc usque tempora gestas. Igitur incipiendo à prima periodo defluente, ab orbe condito usque ad primam Monarchiam, hæc complectitur annos circiter 1841. Ab orbe enim condito ad diluuium Noëticum inclusiue, communis peritorum calculus ponit ann. 1657, pro vt nempè Vulgata editio, & fons Hebræus eos annos exhibent Genes. 5. à diluuiio autem usque ad Monarchiæ primæ principium annos 135. Genes. cap. 10. & 11. vbi Spiritus Sanctus edificationem Babel tanquam primum, & eum quidem angularem lapidem Monarchiæ primæ annotauit. Loquendo enim de Nemrod ait cap. 10. v. 10. *Fuit autem principium regni eius Babylon.* Itaque ante Monarchiam primam, à mundo condito, annos ferè totos 1841. nullum propriè loquendo supremum fuit imperium in mundo, sed potius omnia intra paternæ autoritatis metam consistebant, diutissimè tum patribus viuentibus, & in suos, qui per innumeros interea generis gradus propagati, in maximam multitudinem excrescerent, eandem potestatem retinentibus. Hinc veteres tempora mundi distribuerunt secundum τὸν ἀρχαῖον, ὑπάρχον καὶ ἐκ τῶν ἀρχαίων in homine: vt primam ætatem ante Monarchias adscripserint τῷ ἀρχαίῳ, vbi excelluit sapientia, cum artes essent inuentæ, & gubernatio paterna sapien-

tiæ, iustitiæ, & autoritatis adhuc plena vigeret: Secundam ætatem adscripserint τῷ ὑπάρχον, in qua fortitudo bellica, donec imperia fuerunt constituta, & ad summam perducta, excelluit, quæ usque ad Monarchiam quartam, tumultibus plenam, paulatimque languescere incipientem, & ob id ἐκ τῶν ἀρχαίων di-
ctam durauit.

Summatim loquendo de statu generis humani ante Monarchias constitutas, siue de rebus Antemonarchicis, refertur primò creatio mundi, & hominis, siue opus sex dierum: scilicet primo die factum esse cælum, terram & lucem; secundo factum esse firmamentum; tertio factum esse mare, & aridam cum herbis, & plantis; quarto factum esse solè, lunam; & stellas; quinto productos esse pisces & aues; sexto iumenta, reptilia, bestia & hominem, eisque Deum benedixisse & cibum assignasse, cæterisque hominem quasi dominum præfecisse, Genes. 1. & 2. Secundò, narratur plantatio paradisi, formatio Eux ex costâ Adæ, Ecclesiæque & coniugij institutio in Adamo & Eva Gen. 2. & 3. Tertiò, lex proœplasticæ lata, vt obedientiæ exercitium extaret, Genes. 2. Quartò, institutio dominij, ibid. Quintò, lapsus, causa mortis & calamitatum, quibus in hac lachrymarum valle premimur. Gen. 3. Sextò, Christi redemptoris promissio, siue Euāgelij de semine mulieris promulgatio, ibid. Septimò, primæ sobolis procreatio, Genes. 4. Octauò legis ob fratricidium Caini concio, & homicidij prohibitio, ibid. Nonò, artium apud primos patres inuentio, ibid. Decimò, annorum à condito mundo annotatio, Genes. 5. Undecimò, corruptissimi inter homines status, diluuiique cum omnibus circumstantijs narratio; videlicet, quod Noe præco iustitiæ per centum viginti annos extiterit; cum verò penitentiam agere, nollent homines, arcam iussu Dei extruxerit, in qua cum filiis & animalibus durante diluuiio (durauit autem integrum annum solare) habitauit. Pluebat autem per dies quadraginta, & montes editi-

risimos & 5. cubitis aquæ superabant 5. 6. & 7. Hæc est summa rerum vsque ad diluuium inclusuè, à principio mundi incipiendo.

Post diluuium restant tria capita, quæ donec Monarchicus status fuit stabilitus summam rerum continens, nempe caput 8. diluuii recessum, & Noë cū omnibus suis ex arca egressum, qui offert sacrificium Deo, per quod placatus, promittit deinceps non fore diluuium. Cap. 9. Noë & filiorum eius benedictionem; eius carniū indulgentiam, non tamen sanguinis; homicidij interdictio- nem; iridis significationem de non inducēdo amplius diluuiū, & Noë ebrietatem. Capite 10. recensentur Genealogi filiorum Noë, Iaphet, Cham & Sem, eorumque per orbem partitio, ex his enim & eorum posteris celebriores gentes ortæ & nominatæ sunt. Iosephus lib. 1. Antiquitatum cap. 6. & Sanctus Hieronymus in questionibus Hebraicis referunt, Iaphet eiusque posteros occupasse Europam, & partem Asiæ Scē rē- rionalē ad occasum vergentem, à Tau- 70 & Amano monte vsque ad Tanaim: Cham verò & eius posteros occupasse partem meridionalem Asiæ, ab Amano & Tauro, atque totam Africam. Sem denique & eius posteros occupasse Asiæ partem orientalem, ab Euphrate vsque ad Oceanum indicum, vide Arianum. Monranum in suo apparatu, in Phaleg, siue de primis gentium originibus: Cornelium à Lapide, cæterosque interpre- tes ad cap. 9. & 10. Geneleos.

CAPVT V.

*Quantum referat ad Sacra doctrina stu-
dium humana historia sub Mo-
narchia prima.*

Cum nomine Monarchiæ nihil aliud hic intelligatur, quàm sum- mam à Deo in mundo constitutum im- perium; tot sunt numero Monarchiæ, quot sunt ex diuinis Scripturis summa- eiusmodi imperia, quatuor autem enu-

merantur apud Prophetam Danielem, Assyriacum, Persicum, Græcum, & Ro- manum: primumque vaticinium extat cap. 2. v. 31. & sequentibus; vbi Prophe- ta Regi Babylonio sequens somnium, in mentem reuocat: Tu rex videbas, & ecce quasi statua vna grandis: statua illa magna, & statua sublimis stabat contra te, & intus eius erat terribilis. Huius sta- tua caput ex auro optimo erat, pectus autē & brachia de argento, porro venter & fe- mora ex ære. Tibia autem ferrea, pedū que- dam pars erat ferrea, quadam autem sciti- lis. Videbas ita, donec abscissus est lapis de monte sine manibus: & percussit statuam in pedibus eius ferreis, & scitilibus, & cō- minuit eos. Tunc contrita sunt pariter ferrum, testas, æs, argentum, & aurum, & redacta quasi in fauillam essine æres, qua rapta sunt vento: nullusque locus inuen- tus est eis: lapis autem qui percusserat sta- tuam, factus est mons magnus, & imple- nit vniuersam terram: Hoc est somnium: interpretationem quoque eius dicemus co- ram te, rex. Tu rex regum es, & Deus celi, regnum, & fortitudinem, & imperiū, & gloriam dedit tibi: & omnia in quibus habitant filij hominum, & bestie agri: vo- lucres quoque celi dedit in manu tua, & sub ditione tua vniuersa constituit: tu es ergo caput aureum. Et post te consurget Regnum aliud minus te, argenteum: & Regnum tertium aliud æreum, quod impe- rabit vniuersa terra. Et Regnum quartum erit velut ferrum; quomodo ferrum com- minuit & domas omnia, sic comminet & conteret omnia hæc &c.

Alterum Danielis vaticinium de hoc quaternatio Monarchiarum numero ha- betur cap. 7. versu 2. & sequentibus: Vi- debam in visione mea nocte, & ecce qua- tuor venti celi pugnabant in mari magno. Et quatuor bestie grandes ascendeant de mari diuersa inter se. Prima quasi leona alas habebat aquilæ: aspiciebam donec enu- lsa sunt ala eius, & sublata est de terra, & super pedes quasi homo stetit, & cor homi- nis datum est ei. Et ecce Bestia alia simi- lis vrsō in parte stetit, & tres ordines erant in ore eius, & in dentibus eius, & sic di- cebant

cebant ei: surge, comede carnes plurimas. Post hac aspicebam, & ecce alia quasi pardus, & alas habebat quasi avis, quatuor super se, & quatuor capita erant in bestia, & potestas data est ei. Post hac aspicebam in visione noctis, & ecce, Bestia quarta terribilis, atque mirabilis, & fortis nimis, dentes ferreos habebat magnos, comedens atque comminuens, & reliqua pedibus suis conculcans. Dissimilis autem eras cateris bestiis, quas videram ante eam & habebat cornua decem. Considerabam cornua, & ecce cornu aliud parvulum ortū est de medio cornuum: & tria de cornibus primis enutrisunt à facie eius: & ecce oculi, quasi oculi hominis, erant in cornu isto, & os loquens ingentia, &c. Horruit spiritus meus, ego Daniel territus sum in his, & visiones capitis mei conturbaverunt me. Accessi ad unum de assistentibus, & veritatem querebam ab eo de omnibus his. Qui dixit mihi interpretationem sermonum, & docuit me. Hæ quatuor Bestia magna quatuor sunt regna, quæ consurgent de terra. Præcisè ergo his duobus Prophetæ locis quaternarius Monarchiarum numerus est demonstratus: quomodo autem singula tam horum, quam aliorum vaticiniorum membra ad singulas Monarchias quadrent, id in sequentibus planè faciemus, præsertim ultimo huius capituli paragrapho & sequentium.

Incipiendo igitur à Monarchia prima, dicendū est fuisse summum, à Deo in mundo constitutum imperium, quod penes Chaldeos, & Assyrios stetit à Nembrod siue Belo vsque ad Nabonnedum, quem Cyrus Persa vicit; Danielis 2. v. 38. per aureum caput statux, & cap. 7. per primam bestiam similē Leoni præfiguratur. Sic à subiectis nationibus hæc Monarchia, Chaldaica & Assyriaca est appellata, non quasi hæ gentes Chaldeorum & Assyriorum, distincta alia, & peculiariter regna habuerint, sed quod alternatim hanc potentiam possederint. Appellatur etiam Babylonica, & ipsi eius Monarchiæ in sacris literis vocantur reges Babylonicæ, ob Babylonem civitatem, quæ totius regni, & im-

perij Metropolis fuit, quamvis non semper ab his regibus habitata, quo Merodachi domus, tertia huius Monarchiæ regum series, sedem transtulit, vt ceu postliminiò gentem & urbē redijisse imperium videretur. Circa determinationē temporis, quo hæc Monarchia in mundo duravit, variant auctores ob incertitudinem initij, quod in hac Monarchia statuendum est. Nos auctoritatem Sacræ Scripturæ sequentes, primum Monarcham Nembrod fuisse existimamus. Genesios enim 10. vers. 8. dicitur, quod potens caperis esse in terra, & robustus fueris venator coram Domino. & versu 10. quod fueris principium regni eius Babylon. Etsi autem putent aliqui interpretes, Nemrod hunc fuisse, vel antecessorem, vel vt Berosius Annianus ait, Patrem Iouis Beli; auum verò Nini, scilicet Saturnum primum; melius tamen cum S. Hieronymo, Augustino, Eusebio & alijs dicendum est, Nemrod hunc fuisse ipsummet Belum, qui fuit pater Nini. Nam Nembrod & Beli tyrannis, mores, tempus, & regia Babel per omnia conueniunt, & quod vterque fuerit primus rex Babylonis: primus enim rex orbi terrarum cognitus iuxta Scripturas Sacras est Nembrod, & iuxta prophanas est Belus; ex quibus non male conijcitur Nembrod esse Belum, patrem Nini; quem filius iussit quasi Deum publicè diuinis honoribus coli: atque hinc ex Belo idola apud Hebræos, Syros, & Phœnices vocata sunt Bel, Baal, Baalim, Bel enim, vel Baal idē est, quod Belus. Beli ergo proprium nomen fuit Nembrod, qui appellatiuè & antonomasticè dictus est Bel, Baal & Belus, id est, Dominus & Dominator: sicut etiā num Tartari & Turcæ suum regem magnum Cham, siue magnum Dominum, appellant. Notandum insuper ita Nembrod fuisse auctorem, & conditorem turris & urbis Babel; vt eam tamen postea restaurarit, mirèque auxerit & ornarit Semiramis vxor Nini, quæ de causa ab ea conditam esse Babylonem asserunt Herodotus, Diodorus Siculus Strabo

bo & alij; quibus etiam testibus eidem. Belo tanquam primo Ioui, primoque & communi Gentium Deo magnificentissimum extruxit Templū, in quo erat eius sepulchrum, magnitudine structuraque mirandum erat enim ex Strabone lib. 16. stadij altitudine. Atque hæc videtur aliquibus fuisse origo Idolatriæ, licet enim Tertullianus lib. de Idolatria putet idola fuisse ante diluuium, tamen Cyrillus lib. 1. & 3. contra Iulianum asserit idolatriam nobis notam sumpsisse originem post diluuium à patre regis Nini, quem ipse Arbelum vocat, nos Belum nominamus. Huius rei indicium quoque est, quod pleraque idola Gentium, præsertim Orientalium, ab hoc Bel, siue Belo denominata sint, vt Beelzebud, Beelphegor, Baalberith, Balsames. De Beli statuis, harumque cultu euertendo vaticinatur, Isaia c. 46. & Ierem. 50. fususque agetur infra lib. 4. scæ. 2.

Priusquam autem in specie de singulis singularum sub hac prima Monarchia familiarum regibus, & Monarchis agamus breuiter eorum Catalogum pertexendo, sciendum est tamen hæc Monarchia omnium florētissima fuerit, expertem tamen mutationis non fuisse, quin tribus præcipue vicibus ita mutata & quassata, vt in totidem Dynastias distribui omni iure possit. Prima fuit à Nembrod siue Belo vsque ad Sardanapalum ob flagitiosam voluptatem, qua distinebat, ab Arbace Medorum præfecto imperio exutum, & in angustias desperationis redactum. Stetit ann. 1330. quamuis Eusebius dicat 1240. & Iustinus lib. 1. 1300. & Diodorus lib. 2. 1400. & Orosius lib. 2. 1160. Secunda Dynastia fuit Phul Belochi, cuiusque stirpis, vsque ad Assarhaddonem, annos circiter 107. in quo hæc familia desijt, quæ non solum Babylonem, sed ipsum Assyriorum Imperium seu Ninium cum Babylone continua successione tenuit. Nā postquam Arbaces Sardanapalum vicit, ipse profectus in medos Phul Belochi, qui & Belesis, socio rebellionis contra

Sardanapalum Babylonem & Assyriam commendauit, ita vt hæc dynastia diuisi in Assyrios, & Medos imperij fuerit ultra 300. annos. Tertia Dynastia, quæ teste Iosepho lib. 10. secundam sustulit durauit Babylone circiter annos 200. à Merodach Baladan vsque ad Nabonnedum vltimum huius Monarchiæ regē. Merodach enim Baladan, cum regnaret in Babylone, eo ipso tempore quo Assarhaddon in Ninie vt patet ex lib. 4. Reg. cap. 10. & 20. etiam post Assarhaddonem habita Ninie, Babylonem regni sedem tenuit, vt ceu postliminio ad gentem & urbem redijisse imperium videretur; unde post illum non sit amplius mentio in sacris litteris Regum Assyriorum, sed solum Babyloniorum. Cæterum hanc primam Monarchiā, incipiendo à Nembrod, nos vt probabilius, tom. 2. lib. 3. scæ. 1. cap. 63. docuimus stetisse per annos 1578. vsque ad annum mundi 3419 quo Cyrus Chaldeorum hostis, & Iudeorum amicus Chaldeos euertit, & Monarchiam ad Persas transtulit, ideoque Iudeos è Babylone liberauit.

Catalogus Regum Chaldeorum, & Assyriorum in dynastia prima.

Primus huius Monarchiæ rex fuit Nembrod, qui vt supradictum est fuit idem ac Belus, filius Chusi, nepos Chami, pronepos Noe. Suidas vocat eum Nebrot, seu Nebrodem; tribuuntur ei anni imperij 65.

II. Fuit Ninus, Genes. cap. 10. ver. 11 dictus Assur, quem licet Iosephus & ex eo Augustinus lib. 16. de Ciuit. Dei c. 3. Hieronymus & alij putent fuisse secundum filium Sem, probabilius tamen Pelerius, Delrio, Cornelius à Lapide & alij citato Genes. loco asserunt hunc Assur non tantum esse Ninum, quod omnes concedunt, sed etiā Beli, siue Nembrod filium; vocatur autem Assur, vel quia binominis erat, vel potius per anticipationem, quia postea fuit primus rex & Monarcha Assyriorum. Babylonem enim Regiam imperij aspernatus, cam-

Niniuen de suo nomine ædificatâ tranſtulit, ſicque ſtatim à primordio Babylonicum ſeu Chaldeum eſſe deſijt, & Aſſyrium eſſe incepit imperium. Armenis, Medis & Aſia, vſque ad Bactrianos ſubiugatis, ex iſtâ ſagittâ in oppugnatione cuiuſdam vrbis anno 52. imperij periijt, regnum Semiramidi vxori relinquens. De vrbis Nini, ſeu Niniues magnitudine vide Prophetam Ionâ cap. 1. & 3. vbi vocatur ciuitas itineris trium dierum. Geneſeos vero cap. 10. *Ciuitas magna*; ambitus enim vrbis erat 480. ſtadiorum, id eſt ſexaginta miſium paſſuum, altitudo murorum erat pedum 100. latitudo tanta, vt tres curruſ ſimul incederent, turres habebat 150. ſingulas altitudinis 200. pedum, ita ex Diodoro, & Strabone.

Tertio loco regnauit Semiramis, tam celebris in hiſtorijs ac Ninus ipſe. Eius facta & res geſtæ fuerunt, amplificatio Babylonis, eiſque muri, qui in ſeptem mundi ſpectaculis numerantur. Media quoque & Perſia ab ipſa perluſtrata, Aegyptus, Aethiopia, & Lybia vaſtata, donec anno ætatis 62. regni verò ſui 42. in bello Indico occubuit, incertum, vulneribus eo bello acceptis, an ſcelere ſui filij, quem Nino Regi enixa erat. A mari enim obitu incontinentiſſima fuiſſe ſcribitur, præſtantiſſimos forma & decore in caſtris viros ad concubitum legere ſolita, quos deinde necari; quam ipſam ob cauſam, quod filium ad hoc flagitium ſollicitare auſa ſit, à filio iugulata exiſtimatur.

III. Fuit Ninus ſiue Ninyas, alijs Zameis, Nini & Semiramidis filius, qui mollius à matre educatus Ammonis oraculo ei inſidiator prædicitur. Imperium adeptus, depoſito belli ſtudio, voluptatibus ſe totum mancipauit, donec anno 38. regni ſui finiuit. Sunt qui putant ipſum fuiſſe Amraphel, cuius Moſes Geneſ. 14. meminit, & vocat regem Sennaar, ſiue Babylonis.

Dehinc vſque ad Sardanapalum numerantur 32. Reges ſiue Monarchæ, quorum nomina hæc ſunt: Arius, qui

regnauit ann. 30. Aralius 40. Xerxes vel Balaneus 30. Armametes 38. Belochus I. 35. Baleus 52. Altadas 32. Marnitus 30. Moucaleus 30. Spherus ſeu Saphrus 20. Mamelus 30. Sparctus ſeu Sputæthus 40. Aſcades 40. Amynthas 45. Belochus II. 25. Bellopares 30. Lâprides 32. Solarus 20. Lampares 30. Panias 45. Solarmus 19. Mitræus 27. Tautanes 32. Teuteus 40. Tyneus 30. Percylus 40. Eupales 38. Laaſthenes 45. Pritiades 30. Ophrateus 20. Ophratanes 50. Ocrasapes 41. Alij in hoc numero omittentes Tautanem, ponunt reges tantum 31.

XXXVII. Fuit Tonofconcoleros, Græcis Sardanapalus conditor Tarſi & Anchiales in Cilicia; cætera nefarius, & muliere corruptor, inter Eunuchos & ſcorta lanam & colum tranſans, & veſtem & vocem ſæmineam induit. Hinc Arbæcis, Medorum præfecti, & Phul Belochi (qui & Beleſis) conſpiratione, bello oppugnatus tribus prælijs rebelles repreſſit, donec vel tandem, provincijs paſſim deficientibus, Ninum egregiè munitam ſe contulit, vbi biennium integrum obſeſſus, muriq; magna parte ex inundatione Euphratis corruente, ad deſperationem adactus, ſe ſe cum mulieribus & Eunuchis vnâ cremandis in ignem coniecit. Regnauit annos 20. vltimus de familia Nini. interiijt anno mundi circiter 3074.

Familia ſeu Dynaſtia ſecunda Monarchia prima, qua & ipſa in Aſſyrijs permanſit, & Phul-Belochi eſt, Imperij tamen inter Aſſyrios & Medos diuiſi.

I. **P**hul-Belochus, qui Diodoro eſt Beleſis, gente Chaldeus, præfectus Babylonis ſub Sardanapalo, ab Arbæce Satrapa Mediæ, ad deſectionem contra Sardanapalum incitatus. Rebellionem igitur vtriuſque vel tandem ex voto procedente, Phul-Belochus Babylonem & Aſſyriam accepit, Arbæce in Medos proſecto. Cum primis à Regum Iſraeliticorum inteſtinis diſcordijs in-

uita-

uitatus, bellum contra Manahem fecit, pacemque suppliciter petentem mille talentis multauit, vt videre est lib. 4. regum cap. 15. Sunt qui sub hoc rege Ionam Niniuem appulisse, & vniuersam urbem ad poenitentiam commouisse putant. Anni regni eius numerantur 48.

II. Phul-Assar cognomēto Teglati, vnde Teglatphalassar. Hic bellum patris contra Israelitas, & regem Phaceiam redintegravit, & occupata Galilæa tribum Nephtali in Assyriam transtulit. Ahas item Regi Iuda contra Phaceiam regem Israel & Razinem auxilium præstitit, ipso Razine cæso, Damascum vi expugnat. Vide lib. 4. reg. cap. 15. item 1. Paralip. 5. & 2. cap. 28. Anni regni eius numerantur 23. ab alijs 25.

III. Salmanassar, bello Israelitis truculentus, Oseam Regem Israel stipendiarius reddit, & res nouas molientem in carcerem conijcit, regnum ipsum cæde & flammis vastat, & Samaria trienniali obsidione in potestatem redacta, decem tribus Israel captiuas in Assyriam transfert, agrisque in Media donat 4. Reg. cap. 17. & Tobia 1. An hic Salmanassar, Nabonassar, à quo æra illa celeberrima incipit, ad quam Ptolomæus, & alij Astronomi Eclipses suas cōputant, an vero Nabonassar alius, quam Salmanassar fuerit, sententiæ discrepant. Anni regni eius numerantur 9.

IV. Sennacherib, qui & Sargon esse putatur, expugnat Azoti Palæstinorum per Tarthanem Isaia cap. 20. Res ei etiam erat cum Medis rebellibus. Vt Ezechia regis Iuda defectionem vindicaret, Iudæam cum infectis copijs inuasit, ipsum Ezechiam, spem suam in Deo reponentem, per Rablacen barbarico fastu exagitat, tandem cum conuita in Deum iterasset, vna nocte 185000. hominum amittit, & ignobili fuga domum reuersus, in æde Nisrochi Deastri sui, à filiis de vita tollitur; Vide Isaia caput 36. & 37. item 4. Reg. cap. 18. & 19. Anni regni eius numerantur 7.

V. Assarhaddon, subrogatur patri in imperio ob innocentiam 4. Regum.

Biblioth. Theol. Tom. IV.

cap. 19. versu vltimo. Hinc fratrum armis oppugnatus, etiam Babylone noui hostem Merodachum experitur, cum quo infeliciter congressus, interitu suo & familiam propriam & Assyriorum regnum simul finiuir. Numerantur anni regni eius 18.

Familia, seu dynastia tertia Monarchia prima, nempe Merodachi quæ Babylone Chaldaeorum regnavit.

I. **M**erodach Baladam, Sennacheribi & Assarhadonis prius Babylone præfectus. Hic Assarhadonem prælio superatum regno deiecit, idque Assyrijs ereptum denuo Babylone retulit, Ezechiam regem, de solis regressu mirifico à Chaldæis per id tempus edoctus, ceu Deo chari muneribus honorauit lib. 4. regum cap. 20. De excidio Idolorum Merodachi sequens extat vaticinium Ieremias cap. 50. v. 2. *Capti est Babylon, confusus est Bel, victus est Merodach, confusa sunt sculptilia eius, superata sunt idola eorum.* Putant aliqui hunc Merodach esse cum, qui in libro Iudith dicitur Nabuchodonosor.

II. Ben Merodachus, deferuit is amicitiam à Patre cum Iudæis initam, vindicante diuina iustitia scelera regis Manassis, quem viuum intercept, & aliquandiu vinculis habitū humaniter dimisit, patris cum eo renouans amicitiam lib. 2. paralip. cap. 33. numerantur anni regni eius 21.

III. Fuit Nabulassar, qui regnavit ann. 29. alij vocant Nabuchodonosorem I. & numerant annos regni eius 35. Ab hoc Nabulassaro, quem alij etiā vocant Nabopolassar, patre Nabuchodonosoris magni, æque ac à Nabonassaro, quem alij Baladan vocant, æram annorum fuisse constitutam docet Cornelius à Lapide in cap. 39. Isaia & in c. t. Ezech. primusque Nabopolassar annus confurgit à 123. Nabonassari, qui cepit regnare anno 12. Ioathan regis Iuda, Olymp. 6. anno 4. atque adeo anno mundi 3200. de quo vide superius di-

At cap. 63. sectionis primæ huius libri, & infra cap. 6. huius sectionis.

IV. Nabuchodonosor cognomento Magnus. Hic in sacra Scriptura est decantatissimus; is enim ipse qui Ioachino Regi Iuda tributum indixit, & id post triennium solvere recusantem in vincula coniecit, & iugulatum sepultura priuauit, eiusdemque filium lechoniā, quem tamen successorem nominat, paulo post cum florentissima populi parte captiuum abduxit, Sedechiæ regno permisso. Post etiam eodem defectiōnem & res nouas moliente, Iudæā noua expeditione infestauit, Hierosolyman vi expugnauit, vrbe cum ipso templo Salomonis concremata. Rege è fuga retracto, & postquam eum neces suorum spectare coegisset, exccato. Cætera quæ de eius expeditionibus, rebusque ab ipso & circa ipsum gestis commemorantur, præsertim ex Daniele Prophetâ sunt repetenda. Numerantur regni eius anni 43.

V. Euilmerodachus, hic Ichoniam Regem Iuda captum è carcere extrahendum iussit, & comiter ipsum præ cæteris regibus tractauit, vt legere est Ierem. cap. 12. Huius regni anni numerantur 2. ex Beroso apud Iosephum lib. 1. contra Appionē; melius tamen alij tribuunt 22. nam lib. 4. Reg. capite vltimo dicitur Euilmerodach regnare cœpisse anno 37. transmigrationis Regis Ioachin: ex quo tempore vsque ad finem regni Babylonici constat esse annos 44. qui tamen non colligerentur, nisi darentur Euilmerodacho 22. anni. Vnde credibile est esse errorem impressorum, cum omnes alij Chronologi dent ei 22. aut 23. annos.

VI. Niriglissor, Gener Nabuchodonosoris, non tam proprio, quam tutorio nomine filij Laborosfordochi, nepotis Nabuehodonosoris, regnat annos 4.

VII. Laborosfordochus, Nabuchodonosoris ex filia nepos, postquam cum patre Niriglissore 4. annos imperio præfuisset, regnauit solus 9. menses.

Putant aliqui hunc esse illum Belsazarem vel Balthasarē Danielis in quo posteritas Nabuchodonosoris desijt Daniel. 5.

VIII. Balsasar, qui ab alijs putatur fuisse Nabonedus, ab alijs Darius ille Medus, de quo Danielis 5. 6. & 9. melius tamen alij existimant Dariū Medum, qui regnat anno vno post Balsasarem, qui & Nabonedus, Danielis loco citato, cum esse Ciaxarem Astiagis filium, cuius meminit Xenophon. Tamerli enim Medus iam nihil erat, nisi Cyri præfectus quidam, aut Regulus, placuit tamen Cyro honorare illum titulo regni Babylonici, quod consanguineus & senior esset. Vide Iosephum lib. 10. Antiquit. cap. 12. & Hieronymum in Daniele. Porro Nabonedus siue Balsasatis Regis anni numerantur 17.

Reges Medorum post diuisionem Monarchiæ sub Dynastia secunda.

Quia supra fuit annotatū, post Sardanapalum oppressum, Phul-Belochō, siue Belesi Babylonem cum Assyria, Arbaci verò Mediam, vt regi cessisse; iam breuiter videndum est, quot reges Medorum post diuisam Monarchiam Assyriacā, vsque ad secundam Monarchiā numerantur. Authores enim in hoc puncto valde discrepant, quidam pauciores, quidam plures ponendo. Nā alij liberos, & absque imperio regum, vsque ad Deiocem Medos vixisse volūt, quam sententiam Herodotus lib. 1. tuetur, Deiocem, Phraortem, Cyaxarem, Astyagen nominando, cui concordare videtur Dionys. Halicarnasseus, dum in rege quarto Medorum regnum defecisse ait. Alij cum libertate regum nomen repetitum esse dicunt, primumque Regem faciunt Arbacem, cuius auspicio defectio ab Assyrijs cœpit, ab eoque vsque ad Astyagen, vltimum regem inclusiui, sequentes reges numerant: Arbaces regnauit annos 28. Mandanes 50. Sarsomenes 30. Artecarmis 50. Arbianus seu Cardiceas 22. Arteus, qui & Deio-

Deioces 53. Artynes qui & Phraortes
22. Artabanus, qui & Ciaxes 40. Ali-
qui Ciaxarem ab Artabano separant, tri-
buuntque illi annos regni 32. Astyages
qui & Apandas regnavit 38. Hunc Cy-
rus eius ex filia Mandane nepos, iuuant-
te Arpago, cui Astyages filium coctum
ad comedendum apposuerat, deuicit, &
hac victoria sibi primū gradum ad con-
dendam nouam Persarum Monarchiam
comparauit, vt dicitur capite sequenti.

Ex dictis patet, quod licet anni mū-
di Monarchis Chaldeis & Assyrijs non
assignati sint, vt sciri possit, quo quisque
anno mundi regnare incepit, desierit-
que, quia historici in recensendis Regi-
bus Monarchiæ primæ valdè variant,
præsertim quod connotationem æræ
mundi spectat: Nihilominus tamen ex
signatis regnorum annis, quo quis-
que Chaldaicus & Assyriacus Monar-
cha tempore regnauerit, facillè id sup-
putari potest, si certa siue Nembrodi,
siue Nini æra statuitur; Exempli gratia,
si Nembrod, vt diximus supra, annus
est mundi millesimus, octingentesimus,
quadagesimus primus, & addantur cu-
iusque regis anni quos regnavit, præter
propter Chronologia huius Monarchiæ
habebitur; eamque per annos 1578. cir-
citer stetit, vsque ad annū mūdi 3419.

Post Scripturam sacrā, quæ aliquot
horum inter primos & vltimos regum
primæ Monarchiæ meminit, fide digni
authores, apud quos de his regibus in-
quirendum, sunt Archilocus, Aelianus,
Arrianus, Augustinus, Berosus, Cassio-
dorus, Cedrenus, Constantinus Manaf-
ses, Curtius, Cyrillus, Diodorus, Euse-
bius, Eustathius, Fabius Pictor, Glycas,
Hieronymus, Iosephus, Iulianus, La-
ctantius, Macrobius, Marcellinus, Me-
thastenes, Orosius, Philo, Plinius, Plu-
tarchus, Solinus, Strabo, Suidas, Sulpi-
cius Severus, Xenophon, Zonaras. At-
tamen de Beroso, Methastene, Philone
de temporibus, & Anno Viterbiensi,
qui circumferuntur, quid sentiendum,
quid in ijs cauendum sit, vide Biblio-
thecam selectam Possennii lib. 7. cap. 16.

*Synchronismus rerum Ecclesiæ penes He-
braeos populū stantis à diluuio usque
ad excidium Hierosolymitanū sub Na-
buchodonosore incidens in primam Mo-
narchiam.*

AD completam huius periodi no-
titiam superest vt breuiter aga-
mus primò de Synchronismo rerum Ec-
clesiæ, & Politicæ Iudaicæ, deinde alio-
rum regnorum sub Monarchia prima.
Igitur tres diuersæ, vel potius quatuor
Dynastiæ Hebræi populi durante pri-
ma Monarchia deprehenduntur, qua-
rum prima fuit Patria sub Patriarchis
24. ab Adam, vsque ad Iosephum in Aeg-
ypto; Secunda Heroica sub ducibus
Mose, & Iosue; Tertia veluti *conserua-
toria* sub Iudicibus 16. à Iosue, qui edu-
ctum à Moysè populū Israeliticum ex
Aegypto in terram promissionis intro-
duxit, vsque ad Samuelem inclusiue.
Quarta Regia, à Saule vsque ad excidiū
Hierosolymitanum; sub qua tamen post
Salomonem tertium à Saule regem, di-
uisiō regni Iuda comprehendens tri-
bū Iuda & Beniamin; & Israel com-
prehendens decem alias tribus, contig-
it; fueruntque Reges Israel 19. ab Hie-
roboam, qui contra Roboam à 10. tri-
bus fuit electus, & nouum cultum in
Bethel instituit lib. 1. Reg. cap. 12. vs-
que ad Osee; qui tandem à Salmanas-
sare Assyriorum Rege captus, & vnā
cum 10. tribus in perpetuam captiui-
tatem abductus fuit, regno Israel hoc
modo totaliter euerso, circa annū mun-
di 3216. Reges autem Iuda fuerunt 20.
à Roboam vsque ad Sedechiam, qui an-
no vndecimo regni sui mūdi vero 3359
completo, vel 3360. incepto, vt alias
vno, & altero diximus modo, capitiū
adducitur in Babylonem, vnā cum dua-
bus alijs tribus, quarum tamen capti-
uitas durauit annos tantum septuaginta;
Restant adhuc tres aliæ Dynastiæ popu-
li Hebræi sub Monarchijs; nempe quar-
ta, quæ *ducalis* est & Pontificum post
captiuitatem Babylonicam, sub Persia.

Quin-

Quinta, quæ *Hasmoneorum* seu *Macca-*
beorum, sub *Græca*; & sexta, quæ *Hero-*
diadarum & *Romanorum*, sub *Romana*
Monarchia, de quibus agitur capitibus
sequentibus; nunc de reliquis regnis,
quæ huic monarchiæ primæ Synchro-
na fuerunt.

De alijs regnis, quæ Monarchia prima
tempore floruerunt, siue illi Syn-
crona fuerunt.

I. **I**N *Asia* recensentur Regnum Chan-
anæum, Palæstinum, Moabiti-
cum, Ammoniticum, Madianiticum,
Idumæum, Israeliticum, in Hierosoly-
mitanum & Samaritanum diuisum, Phe-
nicæum, Syriacum, Phrygium, Troia-
num, Mylium seu Teuthracenum & Per-
gamenum, Lycium, Lydium, Scythicū,
Amazonicum, Rhodium, Cretense. II.
In Africa, Regnum Aegyptiacum, Cy-
renaicum, Aethiopicum. III. *In Europa*,
Regnum Sicyonium, Argium, Myce-
næum, Spartanum, Messeniæ, Phe-
rense, Oechaliense, Arcadium, Eleum,
Corinthiacum, Atheniense, Thebanum,
Locrense, Aetholicum, Pelasgium, Pho-
cense, Phthium, Aeginæum, Salaminicū,
Cephalinæum, Ithacense, Theſſalicum,
Euboicum, Scyrium, Latinum, Albanū,
Romanum, Turrhenum, Ligusticum,
Celticum, Celtibericum & Teutonicū.
Quia autem longum esset, & extra præ-
sentis instituti rationem de singulis his
regnis sermonem texere; breuiter tan-
tum de illis agemus, quorum res ad ma-
iorem historiæ & Chronologiæ lucem
conducere possunt, in ordine ad sacræ
doctrinæ vel scripturæ intelligentiam.

I. est *regnum Aegypti*, ab vltima an-
tiquitate repetitum; quod tamen de il-
lius dynastijs, ex tabulis Manethonis
Sacerdotis Aegyptij adſertur, vanitati
Aegyptiorum tribuendum est, cum non
solum diluuium vniuerſale, sed etiam
creationem mundi, & hominum omnium
primum Adamū longè anteeſſiſſe ſin-
gantur. Hoc ergo ſolum certi habemus
non ex Herodoto, aut Diodoro, sed ex

sacris litteris, iam Aegyptum reges suos
habuisse à temporibus Abrahamæ ad exci-
diū Hierosolymæ, quos Aegyptij Pha-
raones vocarunt, quorum postremus
Pharao Vapſres aut Ophrea à Pro-
pheta Ieremia nuncupatur.

II. est *Regnum Sycionium*, in Græcia
omnium antiquissimum, cuius authorē
Pausanias, Eusebius & Suidas Aegialeū
celebrant circa annum mundi 1966. Per
Reges vsque ad tempora excidij Troia-
ni, & post gubernatum fuit. Tandem
Aegialei familiæ succēſſit familia Phaë-
ſti ex Heraclidis. De Sycionis vrbis pri-
mordijs & dominationibus vide Stra-
bonem lib. 8.

III. est *Regnum Argiurum*, qui erāt
Aegyptij, sed Græcis permixti, quorum
primus rex fuit Inachus circa annum
mundi 2199. cuius filiam Io, siue Iſi-
dem mirè celebrant Poëtæ. Post Ina-
chum regnarunt Phoroneus, Apis, Ar-
gus, Criafus, Phorbas, Triopas, Croto-
pus, Stheuclas, Danaus, Lynceus, Abas,
Prætus Acrifius vltimus.

IV. est *Regnum Athenienſum*, quo-
rum Regum familiæ diuerſæ fuerunt.
Prima Cecropidarum, à Cecrope, primo
rege, tempore Moſis adulti. Secunda
Erichsonij. Tertia *Melanthi*. Sed cum
non tantum à Regibus, verum etiam
post Reges à principibus Athenæ fue-
rint gubernatæ; hinc etiam Dynasti-
arum eorundem diuerſitas. Quarum
prima fuit regum 17. à Cecrope vsque
ad vltimum Codrum, qui pro ſalute pa-
trix cum ſe hoſtibus deuouiſſet, in tan-
tæ pietatis memoriam, Athenienſes de-
inceps neminem in ſe regnare paſſi ſūt,
vt Iuſtinus teſtatur. Hinc *Dynastia ſe-*
cunda quæ erat XII. *deſcendit* perpe-
tuorum, quorum principatus morte dū-
taxat ſinebatur: horū primus fuit Me-
don Codri filius, penulimus Aechylus,
cuius anno ſecundo, dicuntur coeſſiſſe
Olympiades ab Iphito inſtauratæ: po-
ſtremus Alcmeon non totis annis duo-
bus præfuit. Hos exceperet *deſcendit* De-
cennales numero VII. per annos lxx.
quorum fuit *Dynastia tertia*. Donec tū-
dem

dem mutata Reipublicæ gubernādæ rationē creati ſunt loco vnus Archontis decennalis, Archontes nouem annui: quorum vnus propriè *ἀρχων*, qui nomine ſuo annum ſignabat, alter rex, tertius polemerchus, reliqui ſex Theſmothetæ dicebantur. Atque hæc fuit *quarta Dynaſtia*, principiumque plenæ libertatis, & veræ democratiæ Aſiæ. Et hic ſtatus durauit diutiſſimè, cui leges tulit Dracon, anno ab initio huius ſtatus 73. idemque poſtea quoque fecit, & ſimul Rempublicam totam ordinauit Solon.

V. eſt *Regnum Troianum*, cuius primus rex fuit Teucer, vnde Teucrorum nomen ortum, paulo ante exitum Iſraelitarum ex Aegypto. Poſt quem Dardanius, à quo Dardanij dicti: indè Erichthonius, tum Tros, vndè Troiani nūcupati: hinc Ilus à quo Ilium conditum, & nominatum: cuius filius Laomedon Herculi Cozuius, & demū Laomedontis filius Priamus regum Troianorum vltimus, quo ſene Troia à Græcis euerſa poſt annos 300. circiter durationis.

VI. eſt *Regnum Aboriginum*, quod etiam Latinum & Albanum, nam Aborigines poſtea Latini dicti fuerunt, à temporibus Deboræ & Barac Iudicum, annos circiter 150. ſub quinque regibus vſque ad excidium Troianum durans, cuius anno ſecundo Aeneas in Italiam venit, generque Latini Regis factus Dynaſtiam ſecundam ſuſcitat Aeneadarum. Aeneæ poſt 7. annis ſucceſſit Iulius Alcanius qui Albam longam condidit ſedem 14. Regum ſequentium, quorum vltimus Numitor fuit, Romuli auus maternus, à quo Roma condita, tertiaque regum Romanorum Dynaſtia incœpit, quæ ſub regibus ſeptem durauit annos 244. vſque in Monarchiam ſecundam.

VII. eſt *Regnum Spartanum*, quod etiam Lacorum ſive Lacedæmoniorum: quorum primus Rex Eurotas fuiſſe dicitur, à quo Dynaſtia prima 12. Regum ordine ſibi mutuo ſuccedentium: ſed quamdiu regnarint tum ſinguli tū vniuerſi eſt incertum. Dynaſtia ſecunda

fuit Heraclidarum: regnante enim Tiſameno vltimo primæ dynaſtiæ rege Heraclidæ in Peloponneſum rediere, & ex his Ariſtodemi duo filij Euryſthenes & Procles regnum Lacedæmone inierunt, anno poſt excidium Troiæ 80. abſoluto. Atque ex hoc tempore Lacedæmonij duos ſemper reges habuerunt ſimul regnantes, alterum ex Euryſthenis, alterum ex Proclis proſapia: quibus Licurgus adnepos Proclis, Eunomi regis filius, cum Rempublicam ordinaret, & leges ciuitati ferret Senatium 28. viro- rum adiunxit, ſine cuius voluntate & conſilio ipliſ agere in Republica nihil licuit. Quod factum poſt regnum ab Euryſthene ac Proclo initum annis circiter 232. Deinde poſt annos circiter 131. atque adeo ab exordio regni Euryſthenis, & Proclis 363. cum regnum adminiſtraret Polydorus Alcamenis filius Euryſthenides, & Theopompus Nicandri filius Proclides, ſurgente tum bello contra Meſſenius primo, autore ipſo Theopompo, Regibus & Senatu appoſiti ſunt Ephori quinque velut plebis patroni, abſentiumque regum vicem geſturi: quibus data poteſtas annua, quæ cum temporis progreſſu creuit ſupra modum, vt etiam regibus & Senatoribus, & alijs ciuitatis primoribus eſſet formidini, ſimillima tribunitiæ in ciuitate Romana. In primis ſub Theopompo creatus fuit Elatus, teſte Plutarcho. Ruſum poſt annos circiter 188. ab hoc Ephorum primordio, inſtitutum, vt è numero quinque Ephorum, qui quotannis delignabantur, vnus anno ſuo nomen daret, quem ex eo *ἐπάρχων* ſive cognominem dicebant, quemadmodū apud Athenienſes *ἀρχων*, & apud Romanos Conſules. Factuſque eſt primus *ἐπάρχων* Ephorus Cleon, inter ſeptem Græciæ ſapientes numeratus, qui honorem illum geſſit, ſi Euſebio credimus, Olympiadis 55. anno 3. cum ante triennium ſerè in Perſia regnum aſpicatus eſſet Cyrus.

VIII. eſt *Regnum Corinthiorum*, cuius dynaſtiam primā fundauit Siſiphus Glau-

Glauci, & Ornythionis patens. Quorum Glaucus Bellerophonem chimeræ interemptorem, in Lycia regno positum; Bellerophon Hippolochim, hic Glaucum, qui bello Troiano cum Diomede arma permutauit, genuit, ut ex Homero cognoscimus. Vnde patet quarta ante bellum Troianum ætate Sisyphum fuisse, primamque Corinthiorum dynastiā incepisse. At ex Ornythione nati sunt Phocus Phocenſium gentis origo, & Thoas, qui in patria manens Demophontem, Demophon Propodium, & is Doridam & Hyantidam procreauit, omnes in ciuitate sua principatum tenentes. Postremis verò ad clauum sedentibus venit Corinthum Aleas Herculis abnepos cum Dorienſibus, & oppressis illis rempublicam occupauit, ab eoque secunda dynastia incepit, & in generationem vsque quintam durauit. Postquā tertia fuit Bacchiadum, tempore Aſſæ Regis Iuda, qui à Bacchide Prinandis filio octi dominatum Oligarchicum Corinthi inuaſere, & ad Teleſten Ariſtodemogeniti familię iſtius caput per quinque pariter ætates tenuere: quod tempus annis quaſi ducentum metitur Strabo. Teleſte autem ab inimicis perempto dominatui huic quoque finis datus eſt, & Prytanibus eiufdem Bacchiadici generis annis Reſpublica commiſſa. Verum Prytanes hos euetit Cyſſelus Actionis filius, Aechecratis nepos, poteſtatemque vniuerſæ Reipublicæ in ſe vertens quartæ Cyſſelidarum dynastiæ author fuit. E Cyſſelo genitus eſt Periander ex ſeptem Græciæ ſapientibus vnus, tyrannus patriæ ſatis aſper, vnde illo occiſo Corinthij libertatem recuperarunt tempore captiuitatis Babylonice, eamque cōſeruarunt quo ad ciuitas ſtetit incolumis.

IX. eſt *Regnum Iydorum*, cuius prima dynastia fuit obſcurior, quæ erat Attyadum; ſecunda Heraclidarum, quæ ab Agrone circa tēpora Iair Iudicis Hebræorum incepit, & reges viginti duo habuit, quorum vltimus fuit Cādaules à Gyge primo Merminadarum euer-

ſus; vnde tertia Merminadarum dynastia, circa tempus Ezechiz regis Iuda, in qua fuerunt reges quinque Gyges, Ardys, Sadyattes, Alyattes, & Cræſus, quo à Cyro Perſa cum Sardibus capto fuit finis regni Lydiæ.

X. eſt *Regnum Macedonum*, cuius conditorem Iuſtinus Caranum ex Heraclidis eſſe dicit; quemadmodum enim ex Ariſtedemo abnepote Herculis per filios eius duos Euryſthenem & Proctem propagatæ ſunt duæ familiæ Regum Spartanorum, ita ex Temeno cuius fratre deſcenderunt reges, qui longo ordine rerum potiti ſunt in Macedonia; quorum primus fuit prædictus Caranus, qui domicilium illic conſtituit, & regnum ſibi parauit peranguiſtis finibus circumſcriptum, paulò ante finem Amaſiæ Regis Iuda circa annum mundi termiſſimum centeſimum trigeſimum ſeptimum. Manſitque regnum obſcurum & tenue per tempora ſucceſſorum Carani numero VII. Centi, Tyrinæ, Perdicæ, Argæi, Philippi, Aeropi, Alceæ, vsque ad Amyntam primum Alceæ filium, qui primum ſupra maiores ſuos inclaruit, regnumque tenuit per annos totos quinquaginta. Quem excepit filius Perdicæ Thucydidi memoratus in hiſtoria belli Peloponneſiaci: & hunc Archelaus ex concubina natus, qui cede fratris legitimisitem patrui Alceæ, & filij eius regnum ſibi parauit. Inde per varias mutationes tandem diadema peruenit ad Amyntam cuius nominis ſecundum, patrem Philippi patiter ſecundi; qui Philippus poſt tres fratres regno poſitus id ipſum plurimum auxit multis nationibus vicinis ſubaſiſ: ſucceſſoremque reliquit Alexandrum Magnum, Aſiæ Oriētiſque donitorem, primum tertiæ Monarchiæ conditorem, quæ ipſa erat Macedonia, ut dicitur infra.

XI. eſt *Regnum Tyri*, quod fuit pars Regni Phœnicæ, cuius imperia poſiſſimum erant Sidoniorum, Tyriorum & Aradiorum. Reges Tyri fuere XIV. quorum primus apud Joſephum lib. 8.

cap. 2. ex Menandro Ephēſio memoratur Abibalus Daniī regi Coæuus: alter Hiram, vel Hiramus Abibali filiū Dauidis amicus, quique Salomoni ad ædificiū templi ligna ſuppeditauit, vt lib. 1. Reg. cap. 5. videre eſt. Tertius Baaleſer filiū Hiramī, amicus Salomonis: notus Ithbaal, focer Achabī Regis Iſrael per filiā Iſabel: Tyri, & Sydonis rex XII. Pigmalion Didonis, quæ Cartaginem condidit frater: XIII. Ithbaal ſecundus debellatus à Nabuchodonosoꝝ, Olympiadis quadageſimæ ſextæ anno primo: vltimus Baal, contemporaneus Sedechiæ poſtremi regis Iuda, finiit Olympiadis quadageſimæ oſtauo anno ſecundo. Poſt quem Iudices præſuere ſibi inuicem ſuccedentes, numero ſeptē: quorum antepultimus Abdelinus, penultimus Merbaal; vltimus Hiromus deſiit Olympiadis quinquageſimæ ſextæ anno ſecundo, aut tertio, Cyri in Perſia regnantis oſtauo, triennio poſt euerſum Aſtyagen Medum. Sunt qui ab initio Abibali, ad finē huius Hiromi numerent annos circiter quingentos durationis huius regni Tyri in Syria. Sed de his facis.

Afferuntur & expenduntur loca S. Scripturæ, quibus intelligendis prodeſſe poſſeſt notitiæ rerum hiſtoricarum ad primam Monarchiam attinentium.

Eſt varia ſint Sacræ Scripturæ loca, in quibus ſit mentio Monarchiæ Aſyriacæ, ſeu Babylonicæ, rerūque ad illam ſpectantium, præcipua, tamen ſunt illa, quæ habentur Danielis cap. 2. vbi aſſimilatur capiti aureo; *Tu Rex Regnum es, &c. tu ergo caput aureum;* Cap. 7. vbi Legnæ, quæ alas habebat aquilæ; *Videbam in viſione mea noſſe, &c. ecce quatuor venti celi pugnabant in mari magno. Et quatuor beſtiæ grandes aſcendebant de mari diuerſe inter ſe. Prima quaſi leaona & alas habebat aquila: aſpicebam donec euulſa ſunt ala eius, & ſublata eſt de terra, & ſuper pedes quaſi*
Biblioth. Theol. Tom. IV.

homo ſteſit, & cor hominis datum eſt ei. Antequam autem explicemus vtrumque locum, quo ad ſingulas partes, ſive ſecundum quod pertinent ad vnamquamque Monarchiam in particulari, ſupponendum eſt tanquam certum, ex communi & vera interpretum ſententiâ, tam in primo ſub ſtatuz hieroglyphico, quâ in ſecundo loco ſub ſpecie quatuor ventorum celi pugnantium in mari magno, è quo aſcendebant quatuor beſtiæ grandes, portē di quatuor celeberrima totius orbis imperia (quæ vulgo Monarchias appellamus, ſicut Regem Galliæ & Hiſpaniæ vocamus Monarchas ob amplitudinem regnorum eſſe toti orbi non dominantur.) quorum vnum alteri immediate ſuccceſſit prius euertendo, ſcilicet Chaldeorum, Perſarum, Græcorum & Romanorum. Quæ quatuor regna comparantur vni ſtatuz, non quatuor, vel quia vnum alteri ſuccceſſit, & ex eo quaſi natum eſt, ſicut in ſtatua vna pars alteri ſuccedit, & inferitur; vel quia, reſpectu orbis terræ, & reſpectu temporis continui in quo fuerunt, vnum quid fuerunt: vel tandem maximè reſpectu ſummi Monarchæ, Dei Optimi Maximi per quem Reges regnare dicuntur, & Chriſti Domini in quem deſierunt, vñ quaſi regnum fuerunt.

Cur verò ſupradicta quatuor regna poſſimum à Daniele fuerint ſignificata, prætermiſiſ alijs plurimis variè ſolent adduci cauſæ. Prima eſt quia Daniel & Iudæi hæc quatuor imperia ſerè tantum agnouerunt, eorumque potentiam ac tyrannidem experti ſunt, quando primò à Babylonijſ, mox à Perſiſ deinde à Græciſ, puta ab Antiochiſ, denique à Romanis ſubaſti, & in captiuitatem adducti fuerunt.

Secunda eſſe poceſt, quia exprimuntur quatuor tantum regna totius terræ florentiſſima, præteritiſ compluribuſ alijs tunc humilibuſ, & obſcuriſ, & anguſtiſ, ſicut erat regnum Sydoniorum, Athenienſium, Lacedæmoniorum, Lydorum & aliorum huiuſmodi; nec ſignificabatur hac imagine omnia regna poſt

R r r futu-

futura simpliciter, sed tantum futura, usque ad aduentum, & tempus Christi, cuius sempiternum imperium in lapide, qui ex tantula mole orbem totum impleuerat, expressum est; quocirca quæ post exorta sunt imperia, Gothorum, Saracenorum, Turcarum, Chinesium, ad huius figuræ significationem minime videntur pertinere, nisi secundum quod aliqua eorum sunt diuisi imperij Romani membra. Tertia causa est, quia imago hæc significabat revolutionem, seu conuersionem non quorumlibet regnorum, sed eorum quorum vnum ita proximè successit alteri, ut posterius euerteret prius, & prioris ruina, posterioris imperij origo & dilatatio esset. Id quod in his quatuor regnis Chaldeorum, Persarum, Græcorum & Romanorum cōtigisse, liquidum videmus: quo fit ut extra huius imaginis significationem sint antiqua Aegyptiorum, Scytharum, & Cartaginensium imperia, quæ nec inter se, nec cum his quatuor regnis, prædictum ordinem, & seriæ successionis habuerunt. Non rectè igitur Prosper in lib. de promiss. & prædict. c. 3. cap. 33. sequutus Paulū Orosium, interpretatus est per ventrem & femora ærea huius statuae, figuratum fuisse Punicum, seu Cartaginense imperium. Quarta causa est, quia volebat Deus regis animum ab omni cupiditate terrenorum regnorum auocare, & ad Christi regnum erigere; quod illa omnia caduca sint, atque mortalia; hoc sempiternum ut docet v. 44. propterea de illis tantum monarchiis similitudinem proposuit, quæ ut diximus recta & continua serie ac successionē Christi regnū erant præcessuræ, in eoque terminandæ. Quinta tandem & vltima causa, quam præcipuam putant, est; quod Nabuchodonosor tantum cogitabat de suo regno, quidque post illum futurum esset, & an sicut ipse successerat Assyrijs, ita Medi, Persæ, Aegyptij vel aliqui alij ipsi succederent, & imperium ad aliam gentem transferrent. Hoc enim cum cogitasse patet ex ver. 29. Huic autem cogitatio-

ni Deus per hoc somnium, perque hanc statuam respondere voluit, scilicet illi & Babilonijs successuros Persas, Persas Macedones, hæc Romanos, & hosce in Christum, qui est Rex Regum desituros; itaque de hæc solis agit, reliqua verò regna, ut ad cogitationem Nabuchodonosoris, & ad rem propositam non pertinentia prætermittit. Porro Medi hic sub Persis intelliguntur; vtrique enim euerterunt imperium Babylonicum, ut dicemus capite sequenti; sicut sub Babylo-nijs intelligi possunt Assyrij siue Chaldæi; Babyloniorum enim monarchia, pars & propago quædam fuit monarchiæ Assyriorum ut iam notauimus supra.

Statua autem hæc, ut singula prosequamur, referebat figuram, vel similitudinem hominis, quia significabat conuersionem regnorum: ratio autem regni potissimum in hominibus consistit, hoc est in Rege, & subditis; regni quoque splendor, nobilitas, potentia, antiquitas, magnificentia & fortitudo præcipuè in hominibus posita est, quin cōmutatio regnorum ob imperij ex vna gente in aliam translationem maxime fieri solet. Verum cum inferius capite, nimirum septimo, eadem Monarchiarū varietas monstratur per quatuor bestias ascendentes de mari, putant aliqui per hanc rationem nodum propositum non sufficienter solui; aliterque cum Theodoro respondet hoc loco. *Imago*, inquit, *figura rei est, non ipsa res*. Quibus verbis duo breuiter ponderare videtur Theodoretus in prædicta apparitione, humanæ imaginis, & quod imago sit, & quod humana. Primum, omnes mundi Monarchias in statuam per imaginationem compactas, hoc ipso non esse quid stabile, sed imaginarium; adeoque regalem in eis præminentiam, re vera non esse realem, sed fictitiam. Secundum, quod in Theodoretis dictum est, illud est: cum homo, cuius imaginem fert statua, sit ipsa vanitas, Psal. 38. ideo Monarchias sub specie hominis demonstrari, ut significetur, eo quoque ipso res esse vanissimam.

niffimas, quod imago figura rei ſit, non ipſa res, id eſt minus adhuc ſoliditatis, & conſtantie habens; de quo vide Fer-
nandes viſione 21. ubi Theodoretſi di-
ctum ſic pluribus explicat. Dicitur in-
ſuper intuitus illius ſtatue terribilis; ob
admirationem, ſecundum aliquos, mi-
nus tamen bene ad præſens inſtitutum:
eſſi enim, *terribilis, horribilis*, & ſimilia
non ſemper id valeant, quod timorem
incutit, & malorum expectatione animū
turbat: ſed interdum, idque non raro,
ut non prophatorum ſolum; ſed etiam
Sacrorum Scriptorum exempla confir-
mant Matth. 9. Lucæ 1. & 7. quod ſtu-
porem affert, & admirationem propter
pulchritudinem, artiſcium, aut ſpeciem
aliquam inuſitatam, & variam, qualis
fuit hæc, quæ Nabuchodonofori per
quietem oblata eſt; probabilius tamen
eſt hic dici intuitum ſtatue terribilem,
non tam ob admirationem, quam ob
pauorem & horripilationem regi incuſ-
ſam, quod ſtatim in principio capitis
ſatis oſtenditur. Viſo etenim ſomnio
de Rege dicitur, *Conterritus eſt ſpiritus
eius*. Nec certe poterat eſſe ſtatua non
æteribilis in hoc ſenſu, quæ tot regnorum
caſum, aut conſtitutionem ſignificaret,
cum vtrumque fieri non poſſit ſine ma-
gno terrore bellorum, ſine ſæda princi-
pum cæde, ſine depopulatione, & va-
ſtatione regionum, ac populorum; ſine
multa hominum interneſione. Deinde
non poterat non ſpeciem formidabilem
obiicere tantæ imaginis contraſtio, &
uſque in puluerem reſolutio, exigui la-
pidis alluſione, qui mox inſtar magni
montis vniuerſam terrā occupabat. Ad
hæc credendum eſt, minacem fuiſſe ſpe-
ctri vultum, quem in ſe intentum, &
quodammodo imminentem Rex ipſe
intueri videbatur. Tantum de prima
Danielis viſione, in qua ſub ſpecie hu-
manæ ſtatue eſt diuerſis metallis compo-
ſitæ monſtratæ ſunt variæ regnorum ſuc-
ceſſiones; nunc ad ſecundam.

Alteræ Danielis viſio eſt illa, qua ſub
ſpecie quatuor ventorum conſiſtentium
in mari magno, & quatuor beſtiarum

Biblioth. Theol. Tom. IV.

grandium inde aſcendentium, eandem
ſignificauit eorundem quatuor regno-
rum commutationem; vnde patet ſecun-
dam hanc, & primam illam Danielis vi-
ſionem iam explicatam, partim inter ſe
conuenire, partim verò differe. Con-
ueniunt dupliciter, tum in re figurata,
& ſignificata, quæ eſt conuerſio illorum
quatuor regnorum, tum in modo viſio-
nis: vtramque enim contigiſſe dormien-
tibus per ſomniū, habetur in ſacro Tex-
tu. Sed plurimis modis differunt, pri-
mum tempore, nam ſecunda viſio acci-
dit poſt primam quadraginta annis, tot
enim anni reperiuntur à vigeſimo quin-
to anno Nabuchodonoforis, quo anno
ſomnium hoc ei euenit, uſque ad pri-
mum annum regni Balchaſaris. Secun-
dò ratione perſonæ, nam ſecunda ſolli
Danieli, prima verò prius regi Nabu-
chodonofor, tum Danieli etiam obue-
nit. Tertio in qualitate figuræ, ac ſi-
militudinis. Nam prima ſub ſpecie vnitus
ſtatue eſt diuerſis metallis conſtatæ ex-
preſſa eſt, ſecunda ſub ſimilitudine qua-
tuor ventorum in mari magno conſiſ-
tentium, & quatuor animalium ex eodem
mari emergentium. Quam vltimam
dumtaxat differentiam hic explicabi-
mus.

Primum igitur conſtare debet, per
mare magnum, conſuetudine Sacre Scri-
pturæ, intelligi Mediterraneum quod
Hebræi, quia Oceanum nunquam vide-
rant, magnum appellabant, compara-
tione maris mortui, aut maris Tyberia-
dis, quæ licet ſinus potius, aut ſtagna
appellari potuerint, maria tamen appel-
lantur, quia ſunt aquarum congregatio-
nes, quæ ſecundum proprietatem lingue
Hebræicæ, vocantur maria. Quomodo
etiam vas latum, quod ad templi ſacro-
rumque munditiam conſtatam à Salo-
mone fuit, mare dicitur cœneum. Per qua-
tuor ventos ſignificantur quatuor prin-
cipales venti, qui ex quatuor princi-
piis mundi partibus ortum & motum
habent, nempe ex Oriente, Eurus; ex
Occidente, Zephyrus; ex Septentrione
Boreas; ex Meridie Auſter. Quos ven-

tos etiam intellexit Dominus Matth. 24 cüm de extremo Iudicio loquens dixit : *Mittere Angelos suos cum tuba, & voce magna, & congregabunt electos eius à quatuor ventis.* Et Iſaias 43. expreſſè eodem nominans ait : *Ab Oriente adducam ſemen tuum, & ab Occidente congregabo te. Dicam Aquiloni, da; & Anſtro noli prohibere. Affer filios meos à longinquo, & filias meas ab extremis terre.* Quoniam autem viſus impetus, pugna ventorum, & maior & vehementior in mari, quàm in terra, & in ampliori mari, quàm in anguſtiori eſſe ſolet, idcirco vidit Daniel, ventos in mari magno valdè concitados inter ſe pugnare.

Sed eſt maior difficultas inter Sacros Doctores, quid cuiuſmodi viſio ventorum inter ſe pugnantium ſignificauerit; tres enim circa hos ſunt interpretationes. Prima D. Hieronymi per quatuor ventos intelligentis Angelos quatuor regnorum, de quibus ſequitur, præſides; ſunt enim Angeli vt venti, inuiſibiles & celeres: vnde ait Pſalmes; *qui facit Angelos ſuos ſpiritus*; cuiuslibet enim regno præſidere vnum aliquem Angelum, cõmunis eſt Patrum doctrina, pugnare autem inter ſe ſe pro ſuis regnis Angelos habetur cap. 10. Danielis; Secunda eſt Alberti Magni, nomine ventorum interpretantis Angelos malos, qui in quatuor monarchijs, de quibus in hac viſione agitur, maximam potentiam & imperiũ habuerunt: ſi quidem in illis, non verus Deus, ſed dæmon, & idola colebantur. Qui dicuntur pugnare inter ſe, ſcilicet eſſe ciuẽs, quod homines illarum monarchiarum, ad bella atrociffima, fædiſſimasque cædes concitarunt. Tertia interpretatio propius accedens ad verum Theodoretĩ eſt, qui in quatuor ventis ſignificari putat, quatuor inſignes bellorum tumultus, qui quatuor beſtiarum, id eſt quatuor orbis imperiorum exortus præceſſerunt: vt enim nonniſi prius turbato mari, emerſerunt bellũ, in quibus adumbrari imperia ab Angelo didicit Daniel, ſic etiam nonniſi exagitato prius bellicis tumultibus mundo, orbis

obtinuerunt imperia illi, quos varia bel-luarum natura, ſignificabat iuxta Scriptorum ea de re communem fidem. Narrat enim in primis Iuſtinus initio ſuę hiſtorię, & Diodorus lib. 3. Ninum Monarchię Aſyriorum primum conditorẽ maximam orbi terrarũ atuliffe perturbationem. Deinde author eſt Herodotus lib. 1. Monarchiam Perſarum ſub Cyro exorientem totam Aſiam tremefeciſſe. Sed & de exortu Monarchię Graecorum ſub Alexandro, cum ex alijs rerum eius Scriptoribus, tum ex præmio prioris libri Machabæorum, perſpicuè habemus totum terrarum orbem exagitatum & conuulſum. Tandem Romanorum imperium, aliorum mundi regnorum labefactione, & interitũ, ortum auctum firmatumque eſſe, omnium ſerè Scriptorum monumenta teſtantur.

Vltima eſt Ruperti lib. 1. in Daniel cap. 12. qui idem ſignificari putat in quatuor cæli vëtis, quod in totidem bellis, quæ ex illo maris aſtu prodierunt, quatuor nimirum imperia, quorum ingenium varium, & mores diuerſi, Huius ſententię, iuxta quam videtur magis ſuauius fluere ſenſus littærę, duas adducit rationes Maldonatus qui illã amplectitur. Prima eſt, quia cum de rebus, quas in ſomnio viderat Daniel, ab Angelo rogaret, de imperijs tantũ egit quia nimirum tota illa viſio ad illa orbis imperia tantũ pertinebat; alioqui aliquid etiam aliud de ventis addidiſſet. Altera ratio eſt, quia viſitatum eſt in Scriptura, vt rerum certitudo, & firmitas duplici ſpectro, aut ſimilitudine declaretur: vt conſtat in ſeptem vaccis pinguibus ac nitidis, & totidem macilentis & horridis; & rurfus in ſeptem ſpiciſ plenis, & totidem vredine percuſſis, quę oblate fuerũt Pharaoni dormienti, quibus ſeptem anni vberes, & pleni, & totidem infelices, ac ſteriles ſignificabantur. Quod Iosephus ipſe ſomniorum interpretes declarauit Gen. 41. *Quod autem vididiſi ſecundò ad eandem rem pertinens ſomnium, firmitatis indicium eſt.* Tertiã rationem adhuc magis efficacem addit

San-

Sanctius in commentarijs super Zachariam ad illud cap. 6. *Isti sunt quatuor venti calii*; Viderat eo loco Zacharias quatuor quadrigas; ignorabat tamen quid ille quadrigarum cursus portenderet, cumque ea de re Angelum rogaret: respondit: *Isti sunt quatuor venti calii*. Quæ responsio nihil dubitanti prophetæ lucis attulisset; nisi allusum fuisset ad aliquid, quod sub eo nomine, vel metaphorâ notum esset omnibus, quodque cum quadrigarum spectro significatione conveniret. Certum est autem obiectis Zachariæ quadrigis adumbrata fuisse gentium imperia: quare dum quadrigæ quatuor cæli venti fuisse dicuntur, id planè dicuntur significare, quod venti quatuor de quorum significatione non dubitabat Zacharias, quia id sæpe audiverat, aut ab ipso didicerat Daniele, cum quo vixisse extremo captivitatis tempore, verisimile est. Sed iam videamus, quid habent venti, qui mare conrumbant & exagitant, cum imperijs commune; quid bestię, quibus comparantur.

Dicendum est tam in quadrigis, quæ ventis imperia designari ea figura, quæ ex causa effecta, aut ex antecedentibus consequentia intelliguntur. Imperium antecedunt bella, & varij motus, quæ optimè exprimuntur quadrigis, quæ maxima sunt, ac præcipua bellorum instrumenta. Mutationes etiam, & rerum vicissitudines optimè significantur à ventis, qui in mare incumbunt, illudque turbant, & magnis ac crebris æstibus exagitant. Unde sicut quadrigæ imperia non sunt, sed illorum comparandorum instrumenta, in quibus ipsa designantur imperia: sic etiam venti bestię non sunt aut imperatores, seu imperia in bestiis adumbrata, sed id quod turbato mari deinde ad imperium emerfit. Hinc patet tertiam Theodoretî sententiam, cum quarta facillè accommodari posse, & cū illa coincidere. Monarchię autem comparantur bestię, vel ad exprimendam amplitudinem ditionis, & magnitudinē imperij, quod in vnaquaque illarum

quatuor monarchiarum diu floruit, sicut ad cap. 4. Danielis per bestiās illas sub arbore regia degentes interpretantur aliqui magnates in republica, atque in aula regia principes viros, quos terræ Monarchas dicere solemus, de quo vide Fernandes vision. 24. vel certè quod verisimilius est, ad significandam crudelitatem & ferocitatem, qua omnes ferè reges cuiusque Monarchię multa inhumaniter gesserunt, morumque immanitate bestiis, quam hominibus fuerunt similiore: in Scriptura enim frequentius bestiās dicimus, quæ ferocitate prævalent, quasi à vastando, Psal. 73. *ne tradas bestiis animas confitentes tibi*, id est hostibus ferocibus ac vastatoribus. Vel denique hæc imperia assimilantur bestiis, non hominibus, quia magna ex parte fuerunt iniuste ac tyrannice acquisita, æquè ac gubernata. *Commune etiam vitium Monarchię est tyrannis*, ait Elias Cretensis in Apologetico Nazian. orat. 1. & S. Augustinus lib. 4. de Civitate Dei cap. 4. & 6. talia regna vocat magna latrocinia. Quod quidem in vno illo ex quatuor Monarchis Alexandro vrbanius admodum, ac planè liberè exprobrauit quidam comprehensus pirata, ut citato loco refert Augustinus. Illum namque reprehendens Alexander, quid tu inquit, navigio tuo, hoc mare infestum habes? & tu, inquit, cur orbem terrarum hac tua classe? quasi diceret, hoc solam differimus, quod ego navigio paruo, tu grandi classe piraticam exercemus, ac adeo, parvus ego sim, tu grandis latro. Itaque remota iustitia, concludit Augustinus, quid aliud sunt regna nisi magna latrocinia, & quid latrocinia nisi parva regna? Dicuntur tamen subinde hæc imperia à Deo fuisse data & concessa; primò, quia Deus ea permisit. Secundò, quia ijs vsus est ad Iudæorum, & aliarum gentium punitionem. Tertiò, nominatum de Cyro dicitur, quod eum Deus creavit regem, quia eum direxit ad imperium hoc fine, ut ille Iudæos è captivitate Babylonica liberatos dimitteret. Illud porò notandum, bestiās dici

diei ascendere de mari, eonuenienti metaphora, quia quod ascendit, id prius erat in humili loco, vnde paulatim euehitur in celsiorem locum: sic principia cuiusque Monarchiæ fuerunt admodum parua & obscura: paulatim verò quasi per gradus, ad summum imperij, & potentie fastigium ascenderunt. Ad extremum in hac visione, *mare magnum*, significat hunc mundum, vel statum & conditionem rerum humanarum: sanè meritisimè. Est enim mundus hic amaritudinis, & acerbitalis vsquequaque plenissimus: est item admodum inconstans, & instabilis, periculisque refertus. Hactenus de quatuor Monarchiis veluti in genere, siue quantum ad generalia quædam earum attributa in supradictis duobus Danielis visionibus designata; superest iam vt primum ea, quæ sunt Monarchiæ Assyriorum, vel Baby loniorum propria explicemus.

In prima igitur visione Danielis c. 1. sub specie capitis aurei statux designata fuit Monarchia, vel regnum Chaldæorum; quod enim dixit Daniel Regi Nabuchodonosori vers. 37. *Tu es rex regum & sub ditione tua vniuersa cõstituit Deus, tu es ergo caput aureum*; ponit ibi regem pro regno, in quo est velut in capite totum regnum: non enim hic agitur de regibus, sed de regnis: id quod patet ex eo, quod proximè sequitur, *post se consurget aliud regnum*, quibus verbis non significatur regnum Persarum surrecturum post obitum Nabuchodonosor, sed post regnum Chaldæorum, cui tunc ipse præerat. Vnde notandum est in illis verbis, *tu es caput aureum*, triplicem latere figuram: nam primo ponitur vt diximus, rex pro regno, *tu es caput aureum*, id est tuum regnum est caput aureum. Altera figura est in eo, quod rex, seu regnum Chaldæorū dicitur esse caput aureum, pro eo, quod est, significari seu figurari capite aureo, res enim significata & figurata nominatur vocabulo signi, & figuræ: qua figura orationis vtitur Scriptura, cum Ecclesiam Christi appellat Sion, vel Hierusalem, &

ipsum Christum vocat Dauidem: sicut interdum contra fit, vt quod est figura nominetur vocabulo rei figuratæ: quem admodum D. Paulus 1. Corinth. cap. 10. dixit: *Petra autem erat Christus*; id est petra figurabat Christum. Lege D. Augustinum in quæstionibus super Leuiticum quæst. 57. Tertia figura est in illis verbis: *caput aureum*, continens duplicem metaphoram, alteram capitis, alteram auri. Vtramque explicemus, vocatur caput, vt ostendatur Monarchiæ Chaldæorum ordo, quo omnium prima & antiquissima dicitur, sicut caput in animali membrorum omnium caput est, quod maximè verum est, cum alijs regnis, quæ deinde consecuta sunt, conferatur, de quibus potissimum est sermo. Cum enim de futuris esset hoc statux portentum, ad voca regis, qui cogitabat, quid esset futurum post hæc, nihil intererat quæ aut qualia antecessissent imperia, eum hæc de illis regius animus non laboraret. Assimilatur etiam capiti regnū Chaldæorum, vel Babiloniorum, quia in eo vixit sapientia, cuius sedes est caput; vt patet Isaia cap. 47. vers. 10. *Sapientia tua & scientia tua hæc deceptæ sūt*.

Sed est maior difficultas de secunda Metaphora, eum nimirum imperium Babyloniorum vocetur aureum? præsertim cum Persarum postea videatur fuisse æquè opulentum, vel opulentius. Respondent aliqui primò per aurum, argentum, æs, & ferrum significari quatuor horum regnorum non opes, potentiam, aliasve qualitates, sed tantum ferriem & ordinem temporis: quasi dicretur, sicut inter metalla, primum dignitate est aurum, secundum argentum, tertium æs, quartum ferrum: ita inter hæc regna primum tempore & duratione crit Babyloniorum, secundum Persarum, tertium Græcorum, quartum Romanorum. Verùm eum hæc primitas temporis monarchiæ Babyloniorū sufficienter iam præsignata fuisset in prima capitis metaphora, dicendum est, non tam vocari auream, ad significandam eiusmodi primitatem, quam alias plures singu-

ſingulares illius monarchiæ qualitates . Quare alia ineunda eſt ratio; & primò ſtatuendum , in alijs regnis aliquid eſſe deterius , neque accedere ad id quod in Chaldaeorum regno eximium fuit aut optabile; quod docent communiter Patres, & ipſa natura metallorum oſtendit. Quamvis quid illud ſit valde inter doctores dubitetur .

Primò enim putant aliqui ideò Babyloniorum imperium vocari aureum , vel vt ait Ieremias cap. 51. ver.7. *Calix aureus*, quia non tantum opulentum fuit & ſplendidum, ſed & feliciffimum, glorioſiſſimum, famoſiſſimum, & ampliſſimum . Sic enim explicat Daniel dicens: *Tu rex regum es: Et Deus cali regnum, & fortitudinem & imperium & gloriam dedit tibi &c.* Tu es ergò caput aureum . Nam breuiſſimo tēpore ſubiugatis Syris, Iudæis, Tyrijs, Ammonitis, Moabit & Aegyptijs , qui tunc erant potentiſſimi, atque à tempore Iſaiæ cum Aſſyrijs & Babylonijs de imperio & ſumma rerum decertant, ampliſſimū euafit Babyloniorum imperium . Vnde Ieremias omnes gentes, ſcilicet tunc cognitæ & celebres , Nabuchodonofori fore ſubiectas & ſeruituras prædicit cap. 27. & Habacuc cap.1. v.10. *Iſſe*, inquit, *de regibus triumphabis, & tyranni ridiculi eius erunt*, quaſi diceret, erunt ei riſui & contemptui . Et Daniel c.4. v.19. *Tu rex*, ait, *magnificatus es, & magnitudo tua peruenit uſque ad calos, & poteſtas tua ad terminos vniuerſæ terræ*. Quocirca Iſaias cap.7. Babylonem appellat dominam regnorum, & cap.14. glorioſam in regnis & inclytam, & à Ieremia c.50. verſ. 21. eadem dicitur terra dominantium , & verſ.23. malleus vniuerſæ terræ . Quinimò tota ferè prophetia Ieremiæ & Ezechielis eſt de Nabuchodonofore, deque eius in Iudæos, omneſque gentes dominatu, idque ex voluntate Dei . Sic ergò ipſe Perſis fuit maior & ſclicior: vnde & magnus cognominatus eſt, ac vt talis in Scriptura , & hſtorijs eſt celeberrimus . Vocatur hic à Daniele *rex regum*: Iſaiæ cap.14. comparatur Lu-

cifero, qui fuit ſummus inter Angelos : Ezechiel.17. aſſimilatur aquilæ grandi magnarum alarum : & Ieremiæ 4. vocatur Leo & prædo Gentium . Quod igitur ait Daniel , *conſurget regnum aliud minus te* ; particula minus verti non poteſt, poſt te, ſive poſterum, id eſt minus antiquum, & minus diuturnum; ſi nihil aliud addatur : cum verbum Chaldaicum *ara*, non ſignificet poſterius, ſed minus, humilius, inferius, vt vertunt Septuaginta, noſtra vulgata , Vatablus & alij paſſim . Vnde ab *ara* Chaldaicè paui-mentum vocatur *arit*, quia in domo eſt inſimum & imum ; & terra vocatur *ara*, quia in mundo eſt inſima, cuiusque centrum .

Secundò Babyloniorum imperium vocatur aureum , quia eorum potentia, & gloria non tam armis, laboribus & fortitudine bellica, vt Perſarum , Græcorum , & Romanorum (qui cum gentibus fortioribus & in armis iam exercitatis concertarunt) quam hoſtium in bellando inexperientia, & ignauia, æque ac opibus & luxu creuit, ſiue hoc nomine orbi illuſtris, & ſplendida . Vnde Ieremias cap.5. de Babylonijs ait : *Calix aureus Babylon in manu Domini inebriās omnem terram : de vino eius biberunt gētes, & ideo commota ſunt* : Calix enim aureus ſignificat opes, luxum, ac confequenter idololatriam quam Babylonij alijs gentibus triumphantes inuexerunt .

Tertiò Theodoretus cenſet per hanc metallorum diſtinctionem, non tam populorum , qui imperia deinceps tenuerunt , opulentiam , quam vires & robur ſignificari . Vt enim magis durum eſt argentum auro, argento æs , & hoc ferrum : ſic etiam Perſicæ vires Babyloniciſ, Perſicis Græcæ, Græcis deinde Romanæ præcelluerunt . Cui ſententiæ videtur fauere , quod verſ. 40. ideò quartum regnum ferreum eſſe dicitur quia , *quomodo ferrum comminuit, & domat omnia; ſic comminuet, & conteret omnia hæc* .

Quartò Iſidorus putat ideò aureum vocari Chaldaeorum imperium, Perſarum argenteum, æreum Græcorum, Romano-

manorum ferreum, quia illud primum magis diurnum fuit, magis pacatum, & vnitum; alia verò posteriora perturbationum plena dissipata, neque adeò in regio splendore diurna; vt pluribus ostendit Gaspar Sanctius in hunc locum.

Quintò his metallis, quæ à primo semper ad deteriora labuntur, potest significari potentiam humanam sensim collabi, & ad interitum contineretur rueri, donec quæ magna visa sunt, & omni casu superiora, vaneant in nihilum: igitur quia res humanæ plerumque in peius ruunt, prima Monarchia sicum secunda comparatur, aurea potest appellari; secunda argentea, si cum tertia tandem ærea, si cum quarta quæ ferrea dicitur.

Sextò Babyloniorum imperium vocatur à Daniele aureum, quia Babylonij auri erant studiosissimi, illudque à genibus subactis exportabāt & coaceruabant, vti ex Iudæa abstulerant omnia vasa aurea, & argentea, etiam templi, eaque plurima & maximi pretij. Ad hoc igitur respicere potuit Daniel, vt pote Iudæus, significans Salomonis thesauros, & Iudeorum aurum & opes in Babylonem esse translatis, dum illam auream appellauit.

Hæ sunt præcipuæ rationes, ob quas sacri interpretes putant aureum dici Babyloniorum imperium, quæ licet sint valdè congruæ, non tamen omnino certæ, quia multa sunt postea in sacro textu, quæ non ita facile se cum omnibus illis conciliare possunt. Solum ergo est certum, quod sicut ab auri nobilitate quicquid est pulchrum, honestum, nobile, aureum appellari solet: quomodo aurei dicuntur mores, aurea simplicitas, aurea sæcula, quia pacata, quia in illis rerum ad vitam necessarium prompta subsidia; ita etiam imperium Babylonium ob aliquod præ alijs insigne privilegium, vocatur aureum; sed ob quod præcisè, in dubio est positum.

Aduertendum est vitio, non ita à Daniele Nabuchodonosorem regem re-

gum appellari, vt pro omnibus mundi regibus sumatur dictum: quemadmodum Apocalipseo 19. pro singulari prærogatiua de Christo effertur: *Habet scriptum in vestimento, & in femore suo, Rex Regum, & Dominus Dominantium.* Certum est enim idem non posse de rege isto pronuntiari; sicut nec illud, quod Deus sub dirione eius vniuersa constituerit, vt subiicit idem Propheta. Constat enim, nec Europam saltem totam, quidquid sit de Hispania, quæ Megasthenes asserit fuisse ab illo subactam, nec Indiam, vt alias complures prouincias, & gentes taceam, sub regis eius imperio & dominatione fuisse subiectas. Quapropter dicendum est, Nabuchodonosorem quia debellauerat magnam, & principalem partem orbis, tum Chaldaeis cogniti & famosi, ideo dictum vniuersæ terræ dominatorem, & eodè sensu Regem regum, idque per figuram. Synecdochen in Scriptura sacra frequenter vsitatam; veluti Luca 2. dicitur, *Exiisse editum à Cesare Augusto, vt describeretur vniuersus orbis.* Cum tamen vniuersus orbis non fuerit descriptus, sed Romanus, id est, Romanis armis subactus, qui quoniam amplitudine sua latè fundebatur, orbis appellatione significari consueuerat. Vel in his verbis est hyperbole, figura sacris etiam litteris persequens, quæ, vt magnitudo rei exprimitur, ea supra veritatem extollitur; quomodo Genes. 22. dicitur semen Abraham, tanquam arenam maris multiplicandum; & in lib. 2. Reg. cap. 1. Saul & Ionathas dicuntur Aquilis velociores; & in 3. Reg. cap. 10. dicitur tempore Salomonis fuisse tanta copia argenti, quanta erat lapidum. Vel Phrasus est hæc peculiaris diuinæ Scripturæ ponere omnes pro multis, sicut contra multos pro omnibus. Prioris exemplum habetur Genes. 22. in quo dicuntur benedicendæ omnes gentes, pro eo quod est, multæ gentes. Nam cap. 17. dixerat ei Deus, *Parrem multarum gentium constitui te.* Posterioris exemplum reperitur in cap. 5. Epist. ad Romanos; vbi Pau-

Pau-

Paulus ait: propter inobedientiam Adami constitutos esse peccatores multos, id est, omnes, nam ibi dixerat, omnes peccasse in Adamo. Vel Daniel hæc dixit secundum existimationem, & morē loquendi Chaldeorum, qui regem suū, quo magnitudinem imperij eius extollerent, vel quo magis ei adularentur, Regem Regum, & dominum vniuersæ terræ appellare solebant. Vel etiam, quia rex ipse inanes hos sibi tribuebat titulos. Neque sane mirandum, si hæc de se tam superbē sentiret, cum in deorum numero censeri voluerit; eoque studio auream excitauerit statuam, quam illustri loco populis adorandam proposuit. A quo idem didicit Balthasar, nepos, qui vt imperium ab ao; sic etiam insanos illos spiritus accepit. De quo Isaia cap. 14. *Corruisti in terram qui vulnerabas gentes, qui dicebas in corde tuo, in calum conscendam; super astra Dei exaltabo solium meum; sedeo in monte testamenti in lateribus Aquilonis; ascendam super altitudinem nubium; similis ero altissimo.* Vel appellatur Rex regum, quia tunc plures habuit reges suæ potestati subiectos, aut qui confederati essent, & tributa dependerent; quales fuerunt, qui paulo ante regnarunt Hierosolymæ, aut qui eo tempore captiui Babylone tenebantur. Reges nempe Tyri, Aegypti, Idumæ, Moabitæ, & Ammonitarū, quorum regiones ante hoc tempus bello domuerat. Reges porro regionum illarum fuisse captiuos, indicat Ieremias cap. 25. & 27. Vel denique dicitur Rex regum, vniuersæque terræ dominator, non actus, sed potentia, quia de facto ita suæ dominationi plura subiecerat regna, vt etiam præ suis viribus, suæque fortitudine potuisset omnia alia subiugare. Tantum de prima visione, ex qua fortasse Gentiles fabulam acceperunt de primo sæculo aureo, secundo argenteo, tertio æneo, quarto ferreo, quam Virgilius Ecloga 4. & lib. 8. Aeneidos describit, sed omnium optimē Ouidius lib. 1. Metam. vbi quatuor depinxit ætates iisdem omnino metallis expressas, quæ

Biblioth. Theol. Tom. IV.

oblata sunt regi dormienti, ita vt sibi omnino propoluisse videatur hunc Danielis locum, quem exprimeret.

In secunda visione cap. 7. Danielis Monarchia Chaldeorum Lænx assimilatur, quæ alas habet aquilæ; non solum quia vtrumque animal regis maiestatis symbolum est. Leo ob generositatem, aquila ab altissimum volatur: Aut quia vt Leo belluarum est princeps & caput, & eo nomine aliqua ratione primus; sic etiam Chaldeorum imperium primum fuit, natum videlicet non longe post mundam communi inundatione deletum; non ob has, inquam, duntaxat rationes Daniel Monarchiam Chaldeorū Lænx comparat, quæ alas habet aquilæ, sed ob alias etiam plures; D. Hieronymus duas adducit, primò, quia sicut Læna crudelis est, secundo ad libidinē vehementer ardens: sic Assyrij, atque Chaldæi præferoces fuerunt, & sanguinarii; & in omnem Veneris intemperantiam effrenes: vnde ad hoc exaggerandum, licet in Hebræo non sit hæc differentia, imo sit *ליון* quo significatur Leo, rectè nostra vulgata vertit, Læna; quæ vt tradunt Aristoteles & Plinius, Leone est ferocior, maximè cum nutrit catulos, semperque gestit ad coitum, nec vnus Leonis contenta congressu, etiam cum hyæna, & pardo miscetur. Quamobrem si Picrio Valeriano credimus, Læna meretricis est symbolum, & ita fingitur monstrum quoddam leonino corpore cum feminea facie: & Laidis scorti à corporis quæstu insignis sepulchro insculptam fuisse Lænam vulgatum est. Quanta autem fuerit Chaldeorum crudelitas, quam barbarus furor, diuina Scriptura multis locis exaggerat; Ieremias in Threnis, vbi neque ætatis, neque sexus ullam habitam esse rationem lamentatur: atque ideo sæpe Leones appellatur Chaldæi, quorum ingenium optimē Isaia expressit cap. 5. vers. 29. *Rugius eius vt Leonis, rugiet, vt catuli leonū, & frendet, & senectus prædā: & amplexabitur, & non erit qui eruat.* Et Ieremias cap. 4. v. 7. *Ascendet Leo de cubili*

SI

cubili

cubili suo, & prædo Gentium se lenabit. Quanta insuper fuerit eorumdem intemperantia, & incredibilis libidinum obscenitas, ex eo patet, quia vt inquit Baruch c.6, honori esse ducebant Babylo-niæ femina cum pluribus concubuisse: immo & pecuniam ex meretricio quaestu, aut ex prostituto pudore coactam, sacram esse putabant, & illius oblatione placari Deos, & eorum conciliari gratiam. De quo vide Herodorum lib. 1. in Clío, & Q. Curtium lib.5.

Quod autem Leæna hæc dicitur habuisse alas aquilæ, significat mira eius regni, breuissimo tempore, incrementa, & incredibilem regis præsertim Nabuchodonosor in consequendis victorijs, & dilatando imperio celeritatem. Vnde rex hic fuit quasi monstrum: partim enim fuit Leo ob seuitiam, partim aquila ob celeritatem in conficiendis bellis. Nam Leo fortissimus est, sed aquila velocior: aquila velocissima est, sed Leo fortior. Sic Chaldeorum in subiugandis prouincijs admiranda celeritas non semel in sacris Scripturis aquilarum similitudine declaratur. Ieremiæ cap. 4. *Ecce quasi nubes ascendens, & quasi tempestas currus eius, velociores aquilis equi illius.* Et cap. 48. *Ecce quasi aquila volabis, & extendes alas suas ad Moub.* Eadem item verba repetit cap.49, cum loquitur de Bofra, & Thren. cap.4. *Velociores fuerunt persecutores nostri aquilis.* De eisdem habetur Habacuc cap.1. *Ego suscitabo Chaldeos, gentem amaram & velocem, ambulantem super latitudinem terræ, vt possideat tabernacula non sua; horribilis, & terribilis est, leniores pardis equi eius, & velociores lupis vespertinis, equi eius volabunt, quasi aquila festinans ad comedendum.* Chaldæa gens amara, & velox; expressa explanatio Leænæ alarum, fortis, videlicet, audacis, ac celeris in agendo. Quæ duo necessaria sunt, & abunde sufficiunt ad imperiū breui amplificandum. Ceteræ comparationes huc similiter tendunt, vt fortitudinem & audaciam cum velocitate coniunctam declararent. Quod enim de lupis vesperti-

nis dicitur, scitum est eos vespertino tempore, ob diarnam incediam velociores surgere ad agendas prædas. Ierem. cap.6. Item per alas aquilæ putant aliqui significari Nabuchodonosoris superbiam, quia sicut aquila omnium auium volat altissimè, nec reuerita solem, contumaci constantique acie in ipsum intuetur: ita rex ille tanta fuit superbia, vt Deum contemneret, & se se pro Deo adorari iuberet. Eius superbissima illa verba, refert Isaias cap.14. *Ascendam super caelum, super astra exaltabo solium meum, similis ero altissimo.*

Postea dicuntur euulsæ ipsi alæ; *Aspiciebam donec euulsæ sunt alie eius;* quæ verba de Nabuchodonosore accipiunt aliqui, cui congruenter dicuntur auulsæ alæ, quoniam ob prædictam superbiam, quasi detractis pennis confusus, & compressus à Deo est, & in bestiam mutatus, vt habetur Danielis cap.4. Consequenter dicitur postea Leæna stetit super pedes, vt homo, & cor hominis datum ei, quoniam Dei miseratione post septennale spatium à belluino statu ad humanum, à quo excidisse videbatur, reuocatus est, vt citato cap.4. latè explicant interpretes. Alij tribuunt hunc locum Balthasari, cui euulsæ sunt alæ, cum occisus est, tumque apparuit, non esse Leo, sed habere cor hominis, id est, esse imbecillis ac mortalis. Verum magis placet illorum sententia, qui non de aliqua singulari persona, sed de imperio toto partem hanc visionis interpretantur; ratio est, quia Propheta non tam hic historicè loqui videtur, quàm propheticè, id est, de rebus agere futuris, magis quam de præteritis, aut præsentibus; neque spectaret Daniel donec euellerentur pennæ, si iam antea forene à bellua sublata. Adde quod vaticinia hæc imperiorum continent omnium & interitum; sed neque in Nabuchodonosore extincta est Chaldeorum potentia, cum post illum rei Babylo-nicæ potit i fuerint duo Reges Euilmerodach, & Balthasar: neque Persicum imperium exordium habuerit, nisi multis post annis à Na-

Nabuchodonosoris obitu. Iam ergo explorandum est, quomodo ex imperio totius pennae defluerint. Certè alæ imperiorum exercitus sunt, quibus imperiū latè, & festinato progressu regiones non tam passibus quam victorijs lustrat. Sic Ezechiel eum de hoc ipso imperio ageret, eius exercitus alas appellauit e. 17. ver. 3. Alæ item prouinciæ dici possunt, quæ imperatoribus ad res breuiter expediendas, ac feliciter præsto adfunt, viribusque suis & regnum amplificat & regiam dignitate m. Iuxta hunc sensum, tunc alæ euelluntur ac desuunt quando ciuitates, & prouinciæ, aut vltro deficiunt, aut ab hoste subactæ alienæ subduntur potestati. Quando igitur Medi & Persæ prius cum Babylonijs fœderati, illisque subiecti, ab illis defecerunt simulque coniuncti fuerunt ad obsidendam expugnandamque Babyloniam, ut patet ex illo Isaïæ cap. 21. ver. 4. Ascende Aclam, obside Mede, vbi per Aclam Persia, aut Persa intelligitur; tunc euulsæ sunt pennæ, quibus Chaldeorum, vel Babyloniorum imperium subsistebat. Defecerunt item sub eadem tempestate Lydij, quibus dominabatur Cressus, qui fœderatus erat Babylonijs, à quibus, ut tradit Herodotus in Clío, tanquam à fœderatis auxilium contra Cyrum petere statuerant. Et iidem ut pote iam à Cyro subiugati bellicam illi optam contra Babylonios prestiterunt. Adde quod ex ipso quasi Regis Babylonici complexu duces quidam ad Cyrum, cum Babylonem obsideret, transfugerunt. Ut enim refert Xenophon lib. 7. Cyropædiæ, Gadaras, & Gebrias deserto, ac penè prodito suo rege transferunt ad Persarum castra, magnoque vsui fuerunt patriæ suæ hostibus. Cum enim essent vrbis, viarumque periti, omnium primi in urbem, & in regiam domum irrepserunt, oppresereque Regem securum & incautum. Quod autem prædicta trāslatio, seu metaphora nec sit dura, nec inusitata; patet ex hoc, quod Latinus additas alas alicui dicit, cum animos assumit & vires; & in eidi pennas, cum vires demun-

tur, & autoritas; & easdè renasci, cum quis reuocatis viribus ad illum locum, statumque reuertitur, vnde exciderat. Sic sanè Cicero lib. 4. epist. ad Atticum, *Qui mihi pennas inciderant, nolunt easdè renasci*. Imo omnes ferè nationes ex communi modo loquendi, auulsas dicunt, vel fractas pennas illius, cui vires & auxilia desunt.

Iuxta hanc interpretationem, quæ videtur magis expedita & ad litteram, sequentia quoque verba ad totum imperium, gentemque Babylonicam referenda sunt; *Et sublata est de terra, & super pedes quasi homo stetit, & cor hominis datum est ei*; tolli de terra perire significat, idque eum ignominia, qualem subeunt, qui tolluntur in crucem, seu attolluntur; quia igitur bellua, id est Gēs Babylonica per illam præfigurata, regnare desijt in terra, nempe Babylonia, vbi antè floruerat, rectè in hoc sensu perijisse dicitur; qui enim de statu magno cecidit, maximè si ignobilis, atque arumosa conditio succedat; perijisse censetur, & in statu infelici, quasi in sepulchro quodam tumulatus; Insuper gens illa, quæ prius cor habebat non hominis, qui rerum vicissitudines, & fortunæ mutationes meruit, & in statu sublimi ruinam timeret, & si sapit, semper est pauidus; sed Leonis qui ad nullius puebit occursum, immò & Dei, qui nulli parcat, & omnia suo sibi subiecit imperio, ad regis sui exemplum, qui dicebat Isaïæ 14. *Similis ero altissimo*: quæ assumpserat pennas aquilinas, quibus se se altè supra homines efferebat, quia supra homines aliquid habere se putabat eximium; Gens, inquam, illa Babylonica *Super pedes quasi homo stetit* &c. quando bello à Medis Persisque contrita, & subiugata, homines se ceterorumque simili conditione natam agnouit, nihilque se habere supra humanas vires. Et hæc tam de prima, quam de secunda visione dicta sufficiant, pro ut ad primam pertinent Monarchiam.

CAPVT VI.

Quantum referat ad sacra doctrina studium humana Historia sub Monarchia secunda:

Secunda Monarchia veluti definiri ac describi potest, fuisse summum in mundo imperium, Daniel. 2. per argenteum pectus & brachia statux, & cap. 7. per secundam bestiam Vrsio similem præfiguratum; quod à Cyro, vsque ad Darium vltimum, quem Alexander Magnus deuicit, penes Persas stetit, à quibus Persicum dictum est. Notandum est tamen, quia sub Persis erant Medii, factum fuisse, vt hæc Monarchia interdum etiam à Medis appellationem habuerit; vel potius, quia Persæ vnâ cum Medis & eorum ope Assyriorum imperium euerterunt, indeque Medorum regnum per Arbacem Assyrijs ereptum diu potentissimum fuit, orta est hæc nomen Medorum cum Persis confusio. Nec prætereundum hic eosdem etiam appellari Elimios, & in sacra Scriptura Elamitas, à conditore gentis Elâ filio Sem, vt videre est ex collatione Genes. 10. Isaia 11. vers. 21. 22. Ierem. 25. vers. 49. Ezechielis 32. De translatione Monarchiæ à Babylonijs ad Persas, item de Chronologia sub hac Monarchia obseruanda, diuersa sunt historicorum placita, siue quod in idem redit, quis tum rex Babyloniorum fuerit, quæ Cyrus dignitate monarchica exiit, quâtaque fuerit Monarchiæ Persicæ duratio.

Circa primum putant aliqui Belsazerem, alijs Balthasarem, quem etiam & Nabonidum, seu Nabonidochum, appellant, à Cyro victum fuisse; alij vero opinantur in Balthasare quidem posteritatem Nabuchodonosoris defecisse, non tamen Babyloniorum reges, sed adhuc dum residuum ei regem successisse, Darium videlicet Medum, alijs Ciaxarem Astyagis filium cuius meminit Xenophon, Herodoto lib. 1. Labini-

thum; de quo superiori capite egimus. Sed vtraque sententia facile potest ad concordiam reuocari, si dicatur, placuisse quidem Cyro honorare Darium Medum titulo regni Babylonici, regnasseque cum illo anno vno post Balthasarem; sed quia per tam breue tempus, & non nisi dependenter à Cyro, concludendum est non tam in illo, quàm in Balthasare, non solum Nabuchodonosoris posteritatem, sed etiam Babyloniorum reges, supremamque illorum monarchiâ defecisse: ex quibus etiam liquidum apparet, quomodo illud Propheticum, Phares Danielis 5. completum sit, diuisum regnum tuum & datum est Medis & Persis; Quomodo insuper Medi partim ad Assyrios, partim etiam ad Persas sint referendi.

Circa secundum, temporis videlicet continuationem, quo hoc imperium Monarchicè durauit, diuersi diuersam, concinnauere Chronologiâ; nam Strabo collegit annos 250. Methastenes 175. Suidas amplius 200. Clemens 235. Constantinus Manasses 213. cuius diuersitatis causa videtur esse, quod aliqui magis, vel minus altè repetunt huius Monarchiæ originem, vel plures aut pauciores regni sui annos vnique Regi tribuunt; alij verò Chronologiam amplexantur euentibus huius Monarchiæ analogam, & in regum successionem fundatam, quos statim describemus ex Diodoro Siculo lib. 11. 13. & 17. item Herodoto lib. 2. & 3. & Eusebio. Interim aduertendum est fundamentum Chronologiæ, ad quam rerum euentus sub hac secunda & subsequenti Monarchia exigi debent esse planè diuersum. Nam sicut S. Scriptura historiam à mundo cõdito annorum ter mille trecentorum & sexaginta, paulò plus, vel minus, secundum diuersum Chronologorum computum vsque ad euerisionem Politicæ Iudaicæ, à Nabuchodonosore factam continua serie nobis exhibet. Ita Historiæ, quæ post vastationem Hierosolymorum sequuntur, nullo certo temporis intermedij nexu cum prioribus in Sacra Scriptura

peura cohereret. Singulari autem Dei
providentia factum est, ut ubi Chrono-
logia Scripturæ desinit; ibi prophana
scripta eam continent, cum non longo
tempore ante Chronologiam Scripturæ
expirantem; certè in illis Aera, & Epo-
che inveniuntur, quales sunt præsertim
Olympiadum, urbis Romæ conditæ, &
Nabonassarea, ad quas historiarum ve-
ritas, quoad temporis connotationem,
tutissimè exigi potest; modum tamen
alligationis, siue viam qua ad eiusmodi
Aeras cum annis à condito mundo iusta
setie continuandis devenitur, tanquam
rem altioris indaginis libenter præter-
mittimus, quæ ex Chronologis ratione
temporum ex proposito tractantibus,
accuratè petenda est. Sufficiet modo
pro instituti nostri ratione supponere,
quod ut volunt aliqui incidit Olympi-
adum Aera in annum mudi 3176. Ur-
bis conditæ in annum mundi 3199. Na-
bonassaris in annum mundi 3200. Inde
enim colligetur calculum Scripturæ ali-
quandiu decurrere cum his æris, donec
is absoluator circa annum mundi ter-
millesimum trecentesium sexagesi-
mum: V. g. iuxta suppositiones fa-
ctas, Aera Olympiadum decurret cum
hoc Scripturæ calculo annos 183. Ur-
bis conditæ 160. Nabonassaris 161. qui
anni spontè ad annum mundi 3360. al-
iosque annos subsequentes se se alligat,
iuxta probabilius dicta lib. 3. sect. 1. c. 63
tomo 2. ubi etiam notauimus sterisse
Regnum Persarum per annos 330. Mo-
narchiam verò per annos 203. vsque ad
annum mundi 3622.

*Catalogus Regum Persarum, qui donec
Regnum hoc fuit Monarchicum
regnauerunt.*

Cum de Persiæ regibus ac regimi-
ne dupliciter loqui possimus, vel
ante Monarchicam eius dignitatem, vel
illa durante; relicta prima parte, cuius
intricatisimæ sunt historię, de secunda
tantum agemus, nimirum de successio-
ne Regum Persiæ, donec hoc regnum

fuit Monarchicum.

Cum igitur Persæ Asyrijs prius, &
etiam Medis parerent, primus Cyrus ar-
mis, quæ aucto materno Astyagi intulit,
dignitatem Monarchicam à Babylonijs
& Medis ad Persas transtulit. Hic Cy-
rus fuit filius Cambylis Persæ & Man-
danes Astyagis filix; cum enim Astya-
ges Medorum rex metueret, ne suus ex
filia Mandane nepos, quem nasciturum,
nondum natum, ob visiones suspectum
habuit, tota Asia potiretur, & consequen-
ter regiam Medorum maiestatem à Me-
dis ad Persas transferret, tradit Herodo-
tus lib. 1. elocasse filiam nulli Medorū,
sed Cambyli cuidam Persæ, ingenio se-
dato, & obscura gente orto, planè tamen
contrario, quàm intenderat euentu, uti
exitus postmodum demonstravit. Huius
regni triplex veluti initium constituitur;
primum quando victo Astyage Medorū
regnum ad Persas transtulit; secundum
quando deuicta Babylone omne demū
imperium ad illum peruenit, & monar-
chiam stabiluit; tertium circa annum
mundi 2419. quando Iudæis ex Babylone
reditum in patriam concessit; quæ di-
uersa Cyri initia omnino obseruanda
sunt, tum ut Chronologiam S. Scripturæ
huius Cyri multoties, cum annotatione
annorum eius regni, mentionem facien-
tis, rectè quis assequi valeat; tum etiam
quia constat eum regnasse post Astya-
gem translato ante captam Babylonem,
ad Persas Medorum imperio, ut habetur
Danielis 3. & apud Herodotum lib. 1.
Diodorum lib. 2. & Iustinum lib. 1. Tum
insuper quia Berosus apud Iosephum
lib. 1. contra Appionem; Herodotus lib. 1.
Iustinus lib. 1. & alij dicunt, Cyrum post
adeptum imperium Asiæ tandem venisse
contra Babylonem; non igitur incepit
absolutè regnum Cyri post eversam Ba-
bylonem; sed antea; Tum denique, quia
Herodotus lib. 1. tribuit Cyro annos 29.
regni sui, vel ut alij volunt 30. sed non-
dum completos; Xenophon autem libro
ultimo Cyropædiæ septè duntaxat; quod
vtrumque facile concordari potest; si di-
catur Cyrum regnasse in vniuersum an-
nos

nos 30. sed post adeptum imperium Babylonis tres tantum. Porro, ut quæ Scriptura de hoc rege tradit authentica sunt & extra omnem dubitationem, ita quæ ab alijs historicis illius historiæ referentibus scribuntur valde incerta, eū inter se multum dissentiant. Eius res gestæ inter alia sunt: Astyagis aui materni subactio; Medorum sub Persas subiectio; Babylonis occupatio; totius Asiæ per Mardonium dominatio; Cræsi Lydorum regis suppressio; Iudæorum ex captiuitate Babylonica dimissio; tandemque infelix aduersus Messagetæ expeditio, in qua occubuit, eiusque caput à Tomyri Regina in vtre, humano cruore completum, demissum scribitur cum insultatione: *Ego verò te sanguine satiabo*. Regnavit à primo regni principio annos 30. natiq; sunt ei ex Cassandane, Cambyfes, & Smerdes filij, Meroc, Artistona, & Artossa filiz.

II. Cambyfes Cyri filius anno mundi 3421. Rex à Patre in Messagetæ profecturo designatur. Expeditionem in Aegypto contra Regem Plammenitum suscipit, & deditione captum humaniter tractat, alij captum, & occisum dicunt. Fratrem Smerdem propter suspicionem iniuriarum occidit; sorores Artossan, & Meroen in vxores duxit, alteramque, ob fratrem eadem nonnihil diocentem, similiter interemit. Tandē, multis facinoribus designatis, in Ecbatanis Syriæ proprio gladio fortē euaginato vulneratus, in morbumque lethale incidens, miserabiliter decessit, cum regnasset annos septem menses sex; vnde alij numerant annos 60. Hi duo tantum reges ex familia Cyri fuere; qui autem sequuntur, ex familia Hytaspidis. Quod enim post obitum Cābyfis, Smerdes Magus anno mundi 3428. se verum Smerdem Cyri filium mentitus, ponatur ab aliquibus imperasse septem menses, qui menses ad complendum octauum annum Cambyfis fuerunt reliqui; huiusmodi tempus pro interregno potius, quam ipso regno habendum est. Lege eius historiam apud Herodotum lib.3.

III. Persarum Rex Darius, Hytaspis filius, Arsamenis nepos, frater Artabani, cui Artaphius, Ariomardus, & Tygranes filij; Artaphernis, cui Artaphernes filius; Oranis, cui Smerdes filius, & Amastris vxor Xercis; Atarnis, cui Phragathunta filia. Hic Darius occisus in Persia Magis, fulmine confirmatur, industria Equisonis Oebaris ad regnum designatus anno mundi 3429. postquam pro regio statu contra Otanem & Megabysum acriter dimicasset. Inter alias eius expeditiones notabilis est Babylonis recuperatio, quæ sub Cyro occupata postea rebellauerat, qua in recuperatione comprimis notanda est Zopiri prestita fidelitas de qua Herodotus: Rex creatus, ut dignitatem connubijs stabiliret, duas Cyri filias Artistonom, & Artossam prius Cambyfis vxorem, & totidem nepotes, Pantapten scilicet Cambyfis, & Parmim Smerdis filias vxores duxit. Ab Atheniensibus duce Miltiade in campo Maratonio ingenti prælio victus est. Regnavit annos 36. natiq; sunt ei ex Artistona Arsames & Gobrias, ex Artossa verò Xerxes Rex, Achæmenes, Mastistes, Hytaspes, Mandane. Huins Darij tempore Consules Romani creati ceperunt, Sexto Tarquinio Regis Tarquinij filio, cum Patre & tota familia, ob stuprum Lucretiæ Roma expulso. Primi cōsules fuere Iunius Brutus, & ipse L. Tarquinius Collatinus, Lucretiæ à Sexto Tarquinio stupratæ maritus.

IV. Persarum Rex fuit Xerxes anno mundi 3465. Variæ & inconstans fortunæ fuerunt huins Regis expeditiones, nam Aegyptios rebellantes feliciter, ordinem redegit, patris bellum contra Græcos redintegravit; decies septies cetera millia peditum, equitum octoginta millia contra illos ducendo; Athon, motem incredibili labore perdidit; Hellespontum pontē iunxit ad Magnesiā naues 400. naufragio amisit; Græcorum præsidium in Thermopylis infestè tentavit; mar ad Aphetas, & Artemysium dubia pugna certavit; Athenas vi captas incendit, quas tamen Themistocles

cles restaurauit, sed tandem classe ad Salaminem cum Græcis sub eodem Themistocle infelicitur congressus, Mardonio pedestribus copijs relicto, præcipiti fuga se in Asiam recepit, rebus eius magis magisque in peius collabentibus, donec tandem ab Artabano, patruo suo, occisus, omni fortunæ finem imposuit. Regnavit annos 20. cui nati ex Amastrea Darius, Artaxerxes, Hytaspes, Dariæa. Notandum etiam hic Artabanum post Xerxen trucidatum regnasse septem menses, sed qui pro interregno habendi sunt, & à quibusdam 20. annis. Xerxis annumerantur; sunt etiam qui pro V. Persarum rege ponant Darium, verum cum fraude Artabanum à fratre Artaxerxe fuerit occisus, melius ponitur Artaxerxes. Clarum putat aliqui quatuor prædictos Persarum Reges Cyrum, Cambysem, Darium & Xerxen esse illos ipsos reges, de quibus Danielis 11. v. 2. 3. *Ecce adhuc stabunt tres Reges in Perside, & quartus diribitur opibus magnis præ omnibus, cumque prævaluerit opibus suis, excitabit omnes contra regnum Græciæ. Et mox: Stabit autem Rex fortis, cum scierit, contemnetur regnum eius, ut dividatur in 4. ventos calis.* Vbi per quartum Regem Xerxen, & per eum, quem subiungit, Alexandrum Magnum per saltum intelligit.

V. Artaxerxes *maxes xus* latine longimanus, quod brachiorum & vlnarum tanta longitudine fuerit, ut genua contingeret; cepit regnare circa annu mundi 3486. Eius res gestæ præcipuæ sunt; Artabanum patrum cum liberis eversio; Aegypti magna opum vi sub pristinum iugum redactio; Atheniensibus maris imperio permissio, Græcas per Asiam colonias liberas esse iussit; clementiæ insignis in siue fuit exemplum; eo tamen calumnijs aures patefaciente Iudæi grauius acculati, à templi & urbis Hierosolymorum structura, serio edicto disturbantur. Regnavit annos 40. cui nati Xerxes, Sogdianus, Arsites, Darius Nothus ex concubina, Parysatis ex concubina Andia, soror consanguinea & vxor Darij, Bagapæus germanus frater Pary-

satidis. Sunt qui Artaxerxis successorem Xerxen II. filium ponunt in cuius regni assignato tempore Eusebius & Diodorus differunt, dum hic vnus anni numeru, ille duos dumtaxat menses numerat: ipsi verò Xerxi II. successisse Sogdianum, septem mensium Regem; verum cum, apud alios horum duorum regum tempus pro interregno habetur, annisque Darij sequentis adijciatur, secundum hoc VI. Persarum Rex Darius Nothus recensendus est.

VI. Darius Nothus ante regnum, dictus Ochus, is interempto & in cineribus suffocato Sogdiano anno mundi 3526. Rex fit; Lacedæmonijs contra Athenienses primò per Thissaphernem, post per Cyrum auxilia mittit. Regnavit annos 19. natiq; sunt illi ex Parysatide Artaxerxes Mnemon, Cyrus cognomento Iunior, Ostantes, Oxanes, & Aspasia quæ duorum fratrum Artaxerxis & Cyri fuit concubina.

VII. Artaxerxes Mnemon siue Memor ab insigni memoria, Darij Norhi filius, anno mundi 3545. regnare cepit, Cyrum fratrem, cui Xenophon militauit, vicit, pecunia in Græciam submissa, Agesilaum à se persequendo reuocauit, cum Græcis pacem fecit, Regem Cypri rebellem trucidauit. Regnavit ann. 43. ipsique nati sunt ex Statira vxore legitima Darius, Ariaspes, Artaxerxes cognomento Ochus; ex Aspasia verò concubina, Artamenes, Sisygambis soror & vxor Artamidis, Artossa filia & vxor, Amastris patri quoque nupta, Rhodogune, Apune, & Ocha.

VIII. Artaxerxes Ochus Mnemonis filius natu minimus, viuentē adhuc patre occisus fratribus Dario & Ariaspe, regnavit anno mundi 3588. cum primis Artossæ Nouercæ, & sororis studia sibi concilians, quas stupro ad coniugium, & regni societatem pellexit. Ingenio quidē acri & industrio, sed sæuo & avaro fuisse dicitur: hinc multæ expeditiones ab inquieto eius ingenio profectæ, successu multiplici; donec vel tandem Bagox Eunucho insidijs perijt, cadauere eius

eius felibus proiecto, & osibus in gladiorum manubria versis. Regnavit annos 23. natiq; sunt illi Artes, vel Arfames, Bystanes, & Parysatis.

IX. Artes vel Arfames Ochi filius, ob ætatem parricidæ Bagoæ nondum formidabilem cõservatus fit Rex ab eodem Bagoa, sed cum vindictæ de eo sumendæ suspicionem postea incurrisset, cum tota stirpe ab illo extinctus fuit, postquam regnasset annos 4.

X. Darius vltimus, Codomannus à Iustino appellatus fuit filius Arfamis & Sysigambis filiorum Artaxerxis Mneumonis ex Aspalia concubina, vt statim diximus. Hic anno mundi 3614. Bagoæ opeta ad regnum euectus fuit, verû ab eodem insidias sibi neci compertus, prudenter exitum præuenit, cogendo Bagoam venenum bibere, quod in necem suam parauerat. Rebus firmatis, Asiæ aditus contra Macedonas muniuit, sed frustra. Tribus enim pugnis contra Alexandrum Magnum habitis in vltima occidit trucidatus à suis. In prima, vixis ad Graniciû flumen ducibus suis, milibusque vltra centum millia amissis, Asia omni anteriore exiuit. In secunda novis copijs trecentum millia perditum, & centum millia equitum coactis ad Issum Ciliciæ grauer vulneratus, matris, coniugis & liberorum turpem captiuitatem vidit. Acceptaque ab Alexandro superba denuntiatione, *vt regni arbitriû victori supplex submitteret, quia mundus nec duobus solibus regi, nec duo summa regna, saluo terrarum statu, habere possit*, bellum copiarum superiorû numero duplicato, tertio instaurat, inito ad Gangamela, secundum Strabonem initio lib. 11. seu vt multi volunt, ad Atbelam, cum hoste cruento prælio; vbi iterum fufus, fugatusque in Bactrianam, à Besso, & Nabarsane præfectis suis interimitur, cuius corpus ab Alexandro repperit in Persiam deportati, regijsque monumentis inferri iussit. Regnavit annos 6. natiq; sunt illi ex Statora sorore simul & vxore, Ochus, Statira, Drypetis, Stacipna & alia filia anonimis.

Ex dictis patet secundam hanc Persarum Monarchiam durasse circiter annos 203. ab anno videlicet mundi 3419 quo primum eius principium supra stabiluimus vsque ad annum mundi 3622 quo Darium vltimû Alexander Magnus deuicit. Cum verò Reges eius fuerint vel ex familijs illustribus, vel ex obscurioribus: ideo etiam ab aliquibus in duas classes diuiduntur. Familiæ illustres fuerunt vel Cyri, vel Datij Hystaspidis. Ex illa fuit ipse Cyrus cum Cambyse; ex ista verò Darius, Xerxes, Artaxerxes Longimanus, Darius Nothus, Artaxerxes Mneumon, Artaxerxes, Ochus, & Artes. Familiæ obscurioris solus Rex Darius Codomannus fuit, quod filius Arfamis, & Sysigambis ex concubina natorum.

Caruerunt Persæ impetij honores post casum Datij Codomanni per annos circiter 560. parueruntque primum Macedonibus Syriæ regibus Seleuco & Seleuci successotibus, deinde Parthis vicinis suis vsque ad euersum Artabanum vltimum Parthorum Regem ab Artaxerxe Persa, qui imperium Orienti regi sue reddidit. Quod factum secundum aliquos anno gr̃e Christianæ 230. imperante Romanis Alexandro Severo, Olympiadis 252. anno 2. Vrbis Romæ 983. Nabonassari 977. à quo tempore Persæ rerum rursus potiti sunt in Oriente, clarique nominis reges multos habuerunt Romano imperio insectos per ann. 302. quorum regum vltimus Ormisdas Iesdegard anno Christi circiter 533. à Saraceno Ben-Omar, qui alter post Mahometem fuit, duce Abdallo, regno & victa exutus est, imperium Romanum tenente Hetraclio. Hinc Saraceni Mahometani latè dominati sunt in Perside & toto Oriente, resque administrarunt per Sultanos, & Caliphas sacrorum præfides per multa sæcula, donec tandem Vscacassanus ex Turcico genere familiæ Alsambeiz, loco natus humili, imperium illic inuasit circiter annum Christi 1467 magnisque rebus gestis, occupata Persia, Parthia, Media, Assyria, Armenia, Mesopotamia anno 1478. moriens filio Iacup-

Sectio VIII. Caput VI. 513

Iacuppo id reliquit. A cuius morte, quæ incidit in annum eiusdem æræ 1485 fluctuarunt aliquandiu Orientis res, intraque paucos annos reges varios habuerunt, imperij omnes breuissimi, excepto vno Rustano, tyranno potius immani quam rege, qui septem annos regnavit. Tandem Hismael exstitit non modo primus illius nominis inter Reges Persiæ, sed & familiæ illius, quæ hodie Persiæ imperat, vocaturque Sophina; hic fuit gente Persa, stirpe nobilis, & vetusto genere regio, religione Mahometanus, sectæ eius, quæ Aly doctrinam sequebatur, quam tanto post patrem Aydar zelo amplexus dicitur, ut illius causæ, quum Persiæ regnum acquireret, inauditas crudelitates admitteret in aduersarios sectæ *Suni* quam Arabes & Turcæ sectantur. Et quia in lingua Persica communiter *Susy* appellantur, qui relicto sæculo, soli diuino cultui vacant, huic ob insignem religionis zelum, à suis datum fuit nomen *Susy*; ita ut *Susy* non sit nomen proprium, aut Regum commune, sed adiectiuum, nam nullus Regum post illū id nomen sibi sumpsit. Hoc igitur duce Persiæ alas ceperunt rursus mouere circiter annum Domini 1498. fortunaque secundante Hismaelem regem creatum, subactis vicinis prouincijs Orientis dominum cōstituerunt, pristinaque maiorum potestatem ac gloriam recuperarunt. Hismaeli successit Tamasus filius, Tamaso Ismael II. eius secundogenitus; Ismaeli II. à suis occiso Mahometes Chodabendes, frater eius Germanus primogenitus; Chodabende Schiah-Abbas eius filius, Schiah-Abbæ, Schiah-Seffyt; Schiah-Seffyt, Schiah Abbas Hossen.

Synchronismus rerum tam Politicarum, quam Ecclesiasticarum populi Iudaici, durante secunda Persarum Monarchia.

VT duratæ prima Assyriorū Monarchia Iudaicæ Politicæ formæ; *Biblioth. Theol. Tom. IV.*

Patria sub Patriarchis; *Heroica* sub ducibus; *Conseruatoria* sub Iudicibus; *Regia* sub regibus vsque ad captiuitatem Babyloniam; ita post illam sub Monarchia Persica *Ducalis* & *Pontificum* fuit; Pontificum tamen potestas maior fuit, quam Ducum, præsertim postquam ad Asmonæos hæc dignitas fuit deuoluta. Et si autem hæc quarta Politicæ Iudaicæ Dynastia à veteribus valde negligenter in historias sit relata, ut nimium perplexa sit controuersia de Zorobabclis primi ducis successoribus, & Iehosue primi Pontificis; ex Iosephi tamen & Eusebij historijs, Iudaicorum Ducum & Pontificū nomina à soluta captiuitate vsque ad Maccabæorum tempora sic se habent vt eumque.

Iudaicorum Pontificum Catalogus sub Persica Monarchia, & vterius sub Persia, vsque ad Maccabæos.

- I. Iehosua, vel ut Esdras eum appellat, Iesua, filius Iosedech. ann. 28.
- II. Ioachim, Iesue filius, Nehem. cap. 12. v. 10. ann. 42.
- III. Eliasib, Ioachimi filius, ibid. ann. 21.
- IV. Ioiada, Eliasibi filius. ibid. ver. 11. ann. 24.
- V. Ionathas, Ioiadæ filius, ibid. an. 24.
- VI. Iaddus Ionathæ filius, cuius historiam Ioseph lib. 11. cap. 8. describit, quod monitu Dei in somnis Alexandro Magno cum populo candidato, Sacerdotali habitu indutus, obuiam iuerit, iratumque flexerit. Cuius è contra frater Manasses filiam Sanaballati in vxorē duxerat. permissuque Alexandri nouum templum in monte Garisim extruxerat, & nouum cultum instruxerat, de quo Nehem. cap. 13. ver. 28. Ioseph lib. 11. cap. 8. ann. 10.
- VII. Onias Priscus, Iaddi filius lib. 1. Macchab. cap. 12. v. 20. Ioseph lib. 11. cap. 8. ann. 27.
- VIII. Simon Iustus, Oniæ filius, Proloimeo Lago contemporaneus, de quo Ioseph lib. 12. cap. 2. ann. 13.

T t t

Elea-

IX. Eleasar frater Simonis Iusti, Ptolemaeo Philadelpho contemporaneus, ibid. ann. 20.

X. Manasses Simonis & Eleasari patris, ibid. ann. 17.

XI. Onias II. Simonis Iusti filius, Ioseph lib. 12. cap. 3. ann. 30.

XII. Simon II. Oniæ filius, cuius filij de Pontificatu contententes, magnas turbas excitarunt, & Antiochum Epiphanem in Iudææ perniciem attraxerunt, unde magna rerum in Ecclesia confusio, præsertim quod Sacerdotes Summos concernebat, quorum successio magis violenta, quam ad præscriptum legis exacta erat, Ioseph lib. 12. cap. 6.

XIII. Onias III. qui pius erat, sub Seleuco Philopatre, Heliodoro thesauros exigenti denegans 2. Maccab. 3. ver. 4. cui coniungendi sunt tres fratres, Iason ope Antiochi Epiphanis Pontificatum adeptus, ann. 3. Onias, siue Menelaus, qui fratri Pontificatum eripuit, ab Eupatore Epiphanis filio, iusto Dei ob eius impietatem iudicio occisus, annos 12. Ioseph lib. 12. cap. 15. Lyfimachus 2. Maccab. cap. 4. v. 29.

XIV. His successit Alcimus, natus quidem ex Aaronis progenie, sed è familia Pontificali non oriundus, euectus à Demetrio lib. 1. Maccab. cap. 7. v. 5. & 9. alio nomine vocatur Iacimus, Ioseph lib. 20. cap. 8.

XV. Huic successit Onias IV. Oniæ III. filius, qui à Ptolemaeo Philometore Rege & Regina Cleopatra, obtinuit veniam Heliopoli in Aegypto condendi templum Hierosolymitano simile lib. 13. cap. 6.

Catalogus Ducum, durante dynastia quarta Iudæorum.

Quia post captiuitatem Babylonicā usque ad Herodem, sub quo natus est Dominus, præcipua & primaria Iudæorum dignitas & autoritas exterior fuit penes Pontifices; unde & eorum constans, certa & illustris est successio, non item Principum, tam apud

Esdram, quàm Hebræos alios Scriptores ideo etiam præposuimus Pontifices Ducibus, qui hoc ordine habentur in Chronicis Hebræorū, & in Cabbala R. Abra.

I. Zorobabel filius Salathiel, Dux primus post captiuitatem Babylonicam. Hic est Zorobabel, qui ponitur in Christi Genealogia Matth. 1. Alter ab eo qui memoratur in eiusdē genealogia Luc. 3. Nempè quia hic numerantur maiores Virginis, illic Patres Iosephi Virginis viri, Dicitur in Aggæo, Zacharia, Esdra filius Salathielis, cum duntaxat fuerit nepos, nempè filius Padaiz filij Salathielis, filij Iechoniz, 1. par. 3. quoniam nepotes habentur pro filijs. ann. 32.

II. Mesullam, Zorobabelis filius, alio nomine Mosollam, & Refa. ann. 46.

III. Hananias IV. Mathathias. V. Barachias, VI. Hasadias, VII. Esaias; & alij de quibus vide Chronographiam Genebrardi lib. 2.

Quod pertinet iam ad Chronologiam Pontificum & Ducum regni Iudaici, quomodo nimirum eorum anni ad certos annos mundi affigi possint; communis est sententia Zorobabelis primi Ducis & Iehosue primi Pontificis primordium administrationis post solutam captiuitatem Babylonicam in annum mundi 3420. circiter incidisse. Succedentium autem anni probabiliter ex plurium administratione colligi quidem, demonstratione autem concludi vix possunt, donec ad Maccabæos rectè summa fuit deuoluta, ubi plus luminis Chronologicæ, etiam in rebus ad Ecclesiam pertinentibus oriri videtur.

Cum autem in hoc temporis intervallo, certum sit apud omnes Chronologos, incidisse secundi templi Iudaici instaurationem, nobilissimamque Septuaginta Danielis hebdomadam æram; magna tamen inter illos est difficultas, à quonam præcisè anno earum computatio incipienda sit. De quo latè disputant Pererius, Sanctius, Cornelius & alij interpretes cum D. Hieronymo in c. 9. Danielis, Gordonus & alij Chronologi, Salmeron Prolegom. 43. in Euangelia; Sua-

Sectio VIII. Caput VI. 515

Suares in 3. partem sub initium, Ioannes à S. Thoma in prolegomenis in 1. partem D. Thom. & alij plures; vide quæ dicentur infra lib. 4. huius operis sect. 7. cap. 4. ubi ex hoc Danielis loco probamus aduersus Iudæos Christum iam venisse, nec posse amplius ab illis expectari.

*De alijs regnis, quæ tempore secunda Monarchia floruerunt, illique fuere
Synchreona.*

ETSI pauciora fuerint regna, vel etiã respublicæ autonomiæ sub Monarchia secunda, quàm sub prima, postquam nobiliora in Asia & Africa regna Persis cessere, & quæ non cessere, Monarchiæ tamen huius maiestatem agnouerunt; nihilominus plura etiam ex historicorum monumentis habemus, quæ Monarchia Persica stante, steterunt. Primum in Asia, Regna 6. Sacum, Massageticum, Cilicium, Caricum, Bosphoranum, Cyprum, & præcipuè Salaminium Teucrindarum; secundò Tyrannides 8. Helleponticæ, Ionicæ quinque, Milesia, Phocenensis, Ephesia, Chia, Samia; Aeolicæ duæ, Cumæa, Lesbica; Atarnensis, Heraclienensis, Sinopenensis, Naxia, Coa. In Africa regnum Aegyptium; Respublica Carthagenensis. In Europa, Regna 9. Thracium, Macedonicum Elymiotarum, & Lincestrarum; Præonicum & Pannonicum; Epiroticū, in primis Molossicum Pyrrhidarum; Geticum, Dacicum, Mysium triplex, Dardanum, Triballosum, Myforum; Scythicum, Celticum. Respublicæ 13. Attica, Thebana, Phocenensis, Aeginea, Locrensis, Crotoniensis, Tarentina, Romana, Campana, Sabina, Samnitica, Lucana, Brutana; Tyrannides 11. Sicyonia, Argiua, Epidauria, Phlasiæ, Messenica, Megarenensis, Ocanthenensis, Thessalica & potissimum Pherea, Eubica, Siculae tredecim vti erant, Leontina, Agrigentina, Geloa, Syracusana, Zanclea, seu Messanenensis, Himerensis, Catancenensis, Aetnea, Apollonienensis, Selinuntia,

Biblioth. Theol. Tom. IV.

Taurominitana, Agrina, Centuripina; Italica quatuor, Rhegina, Cumana, Sybaritica, Eleatica. De quibus omnibus, quia longum esset, narrationem instituere; breuiter solum agemus, de regno Cyprio in Asia; de Republica Cartagenensi in Africa; in Europa verò de regno Thracico, & Epirotico.

Cyprum antiquitus barbari Asiani tenuere. Deinde Græci colonias illic constituerunt, quarum nobilissima fuit Salamis à Teucro Salaminio, Aiæcis Telamonij fratre, Acæci nepote, ut ferunt condita aliquot annis post Troiæ excidium. Paruit Cyprus quondam regulis suis, præsertim ijs, qui ex Teucro descenderunt. At inualecente Medorum primum, postea Persarum potentia, in eorum obsequio fuit, ita tamen ut proprios eorum permissu Reges ac principes habuerit: in quibus Euagoras & Nicocles Salaminij Teucris posteris, ab oratore Isocrate celebrati, fuere. Eueriso Persarum imperio ab Alexandro Magno, Macedonum in oriente dominarum post Alexandrum, præcipuè in Aegypto regnantium imperium agnouit. Tandem Ptolemæo, Auleta Aegyptij fratre, ob ingratitude criminis in Romanos, ab iisdem Romanis destructo, in eorum potestatem venit circa annum vrbis Romæ 696. in eaque mansit vsque dum à Saracenis tempore Heraclij Imperatoris est occupata circa annum Domini 636. Nec huius Saracenicæ fernituti finis fuit, antequàm Europæi Christiani insulam coeperunt duce Richardo Angliæ Rege anno Christi circiter 1192. Ab Anglo verò eam accepit anno sequente Guido Lusignanus Gallus idem ille, qui Regis Hierosolymitani quoque titulum obtinuerat. Ex huius posterorum regnum in insula retinere per annos propemodum 300. varijs fortunæ casibus exagitati. Ex quibus Petrus Saracenorum hostis spoliata Alexandria, cū præda domum reuersus à fratre Germano fuit occisus. Fratricida regno potitus ob seuitiam in Genuenses, quos crudelibus supplicijs affecerat, à Republi-

T t c 2 ca

ea Genuensi bello petitus, captusque conjuge gruida Genuam in triumphū est auctus: nec antè dimissus, quam se veltigalem reipublicæ futurū deinceps promississet, & Famagustam regni emporium præcipuum, quæ Salamis olim dicta fuit, in hdei pignus ei reliquisset. Filius autem eius, qui Genuæ in captivitate natus patri successerat, prælio naturali cum Aegyptijs commissio, in eorū potestate venit: à quibus Nicosia quoque, caput regni, capta & direpta, incendioque data fuit. Denique Rex vt ex Soldani vinculis se redimeret, tum ingentem pecuniarum summam, tum annuam tributū pensionem spondere necesse habuit. Iano huic, id enim ei nomen erat, filius fuit Ioannes, qui ex Helena Palæologa filiam vnicam legitimā suscepit Carlotam, & ex concubina filium Iacobum. Hic à morte Patris cum regnum occupasset, à sorore & Sororio principe Sabauda pulsus ope Soldani Aegyptij in regnum redijt, vxoremque duxit Catherinam Corneliam patritij ciuis Veneti filiam, Georgij Cornelij viri illustis germanam sororē, ac breui deinde mortuus regnum prægnanti coniugi sub tutela Reipublicæ Venetæ reliquit. Illa extincto filio infante idem regnum eidem Reip. Venetæ tradidit anno Christi 1488. Veneti demum ex insula crudeliter eiccti sunt à Selimo II. Turcarum Imperatore anno 1570. cum eam possedissent annis circiter 82. postquam eadem à Richardo Anglo è manibus Saracenorum crepta fuisset, quasi 378. sub Turcarū Tyrannide etiā nunc, sicut & alia multa regna, ingemiscit.

Etsi magnus de initio Carthaginis perantiquæ Africæ vrbis maritimæ sit inter historicis dissensus, communis est tamen sententia primum illam à Pheniciis fuisse conditam sub auspicijs Didonis patria Tyto profugæ ob tyrannidem fratris Pigmalionis circa annum mundi 3928. vel secundum alios 3067. annis 107. ante initium Olympiadum ab Iphito instauratarum; 130. antè Romam à Romulo conditam. Ea vt matu-

tè libertatem, repudiato statu regio apprehendit, ita prolatis imperij sui finibus in continente, ob situm in littore, opportunum, & portum longè commodissimū augendis opibus maritimis summo studio incubuit. Primum cum Romanis fœdus iniijt anno Vrbis Romæ 245 vt tradit Polybius ab initio vero sui 374 Quo tempore grauissima inter Carthaginenses & Siculos varia tamen vtriusque fortuna fuerunt bella; donec tandem violato, quod cum Romanis habebant, fœdere ob Mamertinos, longè difficillimum ac diuturnum inter ipsos & Romanos bellum enatum est, anno Vrbis Romæ conditæ 490. ab exordio vero structæ in cōtinenti Carthaginis 619. quod antecessit exertitio prima in insula Cothone vicina toto octennio. Fini- tum idem anno Romæ 502. Carthaginis 641. pacemque Carthaginenses cum Romanis coluere per annos 23. quot bellum prius durauerat, sed bello grauissimo cum finitimis Afris, & milite peregrino tumultuante impliciti per triennium & quadrimestre, vt ait Polybius, in summo rerum omnium discrimine fuere. Postea reparatis viribus cum Romanis bellum denuo instauratū Annibale duce anno Vrbis Romæ 536. Carthaginis 666. quod durauit per annos circiter 17. Victores Romani fuere, victorique gloriam tulit P. Scipio, qui Africanus iadè nominatus, quod Afros Carthaginenses in ordinem redeigisset. Ab hoc tempore pax vtriusque mansit per annos totos 52. Anno autem 53. qui fuit Vrbis Romæ 605. bellum ijs renatum est: cuius anno quatto Carthago capta & excisa est auspicijs P. Scipionis Iunioris, sic iubente Senatu Populoque Romano. Hic Carthago à Didone & Pheniciis in Africæ oracōstruclæ, vrbis potentissima & clarissima finis fuit, cum stetisset annos à primordio suo 737. post conditam Romā 608. Ab hoc excidio desolata iacuit Carthago annos 22. anno autem desolationis 23. colonia istuc deducta auctore C. Graccho tribuno pl. instaurari coepit,

led

sed omine haud felici, nomenque ei datum lunoniae. Verum cum fortuna eius maneret humilis & perexigua, anno demum post desolationē 102. quo C. Cæsar Romæ in curia cæsus occubuit, auctore ipso Cæsare, maiori mole & copia missis magno numero colonis nouis instaurata est felicius. A qua instauracione Carthago (hoc enim ei nomen ex voluntate Cæsaris restitutum) caput rursum extulit supra omnes ceteras Africę vrbes. Occupata deinde fuit à Vandalis post eandem instauracionem anno 482. Sed recepta à Romanis duce Bellisario post annos 94. imperij Iustiniani Magni 7. mansit deinceps sub imperio Romano, & Sedes præsidis Africani fuit annis circiter 162. In quorum fine, ob pericula turpiter deserta à Romanis, qui eam cum Afris habitabant, & à Gothis præsidarijs segniter propugnata in potestatem Saracenorū Africam deuastantiū venit, totaque pœne diruta concidit imperante tum Constantinopoli Cōstantino Pogonato Constantis filio, Heraclij nepote, anno græ Christianæ Vlgaris 685. Ab hoc casu nunquam Carthago resurrexit, sed in ruderibus iacens permansit vsque ad nos. Ex ruina vero eius, creuit Tunetum oppidum vicinū; sed tum temporis tenuē & obscurum, tantumque incrementum coepit, vt tota regio circumiacens Tunetani regni nomen ex eo obtinuerit: quod etiam nunc durat. Stetit ab instauracione Cæsariana ad excidium hoc Saracenicum per annos circiter 728. Ab initio autem conditæ quondam à Didone, ad hanc eandem à Saracenis profectam desolationē anni fluxere 1567. Cui durationi si eximeris intervallum ab excidio priore ad instauracionem cuius auctor C. Cæsar fuit, manebunt anni, quibus floruit Carthago 1465.

Thracia gens antiquitatis vltimæ, regionem tenuit supra Macedoniā versus Boream ortumque sc̃ portigentē, sui generis & prorsus diuersa à Græcis, cognata vero Dacis & Gethis vel Gotthis, quibus affirmat Strabo fuisse & eiusdem

linguæ, & eorundem morum. Ex illa tamen parte, qua Macedonia propinquauit, & secundum mare Aegeum, Hellespontum, Propontidem, Bosphorum, Pontum Euxium se extendit, tam frequentibus Græcorum colonijs fuit olim obsita, & assiduus commercijs maritimis cum ijs connexa Thracia, vt propemodum in eorum mores & instituta abierit. Eadem gens belli studijs semper floruit, vix vt vllum sæculum dari possit, quo non reges eius & populi aliquid memorarentur parasse. Sed cum pleraque non connexa inter se, verum hic illic dispersa aut distracta narrentur, non ita facili eorum tempora contexi possunt. Notandum solum Byzantium, quæ Græcorum Colonia ac ciuitas Græca erat cōmodissimo loco in Thracia sita, cum in ruderibus iaceret, à Constantino Magno Romano Imperatore instauratum atque auctum, ac Constantinopolis nouæque Romæ nomine donatum, alteram sedem Romani imperij fuisse per annos 1133. ipsique adeo Thraciæ nomen Romanicæ dedisse, quod adhuc sub Turcis, quibus nunc parit, ipsi remanet.

Epirotæ cum Molossis, qui, Illyrijs, Macedonibus, Græcis finitimi sunt, regum suorum genus antiquissimum ad Pyrrhum Achillis filium referunt. In eorum serie Admetus posteris ex historia notus fuit, Alcone natus, ad quem Themistocles patria profugus supplex venit. Cui filius fuit Tharymbas, & Tharymbæ Alceas Primus. Ex quo geniti Neoptolemus Molossorū princeps, & Arybbas Epiri Rex. Ex Neoptolemo fuere Alexander, auunculus Alexandri Magni Macedonis, & Olympias eiusdem Alexandri Magni mater. Ex Arybba verò Alceas Secundus Epiri rex, & Acacides Pyrrhi Regis incliti pater. Pyrrho successit Alexander Secundus filius: huic Ptolemæus, Ptolemæo Pyrrhus Secundus obscuræ famæ, recta linea descendentes. Hic familiæ huius terminus & regni finis, cuius præcipuū ornamentum fuit à Pyrrho Acacidis filio. Sed de his satis.

Addu-

Adducuntur & expenduntur loca S. Scripturae, quibus illustrandis conducere potest notitia rerum Historicarum ad II. Monarchiam spectantium.

Secunda Persarum Monarchia Danielis 2. v. 39. per argenteum statuae pectus & brachia præsignatur verba enim illa versus 32. *Pectus autem & brachia de argento*; sic exponit versu 39. *& post te confurget regnum aliud minus te argenteum*; quod doctores accipiunt communiter pro regno Persarum: De quo statim prima occurrit questio, cur dicatur minus? Chaldaicè *araminnach*, id est, inferius & humilior? amplitudine? an potentia? an diuitijs? cum in quavis ex ijs fuisse maius Chaldaico, in comperto esse videatur. Nam quod attinet ad amplitudinem, ex Scriptura constat ditionem Persarum multò fuisse ampliorem, quam Chaldaeorum: Si quidem in libro Esther 1. & 10. capite, de Assueto Persarum rege dicitur quod regnauerit ab India vsque ad Aethiopiam supra centum viginti septè provincias, cunctasq; maris insulas: tantum autem non fuisse, sed angustius Chaldaeorum imperium, per se manifestum est. Præsertim cum Cyrus primus Persarum rex Chaldaeorum imperium bello captum adiunxerit suo; quod enim ex utroque constat est imperium, maius fuisse necesse est.

Quod spectat ad potentiam regni Persici, in eodem Cyro patet quantum fuerit, ut pote cum diuina potentia miro modo coniuncta, ipso Deo multo ante apud Isaiam attestante cap. 45. 1. *Hac dicit Dominus Christo meo Cyro, cuius apprehendi dexteram, ut subijciam ante faciem eius gentes, & dorsa regum vertam, & aperiam coram eo iannas, & porta non claudentur. Ego ante te ibo, & gloriosos terra humiliabo, portas arcas conteram, & velles ferreos confringam.* Vbi D. Hieronymus & còmuniter interpretes post illum ad illa verba, cuius apprehendi

dexteram, potentiam plusquam humanam insinuat, ut illi, inquit, nemo iam resistere possit. Solius enim diuinæ dexteræ, id est, potentia singularis & conaturalis prærogatiua est, ut illi nemo resistere possit: ex priuilegio autem Dei, etiam eius hominis dextera, quam ipse speciali vi & efficacia roborat, vt loco citato de Cyro dicitur, & significatur egregio verbo, *apprehendi*. Eadem Imperij Persici potentia apparet, ex innumerabili illo exercitu Xercis, quo terræ & maria strauit, erant enim in eo plusquam duo milliones hominum.

Tandem si agatur de opulentia, manifestum est, Persicum regnum Chaldaico fuisse maius. Primo quia Cyrus conditor imperij Persarum, victo Cræso Lydorum rege, totius Asiae ditissimo, adeo vt prouerbij loco diceretur, Ditiior Cræso, debellato item Balassare rege Chaldaeorum, omnes Lydorum & Chaldaeorum diuitias in suam potestatem redegit, suisque adiunxit. Quantum verò auri & argenti Cyrus deuicta Asia reportauerit, ostendit Plinius lib. 33. c. 3. his verbis: *Cyrus deuicta Asia pondo auri 34. millia inuenit, præter vasæ aureæ, aurumque factum, & in eo solia, ac platana, vitemque. Quæ victoria, argenti quingenta millia talentorū reportauit*, hoc est, si ad rationem Atticorum talentorum, & ad vulgarem nostram computationem redigantur trecenti milliones, & insuper craterem Semiramidis, cuius pondus 15. talenta Aegyptiaca colligebat. *Talentum autem Aegyptiū pondo lxxx. capere, Varro tradit.* Tantam futuram Cyri opulentiam vaticinatus fuerat Isaias apud quē cap. 45. Deus promittit se daturum illi *thesauros absconditos, & arcana secret orū*, id est diuitias maximas. Eandem Persarum opulentiam satis declarat Assuerus ille maritus Esther in illo sumptuosissimo conuiuio, quod in exordio libri Esther describitur. Narrat quoque Athenæus lib. 12. Danum regem Persarum ad caput sui cubiculi conclauē habuisse pariete vno interstitum, ea magnitudine, quæ quinque lectos caperet, in quo semper

Sectio VIII. Caput VI. 519

per essent condita talenta auri quinque millia, quod conclauē ceruicā regis vocabatur: ē regione vero huius, quā ad pedes, alterum habuisse, capax trium duntaxat lectorū, in quo talenta argenti tria millia perpetuo seruabatur, quod scamnum regis suppedaneum appellabatur. In ipso autem regis cubiculo vitē auream fuisse, ad modum pēgulæ regio cubili obtentam, quæ racemos habebat pensiles ē lapillis pretiosissimis concinnatos. Quod facili confirmatur ex pręda Alexandri Magni ē gaza Persica, quam Quintus Curtius fuisse ait ad centum & quinquaginta septem millia talentorum, absque Babylonica pecunia. Strabo autem omnia complexus, centū & octoginta millia posuit, id est, millies, & octies centena millia aureorum; aliter, centum & octo milliones.

Dicendum est ergo regnum Persarū vocari minus regno Chaldeorum, non amplitudine, non potentia, vel opulentia, sed aliunde. Primò antiquitate; sicut enim qui nos tempore antecesserūt, solemus appellare maiores, & qui subsequuti sunt minores, seu posteri apud Latinos dici consueuerunt; ita cū Chaldeorum imperium absolutē fuerit primum, Persicum verò secundum, rectē illud maius hoc verò minus dicitur: vbi vulgata editio habet: *consurget aliud regnum minus te*, vertere potuisset, *consurget aliud regnum post te*, siue posterum. Consulto tamen vertit minus, vt auri & argenti differentiæ se accommodans, significaret inferioritatem in regno Persarum, & eminentiam vel superioritatem in regno Chaldeorum, quam scilicet, vel solum ipsa antiquitatis titulo merebatur: consentaneum quippe rationi est, vt quæ antiquiora sunt præcedant. Vnde Daniel de extremo iudicio vaticinans cap. 7. ait: *Throni positi sunt, & Antiquus dierum sedet*; vbi per antiquum dierum intelligit æternum Patrem, qui paulo inferius inducitur cōmittens filio iudiciariam potestatem. Animaduersione autem dignissimum est, Deum Patrem, qui cum filio eiusdem est om-

nino essentia, & potestatis, propter solam prioritatem originis. Antiquum dierum dici, & ob id solum prius sedere, quā filium: vt non videatur mirum, si Chaldeorum imperium ob antiquitatem præcedat, ac prius dicatur Persico.

Secundo regnum Persarum dicitur minus Chaldaico diuturnitate, constat enim, regnum Chaldeorum ab ortu suo sub primo rege Nino, vsque ad interitū sub Balasare vltimo rege, stetit mille quingentos & septuaginta octo annos; cum Monarchia Persarum intra ducentos & tres annos, & condita & euersa fuerit. Vnde ob id ipsum apertissimè Monarchia Chaldeorum auri prærogatiuam habet super Monarchiam Persarū, quoniam aurum diuturnitatis symbolū est, cū nec vsu attrahatur, nec igne depercat, nec ex se habeat, quod bonitatem consumat, imò ipsa temporis fiat longiuitate pretiosius. Tertio Persarum imperium dicitur minus, quia felicitate & gloria inferius Chaldeorum imperio. Nam vt alia taceam, quæ prodit Paulus Orosius lib. 3. à capite septimo, vbi Persici imperij Dominos, & clades subiisse ingentes, & exitus habuisse miserabiles tradit, Cyrus ipse illius conditor infelicissime cæsus est à Tomyri regina Scytharum. Xerxes in Græcia à paucis cæsus & fugatus, infamem cladem accepit, ita vt solus in scapha fugere coactus fuerit. Darius Codomannus miserrime ab Alexandro sapius fusus, tandem regno & vita spoliatus est. Quarto tandē & vltimo potuit dici à Daniele regnum Persarum minus regno Chaldeorum, non absolutē, siue pro vt postea futurū erat, sed pro vt erat tunc regnante Nabuchodonosor, quo tempore in omnibus multo angustius, & obscurius erat, quam tunc erat regnum Chaldeorum; vt hæc sit Danielis sententia, post te, *consurget aliud regnum*, quod nunc est minus tuo. Hoc autem ideo dixit Daniel, vt rex ille præsentī felicitate nimis elatus, ac superbus agnosceret miram regnorum vicissitudinem, qua fit, vt regna, quæ multo tempore latissimè, & glo-

gloriosissimè imperauerant, postea exiguus restricta finibus, magna in obscuritate, & humilitate iaceant: contra verò, quæ diu parua, & ignobilia fuerant, deinde amplissimum & nobilissimum imperium consequantur.

Ex dictis patet solutio alterius questionis, cur regnum Persarum comparatum sit argento: si quidem in illa statua, per pectus, & brachia argentea præfiguratum est. Hoc enim non tam factum fuisse puto, quia argento abundauit, fuitque opulentissimum, vt aliqui volunt, quàm quia Persarum imperium fuit in omnibus supradictis inferius Chaldæorum imperio, sicut argentum inferius est, & cedit auro.

Tertia questio est cur comparatum fuerit Persicum imperiū pectori & brachijs? Multas ob rationes. Primò ad ostendendum Monarchiarum ordinem ac successionem, sicut enim pectus & brachia proximè coherent collo & capiti, ita regnum Persarum, regno Chaldæorum proximè successit. Secundò designatur per duo brachia, quia regnum Chaldæorum, à duobus velut brachijs, id est, à Dario Medo Cyri auunculo, & ab ipso Cyro destructum est. Vel tertio quia vt in pectore coniunguntur duo brachia; sic primum in Cyro, duo regna Medorum & Persarum, quæ antea fuerant diuisa, sunt coniuncta. Quarto quia Cyrus matre Meda, & patre Persa natus est; atque vt Theodoretus ait, per dexteram paternum genus, per sinistram maternum significatur. Quinto tandem & vltimo significatur Cyrum pectore, id est singulari prudentia, & animi magnitudine: brachij item, id est fortitudine & labore multo, tota nimirum viua sua laborando & bellando, regnum hoc sibi suisque Persis comparasse.

Iterum eiusdem Danielis cap. 7. versu 5. communis est interpretum sententia in Vrsō exprimi Persicum imperium. Et ecce bestia alia similis Vrsō in parte stetit: & tres ordines erant in ore eius, & in dentibus eius: & sic dicebant ei; surge, comedere carnes plurimas. Cum, inquam,

communis sit interpretum sententia similitudine vrsi figurari regnum Persarum; cur tamen vrsus mores exprimat Persicos, non omnes eandem causam adducunt; pro diuersitate proprietatum quæ reperiuntur in vrsō, ob quas Persarum regnum ei comparari potest. Primum igitur Hieronymus conferri putat Persas cum vrsō propter ferocitatem, & immanem crudelitatem. Quod idem putant Theodoretus, & S. Thomas, & cum illis plerique alij; à quibus tamen dissentit Pererius asserens, nec tantum fuisse Persarum immanitatem, nec id congruere figuræ; sed immerito. Quod enim vrsi crudeles sint, ipsa docet Scriptura, quæ in rei crudelis, ac sanguinariae comparationem vrsi crudelitatem adducit, & vrsō plerumque Leonem adiungit, Osee cap. 13. *Occurrā eis quasi vrsa raptis catulis, & dirumpam interiora iecoris eorum, & consumam eos ibi quasi Leo.* Prouerb. 28. *Leo rugiens, & vrsus esuriens Princeps impius super populum pauperem.* Amos cap. 15. *Quomodo si fugiat vir à facie Leonis, & occurrat illi vrsus.* Thren. 3. *Vrsus insidians factus est mihi Leo in absconditis.* Quæ omnia Scripturæ loca satis ostendunt vrsi crudelem esse naturam, æque ac Leonis aut Pardi, si non crudeliorem. Porro Persarum crudelc ingenium fuisse, multis probat Theodoretus lib. 5. cap. 18. & Socrates lib. 7. cap. 18. Certè Tomyris regina Scytharum cæso Cyro exprobrauit auiditatem sanguinis, quando caput eius in saccum sanguine plenum iniiciens dixit: *Satia te Cyre sanguine, quem sumpsisti, & cuius insatiabilis fuisse.* Et quidem si tempora Euangelij spectemus, Persicæ potentia reliquias Christianorum sanguine redundasse videbimus, & miris crudelitatis exemplis effratas, viuis hominibus cutes detrahendo per partes, sed & integras quandoque; membratim corpora secando, pro vt de Sapore, Isdegerde, Bararane, & alijs Persarum regibus tradunt annales sacri.

Dantur insuper aliæ plures vrsi proprietates ob quas ei regnum Persarum assi-

affimilatur. Prima est vrsus tolerantissimum & patientissimum esse laborum, cibique adeo parcum, vt longissimum. Hiemis tempus, sine vilo pastu, cibatumque transigat, & solo succu priorum pedum viuat; vt docent Aristoteles lib. 7. de Histor. animal. cap. 17. Aelianus lib. 6. cap. 3. Plinius lib. 8. cap. 36. Antiquos autem Persas continentissimos fuisse, & simplicissimos, ac vilissimos vrsos esse victu tradit Xenophon lib. 7. Et de eisdem ait hoc loco D. Hieronymus, parciores amasse victum Lacædemoniorum in morem, ita vt pro pulmento nihil adhiberent ad panem præter Salem, & Cardamum. Idem pene ex Trogo Pompeio adducit S. Thomas, *Adeo, inquit, parci in victu sunt, vt penè siccò pane semper utantur, nisi gratia hospitii, vel festi causa.* Tandem de Persarum parsimonia, atque abstinentia, sic Herodotus lib. 1. *E corys reliquam vestem ferunt, qui non quibus volunt cibis vescantur, sed quos habent, vt pote regionem asperam incolentes. Ad hac potu non vini utuntur sed aqua.*

Secunda proprietas est vrsorum informis ætus, cum in ortu nihil sit aliud, nisi per candida quedam caro, rudis atque informis, sine oculis, & pilo, ungues duntaxat prominentes ostendens, quam lambendo parens, paulatim figurat, & ad speciem vrsi conformat. Qua vili & imperfecta vrsi origine, non abs re denotatur, abiecta fuisse Persarum primordia: sed postea multo labore, & industria, claritatem illis & potentiam accessisse. Imo ipsiusmet Cyri, qui Persici imperij princeps, & author, non admodum dissimile fuit principium: vt enim Herodotus & Iustinus produnt, vterque lib. 1. iussus est Cyrus, cum primum in lucem susceptus fuit, in syluis exponi, vt ibi aut fame, aut à feris laceratus interiret; qui status non procul aberat à morte. Inde tamen in tantum imperatorem euasit, sicut vrsus ex informi, & pene mortua carne in horribilem feram.

Tertiò cum tam sit vrsus robustus & ferus, visum tamen habet infirmum, & vitijs ophthalmiæ obnoxium, quique

Biblioth. Theol. Tom. IV.

sæpius hebetetur, & ideo Plinius ait libro 8. cap. 36. eos aluaria expetere, vt conuulseratum os ab apibus leuet sanguine grauedinem. Sunt insuper capite adeo infirmo & molli, vt minimum vulnus in illo exceptum lethale aut certe graue admodum sit. hinc si vrgente vi cum præcipitare se ex aliqua rupe contingat, docet idem Plinius, capite manibus cooperto se deicere; addit quoque non semel in spectaculis Romanis colapho impacto capiti vrsorum, eos exanimatos fuisse. Hac re significatur, Persas in bellis, non tam solertia ingenij, prudentiæ disciplinæ militaris, aut corporum robore, quam innumerablem hominum multitudinem, vel eorum, quibus cum belligerabant, ignauia præualuisse. Nisi velimus etiam ad litteram dicere, Persis caput molliissimum fuisse, & si carnem detrahas cranium, facile friabile. Audiamus Herodotum in Thalia, vbi cum pugnam inter Persas, & Aegyptiosque commissam descripsisset, ait, *Ibi ego rem mirandam vidi, ab indigenis edoctus. Ossæ eorum, qui in acie ceciderunt, cum iacerent fusa, vt ab initio distincta fuerant, seorsum erant Persarum, seorsum Aegyptiorum. Sed Persarum capita adeo fragilia sunt, vt si velis ferire, vel solo calculo perforare possis: Aegyptiorum autem ita firma, vt ea vix ictu lapidis elidas.* Tantùm Herodotus ad rem propositam.

Hæc sunt quæ in vrso præcipuè mores Persarum & ingenium adumbrare possunt. Sed etiam si inter illos prædictæ deessent analogiæ; non deesset tamen alia ratio, cur in vrso Persicum diceretur exprimi imperium: Persicæ enim Prouincia pluribus in partibus cōfragosa, ac sterilis vrsos alit quam plurimos, & magis quàm alibi feroces. Qua de re consule Cælium Rodigin. lib. 18. Antiquit. cap. 19. Cum autem, vt multis constat exemplis, Prouinciæ aut regni alicuius stemma sit, & symbolum id, quod in ea prouincia aut regno præcipuum est, vel nobilitatum magis, optimum regni Persici symbolum est vrsus,

V u u cuius

cuius in Perside, & ingens copia, & nota crudelitas.

Deinde quod sequitur, *in parte stetit*, variè à varijs accipitur. Hebræi enim, vt ait D. Hieronymus, ideo putant Persicam crudelitatem stetitisse in parte; quia cum in alias nationes læuaret, latèque consideret; mitius tamen agendo cum Hebræis, quasi stetit, siue se cohibuit. Secundò Theodoretus hanc particulam sic explicat: quia etsi regnum Persarum destructum ab Alexandro Magno diu iacuerit: postea tamen tempore Imperatorum Romanorum, rursus erexit caput, ac stetit, sed in parte tantum. Non enim omne imperium, quod olim habuerat recuperauit: sed aliquam duntaxat ipsius partem. Verum hæ explanationes multis non placent; prima, quia nimis coarctat vaticinium, quod cum exordium, atque incrementum spectet Monarchiæ Persicæ, nihil pro re tanta, habuisse videtur momēti, priuatus amor ac humanitas Regum Persarum in Hebræos. Ob idem secunda non videtur rem attingere, quoniam non de restitutione Monarchiarum, sed de exordio, & occasu illarum agitur. Illud ergo similius vero, propterea dici regnum Persarum *in parte stetitisse*, vel vt habet Syrus, *ad unum latus stetitisse*; quia ad latus vnū tantum irruit, scilicet in Babylonios: ijs enim à Cyro superatis Persæ potiti sunt imperio. Siue quod idem est *in parte stetit*, quoniam, cum quasi iaceret ante gens Persarum, nec vllam adhuc Monarchiæ claritudinem assequuta esset, capta primùm Babylone, & ab ea pulsas Chaldaeis hac primùm in parte stetit, seu erexit se, & inde in plures alias propagauit imperium. Quam D. Hieronymi interpretationem, confirmat idem loquendi modus, quo vsus est Isaias c. 10. *Confortamini*, inquit, *adhuc dies est, vt in Nobe stetur*. Multa præmiserat de aduentu Sennacherib contra Hierusalem, & de timore ciuitatū, per quas ducebat exercitum; nunc prædicit fore vt in Nobe vicino oppido, quo loco rex castrametatus fuerat, post vnum diem, qui op-

pressi fuerant, ac pessundati per Assyrios, tandem capita erigant, & in pedes suos statuti respirent. Tandem, quod in idem serè recidit, cum *pars, possessio, & hereditas* in Scriptura Sacra, aut idē sint, aut certè non rarò voces adhibeantur Synonymæ. Sic impij Sap. cap. 2. *Hæc est pars nostra, & hæc est soror nostra*. Hæc bellua, in qua gens Persica significatur, *in parte stetit*, id est in hereditate, & regno vbi Lexna fuerat, gens nimirum Chaldaea, quia illi in imperio seu Monarchica dignitate successit.

Quod verò additur, *& tres ordines erant in ore eius, & in dentibus eius*, magis est obscurum. Primum enim variant lectiones. D. Hieronymus legit, *tres versus erant in ore eius*, Theodoretus *Τρία πλάγες*, id est, *tria latera*; Theodoretus præter hoc legit etiam, *tres alas*: alij *tres molares dentes*: quidam ex Chaldaico vertunt, *tres boles*, siue *frusta*, quæ inter dentes teruntur, comminunturque & iuxta has translationes variæ ab interpretibus excogitatæ sententiæ. Primum enim Hebræi per hæc tria, quæ vsus habebat in ore, seu inter dentes, intelligebant tres reges, qui post Cyrum in Perside regnauerunt; quos rectè D. Hieronymus redarguit, quatuordecim Persarum reges commemorando. Secundò Theodoretus significari putauit tres mundi partes, Orientem, Septentrionem, & Meridiem, ad quas porrigebatur, & pertinebat Persarum Imperium. Cyrus enim omnem Orientem, vsque ad Hellespontum in suam ditionē redegit; Cambyfes in Meridie obtinuit Aegyptum & Aethiopas; Darius Hytaspis in Septentrione Scythas atque Nomades. Dicuntur autem tria illa, fuisse in ore, & in dentibus vsi: quoniā ex omnibus subiectis gentibus, amplissima capiebant tributa, quibus magna ex parte ad nimum luxum, & delitias abutebantur, vt patet ex illo sumptuosissimo conuiuio Assueri, quod in exordio libri Esther describitur.

Verum cum hæc Monarchia non fuerit complexa tres mundi partes absolute,

tè, verè autem ac propriè tria illa Medorum, Persarum, Chaldeorum regna, sua ditione comprehenderit: verius ac proprius dicendum est cum D. Hieronymo, quod probat, & sequitur S. Thomas, per hos tres ordines, seu versus dentiũ, quibus instructum erat os illius belluæ, aut significari tria prædicta regna, ex quibus primò coaluit, & conualuit Persarum imperium; aut certè tres Principes, qui tempore Darij, vt narratur Danielis 6. centum viginti Satrapis prærant, è quibus vnus erat Daniel. Cur autem tria illa regna, tresve principes per tres ordines dentium in ore vsi significentur ambiguum est.

De tribus principibus id interpretatur aliqui, quoniam quæ illi viginti centum Satrapæ primò decernbant, & quasi concoquendo præparabant, ad illos tres postea deferbantur, qui maturioribus adhuc consilijs, quasi dentibus cõminuta, & commolita proponebant regi vt facilius digesta statueret. Quod potest illustrari altero Amos loco cap. 4. vers. 6. *Vnde & ego dedi vobis stuporem dentium in omnibus vrbibus vestris.* Vbi sermo est contra vaccas pingues, hoc est contra imbelles optimates Samaritæ, qui suis sibi consilijs, & non communi bono apud regem seruiebant: omnem, scilicet administrandi rationem in propria commoda referentes; in cuius pænam minatur stuporem, ac propriè loquendo generalem infatuationem dentium, hoc est, consiliariorum in omnibus vrbibus eorum, vt quæ faciendæ, vel non faciendæ sint, aptè digerere, ac regem per id conuenienter dirigere nequeant? En, quomodo tres Principes Consiliarij per tres ordines dentium satis probabiliter significari possunt.

Cur iam tria regna dicantur etiam, dentes illius immanis belluæ, vel est, quia horum opibus, & copijs instructa laceravit, vorauitque regiones alias, quas suo deinde subiugauit imperio. Vel certè ad denotandam, quasi ter maximã in hac Monarchia potentiam, ex prædictis tribus regnis in vnum coalescentẽ,

Biblioth. Theol. Tom. IV.

egregiè in vsu conueniente metaphora: sunt enim in bestijs dentes pro armis, atque in eis præcipuum inest earum robur. Vnde Iob cap. 40. v. 13. de bestia illa immani Behemot dicitur: *Ossa eius fistule aris.* Per ossa enim est, qui intelligit dentes; quasi velit Deus cum Iob disputans, huic immani belluæ dentes ipso esse pro fistulis, ac bombardis æneis id est, quod hominibus præstant eiusmodi tormenta bellica, id illi præstare dentes. Et cap. 41. de eadem bestia, *Per gyrum dentium eius formido.* Quasi dicat dentes eius quasi in gyrum, & in ordinem bellicum dispositi formidinem, ingerunt, vel aspicientibus. Similiter ergo belluæ præfens vsu similis triplici dentiũ ordine quasi armata Monarchiã Persarũ exhibet ex coniunctione illorũ trium regnorum potentissimam. Quæ explicatio de tribus regnis primũ à Persarum Principe subactis, videtur omnium optima, maximèque probari D. Hieronymo; etsi enim ex modo loquendi Scripturæ, vt vidimus satis probabiliter per ordines dentium principes consiliarij adumbrari possint, tamen huic loco non rectè quadrare videtur: vbi generalius accipiendum videtur, quod tres illi ordines præferunt: non enim quod vnus, vel duorum regum placito in Monarchiam inducitur, sed quod toti Monarchiæ latius, ac vniuersalius occurnit, spectare debemus, cum hic de illius exordio, & incremento principalius agatur.

Tandem quod huic bestiæ dicitur: *Surge comede carnes plurimas;* bifariam exponitur. D. Hieronymus namque, ac plerique cum illo referunt ad regem Asuerum maritum Esther, cui Aman suaserat, vt omnem Iudæorum gentem vna die intereptione deleret: idcirco hoc loco exprimitur sola suasio *surge comede,* &c. quam tamen rex opere non compleuit; sed quod vnus hominis seu admodum suggestio regi statim placuerit, declarat optimè innatam ex vitio nationis belluinam, vt notauimus supra crudelitatem: rem enim per se grauem ad

Vuu a ra-

ratiōis trutinam non expendit, sed in eam vno verbo propositam pro libidine sua bestialiter cōsentiens dixit ad Aman hostem Iudeorum: *De populo age quod tibi placet*. Alij referunt ad Cyrum, huius Monarchiæ conditorem, quem ferinam etiam habuisse immanitatem satis euincit, illud quod adduximus supra de Thomiri Scytharum Regina ex Iustino lib. 1. Vnde de quocumque intelligantur prædicta verba, quæ aliqui profecta esse putant à tribus regnis, aut principibus, qui centum & viginti Satrapijs præerant; alij ab Aman, cum Assuero suasis, vt Iudeorum genus funditus exingeret; alij ab iplomate regio animo, seu spiritu, qui non patiebatur regem, nempe Cyrum, aut eos qui in Persico dominatu Cyro succedere, quietos esse, vt potè gloriæ audios, & amplificandi imperij sitientissimos; de quocumque, inquam, intelligatur, aut à quocumque vox illa hortatoria sit profecta, significat vel immetam quandam Persarum audiditatem ad dilaniandos insuper & extinguendos homines; quod ea quæ comeduntur, non modo auidè conteruntur, sed per deglutitionem de medio penitus tolluntur; vel etiam ingens dominandi desiderium, & populos omnes suo sibi imperio subiugandi. Et si enim vorare metaphora sit à bellua petita, quæ non aliam ob causâ insectatur prædam, quàm vt ex illa sibi paret alimentum: vorare tamen ac comedere Hebraico idiomate ad plures alios vsus extenditur. Quomodo dicimus, *vorat gladius, flamma, &c.* quare etiam vorare carnes plurimas idem esse potest quam sternere subiugareque prouincias.

Tertiò Danielis cap. 8. ver. 3. regnum Persarum, & Medorum arietem comparatur: *Et ecce Arias vnus stabat ante paludem, habens cornua excelsa, & vnum cornu excelsius altero, atque succrescens. Vidi Arietem cornibus ventitantem contra Occidentem, & contra Aquilonem, & contra Meridiem, & omnes bestia non poterant resistere ei*. Quæ verba ipsemet Angelus vt nullus esset dubitationi locus ver. 20. eiusdem capituli interpretatus est de Re-

ge Persarum atque Medorum. *Aries, inquit, quem vidisti habere cornua, rex Medorum est atque Persarum.* Circa quod primum, *quæstio dignum est*, inquit Rupertus lib. 8. de Victoria Verbi Dei c. 30 *cur in visione prior, regnum Persarum per similitudinem vrsi: in hac autem visione per similitudinem arietis signatum fuerit. Ad quod congruè responderi potest: quia causa diuersa, imo contraria regni illius fuisse erga Dei populum. Causas illas, tam longè diuersas dicere non dubitauerim, quâ diuersa sunt natura horum animalium, vrsi & arietis, quorum alterum rapto & cruore viuunt: alterum innocuum, neque sanguinem sinit neque rapto viuunt. Promptum est hoc discerni, si respicias regnum illud, secundum Aman, quam crudele fuerit: secundum reges, quam clementer illi populo se impenderit. Aman quippè moribus veraciter vrsus, truci furore, immani rabie Iudeorum genus vniuersum ore aperto hians deuorare voluit. Reges autem, maxime Assuerus more Arietis, lanis suis, id est opibus multis, quibus regnum illud abundauit, eundem populum fouit & ditauit, nullumque dentem malignitatis inflixit, sicut aries dente neminem petit, immo vitam gentis illius latificauit, gratia regina Esther, & Mardochei, hæcænus Rupertus.*

Vnde secundum illum doctorem, cū similitudo non debeat tenere in omnibus, atque adeo vna & eadem res secundum diuersos respectus, diuersis etiam imo contrarijs symbolis adumbrari possit, vt patet innumeris Diuinarum Scripturarum exemplis, V.g. in Christo Domino, qui nunc leoni fortissimo, nunc agno mansuetissimo comparatur, in tantum primo regnum Persarum arietem assimilatur, in quantum plures eius reges Cyrus, Darius Histaspis, Longimanus & Mnemon, humanissimè Iudeos tractarunt. Secundò putant aliqui Persarum regnum arietem comparari, quia aries dux ouium suo ductu & incellu magnifico refert ducem, & regem Prouerb. 30. representatque pugnas, & prælia Cyri & successorum. Arias enim simul vt cor-

nua creuerunt, sic pugnacissimus. Quocirca Romani cuiuspiam bellum illaturi, arietem per fecialem præmittebant, quæ in hostiũ fines immitteret, qui eos quasi capite & cornibus impeteret, & arietaret. Inde & machina bellica muros olim quatens dicta est aries. Trabs enim erat, aduncum in capite habens ferrum, instar cornu arietis, quod vi in muros adigebatur, ac more arietum retrocedebat, vt cum impetu vehementius feriret, inquit Vegetius lib. 4. de re militari cap. 14. Qua fortè de causa docet etiam Pierius lib. 1. Hieroglif. cap. 29. cælestem arietem fuisse Marti dedicatum, & Origenes in cap. 1. Leuit. Hebræos immolasse Deo arietes, vt per eos significarent nos iracundiam iugulare debere. Verum, cum nihil horum sit regni Persici, aut regum eius proprium, vel speciale; sed omnibus alijs regnis communia esse possint. Dicendum est tertio, & magis appositè ad hunc locum cum Theodoro, arietem notasse Darium Codomanum, eiusque regnum; quia sicut aries sua lana grauatur, & tam propter illam, quam propter carnes neci datur, ita ipse & cum eo regnũ Persarum, nimia opum & deliciarum abundantia, quasi grauatur pressumque corrui, & à Græcis occupatum fuit. Falsus est id ipsum Darij legatus apud Alexandrum, qui vt ei pacem persuaderet, vtque eum Dario imperium diuideret: *Periculosum est, ait, prægrauè imperium, difficile est continere, quod capere non possis. Videsne ut nauigia, quæ modum excedunt, regi nequeant? Nescio an Darius ideo tam multa amiserit quia nimia opes magnæ iactura locum faciunt. Facilius est quedam vincere quam tueri.* Ita Curtius lib. 4.

Per lanificium autem siue lanam significari grandes opes apud veteres docet D. Thomas Iob. 1. & tradit Plinius lib. 9. cap. 47. manifestoque argumento esse possunt tum celebres illæ tonsiones gregum, ad quas reges ipsi ac principes, euocatis omnibus auxilij regie magnatibus, conuenire solebant, vt patet lib. 2. Regum cap. 13. cum Princeps Absalom

omnes filios regis, imo & ipsum regem patrem ad solemnem tonsionem lanarũ inuitauit. Tum illud Prouerb. 31. de muliere forti. *Quæsinit lanam & linum, & operata est consilio manuum suarum.* Et subditur *facta est quasi manis institoris de longè portans pacem suam.* Est enim sensus, non alio ditatam esse nobilem, feminaam, quam lana & lino, addito labore & industria manuum suarum, eoque factum, vt similis euaserit nauis institoris industrij, quæ ex longinquis regionibus, per labores quidem plurimos, pretiosas opes transuehit. Quod ergo nauis per labores ac pericula incerti maris, bona femina labore tantum manuum lanam trahens intra domum suam lucrata est.

Quartò tandem quod de vrso supra diximus, idem hic de ariete possumus asserere in ordine ad significandum Persicum imperium, quoniam sunt in illis regionibus insignes arietes prægrandibus ac pinguibus caudis: cruribus autè ita præcellis, & toto corpore sic obeso, ac forti, vt ephippijs impositis, frænisque adhibitis, pueri ijs inequitare dicantur.

Quid autem significant duo cornua arietis, vnum excelsius altero, plures sunt interpretationes; primò D. Hieronymus ait significari primos duos reges huius imperij & Monarchiæ Persarum, ac Medorum conditores, Darium Medum & Cyrum: sed quia hic potentior illo fuit, multoque latius imperium amplificauit, propterea celsiori cornu denotari. Verum huic explicationi, quam sequitur Rupertus lib. 8. de victoria Verbi Dei cap. 31. ob stare videtur, quod nõ appareat, quomodo Alexander, qui per hircum in subsequebantur indicatur, cõminuerit duo cornua, scilicet Darium ac Cyrum, qui ducentos ante annos iam decesserant. Secundò igitur Theodoretus duo cornua, duas familias regias intellexit, penes quas hæc monarchia semper fuit, nempe familiam Cyri, & familiam Darij; sed quia familia Cyri, qui hanc Monarchiam fundauit, mox in filio

lio eius Cambyse extincta est : at familia Darij vsque ad Alexandrum perduravit, ideo alterum cornu dicitur excelsius, & productius altero; Hæc quoque interpretatio Theodoretî non satisfacit, si quidem vltimus Rex Persarum Darius qui victus ab Alexandro perdidit imperium, ex neutra familia fuit, vt tradunt Iustinus lib. 10. & Strabo lib. 16. quidquid sentiat Diodorus lib. 17.

Quare probabilior est tertia aliorum sententia dicentium, duo cornua, duo esse regna huius Monarchiæ; Medorum, videlicet & Persarum, ita tamen vt cornu illud excelsius sit Persarum regnum, quod fuit longè potentius latiusque diffusum, quorum duorum tanquam præcipuorum dumtaxat appellatione, tam ipsum imperium, quam reges, licet plurimis alijs regnis dominarentur, nominabantur. Nam & ipsi se, & alij eos, nonnisi reges Persarum & Medorum appellabant. Quod indicauit Angelus, cū visionem bicornis arietis exponēs: *Aries inquit, est Rex Medorum, & Persarum.* Et sic intelligitur, hircus cum ariete cōgressus, fregisse eius cornua: quoniam Alexander cum vltimo rege Dario præliatus, vicit eum, & imperium Medorū ac Persarum ad Græcos transtulit. Quod autem dicatur aries *vensilare contra Occidentem, Aquilonem & Meridiem*: significatur his verbis; quas partes orbis, Persæ bello appetierint, & deuicerint, videlicet Australem, in qua est Aegyptus, Aethiopia & Lybia: Aquilonarē, vbi sunt Ponticæ gentes: & Occidentalem, hoc est insulas Maris Mediterranei, quod Persis est Occidentale: vnde pro illo (*contra Occidentem*) Græcè est (*contra mare.*) Vide cap. 10. libri Esther.

CAPVT VII.

Quantum referat ad Sacre doctrina studium humana historia, sub ser-tia Monarchia.

PER tertiam Monarchiam, quæ fuit Græcorum, seu Macedonum, in-

telligitur summum, à Deo in mundo cōstitutum imperium, Daniel. 2. *per ventrem & femora ex ere.* Ibidem cap. 7. *per Pardum quatuor alas, & quatuor capita habentem.* Ibid. cap. 8. *per Hircum, primò cornu magnum,* deinceps co fracto, *cornua quatuor habentem,* diuinitus præfiguratum & ostensum; quod ab Alexandro Magno, vsque ad victum Antoniū, mortemque Cleopatæ, & redactam ab Octauiano Augusto Aegyptum in Proinciæ formam, annos 300. circiter, penes Græcos sub diuersis tamen ducibus stetit. Fundamentum Chronologicum huius durationis idem est, quod superiori capite pro Monarchia Persica fuit stabilitum, nempe prophætorum Scriptorum in connotandis temporibus cōtinuatio, in primis Olympiadum diligētissima annotatio; cum Alexandri magni mors omnium ferè Scriptorum consensu in Olympiadis 114. annum primū incidisse statuatur.

Primus igitur Græcorum Monarcha fuit Alexander Magnus, qui anno 7. regni sui Macedonici, mundi verò 3622: occiso Dario, Aegypto, Babylone, Susis, Ecbatanis & Persicis occupatis, transtulit Monarchiam Persicā ad Græcos. Deinde cum impetrasset adhuc annos 5. multasque illo tempore victorias reportasset, tandem Babylonē reuersus ebrietate extinctus est anno 33. ætatis 12. regni & 6. Monarchiæ. Post cuius obitū diuisa fuit Monarchia in plures Reges, vel potius in quatuor Alexandri duces distributa huius Monarchiæ administratio, qui erant *Seleucus Nicanor, Ptolomæus Lagi filius, Arideus frater Alexandri, & Antigonus,* iuxta illud Propheticum Daniel. cap. 11. v. 4. *cum steterit, contereitur regnum eius, diuidetur in quatuor ventos caeli, sed non in posteros eius, neque secundum potentiam illius, quæ domi magis est, lacerabitur enim regnum eius etiam in externos.* Vnde propriè in linea recta nulla regum sub hac Monarchia datur successio, sed secundum lineam quasi collateralem tantum, quatuor prædicti duces successere Alexandro Magno, quorum lingu-

ſinguli ſingulas ſuas portiones de Monarchia apprehenderunt, Ptolomæus Lagi filius Aegyptum, Aridæus Macedoniam, Seleucus Nicanor Babylonem, & Syriâ cum omnibus Orientis regnis, Antigonus Aſiam; attamen cum dignitas Monarchica his regibus, & eorum ſucceſſoribus non ſeparatim ſingulis, ſed coniunctim omnibus, ſimul intellectis fuerit, veluti præſcis, & locum tenentibus vnius Principis aut Monarchæ, ſi is deceſſerit; dicendum eſt iuxta regulâ logicam de cauſis ſocijs, quæ ſimul ſumptæ, pro cauſa vna ſtare conſentur; dicendum eſt, inquam Græcorum Monarchiam ſub quatuor prædictis regibus ſtare potuiſſe, nec prius deſiſſe, antequam tota in aliorum nempe Romanorum manus deueniret; qui progreſſu remporis omnia iſta regna in poteſtatem ſuam redegerunt. Primum quidem Aſiam Minorem, viſto Antiocho Magno, vt teſtatur Liuius & Juſtinus. Deinceps Macedoniam, viſto Perſeo, annis 156. circiter poſt mortem Alexandri. Macedoniam ſecuta eſt Syria, viſto Tigrene à Pompeio, annis circiter, 260. poſt mortem Alexandri. Tandem ipſa Aegyptus à Iulio Cæſare viſta, atque ab Auguſto in provincie formam redacta, in Romanorum poteſtatem venit; tuncque præciſe dicendum eſt deſiſſe Monarchiam Græcam, inque eius locum Romanam ſucceſſiſſe. Sicut enim vi viſionis Prophetice Danielis, Romanum imperium ob ſolam plantam pedis ſuperſtitem & reſiduam, adhuc Monarchicum dici cretur: ſic etiam Græcorum imperium ob ſolam Aegyptum ſuperſtitem, Monarchicum dici meruit, quæ viſta, & in poteſtatem Romanorum deuoluta, etiam de dignitate Monarchica actum eſt. Sublatiſ enim omnibus partibus, totum negari cõſequens eſt. Superreſt iam vt proferamus in medium, quoniam poſt Alexandrum fuerint Reges Monarchiæ Græcorum, iuxta ſtatim adductam eorum diuiſionem. Quia autem regnum Antigoni, qui Aſiâ obtinuit, Regiſque titulum vna cum ſi-

lio Demetrio aſſumpſit, diuturnum non fuit, ſed ante eius nepotes expirauit. Demetrius enim Antigoni filius anno mundi circiter 3650. Patri ſuccedens, à Seleuco Nicanore, Rege Syriæ, cuius ſocer erat Demetrius, bello captus, & vſque ad eius mortem in cuſtodia detentus fuit; vnde regnum Aſiæ ad Seleucidas peruenit, & cum Syria coniunctum fuit. Quia, inquam, ſic ſe res habuit circa Regnum Antigoni; de alijs tribus tantum agemus.

Catalogus Seleucidarum Regum Syria & Orientis.

Primus fuit Seleucus Nicanor anno mundi 3640. à quo poſteri Seleucidæ dicti; hic cum Lyſimachum viſiſſet, ipſe à Ptolomæo Cerauno Lyſimachi aſſine occiſus fuit, poſtquam regnaſſet 30. annos. Fuerunt ipſi duæ vxores, Apame ſoror Barſines, quæ Alexandro Magno pepererat Herculeum filium, & Stratonice Demetrii filia, Antigoni Neptis, quam ſibi nuptam Seleucus ceſſit poſtea filio Antiocho eandem deperienti, ſibi ex Apame prius nato.

II. Antiochus Soter, cui pater coniugem ſuam Stratonicen conceſſit, patri ſucceſſit anno mundi 3670. regnauitque per annos 19. & nati ſunt illi ex Stratonice Antiochus Theos, & Apame nupta Magæ regi Cyrenarum, pellex filiz Beronices nuptæ Demetrio Poliorcetz filio, qui cum Socru conſueſcens ab vxore eſt occiſus.

III. Antiochus Theos anno mundi 3689. qui regnauit annos 15. longo bello conſtitatus cum Ptolomæo Philadelpho Aegypti rege. Hunc Laodice vxor ob ſuperinductam ſibi Beronices veneno necauit. Nati ſunt ipſi ex Laodice Seleucus Callinicus, Stratonice nupta Ariarathi IV. Cappad. regi, & Antiochus Hierax, qui Aſiam ſortitus, eaque non contentus cum fratre de regno armis certauit vſus auxilio Gallorum.

IV. Seleucus Callinicus anno mundi 3704. hic interempta nouerca bellum ſibi

Ibi attraxit ab ipsius fratre Ptolemæo Euergete Aegypti rege: cum fratre de regno dimicauit, captus à Parthis deficientibus, & in regnum remissus, regnavit annos 20. habuitque duos filios Seleucum Ceraunum & Antiochum Magnum, & duas filias anonimas, primam nuptam Mithridati V. Ponti Regi, alteram Demetrio II. Maced. Regi.

V. Seleucus Ceraunus Patri successit anno mundi 3724. infeliciter bellum gessit contra Attalum II. Pergami regem; à suis tandem interemptus, postquam regnavit tres annos; huic filius Antipater, qui res gessit sub patruo contra Aegyptios, & Romanos pacis interuentus ad utroque.

VI. Antiochus Magnus fratri Seleuco Cerauno successit anno mudi 3727. multa & grauius bella gessit, præsertim contra Achæum, Parthos, Aegyptios, Romanos, à quibus duce L. Scipione victus fuit ad Magnesiâ, & magna Asiæ parte multatus, cui vxor prima Laodice Pontica, secunda Eubia Chalcidenfis; filij verò Seleucus Philopater vel Soter, Antiochus maritus sororis Laodices ex voluntate patris, à patre necatus, Laodice nupta Antiocho fratri, Mithridates qui militauit sub patre contra Romanos, Ardis cum Mithridate Sardes præmissus contra Romanos, Demetrius obses Romæ cum fratre Antiocho Epiphane, Antiochus Epiphanes, Cleopatra nupta Ptolomæo Epiphani, mater Philometoris & Physconis, Antiochis nupta Ariarathi V. Cappad. regi. Regnavit Antiochus 37. annos.

VI. Seleucus Philopater vel Soter successit patri anno mundi 3764. per Heliodorum templum Hierosolymitanum spoliare conatus moritur inglorius; regnavit annos 12. natusque est illi filius Demetrius Soter & filia nupta Persæo, ultimo Macedoniæ Regi.

VII. Antiochus Epiphanes fratri Seleuco successit anno mundi 3776. fuit hic tyrannus crudelissimus præsertim aduersus Iudæos, quem Propheta Daniel cap. 8. v. 23. vocat regem impuden-

tem facie & intelligentem propositiones; cuius crudelissimas res gestas libri Machabæorum describunt, ob quas per antonomasiam non Epiphanes sed Epimanes dici solebat: sed morbo perijt, postquam regnavit annos 12. natusque est illi Antiochus Eupater, & Alexander Epiphanes notus aut suppositicius, Ionathæ Asmonæo, & Iudæis amicus, qui Demetrium Soterem occidit.

VIII. Antiochus Eupater patri successit anno mundi 3788. puer sub tutela Lyfiæ Iudam Maccabæum bello perijt, à patruo Demetrio Sotere regno exutus, regnavit duos tantum annos.

IX. Demetrius Soter filius Seleuci Philopatris ut diximus supra, euerso Antiocho Eupatore, patrueli suo successit anno mundi 3790. Iudam Maccabæum per duces Nicanorem & Bacchidem oppugnauit, sed tandem ab Alexandro Epiphane occisus fuit; regnavit annos vndecim; habuit duos filios Demetrium Nicanorem & Antiochum Siditem.

X. Alexander Bala seu Veles anno mundi 3801. hic fuit extraneus, & secundum aliquos regnavit annos 6. secundum alios 10.

XI. Demetrius Nicanor Demetrii Soteris filius anno mundi 3807. Alexandro cæso rex fuit, Ionathæ Asmonæo & Iudæis primum hostis, dein amicus, gener Ptolomæi Philometoris à Parthis captus, & post aliquot annos contra fratrem in regnum remissus, deum ab Alexandro Zebenna peremptus fuit; regnavit annos 5. & habuit ex Cleopatra prædicti Ptolomæi filia, duos filios, Seleucum à matre necatum ob coronam iniussu ipsius sumptam, & Antiochum Gryphum.

XII. Antiochus Entheus, Alexandri Epiphanis, de quo supra, filius, anno mundi 3812. qui à Tryphone excitatus contra Demetrium Nicanorem nomen regium tenuit annis 2. sed eiusdem Tryphonis fraude è medio postea sublatus fuit.

XIII. Tryphon extraneus anno mudi 3814. qui fugato Demetrio Nicanore

re & occiso Antiocho Entheco, regnavit annos 3.

XIV. Antiochus Sidetes, Demetrii Nicanoris apud Parthos captivi frater, pulso Tryphone regni occupatore rex fuit anno mundi 3817. Pius & Soter dictus ob beneficia in Iudæos collata, quos tamen etiam grauius afflixit; tandem à Phraate Partho, cui bellum inferbat, in acie cæsus, regnavit annos 10. habuit ex Cleopatra Ptolemæi Philometoris filia duobus fratribus Demetrio Nicanori & Antiocho Sideti nupta, Antiochum Cyzicenum.

XV. Demetrius Nicanor, e Parthica captiuitate dimissus, iterum regnat anno mundi 3827. post tres annos, ab Alexandro Zebenna occisus.

XVI. Alexander Zebenna, extraneus à Ptolemæo Physcone rege Aegypti contra Demetrium subornatus regnum obtinuit anno mundi 3830. postea ingratus pellitur ab eodem, anno 3. regni sui.

XVII. Antiochus Gryphus, ita dictus à Naso, Demetrii Nicanoris filius occiso Alexandro Zebenna regno potitur anno mundi 3833. matrem Cleopatram Ptolemæi Philometoris filiam venenum sibi ab ea paratum bibere coegit. Cum fratre vterino Antiocho Cyficeno regni emulo longum bellum gessit: regnavit annos 18. cui nati ex Gryphina, Seleuce, Cleopatra Sororibus germanis Ptolemæi Philconis filiabus, Seleucus qui Cyzicenum patrum interfecit: ipse vicissim à filio eius Antiocho Eusebi interfectus; Antiochus, qui Patrualem Antiochum Eusebem regno exiit; Demetrius Ecairos rex contra Antiochum Euseba à Parthis captus & abductus: Philippus Demetrii fratris æmulus à Gabinio captus; Antiochus Dionysius rex ab Areta Arabe occisus. Sic Cyficieni, nec non filiorum Antiochi Gryphi, bella intestina, non tam regnum, quàm interregnum fuerunt per annos 8.

XVIII. Tigranes Armeniæ rex, anno mundi 3863. ob intestina Seleucidarum

Biblioth. Theol. Tom. IV.

bella à Syris euocatus, regnavit pacifice annos 18. Sed postea à Romanis regno fuit exutus, & Syria in Prouinciam redacta.

Catalogus Regum Macedonia post Alexandrum Magnum.

Primus fuit Philippus Aridæus frater Alexandri nothus, ex saltatrice Latissæa, anno mundi 3626. administratorem Perdiccam habuit, eoque occiso Antipatrum; regnavit annos 7.

II. Cassander Antipatris rectoris Macedoniae & Græciæ absente in Asia Alexandro Magno filius, nepos Iolai Macedonis obscuri nominis; regnare coepit anno mundi 3633. Hic interfecit Alexandri Magni matrem Olympiadem, sororem Cleopatram, uxorem Aoxanem cum duobus filiis; regnavit annos novem, habuitque ex Thessalonica filia Philippi ex concubina, sorore Alexandri Magni, Philippum qui in Macedonia patri succedens mox obiit; Antipatrem & Alexandrum.

III. Antipater, alijs Antigonus, cum fratre Alexandro, regnum obtinuit anno mundi 3652. matrem occidit, in cuius vitionem Alexander contra fratrem euocauit Pyrrhum & Demetrium, à quo postea interemptus fuit; Antipater autem Gener Lyfimachi per Eurydicem eiusce filiam, à socero demum occisus, regnavit annos 4.

IV. Demetrius Poliorcetes, Rex Asiæ filius Antigoni ducis Alexandri anno mundi 3656. ascitus ab Alexandro Cassandri filio regnum occupauit per sex annos.

V. Pyrrhus rex Epiri anno mundi 3662. eiecit Demetrio, vnâ cum Lyfimacho Dynasta Thraciæ regnat septem menses.

VI. Lysimachus clarus inter duces & successores Alexandri Magni Macedoniae rex post Pyrrhum fuit anno mundi 3662. regnavitque annos 5.

VII. Ptolemæus Ceraunus Ptolemæi Philadelphi frater, Lyfimacho à Seleu-

X x x co

co occiso, regnum occupat anno mundi 3667. Lyfimachi viduam Arfinoen sororem suam duxit, & paulo post in exilium pepulit, crudeliter contra fidem datam tribus eius filiis in gremio interfectis Ptolemæo, Lyfimacho & Philippo, regnum 210. dies tenuit.

VIII. Meleager occiso à Gallis Cerauno 2. menses regnavit. IX. Antipater ibidem à Gallis occiso Meleagro 45. dies. X. Sostrhenes pulsus Gallis annos 2.

XI. Antigonus Gonates, Demetrij Poliorcetæ filius anno mundi 3670. regnum recuperat, cum diu post patrem inde deiectum suauassit, permansitque penes eius posteritatem vsque ad finem. Regnavit annos 36. habuit ex iusto matrimonio Demetrium, & Alcioneum, nothum, cui rursus duo filij Antigonus Doson & Echeocrates.

XII. Demetrius Secundus Patri Antigono successit anno mundi 3706. natus est illi ex Phthia filia Alexandri nepti Pyrrhi regis Epiri, Philippus; regnavit annos 10.

XIII. Antigonus tertius cognomento doson, quod multa promitteret vel daret, ex tutore Philippi patruelis, cui eidem & vitricus erat, à morte enim Demetrij eius vxor Phthia fuerat illi nupta, Macedoniæ rex designatus fuit, anno mundi 3716. nomineque Patruelis regnavit 13. annos.

XIV. Philippus III. Antigono successit anno mundi 3729. victus fuit à Romanis, Græcis sua libertate ab iisdem restituta, regnavit annos 42. fuerunt illi duo filij Demetrius præstantissimæ indolis iuuenis legitime natus, obles patris apud Romanos, & Perseus suppositicius, vt vulgò creditum, qui fratrem calumnijs suis perpetuis ita apud Patrem euerit, vt ab ipso interfectus fuerit; ipseque regnum Macedoniæ obtinuerit.

XV. Perseus ultimus Macedoniæ rex anno mundi 3771. victus à Romanis & perpetuo carceri mancipatus fuit; in eo regnum Macedoniæ defecit, & in Romanorum potestatem translatus fuit

habuit duos filios Philippum qui cum ipso in carcere Romano mortuus est, & Alexandrum qui litteras Latinas edoctus fuit scriba magistratum Romæ.

Catalogus Lagidarum Regum Aegypti post Alexandrum Magnum.

Primus post Alexandrum Magnum rex Aegypti fuit anno mudi 3626. Ptolemæus Lagi Macedonis equitum, præfæcti sub Philippo obscuræ originis, filius, à quo posterii Ptolemæi Lagidæ sunt appellati. Habuit ex priore vxore Euridice filia Antipatris Macedoniæ regis Ptolemæum Ceraunum, Ptolemaidem nuptam Demetrio Poliorcetæ, & Lysandram nuptâ Agatocli filio Lyfimachi; ex posteriore vero vxore Beronice nupta ante Philippo cuidam Macedoni, nepti Cassandri, qui frater fuit Antipatris, habuit Ptolemæum Philadelphum, Argem infidiarum paratarum à fratre occisum, & Arfinoem que Agatoclem Sororis filium priuignum, interemit. Post Lyfimachum Regem Thraciæ à Seleuco in acie interemptum fratri Ptolemæo Cerauno, demum alteri fratri Philadelpho nupsit. Regnavit annos 40.

II. Ptolemæus Philadelphus patri in Aegypto successit anno mundi 3666. ita dictus fuit, quia Sororem Arfinoen in vxorem duxerat. Erga litteras & litteratos munificentissimus fuit. Extruxit Alexandriæ Bibliothecam copiosissimam: qua occasione Biblia Hebræa in sermonem Græcum conuersa fuerunt, vt suo loco diximus. Nati sunt illi ex Arfinoe Lyfimachi filia Ptolemæus Euergetes, Lyfimachus qui periit fraude Solibij curatoris Ptolemæi Philopatoris, & Beronice nupta Antiocho Theo Syriæ regi, quæ necata fuit à priuigno Seleuco Callinico. Regnavit annos 38.

III. Ptolemæus Euergetes patri successit anno mundi 3703. hic ob occisam Sororem Beronice Syriam afflixit eiusque regem Seleucum Callinicum iniit, Aratum Sycionium iuuit, à filio interfectus,

Sectio VIII. Caput VII. 531

fectus, regnavit annos 26. habuit tres filios Ptolomæum Philopatorem, Magam ex Beronice natam à fratre Philopatore cum alijs fratribus necatum, & Arsinoen, quam Euridicen Iustinus appellat.

IV. Ptolomæus Philopater, per antiphrasin sic dictus, ut pote qui interemit patrem, matrem & fratrem, regnate coepit anno mundi 3704. Arsinoen sorore duxit in vxorem, fraude pellicis Agatoclaræ postea occisam, cum Antiocho Magno bellum gessit, post victoriam ab illo reportatam voluptatibus se dedit, regnavitque annos 17. relicto ex Arsinoe filio Ptolomæo Epiphane.

V. Ptolomæus Epiphanes anno mundi 3746. quinquennis à patre relictus, à Romanis defensus fuit contra Antiochum Magnum Syriæ, & Philippum Macedoniæ reges. Verum Antiocho postea per nuptias Cleopatæ eius filiæ reconciliatus fuit, quæ marito velut in dorem attulit Cæleſyriam, Phœnicen & Iudæam, quas patens Antiochus ante occuparat. Regnavit annos 24. relicto ex Cleopatra vxore duobus filiis Ptolomæo Philometro, Ptolomæo Evergete siue Phiscone, & Cleopatra filia.

VI. Ptolomæus Philometer anno mundi 3770. per antiphrasin ita dictus, cum matri fuerit iniussimus; contra avunculi Antiochi Epiphanis consilia servatus à Romanis in Syria victor ex vulnere obiit; regnavit annos 35. & ex Sorore Cleopatra utrique fratri suo successivè nupta reliquit Cleopatram maiorem nuptam tribus Syriæ regibus Alexandro Epiphani, Demetrio Nicanori, Antiocho Sedete; Cleopatram minorem nuptam Physconi Patruo, & filium anonymum in complexu matris in ipsis nuptijs à patruo & vitrico Physcone iugulatum.

VII. Ptolomæus Evergetes & Physcon anno mundi 3805. ad instar farcinis sic dictus à sagina ventris, Evergetes autem per antiphrasin, quia fuit crudelissimus. Primum Cyrenarum, dein post fratris mortem Aegypti quo-

que rex fuit; habuit ex Cleopatra sorore Memphitem filium, quem truncatis manibus, pedibus, capite, matri intercipulas festivitatis diei natalis in offensionem misit; ex Irene concubina Ptolomæum Apionem Cyrenarum regem; ex Cleopatra vero Sorore eiusdem & fratre Philometre nata, viventis matris pellice, Ptolomæum Lathurum, Seleucem Cleopatram, Ptolomæum Alexandrum, & Gryphinam. regnavit annos 29.

VIII. Ptolomæus Lathurus, seu Lamyrus anno mundi 3834. Physcon ab Eusebio, Soter ab Epiphano appellatus, crudelis, multa millia Iudeorum interficiens, & occisorum caribus captivos venci cogens, regnavit annos 16. post quos è regno deiectus fuit ab Alexandro fratre; sed ad illud postmodum redijt.

IX. Ptolomæus Alexander anno mundi 3850. Ptolomæum Lathurum fratrem è regno deiecit, vanè laetatus ambitione matris, quæ, cum etià ipsi insidias strueret, ab eodem propter crudelitatem interfecta fuit; regnavit annos 10.

X. Ptolomæus Lathurus anno mundi 3860. redux pulso Alexandro ab Aegyptijs, rursus regnavit annos 8. habuit ex Sorore Seleuce, quam in vxorem duxerat, Ptolomæum Aulctem, Ptolomæum Cypri Regem, & Beronice ærea statua honoratam ab Atheniensibus.

XI. Ptolomæus Aulctes anno mundi 3868. sic dictus, quia in habitu regio cum tibicinibus publicè certavit, à subditis ob ignaviam & crudelitatem regno pulsus, per Romanos autoritate Pompeij restituitur. regnavit annos 31. reliquit duos filios Ptolomæum Dionysium & Ptolomæum Iuniorem; tres filias, Beronice è liberis natu maximam; Cleopatram nuptam duobus fratribus Ptolomæis; amasiam C. Cæsaris & Marci Antonij; Arsinoem nuptam fratri Ptolomæo Iuniori ante Cleopatram, Cæsari & Sorori infensam, occisam Miletæ ab Antonio.

XII. Ptolomæus Dionysius anno mundi 3899. rex Aegypti ex testamen-

to Patris reliſtus fuit; fuit primus Cleopatra fororis maritus, dum bellum gerit contra C. Cæſarem in Nilo periit, poſtquam regnaſſet annos 4. Ptolomæus autem Iunior ſecundus Cleopatraz fororis maritus & rex ex voluntate Cæſaris victoris, ab Antonio rivali inſtigante Cleopatra Epheſi peremptus fuit.

XIII. Cleopatra anno mundi 3903. libidinoſa & luxurioſa mulier, amaſia. C. Cæſaris & Marci Antonij, ex quorum primo habuit Ptolomæum filium; ex ſecundo verò Alexandrum, Cleopatram nuptam Iubab II. Numidiæ & Mauritaniz regi, & Ptolomæum Syria Phœnicia, & Cilicia à patre Antonio donatum. Cleopatra, victo Antonio ſuo amaſio, victore Auguſto, ſibi per aſpides mortem aſciuit, poſtquam regnaſſet annos 18. ſic deſiciente Lagidarum ſtirpe, Aegyptus in provinciam verſa, reliquiſque Græcorum regnis à Romanis occupatis, Græcorum quoque Monarchia deſijt, Romanorū verò incepit.

*De Iudeorum Dynaſtia, ſub tertia
Græcorum Monarchia.*

SVperiore capite vidimus, quis populi Iudaici ſtatus ſub Perſica Monarchia, & ulterius vſque ad Maccabæos, fuerit: nunc breuiter conſiderandum eſt, quis eiſdem ſtatus extiterit à tempore Maccabæorum vſque ad Monarchiam quartam. Excepta igitur hiſtoria Iaddi Pontificis à Joſepho lib. 11. c. 8. de qua capite precedenti dictum, deſcripta, & Ptolomæi Perſidiz, adverſus Iudeos exercita perſidia, ab eodem lib. 12. cap. 1. relata; cum Hebræorum res vſque ad Antiochum Epiphanem & Maccabæos, in hiſtoria obſcuræ ſint: Antiochi tandem Epiphanis crudelitas, qua Eccleſiam horrendum in modum afflixit, eas clariores reddit; hinc enim Aſmonæorum ſive Machabæorum hiſtoria, qui repurgato templo ab Antiochi abominationibus, & armis libertate recuperata, in Dynaſtia Iudeorum quinta Pontificali ſeu Sacerdotali, rerum

ſumma potiti ſunt, iuxta Joſephum lib. 14. cap. ultimo annos 126. vſque ad regnum Herodis, qui capta Hieroſolyma, principatum ad ſe tranſtulit, annis 7. ante victoriam Actiacam, ſinemque Monarchiæ Græcorum, vt idem Joſephus teſtatur lib. 15. cap. 7.

Priusquam autem referamus Pontificum nomina de Maccabæorum ſive Aſmonæorum ſtirpe & familia, breuiter aperiendum eſt, vnde fuerit deduſta huiusmodi appellatio. Primum igitur *Aſmonai* dicti fuerunt, quia patrem habebat Mathathiam ex familia Aſmonæi. Huic Mathathiz quinque filij erant, Iohannes, Simon, Iudas, Eleaſar, & Ionathas, quos ad conſtanter Antiocho reſiſtendum, exemplo & verbis acriter inſtigavit lib. 1. Machab. cap. 2. dicendo. *Nunc ergo, o filij, amulatores eſſote legis, & date animas veſtras pro teſtamento patrum noſtrorum, & mementote operum patrum noſtrorum, qua fecerunt in generationibus ſuis, & accipietis gloriam magnā, & nomen æternum.* Per quod nomen æternum principaliter nomen Maccabæi intelligitur, quod cognomen fuit Iudæ, filij tertij Mathathiz, cui vt videre eſt loco ſtatim citato Pater ſummam belli, armis aduerſus Antiochum gerendis commiſit; *Et Iudas Maccabæus*, fortis viribus à iuuentute ſua, ſit vobis princeps militiz, & ipſe agat bellum populi. Huic ergo cognomen ſuum loco ſymboli fuit, quo Deum ſuum pro inuiſſimo Deo conſeſſus eſt, ex loco Exodi c. 15. v. 11. *מיִכָּבֵּה נֶאֱמָרְתִּי, quis ſimilis tui in Dñs Domine*, Cuius dicti initiales littere *מכב* conſtituunt nomen Maccabæi; à quo Maccabæorū nomen in ſacra Scriptura manſit. De quo plura vide apud Serrarium, ceteroſque interpretes.

Nomina Pontificum de Maccabaorum ſtirpe, à tempore Antiochi Nobilis, ſive Epiphanis, & templi à Iuda repurgati, altari nouo nouis à lapidibus inſtaurato.

IVdas Maccabæus, anno mundi circiter 3785. filius Mathathiz Aſmonæi.

næi . qui templū , quod gentes sub Antiocho contaminauerant , repurgauit ; deinde eius *ἐγκαταστήσας* magna lætitiâ celebrauit , & à posteris annuatim celebrari imperauit . Quod æuo Christi adhuc Iudæi multa cum religione seruabant . Exemplo patris Antiocho se fortiter opposuit , uitam pro lege patria paciscendo , tandemque sanguinem fundendo , generosè occubuit , præfuit annos 6 .

Ionathas , anno mundi 3791 . frater Iudæ , cognomine Apphus , iidem heros strenuus , ab Alexandro Rege Syriæ Pontifex constitutus fuit , purpuram & coronam auream ad eum misit . Addidit postea fibulam auream , consanguineorum regis insignis , præfuit annos 19 .

Simon , frater Iudæ , anno mundi 3810 . cognomine Thasi ab vniuerso populo Iudaico princeps constitutus fuit ; Arcem Sion recepit & mundauit . Qui inde cū Romanis sedus renouat , eisque clypeum mille minarum mittit , præfuit annos 7 .

Iohannes Hircanus , anno mudi 3817 filius Simonis , destructor templi in Garisim , quod Manasses edificauerat , & euerfor Samariæ præfuit annos 31 .

Aristobulus , anno mundi 3848 . Hircani filius , qui primus titulū regis post captiuitatem Babylonicam resumpsit , præfuit anno 1 .

Alexander Iannæus anno mudi 3849 iidem Hircani filius , princeps fortunatus , præfuit annos 27 .

Alexandra Salome , anno mudi 3876 Iannæi vxor , marito defuncto , præfuit annos 9 . post eius mortem contendentibus filiis eius Aristobulo & Hircano de regno , Pompeius capta Hierosolyma Iudæos tributarios fecit , & Aristobulum quidem Romam captiuum duxit , Hircano pontificatum absque regno confirmauit , procuracionem prouinciæ Antipatro tradidit , cuius filius Herodes postea ad regnum peruenit ; inde aliqui immediatè post Alexandrum , Hircanū annumerant relicto Aristobulo .

Aristobulus Iunior Iannæi filius , an-

no mundi 3885 . Hircano fratre seniore excluso regnauit annos 3 .

Hircanus anno mundi 3888 . ab Aristobulo fratre minore per tres annos pulsus , à Pompeio in sacerdotium absque regno restituitur : Autonomia Ecclesiastica Iudæis relicta , politica vero iisdem adempta , inque Romanos translata , vt statim diximus , præfuit ann. 22 .

Alexander Aristobuli filius Romanus , elapsus anno mundi 3910 . Iudæam occupare conatus est , sed à Gabinio captus est post 3 . annos .

Antigonus , anno mundi 3913 . filius item Aristobuli , Hircanum auribus trucidatis , captiuum misit in Parthiam , præfuitq ; annos 3 . cum dimidio .

Herodes Ascalonita anno mudi 3916 expugnata Hierosolyma , Antigonum interfecit , regnumque ex Romanorum concessione arripuit , & occupauit per annos 35 . deficiente stirpe Maccabæorum , circa initium Monarchiæ quartæ . Herodi successit Archelaus , Archelæo Herodes Antipas , Herodi Antipæ Agrippa , Agrippæ tandem alius Agrippa Iunior ; in quo regnum Iudæorum totaliter defecit . Vide dicta tomo 2 . lib. 3 . sectiōe 1 . cap. 63 .

Quod pertinet iam ad alia regna & respublicas extra Ecclesiam , quæ terciæ Monarchiæ Synchrona fuerunt ; meminerunt historiæ regnorum Armeniæ , Ponti , Epiri , Cappadociæ , Numidiæ , Mauritaniæ ; fuit etiam regnum Scotorum , quod initium circa tempora Alexandri Magni sumpsisse dicitur , de quo sequenti capite ; fuit regnum Parthorū , qui à Callinio & Hierace fratribus , regibus Syriæ , in mutua bella ruentibus , defecerunt , inque tantam potentiam excreuerunt , vt multum negotij sequutis temporibus Romanis fecerint , vsque ad Alexandrum Scuerum . Fuerunt tandem Respublicæ Græcorum , Spartana , Attica , Rhodia , Massiliensis , & omnium potentissima Romana , quæ , labente paulatim Seleucidarum , Ptolomæorum & Macedonum imperio , quasi candidata dignitatis Monarchicæ fuit .

Expen-

*Expenduntur loca sacra Scripturæ, quibus
intelligendis conducere potest notitia
rerum Historicarum ad III.*

*Monarchiam pertinens
tium.*

Primò tertia Græcorum, siue Alexandri Monarchia Danielis cap.2. versu 32. & 36. diuinitus per ventrem & femora ex ære præfigurata & ostensa legitur: *Es regnum tertium aliud arcum, quod imperabit vniuersa terra.* Qua in visione duo sunt consideranda & explicanda: vnum est, cur regnum Alexandri & Græcorum, figuratum sit in illa statua, ventre & femoribus; alterum, cur comparatum sit æri. Ac primo quidem assimilatum est ventri, ad significandum Monarchiæ Græcorum ordinem & successionem. Sicut enim venter subest pectori: sic regnum Alexandri, & Græcorum successit proximè Persarum imperio. Secundò indicatur huius Monarchiæ insatiabilis dominandi cupiditas. Sicut enim venter omnem cibum appetit, ad se trahit, & subigit conficitque. Sic Alexandri Magni habendi regna cupiditas fuit insatiabilis; quod satis colligitur, tum ex superbo eius responso, quando Dario denuntiavit, *Mundum nec duobus solibus regi, nec duo summa regna, salvo terrarum statu, habere posse:* tum etiam ex eo quod audiens Democritum de infinitate mundorum dissentientem, ingemuerit quod ne vnum quidem totum sibi subiugasset. Et re verà adeo Græcorum propagauit imperium, vt non temere ab alijs aut existimatus fuerit, aut appellatus vniuersæ terræ Dominus. Audiamus Plinium lib. 4. cap. 10. de Alexandro. *Hæc est, inquit, Macedonia terrarum imperij posita quondam. Hæc Asiam, Armeniam, Iberiam, Albaniam, Cappadociam, Syriam, Aegyptum, Taurum, Caucasum transgressa. Hæc in Bactris, Medis, Persis dominata, toto Oriente possessa. Hæc etiam Indi victrix, per vestigia Liberi patris, atque Herculis vagata. Adde quod plurimæ aliæ*

gentes, quæ bello domitæ ab Alexandro non fuerant; secundis bellorum euentibus commotæ per legatos illi seipsas aut tradiderunt, aut studuerunt illum habere amicum. Vt refert Iustinus libro 12. *Ab ultimis, inquit, litoribus Oceanæ Babyloniam reuerenti nuntiantur legationes Carthagenensium, cæterarumque Africa ciuitatum, sed & Hispaniarum, Siciliæ, Galliæ, Sardinia, nonnullas quoque ex Italia eius adueniunt Babyloniam operiri.* Adeo vniuersum terrarum orbem nominis eius terror inuaserat, vt cunctæ gentes veluti destinato sibi regi adularentur. Hæc eadem propè Curtius lib. 10. & addit: *Igitur tanquam conuentum vniuersi orbis æternus Babyloniam peruenire festinabat, quò cum venisset, legatos omnes benignè susceptos domum remisit.* Neque valde his dissimilia leguntur lib. 1. Machab. cap. 1. *Constituit praelia multa, & obtinuit omnium munitiones, & interfecit reges terræ, & pertransiit vsque ad fines terræ &c. & siluit terra in conspectu eius.* Vnde apparet, quomodo accommodans se hoc loco Propheta, quod sæpe faciunt Scriptores sacri, hominum opinioni, qui postea Alexandrū ob insignes eius victorias vniuersæ terræ dominum aut existimabant, aut adulatorio, seu hyperbolico modo salutabant, de regno eius dixerit, *quod imperabit vniuersa terra.*

Tertiò denotatur ipsius Alexandri Magni breuitas, qua in medio victoriarum cursu defecit. Quemadmodum enim venter cibum confectum diu in se non retinet, sed ad alia membra transmittit: ita Alexander Magnus regnis, quæ in suam redegerat potestatem, diu frui non potuit, sed Ducibus suis ea possidenda reliquit. Idque Theodoretus significari vult per diuisionem femorum, in quam visus est scindi venter statuae. Quamuis alij putent per femora eius statuae denotari lasciuiam, & Veneris intemperantiam, non tam Alexandri, qui vt in illa ætate & potentia eius voluptatis satis continens fuisse dicitur, vt mox dicemus, sed successorum eius, præsertim autem regum Aegypti. Quarto tandem

dem figura ventris notatur immodica, vini cupiditas, & intemperantia, qua infamis fuit Alexander, quæque ei mortis fuit cauſa, ex Q. Curtio lib. 5. Arbitratur autem Plutarchus in vita Alexandri, fuiſſe eum auidiſſimum vini, propterea quod erat temperamento corporis præſeruido & igneo. Sunt etiam, qui in eius ebrietatem referant, quod adeo luxurioſus non fuerit: ebrioſi enim ſicut vino ſopiant ſenſus, ita & ſopiant hebetantque orexin ad venerem: rurſum, ſemen prolificum vino diluunt, & diſſipant. Poſſet aliqui obijcere per figuram ventris hic non ita propriè ſignificari Alexandri intemperantiam & ebrietatem, quia etiã primæ & ſecundæ Monarchiæ reges fuerunt intemperantes; ſed immerito, non enim ita ac Alexander, in quo vitium adeo inſigne ac notabile fuiſſe aſſerunt, qui res eius ſcripſerunt, vt ſapiſſimè, totas noctes comeſſaretur, ac potaret, noctibusque dies iungeret, quin nonnunquam tantum vini hauſit, vt totum triduum mero, ſomnoque, ſepultus iaceret, donec vinum edormiſceret. Inſtituebat etiam in exercitu potationum certamina, amplo cæteros vincenti conſtituo præmio. In conuiuium Temulentus, ſuaſu Thaidis procaciſſimæ meretricis, vt refert Curtius lib. 5. incendio concremauit clariffimam & nobiliſſimam Orientis urbem, ob id à Perſis nominatam Perſepolim. Iterum ex temulètia in furorem verſus, Clytū ſibi familiariſſimum, ducem ſtrenuum, fratrem eius à quo fuerat nutritus, & educatus, denique vitæ ſuæ conſervatorem, quod res geſtas Philippi patris rebus ab ipſo geſtis, anteponeret lancea, transfodit. Hinc vulgatum fuit, Alexandrum mitiorem fuiſſe in bellis aduerſus hoſtes, quàm in conuiuijs erga amicos. Ne multa, tandem ob intemperiem ebrietatis interiit, licet aliqui veneno eum occidiſſe prodiderint. Ex quibus omnibus ſatis patet quomodo per ventrem præfigurari potuit præ omnibus aliarum Monarchiarum regibus Alexandri in bibendo intemperantia.

Circa ſecundum, cur nimirum imperium Alexandri, & Græcorum ære figuratum ſit, plures adduci poſſunt cauſæ. Prima eſt, neque in ventre, ac femoribus, quæ ſicta videbantur ex ære neque in ærea materia aliud indicari, quam imperium illud futurum eſſe poſt Perſicum, ſicut venter etiam pectori ſubijcitur, & eodem vilis, ſicut æs ad argenti notam & pretium non aſcendit. Secunda eſt æreum dici Græcorum imperium, non ſolum ratione ordinis, & ſucceſſionis, ſive quia poſterum ac Chaldaicum & Perſicum, ſicut æs inferius eſt ad aurum, & argentum, ſed etiã quia minus felix in ſua duratione. Mortuo quippè Alexandro, ſtatim imperium euaniuiſſe videri potuit, cum diſſipatum fuerit atque diuiſū in multa capita, mutuis inter ſe odijs, atque armis diſſidentia. Vide Paulum Oroſium lib. 5. c. 23. Tertiò æs ſignificat cneas tubas, galeas, loricas & arma Alexandri, puta clangorem tubarum, & armorum æneorum ſtrepitum, & fragorem inter quæ aſſidue ipſe verſabatur, iſſique quali muſica ſuauiſſima delectabatur; fuit enim ipſe pugnaciſſimus, nonniſi arma & Martem ſpirans. Porro veteres armis æreis, pro ferreis uſos fuiſſe, æriſque uſum eſſe antiquiorem, quam ferri docet Cælius Rhodiginus lib. 10. antiquit. cap. 50. Hinc & Gabriel Archangelus Daniel. cap. 10. brachia, femora, & tibiaſ habuit inſtar æris candentis: quia hac ſpecie repræſentabat Machabæorum fortitudinem, & armorum ſplendorem. Sic & Deus Ezechielis cap. 1. in curru Cherubico pugnaturus contra Iudæos, induit corpus ex electo: id eſt aurichalco, quod eſt æs optimum, & fulgiſſimum.

Quartò quia æs non tantum forte eſt & durum ad arma conſcienda; ſed & vocaliſſimum, & ſonantiſſimum, ideo dum venter & femora ex ære fuiſſe dicuntur; exiſtimat D. Hieronymus indicari nominis Alexandri Magni, & Græcorum celebritatem, non tantum ob potentiam, & bella fortiter geſta, ſed etiã
ob

ob sapientiam, & eloquentiam quæ apud Græcos floruit, dicente ipsomet Apostolo illos Sapientiam quæsiuissse. *Sicut enim as vocali summum*, sunt verba D. Hieronymi, & *sonantissimum, sonum magnū & clarum longè lateque diffundit*: ita hac re denotatur magna imperij Græcorum fama & gloria, non solum ob potentiam, sed etiam sapientiam, & eloquentiā, quæ apud Græcos maximè floruit. Præcipue verò significatur famam Alexandri Magni super omnes reges, & imperatores omni auro fore clarissimam & celebratissimam. Vnde Pererius hic decem in primis res enumerat quæ nomen Alexandri omnibus sæculis cunctisque gentibus admodum mirabile & memorabile reddiderunt. 1. *ætas eius* quæ res tantas gessit: suscepit enim regnum defuncto patre Philippo annum, agens 10. & anno ætatis 33. extinctus est. Hinc Iulium Cæsarem, Suetonius refert, Gadibus, cum in templo Herculis simulachrū Alexandri M. aspexisset, quasi ignauiam suam pertæsum, ingemuisse, quod quæ ætate Alexander totū orbē subegerat, ea ipsa ætate nihil dum memorabile gessisset. 2. *paruitas exercitus* quæ vniuersum orbē subiugare aggressus est: *tanta enim apparatus exiguitate incertum est*, inquit Iustinus, *virum sit admirabilis, Alexandrum vicisse orbem an vincere aggressū esse*. 3. *Felicitas* in sumis rebus expediendis, ut nullo vnquam cum hoste congressus sit, ex eodem Iustino, quin cum deuicerit. 4. *Secundissima eius fortuna*, maximè verò in euadendo ex innumeris periculis. 5. *Amplitudo imperij*, quod acquisiuit, hinc Daniel ut diximus supra, in interpretatione huius ventris ænei, hoc regnum vniuersæ terræ imperaturum prædixit. Et Lysippus, quo amplitudinem impetij Alexandri exprimeret, finxit ex ære Alexandrum supina facie cælum suspicientem, subiectis hisce versibus:

Aereus in cælum suspiciens, sære quid aias:

Iuppiter, afferni terram mihi, tu afferre cælum.

6. *Victoriarum eius celeritas*: dum 13. an-

norum spatio tot & tam diffitas gentes deuicit, quod tempus ijs vix obeundis, & videndis sufficere videtur: ex quo factum ut Apelles Alexandrum fulminiferum pinxerit. 7. *Nominis eius fama & terror*, quo plura subiecit sibi quam bello. 8. *Monumenta stupenda*, ut sunt ciuitates ab eo extructæ, quas Plutarchus in priori oratione de fortuna Alexandri, amplius 60. fuisse affirmat. 9. *Eximia natura dotes*; & virtutes planè regales, quas Curtius lib. 10. recenset. 10. *Scriptorum illius sæculi celebritas*, quorum cælatus rebus gestis Alexandri Magni describendis egregiè par erat, quales fuerunt Hecathæus, Aristobolus, Callisthenes, Duris, Onesieratus, Diodorus Siculus, Trogius Pompeius siue Iustinus, Q. Curtius, Plutarchus, Arrianus, & alij, adeo ut, quod ipse prædicauerat de Achille, fortunatum eum fuisse, quod rerum suarum præconem Homerum habuerit, id sanè multò verius de ipso dici possit, quippè non vnum Homerum, sed plures Scriptores clarissimos rerum, à se gestarum præcones habuerit.

Cornelius autem à Lapide ex prædictis authoribus latè profecquitur in cap. 2. Danielis, duodecim quæ in Alexandro eluxerunt dotes eximie, & eloquia rara, quæ eius nomen apud omnes gentes celebrarunt. 1. fuerunt magnitudinis eius præfagia & portenta. 2. Eius cōplexio seruida & indoles ignea. 3. Mira celeritas. 4. Constans felicitas. 5. Amplitudo imperij. 6. Incredibilis mentis vigor, ingenij solertia, animi fortitudo ad quæuis ardua, atque periculorum & mortis contemptus. 7. Eius temperantia in cibo. 8. Continentia. 9. Magnanimitas. 10. Iustitia, æquitas & liberalitas in suos. 11. Insignis in victis clementia, & in omnes, etiam hostes, fides. 12. Eius eruditio, & in literatos amor, ac fauor. Quæ omnia dilucidè interpretandis, planèque intelligendis, tam hoc secundo capite, quam 7. & 11. Danielis de hoc Monarcha loquentibus locis, multum lucis afferre possunt.

Secundò de tertia bestia sic Daniel cap. 7.

cap. 7. ver. 6. *Post hac aspicebam; & ecce alia quasi pardus, & alas habebat, quasi avis, quatuor super se, & quatuor capita erant in bestia, & potestas data est ei.* Qua visione nemo dubitat, Græcorum, seu Macedonum imperium designari, quod deuictio Dario Persis eripuit Alexander. Tantum ex Hebræis quidam opinantur in pardo duo regna coniungi, Græcorum scilicet & Romanorum; quod ideo asserunt, vt quartam belluam pro Turcarum imperio reseruent. Sed illorum opinionem improbat communiter alij, & textus ipse facit per se satis confutat & euertit. Cum igitur eertum sit in Pardo Monarchiam Græcorum & Alexandri significari; vt interpretatio bene constet, opus est investigare, quæ sit natura Pardi, siue Pantheræ. Etsi enim Solinus cap. 21. pardum, & pantheram censeat esse duas & diuersas animalium species, tamen Aristoteles, Plinius, Dioscor. Gazæ, & alij dicunt esse eandem speciem, idemque animal; solummodo Panthera sæpius fæminam, pardus & panther marem significant. Pardus igitur primò est maculosus ex Plinio lib. 8. cap. 17. quod etiam Scriptura testatur, Ierem. 13. *Si mutare potest Aethiops pellē suam, aut Pardus varietates suas, & vos poteritis bene facere, cum didiceritis malum.* Loquitur de hominibus longo studio malis, quasi tam sit impossibile eos corrigi, quàm Aethiopem dealbari, aut pardum cōse vnicolore, cum & nigredo & varietas insint eis à natura.

Secundò ex eodem Plinio pardus animal est velocissimum quodque præceps fertur, & saltu ruit in prædam. De quo est illud Habacuc cap. 1. *Leniores pardis equi eius.* Sermo est de Chaldeis, quos armaturus est Deus contra Hierusalem; ne autem Hierosolymitani equos suos equis Chaldeorum opponerent, rectè exaggerans ait, *Leniores pardis equi eius,* id est Chaldeorum equi velocitate sunt incomprehensibiles, qui non solum communibus equis, sed & pardis perniciosissimis velocitate antefant. Tertiò innatus huic ferè odor est gratissi-

Biblioth. Theol. Tom. IV.

mus. Quarto miram habet calliditatem ad capiendam prædam, & quod viribus nequit, id fraude assequitur & artificios; partim enim pellis varietate, & pulchritudine, partim odore sibi innato, animalia ad se allicit (occultans interim caput turpe & horridum) ac deuorat, præsertim hinnulos, dorcadas, capras, ceruos & alia eiusmodi animalia, vt docent Aelianus, Aristoteles, Gesnerus. Quintò vino delectatur, quocirca vino inebriatū capi docent Oppianus & Gesnerus. Sextò pardus est superbus, aliasque bestias præ se contemnit, vt patet ex apologo, quem de illo refert Plutarchus in Moralib. Cum, inquit, pardus aliquando vulpem præ se contemneret, quod ipse pellem haberet omnigenis colorum maculis variegatam: respondit vulpes, sibi id decoris in animo esse, quod illi esset in cute: neque verò paulò satius esse ingenio præditum esse vasq̃, quam cute versicolore. Septimò esto pardi sint fortes, & sæui, vt docuit Ieremias cap. 5. & Oseas cap. 13. tamen vbi venatorem, aut hostem sentiunt viribus sibi parem, meticulous esse tradunt Aristotel. Plinius & Gesnerus. Nunc ista ad Alexandri Græcorumque mores & ingenium conferenda sunt; expendendumque quomodo illorum pardus symbolum esse possit. Primò si pardus maculosus est, neque vnum habet simplicem colorem, fuit etiam Alexander varius & maculosus vitijs & virtutibus de quibus Curtius lib. 10. significat etiam pardus ita variè distinctus maculis Alexandrum quatenus varia regna suo imperio complexus est. Secundò in velocitate pardi, celeritas victoriarum exprimitur Alexandri, *Quippè qui vt ait D. Hieronymus ab Illyrico, & Adriatico mari, vsque ad Oceanum Indicum, & Gangem fluiuium, victorij magis, quam prælij orbem percurrit.* Tertiò si innatus est pantheræ, seu pardo gratus odor, quod nulli aliorum animalium concessum dicit Plinius lib. 21. cap. 7. id quoque in Alexandro reperitur, quem Plutarchus lib. 1. quæst. conuiual. quæst. 6. tradit odorem ex se vsque

Y y y adeo

adeo gratum aspirasse, ut eius vestes viderentur, aut delibata aromate, aut vnguentis aspersæ: propterea quod erat temperamento corporis præseruido & igneo. Gigitur enim suauitas odoris, ut Theophrasti opinio est, concoctis à calore humoribus: vnde aridi & feruidi tractus terrarum optimorum odorū sunt feracissimi. Quartò si pardus sagax & astutus in capiēda præda; & quod viribus nequit, id fraude assequitur & artificio; tale est etiam Græcorum ingenium, quod in Vlisse Homerus, & in Sinone Virgilius expressit, quem Græcorum omnium exemplar esse voluit.

Accipe nunc Danaum insidias, & crimine ab uno

Disce omnes.

Ac si diceret, tales sunt Græci omnes, quales in Sinone describi vides. Neque à Græcis minus calliditate atque æstu, quam virtutē & res magnæ confectæ, aut vrbes captæ sunt. Exemplo sunt & ante Alexandrum Philippus pater, & post illum, qui statim in eius regna succedere, quos cum Machabæis sepe congressos fuisse fraudulenter, & callidè legimus. Versipelle quoque ac multiplex Alexandri ingenium, maximè apparuit in eo, quod mores deuictarum gentium, habitumq; faciliè æmulatus est, ex Curtio. Quintò si vino delectatur pardus, vinolentus quoque fuit Alexander, ut vidimus supra. Sextò gloriæ etiam in eo laudisque ut iusto maior cupido, inquit Curtius, rectè exprimitur tum in superbia pardi, tum etiam in ipsamet variegata, & ocellis quasi interstincta eius pelle, quæ facit eas bestias memorabiles, ait Solinus cap. 21. Sicut enim inter aues pavo ob caudam versicolore, & ocellatam, inanem mundi gloriam mirè exprimita inter feras eandem optimè repræsentat pardus ocellis variegatus. Attamen sicut pavo in pennis superbit, in pedibus se deiecit: vbi enim suos despicit pedes, speciosum plumarum orbem deprimit, expansumque contrahit: sicut pardus in ocellis extollitur, at vbi pedes bestiales intuetur fastum deponit. Ita

& Alexander animos & cristas deiecit, cum pedes hominis intuitus, fragilem, se se & mortalem in morte agnouit. Septimò tandem cum pardo mixtum audaciæ habuit, non tam timorem, quam pudorem, vel etiam fortunæ casus. Nam si viuens victorij fuit felix, moriens valdè infelix, ut potè qui à suis cum tota sua stirpe sit extinctus.

Quod verò additur, *& alas habebat quasi auis, quatuor super se*; ad exaggerationē velocitatis dictum putant Theodoretus, Hieronymus, & cū illis S. Thomas, quæ sex annis totum ferè orbem subegit, quasi non tantum pedibus, sed pennis insuper volueris instar ad hanc vniuersalem expugnationem vsus fuerit. Quamvis aliqui per quatuor alas hic intelligant quatuor virtutes Imperatorias, quibus Alexander Monarchiam suam tam breuiter coëgit, & amplificauit. Prima fuit eximia laborū tolerantia. Secunda fortitudo animi. Tertia vigor, & ingenium. Quarta liberalitas, de quibus Curtius lib. 10. Tertiò alij in aliis nihil aliud significari volunt, quam quod statim in quatuor capitibus, nempe quatuor principibus, ad quos Alexandro mortuo imperium peruenit; & per quos aut viuente prius Alexandro, aut eo postea mortuo imperij fines amplificati sunt. Sed quod visum est D. Hieron. de velocitate, magis videtur expeditum, & obuium. Nisi quarto velimus dicere per illas alas denotari Alexandri ambitionem, aut insanam diuinitatis cupiditatem, quam ille non minus odiosè, quàm insolenter affectabat. Non enim sat illi fuit terrarū obij dominari, nisi etiam in cælum volare contenderet, seque Deum non dici modo, sed etiam credi iuberet, tanquam perinde animis, ait Curtius, imperare, posset ac linguis. Vnde & à Sacerdote Iouis Ammonij per adulationem salutatus est, *ὦ παῖ Διός*, id est *fili Iouis*, pro eo quod dicere debuisset *ὦ παῖ θεῶν*, id est *o filio!*, ait Plutarchus.

Vltimò per pardum quadricipitem, & quatuor capita erant in bestia; significatur, quatuor præcipui Alexandri successores.

ceſſores, qui illius imperium poſt obitū eius, quadripartito diuiſum tenuerunt. Philippus Aridæus, ſeu Antipater, qui regnauit in Macedonia; Antigonus, qui in Aſia; Seleucus, qui in Syria: & Ptolomæus Lag, qui in Aegypto. In magnâ profeſſo commendationem Alexandri, cuius capitis defectum vix quatuor ſupplere potuerint. Vndè præclare dictum à Curtio lib. 10. Huic regi, ducique ſucceſſor quærebat, ſed maior moles erat quam vt vnus ſubire eam poſſet: clariffimi ſunt habitus, qui etiam minimæ parū tantæ fortunæ adhæſerunt. Verū quæret hic aliquis, quomodo mortuo Alexandro tot illi principes regna ſibi aſſumpſiſſe, aut vendicæ dicantur à prophanis Scriptoribus, & nullum ab Alexandro designatum, qui regno ſuccederet cum lib. 1. Machab. cap. 1. de Alexandro referatur: *Et poſt hac decedit in lætium, & cognouit quia moreretur. Et vocauit pueros ſuos nobiles, qui ſecū erant nutriti à iuuentute, & diuiſe illis regnū ſuum, cum adhuc viueret.* Eſt prima facie ſolutio huius dubij aliquam præ ſe difficultatem ferre videatur, nullam tamen re vera habet, ſi hiftorias conſulamus eorum, qui contra ſentire videbantur, Iuſtini lib. 3. Curtij lib. 10. Diodori lib. 8. Referunt enim Alexandrum morti vicinum Perdica tradidiſſe annulum ſuum, quo regius mandabatur honor: quærentibusque hiſ qui propè aderant, cui relinqueret regnum, reſpondiſſe: *Ei qui eſſet optimus: Quæſi nefas eſſet,* inquit Iuſtinus, *viro forti alium, quàm virum fortem ſuccedere, aut regni opes alijs quam probatis relinquere.* Eo igitur mortuo Perdicas regia ſella in cōſpectum vulgi data, in qua diademæ, veſtiſque Alexandri cum armis erant, annuloque ſibi pridie à rege tradito, in eadem ſede propoſito, inter alia, quæ coram multitudine perorauit, hoc addidit: capite opus, hoc ne vno, an pluribus, in veſtra poteſtate eſt. Denique non ſine tumuku variantium opinionem diuiſam eſt imperium, in prædictos illos quatuor. Quare dum adhuc viueret, regna diſtribuiſſe dicitur

Biblioth. Theol. Tom. IV.

Alexander loco citato Machab. quia amico dixit, quis in diſtribuendo ſeruandus eſſet modus, atque ordo.

Tandem in illis verbis, & *poteſtas data eſt ei*, declaratur Alexandrum, non tam viribus ſuis, quam Dei dono, tantū imperium eſſe conſequutum. Vnde licet hoc Alexandro cōmune fuerit cum Nabuchodonofor, quem etiam elegit Dominus, ſequè ipſum Babylonici exercitus ducem præbuit Ierem. cap. 27. & cum Cyro Iſaie cap. 45. nihilominus tamen aliquid hic in Alexandro peculiare Theodoretus agnoſcit, nempe datam fuiſſe Alexandro maiorem, quàm alijs poteſtatem, in eas videlicet regiones, quas imperatores alij ſubiugare ſibi non potuerunt. Quod verò non tam Alexandro, quàm Deo euentus illi tanti tribuendi ſint, ipſi quoque Scriptores prophani cenſuerunt, Curtius lib. 10. conſeſuſque eſt Alexander; nam vt narrat Iosephus lib. 11. Iudaicarum antiquitatum cap. 8. cum Alexander veſiſſet Hieroſolimam, diſſideretque Iudæorum Pontificem Iaddum, qui ſibi obuiam extra urbem, pontificali habitu, ornatuque decoratus proceſſerat, protinus ad illius ſe pedes abiicit, eumque adorauit; quod abiectum obſequij genus admirantibus amicis, ipſumque regem excidiſſe mente arbitrantibus, reſpondit ea de re à Parmenione rogatus: *Non Pontificem ſe adoraviſſe, ſed Deo, cuius Pontifex eſſet, honorem illum extrinuiſſe.* Hunc enim, inquit, *vidi & antea hoc ipſo habitu, cum adhuc eſſem in Dio Macedonia, qui me deliberantem, quomodo Aſiam poſſem ſubigere, hortatus eſt forti eſſe animo & ſine mora exercitum traicere: nam ſuo ductu poſitum me Perſarum imperio. Quapropter quia nunc primum talem habitum vidi, agnoſcens hunc, & viſionis memor, que me ad hanc expeditionem impulit, puto me non ſine numine in Darium exercitum ducere, & breui fore victorie compotem: & ſublato Perſarum imperio ceſſura mihi omnia ex ſententia.* Hactenus Iosephus loco citato, ubi etiam ſtatim addit oſtenſoque ſibi Danielis libro, in quo Græcum

Y y 2 quem-

quemdam debellaturum significat, hunc ipsum se esse interpretatus latus dimisit multitudinem.

Tertiò tam Monarchia Græcorum, quam eius author Alexander similitudine hirci præfiguratur Danielis c. 8. ver. 5. *Ecce autem hircus caprarum veniebat ab Occidente super faciem totius terra, non tangens terram, habens cornu insigne inter oculos suos: & concurrens ad arietem, in impetu fortitudinis suæ, & percussit eum, comminuit duo cornua eius, &c.* Quamvisiõnem hirci congregantis cum ariete, eumque vincentis, manifestam habere significationem victoriarum Alexandri Magni de Persis, quibus triplici prælio victis, eorum ad Græcos transiit imperium, patet ex verbis Angeli versu 21. eiusdem capituli: *Porro hircus caprarum, rex Græcorum est, & cornu grande, quod erat inter oculos eius, ipse est rex primus.* Nunc videamus quomodo singula conveniant tum regi, tum Græcorum Monarchiæ, in hac enim visione non solum de rege, sed etiam de regno, aut Monarchia sermonem esse constat, ex eo quod in hircu, qui semper idem est, dicitur modo vnum apparere cornu, modo quatuor, & tandem cornu quoddam exiguum: quæ quidem in regnum optimè, in Regem vnum nullo modo conueniunt.

Primum igitur sicut hircus hic vocatur hircus caprarum, qui eas quasi dux præit & ducit, vti aries ducit oves: nimirum, *dux gregis ipse caper*, sic Alexander fuit dux Græcorum, qui rectè capris assimilari possunt, ob animi mobilitatem & sagacitatem, atque ob acumen ingenij. Nam vt docet Plinius lib. 8. c. 50. capræ sagacioris sunt ingenij, acutioris vilis; & ad motum agiliores, quam sint oves. Tales fuere Græci præ Persis. Pro hac interpretatione facit, quod hirci in Scriptura Sacra illi dicuntur, qui civitati præfunt; aut quoquomodo alijs duces sunt, & magistri. Zachar. cap. 10. *Super pastores iratus est furor meus, & super hircos visitabo.* Et Isaiæ cap. 10. v. 13. vbi vulgatus *principes*, & cap. 14. v. 9. vbi idè

gigantes, hebraicè est *asudim*, quæ vox hircum valet. Sed licet ista sint vera, huic tamen loco perfectè non quadrant; cum enim in diuinis Scripturis duo sint Hebraica nomina, quæ hircum significant: alterum est *asud*, quod non omnè hircum significat, sed illum, qui adultus est, & gregem integreditur, illumque tanquam pastor & educit ad papulum, & ad caulas reducit. Alterum est *Saphir*, quod hircum significat aut celerè, quales sunt hæduli, inquietissimum ætate animalium genus; aut certè non, ducem, quales sunt illi, quorum ætati parum accessit firmitatis ac roboris. De primo duntaxat loquitur propheta nuper citatis locis, cum principes appellant hircos. At in præsentì loco vbi vulgatus hircus, hebraicè est *Sephir* dictus à celeritate. Quare placet magis hic hircum significare non ita adultum, vt vocari possit *asud*; sed in ætate quasi iuuenili, lasciuienti, iniquita, & vaga; vt patet ex ipsomet dicendi modo, qui aliquid sonat tenerum, & molle, in quocumque animalii genere: *hircus caprarum, agnus enim, pullus asinarum, &c.* qui omnium conuensu ætatem indicant teneram adhuc, quæque à matrum latere discedere non solet; ad significandum quod quo tempore Alexander ab Occidente venire visus est, id est cum aciem ducere, & castris præfesse cepit, adhuc erat iuuenis; & iuuenili spiritu, id est estuante, atque alacri res moderabatur bellicas. Sanè viginti erat annorum, cum regnum suscepit nec multò post rem Persicam tentauit, de qua nunc Propheta. Quare optimè ante primum congressum cum Persis, hircus caprarum dici potuit, id est iuuenis, ardens nimirum, alacer & velox, spiritus alens militares, & regios. Nisi velimus dicere, per hunc loquendi modum, notari Alexandri natales spurios, scilicet eum ex matre adultera fuisse genitum. Hircum enim olim vocabant, & etiamnum vocant eum; qui coniugem habet adulteram. Hircus ergò fuit Philippus: hircus verò caprarum, siue hædus, fuit Alexander spurius. Vnde

ada-

adagium ferebatur in ſpurios, vt ſi deſ-
patre eorum quiſpiam quæreret, reſpon-
deretur eum eſſe filium matris inſtar ca-
præ: eo quod haberet matrem certam,
patrem incertum. Caprarum enim na-
tura inſtabilis, lubrica, & motabilis ad-
modum eſt, ac cum varijs maribus con-
grediuntur: quate hædus in caprilibus
à matre tantum dignoſci poteſt. ita ex
Pierio Hierogl. 10. Quamobrem Alexā-
der, vt patris adulteri nomen, & probri
tegeret, imo in decus verteret, finxit ſe
filium Iouis Hammonij.

Hinc ſecundo Alexander vocatur hir-
cus, quia voluit haberi & coli vt filius
Hammonis qui hirci ſpecie figurabatur;
Hammon enim Aegyptiacè hircus ſig-
nificat. Terrio ob ſeſtorem vinolentię
ſuę, & ob libidinem Gręcorum, inquit
Rupertus: Eſſi enim vt notauimus ſu-
pra Alexander ipſe in venerem nō ad-
eſſe procliuius, eo quod eſſet vinolentus,
hoc tamen vicio laborat, & audit
peſſimè Gręcorum genus. Neque aliud
ſignificat vox Hebraica, quæ Gręcos, &
Gręciam afficit, quam hoc loco, & alijs
adhibuit. *Iauē* enim quæ Gręciam,
lutum etiā, cænumque ſignificat, quod
non minus grauem, & moleſtum odo-
rem, quam hircus aſpirat. Quarto vo-
catur hircus Alexander, quia ſicut hir-
cus fortior eſt ariete: ſic Alexander vi-
cit Darium. Quinto hircus breuis eſt
æui: nam antè ſex annos conſeſcit:
quia libidine vires exhaurit vt ex Colu-
mella & Palladio docet Geſnerus in hir-
co: ſignificat ergo breuem vitam & bre-
ue regnum Alexandri. Sextò tandem,
hircus notat Alexandri gulam & auidi-
tatem cū bibendi, tū præcipuè car-
pendi & prædandi gentes & regna. Ca-
pri enim & capræ omnia depaſcuntur,
indeque caper Græcè vocatur *καπρι* &
à voracitate.

Sicut autem hircus hic *ab occidente*
veniſſe ſubditur: ſic Alexander è Ma-
cedonia & Gręcia, quæ Perſidi occiden-
talis eſt: ſicut Perſis orientalis eſſe ſig-
nificatur verſu 4. Quod verò noſter di-
cit veniſſe ab Occidente, Græcè dicitur

veniſſe à Lybia: quia Alexander, poſt-
quam primo prælio ad Granicum flu-
men Perſas vicit, ſecundò verò in angu-
ſtijs Ciliciæ ipſum Darium, in Aegyptū,
Lybiamque venit, quibus victis, rurfus
Darium adorſus, eo tandem ſuperato,
& à ſuis occiſo, Mouarchiam Perſarum
obtinuit. Veniſſe dicitur *ſuper faciem*
totius terræ; aut quia imperio vniuerſę
terrę, vt habet viſiō Danielis cap. 2. po-
titus eſt; aut quia magis videbatur ſu-
per terram, id eſt, eleuatus à terra ipſar
volantis aquilę, quam in terra ſuum in-
ſtituere volatum, aut curſum, quod exi-
miam illius velocitatem indicat. Cui ſe-
cundę explicationi fauet id, quod proxi-
mè ſuccedit. *Et non tangebas terram*;
ſi dicatur illud &, hoc loco particulam
eſſe exponentem, quæ idem valet quod,
id eſt, in hanc ſententiam, *Veniebat ſu-
per faciem totius terrę, id eſt non tangebat*
terram. Qui dicendi modus prouerbiali
ſpecie ſummam indicat celeritatem, non
ſolum apud prophanos authores, ſed
etiam in Scriptura ſacra, Iſaię cap. 41.
Semita in pedibus eius non apparebit: ad
ſignificandam ſummam Abrahami, ſive
Cyri in victoriarum curſu celeritatem,
qui non videntur vllum, cū incederēt,
in terra reliquiſſe veſtigium.

Quod ſequitur, porro *hircus habebat*
cornu inſigne inter oculos ſuos: Eſti non
tam de Alexandro, quàm de regno ipſo
ſive Monarchia dici videatur, quæ pri-
mum Imperatorem Alexandrum Ma-
gnum quaſi cornu excellentiſſimum ha-
buit inter oculos ſuos; nihilominus ta-
men facile etiam de Alexandro intelli-
gi poteſt, ita vt cornu accipiat, vel pro
inſigni eius ingenio, prudentia & ſaga-
citate; vel quod veriſimilius eſt pro po-
tentia & fortitudine; quod innuitur ſta-
tim cum dicitur hircus in impetu forti-
tudinis ſuę percutere arietem: non in-
telligitur autem aliquo alio armorum
genere, quàm ſuo cornu id facere; ſigni-
ficaturque, Alexandrum totam vim ſuā
quaſi cornu exerentem, Darium, ac eius
copias proſiſſe; ſicque vtrūque arie-
tis cornu, hoc eſt, duo illa præcipua,
Mo-

Monarchiæ Perfarum regna, vt supra diximus, comminuiffe. Post hæc autem dicitur hircus caprarum factus magnus, & creuiffe; quia Alexander ob res gestas ex profecto dictus est *Magnus*. Notandum est hic aliquid videri alienum, ab hircina natura: neque enim hircina, frons ab ea parte cornuta est, quæ media est inter oculos. Sed quia hic multa explicantur, quæ nisi aliquid affingatur naturæ, exprimi non possunt; idcirco aliquid monstri obiectum est prophetæ: neque id nunc primum, sed etiã quandò antè bellua multicornis apparuit, & alatus pardus. Sic ergo hircus primum vnicornis, deinde quinque cornis visus est, quia illam vmbra, & ty-pum exigebat rerum varius euentus. An sit hircus alicubi vnicornis, non legitur; habere tamen aliquod hircorum genus apud Libyam cornua à pectore pendentia docet Aelianus ex Aristotele lib. 6. de histor. Animal. cap. 31. quod cetæ aque rarum, atque monstrosus videri debet, ac mediam frontem habere cornu mun-nitum.

Deinde per illa verba, *cumque creuisset fractum est cornu magnum*, significatur violenta mors Alexandri, qui inflo-re ætatis, scilicet cum vixisset triginta duos annos, & octo menses; atque duodecim circiter annos regnasset infumma felicitate & gloria, vel crapula vt vult Athenæus, vel veneno, vt volunt alij, Babylone decessit anno primo Olympiadis 14. Vide apud Pेरerium & Cornelium hic breuem chronographiam vitæ, rerum gestarum, & mortis Alexandri Magni. Porro quod dicitur; *Et eria sunt*, (loco insignis illius cornu iam fracti, vt habent Hebræi) *quatuor cornua subter illud per quatuor ventos cali*; denotat quatuor supradictos Alexandri duces, qui eo mortuo sibi imperium diuiserunt: Etsi enim ex Iustino, Curtio, Diodoro, Orofio, plures duces his quatuor nominari possint, qui mortuo Alexandro, partem de tunica Monarchiæ scidisse videntur, tamè hi quatuor fuerunt quasi principes, qui-

bus de imperio decertâtibus reliqui adheferunt, singuli singulis, à quibus defensionem contra vim factam expectare poterant. Sic explicat Angelus ipse versu 22. *Quod autem fractio illo surrexerit quatuor pro eo, quatuor reges de gente eius consurgens, sed non in fortitudine eius*; id est non fortitudine Alexandro pares; illud enim *in*, sicut alibi in Scriptura sæpe, hoc loco idem est quod *secundum* vel *iuxta*. Quare non in fortitudine eius, idem est quod non secundum illius fortitudinem.

Tandem in subsequētibus versibus; vbi dicitur; *De vno autem ex eis egressum est cornu unum modicum; & factum est grande contra Meridiem, & contra Orientem & contra fortitudinem*; describitur Antiochus Epiphanes; de quo iterū versu 23. dicitur, *Et post regnum eorum cum creuerint iniquitates, consurgens rex impudens facie &c.* Igitur sicut ex vno cornu ex quatuor, quæ fracto cornu magno repente apparuerunt in hircio, ortū est aliud exiguum: sic ex vno aliquo quatuor successorum Alexandri genus suum & originem duxit Antiochus Epiphanes, nempe ex Seleuco Nicanore, qui post Alexandrum fundator imperij Syriaci, & Asiatici fuit, à quo ille Epiphanes, propter tyrannidem dictus Epiphanes, genus & originem ducens, octauus rex Syriæ numeratur, anno Seleucidarum 137. anno verò ab Alexandro mortuo, id est ab eo tempore quo reges illi quatuor regnum inierunt 149. Seleucus enim obtinuit tantum suum in Asia regnum, anno post Alexandri mortem duodecimo, vt probabilius docet Eusebius tam in Chronico, quàm lib. 8. de demonst. Euangel. cap. 2. & ex ipso Pererius hic, alijque interpretes communiter, qui rectè notant ab initio regni huius Seleuci, annis duodecim post mortem Alexandri Magni, annos Græcorū, qui etiam dicuntur Seleucidarum, quorum in libris Machabeorum frequens est sermo, non autè à morte ipsius Alexandri, vt multi falso putauerunt, numerati debere. De his porro regibus, qui success-

ſucceſſerunt Alexandro ad tempus uſque Antiochi, nihil præterea oblatum eſt Prophetæ, quia ab illis neque vexata valde fuit, aut ornata res Iudaica; ſed ſolum de Antiocho, cuius expeditiones, vt ex libris Maccabæorum conſtat, Eccleſiæ Dei fuerunt ſuneſtiſſimæ, donec à Deo punitus periit.

Primum in hac viſione *modicum cornu* dicitur, quia minor natu fuit filius Antiochi Magni, qui cum Hannibale contra Romanos dimicans; ſed victus fuſuſque pacem cum Romanis iniit, obſidemque illis miſit filium hunc Antiochum Epiphanem, qui paulo poſt mortuo fratre Seleuco Philopatore, qui patri in regno ſucceſſit, Roma fugiens, cieto fratris filio Demetrio, per vim regnū Syriæ inuaſit. Subditur, *factum eſſe grāde contra Meridiem & contra Orientem*; quia ad Orientem Artaxiam regem Armeniæ deuicit, mox ad Meridiem proſtigauit Ptolomæum Philometorem regem Aegypti, atque Alexandriam obſedit, eamque obtinuiſſet, niſi à Romanis coactus fuiſſet abſcedere. Miſſus enim ab eis Popilius Lænas, Antiochum virga per circulum circumſcripſit, dicens: Non excedes hoc circulo, niſi respondeas: iuber populus Romanus te Aegypto, vt pote eis amica, abſcedere. Reſpondit Antiochus, Parebo: vnde fremens frendensque diſceſſit, omnemque deinde iram ſuam *contra fortiſſitudinem*, id eſt contra Iudæam effudit; vt patet ex libris Maccabæorum. Cuius indignationis & furoris tanta fuit in illa perſequenda acerbitas, vt ob eam ille apud authores ſacros pro figura Antichriſti habitus fuerit, de quo vide interpretes ad hunc locum, præſertim Gaſparem Sanctium. Omne huius perſecutionis tempus durauit ab anno regni Græcorum centefimo quadageſimo tertio, uſque ad centefimum quadageſimū octauum. Prophanatio tamen, & pollutio templi, ab anno centefimo quadageſimo quinto manſit, uſque ad 148. quo à Iuda Machabæo templum repurgatum, & ritè renouatum eſt, poſita lege, vt in

poſterum eius rei memoria, menſe nouo per ſingulos annos celebraretur, qui dies feſti, appellabantur *Encaniorum*, quorum mentionem facit Ioannes in 7. cap. hiſtoriæ Euangelicæ.

Sed hic difficultas occurrit, quomodo tempus huius perſecutionis determinatum in priori libro Machabæorum, cap. 1. & 4. ab anno videlicet centefimo quadageſimo tertio uſque ad annum 148. quod non potuit eſſe longius ſex annis integris, nulloque modo ſex annos ſolidos excedere potuit; occurrit inquam difficultas, quomodo illud tēpus concordet cum bis mille, & trecentis diebus, quibus hoc loco Daniel ſpatium eiſdem perſecutionis circumſcribit, faciunt enim ſex annos, tres menſes, dieſque viginti: Reſpondent communiter interpretes Danieleſ hoc numero bis mille trecentorum dierum, ita, designaſſe tempus Antiochiæ perſecutionis, vt eius terminum non poſuerit in purgatione & renouatione templi, vt fit in citato libro Machabæorum, ſed eam extenderit uſque ad mortem Antiochi, quæ contigit anno regni Græcorum 149. Ipſo enim uiuo non videbatur reſtituta pax rebus, atque ideo nondum in templo proſanato pacata religionis reſtitutæ poſeſſio. Preſertim verò, cum ex nouo capite poſterioris libri Maccabæorum conſtet, quo tempore Antiochus mortuus eſt, eo tempore fuiſſe eum ſerociſſimo & ſeuiſſimo animo aduerſus Iudæos: nec niſi extrema mala, atque immanem crudelitatem contra ipſos anhelante. Sed de hac computatione vide Serarium tam in harmonia cap. 1. quam lib. 1. Machabæorum cap. 6. Interim accipe verba Ruperti lib. 8. de victoria Verbi Dei cap. 29. Cur regnum Græcorum ſupra per pardum, & hic per hircū fuerit figuratum. *Non ſine cauſa tam diuerſa vnius, & eiſdem regni figura eſt præmonſtrata; ſed ob res diuerſas, viſionū ſpecies diuerſa eſt. Nam Spiritus Sanctus ſicut præſciuit res venturas, ita rerū venturarum ſciuit congruè præcuntes accommodare figuras: futurum quippe erat vt*

regnum Græcorum & ferinam pardi ferocitatem, & effeminatam hirci habens libidinem sua vibraret cornua contra Altissimum, suam obfirmaret sanctitatem contra firmum diuinæ promissionis verbum. Ex sacris libris constat, quàm fuerit hoc regnū ferreum, quàm libidinosum: ferreum secundum pardi sanctitatem: libidinosum secundum hirci semper in libidinem proni petulantiam: astutum, atque versutum secundum pardi varietatem: fluxum atque incontinentem, secundum immoderatum hircini sanguinis calorem. Vitijs istis tam diuersis ferocitate & libidine regnū Græcorum contra populum Dei laborauit: & ideo priorī visione per pardum, & hac per hircum pramonstrari dignum fuit. Hæc enim Rupertus. Vnde etiam, cum exactissimè euentus rerum his Danielis vaticinijs ac visionibus longè ante habitis corresponsdeant, (quadringentos octo annos numerat Iosephus lib. 12. Antiquit. cap. 7. manifestum est, vt alias notauimus agendo supra de sacra Scriptura, diuinitatis horum vaticiniorum & aliorum similium, ipsiusque libri Danielis, & aliorum Prophetarum, argumentum. Quicumque enim libri in se continent verissima & euentu probatissima vaticinia de ijs rebus, quorum nulum signum in rebus creatis haberi potuit; illi, inquam, libri sunt diuinitus inspirati, diuinamque habent auctoritatem; sed tam Danielis, quam aliorum Prophetarum libri sunt huiusmodi; ergo fuerunt diuinitus inspirati, diuinamque habent auctoritatem.

Quarto loco Danielis cap. 11. ver. 3. 4. & sequentibus, fit mentio Alexandri Magni, regni Græcorum. *Surget verò rex fortis, & dominabitur potestate multa, & faciet quod placuerit ei. Et cum steterit, conseruetur regnum eius, & diuidetur in quatuor ventos calī: sed non in posteros eius, neque secundum potentiam illius quā dominatus est &c.* Circa quæ suppositis dictis, nihil aliud occurrit notandum, nisi quod Prophetia immediatè iungit Alexandrum Magnum eiusque regnum post quartum Persarum regem: *Ece,*

inquit, adhuc tres reges stabant in Perside, quartus disabitur opibus; deinde ad Alexandrum immediatè descendens ait Surget verò rex fortis &c. Iudæi ex hoc Danielis loco putarunt, quinque duntaxat reges Persarum esse oportere, Cyrum videlicet, quem hic propheta non numerat, quia iam regnabat, & quatuor alios, qui proximè Cyro successerunt, quos hic numerat Daniel, scilicet Cambyfes, Smerdes, Darius Hystaspis, & Xerxes. Sed hic manifestus est error, nam vt vidimus supra, longè plures fuerunt Persarum reges; quos hic præterit Angelus, quia, vt ait S. Hieronymus, spiritui Prophetico non fuit curæ ordinem historiæ prosequi, sed tantum ea attingere, quæ ad eius scopum pertinet. Scopus autem eius hic est, describere regnum Græcorum, puta Alexandri, eiusque successorum. Transit ergo à Xerxe ad Græcos; quia cum ipsi Xerxem tam infami clade occiderunt, tum cœperunt se erigere, atque Xerxis & Persarum opibus & regno inhiare.

CAPVT VIII.

Quantum referat ad sacra doctrinæ studium, Humana Historia, sub quarta Monarchia.

Quarta Monarchia, quæ Romana dicitur, est summum à Deo in mundo constitutum imperium, à Iulio Cæsare incipiens, & adhuc dum durans, Danielis cap. 2. per *tibias ferreas, pedesque ex parte ferreos, ex parte fictiles*; item in eodem propheta cap. 7. per *ferocissimam & terribilem admodum bestiam, dentibus ferreis omnia deuorantem, & conuincientem*, præsignatum.

Cum definitum huius definitionis sit Monarchia Romana sic dicta ab vrbe Roma, quæ Metropolis erat Monarchica huius imperij, breuiter eius initia & incrementa expendenda sunt. Neque enim, vt Cyrus ex abrupto surgens, primus Persicam, sic Iulius Cæsar Romanam Monarchiam fundauit. Magnæ molis

molis prius erat Romanam condere gentem. Vt igitur præcedentium Romanorum heroicas res gestas, quibus via ad Monarchiam latissimè stata fuit, distinctius cognoscamus considerandum est primum interuallum annorum 245. quibus populus Romanus Regū dominio, circa ipsam matrem suam cum finitimis colluctatus, circummurana pertulit bella. Secundum annorum 244. à tempore exactorum regum vsque ad primum bellum Punicum. Quo tempore Populus Romanus orbi terrarum in potestatem redigendo par esse didicit, tam in otio quam in negotio. In otio enim, vt tranquillior esset reipublicæ status, leges late sunt 12. tabularum anno Urbis conditæ 302. Inde Magistratus legibus custodiendis electi: primi Censores anno V.C. 212. prætura & Aedilitas 388. In negotio autem mirandum est sufficere potuisse populum Romanum in tot hosiū conflictibus & afflictiōibus. Quales fuere Tarquinienfes, Sabini, Veientes, Latini, Carites, Tiburtes, Caleni, Priuernates, Volsci, Aedui, Hetrusci, Antiales, Hardeates, Falisci, Capenates, Sassinates, Picentes, Heurici, Galli, Senones, Aurunci & Samnites. Tertium interuallum annorum 203. fuit à primo bello Punico vsque ad tempora Iulij Cæsaris, qui circa annum mundi 3902. paulo plus, vel minus secundum diuersum Chronologorum computum, victo iugugna Pharfalica Pompeio, priusquam fugato Prolomæo Dionysio, vltimo Aegypti Rege, anno quinto post inceptum bellum ciuile, in urbem rediens, primus rerum Monarchicè positus est, Dictatoris nomine sibi perpetuo sumpto, & ad suum arbitrium Senatu constituto; plenissimè autem Augustus, à Aegypto sibi & Romanis subiugata, anno mudi 3921 vt tom. 2. lib. 3. sect. 1. cap. 63. iam nouimus.

Vt autem ante, ita etiam post stabilitam Romanam Monarchiam, variis fuerunt symptomata, & mutationū interualla, quæ breuiter cōsiderabimus, & ad subsequētia reducemus. Primum

Biblioth. Theol. Tom. IV.

mutationis interuallum est annorū 353. à Iulio Cæsare vsque ad Constantinum. Magnum, anno Christi 306. qui primus pacem per orbem dedit Ecclesiæ, & imperij Sedem Constantinopolim transtulit, post cuius obitum prima diuisio imperij facta fuit inter filios eius. Sub decursu primi huius interualli à Iulio Cæsare, ad Constantinum Magnum exclusiue numerantur 40. Imperatores; qui sic diuidi possunt, primum in illos, qui vel ex solis Romanis erant, vel ex Romanis & exteris simul; rursus imperatores ex Romanis familijs electi, vel fuerunt vnius familiæ vt primi sex, Iulius Cæsar, Augustus, Tiberius, Caligula, Claudius, Nero; vel diuersarum familiarum, vt alij sex, Seruius Sulpitius Galba, M. Saluius Otto, Aulus Vitellius, Flavius Vespasianus, Titus, Domitianus. Imperatores autem ex Romanis & exteris promiscuè sumpti similiter distinguuntur in illos qui antè Dyarchiam puram, sub Dyarchia, ante Dyarchiam cū Polyarchia mixtam, sub Dyarchia cum Polyarchia mixta fuere. Priorū numerantur tredecim Cocceius Nerva, M. Vlpianus Traianus, Aelius Adrianus, Antoninus Pius, M. Antoninus Philosophus, L. Commodus Antoninus, Heluius Pertinax, Didius Iulianus, Septimius Seuerus, Antoninus Caracalla, Opilius Macrinus, Antoninus Heliogabalus, Alexander Seuerus. Sub Dyarchia, id est regimine duorum octo fuisse scribuntur, Iulius Maximinus cum filio, Gordianus Iunior, M. Iulius Philippus Arabs cum filio Severo, Decius cum filio, Gallus cum filio Volusiano, Aemilianus, Licinius Valerianus cū filio Valeriano, Gallienus. Imperatores ante Dyarchiam cum Polyarchia mixtam fuere quatuor, Claudianus Dalmata, Valerius Aurelianus, Claudius Tacitus, Aurelius Probus. Sub Dyarchia cum Polyarchia coniuncta continetur historia M. Aurelij Cari, Valerij Diocletiani, Constantij Chlōri, & illorum qui cum ijs imperauere. Marcus enim Aurelius Carns Narbonensis propter vir-

Z z z

tutem

entem à militibus Imperator factus, Carinum & Numerianum filios, Cæsares nuncupauit. Valerius Diocletianus, initio imperij victo Carino, qui Patri Cario succedere voluit, metuens ne ob novos in Prouincijs motus alibi alij Imperatores crearentur, Maximianum, fortem & militaris rei peritum, sed truculentum & libidinosum collegam sibi fidum elegit, pari potestate Augustum, cum appellans. Cumque propter crescentes passim motus pluribus ducibus fidelibus opus esset, vterque, Diocletianus Galerium Maximinum; Maximianus verò Flauium Constantium Chlorum, Constantini Magni patrem, ob insignem eius virtutem, Cæsares nominauerunt. Flauius Constantius Chlorus, interfecto Maximiano, Galerium Maximinum primò, mox Seuerum, Maximinum, & Licinium à Galerio adoptatos, Maxentium à militibus electum, locum imperij habuit.

Secundum intervallum est annorū 506. à Constantino Magno ad Carolum Magnum anno Christi 800. hocque intervallo decurrente, facta est prima, secunda, & tertia imperij diuisio: *prima* inter filios Constantini: *Secunda* inter filios Theodosij, paulo post Occidentali imperio in Augustulo anno 476. desinente, & paulo ante sub ipso Theodosio I. & II. barbarorum exercitu imperium inuadente, diripiente, dilacerante: Tertia verò sub ipso Carolo, sub quo vltima diuisio Imperij in orientem & occidentem contigit. Quia igitur sub huius intervalli decursu, ita Imperium distractum fuit eius sede Romæ Constantinopolim, ex occidente in orientem, translata, inde fit, vt in linea successio- nis imperatorum recta permaneri non possit sub hoc & sequenti intervallo, sed mox digrediendum sit ad lineam collateralem, conferendo imperatores Orientales cum Occidentibus, id quod in primis anno Christi 364. sub Gratiano & Valentiniano fieri incepit, vt Imperatores in Oriente, & Imperatores in Occidente simul regnauerint, quorum nu-

mērus & nomina ex sequenti catalogo cognosci possunt.

I. Constantinus Magnus Constantij Chlori, & Helenæ filius, ex Gallijs, vbi agebat, à Senatu euocatus, ad urbem Romam liberandam à Tyraunide & libidine intolerabili quam in ea exercebat Maxentius, prælijs aliquot cum illo initis, cum tandem ad angustias adegit, vt victus vnà cum equo in Tiberim insilierit, submersusque amplius apparuerit nulli. Hocque modo occidens sub vno Constantino vnitus fuit. Fulgidæ erax, ex huc splendore formata, cum inscriptione, IN HOC VINCE, victoriam ei promississe legitur. Orientē adhuc tenuit Licinius, parentibus quidem rusticis natus, sed adoptatus à Galerio, vt supra notauimus. Cum hoc fœdus icit Constantinus, tradita ei sorore sua Constantia in vxorem hac lege, vt Christianis parceret: persecutus enim eos est graniter Licinius; sed eo ad persecutionis ingeniū denuo relapso, Constantinus posthabita affinitate, ad arma progressus, eundemque tanquam fœdifragum & Tyrannum persecutus est, eo progressus, vt victor vitam petenti, purpuramque, quam 16. annis gestarat, ponenti, copiam cum vxore Theſſalonicæ priuatim viuendi concesserit, vbi quietis impatiens, & res nouas moliens, anno 70. ætatis à præsidio Constantini oppressus fuit. Exindeque vnus Constantinus vtriusque imperij Orientalis & Occidentalis dignitatem consecutus est, Magnusque & Maximus dictus. Hic est ille imperator, qui abolita superstitione Ethnica Christianam religionem passim introduxit, nullos labores pro ea assenda defugiens. Successibus tamen insolentior factus, auaritia, crudelibusque multorum nobilium, vt & suorum, regias quibus pollebat virtutes, non parum obscurasse scribitur, quod vel ex eo colligendum est, quod proprio filio Crispo Cæsari non pepercit, sed pronus ad deteriora credenda, cum supplicio affecit, circumuentus ab Augusta fausta, Crispi nouerca, quam ipsam, eius frau-

de

Sectio VIII. Caput VIII. 547

deperfecta, deinceps neci tradidit. Imperij eius anni numerantur circiter 30. menses 10.

II. Constantius, Constantinus & Constantino Magno, ex Fausta, Galerij Maximini filia geniti, uxores enim duas Constantinus Magnus habuit, præter Faustam, etiam Mineruam, ex qua Crispū Cæsarem, Faustę artibus oppressum, suscepit. Hi tres ex Fausta fratres diuifum à Patre acceperunt imperium. Constantinus Alpes Cottias, Galliam, Hispaniam, Britanniam, Orcaades, Thule; Constans verò Italiam, Africam cum insulis, Illyricum, Macedoniam, Græciam; & Constantius orientem cum Thracia; quos ipsos latius regnandi cupido aduersus se diuifit, & inmutua prælia armauit. Nam Constantinus Constanti bellum intulit, sed ad Aquileiam, feruente prælio, à fratris ducebibus per insidias circumuentus, occiditur imperij anno 4. Constans autem persequendo victoriam, propter insolentiā grauis militi & populo, causa fuit conspirationis Centurionum aduersus se, qui Maxentium Imperatorē salutarunt, cuius iussu percussores Constantem necarunt, quiescentem in tentorio, ann. 30 ætatis, regni 13. Sic percusso Constante à Maxentio, imperium ad vnum Constantium, Constantini Magni primogenitum, reuolutum fuit, qui victo, & ad desperationem adaçto Maxentio, fratris sui interfecitore, triumphans Romam venit. Hic ille Constantius est, à quo Constantia, vrbs illa Episcopalis ad lacū Podamicum, fuit ædificata. Imperij eius anni numerantur 24.

III. Iulianus Apostata, ita dictus, quia cum initio Christianus esset, ad Ethnicā superstitionem, cuius semina adolescens inscio Eusebio, à Philosophis hausit, fuit delapsus; hinc Christianorum persecutor, & oppressor. Anni ætatis eius numerantur 32. Imperij 1. menses 9.

IV. Iouianus qui & Iouinianus, militari fauore fit Imperator, & quia christianum se fuit professus, gentibus se imperare nolle significanti, milites accla-

mauerunt, etiam se Christi nosse esse. Imperij eius menses sunt 7. dies 20.

De hinc aliquandiu vtrumque diuisum Imperium in Orientem, & Occidentem, ab Orientalibus & Occidentibus Cæsaribus administratum; hi fuerunt Valentinianus, Valens, Gratianus, Valentinianus II. Theodosius. Valentinianus enim, mortuo Iouiano, ab exercitu Imperator factus, fratrē Valentem, quem exercitus prius Collegam Valentiniano obtulerat, Augustum Constantinopoli pronuntiauit, Occidentis imperio sibi seruato, Orientis Valenti commissio. Aliquantō post etiam filium, Gratianum Augustum nominauit; qui Gratianus Valentiniani I. filius natus ex Seuera, Valentinianum II. fratrem, natum ex Iustina, vix quadrimum à militibus Cæsarem appellatum, iubens in consortium dignitatis admisit. Erat is egregiè doctus, & Orthodoxę fidei addictus, Episcopos Orthodoxos ab exilio reuocans, hæreticos excessu cogens, omnesque Ecclesias ad amplectendum symbolum Nicænū incitans. Viuo adhuc Valente, ad Argentoratum 30000. Alemannorum trucidauit. Valenti contra Gothos succursurus, serò venit, co iam interfecto, anno regni 25. adiuncto sibi præter Valentinianum fratrē, Theodosio, curā gubernationis imperij omisit, ludis & venationibus deditus. Maximi Galliæ Præsidis, & Andragathij conspiratione è medio fuit sublatus, diuina tamen vindicta in homicidas animaduertente, dum alter à Theodosio peremptus, alter metu deditiois in mare prosiliens, vitæ finem imposuit. Valentinianus similiter post Maximi interitum cum Galliam quinque circiter annos rexisset, à cubicularijs, per Eugenium Scribam & Arbogastum exercituū Valentiniani ducem corruptis, stragulatuse interijt. Imperij Gratiani, & Valentiniani anni numerantur 17.

Tandem Theodosius I. Magnus, cū regnasset cum Gratiano, & Valentiniano annos 4. cum Valentiniano tantum annos 10. solus annos circiter tres Ro-

manum imperium in Occidente, & Oriente integrum tenuit; consummatum, deinde sequuta illius diuisione, ut potè quæ Orientem & Occidentem ita distraxit, ut nunquam amplius sub vnius Imperatoris regimine coaluerint, vtriusque varijs vicissitudinibus euenientibus, donec oppresso Occidente, solus Oriens dignitate Monarchica insignis aliquando permansit. Ante oppressum tamen Occidentem tres Orientales Imperatores, nempe Arcadius, Theodosius II. & Martianus, duo verò Occidentales Honorius & Valentinianus III. Ita ut Arcadio Orientis Imperatori iungendus sit ad latus Honorius Imperator Occidentis, vterque Theodosio I. Magno genitus; Theodosio II. Arcadij ex Eudoxia filio, & in Orientis Imperio successori; Valentinianus III. Honorij è sorore Placidia prima nepos; similiter Martino idè grandæuo à Pulcheria Arcadij filia, Theodosij secundi sorore natu maxima, fæmina prudentissima ad imperium vocato, utque ei maior esset autoritas sibi desponsato, hac conditione ut intacta maneret ipsius Virginitas; huic inquam Martino ob synchronismum regiminis in Occidente ad latus iungendi sunt 1. idem Valentinianus III. quo adhuc viuentem Martiano successit Theodosio II. 2. Maximus, Valentiniani interfector Imperij inuasor, & Eudoxiæ vxoris Valentiniani, quam turpibus nuptijs sibi copulauit; huius iniuriæ adeo impatientem, ut Gensericus Vandalorum rex, ab ea vocatus Romam venerit, vtrum iniurias, Maximus ergo, veniente Genserico, membratim discissus in Tiberim proijcitur, & Roma orbis domo, tanquam mancipium, diripienda, & stupranda in prædatoris manus venit, cum in ea Maximus regnasset menses tres, 3. Auitus, creatus à Senatu Imperator, cū quo Martiano fædus ierat, qui anno nondū finito à Richimero Gotho apud Placentiam captus, Imperiumque deponere coactus est. 4. Maiorianus, Rauenne Imperator factus, qui Vandalis in Africa bello illato, tertio anno Im-

perij mortuus est. 5. Severus, qui Rauenne Maiorano succedens, tertio, secundum alios quinto imperij anno veneno extinctus est. 6. Anthemius, à Marriano missus in Italiam, ut Occidentis imperium teneret, qui Richimerum Gothum, pacis causa in collegam ascivit, elocata ei sua filia; sed Richimerus Arianus, cum Episcopos suos Romæ cathedris prohiberi videret, arma in focum sumpsit, in ipsa vrbe dimicans, focorumque victor occidit quarto anno imperij; quadragesimo die post ipse sequissimis corporis cruciatibus extinctus, & iusta patricij pena affectus.

Martiano cum imperasset septem annos successit Leo I. natus in Thracia, auctoritate Asparis Gothi consecutus imperium, cum Ardaburio, Asparis filio spem adoptionis, & Cæsare dignitatis fecisset; structis ramen postea Leoni ab Aspare insidijs, subinde dictante: *Denotemus nos leonem, priusquam ipse de nobis prandium instruat*: ipse cum filio oppressus est. Ex quo imperium tranquillè administrant Leo, cuius anni numerantur 17. menses 6. Leoni ob synchronismum regiminis in Occidente ad iungendi sunt quatuor Occidentis Reguli magis, quàm Imperatores, Olybrius, Glycerius, Iulius Nepos, Orestes, Augustulus. Olybrius, à Leone missus Romanus, affinitate Imperatorum clarus, ut quæ Placidiam, Valentiniani filiam, in coniugio habuit, septimo Imperij mense decessit. Glycerius inuito Senatu à militibus euectus fuit, sed huic, cum nō totum regnasset annum, Iulius Nepos eripuit Imperium; quem Iulium Nepotem Orestes militum Magister postea deposuit, filiumque suum Augustum adolescentem Imperatorem fecit, qui postea per contemptum Augustulus vocatus est. Hic, cum Odoacer Rugianus Orestem Patrem victum, captumque spectante exercitu interfecisset, fugiens imperio se addicauit. Exspirat: cum eo Occidentali Imperio, quod cum Augusto incipiens annos 500. stetit; volunt enim aliqui Iulium Cæsarem Dictatorem

perpetuum dumtaxat fuisse, non propriè Imperatorem, quamvis re ipsa imperaret. Deinceps ergo sequuntur in historia Imperatores, qui in Oriente, & Occidentali imperio extincto, ad vsque Carolum Magnum regnauerunt. Imperium Italiæ Gothis tenentibus, stabiliente Theodorico. Veronense nouum, regnum.

Huiusmodi Imperatores fuerunt numero 20. qui claritatis gratia possunt in sequentes diuidi classes; *Prima* continet historiam Zenonis, Anastasij Dicori, Iustini; vsque ad Romani Imperij sequentia postea aliqualem restaurationem; *Secunda* Iustiniani, Iustini iunioris, Tyberij, Mauritiij, Phocæ; cum enim prius fuisset magna pars Romani Imperij à supradictis Imperatoribus auulsa, Barbaris in Italia regnantibus; tandem sub hac secunda classe al quo modo restauratum fuit, non quod omnia sint vindicata, sed Italia Barbari pro maiori parte sint expulsi; Iustinianus enim opera Bellisarij, Africam Vandalis eripuit, Romam Gothis abstulit, Siciliam per Mundum occupauit, per Narsetem verò post varia certamina capto Theia Rege, regno Gothorum in Italia finem imposuit. *Tertia* Classis continet Imperatores illos, sub quibus iterum repetita fuit Romani Imperij prius aliquo modo interrupta diuisio, excitato potissimum, in Oriente, à Mahumete perfido, regno; Et hi sunt vel *Heracleonides*, vel *Isaurida*; illi à Patre sic dicti, sunt Heraclius, Constantinus IV. Heraclij filius; Heracleonas alter Heraclij ex Martina filius, Constans Constantini IV. filius, Constantinus V. cognomine Pogonatus, & Barbaus, Iustinianus II. Constantini V. filius, vltimus stirpis Heraclij Imperator: quibus annumerari possunt Philippus Bardanes, Arthemius, Theodosius III. Imperatores autem *Isaurida* ab Isauo Patria sic denominati, sunt Leo III. Patria Isaurus, Constantinus VI. Copronimus, filius Leonis, sic dictus, quod infans dum baptizabatur, aquam sacram stercore inquinari; Leo IV. Porphyrogenitus Con-

stantini VI. filius, Constantinus VII. Leonis IV. filius, qui tantisper felix fuit, quantisper matris consilijs adhuc iuuenis obtemperauit. Grandior autem factus, deiecta matre, insolenter regnare cepit, ardore libidinis legitima coniuge abdicata, prætexens insidias, & Theodote cubicularia in eius locum ducta, ex quo magni motus orti sunt, alijs probatibus, alijs improbatibus hoc Imperatoris factum. Hinc mater Irene, potior rationem habens Imperij, quam filij, eorem deduxit, vt filius Constantinus caperetur, & capto oculi eruerentur, eoque ex impatentia maternæ contumeliæ paucis diebus post mortuo, Imperiū ad solam Irenem redierit, quod dum tribus annis tenuit, per occultos nuntios Caroli Franci connubium petiisse scribitur; qui ambitus ita proceres offendit, vt ipsa, iam tum ob seuitiam in filium exercitam publico odio subiecta, tanquam exteris imperium proditura, in Lesbium relegata, & ab imperio de communi sententia amota fuerit. Tantum de Imperatoribus sub decursu interualli secundi, à Constantino Magno vsque ad Carolum Magnum.

Tertium interuallum est annorum 867. à Carolo Magno, in quo Leo Papa tertius transtulit (vide Bellarminum contra Illyricum) Imperij dignitatem à Græcis ad Francos anno Christi 800. in die Natalis Domini, qui annus ab alijs dicitur 801. quia à Natali Domini annos numerant, vsque ad Leopoldum I. hodie feliciter imperantem. Sub cuius interualli decursu notandum est, vel tandè capta à Turcis Constantinopoli Orientale imperium Græcorum desisse, Occidentale vero vsque ad præsentem diem, singulari Dei protectione stetisse. Adhuc tamen post auulsū ab Oriente Occidentē à Carolo Magno, vsque ad captā Constantinopolim 50. fuisse Imperat. Græci, siue Constantinopolitani; quorum vltimus extitit Constantinus Palæologus cognomento Dragofes. Anno enim Christi 1453. vel secundum alios 1453. in ipsis ferijs Pentecostes, sic Deo vlciscen-

sciente perfidiam Græcorum circa profectionem Spiritus Sancti à Patre & filio, Mahometus II. Solymanni proauus, Turcarum Imperator, Constantinopolim cepit, Turcici Imperij sedē eo transferebat; præter alia crudelitatis genera, ipsum etiam Constantinum Cæsarem, cum omni familia interfecit, nomine & successione Christianorum Imperatorū ijs in locis funditus deletis. Imperatores verò Occidentis, siue Romani à Carolo Magno ad hæc vsque tempora numerantur 46. ex quinque tamen familijs diuersis, quæ Dynastiæ appellari solent.

Prima est Francorum, seu Carolidarum, hoc est eorum, qui plerique à Carolo Magno ortum habuerunt, vsque ad Henricum Aucupem anno Christi 919. secundum alios 910. & fuerunt numero 10. Carolus Magnus, Ludouicus Pius, Lotharius, Ludouicus II. Carolus II. Caluus, Ludouicus III. Carolus Tertius Crassus, Arnolphus, Ludouicus IV. Conradus I.

Secunda Dynastia est Saxonum ab Henrico Aucupe, vsque ad Cunradum Secundum Salicum, anno Christi 1034. & in hac fuere quinque Imperatores, Henricus Auceps, sic dictus quod in Aucupio Imperij insignia à Cunrado I. per fratrem Eberhardum suscepit, inaugurationis ritu Frisarij peracto; Otho I. Magnus, Otho II. Otho III. Henricus II. seu Sanctus Bavarix Dux.

Tertia est Franconum à Cunrado Secundo Salico, ad Cunradum Tertium, anno Christi 1138. in qua fuere quatuor Imperatores, Cunradus Secundus Salicus, Henricus Tertius Niger, Henricus Quartus, Henricus Quintus, quibus Lotharius Secundus Saxo annumerari potest.

Quarta Dynastia est Sueuorū à Cunrado III. vsque ad Rudolphum I. Habsburgensem, anno Christi 1173. in qua sex fuerunt Imperatores, Cunradus III. Franconix & Sueuix dux, cuius tempore factiosa & feralia *Guelphorum*, & *Gibellinorum* nomina nata sunt; Frideri-

cus I. Barbarossa, siue Aenobarbus à barba rufa sic dictus, Henricus VI. A/pet sic dictus ob teueritatem, Philippus Henrici VI. frater, Otho IV. Fridericus Secundus Henrici VI. filius. Sunt qui his adiungunt tres alios Imperatores, qui ex diuersis familijs fuere, Henricus Thuringix Landgrauus, Vvilhelmus Hollandix Comes, Richardus Comes Cornubiæ, Henrici Angliæ Regis frater. Verum cum isti auctoritatem obtinuissē vix dici possint, nec ab omnibus pro Imperatoribus fuerint habiti; potius dicendum est à mortuo Friderico II. interregnum fere in imperio viginti duorum annorū secutum fuisse, vsque ad Rudolphum I.

Quinta tandem & vltima Dynastia est illorum Imperatorum, qui ex Austriaca domo, & alijs quamuis pro maiori parte ex Austriaca, ab electoribus electi sunt à Rodolpho I. vsque ad hæc nostra tempora; & sunt numero 11. 1. Rodolphus I. Habsburgēsis exiguo quidem censu, angustoque principatu, sed generis nobilitate ad veteres Francos referens, 2. Adolphus Nassouius, 3. Albertus Austriacus sic dictus, quia per coniugium Elisabethæ Exarchatum Austriæ, Comitatum Tyrolis & Goricię acquisiuit; 4. Henricus VII. Comes Luxemburgensis; non quidem opum, sed virtutum ditissimus, hic coniunctis Electorum suffragijs electus, ut laboranti imperio medelam adhiberet, id quod insigniter præstitit. 5. Ludouicus IV. Bavarus. 6. Carolus IV. Henrici VII. nepos, filius Ioannis, Regis Bohemiæ. 7. Vvenceslaus filius Caroli IV. 8. Robertus, siue Rupertus Palatinus, qui Vvenceslao non immediatē succēssit, sed Friderico Brunsvicensi, qui in locum Vvenceslai Francofurti electus, in reditu ad patrios lares, ab Henrico Vvaldecię comite, propē Frisariam occisus est. 9. Iodocus Barbatus, Marchio Morauix Caroli IV. ex fratre Henrico nepos. 10. Sigismundus Caroli IV. filius, Vvenceslai frater, Hungariæ & Bohemiæ rex. 11. Albertus II. Austriacus, Sigismundi gener,

gener, postquam ab Alberto I. occiso, sex Imperatores ex alia, quam Austria-
corum familia successerant, eodem an-
no rex Bohemię & rex Hungarię, & Im-
perator Romanus factus, ter coronatus
fuit. Et ab illo Imperatores ex Austria-
cis ad hunc usque diem sumpti fuere;
12. Fridericus III. Austriacus filius Er-
nesti, Archiducis Austrię. 13. Maximili-
anus I. Friderici III. & Leonorę Por-
tugalensis Reginę filius. Caroli Bur-
gundi unicam filiam Mariam, castissi-
mam & pulcherrimam duxit, loco do-
tis Belgij provincias acquirens, quas ta-
mē vxore prematurē ex casu equi mor-
tua, filio Philippo consignavit, qui du-
cta Iohanna, Ferdinandi & Isabelle Hi-
spañorum filia, familię Austriacę Hispa-
niam, Siciliam, Neapolim, Indiasque
Occidentales, tūm primum inuenias;
nomine dotaliciorum acquisiuit: anno
verō ætatis 28. decessit, duobus filijs Ca-
rolo & Ferdinando, & filiabus quatuor
relictis, superstitē adhuc Maximiliano
patre; annis aliquot. 14. Carolus V. Ma-
ximiliani ē filio Philippo nepos: natus
Gandaui in Flandria. Cognita aui ma-
terni morte statim Castellę & Hispanię
regis titulum usurpauit. Sicuti etiā
Auo paterno electus Imperij Imperator
successit. 15. Ferdinandus I. filius Phi-
lippi Regis Hispaniarum, Caroli V. fra-
ter. Primum electus Romanorum Rex,
reclamante Electore Saxone, *deferri im-*
perium ad externum contra auream bullā.
Tandem Carolo fratri imperium resi-
gnāte vnanimi electorū consensu Fran-
cofurti Imperat. declaratus fuit. 16. Ma-
ximilianus II. Ferdinandi I. & Annę Vla-
dislai, Polonię & Vngarię Regis, filię
piētissimę filius. 17. Rudolphus II.
Maximiliani II. filius. 18. Mathias Hun-
garię & Bohemię rex, frater Rudolphi.
19. Ferdinandus II. Ferdinandi I. nepos
Caroli Archiducis filius. 20. Ferdinan-
dus Tertius Ferdinandi II. filius; 21.
Leopoldus I. Ferdinandi III. filius, qui
hodiē imperat.

Notandum est me dixisse quintam
& vltimam Dynastiam esse illorum Im-

peratorum, qui fuerunt à septem electo-
ribus electi, à Rodolpho Primo vsque
ad tempora nostra, non vt stabilire tunc
temporis præcisē, & non antea institu-
tos fuisse septem electores principes, &
à quo; de qua re accuratissimē agit Car-
dinal. Bellarminus lib. 3. de translatione
Imperij Romani, sed tantum, quia tunc
potissimum ex communi historicorum
consensu, postrema decreti pars de ele-
ctione Imperatoris, quę numerum electo-
rum ad septenarium redigit, vsu re-
cipi cæpta est. Probabilior autem est
sententia Bellarmini loco citato cap. 2.
asserentis, sanctionem illam de electo-
ribus non à Gregorio X. sed à Gregor. V.
Summo Pontifice, Othone III. consen-
tiente factam esse, annis plus ducentis
ante imperium Rudolphi. Superesset
iam vt pro complemento huius capitis,
ad vniuersalem primò, ac deindē parti-
cularem historiam superiorum seculorū
fructuosē legendam, nec non perfectam
vtriusque imperij notitiam habendam,
inter alia proferre dignitates Occiden-
talis & Orientalis imperij; verū cum
de his, & alijs similibus extet egregius
Vidi Pancirole in Patauino Gymnasio
olim interpretis legum primarij com-
mentarius omnibus obuius, libenter il-
lis supersedeo; sicut & referendis Sa-
creti Romani Imperij membris, pro vt
nunc est; quę distinguuntur secundum
classes, & circulos. Classes, quibus di-
stinguuntur sunt septem. 1. Electorum.
2. Archiepiscoporum. 3. Episcoporum.
4. Principum politicorum. 5. Prælato-
rum, siue Abbatum, & Præpositorum.
6. Comitum & Baronum. 7. Ciuitatum
liberarum Imperialium. Circuli autem
cum prius sex tantum constituti essent
Augustę Vindelię anno 1500. deinde
decem anno 1522. Noribergę stabiliti
sunt. 1. Francicus. 2. Bavaricus. 3. Aus-
triacus. 4. Sueuicus. 5. Superior Rhena-
nus. 6. quatuor electorum ad tractum
Rheni. 7. Westphalicus. 8. Superior Sa-
xonicus. 9. Saxonicus inferior. 10. Bur-
gundicus, sic dictus quoniam à domo
Burgundica constitutus est. Circulus qui-
libet

libet tres status continet, Ecclesiasticorum, Principum sæcularium, & liberarum imperij ciuitatum; de quibus omnibus vide Petrum Bertium in Germania; & alios plures.

Synchronismus Ecclesiæ sub decursu Monarchiæ IV.

AD hoc temporis intervallum primum pertinet Natiuitas Domini Nostri Iesu Christi secundum carnem, quæ licet anno à creatione mundi 5199. ponatur iuxta Martyrologij Romani cõputum ex Septuaginta Interpretibus; nihilominus rem aliter se habere, ac teneri debere iam ostendimus tom. 2. lib. 3. sect. 1. c. 63. ubi etiam probabilius eam contigisse circa annum Mundi 3950. deduximus. Huic autem fidei nostræ mysterio deinceps cum innitatur tota historia sacra noui testamenti, religionisque Christianæ, quam omiſſis Scriptoribus Sacris, de quibus loco statim citato c. 76 egimus, innumeri alij tam antiqui, quam moderni contexerunt; illos hic claritatis gratia in duas veluti classes Chronologorum & historicorum distribuemus, ut inde quæ ad doctrinæ vsum fuerint necessaria, eius studiosi repetere possint.

Inter Chronologos primus est Eusebius Pamphili Episcopus Cæsariensis, qui scripsit tempora ab orbe condito vsque ad annum Domini 330. S. Hieronymus cõtinuauit vsque ad annum 381. S. Prosper continuauit vsque ad annum 448. Cassiodorus Senator, & Regi Theodorico ab epistolis perduxit ad ann. 519. Marcellinus Comes ad ann. 535. S. Isidorus Hispalensis ad annum 625. Venerabilis Beda ad annum 725. S. Nicephorus Episcopus Constantinopolitanus ad annum 842. Ado Episcopus Viennensis de sex ætatibus mundi ad annum 879. Regino Abbas Prumiensis ab aduentu Domini vsque ad annum 908. ut ipse testatur initio sui operis. Sed continuauit aliquis alius anonymus vsque ad annum 967. Hermannus Contractus Mo-

nachus Augienſis de sex ætatibus mundi, vsque ad annum Domini 1052. sed continuatum fuit à Bertoldo vsque ad annum Domini 1065. Marianus Scottus Monachus Fuldensis ad ann. 1083. Leo Marſicanus Episcopus Ostiensis ad annum 1087. Bertoldus Constantiensis continuauit Chronicum Hermanni Contracti vsque ad annum 1065. & præterea scripsit Chronologiam rerum gestarum sui temporis vsque ad annum Domini 1100. Sigebertus Gemblacensis ad annum 1112. Gotheſfridus Viterbiensis Notarius Conradi III. & Friderici I. Imperatorum ad annum 1185. Dodechinus Abbas S. Dysibodi continuauit Chronicum Mariani vsque ad annum Domini 1200. Robertus de monte continuauit Chronicum Sigeberti vsque ad annum Domini 1210. Conradus Abbas Vſpergenſis scripsit Chronicum à primo Rege Aſſyriorum Belo vsque ad annum Domini 1229. qui author licet sit satis diligens, & dignus qui legatur, notandum est tamen ipsum ob amorem erga Imperatores suæ nationis, non pauca cõrumeliosa scripsisse de Innocentio Tertio, & Gregorio Nono Pontificibus valdè pijs & doctis. Henricus Stero Monachus ab anno Domini 1252. vsque ad annum 1273.

Martinus Polonus natione, Monachus professione, Archiepiscopus dignitate, & Pænitentarius Innocentij Quarti Pontificis scripsit Chronicum, in quo breuiter res gestas Pontificum, & Imperatorum persequitur vsque ad annum Domini 1275. Iuit Martinus vir simplex & fabellas pro historijs obtrudit, qualis in primis est illa de Ioanna Papissa femina. Quod enim Centuriatores aliqui Hæretici dicunt, hanc narrationem de Ioanna Papissa, haberi apud Marianum Scottum, & Sigebertum, qui Martinum Polonum præceſſerunt, falsum est, ut lib. 3. huius operis, agendo de Summo Pontifice ostendi; nam in impressis codicibus Mariani, & Sigeberti irrepſit hæc fabula ex Martini Poloni libro: sed in antiquis manuscriptis non habetur. Sif-

fridus Presbyter Miſnenſis ſcripſit epitomem hiſtoriarum libris duobus comprehenſam ab anno Domini 458. vſque ad annum Domini 1307. Mathæus Palmerius Florentinus, qui vixit tempore Concilij Florentini, vt ipſe teſtatur in Chronico, ſcripſit ſiue cōtinuauit Chronicū ab anno 449. vbi deſiit S. Proſper, vſque ad annum 1449. Scribit quidem Ioannes Trithemius, hunc Mathæum poſtea de hæreſi conuiſtum, & damnatum fuiſſe; in eius tamen Chronico nulum erroris veſtigium inuenitur. Mathias Palmerius Piſanus, vixit eodem ſæculo, & continuauit Chronicum Mathæi ad annum 1481. Vvenerus Veſphalus ſcripſit Faſciculum temporum, ab initio mundi, vſque ad annum Domini 1484. Ioannes Nauclerus Præpoſitus Tubingenſis ſcripſit ingens Chronicum cōtinens res memorabiles ab initio mundi vſque ad annū Domini 1500. opus diſtinguit in duo volumina, & primum quidem continet generationes 63. ab Adam vſque ad Chriſtum: alterum continet generationes quinquaginta & vnā. Ioannes Linturius continuauit Faſciculum temporum ad annū 1514. Paulus Langius ad annum 1515. Alexander Scultetus ad annum 1541. Gilbertus Genebrardus ad annum 1566. Onuphrius Panuinius ad annum 1577. Robertus Bellarminus ad annum Domini 1612. Tantū de Chronologiſ vſque ad annum milleſimum ſexcenteſimum, qui enim poſt illum ſcripſerunt tam in Generali quam in particulari de ſacris temporibus, omnem penē numerum excedunt. Nunc ad Hiſtoricos etiā antiquos veniamus.

Primus occurrit Egeſippus circa annum Domini 177. qui ſcripſit hiſtoriam Eccleſiaſticam vſque ad ſua tempora, id eſt, vſque ad Aniceti Pontificatum; cuius fragmenta leguntur apud Euſebium lib. 4. hiſtor. cap. 21. & S. Hieronymum in lib. de Script. Eccleſ. Libri verō de excidio Hieroſolymæ, qui ſub nomine Egeſippi circumſcruntur, aut alterius Egeſippi recentioris, aut ſuppoſiti

Biblioth. Theol. Tom. IV.

titij ſunt. Ex libro enim 3. c. 5. colligitur, poſt Conſtantini tempora libros illos fuiſſe conſcriptos.

Euſebius Pamphili Epifcopus Cæſarienſis circa annum Domini 326. ſcripſit decem libros hiſtoriz Eccleſiaſticæ; quam Gelafius Papa inter apocryphos libros retulit, forteſſe ob nimias laudes Origenis; vel etiam quia hæreticū Arianum fuiſſe teſtantur S. Athanaſius in libro de decretis Nicænæ Synodi; S. Hieronymus in vtroque libro aduerſus Ruſſinum; & demum ſeptima Synodus aët. 5. vbi primum legati Apoſtolici, deinde tota Synodus reiſciunt auctoritatem Euſebij Pamphili, tanquā hæretici Arriani.

Ruſſinus Presbyter Aquileienſis S. Hieronymi quondam amiſſimus, deinde æmulus factus, circa annum Domini 390. ſcripſit duos libros Hiſtoriz Eccleſiaſticæ, quos addidit ad hiſtoriā Euſebij Cæſarienſis à ſe tranſlatam ex Græco; & hic quoque notatur erroris à Gelafio Papa, cap. Sancta Romana. diſtinct. 15.

Palladius Galata Ruſſini æqualis & amicus, circa idem tempus ſcripſit hiſtoriam Lauſiacam & paradifum Heraclidis, in quibus deſcribuntur breuiter multorum Sanctorum vite, quæ non modicam præſtare poſſunt legentibus vtilitatem. Ipſe tamen reprehenditur vt Origeniſta, à S. Hieronymo in epiſt. ad Cæſiph. & à S. Epiph. in epiſt. ad Ioannem Hieroſol.

Seucrus Sulpitius circa annum Domini 420. ſcripſit libros duos de ſacra hiſtoria, item vitam S. Martini Epifcopi Turonenſis, item dialogum de conuerſatione Orientalium Monachorum; qui tamen libri de ſacra hiſtoria, & dialogi de cōuerſatione, cautè legendi ſūt, vt potè aliquibus erroribus reſperſi, de quibus vide Poſſeſſinum in apparatu, & Bellarminum de Script. Eccleſiaſticis.

Paulus Oroſius Presbyter Hiſpanus S. Auguſtini diſcipulus, circa annum Domini 425. ſcripſit ad ipſum S. Auguſtinum libros ſeptem hiſtoriarum ab

A a a orbe

orbe condito, in quibus potissimum clades Romanorum describit, quas dum Idola colerent acceperunt.

Theodoretus Episcopus Cyriæ circa annum Domini 430. scripsit libros quinque historiæ Ecclesiasticæ à Constantino vsque ad Theodosium iuniorem; addit Gennadius continuasse historiam vsque ad Leonem Imperatorem quinque alijs libris adiunctis: sed hi posteriores libri nō extant; scripsit quoque historiam Sanctorum Patrum, quam religiosam vocat; & de hereticis fabulis libros quatuor.

Socrates quoque & Sozomenus historiam Ecclesiasticam scripserunt ab eo tempore in quo desinit historia Eusebij Cæsariensis, vsque ad tempora Theodosij iunioris. Eodem tempore ipsi vixerunt circa annū Domini 440. & quod dolendum est, vterque Nouatianis erroribus fauisse dignoscitur.

Sanctus Victor Vicensis Episcopus circa annum Domini 490. scripsit libros tres de persecutione Vandalica lectu dignissimos, ob insignium Martyrum fortitudinem, qui in ea persecutione clauerunt.

Aurelius Cassiodorus circa annum Domini 530. præter Chronicum de quo supra, scripsit etiam libros 12. de rebus gestis Gothorum, cuius operis compendium fecit Iordanus Episcopus Rauenar, quod compendium cum libris epistolarum excusum reperitur. Deinde mundo valedicens, & Monachus effectus inter alia, historiam tripartitam ex libris Theodreti, Socratis & Sozomeni, per Epiphanium Scholasticum in latinam linguam conuersis, confecit.

S. Dacius Episcopus Mediolanensis circa annū Domini 560. scripsit Chronicum, in cuius lib. 1. cap. 10. tradit Canticum, Te Deum laudamus, compositum fuisse à Sanctis Ambrosio & Augustino.

Euagrius Scholasticus circa annum 596. scripsit historiam Ecclesiasticam, libris sex, ab eo tempore in quo desijt Sozomenus vsque ad annum duodeci-

mum Mauricij Imperatoris, id est, ad annum Domini 597.

Gregorius Turonensis Episcopus circa eundem annum 596. scripsit de historia Francorum, libros decem; de gloria Martyrum, 1. de gloria Confessorū, 2. de miraculis Sancti Iuliani 1. de miraculis Sancti Martini 4. & Epitomen historiæ Francorum.

Venerabilis Beda Presbyter Anglus circa annum Domini 720. scripsit multa ad historiam Ecclesiasticam pertinentia, quæ secundo & tertio suorum operum tomo continentur.

Paulus Diaconus Aquileiēsis, prius à secretis Desiderij Regis Longobardorum, deinde Monachus Cassinensis factus, circa annum Domini 744. scripsit libros sex de gestis Longobardorum. Scripsisse etiam dicitur libros historiæ Romanæ, qui adiuncti sunt historiæ Eutropij post imperium Iouiani, vbi desijt Eutropius. Sed viri docti negant eos libros esse Pauli Diaconi.

Eginartus Cancellarius Caroli Magni circa annum 780. scripsit eius vitam satis diligenter. Scripsit etiam historiam Francorum. Scripsit quoque de translatione Sanctorum Petri, & Marcellini profa & versu, quæ extant apud Surium tomo 7. dic 2. Iulij. Tandem Monachus, & Abbas relicto sæculo factus est.

Freculphus Monachus S. Benedicti, & postea Episcopus Lexouienſis circa annum 830. scripsit ad Iuditham Ludouici Pij Imperatoris vxorē libros quinque historiæ Vniuersalis ab orbe condito vsque ad annum Domini sexcentissimum. In hoc tamen reprehendendus est, quod scripsit tomo 1. lib. 4. cap. 20. Gothos ab Arrianis ad fidem Christianā fuisse conuersos. Refert enim Theodorus lib. 4. Histor. cap. ultimo Gothos ab Vlpila Episcopo fidem Catholicam fuisse edoctos; sed postea tum ipsum Vlpilam tum eius populos ab Arianis fuisse seductos; neque enim, vt docet Tertullianus in lib. de præscript. Hæretici Paganos convertere, sed Catholicos pctuercere norunt.

S. Eu-

Sectio VIII. Caput VIII. 555

S. Eulogius Martyr, & Episcopus elicens Tolletanz Ecclesiæ, vixit tempore persecutionis Saracenorum, qui Cordubæ sedem regni constituerant circa annum Domini 850. & occasione illius scripsit memoriale Martyrum, ubi tribus libris descripsit martyria Cordubensium Martyrum.

Haymo Episcopus Halberstatis circa annum Domini 852. scripsit de Christianarum rerum memoria libros tres.

Vvalafrius Strabo à vitio oculorum sic appellatus, Abbas Augensis circa idem tempus scripsit de rebus Ecclesiasticis librum satis utilem; & duos libros de Sanctis Gallo Abbate, & Othmaro, qui extant apud Surium die 16. Octobris, & die 16. Nouembris.

Simeon Metaphrastes circa annum Domini 859. scripsit vitas Sanctorum per singulos menses; obseruandum est tamen ab illo scriptas fuisse multis additis ex proprio ingenio, non vt res gestæ fuerunt, sed vt geri potuerunt: addit enim multa colloquia, siue dialogos Martyrum cum persecutoribus; aliquas etiam conuersiones adstantium Paganorum in tanto numero vt incredibiles videantur: denique miracula plurima, & maxima, in euersione templorum, & idolorum, & in occisione persecutorum: quorum nulla est mentio apud veteres historicos. Illud quoque animaduertendum est, aliquas historias Sanctorum videri additas à posterioribus, & non omnes esse auctoris eiusdem. Inueniuntur enim aliquæ Sanctorum vitæ, qui post obitum Metaphrastes vixerunt. De quo vide Baronium tomo 10. Annaliū, ad annum 859.

Nicetas David circa annum Domini 858. fideliter scripsit vitam S. Ignatii Episcopi Constantinopolitani, & simul etiā descripsit vitam Photij Episcopi etiam Constantinopolitani viri magnæ nequitie, qui Sanctum Ignatium mirè vexauit.

Anastasius Bibliothecarius & Abbas Romanus circa annum Domini 858. scripsit vitas Pontificum Romanorum
Biblioth. Theol. Tom. IV.

à Sancto Petro, vsque ad Nicolaum primum.

Hincmarus Episcopus Remensis circa annum 860. inter alia scripsit vitam S. Remigij Episcopi Remensis, & encomium eiusdem.

Ioannes Diaconus circa annū 873. scripsit libros quatuor de vita Sancti Gregorij Papæ primi, in quibus res eius gestas accuratissimè profecutus est.

Aimonius Monachus Gallus circa annum Domini 873. scripsit historiam de rebus gestis Francorum, quam perducit à primo Rege Pharamundo, vsque ad obitum Ludouici Pij Caroli Magni filij, & annum Domini 840.

Luitprandus Ticinensis Diaconus, & postea Cremonensis Episcopus, vir multæ authoritatis ob eruditionem & prudentiam, circa annum Domini 946. scripsit historiarum libros sex de rebus gestis in Europa suo tempore. Sed Cardinalis Baronius tomo 10. Annaliū, ad annum Domini 963. suspicatur à capite sexto sexti libri historiam non esse Luitprandi, sed alicuius anonymi auctoris.

Vvitichindus Monachus Corbeiensis circa idem tempus scripsit libros tres de rebus Saxoniciis, ubi res gestas Othonum Imperatorum describit.

Prodoardus Abbas Remensis scripsit Chronicum Remense ab anno Domini 919. vsque ad annum 966. quo anno creditur obiisse.

Glaber Rodolphus Monachus circa annum 1040. scripsit historias sui temporis libris quinque satis accuratè.

Petrus Damiani Monachus S. Benedicti, ac deinde S. R. E. Cardinalis Episcopus Ostiensis, circa annum 1060. scripsit vitas S. Odilonis Abbatis, Sancti Romualdi, & Sancti Dominici Loricati.

Georgius Cedrenus Historicus Grecus circa annum 1070. scripsit compendium historiarum ab orbe condito vsque ad annum Domini 1057.

Ioannes Cutilpalates circa eundem annum scripsit historiam ab anno Domini 811. vsque ad annum 1081.

A a a a 2 Lam-

Lambertus Schafnaburgensis insignis & verax historicus præsertim cum de contentione inter Gregorium VII. Papam, & Henricum III. Imperatorem agit, circa annum Domini 1077. scripsit historiam Germanicam, & incipit ab orbe condito vsque ad annu Domini 1077 sed continuauit illam Monachus quidã Erpthesphordenſis, vsque ad annum Domini 1472.

Ingulphus Abbas in Anglia, circa annum eundem, scripsit historiam Monasteriorum Angliæ, sed attingit multa, quæ ad res gestas Regum Angliæ pertinent. Incipit ab anno Domini 664. & desinit anno Domini 1067. quo Rex Vvillelmus I. regnare cepit.

Sigebertus Monachus Gemblacensis circa annu Domini 1101. præter Chronologiam de qua supra, & in qua iniquior fuit Gregorio VII. ob studium, erga Imperatorem; scripsit præterea, duos libros de viris illustribus.

Ioannes Zonaras Monachus Græcus circa annum 1118. scripsit libros tres annalium, quibus complexus est historiam vniuersalem ab orbe condito vsque ad exitum Alexij Conneni Imperatoris Græcorum, qui obiit anno Dom. 1118.

Gulielmus Monachus Anglus, dictus Bibliothecarius, & Malmesberienſis circa annum Domini 1130. scripsit libros quinque de rebus gestis Regum Anglorum, vsque ad Henricum I. Item historię Nouellæ libros duos. Denique de rebus gestis Pontificum Anglorum libros quatuor.

Henricus Vttonienſis circa annum 1140. scripsit quoque historiam Anglicanã libris octo vsque ad Stephani Regis obitum, id est, vsque ad annu 1153.

Otto primum Monachus Cisterciensis, ac paulo post Abbas Morimundensis, deinde Episcopus Frisingensis circa annum Domini 1145. scripsit libros septem Chronicorum ab orbe condito vsque ad annum Domini 1146. Scripsit præterea de gestis Friderici primi Imperatoris libros duos; quibus duos alios addidit Radeuicus Canonicus Frisingensis.

Petrus Comestor, qui & Magister historię Scholasticæ, circa annum 1150. Scripsit historiam sacram 16. libris, qui sunt libri sacri historiales. Scripsit autem inserens verbis sacris multa ex glossis, & ex prophanis auctoribus, & non raro admiscens incertas historias.

Gulielmus Archiepiscopus Tyri circa annum Domini 1180. Scripsit historiam de bello sacro libris viginti tribus, sed liber vigesimus tertius ab ipso inchoatus, non absolutus fuit; incipit ab anno Domini 1095. & perduxit historiam vsque ad annum 1180. Sed continuauit Ioannes Heroldus additis libris sex ad annum Domini 1521.

Helmoldus Canonicus Butsoniensis circa eundem annum scripsit historiam Henetorum, siue Sclauorum à Carolo Magno vsque ad annum Domini 1168.

Gulielmus Neubrigenſis circa annu Domini 1190. Scripsit historiam Anglicanam libris quinque, ab anno Domini 1066. vsque ad annum 1197.

Rogierus de Houeden insignis historicus circa eundem annu scripsit quoque libros duos Annalium Anglicanorum valde diligenter, & peruenit vsque ad annum Domini 1199.

Guntherus Monachus Parisiëſis scripsit circa annum 1203. historiam Constantinopolitanam, quæ tempore suo contigit, quando videlicet Constantinopolis à Latinis capta est, & Balduinus Flander Imperator creatus.

Helinandus Monachus Gallus circa eundem annum scripsit historiam ab orbe condito, vsque ad annum 1212. libris quadraginta octo; quem auctorem præcipuè sequuti sunt Vincentius Belouacensis, & S. Antoninus in historia scribenda.

Nicetas Acominatus, siue Choniates circa annum Domini 1205. scripsit historiam, quæ extat Græcè & Latine, ab anno 1118. vsque ad annum 1205. id est, ab imperio Ioannis Conneni Alexij filij, vsque ad obitum Balduini primi ex Latinis Imperatoris Constantinopolitani.

Hono-

Honorius Augustodunensis presbyter circa annum 1220. scripsit summam historiarum, siue Chronicum magnum excusum Basileæ anno 1544.

Jacobus à Vitriaco Gallus S.R.E. Cardinalis, & Episcopus Tusculanus circa annum 1240. scripsit libros duos historiarum Hierosolymitanæ, & occidentalis: item libros duos de vita B. Mariæ Oegniacensis; qui extant apud Surium die 23. Iunii.

Mathæus Parisiensis Monachus S. Albani in Anglia tempore Henrici III. Regis Anglorum circa annum Domini 1245. Scripsit historiam Anglicanam, ab anno Domini 1067. vsque ad annum 1250. Quæ historia multa continet scitu digna, præsertim de rebus Ecclesiasticis, de Concilio Lugdunensi, de dissidio inter Ecclesiam, & Imperium. Verum quoniam edita est ab Hæreticis Tigurinis, caute legenda est; plura enim habentur tum in ipso libro, tum in notis marginalibus, quæ videntur addita ab hæreticis, ad inuidiam Ecclesiæ Romanæ confandam.

Vincentius Bellouacensis Episcopus circa annum 1250. scripsit Speculum historiale ab initio mundi vsque ad annum Domini 1244. Sed continuauit aliquis alius vsque ad annum Dom. 1494.

Thomas Cantapratenfis, Brabantinus, Religiosus S. Dominici auditor Alberti Magni & condiscipulus S. Thomæ Aquinatis circa annum Domini 1265. in opere de proprietatibus apum duobus libris comprehenso, in quo sub figura apum, multa scribit de officio Prælatorum, & subditorum; miracula atque exempla sui temporis verè, fideliterque describit; scripsit præterea vitas B. Christinæ mirabilis, Sanctæ Ludgardis, & addidit vnum librum ad vitam S. Mariæ Oegniacensis.

Nicephorus Callistus historicus Græcus circa annum 1305. scripsit historiã, quæ nunc continetur libris octodecim, & incipit à Natiuitate Christi, ac desinit in annum eiusdem 625. Credibile autè est, multo plures ab eo libros scri-

ptos fuisse, sed petijisse. Porro in historia huius authoris non solum continentur aliqui errores in rebus historicis, vt ex Annalibus Card. Baronij constat; sed etiam cum fuerit Græcus & Schismaticus in ipsa præfatione tenet processionem Spiritus Sancti à solo Patre.

Nicephorus Gregoras Historicus Græcus circa annum 1330. scripsit libros vndecim de rebus Imperij Orientalis ab eo tempore, quo Imperium Orientale, deuenit in potestatem Latinorum, & perduxit historiam vsque ad obitum Andronici Iunioris, id est, ab anno Domini 1200. vsque ad annum 1344.

Ioannes Villanus Historicus Florentinus circa eundem annum idiomate Italico scripsit historiam vniuersalem temporis sui satis accuratè, breuiter tamen attactis prioribus temporibus ab erectione turris Babylonice, vsque ad annum Domini 1348. Et quamuis propositum eius principale fuerit scribere historiam ciuitatis Florentiæ; tamen multa commemorat vitia de rebus Ecclesiasticis, quæ ab alijs minus fideliter narrata fuisse inueniuntur.

Guido natione Catalanus, prior Generalis Ordinis Carmelitani, ac postea Episcopus Maioricensis, circa annum Domini 1330. scripsit ingens volumen de omnibus hæresibus.

Lupoldus Bambergensis circa eundem annum, scripsit librum de iuribus Imperij, in quo etiam multa admiscetur ad historiam Ecclesiasticam vitia.

Petrus ab Alliaco Archiepiscopus Cameracensis & Cardinalis circa annum Domini 1410. scripsit vitam S. Petri Cælestini, grauiter, & pie & renuntiationem Pontificatus ab ipso factam laudat, & defendit contra detractores.

Flavius Blondus patria Foroliuiensis, à secretis fuit Eugenio IV. Summo Pontifici; & scripsit circa annum 1440. historiam Romanam, in qua multa Ecclesiastica habentur, ab inclinatione Imperij vsque ad sua tempora, id est, ab anno Domini 407. vsque ad 1400.

S. Antoninus Ordinis Prædicatorum,

ac postea Florentiæ Archiepiscopus circa annum Domini 1445. Scripsit summam historiam in tres partes diuisam.

Aeneas Silvius Senensis, postea Sixtus Pontifex Pius II. scripsit circa annum Domini 1450. de historia Bohemorum, de clade Constantinopolitana; & de Concilio Basileensi, cum Iuuenis esset, duos libros, quos retractauit Senex, & Pontifex Maximus.

Laonicus Chalcondyla Atheniensis, circa annum Domini 1460. Scripsit historiam libris decem de origine, & rebus gestis Turcarum vsque ad annum Domini 1462. in qua, quia continentur plurima ad res Christianas pertinentia, merito inter Scriptores Ecclesiasticos reponi potest. Quia tamen hic auctor ab hæretico homine latinitate donatus est, & annotationibus in margine positus auctus, in indice librorum prohibitorum eius lectio interdicta reperitur. Ipse etiam Laonicus non caret narrationibus falsis, quas temere credidit rerum nostrarum ignarus.

Baptista Platina Cremonensis circa annum Domini 1472. scripsit librum de vitis Pontificum à Sancto Petro, vsque ad Paulum II. cui libro addit Onuphrius Panuinius notas non contemnendas; & præterea vitas sequentium Pontificum vsque ad Pium V. quam tamen solum inchoauit.

Iacobus Philippus Bergomensis, Ordinis S. Augustini circa annum 1494. scripsit historiam ab initio mundi vsque ad annum Domini 1436. libris quindecim, quod opus inscripsit supplementum Chronicorum. Scripsit etiam de claris mulieribus Christianis.

Antonius Bonfinius circa annum 1500. Scripsit historiam Vngaricam.

Robertus Gagninus Gallus, Ordinis Sanctæ Trinitatis Generalis scripsit circa annum eundem de origine, & regibus Francorum libros duodecim vsque ad Carolum VIII.

Marcus Antonius Coccius Sabellius circa annum Domini 1500. scripsit historiam ab orbe condito per Ennea-

des, quarum primo tomo continentur quinque, id est libri quadraginta quinque; secundo verò sex, id est libri quadraginta septem: nam Enneadis vltima non habet nisi duos libros. In eodem tomo continetur historia Veneta per Decades tres.

Albertus Krantsius Bambergensis, vir admodum diligens in historijs conscribendis circa eundem annu scripsit Metropolim, quæ continet historiam Ecclesiasticam. Item historiam Saxoniam, & Vandalicam, & Chronicum aliarum Septemtrionalium regionum. Verum impiæ notæ ad marginem additæ ab hæreticis, fecerunt, vt libri eius authoris prohiberentur in indice Romano donec purgarentur.

Ioannes Trithemius Germanus, Abbas Spanhemensis, Ordinis Sancti Benedicti, circa eundem annum scripsit multa historica de illustribus viris Germanis, de illustribus viris, Ordinis S. Benedicti Carmelitarum, de Scriptoribus Ecclesiasticis, Chronicum Monasterij Hirsaugiensis, Chronicum Monasterij Spanhemensis, de origine Francorum, de successione Ducum Bauariæ, & Comirum Palatinorum.

Iacobus Vuimphelingius Presbyter Ecclesiæ Spirensis, Historicus non contemnendus circa eundem annum scripsit præter alia Epitome rerum per Germaniam gestarum.

Franciscus Ferrariensis Ordinis Prædicatorum Prior Generalis scripsit de vita B. Osannæ Mantuanæ libros sex.

Hector Boethius Scotus, scripsit libros 17. historiæ Scoticæ, scripsit etiam descriptionem Regni Scotiæ, & Regum Scotorum.

Ioannes Fischerus, Anglus, Episcopus Rossensis, ac postea S. R. E. Cardinalis scripsit librum historicum de vniuersa Magdalena contra Iacobum Fabrum.

Thomas Morus Anglus scripsit res gestas Richardi III. Angliæ Regis.

Iohannes Cochleus Norimbergensis, vir doctissimus scripsit librum de actis & scriptis Lutheri, valde vtilem ad

Sectio VIII. Caput VIII. 559

ad Lutheranos confundendos. Item scriptis historiis Hussitarum libris duodecim.

Hos sequuti sunt innumerabiles alij historici, qui historiam Ecclesiasticam tam vniuersalem quam particularem, vniuscuiusque regni, vel prouinciæ scripserunt; inter quos tamen iure merito primum locum tenere debet Cæsar Baronius Congregationis Oratorii Presbyter, & postea S. R. E. Cardinalis, qui incredibili labore & diligentia historiam Ecclesiasticam vniuersam ab aduentu Domini, vsque ad annum 1200. tomis duodecim comprehendit; quàm primū octo tomis Abraham Bosius Ordinis Prædicatorū continuauit. Deinde Henricus Spondanus Mantuosolensis Appamiarum in Gallia Narbonensi Episcopus ad annum 1640. tribus tomis; & tandem Odoricus Raynaldus Taruisinus Congregationis Oratorii Presbyter sex hac vsque tomis Romæ excusis.

Catalogus præcipuorum Regnorum, & Potiliarum aliarum, sub decursu Monarchiæ Quartæ in Mundo extantium.

PLurima regna in quartam Monarchiam incident, ex eius tamen veluti ruinis orta, quorum præcipua tantum hic referemus.

I. Est regnum Francorum, qui post Romanos latè in Gallia dominati sunt; nam circa annum Christi 404. secundū alios 419. Rhenum transgressi Treuiros primum occuparunt; deinde longius profecti apud sequanum fluium confederunt, paulatimque aucti numero latius se per intima Galliarum diffuderunt, duce Pharamundo aut Vvaremundo, Marcomiri filio, cui secundo loco successit Clodio Capillatus, tertio Meroueus à quo sequentes reges eiusdem stirpis, siue primæ Dynastiæ Merouingij dicti sunt, quarto Childericus, quinto Clodouus, qui primus regum Francicorum

Christo nomen dedit, circa annum Domini 499. mansitque deinceps regum sceptrum apud huius & aui Merouei posteros ad annum vsque Christi 750. quo Childericus rex 21. istius prosapiæ ob ignauiam regno exautoratus, & eius loco Pipinus Caroli Martelli filius ex alia familia rex cratus fuit: pater Caroli Magni, qui ei successit, à quo noua hæc regum familia, secundaque dynastia Carolina, aut Carolouingia à multis est appellata, celebrior priore ob magnitudinem rerum gestarum, & opes ingentes armis parat. Atque hæc familia siue Dynastia habuit reges 13. durauitque vsque ad Hugonem Capetum originis Saxonice, sed in Gallia inter Francos, natum & educatum, ubi & parens, & auus & proauus, abauusque in magnis opibus fuerant, & summos honores gesserant, qui anno Christi 988. post Ludouicum V. & vltimum regem stirpis Carolinæ, rex coronatus est, propagator familie siue dynastiæ tertie Regum Franciæ, quæ deinceps nusquam interrupta serie peruenit ad nos, regnumque adque tenet in Ludonico XIV. Adeodato 30. illius rege. Durauit igitur hoc Francorum Regnum à Principio Pharamundi Regis primi, ad initium Pipini annos circiter 330. inde ad Hugonem Capetum 237. ab initio Hugonis Capeti ad præsens hoc tempus quo hæc colligo 665. in vniuersum à sceptro ad Pharamundum delato ad nos 1233. quo temporis decursu habuit Reges 65.

II. Est regnum Vvestgothicum in Hispania; cum enim deuictis à Cæsare Augusto Cantabris mansisset vniuersa illa regio in potestate Romani Imperij vsque ad Honorium Imperatorem in Occidente & Theodosium II. in Oriente circiter annum Christi 409. primum Vandalis, Alanis, & Sueuis in eam inuadentibus, & occiduas eius partes occupantibus rege Gunderico; hos Gothi secuti sunt, & post multa certamina sedes ibidem posuere, & regnum condidere complexum latas regiones citra-

ultra-

vitraque Pireneos montes. Venire in Hispaniam duce Ataulpho, alijs Arnulpho, Alarici qui primus Romam cepit, in Calabria mortui successore; & Barchinone in potestatem redacta ad annum Christi 425. paulatim longius sunt progressi, donec Gensericus Vandalo in Africam transgresso, maximam Hispaniæ partem suam fecere volentibus nolentibus Romanis. Ataulpho à Gothis occiso successit Rex creatus Sigericus alijs Rogerius; & Sigerico similiter necato Vvallis dux astutus & prudens, Rex constitutus est, successoremque Theodoricum habuit principem pacis & belli artibus insignem à Sidonio Apollinare laudatum, in pugna contra Attilā Hunnorum Regem in campis Catalaunicis interemptum, hærede relicto filio Thorismundo anno Christi 451. Cui successor datus Theodoricus II. eidem Sidonio Apollinari laudatus, cum stueret annus 454. A quo reliqui Aquitaniæ, & proximæ Hispaniæ reges ad finem Amalarici, qui à Theodeberto Francorum Rege euersus perijt anno Christi 533. Et is finis fuit regni Vvestgothorum in ea Galliæ parte. Sed in Hispania regnū rapuit Theudes viuo adhuc Amalarico, cui adolescenti curator status erat ab auo materno Theodorico Ostgotho Italiæ rege, & transmisit ad successores Vvestgothos longa serie sequentes ad postremum Rodricum, quem 21. à Theude Mauri Mahometani à Iuliano comite ob Roderici eiusdem libidines euocati ex Africa vicina, regno & vita exuerunt anno Christi 714. regnumque id sibi vendicarunt post Gothorum primum in Hispaniam aduentum 298. tantum de prima regni Vvestgothici in Hispania, dynastia.

Post aliquot deinde annos Vvestgothi Maurorum tyrannide pressi, animis & viribus recollectis, excusso illorum, iugo hic illic in libertatem se vendicant, & multa regna minora in Hispania constituerunt: quorum præcipua, Aragonense, Nauarrenum, Legionis, Castellæ veteris & nouæ, Portugalliæ, re-

ges suos è Gothico sanguine ortos per multa sæcula retinere, diutissimè verò Aragonicum & Castellanicum, in quibus eius stirpis reges cum utroque auo Caroli V. primum ceperunt deficere. Nunc regna omnia sub regibus originis Austriacæ in vnum rursus conflata sunt; si regnum Portugalliæ exceperis aliquibus ab hinc annis separatam. Primus igitur ex Gothorum reliquijs, qui se ausus fuit opponere Saracenis, fuit Pelagius Roderici patruus vt plerique volūt, fretus asperis, & montanis locis Asturiæ & Galliciæ, in quæ cum manu magna popularium se receperat, multis munitionibus recuperatis, regno Legionis (Legione enim oppido recepta illic sedem posuerat) initium dedit; secundamque veluti dynastiam regni Vestgothici in Hispania constituit. Post ipsum Fasilla filius, & post hunc gener ipsius Alphonsus è stirpe Recaredi regis cognomento Catholicus, scilicet pugnis contra Saracenos commissis, Legionis regem se appellauit, regnumque cum tempore crescens ad posteros ex se genitos transmisit vsque ad Veremundum Terrium. Quo sine liberis extincto per sororis Sanctiæ matrimonium regni potestas peruenit ad Principem alienum, ab hac domo regia; qui tertiæ dynastiæ principium dedit. Is fuit Ferdinandus Sanctij Nanarræ Regis (quod regnum Sanctius per coniugem Eluiriā vnicā opum Nauarrænarū hæredem obtinuerat) & simul Castellæ comitis filius, qui primus Asturum, Legionis, & Castellæ regem se se nuncupauit, & vtriusque domus opes possedit. Sceptrum tenuit annos 40. Idem Nauarræ quoque regnum, interempto per nefas fratre Garfia illic regnante, prioribus adiecit. Valentiam etiam suæ ditioni subiecit. Sed nec incius familia ultra Alphonsum filium istius nominis VI. regnum durauit. Ipso enim sine mascula sobole mortuo, cum regnasset annos 43. per filiam Viriacam nupram Raymundo Burgundiæ comiti regnum deuolurum est in Alphonsum VII. Viriacæ & Raymundi filium, qui

quar-

quartæ Dynastiæ caput fuit, tantaque potentia, ut Hispaniæ Imperator sit nuncupatus. Huius verò posteri masculi inter quos præsertim florere Ferdinandus III. Victoriosus, qui Saracenos, Hispani, Corduba, Vandalusia eiecit in angulum Beticæ incluserit, cuius caput Granata, in qua regni sedem Saraceni retinere ad annu Christi 1492. incuntem; tum celeberrimus Alphonsus X. Astronomiæ studio clarus, Legionensiu & Castellanarum reru potiti sunt stemmate non mutato ad finem Henrici IV. cui soror Elisabeth, quod filia Iohanna spuria censeretur successit, auia materna Caroli V. nupta Ferdinando V. Aragonu Regi, à quo quinta Dynastia; deinde his Iohanna filia, & maritus eius Philippus Austriacus Burgundiæ dux, & Belgicarum prouinciarum princeps successit; vnde sexta Dynastia Austriaca. Ab his enim Carolus V. Imperator Hispanica regna vniuersa, & simul prouincias Belgicas cum comitatu Burgundiæ accepit, filioque suo vnico Philippo Secundo, & hic moriens Philippo Tertio ex se genito; deinde Philippus Tertius Philippo IV. hic autem Carolo II.

Non diu post exordium regni Legionensis, regnante adhuc Pelagio, circiter annum Christi 724. ortum est in alia Hispaniæ parte Pyrenæis montibus vicina, qua Vascones olim habitarunt aliud regnum; quod Suprabiz initio vrbatum: cuius author & rex primus Garfias quidam fuit Eximini filius sanguine Gothico à Cantabria oriundus, regnumque filio Garfii II. cui Innici cognomen ex matre, reliquit: qui cum Pampelonem vrbem Vasconiz nobilem (ea Pompeiopolis, quondam fuit) à Saracenis cepisset, ex ea Pampelonensis quoque rex, ut & Suprabienfis appellatus fuit. Sed Pampelonem diu conseruare non potuit occupatam rursus à Saracenis, & his ereptam à Carolo Magno Francorum rege, qui munitionibus omnibus eam exuit. Garfii II. anno Christi 802. defuncto successit Fortunius eius filius Tertius Suprabiz rex, qui

Biblioth. Theol. Tom. IV.

cum annos 13. regnasset, moriens successorem reliquit filium Sanctiū, quartum Suprabiz regem, cui & Pampelon & totus ferè Nauarraz tractus summotis inde Mauris paruit, sed demum praelio ab iisdem Mauris superatus occubuit anno Christi 832. Tum Pampelone deuò amissa cum magna fortunæ parte interregnum secutum: quo durante seorsim sibi Nauarreni ceperunt consulere, atque ad nouum alium regem eligendum testinarunt Innicum Eximini Vasconis filium, cui Aristæ cognomen fuit. Verum Separbienes, quorum Metropolis Iacca erat sub motibus Pireneis, cunctantius agentes, re pressius deliberata, nou nisi certis legibus secundum libertatem, regem tandem feruntur cooptasse eundem Innicum Aristam, annis circiter 26. post Nauarrenos. Suprabienfibus cohæserè Aragonès vicini, populus non latè tunc habitans, comitibusque suis parens. Innico Pampelonis simul & Suprabiz regi dicto successit Garfias filius in vtroque, cui per vxorem Vrracam Fortunij Aragonum comitis sexti filiam & heredè vnica Aragonia quoque accreuit, duosque filios ex eadem illa vxore reliquit. Quorum natu maior fortunius post rerum potitus per ann. 16. cum spontè sua Monachus factus fuisset successorem habuit fratrem Sanctum Albaram, qui primus non Suprabiz solum & Pampelonis, sed etiam Aragoniz se regem appellasse traditur: mortuus anno 933. Hunc sequuti sunt filius Garfias, Sanctius Nepos, Garfias cognomento tremulus Aragoniz, Suprabiz & Pampelonis, id est, Nauarraz reges, quorum postremus mortuus est anno Christi 1000. Tremuli autem filio Sanctio Maiori regnorum paternorum heredi cum nupsisset Eluira soror & heres vnica Garfii Castellæ comitis, Castellanz opes quoque accessere: Ex qua coniuge filios tres Garfiam, Ferdinandum, Gundisalum, ex altera verò, quæ Concubinz tantum loco eum habuisse Castellani Scriptores dicunt, vnum solummodo sustulit Ramirum. Inter hos

Bbb b au-

autē moriturus anno Christi 1034. opes suas omnes diuisit, & Primogenito quidem Garſiæ Pampelonis regnum, Ferdinando Castellæ ditiones, Gundisaluo regnum Suprabizæ, Ramiro Aragoniæ attribuit: Ex Garſia ſequentes Pampelonis, aut Nauarræ reges; ex Ferdinando Castellani & Legionenſes per neprem, ex filio Alphonſo Vrracam Raymundo Burgundicæ ſtirpis iuueni nuptam; ex Ramiro, ad quem fratris Gundisalui ſine prole extincti regnum peruenit, Aragonenſes deſcenderunt. Atque hunc quidem Ramirum primum fuiſſe, qui Aragoniæ regis, & quidem à morte patris, nomen ſibi ſumpſerit, è concubina natū iſdem Castellani Scriptores affirmant, cōtradictibus Aragoniis; Ramiro apud Aragonēs Sanctius filius, Sanctio Petrus eius nominis primus, Petro Alphonſus Vrracæ Castellane maritus; Alphonſo Ramirus ex cuculla ad ſceptrum vocatus; tres ſcilicet fratres mutuo ſe excipientes, omnes Sanctio nati, ſucceſſere. E quibus ſolus Ramirus heredem genuit filiam Petronellam: qua elocata Raymundo comiti Barcinonenſi, ſceptro relictō ſpontē ad cucullam redijt: eum quo ſinem habuit poſteritas maſcula, primaque dynaſtia Sanctij Abarcæ primi Aragonum Regis. Ex Raimundo verō & Petronella prognati ex ſtirpe Barcinonenſi regnum idem iam auctius factum tenuere deinceps, ſecundamque dynaſtiam conſtituere ad annum vſque Chriſti 1410. quō obiit ſine ſobole legitima ſuperſtite Martinus Rex huius ſtirpis poſtremus. Raymundum hunc excepit filius Alphonſus Caſtus, hunc Petrus II. Petrum II. Iacobus I. Iacobum I. Petrus III. qui Aragoniæ, Valentiz, Cataloniæ, & demum Siciliæ quoque rex eſt appellatus; Petrum III. Alphonſus III. hæcenus recta linea deſcētes. Alphonſo autem ſine liberis deſuncto ſucceſſit frater Germanus Iacobus II. & huic Alphonſus IV. filius, Alphonſo Petrus IV. filius, Petro verō Ioannes itidem filius, illi autem Martinus frater ante dictus. Ab huius morte regnum

Aragoniæ deuenit ad Ferdinandum Caſtellanum Henrici III. Caſtellæ regis fratrem Leonora Martini ſorore natum; vnde tertia Aragonum dynaſtia; qui ſucceſſorem habuit Alphonſum V. filium cognomento ſapientem, regno Neapolis quoque poſitum; & hunc in eodem Aragoniæ regno ſecutus eſt frater ipſius germanus Ioannes II. & Ioannem filius Ferdinandus V. cui nomen Catholici tributum, cum capta Granata, totoque Maurorum regno in Hiſpania deletō, & inquiſitione in Maranos malæ fidei Chriſtianos inſtituta optimè meritis eſſet de Religione Catholica. Atque iſ poſtremus Caſtellani generis in Aragonia rex obiit anno Chriſti 1517. eum in hac domo ſceptrum Aragoniæ continuo hæſiſſet annos 103. Ei ſucceſſor fuit Carolus Auſtriacus ex filia nepos, vnde quarta Dynaſtia, in quem morte auizæ Eliſabethæ, & matris Ioannæ, cætera quoque Hiſpaniæ regna deuoluta ſuer, & ab ipſo ad poſteros Philippum II. III. IV. & Carolum II. hodie regnantem.

Nauarrenum quoque regnum Aragonico vicinum, quondam Pampelonēſe à Metropoli Regionis etiam appellatum ab eodem, vt ſtatim vidimus, principio ortum eſt, Innico videlicet primo, circiter annum Chriſti 832. A quo ad Sanctium V. eiſdem ſtirpis vltimum reges numerantur XI. ad primā Dynaſtiam pertinentes. Deinde ſæpe ſæpe regnantium domus ac dynaſtiæ mutatz: & primum per Blancam Sanctij ſororem nuptā Theobaldo Comiti Campanienſi regnum tranſlatum ad Campanienſes: quorum primus fuit Blanca filius eiſdem cum patre nominis rex XII. cui eum ex ordine ſucceſſiſſent filij duo Theobaldus alter, & Henricus, hic relicta hæredi filia vnica Ioanna vxore Philippi Pulchri Galliz regis, genero regnum reliquit, qui id porro tranſmiſit ad filium Ludouicum Hutinum ex Ioanna natum. Cuius filia vnica, quæ & ipſa Ioanna fuit vocata, nupta Philippi Franco Eburonici, nepoti Philippi Audacis Galliz regis, ad eum do-
tale

taſe regnum Nauarrenū attulit. Ex quibus coniugibus Carolus eſt natus Nauarra rex 18. Carolo dein ſucceſſit Carolus II. & huic gener Ioannes Aragonius, Blanca filia eius maritus, qui poſt fratrem Alphonſum ſapientem rex Aragoniæ quoque eſt factus, & filio ex Blanca ſulcepto Carolo III. cum adoleuiſſet, regnum maternum reſtituit. Sed eo ante patrem ſine prole mortuo, magna de regno contentio exitit, cum & patet id retinere, & Henricus IV. Caſtellæ rex, cum quo nupta Caroli ſoror erat, idem vindicare ſatagerent, & ſoror altera Caroli Leonora matrimonio iuncta Gaſtoni Foſſenſi Gallo ius eius ad ſe quoque traheret. Cuius nepcis ex filio Gaſtone Catharina data in vxorem Ioanni Albretano regi huius ius in domum Albretanam inter Gallicas illuſtrem intulit. A qua regni titulum filius Henricus Albretanus accepit Sororius Franciſci I. Gallorum regis. Ex quo vnica filia, genita Iohanna iuris paterni hæres Antonio Borbonio fuit in matrimonium tradita, qui rex ex coniuge audiit, filiū Henricum Borbonium Vendocimenſem iuris euſdem ſui hæredem reliquit, ad regnum Gallie tandem euectum, cui filius Ludouicus XIII. huic verò Ludouicus XIV. filius hodiè regnans ſucceſſit. Sed hi poſt Carolum III. Nauarrenum Ioannis Aragonij filium nomen quidem titulumque regni fugitiui tenuerunt, re verò & poſſeſſionem eius Hiſpaniarum, reges habuerunt. Nam licet Blanca Henrici IV. Caſtellani vxor, Caroli III. Nauarreni ſoror ſine legitima prole deceſſerit atque adeo cum ea quicquid iuris Nauarreni penes Caſtellanos fuerat, expiraret, tamen vis & potentia horum hætenus plus potuit, quam illorum ius.

Recentiſſimum quamuis ex maioribus Hiſpaniæ regnis eſt Portugalleniſe, cuius initium ab Henrico quem alij Lotharingum, alij probabilius Burgundum nepotem Roberti Ducis Burgundiæ, & pronepotem Roberti Regis Galliæ eſſe volunt, generum Alphonſi VI. Caſtellæ

Biblioth. Theol. Tom. IV.

Regis, cui cum filia notha Tarafia in dotem dediſſe focerum partem illam ditionum ſuarum, & à Mauris & Saracenis, qui illam occupabant, vindicandam commendaviſſe ferunt. Sed regium nomen Henrico non tributum. Primus id tulit filius eius Alphonſus parta nobili cõrra Saracenos victoria Oricenſi anno Chriſti 1139. ſuperfuitque huic nouo honori ſuo in parlamento comitiſſque Lamecenſibus confirmato annos 41. Ei ſucceſſit filius Sanctius ex Alphonſa regis Aragoniæ filia; Sanctio filius Alphonſus II. ex D. Vrraca filia regis Caſtiliæ; Alphonſo II. Sanctius II. filius; Sanctio II. ſine liberis mortuo frater germanus Alphonſus III. qui vixit annos 70. regnavit 32. obiit anno Chriſti 1279. Huic porrò filius, & ſucceſſor fuit Dionyſius ex Beatrice filia notha Alphonſi X. Caſtellæ regis, Aſtronomiæ ſtudijs inelyti, natus: cui in gratiam matris, clientelæ onus dicitur ab auo eſſe remiſſum, quo hætenus Portugalliæ reges, Caſtellanis regibus fuerant obnoxij. Dionyſio ſucceſſit filius Alphonſus IV. ex Sancta Eliſabetha regis Aragoniæ filia; Alphonſo IV. filius Petrus I. ex Beatrice filia Caſtiliæ; Petro I. Ferdinandus I. Ferdinando verò Iohannes frater eius nothus. Et ſi enim Ferdinandus ex Leonora Telles Portugalliæ principiſſa filiam vnica, hæredem haberet Beatricem Caſtellæ regi Iohanni I. nuptam, nihilominus fuit excluſa à Luſitanis à ſucceſſione paterna, ob violatas matrimonialis contractus clauſulas, inter quas erat iſta, quod prædictus Rex maritus non poſſet habere. Regnum Portugalliæ poſt mortem Sotteri, donec ex ipſa Beatrice ſuſciperet filium maſculum ætate capacem regno adminiſtrando; vnde Ferdinandus in regno ſucceſſorem ſortitus eſt electione rotius populi Ioannem fratrem notum, ſed virum acrem, & regendo regno haud imparem, in primis in bello fortiter, & feliciter ad tuendum regnum contra Caſtellanos geſto inelytum; cuius poſteritas maſcula regnū tenuit ab anno Chriſti 1433. ad tempora vſque Philippi II.

— Bbbb 2 — Hi.

Hispaniarum regis, qui nixus iure matris eiectis maribus non iusto matrimonio natis, id occupauit; & ad Philippum III. filium, & Philippum IV. nepotem tranſiſiſit.

III. Eſt regnum Oſgothicum in Italia. Oſgothi enim anno Chriſti 455. ducibus tribus fratribus Valemiro, Vindeſmiro, Theodemiro in Pannoniam uenerunt; inde poſt annos 35. non inuito Zenone Imperatore duce Theodorico Veronenſi Theodomiri filio in Italiam tranſgreſſi ſunt. Tum Odoacro, Herulorum rege, qui imperium Occidentale in Auguſtulo ſuſtulerat, debellato Theodoricus rex Italiae factus eſt anno Chriſti 493. religione Arianus; ſed alioqui prudens, & Eccleſiæ Romanę ſummoque Pontifici multum honoris deferens & ideo feliciter regnans; ubi enim Ioannem Pontificem in carcerem coniecit, & Symmachum ac Boetium interfecit, eodem anno miſerrimè cum regno viſa amiſiſt. Cui mortuo ſucceſſit Amalaſuntha filia, ex Audeſſeda vxore, quę filia, erat Clodouxi Francorum regis nata, & Eutaricho Oſgotho nobiliſſimo atque optimo iuueni ex Gallia euocato, nuptui data à Patre; ex qua natus Athalaricus; verum ante matrem obiit, unde poſt eius mortem deſuncto etiam Eutarico, Theodabatus in ſocietatem regni aſſumptus eſt ab Amalaſuntha conſobrina, qui eam interemit. Eo mortuo Viriges regnum iniit, & poſt Vitigem Ildeboldus, poſt huc Araricus, uterque intra biennium conſumptus. Tum Totilas maximis rebus geſtis clarus bis Romam cepit; ſed vulneratus in prælio contra Narſe Eunuchum Iuſtiniani Imperatoris ducem feliciffimum ex vulnere obiit anno Chriſti 552. Demum Teias Totilæ ſucceſſus eodem anno in pugna intetemptus eſt & cum eo regnum Gothorum in Italia deletum, quod durauit ab initio Theodorici annos tantum 59. Narſete titulo ducis Italiam poſtea regente, verum irritatus ab vxore Iuſtini Longobardus in Italiam vocauit, qui ut ſtatim dicemus, crudeliſſimè ſcuiendo,

nouum regnum iſtic condiderunt.

IV. Igitur eſt Regnum Longobardorum, à longis barbis ita dictorum; hi anno Chriſti 382. egreſſi è Scythia in Rugiorum inſulam, inde in Pannoniam tranſgreſſi, uſque ad annum Chriſti 568. habitauerunt inibi, inde ſub Alboino Rege Italiam occuparunt, à Narſete euocati tempore Iuſtini Iunioris Imperatoris, Iuſtiniani è ſore re nepotis. Cum enim Narſes Belifarj victorias in Italia feliciter continuaret, ita eum preſſit in aula Imperatoris inuidia, ut auocato Longinus ſucceſſor miſſus fuerit, mandante, ſimul Auguſta Sophia, *ut ad partiendum inter puellas penſorum miniſterium rediret*: qua contumelia incitatus Narſetes reſpondit, *ſalem ſe telam orſurum, qualem ipſa, dum uinceret, detextura non eſſet*: id quod planè fecit, Longobardi in Italiam attractis, qui crudeliſſimè ſcuiendo nouum regnum iſtic conſtituerunt: ut in ceteris prouincijs, quę imperio ſubiectę manſerunt, Exarchatē Rauennatē, nouum Magiſtratus genus, ad vices ſuas obeundas, conſtituere oportuerit: quod ab anno Chriſti 569. ad annum Chriſti 743 durauit. Tunc enim Luiſprandus Longobardorū Rex, Rauennam cepit, & Exarchatui huic finem impoſuit. Itaque anno Chriſti 568. Alboinus Longobardus è Pannonia ueniens in Italiā deſcendit, & regnum illic ſibi conſtituit, cuius ſedes Ticinum, ſed breui occiſus fuit, ut etiam eius ſucceſſor Clepho, poſt quem per annos decem Rege caruerunt Longobardi, & duces multi prouincias ſibi diuiſerunt, donec iterum regnum paternum iniit Autharis Clephone natus, primus Chriſtianifmo imbutus. Atque eum longa regum ſeries eiufdem gentis ſecuta fuit: quorum decimus nonus, & vltimus Deſiderius à Carolo Mag. Francorum rege debellatus circa annum Domini 774. regno huic Longobardico finem impoſuit, cum ſciſſet ab Alboini in Italiam aduentu, & Ticino occupato annos 206. A quo tempore ibidem regnatum à Francis, Italis, Saxonibus, alijsque Germanis per aliquot ſecula, & regnum

Sectio VIII. Caput VIII. 565

regnum nō Longobardiæ sed Italiæ appellatum, quod qui inibant, Medoctræ & Mediolani solemnī ritu coronabantur, ex instituto Caroli Magni.

V. est regnum Vandalorum, oriundorum ē Scythia: qui primum sub Cōstantino Magno imperio subiecti, post in Pannonijs sibi concessis, quietē habitantur usque ad annum Christi 410. verum inde cum Alanis & Suevis, duce Gondigisilo eorum rege ad regnum accesserunt, & traiecto fluvio in Galliam penetrarunt; ubi tandem victi à Francis, hinc in Hispaniam ulteriorem se contulerunt, ibique confederunt. Gondigisilus successorem habuit filium Gundericum. Ex quo & concubina natus est Gensericus, qui vocante Bonifacio duce Romano ex Hispania traiecit in Africam anno Christi 427. Cum enim Bonifacius, qui Africam sub Valentiniano III. Imperatore regebat, ab altero duce Aëtio, qui Narbonensi Gallie præerat, apud Placidiam calumnijs profectus, & vocatus ex provincia, metu periculi venire renueret, Vandalorum Regem Gensericum attraxit; quo tamen attracto, de ipso Bonifacio, de exercitu Romano & de Cartagine in Africa actum fuit; quam regni sui sedem constituit: eo progressu ut Valentinianus cum eo pacem inire, Africæque partem ei concedere coactus fuerit. Verum hac pace non considerata, Gensericus ex Pannonia contra Gothos attraxit Hunnos & Attilam illorum regem, venientem cum quingentis millibus Germaniam & Italiā ad Tolosam usque, ubi Aëtius Francos sub rege Meroueo, & Gothos sub Rege Theodorico sibi adiunxit, ut nunquam maiores exercitus inter se oppositi fuisse scribantur. Commisso prælio ad campos Catalaunos, ex altero exercitu dux Theodoricus, Gothorum rex, ex altera parte totus exercitus peremptus est, cadentibus centum octoginta millibus hominum. Quanquam autem Attila penē ad desperationem tum adactus fuerit, tamen collectis novis copijs, ita instructus in Italiam regressus fuit, ut plerā-

que illius vrbes diripuerit, ut statim dicemus agendo de regno Hunnorum. At si hi motus Barbarorum Imperio funesti fuerunt, tamen Valentinianus præter alia scelera sua, etiam adulterio eidem fuit functior; ut ad Oensericum redcamus, Maximo, Consulari viro, confixus erat pulcherrima quam deperiebat Valentinianus. Vocato igitur Maximo in aulam, lusuque talorum ipsius annulo, per annulum ipsa eius coniuge potitur, misso eo Maximi coniugi, ut quasi à Maximo vocata in aulam veniret, quæ dum veniebat, à Valentiniano per vim stuprum passa est, hac iniuria motus Maximus, statim de occidendo Valentiniano cogitare coepit; metuens autem Aëtium, cumque prius tollendum iudicans, per cuniculos calumniarum effecit, ut Aëtius quasi affectator Imperij ex Gallijs vocatus, nihilque tale metuens, à Valentiniano propria manu, sed aliena fraude percipit: Quo facto, duo milites, impulsu Maximi, demum ipsum Valentinianum in campo Martio confoderunt. Hinc Maximus raptor Imperij & Eudoxiæ vxoris Valentiniani, quæ turpibus nuptijs sibi copulavit; cuius iniuriæ adeo impatiens fuit, ut Gensericus, Vandalorum rex, ab ea vocatus, Romam venerit ultum iniurias. Maximus ergo, veniente Gensericō, membratim discissus in Tiberim projicitur, & Roma, orbis domina, tanquam mancipium diripienda & stupranda in Prædatoris manus venit; qui etiam Eudoxiam abduxit, filioque Honorico vxorem dedit; quem demum multis alijs turbatis ac gestis anno Christi 478. mortuus Successorem reliquit. Eum Gundamundus, Gundamundū Trasamundus, hunc Hildericus, Hildericum Gilimer ultimus excepit. Ille à Bellisario auspicijs Iustiniani Imperatoris victus, captusque, & Constantinopolim abductus finem regno Vandalico in Africa dedit anno Christi 534. cum regnatum illic esset post occupatam à Gensericō Cartaginē annos quasi 95. post eiusdem Gensericī aduentum in Africam 107.

VI. est

VI. est regnum Hunnorum, qui postea Vngari dicti sunt; hi è Seythia erupentes, Pannoniam post Romanos primi dicuntur occupasse tempore Honorij Imperatoris anno Christi 411. Ad quos, post aliquos annos cum nouis & maioribus copijs Imperante iam Valentiniano III. multis prouincijs alijs euastatis, eiusdem Gentis rex Attila accessit, ille humani generis terror, Deique flagellum, & ex ea sede vicinos omnes imprimis Germaniam & Galliam afflixit; vnde victus, vt diximus supra, in campis Catalaunicis in Italiã regressus fuit, vbi plerasque Iltrix & Insubrie vrbes diripuit, idemque excidium reliquis Italiæ partibus minabatur: sed cum Romã ardenti furore raperetur, iamque copias, vbi Mincius in Padum inluit, traicere pararet, occurrit ei Leo I. malorum Italiæ impendendum misericordia permotus, cuius diuina eloquentia persuasum est Attilæ, vt regrederetur. Qui interrogatus à suis, quid esset, quod præter consuetudinem, tam humiliter Romani Pontificis imperata faceret; respondit, se astantem quemdam alium, illo loquente, sacerdotali habitu veritū esse, sibi stricto gladio minitantem mortem, nisi Leoni obtemperaret: Quare in Pannoniam reuersus est. Eo extincto anno Christi 454. post triennium cum dissiderent inter se ipsius filij, Gepidæ gens Gothica, adiuti à cæteris Gothis, qui simul Attilæ paruerant, in eos insurgentes ingenti Hunnorum multitudine cæsa fugataque regionem eandem sibi vendicarunt, tenueruntque per annos circiter centum. Quibus exactis Hunnorum & Auarum noua manus adueniens ibidem sedes composuit; sensimque plurium confluxu inualescentes, gentem condiderunt, quam posteri Vngaros dixerunt; quorum principes interdum duces, interdum reges dicti à Scriptoribus sunt, omnes cum maxima populi parte cultui idolorum dediti. Donec tandem anno Christi 1000. Stephanus Geisæ filius, Toxonis nepos fidem suscepit, & apud suos promouit

tanto studio, vt ob id, & ob sanctos mores Sanctorum numero adscribi meruerit; cui Summus Pontifex coronam cū nomine regio tradidit, quo deinceps posteri perpetuo sunt vsi: insuper concessit, vt crux ante regem, ceu apostolatus insigne deferretur. Quod latius enarrat Em. Cardinalis Baron. sub finē tomi 10. Annal. Eccles. Huic Stephano eiusdem sanguinis & familie reges successerunt longa serie, quorum vigesimus tertius & vltimus fuit Andreas III. qui quod matre Veneta Venetijs esset natus, Venetus est appellatus. A cuius obitu sine prole circa annū Domini 1300. successerūt reges extranei, Carolus Neapol. à Franciæ regibus oriundus, Bohemi, & tandem Austriaci huc vsque.

VII. est regnum Polonicum, sic dictum à Polonis gente Heneta aut Slauiæ, qui quondam duce Lecho tempore Mauritij aut Phœæ Imperatorum in Russiæ regionibus in illud habitatum, venire circa annū Domini 600. A quo duces è diuersis familijs fuere, vsque ad Boleslaum I. acerrimi ingenij principē, filium Miezislai primi suæ gentis Principis Christiani; qui primus Poloniæ rex designatus & Corona insignitus est Gnesnæ anno Christi circiter millesimo, cum ante biennium defuncto patri successisset. Mansitque regia dignitas in eius familia per annos circiter 80. in quorum fine Boleslaus II. prioris pronepos ob iniquam Stanislai Episcopi Cracouiensis eadem excommunicatus & regno eiectus est. Et quamquam filius Vladislaus ei successerit in principatu, & post hunc alij ex hoc descendentes, regio tamen titulo abstinere omnes per annos circiter 115; quibus varia fortuna iactata fuit Polonia, & Silesia ab eius corpore sensim auulsa, Bohemiæque adiecta. Primus ex voluntate ordinum suorum diadema resumpsit Præmislus II. Præmislus filius anno Christi 1195; eoque paulo post per insidias interempto rex surrogatus est Vladislaus Lothicus: & hic ob vitia solio deiectus, regnante interim Vvenceslao

leo Bohemo, post quinquennium restitutus in integrum viuendo & regnando peruenit ad annum Christi 1333. regnumque reliquit filio Casimiro Magno, qui felicissimam Russiæ partem armis subactam Poloniæ coniunxit, & regno potitus ann. 37. obiit anno Christi 1370. vltimus regum ex gente sua, & posteritate Boleslai I. oriundus. Post hunc non alij quàm peregrini in Polonia regnarunt; quorum primus Ludouicus Gallici generis ex domo Andegauenfi Neapolis & Vngariæ rex, Casimiri Sororius, postpositis duabus Casimiri filiabus, & principibus agnatis ad sceptrum à proceribus vocatus. Qui cum regnasset annos 12. successorem habuit Iagellonem magnum Lituaniæ ducem nuptijs filię alterius (duas enim opum suarum hæredes Ludouicus reliquit) potitum, & nuptiarum regniq; causâ, baptismo ritu Christiano, cum tota domo & populo Lituânico ablutum; cui nouum nomen Vladislai in lauacro impositum, circa annum Domini 1386. Per hunc tota Lituania, & partes quædam Russiæ Lituaniis parentes, Poloniæ additæ, regnumque latè auctum; cuius possessio penes domum hanc Lituanicam mansit per annos fere 186. ad mortem pronepotis Sigismundi Augusti. Quo sine prole mortuo regnum suffragio procerum peruenit ad Stephanum Sepusium Transyluaniæ principem, & ab eo post decennium sine liberis defuncto ad Hêricum Andium ducem Gallorum regis fratrem; quo à morte fratris è Polonia in Galliam se recipiente ad incundum Galliæ regnum, Poloni in locum eius sufficere Sigismundum Suecum iuuenem Sigismundi Augusti Sorore, & Ioanne III. Sueciæ rege natum, apud cuius posteros nunc regnum perdurat.

VIII. est regnum Bohemicum, quod simul cum Polonico principium habuit; alia enim gens Heneta seu Slauiç ciui-
dem linguæ & moris cum Polonis eodem tempore dñce Zecho, fratre Lechi, qui Polonico regno initium dedit, ex Sarmatia migravit in Germaniam, & re-

gionem à Boijs Celtis, deinde à Marco-
mannorum parte quondam habitatam, forte cum cultoribus aram occuparunt, quæ adhuc hodie à vetustissimis cultoribus Bohemia nuncupatur, & populus ipse habitans Bohemi. Prædictum Zechum secuti sunt plures duces, quorum decimus in ordine Boriuoius, primus Christo nomen dedit; baptizatus à Methodio Morauorū Episcopo anno Christi 895. Vigésimus verò Vratislavus II. ab Henrico V. Imperatore Moguntię in comitijs primus regum titulum accepit anno Christi 1086; titulo tamen hoc non omnibus successores compente. Cum nec frater eius, qui successit, nec filij deinde illum vsurpauerint, donec Primiſlaus II. à Philippo Cæsare Friderici filio anno Christi 1199. denuo rex dictus fuit; & deinceps eius posterij; quorum vltimus fuit Vvenceslaus II. vi suorum Olomutij in Morauia occisus anno Christi 1308; cum regnum Bohemiæ à primi regis Vratislai coronatione stetit annos circiter 220, penes illius profapiam. Inde ad nos Bohemia per peregrinos sanguinis Germanici aut Lituânici gubernata per annos quasi 340: excepto tempore, quo mortuo ante nuptias Ladislao Alberti Austriaci filio, Georgius Boicbradius Bohemus surrogatus regnum tenuit annos fere 14.

IX. est regnum Britannorum veterum & Anglo-Saxonum in Insula Britannia; quod cum prius pluribus inter se distinctis principibus seu regalis pareret, primus Iulius Cæsar illud vëstigale reddidit; manseruntque deinceps Britanni in ditione Romanorum, quamuis seditiones sæpe motæ, & arma contra eos cepta fuerint. Nec in eo statu res esse desiit, donec sub Theodosio II. Orientis, & Valentiniano III. Occidentis Imperat. grauius ab hostibus Scotis & Pictis pressi Britanni, atque à Romanis deserti, Vortigernum suæ gentis regem elegerunt, & cum nec in eo satis præsidij sibi esse comperissent, ex voluntate eiusdem Engistum & Horsam-
fra-

fratres Anglosaxones, præpotentes in-
 ora Germaniæ maritime principes, &
 piratica celebres in auxilium vocarunt,
 circa annum Christi 449. Qui stipen-
 dijs conducti, re primum feliciter gesta
 contra Britannorum hostes, mox ex re-
 gis procerumque consensu, cum rursus
 maioribus viribus insurgerent iidem illi
 hostes, maiorem exercitum popularium
 suorum confectum ex Germaniæ in Bri-
 tanniam exciuerunt, & ingenti victoria
 potiti contra Scotos & Pictos, paulo
 post arma sua in Britannos, à quibus cō-
 ducti erant, verterunt. Deinde hi & co-
 rum hæredes varia fortunæ vicissitudo
 in bello contra Vortigerni posteros
 reges Britanniæ vsq; tandem illos perue-
 nere, vt à morte Arturi vltimi è Vorti-
 gerni domo, nullo negotio debellatis
 ijs, qui post Arturum regium nomina
 sumere ausi fuerant, ex ea Britanniæ
 parte, quæ Anglia hodie vocatur, indige-
 nas Britannos ciecerunt; diuisamque
 inter se, ac in septem regna minora di-
 stinctam sui tandem iuris fecerunt. Quo-
 rum è numero Ethelbertus Hengisti ab-
 nepos opressis proximis quibuscque gé-
 nitibus suis è Cantio in Humbrum vsque
 flumen regnum extendit, primusque à
 coniuge Franca Bertha nomine femina
 Christiana persuasus, auditis Sanctis
 Monachis Augustino & socijs à S. Gre-
 gorio Papa missis in Angliam, Christiana-
 nam religionem suscepit circa annum
 Christi 600. qui postea exemplo & stu-
 dio suo facile effectum dedit, vt eandem
 religionem populus quoque, qui hæte-
 nus idololatriæ à maioribus accepta ad-
 hæserat, amplecteretur. Huius posteri à
 Venerabili Beda relati Cantiano regno
 potiti sunt ad finem Ethelualphi regum
 ab Engisto descendendum decimi octaui,
 qui ab Egeberto Occidentalium Saxo-
 num rege captus regnum cum liber-
 tate amisit. Destructo itaque Cantiano
 regno, sibiique subiecto, dein & Orien-
 talibus Saxonibus & Northūbrijs quo-
 que debellatis, regni sui fines cum plu-
 rimum ampliasset Egebertus circa an-
 num Christi 800, id totum Angliæ no-

mine, & omnes subditos suos Anglos
 appellari voluit; Eius filij tres, nepotes
 duo, pronepotes item duo post ipsum
 regnarunt, vsque ad annum Christi 1017.
 quo Dani per quinque Regum succes-
 sionem regnum tenuerunt. Dehinc Nor-
 mannorum redordienda successio, à Gui-
 lielmo Conquestore Normanno Ro-
 berti ducis filio è concubina genito, an-
 no Christi 1067. ad regnum euocato.
 Qui cum diu illud possedisset, illi suc-
 cessere ordine filij duo, Guilielmus Ru-
 fus, & Henricus, quorum posterior Nor-
 manniam Gallicam Angliæ regno con-
 iunxit. Hunc mortuum exceperit Step-
 hanus Blefensis ex Gallia sorore ipsius na-
 tus: & cum Henricus II. Andegauensis
 Henrici I. ex filia nepos, à Stephano ad-
 optatus, per vxorem Aquitania poti-
 tus, rex felicissimus & potentissimus, pe-
 nes cuius posteros masculini sexus re-
 gni possessio permansit: in quibus reges
 14. numerantur, quorum vltimus Ri-
 chardus III. regnum Parricidio adeptus
 necatis fratris sui Eduardi IV. filijs im-
 puberibus, quorum tutor esse debuerat,
 post triennium ipse vicissim in prælio
 interceptus parricidij poenas luit anno
 Christi 1486. post primordia Hærici II.
 Andegauensis, à quo hæc familia descē-
 dit, 332. Richardo III. occiso rex factus
 fuit Henricus VII. auctore paterno Vvallo
 nobilis sed obscuræ stirpis, auctore claris-
 sima Henrici VI. matre, Caroli VI. Gal-
 liæ regis filia Catharina, quæ mortuo
 marito rege, cum Vvallo secundas nu-
 ptias inicit, ortus, à stirpe regum Ang-
 liæ alienus: Ex quo & Elisabetha filia
 Eduardi IV, quam vxorem duxerat, ge-
 nitrix fuit Henricus VIII., & ab Henri-
 co VIII. Eduardus V, & Maria Hispani-
 æ regi matrimonio iuncta, & Eliza-
 beth post sororem regina; quæ anno
 Christi 1603. mortua, eodem anno suf-
 fragijs ordinum regni competitoribus
 alijs prælatas accepit Iacobus eius no-
 minis VI. Scotorum rex, proauia Mar-
 garetha sorore Henrici VIII. oriundus;
 & ad posteros transmisi, ita vt hodierna
 Anglorum dynastia Stuartorum dicatur,
 inau-

inaudito tamen Crommuellij regicidio ac tyrannide aliquibus annis interrupta, nunc autem reſtituta.

X. eſt regnum Scoticum, cuius prima dynaſtia decurrit ab Alexandro Magno circa cuius tempora initium ſumpiſſe putatur, hoc eſt ab anno 330. ante Chriſtum natum, vſque ad annum eiufdem Chriſti 1370. quo ultimo rege Davide Bruſio eius nominis II, ſine liberis deſuncto, Regnum ſummo procerum Scotorum conſenſu delatum eſt ad Robertum Stuartum ex ſore Davidis natum, ſubſtitutum quondam filio à Roberto Bruſio, & ab ipſo quoque filio Davide hæredem nominatum. A quo tempore incipit ſecunda Stuartorum dynaſtia, regnumque perpetuo ad nos vſque in eorum familia permanſit: idque ita, vt pater filium ſemper ſucceſſorem reliquerit ad Iacobum vſque V: qui cum maſcula prole legitima careret, Mariam filiam vnicam ex coniuge Guiſia genitam hæredem habuit. Ex qua cum Henrico Stuarto Levinæ ſeu Lennoxie comitis filio, agnato ſuo nuptus natus eſt Iacobus VI, & ex illo catenari qui huc vſque regnarunt Anglia cum Scotia coniuncta.

XI. eſt regnum Danorum, quorum res, vt cæterorum terras Septentrionales colentium, Suecorum, Norvegiarum, Fionorum, quos omnes prior ætas florente Francorum imperio Normannos appellavit, vix ullam merentur fidem, vſque ad Gotricum Gormonis filium, quem Godefridum Francici antiquales nominant, Carolo Magno imperatori coævum, & hoſtem inſenſiſſimum, qui minitatus fuit ſanum Aquilgranenſe magno impediō ab ipſo magnificè ſtructurum in ſtabulum equorum ſuorum ſe eſſe converſurum: Eius poſteri regnum tenuerunt per annos circiter 235, vſque ad annū Chriſti 1045, quo Canuto III. ſucceſſit alienigena Norvegius Magnus, Olai quondam regis filius. Verum ipſo brevi ſine prole deſuncto Danicum ſceptrum tranſlatum eſt in Suenonem II, Canuti II. regis Daniæ filia,

Biblioth. Theol. Tom. IV.

& Viſcone ignobili Sueco, ſed belli artibus eximio editum; cuius poſteri regno potiti ſunt vſque ad annū Chriſti 1365, quo mortuus eſt Vvaldemarus IV. ſine prole maſcula: vnde ex filiabus duabus nata maior Margaretha Haquino Norvegiæ regi ex regia Suecorū proſapia denupta regni culmen aſcendit, feliciſſimeque illud gubernavit, à patris maritique morte; & extincto filio Olao, quæ ex Haquino ſuſceperat, Norvegiæ etiā regina nuncupata fuit; Alberto etiam Megalburgico Suecorum rege armis ſuperato & capto, illud quoque regnum Daniæ ſue coniunxit. Sed hærede ſuo carens, extinctis agnatis, Sleſuici ducibus, ex voluntate procerum regni, & conſenſu ſororis vnicæ, quæ adhuc ſupererat nupta duci Megalburgico, hæredem & ſucceſſorem ſibi adoptavit Ericum Pomeraniæ ducem, ſororis ex filia nepotem; qui bellorum & moleſtiarum regni pertæſus, & Suecorum defectione turbatus poſt annos 26. ſponte ſua regnum depoſuit reuérſus in patriam, in qua conſenuit. Tum vocatus ad regnum à Danis & Noruegijs Chriſtophorus Palatinus, Erici ſore natus, idemque non multo poſt à Suecis quoque receptus; ſed eo poſt decennium mortuo ſine liberis, ſuadente in primis Adolpho Sleſuici duce, cum ipſe inuitatus regnare noller ob ætatem gravem, regnum à Danis Noruegijsque delatum eſt ad Chriſtianum I. ſore Adolphi genitum, ex veteri familia ac ſtirpe comitum Oldenburgerſium, in qua ab anno Chriſti 1450. ad hæc vſque tempora perſeuerat.

XII. eſt Sueciæ regnum, quo hodie duplex Gotia, Finlandia, Finnia, Lapia, aliæque Septentrionis regiones latæ continentur: fuit antiquitus cum Dania ſæpe coniunctum, vniue cum ea regi parens, plurimum tamen ſeparatim ſibi conſuluit, & reges rectores ſue gentis habuit, ſed incerta certa ſerie annorum; inter quos rex imprimis inclytus fuit Ericus X. cognomento Sanctus, circa annum Domini 1130, à quo

Cccc ſerunt

ferunt magnificum templum Vpsalienſe toto regno celeberrimum inaugurationi regum ſolemnem eſſe extructum; & Finlandiam, quæ Ruſſis pariter ſolebat Sueciæ adiunxit: Verum à morte Erici XII, eius ſtirpis vltimi, cum exortis in regno diſſidijs & factionibus nunc vnus, nunc alius illud teneret, tandem Guſtauus Erici perantiquo & illuſtri genere equeſtri ex Trolliorum familia natus, eius regni peculiare ſceptrum denuo apprehendit, circa annum Domini 1523, ſolemnibus in comitijs rogatus ab omnibus regni ordinibus. Succceſſit ei Ericus filius, eius nominis XIV; & huic ob crudelitatem atque amentiam anoth & in cuſtodiam dato, ſurrogatus poſt octennium frater conſanguineus Ioannes III, qui moriens anno 1587, hæredem, & ſucceſſorem reliquit Sigifmundum; cui poſtea Carolus Patruus regnum ademit anno 1599, indeque Poloniae rex electus fuit, vt vidimus ſupra; tranſmiſſo ad poſteros Caroli Guſtauum Adolphum, & Chriſtinam eius filiam, Sueciæ regno; quæ dum hæc ſcribo, reliquit regnum Principi Carolo Guſtauo Palatino, vt fieret Catholica.

XIII. eſt regnum Norvegiæ; quod modo proprijs regibus, modo Suecis, modo Danis paruit; & his quidem à Margaretha Vvaldemari filia circa annum Domini 1387, vſque ad hæc tempora noſtra, ſuis tamen legibus, ſuo iure, non Daniæ vſum. De eius antiquitate, rebusque geſtis propter litterarum nullum aut rarū vſum, poſteritati non mandatis, nihil certi ſtatuunt hiſtorici; tantum conſtat, cum reliquis duobus borealibus regnis examina effuſiſſe piratarum, quos communi vocabulo Normannos vctuſtas appellauit, qui poſiſſimas Europæ provincias, ſæpe deprædati ſunt. Ex prædis autem relatis, cum iam Chriſtiano nomini ſe dediffent, velut culpam priorem expiaturi Norvegiæ vaſtæ molis templum extruxere, Nidroſiæ, in quo reges coronari ſolent.

XIV. eſt regnum Siciliae ſub Normannis, Sueuis, Gallis & Aragonijs.

Normanni enim ex Gallia, cuius partem iam dudum tenebant, in Italiam venire circa annum Domini 1000, duce Tancredus viro forti, multorumque filiorum fortium parente. Hi cōmorati aliquantisper in Gallia Cifalpina, ad faciendæ ſtipendia contra Saracenos vocati in extrema Italiae parte ſedcs poſuere, & experti fortunæ viciffitudines varias, Apuliam, Calabriam, magnam Græciam, Campaniæ bonam partem ſibi ſubieccere. Atque hinc auxilia quoque rogati contra eodẽm Saracenos tranſiere in Siciliam, eamque inſulam armorum iure, eicctis Saracenis, libentibus & fauētibus omnibus Chriſtianis redegerunt cum progreſſu temporis in poteſtatem ſuam, primumque Siciliae comites, deinde reges non Siciliae ſolum ſed etiam Neapolis meruerunt appellari, quorum vltimus legitimi & Maſculini ſtemmatis Normanni fuit Guilielmus II. cognomento bonus, qui regno gemino feliciter & pacifice per annos 25, adminiſtrato obiit ſine liberis anno Chriſti 1189. Nam qui eius locum rapuit Tancredus, Rogerio regi ex pellice natus fuit, aut, vt quidam tradiderunt, ſuppoſiticius: quem anno 1195. mors abſuſpit. Filium verò eius Rogerium, Henricus VI. Imperator Sueuus, Friderico I. Imperatore natus, qui Conſtantiā Guilielmi II. regis amitam in matrimonio habebat, eodem illo anno regno deiecit: regnumque ipſe nomine coniugis & Infantis filij tenuit; ſicque regnum Siciliae à Normannis ad Sueuos tranſiit; quod Henrico defuncto, quinquenni filio eius Friderico, qui poſt Imperator eius nominis ſecundus creatus fuit, cum matre Conſtantia ceſſit. Eique ſucceſſere Conradus filius, Imperator huius nominis IV, Manfredus eodem patre Friderico, ſed toro illegitimus natus, denique Conradinus Conradi legitimus filius & hæres vnicus: quem ſtatim in regno aditu primò viſum in Marſorum regione, Carolus Andegauenſis Ludouici Galliae regis frater, qui iam dudum rex Neapolis erat, manu carnificis capite

pite truncavit, Siciliæque regnum accepit, anno 1268. Quod tamen paulo post amisit anno videlicet 1282. cum eadē Gallorū, quotquot in insula erant, sine discrimine sexus & ætatis vna vespera crudeliter à Siculis trucidatorum: occupante regnum Petro Aragoniæ rege, qui Manfredi filiam constantiam, uxorem habebat. A quo descendentes reges numero quinque Siciliam tenuere: quorum vltimus Fridericus III, moriens anno 1368, vnicam filiam hæredem reliquit, quæ nupta Martino filio Martini Aragoniæ regis, agnato suo regem Siciliæ eum matrimonio suo fecit. Quo post coniugem mortuo, quod accidit anno 1409, pater eius tum adhuc viuens Aragoniæ suæ regnum Siciliæ adiecit. Atque ab hoc tempore quicumque Aragoniæ regnum tenuere, reges etiam Siciliæ fuere: in quorum numero Alphonsus sapiens fuit, Ferdinandi filius, qui à Ioanna II. regina Neapolitana adoptatus id quoque regnum accepit, vitæque decedens filio notho Ferdinando, quoniam legitimis liberis carebat, reliquit. A quo ad filium Alphonsum, ab Alphonso ad Ferdinandum II. ex ipso genitū, à Ferdinando II. ad Fridericum patrum per varios casus peruenit. Hic à Ludouico XII. Galliæ rege regno exutus exul in Gallia obiit, sed Ludouicus illud haud diu retinere potuit, occupante id Ferdinando Aragoniæ rege Caroli V. Imper. auo materno, penes quem, & successores eius Aragoniæ reges deinceps mansit ad hoc vsque tempus.

XV. est regnum Neapolitanum, de cuius primordijs licet varient Scriptores, hoc tamen extra controuersiam est, fundamēta futuri regni cœpisse à Normannis: qui vt statim dictum est, Apuliam, Calabriam, magnam Græciam, & Campaniæ bonam partem sibi subiecerunt; primumque ipsi, deinde eorum posterī Apuliæ & Calabriæ duces, Capuz principes, Neapolis, Salerni, Amalphi, & aliarum ciuitatum quæ hæcenus sub Imperio Græcorum manserant, ab In-

Biblioth. Theol. Tom. IV.

nocentio II. Papa Rogerio II. donatarum Domini sunt appellati, vsque ad Gulielmum I. eiusdem Rogerij filium, qui ab Adriano IV. Papa non Siciliæ solum, sed etiam Neapolis rex est dictus circa annum Domini 1154. Regius tamen titulus, Neapoli & ditionibus Neapolitanis separatim sumptis tum primum tributus est, cum Carolus I. Andegauenfis Sicilia eiectus à Petro Aragoniæ rege anno Christi 1282. deinde Romæ iussu Clementis IV. Papæ à Cardinale legato, Clemente ipso Perusij morante, anno Christi 1285, solemniter ritu, regia corona insignitus est. Cui in regno Neapolitano successit filius eiusdem nominis, Carolus scilicet II. multorum liberorū pater ex uxore Maria Vngarica; è quibus natu maximus Carolus Martellus Vngariam per matrē adeptus est: alter tertio genitus Robertus mortuo patre regnum Neapolitanū accepit anno 1309. In cuius defuncti locum venit neptis ex Carolo filio præmortuo Ioanna I. nupta primū Andegaro agnato suo, deinde isto ob ignauiam interempto, Ludouico Tarentino item agnato, patrui scilicet magni nepoti, ab Vngariæ rege Ludouico regno eiectæ, sed mox à Pontifice restituta, demum à Carolo Dyrrachino Vngaro anno Christi 1380. aut strangulata, aut suffocata cū à morte secundi mariti Ludouicum I. Andegauensem sibi adoptasset. Atque hic Carolus euerso æmulo Ludouico, regnoque occupato, ad Vngariæ quoque sceptrum ex Italia reuocatus reginæ Vngariæ fraude dicitur perijsse anno 1386. superstitibus filio & filia relictis. In Italia filius Ladislaus ei surrogatus est ex voluntate plerorūque procerum, sed non sine æmulo Ludouico II. Andegauenfi è priore genito, ius patris repente; præualuit tamen Ladislaus, qui mortuus anno Christi 1414. sine liberis, hæredem habuit fororem Ioannam II. quæ primum Ludouicum III. Andegauensem II. filium, deinde eo reiecto, Alphonsum Aragonensem cognomento sapientem, & demum

Cccc 2

Al-

Alphonso quoque reprobato, Renatum Andegauensem Ludouici III. fratrem germanum adoptauit. Sed locum quem semel ceperat retinuit Alphonfus; qui moriens sine prole legitima anno 1458. testamento Regnum hoc Neapolitanum legauit Ferdinando filio à concubina sibi genito; qui successorem habuit Alphonsum II. ex se genitum, & Alphonfus ob tempestate à Carolo VIII. Gallorum rege imminentem, cui sustinendæ parem se non esse arbitrabatur, sponte cedens filio Ferdinando alacri iuueni regnum tradidit. Qui etiam aduersam fortunam declinans, Carolo locum dedit ad tempus; sed post eius discessum statim in regnum reuocatus est, ubi notorum biennium supervixit, resque omnes cum regno patruo suo Friderico reliquit. Quem Fridericum sexennium non integrum regnantem Ludouicus XII. Galliarum, & Ferdinandus V. Aragoniarum reges inita inter se arcana conspiratione euerterunt, & regnum eius uti conuerterat, portionibus æquis diuiserunt. Gallo ius Renati Andegauensis à Ioanna II. adoptati Carolo VIII. antecessori suo per testamenti tabulas transcriptum, & à Carolo ad se deuolutum allegante. Hispanus autem regnum Neapolitanum, seorsim quidem acquisitum fuisse ab Alphonso cognomento sapiente patruo suo quod ad Aragoniam nihil pertineret, sed non sine Regni Aragonici impendijs aiebat; atque adeo huiusmodi impendiorum fructum aliquem ad reges Aragoniarum peruenire debere contendebat. Verum occupato regno non diu concordēs manere potuerunt. De finibus enim in regni diuisione, cum non conuenirent, intra vertentem annum in bellum inciderunt: in quo Rex Aragoniarum victor virtute Ferdinandi Gonçalui totum regnum redegit in potestatem suam, atque ad hæredes Carolum V. nepotem ex filia, Philippum II. Hispaniarum regem pronepotem, Philippum III. IV. & Carolum II. qui nunc regnat transmisit; atque ita Siciliæ post separationem primam, quæ accidit tempore Caroli primi Andegauensis, Nea-

polis iterum sub vno cōmuni rege coniuncta fuit: prius regnante Alphonso V. sapiente circa annum Domini 1423. secundò sub hoc Ferdinando V. ann. 1503 Durauit autem maiestas regia Neapolitana ab eo tempore, quo Carolus I. Andegauensis Sicilia excidit vsque ad nos per annos quasi 367.

XVI. Est regnum Hierosolymitanum ab Europæis instauratum, cum enim post varia excidia, adhuc anno Christi 636. à Saracenis orientem tunc vastantibus occupata, & fordibus Mahometanis fixata, eorumdem Saracenorum imperio ac libidini obnoxia mansisset Hierosolyma per annos 463. tandem in huius temporis fine à Christianis Europæis principe Godofrido Bullionæo Lotharingiæ duce recuperata est, exterminatis Saracenis anno Christi 1099. ipsis Edibus Iulij, nouoque regno illic instituto, idem Godofridus primus rex declaratus corona spinea insignitus est die 11. Kalendas Augusti. Quo ex hac vitæ abrupto anno proximè sequenti 1100. frater eius Balduinus successor ei datus fuit. Regnum verò illud non solum Palæstinam, & Iudæam, sed optimam quoque & maximam partem reliquæ Syriæ comprehendit. Balduino I. mortuo alter eiusdem nominis surrogatus fuit anno Christi 1117. qui captus à Turcis in prælio, & post 18. menses datis obsidibus libertati redditus magnis cladibus hostes affecit, & regnum feliciter ampliavit: defunctusque anno 1131. successorem habuit Fulconem Andegauensem. Fulco cum regnasset annos 18. & menses duos locum filio dedit Balduino III. Et is regno positus annos 20. cum tribus mensibus regni successorem reliquit fratrem suum Almericum, qui bello Aegyptum inuasit & Saracenis Damiatam, ac Pelusium ademuit; mortuus est anno regni 11. & in eius locum venit Balduinus IV. eiusdem filius natus tum annos 13. Hic lepra infectus cum filios non gigneret ex voluntate ordinem hæredum regni instituit moriturus Balduinum V. adhuc puerum à sorore sua natum, curæ

Comi-

Comitis Tripolitani cōmendatum. Sed eo quoque statim post aūiculum defuncto, Viricus ipsius Guido Lusignan⁹ regnum inuasit anno Christi 1184. indignissimè id ferente Comite Tripolitano. Vnde discordia inter regni proceres orta, quæ Saladinum Aegypti regē potentissimum, qui aliquot ante annos dominum suum Calipham in Aegypto occiderat, ac regnum inuaserat, in Palestinam attraxit: ille verò occasione rapiens non regionem solū depopulatus est, sed ipsam metropolim, regni caput, Hierosolymam expugnatam Christianis ademit. Aūmque tunc sine dubio de rebus Christianis in Oriente fuisset, nisi ex vniuersis ferè Europæ prouincijs, quo fama calamitatis peruolarat, auxilia opportuna & frequentia, alia post alia aduenissent, quæ cursum victoriorum Saladini inhibuere, & Ptolemaida aliaque regni partes Christianis restituerunt. Saladino interim defuncto regni sceptrū anno Christi 1117 ad Ioannem Brennensem Gallum virū in primis fortem delatum est, ac Tyri corona ei imposita, & ab eodem anno sequēti Damiata Aegypti obfessa captaque, Hierosolyma tamen in potestate Saracenorum manente, qui rursus Damiatam recuperarunt. Sed Fridericus II. Imperator ducta in uxorem Iole filia Ioannis Brennenfis, qui auxilij rogandi causa in Italiam venerat, ac iure regni Hierosolymitani in dotem accepto, in Palestinam profectus terrore exercitus sui eo compulsi Soldanum Saracenorū, ut Hierosolyma decederet. Ita ipse cum suis urbem ingressus anno Domini 1119 die 15. Kalendas Aprilis solemnī ritu corona regia est ornatus. Sed eadem urbs Hierosolyma post annos 16. à Soldano Babylonie rursus Christianis erepta est: eodemque illo anno Christiani ingenti prælio victi, viuentē tum adhuc, & imperante Friderico II. verū intra vertentem annum post hanc cladem extincto. Nec tamen propterea ijdem se se deferuerunt freti oppidis compluribus, quæ adhuc tum illic, tum in reli-

qua Syria & vicinis regionibus possidebant. In quo numero Antiochia, Tyrus, Sidon, Beritus, Ioppe, Cæsarea, imprimisque Ptolemais in ipso littore cum percommodo portu sita: in qua Veneti & Genuenses ac Pisani præcipuum emporium mercium orientalium constituebant, multo tempore concordēs inter se. Sed anno Christi 1160. cum rupta concordia ijdem in bellum exarsissent, Aegypti Soldanus Bondegar audacia inde sumpta anno Christi 1168. Syriam cum exercitu percurrit, loca plurima capit, in Armeniam quoque impetum dedit, afflictijs vbique Christianis, indeque reuersus Antiochiam urbium Syriæ quondam maximam, tum fuga prope desertā inuasit, diruit penèque excidit. Anno autem sequente ad reparandam fortunā ex Europa magni exercitus in Palestinā profecti, in quibus S. Ludouicus IX. Galliarum rex cum fratribus in Africa Saracenos aggressus, labores & impendia, perdidit; nam & ipsum cum fratribus duobus, magnamque exercitus eius partem pestis ad Cartaginē absumpsit. Inde nouis armorum tumultibus inter reges & principes Europæ ortis, non potuerē noua auxilia laborantibus in Syria submitti. Qua occasione Soldanus Aegypti anno Christi 1190. cum maximo exercitu Tripolim Palestinæ, Tyrum, Sydonem, Berytum cepit, & tandem Ptolemaida post bimestrem obsidionem quam funditus euerit, ut ne reliquæ urbis illæ superessent. Hic finis regni huius Hierosolymitani ab Europæis cōditi; quod ab vrbe à Godofrido Buliongo capta ad hanc cladem Ptolemaidis durauit annos 191.

XVII. Est regnum Mahometitarum in Oriente, cum enim Saraceni, vel Arabes Scenitæ ab Heraclio Imperatore ob denegatum stipendium militiæ defecissent, circa annum Christi 612. (quo anno, qui cum XII. Heraclij Imperatoris concurret, à die 16. mensis Iulij principium ducit Hegira Mahometica, id est æra Saracenorum,) Mahometem Pseudopphetam ducem creant, totamque

Syriam, Aegyptum & Africam ab imperio auellunt, ipsamque Persiam occupant, Ormisda Iesdegirde ultimo Persarum rege oppresso. Mahomethi succedere in principatu illo per ordinem alij numero 18. quorum non pauci breui admodum tempore rerum sunt potiti. Postremus Mahometh Abubala imperium hoc finijt anno Christi 757. ab initio Mahomethis Pseudoprophete, & Hegiræ Saracenicæ 135. Idem Mahomethes Pseudopropheta successores etiam Caliphas habuit in ijs partibus, numero 18. quorum ultimus Maruuan huius nominis III. dignitate & imperio exutus, atque in Aegypto interfectus est ab Abasidis, quorum princeps erat Abul-Abas. quod contigit anno Christi 749. ab initio Mahomethis & æræ Saracenicæ 122. A quo tempore Abasidæ dignitatem Caliphatus tenere per annos totos 119 vsque ad annum Christi 868. quo Caliphatus in Syriam & Aegyptum, siue in Babylonium & Aegyptium diuisus est, & constitui cepit dynastia secunda; ita quidem vt in Aegypto hæc dynastia continua successione durauerit vsque ad annum Christi circiter 1246. vbi rerum potiti sunt Mamaluci, Sultani Aegyptiaci serui, vsque ad annum 1517. quo Campson & Tomumbeius a Selimo I. Turcarum rege victi sunt, regno eorum destructo & finito. In Syria verò eadem dynastia itidem continua successione vsque ad annum Christi præter propter 1260. mansit, quando Musteazam à Tartaro Halcacho interfectus fuit. Hinc noua Osmanidarum seu Turcarum dynastia & successio, cuius regnum Othomanicum vocant, de quo statim.

XVIII. Est regnum Turcarum Othmenidarum, seu Othomannorum. Turcæ igitur diu potentes fuere in partibus Orientis primum, deinde in minori Asia; sed eorum vires maximè apud Europæos inclarescere cœperunt post annū Christi 1090. temporibus expeditionum sacrarum, cum Solimanno duce in minore Asia se ijs obicere, & ab isto tempore cum sedem & imperiū in eadem regio-

ne tenuissent per annos plus minus 150. deinde à Tartaris in Asiam influentibus vehementer sunt afflicti, & redacti in arcum. Sed emerere rursum circa annum Christi 1300. labētibus rebus Tartaricis. Qua tempestate caput inter Turcas potissimum efferebat Othmen Othogulis filius, Othomannus vulgo nuncupatus, Caramannæ primum præfectus beneficio Aladini Sultani potentissimi, quo mortuo ipse imperium arripuit circa annum Domini 1302. obiitque post annum ab hoc initio suo vigesimū quintum; & ab ipso posteri Othmanni, vel Othomanni nuncupari voluerunt. Imperium defuncti, dum duo filij maiores armis inter se cōtendunt, rapuit filius minimus Orhanes: qui rebus in Asia firmatis & arcis, Nicæa Bithyniæ Metropoli quoque occupata, regnauit annos 22. Succedere ei duo filij Solcimanus Callipoli in Chersoneso Thracia potitus, sine filijs mortuus, & Amurates. Hic prolatis in Europa Imperij finibus Hadrianopoli in Tracia sedē posuit, deum à transfuga in prælio contra Seruicæ Dynasten interemptus est, cum imperium tenuisset annos quasi 30. Eum excepit filius Baiazethes, qui post multa feliciter gesta à Tamerlane Tartaro tandem in prælio ad fines minoris Armeniæ captus, & caueæ ferreæ inclusus, circumuectusque, & ostentui habitus omne genus contumeliæ pertulit in eaque miseria vitam finijt, cum regnasset annos circiter 12. videbaturque Othomannicū Imperium finem habere, cum è filijs, quos multos habuit, solua sparsas fortune reliquias à morte Tamerlanis capite colligere: quem frater Emir Mullumanes, & hunc vicissim Moses, Mosen denique Mahometes I. ope Christianorum euerit & occidit; qui fortuna imperij Othomanici restituit in Asia, & Europa, cum imperium administrasset per annos 8. illud reliquit filio natu maiori Amurathi II. qui fratre Mustapha æmulo occiso solus rerum Turcarum potitus est. Is rebus maximis gestis, adhuc viuens regni habenas filio Mahomet-

homethi II. Christiana femina Seruiz Despotæ filia nato tradidit, sed paulò post consilij penitens easdem resumpsit; obiit anno Christi 1451. relicto Mahomethe II. cognomento Magno, qui anno Christi 1453. Constantinopolim occupauit, Trapezuntem alteram Orientalis Imperij sedem, quam Comneni tenebant, cum Cappadocia, Colchide, alijsque cum his coniunctis prouincijs subegit, Comnenos omnes euerit, Caramannos Cilicia & locis vicinis exiit, Macedoniam Græciamque, & Illyrici regiones rursum bello sibi subiecit. Cum Vsumcassane Persarum rege in Oriente, & cum Ioanne Huniade in Vngaria graui ac vario Marte conflixit; tandem anno Christi 1481. imperij sui 31. imperium multò maius, quam à patre acceperat, Baiazethi, & Zizimo filijs reliquit, tertius enim Mustapha natu maximus iuuenis acer, qui cum patre fortiter dimicarat còtra Vsumcassanem, Leonij paulò ante obierat. Sed Zizimus, quem Gienem etiam vocant velut imperij æmulus, post tres infelices contra fratrem pugnans, quas ope Suldani Aegyptij, & Caramanni inierat, fuga manus fratris victoris euasit in Rhodum, atque inde in Italiam venit, vbi diu vixit: princeps præclaræ indolis. Porro Baiazethes II. militari virtute & fortuna patre minor infelicer in Oriente contra Aegyptios primùm, deinde contra Persas, felicius verò contra Venetos in Græcia, & ante contra Vngaros, & Illyrios ad Sauum, fluuium bellum gessit. Quatuor habuit filios Scianficiam natu maximum, ante patrem mortuum; Achomatem Amasiz à patre præfectum, Corchum, & Selimum natu minimum, quos iam senex de successione contententes cum videret, Selimo demum natu minimo, sed ferocissimo gubernacula dimittere coactus fuit, qui patrem postea veneno necauit: item fratres, & fratrum liberos omnes euerit. Sic occupato imperio cù Hismæle Persarum rege in Oriente feliciter pugnavit, Syriam & Aegyptum debellatis Mameluchis imperio Othoma-

nico adiecit. Maiora parans octauo regni anno vix dum expleto è vita abiit, successoremque accepit filium vnicum, Solimanum ex Tartara Præcopitide susceptum; Solimannus Selimum II. Selimus II. Amurathem III; Amurathes III. Mahomethem III. & sic deinceps.

XIX. Est Respublica Veneta, cuius prima dicuntur iacta fuisse fundamenta circa annum Domini 421. Cum Attila, ex Gallia in Italiam regressus plerasque Istriæ & Insubriz vrbes diriperet, idemque excidium reliquis Italiæ vrbibus minaretur. Hinc enim potentissimi quique patria relicta, insulis, paludibus, stagnisve salutem suam permiscere, & hac necessitate etiam Venetia in Adriatici sinus ora, vbi riuus altior, & reliquis tutior videbatur, securitatis ergò edificari fuit cæpta. Primùm eam Consules gubernarunt exemplo Romanorum sic nuncuti: deinde Tribuni, ex singulis insulis singuli electi cum potestate perpetua, quorum cum circa annum vrbs condita 297. satias cepisset ciuitatem, Dux creari cepit velut ciuitatis totius princeps supremus, ad quem à Tribunis, qui relinquebantur præfecti insularum suarum, prouocatio esset; primusque dux creatus est Paulucius Anafestus Heraclianus suffragijs vniuersi populi, circa annum Domini 697. magnaque ei potestas permissa legum fixo minus adstricta. Paulutio mortuo successit Marcellus Heraclianus, Marcello Hipatus Vrsus, quem populus potestate abutentem, & ferocius insolentiusque agentem, concursu facto anno ducatus ipsius 11. occidit. Tum tædio potestatis ducalis loco ducis creatus est Magister Equitum, cui imperium tantummodo annum. Sed post quintum Magistrum Equitum, placuit ducem rursum eligere. Electusque est Theodatus Hipatus Vrsi filius circiter annum Christi 742. Atque id institutum durauit deinde in Repub. & peruenit ad nos, sed non sine crebra mutatione. Nam per aliquot secula eligendi arbitrium mansit apud vniuersum populum, celebrataque electio est sepe tumultuaria, vti

vti solet in magna confusaque multitudine fieri; deinde circa annum Domini 1170. indigna morte Vitalis Michaëlis optimi Ducis ira populi occisi, occasionem vt dicunt præbente, nouus modus eligendi ducem priore multò melior introductus est: à toto enim populo ad magnum illud Decemuirorum conciliū omnium nobilium aut patritiorum certis legibus formatum, & perenne institutum potestas illa translata est: à concilio verò viri optimi quadraginta sunt designati, qui ducem eligerent. Et primus hoc modo nouo electus fuit Dux Sebastianus Cianus, qui sine mutatione notabili, quæ ad rei summam perueniret, ad nos vsque peruenit.

XX. Est Respublica Genuensis, à principali ciuitate Genua sic dicta, quæ vt vetera eius omittam tempore, celebrior fieri capta est, cum primū eius habuit ab Imperatoribus eligendi præfectos, qui Rempubl. gererent. Dein creati consules annui diuersis temporibus diuerso numero bini, terni, quaterni, quini, seni, deni etiam. Et his additi alij, qui cum his velut Senatū constituerent, numero ferè 24. Anno demum Christi 1190. iubente Frederico Barbarossa Imperatore, qui idem passim in urbibus Italiæ instituisse scribitur, Prætor consulibus additus, quibus cum rempublicam administraret, & iudicia regeret. Atque is ex lege ferè peregrinus fuit. Antequam verò huiusmodi Prætorum vsus in Remp. fuit introductus, cum consules summum Magistratum tenebant, imperium suum ciuitas multū auxit, multa loca in ora Italiæ suæ ditioni subiecit, Corsicam Saracenis ademit, Sardinia quoque partem aliquādiu possedit, multasque alias vrbes in Oriente à Turcis postea occupatas. Post Prætores, præfecti etiam populi & Prætoribus additi iam singuli iam bini: & hi interdum omitti, interdum domestici, siue ex ciuibz lecti, interdum externi mira fluctuatione. Interim & factiones enatæ familijs primarijs grauiter inter se dissidentibus. Quibus cōpescendis ad crean-

dum ducem cum imperio plurium annorum deuentum. Quorum primum, Dominicū Fulgofum fuisse volunt aliqui, Simonem verò Boccanigrum alij, circa annum Domini 1339. Idque institutum durauit ad annum 1390. quo ob factiones Guelphorum, & Gibellinorum Rempublicam turbantes Ciuitas, in fidem se contulit Caroli Sexti Galliar Regis: qui eam duodecim post annos insolentia, vt dicitur præfecti sui amisit; & ex populi voluntate princeps eius factus est Ioannes Maria Vicecomes Mediolani dux. Sed hoc à suis occiso, dux rursū Genuæ creatus Georgius Adurnius, deinde alij, vsque ad annum Christi præter propter 1420, quo iterum Philippo Mariæ Ioannis fratri Mediolani Domino se ciuitas subiecit, ac in fide eius mansit annos 15. Post quos offensa enata nuncium ei remisit, seque reuocato creandi ducis more in libertatem rursū asseruit: qua tamen nihil tumultuosius per annos 17. donec anno Christi 1453. Petri Fregosi Ducis ope ciuitas in potestatem Galliar regis Caroli VII. relapsa est. Quo post octennium repudiato, cum priores seditiones redijissent in scenam, anno 1464, imperium vrbs Franciscus Sfortia tunc Mediolani principi vltra delatum est, & ab eo hereditibusque eius pacificè possessum per annos 14. Deinde Ioanne Galeaceo Sfortia reiecto, duces rursum electi fuerunt; sed denuo post decennium Ioanni Galeaceo imperium est restitutum; à quo ad patrum Ludouicum Sfortiam, ab hoc ad Ludouicum XII. Galliar regem cum ipso Mediolano peruenit. Sed nec hic, nec successor eius Franciscus I. tranquillam ac non interruptā eius possessionem ob rerum Mediolanensium vicissitudines tenere potuit. In his enim fluctibus Genua cum à Gallis teneretur, anno Christi 1522. à Prospero Columna summo exercitus Caroli V. & aliorum duce capta, ac toto triduo à militibus sædè direpta, imperioque Gallorum erepta fuit. Post quinquennium tamen fluente anno 1527. ab eodem Gal-

Galliæ rege recepta, ac paulo poſt libertate donata eſt. Tum auctore Andrea Auria noua reipublicæ forma ei data. : ducis poteſtas biennio finita, ſucceſſio ſorti tributa: duci additi gubernatores 8. ac procuratores totidem, & Syndici 5. ſtatutum vt duces Magiſtratu abeuntes inter procuratores ſederent quoad uiuerent, vt ſingulis ſemeſtribus bini gubernatores tranſirent in collegium procuratorum, ac viciffim totidem procuratores in collegium gubernatorum, arque ita in curanda Repub. ſinguli coadiuuarent per quadriennium, biennium nimirum in hoc, & alterum biennium in collegio altero, quæ forma paucis mutatis ad hæc vſque tempora fuit conſeruata.

Tantum de præcipuis regnis ſub decurſu quartæ Monarchiæ extantibus, ad plenam quorum notiitiâ conſulendi ſunt ſinguli vniuſcuſque hiſtorici, ad copiâ citati in Bibliotheca ſelecta Poſſeuini, in Indice vniuerſali Iuſtiniani, in arcana ſtudioꝝ omnium methodo Alexandri Ficher, & alijs Bibliothecarijs; vnde libenter hic ab illis referendis ſuperſedeo, & ad loca Scripturæ tranſeo quibus dilucidandis inſeruire poteſt notiitia rerum hiſtoricarum quartæ Monarchiæ.

Adducuntur loca Sacra Scriptura, quorum intelligentia poteſt inſeruiri hiſtoria quarta Monarchia.

Quartam tandem & vltimam Romanorum Monarchiam Danielis cap. 2. v. 33. & 40. per tibias ferreas, pedesque partim ferreos, partim ſiſtiles præfigurata eſt; quod enim aliqui hæretici Porphyrium ſecuti dicunt, tam hic per quatuor metalla, quam cap. 7. per quatuor beſtias intelligi 1. Babylonios. 2. Perſas. 3. Alexandrum Magnum, 4. Alexandri ſucceſſores, vſque ad Antiochum Epiphanem; hoc, inquam, facile arguitur erroris; primò quia in vtraque viſione, expreſſè numero quartum, à tribus antecedentibus diuerſum, & diſtinctum regnum, vi interpretationis Propheticæ ponitur. Daniel. 2. vet. 40. *Et regnum*

Biblioth. Theol. Tom. IV.

quartum erit velut ferrum; & cap. 7. v. 17. Ha quatuor magna beſtia quatuor ſunt regna, quæ conſurgent de terra; atqui regnū ſucceſſorum Alexandri, puta Seleucidarum, & Lagidarum non fuit diſtinctum regnum à regno Græcorum; Ergo regnum ipſorum nõ poteſt per pedes partim ferreos partim ſiſtiles, aut per quartam beſtiam intelligi. Secundò quia, euentus rerum ſub Romanorum Monarchia, vſque ad hunc præſentem diem, longè preſtius & exactius cum dictis viſionibus conueniunt, quam conuenire cum Seleucidis, & Lagidis, à Franciſco Iunio, Polano, & alijs hæreticis finguntur, id quod patebit ex ſequentibus.

Primum igitur Romanum imperium comparatur ferro, non ſolum ad ſignificandum ratione vilitatis præ alijs tribus metallis, vltimum eius in ordine locum, ſed ratione duritiei præſertim ſummam fortitudinē in domandis & ſubiugandis omnibus gentibus, Scriptura ipſa ita declarante: *Quomodo ferrum comminuit, & domat omnia, ſic comminuet & conteret omnia hæc.* Sicut, inquam, ferrum emolliſcit, & conterit aurum, argentum, & æs, (ex eo enim mallei ſinguntur, & incudes) ſic Romana potentia vires confregit eorum, quos aurum, argentum, & æs adumbrabant. Quod tamen parimodo ac de ſuperioribus regnis diximus, ſumendum eſt hiperbolicè, dum aſſeritur regnum Romanorum omnia regna mundi comminuiſſe. Certum eſt enim, & ex Appiano conſtat in præmio Hiſtoriæ Lybica ſuis etiam ſinibus terminatum, ita vt latiffimè quidem, ſed non vſquequaque paterit; fuit enim terminus eius Occidentalis extremitas Hiſpaniæ; Orientalis Euphrates, Taurus Armenia; Septentrionalis Rhenus & Danubius; Australis Aethiopia. Vſque adeò, vt vel ob id Romani Terminum Deum coluerint, qui ſcilicet limitibus imperij præſideret, ne modo villo retrocederēt, ſed immobiles eo protegēte remanerent. Quod Tarquinius augurio firmatū volens finxit, Terminum Deum ne Ioui quidem voluiſſe loco cedere in Capitolio, vt re-

D d d d

ſeſſe

fett D. August. lib. 4. de Ciuitate Dei cap. 23. Certos igitur reip[s]a habuit limites Monarchia Romanor[um], quia tamen amplissimos, hinc ortæ Scriptorum non solum prophanorum, sed etiam sacror[um] exaggerationes; nam Lucæ cap. 2. dicitur exiisse edictum à Cæsare Augusto *ut describeretur vniversus orbis*. Et D. Christostomus in 1. cap. Isaïæ. *Quatenus Sol, inquit, terram spectat, principatus Romanorum patet*. Et D. August. lib. 18. de Ciuit. Dei cap. 22. *Per eam, scilicet Romanam, placuit Deo orbem terrarum debellare, & in vnā societatem Reipublica legumque perductum longè, latèque pacare*.

Secundo Romanorum imperium in statua comparatur tibijs, cuius multæ adducuntur rationes. Prima, quia sicut tibiæ humani corporis infima, & vltima pars est: ita Romanorum imperium postremum fuit, & vt infra dicemus, vsque ad tempora Antichristi, & consummationem mundi aliquo modo perdurabit. Secunda, quia sicut tibijs ingredimur, & eutrimus, ita Romani belligerando, & vincendo vniuersum orbem peragrarunt. Cæsar Baronius tom. 2. Annal. refert, triginta duas legiones habuisse Romam ad conseruationem imperij, quas per omnes prouincias sparsas alebat. Tertiò, in tibijs quarum magnum est robur, & firmitas, quippè omne corporis pondus illis fulcitur, ac sustinetur, significatur firmitudo, & Robur animi Romanorum, sufficiens ad tantam impetij molem subeundam, & sustinendam. Postremò, vt in tibijs multum est carnis, & ossis, ita vt in carne teneritudo, & molitudo sit, in osse duritia, & firmitudo: sic in Romanis magna fuit vis, & firmitas ad eos, qui repugnabant ipsis, comminuendos & domandos: magna item humanitas & clementia, & fides erga sibi deditos & subiectos, quibus de rebus laudantur in lib. 1. Maceabæorum cap. 8.

Tertiò ad significandam Imperij Romani diuisionem, ac veluti dismembrationem, subditur: *Porro quia vidisti pedum, & digitorum partem testa figuli, & partem ferream: regnum diuisum erit, quod*

tamen de plantario ferri oriatur, secundum quod vidisti ferrum mistum testa ex luto. Et digitos pedum ex parte ferreos, & ex parte fideles: ex parte regnum erit solidū, & ex parte contritum. Priusquam tamen expendamus quænam sint illius regni partes tam dissimiles; aut quæ sit illius regni tanta diuisio; breuiter explicandū est, quomodo pedum statuæ quædā pars ferrea, quædam autem fictilis, siue terrea dicatur. Aliqui interpretes putant eiusmodi pedes conflatos fuisse ex ferro non puro, sed mixto cum terra, siue quod idem est ex ferro, & luto commixtis. Primò quia disertè ait Daniel v. 33. *ferrum testæ in pedibus fuisse petmixtū*. Secundò quia ver. 43. hæc permixtio ferri cum luto significatur & explicatur per commixtionem seminis. Tertiò, quia si altera pars pedum tota fuisset ferrea, alia tota lutea, non diuersos imperij status, sed diuersa potius imperia significaret: nec enim minus à ferro testæ, quam ferrum ab ære, auro & argento distat. Alij opinantur totos esse ferreos huius statuæ pedes, & ex illis digitos erumpere partim ex ferri partim ex luti solidæ materia. Dum enim in textu habetur: *Pedum quadam pars erat ferrea, quadam autem fictilis*; ibi partes duæ videntur significari diuersæ, quarum altera è ferro puro; altera è puro luto videtur esse formata. Deinde quia ex ferro, ac luto nulla fieri potest compositio, vt ipse Daniel docuit ver. 43. *Sicut ferrum misceri non potest terra*; Et id satis indicat Plantarij nomen, quod habetur ver. 41. quodque non tam significat plantam pedis, quam locum plantandis arboribus destinatum, quod nos seminarium appellamus, seu stirpē, quæ nouellas plantas fundit, & continet. Vt enim de Plantario erumpunt, aut plantæ, aut rami; sic etiam ex pede, qui quoddam quasi plantarium, aut stirps est, pullulant digiti tanquam rami, aut plantæ nouellæ, ac teneræ. Vtraque sententia est probabilis, reique significationi accommodari facillè potest.

Nunc ergò videndum est de ipsa signifi-

gnificatione diuisionis, siue, quomodo Imperium Romanorū sit diuisum? circa quod diuersa sunt placita; Rabbi enim David in cap. 2. Zachariæ, quod mixtum est placere potuisse Montano. eodem loco, putat hic significari quintum Imperium, nempe Madianitarum, seu Turcarum. Sed errat: Daniel enim tantum quatuor hic consignat, & de quarto ait, quod in eo ferrum permiscebitur testæ. Deinde cum de eodem ait, *Regnum diuisum eris*, planè significat idem regnum fore, sed in se diuisum. Similiter vers. 42. cum ait, *Regnum partim eris solidum, & ex parte contritum*, clarè indicat se non aliud regnum nouum, sed eiusdem regni, de quo egerat, diuersos status significare. Sunt ergo alij, etiam Rabbinij, & cum illis Galatinus lib. 4. cap. 25. qui duo regna ex luto, ferroque composita, ac deinde diuisa, Romanorum esse putant, & Hebræorum, qui sedes inierunt Macchæorum tempore, ut constat ex lib. 1. Machab. cap. 8. & 12. Illud verò *commiscebuntur humano semine*, in Herode Alcalonitæ implctum esse volunt, quia à Romanis Iudææ rex institutus est, & ex Iudæorum genere uxorem duxit Hircani regis, & summi Sacerdotis filiam, quo regnum haberet magis sociali sanguine confirmatum. Sed neque hæc sententia plus habet momenti ac fidei, quam antecedens. Primò, quia non tam dicit propheta ex duobus compositum iri regnum vnum, quàm vnum, nempe Romanum in duo esse diuidendum. Secundò hic agitur ex instituto de regnis Iudæorum populo contrarijs, non verò de fœderatis. Tertiò quo tempore fuit inter Iudæos, atque Romanos initum fœdus, nondum stabilitum erat Romanorum Imperium, cum adhuc in Antiocho, ac Ptolomæo Græcum extaret, immo & floretet.

Melius ergò cum alijs dicendum est Imperij Romani diuisionem hic sumi, vel pro diuerso gubernandi modo, qui permixtus fuit cum veteri Romanorum administratione, ut docet Maldonatus, vel pro diuersis regnis in principio eius dominatiui adiunctis, quorum alia maio-

Biblioth. Theol. Tom. IV.

ra, alia minora erant, sicut digitorū non est æqua magnitudo; alia ferrea, fortia videlicet & strenua, & perferendis belli molestijs idonea, qualia fuerunt Gallica, Hispanica, Græca, & alia plura; alia mollia & scissilia, ut Aegyptus & alia Asiatica prouinciæ. Itaque dum dicitur: *Quod autem vidisti ferrum mixtum testæ, commiscebuntur quidem humano semine, sed non adharebunt sibi, sicut ferrum non potest miseri testæ, hunc facit sensus*, multa prouinciarum, atque adeò hominum genera continebit imperium (semina enim posuit pro diuersitate hominum) sed non adharebunt sibi, nec sociabuntur diu, sicut nec testæ ferrum miseri potest, ac adeò totum tandem imperiū dissoluetur. Vel tertio hæc diuisio refertur ad notabiles illas diuisiones, quibus ut vidimus supra, Romanum Imperium miserè dilaceratum, ac imminurū fuit. Vel tandem quarto in digitis, qui extremi sunt in animalium pedibus, & numero decem intelliguntur decem illi postremi reges, in quos Romanum diuidetur Imperium; de quibus in visione sequenti.

Rursus igitur Imperium Romanum Danielis cap. 7. per quartam bestiam denotatur, quam Propheta non nominat, sed sola periphrasi descriptam proponit vers. 7. *Post hæc aspicebam in visione novis, & ecce bestia quarta terribilis, atque mirabilis, & fortis nimis: dentes ferreos habebat magnos, & comedens, atque comminens, & reliqua pedibus suis cocculeans. Dissimilis autem erat cæteris bestijs, quas videram ante eam, & habebat cornua decem.* vers. 8. *Considerabam cornua, & ecce cornu aliud paruulum ortum est de medio eorum: & tria de cornibus primis enulsa sunt à facie eius: & ecce oculi, quasi oculi hominis erant in cornu isto, & os loquens ingentia.* Hætenus Propheta, ubi primum occurrit dubium, cur hæc bestia quarta non fuerit peculiari nomine, vel specie indicata per illum, ut tres præcedentes. Porphyrius, homo, vel ad mentiendum, vel ad errandum penè factus, ait id ita factum esse, quoniam tertia, &

D d d d 2 quar-

quarta bestia non significant duo regna diuersa, sed vnum tantum Græcorum, quod quidem, pro vt fuit sub Alexandro comparatur Pardo; provt autem fuit sub successoribus eius, comparatur bestia innominata, quod à pluribus non poterit vnum nomen accipere. Verum hæc interpretatio conuincitur falsa, primum ex contextu, in quo Angelus visionem explicans Danieli: *Hæ quatuor bestie, inquit, quatuor sunt regna; & paulo post: Bestia quarta, regnum quartum erit, quod maius erit omnibus regnis.* Deinde Scriptura hic asserit, quartam bestiam fuisse ferociorem, & potentiorẽ prioribus tribus, at regnum Græcorum non fuit potentius penes Alexandri successores, imò longè infirmius, & obscurius. Manet ergo certum contra Porphyrium, per quartam bestiam significari quartum distinctum Imperium.

Hebræi, vt hic refert D. Hieronymus more suo nugando asserunt, vel potius diuinant hanc quartam bestiam fuisse apum, propterea quod in Psalmo 79, in quo de Republica Iudeorum agitur, quam destruxerunt Romani, ita scriptum est: *Exterminauit eam aper de sylua, & singularis ferus depastus est eam;* Sed hæc quoque sententia deficit, quoniam aper non est robustior, neque ferocior leona, vrsus, & pardo, quod tamen Daniel affirmat de quarta bestia,

Est ergo omnium sententia significari per quartam bestiam Monarchiam Romanorum, cuius speciem & nomen tacuit Propheta, vel quoniam apud Romanos varia fuit administrandi ratio, modo regalis, modo consularis; postea partim consularis, partim tribunitia; nonnunquam etiam dictatorialis: tandem imperialis. Vnde modus ille multiplex & varius neque vna bellua, neque vno symbolo significari potuit. Vel rectius ex D. Hieronymo, vt ferociorem exprimeret. *Satis miror, inquit, quod cum supra Leonem, vrsum, pardum in tribus regnis posuerit, Romanum regnum nulli designata bestia compararit? Nisi forte vt formidolosam faceret, vocabulum tacuit, vt*

quidquid ferocius cogitauerimus in bestiis, hoc Romanos intelligamus. Vtrum cum Romanum imperium possit considerari dupliciter, vel ante, vel post Christi aduentum, priusquam ad explicandum, minutius textum accedamus, breuiter examinandum est, an quarta bestia imperium exprimat Romanum, quod Christi primum aduentum antecessit; an etiã quod ab illo ad suum vsque occasum propagatum est. Aliqui enim hæretici apud Maldonatum, de illo Romanorum tempore institutum esse putant hoc vaticinium, quod Christum narum antegressum est. Quod ideo sibi persuadent, quia eodem videtur spectare hæc visio, quo illa quæ oblata fuit supra cap. 2, Chaldeorum regi. At ibi in statue parte ferrea Romanorum imperium notabatur, quod Christi antecessit ortum. Quod ex eo videtur verisimile, quia lapis excisus sine manibus statuam illam variam, quæ quatuor sustinebat imperia, ita deiecit, vt ex ea pars nulla reliqua fuerit. Quare vt tria alia imperia destruxit, sic etiam Romanum.

Nihilominus opposita sententia est omnino tenenda, quod hæc visio ad extrema etiam tempora Romani imperij se extendat. Non enim apparet, quinam sint illi decem reges in decem cornibus expressi: aut exiguum illud cornu, de quo tam mira à Daniele prædicuntur, nisi postremum imperij tempus intueamur. Et quidem Ioannes Apocalips. cap. 17. in decem bestiarum capitibus idem cernit, quod Daniel in totidem bestiarum cornibus, decem nempe reges: At Ioannes annis à Christi exortu pluribus hæc prædixit, tanquam futura. Igitur dicendum est hanc visionem ad tempus Romani imperij referendam esse, tam quod antecessit, quam quod consecutum est primum Christi aduentum. Ad rationem autem dubitandi responderet utrâque visionem se extendere ad vtrumque Romani imperij tempus, tam antecedens, quam subsequens augustissimum Christi Domini aduentum; quatenus non statim, ac subito, sublata est idololatria,

Sectio VIII. Caput VIII. 581

latria, sed paulatim & per temporum interualla, nunc his, nunc illis regnis ad fidem Christi conuersis, qua generali, & continuata conuersione regnum Christi spirituale in dies auctum, ac feliciter stabilitum est; præsertim quando Constantinus Magnus ad fidem conuersus, se primum, imperiumque suum Christi imperio deuotè submisit: Quod enim dicitur Lapidem mysticum, hoc est, Christum, destruxisse omnia regna mundi, etiam Romanum, non tam intelligi debet, quo ad temporalem eorum dominationem, quam quo ad idololatriam, destruendo scilicet idola, quæ in mundo regnabant: ideo namque prædicta regna, sub specie immanis illius idoli, vilis est comminuere præcisus è monte lapis.

Constituto ergò quod bestia quarta sit Monarchia Romanorum, quodque illam exprimat tam vt antecessit, quam vt consecuta est aduentum Christi primum. Septem illi tribuit epitheta Daniel, vocando primo *terribilem*; secundo *mirabilem*, id est stupendam; tertio, *forte nimis*: Quarto ait eam habuisse dentes ferreos & magnos, id est magnos fortesq; exercitus: bestie enim arma sunt dentes. Quinto, vocat *bestiam comedentem atque comminuentem*, id est discerpentem, quod homines quasi deuorare videretur, ad significandam famem & ingluuiem populi Romani, qui nihil videbat pulchrum, & eximium quod non appeteret, nihil quod non tentaret. Sexto, dicit eam reliqua quæ non comedit & comminuit, pedibus suis conculcasse, vt faciunt bestie, quæ homines non comedunt, nec occidunt, sed conculcant: quo significat fore vt Romani, quos non occiderint, partim præsidij militum, partim tributis subigant. Hinc Romanorum Præture & Proconsulatus, quorum id erat munus, vt tributa in vrbem transmittenda exigent, & per milites præsidarios continerent in officio prouincias. Vnde Marcus Tullius scribens ad Quintum fratrem de præfectura Asiatica, duo com-

mendat, & Publicanorum curam ad exigenda tributa, & militum præsidia ad confirmandos, vel potius conculcandos Prouinciales. Septimò dicit eam decem cornua habuisse, id est decem reges, vt ait Angelus, qui erunt sub finem mundi ante iudicium, in quos diuidendum est imperium Romanum, quique imperium illud post sæcula terminabunt, sicut decem digiti in superna visione totam statux molem definiunt, & absoluunt; sed de his vide interpretes, Cornelium à Lapide tam hic, quam in cap. 17. Apocalips. Gasparem Sanctium & alios, qui de regibus his, aut illorum numero non omnino consentiunt; Sicut nec de vndecimo rege in exiguo cornu figurato; de quo eodem versu 24. dicitur. *Et alius consurget post eos, & ipse potentior erit prioribus.*

Vt enim omittam Porphyrium in vndecimo, aut pusillo cornu Antiochum Epiphanem adumbrari putantem; cuius sententiam impugnat Hieronymus, Theodoretus; hæreticos Lutheranos per hoc cornu accipientes Romanum Pontificem, sed insulse & absurde, vt faretur ipse Caluinus, alias capitalis eius inimicus. Ex doctoribus Catholicis, alij in paruo cornu Mahumetem impiæ sectæ Principem, & authorem considerant, aut, quod idem ferine est, Turcarum imperium, quod initium habuit ab ignobili & obscuro Mahumete; alij vero cornu hoc pusillum Antichristum esse dicunt; quæ est magis vera, communisque sententia. Ergò dicamus, ait S. Hieronymus, quod omnes Scriptores Ecclesiastici tradiderunt in consummatione mundi quando regnum Romanorum destruendum est decem futuros reges, quasi decem cornua, qui orientur quidem ex Romano imperio, sed non erunt Romanum imperium, qui orbem Romanorum inter se diident, tumque vndecimum cornu paruum, id est regem parvulum surrecturum, (scilicet Antichristum) obscuro loco natum, & plebeium, qui sensim crescens tres reges de illis decem superaturus est, scilicet, regem

gem Aegypti, regem Africæ & regem Aethiopiæ, quibus intersectis etiam reliqui septem reges illi victori colla submittent. Ita S. Hieronymus,

Porro subditur; *& ecce oculi, quasi oculi hominis erant in cornu isto*; vel ad significandam humanam sapientiam & prudentiam Antichristi, qua multos seducet, inquit Theodoretus; vel ne diaboli fore putemus, vti aliqui putarunt; sed hominem, in quo totus Sathanas habitaturus est corporaliter. Habebit etiam, *os loquens ingentia*, siue vt habetur vers. 25. *sermone contra excelsum loquetur*; id est, contra verum Deum, qui frequenti Iudæorum sermone altissimus vocatur; quia illum maxime laudari audiet, quæque ex hominum mentibus extorqueri molietur. *Et Sanctos altissimi conseres*; id est Christianos, qui hoc loco Sancti dicuntur altissimi; quorum aliqui neque muneribus, neque doloribus succumbent; alij verò, qui pauci non erunt, non nisi vi aut muneribus adacti patriam ac veram religionem abiurabunt. *Et putabis quod possit mutare tempora & leges*; id est statuta tempora, puta statuta, vt Paschæ, Pentecostes, Dominicæ &c. quia nouum Antichristus cultu, nouas solemnitates, nouamque suam sectam & religionem inducet. In temporibus enim per metonymiam significari illa, quæ sunt in tempore, satis est notum, quomodo Kalendas, & Neomenias vocatus illa sacra, quæ principio mensis obibant Iudæi. *Et tradentur in manum eius usque ad tempus, & tempora, & dimidium temporis*; id est, permittet Deus Antichristi furorem aliquandiu in Sanctis impune grassari; non tamen diu, neque enim excedet illius imperatoria potestas, & tyrannicus furor ultra tres annos cum dimidio. Sanctus enim Hieronymus, Theodoretus, S. Augustinus lib. 20. de ciuitate Dei cap. 25. Irenæus lib. 5. cap. 30. & passim veteres, per tempus accipiunt annum, per tempora duos annos, per dimidium temporis, dimidium annum.

Probatur id primo, quia ita se ex-

plicat Daniel cap. 12. cum enim ver. 7. dixisset desolationem Antichristi duraturam in tempus, & tempora, & dimidium temporis; mox ea vers. 12. explicat dicens. *A tempore quo ablatum fuerit iuge sacrificium, & posita fuerit abominatio in desolationem, dies mille ducenti nonaginta*, qui circiter tres annos cum dimidio efficiunt. Secundò, quia ita, explicat S. Ioannes Apocalips. 12.6. cū ait mulierem id est Ecclesiam, tempore Antichristi fingisse in solitudinem per dies 1260. qui faciunt tres annos cum dimidio, & rursus v. 4. ait, datas esse mulieri alas, vt volaret in solitudine, vsque ad tempus & tempora & dimidium temporis; & cap. 13. datam esse ait potestatem Antichristo per menses 42. qui pariter tres annos cum dimidio efficiunt. Tertiò, quia erit tunc acerrima persecutio: vnde Deus illi tam breue tempus constituit, ne in errorem inducantur electi, qui vtiq; caderent, si illa diutius duraret, vti ait Christus Matth. cap. 24. *Eris enim tunc tribulatio magna, qualis non fuit ab initio mundi usque modo neque fiet; & nisi breuiati fuissent dies illi, non fieret salua omnis caro; sed propter electos breuiabuntur dies illi*. Quarto quia decet, vt Antichristus à Deo non permittatur diutius regnare, & prædicare, quam Christus, qui tres duntaxat annos cum dimidio Euangelizauit.

Hinc patet perperam nonnullos hos tres annos cum dimidio, referre ad persecutionem Antiochi, non solum quia Antiochus ad tertiam, non autem ad quartam bestiam, siue Monarchiam pertinuit, sed præsertim quia post hos annos mox, *Iudicium sedebit, vt regnum detur populo Sanctorum; cuius regnum, regnum sempiternum est, omnes reges seruiunt ei, & obediunt*, vti subdit Daniel. Peius alij referunt hos annos ad tempus quo Nero alijque imperatores Romani Domitianus, Traianus, Antoninus, Severus, Aurelianus, Decius, Maximianus, Valerianus, & Diocletianus persecuti sunt Ecclesiam: Omnium pessimè

Sectio VIII. Caput VIII. 583


finem aliqui nostrorum temporum hæ-
 retici, qui volunt per hæc non certum,
 sed incertum tempus, quo regnabit An-
 tichristus, id est Pontifex Romanus, si-
 gnificari. Vt enim alias rationes omit-
 tam, quæ videri possunt supra, ubi egi-
 mus de Summo Pontifice; quomodo,
 dicente Christo Domino dies persecu-
 tionis Antichristi propter electos esse
 breuiandos, Antichristus Pontifex Ro-
 manus ab homine sani cerebri existimari
 poterit, cum iam pridem Christi vica-
 rius in Petri sede per multa sæcula se-
 deat. Tantum de his & in vniuersum
 de historia, quantum per modum Ila-
 gogæ sufficit Theologo, ut illa deinceps
 uti possit, pro perfecta studij Theolo-
 gici ratione: nunc de Scriptoris hi-
 storix, tam quatuor Monarchiarum,

quam aliorum regnorum eis, ut vidimus
 Synchronorum agendum esset; verum
 cum ad copiam citati reperiantur ab
 Antonio Posseuino in Bibliotheca sele-
 cta, à Iustinianno in Indice vniuersali,
 ab Antonio Fichet, in arcana studiorum
 omnium methodo, & magis methodicè
 à Gabriele Bachelino in Auctario, siue
 Nuclei Historici parte secunda, ubi pri-
 mum historix semitam per diuersorum
 seculorum authores & Scriptores, ceu
 viz duces Chronologicè demonstrat:
 deinde eorundem magis celebriū Scri-
 ptorum historix initium siue finem Chro-
 nologicè pariter exhibet: inde sit huius
 Sectionis, totiusque libri tertij finis ad
 maiorem Dei gloriam, Virginisque Ma-
 tris, & omnium Sanctorum. Amen.

Finis Tomi Quarti.



INDEX



I N D E X

A L P H A B E T I C V S

Præcipuarum rerum in hoc quarto Bibliothecæ
Theologicæ tomo contentarum.

Primus numerus paginam, secundus, ubi adhibetur, columnam indicat.

A



ERA quid sit. pag. 465.
Aera nobiliores afferuntur. pag. 465.

De Anemographia, seu ventorum descriptione. pag. 390.

De Animalium historia. pag. 476.

Quam sit utilis S. doctrina eius notitia. pag. 483.

De Anno, varijque eius divisionibus. pag. 358.

De anni Iuliani, seu Gregoriani caracteribus. pag. 361.

Apostoli scientijs naturalibus ubi sunt. p. 9. col. 1. & 2.

De Archiæctonica, primaque eius origine. pag. 392. due principales eius partes, una Generalis altera specialis. ibid. & sequent.

De Arithmetica pag. 320. & sequent. quæ utilis S. Doctrina 326.

Artium diuisio pag. 16. & sequent.

Artes facilius quam utiles sacra doctrina studio. pag. 457.

De Astrologia iudiciaria. pag. 392. & sequent.

De Astrologia, & quam sit utilis sacra doctrina. pag. 370.

De Astronomia. pag. 340.

B

DE Monarchia Babylonica, seu Assyriaca, vide verbo Monarchia.

Biblioth. Theol. Tom. IV.

C

DE Chiromantia. pag. 297.

De Chronologia, seu Chronoscopia. pag. 343.

Quam utilis S. doctrina studio. 371.

De Coniectatione physica, seu naturali, & eius speciebus. 221.

De Coniectatione Politica, seu de sortibus. pag. 299.

De Cosmographia, eiusque partibus Geographia, Idrographia, & Anemographia. 373.

Quam sint utiles sacra doctrina studio. pag. 391.

D

Dialectica nomen, existensia, origo. pag. 47. & 48. quod sit scientia. ibid. & pag. 50.

Quodnam sit eius obiectum. pag. 49. eius diuisio in decentem & uicentem. pag. 51. eius necessitas. pag. 53. ipsius finis, & inde partitio. 54.

De secundis intensionibus quibus dirigitur prima mentis operatio. pag. 55. de Vniuersalibus in communi. ibid. & sequent. de Genere. 58. de Specie. 60. de Differentia. 62. de Propria. 65. de Accidente. 66. de Individuo. 68. de Categorij Aristot. 70. de primo Antepredicamento. ibid. de secundo & tertio. 73. de quarto. 74. de predicamentis. ibid. & seq. coordinatio predicamenti substantia. 76. coordinatio predicamenti quantitatis. 77. coordinatio predicamenti

Eccc

menti

I N D E X

- menti qualitatibus. ibid. coordinatio predicamenti relationis. 80. coordinatio predicamenti actionis & passionis. 81. coordinatio predicamenti ubi. 82. coordinatio predicamenti situs. ibid. coordinatio predicamenti habitus. 83. de Postpredicamentis. 84. de oppositione. ibid. de modis prioris. ibid. de modis simul. 85. de motu. ibid. de modis habere. ibid. de natura signi in communi. 86. de divisione eius. 90. de varijs terminorum definitionibus. 95. item divisionibus. 97. proprietatibus. 103. de regulis illorum suppositionibus et appellationibus dignoscendis. 105.
- De secundis intentionibus quibus dirigitur secunda mentis operatio. pag. 107. de Oratione. ibid. de modis sciendi. 109. de definitione. 110. de divisione. 112. de propositione. 113. de eius divisionibus. 114. de proprietatibus. 116. de modo quo inter nomina prima, & secunda intentionis propositiones fieri possunt. 119. de propositionibus modalibus. 122. de hypotheticis. 125. de exponibilibus. 128.
- De secundis intentionibus quibus tertia mentis operatio dirigitur ex duobus libris de priori Analyti. 129. de Argumentatione in communi, eiusque partibus, & speciebus. ibid. de legibus communibus argumentationum, nec non & de earum defectibus. 132. de Argumentatione condicionali, & causali earumque regulis. 136. de Inductione. ibid. de Syllogismo, eiusque materia, & forma, divisioneque inde pronemiente. 138. de principijs quibus innititur ars syllogizandi. 140. de Regulis tam communibus trium figurarum, quam specialibus vniuscuiusque. 141. de reductione Syllogismorum imperfectorum ad perfectos. 142. de inventionem Medij. 144. de modo, & exercitio disputandi. 145.
- Ex duobus libris de Posteriori Analyti, de praequisitis ad demonstrationem, scilicet de praecognitiis, & praemissis. 147. de essentia & divisionibus demonstrationis. 193. de Scientia, quae est effectus demonstrationis. 155. de vniase & distinctione scientiarum. 159.
- Ex octo libris Topicorum, de Syllogismo opinatio, locisque Topicis in communi. 162. de duobus Elenchorum libris. 164. de Methodo quarta dialectices parte. pag. 168.
- E
- Q Vid sit Epocha. 464. & 466.
Nobiliore Epocha asseruntur. 467.
de Ethica. 425. & sequenti.
- G
- DE Geographia. pag. 373.
De Geometria primaeque eius origine. 334.
Eius divisio. 335.
Quanta sit eius utilitas ad sacram doctrinam. 338.
De Gnomonica, siue de horologijs Sciotheticis, varijsque eorum generibus. 366.
De Grammatica, eiusque partibus. pag. 20. & sequenti.
- H
- DE Hebraeorum mensibus. pag. 354.
De Politia eorum sub Monarchia prima. 493. sub secunda. 513. sub tertia. 532.
De Historia, varijsque eius divisionibus. pag. 460.
Ordo ac methodus eam legendi. 464.
De Historia ab orbe condito usque ad primam Monarchiam Babylonicam. 486.
De Historia sub quatuor primis Monarchijs. 483. & deinceps.
De Horologijs Sciotheticis, varijsque illorum generibus. 366.
De Hydrographia. 383.
- I
- DE Iure Civili. pag. 447.
Prima eius origo. 448.
Institutionum Iuris Oeconomia. 449. Pag.

ALPHABETICVS.

Pandectarum, seu Digestorum Oeconomia.
pag. 450.
Codicis Oeconomia. 453.
Novellarum Oeconomia. 453.
Iuris vniuersi methodica distributio. 454.

L

L *Vminis naturalis, & supernaturalis concordia.* pag. 9. & 10.

M

D *E Machinatura, & eius partibus.*
pag. 403.
De Magia vniuersim sumpta. 267.
De Magia naturali, seu physica. *ibid.*
De Magia artificiali. 269.
De Magia Daemoniaca, eiusque prima specie, quæ vocatur Goetia, siue Magia specialis, & nigra. 271.
De Maleficio altera Magia Daemoniaca, seu nigra specie. 278.
De Nugatoria, seu vana obseruantia tertia Magia Daemoniacæ, seu nigra specie. 284.
De diuinatione quarta & vltima Magia Daemoniaca specie. 286.
De Mathematica. 319.
De Medicina, eiusque definitione. 302.
Medicina siue Medicorum tres gradus, aut sectæ. 303.
Eius diuisio in speculatiuam, & practicam. *ibid.*
Ratione obiecti materialis in Physiologiâ, & Anatomem; formalis verò in Hygienem, Prophylacticam, & Terapeuticam *ibid.* & sequens.
Quantum sit utilis eius notitia S. doctrina studio. 315.
De Metaphysicâ. pag. 493. pars eius prima de ente. 404. Secunda de proprietatibus entis. 412. Tertia de diuisione entis. pag. 416.
De quatuor primis Monarchiis. 487.
De prima Monarchia Assyriaca, vel Babylonica. 488.
Catalogus regum eius in dynastia prima 489. in secunda. 490. in tertia. 491.
Biblioth. Thcol. Tom. IV.

Reges Medorum post diuisionem huius Monarchiæ sub Dynastia secunda.
De Regnis huic Monarchia Synchronis.
pag. 494.
Notitia rerum huius Monarchiæ, quam sit utilis studio S. doctrina. 497. & seq.
De secunda Monarchia Persarum. 508.
Catalogus Regum Persarum, qui donec hoc regnum fuit Monarchicū dominati sunt.
pag. 509.
De Regnis huic Monarchia Synchronis.
pag. 515.
Notitia rerum huius Monarchiæ, quam sit utilis sacra doctrinæ studio. 518.
De tertia Monarchia Græcorum. 526.
Catalogus Seleucidarum Regum Syria, & Orientis. 527.
Catalogus Regum Macedonia post Alexandrum Magnum. 529.
Catalogus Lagidarū Regum Aegypti post Alexandrum Magnum. 530.
Quam sit utilis S. Doctrina studio notitia rerum huius Monarchiæ 534.
De quarta Monarchia Romanorum. 544.
Synchronismus Ecclesiæ sub decursu illius 552.
De Regnis huic Monarchia Synchronis.
pag. 559.
Quam utilis sacra doctrina studio notitia rerum illius. 577.
De Philosophia Morali. 624.
Eius diuisio in Ethicam, Oeconomicam, & Politicam *ibid.* & seq.
De Musica primæque eius origine. 327.
Eius partes. 329.
Ad eius perfectionem duodecim potissimum requiruntur. 332.
Quam sit utilis sacra doctrina eius notitia. 333.

N

D *E Arte Nautica, eiusque prima inuentione.* pag. 385.
De Nauibus quo ad eorum fabricam, distinctionem, & administrationem. *ibid.*
De prima pixidis Nautica inuentione, & vſu 387.

I N D E X

O

DE Oeconomia secunda Philosophia
Moralis parte. 426.

De Optica, eiusque partibus. 398.

Quam sit utilis studio Sacra Doctrina.
pag. 401.

P

DE Physica. pag. 173. eius obiectum
materiale, & formale. ibid. digni-
tas. 175. diuisio, & primum de octo li-
bris Physicorum. ibid. quamque illorum
notitia sit utilis sacre doctrina. 177.

Secunda pars Physica, que est de corpore
simplici caelesti, & elementari, quam
utilis sacra doctrina. 178.

Tertia pars Physica, que est duorum libro-
rum de ortu, & interitu, quantum refe-
rat ad sacra doctrina studium. 185.

Quarta de mixtis imperfectis, & perfectis,
sed inanimatis. 199.

Quinta de corpore animato, seu uiuente.
224.

Sexta de parvis naturalibus. 257.

De Physionomia. 292. col. 1.

De Pixidis Nautica inuentione. 385.

De Plantarum historia, varijsque eius di-
uisionibus. 469.

De vita Plantarum, & necessarijs earum
generationi & conseruationi. 471.

De partibus Plantarum. 472.

De facultatibus Plantarum. ibid.

De modo cognoscendi earum temperamen-
ta. 473.

De Plantarum degeneratione. 474.

Quam utilis S. doctrina studio historia
Plantarum. 475.

Poesis nomen, obiectum, origo, dignitas,
perfectio, diuisio, & utilitas pro Sacra
doctrina studio. 24. & seq.

De Politica tertia Philosophia Moralis
parte. 433.

De prima eius parte, siue de Reipublica
constitutione. 435.

De secunda, siue de Reipublica recte con-
stituta administratione. 438.

De Tertia, siue de collapsa Reipublica re-
stitutione. 446.

R

IN usu Rationis naturalis pro doctrina
sacra duo sunt extrema uitanda. pag. 1.
& sequent.

Ratio naturalis, scientiaque in illa fundata
quam utiles Sacra Doctrina. pag. 2. &
& sequen.

Regna prima Monarchia Synchrona Aegy-
pti. 494. Syconium. ibid. Arginorum.
ibid. Atheniensium ibid. Trojanu. 495.
Aboriginum. ibid. Spartanum ibid. Co-
rinthorum ibid. Lydorum. 496. Mace-
donum. ibid. Tyri. ibid.

Regna secunda Monarchia Synchrona, Cy-
prium. pag. 515. Tracicum. 517. Epi-
roticum. ibid. Respublica Carthagenen-
sis. 516.

Regna quarta Monarchia Synchrona, Fræ-
cicum in Gallia. 359.

Vestgoticum in Hispania. ibid.

Ostgoticum in Italia. 564.

Vandalorum. 565.

Hunorum. 566.

Polonicum. ibid.

Bohemicum. 567.

Britannicum. ibid.

Scoticum. 569.

Danorum. ibid.

Suecicum. ibid.

Norunegicum 570.

Siculum. ibid.

Neapolitanum, 571.

Hierosolymitanum. 572.

Mahometanum in Oriente. 573.

Turcicum. 574.

Respublica Veneta. 575.

Respublica Genuensis. 576.

Rethorica nomen, officium, finis, materia,
diuisio ex parte ferme, & utilitas pro
Sacra Doctrina studio. pag. 140. &
sequent.

Scien-

ALPHABETICVS.

S

Scientiarum Generalis diuifio. pag. 11.
& fequent.

Scientiarum omnium centrum eft homo.
pag. 12.

De Statica, & eius partibus, quamque fit
utilis Sacre Doctrina ftudio. 402.

V

DE Vranofcopia. eiusque partibus, A-
ftro nomia, Chronologia, Gnomoni-
ca, & Aftrologia. pag. 340.

De Ventis. 390.



REGE-

ALPHABETICA

REGESTVM.

††† ABCDEFGHIKLMNOPQRSTVXYZ.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr
Ss Tt Vv Xx Yy Zz.

Aaa Bbb Ccc Ddd Eee Fff Ggg Hhh Iii Kkk Lll Mmm Nnn Ooo Ppp
Qqq Rrr Sss Ttt Vuu Xxx Yyy Zzz.

Aaaa Bbbb Cccc Dddd Eeee.

Ompes sunt Duerniones.



R O M AE,
Typis Philippi Mariæ Mancini. M. DC. LXVIII.

SVPERIORVM PERMISSV:

THE HISTORY OF
THE UNITED STATES

OF AMERICA
FROM 1776 TO 1876

BY
J. H. HARRIS

NEW YORK
1876

THE
HARVARD UNIVERSITY

LIBRARY

OF THE
MUSEUM OF COMPARATIVE ZOOLOGY

AND
THE
MUSEUM OF NATURAL HISTORY

OF THE
HARVARD UNIVERSITY

OF THE
MUSEUM OF COMPARATIVE ZOOLOGY

AND
THE
MUSEUM OF NATURAL HISTORY

OF THE
HARVARD UNIVERSITY



5-2

